

讀史方輿紀要

讀史方輿紀要

第二冊

顧祖禹輯著

中華書局(北京)版

讀史方輿紀要目次

卷一

歷代州域形勢一 唐虞三代 春秋戰國 秦

卷二

歷代州域形勢二 兩漢 三國

卷三

歷代州域形勢三 晉十六國附

卷四

歷代州域形勢四 南北朝 隋

卷五

歷代州域形勢五 唐上

卷六

讀史方輿紀要 目次

讀史方輿紀要 目次

歷代州域形勢六 唐下 五代九國附

卷七

歷代州域形勢七 宋上遼夏附

卷八

歷代州域形勢八 宋下遼金元附

卷九

歷代州域形勢九

卷十

直隸一 封域 山川險要

卷十一

直隸二 順天府

卷十二

直隸三 保定府

卷十三

直隸四 河間府

卷十四

直隸五 眞定府

卷十五

直隸六 順德府 廣平府

卷十六

直隸七 大名府

卷十七

直隸八 永平府 保安州 延慶府

卷十八

直隸九 萬全行都司開平大寧二衛及諸衛附

卷十九

讀史方輿紀要 目次

江南一 封域 山川險要

卷二十

江南二 應天府

卷二十一

江南三 鳳陽府

卷二十二

江南四 淮安府

卷二十三

江南五 揚州府

卷二十四

江南六 蘇州府 松江府

卷二十五

江南七 常州府 鎮江府

卷二十六

江南八 廬州府 安慶府

卷二十七

江南九 太平府 池州府

卷二十八

江南十 寧國府 徽州府

卷二十九

江南十一 徐州 滁州 和州 廣德州

卷三十

山東一 封域 山川險要

卷三十一

山東二 濟南府

卷三十二

山東三 兗州府上

卷三十三

山東四 兗州府下

卷三十四

山東五 東昌府

卷三十五

山東六 青州府

卷三十六

山東七 萊州府 登州府

卷三十七

山東八 遼東行都司

卷三十八

山東九 朝鮮等附

卷三十九

山西一 封域 山川險要

卷四十

山西二 太原府

卷四十一

山西三 平陽府

卷四十二

山西四 汾州府 潞安府

卷四十三

山西五 澤州 沁州 遼州

卷四十四

山西六 大同府

卷四十五

山西七 蒙古等地附

卷四十六

河南一 封域 山川險要

卷四十七

河南二 開封府

卷四十八

河南三 河南府

卷四十九

河南四 懷慶府 衛輝府 彰德府

卷五十

河南五 歸德府 汝寧府

卷五十一

河南六 南陽府 汝州

卷五十二

陝西一 封城 山川險要

卷五十三

陝西二 西安府上

卷五十四

陝西三 西安府下

卷五十五

陝西四 鳳翔府

卷五十六

陝西五 漢中府

卷五十七

陝西六 延安府

卷五十八

陝西七 慶陽府

卷五十九

陝西八 平涼府

卷六十

陝西九 鞏昌府

卷六十一

陝西十 臨洮府 河洮岷三衛

卷六十二

陝西十一 榆林鎮

卷六十三

陝西十二 寧夏鎮

卷六十四

陝西十三 甘肅行都司 鞏慶衛附

卷六十五

陝西十四 哈密等地附

卷六十六

四川一 封城 山川險要

卷六十七

四川二 成都府

卷六十八

四川三 保寧府 順慶府

卷六十九

四川四 夔州府 重慶府

卷七十

四川五 遵義府 敘州府

卷七十一

讀史方輿紀要 目次

四川六 潼川州 眉州 邛州

卷七十二

四川七 嘉定州 瀘州 雅州

卷七十三

四川八 龍安府 馬湖府 鎮雄等各種隘府司衛所附

卷七十四

四川九 建昌行都司 番戎附

卷七十五

湖廣一 封域 山川險要

卷七十六

湖廣二 武昌府 漢陽府 黃州府

卷七十七

湖廣三 承天府 德安府 岳州府

卷七十八

湖廣四 荊州府

卷七十九

湖廣五 襄陽府 鄖陽府

卷八十

湖廣六 長沙府 常德府 衡州府

卷八十一

湖廣七 永州府 寶慶府 辰州府

卷八十二

湖廣八 郴州 靖州 施州等 驛 隆 衛 司 附

卷八十三

江西一 封域 山川險要

卷八十四

讀史方輿紀要 目次

江西二 南昌府 瑞州府 南康府

卷八十五

江西三 九江府 饒州府 廣信府

卷八十六

江西四 建昌府 撫州府

卷八十七

江西五 吉安府 臨江府 袁州府

卷八十八

江西六 贛州府 南安府

卷八十九

浙江一 封域 山川險要

卷九十

浙江二 杭州府 嚴州府

卷九十一

浙江三 嘉興府 湖州府

卷九十二

浙江四 紹興府 寧波府 台州府

卷九十三

浙江五 金華府 衢州府

卷九十四

浙江六 處州府 温州府

卷九十五

福建一 封域 山川險要

卷九十六

福建二 福州府 興化府 福寧州

卷九十七

福建三 建寧府 延平府

卷九十八

福建四 汀州府 邵武府

卷九十九

福建五 泉州府 漳州府

卷一百

廣東一 封域 山川險要

卷一百一

廣東二 廣州府 肇慶府 羅定州

卷一百二

廣東三 韶州府 南雄府

卷一百三

廣東四 惠州府 潮州府

卷一百四

廣東五 高州府 雷州府 廉州府

卷一百五

廣東六 瓊州府

卷一百六

廣西一 封城 山川險要

卷一百七

廣西二 桂林府 平樂府

卷一百八

廣西三 梧州府 潯州府

卷一百九

廣西四 柳州府 慶遠府

卷一百十

廣西五 南寧府 太平府

卷一百十一

廣西六 思恩軍民府 鎮安府 思明府 田州 泗城等羅際州縣及長官司附

卷一百十二

廣西七 安南等國附

卷一百十三

雲南一 封域 山川險要

卷一百十四

雲南二 雲南府 曲靖軍民府 尋甸府

卷一百十五

雲南三 臨安府 澂江府 廣西府 廣南府 元江軍民府

卷一百十六

雲南四 楚雄府 姚安軍民府 武定府 景東府 鎮沅府

卷一百十七

雲南五 大理府 鶴慶軍民府 麗江軍民府 永寧府 北勝州瀾滄衛附

卷一百十八

雲南六 永昌軍民府 蒙化府 順寧府 雲州

卷一百十九

雲南七 車里等各羈縻土司附

卷一百二十

貴州一 封域 山川險要

卷一百二十一

貴州二 貴陽軍民府 安順軍民府 都勻府 平越軍民府 黎平府各衛所附

卷一百二十二

貴州三 思南府 思州府 鎮遠府 銅仁府 石阡府各衛附

卷一百二十三

讀史方輿紀要 目次

貴州四 龍里軍民等衛

卷一百二十四

川瀆一 禹貢山川

卷一百二十五

川瀆二 大河上

卷一百二十六

川瀆三 大河下

卷一百二十七

川瀆四 淮水 漢水

卷一百二十八

川瀆五 大江 盤江

卷一百二十九

川瀆六 漕河 海道

卷一百三十

分野

讀史方輿紀要

目次

讀史方輿紀要

卷二十二

江南四

淮安府。

東至海岸二百三十里。南至揚州府三百二十里。西至鳳陽府泗州百九十里。北至山東莒州五百九十里。西北至山東沂州五百四十里。自府治至江寧府五百里。至京師二千五百里。

禹貢揚州之域。春秋屬吳。戰國屬楚。秦屬九江郡。漢屬臨淮郡。後漢屬廣陵郡。及下邳國。三國魏為臨

淮。廣陵二郡地。晉因之。東晉時。建為重鎮。義熙中。分廣陵立山陽郡。劉宋因之。秦始皇中。又僑立兗州。治

陰縣。齊曰北兗州。亦為重鎮。梁因之。大清中。沒於東魏。改置淮州。又分置淮陰郡。隋開皇初。改置楚州。十

二年。移治山陽。大業初。州廢。改屬江都郡。唐武德四年。置東楚州。八年。改為楚州。天寶初。曰淮陰郡。乾

元初復故。五代時。升為順化軍。舊史。後唐長興三年。升楚州為順化軍。授吳越錢元珙為節度使。鎮明州時。楚州屬於楊吳。蓋遙領也。宋亦曰楚州。亦曰山陽郡。建炎四年。置楚泗承州。及遼

水軍鎮撫等使於此尋廢

宋末改淮安州元爲淮安路屬河南行省明初改爲淮安府直隸京師領州二縣九今仍曰

淮安府

府阻淮憑海控制山東春秋時夫差欲通中國道出江淮卽從事於此及曹丕謀吳舟師亦繇此而南也其後南北有事輒倚爲重鎮東晉初以祖約劉隗相繼守此荀羨曰

羨永和中鎮淮陰

淮陰舊鎮地形都要

水陸交通易以觀釁沃野有開殖之資方舟有運漕之利是也太元三年苻秦入寇襄陽其兗州刺史彭超曰願更遣重將攻淮南諸城爲碁劫之勢東西並運丹陽不足平也堅從之益發兵寇淮陰盱眙蓋淮陰去丹陽四百里而近北對清泗則轉輸易通南出江津則風帆易達繇淮入江此其必爭之道矣梁沈約曰山陽北接清泗臨淮守險有平陽石鼈田稻豐饒北魏高閭謂壽陽盱眙淮陰爲淮南之本原豈不信哉唐李邕曰淮陰者江海通津淮楚之巨防也其後楊吳據有淮南以山陽清口爲門戶遂能挫朱溫之鋒及山陽入於後周而南唐之烽火近在江濱矣宋人南遷以江淮立國於是山陽之勢益重吳表臣曰山陽控扼之地失之則無以屏蔽淮東徐宗偃曰山陽南北必爭之地也我得之可以進取山東敵若得之淮南不能以朝夕固矣陳敏曰楚州南北噤喉也長淮二千餘里河道通北方

者凡五曰潁曰蔡曰渦曰汴曰泗而通南方以入江者惟楚州運河一處周世宗自北神堰鑿老鶴河通戰艦入大江唐之淮南不可復保此前車也是故韓世忠嘗保山陽以拒方張之寇

老熊之常道而淮東得以安廢此守淮之要法也 劉錡議塞清口以阻逆亮之師 紹興三十一年金亮南侵劉錡鎮楚州擊敵舟沉清口敵之舟師兵八萬於山陽如

而南敵勢遂益張 及蒙古侵陵叛臣劉整亦勸其從事於清口桃源為進取之計豈非地利不可或忽乎元董搏霄曰淮安南北噤喉江浙衝要其地一失兩淮皆未易保今歲漕數百萬咸取道於淮安嗚咽或生則

京師有立稿之慮故特設重臣置屯軍以經略之然則南北安危所係豈不以淮安哉

山陽縣

附郭漢臨淮郡射陽縣地後漢屬廣陵郡晉因之義熙中置縣為山陽郡治以境內有山陽道而名宋齊及梁因之後魏亦為山陽郡治隋廢郡尋為楚州治大業初屬江都郡唐亦為楚州治宋因之紹定初升山陽縣為淮安軍端平初又改為淮安州尋曰淮安縣德祐元年元人於馬羅寨立山陽新城以逼淮安明年淮安陷仍曰淮安縣二年以淮安并入山陽明因之編戶一百有二里

淮安城

即山陽舊城也沈約云義熙中始立山陽縣或曰城本東晉初所置太和四年桓溫伐燕敗還收散卒屯於山陽即此城矣自義熙以後皆為山陽郡治宋元嘉二十八年魏主燕南寇至瓜步山陽太守蕭僧珍悉飲其民入城善陵水令滿須魏人至此五代周顯德四年周主攻楚州克其月城是也宋末始改山陽曰淮安元省志云今郡有三城曰舊城新城聯城舊城相傳即

義熙故址。南宋初復修築之。北使過此。目爲銀鑄城是也。其北門曰閭門。南門樓曰宴花樓。西門曰望雲。城周十二里有奇。新城在舊城北一里北辰鎮。元所置山陽縣城也。張士誠改築。周七里。有奇。洪武二年置大河衛於城內。舊城之北。新城之南。有隙地。嘉靖三十九年築爲聯城。今亦謂之夾城。四門十二樓。爲垣凡七千丈有奇。

淮陰城

府西北四十里。秦縣。漢仍爲淮陰縣。韓信以楚王改封淮陰侯是也。尋屬臨淮郡。後漢屬下邳國。晉爲廣陵郡治。東晉時建爲重鎮。建興末祖逖渡江屯淮陰。起治鑄兵募兵而前。大興四年以劉隗爲青州刺史。鎮淮陰。永和五年荀羨鎮淮陰。以地

形都要。屯兵無地。乃營立城池。八年以荀顯監青州軍事。鎮淮陰。太元三年符秦將俱難等寇陷淮陰。既而謝元等進攻。帥舟師乘潮而上。夜焚淮橋。秦人敗遁。淮橋秦人作於淮上。以渡兵者也。十年謝元鎮淮陰。明年以朱序代元。義熙五年以南燕屢寇淮。北詔并州刺史劉道憐鎮淮陰。宋泰始三年使行徐州事。蕭道成鎮淮陰。五年盡失淮北地。淮陰益爲重鎮。移兗州治焉。七年謂之北兗州。齊建元初魏人南侵。遣將拓跋嘉等分道出淮陰及廣陵。梁亦謂之北兗州。後又改置淮州及淮陰郡。太清三年沒於東魏。亦曰淮州及淮陰郡。而改淮陰縣曰淮恩。後齊因之。陳大建五年伐齊。淮陰降。九年沒於後周。又改縣曰壽張。備置東平郡治焉。隋開皇初復改郡曰淮陰。尋廢郡以縣爲淮陰縣。屬楚州。大業初州廢。又併縣入山陽。唐乾封二年復析置淮陰縣。仍屬楚州。宋因之。紹興五年廢爲鎮。明年復故。三十一年金亮南侵。將自清口渡淮。劉錡次於淮陰。列兵運河岸以遏之。敵不敢進。嘉定七年移縣於八里莊。尋復舊治。元至元二十年并入山陽。

新城

在府西三十里。宋咸淳五年置新城縣爲控扼之處。屬楚州。元至元二十年省入山陽。今城東北有仁義二壩。自城南引湖水。東北抵壩口。城西北有禮智信三壩。亦引湖水。西北抵壩口。每遇清江口淤塞。運船從東二壩入淮。官民商船經西三壩入淮。

所謂淮安五壩也。永

樂十三年陳瑄所置。

韓信城。府西十里。相傳韓信受封時所築。元至正十六年。張士誠遣兵攻淮安。褚不華與劉甲拒守。甲別將兵守韓信城。與淮安城相犄角。寇不能陷。會甲奉檄別往擊賊。淮南孤危。遂爲士誠所破。又有韓王莊在淮陰故城西北。信家宅皆在焉。○甘羅城。

在淮陰故城北一里。相傳甘羅所築。故淮陰亦兼甘羅之稱。運道攷。甘羅城東有天妃祠。祠東北爲天妃口。永樂初。陳瑄置新莊。闢於此。爲入淮之口。後移於三里溝。在甘羅城東南。謂之通濟關。萬歷六年。又移闢於甘羅城南。西接淮口。卽今之運道。

倉城。在府城東南。寰宇記。山陽東南有故倉城。與郡城相接。隋文帝將伐陳。因舊城修築。儲積餘百萬石。大業末。恆有陳毅亂。後荒廢。志云。今府東南六十里有倉城。○拓塘城。在府西南四十里有三城。約圍一里許。水經其西。相傳煬帝幸江都。聚糧處也。又有劉王城。在府東南十里。運河西岸。相傳吳王濞所築。又有

西遼城。在府治東二里。相傳唐太宗征遼時。徵兵屯此。因名。

鉢池山。府西北四十里。以形似名。岡阜盤旋。凡三四里。今堤此以禦河患。又有金牛洞。在府西北十里。五代周世宗嘗宿兵於此。

淮水。在城北五里。自泗州龜山北。隨東流。稍折而北。至清河縣南。黃河來會焉。又東北流。至城北。復東流九十里。經安東縣城南。又東北流入海。天下之大川。莫過於河。而淮又與之合。兩瀆同流。犇騰盤曲。郡適當其衝。故水患常多。而形勝亦萃焉。今詳見大

川河淮及川瀆異同。

清江浦。在府城西。自城外達於淮。凡六十里。舊爲沙河。一名烏沙河。宋志。楚州北有山陽灣。淮流迅急。每致沉溺。雍熙中。漕臣劉燾。議開沙河。避淮水之險。喬維岳繼之。自楚州至淮陰。開導凡六十里。舟行便利。其後淤塞。明永樂中。平江伯陳瑄。修治運河。

故老言。城西管家湖西北至鴨陳口。僅二十里。與清河口相值。宜鑿爲渠。引湖水入淮。以便漕運。瑄從之。乃鑿清江浦。引水。蘇管家湖。入鴨陳口。達淮。蘇管家湖築堤亘十里。以便引舟。其入淮之處。設河口壩。新莊兩。以時啓閉。自新莊開而東。因其高卑。遷爲

福興、清江、移風等關。至府南淮陰縣。而合於潰河。復慮北河漲溢。甯僂潰河。於是隄北河南岸。長四十里以防之。又慮南河漲溢。北侵潰河。於是築潰河南高家堰一帶。長二十六里以防之。潰河只許糧船及逃奉船入口。五口一放。旋過旋塞。設官監督。其大小官民船艦。悉蘇五礮車盤。以遠外河。無敢闖入者。於是運道通行無阻。後稍廢弛。至隆慶四年。淮決高家堰。清口淤塞。糧道艱阻。五年。漕臣王宗沐於府西南築高家堰。隄北自武家墩。經大小澗。至阜寧湖。計三十餘里。以捍淮之東。又於府之北境。堤新城。起清江浦。經鉢池山。至柳浦灣。凡六十餘里。以捍河之南。溢。萬歷五年。漕臣吳桂芳等修新莊等閘。增築清江浦南堤。以禦湖水。加北岸以禦黃淮。又板板關。漕堤南連舊堤。北接新堤。六年。河臣潘季馴復經理之。而運河復爲安流。浦旁有倉。以備積儲。爲轉輸之利。卽今常盈倉也。

山陽潰

在府城東。古邗溝也。其入淮處。謂之末口。春秋哀九年。吳城邗溝。通江淮。杜氏曰。於邗江築城穿溝。東北通射陽湖。西北至末口入淮。以通糧道是也。國語。夫差使王孫苟告勞於周曰。余沿江沂淮。開溝深水。出於商魯之間。吳越春秋。吳將伐齊。自廣陵開江通淮。卽此潰矣。歷秦漢至南北朝。道出江淮。必繇此潰。隋開皇九年。將伐陳。於揚州開山陽潰。以通漕。大業元年。以邗溝水道風曲。發民濬治。自山陽至揚子入江。渠廣四十步。舊自府城東南郭。又西北流。至城北。達於淮。唐宋以來。運道皆繇此。明永樂初。卽開新河。繇郡西徑達於淮。自府南六十里。平河橋。南抵瓜儀。則潰河舊道也。今皆隄湖鑿渠置閘設澗。以時啓閉。使旱潦相準。爲轉輸之利。亦謂之濁水。亦謂之內河。

老鶴河

在城西七十里。五代周顯德四年。略唐淮南。欲引戰艦自淮入江。阻北神堰。不得度。因鑿楚州西北鶴水。以通其道。旬日而成。巨艦數百艘。皆達於大江。蓋繇鶴河出山陽潰。以入江也。或謂之灌口。隋大業中。築汴堤。自大梁至灌口。卽此。

故城河

在府東南五十里。本名壽河。唐景福初。朱全忠將劉瓌據楚州。感化節度使時溥自楚州而南。揚行密將張勳敗之。壽河遂取楚州是也。河東入射陽湖。西南連黃浦。明安治間。嘗濬之。以達鹽城。高郵寶應。興化諸處。

永濟河

在府南十里一名新河萬曆六年以清江浦淺阻開此濟運長六十五里設三關東接運濱口亦曰寧灣關又西曰永清關又西曰龍江關以接於淮行運一年議者以妨於部稅旋閉二十四年河臣楊一魁以淮水泛溢乃分引淮流蘇永濟河達

涇河下射陽湖入海既而復塞天啓三年以淮河正流淤淺乃濬新河以通回空等船而大挑正河明年工畢運船仍蘇

正河新河復壅塞之今濶常居敬云新河北去清江浦十里內有管家湖徐家湖二澤蓄水宜時濬之以防正河之匱乏

涇河

府南五十里亦入寶應縣界分引漕河漲溢東流注於射陽湖又濶河在府東南五十里舊為鹽城運道府東境小水多會於此下流入射陽湖○范家河在府城東萬曆十四年河決范家口今有石堤防衛又草灣河在府西二十里淮河北岸南對清

江浦嘉靖三十二年淮河旁決於此分流成河萬曆四年河臣吳桂芳復開濬

之後通塞不時十七年河復蘇此分流凡六十里至安東赤宴廟仍歸正河

射陽湖

府東南七十里亦曰射陂一名博支河闊三十丈長三百里與鹽城寶應縣分界漢武帝子廣陵王胥有罪其相勝之奏奪王射陂是也唐大歷三年嘗置官屯於此葺廢今府境東南諸水皆匯於湖中復灌輪於淮以入海而潮沙溢入淺淤且過

矣牛

管家湖

在府城西望雲門外宋嘉定開郡守應純之言本州向西一帶湖蕩相連可以設險合別開新河一道與運河接取土填壘捍岸則舊運河與湖通連水面深闊形勢益便遂開河於湖北築壘湖岸以限湖水自馬家灣西至陳文莊於是管家湖與

老鶴河相接楚州西北宛然巨浸且練習舟師為戰守計敵不敢犯一名西湖其接老鶴河處亦謂之新路○阜甯湖在府西南五十里通高家堰之南又西接洪澤湖淮水盛漲往往挾湖水為患堤防常切焉

洪澤屯

在府東唐志上元中於射陽湖置洪澤屯厥田沃壤大獲其利又有洪澤關宋隆興中魏勝守海州調發兵糧蘇運河至洪澤出關入淮是也○白水塘在府西南九十里魏鄂艾修此灌田置屯四十九處與盱眙破釜塘相連今詳揚州府寶應縣

柳浦灣。

府東北四十里。萬歷初。河臣潘季馴築堤防河處也。河防攷。柳浦東。有高嶺巡司。亦河濱要口。季馴自柳浦接築長堤至此。凡四十里。

馬邏港。

在府東北九十里。繇此陸路走廟灣。明初。徐達攻淮安。敗張士誠援兵於此。遂拔淮安城。今有巡司戍此。唐順之曰。自馬邏陸路至廟灣。兵勢迂而饋餉亦艱是也。又蘆浦港在府東北百十里。東南入射陽湖。○建義港在府東北八十里。東南流合

通濟溝。入射陽湖。又北注於淮。志云。通濟溝在府東北六十里。東經馬邏港而入射陽湖。西自橫溝入於淮。○高良澗在府西南九十里。志云。繇清河澗沙埭橋西入淮。萬歷二十一年。淮水決入此。

海。

府東二百里有大海口。爲淮河入海處。其南爲廟灣。廟灣之西爲劉莊。又西南爲鹽城縣之姚家場。皆沿海大鎮也。大海口東南有蛤蜊麻線二港。爲窺伺之徑道。宋末。李全作亂。據楚州。遣海舟出海口。繇蘇州洋入平江嘉興。以習海道。明嘉靖中。倭亂廟灣。

劉莊受害

尤劇云

北神堰。

在府城北五里。古未口也。吳王夫差溝通江淮之處。後人於此立堰。以淮水低溝水高。防其洩也。舟行度堰始入淮。亦號爲平水堰。五代周顯德五年。自將兵攻楚州。欲引戰艦自淮入江。盡略淮南地。而齊雲艦大阻北神堰。不得度。謀擊鷓水。以通

其道。遣使行視。還言地形不便。周主自往規畫。發民夫濬之。旬日而成。巨艦數百艘。皆達於江。唐人大驚。以爲神。宋天聖四年。易爲水堰。今新河導而北神堰遂廢。

高家堰。

府西南四十里。漢陳登築堰防淮。此其故址也。明永樂初。陳瑄始爲築治。隆慶四年。淮水決於此。王宗沐復修葺之。萬歷三年。又爲淮水決壞。六年。潘季馴更爲修築。堤長六十里。河防攷。高家堰西有阜陵。洪澤諸湖。隆慶中。淮水挾湖水決於此。合

揚州寶應縣之白馬。汜光諸湖。又決黃浦八淺。山陽高寶。與鹽諸境。悉爲巨浸。淮既東。黃河亦躡其後。西灌鳳酒。而清口壅塞。淮黃交病矣。萬歷中。更爲修築。堰南有越城。周家橋。地勢稍亢。因築減水壩。淮水漲。則溢入白馬湖。消則仍爲陸地。而後運道無阻。

蓋高堰者黃淮
兩河之關鍵也。

常豐堰。在府東南。唐大歷中黠陟使李承置。以禦海潮。溉屯田瘠鹵。收常十倍他稅。又棠梨涇。志云在淮陰西九十里。唐長慶初所開。

通濟關。在淮陰故城南。卽濁水入淮處。永樂中陳瑄於天妃寺東北通河之口。置新莊關。爲運道咽喉之地。自新莊以至板關。或爲四關。或爲五關。以時增減。達於城南。宏治七年。河灌新莊關口。至清江浦三十餘里。淤淺不通。詔有司修濬。嘉靖末廢新莊

關。改置通濟關於三里溝。隆慶中。河臣萬恭復開天妃口關。以濟運。既而復開天妃口。縣通濟關。六年。河臣潘季馴奏。遷通濟關於甘羅城南。今因之。

廟灣鎮。府東北百八十里。爲濱海衝要處。亦曰廟灣場。嘉靖中倭寇往往闖入於此。志云。府東北九十里。爲馬邏鎮。有馬邏巡司。戍守百六十里。爲北沙鎮。又三十里。卽廟灣。有廟灣巡司。○劉莊在府東南百五十里。嘉靖二十八年。倭據廟灣。東侵淮安。官

兵敗之於姚家灣。又敗之於劉莊。賊復遁入廟灣。尋敗走。官軍追至蝦子港。賊乘舟開洋遁去。

南昌亭。在府西三十里。秦置亭於此。韓信寄食南昌亭長是也。又歐陽戍亦在淮陰舊縣界。南北朝時戍守於此。宋泰始中。吳喜使蕭道成屯軍歐陽。卽此。○羊營在府東北二百二十里。有巡司戍守。其西爲戴百戶營。亦海口列戍處也。

周家橋。府西南九十餘里。北至高堰五十里。又南爲翟家壩。淮水東溢。往往從此奔衝。爲高寶一帶之患。隄防至切。又平河橋在府西南四十里。南至寶應縣六十里。爲往來通衢。○西義橋在新城西門外。舊名西鐵橋。爲行旅輳集之所。又東義橋在新城東門外。河防。清河而下。黃淮交流注海。越二十里。一大折於淮郡之西橋。又五十里。一大折於徐家壩。湍激之勢不可無備。○志云。府城望雲門外有淮陰驛。又崇河滿浦二驛。今革。

清河縣

府西五十里西南至泗州百五十里南至泗州天長縣二十十里漢淮陰縣地唐爲臨淮縣地乾符中高駢置淮寧軍於淮口即此宋爲泗川清河口地紹興初屯重兵於此咸淳末始置清河軍及縣元至元十五年廢軍以縣屬淮安路縣無城今編戶

三十
六里

吳城

縣西二十里大清河之涯有東西三城宋南渡後嘗置縣於此會要云紹興五年罷楚州吳城縣爲吳城鎮是也又有清河舊城志云縣初治大清口元泰定中黃河決溢遷於甘羅城大歷初以地僻水災民居稀少遷於小清河口之西北即今治也東

去淮陰
城十里

黃河

在縣西自桃源縣流入境至縣治西南清河口而入淮自是河淮合一沂泗諸流盡失其舊○淮河在縣南自泗州流入境至小清河口黃河流合焉自此以東淮皆變爲河而客大主小決溢不能免矣

清河

在縣治西即泗水下流也自山東泗水縣流經徐邳之境過桃源縣北又東至縣西北三十里之三岔口分爲大小二清河大河縣縣治東北入淮小河縣縣治西南入淮即古清口也今爲河淮交會之口詳見大川

洪澤湖

在縣南六十里湖長八十里與泗州盱眙縣相接又北萍湖在縣南九十里與淮水通流○三角湖在縣西北八里四圍高阜水豬其中雨潦漲溢則注於大清河志云縣境湖澤相連大小以數十計其下流皆達於河淮縣蓋鍾水之區矣又雙溝

在縣西南三十里出泗
州達家灣通流入淮

魚溝鎮

縣北四十里又北二十里舊爲金城驛亦曰金城鄉往來孔道也又有浪石鎮在縣東北二十里萬歷十四年議者欲自桃源縣界三岔鎮渚老黃河經魚溝浪石又東至瓦子灘顏家河仍合安東縣赤宴廟之正河是也

洪澤鎮。亦曰洪澤驛。在河北岸。唐咸通九年。龐勛據彭城。其黨吳迥攻泗州甚急。勅使郭厚本將淮南兵救之。至洪澤。不敢進。辛驥從泗州出求救。因邀五百人至淮南岸。度淮擊賊。走之。明設洪澤巡司於此。○馬頭鎮在縣東七里。其下爲馬頭渡。有巡司。

戍守亦淮

濱要地。

鹽城縣

府東南二百三十里。西南至高郵州二百四十里。北至安東縣二百里。漢鹽濱縣。屬臨淮郡。後漢屬廣陵郡。三國時廢。晉復置。仍屬廣陵郡。義熙中。改曰鹽城縣。劉宋屬山陽郡。齊梁因之。高齊置射陽郡。陳改曰鹽城郡。後周因之。隋初郡廢。仍曰鹽城縣。屬楚州。大業初。改屬江都郡。唐仍屬楚州。南唐屬泰州。宋復屬楚州。紹興初。屬漣水軍。尋復舊。元屬淮安路。今城周七里。編戶八十三里。

射陽城

縣西九十里。漢縣。屬臨淮郡。高祖封項伯爲侯。侯表漢六年。封劉繹爲射陽侯。即項伯也。後漢屬廣陵郡。陳登爲廣陵太守。治射陽。三國時廢。晉復置。仍屬廣陵郡。劉宋備置於江南。屬臨淮郡。而故射陽縣遂廢。齊梁因之。隋末。韋徹據鹽城。置射州於故射陽縣。又分置新安。安樂縣。唐廢射州。省三縣俱入鹽城。戴延之西征記曰。吳王濞反於廣陵。射陽侯率衆至山陽。拒之。縣有山陽津。晉因以名郡。○巢城在縣北百二十里。相傳黃巢將寇廣陵。屯兵於此。因築是城。

沙岡

在縣西北。南抵縣西十八里之岡。門鎮。東北距海。延袤五六十里。

海

在縣東。自海浦東北出洋。凡五十里。相傳元時漕運。緣此港出海。以達直沽。有隄在東門外二里。謂之捍海堰。唐大歷中。李承爲淮南節度判官。謂海潮漫爲鹽。良田必廢。因自縣東北接山陽縣。南抵通泰海門。築堤障岸。綿亘數百里。宋天聖初。張綸刺泰州。留意修復。時范仲淹監西溪鹽倉。力贊之。議移堤勢稍西。壘石以固其外。迤邐如坡。不與水爭。雖洪濤不能衝擊。五年。堤成。長一百四十三里。有奇。俗謂之塘湖岸。淳熙八年。淮東提舉趙伯昌言。捍海堰。護民田。屏蔽鹽。其功甚大。今日就頽圯。每風潮

泛溢輒決沒田廬。發饗亭廬自宣和紹興以來。屢被其害。望勅有司隨時修葺。務令堅久。從之。亦謂之范公堤。於是濱海沮洳。幽鹵之地。復爲良田。民得奠居。元詹士龍爲興化宰。復加修葺。其利民景泰三年重修。嘉靖中倭賊從山陽大海口闖入縣境。官軍據岸遏之。賊不能前。蓋不特田疇攸賴。而亦守禦所資也。

射陽湖。縣西北四十里。明萬歷中興化令歐陽東鳳議。以射陽淤塞。欲於湖旁二十餘里開神臺河。迤北蘇葫蘆港。迤西出滕隴。隴口直走廟灣入海。不果。今與山陽寶應縣接界。○大蹤湖在縣西南百里。南北徑三十里。東西廣十五里。與興化分湖爲界。南接魚鯨湖。北達射陽湖。又馬鞍湖在縣西三十里。環三十里。下流亦北入於射陽湖。

蘆溝河。在縣西北六十里。志云。縣西五十里有東塘河。又西曰西塘河。俱自大蹤湖分流。至此合爲蘆溝河。又西北三十里。合於張岐塘。塘袤三十里。又北經縣西北百里之侍其汊。而合馬鞍湖之水。又西北達於射陽湖。

運河。在縣西南七十里。志云。通泰以北諸水。經縣西南八十里。爲東西界河。與興化縣中流分界。西入大蹤湖。自界河分流北出。爲舊運河。又有新運河。在縣東南五十里。流經縣東南三十里。伍祐鹽場。西北合於舊運河。又西北注於東塘河。又有官河。亦自大蹤湖引流而北。至縣西五十里。注東塘河。謂之鹽河。

廣惠礎。縣東三里。舊名白波。激運河水漲。則自此決。灌入海。以殺水勢。夏秋海潮浩大。亦蘇此衝。入侵田。宋淳熙六年。攝縣事教授劉煒。始用磚石整砌。名曰廣惠。明萬歷四年。河臣王宗沐修鹽城石礎海口。以疏運河漲水入海之路。卽此。邑志。廣惠礎。宋紹興五年重修。洪武二十九年復建。

鹽城監。在縣南古鹽亭也。歷代海岸煎鹽之所。南唐置監管鹽亭百二十三。寰宇記。南唐立鹽城鎮。周平江淮。因之不改。管鹽場九。所曰伍祐。曰柴莊。曰南八遊。曰北八遊。曰丁溪。曰竹子。曰新興。曰七惠。曰四安。俱在縣南北三五十里之間。邑志。縣民以煎

鹽爲業。不耕種而富饒。公私商運。軸輻千計。此吳淞所以富國強兵。而抗衡漢室也。今府境之鹽場凡十。而在鹽城者四。曰白駒。曰劉莊。曰伍祐。曰新興。在山陽者一。曰廟灣。在海州者三。曰板浦。曰莞瀆。曰臨洪。在安東者凡二。曰興莊。團曰徐浦。濱皆民生所賴。而國用所資也。

喻口鎮。縣西北百二十里有喻口渡。淮河津要也。宋紹定三年。叛賊李全據楚州。襲陷鹽城。誘射陽湖人遺浮橋於喻口。以便鹽城。往來。明設喻口鎮巡司。嘉靖中。倭屯廟灣。唐順之謂若從寶應拖船過壩。自清溝。喻口水路遂攻。路徑而餉易。是也。清溝鎮

今在縣西百四十里。有清溝渡。縣西北四十里。又有清溝巡司。舊名崖溝。

朦朧鎮。縣北百八十里。志云。廣洋射陽諸湖下流。昔時俱經朦朧。喻口出廟灣入海。又有莊鎮。在縣東南三十里。新興鎮在縣北十

八里。卽伍祐新興二鹽場也。又沙溝鎮在縣西百四十里。又縣西七十里。有大岡鎮。又西十里。爲唐橋鎮。皆商民輳集之所。

○姚家溝在縣西北商賈輳集。爲濱海大鎮。

安東縣。府東北九十里。北至海州二百八十里。西至桃源縣百六十里。漢淮浦縣地。屬臨淮郡。後漢屬下邳郡。晉屬廣陵郡。後省。齊建元年。始移東海郡治漣口縣。仍僑置襄真縣於此。東魏曰海安郡。隋初廢郡。改縣曰漣水。屬海州。唐武德四年。置漣州。貞觀初。州廢。縣屬泗州。總章初。改屬楚州。咸亨五年。仍屬泗州。宋太平興國五年。置漣水軍。熙寧五年。改爲縣。隸楚州。元祐初。復爲軍。紹興五年。廢爲縣。三十二年。復爲軍。旋沒於金。紹定初。歸宋。改爲縣。屬寶應州。端平初。又爲漣水軍。景定初。改安東州。治漣水縣。元省縣。以州

屬淮安路。明初改州爲縣。縣無城。編戶四里。

金城。縣東北三十里。唐武德四年分漣水縣置金城縣。貞觀初省。今爲金城鎮。志云。縣治東有三城。曰大城。曰東城。二城相連。夾城有濠。謂之市河。又有西城。與大城稍遠。百餘步。亦有濠。俱宋嘉熙中知州蕭均所築。今廢。城邑攷。縣北十五里有營城。元末蓋

搏菁駐

兵於此。

漣水。在縣治南。自山陽縣流入境。縣西南三里有金剛嘴。突出淮岸。當波流衝激處。因砌築之。以殺水勢。遂爲西城捍蔽。過縣南。東流五十里。折旋入海。海北有雲梯關。亦曰雲梯海口。志云。縣東十五里有淮堤。卽范公堤也。

漣水。縣西北三里。卽沭陽縣之沭水分流也。在沭陽者曰南漣。在縣境者曰北漣。又有西漣。中漣。東漣之名。中漣闊八十丈。北通官河南。通市河。其上流曰西漣。下流曰東漣。皆闊三十餘丈。自城東入淮。謂之漣口。漢志。淮浦縣有游水。北入海。水經注。淮水自

淮陰又東至淮浦縣。枝分爲游水。北至胸縣。與沭水合。蓋卽漣水矣。蕭齊建元四年。魏人南侵。分遣元泰等一軍出漣口。杜佑曰。漣水縣有漣口。渡今黃河南注漣水。入於黃河。萬歷三十六年水漲。徙去民居。作壩相隔。漣水雖仍入河。離縣東漣口已十五里。

謂之
壑上。

官河。縣北三十里。一名漣河。唐會要。垂拱四年。開泗州漣水縣新漣渠。以通海。沂密等州。南入於淮。宋元符初。工部言。淮南開修楚州支家河。導漣水與淮通。賜名通漣河。卽此河也。今自西漣南通中漣。至縣東北百里。接過壘等河南入淮。北通海州諸驪場。

爲商旅輳集之道。○一帆河在縣東北五十里。南接東漣。北通海縣。東北過壘白陽等河。凡十餘道。皆西接官河。東入一帆河。以達於海。

支家河。在縣西十五里。其上流爲縣西北七十里之古寨河。經縣西北十五里。爲成子河。又南爲支家河。南入於淮。志云。支家河。有古月城。去縣二十五里。又大義河。在縣西北五十里。又西北二十里。爲小義河。自沭陽縣桑墟湖導河東流。達於澧水。

碩項湖。縣西北百二十里。湖東西四十里。南北八十里。與海州沭陽餉榭接境。亦曰太湖。又謂之石灌湖。一名碩灌湖。其西接桑墟湖。爲澧水之上源。○傳湖在縣東北八十里。袤十里。廣六里。又龍潭在縣治東南。南臨長淮。爲堰以蓄水。本名澳河。城中市

河流
入焉。

海。在縣東北百餘里。縣境之水。皆匯於此。志云。縣東迤北有五港。灌口諸處。向爲黃河委流。達海之道。迂曲周迴。幾二百餘里。深闊不及正流十分之一。

白頭關。縣東北百里。輿程記。縣縣東北三十里至金城鎮。又四十里爲對江口。又三十里爲白頭關。縣陸路趨海州之道也。○雲梯關在縣東北。輿程記。自縣東水道抵雲梯關。凡二百四十里。與海州接界。今詳見海州。又老鶴亭在金城鎮東北六十里。自

縣境趣山東
登萊之道也。

長樂鎮。在縣東北百里。有巡司戍守。又魚場口鎮。在縣東北百三十里。又有壩上巡司。在縣治東南。卽澧水壩也。爲淮濱之津要。

桃源縣。府西北百二十里。西北至宿遷縣九十里。南至泗州百九十里。本宿遷縣之桃園鎮。金輿定初。置淮濱縣。屬泗州。尋廢。元復置桃園縣。屬淮安路。後訛園爲源。今土城周三里。編戶四十三里。

古城。縣西北六十里。志云。晉石崇鎮下邳時築此城。今爲古城驛。嘉靖四十五年。改巡司。又靈城在縣北二十里。相傳楚靈王所築。城南二里有章華臺故址云。

馬廠坡。在縣東黃河南岸。明隆慶四年大河決於此。萬曆中因崗築堤以防潰決。河防放馬廠坡地勢平淺。黃水漲則從此入淮而淮淤。淮水漲則從此分入河而清口淤。築橫堤於此所以障黃淮之浸淫也。

黃河。在縣城北。其西北三十里曰崔鎮口。有崔鎮渡。河嘗決於此。崔鎮而東二十里曰徐昇口。又東三十里曰季泰口。又東二十里。即三汊鎮口。東至清河縣三十里。萬曆六年。河臣潘季馴築滾水石壩於崔鎮一帶。以防大河之潰溢。皆在河北岸。

崇河。縣北四十里。上有崇河橋。相傳晉石崇嘗立倉於此。因開河以通舟楫。西白宿遷縣界。接倉基諸湖之水。東入沭陽縣界。下流注於漣水。

杜村湖。縣東南三十里。又五里為大莊湖。黃河餘流所匯也。水漲則南通淮河。

白洋河鎮。縣西六十里有白洋河渡。與宿遷縣接界。又縣北八十里有赤鯉湖鎮。○三汊鎮在縣東三十里。與清河縣接界。有三汊巡司。又縣東十里有張泗衝鎮。○桃源驛在縣北四十里。與崇河橋相近。陸道所必經也。

沭陽縣。府北百七十里。西南至桃源縣百二十里。東北至海州百六十里。西北至山東鄒城縣百六十里。漢東海郡厚邱縣地。劉宋於此置潼縣。屬北下邳郡。齊屬北東海郡。梁置潼陽郡。東魏改為沭陽郡。兼置懷文縣。後周改縣曰沭陽。隋初郡廢。縣屬海州。唐

因之。總章初改屬泗州。後復屬海州。宋因之。南渡後沒於金。尋復得之。仍屬海州。明改今屬。今土城周四里。編戶六十七里。

潼縣城。縣南六里。劉宋置縣治此。又有下城廢縣。在縣南三里。魏收志。魏武定七年置下城縣。屬沭陽郡。是也。高齊仍屬沭陽郡。陳大建五年。吳明徹等伐齊。至淮南齊沭陽郡守棄城走。遂省下城入懷文。後周又改懷文曰沭陽縣。隋唐因之。五代周廣順

二年。慕容彥超以兗州叛歸南唐。唐援軍至下邳。周遣軍拒之。唐兵退屯沭陽。徐州將張合彬進擊大敗唐兵。即今縣也。俗名潼縣城。曰舊縣城。嘗置潼陽驛。今革。

厚丘城

縣北四十六里。漢縣屬東海郡。晉因之。劉宋省。後魏置戍守於此。齊建武二年。魏人攻義陽。詔青冀二州出軍攻魏。以分兵。勢軍主桑係祖攻魏建陵。驛馬厚丘三城皆拔之。因仍置厚邱縣。屬北東海郡。魏廢。唐武德四年。復置厚邱縣。屬海州。八年。

省入沐陽縣驛馬城。或曰

在厚邱北亦魏置戍處。

建陵城

在縣西北古鄒國地。亦曰中城。後屬魯。左傳成九年。城中城。杜預曰。厚邱縣西南有中城。是也。漢置建陵縣於此。屬東海郡。景帝時封衛綰爲侯邑。又宣帝封魯孝王子遂於此。後漢縣省。或謂之不其城。晉宋間往往置戍於此。後魏復置建陵縣。縣

有建陵山。鄒郡治焉。齊建武二年。拔魏建陵城。又

梁普通五年。裴邃等攻魏。克建陵城。是也。後周廢。

陰平城

縣西北四十里。漢縣。屬東海郡。成帝封楚孝王子回爲侯邑。後漢仍屬東海郡。晉武帝嘗封魯芝於此。其縣旋廢。章懷太子賢曰。故城在承縣西南。蓋其地與山東嶧縣接壤。○平曲城在縣東北。漢縣。屬東海郡。宣帝封廣陵厲王子曾爲侯邑。後漢

省。

建陵山

縣西北百里。與山東鄒縣接壤。山南北長而東西狹。上多陵阜。漢因以名。縣又有萩邱山。在縣西八十里。○韓山在縣東北五十里。相傳韓信爲楚王時曾講武於此。因名。

沫水

在縣治東南。水經注。沫水出項邪東。莒縣西北大弁山。是也。今自山東沂水縣流經莒州。入沂州界。又東南經鄒城縣。合馬脊。固諸澗水流至縣境。又東入於桑墟湖。志云。沫水至縣分爲五道。一入澗水。二入桑墟湖。三入太湖。太湖卽碩項湖也。蕭梁時。

土人張高等於縣北鑿河。引水溉田二百餘頃。俗呼紅花水。

又宋沈适爲沐陽簿。疏沫水爲百渠九堰。得上田七千頃。

碩頂湖。縣東八十里。亦曰太湖。與安東縣接壤。東南各有小河。下達於淮。又桑墟湖在碩頂湖西北入海州境內。

曲沫戍。在縣西北。水經注。沫水過建陵縣故城東。又南經建陵山西。魏立大堰。遇水西流。兩瀆之會。置城防之。曰曲沫戍。梁普通五年。裴邃等克魏建陵城。又克曲沫戍。蓋曲沫在建陵之西也。

洪溝鎮。縣西六十里。又西六十里而達宿遷縣。○桑墟鎮在縣北四十里。以近桑墟湖而名。又縣東四十里有柳莊鎮。皆往來要地也。

新興營。縣西北二十里。又縣西北十里有西營。元至正間。沂州守將王信所築。以禦寇。又黑軍營在縣西十五里。縣南十里為車營。則董博霄所築也。○黃軍營在縣西南五里。縣東南十五里有南營。東十五里有浮營。志云。元至元中。達如真所築。

附見

淮安衛。在府城內。洪武初建。又大河衛在府北新城內。洪武初建。又有驪城守禦千戶所。在縣城內。洪武末建。屬高郵衛。

海州。府北三百七十里。東至海岸二十八里。西南至鳳陽府泗州五百四十里。西至徐州四百八十里。西北至山東沂州二百二十里。北至山東莒州四百七十二里。

古徐州地。春秋時。邾子國。後為魯之東境。秦屬薛郡。後分為邾郡。漢為東海郡。後漢及晉因之。劉宋泰

始中。僑置青冀二州。治鬱州。于此。齊梁置南北二青州。治懷仁。東魏改州為海州。治龍沮。隋初。仍曰海州。始治胸山。

大業初，又改爲東海郡。唐復曰海州。天寶初，亦曰東海郡。乾元初，復爲海州。宋因之。亦曰東海郡。南渡後，沒於金。紹興七年收復。

興初，復割以畀金。嘉定十二年復。寶慶末，爲李全所據。紹定四年，全死，又復。端平二年，州徙治東海縣。淳祐十一年，全子璦據州，治胸山。景定二年，璦降，改置西海州，而海州仍治東海縣。尋復以西海州爲海州。元曰海州路，又改爲

海寧府。尋降爲海寧州。隸淮安路。明初，復爲海州，以州治胸山縣省入。編戶九十三里。領縣一，今仍之。

州阻海連山，爲南北襟要。六朝時，置重鎮於此，以掣肘索頭南寇之鋒。隋平江南，分道胸山，捷出三吳，而東南遂無堅壘。宋魏勝取海州，而山東響應。及羣盜李全據之，南窺浙右，北擾青齊，江淮之間，幾於困弊。蓋水陸交通，可左可右，用兵之際，未始非形勝所關也。王應麟曰：海泗者，東南之藩蔽，得泗可以取淮北，得海可以收山東。

胸山廢縣。今州治。秦曰胸縣，屬薛郡。漢屬東海郡。後漢建武五年，董憲等自郟走保胸，吳漢遂圍胸，尋破斬之。晉仍屬東海郡。宋初因之。尋廢。蕭齊建元二年，角城降魏，魏遣將郎大檀出胸城應之，卽故胸縣也。亦曰胸山。是年，魏將拓跋嘉帥衆十萬圍

胸山。胸山戍王元元度嬰城固守，魏人敗却。四年，以育州移鎮胸山。又東莞，瑛邪二郡，俱僑治焉。後沒於魏。梁天監五年，青冀二州刺史桓和克魏胸山城。十年，瑛邪民萬壽殺東莞瑛邪二郡太守劉晰，據胸山，召魏軍。魏徐州刺史盧柔遣兵據之，詔馬德璋圍胸山。青冀二州刺史張稹權頓六里，以督饋運。魏將胡文驥以胸山降。梁書：時改郡曰瑛邪，縣曰招遠。侯景之亂，沒於東魏。復曰胸縣。仍屬瑛邪郡。陳大建五年伐齊，別將劉桃枝克胸山城。尋屬後周。亦曰胸山縣。兼置胸山郡。治焉。隋爲海州。治唐宋因之。

明初省城邑攷。州城梁天監中馬德璋築。宋紹興中魏勝復築之。寶祐中李璿亦嘗修治。今有東西二城。洪武中置守禦海州中千戶所。在西城內。守禦東海中千戶所。在東城內。城周九里有奇。續通典漢胸縣故城。在今州西南九十里。

東海廢縣

州東十九里。漢贛榆縣地。即鬱洲山也。劉宋泰始二年。僑置青冀二州於此。累石爲城。高八九尺。四面環海。虛置郡縣。荒民無幾。七年立東海縣。屬東海郡。宋志明帝於鬱洲僑立青州及齊郡。北海郡。泰始七年又割贛榆立鬱縣。蕭齊時鬱洲

爲齊郡治。建元初徙北海郡治齊郡故城。改鬱洲爲部昌。而分置廣饒縣。梁仍爲北海郡。東魏武定七年改東海郡治贛榆。仍領廣饒縣。陳大建五年吳明徹等伐齊東海來降。隋初郡廢。及東海縣。仁壽初復改廣饒曰東海。屬海州。唐武德四年置瓌州。八年州廢。仍屬海州。又廢青山石城。贛榆等縣入焉。元和十四年楚州刺史李聽攻平盧叛帥李師道。克東海。胸山。懷仁等縣。宋仍屬海州。端平二年徙海州治此。尋復故城。家記東海故城有大小二城。賈似道獻捷時通爲一城。西南控海。東北抵山。周圍十三里。皆砌以石。元至元二十年省縣入胸山。向有東海巡司戍守。嘉靖十六年改置巡司於新壩。

海西廢縣

州南百二十里。漢東海郡屬縣。武帝封李廣利爲侯。邑後漢屬廣陵郡。建安初先主保廣陵。與袁術戰敗。屯於海西。即此。晉縣廢。宋泰始七年置鬱縣。立西海郡。齊建元二年魏分軍南侵。遣將白吐頭等出西海。元泰等出連口。永明中改

鬱縣爲部昌。後魏改爲安流。魏收志。武定七年分襄贛縣地置海西縣。屬海安郡。梁承聖末。吳明徹圍海西。不克引還。即此。後齊廢安流入海西縣。後周復以海西并入胸山。連口。即連口。見安東縣。

懷仁廢縣

州北八十里。漢贛榆縣地。宋爲艾塘。成。泰始三年。桓崇祖戍胸山。魏人來襲。成者皆下船欲走。崇祖給之曰。艾塘義人。已得破賊。謂此也。魏於其地置黃郭。成。齊建武四年。黃曇綸以萬餘人攻魏南青州黃郭。成。爲成主。崔僧淵所敗。舉軍

皆沒。梁得其地。置南北二青州於此。太清三年。北青州刺史王奉伯舉州附魏。胡氏曰。梁大通二年。魏北青州刺史元世儻以州來降。魏北青州治東陽。去梁境甚遠。蓋世儻以懷仁之地來降耳。東魏武定七年。又改置義塘郡及義塘。懷仁等縣。尋并義塘縣。

入懷仁。隋初廢郡屬海州。唐因之。元和十五年。楚州刺史李聽討李師道。克懷仁等縣。是也。南唐又移縣治贛榆城。而故城遂廢。

龍沮城。州西六十里。城家記。楚將龍沮所築也。韓信下齊。項羽遣沮築壘。大小凡二。劉宋泰豫初。以垣崇祖行徐州事。戍龍沮。蕭梁置龍沮縣。兼置東彭城郡。後魏因之。并移海州治龍沮城。高齊時廢。唐武德四年。亦置龍沮縣。屬海州。八年廢。今爲龍沮鎮。

魏收志。龍沮縣有卽邱城。蓋與山東沂州接界。

青山城。州東北六十里。青山之麓。唐武德四年。置青山縣。屬環州。八年廢。寰宇記。青山之陰。有漢贛榆縣故城。○鍾離味城。郡國志。

在州東南百里。伊盧鄉。史記。項王亡將鍾離昧家伊盧。是也。城旁有羽泉。相傳爲舜殛。一統志云。州西八十三里。又有東安廢縣。東安。漢城陽國屬縣。後漢屬琅邪。在今山東沂水縣。或南北朝時僑置於此。

胸山。州南四里。上有雙峯。如削。俗呼馬耳峯。旁有龍潭。水甚清冽。秦始皇三十五年。東巡。立石東海上。胸界中。以爲東門闕。蓋在此。後漢和平二年。胸山崩。宋泰始三年。薛安都。以彭城降魏。垣崇祖將部曲奔胸山。據之。胸山瀕海。孤危。崇祖浮舟山側。爲備。自是每置戍於此。其東北嶺曰石棚山。有巨石覆巖。巖土如棚。因名。嶺甚高峻。又州西二里有謝祿山。祿東海人。赤眉將也。嘗屯兵於此。因名。

鬱洲山。州東北十九里。海中有大洲。周圍數百里。謂之鬱洲。亦曰郁洲。山海經所謂郁山在海中者也。晉隆安五年。孫恩襲建康。不克。浮海北走郁洲。將軍高雅之。禦之。爲恩所執。既而劉裕破走之。宋元嘉二十七年。魏人南寇。進逼彭城。時江夏王義恭督兵彭城。甚懼。長史何最議。席捲奔鬱洲。不果。泰始三年。魏人圍青州。刺史明僧高於東陽。劉懷珍自山陽浮海赴救。至東海。聞僧高已敗。保東萊。懷珍進據胸城。衆懼欲保郁洲。懷珍不可而止。自是青冀二州皆備治焉。七年。垣崇祖保郁洲。自洲將數百人入

魏境七百里。據蒙山。齊初亦爲青州治。齊志：鬱洲有田疇魚鹽之利。宋劉明善爲青州刺史。以海中易固。不峻城雉。乃築石爲之。高可八九尺。後爲齊郡治。永明初。徙齊郡治瓜步。以北海郡治焉。梁復爲齊冀二州治。天監十二年。鬱洲近魏境。民多私與魏人交市。先一年。胸山外叛。鬱洲亦陰與魏通。胸山平。心不自安。其民徐道用等遂作亂。夜襲州城。殺齊冀二州刺史張稷。降魏。魏遣兵赴之。游擊謀曰：胸山濱海。卑濕難居。鬱洲又在海中。得之無用。於敵要近。不啻勞軍。旅費饋運以爭之。不聽。既而梁北兗州刺史康絢遣兵進討。復取鬱洲。自隋以後。皆爲東海縣治。通典：郁洲卽田橫所保。東魏武定中。置臨海鎮於此。其山亦名郁鬱山。又名蒼梧山。山有九峯。俗傳自蒼梧飛來也。東陽今見山東益都縣蒙山。今見山東費縣。

巨平山

州北三十里。一名縣吾峯。南接東海。北抵虛溝。中有龍潭。其南嶺上有呂母。高二里。卽王莽時。琅邪海曲呂母招亡命。數千殺縣令。遂保海島處也。山之東嶺曰樓雲山。海曲見山東莒州日照縣。○馬嶺山在州西五十里。與山東沂州接界。

盧石山

州東南六十里。山多黑石。因名。相傳韓信爲楚王。鎮於三盧。宋張采云：三盧者。盧石山。伊盧山。句盧山也。伊盧山在州東南八十二里。近伊盧鄉。一名大伊萊山。句盧山在州東南百二十里。○古城山在州東五里。地理新書。以爲海州故城也。基址猶存。宋時戍守其土。一名孔望山。相傳孔子問官於鄒子嘗登此望海。

猶存。宋時戍守其土。一名孔望山。相傳孔子問官於鄒子嘗登此望海。

小鬲山

州東北六十里。孤峯特秀。三面壁立。俯臨深谿。惟東隅可通人行。其上累石爲城。亦謂之田橫固。又有平山。在州東北百里。其相去十五里。曰嚶游山。周回浮海中。羣島多翔集於此。元時海運所經。○嶠山在州東南百里海中。四面平坦。潮生則沒。

其半。山多蟻。因名。又州南百里有大小伊山。南北相距約二十里。又東西二。阪山所在州東南百里。一在海隅。一在海中。東西相對。皆濱海守望處也。

海。州東二十八里。南接胸山。北接贛榆。西趨州城。往來渡處廣二十餘里。寰宇記：州渡海處。名黑風渡。七月渡者多覆溺之患。餘月則否。州東有捍海堰。南兗州記。堰有二。一在東海城東北三里。西南接鬱洲山。東北至巨平山。長三十九里。隋開皇十五年。縣令

元屢造外以捍潮內以儲水大獲灌漑之利一在城北三里南接謝祿山北至石城山長六十三里高五尺開皇九年縣令張孝徵造亦名東西堰

桑墟湖

州西南九十里與沐陽縣接界上接沐河下流入海又碩項湖在州南四十里與桑墟湖相接安東沐陽境內之水皆蓄洩於此謂之太湖又有龍溝湖源出太湖東入官河在州南百三十里

薔薇河

州治西一里東北通海西北通贛榆南通新壩直抵淮陰內接市河入州城先時漕運經此入淮北場鹽課亦從此達安東後以潮汐往來旋濟旋塞志云河源出州西北百里之羽山過州北八里獨樹浦達石湫河其石湫河在州南二十里舊時

州境之水多匯於此以達海云○臨洪河在州北七里自贛榆縣流入境州南二十里有銀山下爲銀山壩臨洪水流至此接於石湫河

漣河

在州西南上引沂沭及桑墟湖之水經石湫鎮及縣東南三十里之黑土灣渡入海又有景濟河在州東南二十里爲運鹽通道○官河在州西四十里卽唐垂拱中所開漕河自沂密達州至漣水縣入淮者也後廢志云今州南四十里有新壩西障沂沭

東捍海潮導漣河之水達於官河東南流接安東縣之支家河又有房山河在州西南六十里房

山鎮源自馬嶺山流入官河又有一帆河在州東南八十里自官河分流至伊盧山南達安東縣

于公浦

州北十里產鹽以漢于公爲名自此而北有白溝等十餘浦皆通潮汐居民以煎鹽爲業又徐濱浦在州東北四十餘里上接巨平諸山之水入海有徐濱浦場又宿城浦在州東北七十里四面俱山舟楫遇風則宿於此

石關堰

在州西南或曰卽石湫河上游也宋天禧四年淮南勸農使王賁之導海州石關堰水入漣水軍以蒞田紹興中金人攻海州魏州先遣一軍自州西南斷城中餉道魏勝拒之於石關堰金人敗退○沙堰在州城東北宋紹興三十一年金人圍海州魏

勝拒之於北關金人從間道渡河趨關後勝歛兵入城金人欲越沙堰圍城爲營勝據堰拒之金人敗退今與石關堰俱埋廢又十三陂皆在州境唐志海州有陂十三蓄水溉田皆貞觀以來所築今俱廢志云州西十里又有韓信堰相傳信爲楚王時以地

灣下乃立此
堰今爲大路

永安堤

州東二十里北接山南環郭長亘七里唐開元十四年海潮漲漲百姓漂溺刺史杜令昭築堤障之民獲其利○楊口堤在州南東自板浦西抵漣河爲南北要地萬歷中海潮漫漫行旅艱阻知州楊鳳築堤十五里商旅稱便又西接劉公堤長亦

十五里知州劉

夢松所增築也

北關

州北五里或云南宋時築此據險戍守以保障州城紹興末魏勝敗金人於北關是也自此而北六十里爲安東衛卽山東境內矣

雲梯關

在州東南海岸有軍戍守輿程記縣虛溝營瀛海百八十里至高公梁又一百二十里達雲梯關又百八十里達安東縣之六套又六十里至安東縣此縣山東膠州達淮安之海道也

虛溝營

在州東北輿程記州東北六十里至塔兒灣又北三十里爲南城又北三十里爲大村又東北三十里卽虛溝營也又三十里渡海島爲海州北出山東之水道○大營在州西五里志云蒙古阿魯攻圍海州時築

石湫鎮

州南二十里舊有石湫堰宋紹興三十一年金人圍海州張子蓋自鎮江赴援至楚州先趨漣水擇便道以進至石湫堰擊敗敵兵是也今鎮東北有九洪橋卽舊時堰水處○新壩鎮在州南四十里新壩置於此今爲往來衝要

板浦鎮

州東南四十里有板浦堰壩以運鹽河隨海潮注洩易於淤淤乃設堰壩以北障海潮南蓄河流鹽場在焉爲商賈輻輳之所輿程記自板浦渡海口至州城道五十里○臨洪鎮在州北十里有臨洪鹽場又堯濱浦鎮在州東南百四十里有堯濱

鹽場

新橋。在州北。宋紹興末。魏勝復海州。金人來爭。軍於州北二十里之新橋。勝擊敗之。繼復益兵來圍。李寶以舟師經海道赴援。與勝敗金人於北關。是也。今廢。○高橋在州西九十里。有高橋巡司。又與國莊在州西七十里。今置驛於此。州南百二十里。又有嘉澤巡司。司南七里。即龍溝湖也。

贛榆縣

州北百二十里。西至山東沂州百八十里。北至山東日照縣百六十里。漢縣。屬琅邪郡。後漢屬東海郡。魏省。晉復置。宋因之。齊金人改曰贛榆。金亡。宋以縣寄治東海軍。後復廢。元仍置縣。屬海甯州。今城周四里。編戶五十六里。

贛榆城

在今縣東南。漢縣治此。宋白曰。懷仁縣東北三十里。有漢贛榆城。一名鹽倉城。今縣城唐初所置也。城色攷。隋末。陳君相據海州。城取故贛榆爲名。在今縣西二十里。近志。縣北三十里有鹽倉城。又北三十里有舊贛榆城。恐悞。

紀鄆城

縣北七十五里。春秋昭十九年。齊伐莒。莒子奔紀。障。齊師入紀。杜預曰。贛榆東北有紀城。即紀障也。南北朝時。爲戍守處。蕭齊建武二年。青冀二州刺史王洪範遣軍主崔延襲魏紀城。克之。城邑攷。紀城周一里餘。近海。

祝其城

縣西五十里。漢縣。屬東海郡。後漢因之。晉仍屬東海郡。後廢。唐武德四年。復置祝其縣。屬海州。八年廢。或曰。祝其。即春秋時魯地。左傳定十年。公會齊侯於祝其。實夾谷。即此云。○虎坑城在縣西北。南北朝時置。戍處也。蕭齊建武二年。魏人攻義陽。

鍾離。詔青冀二州刺史張冲出軍攻魏。以分其勢。冲分遣軍主杜僧護攻魏虎坑。馮時。即此。拔之三城。蓋相近。即邱。今見山東沂州。

武陵城

縣南五十九里。蕭梁時。僑置齊郡於此。東魏武定七年。改置武陵郡。領上鮮。洛粟二縣。魏收志。梁置高密縣。魏改曰洛粟。其地有武陵城。因改置武陵郡。是也。後齊郡廢。寰宇記。縣南五十里有沂州城。宋泰始中。僑置沂州於此。按宋未嘗置沂州。又

云縣西十五里有莒城。即古莒國。皆傳訛矣。○艾不城在縣東南。相傳田橫避難。漢使艾不追橫。因築此城。晉時嘗移轅榆縣理此。寰宇記。艾不城在東海縣北二十四里。

利城故城。縣西六十里。漢縣屬東海郡。後漢因之。建安三年。曹操嘗析置利城郡。魏廢。晉仍屬東海郡。後廢。唐初復置。尋省。入懷仁縣。又歸義城。在縣北二十四里。魏收志。武定七年。置歸義縣。屬義塘郡。是也。後齊因之。後周并入懷仁縣。

羽山。縣西北八十里。高四里。周迴八里。相傳舜殛處。禹貢。羽畎夏翟。曾氏注。羽山之谷。雉具五色。山因以羽名。下有羽淵。志云。山西北至沂州亦八十里。蓋接界處也。又有分水嶺在縣北七十里。自嶺而北。至日照縣九十里。蓋與日照縣分界。今置遞運所。

於此。○夾谷山。寰宇記。在縣西三十八里。即孔子相定公會齊侯處。

攔頭山。縣東北七十里。有石攔際海。可遮洪濤。因名。其並峙者。曰阿夜山。山臨海。霧氣嘗昏如夜。因名。亦接日照。縣界。○懷仁山。在縣北四十里。昔以此名縣。又有末山。在縣西南七十里。志云。西北之山。至此而盡。因名。

劍水。縣西南七十里。志云。源出沂州界三峽山。即弱馬溝也。東流入縣界。又有幾水。同源東注。合流入海。○腰帶河。在城南。志云。源亦出沂州。環繞縣城。東流入海。又有臨洪河。在縣南六十里。流入海州境。

海。縣東十五里。北接山東。東通大洋。汪洋。迴繞島嶼。參差稱爲易守。而難犯云。

荻水鎮。縣東北七十里。有荻水。源出莒州。東流入海。五代漢乾祐二年。密州刺史王萬敢。擊南唐荻水鎮。大掠而還。今有荻水鎮。巡司。又有臨洪鎮。巡司。在縣南六十里。

洛要鎮。縣東南六十里。後魏洛要縣。蓋置於此。○上莊驛。在縣南七十里。又縣北八十里。爲王坊驛。自海州北出山東之通道也。又中岡遞運所。在縣北二十里。

邳州。府西北四百五十里。西至徐州百八十里。北至山東沂州二百八十里。東北至海州三百五十里。

古徐州地。夏爲邳國。春秋時爲薛國地。戰國爲齊地。秦屬薛郡。漢屬東海郡。東漢永平中。改臨淮郡爲下邳國。治於此。晉因之。宋齊俱爲下邳郡。後魏因之。孝昌初。置東徐州。梁中大通五年得之。改爲武州。後周曰邳州。隋初

廢下邳郡。大業初廢州。復爲下邳郡。移治宿豫縣。唐初仍曰邳州。仍治下邳。貞觀初州廢。改屬泗州。元和中。改屬徐

州。宋太平興國七年。置淮陽軍。金復曰邳州。元因之。屬歸德府。明初改今屬。以州治下邳縣省入。編戶四十

七。領縣二。今仍之。

州北控齊魯。南蔽江淮。水陸交通。實爲衝要。春秋時。謂之淮北地。戰國策。蘇代謂齊王。有淮北則楚之東國危。蓋淮南襟要。恆在上遊也。漢室紛更。徐淮最爲多事。曹操得之。遂以控扼東南。及晉室之衰。縱橫馳逐。下邳幾無寧歲。劉裕之平南燕也。帥舟師自淮入泗。至下邳。留船艦步進。及盧循逼建康。裕還至下邳。以船載輜重。自帥精銳。步歸建康。則下邳實水陸之衝矣。故後魏尉元亦云。宋人向彭城。必繇清泗。過宿預。歷下邳。趨青州。亦繇下邳。沂水經東安。此數者皆宋人用師之要。今若先定下邳。平宿預。

鎮淮陽。戍東安。

見山東沂水縣。

則青冀諸鎮。

時冀州治歷城。

可不攻而克。蓋爭淮北。必爭下邳也。歷梁陳之季。下邳嘗

為戰場。後周取邳徐。以臨淮南。朱溫爭邳徐。以阻行密。

唐光化二年。楊行密攻徐州。不克。引還。汴人追之。及於下邳。殺千餘人。

亦其證也。蓋南北

爭雄。得失之機。常視淮泗。下邳豈非必爭之地與。

下邳城。

州治東。古邳國也。左傳昭元年。趙文子曰。商有姚邳。此即邳國矣。應劭曰。邳在薛。後徙此。故曰下邳。薛瓌曰。有上邳。故云下。春秋定元年。傳云。薛祖奚仲遷於邳。或以自北遷此。故謂之下邳。秦置下邳縣。屬薛郡。二世二年。項梁西渡淮。軍下邳是也。

漢初封韓信為楚王。都下邳。後為縣。屬東海郡。後漢建武四年。董憲等保下邳。既而去。下邳還闕陵。五年。帝徇彭城。下邳。永平十五年。東巡。耕於下邳。十七年。改置下邳國。於此。建安初。先主為徐州牧。屯下邳。呂布襲取之。三年。曹操破斬布於下邳。四年。先主取徐州。留關羽守下邳。尋為操所敗。魏晉皆為下邳國。嘗為重鎮。晉永興二年。琅邪王睿監徐州軍事。留守下邳。大寧中。沒於石勒。永和五年。收復。太元三年。沒於苻堅。堅使揚州刺史庾亮。九年。謝元取下邳。秦人遂棄彭城。元進據之。義熙五年。劉裕伐南燕。自下邳步進。宋元嘉二十七年。魏主燕南寇。分遣拓跋那自青州趨下邳。泰始二年。下邳為魏所取。梁天監五年。張惠紹攻下邳。不克。還軍宿預。魏孝昌初。置東徐州於此。永熙二年。降梁。梁置武州。改下邳曰歸政縣。太清二年。又降於東魏。復曰東徐州。陳大

建六年。復得之。十一年。為周所取。亦曰下邳郡。兼置邳州。隋郡廢。州存。大業初。復置郡於宿豫縣。下邳縣屬焉。唐初置州。尋復為下邳縣。宋置淮陽軍。金元皆為州。治明初省。宋武北征記。下邳城凡三重。大城周十二里半。其南門曰白門。中城周四里。呂布所築。南臨白門。漢建安三年。廣陵太守陳登為曹操先驅。至下邳。攻城。呂布拒之。操引泗。沂。二水灌城。擒布斬之。白門樓下。又有小城。累甃堅峻。周二里許。相傳石崇所築。州城西又有一小城。周三百四十步。相傳亦崇所築也。宋嘉定十六年。李全欲攻金邳州。

築。南臨白門。漢建安三年。廣陵太守陳登為曹操先驅。至下邳。攻城。呂布拒之。操引泗。沂。二水灌城。擒布斬之。白門樓下。又有小城。累甃堅峻。周二里許。相傳石崇所築。州城西又有一小城。周三百四十步。相傳亦崇所築也。宋嘉定十六年。李全欲攻金邳州。

州四面阻水不能進而還蓋州警恃水爲險云志云今州東三里
有土城故址卽下邳舊城今城金人所置明初修築周五里有奇

武原城

在州西北八十里漢縣屬楚國後漢屬彭城國晉因之宋初廢泰始二年薛安都以彭城降魏宋將張永等進軍逼彭城軍
於下磧分遣別將王稷之守輜重於武原爲魏將尉元所破卽故縣也魏仍爲武原縣屬下邳郡東魏武定八年復置武原

郡治焉後周郡縣

俱廢下磧見徐州

良城

州北六十里春秋時邾地昭十三年晉侯將會吳子於良水道不可吳子辭乃還哀十五年楚伐吳陳侯使公孫貞子弔焉及
良而卒史記越王無疆謂齊威王使者曰願齊之試兵南陽莒地以聚常邾之境常卽良也南陽齊西境邑漢置良成縣屬東

海郡後漢屬下邳國晉曰良城縣宋仍屬下邳郡後魏亦爲良城縣蕭梁嘗置武原郡於此高齊及後周因之隋郡廢仍曰良城
縣屬下邳郡唐屬邳州貞觀初省○邾城在州東北八十里漢邾縣城也通輿下邳縣北有故邾縣志云城在沂武二水間今見

山東邾城縣或云在

州北五十里恐悞

葛嶧山

州西北六里古文以爲卽禹貢之嶧山似悞俗名距山謂與沂水相距也今亦見山東嶧縣○牛戈山在州西三里邇繞州
治形如牛戈又羊山在州西南六里卽睢寧縣之陽山也昔在大河南岸今河經山南途爲州境州西九里又有青羊山

艾山

州北百里接山東沂州界魏收志武定八年置艾山縣屬武原郡蓋以此山名也縣旋廢或以爲沂水所出悞○曼路山在州
東北百四十里峯巒峻險行者崎嶇因名又磬石山在州西南八十里禹貢泗濱浮磬志以爲此山所產石也山北去泗水四

十里蓋洪水

時近泗濱矣

泗水

在州南二里。自山東泗水縣流經徐州。又東入宿遷縣界。下流至清口合淮。今爲大河經流。志云。州東南二十里有趙頭灣。在大河北岸。又有張林浦。沙坊。諸處俱掃灣要害也。又郭灣亦在州東。又東近宿遷縣界爲直口。磨兒莊口。劉口。俱爲險溜。又東

則董家溝矣。今

詳川漢異同。

沂水

在城西一里。自山東沂州西南流經州北。分爲二。一繞城北。西南流入泗。一繞城東。至城南。亦注於泗。謂之小沂水。水上有橋。張良遇黃石公處。所謂圯橋也。圯首夷。曹操攻下邳於此。墜沂泗灌城。元和志下邳沂水一名長利池。邑志古圯橋在今州治

東南。亦謂之

圯上。今埋。

沭河

在州西北九十里。源出山東嶧縣。合蛤蟆。連汪。諸湖。東會沂水。從周湖。柳湖。接州東之直河。又東南入宿遷縣境之黃郭湖。落馬湖。從董陳二口入於黃河。河防攷。陸慶中。河臣翁大立。議開沭河濟運。不果。萬歷三年。巡漕御史劉光國等。復請從沛縣夏

鎮馬家橋。經州北葛墟。嶺。長城。侯家灣。入沭口河。至清河縣大河口入黃河。計五百三十里。以便漕。議者謂沭河口穿葛墟。諸山。皆沙石。不可鑿。南北大河相連。不易。陡。非計。乃止。二十一年。舒應龍。挑徐州北境。韓莊中心溝。鑿山。刻石。通彭河水。道入黃河。而沭口始開。二十五年。劉東星。因韓莊故道。鑿長城。侯遷莊。及挑萬莊。蘇黃泥灣。至宿遷縣之董家口。試行運。而沭脈始通。三十五年。李化龍。復循舊迹。起自夏鎮。迄於直口。凡二百六十餘里。避黃河險者三百餘里。中間開李家港。以避河淤。開王市田家口。以避河險。鑿邳山。以展河渠。建長城。臺莊。侯遷頓莊。丁廟萬莊。張莊。德勝等閘。以節宣水利。而沭河之利始備。崇禎七年。漕臣楊一鵬。復議濬之上。言云。沭河上白沛縣李家港。下至直河口。計長二百六十里。今新挑之河。避灣取直。實二百四十里。宿遷至趙村。約百二十里。趙村至嶧縣萬家莊。約九十餘里。萬莊至夏鎮。亦約九十里。自李家港至劉昌莊。全挑新河八里。建閘一座。劉昌莊至萬家莊。計長八十里。內除韓莊等處二十里。六分舊渠外。全挑新河十六里。濬舊河四十四里。四分建閘一座。萬家莊至黃林莊。

計長四十里。內潯舊河三十八里三分。全挑新河一里七分。建閘三座。黃林莊至直河出口。計長一百三十一里。內除梁家。紀家。田家集共七十里。舊河深闊免挑。井王市東新河三十里。派山東助挑外。實潯舊河四里五分。全挑新河二十六里。建閘三座。自是東南之潯。皆取道於此。

直河。州東五里。志云。蒙沂諸山之水。匯爲沫纒湖。又分派而南。至州東南六十里。爲直河口。入於泗河。萬歷十五年。濁流倒灌。河口遂塞。諸山水俱蘇。落馬湖經董家。陳家。二溝出大河。議者謂築直堤於直河東岸。近北關家集。口遇諸山水。不使東入落馬湖。直河口可不淤也。二十九年。分黃開湖之議定。運艘皆蘇直河而達於泗河矣。

武河。州西北五十里。源自山東嶧縣馬旺山許家泉。流經州西北二十五里。匯爲蛤河。州西北二十里。又有蠓湖。亦武水所注也。引流五十里。蘇乾溝口注於泗河。志云。州北百里有營河。自沂州流入境。注於武河。又城子河在州西北五十里。自沂州蘆塘湖。流注營河。○洪河在州東南三十里。又有曲呂河。在州東二十里。自壩頭入洪河。合直河而入泗河。

加口鎮。州西北九十里。亦曰加口集。又州北八十里。有郭家莊。正統中。劉六等作亂。官軍敗之於加口集。又敗之於郭家莊。是也。○源雀鎮在州東北金史。保大中。棄山東地。惟戍守邳州之源雀鎮。以拒蒙古。蓋其地當山東衝要也。或曰。卽故長城矣。**焦墟。**在州東。宋泰始三年。沈攸之奉詔攻彭城。至焦墟。去下邳五十里。是也。又州境有高遷亭。後漢桓帝延熹中。以誅梁冀功。封尙書令周承爲高遷亭侯。十三州志。下邳有高遷鄉。

直河鎮。州東南三十五里。志云。直河驛在州東南六十里。會要云。嘉靖四十五年。改置直河巡司於此。又有新安驛。在州西四十里。嘉靖四十五年。改巡司。皆濱大河。○余行鎮在州北七十里。志云。其地有余行省城。元末。沂州將王信所築。

宿遷縣

州東南百二十里。東南至府城二百四十里。西南至鳳陽府虹縣百四十里。西北至山東鄒城縣百八十里。春秋時，鍾吾子國也。左傳昭二十七年，吳公子燭庸奔鍾吾。又三十年，吳執鍾吾子。即此。秦爲下相縣地。漢爲公猶縣。屬臨淮郡。公仇同後漢縣。

省。東晉義熙中置宿豫縣。屬淮陽郡。宋仍之。秦始中沒於魏。魏置南徐州治焉。齊永元初魏南徐州刺史沈陵帥宿豫之衆來奔。魏人因廢爲鎮。梁天監中得之。改置東徐州。太清三年東徐州刺史湛海珍降魏。是也。東魏改置東楚州。仍曰宿豫郡。陳大建五年伐齊克之。改置北徐州。尋改安州。後周改曰泗州。仍置宿豫郡。隋初郡廢。大業初又改泗州爲下邳郡。仍治宿豫。唐初復置泗州。治宿豫。開元二十三年州移治臨淮。以宿豫屬之。寶應初以代宗諱改曰宿遷。尋隸徐州。五代因之。宋屬邳州。元初省入邳州。至元十二年復置。屬淮安軍。十五年還屬邳州。故無城。今城周四里。編戶五十四里。

宿豫故城

在縣東南。杜佑曰。故泗口也。晉明帝大寧中兗州刺史劉遐自彭城退屯泗口。即此。義熙初始置城邑。其地東臨泗水。南近淮水。自後常爲重鎮。義熙五年南燕將慕容興宗等寇宿豫。拔之大掠而去。宋泰始三年魏將孔伯恭攻宿豫。宿

豫戍將魯僧遵棄城走。自是沒於後魏。梁天監五年張惠紹侵魏徐州。拔宿豫。執城主馬成龍。未幾魏邢巒圍宿豫。敗梁兵於清南。惠紹棄城南走。七年魏將成景雋殺宿豫戍主嚴仲賢。以城來降。魏將楊椿將兵攻之不克。普通六年蕭綜以彭城降魏。魏乘勝取諸城戍。至宿豫而還。侯景作亂爲東魏所取。承聖三年齊宿預民東方白額以城降梁。梁遣將杜僧明助之。齊將王球來攻。敗退。尋復入於齊。陳大建五年伐齊。督廣達克南徐州。詔以廣達爲北徐州刺史。鎮其地。十一年又爲後周所陷。隋大業中下邳郡治焉。唐廢郡。尋改縣曰宿遷。志云。春秋時宋遷宿國之人於此。因名。歐陽忞曰。晉元帝督運軍儲於此。以爲邸閣。後因有宿預之名。宋白曰。故城在邳州東南百八十里。近志在縣西五里。恐悞。

下相城

在縣西北七十里。秦置下相縣。項羽下相人也。漢亦爲下相縣。屬臨淮郡。應劭曰。相水出沛國。流至此。故曰下相。後漢屬下邳國。曹操攻徐州屠男女四十餘萬口於下相。相水爲之不流。卽此。晉屬臨淮郡。後魏亦曰下相縣。孝昌三年置盱眙郡。東

魏武定八年改臨

清郡治此尋廢

角城

在縣東南百餘里。宋志作甬城。晉安帝義熙中。土斷。立爲淮陽郡治。宋因之。常爲重鎮。泰始二年。徐州刺史薛安都舉兵應晉。安王子助。詔以申令孫爲徐州刺史。令孫進據淮陽。降於安都。既而魏將孔大恆攻淮陽。淮陽太守崔武仲焚城走。齊建元二年。角城戍主舉城降魏。魏遣將封延等出角城應之。三年。魏主寇淮陽。圍軍主成賈於角城。賈敗死。永明六年。角城戍將張蒲因大霧乘船入清中採樵。潛納魏兵。戍主臯仲賢拒却之。梁天監三年。角城戍主柴慶宗以城降魏。徐州刺史元鑒遣淮陽太守吳泰生將兵赴之。五年。將軍蕭炳擊魏徐州。圍淮陽。魏將趙怡等救淮陽。按魏將高閭云。角城叢爾處在淮北。去淮陽十八里。是角城與淮陽有二城也。東魏亦曰角城縣。魏收志。武定七年。改梁臨清。天水浮陽三縣置。仍爲淮陽郡治。高齊改爲文城縣。後周又曰臨清縣。隋省入淮陽縣。淮陽今見泗州。○柵澗城在縣西南。魏收志。下邳郡有柵澗縣。武定八年。分宿豫縣置。屬下邳郡。陳大建六年。樊毅克齊。下邳高柵等六城。高柵蓋卽柵澗也。

凌城

縣東南五十里。漢縣爲泗水國治。後漢屬廣陵郡。晉屬下邳國。宋會應劭曰。凌水所出。水經注。水東流。逕縣城。東又東南入於淮縣。以此名。○泗陽城在縣東南八里。漢縣屬泗水國。後漢省。或謂之魏陽城。蓋曹丕時所改。

司吾城

在縣西北。漢縣屬東海郡。後漢屬下邳國。應劭曰。古鍾吾國也。晉屬臨淮郡。後省。梁普通五年。魏東海太守章敬欣以司吾城來降。是也。今縣西北有司吾鄉。舊設鍾吾驛。在縣西南。

濟岷城

在縣北。東晉時。以蜀西。濟北流人。置濟岷郡。咸和三年。濟岷太守劉闔等殺下邳內史夏侯嘉。以下邳叛。入後趙。郡尋廢。沈約宋志。淮陽郡晉寧縣。本屬濟岷郡。宋改屬淮陽。○樊階城在縣東南。南北朝時。爲戍守處。宋泰始三年。魏將孔伯恭造火車。

攻宿豫。沈攸之退保樊階城。齊建元三年。遣將桓康敗魏人於淮陽。進拔樊階城。樊階卽樊階之譌也。又縣有高平城。漢臨淮郡屬縣也。後漢省。又漢武封樂大爲樂通侯。表在高平。章昭曰。在臨淮之高平。

馬陵山

縣北二里，高十五丈，周十二里。陵阜如馬，其岡脈曰霍傑山，前阻運河。○峒崕山在縣北七十里，上有石洞，泉流不竭。宋紹興中，首領張榮屯此，以拒金人志。縣西北七十里，又有司鎮山高五十丈，周十五里，又二十里有塔山，高數丈，周數里。上

有土城，相傳五代時

郭彥威屯兵其上。

黃河

在縣南，又東南經廢陵城南，入桃源縣界，即泗水故流也。亦謂之清水。梁天監五年，將軍藍懷恭與魏將邢鸞戰於睢口，敗績，樹進圍宿預，懷恭復於清南築城，鸞等攻拔之。時張惠紹守宿預，遂棄城南走。

睢水

在縣東南十里，自睢寧縣流入境，俗謂之小河。至此合於黃河，謂之睢口，亦謂之睢清口。今亦曰小河口。渡宋泰始三年，沈攸之與魏人戰，敗績於此。今詳見大川。

白洋河

縣東南三十五里，即小河之支流也。亦流入於大河。河防攷，小河口之通塞，乃歸仁堤之關要也。而縣東北馱車時兒灘一帶，上自高阜，下至時灘，皆應接築長堤，使睢水不得漫入於埤子等湖，則河口常通，而歸仁之防益固。蓋歸仁堤所以束睢

湖之水，并入於黃河，睢利則臨湖之水，并入於黃河，睢利則臨。睢宿三縣皆無沮洳之患矣。

落馬湖

縣西北四十里，又西即黃墩湖。縣西二里有陳溝口，又西二十里曰董溝口，即落馬湖。南通大河之口也。縣湖口至邳州直河東岸馬頰口可五十里，中有河可因者二十里。墾塞宜通者三十里。天啓中，議開新河於此。避磨兒莊、劉口等處七十里

之險，自是運艘皆繇陳溝口，達於泇河。崇禎八年，河臣劉榮嗣以落

馬湖阻運，自宿遷至徐州開河注之，黃水遷徙，不可以舟途獲罪。

倉基湖

縣東南三十里。寰宇記：湖周四十五里，舊爲石崇積貯之所，有闢曰石崇闌。其水導流爲崇河，入桃源縣界。○白鹿湖在縣西南五十里，繇小河入泗，又有上泊水湖在縣南三十里，繇武家溝入泗。志云：縣西北八十里有諸葛湖，又侍丘湖在縣東

北五十里。水緣新溝口入泗。潘季馴曰：侍郎與落馬湖相連，山東蒙沂諸水俱歸侍郎落馬諸湖，入於大河南外有馬陵諸山，蜿蜒環抱，爲天然遙陸云。

孫溪渚。在縣東。胡氏曰：在淮陽之北，清水之濱。齊建元三年，魏人圍角城，不克而退，齊將李安民等追之，敗魏兵於孫溪渚。

阿嵒鎮。在阿嵒山下。五代漢乾祐初，南唐遣將皇甫暉出沂泗，招納淮北軍盜，漢徐州將成德欽敗之於阿嵒鎮。唐兵引還，即此。或曰：即故司吾縣也。志云：縣東北百二十里有劉馬莊關，一作劉家莊，有巡司。又東北百八十里而至海州。

睢寧縣。州南六十里，西北至徐州二百里，西至宿州二百四十里，東南至泗州二百里。本宿遷縣地。金興定三年，以宿遷縣之古城置睢寧縣，屬泗州。元改屬邳州。今土城周三里餘，編戶二十六里。

新城。縣南五十里，相傳宋韓侂胄所築。

陽山。縣西北五十里，上有五層石臺，亦謂之羊山。萬歷中，潘季馴於羊山、龜山、土山相接處，創築橫堤數十里，以防大河泛溢。是也。又有劉胡山，在縣西北七十二里，山周數里，相傳昔有劉胡將軍屯此而名。

黃河。縣北五十里，與邳州接界。志云：縣西北七十里爲馬家淺，東至邳州新安淺二十里，西接嶺壁縣之雙溝，亦二十里。河南岸又有王家口、白浪淺等處，皆河防要地也。又黑山口在馬家淺西，接徐州界，亦爲大河東決之口。

睢水。在縣治北，自宿州嶺壁縣流經此，又東北流四十里，引芹溝湖水入宿遷縣界。志云：芹溝湖在縣東十五里，周八里，流入睢河。

峯山湖。縣東北四十里，周十二里。萬歷中，河臣潘季馴築雙溝遙堤，恐河漲直至峯山湖，分流旁決，因築羊山橫堤以備之，又合湖在縣西北七十里，一名葛湖，流合沂水，南入大河。

高作鎮。縣東十五里。又縣西三十里有子僇鎮。縣北六十里有本社鎮。縣西北六十里爲新安鎮。皆居民商旅萃集之所也。

附見

邳州衛。在州治東南。洪武十三年建。

讀史方輿紀要

卷二十三

江南五

揚州府。東至海三百六十里。南渡江至鎮江府五十里。西至滁州二百六十里。西北至鳳陽府泗州二百十里。北至淮安府三百二十里。自府治至江寧府二百二十里。至京師二千三百二十里。

禹貢揚州之域。春秋時屬吳。後屬越。戰國時屬楚。秦屬九江郡。楚漢之際。分置東陽郡。漢初屬荊國。後

又屬吳。景帝更名江都國。武帝更名廣陵國。後漢為廣陵郡。三國屬魏。為重鎮。後屬吳。吳主亮建興二年。使衛尉馮朝城廣

陵。晉亦為廣陵郡。初治淮陰。後治射陽。江左還治廣陵。東晉以廣陵控接三齊。嘗使青、兗二州刺史鎮此。大寧三年。郗鑒都督青兗二州軍事。兗州刺史。

鎮廣陵。蘇峻平後。還治京口。宋亦置廣陵郡。元嘉八年。始定為南兗州治。齊梁因之。北齊改為東廣州。陳復為南兗州。

後周改為吳州。隋初為揚州。置總管府。大業初。曰江都郡。煬帝幸江都。制江都太守秩與京尹同。唐武德三年。改為兗州。六年。又

讀史方輿紀要 卷二十三 一〇五九

改邗州。九年，改爲揚州。

置大都督府。唐紀是年以襄邑王神符檢校揚州大都督。始自丹陽徙州府及居民於江北。蘇此廣陵專有揚州之名。

天寶初，曰廣陵郡。乾元初，復曰

揚州。兼置淮陽節度於此。五代時，楊氏都焉。曰江都府。南唐以爲東都。周世宗取之，復曰揚州。

仍置大都督節度。

宋因之。

亦曰廣陵郡。淮南節度。建炎初，升爲大都督府。

元曰揚州路。

至元十三年，置大都督府。又置江淮等處行中書省。明年，改爲揚州路。尋又改屬河南江北行中書省。

明初曰淮海府。

舊志，龍鳳六年

改。尋曰淮揚府。後復爲揚州府。

時龍鳳十二年，元至正二十六年也。

直隸京師，領州三，縣七。今仍曰揚州府。

府根柢淮左，遮蔽金陵。自昔爲東南都會。

賈誼曰：漢以江淮爲奉地，蓋魚鹽穀帛多出東南。廣陵又其都會也。

吳王濞稱兵於此，漢室幾爲動搖。

孫權不得廣陵，雖數爭淮南，而終以長江爲限。東晉以後，皆建爲重鎮。梁末沒於高齊，而烽火照於闕

下。隋人命賀若弼鎮廣陵，陳祚不可復保也。李子通竊取江都，亦復南據京口。規有數郡，唐時淮南雄

鎮，莫若揚州。及高駢擁節自雄，外成巢溫之毒，內釀畢呂之禍。楊行密收其餘燼，猶能并孫儒，却朱溫。

繕兵積粟，保固江淮。沿及南唐，尙爲強國。及周世宗克揚州，江南於是日蹙矣。宋室南遷，以揚州、枕江

臂，淮倚爲襟要。趙范曰：揚州者，國之北門。一以統淮，一以蔽江，一以守運河，皆不可無備。王應麟曰：揚

州俯江涇，瞰京口，南躡鉅海之澚，北壓長淮之流，必揚州有備，而後淮東可守。

西山真氏曰：維揚合肥兩淮之根本，又魯氏漢曰：淮東控

扼有六一曰海陵。二曰喻口。三曰鹽城。四曰寶應。五曰清口。六曰盱眙。而皆以揚州爲根本。

及宋運已移。李庭芝謁蹶於此。強寇且畏其鋒。明初既定金陵。即北收揚州。不特唇齒攸寄。亦卽以包并淮南也。都燕之後。轉輸特重。揚州爲之咽喉。故防維常切。邇者闖獻之難。中原被其蹂躪。十餘年間。或再至三至。而揚州晏然。爲烽燧所不及。固由陪都左右控制嚴密。亦因其地爲東南扼要之區。而非西北所亟也。

江都縣

附郭。秦廣陵縣。漢析置江都縣。屬廣陵國。後漢因之。晉仍屬廣陵郡。宋齊皆因之。自梁至隋。廢置不一。大業初爲江都郡。治唐爲揚州。治宋因之。今編戶一百八十里。

廣陵城

在府城東北。楚舊縣。史記表。懷王十年。城廣陵。秦因之。二世二年。廣陵人召平爲陳王徇廣陵。是也。漢因之。吳王濞都此。劉昫曰。漢築廣陵城。周十四里半。後江都國及廣陵國皆治焉。後漢爲廣陵郡。治三國魏移郡治淮陰。而以故城爲邊邑。魏主

不黃初五年伐吳。自壽春至廣陵。登故城。臨江觀兵。有間渡之志。後入於吳。吳建興二年。孫峻使馮朝城廣陵。功不成。晉滅吳。廣陵郡仍治淮陰。南渡後。還治廣陵。太和四年。桓溫發徐兗二州民築廣陵城。遂移鎮焉。時兗州寄治廣陵。徐州寄治京口。發此二州民以供役也。宋大明三年。竟陵王誕據廣陵以叛。詔沈慶之攻之。克其外城。進克小城。誕敗死。北齊增置江陽郡。與廣陵郡並治焉。隋初郡廢。開皇十八年。改縣曰邗江。大業初。更名江陽。與江都縣並爲郡。治唐初。江陽縣并入江都。貞觀十八年。復析置江陽縣於郭下。南唐又改爲廣陵縣。宋初因之。熙寧五年。省南渡後復置。元廢。城邑攷云。揚州城舊有大城。又有子城。亦曰牙城。楊行密據揚州。改牙城南門曰天興。其後楊溥僭號。稱爲都城。南唐又號曰東都。及周克揚州。顯德五年。使韓令坤鎮之。州故城西據蜀岡。北抱雷陂。令坤以城大難守。築故城東南隅爲小城以治之。旣而李重進復改築州城。周十二里。宋紹興中。郭棣知揚州。以爲故城憑高臨下。四面險固。重進始夷之。而改卜今城。相距二十里。處勢卑濶。寇來襲。易如鼓掌。請卽遺址建築。許之。未幾

役城與舊壙南北對峙。中夾甬道。疏兩濠。緩急足以轉餉。謂之大城。後又於大城西南隅改築州城。卽今城也。周九里有奇。明初因之。嘉靖三十三年。復築新城。起舊城東南。至東北角樓。周十里。有奇。與舊城相埒。於是揚州有新舊兩城。

江都故城

在府西南四十里。志云。漢縣治此。三國時廢。晉太康六年。復置。江左時廢。時置。隋唐爲附郭縣。今故城已圯於江。一統志。江都縣宋治州城東南隅。元徙治北關外。至正中燬。明初改置於今治。

邗溝城

寰宇記。在州西四里。蜀岡上。左傳哀九年。吳城邗溝。通江淮。時將伐齊。北霸中國也。漢已後荒圯。謂之蕪城。胡三省云。魏曹丕登廣陵故城。卽蕪城矣。又有廣陵故城。在府北十八里。志云。楊吳時。嘗分江都地置城於此。

輿縣城

府西四十五里。漢縣。屬臨淮郡。後漢屬廣陵郡。晉因之。宋元嘉十三年。并入江都縣。○齊寧城在府東南六十里。蕭齊永明初置。縣屬廣陵郡。阮昇之記。齊建武五年。過艾陵湖水。立葦塘屯。移齊寧縣於萬歲村。中興元年廢。又圖經。隋末。嘗分江陽

立本化縣於郡東南

二里合濱渠上。旋廢。

新城

府北二十五里。晉太元十年。謝安上疏求北征。出鎮廣陵之步邱。築壘曰新城。宋德祐二年。李庭芝固守揚州。元將阿朮遣兵守高郵。寶應以絕其餉道。博羅歡又拔新城以逼之。卽此。又張公城在府西四十里。志云。東漢桓帝時。廣陵賊張嬰所築。張綱

爲郡守。單騎造賊壘。示以恩信。嬰悅服歸降。卽此處也。○寶祐城在府北七里。志云。城周千七百丈。遺隍斷壑。隱隱可尋。卽隋迷樓故基也。宋寶祐四年。賈似道奉詔築所謂包平山而瞰雷塘者。時又築新寶城。二城相連。名曰夾城。

瓜洲城

府南四十里。江濱。昔爲瓜州村。揚子江之沙磧也。沙漸長。狀如瓜字。接連揚子江口。民居其上。自唐開元以後。漸爲南北蔽喉之處。上元初。劉展據廣陵。設疑兵於瓜洲。若趨北固者。潛自上流。濟襲取潤州。明年平盧將田神功等討展軍於瓜洲。濟

江擊展。敗之。或謂之瓜埠洲。亦曰瓜洲步。新唐書。開元十二年。潤州大風。自東北海濤沒瓜步。卽此。唐末。漸有城壘。宋建炎二年。金人入淮南。陷天長軍。自揚州馳騎至瓜洲步。得小舟渡江。至鎮江府。江浙大震。紹興三十一年。金亮南侵揚州。陷。劉琦留屯於

此以拒之。既而金人盛兵塞瓜洲口。金亮亦引大軍至此。居龜山寺。金人既劫史浩。議築城置守。張浚謂棄淮而守江。是以弱示敵也。議遂阻。乾道四年。始築城置堡於此。德祐初。元伯顏陷建康。遣張宏範屯瓜洲。宋軍水陸進攻。不能克。既而伯顏復遣阿朮行省瓜洲。斷淮東援兵。遂分軍三道。進窺臨安。二年。元人劫少帝太后北去。時李庭芝鎮揚州。遣其將姜才夜擄瓜洲。以邀帝后。元人避去。才追戰至浦子市而還。今城東西跨壩址。周千五百四十三丈。有五門。江防分司駐焉。居民商賈駢集。輻輳。謂之瓜洲鎮。南岸即京口也。下蜀。東陽。見江寧府。句容縣浦子市。即江浦縣之浦子口矣。

甘泉山

府西北三十五里。高二十餘丈。周圍二里。山有七峯。聯絡如北斗。平地錯落。又有圓岡二十八。如列宿之拱北。上有泉。甚甘。因名。○得勝山在府西北三十里。宋紹興初。韓世忠敗金人於大儀。還軍至此。因名。又席帽山在府西北十二里。輿得勝山。皆周二十五里。而高不過數丈。○大銅山在府西北七十二里。又有小銅山在儀真縣西北二十五里。志云。皆漢吳王濞卽山鑄錢處。

蜀岡

府城西北四里。綿亘四十餘里。西接儀真。六合縣界。東北抵茱萸灣。隔江與金陵相對。上有蜀井。相傳地脈通蜀也。志云。自邵伯埭以南。地勢皆高。卽岡阜連亘。幾數百里。淮之不能合於江也。勢也。圖經云。州城在蜀岡東南。城之東南北皆平地。溝澮交貫。惟蜀岡諸山西。接廬滁。凡北兵南侵揚州。率循山而南。據高爲壘。以臨之。唐光啓三年。楊行密以華師鐸之亂。自廬州授廣陵軍於楊子。並西山以逼廣陵。卽蜀岡也。既而行密克揚州。蔡賊秦宗權遣其弟宗衡等與行密爭揚州。抵城西。據廣陵故寨。卽行密舊屯處矣。周顯德三年。克揚州。南唐將陸孟俊自泰州進攻揚州。屯於蜀岡。周將韓令坤懼而出走。會救至。乃復入城。蓋據蜀岡。則斷周兵糧援之道。令坤所以懼而走也。志云。今郡城西北外。上高於城。敵若屯此。恆有窺伺之慮。○夾岡在府東北七里。東接灣頭鎮。淮子河口。與蜀岡相接。又崑崙岡在府西北八里。鮑照賦云。軸以崑岡。一名阜岡。亦名廣陵岡。與蜀岡連接。蓋卽蜀岡之異名矣。又有九龍岡在府南十五里。桃花岡在府西十五里。皆與蜀岡相映帶。

揚子江

府南四十里。蘇六合縣經儀真縣。至瓜洲鎮。又東過泰興如皋。歷通州故海門縣而入海。江心有南冷水。與鎮江府分界。曹魏黃初五年。至廣陵。時江水盛漲。不臨望。歎曰。魏雖有武騎千軍。無所用之。未可圖也。明年。復如廣陵。故城臨江。觀兵。見江

濱洶湧。歎曰。此天所以限南北也。晉建興末。祖逖誓清中原。自京口濟廣陵。其後南北津濟廣陵。京口實爲襟要。劉裕平南燕。以盧循犯建康。疾馳至廣陵。濟江趨京口。陳霸先平侯景。京口濟江圍齊廣陵。隋平陳。賀若弼自廣陵濟江拔京口。唐宋以來。濱江洲渚日增。江流日狹。初自廣陵揚子鎮。濟江。江面闊。相距四十餘里。唐立伊婁埭。江闊猶二十餘里。宋時瓜洲渡口。猶十八里。今瓜洲渡至京口。不過七八里。渡口與江心金山寺相對。自瓜洲而東十八里。爲沙河港。其東南與江心焦山寺相對。亦謂之沙壩河。舊與白塔。芒稻二河。俱爲洩水通江處。又東五里。曰深港。俱東面設防處也。又東五十餘里。曰寶塔灣。爲鹽盜淵藪。其兩岸汶港。可進圖山。又東南四十五里。曰三江口。亦曰新港。又東至周家橋四十里。正與江南圖山相對。中有順江洲。江面稍狹。水流至急。此處扼守。則瓜儀可保。此爲金陵門戶。江心要會有十字港。上接圖山十里。下接三江口十里。官兵可以駐劄。賊繇通州狼山而西。宜於此泊守。若一入新港。登岸爲下家墳。周家墳。稍西則揚州矣。此新港爲可以登岸。可以入海之要口。江防最切處也。舊圖經。揚子江自黃天蕩西牛步沙。與建康爲界。蘇瓜步下小帆船。經儀真境內。東下至鐵丁港。鵝翎蘆。與鎮江分界。東北趨江都。逕通州入海。所謂揚子江也。江防說。大江南岸圖山。北岸三江口。爲第一重門戶。而鎮江瓜洲。則第二重門戶。儀真天寧洲。爲第三重門戶。餘見大川大江及川瀆異同。

官河

府東南二里。古邗溝也。卽春秋時吳通江淮之處。三國吳嘉禾三年。分道伐魏。遣將軍孫韶等入淮向廣陵。淮陰。又太平二年。孫峻使文欽等自江都入淮。泗。以圖青濟。蓋皆使之自邗溝以入淮也。亦謂之邗江。亦曰合瀆渠。今爲漕河。蓋江南之漕。廣陵

當其咽喉。上江來者。至自儀真。下江來者。至自瓜洲。會於揚子橋。東北行過府城。東凡六十里。而入邵伯湖。又北行六十里。入高郵界。又北四十里。至界首。入寶應湖。又北至黃浦。接淮安界。爲山陽瀆。蘇江達淮。南北長三百餘里。漕河堤在焉。堤宋張翰所築。

也。天禧中，綸爲江淮發運使，因隄之舊而增築之，長二百里，旁鑿以巨石，爲十關以洩橫流，亦曰平水關，亦曰開堰。政和八年，發運使柳庭俊言：「真揚楚酒，高郵運河堤岸，舊時有斗門水牯等七十九座，限制水勢，常得其平，比多損壞，詔檢討修復。」紹興五年，詔漕瓜洲至港口運河淺澁，自是以時增治，蓋自邵伯以北，地勢西高而東卑，高寶諸湖，周數百里，受天長七十餘河之水，夏秋泛溢，勢若滔天，故堤堰爲是切明。永樂中，平江伯陳瑄言：「湖漕不堤，與無漕同，湖堤弗開，與無堤同，置關之法，欲密欲狹，密則水疏，無漲滿之患，狹則勢緩，無噴決之虞，湖溢則洩，以利堤，湖落則閉，以利漕，又置淺船淺夫，取河之污，厚湖之堤，關多則水易落而堤堅，漕動則河愈深而堤厚，庶幾湖漕不病而高寶以東之民不至有田廬漂溺之患矣。」今府境官河有十一淺，曰新廟，曰浪蕩，曰頭潭，曰宋家，曰柳青，曰東西灣，曰花家園，曰李家莊，曰姚家潭，曰吉祥莊，曰江家莊，每淺有長吏主之，以督挑漕之役。河渠攸府西南二十餘里，有三汊河口，卽儀真瓜洲連府城之道也。嘉靖七年，漕臣唐龍請於三汊河口儀真上游之地置閘以禦漕利。天啓元年，三汊河淤發，丁夫開濬，尋復故。○保揚河在府西四里，城北三里，舊有柴河，東達官河，西接市河入城，而城西一望平原，別無濠塹，崇禎十年，始自柴河口引城東運河繞西郭，復折而西南，接城南二里之寶帶河，仍合運河，延袤十六里，時又於近河東岸緣壘爲城，上設敵臺，以備流寇侵逼，因名曰保揚。

伊婁河

在府南二十里，揚子鎮南通大江，自隋以前，揚子鎮臨江南渡京口，唐時積沙二十五里，渡江者繞瓜步沙尾，紆回六十里。開元二十六年，齊澣爲潤州刺史，請於京口埭下直趨渡江，二十里間伊婁河於揚州南瓜洲浦，長二十五里，卽達揚子鎮。從之，因立伊婁埭，官收其入，至德中，永王璘作亂，據丹陽，淮南採訪使李成式遣兵拒之於伊婁埭，亦曰伊婁堰。宋紹聖中，易堰以開，今運河自瓜洲鎮達於揚子橋，卽此河也。漕河攸瓜洲漕河本名伊婁河，自唐以來，皆爲漕渠，津要，河口接大江，亦曰瓜洲渡。宋紹興三十一年，金亮軍瓜洲，謀犯京口，楊存中等命戰士踏車船，自京口徑向瓜洲，迫岸復回，金兵皆持滿以待，其船中流上下，回轉如飛，敵相顧駭愕。淳熙十四年，揚州守臣熊飛言：「揚州運河惟藉瓜洲，真州兩瀆，積積，今河水走洩，緣瓜洲上中二厓，

久不修治。惟賴湖。一。座。然迫近江湖。水勢衝激。易致損壞。望勅有司。照舊修葺。從之。今漕河至此。分爲三支。如瓜字形。東西二支。通江。一支。阻堤下。江運艘。皆經此。過壩。景泰六年。河臣陳泰。以瓜洲壩下東西二港。江湖往來。泥沙填淤。乃修濬之。隆慶四年。河臣萬恭。更請建瓜洲閘。自時家洲。達花園港。開渠長六里。有奇。開成一。名廣惠。一名通惠。漕舟便之。志云。瓜洲運河分三支。三支之中。又分爲十各築一壩。以河高江低。壩之使不洩也。瓜洲西七里。爲花園港。又西十五里。爲儀真縣之何家港。皆爲江岸設防處。有瓜洲。

巡司戍守。

白塔河

府東北六十里。南通揚子江。北抵運河。其水冬涸春泛。民得灌溉之利。河清攷宣德七年。陳瑄開白塔河。置新閘。潘家莊大橋。江口四閘。令江南運船。從常州西北孟濱河過江。入白塔河。經運鹽河。至灣頭。達漕河。以省瓜洲盤壩之費。人以爲便。正

統四年。都督武興。議以白塔河洩水。奏閉之。仍從瓜洲過壩。白塔運道。遂廢。又淮子河。在府東北十二里。淮一作懷。舊志云。懷子河。在儀真東北三十里。介勾城陳公二塘之間。東出城北。接於運河。其在儀真境內者。亦謂之太子港。○芒稻河。在府東三十里。志云。邵伯南五里有金家灣。爲南通芒稻之徑。洩運堤以西。諸湖之水。東南流。經灣頭。東絕運鹽河。而輸之芒稻河。蘇河以洩於江。萬歷二十三年。淮湖水漲。議者欲自金家灣入芒稻河。引淮水注江。既而河臣楊一魁。開金家灣十四里。至芒稻河。復建減水石閘三座。蘇芒稻河通江一十八里。亦建石閘一座。一時漲水。頗藉宣洩之利云。

茱萸灣

府東北十五里。阮昇之記。吳王濞。開邗溝。通運至海陵倉。以地有茱萸村。故名。今從官河分流。東經茱萸灣。行五十里。至宜陵。又東六十里。至泰州治。元和志。隋仁壽四年。開此以通漕。一名灣口。一名灣頭。亦曰東塘。唐中和初。黃巢入長安。淮東帥

高駢。聲言入討。出屯東塘。光啓三年。徐州叛將張雄。馮宏鐸等。初據蘇州。尋敗入海。引樓船。泝江而西。泊於揚州東塘。時陽行密克揚州。亂將秦彥等。自開化門出。奔東塘。開化門。州東門也。天復二年。時馮宏鐸。據上元。爲行密將田頴所敗。棄昇州。將沿江入

海。至東塘。行密迎之。遂收其衆。明年。田頴與潤州將安仁義叛。仁義悉焚東塘戰艦。胡氏曰。東塘卽今灣頭。至宜陵一帶塘岸。對岸卽潤州界。淮南戰艦聚焉。故仁義得焚之也。或曰。宜陵鎮南舊有山洋河。南通大江。又府東十里。舊有沙河。長四十里。接運河。通江東塘。蓋逼近江口。爲濱江灣泊之處。以在揚州之東。故名。非專指灣頭爲東塘矣。周顯德三年。韓令坤克唐揚州而守之。唐兵來攻。令坤敗之於灣頭堰。宋紹興四年。詔毀灣頭港口。以遏金兵。令不得積水通船。紹定三年。李全以楚州叛。攻揚州。至灣頭立寨。據運河之衝。德祐二年。元人攻揚州。以兵屯灣頭及揚子橋。瓜步諸處。真州守苗再成欲以通泰兵攻灣頭。是也。舊志揚州北十五里有灣頭鎮。又運鹽河。卽灣頭河之支分也。蘇灣頭而東七十里。至斗門。入泰州界。又東百六十里。至海安。入如皋界。又東南百十里。至白蒲。入通州界。又東七十里。至新寨。入海門界。又東八十里。達呂四場。其支派通各鹽場。

艾陵湖。

府東北四十五里。舊宇記。合潰渠。東有小渠。闊六步五尺。東去七里。入艾陵湖。今湖在邵伯鎮。東西接官河。謝安立邵伯堰。堰此湖之水也。齊建武五年。遏艾陵湖水。立菱塘屯。今自艾陵湖北。曰葑塞湖。又北曰綠洋湖。綠洋湖之西。曰甕子湖。皆互相通。注入。

於官河。

邵伯湖。

府北四十五里。東接艾陵湖。西接白茆湖。南通新城湖。旁有邵伯埭。晉太元十一年。謝安築新城於城北二十里。築堰以灌民田。民思其德。比於邵公。因名。其後湖水浸淫。漸爲民害。唐興元中。李吉甫築堤以護田。謂之平津堰。自是相繼修築。爲運河堤。有斗門橋。宋天聖七年。發運使鍾離璜置閘通漕處也。遇官河水涸。輒引湖水濟之。嘉靖中。縣令張公甯議曰。邵伯湖上受諸湖之水。下流入江湖。口闊二十丈。以故水發則橫溢爲害。且邵伯堤一帶與湖相連。水發則直衝堤岸。宜北自露筋廟。南抵馬家渡。於舊堤南別築一堤。又自馬家渡而南至八塔鋪。另築一堤。成一夾河。則河堤可保無事云。今爲邵伯鎮。置巡司於此。邵伯驛亦在焉。爲水陸孔道。○黃子湖在府北六十里。又朱家湖在府東北六十里。皆東通官河。志云。黃子湖之西。有赤岸等湖。又府

東四十里有大石湖與張綱溝相接溝
西去府城三十里合芒稻河入大江

雷塘

府西北十五里亦曰雷陂漢江都王建遊雷陂卽此唐武德五年改葬隋穆帝於雷陂南平岡上貞觀中李襲譽爲揚州長史引雷陂水築勾城塘灌田八百頃貞元中杜佑節度淮南決雷陂以廣灌溉斥海濱棄地爲田積米至五十萬斛志云雷塘有二上雷塘長廣共六里下雷塘長廣共七里自宋以後日就堙廢民占爲田明屢經修復今蘇淮子河引流濟運○勾城塘在府西南三十五里與儀真縣接界長廣十八里有奇唐李襲譽所築也後廢爲田明嘉靖中開濬其水東南流至烏塔溝南入於清河尋復廢潘季馴曰勾城陳公二塘地形高阜水俱無源惟藉積雨爲塘下流皆從儀真縣響水關出江難以濟運也

陳公塘

府西五十里與儀真縣接界後漢末陳登爲廣陵太守濬塘築陂周回九十餘里灌田千餘頃百姓德之因名亦曰愛敬陂陳水散爲三十六汊爲利其溥唐食貨志初揚州疏太子港陳登塘凡三十四陂以益漕河輒復堙塞貞元中淮南節度使杜佑乃自江都西濬渠蜀岡之右疏勾城湖愛敬陂起堤灌城以通大舟夾堤高邱亦得灌溉然河益卑水下走淮夏則舟不得前元和三年李吉甫節度淮南乃築平津堰以洩有餘補不足漕運遂通宋大中祥符間置斗門石礎引水濟運紹興四年詔毀陳公塘無令走入運河以資敵用蓋以金兵在淮南也淳熙八年漕臣錢冲之言真州東二十里有陳公塘其塘周回百里東西北三面倚山爲岸其南帶東係前人築壘成堤以受啓閉旱潦得藉以灌溉漕舟復賴其通濟今日就廢壞宜仍舊修築塘岸建置斗門石礎各一所爲久遠之計從之明初漸淤民耕佃其中嘉靖萬歷中屢議修復卒不果天啓四年又修治之尋復廢志云自陳公塘接雷塘舊有槐家河引水至灣頭入運河

新塘

府西北十里長廣二里餘西南接上雷塘合流入於清河宋紹定四年李全窺揚州趙范等敗之全走死於此亦曰小新塘清河考陳公塘上下二雷塘勾城塘小新塘舊爲揚州五塘運河淺涸往往引塘水濟之其後豪民占據爲田無復漸洩之利嘉

塘中警大加修復。置開設防。未幾復廢。蓋五塘之名。僅存而已。

七里溝

府東北十里。亦曰七里港。唐寶歷二年。鹽鐵使于播奏揚州城內漕河水淺。舟船滯滯。轉輸不及期。請從府北閘門外古七里港開河而東。屈曲至禪智寺橋。通舊官河。長十九里。從之。卽此河也。又蓄穀溝在府東北六十里。其地舊爲蓄菴村。接高

郵州之

永安港。

三里溝

舊在府西南十九里。宋德祐初。蒙古將阿朮自真州乘勝趨揚州。州將姜才逆敗之於三里溝。阿朮伴退。才逐之。阿朮還戰。至揚子橋。兩軍夾水而陣。蒙古將張宏範絕渡進戰。才軍潰。敵兵進薄揚州南門。志云。今城南三里。亦曰三里溝。南接馬泊

港。港在府南十五里。又南通深港。達大江。○官溝在府東三十里。南通江。又府西南十五里有雙港。東南十五里有華家洋港。府東四十五里。曰蠅子港。東南四十五里。曰倒流港。東北四十七里。曰進水深港。皆通大江。其濱江以港名者。又不一處也。

龍舟堰

府南二十里。十道志。魏文帝丕臨江試龍舟於此。因名。宋天禧二年。漕臣賈宗言。歲漕自真揚入淮汴。歷堰者五。輒載傾於剝。卽民力罷於秦。輒官私船艦。繇此速壞。今議開揚州古河。遶城南接運渠。毀龍舟新輿。築三堰。鑿近堰舊路。以均水勢。

歲省官費十數萬。功利甚厚。從之。宣和二年。以運河淺溢。發運使陳亨伯使其屬向子諶相視。子諶言。運河高江淮數丈。自來置堰。歸治敗塘。復作歸水澳。惜水如金。比年行直達之法。或啓或閉。不暇歸水。又頃毀朝宗關。自洪澤至邵伯數百里。不爲之節。故山陽上下不通。欲救其敝。宜於真州太子港築壩。一以復懷子河故道。於瓜州河口作壩。一以復龍舟堰。於海陵河口作壩。一以復茱萸待賢堰。使諸塘水不爲瓜洲真泰三河所分。於北神相近作壩。權閉滿浦關。復朝宗關。則上下無壅。矣。亨伯從之。漕復通利。今廢堰在揚子橋南。朝宗關卽山陽縣洪澤關。北神堰亦見山陽縣。滿浦關。或曰卽寶應縣黃浦關。新輿關見鹽城縣新輿堰。

江都宮

在故廣陵城內隋煬帝所築宮也。其宮東偏門曰芳林。又有元武。元覽諸門。皆宮門也。中有成象殿及流珠堂諸處。大業十四年。司馬德戡等謀爲變。燕王侯覺之夜穿芳林門側水竇而入。至元武門請見。不得達。爲叛者所執。旣而德戡等兵入。

成象殿。獨孤閣。遠帥殿。內兵詣元覽門。叩關請帝臨戰。不應。警被弑。殞於西院流珠堂。是也。又有楊吳時故宮。在舊子城內。今皆埋廢。○顯福宮在府東北。隋時城外離宮也。字文化及等。試煬帝。審江都舟戰。行至顯福宮。虎賁郎將麥孟才等謀誅化及不克。卽此。

大儀鎮

縣西七十里。接天長縣界。宋建隆元年。親征淮南。李重進次大儀。遂克揚州。紹興四年。劉豫以金人入寇。步兵自楚攻承州。騎兵自泗攻滁州。韓世忠軍揚州。分兵守承州。親提授兵至大儀。以當敵騎。伐木爲柵。自斷歸路。勒五陣。設伏二十餘所。金

前軍聶兒李董引兵趨江口。距大儀五里。別將撻不野攏鐵騎過。

五陣東。伏發寇大敗。論者稱大儀之捷爲中興武功第一者也。

宜陵鎮

府東北六十五里。地勢高阜。民居稠密。自灣頭達泰州之道也。又萬壽鎮在府東四十里。西至寶塔灣五里。有巡司戍守。自萬壽鎮而東三十里爲歸仁巡司。司之西卽三江口。司之東爲廟灣。與周家橋逼近。皆濱江設防處也。

阜角林

府南三十里。宋紹興三十一年。金亮南侵。劉錡軍瓜洲。遣將王佐等拒金人於此。佐設伏林中。敵至伏發。金人大敗。旣而金人以運河岸狹。非用兵之利。遂引去。佐復追敗之。

平山堂

在府西北五里。蜀岡上。宋慶歷三年。郡守歐陽修建。江南諸山。若拱列簷下。因名。紹定三年。李全據灣頭立砦。使其將胡義爲先鋒。駐平山堂。以俟三城機便。旣而進逼揚州。大燕於平山堂。趙范等出兵襲敗之。咸淳五年。李庭芝鎮揚州。以平山堂

下敵州城。敵至則構望樓於上。張弓弩以射城中。因築城包之。今城廢。堂存。

吳公臺

府城西北四里。一名弩臺。劉宋大明三年。沈慶之攻克廣陵。增築之。故名。唐武德元年。江都守陳稜葬煬帝於江都宮西。吳公臺下卽此。

明徵攻廣陵。增築之。故名。唐武德元年。江都守陳稜葬煬帝於江都宮西。吳公臺下卽此。

揚子橋。府南二十里。自古爲濱江津要。繇此渡江抵京口。渡關四十里。隋開皇十年。陳故境多叛。命楊素討之。素帥舟師自揚子津入擊。破賊帥朱莫問於京口。大業七年。升釣臺。臨揚子津。大燕百僚。尋置臨江宮於此。亦曰揚子宮。九年。吳郡朱愛。晉陵管

崇等作亂。時帝在涿郡。命虎牙郎將趙六兒將兵屯揚子。分爲五營。以備賊。賊渡江。襲破其兩營而去。十三年。駕出揚子。幸臨江宮。唐武德二年。李子通攻江都。沈法興遣子綸赴救。軍於揚子。時杜伏威亦自歷陽來救。軍於清流。與綸相去數十里。子通詐爲綸軍。襲伏威。伏威怒。亦遣軍襲綸。兩軍相疑。江都遂陷於子通。清流蓋在府城西南。七年。輔公祐叛。任瓊討之。拔其揚子城。廣陵來降。開元以後。爲沙洲所隔。齊澣開伊婁河於揚子。鎮南。遂爲往來通津。光啓三年。淮南軍亂。畢師鐸自高郵襲廣陵。不克。軍於揚子。宣州觀察秦彥遣將秦稠將兵至揚子助之。進陷廣陵。廬州刺史楊行密引兵攻彥。軍於揚子。並廣陵西岡以逼城。彥尋敗走。宋建炎初。幸揚州。金人破天長帝自瓜洲南渡。金人入揚州。追至揚子橋而還。紹興三十一年。金人犯揚子橋。劉錡拒却之。今運舟自儀真達者四十里。至石人頭。入江都界。又十五里。至揚子橋。自瓜洲達者三十里。亦至揚子橋。合於官河。東折北行。經府城東。蓋總會之所也。○周家橋在府東南百四十里。南臨大江。西接廟灣。爲控扼要地。有官兵屯駐。又東有口岸巡司。入秦與縣界。○志云。縣有萬壽巡司。在縣東四十里。歸仁巡司在縣東百二十五里。上官橋巡司在縣西北八十里。瓜洲巡司在縣南四十五里。邵伯巡司。邵伯驛。河泊所。俱在縣北四十五里。

白土戍。在府西。宋大明三年。竟陵王誕舉兵。廣陵詔沈慶之討之。慮誕奔魏。使慶之斷其走路。慶之營白土。去城十八里。又進軍新亭。逼之。新亭蓋在蜀岡上。○撻扒店在府西。宋淳祐初。蒙古入滁。和諸州。淮東將鄧淳等戰於揚州之撻扒店。却之。

桑里。在府城西南二十里。宋大明三年。沈慶之攻廣陵。宋主命爲三烽於桑里。克外城。舉一烽。克內城。舉兩烽。擒劉誕。舉三烽。是也。又丁村在府北宋德祐二年。揚州圍久。食盡。州將姜才聞高郵運米將至。出步騎與元軍戰於丁村。潰還。

山光寺。在府城北。唐光啓三年。華師鐸戍高郵。還襲廣陵。軍於此。宋乾道三年。淮東提舉徐子寅請開灣頭港口。至鎮西山光寺前橋頭。以通運道是也。又禪智寺在府東十五里。隋故宮也。寺前有橋跨官河上。楊吳時。徐知訓與主演泛舟濁河。繼又賞花。

禪智寺。濁河卽官河矣。○潘蓋觀在舊城東南隅。五代以前在城外。謂之后土廟。俗所謂瓊花觀也。唐中和二年。妖人呂用之說高駢崇大其廟。極江南工材之選。一名唐昌觀。後廢。明正統間重建。

儀真縣。府西七十五里。西南渡江至江寧府六十里。西北至泗州天長縣百二十里。東南渡江至江寧府句容縣九十里。漢江都縣地。唐揚子縣地。地名白沙。五代屬永貞縣。後唐同光五年。吳楊溥如白沙觀樓船。更命白沙曰迎鑾鎮。宋乾德二年。升爲建安軍。

大中祥符六年。改眞州。政和七年。賜郡名曰儀真。元至元中曰眞州路。尋復爲眞州。隸揚州路。明初改儀真縣。以州治揚子。縣省入。今城周九里有奇。編戶十四里。

揚子廢縣。舊城在縣東南十五里。九域志。揚子縣東至揚州六十里。渡江而南。至金陵亦六十里。隋末。杜伏威嘗置戍守於此。永淳元年。始分江都置揚子縣。至德二載。永王瑒作亂。軍丹陽。淮南採訪使李成式討之。別將李銑軍於揚子。是也。大歷以後。

鹽鐵轉運使置巡院於此。有留後官掌之。廣明初。淮南帥高駢奏揚子子院。留後爲發運使。五代南唐改爲永貞縣。宋太平興國中。復曰揚子。大中祥符六年。置眞州。始移揚子爲附郭縣。建炎初。升爲揚子軍。四年。復爲縣。紹興十年。又升軍。明年復故。元仍爲揚子。

縣明初省。○左安城在縣西二十里。地多山。谿旁有崇丘。道出六合。蓋舊時戍守處也。

城子山。縣北六里。山形如城。魏文帝築樂遊臺。立馬賦詩於此。又焦家山在縣東北五里。宋開禧二年。金人寇眞州。總轄唐環決陳公塘水。被眞東北境。敵登焦家山望之。知不可越。引退。○方山在縣西三十里。其嶺四面平正。唐於此屯軍。置方山府。其並。

時者曰橫山。高廣與方山相埒。二山俱接六合縣境。又有鴉山。在縣西四十里。以兩峯相對。而名。唐光啓中。蔡州賊將孫儒嘗屯於此。蔡址猶存。俗謂之奶山。亦與方山鼎峙。

小銅山。縣西北二十五里。寰宇記謂之大銅山。又有小銅山。在其東麓。宋時淮南鼓鑄莫盛於眞州。城內舊有廣陵丹陽二監。蓋以大小銅山產銅也。又舊有治官。置於小銅山西北五里。

瓜步山。縣西四十七里。與六合縣接界處也。又有小帆船山。在瓜步東。轟起大江中。一名石帆船。志云。蜀岡上自六合縣來。至小帆船。入境綿亘數十里。達於江都云。又赤岸山。志云。在縣西三十里。今俱詳見六合縣。○靈巖山。在縣西七十里。山嶺高峻。界儀

真六合三縣間。

爲遠近之望。

揚子江。

在城南通釋。真州東行五十里至瓜洲。以達鎮江。西行亦五十里至瓜埠。以達建康。今縣南有上江。下江。舊江三口。上江口。去下江口一里。下江口與江心天寧洲相對。其東十五里爲舊江口。有舊江口巡司。西北至縣十里。與江心新洲相對。皆爲

沿江戍守處。江防攷。縣南十里爲天寧洲。近大江南岸。元末康茂才結砦處也。縣東南五里爲新洲。與天寧洲相映帶。洲渚紆回。汶港環錯。並爲江洋要害。縣東南四十里曰高資港。亦近江南岸。有巡司。西至天寧洲三十里。東至丹徒巡司七十里。明建文四年。靖

難兵克儀真。立營於高資港。是也。又有何家港。在縣東二十里。爲北岸要口。東至江都花園港十五里。西至舊江口十里。蘇京口度此登岸。則東走瓜洲。西入儀真。北達揚子橋。皆爲徑易。故防守尤切。

運河。

在縣治西南。迤東行四十里。過烏塔溝。入江都縣界。縣東南二里。舊有江口堰。卽宋之真陽堰。天聖二年。修水關。易堰。人以爲利。宣和三年。真州守李瑋言。州乃外江網運要口。運河淺澁。每不能速發。按南岸有泄水斗門。入去江不滿一里。欲開斗門。河

身去江十丈。築輜壩引江湖入河。以助運。從之。紹興四年。毀。尋復修治。淳熙十四年。揚州守臣熊飛言。揚州運河。惟藉瓜洲。真州。兩牐儲積。今河水走泄。緣真州上下二牐損壞。乞令有司葺理。明爲儀真五壩。上江運艘皆經此。凡五十五里。而達揚子橋。合於官河。河漕攷。洪武十六年。儀真縣重建清江關。惠橋腰閘。南門裏潮閘。以蓄洩水利。通漕舟。從樞臣單安仁之請也。景泰五年。以縣東十里。有河南接大江。北衝運河。因增置新壩。亦謂之新壩。河六年。又以儀真壩下有膏泥灘。直河口二港。江湖往來。每至填淤。河臣陳

泰奏請修濬。自是定制。三年一濬。今有羅泗通濟壩。

潮東關。四關俱在運河上。自南而東。以時蓄洩云。

長蘆河

在縣西四十里。其上流爲沙河。自江浦六合縣界流入境。宋天聖三年。發運使張綸請開長蘆口河入江。以避大江風濤之險。舟楫以爲便。建炎三年。金人陷太平。長蘆至建康。守臣杜充渡江遁。眞州諸將怨充嚴刻。謀害之。充不敢入營。居長蘆寺。

遂降。金寺在長蘆河西。今亦見六合縣。○遇明河在縣西。宋崇寧

二年。詔淮南開修。遇明河自宣化鎮江口直至泗州淮河河口。今埋。

陳公塘

縣東北三十里。其塘西北依山。東南面水。有斗門石礎。歷代引以濟運。今爲軍民所占佃。又句城塘在縣東北四十里。闊二里。長七里。今亦廢爲田。志云。縣東二十里有戴子港。卽陳公塘下流也。南入江北流闊處。卽懷子河矣。今俱詳見江都縣。

北山塘在縣北濠外一里。其相接者爲茆家山塘。北面依山。東西引流入濠。舊時潛爲水櫃。以遏敵。又有石壩。蓄水溉田。今俱廢。又劉塘在縣西北五十里。方山之西。窺巖山之東。導流爲東溝。南入江。志云。東溝在縣西南四十里。爲儀真六合之交。值黃天蕩。大江

衝要處也。

老鶴嘴

在縣東南。宋德祐初。蒙古將阿朮攻眞州。州守苗再成與戰於老鶴嘴。敗績。阿朮乘勝趨揚州。或曰。卽今縣東南二十里之老鴉夾也。又青山嘴在縣西三十里。江防考。青山嘴西至東溝二十里。東至下江口三十里。與老鴉夾俱爲濱江。

白沙鎮

在縣城南濱江。卽白沙洲也。舊爲戍守要地。齊建武初。魏人入寇。詔於白沙分置一軍。長蘆分置三軍。唐至德二載。永王瑒作亂。軍丹陽。其將馮季康奔白沙。降於淮南。采訪使李成式。上元元年。劉展據廣陵。軍於白沙。濟江襲下蜀。遂取潤州。後唐

同光二年。楊溥如白沙觀樓船。徐溫自金陵來朝。因號白沙爲迎鑾鎮。周顯德五年。周主如迎鑾鎮。屢至江口。破唐水軍。宋建隆初。太祖平李重進於揚州。令諸軍督戰艦於迎鑾鎮。南唐主李景大懼。卽白沙也。乾德二年。始置建安軍於此。○宣化鎮在縣西二十

里。亦曰五馬渡。與六合縣接界。今詳見六合縣。

歐陽成。在縣東北十里。水經注。邗溝水上承歐陽。引江入壘。六十里至廣陵城。宋大明三年。竟陵王遜舉兵廣陵。詔沈慶之討之。慶之進至歐陽。齊延興元年。蕭鸞使王廣之襲南兗州刺史安陸王子敬廣之。至歐陽。遣部將陳伯之先驅入廣陵。梁太清二年。侯景圍臺城。北徐州刺史蕭正表叛附景。景以爲南兗州刺史。正表乃於歐陽立柵。以斷援軍。蕭會理時鎮廣陵。遣兵襲破之。正表走。還鍾離。承聖初。王僧辨等破侯景。分遣陳霸先將兵向廣陵。時景將郭元建以廣陵降齊。霸先至歐陽。齊將辛術已據廣陵。霸先遂屯歐陽。會齊兵圍六合。霸先自歐陽赴救。大破之於士林。是也。士林見六合縣。○

新城村在縣東北十五里。南通何家港。北達揚子橋。往來之通道也。俗謂之都天廟。

胥浦橋。在縣西北七里。志云。胥浦之水。源出小銅山。東南流。至城西。復折而西南。流里許。爲上口。入江。俗謂之綸匙河。是也。宋紹興三十一年。邵宏淵退保於此。以拒金堯之師。開禧二年。金人陷真州。寇六合。揚州帥郭倪拒之於此。敗績。又端平三年。蒙古

將察罕攻真州。州守丘岳敗之。乘勝出戰於胥浦橋。蒙古引却。

泰興縣。府東南百四十里。北至泰州九十里。東至通州百六十里。本海陵縣。地。南唐析置泰興縣。屬泰州。宋屬揚州。今城周九里。編戶一百八里。

泰興舊城。在縣西北。志云。南唐昇元初。析海陵南五鄉地置縣。治濟川鎮。在今縣西北四十里。宋乾德三年。徙治於柴墟鎮。熙寧中。知縣尤袤排衆議。築外城。周九里有奇。俗號爲龜城。建炎三年。岳飛駐泰州。以州無險可恃。退保柴墟。洩百姓於沙上。是時。金人陷揚州。所至塗炭。惟縣有外蔽。全活甚衆。紹興初。移縣治延令村。即今城也。其故城仍曰柴墟鎮。紹熙五年。淮東提舉陳損之言。柴墟鎮舊有堤。隔爲泰州洩水處。久廢。屢宜於此。創立斗門。西引天長。盱眙。以東。衆湖之水。起自江都。北經高郵。寶應。山陽。抵淮陰。西入淮。又自高郵入興化。東至鹽城。極於海。又從泰州南至泰興。徹於江。共爲石礎十三。斗門七。淮東田多沮洳。縣此得良田數百萬頃云。

孤山。縣東南七十里。南枕大江。巖然一峯。約高百仞。上多大竹。志云。孤山。縣之鎮山也。舊在江北岸。其後岸圯。山入江中。今江爲平陸山。與靖江縣分界。又東山在縣東六十里。

大江。舊在縣南三十餘里。自江都縣流入界。又東入如皋縣界。天啓以後。沙渚漲塞。泰興與靖江接壤處。悉爲平陸。因於縣南三十里。開爲界河。東通老沙港。西通大江。長亘五十里。

得勝河。縣西四十五里。下流經縣西南三十里。曰盛大港。流入大江。又廟港在縣西三十里。流經江都縣境入江。縣西四十五里。又有過船港。成化十八年。於縣東南三十里。印莊河西至廟港。築江堰。嘉靖十二年。又自廟港至過船港。增築江堰。以衛田大利。爲民

相見灣。在城東。俗謂之龍開河。河形委曲。舟行雖有先後。至此則帆檣相望。可呼而應也。又城北二里。曰通泰河。一名槐子河。流合龍開河。下流俱注於江。○范蔡港在縣東南江中。明初攻泰州。張士誠遣兵赴援。舟師出大江。次范蔡港。別以小舟於江中。

孤山往來出沒。太祖曰。士誠欲分我兵勢耳。我乘其怠。急攻泰州。州破。江北瓦解矣。今舊港已堙。

新河港。縣東南四十餘里。元置干塘巡司。屬武進界。明初以隔在江北。改今屬。今司廢。

黃橋。縣東四十五里。有巡司戍守。嘉靖中。官軍嘗敗倭於此。縣西四十里。又有口岸巡司。接江都縣界。縣南三十餘里。又有印莊巡司。

附見

揚州衛。

在府城內。洪武中置。又儀真衛。在儀真縣城內。亦洪武中置。志云。興化縣有守禦千戶所。舊屬高郵衛。今屬揚州衛。

高郵州。

府東北百二十里。北至淮安府百二十里。西至鳳陽府泗州二百里。東南至泰州百五十里。

春秋時吳地。秦屬九江郡。漢屬廣陵國。後漢屬廣陵郡。晉屬臨淮郡。宋復屬廣陵郡。齊因之。梁置廣業郡。尋改神農郡。以嘉禾之瑞改焉。隋郡廢。屬揚州。大業初。屬江都郡。唐亦屬揚州。宋開寶四年。置高郵軍。熙寧

五年。軍罷。仍屬揚州。元祐中。復置軍。建炎四年。升爲承州。紹興五年。州廢。三十一年。復爲軍。元置高郵路。尋改高郵府。屬揚州路。明初改爲州。以州治高郵縣省入。編戶八十五里。領縣二。今因之。

州介於揚楚間。號東南咽喉。唐咸通九年。桂州戍卒龐勛等叛。還徐州。道經淮南。淮南將李湘言於節度使令狐綯曰。高郵岸峻而水深狹。若奇兵伏其側。焚荻舟塞其前。而以勁兵蹙其後。可盡擒也。綯不從。及助至徐。遂爲東南大患。周顯德四年。攻楚州。遣兵趨揚州。至高郵。唐人焚廬舍。悉驅其民。渡江而去。元末張士誠據此。爲江淮之厲。蓋州藪澤環聚。易於控扼也。宋時州人秦觀詩曰。吾鄉如覆孟。高據揚楚脊。環以萬頃湖。粘天無四壁。故高郵亦曰孟城。

高郵廢縣。

今州治。秦高郵亭也。漢置縣。屬廣陵國。後皆爲高郵縣。宋始爲高郵軍治。元爲府治。明初省。今州城周十里有奇。

臨澤廢縣

州東北九十里。劉宋大豫初置縣。屬海陵郡。齊梁因之。隋初并入高郵。又州境有竹塘三鋪等縣。隋志。梁析高郵縣置。屬廣業郡。高齊及周因之。隋俱廢入高郵縣。

神居山

州西南六十里。一名土山。高二十五丈。周十五里。秦觀曰。山不其廣而股趾盤礴甚大。傍占數墟。遂爲州境之望。

官河

在州城西。自州南三十里。江都縣界露筋廟起。至州北六十里界首鎮止。其西七十二澗之水。蘇墅社等湖。經城南北金門關。及城西窯港。闢而入官河。今漕運所經也。舊時漕河出城西。築隄以衛之。曰東堤。又有西堤。濱湖以捍水。復築堤以衛民田。曰

中堤。其後東堤圯。故漕河廢。漕出西堤中堤間。仍稱東堤運河。其故址卽唐李吉甫所築平津堰。溉田數千頃者也。宋時修爲運堤。大中祥符間。轉運使吳遵路請於高郵等處置斗門九十。以蓄洩水利。天聖中。轉運方仲開言。淮南漕河宜作木閘石窗。分水溉民田。重和初。柳庭俊復請修高郵運河堤岸。斗門水閘。紹熙五年。淮東提舉陳損之言。高郵楚州之間。陂湖渺漫。茭葑彌滿。宜剏立堤堰。以爲蓄泄。庶幾水早有備。元延祐五年。命開修高郵運道。大德十年。復濬治。明爲漕運經途。濬治益密。城西北有康濟河。長四十餘里。宏治二年。漕臣白昂以運舟入鹽社湖。常覆溺。觸岸輒壞。乃開復河於高郵堤東。以避其險。謂之康濟。蓋卽官河之別名也。志云。河起自城北。杭家嘴。又北至州北三十里之張家溝。長竟鹽社湖。萬歷三年。湖水決州北二十里之清水潭。及潭北十里之丁志港口。明年。漕臣吳桂芳等議。修復西湖老堤。老堤洪武九年所築湖堤。卽西堤也。其康濟河卽故東堤。是時東堤中堤悉堙沒。老堤傾壞。淮湖之水縱橫漫衍。於是議塞決口。修老堤。傍老堤民田中。改挑康濟越河。於是廢東堤。築中堤。以便牽挽。遂爲永制。今詳見

川濱
漕河

運鹽河

在州城東北。一名開河。亦曰東河。東流八十里。抵興化縣河口鎮。又東接泰州運河。又東至白駒。劉莊二閘。其西通新開河。宋紹熙五年。淮東提舉陳損之言。自高郵興化。至鹽城二百四十里。其堤岸旣開一新河。以通舟楫。仍存舊堤。以捍風浪。卽

此河也。志云：城南有城子河，東抵各鹽場，北達城東二里之燒香港，又北抵運鹽河。

樊梁湖

州西北五十里，上流爲樊梁溪，自天長縣石梁河流入州界，瀦而爲湖，與新開、甃社爲高郵三湖。繫年錄：承楚之間，有樊梁等三湖，綿亘三百餘里。宋紹興初，有張榮者聚衆於此，斃敗金人金陷揚州，榮駐鹽潭湖，積麥爲城，以自固。今鹽潭湖在州東北九十里，其下流通海陵溪，大抵州境湖汊最多，其大者或曰三湖，或曰五湖。蔣之奇詩：三十六湖，水所瀦，其間尤大爲五湖。五湖蓋樊梁三湖與平阿、珠湖爲五也。又或以爲卽州西六十里之五湖云。

甃社湖

州西北二十里，東西長七十里，南北闊五十里。元至正十三年，張士誠作亂，淮南行省李齊出守甃社湖是也。今爲運道所經。

新開湖

州西北三里，其水東南俱通運河，長闊各百五十里。天長以東之水，俱匯此湖，而入於淮。湖中突起一洲，可百餘畝，水雖盛漲，終不能沒其洲。去城十里，秦觀詩：高郵西北多巨湖，累累相連如貫珠。蓋州境自昔恃湖爲險，山堂考索云：淮東川澤之國，凡小洲大瀦，水勢環遶，人所不到處，皆水寨也。自老鶴新開諸湖而言，凡四十餘處，而相通之寨九。一寨一將主之，南宋所爲守淮者，皆新開等湖以爲之險耳。○平阿湖在州西八十里，其東南爲五湖，接天長縣之銅城河。州境諸湖，皆自天長縣導流東注，蓋五湖匯上流諸川，源多勢盛，州境平衍，故所在浸淫，遂爲澤國。又珠湖在縣西七十里，天長志：五湖接高郵之毗沙湖，或以爲珠湖矣。

武安湖

州西南三十里，與新開河相接。又塘下湖在州西四十里，又西十里接姜里湖。州北二十里，又有張瓦湖。又南三里接七里湖。州西北五十里，爲石丘湖，皆與甃社湖相瀦。注：又綠洋湖在州南三十里，與州東二十八里之張家溝相接。至州北三十里，亦匯於甃社湖。又州西二十里有鷓兒白湖。州東北六十里有仲村湖。又東北六十里爲郭真湖，接鹽城縣界。

白馬塘

州西南七十里北近北阿鎮晉太元中謝元自廣陵救三阿次於白馬塘卽此通釋塘阻三阿漢謝元破苻秦將鄧頤俱難

李季逸破徐敬業處也又州境有富人等塘唐會要元和三年李吉甫節度淮南築富人塘固本塘溉田且萬頃地理志高郵有堤塘溉田甚多

皆李吉甫所築今廢

子嬰溝

州北七十里自寶應縣界洩官河之水東南流經州境又東接漳河入廣洋湖萬歷二十四年漕入興化縣之大縱湖又夾溝在州西二十里志云昔開此溝以避武安湖官莊嘴之險今廢○清水潭在州北二十里其地低窪當下流之衝又北十

餘里有丁志港永定港等口萬歷中淮湖漲溢清水潭及丁志口衝決最甚

北阿鎮

州西八十里亦曰三阿三阿者鎮之南有平阿湖又南有下阿谿也東晉僑置幽州於此大元四年苻秦將俱難彭超圍幽州刺史田洛於三阿去廣陵百里朝廷大震謝元自廣陵馳救難超戰敗退保盱眙或云平阿湖側有平阿村村有故平

阿縣

魏收志譙州高塘郡領平阿縣此三阿也平阿蓋梁置後魏因之後周廢今下阿入天長縣

三塚鎮

州東四十里宋建炎中金人攻楚州詔通泰鎮撫使岳飛救之飛屯軍三塚鎮爲楚州聲援寇至三戰三捷今其地有三塚橋跨山陽河北接射陽湖南至泰州樊汶鎮接江都縣界又河口鎮在州東八十里接興化縣界志云州北三十五里有

張家溝巡司州東北百三十里有時保巡司○又孟城驛在州南門外界首驛在州北六十里俱洪武中置又稽莊在州東南十五里城子河經其傍宋末稽贊保聚於此鄉里義而歸之相率不肯附元處也

寶應縣

州北百二十里北至淮安府八十里西至泗州盱眙縣百八十里西南至泗州天長縣百七十里漢爲平安縣屬廣陵國後漢

因之後改爲安宜縣晉齊復置安宜縣屬陽平郡梁爲陽平郡治兼置東莞郡於此高齊及周因之隋郡廢縣屬揚州唐武

寶應縣

州北百二十里北至淮安府八十里西至泗州盱眙縣百八十里西南至泗州天長縣百七十里漢爲平安縣屬廣陵國後漢

因之後改爲安宜縣晉齊復置安宜縣屬陽平郡梁爲陽平郡治兼置東莞郡於此高齊及周因之隋郡廢縣屬揚州唐武

德四年置滄州。七年州廢。縣屬楚州。上元三年改爲寶應縣。宋因之。寶慶三年升爲寶應州。尋又升爲軍。元至元十六年改置安宜府。二十年府廢。仍曰寶應縣。改屬高郵府。今城周九里。編戶二十七里。

安宜城

在縣西南。漢縣治此。蕭齊置陽平郡。寄治山陽。安宜縣屬焉。梁始爲陽平郡治。太清二年秦郡。陽平皆降於侯景。景改陽平爲北滄州。秦郡爲西兗州。大寶初。東魏將辛術圍陽平。不克。繼而術鎮下邳。復渡淮攻陽平。大掠而還。陳大建五年吳明徹

伐齊。克石梁。平陽郡降。卽安

宜也。隋郡廢。唐初縣改今治。

石甃城

縣西八十里。三國魏鄧艾築此以營田。晉永和中。荀爽鎮淮陰。屯田於石甃。蕭齊建元二年。表於石甃。立陽平郡。地理志。郡治泰清縣。高齊時。又改泰清爲石甃。北齊書。乾明初。蘇珍之議修石甃等屯。歲收數十萬石。自是淮南軍防足食。後周亦置

石甃縣。隋初廢入安宜縣。城色攷。縣東南十五里有金牛城。相傳宋熙寧中築。又縣西南八十里有高黎

王城。相傳宋治平中築。又有韓王城。在縣東南四十里。射陽湖陰。相傳宋紹興中韓世忠鎮淮陰時築。

雲山

縣西南百二十里。上有龍潭。四時不涸。又箕山在縣東六十里。今惟有土阜百餘。圖經。射陽阜。東臨射陽湖。其丘千數。卽此志云。阜周四十里。中有三王溝。西南通廣洋湖。東北入射陽湖。又褚廟岡在縣西百里。東西長六里。南北一里。舊築大堰於此。以

蓄泄白水

塘之水。

運河

在縣城西。自縣南六十里界首驛。至縣北二十里黃浦鎮。凡八十里。有東西兩堤。西堤濱汜光湖。謂之舊堤。東堤爲新堤。所謂宏濟河也。舊時漕經汜光湖中。嘉靖中。漕臣陳毓賢以湖西受盱眙。天長之水。湖堤淺狹。易於潰決。恐運道有妨。且高寶以東。

民田低下。易致沉溺。請於堤東修築越河一道。不果。萬歷十二年。科臣陳大科復請開寶應越

河。從之。河成。賜名宏濟。蓋縣向稱澤國。諸湖承淮河下流。汪洋衝激。漕河經此爲最險之區。

涇河。縣北四十里。蘇山陽縣界西接漕河。經縣東四十里。又東入射陽湖。又漳河在縣東南六十里。西接子嬰溝。東北入廣洋湖。○

衡陽河在縣西南六十里。又西南四十里。達衡陽鎮。以迄於雲山。距汜光湖百餘里。舊無小河。可避風濤之險。近時挑濬六百

餘丈。達於汜光

湖。謂之陰鷲河。

汜光湖。縣西南十五里。東西長三十里。南北廣十里。漕河經此。風濤多阻。萬歷中。開越河以避其險。汜光東北曰清水湖。在縣城。南。東西十二里。南北十八里。與漕河相接。又灑火湖在縣西南四十里。西通衡陽河。南接安宜溪。東北入於汜光湖。

白馬湖。縣西北十五里。東西十五里。南北三里。其當湖心而東者。爲八淺堤。漕河所經也。萬歷初。爲湖水決壞。潘季馴以決口深闊。且水勢湍急。因築西堤於湖心淺處。仍於運河南北爲截壩二道。既而八淺決口。水瀦不流。遂塞之。仍護西堤。以爲外捍。至

今便之。志云。湖西連三角村。東北會運河。北達黃浦。爲往來津要。或曰。

白馬湖即故白馬塘。又縣東六十里。爲三阿鄉。或曰。東晉置幽州於此。

廣洋湖。縣東南五十里。東西十里。南北三里。東南通沈埭港。入博支湖。西南接漳河。北連章思蕩。東北會三王溝。縣境之水。多匯於此。東北達射陽湖。以注於海。志云。沈埭港在縣東南八十里。又東南十里。即博支湖也。博支湖之水。北接縣東九十里之馬

長汀。東北通鹽城縣。又北會於射陽湖。

射陽湖。縣東六十里。湖東屬鹽城。西北屬山陽。而西南則屬寶應。策遺凡三百餘里。其南北淺狹。而東西深廣。爲羣川之委流。東達於海。今分見鹽城山陽縣。○津湖在縣南六十里。東通運河。西北接汜光湖南。入高郵州界。或曰。即精湖也。三國魏黃初六

年。自廣陵還至精湖。時十月水涸。戰船數千。皆滯不得行。魏主

留船付蔣濟。濟鑿地聚船作土豚。遏湖水灌之入淮。卽此處也。

白水塘

縣西八十五里。闊三十里。周二百五十里。北接山陽。西南接泗州盱眙縣界。亦曰白水陂。三國魏鄧艾所作。與盱眙破釜塘相連。開八水門。立屯漑田萬二千頃。宋元嘉末。嘗決此塘。以灌東甬。大業末。破釜塘壞。水北入淮。於是白水塘亦涸。唐證聖

中始復修治。開置屯田。長慶中。復興修之。今縣西南四十里有徐州涇。青州涇。縣西南五十里有太府涇。是時發青徐揚三州民鑿涇以漑塘。因名太府謂揚州也。又縣北四里有竹子涇。亦長慶中所開。五代周廣順三年。南唐楚州刺史田敬洙請修白水塘。漑田以實邊。有司奉行無法。因緣擾民。塘不果成。宋嘉定六年。議者謂白水塘東至浮圖莊。南至菴廟岡。有岡脊大堰。久廢不治。若修復之。使高寶諸河相接。游波所及。使衛陽阜。三角村諸處。皆浸淫至城。則形勢自張。下本州相度。尤塘上言。塘周百二十里。地涉山陽盱眙兩縣。所堰之水。通富陵河。其源出盱眙縣南之塘山。山蓋因塘得名。水自高而下。裕澗築紆。凡四十里。乃至劉家渡。入富陵河。因築爲三堰。曰潭頭下堰。河喜中堰。劉家上堰。下堰至中堰十二里。中堰至上堰五里。其上又有螳螂堰。在塘內。三堰既置。則塘山以東四十里之水。不得入富陵河。然後東匯爲白水塘。今修設三堰之功。不宜苟且。若有潰決。則洪澤沿淮受害。非輕又塘之西南二面。皆因岡阜爲限。東北二面。乃是古淤平地。築塘岸脚。闊十餘丈。歲月既久。岸脊處與塘面平合。先增築塘岸。高一丈以上。方可蓄水。舊塘有八斗門。以漑塘下田。亦合修復。塘之復有三難。有二利。民間所佃塘內上腴之田。二千餘頃。廬墓莊院皆在焉。一旦儲之民必怨。一難也。塘內水盛。堤岸難測。如黃家園一帶。居民千百家。所合運徒。二難也。工役甚大。爲費不貲。三難也。塘下西北地高亢。民田多荒。東北亦有高田。灌注。則成沃壤。一利也。盱眙之民。如兩家渡等處。因水限隔。就高保聚。絕敵入小路。二利也。但夏秋之間。既開斗門。灌注。則冬春水勢必殺。恐無以待敵。又盱眙保聚。止是一鄉。不能盡杜他岐。竊見此塘本在高岡下。臨衛陽阜二十里。三角村諸處三十里。皆係向來邊兵經行橫趨大儀之路。決水自高而下。皆可灌也。議未及行。今日就淺淤矣。○羹塘在白水塘北。唐會要。證聖中。開置白水塘。羹塘屯田是也。志云。羹塘亦在縣西南。與白水塘合。

章思蕩

縣東南四十里。西接城子河南。南通廣洋湖。志云。城子河在縣東南十八里。其西北接望直港。南通章思蕩。○黃昏蕩在縣東七里。東南接望直港。東北達縣東八十里之淺溪。志云。望直港在縣東十五里。宋嘉定八年所濬。西接宋涇河。宋涇卽城中

市河也。引流而東，接望直港，亦北達於黃昏瀆。又縣北有七里溝，亦四通運河，東入黃昏瀆。

黃浦溪

縣北二十里有黃浦鎮，南通運河，東接凌溪。又東北入射陽湖。志云：黃浦鎮有閘，漕舟所經也。萬歷四十五年，漕臣陳薦檄築黃浦閘南岸，陸至射陽湖，止明年，築北岸堤，長各五十餘里。又海陵溪在縣東九十里，自興化縣流入界，俗呼琵琶頭與

馬長汀相接。西北通射陽湖。○安宜溪在縣西南六十里，東北入灤火湖，西南入高郵界，達於諸湖。

長沙溝

縣東二十五里，西接運河，東入廣洋湖。又楊家溝在縣東八十里，東南接馬長汀，西北入射陽湖。又子嬰溝在縣南六十里，溝南有子嬰舖，西接運河，東達漳河。○蘆洲在縣東十三里，東晉初祖逖軍於蘆洲，或以爲卽此處，悞也。

槐樓鎮

縣南二十里，運道所經也。有槐樓巡司，又南十里爲瓦店鎮，又南十里爲汜水鎮，其相近者曰蘆村鎮，又南十里曰江橋鎮。○黎城鎮在縣西九十里，又縣西南百里爲衡陽鎮，有衡陽巡司，又有射陽鎮在縣東四十里，又安平驛在縣北門外。

興化縣

州東百二十里，南至泰州百二十里，北至淮安府鹽城縣百十里，唐海陵縣之昭陽鎮，楊吳始置興化縣，屬江都府。南唐屬泰州，宋建炎四年，改屬承州，紹興五年，改爲鎮，屬海陵縣。十九年，復爲縣，仍屬泰州。乾道二年，屬高郵軍，今城周六里，編戶七十

里。二

運河

在城南，分流爲車頭河，東經德勝湖，至城東三十里，又東合串場河。又縣西四里爲山子河，西通海陵溪，北入白塗河。○海陵溪在縣西十五里，自泰州北浦汀河，流經縣西，又西北經寶應縣界，入射陽湖。縣東北爲白塗河，西接海陵溪，東經平望湖，又

東合串場河。

百二十里。

海溝河。縣東北二十五里。西接吳公湖。又縣南三十五里有蚌沿河。俱東通串場河。泰州志。串場河自州東之西溪引流而東北。經東臺場。又北至河梁場。又北至丁溪草堰二場。西去興化縣百十里。又北至白駒場。西南去縣百二十里。又北至劉莊場。又北至鹽城縣之伍佑。新興二場。又北過天妃石礎廟灣。等口而入海。經流於中十場之間。故謂之串場河云。

得勝河。縣東十里。本名縮頭河。宋建炎中。張榮賈虎率山東義軍。蘇梁山泊與金人轉戰。至承楚間。金將撻覽在泰州。榮以舟師設伏。掩擊於縮頭湖。大敗其衆。因更名得勝湖。又白沙湖。在縣東南十里。與得勝相接。岸多白沙。因名。○大蹤湖在縣北四十

五里。中心與鹽城縣分界。又西入射陽湖。祝世祿曰。興化起大蹤湖。蘇舊官河。歷岡門鎮。至石磯。五十餘里。漕之使深積水。可盡入海也。

平望湖。縣北二十里。南接官塘。中有岡阜。四望平坦。因名。又三里曰吳公湖。昔有吳尙者。隱此。因名。其水西入海。陸溪東接海溝河。○千人湖在縣東北百里。相傳隋末有千人避難於此。得免。因名。

丁溪閘。在縣東一百三里。卽丁溪鹽場也。又東北七里爲少海草堰二場。又縣東北百二十里。曰白駒場。又北曰劉莊場。接鹽城縣界。天啓二年。興化知縣邊之靖。修攔潮五閘。明年。淮湖大漲。自高寶而東。俱縣五閘。匯流入海。公私利之。又捍海堰在縣東。

上接鹽城。下至海門。卽唐李承所創。宋范仲淹所修也。今詳見鹽城縣。

陵亭鎮。在縣南二十五里。唐大順初。朱全忠將龐師古略淮南。下天長。高郵。引兵深入。與賊將孫儒戰。敗於陵亭。乃還。○瓠子角在縣東南。明初徐達等攻興化。太祖曰。瓠子角。興化要害。寇所必經。達奉命以兵扼其地。興化遂下是也。

安豐鎮。縣東北六十里有巡司。又芙蓉鎮在縣東。北三十里。縣北三十五里。又有長安鎮。

附見

高郵衛。在州城內。又有鹽城守禦千戶所。在淮安。

府鹽城縣城內。屬高郵衛。俱洪武中置。

泰州。

府東百二十里。東至海二百四十里。東南至通州二百七十里。西至高郵州百五十里。南渡江至常州府二百五十里。

春秋時吳地。戰國時屬楚。秦屬九江郡。漢屬臨淮郡。東晉安帝分廣陵立海陵郡。宋以後因之。隋初郡廢。仍屬揚州。唐武德四年置吳州。七年復廢。還屬揚州。楊吳乾貞中。為海陵制置院。南唐昇元初。改置泰州。宋因之。元置泰州路。後改為州。屬揚州路。明初仍為州。以州治海陵縣省入。編戶一百七十七里。領縣一。今因之。

州面江枕淮。川原沃衍。魚鹽繁殖。稱為奧區。若夫風帆便利。跨越吳會。聯絡青齊。則海舟之利也。絕南北之津梁。扼江淮之襟要。孰謂一州斗大。不足以有為也歟。

海陵廢縣。

今州治。漢置縣。屬臨淮郡。後漢省。晉太康初。復置海陵縣。屬廣陵郡。東晉末。始置海陵郡。宋齊時。海陵縣皆屬廣陵郡。而海陵郡治建陵縣。梁時始為郡治。隋復廢郡。唐初置吳州。改為吳陵縣。州尋廢。縣仍曰海陵。南唐以後。為泰州治。明初省。

今州城周十二

里有奇門四

建陵廢縣

在州東北七十里。本東海郡屬縣。晉義熙中。僑置於此。屬山陽郡。尋屬海陵郡。宋齊時爲郡治。梁仍屬海陵郡。隋省。尋析置江浦縣於此。大業初。復省入海陵縣。或曰。秦漢時。東陽廢縣在州東百里。其東有長洲澤。又東有扶海州。今埋。

新城

州北五里。宋端平中。州守許堪別築堡城於湖蕩沮洳中。周二百丈。德祐二年。元阿朮遣兵拔新城。留屯以逼泰州。元末。張士誠入泰州。壞其城。乃修築新城。設義兵。元帥府及州治於此。既而士誠將夏思恭等據守。并葺舊州城而守之。明初。徐達兵至。泰輿水道不通。乃自大江口挑河十五里。直抵州之南門灣。思恭等退保新城。達因東築海安城。以絕通州之援。遂克之城。今圯。

海安城

在州東百二十里。南北朝時。戍守處也。宋泰始七年。僑置新平郡。治江陽。又領海安縣。齊永明五年。罷新平郡。併入海安。屬海陵郡。陳大建五年。將軍徐敏辨克齊海安城。是也。後省。唐景龍二年。又置海安縣。開元十年。省入海陵。明初。徐達攻江北。駐軍海安。尋進圍泰州。使孫興祖留鎮於此。以斷賊援軍。於是賊不敢犯。蓋控扼要地也。今爲海安鎮。有土城。周六里。海防攷。鎮居如皋泰州之中。東可以控禦狼山。通州海門之入。西可以捍衛揚州。因置巡司於此。

天目山

州東四十五里。土山也。上有雙井。如目相對。因名。又有呂城山。在州東三十里。山形如城。○泰山在州治西。高僅五丈。許因州以名。又羅浮山在州西北五里。澤藪中。水不能沒。望之如羅浮。又中洲山在州東北百二十里。西溪鎮之北。

揚子江

舊在州南三十里。入泰輿縣界。有口岸港。引爲渠。北達運河。今江沙漲塞。州去江遠矣。

運河

在州西。自江都灣頭鎮而東。經州西三十里。斗門鎮。又東至城南。有運河場。自場而南。爲濟川河。又南三十里。至泰輿縣之廟灣。又二十里。至濟川鎮。通江南。船多繇此入。志云。運河起城北一里之東西二壩。東至新城。分而爲三。一自新城東北十五里。

至於祈湖又東四十里至秦潼關又東六十里至西溪鎮謂之西溪至西溪復分爲二自西溪東北出經東臺場河梁場又北歷丁溪草堰諸場者所謂申場河繇興化鹽城以入海者也其自西溪而東又二十里至梁梁場止爲正流引爲支流南通安豐場及富安場闕河繇闕河南至海安鎮四十里鎮設東中西三壩以限之自壩而南卽灣頭抵通州之各場運鹽河也一自新城稍北經魚行市又北十八里至港口鎮又北三十七里至寧鄉巡司又北連興化縣西十五里之海陵溪在州境亦曰浦汀河也一自新城西北八十里至樊汶鎮又西接於官河亦曰運鹽河相傳漢吳王濞所開三國以後漸堙廢宋熙寧九年發運使王子京奏請修復自是歷經修濬爲商賈經途

西溪

州東北百十里西接運河東通角斜河一名晏溪以宋晏殊嘗監西溪鹽倉也志云角斜河在州東北百二十里南通拼茶場西通海安鎮又辭郎河在州東北百二十里北通興化縣之陵亭鎮

淤祈湖

州東北二十里一名發溪河下流入雞雀湖○雞雀湖在州東北四十里周三十里舊多雞雀飛集因名又包老湖亦在州東北四十里湖周四十里水至清而無滓雖與他水會流亦不雜挈壺氏以此供滴漏云又仇湖在州東北百里周三十里

東入梁梁場○鴨子湖在州南二十里周二十五里東通運河西接濟川河

姜堰

在天目山前湖運河北至西溪通運鹽以達上河宋紹興四年詔毀之以拒金人尋復築治又有北堰在州北四里湖運河宋建炎中移堰於北門外尋復舊志云州北三里爲施家灣今舟船駢集處也又北二里爲魚行市

捍海堰

在州東宋史海陵有古堰亘百五十里久廢不治秋濤漲溢每冒民田天聖中監西溪鹽稅范仲淹謀於發運副使張綸請修復之自北海寨東南至景莊修築凡一百八十里於運河置閘納潮以通漕又淳熙三年州守張子正復築月堰以遏湖水五年又築桑子河

堰自是潮不爲災

胡逗洲。寰宇記。在州東南二百八十三里。海中東西八十里。南北三十五里。上多流人。煮鹽爲業。梁承聖初。侯景敗走。自還漢下。海欲向蒙山。其下羊鯤謀誅之。因景晝寢。語舟師直向京口。至湖逗洲。景覺。大驚。爲鯤所殺。蒙山見山東。發縣逗一作豆。

海陵監。州東北百二十里。宋爲西溪鹽倉。州產鹽。因置監於此。以司其利。明齋使分司於泰州者。駐西溪東北之東臺場。所轄富安。安豐。梁埭。東臺。何埭。丁溪。草堰。少海。角斜。拼茶等場。謂之中十場。皆分列於州東及興化。如皋之境。而西溪鎮爲商賈輳集。

之道。今有西溪鎮巡司。在州東北百二十里。又寧鄉巡司。在州北六十里。○梓茶場。在州東百十里。有寨。又東三十里。卽大海矣。又丁溪場。在州東北百四十里。又北三十八里。爲白駒關。皆接興化縣界。

樊汶鎮。州西北八十里。與高郵。江都分界。志云。州境有史家莊。灰廓村。與樊汶鎮三處。俱爲巨盜窟穴。又秦潼鎮。在州東北六十里。州北十八里。爲港口鎮。皆濱運河。

如臯縣。州東南百四十里。東南至通州百四十里。西至泰興縣百里。漢海陵縣地。東晉安帝時。始置今縣。屬海陵郡。宋齊因之。隋省。唐爲海陵縣。之如臯鎮。南唐復升爲縣。屬泰州。今城周五里。編戶四十二里。

寧海廢縣。在縣東北。晉安帝置縣。屬山陽郡。尋屬海陵郡。宋齊及梁因之。隋屬揚州。以如臯縣并入。唐又省縣。入海陵。○臨江廢縣。在縣南。亦晉安帝時置。初屬山陽郡。尋屬海陵郡。宋齊因之。後周并入寧海縣。

摩訶山。縣南百二十里。大江中。水勢湍激。亦曰蝦蟇山。今江岸崩圯。山去岸五十餘里。志云。縣北五十里有高阜。謂之浦岸。東西長五十里。相傳古海岸也。又有平阜。在縣南江寧鄉。東西延亘六十里。相傳卽古江岸。地肥腴。宜五穀。

會盟原。縣東十里。相傳吳楚會盟處。考春秋之世。吳楚始終無盟會事。春秋傳。哀十二年。衛侯會吳於鄆。公及衛侯。宋皇瑗。盟。杜預曰。鄆。發陽也。海陵縣東南有發縣口。縣本海陵地。當卽此原矣。

大江。在縣南六十里。昔時東接通州西接泰興。今縣西南與靖江縣接界。

運河。在縣城北。自泰州海安鎮東南流。經縣北三十里之立發口。南至城北。又東四十里。經白丁堰鎮。又東南三十里。至白蒲鎮。而接通州運河。○龍游河在縣東南六十里。相傳龍過成河。有九十九灣。北接運河。南通揚子江。又小溪河在縣城西北。東接運

河西通

秦興縣

高陽蕩。縣東南八十里。西接運河。東通海。舊名祥符湖。又縣東北百二十里。豐利場有鄭公灘。宋富鄭公判揚州。備

海寇。以戰艦每爲海濤所壞。因鑿此灘以避之。且習水戰於其中。又有汶河亦在豐利場南。通運河北抵海。

掘港。在縣東百三十里。西通鹽河。東抵海。有掘港營堡。并置巡司於此。志云。掘港營距洋五十里。三面環海。其北接於美舍寨。寨在東臺揚海口。又南至石港寨。寨在掘港西南六十里。接通州界。○天生港在縣西南通江。東通白蒲。汶。舊有鹽盜。設石莊巡

司於縣南六十

里。以戍守之。

丁堰鎮。縣東四十里。嘉靖中。倭賊嘗犯此。又縣東百里有馬塘場。又東三十里爲角斜寨。北通泰州角斜河。因名。○安民營在縣南江中沙洲上。嘉靖中置爲防禦之所。

白蒲鎮。縣東南七十里。又六十里至通州。本宋之白蒲堰。紹興四年。毀堰以拒金人。明嘉靖三十八年。倭寇江北。分數道入犯。撫臣李遂馳至如皋。與賊遇於白蒲。勒兵不戰。賊益進。遂策之曰。賊分道入。過如皋必合。合則道有三。一自泰州通天長。鳳陽犯

皇陵。一自黃橋逼瓜。儀。播南都梗漕。若自富安場而東。海濱荒涼。鹵掠無所得。至廟灣絕矣。乃吾得地時也。於是部諸將防遏。毋令得過。天長。瓜。儀。而分兵綴賊。賊果走廟灣。擊平之。志云。通州有獨山巡司。今移置於白蒲鎮。又西揚巡司在縣北三十里。餘見上。

○曹家堡在縣北。又東北有潘莊。皆嘉靖中官軍敗倭賊處。

附見

泰州守禦千戶所。在州城內。洪武中置。屬揚州衛。

通州。府東四百里。東至海百三十里。西南至常州府靖江縣九十里。南渡江至蘇州府常熟縣百二十里。西北至泰州二百七十五里。

春秋時吳地。漢屬臨淮郡。後漢屬廣陵郡。晉末屬海陵郡。宋齊因之。隋屬江都郡。唐屬揚州。後周置靜

海軍。尋改通州。宋初改爲崇州。以州兼轄崇明鎮因名。尋復爲通州。政和七年賜郡名曰靜海。元初曰通州路。尋復爲州。屬揚州路。

明初仍爲州。以州治靜海縣省入。編戶百七十里。領縣一。今仍曰通州。所領海門縣一。圯於海。

州據江海之會。繇此歷三吳。間兩越。或出東海。動燕齊。亦南北之喉吭矣。周顯德五年。取其地。始通吳

越之路。命名通州。良有以哉。

靜海廢縣。今州治。本海陵縣地。南唐始置靜海都鎮。制置院。後周升爲靜海軍。尋改爲通州。始置靜海縣爲州。治宋元因之。明初省。今州舊城周六里有奇。萬歷二十五年。增築南城。與州城通。復周四里有奇。

蒲濤廢縣。在州西。晉義熙中置。初屬山陽郡。尋屬海陵郡。宋齊皆因之。後周省。

狼山。州南十五里。輿塔山、軍山、馬鞍山、刀刃山相連屬。亦謂之狼五山。相傳昔有白狼居此。或云山形如狼也。高五十三丈。周三百四十六丈。勝概甲於江北。胡氏曰：狼山上接大江，下達巨海，絕江南渡，八十里抵蘇州常熟縣福山鎮，順江而東，至崇明沙揚。

帆乘順風，南抵明州定海，頃刻可至。陶隱居所謂狼五山對勾章岸者也。唐乾符二年，浙西狼山鎮邊使王郢等有戰功，怒節帥趙隱賞薄，據狼山作亂，攻陷蘇常，沿江入海，轉掠二浙、南及福建，大爲民患。又狼山之外，即大江，亦名狼山江，堞貞明五年，吳越將錢傳璠帥戰艦自東洲擊淮南，戰狼山江，敗淮南兵。明正德八年，賊劉七等大掠江淮，官軍敗之，賊走狼山，官軍扼而殲之。江今有官兵戍守，舊設狼山巡司。在州南十八里狼山鄉。○刀刃山在狼山東，高二十九丈，周四百七十二丈，相傳秦皇磨劍處，下有淡竹灘。又軍山在刀刃山東南，隔江數里，高三十五丈，周九里十三步，相傳秦皇駐軍處也。泉石頗勝。又塔山在狼山西，一名黃泥山，高十七丈，周二百九十丈，下有沈廡灣，通濟關志云：山有兩石門相對，卽元張瑄、朱清海運故道也。又馬鞍山在塔山西，高如之，而周倍之以形似名。

海門島。在州東南海中。宋長編云：國初以來，犯死獲貸者，配隸登州沙門島及通州海門島，有屯兵使者領護，而海門島有兩處。一在崇明鎮，居豪強難制者；一在東布洲，居懦弱者，皆令資海納官，與國五年，始令配役者隸鹽亭役使，而沙門島如故。

布洲夾。州南四十里，有南布洲、東布洲、大海中沙漲爲洲也。五代周顯德五年，取唐淮南，駐軍迎鑾鎮，開唐戰艦數百艘泊東布洲，將趨海口，扼蘇杭路。周遣慕容延鈞等將水陸兩軍循江而下，擊破之，紀勝云：大安鎮卽東布洲也。本海中沙島，後漲成

陸地，民戶頗繁。又南布洲，舊亦森然大海，沙漲成場，卽今金沙場。在州東三十里。宋時資鹽其中，本場鹽額歲十八萬石。

海。在州東北，自淮安鹽城縣界，南經興化、泰州如皋，折而東過通州海門，至呂四場東南料角嘴。始與江合，海防攷通州東北阻海，南通大江，狼山實當江海之阨，而餘東、餘西則控扼之所也。

在州南二十里。渡江而南。闊七十餘里。稍西卽常州之靖江。江陰界。稍東卽蘇州之常熟界。一葦可航。爲出奇之道。○劉家港在州西南。通大江。明初俞通海。蘇縣此進。逼通州。敗張士誠兵。

運鹽河。在州西北。自江都灣頭經泰州如皋縣流入界。至州東北三十里。接西亭河。有西亭鹽場。巡司戍守。近場有賣魚灣。嘉靖三十八年。倭自海門縣七星港登岸。流劫西亭。金沙等場。將犯揚州。參將丘陞。敗之於鄧家莊。賊沿海覓舟。官軍尾之於劉家

橋。白駒沙諸處。皆敗之。又追敗之於七龜。

莊。茅花墩。賊盡殲焉。其地皆近州北境。

褚家沙。州南三十里。江中。其西北爲江陰之青草沙。其西爲蒲沙。而褚家沙當其外口。倭賊北犯。易於登涉。亦汛守要處也。

范公堤。在州東北。志云。堤起自海門呂四場。迄於鹽城之徐潰。遠三十鹽場之西。去海遠者百里。近者數十里。堤之外。俱僉戶煎鹽之地。淡水出。則鹽課涸。故堤以護之。堤以內。俱係民戶耕種之田。潮水入。則田租損。故堤以防之。中間有洩水入海之路。白

駒開口及牛灣河。瓦龍岡。是也。又任公堤。在縣西五里。宋開寶中築。長二十里。

利豐監。州南三里。宋置鹽監於此。管金沙。西亭。馬塘。石港。豐利。利和。餘慶。呂四等八場。今通州分司轄豐利。馬塘。掘岡。石岡。西亭。金沙。餘西。餘東。餘中。呂四。爲上十場。○豐樂鎮在州東五代史。楊吳使東洲。靜海都鎮。邊使姚彥洪。修城池。官廨。改東洲爲豐

樂鎮。或曰。卽今利豐監。又裏河鎮在洲東六十里。舊接海門縣境。今皆埋於海。

石港場。在州北七十里。有石港巡司。又馬塘場在州東北九十里。掘港場在州北九十里。豐利場在州西北四十里。皆與如皋縣接界。

海門縣

州東四十里。本海陵縣之東洲鎮。後周顯德五年始置縣。後漸移今治。編戶八十三里。今圯於海縣廢。

海門城

舊城在州東二十五里。元末以水患徙治禮安鄉。去州城百里。正德中徙餘中場。嘉靖二十四年又徙金沙場。皆寄治州境。邇來復圯於海。蓋非復舊壤矣。又海門大江入海之統名也。朱梁貞明五年吳越錢俶擄攻吳常州。吳將陳璋以水軍下

海門出其後。蓋渡江而南耳。時未有海門縣。

海

舊在縣東十里。沿海有六港。潮漲則盈。水退則涸。而七星港。東夾港。在六港中尤爲要害。今皆沒於海。舊志宋時大海去縣八十里。

運鹽河

在縣北。自通州流經縣界。直達呂四場。舊有東洲河。乃其故道也。

新插港

在縣西北。東臨北海。有鹽徒聚集。賊每從此登岸。西擾揚州。北擾淮安。爲防禦要地。○李稍港。舊在縣東。南天啓四年。知縣嚴爾珪建石闕於港尾。吐納江海。旱潦有備。并洩上河壅水。人以爲便。今淪於海中矣。

料角嘴

在縣東南。舊爲大江入海之衝。祝穆曰。料角嘴中有鹹淡二水。不相混雜。舟人不待汲能辨之。其形勢誠爲控扼。紹興中。以水師把隘於此。其沙脈坍塌。不常潮水。委蛇曲折。水路可認。水盛則一望彌漫。非熟於往來者。不能知也。李寶膠西之捷道。

蓋出於此。江防攷。江北岸東起響角嘴。大河口。以及呂四。盧家等場。沿於楊樹。

海門縣裏河鎮。以達於通州。此海門縣之南路也。嘉靖中官軍敗倭於此。

餘東場


舊在州東九十三里。又餘西場在州東五十里。又東二十里。爲餘中場。後皆爲縣境。海防攷。餘東。餘西。揚州之保障也。賊從狼山窺通州及海門之料角嘴。呂四場。新插港。嚙港。來犯者扼之於此。要害旣得。則揚州可以無慮。

呂四場。舊在州東百二十里。後爲縣境。俗傳以呂僊四至此而名。有白水蕩。其地寬闊。魚鳧鱉鹿之所泳遊也。其通海處曰新河。亦名新港。海防攷。縣東呂四場。又東南角嘴。皆形勢控扼之處。○徐步營舊在縣北。又北爲掘港。又北爲新插港。皆賊登岸之處。海門北境之防也。舊志。縣有吳陵。白塔。河壩上三巡司。又有張港巡司。萬歷十年革。

附見

通州守禦千戶所。

在州城內。洪武中置。屬揚州衛。



讀史方輿紀要

卷二十四

江南六

蘇州府。東至海岸百五十里。東南至松江府百八十里。南至浙江嘉興府百三十里。西南至浙江湖州府百二十里。西北至常州府百九十里。北過江。至揚州府通州二百七十里。自府治至江寧府五百六十里。至京師二千九百五十里。

禹貢揚州之域。春秋時吳國都也。自闔閩以後都於此。後屬越。戰國時屬楚。秦置會稽郡。治吳。漢初為荊國。按吳郡似秦漢間置。灌嬰

傳攻吳郡長吳下。得吳守。又高六年。以故東陽郡郡吳郡五十三縣。立劉賈為荊王是也。尋又為吳國。荆治吳。吳治廣陵。景帝二年。復為會稽郡。後漢順帝永建四年。分

置吳郡。自浙江以西。皆曰吳郡。晉宋因之。杜佑曰吳郡與吳興丹陽為三吳。或曰吳郡。吳興會稽本一吳郡而分為三。故曰三吳。梁亦曰吳郡。太清三年。侯景置吳州明年省。陳置吳州。貞明初置。

隋平陳廢吳郡。改州曰蘇州。因姑蘇山為名。大業初復曰吳州。尋又為吳郡。唐武德四年。復曰蘇州。開元二十一年。分置江南東道。

治於此。天寶初曰吳郡。乾元初復曰蘇州。五代時吳越表建中吳軍。後唐同光二年。以蘇州為中吳節度。志云。梁貞明二年吳越以蘇州為中吳府。誤也。宋仍

曰蘇州。太平興國三年。改軍名曰平江。政和三年。升為平江府。元為平江路。至正十六年。張士誠據之。改為隆平府。明年復曰平江路。明

初改爲蘇州府。直隸京師。領州一。縣七。今仍曰蘇州府。

府枕江而倚湖。食海王之饒。擁土膏之利。民殷物繁。田賦所出。吳郡常書上上。說者曰。吳郡之於天下。如家之有府庫。人之有胸腹也。門戶多虞。而府庫無恙。不可謂之窮。四肢多病。而胸腹猶充。未可謂之困。蓋三代以後。東南之財力。西北之甲兵。並能爭雄於天下。謂江淮以南。必無與於天下之形勝者。非通論也。春秋之末。吳始都於此。以齊、楚、晉三國之強。而吳足以入楚禍。齊脅晉。越既并吳。山東諸侯。亦且惕惕焉。及秦之衰。項羽起於會稽。鉅鹿之戰。士無不一當十。呼聲動天地。諸侯從壁上觀。皆惴恐。猶謂吳人脆弱。不足以當秦晉之甲騎乎。吳王濞。率江湖子弟起而叛漢。事雖不成。君臣皆爲震動。孫氏立國。吳亦其發迹之所也。

孫策併江東。自曲阿徙屯吳。

及東晉以後。吳郡尤爲京畿重地。蘇峻入建康。郗鑒謂溫嶠宜

先防東道。斷賊糧運。梁末。齊兵入石頭。韋載謂陳霸先。齊若分兵先據三吳之路。略地東境。則時事去矣。宜急通東道轉輸。分兵截彼之糧道。蓋建康立國。實以東南供億爲之咽喉也。隋之取陳。分遣諸道兵。東西並進。而特命一軍出東海。指三吳。以斷陳之糧援。於是陳亡不旋踵矣。大業之季。劉元進。沈法興。李子通。相繼有其地。而不能固者。根本未立。草竊苟安。不知并兼大計耳。唐末。吳越與淮南爭蘇州。

累戰而後定。

按唐光啓三年六合鎮將徐約陷蘇州龍紀初錢鏐遣弟錄破走之大順初楊行密將李友取蘇州旋爲賊將孫儒所陷二年錢鏐復取蘇州乾寧三年又爲淮南將臺濠所克五年鏐復攻克之朱梁開平二年淮南復圍蘇州不能

下自是爲吳越重地蓋得蘇州則三江五湖可以爲限不然錢塘其能一日安乎宋建炎中金人入平江而兩浙皆

爲摧陷及濱江置守許浦一軍藉爲防衛見常熟縣元并江南海道輓輸平江最爲繁富及張士誠竊之而

運路中絕大都嘗有匱乏之虞士誠富強一時爲羣雄冠然則元之覆亡未始非士誠先據平江竭彼

資儲之力也防險說明唐順之王士禎等輯防海防倭防江等說凡數十家合爲防險吳郡越江而北可以并有淮南常熟與江北接壤涉海而南可以

兼取明越崇明去明越密邇沂江而上可以包舉昇潤渡湖而前可以捷出苕浙蘇太湖過湖州徑向杭州也夫浙西爲賦財淵

藪而吳郡又爲浙西都會天下大計安可不以吳郡爲先務哉海防攷蘇松喉吭皆在吳松江見大川三江又詳見

嘉定縣吳松江沿表而南則自老鶴渚在嘉定縣東南六十里海濱以至寶山見嘉南匯見松江府金山金山衛見松江府出江口迤邐

而北則自採洶在吳松北十二里以至黃姚在嘉定縣東四十里劉家河見太倉州蘇江口而深入則南迤五十里卽爲黃浦見松江府

直至上海。繇黃姚而登岸。則嘉定、太倉、崑山、蘇、常連數百里。是吳松江者。南爲上海門戶。西爲蘇常藩籬。備吳松卽所以備上海。備上海卽所以備蘇常也。而崇明一縣。孤懸海中。諸沙環之。幾三百里。爲諸郡外護。此亦天設之險矣。

吳縣

附郭。府治西。故吳郡。秦置吳縣。爲會稽郡治。東漢永建中。爲吳郡治。自是州郡皆治此。隋開皇九年。嘗徙治於橫山。東唐武德七年。復舊。編戶五百一十一里。

長洲縣

附郭。府治東。本吳之長洲苑。漢爲吳縣地。唐萬歲通天初。析置長洲縣。乾元初。改置長洲軍。大歷五年。復爲縣。今編戶七百四十一里。

吳郡城

城。邑考。今府城。卽闔閭故城。周敬王六年。闔閭所築。大城周四十二里三十步。小城八里二百六十步。開陸門八。以象天之八風。水門八。以法地之八卦。其名皆子胥所制。東曰婁。西曰閭。南曰盤。北曰蛇。北曰齊。曰平。吳都賦。通門二八。水道六衝。是也。史記。春申君城故吳墟。以自爲都邑。孔氏曰。今蘇州也。又於城內小城西北。別築城以居云。隋楊素嘗徙城於橫山東。今呼爲新城。唐武德末。復還舊城。乾符三年。王郢之亂。刺史張搏重築。朱梁龍德二年。吳越始以輒鑿之。宋政和。宣和中。皆修築。建炎中。燬於兵。淳熙中。又繕完之。開禧以後。墮圯逾半。嘉定十六年。丞相史彌遠奏請修治。爲江南一路城池之最。寶祐二年。又增置女牆及門樓。開慶。咸淳間。皆營修繕。元定江南。凡城池悉命平燬。至正十一年。兵起。詔天下繕完城郭。乃復築壘開濠。及張士誠入據。增置月城。明平吳。更加修築。東西九里。南北十二里。周三十四里五十三步。城內大河。凡三橫。四直。內外皆夾以長濠。唐時水陸凡十六門。或曰舊有十門。十門者。曰閭門。在今城西北。闔閭時門名也。亦謂之破楚門。後春申君諱之名爲闔門。後漢建安三年。孫策居吳。遣太史慈之豫章。餞送於昌門。或曰。卽閭門之譌也。曰胥門。在城西南。舊名也。一名姑胥門。以路出姑胥臺。而名。曰盤門。亦舊名也。在城南。一名蟠門。相傳以水陸繁通。而名。曰赤門。亦在城南。後人所增門。志云。古赤門水道也。今盤對二

門之間有赤門灣。曰蛇門。在城東南。古門名。以門在巳位也。曰鈔門。在城東。子胥曰。抉吾眼懸吳東門之上。孔氏曰。鷲門也。亦曰鈔門。鷲。音姑反。鷲。覆浮反。或作封門。後改爲鈔門。以門外多鈔田也。志云。原名示浦門。近水塘。越伐吳時所開。一名鈔鈔門。動。今志作鷲。俗呼爲富門。曰匠門。在城東。古門名也。本名干將門。闔閭使干將鑄劍處。或名將門。後訛爲匠。今婁葑二門之間有匠門塘。曰婁門。亦在城東。以道出婁江而名。志云。本名驪門。後爲婁門。曰齊門。在城北。古名也。相傳以齊女女吳而名。曰平門。亦在城北。古名也。今有平門塘。一作巫門。謂商巫咸所葬。宋時惟有閭葑盤葑。六門。水陸共十二門。淳熙以後。胥門水陸俱塞。元僅存五門之名。而蕩無防蔽。至正中復建城郭。仍闢胥門。今因舊址亦爲六門也。又子城在大城內東偏。相傳亦子胥所築。周十二里。漢唐宋皆以子城爲郡治。元末張士誠據吳。建太尉府。後稱王。曰王府。士誠敗。城燬。惟南門僅存。類垣。郡人呼爲鼓樓城。四面舊有水道。所謂錦帆涇也。今亦多淤。惟東偏有僅存者。俗謂之濠股云。

越城。志云。在西門外。越伐吳。於胥門外築城。以逼之。今城址髣髴猶存。又有吳城。在府西南二十里。橫山下。圖經云。吳王築此。以控越。今訛爲魚城。旁有山岡。隱隱如城。即故址云。又相城在府東北五十里。相傳子胥爲闔閭築城。管相度其地。以下濕去之。今因以名鄉。

虎邱山。府西北七里。一名海湧山。相傳闔閭葬處。唐時諱虎。亦曰武丘。遠望之。平田中一大阜耳。中有泉石之勝。四面皆水流環遶。上爲浮屠。登眺則城邑川原。瞭如指掌。亦形勝處也。明初常遇春攻蘇州。軍於此。張士誠引兵出盤門。欲奔遇春。遇春與戰。

於北濠。又戰於山塘。山塘路狹。士誠兵前後填塞。遇春奮擊。敗之。敵兵墮入沙盆潭。溺死無算。今皆在閘門外。

橫山。府西南二十里。據湖山之中。有五塢。亦名五塢山。一名踞湖山。以山臨太湖。若箕踞也。十道志。山四面皆橫。因名橫山。圖經。山臨湖。控越實爲要地。隋開皇九年。平陳。時江南未服。聚爲盜賊。詔以楊素爲行軍總管討之。追擊至蘇州。移郡邑於橫山下。欲

空其舊城。今山東麓有新郭鎮。東北去府城十五里。亦曰新城是也。吳越錢氏葬忠獻王元禧。建薦福寺於山址。因稱薦福山。又西北爲姑蘇山。其西爲岷山。花園。幾峯諸山。其南爲寶華諸山。其東爲吳山。吳山之南又有卑嶺山及桃花塢。漫衍六七里。臨太湖白洋灣。與吳江縣分界。吳山之東北曰楞伽山。俗所稱上方山也。頂有浮圖。又東北爲茶磨嶼。以三面臨水而名。俗謂之磨盤山。○黃山在府西南十五里。志云在胥塘之北。羣峯高下相連。俗稱筆格山。舊有黃亭澗。長數里。深闊數丈。隋大業九年。劉元進等作亂。爲吐萬緒所敗。自毗陵退保黃山。旣而王世充敗元進於吳。坑降衆於黃亭澗。死者三萬餘人。今山之西有二石洞。深可三四丈。俗名虎洞。

天平山

府西二十里。視諸山最爲齒翠。羣峯環峙。林樹泉石競秀爭奇。山頂正平。曰望湖臺。志以爲郡之鎮山也。其旁羣山連接。支隴曰金山。西去天平里許。初名茶塢山。晉宋間。鑿石得金。因易今名。頂亦有石池。又東曰崔華山。俗名獅子山。一名鶴阜山。

又名峯雄山。相傳吳王僚葬此。水經所謂峯嶺山也。天平之西又有秦臺。赤山諸山。天平之南爲靈巖山。○靈巖山在府西南二十五里。一名硯石山。有石可琢硯。又山椒有石鼓。一名石鼓山。相傳山即吳王館娃宮故地。下瞰湖濱。稱爲絕勝。自靈巖而西南羣山錯立。互相掩映者所。謂太湖七十二峯也。

陽山

府西北三十里。一名秦餘杭山。一名萬安山。又名四飛山。以山勢四面若飛動也。高八百五十餘丈。逶迤二十里。峯之大者凡十五。而箭缺爲最。相傳秦始皇射於此。故下有射瀆。戰國策。越王以散卒三千。擒夫差於干隧。今山之別阜曰塗山。或以爲卽干隧。又東北有白鶴山。產白堊。亦名白墻嶺。龍湫在其南。自山而北。羣山盤迴相接。又西北際於太湖。志云。陽山西北十里曰徐侯山。一名卑嶺。吳越春秋。越王葬吳王於秦餘杭山。卑嶺卽此山云。一名徐枕山。○天池山在府西北二十五里。去陽山東南五里。山石峭拔。巖壑深秀。相傳山頂有池。生千葉蓮花。舊因謂之華山。亦曰花山。今山半有池。橫浸山腹。逾數十丈。所謂天池也。上有石鼓。石屋及泉石洞壑諸勝。宋紹興中。張漢翔隱此。號爲就隱山。其旁羣山相接。東南曰龍池山。今日隆池。隆池而東北曰支硎山。志

云。晉支遁居此。而山多平石也。一名南峯山。亦多峯。巖泉石之勝。俗名觀音山。南距天平山五里而近也。

姑蘇山

府西三十里。一名姑胥山。一名姑餘山。姑蘇者在其上。闔閭所作也。國語。越伐吳。吳師潰。吳王帥其賢良與其重祿以上姑蘇。一名胥臺。固越絕書。闔閭起姑蘇臺。三年聚材。五年乃成。高見三百里。史記。闔閭十九年。越伐吳。敗之姑蘇。又夫差於臺上爲長夜之飲。子胥諫不聽。曰。吾見麋鹿遊於姑蘇之臺也。後越伐吳。吳太子友戰敗。遂焚其臺。漢司馬遷嘗登姑蘇臺。以望五湖。隋因山以名州。志云。山在橫山西北。今人稱爲胥臺山。

穹窿山

府西南十里。山高峻。旁濱太湖。其頂方平。廣可百畝。山半有泉。曰法雨。分流下注。近採香徑。復合爲一。澗聚成潭。築堰置碑。藉以灌田。成化中。嘗因故蹟修治。又有香山。與穹窿相接。南址近太湖。曰胥口。其下卽採香徑也。相傳吳王種香處。又有胥山。寰宇記。山在太湖口。吳王殺子胥。投之於江。吳人立祠於此。胥口蓋因以名。胥口之外曰胥湖。南有高峯。穹窿之脈盡於此。○白石山在府西北三十二里。志云。山在許墅北。本名胥女山。春申君更今名。又南有小蜀山。

光福山

府西南五十五里。近太湖。爲旁達嘉湖之逕道。唐乾寧二年。董昌據越州。畔錢鏐討之。楊行密救昌。取蘇州。進攻嘉興。鏐遣顧全武破行密之兵於烏墩。光福因置砦於此。吳地記。山本名鄧尉山。屬光福里。因名。與銅坑玄墓諸山相連。銅坑者。一名銅井。晉宋間。鑿坑取沙上煎之。皆成銅。有泉。亦以銅名。其玄墓山亦名萬峯山。南面太湖。二山皆在光福之西南。

包山

府西南八十五里。太湖中。志云。以湖包四面。而名。地占三鄉。至宜橋。柚有居人數千家。左思吳郡賦。指包山而爲期。集洞庭而淹留。通典。包山一名夫椒山。左傳。襄九年。吳伐越。越敗之於夫椒。史記。夫差二年。選精兵伐越。越敗之。夫椒。報姑蘇也。杜預曰。太湖中有椒山。賀循云。包山西北曰夫椒。是也。隋滅陳。吳州刺史蕭瑛據州不下。兵敗。保包山。隋兵擊擒之。宋置用頭寨於此。明初。張士誠結砦於包山。謀拒我師。不克。今謂之西洞庭山。嘉靖三十四年。倭賊自常熟突犯郡城。盡門。擁入接待寺。奪火器。官兵追之。賊蘇

閩門奪舟入太湖。泊洞庭山下。尋復犯楓橋。走常熟。志云。山亦名林屋山。周迴百三十五里。遙望一島。而重岡複嶺。茂林平野。閩巷井舍。不異市邑。諸峯皆秀異。而繚峯最高。登其巔。則吳越諸山隱隱在目。其支峯別隴。皆以山名。逶迤起伏。爭奇競勝。而尤名者曰林屋洞。郭璞曰。太湖中有包山。山下有洞庭穴。潛行水底。無所不通。卽林屋洞矣。今山有用領巡司。本宋置。相沿爲戍守處。

莫釐山

亦在太湖中。與包山並峙。相去二十里。一名胥母山。謂子胥嘗迎母居此。母亦讀無。或云。隋時有莫釐將軍屯此。今峯之最高者曰莫釐峯。山周八十里。視西洞庭差小。而岡巒起伏。廬聚物產。大略相同。俗謂之東洞庭。明初張士誠結砦於東西兩山。明師自常州入太湖。經洞庭山口。趨湖州。士誠兵不敢出。今有東山巡司戍守。志云。太湖中羣山錯列。而洞庭最大。山皆險固。可守云。○禹期山在太湖中。志云。洞庭之支嶺也。禹導吳江以洩具區。會諸侯於此。期一作祈。一云山在府西南七十里。

太湖

府西南三十里。亦曰五湖。界蘇常吳三郡之中。爲往來徑道。有事時必備之險也。詳見大川。

石湖

在府西南二十里。西南通太湖。北通橫塘。東入胥門運河。相傳爲范蠡入五湖之口。志云。太湖自三江導流而外。其支流東出香山。胥山間。曰胥口。又東至吳山南。曰白洋灣。稍折而北。灑於楞伽山下。曰石湖。界吳縣吳江間。稱爲湖山絕勝處。有行春橋。跨湖上。嘉靖三十四年。倭賊突至。轉入木瀆。東跨塘橋。卽此。又西南曰越來溪。曰木瀆。皆自太湖分流來。會又東出橫塘橋。去府城十里。又東入胥門運河。俗所謂胥塘是也。

澹臺湖

府西南十八里。在太湖之東。相傳以澹臺滅明南遊至此。而名。東過寶帶橋入運河。分流入黃天蕩及陳湖。金涇澗。○龐山湖。在府南二十里。當澹臺湖之東。太湖之水自吳江縣之鮎魚口及長橋下東北出者。皆灑於此。導流爲吳淞江。又東南爲黎湖。菱湖。葉澤湖。新湖。卽龐山湖之旁注者也。皆與吳江縣接壤。

陳湖。府東南三十五里。湖廣十八里。接岷山縣界。嘉靖三十二年。倭寇自岷山逸入境。將趨吳江。官兵敗之於此。宋志。陳湖自大姚港界。浦渡頭浦。朱里浦入吳淞江。今渡湖而東南三十五里。卽潞山湖。路出松江三泖。防險說。陳湖曠野之區。湖西八里有鐵

底潭。可以控扼。亦謂之車坊濠。○尹山湖。在府東南二十五里。其西北接

濱墅諸湖及車坊濠之水。委流亦入於三泖。志云。濱墅湖亦曰獨樹湖。

陽城湖。府東北二十里。上接吳淞江。東流入岷山縣界。漕浸廣闊。溉田之利甚溥。又沙湖在府東二十里。一名金沙湖。北對陽城湖。湖中有至和塘岸。道出岷山。其南通吳淞江。宏治九年。嘗修治湖隄。今廢。○蠡河在府西北四十里。接無錫縣界。志云。唐元

和中孟簡開泰伯濱通蠡湖。因名爲孟濱。亦曰漕湖。以舊管通漕也。樂史云。湖以范蠡嘗

開濱通道而名。今府北十二里有蠡口。無錫縣東南四十里有蠡尖口。俱以蠡湖而名。

吳淞江。在府南。從吳江縣流入。境合於龐山湖。轉而東。入岷山縣界。又婁江在今城東婁門外。亦自吳江縣流入。至城南。復東北流。至婁門外。東流入岷山縣境。今詳見大川三江。

運河。在府城西。漕渠考。自吳江縣南平望鎮。接嘉興府界。引而北。四十里抵吳江縣。又北五

十里。經府城西。又西北三十里。而達濱墅。又十五里。至望亭。接無錫縣界。今詳見大川。

黃天蕩。在府東葑門外六里。上接澹臺諸湖之流。東滙爲濱墅諸湖。又東接於尹山湖。亦曰皇天蕩。唐乾寧三年。楊行密救董昌。遣

南將鍾泰章。多樹旗幟於葑蔞中。追兵不敢進。而還。水利攷。

黃天蕩。東連濱墅。王棗。朝天三湖。實一水而微分界域云。

長蕩。在府西十里。周二十里。府西諸流。多滙於此。諸爲巨浸。今多爲家民所據。遇水畜魚。湖流漸狹。又西北達於運河。水利攷。運河自胥門而北。經南濠支濠。繞閘門城外。與北濠山塘水會。曰沙盆潭。復折而西。會楓橋諸水。又北出合虎邱山塘水者。曰石蕩。

亦曰射瀆。相傳吳王嘗習射於此。其自虎邱山塘繞出虎邱北者。卽長蕩湖也。自城以西北之水。參差悉灌注於運河。○大姚浦。在府東南三十八里。近志吳松江。蘇龐山湖出大姚浦東北流折爲三江。俗名上清。中清。下清江。又東入峴山縣界。姚一作搖。吳志其地本名搖城。漢初越君搖嘗居此。

越來溪

在府西南橫山下。與石湖接。相傳越伐吳。道出於此。上有越城橋。與行春橋相近。又香水溪。在府西二十七里。源自光福塘來。東過木瀆。入於橫塘。吳志太湖中包山旁有練溪。相傳吳王練兵處。○草練塘。在府東南四十八里。志云陳湖之東爲闔

閘浦。爲草練塘。又北卽用直浦。其相近者曰金涇。淞南爲壘瀆。北爲龍淩。與諸湖瀆互相灌注。以達於吳淞江。

澹墅

府西北三十里。亦曰許市。商民稠密。爲運道要衝。唐史上元初。劉展自廣陵陷潤州。淮南副使李鐵用。收散卒保蘇州。與展兵戰於澹墅。敗奔杭州。郁墅卽澹墅之譌也。嘉靖三十四年。倭賊蘇無錫突犯。官兵敗之。賊轉犯楓橋。亦謂之膠關。舊有巡司。景泰間。改置權關主事於此。○蠡口鎮。在府北十二里。志云。蠡口之西。爲長蕩。黃埭蕩。接於清湖。通無錫界。北適冶長涇口及永倉敵樓。抵常熟界。而東北則有彭堰。陽城湖。施澤湖。通崑山縣界。故有事時。以蠡口爲府之北門。今有吳塔巡司。自府北四十五里常熟縣界吳塔村。

移置於此。

唐浦鎮

府東二十五里。自葑門東十二里。爲金雞堰。又六里。爲斜塘營。又東六里。至唐浦。乃吳淞江折而南處。土壩在焉。自此而東十五里。爲用直浦。亦曰甫里。與崑山縣接界。唐浦設險。所以遏寇。從吳淞江突至之患也。又周莊在府東五十里。自葑門東十八里。高店東南行。出陳湖及澱湖之南。接松江三泖。嘉靖中。倭賊恆突犯至此。亦防禦之所也。○桑亭鎮。在府東三十里。吳地記。闕閘十年。有東桑侵逼吳境。吳王禦之於此。因名。又西三里曰小夷亭。亦曰小維亭。嘉靖中。以倭亂置營。曰小維亭營。其地南有沙

湖北有陽城湖。賊從劉家河西來。可逸出小維亭後。府東有陸涇壩。實爲門戶。志云。陸涇壩在府東六里。嘉靖三十四年。官兵破倭於此。

木瀆鎮。府西南三十里。近太湖口。居民稠密。間渡太湖者。皆取道於此。有木瀆巡司。又西有橫金巡司。嘉靖三十四年。官軍自跨塘橋追倭賊。殲之於此。跨塘橋在木瀆東十里。○陳墓鎮在縣東南五十里。東連崑山。南近澱山諸湖。有陳墓巡司。志云。今木

瀆橫金用頭。東山四巡司屬吳縣。吳塔陳墓二巡司屬長洲縣。

金昌亭。

在閶門內。裴松之曰。閶門。吳西郭門。夫差所作。以天門通閶闔也。春申君改爲昌門。金昌亭以位在西而與昌門近。故名。劉宋景平二年。徐羨之等廢帝。符爲營陽王。遷之於吳。止金昌亭。旋弑之。卽此。○柴里在府西。晉咸安二年。徙海西公於吳

縣西。令所在防衛監察之。海西公廢帝。奕也。

楓橋。

在府西七里。吳地記。吳門三百九十橋。楓橋其最著者。今爲水陸孔道。商民錯聚於此。嘉靖三十四年。倭賊自澹墅犯楓橋。直抵滅渡橋。屯陳家莊。官軍迫之。賊夜遁。志云。府西南有憩橋。相傳吳王行軍時憩息處。云。○滅渡橋在府南十里。自昔浮渡處。

元大德中。有僧建橋於此。曰滅渡。明初。俞通海攻姑蘇。敗張士誠兵於滅渡橋。提兵入桃花塢。盡其營。桃花塢見上橫山注。

寶帶橋。

府南十五里。常灣臺湖。龍山湖諸湖之口。凡五十三洞。唐建。宋紹定中。明正統中。重修。今運道所經。又南十里爲尹山橋。明初。康茂才敗張士誠兵於此。進焚其官瀆。戰艦。官瀆。今墓門外官瀆橋是也。

吳江縣。

府東南四十五里。東北至松江府青浦縣九十里。南至浙江嘉興府九十里。西至浙江湖州府百八十里。本吳縣地。唐曰松陵。鎮。乾寧二年。楊行密與錢鏐相攻。設砦於此。屬松江。鏐將顧全武攻拔之。朱梁開平三年。吳越始置吳江縣。屬蘇州。時築城。

於江南北兩岸。有南津北津之名。宋并爲一城。元貞二年。升爲吳江州。明洪武二年。復爲縣。今城周五里。編戶五百六十六里。

太湖。縣西二里。湖浸淫數州間。縣最當其衝。東門外有長橋。卽太湖東出之口也。邑志云。湖中有一十八港。皆樞紐湖心。朝夕吞吐。利害最大。其西之田。日蝕於湖者。謂之坍湖。其東之沙。日漲爲田者。謂之新漲。又有七十二漚。俱在湖南。自西而東。聯比相屬。以授於太湖。漚皆源於湖州嘉興境內。而經縣之西南。舊皆深通。今可容舟楫者。僅三四處。餘淺狹。不過尋丈。或曰瀆。或曰浦。或曰涇。或曰洪。或曰港。或曰溪。或曰口。治田者。各爲壩堰。隨宜開塞。以備旱潦。蓋後人沿襲舊名。其故道湮塞久矣。

汾湖。縣東南六十里。與浙江嘉善縣分界。亦曰分湖。東合諸湖蕩。又東通三泖。入華亭界。其北連諸湖港。入鴛脰湖。嘉靖中。倭賊往。往出沒於此。今有汾湖巡司。置於縣東四十里蘆墟村。○鴛脰湖。在縣南四十里。湖之上流。納爛溪。荻塘諸水。出平望。安德橋。匯流成湖。形如鴛脰。故名。亦曰鴛湖。南達汾湖北接太湖。

唐家湖。縣南三十四里。西連盛墩湖及夾馬路。爲太湖委流。東注於運河。嘉靖三十四年。倭賊從嘉興轉寇縣境。至唐家湖。時官兵斷塘路。截運河而壩之。以營水寨。賊不得渡。官兵進戰。賊走平望。奪舟欲渡。官兵復截盛墩。斷其堤。與賊戰。賊大敗。因改盛墩曰勝墩。志云。唐家湖注於運河。復溢而東出。播爲諸蕩。凡數十計。又北潞爲三白蕩。西北去縣二十五里。又北接白蜆江。其東出則爲急水港。接松江之澱山湖。○掘城湖。在縣西南七十里。周三十里。分流爲諸涇港。以入荻塘。

吳江。在縣東門外。卽長橋下分太湖之流而東出者。古名笠澤江。亦曰松陵江。亦曰松江。齊明帝末。王敬則舉兵會稽。至浙江。吳郡太守張瑄遣兵拒之於松江。聞敬則軍鼓聲。一時散走。梁承聖初。王僧辨破侯景於建康。景東走。僧辨遣別將侯瑒追之。及景於松江。景敗遁。唐乾寧二年。楊行密置寨於此。亦以松江爲名。卽三江之一也。東行凡二百六十里。入於海。

白蜆江。在縣東南四十里。其西北與龐山諸湖相通。又東爲小龍港。引流入於松江。其西與諸湖蕩相連。分湖之水。亦流鵝鵝。孔穎達曰。三江口。一江東南上。七十里至白蜆湖者。曰東江。是也。又有姚成江。在縣東北三十里。亦與白蜆江相接。志云。縣境吐

納太湖之水爲溪港者。凡數十處。而白蜆江其最著者。

運河。在縣城東。自嘉興府王江涇而北。凡三十三里。歷縣境之平望鎮者。曰南塘河。亦曰土塘河。自湖州府南潯鎮而東。凡五十三里。至平望。經鴛鴦湖與南塘河合者。曰西塘河。亦曰荻塘河。二河既合。曰官塘河。西北行四十里至城東。又引而西北。曰北塘河。亦曰古塘河。凡二十里。至夾浦。入長洲縣界。

爛溪。在縣西南四十四里。北接鴛鴦湖。南受嘉興崇德桐鄉諸境之水。經湖州府之烏鎮。分爲東西二溪。流數里。復合。引而東北。匯諸湖蕩之水。俱注於鴛鴦湖。嘉靖中。倭寇往往出沒爛溪。烏鎮間。爲嘉湖患。向設爛溪巡司於縣西南九十里之嚴幕村。今革。○麻溪。在縣南六十里。其南匯諸湖蕩之水。東流合於爛溪。復東南行。至王江涇開店橋而入運河。志云。縣西南八十里。爲南麻濠。東注爲麻溪。又北出十餘里。爲北麻濠。復北流。播爲諸港蕩。分入荻塘。爛溪及太湖縣境。爲衆流之壑。羣川大抵環迴相通。嘉靖三十三年。按臣呂光詢。濬麻溪等河。凡五十九處。卽南麻。北麻。匯流諸川是也。

章練塘。縣東南八十里。接諸湖蕩之水。南爲長浜河。入嘉善縣界。北爲葫蘆兜。入華亭縣界。東通三泖。西接南陽港。達於汾湖。○瓜涇港。分太湖支流。東北出夾浦。而會於吳淞江。

鮎魚口

縣北十八里。自太湖分流出此。又北瀾爲默塘。北過五龍橋。入吳縣界盤門運河。其東北出者曰夾浦。在縣北二十里。入長洲縣界。嘉靖三十二年。倭賊自夾浦轉至三里橋。登岸焚掠。進逼縣城。復轉掠八斤。平望而去。志云。夾浦當鮎魚口下流。有南北二柳膏港。分太湖支流。並匯於此。故夾浦亦兼柳膏之名。接吳淞江并諸湖蕩之水。勢甚迅疾。宋紹興初。建石橋。明宣德中。風雨傾圮。自是以鐵鉅駕船十六艘爲浮橋。宏治以後。屢屢增置。其後復廢。乃設官渡。以便往來。蘇夾浦而東。會流於澹臺。龐山諸湖。仍注於吳淞江。說者謂縣當吳浙之咽喉。而夾浦又縣之衝要云。

平望鎮

縣南四十五里。爲控接嘉湖之要道。宋德祐中。以元兵漸迫臨安。遣將劉涇於此置營。明初攻湖州。張士誠以水師屯平望。欲援舊館常遇春出問襲敗之。其北三里曰勝墩。前對鴛鴦湖。嘉靖中。官軍嘗據此以扼倭寇。海防攻蘇湖之間。鴛湖爲四戰處。嘉靖三十三年。倭賊屢犯平望。明年。督臣胡宗憲調兵自嘉興入勝墩。陳而待之。大捷於此。今有平望巡司。亦設平望驛。志云。鎮北有楊家橋。明初常遇春敗張士誠兵於此。嘉靖三十四年。官兵亦敗倭於此。又八尺市在縣東南二十里。運河所經。爲南北衝要。嘉靖中。倭寇嘗犯此。○同里鎮。在縣東十五里。唐初名銅里。宋改今名。有同里市河。東連諸湖港之水。東北接姚成江。又東北接陳湖。入崑山界。志云。明初。同里商民輾售。置稅務局於此。尋廢。今有巡司。爲縣東之藩蔽。

黎里鎮

縣東南二十里。其市河曰黎川。西通楊家諸湖。東連木瓜諸澗。又東北會諸湖蕩。亦注於龐山湖。嘉靖三十二年。倭賊犯境。由黎里走柳湖。二十四年。倭自爛溪犯平望。官兵禦之。後繇黎里出汾湖。遂遁去。又簡村在縣東南十五里。地名充浦。宋建炎五年。金人犯境。官軍嘗頓於此。今有簡村巡司。又縣東南百里吳淞村。有因濱巡司。今革。

震澤鎮

縣西南八十五里。西去湖州南潯鎮十二里。有震澤河。北出太湖。東北通鴛鴦湖。南連諸澗。凡嘉興西北。湖州以東之水。多匯於此。有震澤巡司。與爛溪巡司相爲聲援。志云。鎮有底定橋。取禹貢震澤底定之義。跨荻塘河上。塘自湖州東入境。卽運

河經流也。又盛澤市在縣西南六十里。市出綿綾。商旅走集焉。○梅堰市亦在縣西南六十里。嘉靖三十四年倭賊蘇浙江崇德縣及南潯鎮掠梅堰。趨平望爲官軍所敗。又有雙楊市在震澤東十里。

長橋。在縣東二里。一名利往橋。又名垂虹橋。宋慶歷八年縣尉王廷堅建以木爲之。長百三十丈。寬六十有四。中爲垂虹亭。治平三年縣令孫寬重修。紹興三年金人犯淮南。或議焚橋爲備。郡守洪遵持不可。乃止。元泰定二年判官張顯祖始毀以石。開七十年。順帝至元二年元帥甯玉再建。開八十五洞。明洪武初及永樂二年正統五年成化七年十六年屢經修治。宏治四年工部侍郎徐貫等復濬長橋水竇。凡江口叢生荻葦。蔓延數十畝者悉墾之。蓋以利太湖嚙喉也。自是亦數有修舉。而橋竇或開或塞。橋南

十字港一帶。時有壅閼之虞。議者以爲病。水利攷吳江長堤一名挽路石堤。始於宋慶歷二年。因風濤多敗。漕舟遂接續築爲長堤。橫截五六十里。且建長橋以通水道。郝寶云長橋正太湖東岸。漕水下吳淞江入海。第一要害處。築堤建橋。雖爲挽路之利。而下流淺狹。潮沙壅積。病實基於此。元天聖初發運使趙賀葺吳江太湖石塘路。以捍風濤。其後時加修治。而長橋水洞往往任意築塞。哽咽湖流。議者恆欲鑿坑添橋。寬展水道。此亦救敝之一策也。又元置鎮守長橋鎮江水軍於此。明亦置長橋巡司。尋革。

白龍橋。縣南十二里。跨白龍港。西洩太湖之水。東經運河。又東瀕爲湖蕩。東北入白蠟江。又徹浦橋。在縣南九里。北抵城東南南津口。所謂石塘運河也。志云吳江古無陸地。唐元和五年蘇州刺史王仲舒始攤土爲塘。宋祥符慶歷中屢加修治。治平五年知縣事孫覺始易以石。蓋吳淞壅遏。縣長堤之築始也。自南渡至元亦數修治。至正六年知州那海增修高廣。長千八十丈。爲寶百三十有六。明亦以時修築。近城東南一里曰三江橋。其下亦曰三江口。又南七里爲十字港。亦曰三澗口。皆西泄太湖之水。東過運

河。又東爲諸港。瀦爲集澤。湖及龐山湖入長洲縣界。

崑山縣。府東七十里。東至太倉州三十五里。東南至松江府青浦縣七十里。秦婁縣地。漢因之。梁天監中置信義縣。大同初又分置崑山縣。以山爲名。隋平陳縣廢。開皇十八年復置崑山縣。屬蘇州。唐因之。光化初錢鏐將顧全武攻蘇州。淮南將裴裝拔崑山而

成之尋復爲全武所克。宋亦曰崐山縣。元貞初升爲州。延祐初徙州治於太倉。至正十年張士誠據蘇州復還舊治。明洪武二年仍降。今城周十二里。編戶三百三十八里。

婁城。在縣治東。秦置縣。屬會稽郡。漢因之。孫權初封張昭於此。尋又封陸遜爲婁侯。晉亦爲婁縣。屬吳郡。咸和六年石勒將劉微浮海而南。寇婁縣。卽此。宋齊亦爲婁縣治。後廢。舊志梁置崐山縣。在今松江府西北二十里。崐山之陰。隋因之。唐天寶十載析置

華亭縣。始移縣治於馬鞍山之陽。卽故婁縣治也。范成大曰。今崐山縣東北三里。有村舍名婁縣。古縣疑置於此。又有東城在縣治東三百步。相傳吳子壽夢所築。今橋巷猶以東城爲名。蒼園園所起以候越者。

信義廢縣。縣西二十里。梁天監六年以婁縣地置信義縣。屬信義郡。隋省。今爲信義村。俗曰眞義鎮。今又謬曰進義。又有眞義浦。志云自城西十里爲尤涇。又西十里曰眞義浦。皆流合運河。

崐山。在縣治西北隅。廣袤三里。高七十丈。山之右曰馬鞍峯。孤峯特秀。稱一邑之勝。志云山本名馬鞍山。唐天寶中移縣治於山之陽。因改曰崐山。上有浮圖。

千墩。縣東南四十里。志云墩北三十里。地名木瓜。有墩九百九十九。與此合爲千墩。浦。明永樂十年太常少卿袁復奉命浚浦。因名少卿墩。墩西有土山曰秦柱山。亦曰秦望山。上有烽火樓基。北去縣三十里。輿程記千墩又東南十里爲陶橋。

又東南三十里卽青浦縣。

運河。在城南。舊名崐山塘。北納陽城湖。南吐松江。風濤馳突。爲舟楫田廬之患。宋至和二年縣主簿邱與權修築隄防。橫絕巨浸。積土爲塘。因以紀元爲名。自是相繼修濬。明亦屢經修治。萬曆三十九年復鑿石爲隄。四十三年長洲縣亦築石隄四十里。接縣

界。今自府城婁門而東北二十里。經沙湖。又東經犇亭及眞義浦。交貫縣城而東。入太倉州界。皆曰至和塘。爲運道所經。近志以爲婁江。悞也。

婁江。縣南九里。其上流自長洲縣界接陳湖及陽城湖諸流。又東益澗諸浦港之水。勢盛流闊。入太倉州界爲劉河口以入海。近志以此爲吳淞江。一統志以爲三江口皆悞也。辨譌云。自唐宋以來。三江之名益亂。東江既溼。而婁江上流亦不可問。土人習聞

吳淞江之名。凡水勢深闊者。卽謂之吳淞江。而至和塘白婁門而東。因意以爲婁江。所謂差之毫釐。繆以千里也。○新洋江。在縣東南六里。自城東四里運河分流。南接婁江。宋隆興三年。開新洋江。乾道初。又復開濬。元泰定二年。都水監任仁發開松江。自黃浦口直至新洋江。江面闊十五丈。永樂初復開濬。後漸埋塞。天順以後。屢經修濬。毛節卿云。松江中絕。龍山澱湖諸水。每蘇新洋。夏駕而入。婁江是也。又新江在縣西南十五里。俗謂之勸娘江。宋嘉祐四年所開。以分引上流諸川。西接長洲縣大姚浦。析爲三江。東流五里許而後合。俗所謂三江口也。經縣東南石浦。至嘉定縣界之安亭江灣。下流入海。

澱山湖。縣東南八十里。接松江府界。亦曰薛澱湖。東西三十六里。南北十八里。周迴幾二百里。下流注於吳淞江。今詳見松江府。○趙田湖。在縣東南七十里。一名范青漾。亦曰范家田。南連澱山湖。一望巨浸。其北卽千墩浦口也。俗曰新開湖。

陽城湖。縣西北三十五里。與長洲縣接界。常熟縣南境之水亦流滙焉。吞吐羣川。波流浩瀚。湖之東爲包湖。傀儡諸湖。皆餘流所浸。溢也。又東北卽巴城湖。○巴城湖。在縣西北二十里。志云。其地有古巴城。又有巴王家湖。因以名。西接包湖。東連雒城湖。今

包湖。雒城大抵爲平陸。其西爲施澤溼。出陽城湖。南曰尤溼。出至和塘。東曰溫焦溼。縣此竟達縣城。又陳湖在縣西南五十里。接長吳二縣界。○白蕩。在縣南三十六里。一名白家田。西連雙洋蕩。又西接陳湖。南連朱沙港。滙爲巨浸。下流注澱山湖。又鰻鯉蕩在縣西北十八里。西接陽城湖。南通巴城湖。東南出小虞浦。亦曰鰻鯉湖。今溼爲田者逾半矣。

夏駕浦。縣東南二十里。志云。新洋江南口卽夏駕浦。永樂二年。夏原吉以松江自夏駕而東。沙漲狹不可去。江北岸有劉家河入海。乃鑿夏駕浦。掣江接浦。滙於劉家河。天順三年。撫臣崔恭澤吳淞江。自夏駕浦至上海縣界白鶴港。成化八年。撫臣畢亨亦

滄吳淞江自夏駕口至嘉定縣西北徐公浦凡百三十里十年又濬夏駕浦至嘉定縣西莊家港嘉靖初撫臣李充嗣復濬吳淞江亦自夏駕口起達於吳淞舊江口崇禎十六年復開夏駕浦南接吳淞江北至小瓦浦東至太倉州界青魚涇蓋宜洩要口也○大石浦在縣東南三十里志云上承吳淞江南接三林港出灤山湖元至治初嘗濬石浦以東諸塘浦明宏治中及崇禎末屢嘗開濬其相近者曰小石浦又西爲道福浦亦分洩要口也嘉靖中嘗濬治以導吳淞下流志所稱吳淞江即故婁江矣

千墩浦

縣南四七里向設石浦巡司戍守新洋諸江之水往往漚流於此接吳淞江入海永樂初夏原吉嘗濬治之今南流注於灤山湖○瓦浦在縣東南三十六里與太倉嘉定接界志云浦東出鷄鳴塘西通翁子浦爲灌溉之利嘉靖隆慶中屢經濬治崇禎初復修濬有大小二浦

爾讀若見在縣東十八里

七浦

縣西北三十里一名七浦塘亦曰七鴉浦接常熟太倉界東南出石橋圩又東經太倉之直塘沙頭一帶入海謂之七鴉口自宋以來爲常熟崑山間五大浦之一志云浦東北通巴城湖西通陽城湖東南出爲太倉境內之楊林塘西抵斜堰宏治四年工部侍郎徐貫開治斜堰七浦九年工部主事姚文顯疏七浦巨五十里浦旁舊有支渠四十六溉田可萬餘頃而斜堰東南去縣三十四里與常熟分境舊設此以防常熟通江海潮及昆承諸湖衝決之水嘉靖二十五年撫臣歐陽必進易置石關於此自白茅塞而西北之潮不至堰址僅存無復初制矣

大虞浦

在縣西南九里又有小虞浦在縣西南三里志云唐天祐初吳越濬新洋江及橫塘兼通大小虞二浦並北出新塘南通吳淞江新塘卽崑山塘矣宋范成大曰小虞浦北受鯢鯉諸澤之水出之江是也隆興三年小虞與諸塘浦俱經濬治明宏治十一年復修治大虞等浦嘉靖二年又濬大虞浦洩陽城湖水以入婁江又縣南有帆歸下張諸天同邱諸浦及漚涇浜一帶俱松江宜洩處也水利考宋初導三十六浦分引太湖松江積水其在縣境者十有四在常熟者二十六其後大抵堰塞今自七鴉下張

楊林浦而外十四浦之可考者鮮矣。○戴墟浦。在縣西三十里。宋淳熙中。發運使魏浚疏至和塘。東自夾湖塘。西至戴墟浦。亘四十餘里。又縣西北二十里有黃茜澗。正統六年。撫臣周忱修至和塘。黃茜澗。鑿鯉涇。同時開濬是也。嘉靖四年。復濬黃茜澗。以及東西諸塘浦。蓋縣境水患最多。而疏濬之迹。不可殫紀矣。

石浦鎮

縣東四十里。南通澗山湖。北枕吳淞江。元置巡司於此。明因之。景泰二年。移置於千墩浦口。今縣東三十六里。爲千墩鎮。又南六里。爲吳家橋。俱與青浦縣接界。又安亭鎮。在縣東南四十五里。與嘉定縣接界。舊有稅課局。○泗橋鎮。亦在縣東南四十里。又兵墟鎮。在縣東四十八里。東接太倉境。南接吳淞江。志云。夏駕浦所經也。舊與泗橋鎮俱置稅課局。今廢。又陸家墅。在縣東南三十里。亦曰陸家浜。路出青浦。商民輻輳於此。

甬直鎮

縣西南三十六里。又縣西南四十餘里。有陳墓鎮。俱接長洲縣界。○巴城鎮。在縣西北十八里。西枕巴城湖。及七鴉浦。又西南通傀儡陽城諸湖。鹽徒往往出沒於此。舊置巡司。今徒於眞義鎮。仍曰巴城巡司。又志云。縣舊有寧海驛。今革。

常熟縣

府北九十里。東南至太倉州九十里。西北至常州府江陰縣百二十里。西南至常州府無錫縣百十里。本吳縣地。晉太康四年。分置海虞縣。屬吳郡。東晉又分置南沙縣。屬晉陵郡。宋齊因之。梁天監六年。增置信義郡。南沙屬焉。大同六年。又分置常熟縣。亦屬信義郡。隋平陳。徙常熟縣治南沙。以海虞南沙二縣并入。屬蘇州。唐武德七年。又移治於故海虞城。仍屬蘇州府。宋因之。元貞二年。升縣爲州。明洪武三年。復改爲縣。今縣城周九里有奇。編戶五百十四里。

常熟故城

在今縣南。劉昫曰。崑山縣西百三十里有常熟故城。九域志。蘇州北七十里有常熟故城。梁置縣於此。今縣即故海虞城。城色改海虞城。初時編木爲柵。甚堅緻。周二千二百四十丈。元時改築土城。周四千八百四十丈。至正十六年。張士誠始毀。以碑。周九里有奇。明永樂以後。日就傾圮。嘉靖三十四年。以倭亂。始營版築。西北據山。東南憑濠。屹然完固。

南沙廢縣

縣西北五十里。沈約曰：本吳縣司鹽都尉署。吳時名沙中。晉平吳，立暨陽縣，司鹽都尉屬焉。東晉時亦曰南沙都尉。咸和五年，石勒將劉徽率衆數千掠東南諸縣，殺南沙都尉許儒，進入海陵。咸康七年，始罷鹽署，立爲南沙縣，屬晉陵郡。宋齊因之，梁置信義郡，隋平陳廢郡，又徙常熟縣治焉。唐移縣於今治，故城遂墟。今奚浦三丈浦、黃泗浦、西接江陰一帶，其地猶名南沙。鄉又與國廢縣在縣東四十五里，梁置屬信義郡，隋廢。元末張士誠開浚白茅，因故址築城，周五里，曰支塘城，今爲支塘市。城址猶存，自昔爲戍守處。

海陽廢縣

在縣北。東晉初，割海陵北境置東海郡，領郟、朐、利城三縣。永和初，郡縣並移出京口，蕭齊於其地置海陽縣，屬晉陵郡。梁改屬信義郡，隋平陳廢郡，以所領海陽、前京、信義、海陵、興國、南沙六縣俱併入常熟縣。○莫城在縣南七里，相傳莫邪鑄劍處，一名劍城。今曰莫門塘。寰宇記云：漢時莫龍所築，以捍海寇，又尙墅城在縣北十八里。志云：張士誠入福山港，築此城以屯兵，又有鴉城在縣東十五里，隋唐之末，以盜亂，詔村塲聚芻築城防禦，此其故址。

虞山

在縣治西北。城之西北隅環其上，一名海隅山，一名烏目山，相傳以虞仲葬，此因曰虞山。山名山記：山長十八里，周四十里，高百六十丈，爲縣主山，登其巔，江外諸山，隱隱可見。

福山

縣北四十里，下臨大江，形如覆釜，亦名覆釜山。唐天寶六載，改曰金鳳山。天祐初，吳越於此築城戍守，控扼江道，亦謂之金鳳城。朱梁乾化三年，吳越復改爲福山，與大江北岸通州之狼山相值。周顯德五年，克通州，吳越遣將邵可遷等帥水軍屯江南岸，與周師相應，卽此處也。時謂之福山鎮。宋南渡後，置水軍營，建炎三年，韓世忠控守福山，以備金人海道之師。明初，敗張士誠兵於福山港，進通州城，亦置福山寨，并巡司於此。嘉靖中，以倭亂，築堡屯兵，爲控禦要地，蓋縣境之北門，亦吳郡之重險也。志云：山周五里，東通大海，北枕大江，土人亦謂之福山岡。

顧山。在縣西五十里。又西北至江陰縣七十里。西南至無錫縣六十里。山當三縣之交。俗名三界山。一名顧龜山。又名香山。陸抵江陰。此其徑道。又宛山在縣西南五十里。亦曰苑山。與無錫接界。下有宛山蕩。水路出無錫。此其徑道也。

大江。縣北四十里。西自范港與江陰縣接界。東至昭港與太倉州接界。其對境則揚州府之通州也。濱江一帶。港浦錯列。宋時言水利者。每議開常熟沿江二十四浦。導太湖下流。洩之江。隆興中。平江守臣沈度等。議開常熟崑山十浦。分導太湖。達江注海。十浦。常熟之許浦。白茅。崔浦。黃泗浦。及崑山之蕪涇。下張。七鴉。川沙。楊林。掘浦。是也。蓋是時濱江諸浦。已通塞不時。今水流變遷。舊迹之可據者甚少。而大江經流。則滔滔如故矣。

運河。在縣城南。又南十五里。歷華蕩。又南二十五里。爲吳塔。與長洲縣接界。又南爲永倉。敵樓。歷蠡口鎮。抵郡城北。折而西。合於楓橋。運河舊名元和塘。唐元和四年。郡守李素所治。後譌爲雲和塘。今呼爲常熟塘。宋會要。自平江齊門至常熟百里。皆曰雲和塘。是也。塘之東。港浦錯出。皆引流達昆承諸湖。蘇白泖等浦。分注大江。

白泖港。在縣東七十里。泖亦作茅。吳中諸水北出者。自縣南境而匯流東注。昔皆緣此入海。今自縣東南二十里至鮎魚口。又東二十五里。歷支塘市。又東北二十六里。而達港口。舊志云。金陵句曲之水。注爲金壇白鶴溪。合丹陽練湖水。常郡瀟湖水。震澤不能容者。溢而東南。從無錫蠡濠諸湖。入常熟之華蕩。遶城南。東北流爲白泖港。注於江。以入海。宋人言水利者。每導太湖分流。東北緣諸浦注之江。而諸浦中。白泖最大。屢議疏濬。以防太湖之泛溢。宋史。政和十四年。詔導白茆許浦。福山三浦。紹興二十四年。大理丞周環。議開白茅。二十八年。轉運副使趙子瀟。議開黃泗浦。崔浦。許浦。及白茅浦。不果。尋復濬治。乾道初。守臣沈度等。又請開白茅等浦。元季。漸塞大爲民病。張氏時。發民鑿白茅新渠。長九十里。與劉家港並導。以分殺水勢。明永樂初。夏原吉請疏吳淞江。南北兩岸浦港。分引太湖諸水入劉家河。白茅港。於是白茅導水入江。尋復淤塞。景泰五年。大水爲患。侍郎李敏等。復議濬白茅等塘。因挑背墩浦。橫瀝塘。共三四里。以通白茅之流。鑿開三堰。約三四里。引水通鮎魚口。復挑去浦口淤塞千餘畝。於是積水得洩。宏治初。

故道復塞。四年，侍郎徐貫等復濬白茅，且導長吳崑山，嘉定諸涇港，貫於白茅以入江，然上流既淺隘，而浦口復有漲沙，橫亘海中，力不能去，僅二歲復廢，不治。正德八年，都御史李充嗣復奉命開濬，從邑主簿童瓊議，於故河旁更鑿新河，以避漲沙海口。於是白茅復治。說者曰：吳民屢病水旱，而邑田常半稔者，白茅之力也。往時水流深闊，故邑稱江海之交，郡之海道起於嘉定，實山洋，迄於白茅港。天順五年，置白茅寨於海口，成化十八年，復增立營寨，以備倭寇。嘉靖初，以倭舶乘風而上，徑抵城下，於是設朱家營以當其衝。其後日益淤塞，萬歷以來，牛爲平陸矣。志云：縣有白茅巡司，在縣西北九十里。

許浦。縣東北七十里，自縣城東北三十五里，經梅李塘，又三十五里爲許浦，入大江。宋時以舊涇七張、七鴉、白茆、許浦爲崑常閘五開許浦，命守臣及許浦駐劄水軍都統戚世明同措置。時郡守陳峴奉詔開決，東西共五十六里，并築堤爲固。自是水流順達，海舶時至。邑城梅李鎮橋之下，水常壞舟，至鑿月河以殺水勢。後漸埋塞，僅存一線。明宏治十二年，邑令楊子器復議濬之。自城東達海口，長七十里有奇，尋廢。宋史：許浦爲濱江要地，舊置水軍寨。南渡以後，汛守益重。韓世忠提兵討苗劉，駐軍於此。李寶駐劄許浦，涉海破金於膠西，是也會要。建炎初，水軍戍江陰，許浦、福山無定所。又分江陰水軍屯明州定海。紹興二年，仇愈爲福建兩浙、淮東沿海制置使，置司許浦，許浦水軍隸焉。乾道二年，詔調泉州左翼軍屯平江許浦鎮。三年，改隸殿前司。五年冬，改爲御前水軍。六年，分立前後中三軍。於許浦建寨萬間，四月，水軍統制請以平江府許浦駐劄爲稱。八年春，併歸許浦，置副都統制統之。淳熙四年冬，以七千人爲額。玉海：宋建炎以後，增置敵浦、淮陰、靖安、唐灣、采石諸水軍，而尤大者爲許浦。江陰二軍，元亦爲許浦。鎮置許浦通津漢軍萬戶府，明置巡司於此。今許浦淤塞，不復爲要口。浦東有徐六涇，西南出梅李塘爲往來通道。

福山港。縣北四十里，自城北水門二十里，經斜橋，又二十里，經福山，入大江，亦曰福山塘。亦曰福山浦。宋紹興中，屢經濬治，與白茅許浦並爲要害。明宣德及宏治中，屢經修濬。嘉靖三十四年，倭賊自福山港突犯郡城，塞門，尋自太湖突犯楓橋，又經婁門。

運福山是時江湖深闊。今日就淺澀矣。又港東北曰崔浦。曰丁涇。亦舊時通江之口。宋紹興二十九年。議濬崔浦。丁涇。轉運使趙子澗言。福山塘與丁涇地勢等。若不濬福山塘。則水必倒注於丁涇。乃并濬之。今丁涇亦堙廢。舊志縣北五十里有崔浦橋。卽崔浦入江處也。○吹涇。在縣東北五十里。南通梅李塘。又北接崔浦。復分流北出。與崔浦並注大江。縣境三十六浦。崔浦。吹涇。皆要口也。永樂初。夏原吉疏濬成化。宏治中。亦相繼開治。夫幾復塞。蓋吹涇口當福山港潮沙之衝。陡隘僅能容舟。內外皆爲潮沙所淤。故也。

黃泗浦

縣西北八十里。西南通江陰縣境。北入揚子江。宋時爲濱江大浦。紹興末。屢議修濬。明設黃泗浦巡司於此。北對通州境。爲控禦之所。今淤。浦東三里曰三丈浦。亦北通大江。嘉靖三十四年。倭從三丈浦出沒。官軍扼而殲之。後築土壩於浦口。寇警

雖少。而農田甚病。又奚浦在三丈浦東。去縣七十里。北通大江。饒魚鹽之利。有奚浦市。今浦亦堙廢。○金涇。在縣東北九十里。南通李墓塘。又東接白茆港。李墓塘而西。接於梅李塘。漚流北出。自金涇注於大江。宋慶歷中。知縣事范琪。浚金涇。鶴濱二浦。數田千頃。今濱江港浦。大抵堙廢。三十六浦可紀者鮮矣。

尙湖

縣西南四里。長十五里。廣九里。虞山峙其北。東通運河。西出江陰縣界。○昆承湖。在縣東南五里。舊志湖長三十六里。廣十八里。水經云。廣長各十八里。蓋無錫以東。長洲以北之水。汜濫而出。匯流於此。昔時分流入白茅。許浦。以達於江。其後諸浦漸堙。湖流亦日狹。土人於菱葦灘淺處。占據爲田。謂之湖田。而分爲

涇港。散入於崑山太倉之界。從七鴉浦。劉河諸口以入海云。

華蕩

縣南十二里。周三十五里。蘆葦叢生。運河經其東。其西播爲諸段港。西南入長洲縣界。西北入江陰縣界。西入無錫縣界。俱爲通道。又佳菱蕩在縣西南三十里。東通華蕩。南接長洲縣界。自佳菱蕩而西五六里。爲謝埭蕩。稍折而北。爲陸家蕩。宛山蕩。俱

與無錫

縣接界。

七浦塘

縣東南七十里舊志云塘北通白茅港西通陽城湖南入崑山縣境今東南接崑山太倉界遇白茅浦塞縣境諸水皆繇此以入海明正統及宏治初皆嘗濬治○鹽鐵塘在縣東北五十里舊志云在白茆之南亦名內河西接江陰東越崑山唐太和疏此濬繞數百里元泰定初郡人周文英言水利請濬崑山嘉定之鹽鐵塘以通各邑塘浦達太湖之水不果至正中張氏因舊濬濬之民以爲便明宣德景泰宏治間皆再濬之橫亘猶七十餘里今埋沒過半矣又舊有新安塘在縣東南西入運河東通崑

山縣

界

梅李鎮

縣東北三十六里臨梅李塘其地爲許浦之上游五代錢氏有蘇州遣其將梅世忠李開山屯兵於此以防江鎮因以名宋紹聖中轉運毛漸奏導梅李塘通江其地有道通橋許浦未塞通泰蘇湖商舶皆集於此明宏治正德中皆疏此塘嘉靖中倭賊自許浦登陸徑犯梅李後又竊據於此與福山白茅賊相聲援志云鎮東北達許浦東南達白茅西北達福山爲適中之地有事時戍守處也

唐墅

縣東南三十里舊名尤涇以居民唐氏所創聚因名道出崑山此爲中頓又東六里曰斜堰卽崑山接壤處也又置塘市在縣東南七十里舊志縣東南六十里曰任陽莊又十里曰直塘市與太倉州接壤○楊尖市在縣西南四十里西接無錫北通江陰縣界又縣西北八十里爲慶安鎮接江陰界舊有慶安浦通江宋政和中濬福山慶安二浦置閘今故址尙存

嘉定縣

府東百四十里東逾海口至崇明縣百七十里南至松江府青浦縣七十里北至太倉州三十六里唐爲崑山縣之嚆城鄉宋爲練新市嘉定十年析置縣以紀年爲名屬平江府元元貞二年曰嘉定州明洪武二年復爲縣今城周九里編戶九百五十

里

寶山。縣東南八十里。明永樂十年。命海運將士築此。以建烽墩。周六百丈。高三十丈。爲海運表識。晝則舉烟。夜則明火。海洋空闊。一望千里。先是居民嘗見其地有山影。至是山成。因名曰寶山。御製詩文刻石其上。海運廢。山仍爲濱海戍守之所。嘉靖中倭寇入犯。每以寶山爲望。故邑之被害最劇。而寶山常爲賊藪。三十四年。大敗倭賊於寶山。洋患稍息。志云。寶山之外沿海一帶。有楊家路。倭自崇明而來。必取道於此。山之南有寶鎮堡。亦設險處也。

東岡。在城南。亦曰東岡身。又縣西五里有青岡。亦曰中岡身。又西七里曰外岡。有溪環其下。縣西南十五里。又有沙岡。西南十八里。曰西岡。或謂之淺岡。蓋濱海岡脊。天然障衛。志云。縣境北至太倉。南至南翔。俱曰岡身路。

海。縣東四十五里。北自黃姚港。南抵上海界。環縣境凡八十餘里。海水鹽鹵。而此地不異江湖。兼有灌溉之利。蓋南卽黃浦。吳淞江北。則劉家河。又北則大江。注焉皆迴。湫蕩激於數百里間。故與南北海獨異也。然濱江一帶。夏秋間颶風遽雨。挾潮而上。往往漂沒田廬。晉湖州刺史虞潭。嘗築壘海濱。以禦衝潮。明洪武末。以海患遺官修築。北抵太倉衛。南跨劉家河。長千八百餘丈。永樂二年。復增築高廣。成化八年。於寶山北舊壘外。又築新壘。嘉靖二十三年。復於寶山南增築外岸。直抵上海草蕩。惟吳淞所迤北舊壘。柵沒未修。邇來營葺益疎。故址多廢。志云。縣境之海。俗謂之海泖。稍北與崇明相望。

吳淞江。縣南三十六里。志云。吳淞江過澱山湖。經崑山夏駕浦。東抵縣界。至顧浦。又東過黃渡。又東過江灣。又東北抵吳淞所入海。自昔三江之中。淞江最大。上承太湖。直流注海。湍悍清駛。海潮不得停滯。故三吳少水患。自吳江築長堤。上流既緩。下流漸塞。宋元以來。屢議修濬。明永樂二年。夏原吉奉命治水。謂吳淞江自夏駕浦以下。皆爲湖沙所障塞。因鑿夏駕浦。擊吳淞江。水北達婁江。復挑顧浦。南引江水。北貫吳塘。亦繇婁江入海。復濬上海縣范家浜。擊江水南達黃浦入海。而故道直流百里之江。遂棄而不治。正統五年。撫臣周忱復濬。故道通流。天順二年。撫臣崔恭復濬吳淞江。於縣境濬卞家渡。至莊家涇。凡五千五百五十餘丈。成化十年。撫臣華亨。復自夏駕浦開至莊家涇。嘉靖二年。撫臣李充嗣復開濬。既而倭亂。吳淞江爲最衝。三十二年。倭入吳淞江。明年復

屢自吳淞江登岸焚掠久之始息隆慶三年撫臣海瑞又疏黃浦至上海南隄萬曆六年御史林應訓復疏黃浦以西至崑山千浦大抵隨濬隨淤而吳中水災疊告矣禹貢云三江既入震澤底定三江僅存吳淞一江而復不能順流達海震澤何繇而底定哉○婁江在縣北二十四里俗曰劉家河與太倉州接壤吳淞堰

濤諸塘浦每繇此入海水勢最為深闊今亦非復舊流矣

白鶴江

縣西南四十三里自松江府青浦縣流入境北出吳淞江宋嘉祐六年崑山令韓正彥開松江白鶴灑如盤龍灑之法為民利崇慶四年提舉水利郝寬重濬白鶴灑宣和中提舉趙霖復開濬是也又有青龍江亦在縣西南自松江府東北流入境

合於白鶴江宋建炎四年金兀朮自廣德寇臨安制置使韓世忠以前軍駐青龍中軍駐江灣後軍駐海口欲俟兀朮師還擊之及兀朮自秀州趨平江世忠遂移師扼鎮江今水勢頗微難以江名僅同溝澮矣○蟠龍江在縣西南四十里自松江府流入境亦曰蟠龍灑志云盤龍江南邇蒲灑塘北入吳淞江又縣東南三十里有虬江南接中槎下槎二浦

蟠龍灑志云盤龍江南邇蒲灑塘北入吳淞江又縣東南三十里有虬江南接中槎下槎二浦縣境東南諸浦港多匯於此南入吳淞江志云虬江自上海縣流入境縣東南又有上槎浦

大盈浦

在縣西南五十里自松江府流入境注於吳淞江又大盧浦亦在縣西南南通青龍江其北逕馮浦入吳淞江亦曰渡頭○黃渡浦在縣西南四十里南通吳淞江對岸即大盈浦也黃渡之北曰吳塘北出練祈塘達於劉家河

顧浦

在縣西南通吳淞江北貫練祈塘又北會於吳塘入太倉州境注於劉河宋嘉祐三年轉運使沈立開崑山顧浦熙寧末郝橘議開新安浦顧浦使水南入淞江紹興末轉運使趙子瀟復議濬顧浦及諸涇港以引吳淞江壅水是也明永樂二年夏原吉

又濬顧浦引吳淞江水北貫吳塘繇婁江入海正統五年撫臣周忱復濬顧浦以洩吳淞之水安治十一年又嘗疏濬○徐公浦在縣西北南通鷄鳴塘達顧浦北通郭澤塘又北達劉河宋紹興末趙子瀟議通郭澤浦及徐公浦明宏治十一年郎中傅潮亦濬徐

公等浦隆慶五年御史林應訓浚吳淞江自崑山界漫水鄉至徐公浦長四十五里是也又安亭涇亦在縣西東南通顧浦北接鷄鳴塘宋元祐中單諤議開安亭江自吳江東至青龍江入海今亦埋塞

練祁塘

在縣治南東西長七十二里。自縣治中分曰東西練祁。相傳昔時水澄如練。亦名練川。今自顧浦納淞江之流。東折貫於吳塘。又東過鹽鐵地貫縣城而東抵羅店鎮稍東北入於海。其東一支南折而東合馬路塘。又東合月舖。又東合采鞠港入海。又西一支從西門外岡北折合北鹽鐵塘入婁江。士人以合流甚大而正脈反微。謂之東西小練祁。

橫瀝塘

在縣治東南北袤六十里。亦自縣治中分。有南北橫瀝之名。自縣西南二十七里孫基港口。受吳淞江水。折而東。合上樣等浦。經南翔鎮。又北二十里貫城而北。出抵縣北十二里之婁塘。又東北折而為雙塘。復少折而西北曰公塘。俱入劉河。今南路漸塞。北路亦日微矣。

鹽鐵塘

在縣西十五里。從外岡中分。亦有南北鹽鐵塘之名。南接陸皎舖。抵吳淞江。北貫練祁塘。經葛隆鎮。達於劉河。又謂之西橫瀝。宋元以來屢經修治。元季海運從鹽鐵塘東北出婁江達海。明永樂十三年罷海運。以北鹽鐵西練祁為運河。云云。從鹽鐵而西為吳塘。又西為顧浦。又西為徐公舖。三河形如川字。而練祁直貫其中。最西為安亭涇。與崑山縣分界。亦東南通顧浦。北出鷄鳴塘。○走馬塘。在縣東南二十里。西通橫瀝。東南蘇江灣浦入吳淞江。

顧涇港

在縣東四十里。上流接黃白運通練祁塘。東入於海。宋寶歷初置顧涇水軍。嘗於縣東北四十里。其北為川沙港。南接顧涇海上黃魚梁相望。淳熙十二年。殿前司奏請分許浦水軍駐此。從之。寶慶初。始置察明設顧涇巡司。又施家港在縣東。西通川沙港。又西北接新港。嘉靖三十三年。賊從南沙襲渡。至施家港。進犯縣城。轉掠南翔諸鎮。羣敗却。萬歷中。浚吳淞江。自黃渡浦口東。蘇新家港是也。

黃姚港

縣東北四十里。西接新涇。東北合五岳塘入海。嘉靖三十二年。倭賊自黃姚入劉家河。進掠婁塘。遂北犯太倉。轉犯吳淞所。尋進薄縣城。不能陷。會救至。賊引却。明年。賊復自黃姚登岸。轉掠而南。越南翔。封家浜。犯松江境內。三十四年。倭舟復泊

黃姚。舍舟登陸。西至婁塘。轉掠鄰境。蓋其地迫近海濱。與太倉州接界。北去劉河咫尺。南接吳淞江。向有陸兵戍守。姚一作窰。○綵綉港。在縣東南吳淞所北。其西四里爲周浦。又四十八里曰羅店鎮。嘉靖中。賊避吳淞守兵。往往出沒於此。三十五年。賊突犯綵綉港。掠東境。尋引却。縣南境又有師家浜。老鸛嘴。四馬洪。諸處皆在吳淞江南岸。接上海縣境。官軍敗倭處也。

趙涇

在縣西南二十里。北通練祁。南出爲封家浜。亦曰封家渡。又南爲月河。出吳淞江。宋崇寧三年。提舉徐確請疏涇江下流。自封家渡至大通浦。直出海口是也。志云。封家浜市。在縣西南三十里。

南翔鎮

縣南二十四里。爲商賈湊集之所。橫瀝所經也。南去吳淞江十里。至上海縣五十里。嘉靖二十三年。倭賊犯南翔。廣福鎮。未幾復犯南翔。緜封家浜。直抵松江。邑西境皆爲騷動。志云。廣福鎮。在縣東南四十里。○月浦鎮。在縣東三十六里。因水而名。

顧涇巡司置於此。又羅店鎮。在縣東十八里。元置鎮。自此至吳淞所。水陸皆二十六里。爲縣東之籬籬。嘉靖三十六年。倭賊陷吳淞所。西掠月浦及羅店。遂薄城下。今商民會聚於此。又縣東南四十里曰大場鎮。宋嘗置鹽場於此。因名。又東南十里曰真如鎮。以佛名。寺。

江灣鎮

縣東南六十里。其水自吳淞江屈曲入虬江。因曰江灣。宋有巡簡寨。建炎中增置。江灣鄉兵營。亦曰義兵營。韓世忠謀邀兀朮之兵。以中軍置江灣是也。淳祐九年。又置江灣忠節水軍寨。明設巡司於此。賊入黃浦。犯上海。江灣其必經之地也。

黃渡鎮

縣西南三十六里。與青浦縣接界。元置鎮。因水而名。尋又置吳塘巡司於此。明因之。洪武中。市舶提舉司亦置於此。太祖以去京畿密邇。曰險要。不可以示遠人。乃移寧波。又縣西南四十里爲紀王廟鎮。亦市易之所也。○安亭鎮。在縣西南二十四

里。與崑山縣接界。以安亭涇而名。又縣西十五里曰外圍鎮。水陸衝要處也。縣西北二十四里又有葛龍廟鎮。與太倉州接界。一名吳公市。北至太倉州二十里。

婁塘鎮。縣北十二里。因水而名。西北去太倉州十二里。舊有婁塘南館。爲往來中頓處。嘉靖中。倭城每從劉河突犯婁塘。縣境及太倉。皆被其患。○劉家河。在縣東南二十四里。嘉靖中。官軍嘗追倭賊於此。又中槎巡司在縣南十二里。明置於洪武十八年。

滬濱壘。

志云。在縣西四十里。傍吳淞江。晉隆安四年。袁山松築壘於此。以備禦孫恩。今廢。志云。今青浦縣青龍鎮西有滬濱村。○廠頭。在縣東南二十五里。相傳爲韓世忠屯兵處。

附見

蘇州衛。

在府城內。洪武初建。

吳淞江守禦千戶所。

在嘉定縣東南四十里。吳淞江北岸。洪武十九年建。屬太倉衛。統百戶所十。有土城。周一千一百六十餘丈。自是相繼增築。開四門。環濠爲固。城當吳淞入海之口。初去海三里許。最爲衝要。尋以海潮侵噬。東北

隅漸傾入海。嘉靖十六年。備兵使者黃儀議。更築土城於舊城西南一里。不果。三十二年。倭寇突犯舊城。潰。明年改築新城。周七百二十丈。內外皆爲濠。關水關一。旱門四。增兵戍守。三十八年。又命總兵官專駙吳淞。居中調度。翁大立曰。吳淞所爲水陸衝要。蘇松喉吭。北可以扼長江之險。南可以援金山之急。故汛守特重。自是而北。曰劉家河。曰七鴉港。又東。爲崇明縣。七鴉港而西。曰白茆港。曰福山。又西。則江陰之揚舍。皆控扼之所。而要以吳淞爲根本。

寶山守禦千戶所

在嘉定縣東南八十里。本名青浦鎮。一名高橋鎮。其地東北距海。西濱吳淞江。多魚鹽蘆葦之利。洪武十九年。建青浦早營於此。與吳淞所相犄角。三十年。增立城堡。其後累加修葺。設官軍鎮守。嘉靖三十二年。官軍

與倭戰於高橋。不利。三十四年。倭賊入吳淞江。官軍焚其舟。賊登岸。據青浦法昌寺。官軍與戰。不利。賊遂南據浙江海鹽縣之乍浦。三十六年。更名協守吳淞中千戶所。萬歷五年。增築新城。周二里有奇。更名寶山千戶所。

太倉州

府東一百五里。東至海七十里。南至松江府百三十五里。北至大江口一十六里。

春秋時吳地。後為越地。戰國屬楚。秦屬會稽郡。漢因之。後漢順帝以後屬吳郡。自晉及陳皆因之。隋屬蘇州。大業初屬吳郡。唐仍屬蘇州。亦屬吳郡。五代時吳越有其地。宋屬平江府。元屬崑山州。元貞二年。徙州治此。至正

中復明吳元年。立太倉衛。宏治十年。改建為州。屬蘇州府。編戶二百三十一里。領縣一。今仍曰太倉州。

州枕大海之濱。控三江之口。東翼吳郡。南蔽雲間。元人繇海道轉輸。則劉河為津要。明嘉靖中。倭寇出沒。州每當其衝。就東南言之。州亦襟要之所矣。

太倉城

今州治。相傳孫權都吳。嘗置倉於此。或曰。權求好於公孫淵。欲遣兵北出。故於此置倉也。亦謂之東倉。晉咸和三年。蘇峻反。遣其黨張健。據吳。顧榮自海虞繇縣。裝縣東倉。與賊戰。敗之。自宋齊以後。皆為婁縣地。隋唐屬崑山縣。宋為節制司酒庫。元至

元十七年。宣慰朱瑄等議海漕置倉於此。謂之太倉。因徙居之。是時海外諸番。亦俱集此貿易。謂之六國馬頭。尋為崑山州治。時州無城。僅有木柵。至正十三年。臺州賊方國珍率海舟自劉河突犯。州境殘破。乃立水軍萬戶府。兼定海。靖海。寧海。三千戶所於城內。

明年國珍復來犯。副萬戶董搏霄敗之。十六年。張士誠據吳。太倉亦附焉。尋復爲國珍所襲。兵退。乃築城守禦。十七年。國珍復來寇。士誠敗却之。旣而徒峴山還。故治。惟置軍營於此。明吳元年。師圍蘇州。太倉來附。因立太倉衛。分設十千戶所。後省爲五。宏治十年。始割峴山。常熟。嘉定。三縣地置州。卽故酒庫司爲州治。城周十四里有奇。門七。水門三。

穿山

在州東北五十里。山腹前後洞穿。通人行。臨海記。穿山洞穴高十餘丈。昔有舉帆過其下者。蓋海中。小島也。今山在平陸。去海二十餘里。

岡身

在城東南。元潘應武云。自常熟福山而下。有沙岡身二百八十餘里。以限滄溟。岡身間有港浦百五十餘處。以洩太湖之水。今州據岡爲城。有上岡身。下岡身。躡身。躡身。其岡門亦多。理塞。州境得名者。猶二十有六。皆環於城西及南北間。吳郡續圖經。濱海之地。岡阜相屬。謂之岡身。天所以限滄溟而全吳人也。說者謂山脊曰岡。州無山而有岡身。蓋海沙壅積。日久凝結。或開漕河道。堆土爲阜。兀然隆起。土人名爲岡身。近橫瀝則其壤堅而黃。濱海則其壤潤而黑。地氣不同也。雖皆沙磧。而頗宜栽麥。有種植之利。

劉河

在城南。自峴山縣流入境。又東南七十里爲劉河口。卽古婁江入海之口。自此抵崇。明百二十四里。爲海濱要害。元人海運。蘇此入海。秦定初。周文英言水利。首請漕劉家河。以達吳淞。江下流。至正十四年。方國珍以海舟來犯。入劉家港。董搏霄敗却之。明初亦嘗繇此漕粟。泛海抵北平。遼東。永樂初。夏原吉議漕劉河。以分引太湖壅水。旣又遣中使鄭和出劉河。使海外諸國。宏治四年。侍郎徐貫開漕婁江。自州城南至嘉定。外岡。長十八里。其後屢經漕治。嘉靖中。倭寇屢繇劉家河突犯。南略嘉定。北擾太倉。所至塗炭。劉河益爲汛守重地。河口有天妃宮。初爲鎮海衛兵戍守。今設把守官軍營。海防考。宋南渡後。置水砦於劉河港口。元人置分鎮萬戶府於江北岸。又於南北岸各立萬戶府。凡三區。洪武七年。罷萬戶府。置巡司三。正統初。金山倭警。撫臣周忱等以港口爲吳

地際喉。乃設劉家港營。增置營柵。撥兵戍守。舊時水勢深通。海舟高艘。揚帆直上。萬歷以後。港爲潮沙壅積。僅存一線矣。

運河

在州西。亦曰太倉塘。卽崑山縣之至和塘也。自州西十八里。顧子舖與崑山接界。引而東。爲黃泥涇。黃淺涇。與吳塘相接。而合於婁江。志云。婁江支分入城。其出城北入鹽鐵塘。又西北出者。曰古塘。其出城東而仍入婁江者。曰半涇。州南曰張涇。元至正中。張士誠以方國珍屢自劉河突犯。乃塞至和塘尾。以障海潮。開九曲河。僅通太倉東門。於是半涇張涇。古塘諸港。皆堙爲平陸。水樂以後。復濬故道。而九曲河廢。○半涇在州東三里。舊橫帶城東南。入婁江。北通七鴉浦。元至正十四年。方國珍自劉河突犯。至半涇。董搏霄與戰。敗却之。十七年。國珍復來侵。士誠將呂珍大破之於半涇。潮水爲咽處也。今淺涇漸爲平陸。有半涇市。在州北十五里。又城南三里。爲張涇。亦接劉河。元至正十二年。方國珍來寇。浙省參政寶哥等禦之於張涇。敗績。明吳元年。太倉來附。士誠將張讓。自嘉定來爭。千戶劉百潮遣兵越張涇破之。是也。今亦堙廢。

七鴉浦

州北三十六里。又東三十餘里。曰七鴉口。注於海。志云。婁江別一支。自崑山西至和塘而北。合常熟。崑承及陽城。巴城諸川。澤。匯流爲七浦塘。經州西三十里。直塘市。又東北十里。爲沙頭市。又東北十里。經塗松鎮一帶而入海。宋紹聖中。濬七鴉浦。隆興二年。復濬之。淳熙初。又嘗濬治。明宏治九年。工部主事姚文灝建議開濬。嘉靖二十五年。復濬。尋以倭亂。築七鴉壩於浦口。毛節卿謂七鴉壩截潮水。而直塘數里中微。是也。港口有把守官軍營。築戍守水利。孝白茅。劉河塞。而七鴉之流盛。三吳積水。大都從此宣洩。其備禦視昔爲繁重矣。○茜涇浦。在州東北五十里。宋時與七鴉浦俱爲諸大浦之一。嘉祐中。范仲淹議浚茜涇。熙寧末。郝偁謂開茜涇浦。使水東入海。政和六年。廢運使。應安道亦請開茜涇等六塘。以通積水。宣和三年。自太倉斂口開茜涇浦。淳熙初。復濬茜涇及七鴉浦。是也。志云。茜涇東去海僅二十里。有茜涇鎮。宋曰楊林寨。元改爲鎮。明初置巡司及稅務局於此。今局廢。而巡司如故。海防考。劉河以北有新塘。茜涇。又北抵浪港。東出七鴉口。並爲設險處。

顧浦。州西南五里。自嘉定縣引吳淞江水北入吉涇。又東北而折爲戚盧涇。東曰南鹽鐵塘。西曰張涇。橫涇。並北注於婁江。○吳塘。在城西三里。南貫婁江。逕吉涇入嘉定界。又南會於顧浦。其北逕湖川塘。達七鴉浦。

楊林塘。州西北二十里。其上流承七浦塘及巴城湖之流。東經新塘而東。至州東北八十里。花浦口入海。延袤幾與七鴉浦相埒。州田待其灌溉者甚廣。亦宋時諸大浦之一也。隆興二年。與七鴉浦同時濬治。又置楊林寨於浦口。元置楊林巡司。明嘉靖初。

撫臣李充嗣議濬治之。績未及竟。又掘浦亦在州北。與楊林塘相近。宋以楊林浦。掘浦並爲崑山六大浦之一。隆興中開濬。今埋。又湖川塘在州西北十里。源亦自巴城河新塘而來。東接小塘。貫石婆港。達於劉河。明天順中浚治。宏治中復濬之。西入崑山界。志云。湖川塘多支流。與七浦。楊林並橫貫州北。鹽鐵塘。而湖川塘逼近城北。城西之吳塘。城北三里之古塘。俱流會焉。

鹽鐵塘。在州城北。舊經城中。南越婁江。流十二里入嘉定縣界。又南注吳淞江。北流四十里入常熟縣界。又北注白茅塘。昔時每浚。此以通婁江。灑於南北羣川。亦多滙流於此。今南北二水門塞。水不復貫城而出。舊道埋沒者逾半矣。又橫塘在州城東北。

逕楊林。七浦入常熟縣界。其南亦通于吳塘。今埋。○橫澀在州南。鄭賈曰。橫澀南徹松江。北過常熟。又有小塘貫橫澀而東西流。或二里。或二里多。謂之門。若錢門。張堰門。沙堰門。斗門之類。大抵南北其塘。則爲橫澀。東西其塘。則爲堰門。堰門。斗門。昔人置此以蓄洩旱潦。概高印之田之遺制也。志云。州境又有東西橫澀。絡逕頗煩。互相融注。以達於海。今堰門大抵廢壞。而名迹僅存。

海。州東七十餘里。志云。州北去海百里。東北至崇明縣二百餘里。其間沙洲錯雜。居民皆畋治之。而劉河七鴉二口。則州境之要防也。

塗松鎮。州東北三十五里。鎮有塗松岡。因名。志云。鎮西達沙頭。東連龍市。東北爲橫涇及甘草涇。東南爲七鴉浦及茜涇。蓋水陸交會處也。自唐以來。皆置鎮於此。宋元豐中。改鎮爲市。僞吳張士誠警築城置營於此。以備海寇。今日就荒落。商旅不至矣。又

唐茵涇港口巡司。在州東北五十四里。元爲崐山鎮。置巡司。洪武七年。改置唐茵涇巡司。其地有唐茵涇。東注於海。因設兵戍守。成化中。又遷置巡司於東花浦口。萬曆中革。○甘草鎮。在州東七十里。亦曰甘草市。舊名甘樹。一名甘林。東連大洋。洪武七年。置甘草涇巡司於此。與唐茵涇相應。

雙鳳鎮

州北二十四里。一名雙林。又北六里曰直唐市。民居繁密之所也。白是而西北十里曰任陽莊。入常熟縣界。又沙頭鎮在州東北三十六里。明初爲商旅萃聚之所。又州東北六十里曰環涇鎮。皆七鴉浦所經也。○吳公市。在州南十五里。一名小婁塘。又南五里曰葛隆。鎮與嘉定縣分界。

翁子橋

在州西十八里。崐山接壤處也。元至正十六年。方國珍犯太倉。張士誠將呂珍守翁子橋。築營浚濠。有叛者自古塘率寇西下。出珍不意。珍力戰得免。今亦曰翁子舖。

崇明縣

州東百五十里。西至府城二百五十里。北至通州二百里。本海中沙洲。楊吳時謂之顧俊沙。五代史。楊溥改顧俊沙爲崇明鎮。是也。宋嘉定十五年。改爲天賜場。屬海門縣。元至元十四年。置崇明州。屬揚州府。至正十三年。爲張士誠所據。十九年歸於明。洪武二年。降州爲縣。八年。改屬蘇州府。宏治十年。復改屬太倉州。今城周九里。編戶二百二十里。

崇明舊城

在縣東北。故崇明鎮也。志云。唐武德間。吳郡城東三百餘里。忽湧二洲。謂之東西二沙。漸積高廣。漁樵者依之。遂成田廬。楊吳因置崇明鎮於西沙。宋天聖三年。續漲一沙。與東沙接。民多徙居之。而姚劉二姓爲盛。因名姚劉沙。建中靖國初。又湧一沙於西北。相距五十餘里。以三次疊漲。因名三沙。亦謂之崇明沙。紹興初。盜邵青聚黨於崇明沙。將犯江陰。劉光世遣王德討平之。嘉靖中。始置天賜鹽場於姚劉沙。宋會要。海中大洲曰天賜場。舟人揚帆。遇順風。東南可以逕至明州。定海。西南可以逕至許

浦達蘇州。元至元中。以民居繁庶。因置州治之。至正七年。風濤盪激。將侵州治。南十二年。徙州治於故城北十五里之東沙。明初因之。改州爲縣。永樂十八年。又遷縣治於故城北十里。秦家村。正德初。縣治圯於海。嘉靖八年。乃遷築土城於馬家浜西南。二十九年。海水漸城東北隅。復營度城址於平洋沙。三十三年。營立磚城。萬歷十一年。城東隅復圯於水。十四年。又改建城於長沙。去三沙舊城蓋六十餘里。邑之奠居。於茲五遷矣。

蛇山。在縣東海中。相距約二百餘里。一名長山。上有泉石之勝。又洋山。亦在縣東。與蛇山相近。南北官軍。往往會哨於此。海口要道也。

蘇州洋。

在縣東南。志云。東沙之外曰蘇州洋。卽大海也。北接大江口。南入嘉興府境內。江浙間有事。此爲戍守要衝。又淡水洋。在東沙東北。海水皆鹹。此水獨淡。可以烹茶。又有鹹水洋。在東洲東南。至夜水沸若星。光映如火。其水至鹹。卽瀟水矣。

北新河。

在舊縣北六十二里。海水西流而入。又南新河在舊縣北五十二里。海水北流而入。與北新河通。今三沙日圯。河道亦埋。○青龍河在今縣東。亦曰青龍港。近縣港口約十餘處。賊舟皆可入。而青龍港直通縣城。尤爲切要。志云。縣之南境有斜洪。直

抵劉河。東南有新開河。近吳淞江云。

清潭港。

在舊縣東南。其相近有張家等港。又界溝港在舊縣東北。其相近有道堂等港。又曾姚港在舊縣西南。其相近有富民。永安等港。又有蝦港。俗傳宋高宗南渡。至此有大蝦二。湧水挾船出海。因名。又有水寶等港。在舊縣西北。嘉靖三十二年。倭寇從

水寶港登。規攻東南水門及東北柵。城陷。三十八年。復縣。水寶港登岸。盤據三沙。官軍就圍之。賊尋遁去。志云。縣環海爲境。沙港衝塞不時。其可紀者。凡數十處。今縣移而西。舊港不可問者。益多矣。

施翹港。

在今縣北。經草沙。吳家沙而西。至港口。渡海面至劉河口。不過三十餘里。蘇渡口東抵平洋沙。海面約六十里。舊無此港。隆慶中。設法開浚。變斥鹵爲良田。而行旅復以爲便。又符浜在縣西八里。有渡口。七十里至太倉劉河口。爲往來通道。曰符洪。

讀史方輿紀要

卷二十四

渡。又有黃家港渡。自縣西至渡口。海面約六十里。又西至太倉瑣涇。海面約四十里。○渡船港。在縣東南。有渡口。去縣三十里。至舊城平陽沙界溝。渡海面不過十里。縣東又有舊城河渡及爛沙渡。皆為往來津口。

楊家港。在縣東南。沙田多高。舊有港。久淤。萬歷三十八年。縣令李官疏浚。民得灌溉之利。又有姚皮等港。亦在縣東南。皆鹽沙通海處也。

長沙。今縣治建於此。旁連十餘沙。最為雄壯。又東北曰享沙。其相連者曰吳家沙。皆水鹹不可耕。居民煎鹽以給。而吳家沙復多柴蘆之利。

營前沙。在縣北。為大江入海之砥柱。嘉靖三十六年。倭寇登營前沙。官軍敗却之。其相接者曰山前沙。海防考。倭寇至營前而西。則江北淮陽江南常鎮皆有衝突之慮。蓋營前沙與海門縣菱角嘴相對。海面約闊百五十里。倭寇入江。此為第一重門戶。與

狼福互為聲援。○蒲沙亦在縣北。相近者曰小陰沙。與海門縣接界。蒲沙之東曰匾橋沙。

平洋沙。在縣東南。舊名半洋沙。其相近者曰馬腰沙。宏治十五年。土豪施天泰。鈕東山作亂。據二沙為梗。事平。改半洋為平洋。馬腰為馬安。嘉靖三十二年。移建縣城於此。明年。倭登平洋沙。焚劫。攻新城東門。不能陷。乃却。萬歷中。復移縣於今治。又西曰登舟沙。與常熟縣對境。嘉靖三十四年。倭自常熟三丈浦遁出。海。太倉知州熊桴邀擊之。於登舟沙。賊走。

吳淞江海防考。登舟沙為福山。白茅之門戶。又西北曰伏龍沙。萬歷中新漲。此沙與江北狼山相近。

南沙。在縣南七十里。與竹簿沙相接。舊志。沙長八十里。廣十餘里。多稻菽。萑葦之利。明初置南沙巡司於此。嘉靖十九年。南沙土豪王良等據黨作亂。據南沙。上海境內為之惶懼。尋討平之。因建南沙守禦官軍營。三十二年。倭登南沙。盤據經年。官軍擊之。不能克。久之。遁去。旁有蔣六洪口。為舟行要道。其西北盡處。曰宋信嘴。○竹簿沙。在縣東南七十餘里。即南沙盡處。外為大洋。內為內海。其西南與松江高家嘴相對。為內海之南門。賊自洋山而入。欲入吳淞江。此河正當轉屈間。至此然後從楊家路沿海而北。吳淞

江首受其衝。以次及劉河等處。蓋海道東南之險也。海防考。竹簿沙爲吳淞之屏蔽。外爲羊山。爲陳錢。皆倭寇所從入。竹簿沙之內。高家嘴之外。沿海而西北者。謂之楊家路。海舶得此。方能轉舳。蓋縣多陰沙。暗途。纏綿錯雜。故也。說者以竹簿沙。高家嘴。爲蘇淞四郡之咽喉。海防第一關鍵。有以夫。又爛沙在竹簿沙之北。其南接南沙之宋信嘴。卽長沙下腳也。有爛沙洪與七鴉。白茅相對。志云。爛沙小團。孫家白蜆。縣前等沙。與南沙竹簿。舊皆錯列海中。波濤洶湧。今漲合爲一。南北長百四十餘里。其東南闊四十餘里。居民藝植。悉成沃壤。

三沙

在縣東北。卽舊縣治。所云控諸沙上游。爲一邑中土者。波濤衝激。日漸迫狹。縣治既遷。乃領於三沙巡司。志云。三沙北通狼福。南通宋信嘴。西接營前沙。爲江南北數郡關鍵。又二沙在三沙之東北。舊爲縣城外護。又東北曰三月沙。向爲三沙門戶。志云。

三月沙孤立海中。倭賊從東北大洋而來。必經此沙。南行則蘇。松及寧。紹。臺。溫之界也。從三月沙而西南。則爲縣後沙及三沙。平洋。吳家等沙。近常熟福山。許浦界。西北則蘇。鹽。漣。沙。營前沙。近大江海門界。議者謂三月沙爲浙直咽喉。而二沙爲舊縣第二重關鍵。云。○縣後沙亦在舊縣東。嘉靖四十四年。倭寇據縣後沙。總兵郭成擊擒之。海防攷。三月之北。區擔沙爲重。三月之南。縣後沙爲重。又新龜沙亦在舊縣東南。東連大洋。爲各沙門戶。舊志云。自新龜而西。達宋信嘴。可不繇竹簿。逕達劉河。雖中有沙途。暗伏。而風利潮便。倭賊易於跳越。若賊寇境。不收新龜沙。則必收爛沙矣。蓋爛沙。新龜。三月俱爲海口東面之險也。又防險說曰。新龜沙。劉河要路也。竹簿沙。吳淞要路也。而三月沙爲蘇海入江之門戶。又爲諸沙關鍵。縣境所屬諸沙。皆毋漲不時。而可紀者大小約三十有餘。形勢所關。以三者爲最。凡倭寇之來。東南必由竹簿。東北必由區擔。正東必由三沙下腳。三者。在諸沙之外。乃縣之外戶。於此巡哨。則賊之踪跡可知。而備禦不難。縣之安危。恆視此爲準。

長沙營

卽今縣志云。在舊縣東北四十五里。悞也。有土保明初置。設兵戍守。又明威營在舊縣。治西明威坊。正統八年置。又三沙巡司。亦置於舊縣北五十里。嘉靖中。移置於舊縣治。

附見

鎮海衛。在大倉州城內。吳元年立太倉衛。即元水軍都萬戶府為衛治。洪武十二年。又分太倉衛立鎮海衛。統千戶所五。即元市舶提舉司為衛治。與太倉衛俱隸前軍都督府。

崇明沙守禦千戶所。在舊縣治東。洪武二十年置。隸鎮海衛。永樂十四年。倭入寇。發鎮江鎮海二衛百戶各十員率軍協守。遂隸焉。統百戶所二十。嘉靖中亦移治新城內。

松江府。東至海岸百里。西南至浙江嘉興府百二十里。西北至蘇州府百八十里。北至蘇州府太倉州百三十五里。自府治至江寧府七百七十里。至京師三千四百里。

禹貢揚州之域。春秋時吳地。後入越。戰國屬楚。秦屬會稽郡。漢因之。後漢永建四年。分屬吳郡。晉以後因之。隋屬蘇州。大業初。屬吳郡。唐仍屬蘇州。五代時。吳越有其地。改屬秀州。石晉天福三年。置秀州於嘉興縣。割華亭隸焉。宋因之。

慶元初。屬嘉興府。元至元十四年。置華亭府。明年改松江府。屬嘉興路。二十九年。直隸江浙行省。泰定三年

罷府。立都水庸田使司。仍屬嘉興府。天歷初罷司。復府。元末為張士誠所據。明仍曰松江府。直隸京師。領縣三。今亦曰松江府。增置縣

一。

府。雄襟大海。險扼三江。引閩越之梯航。控江淮之關鍵。蓋風帆出入。瞬息千里。而錢塘灌輸於南。長淮

揚子灌輸於北。與淞江之口。皆輻列海濱。互爲形援。津途不越數百里間。而利害所關。且半天下。然則
郡豈可忽之地哉。且居嘉湖之肘腋。爲吳郡之指臂。往者倭寇出沒境內。而浙西數郡。皆燎原。是虞謂
郡僻處東南。惟以賦財淵藪。稱雄郡者。非篤論也。

華亭縣。

附郭。漢婁縣地。後漢末孫吳封陸遜爲華亭侯。邑於此。蕭梁以後。爲崑山縣地。唐天寶十載。始割崑山。嘉
興。海鹽三縣地。置華亭縣。屬吳郡。吳越屬秀州。宋屬嘉興府。元爲松江府治。今因之。編戶八百四十里。

婁縣。

附郭。本華亭縣地。今析
置於府治東偏編戶。

華亭城。

今府城。相傳唐末所築。元至元中毀。至正末張士誠復築之。開陸門四。水門亦四。環城爲壕。廣皆十丈。
明因而修葺。縣南有吳王獵場。有五茸。俗亦謂之五茸城。今城周九里有奇。城西又有倉城。周二里。

前京城。

府東南八十五里。蕭梁析婁縣地置前京縣。屬信義郡。陳因之。隋省。志云。城近浙江海鹽縣東北境。○園閭城在府東六十
五里。夾江又有二城。相傳園閭所築。以備越。漢志云。婁縣又有南武城。亦園閭所起。以候越。當卽此城矣。又有袁松城。在府

東三十五里。東晉末袁山松築此。以備孫恩。俗謂山松爲崑也。一名築耶城。又府南四十里有寄
浦城。相傳梁大通六年築。以地接胥浦而名。又南十里。有白苧城。俗名白苧灘。亦海濱備禦處云。

金山故城。

府南八十里。濱大海。五代時吳越錢氏築此。爲戍守處。以南接金山而名。志云。城東十里許。當潮勢猛烈處。有周公墩。俗
傳金山城。周康王所築。故墩亦附會周公之名。蓋昔時墩望處耳。明嘉靖三十四年。倭攻青山。南匯金山。衛登周公墩者

千餘城。
卽此。

岷山。府西北二十三里。其西爲長谷。亦曰華亭谷。有水縈繞百餘里。爲柳湖之上源。故柳湖亦兼谷柳之名。杜佑曰。華亭縣以華亭谷而名。陸機臨命嘆曰。華亭鶴唳。可復聞乎。蓋其地嘗出鶴也。山之得名。亦以陸機兄弟生於此。取岷山出玉之義。山形圓秀。

而潤。旁無附麗。望之如覆盆。其南四里有秦馳道。即今古浦塘也。山北又有秦皇走馬塘。相傳始皇嘗遊此。又蕭梁置岷山縣於山北。唐天寶中置華亭縣。始移治馬鞍山下。爲今之岷山縣。土人以此爲小岷山。悞也。

橫雲山。府西北二十五里。在岷山之東北。本名橫山。唐天寶六載易今名。巔有白雲洞。潛通澱湖。深不可測。居民多采石於此。山。又東爲小橫山。與橫雲接隴。而中限一水。泉石甚勝。○機山在府西北四十里。其南與橫雲相望。下有平原村。陸機嘗爲平原。

內史。皆因機以名也。其東曰干山。有水紆迴。從橫雲山來。流經山下。相傳山爲干。將鑄劍處。今山後居人亦多干姓者。一名天馬山。以形勢特高。聳出諸山之上云。

佘山。府北二十五里。相傳有佘姓者隱此。故名。山高秀。與干山相埒。有東西二峯。延亘數里。泉石頗勝。其東曰薛山。與佘山並峙。中限一水。相傳以薛道約居此。而名。一名玉屏山。稍東南曰陸寶山。本曰陸家山。多土少石。今爲平陸矣。○細林山在佘山西南。

志云。山在府西北二十里。本名神山。天寶中改今名。

鳳凰山。府北二十三里。志云。山東枕通波塘。西連薛山。據九峯之首。延頸舒翼。宛若鳳翥。因名。郡境以九峯爲名勝。九峯者。一鳳。鳳二陸寶。三佘山。四細林。五薛山。六機山。七橫雲。八干山。九崑山也。皆在長谷以東。通波以西。而干山。佘山爲最高云。

澱山。府西北六十里。舊在薛澱湖中。山形四出如鬣。上建浮圖。下有龍洞。俗傳與太湖通。旁有小山。初爲小洲。後漸高大。並湖而北。中爲一澳。曰山門溜。其後湖沙淤澱。山在平田。去湖日遠。又柘山在府南六十里。舊在柘湖中。山多柘樹。因名。○秦望山在府。

東南六十里。當張堰鎮之西。相傳始皇登此望海。亦曰秦駐山。山南有洞。甚深遠。又有坑。產白堊。其東南十餘里曰查山。在張堰南。下臨大海。

金山。府東南九十里。海中。志云。周康王築城處。後淪入海。上有平坡。官軍嘗會哨於此。又有小金山。亦在府東南海中。

羊山。在府境金山衛東海中。山高。周七八十里。四圍環抱。有十八巖。中如大湖。可容數百艘。湖口面北。上有娘娘廟。山有淡泉。海泊往往取汲於此。山口又有一山。名張家市。多黃楊樹。其東有巡簡奧。海防攷自吳淞而出。一潮可至羊山。倭寇來犯。自羊山

過淡水門而西。則蘇松之患切矣。今南自定海。北自吳淞。皆以羊山爲會哨之所。蓋道里適均。且禦賊於海洋。爲得上策也。○許山亦在金山衛東離柘林三十餘里。唐順之云。山去乍浦金山吳淞所三處。皆僅隔一潮。亦爲會哨之所。又竹嶼山在金山衛東南七

十八里。達岸山在衛東南八十里。又有浮山及蘇山。皆在衛東南海中。

海。府東百里。府南去海七十里。今自金山衛以東。亦曰蘇州洋。以府境本屬蘇州也。宋紹定三年。李全以淮安軍叛。習舟師於射陽湖及海洋。遣海舟自蘇州洋入平江嘉興。欲習海道以窺臨安。卽今衛境矣。志云。府南境與紹興寧波相望。天日晴明。南岸諸山皆歷

歷可指。舊有捍海塘。相傳唐開元初創築。其後相繼修治。東北自嘉定縣寶山而南。西南至浙江海鹽縣澉浦西北。亘三百三十里。以禦鹽潮。害稼高如城垣。內外皆有塘溝。相夾在內者曰運鹽河。又曰橫港。在外者曰塹濠。又曰護塘溝。明初藉以備倭。設衛所墩堡於濠塹外。倭至則捍之於海岸。灘塗皆不容登。泊萬一不支。則逾塹而守。進不得攻。退無所略。故府境備倭較易。其後大半湮廢。宏治七年。撫臣畢亨等復興築葺。復圯壞護塘海岸。合而爲一。寇至則築於護塘。而運鹽河之內水田。陸狹難於屯禦。若一復舊迹。復治塹塘。亦備禦之良策也。海防論。今松江之海。起於獨山。而迄於小湯窪。亘二百四十八里。皆恃護塘爲限隔云。又有捍海墩。宋乾道中。知秀州邱詒言。華亭東爲大海。古有墩十八所。以禦鹹潮。請修之。乃築墩并東西兩岸塘。通計八十四里。其後修築海塘。諸墩俱廢。

吳淞江

府北七十四里。亦曰松江。自崑山、青浦二縣。經澱山北。合趙屯等浦。又東北入上海界。合黃浦而注於海。舊志：松江自湖至海。凡五匯。四十二灣。五匯者：安亭、白鶴、盤龍、河沙、顧浦也。乃江湖與湖水相會合之地。古云：九里爲一灣。一灣低一尺。蓋三百六十餘里而入於海。

今詳見前大川三江。

澱山湖

府西北七十二里。與青浦、崑山縣接界。昔時山在湖中。亦曰薛澱湖。吳淞江水匯流處也。唐宋以來。澱湖深闊。境內無水災。宋南渡以後。漸至堙廢。淳熙十三年。提舉浙西羅點言：澱山湖東西三十六里。南北十八里。旁通太湖。匯蘇湖。秀三州之水。

上承下洩。不容壅遏。湖水自西南趨東北。其瀉水之道。東有大盈、趙屯、大石三浦。西有千墩、陸虞、道禧三浦。又並湖以北。中爲一澳。係吞吐湖水之地。名山門溜。東西約五六里。南北約七八里。正當湖流之衝。北出曰斜路港。又北折而西曰小石浦。上達三門溜。下入大石浦。其斜路港與大小石浦分爲三道。殺洩湖水。並從上而下。通徹吳淞江。自湖北至江。雖相去尚三十六里。而江湖二水。曉夕往來。疏灌不息。是以浦港通利。今頑民輒於山門溜南。東取大石浦。西取道禧浦。並於澱山湖北築成大岸。延跨數里。過絕湖水。不使北流。蒸將山門溜中圍占成田。所謂斜路及大小石浦洩放湖水去處。並皆築塞。自是潮汐日以壅積。湖水不復下流。下流既壅。一遇淫潦。勢不得不潰裂。四出散入民田。大爲民害矣。詔及時修築。於是決開山門溜。以通澱湖。噤喉。滾湖巨浸。復爲良田。紹熙中。復被奸豪竊據爲田。雖議者數以爲言。而弊未盡革。迄元至元二十八年。潮水漲漫。損壞田禾。三十年。淫潦益甚。都水潘應武言：大湖之水。一路逕下吳淞江。二百六十餘里抵海。一路經吳江縣東南白蠟江。東北抵急水港。又東五十里下澱山湖。周二百五十里。蘇港浦入海。湖中有山有寺。宋時山在水中。心有出水港。曰斜澀口。曰汝港口。曰小漕港口。曰大澀口。曰小澀口。各闊十餘丈。深六七尺。通潮往來。潮退。則引湖水下大漕港。大盈等浦。入青龍、盤龍等江。出海。古謂之尾閘門。宋禁人占湖爲田。爲泄水路故也。今山寺在田中心。雖有港澗。闊不及二丈。潮泥淤塞。深不及二三丈。湖水湖水不相往來。剛住去水。東南風起。水回太湖。則長興、宜興、歸安、烏程、德清等處。水漲泛溢。西北風起。水下澱山河。則崑山常熟、吳江、松江等處。泛溢皆因下流不決。積水往來爲害。今縱

卒難復舊。湖北有道謁浦。千墩港。大小滙港四處。去江頗近。水勢甚便。可以開復。此亦先通下流之一助也。尋又言。澱山湖北一帶。自廟兒頭港至趙屯浦百餘里。共有港浦一十三條。今既淤淺。惟道謁浦最低。下去江頗近。水勢甚便。埋塞未久。急宜修濬。從之。大德中。鄧水使麻合馬嘉言。太湖迤東而北。諸湖陂澤。皆能接洩太湖之水。注江入海。而澱山湖關係吳淞江注泄。尤爲切要。若不以時開濬。使湖之瀦水益狹。與大盈趙屯。二浦相去漸遠。則松江故道益難復矣。讓卒不行。至治三年。潘吳淞江及澱山湖。泰定初。復濬澱山湖。明初。澱湖湮塞益甚。景泰中。知府葉冕嘗修澱山湖隄。以防橫溢。初。澱山在平陸。去湖猶五六里。今且十餘里。而澱湖之浸。初猶數十里。今亦不過一二十里。舊志。澱湖受太湖下流。北蘇趙屯浦。東蘇大盈浦。瀉於松江。東南蘇關路港。以入三泖。今趙屯大盈。去湖益遠。蘇何家港及南北曹港。受湖水以泄於松江。非復澱湖之舊也。輿程記。自蘇州陳湖三十里至雙塔。渡澱山湖。湖面廣十八里。又東十八里至謝寨關。又十二里接於泖湖。

泖湖。府西三十五里。亦曰三泖。廣韻注。泖。華亭水也。其源出華亭谷。晉陸機對武帝。三泖之水。冬溫夏涼。亦曰華亭泖。宋宣和初。提舉趙霖濬白鶴匯。又議圍華亭泖爲田。不果。吳地志。泖有上中下三名。圖經西北抵山。溼水形圓者曰圓泖。亦曰上泖。南近泖橋。水勢闊者曰大泖。亦曰下泖。自泖橋而上。縈繞百餘里。曰長泖。一名谷泖。亦曰中泖。泖湖之水。上承澱湖。凡嘉湖以東。太湖以南。諸水多匯入焉。下流合黃浦入海。舊經華亭縣西三十五里。曰谷泖。在縣西四十里者曰古泖。又泖湖上流在浙江平湖縣境者曰東泖。在上海西北境者曰橫泖。而府東南三十五里有胥顧泖。謝家泖則自爲陂澤。亦以泖名耳。泖湖舊流浩衍。今亦埋塞。輿程記。泖湖闊十八里。自東岸至府城二十五里。西岸達澱湖二十里。

柘湖。府南六十里。中有柘山。吳地記。湖周一千一百十九頃。相傳秦海鹽縣治此。王莽時。淪爲柘湖。湖水深廣。後漸淺狹。吳越時。濬柘湖及新涇塘。蘇小官浦入海。宋紹聖中。浚柘湖。新涇下金山小官浦入海。乾道三年。知秀州孫大雅言。州有柘湖。澱山等湖。支港相貫。西北可入江。東南可達海。傍海農家。作壩以却鹹潮。雖利及一方。而水患實移於鄰郡。請於諸港浦置閘啓閉。既可洩水。又可衛田。十三年。轉運張叔獻言。華亭地形。東南最高。而北稍下。柘湖十有八港。正在其南。自來築堰以禦鹹潮。元祐中。於新涇塘。

置。後因沙淤廢。今除十五處築堰及置石圍外。猶有新涇塘。招賢塘。徐浦塘。三處。見有鹹潮衝。淹塞民田。今依新涇塘置牌一所。又於兩旁貼築鹹塘。以防海潮透入。其相近徐浦塘。元係小派。自合築堰。又欲於招賢港更置石礎。且柘湖歲久淤澱。亦當開濬。從之。自元以來。埋塞益甚。僅餘積水。若陂澤然。志云。

今查山西南。張堰東南。黃茅白葦之場。即故柘湖矣。

黃浦。府東南十八里。一名春申浦。蓋以春申君得名。其上流自嘉興府流入境者。曰秀州塘。灌注於三泖。自蘇州府流入者。曰澱山湖。亦匯流於三泖。導流而東。南北兩涯之水。悉入焉。又折而北。入上海縣界。又東北會吳淞江。以入海。志云。黃浦自松江分派而來。至入海處。約二百五十餘里。其闊大與吳淞江相埒。或以爲即古東江云。又范家浜。在今府東二十五里。東北通上海之南。隄浦口。達於吳淞江。明洪武中。吳淞江淤塞。郡人葉宗行上言。疏濬范家浜。可接黃浦入海。從之。永樂二年。夏原吉言。入黃浦爲

通吳淞要道。今下流壅塞。傍有范家浜。至南隄浦口。可徑達海。宜濬令深闊。上接大黃浦。以達泖湖之水。卽此。今亦名范家浦。

趙屯浦。府西北七十里。舊當澱山湖北。直受湖水。瀉於吳淞江。闊五十餘丈。通江五大浦之一也。宋元以來。屢經濬治。元大德中。開濬趙屯。大盈等浦。議者又言。趙屯東下。有新華分莊。嚴家等臂。俱逼江暴漲爲害。宜以時疏鑿。嘴卽隨之。異名也。明宏治中。

水利僉事伍性。濬吳淞中段。及顧會。趙屯二浦。後水利不修。浦去澱湖益遠。湖水自北曹港分支北流。愈北愈隘。浦口東以石梁。僅通舟楫。其接曹港處。又名新河浦。分二支。一支東南流入曹港者。曰南小趙屯浦。一支東北流入吳淞江者。曰北小趙屯浦。又分爲諸涇浦。東入大盈浦。西接崑山縣之石浦。而北出諸小浦。則俱注於吳淞江。

大盈浦。府西北六十里。舊在澱山湖東。亦直受湖水。自白鶴匯達吳淞江。闊三十丈。潮沙浸入。易致淤澱。宋紹聖中。轉運毛漸。濬大盈。顧會二浦。元大德初。復濬。泰定初。開大盈浦。以洩澱湖水。長二十五里有奇。明天順中。撫臣崔恭亦濬大盈浦。入吳淞江。

嘉靖初復濬大盈趙屯二浦以宣洩吳淞下流今自澱湖東北南曹港口而北歷青浦縣西絕橫柳與北曹港合又經青龍江白鶴匯而北入於松江元史大盈港支流有李墟涇即今南小趙屯浦也又有孔宅涇亦曰孔涇在李墟涇北又北曰蘇溝其間又有顧坊涇沈麻漚并亭漚今或通或塞蓋大盈趙屯皆浦港相通而並注於吳淞江○白鶴匯在大盈浦西昔時自此至蟠龍皆環回為匯水行迂滯則泛溢為災宋嘉祐間開為直江涇瀉積水東注於海崇寧宣和中屢經濬治今澱湖之水蘇趙屯浦流入白鶴江歷青浦縣嘉定縣境與青龍江合至吳淞入海又青龍江在府北七十里勝覽云孫權造青龍戰艦於此因名其上流西接大盈東接顧會北流曰浦家江又西北曰趙浦達青浦嘉定縣界合白鶴匯而入吳淞江宋熙寧中單諤議開白嶼安亭使太湖之水蘇華亭青龍江入海者也元祐三年有詔修濬崇寧二年復議濬治尋罷今雖與白鶴同以江名而僅同溝洫矣

顧會浦

府西北二十二里其上游為通波塘出府城北流為五里塘又北為祥澤塘別流為崧子浦北出鳳凰橋又北經薛山入青浦縣界又北通新江塘西接青龍江東為艾祈等浦入吳淞江宋慶歷初縣令錢貽範以顧會南通漕渠下達松江為往來衝要自薛山之南地形中阜積淤不決漸與岸等因建議疏濬自今縣城西北至青浦縣青龍鎮凡六十里紹興十五年復因故跡修濬乾道二年轉運姜詵復開浚自薛山達青龍江口凡二十七里元時亦嘗濬治明安治中伍性復濬顧會趙屯諸塘浦嘉靖以後顧會盤龍二浦俱從府城西絕黃浦入三泖非復昔流矣○崧子浦在府北十五里自顧會浦分流至縣東北五十里入吳淞江志云今入江處為嘉定縣之高家浜

盤龍浦

在崧子浦東其上流曰盤龍塘自府東三里北流絕俞塘及上海青浦境內之六弄泗涇橫塘浦匯諸塘而北入於吳淞江長八十里其入江處曰盤龍匯介華亭崑山間徑十餘里而洄洑紆緩逾四十里如龍之蟠阻塞江流雨潦則為田廬患相傳盤龍為松江一曲濬之則出水尤利宋景祐初范仲淹守平江嘗經度之寶元初葉清臣疏為新渠道直流速水用無滯元大德十年開濬盤龍舊江又於廟涇以西盤龍以東開挑出水口子五處水患益弭今亦廢趙屯大盈顧會崧子盤龍所謂松江五大浦

也。

河沙匯

在府西北。元志：匯者，江湖湖水相會之名。上源閉塞，湖流紆緩，則泥沙積而爲匯。匯在岸旁，猶可濬治。惟河沙匯漲塞江心，阻水尤甚。至正初，議開鑿河沙匯。西至道禧浦幾六七十里，不果。自是松江之流日益艱澀，漸成平陸矣。胡恪云：三江五匯。

三十六浦，四十二灣，皆太湖利病也。而五匯尤爲三江關要。五匯者：

安亭、白鶴、顧浦、盤龍、河沙也。安亭在嘉定縣界，餘皆在華亭境內。

秀州塘

在府西南，俗呼宜塘。自浙江嘉善縣而東，經府西南六十里之風涇鎮，又東十里過白牛塘，絕長泖而北流，又東合黃橋門。及斜塘以東，諸水至沈涇塘入西水門貫城而東，出與命塘諸水合。其下流皆入於黃浦府境，運河蓋由此入嘉興府境。

新涇塘

府東八十里，華亭瀨海塘浦之一也。亦曰新涇浦。北通吳淞江，南絕黃浦，至捍海塘。宋乾道六年，命浙西轉運劉敏士等於新涇塘置歸堰以捍海潮。是時新涇塘直達海也。七年，秀州守邱密移堰於運港。會要云：華亭東南並海，自柘湖埋塞置堰。

一十八所以禦鹹潮。政和中，言水利者欲涸林亭湖爲田，盡決堤堰以洩湖水，而華亭地勢東南高於西北，湖水不可洩，而鹹水溢入爲民田患。於是東南四鄉盡爲斥鹵。有司乃復故堤堰，獨留新涇塘以通鹽運。海潮晨夕衝突，塘口闊三十餘丈，鹹水壅入蘇湖境上。是歲，命秀州守邱密等規畫，密言：新涇舊堰迫近大海，海潮勢湍急，今港面益闊，難以施工。其運港在新涇向裏二十里，水勢稍緩，就此築堰，則管內民田可免鹹潮之患。運港堰外，別有港汊大小十六，亦合興修。從之。於是斥鹵復爲良田。元大德十年，開濬。

上海境內之樊浦，下接新涇，尋又於新涇安置木閘，爲宣洩之利。顧清曰：前志所載境內塘堰凡二十餘所，自捍海塘築諸堰，悉廢。今所存者惟張涇一堰，一閘。故時港名亦多改易，不可攷矣。

沈涇塘

府西五里，南接秀州塘，北合諸涇港之水。北流爲神山塘，經宗山西，又分流。會諸涇港之水，西北入大盈浦，東入顧會浦。○斜塘在府西二十里，大柳東出爲黃橋門水，又東爲斜塘水，波流湍悍。東瀕爲黃涇，即黃浦上流也。志云：黃橋門水接秀。

州塘舊時植木爲水甃七十餘。以洩御湖之水。今黃橋門塞。御水并入斜塘。勢益湍急矣。又古浦塘在縣西北。自圍御行二十七里。下流合於秀州塘。

胥浦塘

府南四十里。相傳子胥所鑿。其源自長柳而東。會諸涇港之水。北流會於潢潦涇。又蕭塘在府東北四十里。東匯諸涇港之水。入金滙塘。又東爲白朮港。合諸水入運鹽河。嘉靖三十三年。倭賊自漕涇趨蕭塘。官軍拒之。敗績。遂渡黃浦。犯府城。既而敗走大門整。是也。又有瓜涇塘。在府東南。爲往來要衝。東西諸涇港。多滙流於此。

鹽鐵塘

在府東南。又南入於黃浦。過蕭塘港。又南絕諸涇港。至捍海塘。爲漕涇。相傳五代時。吳越運鹽鐵於此。志云。郡有運鹽河。三。一在府東南九十八里。青村西。曰運鹽河。一在府南五十四里。曰新運鹽河。自金山衛北流。至張堰鎮。西爲張涇。初在查山。東後以風濤之險。改漕於此。人呼其東爲舊河。志亦作西運鹽河。又東運鹽河。在府南三十六里。亭林鎮。南通鹽鐵塘。皆商販所經也。○魚祈塘。在府西。宋淳熙十年。命秀州漕治華亭鄉魚祈塘。使接松江太湖之水。旱則開西牌堰。放水入御湖。爲一縣之利。

朱涇

府西南二十里。自秀州塘分流而東。合於三泖。爲淞江西出之要路。嘉靖三十五年。徐海納款。有吳淞倭流至嘉善界。督臣胡宗憲使徐海擊之。敗之於朱涇。三吳水利。朱涇西通三泖。南達嘉興。爲往來衝要。嘉靖中。倭巢府西南之呂港。此爲切膚之患。○曹涇。在府東南七十里。介柘林。金山間。賊犯柘林。必由此趨金山。嘉靖中。常破倭寇於此。又金山衛舊有翁家港。亦戍守要地也。志又云。曹涇港與翁家港。胡家港。並爲通海支渠。戍守最切。

張涇

在府南。舊志云。自城南至張涇。堰長六十三里。今自張堰鎮而西。接於新運鹽河。北行合諸涇港之水。出瓜涇塘。又北行直達城河。元至正初。漕張涇及通波。南俞北。俞鹽鐵。官紹盤龍。浦灑六磊。石浦等塘。今南俞北。俞官紹諸塘。皆在府東南境。

高家嘴

在府東百餘里。翁家港口。此港險要。嘉靖三十四年。青南二所。各募兵守此。三十九年始罷。今屬青村所。海防攷。高家嘴突出海中。與江北料角嘴相對。崇明諸沙。南起竹箔。北盡三月。或斷或續。皆在其胸腹間。誠天設之險也。嘉靖中。官軍敗倭於

此。

獨樹堡

在府南明初置營於此兼設堡戍守正統八年撫臣周忱修濬金山衛獨樹營至劉家港口近海諸河是也海防攷金山衛西南有獨樹營又有江門營皆置兵戍守屬金山衛其相近者爲呂港亦往來要口西南出海鹽縣之道也

柘林鎮

府東南七十二里地連柘山與青村所金山衛相應援嘉靖三十四年倭賊盤據於此四出焚掠久之患息因建堡置戍城周四里爲防禦要衝南起濠缺墩北至翁家港皆其倚地稍西有威睦涇巡司洪武初設於府東南九十里南橋鎮十九年徙威睦涇在府東南七十里萬歷三年仍改南橋鎮巡司○胡家港堡在府東南六十里明初置有兵戍守屬金山衛志云洪武初設金山巡司於張涇堰十九年徙建於胡家港口相近又有蔡廟港堡亦明初設俱屬金山衛

亭林鎮

府東南三十六里亦曰顧亭林宋乾道九年修瀕海諸堰因置監堰官於亭林以防鹽運私發諸堰之弊今爲商旅轉集之所又葉謝鎮在縣東南五十里又南爲蕭塘鎮志云鎮在曹涇之東又東卽柘林也嘉靖中倭巢柘林警繇此渡黃浦至瓜涇而西突犯府城因置戍守於此與曹涇相應援以斷賊窺黃浦之道○陶宅鎮在青村所城東舊設稅課局又置巡司於此嘉靖中官軍敗倭處也其相近又有得勝港亦官軍禦倭處

朱涇鎮

府西南三十六里宋元時置大盈務於此洪武三年改置御橋巡司志云御橋在府西南四十二里御水經其下亦名通濟橋橋南卽秀州塘橋西四十八里卽風涇鎮一名白牛市又西四十八里卽浙江嘉善縣也又謝寨關輿程記云在府西四十三里西至濠湖十八里

張堰鎮

府南六十里亦曰張涇堰舊置堰以堰柘河入海之流宋乾道二年轉運副使姜夔等又於堰旁開月河置關其上復爲關於縣東南四十八里今爲自府趨金山之孔道嘉靖三十二年倭自金山張堰犯嘉興府及平湖縣蓋控禦要地也又南十

二里卽金山衛。亦曰小官鎮。
舊時分置鹽課司於此。因名。

沙岡鎮。

在府東北四十里。與竹岡、紫岡爲三岡之一。相去不過四五里。自府至上海必經之道也。○三店。在府東南。嘉靖三十四年。官軍擊倭於吳江之平望。倭敗走三店。官軍復邀擊。敗之。既而倭自乍浦趨還柘林。官軍復敗之。三店亦曰三店塘。

鳳凰橋。

府西北二十七里。跨顯會浦。西接鳳凰山。因名。又磚橋在府北三十里。嘉靖中。倭進據縣東北之陶家港。官軍禦之於磚橋。敗績。輿程記。縣磚橋而北四十里爲陸家閣。又四十里卽嘉定縣之南翔鎮。

上海縣。

府東北九十里。西至青浦縣九十里。西北至蘇州府嘉定縣七十二里。本華亭縣地。居海之上。洋曰華亭海。宋時海舶輻輳。乃立市舶提舉司及權貨場爲上海鎮。元至元二十九年。始割華亭五鄉置縣。屬松江府。未有城郭。嘉靖三十二年。因海寇突犯。

不時始築城爲備。周九里。環以大壕。外通潮汐。頗爲險固。今城周八里有奇。編戶六百二十里。

滬濱城。

在縣東北。志云。滬濱壘在縣北十里。吳郡記。淞江東瀉。海曰滬海。亦曰滬濱。廣韻。滬。水名。白虎通。水發源而注海曰濱。陸龜蒙曰。列竹於海濱曰滬。蓋取魚具也。晉永和。中。虞潭爲吳國內史。修滬濱壘以防海寇。又隆安四年。吳國內史袁山松築滬濱壘以備孫恩。五年。恩自海鹽進陷滬濱。殺山松。既而劉裕敗孫恩於郁州。追至滬濱。海鹽又破之。寰宇記。袁松城在滬濱江上。舊有東西二城。其旁爲蘆子渡。俗呼蘆子城。其東城廣萬餘步。有四門。後圯於江中。僅餘西南一角。西城極小。在東城西北兩旁。

有東西蘆浦。瀉於滬濱江。范成大吳郡志。吳有滬濱。自濱至淞江。泝吳郡將門。將門。譌曰匠門。蓋吳東門也。皮日休詩。全吳臨巨溟。百里判滬濱。謂此矣。宋寶元初。兩浙運使葉清臣開盤龍漚。縣滬濱江入海。明永樂大典亦云。淞江側有滬濱壘。今淞江水直趨而東。又七十里入海。無復有濱。兩岸皆平曠茂林。故壘寂然。其東西蘆浦。亦止通潮汐而已。元貢師泰有詩云。避難吳淞江。出遊滬濱壘。世道苦變更。形勢總隳圯。蓋壘在元時已不可攷。

茶山。在縣東南大海中海防攷陳錢山茶山上海縣南隄巡司之界也嘉靖中官軍擊補陀山倭賊賊走茶山絕頂官軍一道錄東北淺步沙進一道縣嬰哥巖進一道縣中路進而大兵皆繼其後遂殲之今山與浙江海鹽之定海海中諸山相聯絡

海。縣東七十里北起嘉定南抵華亭爲縣所轄松江與黃浦合流入焉混茫無際東接諸番惟日本最近宋元間入貢皆縣青龍市舶司後漸徙於四明貢者不復取道沿海皆灘淺物產鮮少俗號窮海獨鹽利爲饒自清水灣以南較川沙以北水鹹宜鹽故舊置鹽場近有沙堤壅隔水味浸淡瀟瀟難就而煮海之利亦微元時潮汐縣吳淞口入朔望以子午

爲信萬歷八年潮決李家洪去故道南二十里潮汐遂早數刻驅舶出沒甚便不可無備云

吳淞江。在縣北自青浦華亭縣流入境又東北接嘉定縣境入海自宋以來屢經濬治元大德八年濬上海界吳淞舊江東抵嘉定

長三十七里有奇數內樊浦爲頭一河下接新涇舊江面闊二十丈餘既又於廟涇盤龍以東挑出水口子凡五處明宏治中命工部侍郎徐貫復治吳淞江自上海西界帆歸浦至分莊七十餘里隆慶四年撫臣海瑞按行上海開濬吳淞江自黃渡起至宋家口凡七十餘里蓋縣當吳淞委流也今有吳淞江巡司在縣西北三十里

黃浦。在縣東大海喉吭也自華亭縣界迤而東受南北兩崖之水乃折而北受東西兩涇之水經城東二里許又折而東北合於吳淞江以入海明初吳淞江淤塞自上海關橋以西之水悉壅入三泖而黃浦當其下流盤旋汎溢不達江海永樂初夏原吉乃

導黃浦蘇范家浜以達吳淞江其入江處曰南隄浦口自是匯流以入海毛節燭曰三江既塞三泖南源蘇黃浦北折而入淞江之下流是也海防考黃浦入江東北去吳淞口不五十里吳淞爲海寇突犯之衝而黃浦逼近縣城僅一二里漕浦而南蘇江而西皆直達郡城此誠肘腋之虞防禦所當加意者也志云浦口舊闊三十餘丈今橫闊幾二里蓋三江之縮殺僅黃浦云有黃浦巡司在縣南三十里

下沙浦

縣東南六十里。舊名鹽鐵塘。相傳五代時吳越運鹽鐵於此。宋紹興十五年。秀州判書沐開顧匯浦。又濬鹽鐵塘。舟楫通利。因改名下沙浦。自浦北流為鹽塘。絕沈莊周浦。三林諸塘而北。出匯諸河港。下流亦入於黃浦。志云。縣境又有運鹽河。二一

自東南青村鹽倉而北。會東西諸溼港。一自下沙場而東。循海塘北行。析為支渠。通諸團鹽運。并達青浦縣境。今通塞不一。矣。○沈莊塘。在下沙浦北。嘉靖三十三年。官軍敗倭賊於此。又北為周浦塘。又北為三林塘。俱會諸支港之水。西入於黃浦。

蒲匯塘

在縣西南四十里。自青浦縣受盤龍溼諸水。絕沙岡竹岡。橫溼諸水而東。為龍華港。又東經縣南。入於黃浦。志云。吳淞南境之水。自盤龍以東。俱蘇蒲匯。龍華二港。達黃浦入海。最為通利。

六磊塘

在縣西南。自盤龍匯分支。東合諸流。接烏泥溼。下流入於黃浦。舊志。縣南五十五里有鶯寶河。亦曰那寶。相傳以二姓居此。而名。天順四年。撫臣崔恭濟六磊塘。鶯寶湖。烏泥溼。沙竹港。通流入黃浦。是也。今湖已堙塞。

南踰浦

舊志云。在縣東北三十六里。即永樂中導黃浦。縣此入江處也。今故址已堙。而縣東北有踰港。大踰浜。南近都壘浦。相傳即南踰舊流。有南踰巡司。向置於川沙堡城內。○都壘浦。在縣東南。舊名曹家溝。天順四年。撫臣崔恭濟蒲匯塘。及新溼諸處。

又濬曹家溝深廣。以備旱潦。因名曰都壘浦。宏治初。水利僉事伍性。復濬顧會。趙屯。及都壘諸浦。是也。又北匯諸塘港。下流注於黃浦。

烏泥溼

縣南三十里。其西南與華亭縣分界。元泰定初。都水監任仁發濬烏泥。大盈二河。二年。復濬縣之潘浜。烏泥溼。各置石閘。以遏渾潮。開廢。今東流注於黃浦。○新溼。在縣西南。達華亭。北接吳淞江。有新溼巡司。自新溼而西。有橫灘塘。北絕吳淞。入

嘉定縣界。志云。新溼浦東之支渠。有石橋。周家等浜。西有陶溼。師家等浜。又東有東西上澳浦。皆南通烏泥溼。北接松江。又開港在縣東南。新場鎮西。又西流入於黃浦。

川沙堡

縣東南五十四里。產鹽。商賈輻輳。地名八團鎮。有三場鹽課司。嘉靖三十六年。撫臣趙忻等。奏置川沙堡。築城周四里。屯設官兵。以備倭寇。自是商民輻集。屹為巨鎮。海防攷堡。南五十里為川沙匯。北五十里為寶鎮堡。又東北去吳淞所亦五十里。

嘉靖三十四年倭賊據爲巢穴與老鶴嘴柘林新場相犄角於是築堡戍守自川沙至寶鎮中有錢家廟泥清水等壘其南又有七團五團等浜亦曰新洪舊洪倭舟皆可登舶也寶鎮堡蓋卽嘉定之寶山所矣

下沙鎮

縣東南六十里一名鶴沙鎮時邑南而近海因名宋置下沙鹽場舊有鹽課司後遷新場鎮而鹽倉則自周浦徙於此今亦廢○新場鎮在下沙南九里一名南下沙元初置鹽場於此場賦爲兩浙最賈販甚盛嘉靖三十二年倭賊據新場大爲東

南患又東南二十里曰一團鎮商販多聚於此志云下沙捍海塘外有石筍灘距海三十餘里沙中有石如筍因名一名分水港以潮汐遇石筍而分流也

周浦鎮

縣東南三十六里一名杜浦元置下沙鹽場及杜浦巡司於此後鹽場既遷巡司亦廢民物則繁阜有加明嘉靖三十四年倭賊自柘林移據周浦官軍敗却之又三林塘鎮在縣東南十八里有三林巡司今置於川沙堡城內又縣東南十八里有

吳會鎮本名吳滙後易今名舊設置鄒城巡司於此今廢

烏泥涇鎮

縣西南二十六里舊置太平倉稅課局及蘆子務巡司於此海防考烏泥涇與黃浦東之三林塘周浦鎮相望倭賊蘇三林周浦渡黃浦而西卽犯縣治若犯府境必蘇烏泥涇而西爲控扼之要地○閔行市在縣西南五十里橫瀝東志云南

滙陶宅入府之通衢也又南與葉謝相爲應援有事時兵屯於此足爲府城之捍衛海防攷南踰渡沈莊塘周浦閘港閔行鎮與華亭之葉謝曹涇張堰皆賊渡黃浦入犯府城道

青浦縣

府西北五十五里東北至蘇州府嘉定縣七十里西南至吳江縣九十里南至浙江嘉善縣八十里本上海華亭二縣地明嘉靖二十一年倭臣施訂奏割華亭二鄉上海三鄉置青浦縣治青龍鎮三十二年廢萬歷元年復置於今治城周六里編

戶二百一十四里

青浦舊縣。在今縣東北三十五里。故青龍鎮也。其地下瞰吳淞江。據滬濱之口。自昔爲海舶輳集之所。唐置鎮於此。爲防禦要地。以在青龍江上。亦曰龍江鎮。宋政和中改名通惠。尋復舊。建炎中。韓世忠欲邀擊兀朮。以前軍駐青龍。卽此鎮也。志云。

宋時坊市繁盛。置巡司。稅務及倉庫於此。俗號小杭州。及再經變亂。市舶之設。又復遷徙。而隄途荒落。嘉靖中。復設縣治。此數年而罷。今縣治卽唐行鎮。亦曰橫溪。以臨橫柳上也。元初爲大姓唐氏所居。商販竹木。因名唐行。明初置新涇稅課局。又上海之水次。西倉亦置於此。曰唐行倉。萬歷初建。青浦縣因改鎮爲縣治。創立城池。

箬山。縣東二十七里。昔時土宜美箭。因名。亦曰竹箬山。俗名北箬山。又在干山之北。故名北干山。本屬上海境內。志云。山在鳳皇山北。顧瀕浦東是也。又福泉山在箬山北。舊名覆船山。以水泉甘美。易今名。亦名薛道山。志云。山在縣東北三十五里。

嚴山。在縣東南二十里。志云。縣南二十五里。卽鳳凰陸寶諸山。又東南五里爲佘山。細林山。又東南爲薛山。卽九峯諸山也。今俱入縣境。與華亭分界。又嚴山在縣西南三十五里。亦與華亭接界。有嚴山巡司。

吳淞江。縣北三十里。自崑山縣流入境。與嘉定縣分界。經白鶴瀆。歷青龍鎮而東。入華亭。上海縣界而注於海。縣境諸水。多滙入焉。志云。縣東北五十里曰滬濱。江。青龍江。合淞江而東至海。皆曰滬濱也。○青龍江在縣東北三十五里。青龍鎮之北。自華亭縣流入境。又北入嘉定縣界。合於白鶴江。又白鶴江在縣西五里。亦自華亭縣流入境。又北至嘉定縣界。與青龍江並注吳淞江。今淤塞過半矣。

顧會浦。縣東二十七里。亦曰通波塘。自華亭縣流經縣界。又東里許爲崧子浦。引而北。並入吳淞江。又盤龍浦在縣東北三十里。自華亭縣流入。北接於吳淞江。今多湮塞。志云。縣東三十七里有泗涇。納顧會浦及諸涇港。下流東合盤龍塘。又北絕橫塘。折而東。爲蒲漚塘。又東入上海縣界。志云。蒲漚塘在縣東北四十五里。橫塘在縣東二十八里。西通橫柳。東通蒲漚塘。○大盈浦在縣西北五里。西接灤山湖。東通通波塘。北接白鶴瀆。以達於淞江。又趙屯浦在縣北二十五里。南接灤山湖。北接吳淞江。口有龍蟾分

莊殿家等嘴
爲湍險處

澗湖

在縣西南三十里。與華亭峴山接界。舊時湖周二百里。今日就淺狹。其相接者曰白蕩。南通平湖。北通吳江。西通嘉善。東通漵江。爲往來要道。又有蓮湖。在縣西南三十二里。東通澗山湖。○鴛湖。在縣西南三十五里。昔時周二十里。以陸鴛居此而名。今

爲蘆葦
之場

橫渚

在城北。志云。澗湖東北行爲北漕港。支流爲橫渚。絕大盈浦而東。又北通崑澤塘。絕顧會崑子二浦。東接橫涇。爲東橫渚。又東接諸塘。澳入盤龍浦。下流亦注於吳淞江。

艾祁浦

縣東北二十八里。南接顧會浦。東北流達於吳淞江。又崑澤塘在縣東北三十五里。亦南通顧會浦。東達青龍江。

金澤塘

在縣西南三十六里。志云。塘東北接澗山湖。西南流入渚。其南通白蕩。入浙江嘉善縣境。又章練塘在縣西南四十五里。自吳江縣流入境。志云。源出長洲縣境之陳湖。東流入渚。又南爲小蒸。大蒸諸塘。俱西通白牛塘。東入于渚。白牛塘與秀州塘

相接也。又有諸家塘。柘澤塘。俱在澗湖下流。與華亭接界。○沙岡塘。在縣東四十里。南絕黃浦。至捍海塘。北入淞江。西達盤龍漚。沙岡之東曰竹岡塘。又東即橫漚塘。竹岡橫漚之間。七寶鎮在焉。接上海縣界。

金澤鎮

在縣西南三十三里。東南通長渚。向當浙直之交。設巡司汛守。防鹽盜出沒。又縣西三十六里曰雙塔市。商旅往來蘇淞之中道也。○沈巷鎮。在縣西南二十里。南通長渚。北通朱家角。志云。朱家角在縣四十里。商旅輻集。稱爲巨鎮。

小蒸鎮

在縣西南四十五里。三面傍渚。稍北曰大蒸。志云。鎮西四里。有古濮陽王大小二墓。蒸土築之。因名。有大蒸。小蒸塘。西通白牛塘。接浙江嘉善當湖二縣界。東通渚湖。鎮挹三渚九峯之勝。舊置稅局於此。尋廢。今有小蒸巡司。○北七寶鎮。在縣東北

四十五里。舊有南北二七寶寺。鎮在其北。因名。南臨蒲瀝塘。自塘以南。卽華亭縣界。商旅駢集。爲邑巨鎮。舊有稅課局。今廢。又楊林市。在縣東北五十里。吳淞江北。舊爲商旅聚處。宏治初。命事伍性。濬蒲瀝塘。楊林及新涇諸塘。是也。志云。縣有新涇巡司。向設于上海縣高昌鄉。割入今縣。

黃渡鎮

縣東北五十里。吳淞江南。俗呼爲新街。商旅多聚於此。又白鶴江市。在縣北三十二里。北接嘉定縣界。又廣富林市。在縣東南三十二里。細林山南。亦華亭分界處也。○趙屯鎮。在縣西北二十七里。趙屯浦上。志云。舊名漢城里。以宋高南渡屯兵於此。因名。

附見

金山衛

府東南七十二里。明洪武二十年建。以山而名。衛南瀕海。與金山對峙。西連乍浦。東接青村。南瀕鶯。東北抵吳淞江。控引幾三百里。衛城周十二里。爲府境東南之險。當浙直要衝。且與寧波定海關同爲錢塘江鎖鑰。北之沙壘。至此而盡。南之山嶼。至此而終。置兵於此。不惟固蘇淞之藩籬。亦堅嘉湖杭三郡之門戶。衛城內設左右前後四千戶所。又守禦淞江中千戶所。則置於府城內。仍屬金山衛。

青村守禦中前千戶所

府東八十里。本青村鎮。明洪武二十年建。所築城周六里。屬金山衛。志云。金山而東爲柘林。柘林而東爲青村。青村而東爲南匯。相去各五六十里。海防攷。府境三面環海。金山當其南。南匯當其北。而青村爲東南二面轉屈之會。與海中羊山東西相值。倭舶易於登犯。嘉靖三十三年。倭寇據爲巢穴。大爲府境之患。官軍進討。久之乃平。輿程記。縣府東門水路至青村百十三里。又北至上海新場八十九里。

南匯背守禦中後千戶所。

在上海縣東南八十里。明洪武二十年建所。築城九里有奇。屬金山衛。志云：南匯而東爲川沙，川沙而東爲吳淞，相去亦各五六十里。海防攷所北去吳淞所百五十里，南去青村五十里，下沙、新揚、周

浦、八團皆其汛道也。嘉靖三十二年倭入南匯，寇嘉定。據吳淞所。今縣南有五里橋，習家墳，皆官軍攻賊時賊拒戰處也。

讀史方輿紀要

卷二十五

江南七

常州府。東南至蘇州府百九十里。西南至廣德州二百八十里。西北至鎮江府百八十里。西北渡江至揚州府二百三十七里。東北至揚州府通州三百九十里。自府治至江寧府三百六十里。至京師二千七百二十里。

禹貢揚州之域。春秋時吳地。後屬越。戰國屬楚。秦為會稽郡地。漢因之。後漢永建四年。分屬吳郡。三國

吳分無錫以西為屯田。置典農校尉。晉太康初。省校尉。分吳郡置毘陵郡。永嘉五年。改曰晉陵郡。沈約志

初立毘陵郡。治丹徒。後遷毘陵。東海王越世子名毘。而東海國故食園陵。永嘉五年。因改為晉陵郡。仍徙治丹徒。義熙九年。復遷治晉陵縣。宋齊梁陳因之。隋開皇九年。廢郡。置常州。大業

初。復曰毘陵郡。隋末為沈法興。李子通等所據。唐武德三年。復曰常州。天寶初。亦曰晉陵郡。乾元初。復

故。五代屬於楊吳。後又為南唐所有。宋仍曰常州。亦曰晉陵郡。元為常州路。明初為長春府。尋復為常州府。

直隸京師。領縣五。今因之。

府北控長江東連海道川澤沃衍物產阜繁周處所云三江之雄潤五湖之腴表也且地居數郡之中翼帶金陵為轉輸重地脫有不虞則京口之肘腋疎而吳郡之咽喉絕若其北守靖江則內可以固沿海之鎖鑰明初吳良守江陰而寇不敢犯是其證也外足以摧淮南之藩蔽五代周顯德五年南唐將陸孟俊自常州將兵渡江趨泰州周師退遂復取之亦一驗也南扼宜興則近

足以消濱湖之窺伺明初亦遣重兵駐宜興

遠可以清浙右之烽烟

宜興與浙江湖州俱控太湖之險又有陸道可以徑達長興明初自宜興遣舟師越大湖攻張士誠湖州克之亦其證也

昔者南唐守此以禦吳越明初得此以制姑蘇郡豈非東南之襟要歟

武進縣

附郭本吳之延陵邑季札所居漢曰昆陵縣屬會稽郡後漢屬吳郡晉初因之屬毘陵郡永嘉末改曰晉陵縣屬晉陵郡尋為郡治自是州郡皆治此唐垂拱中與武進並為附郭縣宋元因之明洪武初并入武進縣今編戶四百八里

武進故城

府西北七十里本漢之丹徒句曲二縣地孫吳改丹徒曰武進晉太康初別置武進縣屬毘陵郡咸和六年石勒將劉徽等浮海而南掠武進都鑿擊却之宋大明末改屬南東海郡齊因之梁省入蘭陵縣屬蘭陵郡唐武德三年復置武

進縣屬常州八年省入晉陵縣垂拱二年復分晉陵縣置並治郭內宋因之明初省晉陵入焉城邑改今郡城即楊吳時舊址也舊有內子城周二里有奇唐景福初淮南節度楊行密築又有外子城周七里有奇則楊吳順義中所築一名金斗城其羅城周二十七里有奇則楊吳天祚二年所築也後俱燬元末嘗復營治洪武初重建新城於羅城內周十里有奇為陸門七水關四成化正德以來屢經修治今府治即故內子城也

蘭陵城

府西北六十里晉大興初始置南蘭陵郡及蘭陵縣於武進界內宋因之亦曰東城以在武進東也蕭道成高齊以下皆居武進之東城里因為南蘭陵人梁省武進入蘭陵大同十年幸蘭陵謁建寧諸陵蓋帝母張后陵也又有修陵則后郗氏陵

也。陳亦曰蘭陵縣。隋并入曲阿。志云。府城西北六十里。爲千秋壩之萬歲鎮。今名阜通鎮。有古青城。城南爲圓壇。西爲方壇。蓋蕭齊篡位後。以蘭陵爲其湯沐邑。因置此爲郊祀之所。稱西南卽蘭陵城也。唐大順初。蔡州賊將孫儒。遣其黨劉建鋒據常州。楊行密遣將李友屯青城。將攻之。旣又遣安仁義等敗劉建鋒於武進。宋九域志。武進縣有青城鎮。胡氏曰。今奔牛。青城。萬歲。諸鎮皆故武進縣地。

姑幕城。

府西南六十里。東晉儒置南東莞郡於晉陵南境。儒置莒縣爲治。又儒置姑幕等縣屬焉。此其舊址也。今有大姑。小姑二城。詳符圖經。晉陵縣西有傳落城。或曰卽姑幕城音譌也。又胥城在縣東南二十里。四蕃志云。子胥所築。或曰卽東晉東莞郡。

所治莒縣。四蕃志。悞也。舊志。府西有廢南彭城郡。東晉明帝時。儒置於晉陵郡界內。無實土。宋齊因之。隋時與南東莞郡俱廢。

淹城。

在府東南二十里。其城三重。濠塹深闊。周廣十五里。越絕書。吐陵縣南城。古淹君地。或曰卽漢昆陵縣舊治。又有留城。在淹城東五里。周廣準淹之內城云。○鼓城在府城東北。有方圓二城。東西相對。或作虎城。又縣北有韓城。相傳五代時。里民韓氏築。

此以保鄉里。府北三十里。又有醴城。又北十五里。爲祿城。蓋皆五代時戍守處矣。

三山。

府東北三十五里。三峯相連。中一峯尤峭拔。明初。張士誠遣兵寇常州。吳良自江陰取間道。藏其援兵於無錫之三山。卽此。又橫山亦在府東北三十五里。志云。橫山岡阜相屬。延袤二十餘里。本名芳茂。晉右將軍曹橫葬此。因改今名。○黃公山在府南七十里。一名百瀆山。去太湖十五里。志云。黃歇所封故墟也。又夾山在府東南七十里。山南北五里。中包秦隴。

二小山。因名。又東南十里曰津里山。志云。本名秦履山。相傳始皇嘗自夾山登此。後譌爲津里山。在太湖中。

馬跡山。

府東南六十里。太湖中山。麓周百二十里。與津里山相接。其西麓地名西青。石壁屹立下。有馬跡。因名。上有避暑宮。相傳吳王闔閭故址也。宋置馬跡山寨。建炎中。赤心隊將劉晏。保馬跡山。以捍寇。元時亦置巡司。明初下常州。俞通海以舟師略太。

湖入馬跡山破張

士誠水峇即此

黃山

府西北七十里。俯瞰大江。山東北有小山入江。謂之吳尾。以羣山皆自西來。至此而盡也。志云。江北六里。亦有黃山。俱因春申君而名。上有石室。楊吳時置烽火之所。今曰黃山門。爲江防津要。江防攷黃山門在包港。江心水流湍悍。盜賊出沒之地。又當鎮常二郡之交。上下瞭望。幾及百里。實京口之門戶也。包港見丹陽縣。○孟城山在府北八十里。俯瞰大江。相傳晉孟嘉嘗寓此。今孟濱經其下入江。志云。孟城相近。又有嘉山。又府西北九十里。有固山。在孟濱關西。

大江

府北五十里。西接丹陽包港。東抵常熟黃泗浦。西北與泰州中流分界。東北抵三沙。與通州分界。江岸遶郡境百八十八里。控扼海口。形援金陵。而江陰靖江。尤鎖鑰重地也。詳見大川及川濱異同。

運河

在府城南。浙西漕舟。自蘇州滄墅關。經無錫。而西過府城。西接丹陽縣之呂城。凡二百餘里。郡志。自無錫望亭驛。西至奔牛壩。凡百七十里有奇。奔牛壩東二十里曰洞子河。又東十五里至府城。自府城而東三十五里爲橫林鎮。又東十里爲五牧橋。則無錫縣境也。宋嘉泰初。守臣李珣言。州境瀕江。並湖。其通江達湖諸汊港。回繞參錯。不可數計。水源多於他郡。而常苦易旱者何哉。蓋漕渠東起望亭。西上呂城。百八十里中。形勢西高東下。歲久淺淤。倘雨澤愆期。則淺涸壅滯。間或得雨。水無所受。旋即奔泄。南入太湖。北入大江。東徑注吳江。噴噴未幾。又復乾涸。加以傍近溪湖。亦爲沙土所淤。遇潮高水泛時。舟楫尙可通行。否則輒患淺阻。此所以有江湖之漫而不見其利也。一遇冬月。綱運使客。往往填咽。作壩車水。科役煩擾。其爲民病。不特灑漑缺乏而已。望委有司。相治其通徹江湖之處。仍舊濬治爲便。從之。明正統初。巡撫周忱。於奔牛呂城。俱設壩閘。以便轉輸。景泰間。廢天順中。巡撫崔恭復奏置五閘。今故址猶存。

烈塘河

府西十八里。南枕運河。北流四十三里。入大江。宋紹興中。郡守李嘉言開濬。臨江置閘。淳熙九年。郡守章冲言。西有鼈子港。孟濱烈塘皆古人開導。以爲灌溉之利。今多湮塞。宜以時修濬。元時烈塘壩廢。明洪武三年。重建魏村閘。二十年。復濬烈港。

河。自是魏村隔屢經修治。今名得勝新河。

西蠡河。在城南。一名浦陽溪。北枕運河。南接溫湖。相傳范蠡所鑿。宜興縣有東蠡河。故此曰西也。歲久淤塞。正德間疏濬。亦曰西運河。又有網頭河在城北。延袤六十五里。入無錫。江陰界。其支流俱入於大江。○丁堰河在府東十五里。南枕運河北流。二十

里。接網頭河。又黃汀河在府東北十五里。西接網頭河。東入江陰縣界。宋單鏐云。常州運河北偏。古有洩水入江。一十四澗。卽孟濱黃汀濱之類也。今所存蓋無幾云。

陳墅河。府東二十五里。南枕運河。北接三山港。志云。三山港在府東三十里。威墅堰。南枕運河。北入申利。二港至揚子江。與江陰縣分界。○白龍河在府西北五十里。西接得勝新河。東通溧港。入大江。又刺銀河在府西北六十里。南通得勝新河北流。十八

里。入大江。明洪武二十五年疏鑿。臨江置閘。永樂九年湮廢。

太湖。府東南八十里。南自宜興接浙江湖州府界。東自無錫接蘇州府界。郡境湖陸環繞。凡百四十八里有奇。自昔有事。太湖常爲攻取之徑。蓋三吳形勝所關也。詳見大川。

芙蓉湖。府東五十五里。昔時湖岸南北相距凡八十里。南入無錫。北入江陰。又北注於大江。一名上湖。一名射貴湖。東南流者曰五瀉水。南徐詔橫山之北曰上湖南。曰芙蓉湖。虞翻酈道元皆以射貴二湖列於五湖。卽此湖也。昔時菰蒲荷芰。煙水蒼茫。一

望百里。宋元祐中。往往堰河爲田。於是湖流漸塞。今運道經武進。無錫間。兩岸類皆平衍。一遇淫潦。輒成泛濫。蓋皆舊時湖浸之區也。○陽湖在府東五十里。與無錫縣分界。以近陽山而名。湖東西八里。南北三十二里。其北通菱鏡。臨津二湖。共爲三湖。劉宋元嘉中。修湖堰得良疇數百頃。今湖亦湮塞。志云。菱鏡湖本名蛟灣。或作菱沼。舊與臨津湖並屬無錫縣界。又宋建湖在府東南三十里。昔時東西五里。南北三里。亦謂之北陽湖。志云。湖南有青城。宋高宗南渡時嘗駐此。命有司浚治。此湖因名。今塞。

漏湖。

府西南三十五里。南北百里。東西三十餘里。一名西漏。亦曰沙子湖。郭璞江賦云。具區洮漏。此漏湖也。虞翻酈道元皆以漏湖爲五湖之一。輿地志。太湖射貴。與漏湖爲三湖。今北通清河。導流東注於太湖。

孟濱。

府西三十里。奔牛鎮東南。枕運河。北流六十里。入揚子江。唐會要。元和八年。常州刺史孟簡。因故渠開此濱。袤四十一里。引江水。南注通漕。溉田四千頃。因名。南唐保大中。復修水門爲灌溉之利。宋慶歷三年。又嘗修治。明洪武二十七年。命有司開濬。二十九年。置閘於孤陳山西北。臨大江。永樂四年。復詔有司發民浚導。比舊倍加深廣。爲轉輸商販之利。正統以後。孟河閘屢經修治。志云。小河巡司。在府西北九十里。孟濱關。西本宋之小河。宋置於小河村。元改巡司。又有鄭港。宋在小河西。鄭港口亦宋置。元省。明初移司治於鄭港。鄭港。小河。俱在府北七十里。臨大江。與黃山門相近也。成化四年。又移置於孟濱關。西嘉靖三十二年。倭亂。孟濱口益爲濱。江津要。因增置孟河營。設官兵戍守。○直濱亦在奔牛鎮東。北枕運河。南通白鶴溪。一名鳴鳳河。又有伯牙濱。在府西北二十五里。南通運河北入大江。

澡港。

府北五十里。一名鼈子港。稍西卽魏村鎮。與烈塘河口相接。港南接網頭河。北入揚子江。袤四十里。歲久淤澱。明初洪武七年。開浚。臨江置關。以于塘巡司兼領。既而以于塘村在江北沙新河上。改隸揚州府泰興縣。二十八年。改置澡港巡司於江口。今因之。又桃花港在府東北三十里。導大江南流。下流合於網頭河。洪武二十八年開濬。宏治六年復濬。江防攷。港東接江陰界。陸走府城北門。倭寇易於登犯。爲防守要地。嘉靖中。警議挑濬。一名五斗港。又府北舊有廟堂港。宋紹聖中。轉運毛漸奏。導武進廟堂港入江。是也。今漚。

戚墅港。

府東三十里。北枕運河。有戚墅堰。其下流東南入太湖。宋志。州界有南戚氏。北戚氏。五湖諸灣港。皆通運河。是也。又蘇濱港在府南二十里。北通白鶴溪。南入漏湖。洪武三十年開浚。後湖沙淤塞。復築堰。蓄水以資灌溉。

白鶴溪。府西南十里。北通運河。南入溧湖。接金壇縣界。宋淳熙九年。郡守章冲言。州境港澗。類多運塞。今欲講求漕河悠久之計。州西南有白鶴溪。自金壇縣溧湖而下。今淺狹特七十餘里。若用工濬治。則漕渠一帶。可無乾涸之患。其南有西蠡河。自宜興

太湖而下。開濬二十餘里。若更令深遠。分引湖水。則漕渠一百七十餘里。可免濬治之擾矣。又三過溪在府南三十里。亦北通運河。南入溧湖。

東洲。在府東南百里。太湖濱拒守處也。五代史。梁開平二年。淮南將周本圍蘇州。吳越將張仁保攻常州之東洲。拔之。淮南將陳璋等馳救。大破仁保於魚蕩。復取東洲。又乾化三年。淮南攻吳越衣錦軍。錢鏐遣子傳濂將水軍攻東洲。以分其兵勢。又貞明五

年。吳越錢傳璠率舟師自東洲攻淮南。蓋吳越與淮南夾湖爲守。往往繇此相攻擊也。

毘陵宮。在府東南十五里。地名夏城鎮。隋大業十二年。勅郡通守路道德集十郡兵匠於郡東南起宮苑。周十二里。內爲十六離宮。環以清流。蔭以嘉木。擬於東都西苑。而奇麗過之。未及隨幸。尋以盜起。遂爲邱墟。今自府城而東南。岡阜環列。地形高印。卽

隋離宮故址也。

奔牛鎮。府西三十里有奔牛堰。亦曰奔牛塘。宋元凶劼之亂。會稽太守隨王誕遣將劉季之等。向建康討劼。劼遣燕欽等拒之。相遇於曲阿。奔牛塘。欽等大敗。明帝初。會稽諸郡兵應子助於尋陽。軍於晉陵九里。宋主遣沈懷明拒之。至奔牛。以所領寡弱。乃

築壘自固。漕渠攷奔牛堰。北出孟河口六十里。西抵丹陽亦六十里。爲運道通渠。宋元符二年。修造奔牛澳。歷淳熙五年。以漕臣陳覲言。開奔牛。呂城高淺處。以通漕。舊有上下二關。明初改闢爲壩。設官守之。天順成化中。復置上下關。自是屢經修治。有奔牛

巡司戍守。鎮西五里。又有奔牛壘。亦曰金牛壘。相傳茅山嘗出金牛。奔至此。因名。齊高帝與蕭順之嘗登焉。自壘而西十五里。卽丹陽縣境之呂城鎮。今往來孔道也。

橫林鎮。府東南三十五里。又東南五十里。至無錫縣。宋淳熙五年。以漕臣陳覲言。開漕無錫以西。橫林小井諸淺。以通漕舟。今爲運道通渠。

遊塘營。府西南二十里。明初徐達攻常州。敗張士誠兵於此。亦作牛塘。又舊館。在府西南。蓋館驛故址也。明初攻常州。華雲龍敗張士誠兵於舊館。

慶亭。府西五十里。與丹陽縣分界。相傳孫權射虎傷馬處也。晉咸和三年。蘇峻作亂。都鑾守京口。築大業。曲阿。慶亭三壘。以分峻兵。勢此即慶亭壘。旣而峻將管商等來攻慶亭。督護李閔等擊敗之。晉書是時。前義興太守顧衆等討蘇峻。進至呂城。賊將張健

退保曲阿。衆遣督護朱祈等守慶亭。健遣兵來攻。祈等破走之。又隋開皇十年。江南亂。楊素討之。素將濟江。使參鐵杖潛渡。覘賊至慶亭。唐武德三年。李子通敗沈法興將蔣元超於慶亭。法興棄毘陵。東走吳郡。蓋自昔爲控扼處。○九里村。在府西北。宋泰始

二年。孔覲等以會稽諸郡之兵。西應子助。前軍孫曇暉軍於晉陵。九里。列五城。互相連帶。宋主遣沈懷明等軍於九里。西與東軍相持。旣而爲襄王。道隆所敗。遂克晉陵。胡氏曰。其地去城九里。因名。

河莊。府西北八十里。當孟河之口。江防攷。自京口而下。惟河莊賊可深入。蘇大江入孟河。抵奔牛。總府城。至便且易。今孟河營。置於此。○茶山路。在府西南十里。其地有大墩小墩。連綿簇擁。相傳唐時。湖常二州守會。關獎造茶。修買。蘇此往返。因名。

五牧橋。府東南四十五里。與無錫縣接界。唐末。吳越錢鏐遣兵自江陰入。與楊行密戰於此。宋末。文天祥知平江時。元兵犯常州甚。亟天祥使其將尹玉麻。士龍等赴援。士龍戰虞橋。玉牧戰五牧。俱敗死。今虞橋在府西南四十里。○黃土岸橋。在府西南八十

里。西蠡河支流西出處。其地南通深陽。西接金壇。元置黃土巡司。尋又建橋於此。亦控守處也。

無錫縣。府東九十里。東南至蘇州府九十里。北至江陰縣九十里。西南至宜興縣百四十里。東北至蘇州府常熟縣百十里。漢置無錫縣。屬會稽郡。武帝封東粵降將多軍爲侯邑。後漢屬吳郡。三國吳分無錫以西爲典農校尉。省縣屬焉。晉復置縣。屬毘陵郡。東

晉以後，俱屬晉陵郡。隋屬常州。唐宋因之。元升爲縣。錫州明復爲縣。城周十四里。今編戶四百十四里。

秦伯城。

縣東南三十里。秦伯始國於此。謂之句吳。亦曰吳城。自秦伯至王僚二十三世皆都此。敬王六年，闔閭始築姑蘇城而徙都焉。孔穎達曰：太伯居梅里，傳至十九世孫壽夢，壽夢卒，諸樊南徙吳。至二十一世孫光，使子齊築闔閭城，都之。即今蘇州也。

吳地記：秦伯築城於梅李平墟，周三里二百步。外郭周三百餘里。今日梅李鄉，亦曰梅里村。秦伯廟在焉。城東五里曰皇山，一名鴻山，有秦伯墓。

闔閭城。

縣西四十五里。吳地記：伍員伐楚，軍還築大小二城。此蓋闔閭小城也。志云：小城在縣西北，近太湖，故址猶存。又有范蠡城。在縣西十里。輿地志：歷山西北有范蠡城。蠡伐吳時築，亦謂之斗城。故址猶存。今歷山在縣西北二十里，其西即故斗城云。

又有黃城，在縣西十二里。俗謂之黃斗城。相傳春申君所築。○鴨城，在縣東二十里。相傳吳王牧鴨處。今日鴨城橋，跨鴨城河。其源自運河引而東，下流匯於宛湖，爲縣東之通道。又有樂城，在縣東十七里。蓋吳王養樂處也。

新安城。

縣東南三十里。元初置新安巡司於此。至正中，張氏築城爲屯兵之所。有新安溪，南通太湖，東入運河，路出吳門，此爲必經之地。

慧山。

縣西五里。一名九龍山。陸羽云：山陽有九龍，若龍偃臥然。南北延袤數十里，亦名冠龍山。吳地記：古名華山，一名四神山。又名鬪龍山。朱梁貞明五年，吳越錢傳璣攻淮南之常州，淮南拒之，敗吳越軍於無錫。又追敗之於山南，即慧山之南也。山之東麓

出泉曰慧山泉。陸羽品爲天下第二泉。其東一峯，謂之錫山。○錫山，亦在縣西五里。與慧山連麓，而別爲一峯。相傳縣之主山也。周秦間，山產鉛錫。古語云：有錫爭無錫，寧漢因以無錫名縣。

獨山。

縣西南十八里。錫山之脈南來，至是中斷。梁溪經其間入太湖。曰獨山門，一名晉陵門。志云：獨山之北，與管社山相望，謂之浦嶺門。南與充山對峙，謂之獨山門。梁溪經五里湖而西，縣二門入太湖，爲扼東之地。舊有官軍戍守。又石塘山，一名廟塘山，在

縣南二十五里。枕長廣溪。其相連者曰漆塘山。○闔江山。在縣西五十里。下有闔江。亦太湖之別浦也。志云。闔江山下有闔閭城。又吳塘山在縣南四十五里。濱太湖。水從中出。曰吳塘門。

軍將山

縣西南四十里。南唐時屯兵於此。以備吳越。因名山。側有甲仗塢。下有龍潭。追近太湖。爲設險處。又夫椒山在縣西北四十里。一名湫山。顏太湖與武進馬跡山相近。九域志。縣西太湖濱有夫椒山。吳王夫差敗越於夫椒。卽此山矣。或以爲今太湖

中之包山也。又胥山在縣西南五十里。近太湖。卽史記所云吳人爲子胥立廟於江。因命

曰胥山者。○青山在縣西三十五里。一名章山。面太湖。亦曰青山灣。元置華藏巡司於此。

安陽山

縣西北五十里。山周十八里。高百二十仞。風土記。周武王封周章少子賈於安陽。卒葬山下。山因以名。峯巒奇峭。頂有龍湫。俗呼西陽山。昔時陽湖在其西麓云。元末張士誠將莫天祐屯兵於此。以拒塞宜興東出之道。今有營壘遺址。○顯山在縣

東六十五里。一名香山。輿常

熱江陰縣接壤。今詳常熟縣。

太湖

縣西南十八里。東指蘇州。南趨湖州。風帆便利。平日可達縣境。有獨山。闔江吳塘諸門。皆渡湖捷徑也。○五里湖。在縣南十八里。一名小五湖。南接太湖。又五部湖。舊在縣東北七里。東西二十里。南北十里。其源濁而流清。溉田百餘頃。今渾。

芙蓉湖

縣西北十五里。卽故上湖也。湖流浩衍。北接江陰。南連武進。其後堙廢。今自城以北運道所經。亦曰芙蓉湖。宋會要。元祐中。堰芙蓉湖爲田。紹聖中。轉運毛漸復。築導芙蓉湖入江。今縣西北十里。運河北出者。曰高橋堰。舊名五瀉堰。亦曰五瀉河。卽

芙蓉湖下流也。自高橋而北四十里。接武進。江陰界。曰維尾口。又北四十七里。至申浦上入口入江。潮汐所至。勝數百斛舟。宋熙寧

末。郊儒議。夾五瀉堰。使水入揚子江。乾道六年。常州守臣請填築五瀉兩牐。及修牐裏堤岸。仍於牐內郭瀆港口。舜郎廟側。水聚

處。築捺硬壩。以防走泄。委無錫令主掌。非水盛時。不許開牐。通放客舟。蓋

是時以運河淺淤。切於隄防也。今高橋爲武進江陰之要道。有巡司戍守。

蠡湖。

縣東南五十里。與長洲縣分界。相傳范蠡所開。一名蠡澗。一名漕湖。東西長十三里。南北六里。唐志。刺史孟簡開秦伯瀆。東連蠡湖。亦謂之孟湖。又漕湖在縣東南六十五里。東西四里。南北三里。流通漕湖。其北為常熟界。東為長洲界。俗呼為駑脫蕩。○

宛湖。在縣東北五十里。湖濱東岸。即常熟縣界。有山曰宛山。俗曰宛山蕩。北出為蠡湖。道通江陰。南接陸家謝埭等蕩。入常熟縣境。志云。謝蕩周十餘里。與蘇州分界。舊名西謝滄。在縣東六十里。

運河。

在城東。自蘇州府而北。至望亭堰。入縣界。又北二十里曰新安。又北三十里至城南。引而北。十餘里至高橋。又北二十里為洛社。又北二十里達武進之橫林鎮。

雙河。

在縣北五里。亦曰雙溪。自運河分流曰雙河口。分為二派。一東南流。合於梁溪。一西北經河澹錢橋。達直湖港。入武進界。志云。直湖港在縣西北四十里。北枕運河。南入太湖。又有花渡港。在縣西北三十里。東連運河。西接直湖港。里道記。自花渡西經沙

塘營。與白芍山相近。自縣陸走宜興之道也。○咸塘河。在縣北五十里。南通五瀆河。北入江陰界。又縣北三十五里有新河。相傳南宋所開。北通大江。明洪武二十五年重浚。今湮。

梁溪。

在縣城西。源出慧山。北合運河。南入太湖。志云。溪自慧泉導源。引而東。至城北三里之黃埠。整接運河。自黃埠墩而南。分為二支。其西南一支。經五里湖。石塘山。長廣溪。凡五十里。出吳塘山門。入太湖。其西一支。經縣西南十六里大小瀆。凡十餘里。蘇獨

山門而入太湖。梁大同中。嘗浚治之。故曰梁溪。○長廣溪。在縣南十八里。志云。溪源出歷山。南流。分為二派。俱合於梁溪。一出吳塘門。一出獨山門。皆入太湖。

秦伯瀆。

縣東南五里。西枕運河。東連蠡湖。入長洲縣界。瀆長八十一里。相傳秦伯所開。唐元和八年。常州刺史孟簡嘗浚導之。亦稱孟瀆。溉田千餘頃。

青祈滄。

縣西南二十里。志云。梁溪迤邐而南。至城西南二里。孤瀆口。分二派。西為大瀆。東為小瀆。中隔平壤。又南二十里。至青祈滄合流。昔時滄廣二十里。袤十八里。與五里湖相通。出浦嶺。獨山門。入太湖。

望亭鎮

縣南四十五里。與蘇州府吳縣接界。孫吳時置亭於此。曰御亭。晉咸和三年。顧麟監晉陵軍。討蘇峻將張健。築壘於御亭。以拒之。隋置御亭驛。唐改曰望亭。光啓中置屯於此。大順初。孫儒作亂。據廣陵。遣其黨劉建鋒據常州。破無錫。望亭諸屯。圍蘇

州。又光化初。錢鏐將顧全武拔蘇州。追敗淮南將周本於望亭。是也。今爲運道所經。有望亭堰。宋史。熙寧元年。提舉兩浙河渠胡准。請治常州望亭堰。以通漕。政和六年。發運副使應安道。請望亭仍舊置牐。淳熙九年。知常州章冲言。望亭堰牐置於唐之至德。而廢於本朝之嘉祐。至元祐七年。復置。未幾又廢。臣謂設此堰牐有三利。陽羨諸瀆水奔趨而下。有以節之。則當潦歲。平江三邑。必無下流淫溢之患。一也。自常州至望亭百三十五里。運河有所節。則沿河之田。可資以灌溉。二也。每歲冬春之交。重綱及使命往來。多苦淺濶。今啓閉以時。足通舟楫。復免車畝灌漑之勞。三也。嘉泰三年。常州守臣李珪。復請修建望亭上下二牐。固護水源。從之。議者常言望亭堰所以過常潤之水。不使東下。宜嚴其啓閉。以管轄屬之蘇州。庶可免盜決之患。或又言望亭堰設於蘇州。未見其利。而常郡先被漲溢之患。蓋節宣所係。不止望亭也。今有巡司戍守。

潘葑鎮

縣西北十八里。朱梁乾化三年。吳越錢鏐傳璫攻常州。營於潘葑。淮南將徐溫擊却之。今爲往來通道。又北十二里。曰洛社市。○竹塘市。在縣東北六十里。與江陰縣接界。又縣北三十里。爲高陸堰市。商旅所聚。道出江陰。

宜興縣

府南百二十里。南至浙江長興縣百四十里。西南至廣德州百八十里。西至江寧府溧陽縣九十里。西北至鎮江府金壇縣百二十里。秦置陽羨縣。漢五年。封功臣鄧常爲侯。邑屬於會稽郡。後漢屬吳郡。三國吳屬吳興郡。晉初因之。永嘉中析置義

興郡。宋齊因之。隋郡廢。改縣曰義興。屬常州。唐武德七年。置南興州。八年州廢。仍隸常州。宋太平興國初。避諱。改曰宜興。宋末改置南興軍。元至元十五年。升爲宜興府。二十年。仍降爲縣。明年又升爲府。兼置宜興縣。隸焉。元貞初。府縣俱廢。改爲宜興州。至正十六年。爲張士誠所據。明年歸於明。洪武初。復曰宜興縣。今城周九里有奇。編戶三百四十里。

陽羨城。

在縣南五里。志云：孫吳赤烏二年，城陽羨。晉永嘉四年，陽羨人周圯三與義兵討賊有功，因置義興郡以寵之。沈約曰：永嘉元元所置也。郡治陽羨縣。隋廢郡，因以義興名。唐僖宗武德三年，歸附六年，陷於輔公祏。明年，公祏平，置南興州治焉。又析置

陽羨縣為屬邑。八年，復廢入義興。光啓三年，杭州刺史錢鏐遣將杜稷等討薛朗，逐鎮海節度使周寶之罪，敗朗將李君晁於陽羨，即故城矣。寰宇記：陽羨故城一名蝦虎城。紀勝云：城前臨荆溪，後阻河，左右俱塹，有濠周一里九十步。今縣治即其故址。

國山城。

縣西南五十里。晉永興初，分陽羨地置縣，屬義興郡。宋因之。泰始二年，晉安王子助舉兵尋陽，義興太守劉延熙舉郡應之。宋主遣吳喜擊東軍，喜自永世至國山，擊敗東軍，進屯吳城，斬延熙將楊元，遂進逼義興。吳城蓋在國山北也。齊亦為國山

縣。梁陳因之。隋廢。九域志：吳城一名太伯城，在縣西南二十里。○臨津城，在縣西五十里，亦晉置。屬義興郡。宋齊因之。隋廢。唐武德七年，復置臨津縣，屬南興州。八年，廢。志云：城南臨荆溪，故址猶存。

綏安城。

縣西南八十里。劉宋永初三年，分廣德長城、陽羨等縣城置縣，屬義興郡。齊因之。梁末，嘗置大梁郡治焉。陳廢郡，或云縣亦陳所廢也。又義鄉城，在縣東南八十里。晉所置縣，今入長興縣界。

君山。

縣西南三十里。舊名荆南山，以在荆溪南也。高二百三十仞，周八十五里。山巔有池，巖洞絕勝。一名銅官山。志云：山之西峰曰數金嶺，一名小心山。又西南曰橫山，亦名大蘆山，即君山西麓也。其東麓曰靜樂山，南麓曰芙蓉山，北麓則曰南嶽。吳孫皓封

國山禪於此，取漢武移衡山於瀟湘之義，謂之南嶽山，在今縣西南二十里。

國山。

縣西南五十里，高百二十五仞，延袤三十六里。一名離墨山，相傳鐘離墨得僊於此。山西麓即國山故城也。又名九斗山，山有九峯，相連形如覆斗，亦曰陞山。孫吳五鳳二年，山大石自立，天璽初有石裂十餘丈，成室，孫皓修為天瑞，遣司徒董朝等行封

禪禮。梁天監八年，或請封會稽禪國山，不果。其東南曰善卷洞，一名龍殿洞，有三：一曰乾洞，其二曰大小水洞，相傳周幽王二年，洞忽自裂，門廣二十尺，初入若險仄，中極平曠，可坐千人。○煙山，在縣西南三十里，山有數峰，四面環峙，又有甌山，在縣西南二

十五里以雲
氣騰湧而名。

香蘭山

縣東南五十里。斗入太湖五里。有石麓如岸者二。南曰大蘭山。北曰小蘭山。相連二里。產蘭。志云。蘭山周二十五里。一名石蘭山。屹峙湖濱。與湖州安吉長興接壤。宋置香蘭司。及香蘭營。以控扼之。今有湖汶巡司。在山西五里。○唐貢山。在縣東南三十五里。臨卷蕪溪。產茶。唐時入貢。因名。又蕪山。在縣西南三十五里。亦產茶。

章山

縣西南六十里。一名黃山。亦曰芳巖。周廣六十八里。相接者曰沸泉山。武花山。連亘入寧國縣界。志云。縣西南七十里有龍池山。峯巒峻。登覽無際。又分界山。在縣西南百里。入廣德州界。宋置分界寨於此。○義山。在縣東八十里。東臨太湖。西抵縣南六十里之垂脚嶺。入長興縣界。又有啄木嶺。亦在縣南。○計山。在縣東北二十里。山之西峰曰金鵝山。勝覽。唐初嘗置鷄州於義興。蓋以山名。今正史不載。

函山

縣西北七十里。周三十里有奇。與溧陽縣接界。後漢建武中。封蔣澄為函鄉亭侯。今縣西六十五里有故函鄉亭。蓋以山名。餘詳見溧陽縣。○袖山。在縣西北九十里。洮湖上。與湖中大坏山對峙。巨石瞰湖。延袤三四里。志云。湖中有大小坏山。又有漸山。以山石漸漸而名也。湖西又有烈山。皆可與溧陽縣接界。○張公洞。在縣東南五十三里。亦曰張公山。高千仞。周五里。三面皆飛崖絕壁。惟北向一竇可入。最為奇勝。道書以為第五十八福地。

太湖

縣東北四十五里。道通吳郡吳興。最為捷徑。明初張士誠遣兵據宜興。太祖命徐達等攻之。曰。宜興城小而堅。未易猝拔。城東通太湖。張士誠餉道所繇。若斷其餉道。破之必矣。達奉命。宜興果下。既而命將東伐。亦自宜興取道太湖。攻其湖州。志云。湖自縣南越蘭山。抵蠶塘嶺。入長興界。北越竹山。抵百瀆口。分水墩。入武進縣界。今自縣東入湖之道曰馬汛。北趨黃土淦。東北趨竹山港。皆通太湖也。竹山在縣東北六十五里。湖濱小阜也。與夫椒山相對。黃土淦在縣北五十里。亦名白魚蕩。

洮湖。縣西北百里與漂陽金壇分界。一名長蕩湖。今詳見大川。又蕩湖在縣西北三十五里與武進縣中流分界。東接太湖。北通漕河。

運河。在城北西接荆溪。北抵蕩湖。又北達郡南之運河。宋淳熙間重浚。明洪武二十七年亦嘗浚治。又東蘆河在縣東十五里。東南流入太湖。宋咸平中重浚。○便民河在縣城西自縣西二十里泝滄東抵城下長三十里。成化中開。一名後袁河。

荆溪。在城南。其在城西者亦曰西溪。在城東者亦曰東溪。凡廣德、漂陽、金壇、并縣西諸山澗水俱流灌於西溪。乃貫城繞郭爲東溪。以下太湖。舊志荆溪上承百瀆。兼受數郡之水。是也。宋泰始二年吳喜逼義興。渡水攻其城。克之。今謂之東九里河。西九里河。

河流甚長。土人以九計里。因名。水利宜興爲溪者九。而荆溪爲諸水之會。今自縣東分二流。其一北達常州爲漕河。深陽運船俱繇此出。其一東達太湖。謂之東瀉溪。本名東舍。譌曰瀉。一名蒙溪。春時兩岸多藤花。照映水中。因名蒙畫溪。又名五雲溪。志云東舍溪在縣東南三十六里。荆溪下流也。祝氏云。漢志注中江出蕪湖西南。東至陽樊入海。卽荆溪矣。蓋溪上承諸川委流。下注蕪澤。達松江以入海。江以南大川也。又有荆溪自縣南入長興縣。下流合於苕溪。或以爲發源荆南山。合衆流而南出。○泝溪在縣東南五里。源出君山。北入荆溪。又竹溪在縣東南三十六里。源出垂脚嶺。東北入太湖。

章溪。縣西南七十里。源出章山。流經國山故城西。又北入於荆溪。又塞溪在縣西北七十里。源出洮湖。經縣西三十五里之洋滄。又東入於荆溪。○白雲徑在縣西三十六里。爾雅直波爲徑。東經縣西二十六里之泝滄。合於荆溪。志云。白雲徑南北長三十餘里。又有孟徑在縣西北四十五里。刺史孟簡所浚。以殺蕩湖波濤之勢。南入塞溪。因名。又有章浦在縣西二十五里。舊有亭。晉周札封章浦亭侯。卽此處云。

百瀆。志云。在縣西南七十五里者爲上瀆。縣北六十里爲下瀆。昔以荆溪居數郡下流。於太湖口疏百瀆。以分其勢。又開橫塘。袤四十里。以貫之。導荆溪下。太湖瀕湖。賦皆通焉。後漸廢。宋治平中。樓閱知宜興所濬者。四十二瀆而已。勝覽云。橫塘直南北以

經之百瀆列東西以緯之。單鏗嘗言。自蕪湖。溧陽。五堰。達吳江。猶人一身。五堰爲首。荆溪爲咽。百瀆爲心。震澤爲腹。是也。隆興二年。常州守臣劉唐稽言。宜興之水。藉百瀆以疏洩。近歲限於吳江石塘。流行不快。而百瀆亦至堙塞。存者無幾。宜仍舊開通。爲公私之便。不果。今自縣北至縣東南。以瀆名者。凡數十處。皆源流斷續。宏治中。嘗開濬三十餘瀆。正德中。亦嘗開濬。尋復堙塞。說者謂東壩築而荆溪之流殺。荆溪殺而百瀆中絕矣。

夾苧干瀆

在縣西北。昔時洩長蕩湖之水。東入滬湖。蘇滬湖入大吳瀆。塘口瀆。白魚灣。高梅瀆。及白鷄溪。而北入常州運河。又蘇運河分流入一十四瀆。注於大江。今名存實湮。宏治中。水利僉事伍性。議開夾苧干通流。以殺荆溪上流諸水。則震澤

必無漲溢之患。而三州

民田必甚利。議不果行。

張渚鎮

縣西南九十里。元設茶園提領所二處。以掌茶稅。明初改設批驗茶引所於此。尋廢。洪武三十五年復設。今商旅駢集於此。有張渚巡司戍守。○湖漫鎮。在縣東南四十五里。有巡司洪武三年建。又有下邳巡司。在縣東北四十里。亦洪武三年建。湖

濱津要

處也。

趙莊

縣南三十里。與縣東南三十里蜀山相對。又邊莊在縣南四十五里。又五里有省莊。志云。南唐時封疆止此。營屯戍守。與吳越爲交境之備。○計亭。在縣北二十里。輿程記作計亭。悞也。今有計亭橋。自亭而北三十里。地名浪打川。又北爲新瀆橋。自縣趨

府城之

通道也。

長橋

在縣治南。跨荆溪上。志云。橋延袤五十步。高二丈七尺。廣過之。陸澄地抄。橋創自東漢袁府君。卽晉周處斬蛟處。宋泰始二年。吳喜自國山進逼義興。太守劉延熙。橋斷。長橋保郡自守。卽此。宋景德以後。屢經修葺。元豐中改名荆溪橋。自元至今。凡再

葦治
云。

江陰縣。

府東北九十里。東至蘇州府常熟縣百二十里。東南至蘇州府百八十里。北至靖江縣三十里。西北至揚州府泰興縣百十里。漢毘陵縣地。晉太康二年析置暨陽縣。屬毘陵郡。宋齊屬晉陵郡。梁敬帝時始置江陰縣。兼置江陰郡。治焉。隋初郡廢。縣屬常州。唐武德三年置暨州。九年州廢。縣仍屬常州。南唐昇元中置江陰縣。領江陰縣。宋熙寧初軍廢。紹興初復建爲軍。尋廢。三十一年復置江陰軍。元爲江陰路。尋降爲州。屬常州路。尋直隸行省。至正中陷於張士誠。既而明師克之。改曰連洋州。既復爲江陰州。洪武初改州爲縣。今城周九里。編戶四百里。

暨陽廢縣。

縣東四十里。晉太康初所置縣也。寰宇記云。本名莫城。漢莫寵所築。以捍海寇。晉置暨陽縣於此。隋省。唐武德三年復置暨陽縣。屬暨州。九年仍省入江陰縣。又江陰故城在今縣治東北。祥符圖經。城周十三里。北瀕大江。楊吳天祐十年所築。內爲子城。宋慶元五年重修。元初毀。至正十二年盜起。城邑殘破。十四年爲張士誠將黃傳所據。又三年明師克之初築土城。龍鳳十二年毀。以磚石。周九里有奇。嘉靖中復增築。今城墉屹然。爲江干鎖鑰。

利城廢縣。

縣西五十里。宋志。晉元帝初。割海虞北境置利城縣。永和中移出京口。梁末。又析暨陽置利城縣。梁豐二縣。屬江陰郡。陳因之。隋廢。唐復置。屬暨州。尋與州俱廢。今有利城鎮。又梁豐廢縣在縣西南。亦梁置。隋廢。

暨浦城。

縣西十八里。志云。陳至德初。江陰郡守倪啓徙江陰縣治暨浦。築此城。亦曰夏城。又縣東三十里有陶城。其相近者又有閘城。郭城。相傳皆南唐屯戍處。又有東西二舞城。在縣東七十里。今日東順鄉。西順鄉。

君山。

城北一里。縣之主山也。突起平野。俯臨大江。一名瞰江山。宋南渡後。置營寨於山麓。有事時。此爲戰守要地。又北四里曰黃山。與君山皆以春申君名也。峯如蒲帽。上有石室。爲楊吳時烽火之所。山之西曰馬鞍山。北曰鷓鴣山。其形尖斜如鷓鴣。俗名鷓鴣山。

眉嘴凸出大江，稱爲險要。又浮山在縣東北大江中，西臨石釘，一名巫山，爲江濤門戶，所謂巫門之隘也。志云：縣北七里有大石山，山絕頂有石高數十丈，俯瞰江水，其相接者曰小石山，俗呼爲大石灣、小石灣。又東北五里曰蕭山，亦曰小山，皆濱江形勝云。

○彭公山在縣東北六十里，俗傳漢彭越收江南，嘗營於此山之東，因名。

香山

縣東二十里，相傳春秋時吳王嘗遣美人採香於此。上有採香徑，近大江。十國紀年：梁貞明五年，吳越攻常州，徐溫率兵拒之。陳璋以舟師下海門，出其後，張可察以江陰兵從，陳璋敗吳越兵於香灣，即此地也。又砂山在縣東四十五里，相傳初本平地。

晉宋間，江水泛漲，湧沙石成山，梁貞明五年，吳越侵淮南，戰於沙山，爲淮南所敗，即此。

秦望山

縣西南二十七里，本名義耳山，秦始皇嘗登此四望，因名。明初遣兵取江陰，張士誠據守於此，以拒王師，諸將乘風雨奪其山，進薄城西，遂克之。今自縣之郡，此爲通道。又青山在縣西南十里，秀銳孤立，上有干將冶鑪九所，宋齊邱撰徐溫祠堂碑云：江陰之役，遇賊兵於覆釜之上，蓋即青山云。○顯山

在縣東南七十里，輿常熟，無錫分界處也，亦曰香山。

大江

城北一里，縣境倚江爲險，自昔爲控守重地。劉宋元嘉二十七年，魏主濂南犯至瓜步，建康震懼，陳經列營，連亘江濱，自采石至暨陽六七百里。五代時，吳越淮南往往角逐於此。宋南渡後，江陰之防尤重。建炎三年，劉光世、韓世忠皆軍江陰，以禦金人。海道之師，紹興四年，命濱江諸州軍皆增設水軍。隆興二年，又以江陰、通泰、海道，且江面闊遠，命范榮專一捍禦江陰，至通州之料角一帶，乾道八年，知江陰軍向子豐言：江陰軍臨大江下流，北與通泰相對，東連海道，西接鎮江，最爲控扼。今軍備廢弛，望仍舊分兵屯駐。元延祐中，兩淮運使宋文瓚言：江陰，通泰、江海門戶，而鎮江、真州次之，是也。明初，以江陰爲江津要衝，命將克江陰，使吳良守之。張士誠遂不能越江，而有江北，亦不能泝江，以窺金陵。江防攷縣境大江，上自武進界桃花港，下至常熟縣之界涇。

凡百里。中間港浦二十有四。皆可登涉。其哨守之處爲青草沙。自是而西北有蒲沙。又西爲唐沙。青草沙東南通福山港。蒲沙東北通狼山。乃天設之險。江陰之外戶也。三沙之中。巫山門在焉。亦曰巫子門。明初張士誠以舟師出馬歇沙。沂流侵江陰。太祖親帥兵自鎮江東討。追敗之於巫子門。是也。

運河。在城南。北引大江。蘇黃田港貫城而南。至縣南十里。經蔡涇關。亦曰南關。又曰下關。又南十七里。歷月城。橋又十里。至青陽鎮。又南三十五里。達五瀉河。出高橋合。無錫運河。宋皇祐中疏濬。明永樂十一年復濬。

橫河。在城東。亦引黃田港貫城而東。達縣東六十四里之谷濱港。宋天禧中。知軍崔立濬治。明洪武二十八年重濬。志云。谷濱港東一里曰令節港。西一里曰范港。俱北引江水。南合谷濱港。又南爲三河口。分二流。一接無錫新河。一入於長河。今有范港巡司。

在縣東六十里。又東即常熟縣界。至縣治凡三十六里。○長河。在縣東南十里。自運河分流。經縣東南十五里。蘇里山。曰蘇里涇。又東南亦注於無錫縣之新河。

申浦。縣西三十里。一名申港。相傳春申君所開。導江南流。置田爲上下屯。又南經武進縣界。分爲二。東入無錫五瀉河。西入武進三山港。俱達於運河。唐興元初。韓滉鎮潤州。造樓船。蘇海門大阻。至申浦而還。宋隆興二年。議開申利二港。上通運河。乾道二年。

漕臣姜詵等請造蔡涇關。及開申港。上流橫石。次濬利港。以洩水勢。志云。宋設申港寨。又設巡司。於此。元因之。明初廢。洪武二十四年。亦嘗濬治。宏治六年。復濬。又利港在縣西五十里。導江水南行。入武進界。下流亦達於運河。洪武二十一年開濬。宏治六年。工部侍郎徐質治三吳水利。發民濬申利二港。及桃花水。以疏積水。三港中利港爲役最巨。正德六年。又嘗濬治。自利港而西十五里。即武進縣之桃花港也。志云。桃花港自大江分流而南。合縣西六十里之立埭河。而入武進縣界。

黃田港。縣北二里。相傳春申君所開。導江水溉田。因名。邑人於江口置牐。號上關。於縣西南十里蔡涇口置牐。曰下關。舊有支港數十處。今多爲潮沙所壅。其南接於運河。江防故。黃田港切近縣治。最爲要害。宋置營軍戍守。縣西南十里曰蔡涇。西接夏港。

東通黃田有蔡涇開。又東絕運河而接於橫河。明天順間。武進奔牛。呂城。壩開。頽壞。運道淺淤。議改從孟潭。蔡涇出江。漕舟多遭覆溺。乃復治故道。

夏港

縣西十里。北通大江。東南行出蔡涇開。與黃田開合流入運河。其支流爲崇溝河。在縣西南十五里。一名北山塘。南合武進縣之三山港。江防攷。縣境通潮諸港。黃田。夏港。最爲津要。宋置夏港寨。自港口而西九十里。卽武進之孟河口也。明初置利港巡

司於利港。東天順初移於夏港口。仍曰利港巡司。志云。司在今縣西二十里。

○新溝港。在縣西二十里。亦自大江而南。合武進之三山港。正德七年重浚。

石頭港

縣東三十里。北通大江。南入橫河。有石頭港巡司。宋淳熙中。知常州章冲言。州東北澡港。利港。黃田港。夏港。五斗港。江陰東之趙港。白沙港。石頭港。陳港。蔡港。范港。令節港。皆古人開導。以爲灌漑之利。今所在湮塞。宜隨宜濬導。志云。白沙港在縣東

十里。雷溝港在縣東三十五里。又東二里曰陳港。又東十一里曰蔡港。俱北達大江。南達橫河。宋濱江置戍處也。○石牌港。在縣東二十里。亦自大江通橫河。志云。縣東十八里有真山。一名甌山。有大石橫亘江流中。因名石棧山。又曰棧梁山。亦名石牌山。港

因以名也。宋置石牌巡司。元因之。明初張士

誠遣兵襲江陰。明師敗之於石牌港。卽此。

楊舍鎮

縣東五十五里。舊有楊家港。宋乾道六年。命兩浙運副劉敏士等。於楊家港東開河置厓。通行鹽船。仍撥官兵守衛。并不時挑濬。自是商旅聚集。謂之楊舍鎮。爲沿江衝要。嘉靖中。以倭亂。置堡設營。以參將領之。與常熟之福山。通州之狼山。相爲應

援。江中有積家沙。北與狼山密邇。亦分兵戍守。自是而東。江流浩瀚。直接大海。捍禦爲難。西上則至孟河一帶。江面頗狹。又多陰沙。大艱難於轉紆。故防衛以楊舍爲切。

青鳴鎮

縣南四十里。運河所經。又南四里曰四河口。自運河分支。東通常熟。西達武進。其南北卽運河經流。舊志。縣濱江爲險。而青鳴。賀。腹裏之衝要。○長涇鎮。在縣東七十里。居民稠密。與無錫縣分界。縣此出常熟。亦爲通道。

六射塚

縣北四里。相傳爲秦始皇射塚。宋置寨於此。以控扼江濱。縣西十八里有弩臺。蓋亦當時守禦處。又有小石山寨。在小石山下。亦宋置。○石橋寨。在縣東四十里。十國紀年。宋伐南唐。吳越亦取其江陰。弩臺軍石橋寨。其地有石橋。今爲石

橋市。志云石橋東有故弩臺。又縣東南四十里有安邊寨。俱南唐所置。今廢。明教寺即故安邊寨也。

靖江縣

府東北百十里。東至海口六十里。北至揚州府泰興縣界二十五里。東北至泰州如皋縣界三十里。本江陰縣之馬馱沙。元末張士誠將朱定。徐泰常據此築土城。周七里。有奇。尋爲明師所克。明初仍屬江陰縣。成化七年置。今縣十三年。因故城修築。正

德初復增修完固。今編戶五十七里。

孤山

縣東北三十五里。舊在大江中。去岸五六里。距山百步有石碇。亦在水。中與江陰浮山相對。成化八年。潮沙壅積。轉而成田。今山在平陸矣。

大江

在縣東南。志云。縣本江中一洲。曰馬馱沙。中分爲二。曰馬馱東沙。馬馱西沙。江環四面。自縣西至孟濱百餘里。又西至金陵四百里。大江滔滔而下。至此分爲二。以入海。縣居江海之交。中流屹立。實京口金陵之鎖鑰也。天啓以來。潮沙壅積。縣北大江。竟爲平陸。因開界河。與泰興綠河爲境。江防攷。縣橫亘江津。東枕孤山。西引黃山。地方二百餘里。漢港浩繁。若結水砦。屯重兵。與江陰泰興相犄角。使窺伺者不敢軼出其間。亦綢繆未雨之策。

展蘇港

縣西二里。又縣西十五里有南新港。有新港巡司。志云。元初設馬馱沙巡司。明初改建於馬馱西沙。後爲潮沙衝圯。永樂四年移於新港。云。又有大新港。在縣西南十五里。○瀾港。在縣西通城河。又縣西北十里有楊鐵港。又西北三四里有范家。徐家等港。縣西北五里曰蔡家港。明初張士誠遣兵援泰州。舟師次范蔡港。疑卽此二港。云。今廢。

孤山港

縣東北十二里。以近孤山而名。又縣西南十二里有焦山港。其西里許曰楊機港。又西南二里曰西楊機港。舊志縣濱江諸港。凡六十有四。今西北一帶多為潮沙所埋。而東南一帶亦決塞不時云。○藍旗港在縣東十五里。正德二年議建東沙巡

司於此。

開沙村

在縣東南十五里有開沙港。又縣東有麴條沙。縣西有西官沙。西南有新沙。帶四曰小沙。其在境內者。又有青草。朱家。段頭等沙。皆以漸壅積。民田其間。聚為村落。

于塘村

在縣西北三十里。舊為晉陵縣地。元置于塘巡司。明初以司在江北新河口。因改屬泰興縣。今為兩縣接壤處。

鎮江府

東南至常州府百八十里。西南至寧國府四百五十里。西至江寧府二百里。北渡江至揚州府五十里。自府治至江寧府見上。至京師二千三百里。

禹貢揚州之域。春秋時吳地。後屬越。戰國屬楚。秦為會稽郡地。漢因之。後漢屬吳郡。三國吳曰京口鎮。

漢建安十三年。孫權自吳徙治丹徒。號曰京城。十六年遷建業。復於此置京督為重鎮。南齊志。吳置幽州牧。屯兵於此。爾雅曰。邱絕高曰京。蓋丹徒城。懸山臨江。故有京口之名。晉初屬毘陵郡。永嘉五年。為晉陵

郡治。詳見常州府。繼又僑置徐兗二州。謂之北府。按晉志。郗鑒為徐兗二州刺史。成帝時。蘇峻平後。自廣陵還鎮京口。又穆帝

置於京口也。又六朝都建康。每謂姑孰為南州。歷陽為西府。而京口則謂之北府。宋為南徐州治。宋永初二年。加徐州曰南徐州。元嘉八年。分江北為

南兗州。而南齊州獨治京口。並置南東海郡。齊梁因之。隋志南東海郡梁改爲關陵郡陳復曰東海。以至於陳。京口常爲重鎮。隋

平陳。州郡俱廢。爲延陵縣。開皇十五年置潤州。以州東潤浦爲名。大業初州廢。屬江都郡。唐武德二年復曰潤

州。天寶初曰丹陽郡。乾元初復故。志云時置丹陽軍於此。建中初置鎮海節度於此。南唐亦爲重鎮。唐乾寧中錢鏐移鎮海節度於杭州而潤

州爲淮南所有。旣而淮南復置鎮海軍於此。領潤昇常宣歙池六州。南唐亦爲鎮海軍治。宋仍曰潤州。開寶八年改軍名曰鎮江。政和三年升鎮江府。以徽宗潛邸也。

元曰鎮江路。明初曰江淮府。尋曰鎮江府。直隸京師。領縣三。今仍曰鎮江府。

府內控江湖。北拒淮泗。山川形勝。自昔用武處也。杜佑曰。京口因山爲壘。緣江爲境。建業之有京口。猶

洛陽之有孟津。自孫吳以來。東南有事。必以京口爲襟要。京口之防或疎。建業之危立至。六朝時以京

口爲臺城門戶。孔坦以郗鑒自京口援京城。曰。本不須召郗公。使東門無限。士僧辨謂陳霸先曰。委公北門是也。鎖鑰不可不重也。晉咸和初。郗鑒鎮徐州。蘇峻

之亂。鑒據要害。立營壘。以遏賊東下之鋒。賊勢遂阻。元興末。桓元作亂。劉裕進兵京口。晉室復定。及裕

代晉。以京口要地。去建康密邇。非宗室近親。不使居之。蓋肘腋攸關。隋之亡陳。京口實爲兵鋒也。唐之

中葉以鎮海爲重鎮。浙西安危。係於潤州。宋南渡以後。常駐重軍於此。以控江口。樂史

宋人據坐知天下
記。及太平寰宇記。

曰。京口西距漢沔。東連海嶠。爲三吳襟帶之邦。百越舟車之會。劉寧止曰。京口控扼大江。是爲浙西門戶。陳亮曰。京口連岡三面。大江橫陳於前。江旁極目千里。勢如虎之出穴。昔人謂京口酒可飲。兵可用。而北府之兵。爲天下雄。蓋地勢然也。采石之與京口。股肱建業。實有據險臨前之勢。而非止於斬斬自守者。說者曰。京口憑江爲險。然而陵谷之變。今昔不同。曹丕不見江流洶湧。以爲天限南北。陳孔範亦曰。長江天塹。寇豈能飛渡。蓋以江流爲可恃也。然攷晉建興末。祖逖自京口渡江。中流擊楫矣。義熙六年。劉裕滅南燕。會盧循襲建康。裕卷甲南還。自廣陵濟江。出京口。梁承聖二年。陳霸先自丹徒濟江。圍齊廣陵。隋開皇九年。賀若弼自廣陵濟江。拔京口。唐武德三年。李子通亦自廣陵濟江。取京口。以盛沈法興。自是以後。南北渡者。皆以京口爲通津。昔人謂采石渡江。江面比瓜洲爲狹。故繇采石濟者。常居十之七。夫自唐以來。沙洲日積。江面南北相距。僅七八里。唐初。江面闊四十里。其後沙壘爲瓜洲。開元中。江面闊二十里。宋時洲渚益廣。紹興中。江面猶闊十八里。明嘉靖以來。故昔日之采石比京口爲重。而今日之京口比采石爲切。消息之理也。江

江面僅闊七八里。又有談家洲橫列。其中南北渡口。晴明時一蓋可航也。

防攷京口西接石頭東至大海北距廣陵而金焦障其中流實天設之險。繇京口抵石頭凡二百里高岡逼岸宛如長城未易登犯。繇京口而東至孟瀆七十餘里或高峯橫亘或江泥沙淖或洲渚錯列所謂二十八港者皆淺澁短狹難以通行故江岸之防惟在京口而江中置防則鬪山爲最要云。

丹徒縣

附郭本吳之朱方邑漢置丹徒縣屬會稽郡後漢屬吳郡三國吳嘉禾三年改曰武進縣晉太康二年復曰丹徒爲毘陵郡治尋遷治毘陵縣永嘉末又爲晉陵郡治義熙中復還晉陵縣以丹徒屬南東海郡亦爲南徐州治宋齊梁陳皆因之隋廢州及

郡并廢縣入延陵縣尋又移延陵縣於此爲潤州治大業初州復廢唐武德三年移延陵縣還故治仍置丹徒縣潤州治焉今編戶二百七十里

京城

今府治春秋之朱方也左傳襄二十八年齊慶封奔吳吳句餘與之朱方昭四年楚靈王使屈申圍朱方克之後名谷陽秦曰丹徒相傳望氣者云其地有天子氣始皇使繡衣徒三千鑿京峴以敗其勢因名也漢爲丹徒縣治景帝三年吳王濞聚其軍

而與壯士數千亡走保於江南丹徒後漢建安十三年孫權徙鎮於此築京城周三百六十步於南面西面各開一門因京峴山爲名號曰京鎮尋移秣陵使孫何鎮焉晉太興初以晉陵郡及丹徒縣並治京口是也志云城因山爲壘俯臨江津故曰京口梁大同十年幸京口城隋開皇九年分道伐陳賀若弼自廣陵出京口尋置延陵鎮唐復曰丹徒城邑攷郡有子城周六百三十步卽三國吳所築內外皆甃以甃甃鐵鑿城晉郁鑿王恭鎮此皆更爲營繕南唐末刺史林仁肇復修之又有東西夾城共長十二里有奇相傳唐太和中觀察使王播所築又墜墮壞其外乾符中周寶爲潤帥更築羅城周二十餘里其東門曰青陽門光啓三年鎮海軍亂寶自青陽門出走常州是也其西門曰發雲南門曰通吳又東南曰朱方而南水門曰利涉宋元因之明初耿再成因故址修築有門四東朝陽南虎踞西金銀北定波又爲南北二水關城周二十六里有奇

北固山

在城北一里。府治後。下臨長江。自晉以來。郡治皆據其上。三面臨水。逼嶺斗絕。勢最險固。因名。蓋郡之圭山也。蔡謨起樓其上。以貯軍實。謝安復營葺之。宋元嘉二十七年。魏主蕭軍瓜步。聲言渡江。詔分軍備禦。於北固。蒜山。西津。諫壁。焦山。皆置軍。

以防突犯。梁書蕭正義傳。京城西有別嶺入江。高數十丈。號曰北固。蔡謨起樓其上。大同十年。武帝登望。久之。曰。此嶺下足須固守。然於京口實乃壯觀。于是改樓曰北顧樓。太清初。朱异曰。陛下昔登北顧亭。以望謂江右有反氣。骨肉為戎首。即此時也。及侯景之亂。其言果驗。唐上元初。劉展作亂。據廣陵。江淮都統李暉屯京口。颯北固。為兵場。插木以塞江口。尋為展所敗。今有甘露寺。據山上。三國吳甘露中所建也。

京峴山

城東五里。一名丹徒峴。相傳即秦時所鑿。以泄王氣。處京口。京鎮皆因以名。梁典。武帝望京峴。盤紆似龍。因攜二湖於山下。曰龍目湖。今溧唐建中末。鎮海節度韓滉。以汴洛多故。修塲壁。起建築。抵京峴。樓堞相屬。是也。或謂之荊峴。又云此為京山。

今府西南五里為峴山云。○黃鶴山。在府西南三里。一名戴公山。

銀山

在城西二里。江口舊名土山。以山形壁立。俗名鑿土山。宋避英宗諱。曰植土山。唐劉禹錫詩。土山京口峻。謂此。元皇慶二年。勅鎮江路建銀山寺。以與金山對峙。而名其別阜曰玉山。臨江甃立。上有龍王廟。宋建炎四年。韓世忠屯焦山。以遊兀朮歸路。兀朮遣人約日會戰。世忠謂諸將曰。是間形勢。無如金山對岸龍王廟者。寇必發此。觀我虛實。乃遣兵伏廟中。及岸側。遣人乘舟望之。戒曰。聞江中鼓聲而發。賊果至。擒其兩騎。俗本作金山龍王廟。候也。

蒜山

府西三里。江岸上。山多澤蒜。因名。或云吳周瑜與諸葛武侯謀拒曹操於此。因曰算山。晉隆安五年。孫恩浮海。奄至丹徒。樓船千艘。鼓噪登蒜山。劉裕率眾奔擊。大破之。恩狼狽還船。唐上元二年。田神功擊劉展於京口。遣別將先自白沙。濱江趨下蜀。神功自將軍瓜洲。將濟江。展將步騎萬餘。陳蒜山以拒之。為下蜀之師所敗。南唐徐知誥嘗遊蒜山。除地為廣場。大會僚屬。其下為漕渠所經。宋慶歷中。疏蒜山漕渠。達江。舊志云。山寬廣可容萬人。宋元間淪入於江。今西津渡口水中孤峯是也。白沙見儀真縣。

下蜀見
句容縣

金山

府西北七里大江中風濤環繞勢欲飛動一名浮玉山一名氏父山又名獲荷山相傳晉破苻堅獻俘山下因名亦名伏牛山唐志賈伏牛山銅器謂此亦名頭陀巖志云唐裴頭陀掛錫於此於水際獲金數鎰故又名金山或曰梁天監四年於金山修水陸會則金山蓋古名也唐上元中田神功自瓜洲渡江擊劉展舟至金山大風不得渡還軍瓜洲建中四年時朱泚作亂南方藩鎮皆據境自強揚州帥陳少游以甲士臨江大閱鎮海帥韓滉亦發舟師耀武於京江以應之又臨金山與少游會宋建炎中韓世忠邀兀朮於鎮江相持於黃天蕩世忠以海艦進泊金山下令工鍛鐵相連爲長槩貫以大鉤以授士之驍捷者敵舟至則分爲兩道出其背每槩一練則曳一敵舟沉之寇大窘紹興中金亮入寇至瓜洲處允文馳詣京口會諸將楊存中等臨江按試水軍命戰士躡車舡中流上下三周金山回轉如飛敵相顧駭愕郡志金山宋大中祥符五年改曰龍游山天禧中復故其頂曰金龜峯抄高峯有浮圖冠其上汪藻所云攬數州之秀於俯仰之間者也其巖洞泉石類多名勝里道記金山北岸爲瓜洲渡南岸直西津渡口俗所謂西馬頭也其西去蕪襄縣高資港不過四十餘里實爲中流之險

焦山

府東北九里江中與金山並時相去十五里以後漢處士焦光隱此而名或名譙山亦曰浮玉山劉宋元嘉中以魏人臨江督劉師勇等帥舟師次焦山碇江中流元阿朮登石公山望之曰可燒而走也遂前戰世傑敗走圍山今山巔盤礴處曰焦德嶺其旁巖洞參差奇勝不一山之餘峯東出有二島對峙江流中曰海門山亦名海門關又謂之雙峯山也里道記焦山南岸曰東馬頭以山爲扞蔽金焦北固世稱爲京口三山云○石公山在府東北八里瀕江與焦山對峙元阿朮登此以望宋軍處也

長山。府南二十五里。上有靈泉。其流與練湖通。漚田甚多。又五州山在府西三十里。相傳登山絕頂。望見五州。又西二十里曰曹山。建文末。燕王渡江。嘗駐於此。○高驪山在府西南七十里。隋志以爲境內之名山也。亦曰句驪山。

圖山。府東北六十里。濱大江。宋置圖山寨於此。建炎三年。金人治舟師。欲隸海道窺浙。遣韓世忠控守圖山。福山一帶。德祐初。張世傑敗績於焦山。退泊圖山。明嘉靖三年。圖山賊袁效等作亂。官軍討平之。江防攷。圖山屹立江濱。江中有順江。區橋諸沙。動巨

數里。爲之外護。舟行其間。僅通一路。矢石可及。况當江流自東而西。而北轉屈之間。層峯峭壁。俯瞰瀟波。若屯設重兵。水陸協守。賊必不敢越此而西也。江北岸適與周家橋相對。實京口之咽喉。留都之門戶。嘉靖三十二年。以倭寇充斥。議設圖山營把總一員。上自府西高資鎮。下至安港百五十里。皆其汛地。山西里許曰大港口。萬歷四年。建把總公署於此。爲控扼要地。

大江。府西北二里。即揚子江也。亦曰京江。自揚州府儀真縣高資港。至常州府孟濱口。凡二百五十餘里。北岸與揚州府對境。魏曹不出廣陵。臨大江。歎爲天限。南北晉祖。遂中流擊楫。誓清中原。皆此處也。雜說云。晉末盧循之亂。劉裕自廣陵濟江。至京口時。

風濤大作。舂舟移而風止。梁侯景之亂。邵陵王綸自鍾離還軍。濟江趨京口。中流風起。人馬溺者什一二。識者以爲成敗之徵也。今城西北三里曰西津渡。爲南北對渡口。古謂之西渚。劉宋元徽四年。建平王景素舉兵京口。朝命分遣張保。將水軍討之。保泊西渚。爲景素左右所敗。唐時亦曰蒜山渡。宋置西津寨於此。俗謂之西馬頭。卽江口也。亦曰京口港。類集云。江至金山。分爲三濫。濫一作零。又作冷陸游曰。金山西南面水中。有三石山。奇峭險拔。曰石排山。亦曰石牌山。山之北曰北濫江。爲中流最深處。元段廷珪云。江行到金山。急流處謂之撞障。或云金山盤渦旋激。號爲大輝。其險最甚。障與排通。蓋皆以石排山名也。沿江一帶。汊港支分。沙洲錯列。而金焦以至圖山。皆戰守所資矣。今詳大川及川瀆異同。

漕河。在城西二里。自江口至城南水門。凡九里。又南經丹陽縣。至呂城。堰百二十四里。相傳秦擊京。峴東南。以洩王氣。卽漕渠之始。或曰司馬遷言禹之治水。於吳則通渠三江。五湖則漕渠之來久矣。六朝都建康。凡三吳船避京江之險。自雲陽四城鑿運濱。

徑至郡下而故渠如故齊書志丹徒水道內通吳會是也隋平陳廢雲陽二渠大業六年勅穿江南河自京口至餘杭八百餘里廣十餘丈擬通龍舟以備東游即丹徒漕渠矣唐永泰二年轉運使劉晏奏引練湖水灌漕清河宋天聖以後屢經疏濬元符二年修造京口澳牐以利運政和六年勅鎮江府旁臨大江舟楫往來無港澳容泊故覆溺甚衆其西有舊河堙廢可及時濬治自乾道至嘉定復屢濬江口至城南一帶元至元大德及泰定間亦數經濬治明天順中復疏而廣之每遇淺澗輒以時開淘南徐志京口舊名須口舊有五閘曰京口曰腰閘曰下中上三閘皆通接潮汛榑節啓閉以通漕舟其後渠漸淺狹閘亦廢壞宋元以來數該修復今爲京口閘當漕渠之口距江一里唐時改閘爲堰宋復易堰爲閘其後屢廢屢置每潮長則開以通舟潮落則閉以蓄水閘外江灘橫直各二十丈可以藏舟東南百萬粟每歲取途於此漕渠攷漕河自丹陽新豐塘而西入丹徒界又西北五十里爲京口閘○夾岡河即漕渠之別名也在丹徒南者曰小夾岡河在丹徒北者曰大夾岡河蓋以道出山脊岡而名宋治平中修夾岡河道乾道六年復自丹陽凌至夾岡又海鮮河在城西北北通京江東南接漕渠宋嘉定八年郡守史彌堅所開今廢

安港

府東北八十里通大江有巡司戍守江防攷自安港而東北百里爲丹陽之包港皆防守處也又甘露港在北固山下宋嘉定中郡守史彌堅導流而西南入歸水澳以濟漕渠於港口置上下二閘又於上閘之西因陂澤故址爲秋月潭下閘之東則浚爲北固浦以便舟航橫泊明初敗張士誠將戴院判擒之還駐於秋月潭是也宋會要漕渠東有積水澳北有歸水澳元符中漕使曾孝蘊築以濟漕乾道中廢彌堅爲守復濬歸水澳東北接甘露港又西入於漕渠志云甘露港北通大江南通上河是也又有新港在京口甘露二港間永樂十年浚京口新港及甘露港安治中復濬新港及甘露港尋廢○丁卯港在府南三里晉元帝子襄鎮廣陵運船出京口水涸奏請立埭以丁卯日制可因名上有丁卯橋運道所經也

新豐湖

府東南三十五里亦曰新豐塘元和志晉大興四年晉陵內史張闓所立爲灌漑之利晉書闓立曲阿新豐塘溉田八百餘頃每歲豐稔是也

潤浦。

城東一里亦曰東浦。北通大江。隋以此名州。又茅浦在府東。隋大業中郡盜劉元進攻潤州。詔吐萬緒擊之。緒至楊子津。元進自茅浦將渡江。爲緒所敗。遂濟江。擊元進。元進解圍東走。○下鼻浦在府西十八里。北入江。輿地志。吳置刺。殺屯督鄒鑒。嘗築

兩壘於浦西。又南七里曰樂亭浦。吳志以爲瀋落也。王濬緣江圖。謂之濱浦亭。北江中有黃洲。魏主丕臨江試舟師。曾漂至此。隋開皇十年江南亂。郭衍屯京口。敗賊於貴洲。南是也。

談家洲。

府西北六里。江中近時新積沙洲也。橫列大江。爲京口扼東之地。江行記。大江東下。金山扼其中流。江水兩分。自山而東。中流稍緩。沙土漸積。遂成此洲。

徐陵亭。

在府西南。徐記京口先爲徐陵鎮。其地蓋丹徒縣西鄉京口里也。通釋。徐陵。丹徒京城其實一也。吳黃武元年呂範敗於潤浦。魏滅霸以輕船襲徐陵。全琮徐盛擊却之。劉氏曰。徐陵本亭名。華嚴封徐陵亭侯是也。吳以其臨江津。因置徐陵督守之。

蕭齊建元初以魏人入寇。沿江置戍。分置一軍於徐浦。卽徐陵矣。洞浦。今見和州。○回賓亭在府治東。梁大同十年幸京口。宴鄉里故老於此。

甘露鎮。

在城東北。以近北岡山甘露寺而名。胡三省曰。潤州城東角土山上有甘露寺。前對北岡山。後枕大江。唐寶曆中李德裕建寺。適有甘露降。因名。大順中孫儒寇陷潤州。置甘露鎮。蓋因此寺而名。丹徒志。北岡山之支麓稍轉而南。巖然隆起。謂之

土山。三國吳本置寺於此。李德裕觀察浙西。施州宅後地。增拓之。乾符中寺燬。未幾復建。宋祥符中始移於北岡山上。胡氏攷之未詳也。

丹徒鎮。

府東十五里。運道所經。商旅輻輳。有東西二港。皆通大江。達運河。亦曰丹徒港。舊有閘。蓄洩江水以濟運。自港口至焦山十五里。其東北有藤料沙。明初置丹徒巡司於鎮東港口。又置姜家嘴巡司。經藤料沙。自鎮而西。至高資港。巡司七十里。東至安港。巡司亦七十餘里。爲江防禦地。或曰鎮卽故丹徒縣。括地志。故丹徒在今縣東南十八里。南徐記。秦鑿丹徒峴之東南。在故縣西北六里。似漢晉時丹徒縣蓋治此也。今土人猶謂之丹徒舊縣。○大港鎮在府東五十里。以通大港口而名。輿圖山鄰近志。

云鎮西有大港渡。渡江而北爲揚州之苑林村。

新豐鎮

府東南四十五里。與新豐塘相近。胡氏曰。晉陵地界有新豐障。南朝山陵也。唐至德二載。淮南諸將討永王瑒於丹陽。軍於瓜步。楊子別將趙侃等濟江。至新豐。大敗瑒軍。輿程記。自丹陽縣西五里馬林塘。至新豐三十里。又西北三十里至丹徒鎮。爲運道所經。○諫壁鎮。在府東四十里。近大江。其地有零山。劉宋武帝裕之父興寧陵在焉。鎮北爲諫壁港。通大江。諫亦曰澗。宋開寶中南唐臣盧綬言。京口至澗壁。俱係衝要。宜立屯櫓。廣備禦是也。

高資鎮

府西五十里有高資港。濱大江。與儀真縣相接。又西爲句容縣界。置巡司戍守。○丁角鎮。在府西南七十里。其相近者曰炭渚。港通大江。亦戍守處也。一云炭渚。在府西四十里濱江。○萬歲樓。志云。在府城上西南隅。晉隆安中。王恭鎮南徐時所建。宋元徽四年。建平王景素舉兵京口。臺軍擊之。旣薄城下。衆軍相率奔退。惟景泰參軍左宣力戰於萬歲樓下。勢不能敵。而散。宋時呼爲月臺。又謂之月觀。紹興中嘗更新之。今故址尙存。

丹陽縣

府東南六十里。東南至常州府百里。西至江寧府句容縣九十里。本楚之雲陽邑。秦曰曲阿縣。漢因之。屬會稽郡。後漢屬吳郡。三國吳復曰雲陽縣。晉又改爲曲阿縣。屬毘陵郡。宋齊屬晉陵郡。梁屬蘭陵郡。隋屬江都郡。唐武德三年置雲州。五年改簡州。八年州廢。縣屬潤州。天寶初改曰丹陽縣。今城周十里。編戶一百六十里。

曲阿城

卽今縣治。古曰雲陽。秦始皇以其地有天子氣。鑿北岡以敗其勢。絀直道使阿曲。改曰曲阿縣。後漢興平元年。劉繇爲揚州刺史。治曲阿。爲孫策所敗。走丹徒。今縣治西南有故城址。曰劉繇城。相傳繇所築也。吳嘉禾三年。復改曰雲陽。亦烏八年吳王使校尉陳勳擊句容中道山。直至雲陽西城通會市。作邸閣。蓋鑿茅山之麓以通道也。晉咸和三年。郝嬰築曲阿壘於城西。以拒蘇峻之兵。齊建武中。會稽太守王敬則舉兵犯建康。前鋒奄至曲阿。詔左典盛等拒之。築壘於曲阿長岡。敬則急攻。不能拔。衆

濱。隋開皇九年伐陳。賀若弼拔京口。長驅趨建康。分兵斷曲阿之衝而入。蓋其地在武進。丹徒。句容。三縣間。分兵斷之。則三吳之兵不能入救。建康且恃其後也。大業九年。擊盜劉元進等攻丹徒。吐萬緒擊破之。進屯曲阿。唐天寶以後。始謂之丹陽。城色攷縣城舊周三里。自元以來頽廢。嘉靖三十四年。始築內城。周三里。有奇。明年。以倭寇焚掠城外。復築外城。接內城。跨漕河。延袤十餘里。於是合內外城爲一。四十一年。復移運道於城外云。

延陵城。

縣南三十里。本曲阿縣之延陵鄉。晉太康二年。分置延陵縣。屬毘陵郡。咸和四年。蘇峻平。其故將張健。帥舟師自延陵出。問道將入吳興。王允之等討敗之。宋仍爲延陵縣。屬晉陵郡。泰始二年。會稽諸郡兵。應晉安王子勛於尋陽。將至延陵。宋主遣

巴陵王休若禦之。休若軍於延陵。築壘固守。東軍敗散。隋廢丹徒縣。移延陵治焉。唐武德三年。復還故治。以縣屬茅州。七年。州廢。縣屬蔣州。九年。改屬潤州。唐熙寧五年。省縣爲延陵鎮。仍置延陵寨於此。屬丹陽縣。志云。鎮南有雲陽東西二城。相距七里。在運漕南岸。蓋孫吳時所置。或以爲春秋時吳楚分疆處。今丹陽。句容。分界於此。

呂城。

縣東南五十四里。與武進縣接界。相傳吳將呂蒙所築。城址尙存。宋開寶七年。吳越助宋攻江南。圍常州。拔其呂城。及江南平。以運道所經。置堰闌於此。淳化中廢。元祐四年。知潤州林希奏。復呂城堰。置上下兩。以時啓閉。元符初。知潤州王愈請復申啓閉之禁。又紹興二年。呂頤浩受命都統諸軍。開府鎮江。行至常州。前軍將趙廷壽叛於呂城鎮。犯金壇。頤浩懼。移疾不敢進。慶元五年。命鎮江府守臣重修呂城兩。畢再造一新。以固隄防。德祐初。爲元兵所陷。既而劉師勇復常州。使別將張彥守呂城。尋又爲元兵所破。師勇復攻拔之。明初仍置呂城。設官守之。以時啓閉。宏治中。開廢。嘉靖初復置。然舊制漸弛。運河每患淺阻。尋奏復之。未久輒廢。志云。呂城鎮東出奔牛十八里。其地不特爲運途津要。亦常潤間之屏蔽也。今有呂城驛。又置呂城巡司戍守此。於

經山

縣東北三十五里。一名金牛山。有金山洞。洞皆石壁。洞口僅容一人。其中甚廣。山北迫近江岸。賊繇此登犯。可以直薄縣城。宋置經山寨於此。為防遏之所。又繡綠山在縣東北三十六里。三山相連如繡綠。上有白鶴泉。志云。經山東北五里曰陳山。經山

之東七里曰沈山。皆岡巒相接。自此益引而東。

北數十里間。陵阜綿延。錯列江濱。宛如屏障。

九靈山

縣東北四十里。九峯相連。下有桃花澗。又東五里曰嘉山。中有龍湫。○隨駕山在縣東北五十里。相傳秦始皇嘗過此。今縣北十五里有秦馳道。亦以始皇名也。又獨山在縣東五十五里。其相近有岡山。又東即武進縣界。

夾岡

縣北二十五里。亦曰大夾岡。下臨運河。故運河亦曰夾岡河也。又北岡在縣北十八里。練湖上。相傳秦鑿雲陽北岡。即此。志云。縣自西而北而東。其以岡名者。凡數十許。晉人謂天設長堤。擁衛江流者也。

陵口

在縣東三十二里。齊梁諸陵。多在金牛山旁。齊高帝葬泰安陵。在今縣北二十五里。武帝葬景安陵。在縣東三十一里。明帝葬興安陵。在縣東十四里。又明帝父道生葬修安陵。正在金牛山下。梁武帝父蕭順之葬建陵。在縣東北二十五里。武帝葬修陵。

在縣東二十一里。簡文帝葬莊陵。在縣東二十七里。陸游曰。今自常州西北至呂城。又西北過陵口。見大石獸。偃仆道旁。已殘缺。蓋南朝陵墓也。齊明帝末。王敬則反。自會稽西上。至武進陵口。慟哭而過。蓋過齊武帝陵也。亦謂之武進陵口。蓋蕭氏武進東陵。

里人也。○吳陵。在縣西十五里。志云。孫堅葬此。亦曰高陵。又縣西十里有白鶴山。志以爲孫鍾葬於此。鍾堅父也。山前有岡曰支子岡。

大江

縣北五十里。自丹徒縣流入界。又東入武進縣界。志云。濱江諸港。凡數處。而最名者曰包港。北通大江。南達嘉山。宋置包港寨。於港口。今爲包港巡司。又東十里即孟濱河口也。○馬嘶港。在縣東北六十里。通大江。志云。洪武二十七年。信國公湯和敗羣

賊於此。歲久淤塞。隆慶二年

開濬。引江水灌田。大爲民利。

練湖。

在縣城北。一名練塘。輿地志。晉陳敏棟有江東。過馬林溪。以澱雲陽。號曲阿後湖。南徐記。湖周百二十里。納丹徒長山。高麗。諸山之水。凡七十一流。匯而爲湖。唐時。近湖民築堤橫截。十四里。開澗口洩水。取湖下地作田。遂分上下二湖。永泰二年。州刺史章損狀請重開下湖。謂練湖未被隔斷以前。每春夏雨水漲滿。側近百姓。得引澗田苗。官河乾淺。又得湖水灌注。官私往來。至爲便利。若霖雨泛溢。卽開澗洩水入江。自堤築以來。湖中地瘠無處貯水。橫堤壅礙。不得北流。秋夏雨多。卽向南奔注。丹陽延陵金壇等縣良田八九千頃。常被淹沒。稍遇亢陽。近湖田苗。無水灌溉。所利一百一十五頃田。損三縣百姓之地。望依舊漲水爲湖。官河旣得通流。邑人免憂旱潦。報可。李華曰。練湖幅頓四十里。章損增理故塘。緣而合之。廣湖爲八十里。亦名丹陽湖。大歷初。劉昫爲轉運使。分官吏主丹陽湖。禁民引澗。河漕不涸。南唐昇元中。亦浚治之。復作斗門。以通灌溉。宋紹聖中。重濬。又易置斗門。以便漕泄。大觀四年。臣僚言。有司以練湖賜茅山道觀。緣潤州田多高印。及運渠夾岡水淺。賴湖以濟。請別用天荒江漲沙田。賜之。仍令有司照舊修築。宣和五年。臣僚復言。練湖與晉陵新豐塘地相接。廣八百餘頃。溉四縣民田以一寸。益漕渠一尺。今堤岸損缺。乞以時修築。從之。紹興七年。轉運向子諱言。練湖堤岸廢壞。不能儲蓄。舟楫不通。公私甚病。一遇霖潦。則塗及丹陽。金壇。延陵一帶良田。今增置二斗門石閘。及修補隄防。盡復舊迹。庶爲永利。乾道七年。臣僚又言。練湖向來修築甚嚴。儲水濟運。爲利甚溥。兵變以後。堤岸圯缺。奸民侵占。遂致淤澱。望及時濬治。修固隄防。使民田漕渠均被其利。因命漕臣沈度。修築南北斗門。且嚴盜決。侵耕之禁。淳熙中。增置斗門閘函。以便蓄洩。淳祐二年。郡守何元壽復修湖開闢。闢於而深。其後上湖又爲民所侵。景定中。修築岸埤。以限之。元初。豪民於湖面高處。復圍裹爲田。至元三十一年。復濬爲湖。大德九年。又嘗開治。至治三年。鎮江路總管毛莊言。本路漕渠。每遇淺澁。全藉練湖之水。隨宜通放。以資灌溉。所謂湖水放一寸。河水增一尺也。近年以來。練湖漕渠。俱成淤塞。每有轉輸。必勞民力。相視漕渠。自江口至呂城百三十一里。切宜修濬。而練湖淤塞處。亦切須開挑。湖水不致乾淺。運河得以接濟矣。泰定初。濬漕渠。蘇江口程公壩抵浦河口百二十里。又濬湖。築堤治斗門及石礮石函。以蓄洩。啓閉。練湖復治。明建文末。重修埤闕。正統中。又修堤植柳。及修東掘斗門。景泰中。復修築。成化中。又築湖堤及修斗門函管。安治中。復修築。萬曆十三年。知府吳煥議。

建議練湖上受長山八十四汶之水。下通運河。周四十餘里。分上下二湖。界以中埂。見有石閘三座。蓋引上湖之水以漸遠之下。湖更有石閘三座。石礎一座。則引下湖之水以漸遠之運河。又有函洞一十二處。則引上下湖之水以遠之田。函洞以時啓閉。則民間之旱澇無虞。閘座以時啓閉。則運河之蓄洩有備。宜立爲令式。委有司於春初修築湖堤。以防衝決。嚴禁禁豪佔占。并經理啓閉事宜。當事爲之奏請。允行。其後亦屢經修濬。俗謂之曰開家湖。潘季馴曰。練湖本無泉源。夏秋霖雨。注瀆成湖。一遇亢旱。漕乾湖亦乾矣。且湖水入漕。勢皆東趨。於漕渠似無益也。贊論曰。自唐以來。皆議引練湖濟運。宋元時言治水者。又皆云練湖自長山合八十四流而爲辰溪。自辰溪瀦而爲湖。又別爲重湖。環湖爲堤四十里。此亦巨浸也。而潘氏乃云湖無泉源。又謂無益於漕。夫漕乾湖亦乾。豈非淤塞之故歟。湖入漕而東趨。此呂城奔牛所以置閘之意歟。潘氏之說過矣。○萬頃洋在縣南四十五里。舊志云。溉田甚溥。

運河。

在城南。自常州府西至呂城鎮。入縣界。又西經城東。嘉靖中作內城於漕河西岸。尋作外城。跨漕河。接內城。漕河遂夾城中而西北出。嘉靖末始鑿城西北引流。達西門城濠。經南門。合簡濱出東門橋。復入運河。蓋引江湖襟帶城郭。且徒運道於城外。公私往返。無城門之阻。而城中可免意外之虞。謂之新開運河。萬歷十八年。益浚外濠。自南迤西亘八里。使漕舟更不必經縣城內。且移雲陽驛於城西。爲牽輓之便。時以爲利。又西北經練湖開大夾岡。達新豐鎮。而入丹徒縣界。志云。漕渠在丹徒界者四十五里。而在縣界者九十里。自京口關至呂城。勢若建瓴。宋人謂運河經呂城夾岡。形勢高聳。是也。昔時遇冬則閉。開蓄水以濟漕。不足則以湖水助之。凡啓閉後。先皆有程限。嘉靖以後。其制漸弛。今漕舟經縣界。每處淺遠云。

九曲河。

在縣北。南接漕渠。北達大江。委蛇七十餘里。亦謂之新河。河口有博望堰。開昔時縣此通湖。利漕且利灌溉。後河日淺。淤堰開亦廢。○再濱河。在縣東南七里。與漕渠相接。河口有七里橋。南流入金壇縣界。

破岡瀆。

在縣西南。輿地志。延陵縣西有東雲陽。西雲陽二瀆。相去七里。與句容縣接壤。吳赤烏中所鑿。自延陵以至江寧。上下各七。據梁以太子綱諱忌之。廢破岡瀆。別開上容瀆。在句容縣東南五里。爲二流。一東南流三十里。分十六埭。俱在延陵界內。一

西南流二十六里分五塊經句容縣皆會流入江寧之秦淮陳復埋上容修破岡
漚至隋平陳并廢蓋六朝都建康吳會轉輸皆自雲陽運至都下也詳見句容縣

簡濱

縣南五里志云唐置簡州以濱名也俗亦呼濱河明景泰六年嘗浚治東北接漕河南通延陵鎮一名香草河○丁義濱在縣南三十里自金壇白鶴溪分派導流而北凡三十五里激田數千頃後廢宋紹熙中復浚治之歲則大熟至今賴之又相濱在

今縣南六十里亦名直濱自白鶴溪北通武進奔牛關相傳宋相王存自臨安歸丹陽每縣徑道出此因名又縣東南五

十四里有呂濱港萬歷間重濬北引運河南通白鶴溪凡二十里沿河民田資以灌溉舟航徑達貨物流通爲一方利

吳塘

縣東七十里周四十里半入金壇縣界志云梁吳游所造縣南五里又有浦里塘相傳卽三國吳永安中吳郡都尉嚴密所作浦里塘也似說○白鶴溪在縣東南五十五里志云出縣南古荆城貫金壇縣北入毘陵境一名荆溪又辰溪在縣西北志云

丹徒境內高驪長山諸水引流爲盤溪宋避孝宗嫌名改曰辰溪匯八十四派之水而爲練湖其餘流南入金壇境又馬林

溪亦在縣西北志云在丹徒縣南三十里卽辰溪支流也今有馬林橋跨辰溪上長山八十四派之水皆縣此入於練湖

長岡埭

在縣西南卽破岡濱中七埭之一也齊明帝末王敬則自會稽舉兵西上過武進陵口曲阿令丘仲孚謂吏民曰賊乘勝雖銳而烏合易離今若收船艦鑿長岡埭瀉濱水以阻其路得留數日臺軍必至如此則大事濟矣敬則至濱水涸果頓兵不

得進齊主遣左與盛等築壘於曲阿長岡以拒之敬則旋敗死胡氏曰曲阿縣界有上下夾岡埭亦謂之上金斗門漕渠志自縣

而西北有大小夾岡皆鑿山通道雨過則泥沙壅塞蓋卽古之長岡埭夫敬則將自曲阿徑走建康豈自曲阿走丹徒乎邑志曲

阿長岡二壘在今縣北二十里石

潭村蓋皆悞以夾岡爲長岡也

白土鎮

縣西南五十里又四十里至句容縣陸道走金陵此爲中頓昔時兩縣分界於此今屬句容境內○琚村鎮在縣南四十里琚濱河西岸南接金壇縣界又有丁橋鎮在縣南六十里埭城鎮在縣東北五十里接武進縣界

慶亭。

縣東四十七里。即晉都鑿築壘處。寰宇記鑿築大業。曲阿慶亭三壘於此。悞也。元時嘗置慶亭墟。尋廢。今其地以武進縣接界。詳見武進縣志云。在延陵舊縣西三十里。後漢建安中孫策進擊劉繇於曲阿。繇使太史慈獨與一騎視視輕重。遇

策於神亭。直前

搏戰。即此處云。

金壇縣。

府南百三十里。東至常州府百里。東北至丹陽縣九十里。西北至江寧府句容縣百二十里。北至江寧府之金山鄉。隋末鄉人保聚於此。置金山縣。隋亡。沈法興改為琅邪縣。唐武德二年。李子通破走沈法興於縣。置茅州。八年。平輔公祜。縣并入延陵。垂拱

四年。復析置金壇縣。屬潤州。今

城周十里。編戶一百三十六里。

茅山。

縣西六十五里。與句容縣接界。山東及南屬縣境。北屬句容。有龍尾山。至大茅峯。蜿蜒而下。勢如龍尾。今詳見句容縣。

顧龍山。

在縣南五里。前望白龍蕩。因名。一名烏龍山。俗呼上山。明初太祖東征。嘗駐蹕於此。又大厓山。在縣南三十里。長蕩湖中。其並峙者曰小厓山。山北屬縣境。其西南屬溧陽。東北屬宜興也。

長蕩湖。

縣南三十里。與宜興深陽接界。即洮湖也。王康云。洮湖舊有八十一浦口。受荆城。延陵。丁角。薛步。四源之水。今所存惟二十。有七餘皆淤塞。荆城近白鶴港口。丁角近茅山。東北麓薛步在縣西五十里。當茅山東麓。蓋茅山諸溪澗多匯於長蕩湖矣。

今詳大川洮湖。○高湖。在縣北十里。周百

餘頃。北受五十瀆。南流十二里。入大溪。

白龍蕩。

縣南六里。舊名思湖。寬衍蓄水。以紓下田之澇。今為居民築埭。擅菱藕之利。稍東曰錢資蕩。其西南二里曰南洲瀆。南十四里曰古速瀆。引流入長蕩湖。○天荒蕩。在縣西北。其上流受長山。以南茅山。以東諸水。匯流為蕩。俗有十萬天荒九萬田之

語。居民築堤捍水。引流入於運河。謂之建昌圩。圩田近十萬畝。置閘以蓄洩之。爲民利甚溥。又滕湖蕩在縣西。其旁有紫陽。西陽二渠。蕩介其間。廣五百餘頃。民引爲灌溉。

大溪。縣西二里。東南流入於長蕩湖。王氏樵云。縣西有青蒲河。通崑崙河。入長陽湖。卽故大溪矣。又唐王溪在縣西南三十里。受茅山諸水。縣西三十五里。又有直溪。受茅山。丁角諸水。俱東南流入大溪。注於長蕩湖。

白鶴溪。在縣北上。承金陵句曲之水。東流入常州界。漕渠考。縣北有金壇河。溧陽。高淳之水。繇此河出。至丹陽城東七里橋。其水可以濟運。王氏曰。運河自白鶴溪引流而東。縣北八里有高湖。下口瀆。天荒蕩諸水。亦東流至此。會於運河。益引而東。接武進縣之溧湖。而東北達於漕河。此縣境運河正流也。

莞塘。縣東南三十里。志云。梁大同五年。南臺侍御史謝賀之壅水爲塘。種莞其中。因名。或曰卽南北謝塘也。唐會要。縣有南北二塘。武德中。潤州刺史謝元超因故塘復置。溉田千頃。寰宇記。南北二塘。梁普通中。謝德威造。隋唐謝元超重築。又單塘在縣東北二十里。志云。蕭齊時。單旻所築。○萬東陂在縣東三十里。祥符圖經。陂宜稻。頃收萬束。因名。又有蓮陂。在縣西八里。宋嘉定中廢。

珥村。縣北四十里。卽丹陽縣之珥村鎮也。北通丹陽縣東南之七里橋。東達武進縣奔牛鎮。爲往來間道。○湖溪村在縣南三十里。當長蕩湖口。明初置長蕩湖河泊所。又湖溪巡司亦置於此。

附見

鎮江衛。在府城內。
洪武初建。

讀史方輿紀要

卷二十六

江南八

廬州府。東至滁州二百六十里。東南至和州二百八十里。南至安慶府三百六十里。西南至湖廣黃州府八百里。西至河南光州六百里。西北至鳳陽府壽州百七十里。東北至鳳陽府二百七十里。自府治至江寧府五百十里。至京師二千六百里。

禹貢揚州之域。古廬子國也。春秋時舒國地。戰國時屬楚。秦屬九江郡。漢爲九江。廬江二郡地。後漢因之。三國魏爲重鎮。曹操表劉瓛爲揚州刺史。建州治于合肥。晉爲淮南。廬江二郡地。東晉僑置南汝陰郡。梁天監五年置豫州。

七年改爲南豫州。太清元年改爲合州。北齊兼置北陳郡。隋初郡廢。改曰廬州。大業初曰廬江郡。唐亦曰廬州。天寶初曰廬江郡。乾元初復故。楊吳置昭順軍。薛史。後唐長興二年。詔升廬州爲昭順軍。蓋遙領也。南唐曰保信軍。後周因之。

五代史。顯德五年置保信軍。於廬州。蓋因南唐舊名也。宋仍曰廬州。亦曰保信軍。建炎初。淮南西路安撫司治此。元初置淮西總管府。尋改廬州路。明初改廬州

府。直隸京師。領州二。縣六。今仍爲廬州府。

府為淮右噤喉。江南唇齒。自大江而北出。得合肥。則可以西問申蔡。北向徐壽。而爭勝於中原。中原得合肥。則扼江南之吭。而拊其背矣。三國時。吳人嘗力爭之。魏主叡曰。先帝東置合肥。南守襄陽。西固祁山。賊來輒破之。於三城之下者。地有所必爭也。蓋終吳之世。曾不能得淮南尺寸地。以合肥為魏守也。南北朝時。合肥常為重鎮。淮西有事。必爭合肥。隋欲圖陳。先以韓擒虎為廬州總管。其後出橫江。渡采石。金陵在掌中矣。唐初。廬州屢為盜賊所窺伺。隋大業十三年。賊帥李通德寇陷合肥。義寧初。賊帥張善安陷廬江。及乾符亂起。廬州實為戰守之衝。乾符三年。王僊芝陷廬州。龍紀初。又為孫儒所陷。楊行密創緒於此。遂克并有淮南。及南唐喪淮南。惟廬州最後下。周顯德五年。取淮南十州。

南唐以廬舒蘄黃四州獻於周。宋南渡以後。廬州尤為要地。往往拒守於此。為淮西根本。嘉熙之季。杜杲猶力守廬州。屢挫蒙古之兵。豈非形勝所在哉。明初創起江淮。亦克廬州而版圖日廓。郡居江淮襟要間。固不可以緩

圖也。

合肥縣。

附郭。漢縣屬九江郡。晉屬淮南郡。劉宋改為汝陰縣。南汝陰郡治焉。齋齊仍屬南汝陰郡。高齊亦曰汝陰縣。屬廬江郡。隋復曰合肥。為廬州治。今編戶五十五里。

合肥城。

在今府治東北。一名金斗城。志云。合肥分野。入斗度獨多也。今城門遺址尚存。亦曰金斗門。漢置縣于此。後漢建武中。封功臣。堅鑿為合肥侯。建康初。九江賊徐鳳等遣其黨黃茂寇合肥。建安四年。孫策取合肥。以顧雍為合肥長。五年。曹操表劉瓛

爲揚州刺史。時揚州獨有九江。蘄單馬造合肥。建州治。招流亡。廣屯田。興陂塘。又高爲城壘。修戰守備。十三年。孫權自將圍合肥。不克。十四年。曹操使張遼。李典。樂進屯合肥。二十年。孫權率衆十萬來攻。遂等以八百人大破之。二十四年。權復攻合肥。不克。魏太和四年。權又攻合肥。不能拔。六年。揚州都督滿寵表言。合肥城南臨江湖。北達壽春。賊來攻圍。得據水爲勢。官軍赴救。必先破賊大壘。圍乃得解。賊往甚易。兵救甚難。今城西北三十里有奇險。可依立城于此。可以固守。此爲引賊平地而倚其歸路。又賊未至而移城。却內。此所謂形而誘之。引賊遠水涉利而動也。從之。謂之新城。明年。孫權自出圍新城。以其遠水。積二十日。不敢下船而退。晉龍二年。孫權復自巢湖向合肥。新城卒無功。嘉平六年。吳諸葛恪圍新城。不能拔。志云。今雞鳴山下有新城故址。晉平吳。復還故治。大興二年。兗州刺史郝鑿爲後趙所逼。退屯合肥。建元二年。陷于後趙。永和六年。盧江太守袁眞乘趙亂。攻克之。隆和二年。桓溫帥舟師屯于此。宋泰始二年。殷琰據壽陽。遣其黨薛道標陷合肥。劉劭攻克之。齊永元二年。裴叔業以壽陽降魏。詔李叔獻屯合肥。魏人進攻合肥。擒叔獻。梁天監五年。章觀攻合肥。堰肥水灌城。魏人築東西二小城。夾合肥。觀攻破之。觀亦使軍主王愷靜築城。肥水岸以守。堰爲魏所拔。復築壘於堤。以自固。肥水益盛。城遂潰。于是自歷陽遷豫州。治合肥。普通七年。克壽陽。因改置豫州。而以合肥爲南豫州。太清元年。又改合州。三年。沒於東魏。陳大建五年。伐齊。吳明徹攻合肥。克之。十一年。又沒于後周。隋開皇三年。置廬州。治合肥。五年。于故新城立鎮。置倉謀伐陳也。大業十三年。爲賊帥李通德所陷。將軍來整擊走之。唐武德初。來歸。咸通三年。徐州賊龐勛遣兵陷合肥。乾符三年。又爲濮州賊王僊芝所陷。中和三年。淮南節度高駘以楊行密爲廬州刺史。龍紀初。又陷于蔡州。賊將孫儂景福元年。楊行密復取之。五代梁乾化四年。遣王景仁攻盧壽二州。吳使徐溫等出合肥禦却之。周顯德五年。南唐以合肥來歸。宋大觀四年。冀州賊孫琪轉寇淮南。犯廬州。紹興初。劉豫遣其黨王世充寇廬州。四年。金人圍廬州。岳飛使牛皋來援。金人敗走。六年。劉豫分道入寇。其子麟出中路。蘇壽春犯合肥。楊沂中等敗却之。七年。淮西將鄆瓌以廬州叛。降劉豫。十一年。金兀朮入廬州。楊沂中等敗之。遂復廬州。三十一年。金亮南寇。入廬州。未幾收復。開禧二年。金人圍廬州。不能陷。十年。復來侵。又敗却。端平二年。蒙古寇淮。西。遊騎自信陽趨合肥。詔淮東帥趙葵赴援。嘉熙二年。蒙古帥察罕圍廬州。欲引舟師自巢湖寇江左。淮西帥杜果敗却之。咸淳末。

夏貴以城降蒙古而宋事不可為矣。元至正十四年，爲尤君弼所據。二十三年，明師圍廬州，尋引去。明年復圍廬州，克之。城邑攷府城，相傳後漢建安中劉馥所築。唐貞元中，刺史路應求以古城皆土築，特加甃焉。宋乾道五年，淮西帥郭振築斗梁城，橫截舊城之半，跨金斗河北，而阻絕舊城于斗梁之外，自是相繼修葺。元初毀天下城郭，至正中兵起，州人倉卒爲木櫓以守，尋因故址修葺。明初克廬州，立江淮行省於此，命俞通海攝省事，因修城浚濠以爲固。後復頽壞，宏治十年復經營之，盡毀廢缺，爲陸門七水關。二正德七年，以畿輔賊劉七等掠淮上，窺郡境，議者以金斗河東西貫城，慮水關難守，乃閉水關，築壘以障之。說者曰：合肥舊稱險固，古語謂天生重慶，鐵打廬州，言其難犯也。明初攻廬州，三月不克，正德中賊劉七等經府境，不敢攻而去，此其驗矣。然因革不時，舊險漸失，或以爲今城卽宋郭振所築故址也。周七三里有奇。

梁縣城

府東北七十里，漢慎縣，本屬汝南郡。劉宋僑置于此，屬南汝陰郡。齊因之，東魏置平梁郡。陳曰梁郡。隋初郡廢，縣屬廬州。唐因之。宋紹興三十二年，避諱改曰梁縣。從舊郡名也。元仍舊，明初省入合肥縣。今爲梁縣鄉。○新城志云：在府西三十里，雞鳴山北。三國魏滿寵所謂奇險可倚者也。故址猶存。持地志：合肥新城，距今城二十里，或自爲界樓城。以在廬壽二州間也。隋嘗立鎮置食于此。宋乾道新城記：今城西北二十里有白渡港，魏築二壘于此，號曰合肥城。蓋卽新城云。胡氏曰：華彝對境，魏合肥新城，今爲廬州謝步鎮。

淩澗城

舊志：在梁縣西三十里，漢縣屬九江郡。後漢因之。曹操侵吳，嘗頓兵于此。修葺故城，俗亦謂之曹城。晉曰遠道縣，屬淮南郡。咸和初，石勒將石聰攻祖約于壽春，遂寇遠道。阜陵建康大震，後省僑置于江南。○滁陽城在廢梁縣東北四十里，涂水經此。因名。寰宇記：吳赤烏十三年，遣兵斷涂作堰，以淹北道。因築此城爲守禦之備。王氏亦曰：吳斷涂水作塘，于其上源築城也。或曰：城蓋魏所築，吳不能得合肥，豈得越境築城於此。蓋魏人築此城以備吳耳。又緒城在府西北唐光啓二年，壽州刺史張翽遣兵寇

廬州楊行密將田頴等敗之于
緒城是也緒城通鑑作楮城。

大蜀山

府西二十里爾雅釋云蜀者獨也山卓然孤立登其巔遠見二百餘里又西二十里曰小蜀山○雞鳴山在府西四十里肥水出于此上有龍井唐建中四年淄青帥李納叛斷淮西運道水陸運使杜佑請改疏潁水通漕因言廬壽間有水道而平岡互其中曰雞鳴山請疏其兩端以通舟中間登陸四十里而近則江湖黔嶺蜀漢之粟可方舟而下也議未及行

紫蓬山

府西南七十里一名李陵山以山有李陵廟也南畿志肥水出李陵山至合肥而始大山有遷達府西五十里之石佛山亦曰李陵山峽志云石佛山兩旁皆石中有路通人行元末設關守隘曰竹林關○大澗山在縣西百里有泉不涸其西爲龍鳳山口道通六安舒城

浮槎山

府東八十里一名浮槎山一名浮閣山郡境名山也俗傳山自海上浮來項有佳泉歐陽修謂張又新水記載龍池而槎浮槎所失甚多今龍池山在府西百二十里與六安州接界一名龍穴山○方山在府東六十里山頂四平南宋初居民嘗結寨保聚于此又有東山在府東九十里其山口路通巢縣

四頂山

府東南七十里俯瞰巢湖上有四峯特起亦名四鼎山唐羅隱詩一山分四頂三面瞰平湖蓋實錄也又有青陽山在巢湖西北西去府城六十里○姥山在府東南百里巢湖中界合肥巢廬江三邑間一名聖女山又有孤山亦在巢湖中一峯孤立因名志云山在府東百里

黃山

府東百二十里。接巢縣及和州含山縣界。山有三百六十峯。周回二百餘里。四時泉出不竭。俗呼爲龍泉山。亦曰金庭山。一名紫微山。唐天寶中改王喬山。相傳王喬嘗居此。俗又謬王爲黃也。山中巖洞幽勝。道書以爲第十八福地。志云。山有金庭洞。大可容三百餘人。又有紫微洞。出泉。冬夏不竭。居民引以灌溉。○小峴山。志云在縣東七十里。蓋黃山之支隴也。有山口曰餘峴。道出全椒。今山見和州含山縣。及名山峴山。

肥水

在府城東。源出雞鳴山。流入巢湖。中都志。肥水出紫蓬山。經合肥城下。其東有沿河之水入焉。自洗馬灣。黃連門來。二河異源。而下流相合。故曰合肥。邑志云。肥水舊經城北。分二流。一支東南入巢湖。一支西北注于淮。今肥水分流爲金斗河。自雞鳴山而東。引流至城西。復貫城而東出。正德中築壕障之。乃沿壕遙遷城南而東。與自城北而東南流之河合。又東南注于巢湖。蓋水流變徙。肥水源流非復故迹也。吳志嘉禾二年。吳主欲圍合肥新城。以遠水不敢進。魏將滿寵度其必當上岸糧兵。乃伏步騎于肥水隱處。以待之。吳兵果至。伏兵起。遂敗。却卽今肥水西岸也。餘詳見大川。

滁水

在府東北。志云。源出廢慎縣之龍潭。又入滁州全椒縣界。下流經六合縣入于大江。爲淮南之內隄。江北之重阻。詳見大川。涂水。

三汊河

府南九十里。會廬江。航埠水。舒城城下水。桃城水。亦曰三河。有三河鎮。梁天監中。韋叡攻合肥。堰肥水。築城于岸。以守堰。爲魏人所拔。乘勝至堰下。諸將懼。欲退保巢湖。或欲保三汊。叡不許。胡氏曰。保三汊以利于入船也。○店埠河。在府東四十里。源出城北六十里圓隴鎮。流經此。爲店埠鎮。又東流入巢湖。宋紹興十一年。楊沂中敗金人于店埠。乘勝復廬州。是也。

巢湖

府東五十里。亦曰焦河。亦曰灑湖。周四百餘里。占合肥。舒城。廬江。巢。四縣之境。汶港大小三百六十。納諸水而注之。江。爲淮西巨浸。後漢永平十一年。嘗出黃金。建安中。曹操數與孫氏爭衡于此。諸葛武侯所謂曹操四越巢湖不成者也。吳嘉禾三年。吳

主入居巢湖口。向合肥新城不克。宋昇明三年。北魏寇淮。肥。蕭道成遣劉懷珍屯巢湖界。梁天監五年。韋觀攻合肥。未拔。諸將欲
退還巢湖。陳大建十一年。樊毅等將水軍二萬。自東關入巢湖。欲向合肥。以拒宇文周之兵。元至正十五年。明太祖自和陽謀渡江。
患無舟楫。巢湖水寨軍帥魯通海等來迎。太祖
喜曰。吾事濟矣。遂自將趨巢湖。將其衆而還。

逍遙津

在今府治東。肥水支津也。後漢建安二十年。孫權攻合肥。不拔。徵軍還駐于津北。魏將張遼等襲擊。諸將悉力拒戰。權乘
駿馬。上津橋。橋南已徹丈餘。超度得免。今有飛騎橋。相傳卽權超度處。又藏舟浦在府城西北隅。魏張遼襲孫權。鑿此以藏
戰艦處。寰宇記。唐貞觀十年。刺史杜公。因舊浦作斗門。與肥水相接。浦際有金沙灘。○
洗馬灣在府北。志云。肥水自合肥而北。有洗馬灣。黃連門二河。合流而北。入壽州界。

廬鎮關

府西二百里地。入舒城縣境。置巡司戍守。仍轄於合肥。嘉靖二十四
年。改石梁鎮巡司。又竹林關在府西五十里。石佛山下。元置今廢。

石梁鎮

在府東百二十里。接巢縣界。有巡司戍守。其相近者曰順軍鎮。元未嘗設
站驛於此。又有梁店鎮。亦在府東百二十里。又府東四十里有擇城鎮。

清水鎮

府東北百里。宋開禧中以濠州陷。警移治此。又尤路鎮在府北百二十里。接壽州界。志云。府西九十里。又有
長城鎮。道出六安州。元設巡司于此。洪武九年廢。○桃花鎮在府南二十五里。府南三十里。又有青陽鎮。

派河驛

府南四十里。路出舒城。又護城驛在府東北八
十里。道出定遠縣。又金斗驛在府城東門外。

黃連埠

在府東北。近定遠縣界。宋紹興十一年。張俊等復廬州。方班師。行才數里。聞濠州圍急。遣諸將
楊沂中。劉錡等。還會於黃連埠。同往援濠。是也。○教習臺在府城東。曹操所築。今爲明教臺寺。

舒城縣

府西南百二十里西北至六安州百三十里南至安慶府桐城縣百二十里西至霍山縣百四十里古舒國漢置舒縣為廬江郡治後漢因之三國時廢為境上地晉仍置縣屬廬江郡宋因之齊仍為廬江郡治梁仍屬廬江郡後沒于東魏縣尋廢唐開

元二十二年分合肥廬江二縣地于故舒城置舒城縣屬廬州今城周五里有奇編戶四十二里

舒城

即今縣治春秋時舒庸舒鳩諸國地也左傳僖二年徐人取舒文十二年蹇舒畔楚楚使屈建滅舒鳩又詩云荆舒是懲即此舒矣秦為舒邑屬九江郡漢高帝五年以舒屠六文帝十六年分淮南為廬江國封淮南厲王子賜為廬江王都

舒元狩初復為郡後漢建武四年李憲稱帝於舒六年馬成拔舒獲李憲永康初黃巾攻舒廬江太守羊續破走之興平初袁術使孫策攻廬江建安四年孫策襲廬江取之時郡仍治舒也三國魏移郡治陽泉而虛其地正始四年吳諸葛恪屯皖欲圖壽春司馬懿將兵入舒以禦之晉仍置舒縣於此梁陳間廢唐復置即今治也縣本無城元末始築土城明代相繼修葺又陽石城志云在縣北三十五里亦曰羊石今與陽泉俱詳見霍邱縣○周瑜城在縣西十八里志云瑜從孫權舉義兵討董卓徙家于舒因築此城今為淨梵寺又亞夫城在縣東南十五里相傳周亞夫嘗領兵至此又東南二十里曰茆城相傳曹操嘗屯兵其地因築此城

六城

縣東南六十里寰宇記縣西南二十里有高陽城相傳高陽氏封其子於夔舒之間即皋陶庭堅也

頡夔城

縣西北三十里相傳漢高帝封兄子信為頡夔侯食邑于舒此城為信所築城冢記縣四十里有花家城一名竹市其相近者曰繆家城又西五里曰團箕城其相近者曰霍胡城又有桃城在縣北三十五里今為桃城鎮皆南北朝及南宋初戍守

之所○縣布城在縣東晉志孝武時於漢九

江王縣布城置南新蔡郡屬南豫州尋廢

春秋山

縣南三十五里。山多名勝。頂有洞。可容數千人。又鹿起山在縣東南三十里。志云。縣之鎮山也。○龍眠山在縣西南八十里。形若臥龍。括地志謂之龍舒山。晏殊類要謂之龍山。山陰為龍眠寨。中有泉。可容數千人屯駐。山之東南接安慶府桐城縣界。

雲霧山

縣南四十里。山高聳。雲出必雨。又七門山在縣西南三十五里。山濱大溪。下有石洞如門者七。即七門堰之上源也。志云。縣西南七十里有揚旗嶺。相傳寇亂時。土人結寨于此。寇至則揚旗聚眾以拒守。因名。

三角山

縣西南百二十里。峯有三角。高百餘里許。出泉清潤。相傳飲之能益人神智。一名多智山。寰宇記。多智山在懷寧縣西北三百里。高九百八十丈。自霍山縣西南入懷寧。太湖二縣界。西接蕪縣。又有小山連太湖縣境。迤邐百餘里。中有大峽。兩岸相去十里。水分兩道。一道西北入霍山縣界。一道東南入太湖縣界。近時土豪結三尖寨于此。為控拒處。志云。山亦霍山之支隴也。

巢湖

縣東百三十里。與合肥。廬江。巢縣分境。縣境諸水。皆匯流于此。

南溪

在縣城南。發源縣西五十里之孤井。東南流經七門堰。入于巢湖。或謂之歐溪。或謂之龍舒水。志云。孤井一名孤靜源。西山有井。曰風。曰雷。曰雨。水經七門三堰。旋繞而通于南溪。又桃溪在城東北三十里。發源于六安州之溧河。亦流入于巢湖。

上七里河

縣西九里。西山諸水皆匯流于此。經南溪而入巢湖。又下七里河在縣東南七里。上接南溪。下達巢湖。又有石塞河出縣四百二十里之陽山。亦東流入于南溪。

七門堰

在縣西南七門山下。三堰之源出焉。三堰者。一曰烏羊堰。在縣南十五里。一曰千功堰。在縣南二十里。一曰槽牘堰。在縣南二十五里。與七門堰共溉田二萬餘頃。俱漢初顏襲侯所築。後漢末劉馥經理之。為灌溉之利。今故跡並存。

北峽關。縣南四十五里。又南接桐城縣之北峽山。路出蕪黃。舊爲設縣之所。

陽山寨。在縣西百二十里。陽山上。接霍山縣界。又縣西七十里有龍河寨。縣南五十里有方山寨。俱宋設戍守處。又縣西有石索山。寨與龍眠山寨相近。山崖峭險。泉水融流。俱可容數千人。又橫山寨在縣西南。近時居人戍守處。與三尖寨俱近潛山縣界。

上陽鎮。縣東二十五里。又縣東五十里有航埠鎮。縣南七十里有烏沙鎮。皆爲商旅聚集之所。○牧馬市鎮在縣西三十里。又十五里有九井鎮。

三溝驛。縣東十五里。路出合肥。又縣南三十里有梅心驛。道出桐城。又縣西七十里有羅湖館。則走六安州之道也。

桐鄉。在縣西南。杜預曰。舒縣有桐鄉。即古桐國。又鵲亭。舊志云在縣治西北。春秋昭五年。楚伐吳。吳人敗諸鵲岸。杜預曰。即舒縣之鵲尾渚。亦曰鵲亭。

廬江縣。府南百八十里。東至無爲州百八十里。西北至舒城縣九十里。西南至安慶府桐城縣亦九十里。漢龍舒縣地。屬廬江郡。梁天監末。始置廬江縣。兼置涇州治焉。高齊州廢。隋仍曰廬江縣。屬廬州。唐因之。宋屬無爲州。元因之。明初改今屬。城周五里。編戶

十九里。

廬江城。即今縣治。蕭梁時始置縣于此。陳大建五年。吳明徹等伐齊。別將徐稷克廬江城。是也。自隋以後。皆爲縣治。通典云。漢廬江郡在廬江縣。誤也。胡氏云。文帝初。分淮南爲廬江國。在江南。班志。廬江郡則在江北。蓋兩漢廬江郡皆治舒。三國時。吳擊魏

廬江。滿龍曰。權舍船二百里。懸軍深入。恐其走不及耳。蓋是時廬江郡改治六孫氏亦置廬江郡。治皖。三國志。曹操使朱光爲廬江太守。屯皖。呂蒙攻克之。孫權即以蒙爲太守。魏正始中。文欽爲廬江太守。管漕六安。晉太康三年。以六安縣爲廬江郡。治是也。後并

江南廬江郡移治陽泉。劉宋移治潁。卽今霍山縣之潁潁城。齊建元二年復治舒。隋志：齊廬江郡置于廬江縣。與蕭子顯志不合。後魏郡治潁縣。隋開皇元年以韓擒虎爲廬州總管。鎮廬江。或曰廬江在合肥東五十里。梁置合州。因合肥而名。時徙州治廬江。故以廬名州。亦非也。廬江蓋因舊郡而名。卽合肥耳。宋高誨曰：漢廬江屬縣十二。若舒、居、巢、襄、安、皖等皆在邊江及江南一路。九江屬縣十五。若壽春、遠道、合肥、歷陽等皆在淮南一路。晉改九江爲淮南。而合肥仍屬淮南。東晉永和三年廬江太守袁真攻冉魏之合肥。克之。遷其百姓而還。時合肥未嘗爲廬江郡治。移郡治合肥。自隋始也。諸家之說多誤。因附辨于此。陽泉見壽州霍邱縣。

龍舒城。

縣西百二十里。漢縣屬廬江郡。後漢永平初封許昌爲龍舒侯。邑于此。晉仍曰龍舒縣。屬廬江郡。東晉末廢。城冢記。縣西南二十五里有大城。相傳曹操拒吳時築。又縣西北四十里有金牛城。在金牛山下。亦魏武駐兵處。今爲會龍馬廠。又慕容城。

在縣東二十里。蕭齊永元二年魏取淮南城。築此城戍。

守寰宇記。今縣南二里有故潁城。漢淮南縣治此云。

冶父山。縣東北二十里。相傳歐冶子鑄劍處。山比衆山獨尊。故曰父。峯巖峻峭。林鬱森密。盤互凡數十里。自麓至巔。幾五里餘。前有龍湫。水誓不竭。又有三百六十四子山。羅列其下。泉石環列爲縣境之名山。又百藥山在縣南十里。山產藥。志云縣之鎮山也。

金牛山。

縣西北四十里。巔有塔。吳赤烏二年造。下有金牛城。今爲金牛市鎮。縣西五十里。又有馬槽山。上有藥壘。相傳曹魏所築。又有飲馬池。○梅山在縣東南四十里。俗傳曹操率兵望梅止渴。卽此山云。又有礬山。在縣南四十里。產礬。其相近者曰大凹。

山。山四圍高而中下也。又天井山在縣東七十。山上有井。一名栢山。種小粟也。山多此樹。因名。

巢湖。縣東北八十里。志云：縣北四十里有會市河，源出馬槽山。縣東北三十里有清野河，源出冶父山，並流注於巢湖。

黃陂湖。縣東南十五里。周八里許。志云：縣西五十里有繡溪，出馬槽山，過縣城南門，穿昇僊橋，瀝爲黃陂湖。以上流水紋如繡而名。又有石槽河，出縣南礬山，沙溪河出縣南大凹山，瓦洋河出縣南五十里之秀山，黃泥河亦出秀山，並瀝入黃陂湖而注于

大江。○沙湖在縣東南十里，源亦出冶父山，注于黃陂湖。又有白湖在縣東北三十里。舊志云：湖周七十餘里，跨六鄉，與巢湖相連，下流入于大江。湖西岸有礬山下，敵白湖。

黃墩湖。縣東南七十里，源出黃墩山，通大河入江。墩亦作屯。元末，義師廖永安等，結黃墩水營于此。明太祖督其兵，攻敗元將蠻子海牙于馬腸河口是也。又作坊河，在城東二里，亦出冶父山。楊吳時作壩，聚水集材，因名。其下流亦注於黃陂湖。○西塘在

縣西三十五里，亦曰西官塘，溉田百餘頃。志云：縣境之塘凡六十有二，俱爲灌漑之利。

冷水關。縣西三十里，兩山夾道如門，相傳三國時曹魏設隘于此，今有巡司戍守。

附見

廬州衛。在府城內。洪武初置。

無爲州。府東南二百八十里，東至太平府百八十里，西南至安慶府桐城縣百七十里，東北至和州百五十里。

古巢國地。春秋時吳地。戰國屬楚。秦屬九江郡。漢屬廬江郡。後漢及晉因之。宋齊亦爲廬江郡地。隋屬廬州。唐及五代因之。宋淳化初置無爲軍。屬淮南西路。元曰無爲路。尋改無爲州。屬廬州路。明初仍曰無爲州。以州治無爲縣省入。編戶四十七里。領縣一。今因之。

州山川險阻。爲控扼要地。宋周氏曰。孫氏旣夾濡須而立塢。又堤東與以遏巢湖。又堰塗塘以塞北道。然總不過於合肥。巢湖之左右。遏魏人之東而已。魏不能過濡須一步。則建鄴可以奠枕。故孫氏之爲守易。唐氏曰。曹公以數十萬衆。再至居巢。逡巡而不能進。諸葛誕以步騎七萬失利而退。以濡須。東與之扼其吭也。說者曰。濡須口。三吳之要害也。江流至此。闊而多夾。闊則浪平。多夾則無風威。繇此渡江而趨繁昌。無七磯三山之險也。石臼湖。黃池之水。直通太湖。所限者東壩一坏土耳。東壩見前高淳縣。百人剖之。

不踰時也。陸則寧國縣及涇縣皆荒山小邑。方陣可前。一入廣德。自宜與窺蘇常。長興窺嘉湖。獨松關窺杭州。三五日內事耳。然則濡須有警。不特建鄴可虞。二吳亦未可處堂無患也。

無爲廢縣。今州治本漢襄安縣地。唐巢縣之城口鎮也。宋淳化初始置軍于此。熙寧中析巢。廬江二縣地。置無爲縣。爲軍治。宋白曰。軍本巢縣之無爲鎮。曹操攻吳築城于此。無功而還。因號無爲城。其城臨濡須水上。宋卽其地置軍。尋復置縣。元亦爲州。

治明初縣書今城
周九里有奇門六

襄安城

州南四十里漢置襄安縣治此屬廬江郡晉因之尋廢梁改置蕲縣隋初復改蕲縣爲襄安志云此爲漢襄安城舊置襄安鎮巡司於此今仍曰襄安鎮隋之襄安縣即今巢縣也又臨湖城在州西南七十里漢置縣屬廬江郡後漢及晉因之東晉末廢今爲臨湖鎮○開城廢縣在州西四十里舊唐書武德三年置巢州分襄安立開城扶陽二縣七年州廢并廢二縣入巢縣今爲開城鄉又置開城倉于此或云扶陽廢縣亦在州西北

偃月城

州東北五十里與巢縣接界即濡須塢也有東西二關其地峻險亦曰東關口亦曰東興堤爲吳魏相持之所詳見前重險東關○新附城在州南十五里三國吳諸葛恪築此以居新附者因名

銀瓶山

州西北五十里一峰突起狀如銀瓶最爲深秀又白馬衙山亦在州西北五十里相傳魏武牧馬之處其相近者曰曹家山亦魏武屯兵處因名○五畝尖山在州北五十里頂平五畝許堪種植又白石山在州西北四十里高崖白石有泉出焉又有龍湫雖旱不涸山蓋與和州含山縣接界

陽山

州西四十里相傳曹操嘗屯兵于此山之陽又湖避山在州西六十里一名孤鼻山宋紹興中郡人王之道保築其上羣寇不能破又西三十里曰天井山以山頂有泉也其相接而稍南者曰雲霧山山高聳雲霧蒙其上○桐山亦在州西九十里水道通白湖瀕人用箔取魚亦名上箔山又有下箔山在州西南九十里志云州西南八十里爲雙泉山下有湧泉二穴或以爲即天井山誤也

三公山

州西南百二十里山高峻有三峰削立其相接者曰九卿山山有九峰俱接廬江縣界寰宇記三公山唐天寶六載改爲東顧山以山頂皆東向也○嵐山亦在州西南百二十里有東西二山皆產礬其下有清水潭

濡須山

州東北五十里。接和州含山縣界。濡須之水經焉。三國吳作塢于此。所謂濡須塢也。

○鶴磯山。在州東百五十里。獨立大江中。東西往來。道經其下。蓋與蕪湖縣接界。

浮濃嶺

州北六十里。亦名芙蓉嶺。西北去巢縣二十里。兩境分界于此。高聳為羣山之冠。其上怪石交峙。地勢險阻。往來者艱於登陟。正統三年。知州王仕錫開鑿。行者便焉。

大江

在州東南。上接安慶府桐城縣六丈墩。下距和州裕溪口計二百三十餘里。江心與池州府銅陵縣。太平府繁昌縣對境。江防攷州東南五十里有泥汊河。又東流南入江。為泥汊河口。有巡司。所轄江道。上自鯉魚套。下至薛家灣。凡五十里。自泥汊河巡司而東北三十里。為奧龍河巡司。所轄江道。上自薛家灣。下至奧龍墩。凡八十里。蘇泥汊河而西南五十里。為土橋河巡司。所轄江道。上自石灰河。下至鯉魚口。凡七十里。中有化魚口。宋家灣。對江十里。為楊林洲。與江南信服洲。白沙洲。相近。號為三江口。蘆葦叢生。向為盜賊淵藪。濱江防戍。此為最切。

生向為盜賊淵藪。濱江防戍。此為最切。

馬腸河

州東北六十里。其上流二十里曰運河。西接巢湖。東瀆于馬腸河。達入江。元至正十五年。明太祖自巢湖出湖口。至銅城關。已脫險。元將蠻子海牙集樓船塞馬腸河口。阻後軍。太祖設策敗之。盡發舟師出湖口入江。是也。銅城關見和州。○裕溪河

在州東北百二十里。源出巢湖。東入和州境。下流注于大江。

濡須水

州東北二十里。源出巢湖。自巢縣東南流入州界。經濡須山。又經州東五十里曰柵港河。又東經三溪河入和州界。注于大江。志云。三溪河在州東南百十里。又柵港亦曰柵江。經和州西南入大江。亦曰柵口也。昔人嘗立柵守險於此。因名。○夾山

河。在州東南六十里。其西接泥汊河。通大江。又奧龍河在州東百二十里。州東北百里為朴樹河。與奧龍河相通。又東接于大江。志云。州東百二十里。又有更樓河。東臨大江。下接朴樹河。通裕溪。

裏河。

州四十里。源出州北五十里之青檀山。下流入大江。又永安河在州西四十里。源出白石山。亦流入大江。○直阜河在州東南二十里。又州南百二十里有土橋河。下流俱入大江。

羨溪。

在州東北。亦謂之中洲。三國吳黃武初。朱桓戍濡須。其部曲妻子皆在羨溪。魏曹仁來侵。率萬騎向濡須。先揚聲欲東攻羨溪。是也。既而仁遣其子泰攻濡須。遣別將襲中洲。稱濟曰。賊據西岸。列兵上游。而兵入中洲。是爲自納地獄。危亡之道也。仁不從。

果敗。杜佑曰。羨溪在濡須東三十里。何承天所謂濡須之成家屯。羨溪者也。又錦繡溪在州西南十里。亦曰雙溪。一名錦繡池。

安樂柵。

在州東北。梁太清末。侯景陷壽城。合州刺史鄴陽王範。糞合肥出東關。屯于濡須。遣世子嗣。將兵守安樂柵。明年。嗣破侯景。將任約於三章。遂徙鎮焉。亦謂之安樂柵。胡氏曰。三章在濡須之東。○豹兒寨在州西五十里。南宋時州人結寨避兵處也。

穆潭鎮。

在州南七十里。濱江。唐文德初。楊行密讓趙錕于宣州。自廬州帥兵濟自穆潭是也。江行記。自穆潭東過泥汊口。又東過楊江口。皆爲濱江要害。江防攷。今省潭灣上至桐城縣界六百丈墩。中間凡八十里。中有楊子磯。石灰河。三江口。俱爲險要。

省潭。穆潭之訛也。石灰河。志云在州南百二十里。土橋巡司舊設于此。

石澗鎮。

州北四十里。舊置巡司于此。又泥汊河鎮在州東四十里。志云。泥汊河巡司置于州南三十里。又奧龍河鎮在州東百二十里。其巡司置于州東五十里。土橋鎮在州南百十里。其巡司置于州南七十里。云。又柵港鎮在州東南五十里。俱戍守處也。

州南三里。又有一字城鎮。○官池河泊所。在州南六十里。官池一作黃洛。河。志云。黃洛巡司在州東南三十里。又州西北九十里有蕪湖河泊所。

巢縣。

州北九十里。東至和州含山縣六十里。北至鳳陽府定遠縣百七十里。西北至府城百八十里。西至舒城縣二百七十里。漢爲居巢縣。地東晉置蕪縣。屬南譙郡。宋齊因之。魏爲南譙郡治。陳大建五年。吳明徹等伐齊。別將任忠自東關進克蕪城。卽此。隋改置義安。

縣。唐武德三年置巢城。七年州廢。又改襄安爲巢縣。屬廬州。宋初廢爲鎮。尋復爲縣。紹興十二年置鎮巢軍。元曰鎮巢州。尋降爲巢縣。屬無爲州。城周四里。今編戶十七里。

居巢城

縣治東北五里。古巢伯國。成湯放桀于南巢。卽此。春秋文十三年。楚人圍巢。襄二十五年。吳伐楚。門于巢。昭四年。楚遺啓疆。城巢以備吳。二十四年。吳滅巢。二十五年。楚子使熊相謀郭巢。皆此也。史記。吳公子光。六年大敗楚軍于豫章。取吳之居巢。而遷秦爲居巢縣。亦曰居勸。范增居勸人也。漢仍爲居巢縣。屬廬江郡。後漢永平中。徙封劉般爲居巢侯。邑于此。建安三年。袁術以周瑜爲居巢長。二十二年。操軍居巢。尋引還。留夏侯惇督二十六軍屯居巢。晉仍屬廬江郡。尋廢。志云。今縣治後有臥牛山。山之北有桀王城。城之故址。今爲紫微觀。又有亞父山。在縣東北二十里。以范增居此而名。縣爲古居巢無疑矣。

譙郡城

縣東南二十里。晉太元中。僑置南譙郡治山桑縣。宋齊因之。後魏徙治蘄縣。高齊天保六年。齊主洋立蕭淵明爲梁主。使其弟上黨王浟。遂之時。王僧辨等共推晉安王方智于建康。不從。齊命浟因攻譙郡。克之。陳大建五年。任忠克齊蘄城。又克譙郡。卽此城也。周廢。

橐臯城

縣西北六十里。一名會吳城。春秋哀十二年。公會吳于橐臯。卽此。漢爲橐臯縣。屬九江郡。後漢省。孟康曰。橐臯讀曰拓姑。三國魏黃初四年。曹仁南侵。使其子泰攻濡須。自將萬人留橐臯爲後援。吳五鳳二年。孫峻謀襲壽春。自東興進至橐臯。是也。唐曰橐臯鎮。宋紹興十一年。兀朮南寇。陷廬州。以拓臯地平坦。利用騎。因屯兵于此。旣而爲劉錡等所敗。橐臯訛曰拓後。又訛爲柘。今曰柘臯鎮。

東山

縣東三十里。山不甚高。頰江爲險。宋紹興十一年。劉錡等敗金人于石梁河。又追敗之於東山。卽此。又八公山在縣西北十八里。亦名紫金山。宋劉錡敗金人于東山。敵走保紫金山。今山有淮南王廟。蓋以名同壽州八公山耳。○半湯山在縣東北十五

里有二泉。冷熱各半。下流仍合。因名。

七寶山

縣東南三十里。與含山縣界之瀟須山對峙。相距十里。魏人築西關于此。以拒吳處也。又大秀山。在縣南三十里。以峰巒秀麗而名。踞爾山。在縣南三十七里。南至無爲州四十里。爲接界處。輿地志東關口踞爾山。卽坻箕山也。春秋昭五年。楚子觀

兵於坻箕。南北朝時。陳將荀朗破齊將郭元建於踞爾山。蓋坻箕。踞爾音相近也。一名楚歌嶺。

高林山

縣南六十里。山盤伏數里。林木高聳。山下有高林市。又南十里曰九峯山。其峯盤迴九折。因名。○居巢山。在縣西南八十里。谿谷間有石。研之如墨。因名墨山。唐改今名。志云。縣西北十五里有龜頭山。山形如龜。俯瞰湖濱。城冢記。山一名小隴山。昔

警置黃沙城于此。爲戍守處。亦謂之龜頭城。

萬家山

縣西北二十里。山當四會之衝。一名回車衝。其南五里曰小佛嶺。又小獨山。在縣東北四十里。四無山附。屹立千雲。亦通途所經也。○金庭山。在縣北九十里。卽黃山也。與合肥縣接界。志云。今縣北九里有王喬洞。可容三百人。又白塔岡。在縣南道

出無爲州。南北朝時。戍守處也。

巢湖

在縣西南十五里。爲巢湖東口。縣境羣川。多自巢湖導流。今有蕉湖。巡司。又有東口市。在縣西十里。以近巢湖東口而名。

柘臯河

縣西北二十里。源出合肥縣浮槎山。經柘臯鎮。流入巢湖。宋劉錡敗金人處也。

濡須水

在縣治南。自巢湖東口流經縣前。一名天河水。俗呼馬尾溝。東流經亞父山南。又東南流經七寶。濡須兩山間。亦曰東關水。經無爲州及和州境。注于江。舊志。縣東南十里有石梁河。即濡須上流也。宋紹興十一年。兀朮屯拓阜。竄鋒等自東關出濠溪。兩戰皆捷。進兵與兀朮夾石梁河而軍。河通巢湖。廣二丈餘。鋒命曳薪疊橋。須臾而成。遂渡河大戰。兀朮敗走。

清溪河

在縣東南十五里。亦出巢湖。流合濡須水。宋劉錡自東關出清溪。拒金人處也。又有芙蓉河。亦在縣東南十五里。出無爲州。接界之芙蓉嶺。因名。東北流合于清溪。又有黃洛河。在縣東六十里。舊志。黃洛河經無爲州北四十里。東流合濡須水云。

徐塘

在濡須水東。亦曰徐場。魏嘉平四年。吳諸葛恪于東興作大堤。築兩城。魏人來攻。陳於堤上。恪遣丁奉等赴救。馳至東關。據徐塘緣塢。擊魏人于堤上。大敗之。甘露二年。諸葛誕謀舉兵。因吳人欲向徐場。請十萬衆以守壽春。是也。志云。徐塘蓋在東關之

東。今
漚。

東關

縣東南四十里。即濡須山麓也。與無爲州和州接界。又西關在縣東南三十里七寶山上。三關時爲吳魏相持之要地。又有三關屯。即東關也。關當三面之險。故吳人置屯於此。吳志。曹公出濡須。朱然備大塢及三關屯。皆東關矣。今詳見前重險。

饒里

在縣西北。濱焦湖。吳太平二年。孫林援諸葛誕于壽春。大發兵。出屯饒里。廢帝亮責林留湖中。不上屯一步者是也。又孔璣在縣西柘阜鎮。俗傳夫子曾南遊。與弟子鮪於此。璣如圓壇。可容千人。

高井驛

縣西北六十里。道出合肥。志云。縣治西有鎮巢水馬驛。此爲高井馬驛。陸道所經也。

六安州

府四百八十里。東南至安慶府三百三十里。西南至湖廣黃州府六百三十里。西北至河南光州三百二十里。北至鳳陽府壽州二百里。

春秋時六國地。漢屬廬江郡。晉因之。梁置霍州及岳安郡。後魏因之。周州廢。隋初郡廢。屬廬州。唐初置霍州。貞觀初州廢。改屬壽州。宋政和八年。置六安軍。紹興十三年復廢爲縣。景定五年又升爲軍。端平初復爲縣。尋又升爲軍。元曰六安州。屬廬州。

路。明初屬鳳陽府。以州治六安縣省入。尋改今屬。志云洪武十五年以前州屬鳳陽府。是年改今屬。編戶六十六里。領縣二。今亦曰六安州。

州山川環結。號爲險阨。自州之西南以迄於東北。皆崇山峻嶺。蔽虧日月。肘腋光蔡。襟帶蘄黃。出奇走險。風馳雨驟。不十日而中原震動矣。昔人謂申光蔡爲天下樞。而六安又申光蔡之根柢也。舊志州封疆廣衍沃野千

里。東有龍穴。西有武陟。霍嶽鎮乎南。沙河築其北。萬山磅礴。控引荆湖。千里平塗。直達梁宋。實廬州之喉舌。淮西之要地也。

六安廢縣。今州治。古六國皐陶之後。春秋文五年。楚人滅六。史記楚昭王吳伐楚。取六。秦爲六縣。屬九江郡。漢初項羽大司馬周殷叛楚。以舒屠六。舉九江兵隨劉賈彭越。會垓下。又漢封黥布爲淮南王。都六。文帝時分淮南爲衡山國。武帝元狩二年。又

別爲六安國。治六。後漢爲六安侯邑。屬廬江郡。建安十四年。廬江人陳蘭等據潁六以叛。操遣張遼擊平之。潁卽今霍山縣也。吳嘉禾二年。攻合肥。分遣將全琮攻六安。不克而還。赤烏四年。諸葛恪攻六安。不克。六年。恪復襲六安。掩其人民而去。晉復爲六縣。仍屬廬江郡。東晉末廢。括地志。故六城在壽州安豐縣南百三十里。卽此城矣。晉末廢。隋屬霍山縣地。亦曰驕虞城。唐開元二十七年。改霍山縣爲盛唐。仍移治于此。五代晉天福中。南唐改爲來化縣。尋復爲盛唐縣。周顯德三年。攻唐。淮南別將司超奏。敗唐兵于盛唐。

遂拔其城。既而唐兵來爭。周將王彥昇擊破之。宋開寶初。改爲六安軍。政和中。爲六安軍治。元爲州治。明初省。今州城周五里有奇。門四。

開化廢縣

州西四十里。梁置。隋因之。屬廬州。唐廢。又應城廢縣在州西南。隋末置。唐初屬霍州。貞觀初省。入霍山縣。志云。州西百九十里。有邊城郡城。蓋齊梁時所置。又有霍州廢縣。在州西五十里。或以爲梁初置州於此。

馬頭山

在州北。杜佑曰。晉永和中。謝尚鎮馬頭城。在盛唐縣之北。宋泰始二年。晉安王子助舉兵尋陽。署其屬王廣元爲馬頭太守。軍主黃回擊斬之。亦此城也。又州西有英氏城。英氏。春秋時楚與國也。僖十七年。齊人滅英氏。卽此。○白沙城。在縣北。

十三里。志云。其地有兩城。一名白沙。一名六合。相傳漢高與項羽相距處。又有東西二古城。一在州西十五里。一在州東南三十里。

武陟山

州西三十里。漢武南巡。警登陟于此。因名。漢紀。元封五年。南巡狩至於盛唐。宋白曰。盛唐縣西十五里有盛唐山。當卽此山。矣。又州西七十里。有獨山。其地平曠。一峰獨峙。相傳唐末。淮南將唐景仁攻盧壽。曾戰于此。又齊頭山。在州西南九十里。高

千八百丈。層峰疊嶂。頂方四平。有泉出焉。

龍穴山

州東五十里。州境名山也。山脊有龍池。味甘美。亦名龍池山。又番山。在州南十里。磅礴蜿蜒。爲州之鎮。又南四十里曰小霍山。一名青山。遠接霍山之脈。因名。○洪家山。在州東南七十里。有寨四圍。石崖險峻。宋紹興中。有洪氏率里民保聚于此。

三尖山

州西百里。有三峰。插天。又秦基山。在州西百三十里。上有峽門。又有擂鼓尖。相傳昔爲鄉人避兵之所。寨址存焉。○天柱山。在州西百七十里。其山銳削無附。因名。又州西二百里。有黃巢山。相傳黃巢曾屯兵于此。

董靖原山

州南百二十里。山原平敞。周圍有小徑。相傳宋紹興中。里民董靖原避兵於此。有董家營。今營址猶存。○祖家山。在州西南百三十里。形勢高聳。宋紹興中。民多避兵于此。又西南十里曰文家山。山高九里。亦吾人避兵處。有文家寨。又州西南

二百四十里有帽頂山。志云：山與河南商城縣金剛臺南北對峙，登出層霄。其下有僊人洞，其相近者又有峰山，以山如屏嶂而名。又汪家山在州西南二百六十里，高千餘丈，山勢峭拔，中有石巖甚深廣，又黃石崖在州西四十里，崖之南即霍山縣界。

古路嶺 州西百五十里，盤回三十七折，始至其頂，又西三十里爲遮日嶺，山高徑深，亭午始見日影，因名。○清風嶺在州西北二百二十里，接霍邱縣界，又韓婆嶺在州西二百里，通商城縣界，爲羣盜窟匿之處。又州西六十里有虎兒嶺，林木茂密，虎育其中。

蝙蝠巖 州南五十里，同山衝內，其地有大同、小同二山，形相似也。巖闊四丈，深不可測，昔人嘗于此避兵，有同山寨在大同山上，州南八十里，又有松林巖，亦曰蕭察巖，巖最深秀，今爲僧寺。○霸王岡在州西二十里，其相接者曰漢王岡，相傳楚漢相距時

築壘處，又七里岡亦在州西界，明正德中流賊趙風子自河南光山縣走六安，官軍追敗之于此。

涇水 在州西，源出霍山，經州界西北，流入河南固始縣境，又東北流經霍邱縣及壽州界，入于淮。水經注所謂泚水也。一名白沙河，俗呼爲二郎河。萬曆十七年湖廣黃梅賊曾縣此犯六安。○青石河在州西南七十里，又州西百二十里有三元捲河，又西十

餘里有青龍河，皆流入涇水，以達于淮。

溶水 州西七十里，源出齊頭山，西北流入固始縣界，合于史河。○馬

槽河在州東南八十里，經舒城縣之桃城鎮，又東入于巢湖。

九公寨 在州西南六十里，九公山上，山有九石如人立，因名。又磨旗營在州西百里，又西百里有天堂寨。○西峰寨在州南七十里，又州北三十里有趙家寨，皆南宋時里人保聚處也。

麻埠鎮。州西南九十里有麻埠河。置巡司于此。萬歷二年添設把總以防曠賊。而巡司途革。又有和尚灘巡司。在州西北七十里。上市巡司。在州南二百五十里。其地在霍山縣境內。而司屬州志云。州西又有羅湖巡司。洪武二年設。十三年革。故址猶存。

英山縣。

州西南四百里。東南至安慶府太湖縣二百十里。南至湖廣蘄州百八十里。西南至湖廣蕪水縣百二十里。西北至湖廣羅田縣七十里。北至河南固始縣二百二十里。本羅田縣之直河鄉。宋淳祐間立鳴山寨。咸淳初更名英山。德祐二年升為縣。屬六安軍。元屬六安州。今城周三里。編戶二十七里。

安軍。元屬六安州。今城周三里。編戶二十七里。

英山。

縣東五十里。峰巒峭拔。為羣山冠。上有井泉。縣以此名。又樓子石山在縣東北七十里。上有樓子寨。昔人保聚處也。○密峰尖山在縣東南三十里。山峰錯列。以形似名。又三吳山在縣南三十里。上有宋人臺。宋末鄉人段朝立保聚于此。亦曰師姑尖寨。

多雲山。

縣西北百里。接羅田縣界。上有九井。常多雲起。因名。說者曰。縣境之山最險者曰多雲。以蔽虧日月。人迹罕窮。而名多雲之。西有天險曰岐嶺。通湖廣蘄水縣。鳥道三日可東出豫境。西北一竇曰鑿門。東驅入內。廣三百里。路通羅田。迤北則為虎頭。

木陵。大城諸關。通黃岡及河南光山。固始縣。蓋扼險出奇之處。今詳見湖廣羅田。麻城諸縣。○天人山。在縣西七十里。峰巒峻險。上有天人寨。又羊角山在縣北二十里。明隆慶三年有倭寇數十遁至此。官兵討誅之。

英山河。

在縣西。其並流者有漆樓河。俱北出六安州界分水嶺。西南流入湖廣蘄州界。入蘄河。又北澗水。源出縣東南五里。馬鞍山。西流入于英山河。

東湯泉。

縣東南三里許。平地石中湧出。縣西南三里。又有西湯泉。居民俱引以溉田。一統志。縣北有潤州塘。居民引以灌田。有潤澤之利。因名。

柳林關。

縣北四十里。又縣西九十里。有石門關。其地險隘。舊皆為控扼之處。今廢。又七引關在縣北七十里。亦曰七引店。道通霍山縣。有巡司戍守。

皮家店。縣南四十里。舊有巡司。元末廢。又河口巡司。舊在縣東三十里。亦元廢。○安集市。在縣北四十里。今爲安集市舖。又塔市。舊在縣西一里。今廢。志云。縣南有將軍寨。近時所置。接涪山縣界。

霍山縣。

州西南九十里。西北至河南南城縣百六十里。西南至湖廣羅田縣二百八十里。北至河南固始縣二百七十里。南至安慶府涪山縣三百六十里。東南至舒城縣百四十里。漢灊縣地。屬廬江郡。晉因之。後魏分置岳安郡。岳安縣。屬霍州。北齊因之。陳大建五年。別將任忠克霍州。十一年。爲周所陷。隋開皇初。郡廢。改縣曰霍山。屬廬州。唐武德初。改置霍州。于此。貞觀初。州廢。以縣屬壽州。神功初。改曰武昌。神龍初。復曰霍山。開元二十七年。又改曰盛唐。移治驕虞城。即今六安州也。天寶元年。復置霍山縣。于此。宋省爲故埠鎮。屬六安縣。明宏治七年。以六安、英山、相拒險遠。於故埠鎮立今縣。城周三里。編戶十二里。

灊城。

縣東北三十里。春秋時楚之潛邑。左傳昭二十七年。吳子因楚喪。使公子掩餘、公子燭庸伐楚。圍潛。又三十一年。吳人侵潛。六。楚沈尹戌帥師救潛。吳師還。楚遷潛於南岡。是也。漢置灊縣。屬廬江郡。後漢及晉因之。劉宋爲廬江郡。治齊。屬廬江郡。梁亦爲

廬江郡。治并置霍州。東魏因之。高齊時。州縣俱廢。

淠水廢縣。

在縣東。梁置北沛郡。治新蔡縣。東魏因之。陳大建五年。吳明徹等伐齊。別將滿陀克新蔡城。是也。後周亦爲北沛郡。隋開皇初。郡廢。改置淠水縣。以新蔡縣并入。唐廢。○潁川廢縣。在縣西北。魏收志。霍州有北潁川郡。領潁川郡。陸。天水三縣。蓋蕭梁置。梁書。天監初。魏拔關要。潁川、大岷、三城、白塔、牽城、清溪。皆潰。關要諸城。戍皆近縣境。今白塔、清溪。見巢縣。大岷。見名山。岷山。

霍山。

縣南五里。本名天柱山。亦曰南岳山。又名衡山。文帝分淮南地立衡山國。以此山名也。封禪書。元封五年冬。巡南郡。至江陵。而東登禮潛之天柱山。號曰南岳。洞天記。黃帝封五岳。南岳衡山最遠。以灊岳副之。舜南巡狩。至南岳。即霍山也。漢武攷讖緯。皆

以霍山爲南岳。故祭其神於此。後漢建安四年。袁術饑困。乃燒壽春宮室。奔其部曲陳簡等于潛。爲簡等所拒。五年。廬江盜梅乾等寇江淮。操表劉馥爲揚州刺史。乾等遁。潛天柱山。張遼等擊斬之。晉義熙十一年。霍山崩。水經注。梁立霍州。治潛之天柱山。隋開皇九年。詔定衡山爲南岳。而廢霍山爲名山。唐六典。江南道名山之一曰霍山。是也。貞元十四年。淮西帥吳少誠遣兵掠壽州。霍山殺鎮遏使謝祥。侵地五十里。置兵鎮守。長慶四年。霍山山水暴出。爲民患。志云。山頂有天池。北有龍湫。南有風洞。旁有試心崖。其峰高千一百三十丈。

指封山。

縣東三十里。舊志在六安州南九十里。蓋接壤也。相傳漢武南巡還。登復覽山。見此山峻拔。因指示羣臣。擬封爲霍岳之副。故名。又復覽山在縣東二十里。卽漢武南巡還。登此顧瞻處也。南宋時置戍守于此。又通光山在縣東北十里。道出六安。

三週山。在縣西南二十里。一名三曲山。中有小港。達縣治。水隨山勢。紮週三灣。因名。又四望山在縣南六十里。高千八丈。登其頂宜於遠眺。

鐵爐山。

縣東南九十里。俗傳仙人鑄丹處。鼎爐之址猶存。今居民多于其下爲鐵冶。鑄農器。又仙女臺山在縣東南五十里。山有大石突出如臺。人莫能登。相對者曰鴈嘴崖。又潛臺山在縣西三里。石山如臺。當河中。流下有小赤壁。○東石門山在縣東十

里。又有西石門山。在縣西北三十里。皆兩山相對。中爲狹徑。如門之闢。其近東石門者。又有聖人山。石壁峭立。其勢若壓。稱爲奇險。

四十八盤山。

縣西南百二十里。山徑崎嶇。登陟甚艱。行者凡四十八盤。其險始盡。因名。又陶成志山在縣西八十里。石徑崎嶇。傍多林木。藤蔓掩蔽。相傳昔有陶鑄者屯兵於此。○六安山在縣西三十里。四圍險峻如城。有四門。古多避兵于此。

又有六安寨。

梅子嶺

縣東五十里。多產梅。上可容數十萬衆。又縣東南四十里有楮皮嶺。房人多造紙于此。○九尖嶺。在縣西七十里。又西六十里。有新開嶺。志云。縣西南八十里爲碁盤嶺。道出英山。又縣志。南百五十里有雕翎崖。臨河壁立。又有烏龜峽。在縣西三十里。其水自縣西八十里。萬人愁山東流經此。又東十里入黑石渡河。相傳大禹所鑿也。以形似名。

溧水

在縣東。源出霍山。北流入六安州界。志云。縣北門外有化龍河。其一發源河南商城縣界。其一發源于湖廣羅田縣界。流經縣境。至縣西二十里之黑石渡而合流。經城北。又東入於溧河。

漫水

縣西南百十里。源出羅田縣。經縣西南三十里。爲梅家渡。又東北合于化龍河。又陡山河在縣南百三十里。東出六安州界之分水嶺。又梅河在縣西百八十里。西出英山界嶺。又縣南三十里有草場河。亦自英山縣流入。又有三灣河。自潛山縣流入。俱

會化龍河

梅子關

在縣東梅子嶺上。又縣西南五十里有金鷄關。南北兩關對峙。路出英山。皆昔時戍守處。○金子寨。在縣東八十里金子山上。以山色如金而名。又縣南六十里有李郎寨。皆昔人避兵之所。

千羅販鎮

縣西北八十里。志云。初置巡司於故埠鎮。後改鎮爲縣。因移巡司于千羅後販。是也。又中埠河市在縣南四十里。有中埠河渡。又上土市在縣西南百五十里。縣西南又有濠濱灣市。

附見

六安衛

在州城內。洪武初建。

安慶府。

東北至廬州府無爲州三百二十里。西南至江西九江府四百十里。西至湖廣蘄州三百里。北至廬州府三百六十里。東南至池州府百二十里。自府治至江寧府六百五十里。至京師三千一百八十五里。

禹貢揚州之域。春秋時爲皖國。

皖音患。亦爲桐舒二國地。

戰國屬楚。秦屬九江郡。二漢屬廬江郡。漢末吳克皖城。遂爲

重鎮。晉安帝置晉熙郡。宋齊因之。梁末嘗置豫州。尋改爲晉州。北齊曰江州。陳復曰晉州。

大建五年伐齊。侯敬泰克齊江

州是也。

隋初改熙州。大業初改同安郡。唐武德四年改爲舒州。

志云唐初嘗改爲東安州。正史不載。

天寶初曰同安郡。至德初曰

盛唐郡。乾元初復故。五代時仍曰舒州。初屬吳。復屬南唐。宋仍曰舒州。

亦曰同安郡。

政和五年賜額曰德慶

軍。紹興十七年改安慶軍。慶元初升爲府。

以寧宗潛邸也。

元曰安慶路。明初改寧江府。尋復爲安慶府。直隸京

師。領縣六。今仍曰安慶府。

府淮服之屏蔽。江介之要衝。漢建安十九年曹操遣朱光爲廬江太守。屯皖。大開稻田。呂蒙曰。皖地肥美。若一收熟。彼衆必增。於是攻皖。破之。遂爲重鎮。曹叡太和二年遣曹休侵吳。向皖。滿寵上言。休所從道背江傍湖。易進難退。此兵之絳地。若入無疆口。

言無限隔也。一云無疆口在桐城縣夾石東南。

宜深爲之備。晉咸寧四年吳人大

佃皖城。王渾遣應綽擊破之。蓋其地上控淮。肥山深水。戰守之資也。徐氏鍇曰。皖之爲地。中國得之。可以制江表。江表得之。亦以患中國。吳孫權克皖。而曹操不寧。周世宗平淮南。而李氏窮蹙。形險說大。江合九江。鄱陽之水。東北經流。府城東西南三面。而小孤山。舊爲大江控扼處。屹峙江北岸。孤峯峭拔。與南岸山對峙如門。大江之水至此。扼東而出。其下深險可畏。元人立鐵柱於此。曰海門第一關。余闕守安慶。倚小孤爲扞蔽。遣將率水軍戍此。陳友諒自上流引軍直擣山下。戍軍敗走。安慶旋陷。明時宸濠之變。賴安慶守臣能挫其鋒。是以南畿無患。蓋小孤者。安慶之門戶。而安慶者。金陵之門戶也。

懷寧縣

附郭。漢皖縣地。屬廬江郡。三國吳爲皖城。晉義熙中。改置懷寧縣。爲晉熙郡治。宋以後因之。隋爲熙州治。唐爲舒州治。今編戶五十二里。

皖城

在府西北。古皖國及漢皖縣。皆治此。後漢建武十七年。妖巫李廣等據皖城。遣馬援等討平之。建安四年。袁術死。術從弟胤棄壽春。奔廬江。太守劉勳于皖城。是年。孫策襲皖城。克之。六年。孫權以皖城太守李術貳於曹操。攻屠其城。旣而操取其地。魏志。曹公恐江表郡縣爲權所略。皆令內徙。民轉相驚。自廬江。九江。蘄春。廣陵。戶十餘萬。皆東渡江。江西遂虛。合肥以南。惟有皖城。建安十九年。權攻皖城。克之。魏正始二年。權遣諸葛恪屯皖城。以伺邊隙。四年。司馬懿拔皖。恪退兵柴桑。吳廬江太守治皖城也。晉咸寧四年。吳人大佃皖城。謀侵晉。揚州都督王渾遣州刺史應綽攻破之。晉仍曰皖縣。屬廬江郡。義熙中。始改懷寧縣。亦曰晉熙城。以晉熙郡治此也。梁大寶初。侯景遣其將任約西侵江郢。自將屯晉熙。明年。王僧辨東下。景將范希範棄尋陽。走晉熙。尋復遁去。梁敬帝

初齊將尉瑾等僭皖城。晉州刺史蕭惠以城降。自隋以來皆爲州郡治。開皇二十年。黔州李英林反。尋討平之。唐武德初。殷恭遠據舒州。既而降。七年。趙郡王孝恭等擊輔公祐軍於舒州。上元初。江淮都統劉展叛。陷舒州。大歷十一年。復爲羣盜陳莊所陷。以讓州刺史張萬福。攝舒州事。討平之。咸通九年。徐州賊龐勛遣兵來寇。乾符三年。賊王仙芝陷舒州。中和四年。舒州陷於羣賊吳遵等。廬州刺史楊行密遣兵擊定之。光啓二年。滁州刺史許勳襲取舒州。景福二年。楊行密復取之。五代周顯德三年。伐南唐。拔舒州。既而復爲唐所取。五年。以州來歸。宋建炎中。屢爲亂賊所陷。紹興初。招討使張俊破李成。拔舒州。端平三年。蒙古入安慶。尋引却。淳祐六年。復掠安慶。德祐初。叛帥范文虎以安慶降。至正十八年。爲陳友諒所陷。十九年。明師攻安慶。尋克之。明年。復爲友諒將張定邊所陷。二十一年。明師復克之。明正德七年。流賊劉六。劉七等。掠郡境。官軍追討。賊引去。十四年。宸濠攻安慶。不能陷。尋潰散。蓋郡當江淮走集之衝也。城邑放。吳呂蒙屯皖。在今城東二里有呂蒙城。卽蒙所築也。臨大江。今爲故倉址。其後漸移而西北。宋端平三年。以北兵漸迫。城去江遠。控禦爲難。乃徙治羅剎洲。又移楊槎洲。景德初。乃遷城于盛唐灣。宜城渡之陰。卽今治也。其城北負大龍山。東阻湖。西限河。南瞰大江。元至正十六年。修城濬濠。引江水環城。特以爲固。自是屢經修築。今城周九里有奇。門五。

梅城。

府北七十里。高齊天保三年。行臺右丞盧潛屯兵築城于此。時龍鳴城內。潛以爲不祥。移屯在外。謂之龍鳴城。唐武德中。嘗析懷寧地。置梅城縣。治此。旋廢。又安樂城在縣西二十里。梁天監七年。軍主武會置城于此。因名武功城。唐武德中。析懷寧置安

樂縣。又逢龍城在府北。三國時魏將臧霸伐吳。吳將韓當引兵逆戰于逢龍。後置城于此。唐武德中。嘗置皖城縣。治焉。城塚記。唐初。析懷寧地。置皖城縣。在皖水之北。今濠壑猶存。又有皖陽城。在今府北三十里。亦唐初所置。縣尋與梅城等俱并入懷寧縣。

大龍山。

府北三十里。稍東相接者曰小龍山。兩山盤亘。下瞰大江。峯巒巖壑。種種奇勝。山周五十里。高十八里。其附山南出者曰門山。以兩山相夾而名。又南十里爲白麟火爐諸峰。其脈伏而復見。聳起如脊者曰脊現嶺。嶺爲集賢嶺。志云。嶺在城北十五

里。有集賢閣。今城

北門。亦名集賢門。

霧靈山

在府城西。形如覆釜。登其巔。則山川阡陌。一覽無遺。又府西四十里曰黃山。當治湖之口。形如臥象。亦曰象鼻山。○太平山。在府西八十里。其山委蛇深秀。又西二十里曰大雄山。地名釋迦坂。山之東四十里。餘曰愚公峰。山之西爲椰子峰。左右夾

峙。蘇萬石嶺至絕頂。俯視則衆山如孫。長江如帶。

又府西南百二十里曰騰雲山。與望江縣接界。

百子山

府西北二十五里。峯巖泉壑。蔚然深秀。又西北五里曰轎山。在石門湖西。甚突兀。又黃梅山在府西北四十里。深鬱多杉木。修竹。其並峙者曰鏡山。以石色如鏡也。山之北曰豹嶺。多喬松。又有雙峰。兩峰壁立。○秦基山在府西北五十里。有三峯。疊

秀。其並峙者曰寶靈山。又獨秀山在府西北六十里。脈自潛山而來。相去百里。而挺然傑出。爲羣山長。其相接者曰桑山。中多巖洞。石如層樓。可藏千人。又柘澗山在府東五十里。面江阻湖。盤旋數里。勢若奔騰。

峽石嶺

府西四十里。高數里有深林環澗。一統志以爲卽掛車嶺也。今詳見桐城縣夾石山。又長安嶺在縣西三十里。嶺甚遠。長達潛山縣。明崇禎十年。官軍敗賊於此。其相近者曰龍見嶺。嶺甚盤固。又府西北七十里曰醉石嶺。亦道出潛山。

大江

在城外。自小孤瀕尋陽。彭蠡而來。入宿松界。經望江。下至府城西。遶城南。而東北出趨池口。帶桐城界。又東北入無爲州界。其上二百十里。東以海門。其下二百十里。界以郎磯。扼東吳楚。爲東南形勝。江防攷。長江自小孤山而東至也。口鎮府境。勝地。長

三百五十里。俱有官軍戍守。又大勝磯在府西二十里。濱江。明時。撫臣史可法敗賊于此。

皖水

在府西。源出潛山。合於潛水。又南至府西石牌市。東至皖口入江。流長三百四十里。宋志。元豐五年。淮南監司言。舒州近城有大潭。出潛山。經北門外。比者暴水。課居民。知州楊希元築捍水堤。千一百五十丈。洩水斗門二。遂免淫潦入城之患。賜詔獎諭。

志云。府西七十里有讓河。流合潛水。又西五里曰齊河。又西五里爲流珠河。皆合潛水。達於讓河。皖水合潛。亦兼潛水之名也。

長風港。

府東北四十里。其上流爲蘆湖。湖灌大龍山谿澗水及江水支流而成。一名段塘。中多蘆。引流爲長風港。達桐城縣之樅陽河。入大江。今府東四十里曰長風鎮。又有長風沙。在府東五十里。亦曰長風夾濱。大江有巡司戍守。風亦作楓。志云長風夾

路達池州府。自此渡江。亦謂之長風渡。○張葭港。在府西北五里。其上流曰積石河。在府西北三十里。俗名馬嘴石河。又東南流十里。灌爲石門湖。湖濱有鳳凰山。又有甌山。東南達張葭港入江。又有大龍水出大龍山西流。灌石門。張葭之水入江。

黃馬河。

府北九十里。自潛水分流。又府北八十里有高河。流合于黃馬河。又有井田河。在府西北六十里。與黃馬諸川俱達于桐城之練潭。合樅陽河入江。○冶塘湖。在府西三十里。湖口有石庫渡。其下流達皖口入江。又府西百里曰麻塘河。蘇石牌市達

潛水下流亦注于江。志云。城西有清水塘。有閘。引流入江。元末余闕殉難於此。因名盡忠池。

皖口鎮。

府西十五里。皖水入江之口也。吳嘉禾六年。使諸葛恪屯於蘆江皖口。陳永定三年。遣將徐度將兵城南皖口。既又遣臨川王蒨於南皖口築城。使東徐州刺史錢道戡守之。蓋備王琳也。宋開寶八年。曹彬圍昇州。遣將劉遇敗南唐援兵於皖口。卽

此。今亦爲山口鎮。又宜

城鎮在城東樅陽門外。

石潭鎮。

縣東八十里。高齊皇建二年置。爲齊梁二國界。置兵防禦。陳大建五年廢。唐武德五年復置。八年廢。○石亭。在府東北三國魏太和二年。揚州牧曹休侵皖。吳將陸遜等與休戰于石亭。休敗走。追至夾石。斬獲甚衆。是也。

石牌市。

在府西九十里。地通四邑。商旅輻聚。亦曰石牌口。宋開寶七年。樊若水請用浮梁濟。采石先試舟于石牌口。及伐唐。移置采石。不差尺寸是也。又高河市在州西六十里。

張店。

府北二十里。桐城潛山分界處也。爲北山之孔道。又源潭店在府北五十里。道出桐城。○觀音港。在府西北七十里。舊有巡司。今革。又羊鬚店在府西百二十里。路出望江縣。又同安驛在府西門外。

桐城縣

府東北百五十里。東北至廬州府廬江縣九十里。東南至池州府百八十里。春秋時楚附庸桐國也。漢爲樅陽縣。屬廬江郡。後漢省梁置樅陽郡。治樅陽縣。隋初郡廢。開皇十八年改縣曰同安。屬熙州。唐至德初改曰桐城。今縣無城。編戶六十五里。

樅陽城

縣東南百二十里。臨江。漢縣治此。漢紀元豐五年南巡狩。自尋陽浮江射蛟江中。獲之。軸燼千里。潯樅陽而出。作盛唐樅陽之歌。後漢縣廢。蕭梁始復置。太清末。蕭範以合肥之軍。頓潯須。以待上流援軍。久之。進退失據。乃泝流而上。軍於樅陽。韓諡

江州大寶二年。侯景挾太子大器。西攻巴陵。敗。還建康。道經潯須。景爲荀助所敗。前後相失。太子船入樅陽浦。從者勸太子因此入北。太子不可。陳永定十年。廬江蠻田伯興寇樅陽。合州刺史魯廣達討平之。唐武德七年。輔公祐叛。趙郡王李恭討之。破公祐別將于樅陽。元至正十九年。陳友諒之黨趙普勝據安慶。結寨樅陽。明太祖命廖永忠攻拔之。是也。城邑攷。宋末。桐陽縣移治樅陽鎮。後又徙池之李陽河。元始還舊治。今仍爲樅陽鎮。明初置稅課局於此。正德中革。志云。鎮西去郡城九十里。有射蛟臺。卽漢武射蛟處。

陰安城

縣東南八十里。本漢魏郡屬縣。劉宋時僑置於此。屬晉熙郡。齊梁因之。隋初廢。入樅陽縣。又重城在縣南六十五里。其城三。重南北川澤。左右陂湖。蓋古戍守之地。亦謂之巢城。又有同安故城。亦在縣南。劉昫曰。隋時因以名縣。○山焦城。在縣東南。

志云。唐開元中。嘗以縣治此。地多猛虎毒蛇。元和中。縣令韓震焚薙草木。其害遂除。又魯鎮城在縣南七十里。相傳吳魯肅嘗屯此。又縣東南有呂蒙城。相傳呂蒙所築。

浮山

縣東九十里。亦名浮渡山。有三百五十巖。七十二峰。巖之最著者三十有六。皆可居可游。其中泉石參差。種種奇勝。西南有獨峰。直上千仞。大江環遶。望之若浮。山半又有大通巖。迥出諸巖之上。懸崖飛瀑。凡數百仞。寰宇記謂之霄渡山。符與浮音同也。

其相接者曰青山。上有巖洞。草木秋冬亦青。明初徐達擊趙普勝之浮山寨。敗其兵于青山。是也。又東三十里曰石山。山濱江。一名蓮花峯。又東十里爲白雲巖。其巖東西相峙。洞壑與浮山競勝。

洪濤山

縣東北四十里。山高廣。每大雨。則水下流如濤。其相近者曰旂嶺。又拔茅山在縣東北九十里。一名城山。以峯巖如城也。又名椒嶺。志云。縣東北十里有魯砦山。相傳魯肅嘗居此。明崇禎十四年。流賊犯境。據魯砦山。焚掠久之始去。○廳旗山。在縣

南百二十里。相傳關羽曾于此駐兵。有隘口。又梅林山在縣南百十里。山多梅。亦曰梅嶺。縣南八十里。又有橫山。以橫當驛路之左而名。

北碇山

縣北六十里。有兩屋相夾如關。又西碇山在縣北四十七里。舊置軍壘。亦曰南碇成。即夾石山也。通釋。淮南有兩夾石。在壽州。淮水上者曰北碇石。在桐城者曰南碇石。薛氏謂淮西山澤無水。隔者有六安舒城走南碇之路。南碇所以蔽皖也。漢建

安十九年。孫權攻皖。張遼自合肥馳救。至碇石。聞城已破。築壘碇石南而還。謂之南碇成。吳黃武六年。曹休攻皖。陸遜、朱桓等拒之。桓曰。休非智勇名將。戰必敗。敗必走。走當繇碇石掛車。此兩道皆險隘。若以萬兵塞路。則彼衆可盡。而休可擒。擒休則可乘勝長驅。進取壽春。以規許洛。此萬世一時也。遜不可。及戰於石亭。休果敗。追至碇石。斬獲無算。會賈逸援休。吳兵斷碇石者退走。遂據碇石。以兵糧給休。休軍乃振。今山爲控扼要口。北拒廬鳳。南指江黃。此爲通道。○龍眠山在縣西北五十里。與廬州府舒城縣接界。巖壑甚勝。紀勝云。山與舒城六安太湖。懷寧諸縣接界。似悞。今詳見舒城縣。

掛車嶺

縣西四十里。即朱桓所謂碇石掛車。兩道皆險隘者也。志云。上有掛車石。漢都長安。江淮往來。此爲要路。九域志。桐城縣有掛車嶺。以掛車嶺而名。

大江

縣東南百三十里。上自懷寧縣之長風夾。下至無爲州界之六百丈墩。凡百二十里。皆屬縣境。史記。秦始皇三十七年。自雲夢浮江渚。至丹陽。括地志。江渚在同安縣東。或曰。即樅陽也。

樅陽河

縣東南百二十里。其源自懷寧縣界之蓮湖引流入界。經縣南百三十里。爲石塘湖。又東流繞樅陽故縣。曰樅陽河。府西北境。諸川及縣東北諸川。皆匯流入焉。達于大江。漢武薄樅陽而出。陳友諒自樅陽寇池州。太平是也。志云。樅陽東十餘里。接

三江口。有鐵坂洲。羅塘洲。木鷄洲。皆在江濱。相傳周世宗與南唐割江爲界。以木鷄浮江中。隨其所至。以定南北。鷄沿洲東下。故以木鷄爲名。又有老洲。在縣東百里。西南去樅陽六十里。六百丈巡司置於此。○長河在縣東南百三十里。其源爲雙河。一出魯碇山。

曰東河一出洪濟山。曰西河。流經城東三十里。爲孔城河。又有白兔河。出縣東南六十里。獨山湖。亦流合焉。漚流爲長河。達樞陽入江。

源子港

縣東三十里。下流入江。志云。縣東百有二十里。有破埭。竹子。白蕩諸湖。其白蕩湖亦曰民池湖。又有廂山湖。在縣東南百二十里。廂山之水注焉。皆週環相接。達源子港入江。○桐溪在縣城東。源出龍眠諸山。繞城而南。引流入城。曰桐渠。復南出。漚

民田下流

入樞陽河

團亭湖

縣南六十里。括地志。湖水發源南硤石山。與白石湖相連。湖中有兩小山。亭亭高峻。白石皎然。故有團亭。白石之號。昔時樞陽湖水遠。團亭湖與江水合而東流。今陸谷變徙。非復舊流也。○練潭在縣西南七十里。郡北高河。黃馬河諸水俱漚流於

此引而東南。曰古湖。又東南達

於樞陽志云。古湖在縣南八里。

北破關

縣北四十里。以北硤山而名。道出舒城。有巡司戍守。亦爲北硤鎮。

浮山寨

在縣東浮山下。明初。徐達攻安慶。自無爲州登陸。夜至浮山寨。擊敗敵兵。又敗賊於沙河。進克潛山。沙河今見潛山縣。○西陽戍。或云在縣東北。魏太和初。賈逵自豫州進兵。取西陽。向東關。蓋道出縣境。云

孔城鎮

在縣東三十里。以近孔城河而名。縣東南八十里。又有湯鎮。志云。縣東百八十里。有源子港。巡司地名。湯溝。又有馬踏石。巡司在縣東南三十里。地名樞陽下鎮。又練潭鎮在縣南六十里。以近練潭而名。

呂亭

縣北十五里。相傳呂蒙嘗駐師於此。宋元嘉二十五年。以豫部蠻民立呂亭左縣。屬管熙郡。縣尊省。卽此地也。今爲呂亭驛。志云。初爲北硤驛。洪武十五年。改置。又陶衝驛在縣西南四十里。地名三安。志云。驛舊置於沙口。破。洪武十五年。改置。道出潛山。

縣。

潛山縣

府西北百四十里。又西北至六安州霍山縣三百六十里。西至太湖縣百里。東至桐城縣百三十里。本懷寧縣之清朝。玉照二鄉。宋置四寨。元至元中立野人原寨。至治三年始置潛山縣。縣無城。今編戶六十里。

潛山

縣西北二十里。綿亘深遠。與六安州霍山縣接界。即霍山矣。舊志。潛山與皖公。天柱三峯鼎峙。層巒疊嶂。為長淮之扞蔽。說者皆以潛皖天柱為三山。其實非也。蓋以形言之。則曰潛山。謂遠近山勢皆潛伏也。以地言之。則曰皖山。謂皖伯所封之國也。或謂之皖公山。亦曰皖伯臺。以峯言之。則曰天柱。其峯突出衆山之上。峭拔如柱也。名雖有三。實一山耳。或又謂山南為皖山。北為潛山。盤其東。霍山屏其西。皆即一山而強為之說耳。圖經。潛山高七千有二十丈。廣二百五十里。周五百里。道家以為第十四洞天。有峯二十二。嶺八。崖五。巖十二。原四。洞十。臺四。池三。其瑰奇秀麗。不可殫紀。漢郊祀志。武帝登禮潛之天柱山。又爾雅。霍即天柱山。潛水所經。山或以邑名。或以水名。志亦謂之潛岳也。詳見前六安州霍山縣。

天堂山

縣西北百四十里。四壁高峻。中敞如堂。平廣可容萬騎。昔管屯兵於此。中有溫泉及龍湫。又有黃沙。碎石。清風。飛旗。諸嶺。及雙乳峯。主簿原旁為連山。曰羅源。後霍公益金龜。鯉魚及東山。後山。羸山。諸山。左右環合。稱為絕險。舊有天堂寨。多事時。往往為跳梁者所據。今有天堂山巡司。在縣西北百里。○牛眠山。在縣北七十里。以形似名。近有牛眠寨。為據險處。志云。山麓有金鏡潭。甚深。又北三里曰水吼。嶺控天堂之勝。又崑崙山在縣東北六十里。上有泉。近置崑崙寨。於此。其相近者曰龍隱山。亦名白涯山。

近有白

涯寨。

駕霧山

縣南三十里。峯巒高峻。駕雲霧之上。三國時魏人管屯兵於此。又白雲山在縣南八十里。絕險壁立。上有平坡。懸橋以升。可容萬人。近時有白雲寨。結於此。下有嶺曰惟嶺。溪曰澹溪。其相近者又有無愁山。○閔山在縣西八十里。有果老嶺。產茶甚

佳山最深處曰蟠山。以蟠曲名也。志云：縣西北六十里有藥石嶺，與六安州接界。西南八十里有分流嶺，與太湖縣接界。

皖水。

縣西北二十里。志云：出天堂山之龍潭，經烏石陂，至縣東二里之崩河，合於潛水。其潛水亦出天堂附近之羅源山，流爲開源。澗亦曰埭口，經水吼嶺，吳塘堰，至縣治西，轉北而東，合於皖水，達府西石牌口，下流入江。志云：皖水一名後河，潛水一名前河。經縣治西，分二流，支河出縣南，亦曰黑河，正河遶出縣北，俱達於後河。

沙河。

縣東六十里，出鼠崙山，南流合府北黃馬河諸水，灌於練潭。元至正十九年，明師破僞漢兵於青山，進向潛山，僞漢將郭泰引兵涉沙河，逆戰，明師破斬之，進克潛山，是也。

黃泥港。

縣西北二十里，太湖縣境之水，灌流於此，合於潛水。又青河在縣西十里，亦出潛山，合谿澗水，達於潛水，曰青河口。

南湖。

在縣治南，一名靈湖，亦曰南園，三面倚城，多古木，浮泓涵浸，宜於植蓮，又有雪湖，在縣治西。

吳塘陂。

縣西二十里，潛水所注也。亦曰吳陂堰。魏志：揚州刺史劉頴開吳陂以溉稻田。建安十九年，曹公道朱光爲廬江太守，屯皖，大開稻田，吳呂蒙與爭處也。或曰：塘卽朱光所開。一云：呂蒙鑿石通水，灌稻田三百頃，亦卽此陂也。通釋：陂在懷寧縣西二十里。

駕霧關。

在縣南駕霧山下，又縣東四十里有龍井關，地名西堡，懸崖瀑布，最爲奇勝。○大關在縣西四十里，地名籠口，又西十里有小關，地名茅嶺。

野人原寨。

縣西北十五里。宋景炎二年，劉源等於此起義兵與復克黃州及壽昌軍。元置寨。志云：縣有舊寨二，野人原及天堂寨也。其新寨五十有八，俱遠滑山之麓。其著者為西關、皖澗諸營。在滑山前，又太河山、小河山、張家、飛旗、從龍、張山、雙峯、紅巖。

太平堆、金伏龍、安龍、桃園、元圃諸寨。在滑山後，排牙、梅家、胡盧、馬圍、石泉、白馬諸寨。在滑山西南。

崑崙、馬鞍、英窠、獨山諸寨。在滑山東，外又有埭口、青水諸寨。皆在縣界，有事時，豪民多結寨於此。

沙灣店。

縣東十里，道出桐城。又縣西三十里曰桃花店，道出太湖。縣西南二十里曰八字店，道出望江縣。○撥蒿坂，在縣西二十里。又車欄坂，在縣南三十里，有青山渡。縣東北百里，又有黃石坂，與英窠山寨相近。又青口驛，在縣東北五里，亦出桐城之道也。

太湖縣。

府西北二百二十里，西北至六安州英山縣二百十里，西至湖廣蘄州百二十里，西南至宿松縣八十里。漢皖縣地。劉宋元嘉二十五年，以豫部蠻民立太湖左縣，屬晉熙郡。以地有太湖也。高齊置新安郡，後周郡廢，隋開皇初改縣曰晉熙，屬熙州十八年。復曰太湖縣。唐屬舒州，紹興中省入懷

寧縣，尋復置。今縣無城，編戶六十八里。

青城廢縣。

縣東四十里。志云：曹魏將曹仁所築。唐武德中置縣於此。尋廢。又東陳廢縣。在縣東南四十里。寰宇記：肅齊所置。陳大建五年廢。○荊陽廢縣。在縣東四十五里。唐武德中置荊陽縣，旋廢。又太湖故城。在縣東北二里。志云：劉宋時置縣於此。

司空山。

縣西北六十里。高聳雲表，上平坦可數畝，謂之司空原。舊有寨壘，又有洗馬池。雖旱不涸。半山復有清泓。旁有雷洞，甚深遠。旁又有小鷓鴣志云：山高七里，周四十里。又西北五里曰雷公巖，削壁萬仞，稱為奇勝。

四面山。

縣東北十里。山方而銳，四面如一。又三峯山在縣東北九十里，有三峯並峙。○嵯峨山在縣北二十里，又北二十里曰天頭山，俱以高險名也。又北八里曰獨阜山，亭秀峙，迥出羣峯中。因名。○大尖山在縣北九十里，山崇隆而聳峙，羣山皆出其

下。又北九十里有珠子山。孤

嶺干雲。有關與英。六爲限。

新寨山。

在縣西南十里。壁立險阻。又有龍門山。在縣西南十三里。兩山對峙。狀如龍門。又縣南三十里曰香茗山。上有硃砂。○九章山。在縣西三十里。以盤迴綿亘而名。又夾羅山在縣西二十里。以夾羅溪而名。其土沃。○隘口嶺在縣西北二百里。接英山。

縣界。又縣北六十里有

青楓嶺。接潛山縣界。

羅溪河。

縣西北二十里。出司空山。流經縣西一里。瀕於馬路河。經縣治而東。流六十里至潛山縣界之黃泥港。又東南會於潛水。志云。縣境羣川自西北出者。大率會於馬路河。歸於黃泥河。合潛水而入大江云。○南陽河在縣西南六十里。源出湖廣蘄州

之沙河。又有白沙河。在縣西南百六十

十里。流合南陽河。東瀕於馬路河。

後部河。

縣西北百二十里。其上流爲銀河。源出潛之天堂山。入縣境。經橫崖而入後部河。又有羊角河。源出英山。入縣界。流八十里而瀕於後部河。並流而東南。凡六十里。合龍灣河。亦東達於馬路河。志云。羊角河在縣西北二百里。銀河在縣西北百六十

里。龍灣河在縣

西北六十里。

雙河。

縣東南五里。源出四面山。築迴曲折。流合羅溪諸河。而達於黃泥港。又銅沖河在縣東十五里。中有銅礦。其下流合於雙河。○思常河在縣南三十里。與宿松縣分界。又有棠梨河。在縣西十里。源出龍門山。東南合於思常河。入潛山縣。亦瀕於黃泥港。

太湖。

在縣西南。縣西諸山溪之水。鍾而爲湖。東南流經望江縣。入於大江。今爲平陸。志云。縣有大湖。小湖。陸鍾。仰天。黃里諸湖。故有五湖之名。今縣東四十里有小池。置驛於此。或卽小湖也。餘皆湮沒不可考。○瞿公隱。舊志云在縣西南。元末。縣尹翟居仁所

築民至今

賴其利

張安撫寨

在司空山上。宋亡。有安撫張德興者。立寨於此。以圖恢復。與元人相持十餘年。爲元將昂吉兒所襲。兵敗。死之。寨有五門。曰太平。曰歡喜。曰朱砂。曰前部。曰後部。今故址猶存。桃花寨在縣西北八十里。與蘄州接界。

白沙鎮

縣西北二十里有白沙巡司。又縣北百二十里有後部巡司。又小池巡司在縣東四里。明初置。尋革。今池口驛設於此。志云。縣西北九十里。舊有南陽巡司。今亦廢。

載陽橋

在縣西三里。造舟爲梁。南通望江西。通宿松。黃梅。志云。縣西一里馬路渡。向爲津濟要口。近遷渡於此。

宿松縣

府西南二百七十里。東南至江西彭澤縣二百五十里。西至湖廣黃梅縣九十里。東北至太湖縣八十里。漢皖縣地。後漢縣省。三國魏復置爲安豐國。晉咸和中。僑置松茲縣。屬廬江郡。宋仍屬安豐郡。齊因之。晉末。僑置松茲縣。屬廬江郡。梁置高塘郡。陳

大建二年。吳明徹等伐齊。高塘郡來降。是也。隋開皇初。郡廢。改縣曰高塘。十八年。又改爲宿松縣。屬熙州。唐

武德四年。置嚴州於此。八年。州廢。縣屬舒州。宋因之。紹興中。省入望江縣。尋復置。縣無城。今編戶十六里。

松茲廢縣

縣北五十里。晉以後。僑縣治此。今其地曰仙田。有嘉禾。無種。自生。志云。縣北三十五里。又有舊縣埠。其河亦曰舊河。

得勝山

縣南四十里。元末。余闕守安慶。嘗敗賊於此。其相近者曰大爐山。上有鐵冶。又跨池山。在縣南六十里。多事時。每爲兵燹之衝。○峯山。在縣東北六十里。山高敞。可以瞻望。高齊時。淮南與陳人分江南界。嘗置烽火於此。因名。

馬頭山

縣東八十里。峯岫紆回。巖嶂屈曲。以形似名。晉咸和三年。譙國內史桓宣。以祖約作亂。帥衆屯此。約自壽春遣祖澳等襲溢口。攻皖。因攻宣。毛寶馳救。擊却之。○陳漢山。在縣西北八十里。相傳昔有陳漢者。結砦於此。其地險固。豪民往往據爲屯聚。

之所。又嚴恭山。在縣北三十里。山突起五十餘丈。環亘十餘里。唐嚴州以此山名。其相近者曰龍門山。又北十里曰石門山。

小孤山

縣東南百二十里。與江西彭澤縣接界。舊時峙江北岸。與南岸羣山對峙。時爲控扼處。元天歷中。立鐵柱於山上。長三丈有奇。曰海門第一關。江流經此。湍急如沸。至正中。余闕守安慶。倚小孤爲扞蔽。小孤敗。安慶遂不支。既而明師西討。至小孤。其守

將丁普郎迎降。未幾。明師復蘇陸道而進。自宿松抵小孤。成化二十年。江水忽分流於山北。流日益廣。自是屹立中流。大江澎湃。環於四面。山有石級百十有一。紆回而上。巖林泉石。頗饒勝致。其南下曰彭浪磯。磯圍爲馬當山。北下爲蛾眉洲。與小孤相映帶。正德十四年。宸濠以南昌叛。遣將犯小孤。沿江焚掠。進寇望江。抵安慶。說者謂小孤安慶如唇齒相維。爲金陵西面之險云。今詳見江西彭澤縣。

小隘嶺

縣西北八十里。與湖廣黃梅縣分界。志云。縣西百三十里有秦子鎮。卽黃梅境內矣。又審嶺。在縣西二里。以地多陶冶而名。○鑿山洞。在縣東十五里。洞可容千人。爲古僊樓隱處。

大江

在縣南百二十里。江防考。小孤山爲江面險惡。大江經此。分流東下。入望江縣境。有小孤巡司。與安慶九江官兵。以時巡哨。小孤之上二十里曰楊家洲。下十五里爲毛湖洲。稍東爲沙灣角。俱盜賊出沒處也。

龍南蓮若湖

縣南三十里。中有浮洲。湧若螺螄。又東南三十里爲白荆湖。其相接者曰灣池。上有山。又有灣池市及灣池渡。中分三十六段。又有棠梨湖。小黃湖。俱相連接。連於縣東八十五里之張富池。趨望江縣之泊湖。至雷港入江。○大小豆

溪。在縣東三十里。又縣東六十里曰大小伯

湧河。合流於張富池。接楊灣口。達於泊湖。

攝湖

縣西南四十里。又西南十里曰麻湖。其相接者曰牌湖。周泊湖。又西南八十里曰毓湖。周迴甚闊。中產鱖魚。又西南注於江。志云。縣北六十里有三溪河。其水出斬黃境內。有三派。流入縣境。匯於隘口。南入大江。○浮縣。在縣東南六十里。又東南十里曰

黃湖。又縣東南百里曰茅湖。皆相通。注。灌於望江縣之泊湖。

桑洛洲

縣南百三十里。寰宇記云。洲在縣西南百九十里。與潯陽分中流爲界。江水自鄂陵派而爲九。於此合流。謂之九江口。卽劉毅爲盧循所敗處。又東爲武林洲。卽桑洛洲之尾也。今詳見江西德化縣。○孟洲在縣南四十里。洲連龍湖。又有黃洲。連竹墩渡。其相近者曰黃陂洲。又南四十里曰楊柳洲。志云。縣東四十里。又望子洲。其相連者曰大泊灣。

涇江口鎮

在縣西南有巡司。志云。孤巡司而西六十里。有涇江口巡司。又西六十里爲歸林鎮。有歸林灘巡司。俱瀨。江戍守處。○楓香店在縣北四十里。亦曰楓香坂。向有楓香驛。明崇禎十年。流寇犯境。官軍禦賊於此。敗績。

屏風寨

在縣西三十里西源山中有山自麓至頂。有九井相貫。層巖峭壁。險固可恃。志云。縣有寨十。在縣北者曰九層田。氏緻架。土峯。城河凡六寨。在縣東者有北林。石氏二寨。縣西北又有白牙。東林二寨。與屏風爲十寨云。

望江縣

府西南百十里。東至池州府東流縣百二十里。南至江西彭澤縣百里。漢統縣地。晉置大雷戍。東晉義熙中。置新治縣。屬晉熙郡。陳置大雷郡。治此。隋廢郡改縣。曰義鄉。屬臨州。開皇十八年改曰望江縣。唐武德五年置高州。尋改爲智州。七年州廢。縣屬嚴州。八年屬舒州。宋末嘗遷治於東流縣之香口鎮。元還舊治。今無城。編戶二十四里。

大茗山

縣西北六十里。其旁出者曰小茗山。兩山東西相向。大茗之巔。有巨石聳峙。頂平如砥。小茗之上有蓮花峯。峻削而秀麗。又南十里爲鳳樓。鶴鳩。石灰。懸頂諸山。互相映帶。○嵯峨山在縣西七十里。東去大茗山十里。一名磐山。西接太湖縣界。志云。

山下又有連塘城。相傳

劉裕與盧循戰處也。

磨叉山。縣北三十里。泉石頗勝。又北二十里曰寶珠山。山近漳湖。濱湖諸山皆伏。山獨圓秀而傑出。因名。○周何山。在縣東一里。志云周瑜及何無忌皆曾駐軍於此。因名。

大江。縣南十五里。南接蛾眉洲。東北流入懷寧縣界。西去縣城亦三十里。江防考。大江上自宿松縣毛湖。下接懷寧縣皖口。鎮凡百五十餘里。宋志。自潯陽柴桑沿流三百里。至望江是也。

泊湖。縣西四十里。自宿松縣界龍南諸湖。及縣四境之水。俱匯於此。經縣南五里。曰楊溪河。其水東泊湖之口。亦曰澗水口。又導流爲諸港。統縣而東。下達縣東三十里之雷港。入江。今徒從縣南十五里之華陽鎮。注於江。又饋湖在泊湖西五里。亦自泊湖

分流。達

于楊溪。

漳湖。縣東北六十里。其上流爲武昌湖。在縣東北三十里。受若山。鳳溪諸溪澗。及縣北羣川之水。灌而爲湖。廣十里。袤三十里。又東北十里爲青草湖。相接者曰白上湖。會上流諸水。其漲彌天。又東北瀕於漳湖。導流爲埭溝河。達府西皖口入江。其支流達縣

東北七十里之路溝口。亦入於江。○慈湖。舊在縣北十八里。志云。縣北二十里有石子港。源出縣西二十里之雪涼泉。灌慈湖。孝感諸水。入於武昌湖。明初安慶爲陳友諒所襲。陷明師復克之。命徐達等追友諒至慈湖。焚其舟。是也。孝感山在今縣北十五里。其水亦注於慈湖。又縣西北有大小

豆溪。自宿松分流。達慈湖入江。

懸步河。在城南。其西南六里有白澗。流經城南二里。會於龍潭。合上流諸水。灌爲懸步河。又東南合於楊溪河。入江。又後溪河在縣北十里。其水分青草。白土諸湖之水。會諸溪流。合於懸步河。

馬頭河。縣北五十里。亦受大茗諸山之水。縣西北四十里鴉灘之水。亦流灌焉。下流入武昌湖。又蘆蕪河在縣西北三十里。源出鷓鴣諸山。亦流入武昌湖。○埭溝河在縣北六十里。受漳湖諸流。連懷寧縣境之沙灘。又東經石廬渡。至皖口入江。

雷池。

縣東三十里。源出宿松縣界。東流二百餘里。經縣東南。積而為池。又東十五里入江。三國時有雷池監。孟宗嘗為雷池流官。是也。其入江處亦曰雷港。亦曰雷江口。亦曰大雷江。晉咸和二年。蘇峻以歷陽叛。溫嶠欲自江州入衛。庾亮報嶠書曰。吾憂西陸。

過於歷陽。足下無過雷池一步。義熙六年。劉裕討盧循。軍於雷池。進軍大雷。分兵屯於雷江西岸。先備火具。循自浚口來戰。不勝。回泊西岸。岸上軍發火焚之。循敗走。宋孝建初。江州刺史臧質叛。使其黨魯宏下戍大雷。泰始初。晉安王子勛舉兵江州。遣將軍俞伯奇斷大雷。禁絕商旅。又以甲士五千人出頓大雷。於兩岸築壘。明年。子勛將劉胡等軍敗。悉發南陵諸軍。燒大雷諸城。而還。梁承聖初。王僧辨等討侯景。自尋陽東下軍於大雷。陳永定二年。以王琳軍尋陽。遣軍拒之於大雷。既而琳引軍來攻。不克。今縣城本名大雷。蓋以雷江為名。明正德七年。流賊劉六等。自黃州趨京口。道雷港。尋又自通州經雷港。趨九江。未幾復蘇雷港犯金陵。蓋雷港為濱江要防也。舊置雷港鎮。有巡司戍守。兼置雷港驛。天啓中。雷港為浮沙所塞。於是巡司廢。驛移於華陽鎮。

楊灣鎮。

縣南三十里有楊灣口。巡司今移司於東十里之急水鎮。志云。南門外有方公堤。達急水鎮。明天啓中。縣令方懋德築。○華陽鎮。在縣南十五里。志云。鎮濱江。與宿松界沙灣角。毛湖洲一帶。形援相接。向為奸盜淵藪。有官軍巡戍。又新溝鎮在縣西。

縣北又有

埭溝鎮。

西圩。

縣東北六十里。周三十餘里。堤長三千九百七十餘丈。闊十丈。高二丈。圩中田三萬七千餘畝。志云。孫吳時屯皖口。得穀數萬餘。卽此圩也。

附見

安慶衛。

在府城內。洪武初建。



讀史方輿紀要

卷二十七

江南九

太平府

東至江寧府溧水縣百六十里。南至寧國府百七十里。西南至池州府四百五十里。西北至和州九十里。自府治至江寧府百三十五里。至京師二千五百九十里。

禹貢揚州之域。春秋時吳地。後屬越。戰國屬楚。秦屬鄣郡。漢屬丹陽郡。晉屬丹陽。宣城二郡。咸和中。僞立淮南郡。兼備置當塗縣。治于湖。又嘗僞立豫州。治蕪湖。後或治姑孰。或治于湖。詳州域形勢。宋爲淮南郡。齊嘗置南豫州。州在建康之南。亦曰南州。梁末亦

爲南豫州。

治姑孰。

陳因之。隋滅陳。改屬蔣州。唐武德四年。復置南豫州。八年州廢。改屬宣州。五代時。南唐

置新和州於此。尋改雄遠軍。宋開寶九年。改曰平南軍。太平興國二年。改爲太平州。元爲太平路。明初改爲太平府。直隸京師。領縣三。今仍曰太平府。

府控據江山。密邇畿邑。自上游來者。則梁山當其要害。自橫江渡者。則采石扼其咽喉。

梁山采石詳見前名山卽府境形勝

也。金陵有事，姑孰爲必爭之地。東晉以後，嘗謂京口爲北府，歷陽爲西府，姑孰爲南州，而南州關要，比二方爲尤切。地勢然也。王應麟曰：太平，江津之要害也。左天門，右牛渚，鐵甕直其東，石頭枕其北，襟帶秦淮，自吳迄陳，常爲鉅屏。

當塗縣

附郭，漢丹陽縣地。晉太康三年，分丹陽置於湖縣，咸和中以江北當塗流民南渡者衆，乃於湖僑立當塗縣及淮南郡。隋罷淮南郡，徙當塗於姑孰，屬蔣州。唐初爲南豫州治州廢，以縣屬宣州。乾元以後，縣屬昇州。南唐屬雄遠軍，宋屬太平州。今編戶

一百六

十九里。

姑孰城

今府治，漢丹陽縣地也。追臨江渚，商賈湊集，魚鹽所聚，東晉時置城戍守，并積鹽米於此。城南臨姑孰溪，因曰姑孰城。咸和二年，歷陽內史蘇峻據郡叛，使其將韓晃等襲陷姑孰，取鹽米與寧二年，桓溫自赭圻移鎮姑孰，咸安二年，桓衝爲豫州刺史，成姑孰。宋元嘉三十年，武陵王駿討元凶劭，至南洲，降者相屬，即姑孰城南也。又大明七年，校獵於姑孰，齊永明十一年，宜都王銍爲南豫州刺史，鎮姑孰。東昏侯末，蕭衍前軍至蕪湖，監南豫州事申胄棄姑孰，走行進據之。既而齊主寶融自荊州東至姑孰，陣位於梁，梁承聖初，王僧辨等討侯景，至姑孰，賊將侯子鑒敗走。隋開皇九年，伐陳，韓擒虎自橫江濟采石，攻姑孰，半日拔之。尋移當塗縣治，此後因之。志云：當塗城舊跨溪水上，唐元和中，築周十五里，東西置水門，曰上下柵，張舜民曰：姑孰溪舊經太平州城內，陸游曰：姑孰城在當塗北，今州城正據姑孰溪，溪亦名姑浦。江源記：姑浦口南岸立津，以譏行旅，是也。宋建炎中，郡守郭偉築新城，滅舊城三之二，限溪流於城外，西入江，後屢經修築。寶慶二年，更置南北二水門，又增築城一，紹定中，復修城濬濠，環城爲備，元仍舊址。明初克太平，既而陳友諒來爭，城西南俯瞰姑溪，友諒乘水漲，以巨舟薄城，士卒緣舟尾而上，城遂陷，友諒敗，嘗遇春駐守，乃改築今城，南距姑溪三十餘步，城遂完固，有門五，南面門二，左曰南津，右曰湖，執東面曰行春，西面曰澄江，北面

曰清源城周

六里有奇

于湖城

在府南三十八里。漢丹陽縣地。三國吳爲督農校尉治。晉太康二年始立于湖縣。屬丹陽郡。太寧初王敦自武昌移鎮姑孰。屯于湖。咸和初。備置淮南郡於此。宋大明六年。以淮南郡并入宣城郡。移宣城郡治于湖。又南豫州亦治焉。尋復爲淮南郡。

治隋省郡。又并縣入當塗。杜佑曰。當塗城卽姑孰城。于湖故城在其南。

云。又丹陽城在府東北八十里。與江寧府接界。今爲丹陽鎮。詳見前。

采石山

府西北二十五里。濱江爲險。昔時自橫江渡者。必道采石。趨金陵。江津襟要。此爲最衝。亦曰采石圻。志云。采石以昔人採石於此。而名。其石突出江中。渡江者繇此登躋。今爲采石鎮。置采石巡司及采石驛。又南里許曰牛渚山。亦曰牛渚圻。俱見前。

山名

博望山

府西南三十里。亦曰東梁山。與和州西梁山夾江對峙。石磯北出。江流激射。亦謂之梁山磯。又名天門山。亦曰蛾眉山。詳見前。名山梁山。

白紵山

府東五里。本名楚山。晉桓溫遊此。奏白紵之歌。因改名焉。登其上。則羣山環列。江湖縈帶。稱爲佳勝。或謂之蒲山。宋書。大明七年。巡于湖。至蒲山。卽此山矣。○黃山在府西北五里。一名浮邱山。山有劉宋時離宮及凌鼓臺。懷古臺。并浮圖在焉。志云。

凌鼓臺周五里一百步。高四十丈。又金山在府

北十里。昔時出銅與金。類古所謂丹陽銅也。

龍山

府南十里。桓溫嘗以九日與僚佐遊宴於此。陳宣帝謂郡之形勝。牛首北臨。龍山南指者也。金陵志云。山在建康西南九十五里。周二十五里。高百二十丈。稍南爲九井。在相傳桓溫所鑿。晉元興二年。桓玄築禪位壇於九井山北。卽此。伏滔北征記。九井

山五井已埋。

四井通大江。

青山。

府東南三十里。一名青林山。唐武德七年。李季恭等討輔公祜。敗其兵於蕪湖。公祜遣舟師屯博望山。復遣其將陳正通將步騎屯青林山。既而季恭敗公祜梁山之兵。博望青林二戍皆潰。明初太祖入和陽。元人戍守於此。志云山綿亘甚遠。周八十里。唐天寶十二載。改名謝公山。以齊宣城太守謝朓居此。山頂有池及井。皆以謝公名也。宋郭詳正詩。重岡覆嶺控官道。北望金陵真國門。是矣。○石城山在府東二十里。有石環繞如城。因名。

褐山。

府西南三十五里。臨大江。亦曰曷山。稍東。即東梁山也。唐光啓三年。楊行密自廬州謀取宣州。州帥趙鍾遣兵屯曷山。行密擊敗之。天復二年。馮宏鐸據昇州。引樓船兵襲宣州。楊行密將田顛帥舟師逆戰於曷山。大破之。三年。田顛以宣州叛。行密使李神福攻顛。破之於曷山。張舜民彬行錄。褐山磯在大信口稍西南。去蕪湖縣四十餘里。是也。宋紹興二年。命沿江岸置烽火臺。當塗之褐山。其一處云。

馬鞍山。

府西北三十五里。慈湖港口。江防考。山至江寧之列山三十五里。至江寧鎮四十五里。馬鞍而東北五里。即江寧接界之慈姥山也。又望夫山亦在府西北四十里。志云山周五十里。高百丈。正對和州城樓。○橫望山在府東北六十里。與江寧府接界。亦曰橫山。志云。即春秋時。楚子重伐吳所至之衡山也。

大江。

府西北五里。江行錄。大江自繁昌縣西三十里。荻港驛入府界。與池州府接壤。過縣北。折而東北流。有宗三廟。爲沿江要地。又東至蕪湖縣。去繁昌凡百里。又東北四十里。爲東梁山。又東北四十里。至采石磯。又東北六十里。即江寧鎮也。梁承聖初。王僧辨討侯景。至姑孰。景將侯子鑒度南洲。於岸挑戰。又以鷓鴣船載戰士。僧辨麾細船令退縮。留大艦夾泊兩岸。子鑒之衆謂水軍欲退。亟出趨之。大艦斷其歸路。合戰江中。賊軍大敗。宋志。郡濱江爲險。牛渚天門。最爲形勝。賊東南之巨鎮也。

丹陽湖。府東南七十里。舊志云。應天廣德。徵寧。境內之水。滙而爲三湖。曰石臼。曰固城。曰丹陽。而丹陽最大。東西七十五里。南北九

十里。其一枝自蕪湖縣入江。又分爲別派。北過大信。經天門山入江。其一枝接溧水縣境。合諸溪港之水。北會姑孰溪。經府

南。北過江口渡。又北過黃山渡。出抵采石磯。入大江。俗以蕪湖

之流爲南股。當塗之流爲北股。其上游詳見江寧府高淳縣

姑孰溪。

在府南二里。自丹陽湖引流而北。合支流諸水。滙爲姑孰溪。亦謂之姑浦。又西過蠶浦。經城南。謂之南州津。又西北至府西五里之江口渡。復北經黃山渡。又北歷牛渚采石磯。至寶積山。入於大江。志云。采石之北。卽寶積山。舊有取銅坑。因名。

大信河。

府西南二十五里。大江自天門山南。隨爲夾河。曰大信。下達采石入江。亦謂之南浦。劉宋孝建初。江州刺史臧質以南郡王

義宣叛。與王玄謨相拒於梁山。質遣其黨龍法起將兵趨南浦。欲自後掩玄謨。垣護之擊破之。梁承聖初。王僧辨等討侯景。至蕪湖。景將侯子鑿據姑孰南州以拒之。景遣人戒子鑿曰。西人善水戰。宜結營岸上。引船入浦。浦卽南浦。胡氏曰。今大信港也。

志云。大信河自蕪湖白岸湖分流。北過梅塘河。墓山之間。西過馬鞍山。又西過大信下鎮。會龍山港入江。今有大信巡司。亦曰東

梁山巡司。置於府西南大信河口之大信鎮。又置擔河在府西七里。亦曰古擔河。自大信河分流入江。亦有區擔河。

新河。

府北二十五里。亦曰采石河。志云。在采石鎮西。牛渚磯東。宋慶曆中。以牛渚磯控江流之衝。水勢湍激。爲舟楫害。乃開新河於

磯後。南接夾河。北達大江。舟行遂得安濟。○黃池河在府南六十里。東接固城湖南。至黃池鎮。與宣城縣分中流。爲界。西接蕪

湖縣河。入大江。唐大順二年。楊行密保宣州。遣將劉威等擊賊將孫儒於此。爲儒所敗。又天復三年。田頴據宣州。叛楊行密。行密將秦讓敗頴於黃池。是也。

慈湖水。

府北六十三里。志云。舊有湖。後涸。其餘水流入大江。江行記。自建康浙江而上。過白土磯。入慈湖。夾是也。吳將管融嘗屯兵

於此。晉咸和中。蘇峻以歷陽叛。庾亮使司馬流將兵據慈湖以拒峻。峻遣其黨韓晃襲殺流。咸康初。以石虎南游。分命諸將

屯慈湖諸處。梁太清二年。侯景以壽陽叛。兵至慈湖。建康大恐。明初徐達等破陳友諒於此。元志慈湖接江寧縣界。有巡簡寨。今廢。○蕪湖。水志云。在府西南八十里。源出丹陽湖。西北流入江。漢末嘗於湖側置縣云。

青堆沙。在府西南二十里。或曰卽青墩也。梁敬帝初。徐嗣徽召齊兵犯建康。陳霸先召周文育於盪城。嗣徽列燧青墩。至七歲。以斷文育歸路。尋爲文育所敗。志云。今蕪湖縣南有青墩。河亦曰青墩沙。

陵口戍。在府北三十里。或謂之東陵口。晉咸和中。蘇峻自歷陽濟橫江。登牛渚軍於陵口。胡氏曰。在牛渚之東北。亦江濱戍守處。

黃池鎮。府南八十里。道出寧國府。有黃池公館。志云。府東南二十五里有楊家渡。又東南與固城。丹陽諸湖相接。此爲濱湖津要之所。○薛鎮。在府東二十里。又東二十里爲博望鎮。道出溧水縣。

襄城橋。府北二里。明初太祖伏兵於此。擒元將陳瑊。先志云。府城南有南津橋。亦曰上浮橋。城西南又有彩虹橋。亦曰下浮橋。俱跨姑孰溪上。

蕪湖縣。府西南六十五里。西至廬州府。無爲州百三十里。西南至寧國府南陵縣百十里。春秋時爲吳之鳩茲邑。漢置蕪湖縣。屬丹陽郡。以地卑蓄水而生蕪。因名。後漢因之。晉咸和四年。嘗爲豫州治。寧康初。僞立上黨郡。及襄垣縣。寄治蕪湖。尋改蕪湖爲襄

垣。宋齊因之。屬淮南郡。隋省襄垣入當塗。唐爲蕪湖鎮。大順中。楊吳復置蕪湖縣。屬昇州。宋初屬宣州。太平興國三年。改屬太平州。縣無城。今編戶三十五里。

蕪湖城。縣東三十里。古鳩茲也。左傳襄三年。楚子重伐吳。克鳩茲。漢置蕪湖縣於此。一名祝松。亦曰祝茲。呂后時。封徐厲爲祝茲侯。或以爲松茲也。後漢仍屬蕪湖縣。建安初。孫策破劉繇。太史慈遁蕪湖山中。自稱丹陽太守。十五年。孫權迎周瑜之喪於蕪

湖。皆此城也。後又使陸遜屯於此。先主嘗謂權曰。江東形勢。先有建業。次有蕪湖。是矣。吳黃武初。徙縣於今治。杜預曰。鳩茲。今阜甯也。地志以爲阜慈。今縣東四十里有鳩慈港。自晉以後。皆仍吳治。蕭子顯曰。蕪湖浦水南入。亦爲險要。晉太興五年。王敦舉兵

武昌東逼建康。至蕪湖。咸和二年。宣城內史桓彝以蘇峻作亂。起兵進屯蕪湖。爲峻黨韓晃所敗。晃遂進掠宣城。咸康初。石虎南遊。命諸將列戍蕪湖。梁承聖初。王僧辨等討侯景。至蕪湖。景將張黑棄城走。陳天嘉初。王琳東下。至槽口。侯景督諸軍禦之於蕪湖。唐武德七年。李孝恭破輔公祐之兵於蕪湖。進拔其梁山等鎮。又天復三年。淮南將田頔以宣州叛。行密遣李神福自鄂州還軍擊之。頔使其將郭行傑將水軍屯於蕪湖。以拒神福。行密使臺濂將兵應之。蓋濱江鎮戍。蕪湖實爲要衝也。今商旅駢集。明天堂中置權。啓中置權。關於此。

上黨城

在縣西南五里。東晉太元中。以上黨流民僞置上黨郡及襄垣縣。後省郡爲上黨縣。屬淮南郡。宋元嘉九年。又省上黨縣入襄垣。○王敦城在縣東一里。敦移鎮姑孰時所築城也。陸游曰。蕪湖卽于湖。並大江有王敦城。氣象宏敞。晉春秋。北魏書皆

言敦屯蕪湖。故游疑以爲卽于湖也。

戰鳥山

縣西南五里。大江中。舊名孤圻山。相傳桓溫鎮姑孰時。嘗屯於此。夜中宿鳥驚啼。溫疑爲官軍至。因名。梁王僧辨等討侯景。自江陵東下。軍於大雷。景將侯子鑿方攻齊合肥。不下。還至戰鳥。西軍奄至。懼奔淮南。卽此。隋唐間。建靈山寺於此。因改曰

靈山。亦曰戰鳥圻。胡氏曰。淮南卽姑孰也。又西南二里。大江中有螭磯山。螭。老蛟也。磯。南有石穴。廣一丈。深不可測。志云。磯高千丈。周九畝。有奇。往來者皆經其下。磯之西。卽無爲州界也。大雷。今安慶府望江縣。

藉山

縣東北五里。志云。其山丹赤。漢丹陽郡蓋以是山名。又驛磯山在縣北八里。臨大江。南唐時。嘗設館驛。列市肆於此。○荆山在縣東十六里。有大小二荆山。小荆山在大荆山之東。有巖石之勝。

七磯

縣西北十五里。梁末。徐嗣徽引齊兵據蕪湖。列艦於青墩。至七磯。以斷周文育溢城還建康之路。卽此一名磯。

大江。在縣西五里上至河口鎮。接繁昌縣界。下至
禍山磯。接當塗縣界。凡四十里。與和州對境。

中江。

在縣南。漢志注云。中江在縣西南。東至陽羨入海。今縣河東達黃池。入丹陽。石臼等湖。至銀林堰。乃中江故道也。蘇常承中江
下流。常病深沒。及五堰築。而中江不復東。宜欽之水。皆縣縣西以達於江。志云。今長河在縣南半里。源出廣德宣州之間。過縣
前西行。稍北五里。注於大江。蓋即丹陽湖之導流。入江處。古所云。中江者也。宋史。宣和七年。詔太平州判官盧宗原
開江東古河。自蕪湖縣宣溪。深水至鎮江。渡楊子。趨淮。汴。免六百里。江行之險。蓋亦循中江故流。東北達於大江云。

魯明江。

縣南三十餘里。其上源即寧國府境內之青弋江也。昔嘗穿港以屬丹陽湖。餘水灌於石碓渡。西北注大江。流遂深闊。亦曰
魯港。相傳舊有魯明仲者居此。因名。十國記年。孫儒與楊行密爭宣州。行密將璽濂於魯江。作五堰。以輕舟給行密軍。食五
堰。蓋在魯明江上源。即今高淳縣之東壩矣。又宋末。賈似道軍於
魯港。為元人所敗。今有河口鎮。巡司在縣西南。與繁昌縣接界。

魯港河。

在縣南。源亦出徽寧境內。流入縣
境。西注大江。今縣西有魯港驛。

天城湖。

縣東南十里。亦丹陽湖下流所匯也。其溢入處為
荆招港。一名天聖。又東有白岸湖。與當塗縣接界。

石碓市。

縣南三十五里有石碓渡。志云。渡闊五里。即魯明江之上流也。晉咸和中。
桓彝嘗屯兵於此。以拒蘇峻。又縣東四十里有鳩茲渡。在鳩茲港口。因名。

繁昌縣。

府西南百六十里。西南至池州府銅陵縣百里。東南至寧國府南陵縣八十里。西北至無為州百七十里。漢春穀縣地。屬丹陽
郡。晉屬宣城郡。東晉僑置襄城郡及繁昌縣。太元中郡廢。縣屬淮南郡。宋齊因之。梁末置南陵郡。陳置北江州。隋州廢。又并縣。

入當塗。南唐始復置繁昌縣。屬昇州。宋初屬宣州。太平興國三年。改屬太平州。舊治在今縣西北四十里。明景泰末。始遷今治。縣無城。今編戶十二里。

春穀城。在縣西南。漢縣。屬丹陽郡。晉屬宣城郡。元帝初。嘗備置襄城郡於春穀縣境。封子衰爲襄城。郡公成帝時。郡廢。寧康初。改爲陽穀縣。後廢。宋白曰。春穀城在南陵縣西北一百五十里。

赭圻城。縣西南十里。三國吳所置。赭圻屯也。晉哀帝召桓溫入朝。至赭圻。有詔止溫。溫遂築城居此。溫表云。春穀縣赭圻城在江東岸。臨江西當濡須口二十里。距建康宮三百里。南有聲里。北有高安戍。請城其地。是也。宋泰始二年。晉安王子勛舉兵江州。

其將孫冲之爲前鋒。據赭圻。沈攸之等自虎檻洲進攻。大破之。尋拔赭圻。建安王休仁自虎檻洲進屯於此。梁置南陵縣及郡治赭圻城。陳置北江州於此。隋唐時爲鎮戍。土俗至今稱爲故縣城。

磕山。縣南十里。上有龍池。大旱不竭。一名孤圻山。又名巖居山。志云。山在江中。又鳳凰山在縣西南二十里。下臨荻港。有珠金沙。宋末。賈似道與蒙古相拒。嘗駐珠金沙。走還揚州。

老山。縣東北三十里。有三峯並秀。亦作姥山。或曰姥山。蓋縣西南江濱小山也。沈攸之破孫冲之於赭圻。追至姥山而還。又子勛將陶亮屯鷓州於姥山。及諸岡分立營寨。及冲之敗。亦各散還。沙州移徙。姥山淪入江中矣。胡氏以爲卽巢湖中之姥山。似誤。○

隱靜山在縣東南七十里。五峯還峙。泉石甚勝。又縣東有浮邱山。有二峯及浮邱洞。又有龍池。諸勝一名隱玉山。相傳浮邱翁隱於此。

馬仁山。縣南六十里。舊名馬人山。唐貞元中。改今名。上有五峯及廢池。泉石之勝。山之西麓。卽池州府銅陵縣界。○大陽山在縣西。其相接者爲小陽山。有龍池。雖旱不竭。山之西麓。盡於江中。有板子嶼。一名返棗嶼。

三山磯。縣東北四十里。臨江濱。有巡司戍守。上至荻港。巡司七十里。下至蕪湖。縣河口磯。巡司三十里。爲濱江戍守之處。又縣西北有黃石磯。大江多黃土。巨石因名。

大江

縣北十五里。上自荻港。臨脂夾。與池州府銅陵縣接界。下至河口鎮。與蕪湖縣接界。凡百餘里。與無爲州及和州對境。江面廣闊。凡數十里。中有州曰楊夾沙鎮。

荻港

縣西南二十里。自池州府銅陵縣流入境。注於大江。東岸與緒圻城相屬。西對無爲州。乃江流之險要。今縣西北四十里有荻港。置巡司戍守。兼設荻港驛及河泊所於此。○上莪橋河在縣南源出浮丘山。接縣東之亭田港。又西接蒼龍州。下流注於江。

小淮水

在縣東六十里。自寧國府南陵縣流經縣境。入蕪湖縣界。會於石碗渡。爲魯港之上源。

濃湖

在縣西南三十里。宋泰始二年。沈攸之破緒圻。子勛將袁觀等軍於鵠尾。與攸之相拒於濃湖。張興世請帥奇兵潛出濃湖之上。奪其錢。攸之等因進攻濃湖。以纒觀等之兵。是也。今湖已湮廢。志云縣西南二十餘里有官莊湖。卽荻港支流所匯也。或以爲濃湖之餘浸。

虎檻洲

縣東三十五里。宋泰始二年。晉安王子勛舉兵江州。詔建安王休仁督諸軍討之。休仁軍南州。使沈攸之將兵屯虎檻。旣而兗州刺史殷孝祖入援。詔引軍向虎檻。休仁亦自南州進屯壽。陳天嘉元年。王琳伐陳。自盩城至櫛口。陳將侯瑱自蕪湖進軍。虎檻洲。琳亦出船列江西。隔洲而泊。及戰。爲瑒所敗。櫛口見和州櫛口。

鵠尾洲

縣西南大江中。左傳昭五年。吳敗楚人於鵠岸。杜佑曰。南陵大江中有鵠洲。卽古鵠岸也。宋泰始二年。晉安王子勛舉兵江州。遣其將陶亮軍於鵠洲。前鋒孫冲之軍於緒圻。旣而亮以蓋軍屢捷。召冲之還鵠尾。又劉胡自尋陽率衆繼至。與舊兵合。

十餘萬軍。鵠尾，尋又以袁觀督征討諸軍，帥樓船千艘，戰士二萬，來入鵠尾，是鵠尾即鵠洲也。今江中有數洲，其大者爲楊夾沙鎮，或以爲卽古之鵠尾云。

南陵戍

在縣西南，下臨江渚。胡氏曰：六朝時，江州東界盡於南陵，蓋橫江津要處，非今之南陵縣。晉陶侃領荆、江二州刺史，自南陵迄於白帝，數千里，路不拾遺，謂南陵也。義熙六年，盧循攻建康，不克，南還尋陽，留其黨范崇民將五千人據南陵。宋孝建初，臧質以南郡王義宣叛，自江州趨建康，殿中將軍沈靈賜將百舸破質前軍於南陵。梁亦置戍於此。承聖初，王僧辨討侯景軍於大雷，遣前軍侯瑱襲南陵，鵠頭二戍克之。宋白曰：南陵戍去今宣州南陵縣百三十里。梁武因舊戍置南陵縣，本治緒圻城，亦非今之南陵云。鵠頭，今見銅陵縣。

附見

黃澚鎮

縣西南三十里。諺一作火，有黃火河，瀰於荻港。又新林鎮在縣東南三十里。○縣市鎮在縣西四十里，稱北。卽舊縣治也。志云：舊縣治後山絕頂，上有縹緲臺，下臨大江，與濡須津相對。宋熙寧中，易名曰表裏江上臺。

建陽衛

府治西南，洪武三十五年建。

池州府

東至寧國府三百二十里，南至江西饒州府浮梁縣三百八十里，西南至江西九江府五百五十里，西至安慶府百二十里，東北至太平府四百五十里，自府治至江寧府五百五十里，至京師三千一百五十里。

禹貢揚州之域。春秋時吳地，後屬越。越滅，屬楚。秦屬鄣郡，漢屬丹陽郡，晉屬宣城郡，宋齊因之。梁屬南

陵郡。陳屬北江州。隋屬宣州。唐武德四年置池州。貞觀初廢。仍屬宣州。永泰初復置。亦曰秋浦郡。志云時割

宣之秋浦。青陽。饒之至德。置池州。

唐末屬於楊氏。南唐曰康化軍。宋仍曰池州。

紹興初。嘗移江南東路治此。旋還建康。

元曰池州路。明曰池州府。

直隸京師。領縣六。今仍曰池州府。

府襟帶江山。控扼肥皖。居金陵之上游。當江濱之孔道。或自鄱陽而北出。或自淮南而南指。可舟可徒。郡亦設險之所也。宋取江南。以戰艦先取其池州。而後步騎從采石南渡。金陵藩屏。豈惟安慶為要地歟。

貴池縣

附郭。漢置石城縣。屬丹陽郡。晉屬宣城郡。梁屬南陵郡。隋平陳。縣廢。開皇十九年。改置秋浦縣。屬宣州。唐為池州治。五代時。楊吳改曰貴池。宋仍為池州治。舊府城周七里。有奇。今州十四里有奇。為門七。臨戶三十九里。

石城廢縣

府西七十里。地名鐵店。亦曰倉埠潭。漢縣治。此志云。以東西兩石山夾河。如城而名。後漢建安四年。孫策西擊黃祖。行及石城。尋以程普為丹陽都尉。屯石城。其後孫權封韓當為石城侯。邑於此。自晉以後。皆曰石城縣。水經注。江水自石

城東入為貴口。是也。隋縣廢。尋改置秋浦縣於石城故址。唐因之。楊吳徙秋浦於貴池。因曰貴池縣。即今治也。

虎林城。志云。在石城東十五里。孫權封子休為瓊瑯王。鎮虎林城。是也。括地志。孫吳時。虎林為戍守處。置督於此。太平二年。孫琳遣朱異自虎林襲夏口。至武昌。夏口督孫壹奔魏。蓋沿江西上也。又有南太原城。志云。即故石城。梁初置太原郡於此。大同中

廢今建德縣
亦有太原城。

齊山

府南三里山有十餘峯其高齊等因名周必大記曰唐刺史齊映所嘗遊也山周圍二十里巖洞三十有二泉大小十一亭臺二十餘其九頂洞亦曰翠微寨山蓋與九華之勝並擅江南其西有湖亦曰齊山湖中有小山曰珠兒山一名石洲○六峯山在府南二十里有六峯競秀其相近者曰萬羅山以圍峯孤突羣山羅列而名又南二十里曰大樓山孤撐碧落若空中樓閣然

五山

府東南六十五里孤峯獨出其下散爲五支聯絡相屬巍然爲羣山之長又三十六山在府南七十里雲峯六六上插晴空與九華競秀又南十里曰七井山上列七峯湧泉七穴山險峻四時多寒○碧山在府東十里瀨湖蒼崖翠嶽倒影沉碧稍南曰石壁山以形如削壁也又瀆湖山在府東南四十里絕頂有田淵泉旁出澄泓如練羣鰲魚鱗若瀆湖然其田歲無旱憂又鐵券山在府東六十里志云黃巢降受鐵券於此

黃龍山

府北五里濱大江有望江亭稍西曰鎮山瀨池口河○百牙山在城東北半里志云府治主山也東麗曲水旋繞曰落蓬灣相傳貨舟輾泊於此牙行百人登龍以平其直因名上有浮屠

大雄山

府西南三十里羣峯排戟雄峙一隅又府西三十里有大山地名黃花坦其東五里曰龜峯山皆瀨後湖又專景山亦在府西二十五里王家汊之右俗呼磚井山崇巒拱揖支隴環伏湖水搖光菱荷交映擅一方之勝○白面山在府西南六十里

雪崖拱北如傳粉然下有白面渡又西南十里曰郎山一名和龍山下有玉鏡潭又秀山在府西南九十里層嶂如屏煙蘿延蔓下有蒼隼潭行旅往來濟渡於此志云府西南七十五里有水車嶺陡峻臨瀨奔流衝激若栢棹聲

全山

府西南百二十里峯巒周匝拱抱如環又西南二十里曰城山以山勢周遭如城也羅友賢案址存焉其相近者曰高明山有高明洞其宏敞志云山在城西南百四十五里○西巖山在府西南百五十里高萬仞周數十里其相接者曰魚戴山石壁斷

崖三級。每級寒潭。湧激。湧泉飛瀑。中有石如魚。一名鯉魚。巖山。又鹽山。在府西南二百里。山巔有田百畝。水泉四時不竭。

大江

府北五里。自盩浦而來。至東流縣西香河口。而入府界。過縣北。至吉陽河。凡六十里。又六十里。至鳳漢鎮。北折而東。六十里。至李陽河。又二十里。爲烏沙夾。又四十里。至池口。又東爲麻布。蘇梅。楓。五埤溝。凡六十里。而至大通河。又東則銅陵縣也。自銅陵。南折而北。爲丁家洲。爲錢家灣。爲胭脂夾。爲荻港。凡八十里。接太平府繁昌縣界。對境則安慶府桐城縣。至無爲州也。東西幾四百餘里。舊經云。自馬當順流。而界繁昌。橫江。凡五百里。府境諸水。悉流入焉。宋史。宣和六年。前太平判官盧宗原言。池州大江。乃上流。綱運所經。其東岸皆暗石。多至二十餘處。西岸則沙洲。廣二百餘里。俗謂之拆船灣。習舟至此。必毀拆也。今東岸有車軸河口。沙地四百餘里。若開道入杜塢。使舟經平水。徑出池口。可避二百里風濤。拆船之險。請措置開修。從之。志云。今近府之洲。曰古夾。曰鳥落。曰官。曰新。曰上。荷葉。曰武梁。其巖曰。瀾江。曰羅汶。曰黃龍。曰劉婆。皆濱江相接云。

池口河

城西五里。一名杜塢河。志云。城西四里有杜塢山。以唐杜牧嘗遊此。而名。河經其下也。又有鎮山。在城北五里。濱池口江。便民倉置於此。亦謂之貴池。源有五。一出石埭縣西之樸山。一出府西南百八十里之古源山。亦曰源頭山。一出涇溪。一出石嶺。一出東源。衆流會於秋浦。匯於府西南七十里之玉鏡潭。又迤邐數十里。鍾爲谷潭。決爲炭埠港。注於杜塢。過鎮山。入池口河。以達大江。亦謂之貴口。宋泰始二年。尋陽王子勳舉兵江州。遣其將劉胡等軍於鶴洲。旣而臺軍張興世營於錢溪。胡等糧運中絕。乃遣沈仲玉步趨南陵。載糧數十。舫至貴口。不敢進。興世遣壽寂之等擊敗之。卽此。張舜民曰。自銅陵。舟行六十里。至梅根港。又五十許里。至黃池口。是也。唐以此名州。今有池口巡司。置於濱江黃龍巖上。

清溪河

在城南。源出西南之涇溪。及石嶺。與棠溪。峽川之水。交於白洋。匯於江祖潭。注於上清溪。沿流與上落嶺水會。逸於平天湖。溯於黃沙灘。過濟山湖。瀉於濟川橋。激於響水灘。又一源出縣東南二十里太僕山。俗名太婆山。注於北沙河。折於蝦河。達

於東塘湖合三水下流。至下清溪達江。
亦曰清溪口。志云。峽川在城南三十里。

梅根河。

府東四十五里。其源一出九華山。瀉於五溪橋。過黃屯。至府東四十里之關龍山。沿流至府東五十五里之五潭河口。出太婆山。瀉馬衝橋。遠龍潭。與九華之流合。交於雙河。又北達大江。亦曰梅根港。港東五里。即梅根監。歷代鑄錢之所。有錢官司之。故梅根港亦曰錢溪。宋泰始二年。晉安王子助舉兵江州。遣其將袁凱等與沈攸之相拒於瀟湖。張興世言於攸之曰。錢溪江岸最狹。去大軍不遠。下臨回湫。船下必來泊岸。又有橫浦。可以藏舟。千人守險。萬兵不能過也。若以奇兵數千。潛出其上。因險而壁。見利而動。使賊首尾周皇。進退疑阻。中流既梗。糧道自艱。制敵之奇。莫過於此。攸之從之。興世遂率輕舸過鶴尾。夕宿景洪浦。潛遣別將黃道標。帥七千舸徑趨錢溪。立營寨。引兵進據之。劉胡自鶴尾來攻。船入回湫。爲興世所敗。胡氏曰。梅根港有鑄錢監。故亦曰錢溪。回湫者。旋流爲回。湫流爲湫也。又爲梅根。清齊武帝云。昔經樊鄧。役阻梅根。清即此矣。

李陽河。

府西六十里。源引大江。以江流之消長爲盈縮。本名李王河。以李王二姓居其地也。自河口出江。中有石。機杼橫突。爲關。江羅漢二磯。奔流激盪。爲運道患。五代晉時。南唐發運使周滿。役三十萬夫。作支流。以避其險。自是往來無覆溺之患。謂之新河。其後江面日開。巖勢頗安。而支流頗侵。曠民田。明正德十一年。遂塞新河。志云。李陽河亦濱江要地也。宋德祐初。元兵犯池州。遊騎至李陽河。今李陽驛及巡司。有官兵戍守。○黃盪河在府西九十里。其源一出府西百里之西溪。一出建德縣境內之瓦禾。烏沙嶺。合於雙河。播於東流境內之張家灘。沿於坦埠。一出縣西。南百二十里之祖山。達於唐田。注於石龍潭。會於沙山。達大江。

大通河。

府東北八十里。接銅陵縣界。其源自青陽者四。一出九華山。一出分流嶺。一出黃蘗嶺。經水竹潭。一出水龍山。經雙河。會於管埠。自銅陵者三。一出梅衝山。一出伏牛山。一出天門山。會於車橋河。與諸水交於將軍潭。爲大通河。流入江。今有大通巡。

司屬銅
陵縣

秋浦。在府西南八十里。長八十餘里。闊三十里。志云。池口河自石埭縣之樸山。西流爲管公明溪。歷龍鬚河。會於秀山之蒼隼潭。過白面渡。匯爲秋浦。四時景物。宛如瀟湘。洞庭。縣池口入江。

查村堰。府西南百五十里。受諸山谿之水。引流溉田百餘頃。又黃荊堰。在縣西南八十里。亦受諸泉澗水。以溉田。志云。府西南有東坑泉。出府西毛嶺北。初僅溢觴。其流漸大。匯於玉鏡潭。泉脈所及。引流作堰者。凡一十五所。

梅根監。府東五十里。亦曰梅根治。自六朝以來。皆鼓鑄於此。張興世營於錢溪。劉胡使陳慶引軻三百攻之。軍於梅根。卽此。唐志。南陵縣有梅根鎮。今爲梅根港。蓋其地舊屬南陵也。宋志。道三年。以池州錢監爲永豐監。或曰。卽故梅根監。

烏石山寨。府西南百里。唐永泰初。劇賊方清等聚兵於此。絕江爲患。議者始置池州於秋浦。以扼要害。是也。又城山寨。在府西百三十里。元末。建德士蒙羅友賢聚衆保障。遂爲亂。至正二十年。我師取建德。以友賢歸。二十二年。友賢復據城山寨。以

叛。欲通張士誠。杭欽震動。旣而徐達等討平之。又峽山寨。在府西。宋開寶七年。曹彬伐江南。收峽山寨。進克池州。是也。

黃屯。府東南九十里。志云。唐乾符中。黃巢嘗屯此。因名。有黃屯堰。稍東二里有石岡。卽鐵券山也。○楊梅坦。在府西九十里。石嶺鎮。其地多楊梅。唐置楊梅館。宋改曰驛。今廢。又石墨驛。舊在城東五十里。今廢。

青陽縣。府東八十里。東北至寧國府南陵縣百十里。北至銅陵縣九十里。漢陽縣地。三國吳臨城縣地。隋秋浦縣地。唐天寶初。析置。今縣屬宣州。以在青山之陽。故名。永泰七年。改屬池州。楊吳時。升縣爲勝遠軍。南唐復舊。宋仍屬池州。縣無城。今編戶十七里。

臨城廢縣。縣南五里。孫吳亦烏中。析陵陽石城。二縣地置。屬丹陽郡。晉屬宣城郡。宋齊因之。梁屬南陵郡。隋廢。今爲臨城鎮。

陵陽廢縣。

縣南六十里。漢縣。屬丹陽郡。孫策討祖郎於陵陽。擒之。是也。晉屬宣城郡。咸康二年。避杜后諱。改曰廣陽。宋齊因之。隋改曰南陽。避煬帝諱也。尋廢入涇縣。唐武德三年。仍置南陽縣。屬歙州。八年。又廢。歙州見寧國府。涇縣今為陽陽鎮。

九華山。

縣西南四十里。舊名九子山。山有九峯。如蓮華。唐李白遊此。改今名。高千仞。周百八十里。峯之得名者。四十有八。巖十四。洞五。嶺十一。泉十七。原二。其餘臺石池澗溪潭之屬。以奇勝名者甚多。江南名山。九華其最也。唐龍紀初。楊行密圍趙鏡於宣

州。鍾兄乾之。自池州趨救。行密使其將陶雅逆擊之於九華。敗之。遂取池州。明初。常遇春守池州。陳友諒來攻。遇春伏銳卒於九華山下。而以羸弱守城。友諒至。伏發。緣山而出。循江而上。絕其歸路。城中出兵夾擊。友諒敗遁。其相連者曰同山。又有嶺山。亦在

縣南與九華相接。

魏峩如冠嶺然。

青山。

縣北五里。縣以此名。又古長山。在縣東南三十里。秀拔羣山。宋范仲淹嘗讀書其中。更名讀山。又魚龍山。在縣南七十里。其深谷中有小魚龍洞。又有大魚龍洞。水分七流。互相交貫。中多奇勝。東南與石埭縣接界。

五溪山。

縣西三十里。衆流環繞。與九華對峙。其相近者曰清泉嶺。泉湧石窟間。相傳岳武穆飲馬於此。○石龍山在縣東四十五里。蜿蜒如龍。又縣東六十里曰峯山。大有山皆與九峯競秀。其相近者曰金山。有金山鎮。與南陵縣分界。

五溪水。

縣西二十里。五溪者。龍溪。漂溪。雙溪。觀溪。瀾溪也。俱出九華山。合流而北。環遶於五溪山下。入貴池縣境。匯為大通河入江。

臨城河。

在縣南。志云。大通河之別源也。自縣南分流。嶺流經故臨城縣。為臨城河。又經縣西南十里之峽山。西會於大通河。○石堰在縣東四十里。諸山澗之水。皆匯於此。有北山橋跨其上。明正統中。作石堰。山水瀑溢。往往圯壞。正德初。邑民章仙做新安

堰橋法。以薪代石。遇圯則修。又鑿渠分流。以殺其勢。其下流達銅陽縣界。注於天井湖。又華湖堰在縣治南。通臨城水。灌郭西田。民被其利。

九華寨

在九華山。元季土豪趙善勝與陳友諒合兵攻安慶。置寨於此。又山有應天寺。五代唐長興二年。吳宋齊邱入九華山。止應天寺。徐知誥強起之。更名應天寺曰微賢寺。

劉公寨

在縣南。宋建炎中。張遇寇境。劉光世因險立寨。禦之於此。又六泉口寨。在縣西南。險固四塞。明初常遇春禦陳友諒。倚以伏兵。又有查家馬站。在縣東北二十五里。元置站於此。今廢。有查家渡。

銅陵縣

府東北百二十里。東至寧國府南陵縣九十里。北至太平府繁昌縣百里。西北至廬州府無爲州百五十里。漢陳陽縣地。東晉末爲定陵縣。地屬淮南郡。隋併入南陵縣。唐末置義安縣。尋廢爲銅官治。南唐保大九年。改義安爲銅陵縣。移治銅官鎮。屬昇州。宋開寶七年。改屬池州。元因之。明初屬宣州。尋復舊縣。無城。今編戶十五里。

銅陵城

在縣東三十里。唐義安縣置於此。尋爲銅官治。景福初。楊行密保宣州。爲賊將孫儒所攻。欲退保銅官。是也。南唐移縣於今治。其地亦名銅官鎮。寰宇記。梅根監領法門石埭二場。此卽法門場。後爲銅官鎮。南唐因以銅陵名縣。宋曹彬敗南唐兵於

銅陵。長驅而東。元末。星吉敗徐壽輝於銅陵。遂復池州。卽今縣。其故城亦曰義安。廢縣。今爲順安鎮。

定陵城

在縣東。東晉義熙中。儒置於蕪湖縣界。屬淮南郡。宋齊以後因之。隋廢入南陵縣。○胡城在縣東七十里。凡八所。相去二里許。不相聯屬。劉宋泰始中。晉安王子助舉兵江州。其將劉胡引兵東下。築此屯兵。因名。

鵝頭山

縣北十里。高聳臨江。宛如鵝頭。左傳昭五年。楚以諸侯伐吳。吳敗諸鵝岸。唐志。宣城南陵縣有鵝頭鎮。蓋因山置鎮。山在鵝洲之頭。故名。宋元凶劬之亂。武陵王駿自尋陽東討軍於鵝頭。孝建初。南郡王義宣舉兵江陵。東至鵝頭。廢帝末。邵暉王子

元爲湖州刺史。行至鵝頭。會晉安王子助舉兵尋陽。不敢進。子助長史鄧琬遣兵劫迎之。泰始二年。子助發兵東下。其將劉胡軍於鵝洲。會張興世營於錢溪。胡欲蘇鵝頭內路攻之。不果。旣而袁觀以劉胡敗遁。自鵝尾走至鵝頭。與戍將薛伯珍皆走。梁承聖

初王僧辨討侯景遣侯瑊鷓頭戍克之唐武德七年李孝恭討輔公祘拔其鷓頭鎮宋黎年錄紹興二年命沿江岸置烽火臺鷓頭山其一也舊志鷓頭與廬江西岸鷓尾相對似悞

銅官山

縣南十里有泉源冬夏不竭可以浸鐵烹銅唐於此置銅官場宋置利國監山亦置利國監山歲久銅乏場與監俱廢稍西有銅官渚唐文德初楊行密結和州上元之兵自采石濟侵宣州行密從銅官渚濟江會之卽此寰宇記山舊產銅供梅根監

○石門山在縣南十五里兩山石壁對峙如門又南十五里有伏牛山及羊山二山相接縣西南四十里又有天門山其勢聳插雲表又有馬仁山在縣東南七十里其東與太平府繁昌縣接界

城山

縣東三十五里四圍石壁峭立西南僅通一徑宛如城門其上平坦約數十畝又有井雖旱不涸昔人恃以避寇亦謂之囊城又有青山在縣東二十里一名十里青山草木叢茂四時鬱然○石磯磯在縣北五里顧江有三石門水灑可出入容數十人

一名五霞洞又有磯曰羊山磯在縣北三十里有羊山渡

大江

縣西北一里自大通河與貴池縣接界下至荻港與繁昌縣接界江中之洲曰下蘆葉曰橫港曰曹韓曰白沙曰千斤曰新湧曰小蕪曰錢溪曰丁溪磯二卽羊山石磯也志云曹韓白沙二洲之中有夾河流經縣西十里中引大江

大通河

縣南四十里出伏牛天門諸山匯於車橋湖至縣西南四十里大通鎮入大江與貴池縣接界今有大通巡司又河口河在縣治南會諸溪澗之水流入大江源微水淺兌運時漕舟不能達縣鱣舟江澚遇風恆有漂失之虞大順間開浚歲久復淤

嘉靖初又有大通鎮移大通驛於河濱往來者益以淺塞爲患二十一年復開濬於是江流內注舟楫輻輳自是以時淨治焉一統志縣西北七里自銅陵河源亦出諸溪澗會於橫塘開入市後湖連大江

荻港河

縣北八十里縣東南諸澗谷之水互相灌注瀆而爲河會於三港口西接風心關北接黃火河經繁昌縣境而入大江志云縣有天門水出天門山石數中委蛇曲折纒帶數里灌漑民田流入縣東北永城埭至荻港達於大江

天井湖。在縣東門湖心有井不竭。遠近諸川多灌於此。引流為河口河。又樓鳳湖。在縣東十五里。志云。縣東五十里葉山有靈寶泉。里田百頃。水旱如一。

丁家洲口。縣東北二十里。發源縣東南十五里之儀鳳嶺。引而東。會於樓鳳湖。通鳳心關。合胡城順安之水。一自洲上口。一自洲下口。達於大江。宋德祐初。賈似道師次蕪湖。使孫虎臣為前鋒。軍於丁家洲。自將後軍。軍於魯港。為元兵所敗處也。

臨上寨。在縣南。元末結營於此。以禦寇。陳友諒將趙普勝攻拔之。今廢。○管山口。鎮在縣東。志云。縣東南又有焦家埠鎮及耶坑鎮。又縣北有鍾鳴鎮。

石埭縣。縣東南百六十里。東至寧國府百五十里。南至寧國府太平縣百里。漢陵陽。石城。涇。三縣地。三國吳置石埭場。唐永泰二年。割秋浦。浮梁。彭三縣地。置石埭縣。屬池州。宋元因之。明初改屬宣州。尋復舊縣。無城。今編戶十里。

石埭故城。縣西百四十里。縣蓋嘗置於此。志云。縣東北二里。又有歙州城。袤數百丈。相傳唐初歙州總管左難當嘗守其地。因名。

陵陽山。縣北五里。自西北迤邐而來。有三峯連亘。其二峯屬縣境。其一峯入太平縣界。寰宇記。山高三百五十丈。廣二十五里。漢陵陽縣以此名。○金城山。志云。在縣西二里。勢如羅郭。因名。縣西五里為萬春山。其墩可萬計。又城子山。在縣西九十里。環遶

如城前
有紫潭。

樑山。縣西百六十里。高五百丈。周九十里。石壁峭挺。阿有龍池。波流甚遠。池口河東源出此。其並峙者曰洞山。山有峯巖洞谷及泉。石之勝。又五溪山。在縣西南百二十里。有五溪合流。其下。又魚龍山。在縣西三十里。有魚龍洞。凡二。東西相望。僅里許。與青陽

縣接界。○蓋山。在縣南三十里。其脈自太平府黃山而北。屹於河濱。盤紆森。翠望之如蓋。又稠嶺。在縣西七十里。草木叢密。登陟峻險。為往來之通道。

舒溪

在縣治北自太平縣西北弦歌鄉流入縣西舒泉鄉又東與蓋山清泉諸水合流其間潭洞不一縣境之水皆流合焉派衍四注復東入太平縣界合於麻川而入涇縣界下流為青七江至蕪湖縣之魯港入於江志云舒溪一名舒姑溪○貢源溪在縣

西志云溪西流經上下二灣

注於秋浦入大江

龍巖泉

縣西四十里清冽而甘大旱不竭鄉田賴以灌溉又蕭侯陂在縣北明成化中縣令蕭環所築有二溝交流藉此溉田民被其利○清水灣或云在縣南元至正十二年星吉復池州分兵攻石埭諸縣進據清水灣大破徐壽輝將趙普勝之兵是也

石埭

縣西北百二十里寰宇記貴池之源有兩石橫亘溪上如埭縣因以名

建德縣

府西南百八十里南至江西饒州府百七十里西至江西彭澤縣九十里漢彭澤石城二縣地唐至德二載置至德縣屬潯陽郡乾元初改隸饒州永泰初又改屬池州楊吳順義二年改曰建德仍屬池州縣無城今編戶九里

太原城

縣南四里寰宇記舊名堯城一名舜井城相傳帝堯南巡至此城中有井俗以為舜井也梁武帝時因備置太原郡於此謂之太原城今縣有太原鄉

白象山

在縣治北縣之主山也以形似名傍有蛟龍洞深廣各數丈許又雞鳴山在縣東二里傍有朝霞洞深廣亦數丈許又東五里曰低嶺其相連者曰迎春洞一名藏春洞高深如屋然○博陽山在縣東十里巖石嵯峨溪流湍急宋嘉定中易名廣陽

又五龍山在縣東三十里五峯森立山半有龍池深不可測又東十里曰三面山懸崖峭削石笋高峙白如面者凡三志云縣東四十五里為良禾嶺有徑入祁門縣嶺下五里有龍池洞高敞如室前有石池水注懸崖如瀑布然

玉峯山

在縣治南絕頂奇石光瑩似玉一名峯山又縣西二里有西山羣峯皆秀拔為縣境之冠又九鳳山在縣南四十里以羣巒軒聳如鳳翥也縣西南十里又有梅山巖壑頗勝○石印山在縣北七里其相近者曰青山兩崖對峙為邑治捍門上有石

印洞。又和山在縣北二十里。有和山洞。高廣如門。

堯城溪。縣南三里。縣東南諸山谷水匯流為溪。春夏水溢。可通舟楫。西北流。達東流縣。入大江。今縣西有堯城渡。又茹關溪。亦在縣東南。源出迎春朝霞二洞間。西流會堯城溪。達東流縣。入大江。

龍口河。縣南九十里。志云。其源有三。一出江西鄱陽南坑。遠白石溪。一出桃樹嶺。達黎瘋溪。一出東西澗。達龍溪。源為昭潭。合為龍口河。其下流西入大江。○澀湖在縣治南。溪澗諸水多會於此。俗名僊人湖。

北欄砦。在縣北。明初羅友賢築砦於此。今有北欄渡。志云。縣南四十里。地名桃源。水源深遠。人跡罕至。五季土族往往依此。以免寇患。

永豐鎮。縣西南五十里。北出為陳家衝。去縣治四十里。南出為昭潭街。石澗坂。釀塘。石門站。接饒州界。又有水口通饒州。為南出之徑道。今有永豐巡司。志云。縣東有葛公鎮。又有古港鎮。在縣北。

東流縣。府西百八十里。東北至安慶府百里。西至安慶府宿松縣百二十里。西南至江西彭澤縣百十里。漢彭澤縣地。屬豫章郡。唐置東流場。以大江東流而名。南唐保大十年。升為縣。屬奉化軍。宋太平興國三年。改今屬。縣無城。編戶七里。

香山。縣南四十里。香口鎮之主山也。上有石洞。其相近者曰隱山。一峯如削。直聳雲際。○歷山在縣東三十里。西枕歷池。上有龍湫。又東十里曰龍山。山岡起伏。勢如虬龍。

神山。縣西南一里。高僅百尺。而曠遠無際。又縣北二十五里有密峯山。巔有五峯。勢如列戟。又白雲山在縣東北七十里。泉流深遠。自洞中出。東接貴池縣界。

馬當山。縣西南七十里。橫枕大江。為古今至險。安慶之宿松。九江之彭澤。皆以馬當為界。有巡司。今詳見江西彭澤縣。

吉陽磯

縣北三十里江濱。唐天復三年，楊行密將田頴以宣州叛，行密召李神福自鄂州還軍擊之。至吉陽磯，田頴遣其黨王瓊等將水軍逆戰，神福擊敗之。又敗之於皖口，蓋戍守要地也。今有吉陽鎮置巡司於此。○黃石磯在縣東北五十里，亦濱大江。

明正德十四年，宸濠犯安慶，泊舟於此，聞磯名，左右曰：王失機也。

濠大惡之，未幾果敗，旁有黃石港，其處皆黃土，巨石相綿亘云。

大江

縣西北二里，自馬當山東北流，經香口、吉陽諸鎮，自吉陽而東北，又六十里，至黃盆河口，接貴池縣界。江中之洲曰蓮花，曰閣，曰白沙，曰鴈落，曰七關，曰鬼頸，曰雀料，曰大新磯，曰獅子，曰稠林，曰龍貫，曰祝家，曰黃石。舊志：江中有新洲，磨盤洲，又有羅

剝石，嶄巖，森立，舟帆艱險，其洲亦曰羅剝洲。

入江。

江口河

亦在縣西一里。志云：河源有四，一出鄱陽北坑，一出建德縣九鳳山，一出馬坑，交於清潭，播於百步灘，下流歷堯城渡，而入縣境，一亦出建德境內之茹蘭溪，合蘇家溝，下流經蒼埠小石潭，逸過路灘，落青泥灣，溢於僊人湖，團湖，又引流入縣境，為

入江。


入江。

香口河

縣南六十里。源二：一出彭澤山林港，一出陳倉源，交於三汊，激於蔴姑，達於查池，為香口河，以入江。志云：縣南十里有東流河，其源即建德之堯城溪也，西流入於大江。○大清湖在縣東北四十里，廣十餘里，澄徹如鑿。

香口鎮

鎮又東有張家灘鎮，在縣北四十里，舊置河泊所於此。今革。○鴈汶鎮在縣東北九十里，額大江，舊有巡司，今革。



讀史方輿紀要

卷二十八

江南十

寧國府

東至浙江湖州府三百五十七里。南至徽州府三百三十里。西至池州府三百二十里。北至太平府百七十五里。東北至廣德州二百二十里。自府治至江寧府三百十里。至京師二千七百五十里。

禹貢揚州之域。春秋屬吳。後屬越。戰國屬楚。秦屬鄣郡。漢爲丹陽郡。

漢志。元封二年。更鄣郡曰丹陽。治宛陵。

後漢因之。晉武

帝改置宣城郡。

丹陽郡移於建康也。

劉宋仍爲宣城郡。

大明六年。以宣城兼領淮南郡。移治于湖。八年復故。昇明初。復以淮南并入宣城。尋又復故。

梁兼置南豫州。

宋泰始四年。南豫州

治宣城。自是廢徙不一。至梁末。宣城遂爲南豫州治。

陳因之。隋廢郡。改置宣州。大業初。復曰宣城郡。唐仍置宣州。天寶初。曰宣城郡。乾

元初復故。大順初。升寧國軍節度。授楊行密也。五代時。楊吳亦置寧國軍。南唐因之。宋仍曰宣州。

亦曰宣城。郡寧國軍。乾

道二年。升寧國府。以孝宗嘗爲潛邸也。元爲寧國路。明初。改爲寧國府。

先是龍鳳三年。元至正十七年也。改寧國路曰寧安府。龍鳳八年。又改曰宣城府。十二年。改曰宣州府。吳元年。始改

曰寧直隸京師領縣六今仍曰寧國府

府陪輔金陵襟帶杭欽阻山控江形勢便利據險而守擇利而動縱橫南北亦創起之緒也楊行密用宣州遂并淮南明太祖下寧國克奠南服非已然之驗哉

宣城縣附郭溪宛陵縣初屬鄆郡元封二年為丹陽郡治晉太康二年始為宣城郡治宋齊因之隋初廢郡改縣曰宣城為宣州治唐宋因之今編戶二百七十里

宛陵城即今府城志云晉咸和中桓彝為宣城內史時築值蘇峻之亂城未及堅乃移屯涇縣梁時太守何遜增築之隋開皇中刺史王選益拓西北隅連接岡阜宋乾德中南唐節度使林仁肇復修築焉建炎三年州守呂好問復奉詔營繕元至正中廉

訪使道童更加營毀明亦屢經修治府治東北有鐵牛門即桓彝所築子城

故址也今城東北帶宛水西南兩面皆環據阜週迴九里有奇為門五

遶邇城府北六十里晉成帝咸和初僑置於蕪湖縣界屬淮南郡宋齊因之隋初并入宣城縣○楚王城在府北百里相傳吳楚相拒時築又有故楚城在南湖北岸又溫城在府東十里志云唐刺史溫璋所築因名

陵陽山在府城內岡巒盤屈為郡之鎮紀勝云山自敬亭陵陀而南隱起三峯環繞府治其南為鼉峯又東南曰陽陂唐獨孤竊謂郡地四出皆阜即阜為垣郡治蓋據此山之岡麓也又響山在城南二里兩峯對峙下瞰響潭

敬亭山府北十里一名昭亭山東臨宛勾二水南俯城闈千巖萬壑雲蒸霞蔚為近郊名勝東麓有敬亭潭勾宛二溪水所注也自山而東北峯嶺相接其得名者凡二十有餘皆敬亭之支阜也

麻姑山府東二十五里高廣過於敬亭山逶迤崔嵬屹為巨鎮自山而北羣峯相接至南湖而止山之東十里即建平縣界也志云府東接廣德自杭湖而西可以軌入境內麻姑山當其要害因置麻姑山寨為戍守處又雲山在府東北六十里其西為大

延嶺。路通水陽巡司。又西有白魚嶺及寨口諸山。雲山而北，別爲蔣山下，敵固城湖接高淳南境。

柏槻山

府東南七十里，與寧國縣接壤。山之陽，卽文脊山也。豁谷遼深，峯巒回曲，飛流界道，跨嶺爲梁。其西曰萬人坑，北曰梅村山。又西曰歛溪山，以歛溪流其下也。西北曰查樹嶺，蘇寧國縣之涇縣者，道出於此。○稽亭山在府東南六十里，圖經云：行者玩其幽曠，往往駐步往返，因名。其東南爲水東諸山，其北爲秦山，又北爲洞山，有洞可容數百人，自此而東北，皆羣山相接，以達建平縣界。

華陽山

府南百里，高數百仞，連跨宣涇寧旌四邑之境。南爲密壠嶺，盤嶺稍西爲金牌嶺，二嶺之間，僅通一線，爲涇旌間道。郡南一甌塞也，盤嶺之麓，有洞深廣，容百餘人，山之支壠曰大壘山，洞山城山，又迤北十餘里曰橫山，自橫山而北，峯巒相接，以至於城南，陵陽敬亭諸山，皆繇此肇脈。又有葛山，在府西南三十里，志云：下有屯兵寨址。○行廊山在府西北四十里，兩峯對峙，環抱若廓，廡然其下，有大明湖，又西北爲牛頭山，下有秦埠，元末土人保此，以禦寇掠。又西北有方山，與南陵縣接壤。

青弋江

府西六十里，源出涇縣及池州府之石埭縣，又太平縣及府西南境諸川，皆灌入焉。東北流，經行廊山下，又北合諸山溪之水，經方山下，又北出揚青口，會太平府黃池河，又北入蕪湖縣界。注大江。志云：江西岸爲南陵境，有渡，昔時多引流爲陂堰，以資灌溉。今舟楫往來，此爲津要。又白洋溪，在府西南五十里，出華陽山之金牌嶺，西北流，合諸山谿之水，至行廊山，入青弋江。

宛溪

在城東，源出城東南三十里之嶧山，南東北流三十里，爲九曲河，復折而西，合溪澗諸流，至響山下，滙爲響潭，逸城東，爲宛溪。城西南隅有李家塘，亦曰珍珠塘，昔時北流，東折環府治，後出鐵牛坊水門入宛，謂之珍珠河。明正德中，改從西北流出城，至入焉。至城東北三里許，三汊河口，合於句溪，舊置河泊所於此。

句溪

府東三里其上流卽寧國縣之東西二溪合諸溪澗水西北流入境週環幾二百里至城東五里謂之東溪又西流三里爲句溪又北二里至三汊河與宛溪合其東岸爲新城渡西岸舊有驛亭今廢二溪合流經敬亭山東爲敬亭潭十里至油榨溝與雙溪合又北有青草湖自東入焉又北十里至石頭溝其東爲渾水港南湖水縣此合流又北出羣山間爲沙石灣有慈溪合高淳之水至此合於句溪又北至水陽鎮爲龍溪又西北入黃池接當塗縣界西出蕪湖入大江唐大順二年孫儒寇江南其將李從立奄至宣州東溪楊行密危懼夜使其將蓋濛屯溪西濛使其士卒傳呼往返數四從立以爲大衆繼至引去蓋卽句溪也又雙溪在府東十里其地有土山亦名玉山句溪經其北引爲支流西北流六七里爲許村湖又北十里爲柘港東南諸山之水多匯流於此入南河口雙溪又西四十里出油榨溝仍合於句溪○華陽溪在府東南七十里源出華陽山東流二十里有魯山其下爲魯顯水又東北四十餘里爲魯溪又北至下西渡合於句溪志云下西渡在府東南三十里

南崎湖

府東北四十里其北爲北崎湖今總謂之南湖周四十餘里其東北百里有綏溪一名白沙溪廣德建平諸水縣此入於南湖府東境諸川亦悉匯入焉西南爲曲河出油榨溝西北爲湖北河出渾水港並注於句溪志云南湖受宣城諸溪之漲

北達固城丹陽諸湖會於黃池而達大江府境之巨險也湖北岸有大山崑山者設河泊所於山下之馬山埭扼湖口之要害南距府城六十里

德政陂

府東十六里唐大歷三年觀察使陳少遊置引渠溉田二百餘頃又薛公堰在府北百十里志云唐觀察使薛邕所築引水溉田處也

水陽鎮

府東北七十里臨句溪上溪北與高淳縣接界其地有水東山南唐爲水陽渡後因爲鎮今有巡司戍守又兗軍倉及義倉皆置於此志云府東境之備在水陽縣此東出高淳越東壩通吳會此其要防也

黃池鎮

府北百二十里與太平府黃池河相接唐天復三年楊行密將蓋濛討宣州叛帥田頔敗之於廣德又進敗之於黃池鎮宋建炎初盜張遇等掠江上至黃池州守呂好問檄諸道兵禦卻之志云郡境西北鄰蕪湖北通姑孰以黃池爲重鎮今有巡

司成守符裏鎮在府東北八十里。又西北四十里而至黃池鎮。

南陵縣

府西一百五里。東北至太平府蕪湖縣百十里。西北至太平府繁昌縣八十里。西至池州府銅陵縣九十里。漢春穀縣地。屬丹陽郡。梁置南陵縣。唐初移置於此。屬宣州。縣無城。今編戶八十五里。

南陵故城

在縣西北。劉向曰。梁置南陵縣。治緒圻城。唐長安四年。移治青陽城。卽今縣治矣。上元初。劉展作亂。陷潤。昇。諸州。遣其將傅子昂屯南陵。將下江州。徇江西。乾符五年。黃巢寇宣州。宣歙觀察使王凝拒之。敗於南陵。巢攻宣州。不能陷。卽此。

緒圻見繁昌縣。又當塗廢縣。在縣東南。晉咸康末。備置。分子湖爲境。宋齊因之。隋平陳。移治姑孰。而故縣遂廢。

宣城故城

在縣東四十里。青弋江上。漢縣。屬丹陽郡。後漢省。建安三年。孫策定宣城以東。卽故城也。晉太康二年。置宣城郡。治宛陵。別置宣城縣。屬焉。宋齊因之。隋初改宛陵爲宣城。而故城遂廢。○甘公城在縣北七里。鑿巖甚工。練以薄水。可容數十人。四旁門址。猶有存者。或曰。吳將甘寧嘗屯此。俗譌爲甘羅城。

籍山

在縣治東北。陂陀縣。緒爲邑之鎮。○江山在縣西三十里。山高數千丈。周廣七十里。牛山有龍池。其南數里曰朗陵山。自朗陵而西南。則羣山相接。至縣西南七十里之黃山。與青陽縣接界。繇工山而東十里曰花山。有出道出銅陵縣。工山之北。則爲射山。又西北相接者爲馬人山。山下有渡。與繁昌銅陵縣接境。又北爲七女山。東去縣三十五里。其並峙者爲石湖山。黃連山。同山皆與繁昌相接也。志云。工山舊有坑治之害。宋淳熙中。縣令郭曉始請除之。

呂山

縣南六十里。山有石室。其南爲石竇。有泉湧出。卽淮水之源也。唐大德初。楊行密自銅官濟江。敗宣州兵於呂山。遂克宣州。銅官見池州銅陵縣。

青弋江。縣東三十里。自涇縣黨溪會衆流入縣界。經縣東之長地塘。分爲二支。至縣東北五十里漳陵港。復會爲一江。以東卽宣城界也。西瀉馬尾灘。瀝於蕪湖之石碓渡。蘇魯港入於江。志云。馬尾灘接蕪湖境。蕪民每治灘爲田。水不易泄。爲南陵患云。

漳水。出縣西南六十里龍洞。平地有泉湧出。又淮水出呂山南之石竇中。經縣南五十里孔鎮鋪。西與漳水合流。爲澄清河。遠縣東門。謂之東溪。有鵝嶺溪水出縣南二十五里之鵝嶺。流至此合焉。又北受籍山諸水。及後港水。歷縣河口。受蒲橋河水。爲小淮。

河。瀝於蕪湖縣之石碓渡。入青弋江。○西港水源出工山朗陵之南。合諸水北流。經縣西。謂之西港。分流自西南水門入城。遠縣前。過東市。爲中港。籍山之水合焉。其出西北水門與西港合者。又北爲後港。經白水灘。遠縣後。而東合於漳淮。

蒲橋河。縣東二十里。自涇縣西瀝黃地諸澗。北流逕麻園渡。入縣境。會永豐陂。又北經蒲橋。又西出蘆港。至縣東北。合於漳淮。

永豐陂。在縣東南二十里。引青弋江爲陂。以溉田。唐史。咸通五年。修南陵永豐陂。宋亦時屢修築。紹興二十三年。詔以永豐圩賜秦檜。乾遂初。改賜建康都統司二年。臣僚言。檜竭江東漕計。修築圩堤。以故水患及宣池。太平建康。乃命廢永豐圩。又縣南有

大農陂。唐韋璠記曰。南陵有廢陂。積歲不理。元相四年。寧國令范君朝。真假南陵印修之。置爲石堰。三百步。水所及者六十里。開荒種數萬畝。是也。宋紹興初。亦嘗修治。志云。陂水堰漳淮而成。

鵝嶺鎮。舊在縣南二十五里鵝嶺下。明洪武二十八年。置巡司戍守。嘉靖二年。遷於趙街鋪。北至鵝嶺十五里。三十年。又遷於縣南六十里之新店鋪。志云。府西境之險。繁繁。青陽銅陵而入者。石碓鵝嶺。是其嚆喉也。

涇縣。府西南一百五里。西至池州府青陽縣百里。西南至徽州府黟縣二百四十里。溪縣屬丹陽郡。因涇水爲名。後漢因之。晉以後屬宣城郡。隋屬宣州。唐武德三年。至南徐州。尋改爲歙州。八年。州廢。縣仍屬宣州。縣無城。今編戶六十四。

歙州城。縣西三十里。隋大業末。涇人左難當據縣。武德三年。歸唐。尋受歙州刺史。築城於此。七年。輔公祏叛。遣兵圍歙州。難當拒。圍之。是也。八年。州廢。○安吳城在縣西藍山南。三國吳建衡中。置縣屬宣城郡。晉以後因之。梁大寶初。宣城內史楊白華不附。

侯景遣安吳。景遣兵攻之不克。隋縣廢。唐武德三年復置。屬猗州。八年廢。今有安吳市及安吳渡。

桓公城。縣東四里烏溪嶺。晉咸和中。內史桓彝所築。以拒蘇峻。將韓晃。志云。縣東六十里曰桓公嶺。卽桓彝築處也。今壘依然。道通旌。太稱爲險阨。又俞將軍走馬城。在縣南四十里。晉桓彝將俞縱。嘗屯戍於此。

幞山。縣東三里。相傳左難當與輔公祐相持於此。故壘尙存。其西有兩峯最高。與縣西響山相對。如門戶。然爲縣治拱衛。又縣東七里有鼓樓山。前代烽火時。置鼓角樓於此。○柏山在縣東北三十五里。亦左難當據輔公祐處。有白龜城。卽難當所築。志云。柏

山而南五里爲琴高山。以晉處士琴高隱此而名。峭壁屹立。下瞰深淵。其上巖洞甚勝。琴高而西。相望者曰崑山。西南去縣亦三十里。又馬頭山在縣東北四十二里。下爲鎮市。商舟輳集其地。又東北爲鼓樓山。皆縣境。鎮鎗與南陵宣城分境。

水西山。縣西南五里。林繁遂密。下臨賞溪。循溪而入。有塢曰水西坑。最幽勝。唐宣宗徵時。遊此。有報道風光在水西之句。風光。宣宗小字也。又西北五里曰響山。石壁聳峙。與幞山相望。○格山在縣西北七里。高數十丈。周十餘里。環抱縣治。如郭郭然。又西

十餘里曰盤坑。以巖谷宛轉而名。土人嘗陶冶其地。又西北二十里曰孤山。上有黃巢岩。

石籠山。縣東二十二里。有洞甚深廣。宋紹興初。羣盜張琪等寇亂州境。民多避居於此。又四角山在縣東七十三里。諸山環繞。唯此山最高。絕頂可容千人。寇亂時。民多避其上。頂有泉。雖旱不竭。

五城山。縣西南七十里。五峯環繞。勢如城郭。東曰藍山。坑。俯瞰安吳渡。舊安吳縣址也。其西曰郭山。自九華峽嶺至此。高數百丈。爲縣西南巨鎮。其東北爲寨山。元末居民結寨於此以避難。○白雲山在縣西南七里。下臨白雲潭。舊產茶。入貢。今廢。

其相接者曰湖山。以山頂有小湖而名。又荻荻山。在縣西八十里。頂平衍。有泉湧出。居民壘以爲田。其西爲望江山。以登眺可見大江也。又石柱山。在縣西南九十里。接青陽縣界。其南與石埭。陵陽山相望。

承流山

縣南四十里有羣峯迴環聳秀甲於一邑自承流而南峯岫盤旋百有餘里如城壘然東連旌德西接太平豁谷幽深最為嘉勝○黃峴山在縣東南八十里高數百仞層巒列嶂狀若蓮花湧溪源於此又黃象山在縣南九十餘里山高聳其西北

曰銅山舊嘗冶銅於此東北為九里山有兩山夾行九里下臨九里山其相接者曰水東山又北為石女山山高五百丈延袤二十里黃象山之南曰麻嶺峯崖卓絕跨旌德太平之間為往來交道

烏溪嶺

縣東三十五里其東為破脚嶺晉桓彝拒韓晃戰死處也又雙嶺在縣東九十里一名盤嶺嶺南曰桐嶺山接旌德縣境○茹麻嶺在縣東南六十里羣山環列徑道崎嶇有巡司戍守嶺北即桓公嶺也又大嶺小嶺俱在縣西三十里有間道通池

州

賞溪

在縣治西一名涇溪縣以此名其上流即石埭縣之舒溪太平縣之麻川也二水相合在縣西南百餘里有麻溪渡出麻口入縣境下遊灘經九里羅浮萬村等潭皆隨山旋繞與太平縣分界又北至落馬潭晉桓彝禦賊韓晃戰北隨馬處也有吳什水

出縣南七十餘里魁峯山之陽北流入焉又北至桃花等潭合諸山谿澗水經縣西南二十餘里之後山至巖潭與藤溪合又引而北有楓坑澗出縣四十里楓坑山亦曰冷澗東流入焉至縣治西為賞溪其西又有新河宋熙寧中以溪流東徙為井邑忠縣尉劉誼即水西山麓鑿此河以殺水勢既而溪東出如故賞溪又北受水西坑水逕白雲潭又北則暮溪之水出縣東三十里之巧坑合諸溪水經幙山下流合焉又北逕柏山則江子港水自盤坑合溪澗水東北流合焉北過赤灘澗則琴溪諸水流合焉又北逕馬頭山蘆塘而匯為青弋江唐五行志顯慶元年涇縣山水暴出平地四丈溺死者二千餘人蓋縣境山溪環漚也

藤溪

縣東南八十里源出縣東桐嶺之南流經此旌德縣有三溪其委流亦合焉又西受諸山溪之水出縣南官莊歷高灘渡北入巖潭與賞溪合又琴溪在縣東北二里出寧國縣諸山經縣東南境西北流至謂山又西流經琴高山因名琴溪又有洗馬澗

源出岳山至赤灘
鎮俱合於賞溪

蘭石鎮

在縣東南七十里。晉咸和中桓彝使其將俞縱守蘭石以拒賊將韓晃。晃攻蘭石縱敗死。郡志：藤溪西流受楓村溪水。又北受壑溪逕蘭石。滙爲星潭。卽俞將軍死戰處。○黃沙鎮在縣東六十里有黃沙嶺。南香澗出焉。西南會諸溪澗水入於藤溪。

唐武德六年舒州總管張鎮周擊輔公祏將陳當世於猷州之黃沙。破之。又枚回鎮亦在縣境。七年權文誕破輔公祏之黨於猷州。拔其枚回等四鎮是也。○又縣西北有勇里。後漢建安三年大史慈據涇縣爲山越所附。孫策擊擒之於勇里。卽此。

桑坑鎮

縣東北五里有桑坑山。元至巡司於此。尋改置於縣東三十里之巧坑。明洪武中改建茹麻嶺口巡司於茹麻嶺下。又縣北十里有僊石哨壘。縣東四十里有淘金坑哨壘。俱隆慶四年置。縣東三十里曰考壽哨壘。萬曆二年增置。

寧國縣

府東南一百五里。東南至浙江於潛縣一百六十里。西南至徽州府績溪縣一百六十里。東北至廣德州九十里。漢宛陵縣地。後漢建安十三年孫吳分置寧國縣。晉屬宣城郡。宋以後因之。隋省入宣城縣。唐武德三年復置。六年廢。天寶三載復置。仍屬宣城郡。今城周三

里。編戶十八里。

懷安城

縣南四十里。後漢建安十三年孫權分宛陵置懷安縣。晉屬宣城。宋齊因之。隋初省。志云：縣南十三里有故縣城。孫吳築城於此。以防山越。唐改今治。宋南渡後以縣爲臨安藩蔽。每增築之。有門四。明初龍鳳三年大祖下其城。命築塞北門。云又烏

石城在縣南九十里。槃山北相傳南唐時置城以備吳越處也。

文脊山

縣西北三十里。高數千丈。周三百餘里。西接涇縣。旌德諸山。北接宣城。柏枧山。峯巒攢秀。巖洞盤迴。爲郡之雄鎮。亦名葛山。山東南有石壁峭立。劃然中間。巖若城闕。謂之山門。中有山洞五。水洞一。巖石最爲幽勝。又東十餘里爲石嶺。建炎二年叛

將威方犯寧國。邑人方致堯拒之於石嶺。不克。死之。是也。一統志。文青山北有鴉山。昔產茶充貢。○旗鼓山在縣北十五里。左旗右鼓。二山並峙。又西北十二里曰石馬山。稍南曰通靈峯。南去縣二十五里。上有雞冠石。絕頂寬平。泉出龍湫。下爲溪流。環繞與旗鼓諸山。並爲縣北屏障。又北接宣城縣界。

雞山。縣南五里。峯巒秀拔。爲縣治之鎮。又南二里曰薛家山。明太祖南征。嘗駐蹕於此。亦名駐蹕山。○北姑山在縣南九十里。脈自天日來。委蛇舒衍。忽然峭拔。有楊龍巖。深邃容百餘人。下爲泉流。飛瀉。又東爲黃顏山。山頂有石室。亦容數百人。峭絕懸虛。以登。又千頃山在縣南百里。與昌化縣接壤。

關口山。縣東南六十里。兩峯錯峙。若門扇然。一名獅象山。其中徑隘。谿深。崖坪相望。巖洞奇勝。泉壑縱橫。稍西北曰嶽山。其東曰白鴉。鴉山有飛燕洞。容百餘人。鄉人嘗避兵於此。又冷度山在縣東南九十里。有五峯。森聳相接者曰盤山。其東與千秋嶺相望。○東山在縣東南五十里。山南谿峒逼隘。至此獨豁然開朗。下有渡。曰石口。卽東溪所經也。寰宇記。縣東六十里有銀山。舊有銀冶久廢。

紫山。縣南百里。高數百仞。周二百里。有龍池。龍井。其北爲前塢。諸嶺稍西北曰蜀洪山。胡樂巡司置於此。又柏山亦在縣西百里。當往來通道。其西十里曰石鏡山。○龍潭山在縣西北百里。下有龍潭。山谷深邃。與文青山相連亘。宣旌錯界處也。

籠叢山。縣西南百五十里。其南屬績溪縣界。峻壁崇關。宣歙阨塞處也。明正德間。姚源盜起。官軍於此防戍。叢山關在焉。

塵嶺。縣西南八十里。嶺高險。與籠叢相埒。隋末。汪華嘗駐兵於此。有藏馬洞。卓戈泉。又北二十里爲楓樹嶺。明嘉靖四十五年。建哨臺於其上。又黃岡嶺在縣西南五里。

千秋嶺

縣東百五十里。岡巒屬。谿谷幽深。道通西浙。揚吳招討使李濤攻吳越取道處也。宋時置戍守嶺。下爲雲梯。舊置德都巡司。於此志云。縣東南百二十里爲湯公山。一名南山。旁有僊人峯。又東南三十里。卽浙屬天目山。與千秋嶺岡脈接。面杭甯

宣。爲兩境屏蔽。有干

秋關。詳浙江於潛縣。

東溪

縣東五里。源出天目山。北流。受千秋嶺及諸山之水。又西北經東山下石口市。至欄杆溪。又北。則縣南干頃諸山水及昌化縣洋丁山水。皆流入焉。謂之杭水。西北去縣十五里。又北流五里。至河澀溪。是爲東溪。有石橋跨其上。長四十丈。又北經縣東五

里妙山下。復引而北。諸溪潭水。皆流合焉。至縣北十二里五河渡。與西溪合。又北十餘里有胡村水。自廣德境流入。又經通靈

峯北石馬潭。有澄清溪。出文脊山下。亦流合焉。至港口渡。受宣城柏樹溪水。亦曰乾溪。又五里至西壩。接宣城境。爲旬溪上源。

西溪

縣西五里。亦曰西津渡。源出龍叢山。北流。合諸山溪之水。亦謂之黉水。其昌化縣界之僊人洞水。旌德縣界之薑嶺水。亦俱流入焉。北流十餘里。有滑渡水。出旌德界之石堯山。東流入焉。又北五十里。有葛村諸水。出溼縣界。寄馬嶺。亦流入焉。又四十里

爲羅陵灣。中有狼石。方丈許。激流爲阻。又北有龍潭水。源出文脊山。亦流合焉。又東北流五里。是爲西溪。亦有石梁跨其

上。曰同人橋。長亦四十丈。又北十里。至五河渡。合於東溪。二溪上流皆淺澁。近縣境僅容小舫。合流而後始可以航矣。

千秋關

在縣東千秋嶺。上爲入杭問道。又孔夫關。在縣東南百二十里。旁有夫子堂。夫子井。俗傳夫子曾由此入吳。又孔關水。流入於東溪。其相近者曰濠阡關。唐舍關。白沙關。潼嶺關。黃花關。皆自縣東南通於潛之別徑也。宋南渡後。置關爲臨安藩衛。又

叢山關。在縣西南籠

叢山路。當徽寧要口。

胡樂鎮

縣西南九十里。亦曰胡樂市。其地有蜀洪山。明洪武初。置巡司戍守。又嶽山巡司。舊置於嶽山下。地名何弄塢。洪武中。遷於紐口。東至舊所二十里。嘉靖二十五年。以曠盜發。議還舊所未果。三十二年。復置於縣東南六十里河口市。仍曰嶽山巡司。

旌德縣。府南二百四十里。東南至徽州府績溪縣七十里。本太平縣地。

唐寶應二年析置旌德縣屬宣州。今縣無城編戶四十二里。

安吳廢縣。在縣西北十五里。或曰三國吳置安吳縣。在今涇縣境內。此蓋唐初所改置也。俗謂之沙城。○桓公城在縣北五十里。志云地名關石。卽兪縱所守處。其地蓋與涇縣接壤。

華陽山。縣東五里。其西爲感化山。今縣城東門曰感化。以山名也。又棲真山在縣西四里。其西接成子山。棲真而北爲西嶺。僊峯。黃龍岡諸山。舊志縣四面因山夾徵水爲城。是也。○古塘山在縣南十五里。高三十餘仞。周十五里。東與績溪縣接壤。又金龜

山在縣南四十里。其西爲黃高峯。有

兩峯對峙。其奇峻其巖壑亦皆秀異。

石壁山。縣北二十里。高數百丈。連亘數里。一水中流。兩崖對峙。峯巒峻絕。舊有道在山半。行者難之。乃緣麓闢爲馳道。縣境之扼塞也。宋宣和中。賊方臘繇寧國轉寇縣境。統制王可誠帥師拒戰於石壁。賊敗卻。舊有石壁巡司。久廢。又北爲三溪鎮。又北爲

龍首山。山西北有龍潭。徵水經其下。與涇縣接壤。○嗣溪山在縣東三十里。接寧國縣界。連亘十餘里。以山

溪相嗣不絕而名。一峯峭峙。謂之龍峯。稍西曰石龜山。梅溪出焉。東北流入寧國縣。爲滑渡水。而注於西溪。

正山。縣西三十里。峯巒峭峻。泉石錯列。諺云。正山巍峨接星斗。分別岡巒九十九。南唐屯戍於此。以備吳越。其西爲大暮山。以形如

廉幕也。傍起一峯。曰小暮山。○蛟山在縣西南五十里。山形蟠虬如騰蛟。然後有洞。徑險難入。其中平曠。唐永泰中。山寇王萬

敵嘯聚於此。招討使袁倓擊平之。又西十里曰石柱山。有

巨石雙峙。如立柱。然梁末程靈洗將兵討侯景。警衆於此。

箬嶺。縣西南八十里。高五百仞。西接太平縣境。南接歙縣境。爲宣徽通道。相傳隋末汪華所開。有鶴嶺。

縣西南七十里。與箬嶺接。○鳧陽嶺。縣北十里。又縣西北十五里有烏嶺。一名楓木嶺。亦曰烏江。

徽水

縣治東源出績溪縣徽嶺北西北流清潭水出縣南境清潭山溉田十餘頃流數里入徽水至縣南而東出經縣東北有龍溪諸水自績溪縣合流而北至縣東四里入於東溪其東溪出龍巖山西北流經華陽山又有績溪北出之龍頭溪及別源之東

溪水俱流合焉並注於徽水又北逕縣北十里之柳山過石壁山西十里與抱麟溪玉溪合是爲三溪又北至龍首山入涇縣界爲藤縣上源

豐溪

縣西十里源出縣西南六十里九峯山東北流經石柱山南合濠寨水又北流至縣西北三十里入於三溪其別出石壁山北者曰弋溪或謂之渦溪溪流隨山旋轉下多險石經縣東北四十五里亦入涇縣界而合於藤溪又有楓溪出箬嶺北其下流

亦至涇縣合於藤溪

三溪鎮

縣北三十里有三溪鎮稍西有盤詰關又三溪巡司亦置於此今皆廢志云縣東有烏澗嶺烏嶺巡司蓋置於此又石子寨在縣西三十里南唐所置戍守處也

太平縣

府西南二百四十里西北至池州府石埭縣百里西南至徽州府黟縣百八十里南至徽州府百八十里本漢陵陽縣涇縣地唐天寶十一載析置太平縣屬宣城郡今縣無城編戶十九里

黃山

縣南三十里高千一百餘丈盤亘三百里寧徽兩郡之名山也峯之得名者三十六而在縣境者有八曰翠微下有青牛溪曰天都下有香谷源香泉溪曰望僊下有龍鬚巖弦歌溪曰九龍其下巖洞溪源之屬並以九龍名曰望泉其上有泉人不能至東南流至峯下爲湯泉曰壘障下有石孔巖亦名滴泉巖又有陰坑源水流入白雲溪灌爲白龍潭又流爲珠沙溪曰僊人下有僊人洞曰芙蓉下有白馬源諸峯之中天都爲之冠餘悉屬徽郡境內○尙書山在縣西南二十里望僊峯之西高百餘仞又西南十里爲大盤嶺高二百丈亘三十里別名遊山又縣西南六十里有湯嶺多懸崖峭壁又西南十五里爲梨水嶺又五里爲棠梨嶺皆接歙縣境縣西南百十里曰莊嶺接黟縣界西南百三十里曰石鑿嶺接石埭縣界諸山皆黃山之支阜矣

陵陽山

縣西六十里有三峯矗立屬縣者一西屬石埭者二下有三门六刺灘舒溪所經也。稽南曰真金山高二百餘丈稽東曰密崖山岡巒連亘二十里至此兩崖對峙下瞰深溪徑道險絕一名密王關。龍門山在縣西四十里高五百仞周三十里巖

壁峭拔中有石竇若門產茶及藥草其束

爲三门嶺三方阻絕徑中通縣治據其陽

箸嶺

縣東南五十里上下六十里山頂爲欽縣境東麓屬旌德縣往來徑道也。又縣東二十里有石覺嶺又北爲黃瓜嶺與旌德縣接壤。

麻川

縣南三里源出黃山之麓經縣東南七里麻破潭一名白虎潭旌德西北境之水多流入焉謂之麻川。又西北逕縣治東有富漢水出縣西霧山逕縣治西南亦名僊源水又東北流入焉。又北則梅溪水自三门嶺東南流入焉西北下魚灘洲灘至麻口

合諸山谿之水入

涇縣爲賞溪上源

舒溪

縣西六十里源出黟縣境流經石埭縣東北入縣界。又東北合於麻川。○瀆溪在縣西南二十里有二源一出黃山九龍泉一出大龍嶺下會流而東北入於舒溪。又有青山溪源出池州府青陽縣九華山入涇縣西南境。又東南流入縣境亦合於舒溪。

又縣西有蟠石水出黃山下赤深水

亦出青陽縣界下流俱瀆於麻川

宏潭鎮

縣西百里志云自石埭彭歛而入郡西南境宏潭其屏蔽要地也有巡司戍守於此。又龍門巡司舊置於縣西龍門山下今廢。

附見

宣州衛

在府城內。洪武初建。

徽州府

東至浙江杭州府四百七十五里。南至浙江嚴州府淳安縣百八十里。西南至江西饒州府六百里。西北至池州府三百九十里。北至寧國府三百三十里。自府治至江寧府七百里。至京師三千一百里。

禹貢揚州之域。春秋時屬吳。後屬越。戰國時屬楚。秦屬鄣郡。漢屬丹陽郡。三國吳分置新都郡。晉改新

安郡

治始新縣。今浙江嚴州府淳安縣也。

宋齊因之。梁承聖中。析置新寧郡。治歙縣。

陳復并入新安郡。隋廢郡置歙州。大業初。改

為新安郡

移治休寧縣。義寧中移治歙縣。

唐復曰歙州。天寶初。曰新安郡。乾元初復故。宋宣和三年。改曰徽州。元為徽州

路。明初曰興安府。元年。復曰徽州府。

初屬浙江。尋直隸京師。

領縣六。今仍曰徽州府。

府厚金陵之鎖鑰。控江浙之要領。山川險阻。襟帶百城。

郡志。東涉浙江灘險三百有六十。西通彭蠡灘險八十有四。嶺之危有五。南界馬金。白際之高。北倚黃山。章嶺之秀。晏殊

類要云。峯巒掩映。狀若雲屏。實百城之襟帶也。

搖足而定饒信。連肘而懾杭嚴。擇利而動。無不可為也。且土沃民殷。資儲易給。控禦

三方

江南浙江西。戰守足恃。明初繇此以靖南服。豈非地利之明驗哉。

歙縣

附郭秦置屬鄣郡縣南有歙浦因名漢屬丹陽郡爲郡尉治後漢因之三國吳屬新都郡晉屬新安郡梁置新寧郡於此陳郡廢縣仍屬新安郡隋平陳縣廢未幾復置屬歙州義寧中郡爲汪華所據遷治於歙之烏聊山唐亦爲歙州治宋因之今編戶二百

里十五

歙州城

今府城隋末汪華所築也東面抱山西據平麓自東北而西南皆有溪流環遶注於歙浦稱爲險固外城周四里有奇子城周一里有奇唐大中和間屢經修築羅城周九里有奇咸通六年於城西北爲堤以禦水光化中又因堤增築爲城名曰

新城歷南唐至宋時有修改宣和三年爲睦寇方臘所陷事平改築新城於溪北三里因民不便仍還舊城即唐中和中故址修築然其地僅七里有奇而子城遂廢又光化中所築新城者堤既圯每爲溪水所泛溢因棄爲桑野名曰新城園自是又屢加修飾嘉定十三年大興版築鼎新雄傑城南逼溪復築長堤以衛城址元時亦嘗修築至正十二年爲蕞黃兵所破明年元兵復取之因增治城垣明初龍鳳三年元至正十七年也王師平徽州將軍鄧愈因舊城營葺周六里有奇爲門五東西北三面皆有濬惟南及東南無之以山險故也後復廢壞成化以後屢經修築今城周十里有奇

歸德廢縣

府西南五十里唐永泰初盜方清陷州城州民保聚於休寧之山險處賊平析休寧歙縣地置歸德縣大歷五年省入休寧今爲歙縣境寰宇記府北三十五里有北野廢縣唐永徽五年析歙縣地置大歷二年省新舊唐書云北野卽續

也溪

烏聊山

在城內東南隅高二十八仞周八里東漢末賊帥毛甘屯據於此吳將賀齊討破之隋末郡人汪華據郡起兵初亦屯此義寧中自休寧萬安山遷郡治於山下今城東址皆踐山爲之山之西麓有四水合流上有汪華廟俗亦謂之廟山別名山之

東峯爲東山。又披雲峯。在縣治西南。高百仞。周五里。勢峭拔。嘗有靈氣。俗謂之西峯。

玉屏山

在城東北。本名石壁山。上有石。方時如屏帳。其下寬平。可以屯兵。明太祖嘗駐蹕其下。因易今名。又問政山在城東四里。山高秀。唐時有子德晦者爲州刺史。築室於此。以居其從兄。方外時。香訪焉。山因以名。又紫陽山在府南三里。山高百九十九仞。周四十里。一名城陽山。以山在城陽也。山之南塢別號南山。

飛布山

府北二十里。高百七十仞。周二十七里。舊名主簿山。相傳寇亂時。有縣主簿葛顯者。率衆保此。唐天聖中。改今名。又覆山在縣西北三十里。高三百五十仞。周七十里。又黃蘗山在府北九十里。高五百六十仞。周百里。○石耳山在府南四十里。突起大障。高出羣峯。多巖石之勝。又柳亭山在縣南百里。高二百五十仞。周四十里。舊名昌山。唐天寶中。改今名。

黃山

府西北百二十里。舊名影山。唐天寶六載。改今名。其山盤踞諸州縣。而屬於歙。高千一百八十仞。有峯三十六。水源亦三十六。溪二十四。洞十二。巖八。溪澗流下。合揚之水。爲浙江之源。登其巔。則匡廬長江隱隱在望。浙之東西池。饒諸境之山。皆其支脈也。紀勝云。黃山諸峯。有如削成。烟嵐無際。雷雨在下。其霞城洞室。巖竇瀑泉。則無筆不有。其西北峯類太華。故亦名小華山。元汪炎昶記曰。山在宣歙間。雄鎮東南。南踰百里。爲歙縣治。北三十里。爲太平縣。又北抵宣州治。二百四十里。不通通都大邑之走集。遊者罕至焉。山之西麓。田土廣衍。曰焦村。焦村而南。有數峯。凌空最名者曰天都。芙蓉。朱沙。而天都爲尤高。鳥道如線。上多名藥。採者裏糧。以上三日始可達。

箬嶺

府北八十里。黃山之東。上多箬竹。隋末。汪華起兵時。開嶺路達太平縣。今爲通衢。志云。縣南十五里有閩將軍嚴。隋將閩亮。嘗屯兵於此。

昱嶺

縣東南百二十里。接杭州昌化縣界。爲往來孔道。舊有昱嶺關。詳見浙江重險。○方吳嶺在府南九十里。高二十餘仞。有小嶺七十二。自府境往嚴州遂安縣。此爲捷徑。其麓有石門水。北合白際之水。以達於浙江。又嶺之西曰危峯嶺。脈接休寧縣之白

山際

新安江

在府南。其源有四。一出黃山。一出績溪縣大鄣山。合揚之水。會流於府城西。達府東南十五里。而爲歙浦。一出休寧縣率山。一出婺源縣浙嶺山。亦合流而道於歙浦。自此而東南流。皆謂之浙安江。志云。縣歙浦口而東南四十里爲深渡。又五十里

爲街口。而達浙江淳安縣界。至嚴州府城南。合於東陽江。爲浙江之上源。圖經自浙江桐廬以上抵歙浦。皆曰新安江。江中有灘三百六十。至爲艱阻。今詳見浙江大川。

揚之水

在城西。出績溪縣龍巖山。西南流。凡百餘里。至城東北。達於城西。謂之練溪。亦曰徽溪。府西北黃山諸水。悉流合焉。又環遶而東南。達於歙浦。謂之浦口。浦口而東南。或謂之苦溪。下抵深渡。凡八十里。名八十里苦。此卽新安江之上流也。志云。苦溪

中亂石礮礮。洪灘斗折。淙流奔騰。其急如箭。雖三峽不足方其險。又深渡水。在郡東百十里。爲新安江東接嚴州之界。而浦口東南四十里。亦曰深渡。蓋自嚴州界汜流而上。穿山峻流。峯巒掩映。紆旋繞。清深若一。故皆以深渡爲名。

豐樂水

在府西三里。源出黃山。激田三十餘頃。流至此。合於揚之水。又布射水。出黃蘗山。流經縣北三十里。合揚之水。又府北一里。曰富資水。源出府北四十里。昉村。亦名任公溪。以梁任昉名也。又昌溪水。出府南柳亭山。武洪水。出休寧縣栢雲山。流入界。

皆引水溉田。下流合揚之水。○綿溪水。在縣東南五十里。源出績溪縣佛嶺。下流入新安江。亦有灑灑之利。

篁墩湖

府西南三十五里。篁一作黃。一名相公湖。亦曰蛟灘。東北流經府城西南。曰南岡浦。合於徽溪。志云。篁墩在府西南三十里。地多竹。湖因以名。○呂公灘。在府南十二里。卽徽溪下流。長二里。本名車輪灘。水勢湍悍。善覆舟。唐刺史呂季重鑿之。遂爲

安流。今亦
曰車輪灣。

漢洞坑。

在府西南仁愛鄉。洞口險阻。中平廣。上有屯聚遺跡。相傳自漢以來。郡人避兵者。多保聚於此。或以爲卽洞口也。唐初。汪華據歙。杜伏威將王雄誕擊之。華拒之。於新安洞口。雄誕伏兵山谷。帥羸弱與戰。伴敗走。華進攻之。伏兵襲。據其洞口。華窮。鑿請降。一云。洞口在今績溪縣西南四十里。今謂之洞裏。中多居民。深廣幾百里云。○階坑在府東百二十里。相傳吳廢太子和所居之地。階迹猶存。

街口鎮。

在府東南百里。有街口渡。置巡司戍守。東至嚴州府淳安縣八十里。志云。明初置梅口批驗茶引所。成化十四年。并入街口。巡司。又有王子巡司。在府東北百里。東至杭州府昌化縣九十里。又管界寨在府西百八十里。宋置。明初亦置巡司於此。又府南四十五里有深渡寨。亦宋置。明初置巡司。洪武十二年廢。

新館鎮。

府東三十里。又有嚴寺鎮。在府西二十五里。俱宋時置官權酒之所。明初亦置稅課局。兼置岩寺巡司。洪武十四年。巡司廢。成化十四年。兼革稅課局。併於稅課司。

漁梁。

府南三里。有石梁。舊以揚之水。及黃山諸水。凡四溪會流城西。陡瀉而下。無復停蓄。故爲津梁。以緩水勢。宋紹興中廢。嘉定中復修。鑿山取石爲永久計。後復圯。明弘治中。凡再修葺。稱爲完固云。○太平橋在府城西。志云。宋時自府城西南紫陽門達水西。有石橋。後廢。驛道所經。出麻坑七里。溪兩渡。或遇漲潦。輒郵傳不通。端平初。郡守劉炳於西門築浮橋跨溪。巨五十餘丈。名曰慶豐。且伐木石。以開新路。遂避兩渡之阻。元末兵毀。明初架木爲之。曰太平橋。一名河西橋。又通津橋。今在四關。一名麻坑橋。又西南古城關西七里。渡有七里溪橋。皆爲往來通道。

休寧縣

府西六十里南至浙江開化縣二百四十里東南至浙江遂安縣二百里北至祁門縣百五十里西南至婺源縣二百里本歙縣地三國吳析置休陽縣後以景帝諱改曰海陽晉曰海寧屬新安郡梁屬新寧郡隋開皇十八年改曰休寧屬婺州大業初

新安郡治此唐仍屬歙州

今縣無城編戶二百五里

海陽廢縣

舊治縣西二里靈鳥山尋移治縣東十三里萬安山上其城爲隋末汪華所築華遷新安郡治萬安也今呼爲古城有汪王故宮唐天寶中移縣於今治又有休寧故城在縣東三十五里南當水口之上相傳隋時縣嘗治此○黎陽廢縣

在縣西北孫吳析歙縣地置晉屬新安郡劉宋大明中省入

海寧梁承聖中復置黎陽縣屬新寧郡陳省今爲黎陽鄉

松蘿山

縣北十三里高五六十仞周十五里與天藻山相連爲縣巨鎮山半石壁懸空峯巒攢簇松蘿交映蜿蜒數里如列屏障產茶又稱雲山在縣東北二十三里高百五十仞周五十里武洪水出焉舊名郎山天寶六年改今名○萬安山在縣東十里

隋大業末汪華移郡治於此本名萬歲山宋宣和中改曰萬安避禁宛中山名也今名古城巖東北麓有石門高丈五尺下闊二丈稱峻險又鳳山在縣西二里高三十仞一名靈鳥山址方頂平下臨孔道相傳爲舊縣治又玉几山在縣南三里一名塔山旁

有十二峯

互相映帶

仰山

縣東南五十七里窮源深谷間一徑縈紆陟而復降其中平衍羣山環拱狀若蓮花亦曰蓮花山又響山在縣東南三十五里平地特起周五里許其南有石壁削成西有石峯特起名曰柱棒山

白嶽山

縣西四十里高三百仞周三十五里奇峯四起其西北曰齊雲巖高二百仞懸崖中一小徑憑梯而上其三面並峻絕壁立二百餘丈不通攀緣峯頂闊四十餘畝巖之東北復有石壁如樓臺旁又有珠簾及羅漢等洞宋德祐二年邑人結寨於巖

以避寇亂。其並峙者曰獨雙巖。高亦三百餘仞。周十五里。頂有池水。並崖演迤。凡數折。里人鑿渠引水下山。溉田千餘畝。山之四曰石門巖。高亦二百餘仞。周二十里。巖之東復有峯巖洞壑。奇勝不一。山之南曰密多巖。高亦二百仞。程敏政曰。遊白嶽山者。率以白嶽爲高。至桃源嶺。則白嶽已在其下。至車洪嶺。則桃源又下。至齊雲巖。則車洪益下。蓋齊雲爲山最高處。彭。歛。娶之山。一目可盡也。

顏公山

縣西南四十里。周三十八里。自麓至巔。可三十里。山半稍前。則四旁隆起。其窟處有清濁池。又有湖。約五畝許。相傳昔有顏公者。隱於此。因名。又岐山在縣西六十里。高二百仞。周二十三里。一名石橋巖。泉石奇勝。又西六十里曰高湖。南接婺源縣。

山頂有湖。廣十餘畝。歲旱不涸。土人謂之聖湖。

率山

縣西南百六十里。今日曰張公山。其脈繚婺源五嶺而北。重岡大嶺。周百餘里。高千四百餘仞。相傳昔有張公者。隱此。因名山。當休婺。浮梁三縣間。鄞江之源出其陽。浙江之源出其陰。婺源志云。山在縣西北百二十里。一名大鄞山。有振衣峯及清風嶺。仰

天臺諸勝。即張公山矣。

白際山

縣南八十五里。高百五十仞。其山繚婺源五嶺而來。連起大峯。相續不斷。東接歙縣之危峯。方吳諸峯。以界於睦之途。安衢之開化。蓋羣山之綱領也。又雞籠山在縣南九十里。高百六十仞。周五十里。以形似名。○方源山在縣南百八十里。高二百

五十仞。周三十里。本名黃土山。唐天寶六載。賜今名。一名馬金嶺。舊志方源黃土爲二山。朱同云。方源即黃土。自婺源五嶺分支而來。東連白際。而雞籠則其支也。今土人謂其尖曰黃尖。水曰瓊源。亦曰方源。其陰則水北流。入率山之江。其陽則東流者。入於睦之途。安。西流者。入於衢之常山。而總趨於浙江。

新嶺

縣西南七十里。高六百餘仞。周二十里。西合婺源芙蓉諸嶺。爲五嶺。往來通道。嶺南有地名黃茅。可縣小徑直達。爲防禦要地。○東密巖在縣南三十五里。高六十仞。四面皆平山。土田衍沃。惟此特高。周迴絕壁如城。東西二小徑。經石磴而登。其頂平衍。方廣八百餘步。唐乾符五年。黃巢寇郡。郡人程澤率義兵立寨於此。以拒之。今壑壘猶存。志云。嶺上有元帥府。寨下有落箭丘。皆以程澤得名。

浙溪

縣西南百十里。源出婺源縣之浙嶺。東北流。至縣西七十里江潭。又東流百餘里。至率口。而會於率水。亦名浙溪。水經所謂漸江者也。漢功臣表。陳嬰定豫章。浙江都漸。顏師古曰。漸水名。或以爲今縣。卽古漸地。漢志注。浙江水出黟縣南蠻壑中。東入海。蓋時未有婺源縣也。文獻通考。休寧漸水。溉田二十七頃。發源張公山。蓋誤以率水爲漸水矣。輿程記。縣東三十五里有屯溪。漸源至此。會於黟水。亦名南港。黟水卽率水也。又東流數十里。至浦口。會練溪諸水。而爲新安江。○率水在縣西南。卽張公山水也。自山巔流而下。分爲三源。下流俱北會於浙溪。而爲新安江之上源。或謂之大溪。

白鶴溪

縣西二里。出黟縣橫江。吉陽之水。東流入縣境。亦曰吉陽溪。至縣西風山下。有夾溪水。出縣西北四十二里石塚山。東南流合焉。曰雙溪。口經縣南一里。曰夏紋溪。又東經縣東二里富郎潭。過古城巖。又東南流三十餘里。至屯溪。而會於南港。志云。夾溪亦曰夾源。其水溉田十餘頃。又瑣溪在縣南。卽方源山之水。北流四十里。合於率水。志云。縣南五十里有汶水。其源東自白際之瓊環水。南自馬金之瓊原水。演迤四十里。至此合流爲一。繞岐陽山下。因名汶水。一名雲雲溪。縣北流二十里。合率口水。岐陽山一名旗山。其支爲萬松山。亦在縣南五十里。

五城水

縣南四十五里。源出婺源五嶺。流入縣境。與顏公山水合流於龍潭溪口。溉田四千餘頃。東會於浙溪。又原坑水出縣西百五十里之鹿髀山。溉田三千餘頃。南流會於浙溪。又南當水出縣西三十六里之南當山。俗曰常坑山。亦溉田千餘頃。東

流會於

浙溪

洋湖

在縣東南四十里。屯溪南岸。一名陽湖。爲衆水會聚之處。漢溪平衍。每春流漲。合輒汪洋如湖云。

舉嶺寨

在縣東北十五里。天葆巖志云。縣東南方山有白際嶺寨。縣西婺源界有塔嶺寨。又縣西吳田嶺上有馬金寨。縣西南溪口有松陽寨。五寨皆宋置。元廢。○五畝驛在縣南二十五里。元置。又縣南二十九里有皇華驛。元初曰慈賢驛。尋改明初廢。

五城村

縣南五城水上。舊爲大鎮。寰宇記。村傍有五城。斜隅相對。因名。元置五城務及南五嶺巡司於此。明初廢。嘉靖中以寇亂。議設兵防守。萬歷十年。議者復以五城爲一郡。通達之所。應設哨官。領兵巡緝。與婺源中平鎮爲犄角云。又臨溪村在縣南九

十里。元置臨溪。白際嶺巡司於此。明初廢。又斷石村在縣西三里。舊名吳口村。西南有石壁。下臨深溪。

藍渡橋

縣西十五里。元置稅務於此。曰藍渡務。又置江潭務於河村。溪口。卽今縣西七十里之江潭也。明置黃竹嶺巡司於此。

婺源縣

府西南二百四十里。西至江西樂平縣百九十里。南至江西德興縣百十里。西北至江西浮梁縣百五十五里。東南至浙江開化縣百七十里。本休寧縣地。唐開元二十八年。析置婺源縣。屬徽州。宋因之。元元貞初。升爲婺源州。明洪武二年。復降爲縣。舊

有城二里。今廢。編戶百六十四里。

婺源故縣

在縣北二十五里。志云。唐分休寧回玉鄉。并割鄱陽懷金鄉。置婺源縣。治清華鎮。中和二年。楊行密將陶雅守歙。縣人汪武怨其暴橫。率民立營柵。據弦高鎮。以抗之。自爲鎮將。遂移縣治於弦高。天祐中。武死。陶雅以朱璣爲新縣。制置巡

轄等使復舊縣爲清華鎮後皆因之今縣
故弦高鎮也懷金鄉在縣西與樂平縣接壤

軍營山

在縣城內西隅五代時嘗屯兵於此山東麓臨西湖舊爲蟒蛇港又北曰腰灘港大溪之水瀉流於此唐中和中汪武立營
棚於腰灘蟒蛇二港據弦高鎮即營此山矣五代唐同光中吳將劉津改營新城因築南北港口諸水爲西湖使大溪環城
而西南出宋末猶爲近郊之勝元時漸堙明初遂爲平陸惟此山猶以軍營名又方山
在城南二里冠佩山在城西五里在其城南者又有漁袋山城西北二里又有錦屏山

浙源山

縣北七十里一名浙嶺高三百餘仞周二十五里婺源諸水多西入鄱陽惟此山之水東會休寧祁門黟縣諸水至歙浦又
會績溪歙縣諸水赴浙江山有戴公三嶺泥源九灣自縣入郡此爲捷徑又高湖山與浙嶺相連北接休寧縣界○張公山
在縣西北百二十里即
率山也詳見休寧縣

石耳山

縣東南九十里層巖疊嶂高險接天有石室甚深廣綵衝信入境此山爲之望其支脈曰大鑪山在縣東百里高三百仞相
傳洪水時有大鑪上此而名又小斂山在縣東南七十里高九十八仞周五十五里俱與衢州接壤○石門山在縣東九十五
里與大鑪相接山巔有石巖空洞若門縣東九十里又有屏障山高二百餘仞方峙如屏下開平壤曰大畷其左爲陰巖山右爲
石耳山又龍尾山在縣東百里高二百仞周三十里石可作硯一名羅紋山又蓮花山在縣東百五里亦接衢州界山高極天羣
峯峯嶽狀若蓮花因名志云縣南四十里有桃源
大衝山石壁峭立飛瀑懸流泉石之勝甲於一邑

斜山

縣東北七十里高二百仞周八十里斜水出焉溉田四十頃下流合於續水○倚衡山在縣北百十里高八十五仞
輿縣北九十里之朗山俱西連回嶺朗亦作閩志云回嶺在縣北百里有峯高聳亦名回峯自縣趨郡之捷路也

大連山。縣西北百二十里。高四百仞。周九十里。宛亂時。鄉人每保聚於此。又大廣山。在縣西北五十八里。一名大尖山。高四百餘仞。周三十里。娶水出焉。○秦山在縣北三十里。唐開元中。土人洪真作亂。居民結寨避寇於此。又縣東北亦有秦山。其地名李

坑源頭。亦唐開元

中。土人避寇處。

梅源山。縣西百二十里。高三百餘仞。周四十餘里。本名梅山。產楊梅充實。梁任昉爲郡守。奕龍之。唐天寶中。始曰梅源山。西北接淳

者爲僊女。金鍾諸巖。西連樂平縣界。○濬源山在縣西南百里。高二百十仞。亦名遊山。接樂平及浮梁縣界。有濬源水。溉田三十餘頃。南流合杭溪水入樂平縣界。

芙蓉嶺。縣東八十五里。高千餘仞。周三十餘里。其絕頂爲芙蓉峯。一名靈山。巖石奇勝。屏嶂龍尾。諸山皆其支脈也。又縣東九十五里。曰對鏡嶺。高百五十仞。周十里。其並峙者曰羊鬪嶺。高百仞。周二十里。又塔嶺在縣東北百五十里。高八十仞。周九里。四

嶺中芙蓉爲之冠。與休寧新嶺爲五嶺。宋初驛道。縣東百里。中平寨。經大坂達休寧之黃茅。沿澗曲折。谷水暴發。則橋道皆壞。其後里人汪紹闢路。從芙蓉對境羊鬪塔嶺。直抵黃茅。較舊路近十五里。且無水患。元末汪同復開拓之。遂爲通衢。今休寧之界自塔嶺而中分也。

平鼻嶺。在縣北九十里。志云。浙源之大海。與休寧接界。聞見錄。平鼻嶺。同嶺。張公山。查公山。及花橋。皆休寧往來通道也。今查公山在縣西八十里。花橋亦在縣西百里。蓋自樂平而東北達縣境。以入休寧。此爲必經之處。又篁嶺在縣東九十里。高百仞。地

多竹。因名。○靈巖在縣西北百二十里。中有三洞。東北曰慶雲。西曰蓮花。南曰含虛。皆縹帶浙嶺。聯絡率山。山海經所謂三天子都。或以爲卽此巖也。又有洞曰靈磨。集僊魚龍。張公垂鐘。會僊合爲九洞。幽勝疊出。不可名狀。

繡水

在城北舊名大溪縣境羣出之水出自縣東及縣東北者會流於縣東北二十餘里之汪口又西而為北港其出自縣北者至清華合流而西為西港至縣北二十里曰武口與北港水合又南至城北繞城而西又西南而遠近諸山水悉附入焉流入德興縣下流注於鄱陽志云繡水合二港十一源之水匯流城下繞城三面而西波紋如繡又南益合衆流至德興謂之大溪至樂平縣謂之樂安江云

婺水

在縣西出大廣山溉田二十二頃有奇南流入樂平縣界中有石門灘兩石夾溪湧起如闕一線通流險比澗瀉志云婺水南流八十五里繞縣城又南流四十里合斜水通鄱陽考斜水在東北大鱸龍尾石耳山諸水俱自縣東流合繡水則斜水何從越諸水而南會婺水乎又婺水在縣西北既繞城而南則當合繡水又不容獨南流會斜水也樂平在縣西自縣西而南非樂平境內矣志恐誤也

益陽水

在縣北出浙源山溉田三十五頃有奇又有武溪水亦出浙源山東南流經龍尾山溉田十三頃有奇下流俱入於繡水○大鱸水在縣東出大鱸山溉田六十餘頃西北流入斜水志云大鱸與芙蓉峯水並入繡水蓋斜水合於大鱸矣又小斂水出小斂山溉田十八頃有奇東流經縣南五里入繡水又古坑水出屏障山後溪山南麓東注鱸溪

梅源水

在縣西出梅源山東流合浙源水溉田八十頃有奇又杭溪水出縣西北七里石龍山有石龍洞水出其中溉田三十八頃有奇南流至杭口與潛源山水合而入樂平縣界聞見錄杭溪水流入婺水為往來通道是也○漣溪在縣西志云礪峪山東有玉帶水又漣溪源亦出山下合山谷諸水南流為漣溪紆回數百里下流達於鄱陽

五福鎮

在縣西北四十里唐咸通六年置又有三吳鎮在縣東七十五里唐乾符中黃巢作亂兵馬使汪道安鎮婺源其子漬分戍於此今廢

高砂鎮

在縣西南三十里。元置高砂稅務於此。至正十二年兵燹。明洪武八年。魏革。聞見錄。自江西樂平縣。趙太白巡司。德興縣。趙吳家灣。會於高砂。進抵城北。是也。今太白巡司在縣西七十里。志云。縣有大鱸巡司。萬歷三年。設於大鱸嶺。又有嚴田巡司。

嘉靖四十二年。革歙縣之黃山巡司。而設巡司於嚴田。萬歷八年。改設於項村。因名項村巡司。○莊坑在縣南六十里。輿程記。蘇樂平而東六十里。至毛橋。又三十里。至灣頭。五十里。至莊坑。以達縣。皆舟楫通行之道也。

中平寨

縣東九十里。宋置寨。元因之。明洪武十八年。廢。嘉靖三十四年以後。時有寇驚。議設兵防駐。萬歷十年。議者謂中平為一郡要害。應設把總帥兵屯守。今為往來孔道。又衝山營在縣治西北。五代時。吳將劉津所置。今有壘壘餘址。○海口隘在縣南

九十里。接德興縣界。往來要口也。

祁門縣

府西百八十里。西南至江西浮梁縣百九十里。北至池州府石埭縣百七十里。本黟縣之赤山鎮。東北有峯若旗。謂之祁山。西

南有兩石對峙如門。謂之閩門。唐永泰初。土寇方清作亂。僞置閩門縣。事平。因故。置黟縣之西。浮梁之東。置祁門縣。屬歙州。縣無城。今編戶四十六里。

梅銷城

縣西十五里。銷。吳芮將也。項羽封銷十萬戶。蓋邑於此。

祁山

縣東北一里。高四十仞。周十五里。三面皆石壁。上有樓。真殿。其東曰青羅殿。旁有湧泉。味甘不竭。一名乳泉。○石新婦山在縣北三十里。高四十一仞。周二十五里。北接黟縣武亭山。上有三石峯。亦曰三新婦山。

大共山

縣北五十里。高六十五仞。接石埭縣界。大共水出焉。山下舊有大共鎮。元置。今廢。又道人山在縣北二十里。高九十仞。周六十五里。有削壁層巖之勝。

新安山

縣西百十里。高百仞。奇秀甲於羣山。爲郡之勝。本屬黟縣境內。相傳郡名新安以此。其相望者曰九峯山。有九峯並峙。高插霄漢。又西峯山。在縣西百二十里。峯巖亦稱靈秀。○歷山在縣西八十里。高二百五十仞。抵石埭縣界。高插雲霄。險若天甃。

巖有池。冬夏不竭。又主簿山。在縣西六十里。高四十五仞。縣西南七十里。爲梅南山。高八十仞。俱接浮梁縣界。

武陵嶺

縣西四十五里。高三十仞。周二十八里。經途所出。初甚峻險。唐元和中。縣令路曼鑿爲盤道。行者便之。又赤嶺在縣西百里。本名血嶺。唐元和中改名。高三十仞。周五十五里。嶺下有溪流。入浮梁界。又榔木嶺。在縣東北五十里。志云。嶺下水分東西。

東入饒唐江。西入彭蠡湖。皆有灘三百六十。嶺雖平坦。而據地獨高也。○王公峯在縣南二十五里。高出萬仞。不與羣峯接。又縣北五十里有望江峯。其峯卓立。高凌霄漢。

大共水

在城東。源出大共山。有武亭水。出黟縣武亭山。南流合焉。歷祁山麓南流。合諸山溪之水。入浮梁縣界。○赤溪水在縣東北。出黟縣魚亭山。西流五十里。合大共水。又鱸溪水。出武陵嶺。西南流六十里。爲鱸口。合大共水。又盧溪水。出梅南山。大北港。

水出歷山。小北港水出縣西七十里之樛根山。又新安水。出新安山。俱

東流。合大共水。諸水皆引流溉田。多者數十頃。少者數頃。民獲其利。

閩門灘

縣南十三里。縣境之水。多會於此。中有巨石夾水。對峙如門。謂之閩門。其水逕浮梁界。下流入鄱陽。昔時灘流奔迅。溪險石鑿。商旅經此。有摧艦折軸之患。唐元和中。縣令路曼開斗門。以平其險。人號路公溪。咸通中。縣令陳甘節。宋嘉定中。令陳過

亦加疏導。共長五百

五十餘丈。今爲安流。

五嶺關

在縣南百里。聞見錄。自浮梁入祁門界。有五嶺關。自此抵縣城。皆高山峻壁也。又江村亦在縣南。聞見錄。自浮梁入祁門。至江村。又進至渚口。又進至關口。卽至城下。志云。今縣西十里有張村。以唐張志和隱此而名。○瓦禾嶺。巡司在縣西北三十

二里瓦禾嶺。今移置於縣西北二十七里之苦竹港。又貴溪務在縣南十二里。又縣北有柏溪務。皆宋置。元廢。

黟縣。

府西百四十里。西至祁門縣六十里。西南至婺源縣三百五里。南至浙江遂安縣二百七十里。東南至休寧縣八十里。秦縣。屬鄣郡。以黟山而名。黟本作黝。讀伊。漢仍爲黟縣。屬丹陽郡。鴻嘉二年。立中山。蕪王孫雲客爲廣德王。國於此。王莽時。國廢。後漢仍爲

黟縣。吳屬新都郡。晉屬新安郡。宋齊因之。隋初廢。開皇十一年復置。大業末。汪華等據其地置黟州。唐初州廢。縣仍屬歙州。縣無城。今編戶二十四里。

林歷山。

縣西南十里。高三百仞。周三十里。四面壁立。徑路危陘。漢末。山越陳僕祖山屯此。恃險爲害。建安十二年。孫權遣賈齊討之。齊陰募輕捷士於隱險處。夜以鐵戈拓山。潛上懸布以援下人。得上者百餘人。合分布四面。鳴鼓角。城驚。守路者皆逆走。大

軍乃上山擊破之。今山上寨基牆壁尙存。東有石洞。西有千丈巖。瀑布自崖而下。稱西曰頂遊峯。亦曰丁峯。亦曰南山。孤峯削立。與縣南十五里之霧峯相映帶。志云。林歷山下有僕城里。亦陳僕祖山屯據處。故曰城僕。又懸嶺在縣南十六里。產石墨。土人採之。久而成井。今石墨糜爛。不可書畫。惟堪染阜。志云。黟與驛同。縣蓋以此而名也。

吉陽山。

縣東北十五里。今名三姑山。高三百三十仞。周三十里。有三峯鼎峙。吉陽水出焉。又東山在縣東十五里。高數百仞。人迹罕到。○石門山在縣東南二十里。鑿石爲門。下瞰溪潭。壁立千仞。沿巖鑿路。名曰棧閣。僅可通人。斷處以木濟之。古號石門。爲

小劍門。棧閣爲棧道。

武亭山。

縣西南十八里。接祁門界。高二百仞。周五十里。橫江水出其南。危巖削壁。行者趨越。宋紹興中。邑人黃元揮始鑿路。以便往來。今爲通道。

魚亭山

縣南三十五里，高二百五十仞，周三十里。魚亭水出焉。志云：山卽祁門縣榔木嶺之支也。自榔木嶺而東，十里至魚亭，又東

五十里，卽至休寧縣。舊時江西魚船至祁門，以次泊山之東，縣有四亭八墅，魚亭其一也。又復山在縣南三十六里，卽魚亭之支也。一名復巖，又名阜巖，高二百六十仞，周三十里。方輿記：山甚孤峻，兩邊皆石，中有溝，纒五六尺許，水甚迅激，石壁四絕，僅

通一縷，縛木爲梯，僅乃得上。絕頂泉流不竭，鄉人曾避寇於此。賊陳兵其下，意山高無水，欲持久困之。鄉民示以生魚，賊乃引去。

其水東南流，入休寧縣界。

石孟山

縣西北十餘里，高五百仞，袤三十里，中有巨石如孟，泉出不竭。南連碧山，志云：碧山在縣西北八里，高百仞，其南有靄峯，對

絕頂平坦，又北三十里有五溪山，山高變，時有雲霧，障蔽頂上。

牛泉山

縣北五十里，高九百餘仞，東接太平縣界。輿地志：牛泉嶠自麓至頂，每九里一頓，凡九頓，並山爲路，隱處僅容仄足，下臨不

測之，路上多風，盛夏無暑，頂有水方廣丈許，謂之牛泉山，上往往累石爲路，昔時往丹陽之道也。又章山在縣西北二十里，章水出焉。○石鷲洞在縣東二十五里，有石洞幽邃，可容百人。

橫江水

在縣南二十里，出武亭山，東南流二十八里，章山所出之章水，東南流經縣西而流合焉。又東至魚亭口，卽魚亭山所出之

魚亭水，北流合焉。又東合吉陽水，入休寧縣界。○吉陽水在縣治東北，出吉陽山，西南流，牛泉山水流合焉。又東南經縣東南三十五里之噶潭潭，旁兩崖石壁削立，水觸石盤澗，淵底闊深不可測。又東至白茅渡，與橫江水合流，入休寧縣界。諸川皆引流激田爲民利。

魚亭驛

縣東三十五里。宋置。又有魚亭巡司。俱元廢。○廟口。鎮在縣西二十里。又四十里有西武鎮。皆宋置。元廢。

績溪縣

北至寧國府寧國縣百六十里。西北至寧國府旌德縣七十里。府東北六十里。東至浙江昌化縣百六十里。西至寧國府太平縣百二十五里。南至浙江淳安縣百八十里。本歙縣地。梁大同初。析置長安縣。尋廢。為華陽鎮。仍屬歙縣。唐永徽五年。置北野

縣。尋改為績溪。一云永泰初所改置。屬歙州。以界內溪水交流如績。故名。

舊無城。嘉靖八年。以倭亂。始築土城。周四里有奇。今圯。編戶二十五里。

石照山

縣東三里。有石壁。立方廣二丈。光可鑑物。因名。下有白水泉。又龍鬚山。在縣東二十里。高五百仞。周三十里。山頂有池。四時不竭。縣東北三十里。又有石金山。高六百仞。周亦三十里。○唐金山在縣東南九里。其麓寬平。三面臨水。周圍如城。又有岡

卓泉石之勝

徽嶺山

縣西北十里。徽亦作疊。舊名大尖山。高四百五十仞。周三十里。西北連漢山。佛論嶺。新嶺。東連僊人巖。抵叢山關。又南接大鄣山。山之陽。水流入歙。其陰。則水流入旌德。故有嶺南嶺北之分。上有南北通衢。紮紆陡峻。凌曉常行雲氣。中志云。漢山在

縣西北四十里。高四百五十仞。周十五里。又佛論嶺。亦在縣西北四十里。高四百五十仞。周四十里。又西南接休寧縣之新嶺。其僊人巖。在縣北五十里。高亦二百五十仞。

龍嵯山

縣東北二十九里。高三百三十仞。周二十五里。其山四合。中有官道。通寧國縣界。舊有寨。呼為叢山。關下有巧溪。亦名揚溪。流為揚之水。今亦見寧國縣。又郎山。在縣東北十里。高二百三十仞。周三里。一名郎嶼山。山下有郎嶼通驛路。志云。縣北四十

二里有巖山。高三百仞。延袤二十里。上有壁。甚方整。○大躡山。在縣北六十里。高四百仞。周百里。前據潭水。斲形。嶠首。山半有巖。亦名僊人巖。巖下有白龍潭。

大郭山。縣東六十里。高五百五十仞。周百五十里。一名三王山。祥符圖經云。卽三天子郭山。山海經。浙江出三天子都。水經因之。蓋

譚郭爲都。秦置郭郡。以此山名也。郭璞云。三天子郭山。在新安歙縣東。今謂之玉山。浙水出其旁。唐天寶中。產銀鉛。今絕。實字記。大郭山。吳越於此分界。○龍塘山。在縣東百餘里。麓有小徑。築紆險。懸絕不通處。則倚木架橋。魚貫而進。當徑有石如門。上有洞。軒豁可容百人。再上有池。極深。又借溪山。在縣東北八十里。高五百五十仞。周八十里。西連羅崑。東北接寧國界。水西流。歙。入。

大會山。縣西五十里。高聳特出羣山之上。晴霽時陟其巔。可以遠望太平。宣池之境。又蘆山。在縣西北四十里。其麓有脊。連徽山之

陰。志云。山左有水。北入旌德。下流達大江。山右有水。南入歙縣。下流達浙江。○古塘山。在縣西北四十五里。高三十五仞。周五十五里。一名葛蘿山。緣麓以上。周遭皆田。頂寬平。舊有塘水。冬夏不竭。溉田數十頃。其相連者曰植山。在縣西北四十里。高五百五十仞。周八十里。又有嵩山。在縣西北五十三里。高四十五仞。周十五里。古塘植山之水。西至黃石坑。嵩山之水。東至黃石坑。皆與旌德縣分界。

績溪嶺。縣東五十里。因縣治得名。又東十里。曰開鐘嶺。屈曲往復。地近西坑。又縣西爲翠眉嶺。兩山低平。橫列左右。如眉。因名。○七

姑尖。在縣東三十里。一山七峯。中一峯尤峭拔。又十里巖。在縣東十里。壁立奇險。又東二十五里。曰百丈巖。有石方廣百丈。壁立如屏。下臨深潭。

鑿石爲橋。奇勝不一。

遙遙巖。縣東八十里。巖岼陡絕。有大石門。宋寶祐中。闢爲磴道。凡五里餘。繇此東達臨安。元大德中。復伐石爲欄。以障深險。明成化

中。亦嘗修治。○大石門。在縣東四十里。有石高數十丈。對峙如門。中有道。可通行。人又有石櫺如門限。水經其上。激盪有聲。

下流十里。又
有小石門。

蒼龍洞

縣北三十里。一名蒼龍塢。深遠窈冥。洞口常有雲霧。石壁峭立。下臨深潭。又登源洞。在縣東十里。古登嶺之東。一名長樂洞。山川環繞。四顧周密。如洞。因名。有淨穴。暗通大溪。折而東。經府城南龍井山下。又聖泉洞。在縣西五十里。山高千丈。頂有石

洞。水出不竭。洞石兩山對峙。下有絕壑。極深。廣。上有石磴。毗相接。如架橋然。亦名僂橋。巖。

揚之水

在縣西。源出龍崑山下。謂之揚溪。西南流十里。經揚溪鋪。又南經縣治西南之三里橋。又西南流十七里。地名臨溪。與徽嶺北八十里。出借溪山。亦南流。入揚之水。

北八十里。出借溪山。亦南流。入揚之水。

績溪

在城東。其源亦來自揚溪。下流二十餘里。乳溪水東注之。又五里。徽溪水南注之。至臨溪。會縣南諸水。入歙縣界。離而復合。交流如績。縣因以名。又乳溪。出縣北十里大坑之凹。爲臨溪上游。其流清淺。屈曲。經縣東北二里。東流合於大溪。○徽溪在縣北。

自徽嶺南流十餘里。入績溪。又西流四十里。入揚之水。

羅公泉

縣南二十五里。水自地湧出。騰上數尺。源甚深長。大旱不竭。溉田數百頃。又泉塘在縣東二十里。塘中有泉。蓄溢深廣。可引以溉。縣西五十里有龍井。水從石中出。大旱不竭。亦溉田百餘畝。

叢山關

在縣北三十里永安鎮。與寧國縣接界。有關城。輿程記。自關而北三十里。爲沙嶺。又北二十里。卽寧國縣之鷹嶺。又縣縣而東。凡百里有老竹嶺。高二里。路出浙江昌化縣。○叢嶺關。在縣西北十五里太平鎮。有關城。又新嶺關。在縣西北二十里。佛

嶺關在縣東二十里。縣東

南三十里。又有梅嶺關。

濠寨。縣西二十五里。地名馮村。今有巡司戍守。又西坑寨。縣東六十里。元置。又置鎮守軍營於此。明初改置巡司戍守。正統初廢。又大谷務。在縣北四十里。錦谷村口。又縣東有坑口務。俱元置。明初廢。

附見

新安衛。在府城內。
洪武初置。

讀史方輿紀要

卷二十九

江南十一

徐州。

東至淮安府邳州百八十里。西南至鳳陽府壽州四百八十里。西至河南歸德府五百十里。北至山東兗州府三百六十里。自州治至江寧府一千里。至京師二千里。

禹貢徐州之域。古大彭氏國也。春秋戰國屬宋。後屬楚。秦屬泗水郡。項羽自立爲西楚霸王。都此。

孟康曰。陳

爲西楚。江陵爲南楚。此爲東楚。項羽改爲西楚。而以吳爲東楚。

漢爲楚國。地節元年。改爲彭城郡。尋復故。後漢亦爲楚國。章帝改爲彭城國。

晉因之。仍立徐州。以爲重鎮。

東晉初。徐州陷沒。元帝僑置徐州於淮南。又置南徐州於江南。其後移改不恆。太元九年。復置徐州於此。義熙七年。又改爲北徐州。今詳見州域形勢。

宋亦爲徐州。

及彭城、沛、二郡。秦始皇中。沒於後魏。亦置徐州及彭城郡。

後魏置東南道。大行臺於此。東魏及高齊因之。後周改置總管府。

隋初廢郡。煬帝廢州。

仍曰彭城郡。唐復爲徐州。天寶初。亦曰彭城郡。乾元初。復爲徐州。貞元十六年。建武寧軍。咸通十一年。

改爲感化軍。石晉時復曰武寧軍。宋仍爲徐州。

亦曰彭城郡。武寧軍節度。

金因之。元亦曰徐州。屬歸德府。至正八年升

徐州路。十二年改曰武安州。明初復曰徐州。隸鳳陽府。尋直隸京師。

編戶一百五里。

領縣四。今仍曰徐州。

州岡巒環合。汴泗交流。北走齊魯。西通梁宋。自昔要害地也。後漢建安末。孫權欲取徐州。呂蒙曰。徐州地勢陸通。驍騎所騁。今日取之。操後旬必來爭。蓋其地爲許洛襟要。蒙以車騎非步兵所能敵。江南之力。是時未可以爭中原也。及晉人南渡。彭城之得失。輒關南北之盛衰。太元九年。時河南城堡多附於晉。謝元欲使朱序屯梁國。自屯彭城。以北固河上。西援洛陽。朝議不允。旣而黎陽以南。遂至騷動。隆安二年。後魏取後燕之滑臺。慕容德與諸臣韓範等謀先據一方。以立基本。張華曰。彭城楚之舊都。可攻而據之。潘聰曰。彭城土曠人稀。平坦無限。且晉之舊鎮。未易可取。又密邇江淮。夏秋多水。乘舟而戰者。吳之所長。我之所短也。不如取廣固而據之。蓋是時慕容德之勢。不能取彭城。彭城爲晉必爭之地。雖取之而不能保。較之曹魏。有主客懸絕之分也。宋王元謨曰。彭城要兼水陸。其地南屆大淮。左右清汴。表裏京甸。捍接邊境。城隍峻整。禁衛周固。又自淮以西。襄陽以東。經塗三千。達於濟岱。六州之人。三十萬戶。常得安全。實繇此鎮。及彭城沒於後魏。而淮泗日以多事。魏尉元曰。彭城宋之要藩。不有重兵積

粟則不可固守。若資儲既廣，則宋人必不敢窺淮北。薛虎子曰：國家欲取江東，先須積穀彭城。徐州良田十萬餘頃，水陸肥沃，清汴通流，足以溉灌，興置屯田，資糧易積，非直戍卒豐飽，亦有吞敵之勢也。陳顧野王曰：彭城險固，繇來非攻所能拔，且其地形都要，不特捍蔽南國，爲必爭之地，而自昔東南用兵，莫不繇此以臨諸夏矣。唐李泌曰：江淮漕運，以甬橋爲咽喉。見宿州，是時在徐州境內。若失徐州，是失江淮也。國用何

從而致，宜急建重鎮於徐州，使運路常通，則江淮安矣。

事在貞元四年。

宋陳無已曰：彭城之地，南守則略河南，

山東北守則瞰淮泗，故於兵家爲攻守要地。蘇軾曰：徐州爲南北襟要，京東諸郡邑安危所寄也。其地三面被山，獨其西平川數百里，西走梁宋，使楚人開關延敵，真若從屋上建瓴水也。土宜菽麥，一熟可資數歲。其城三面阻水，樓堞之下，以汴泗爲池，惟南面可通車馬，而戲馬臺在焉。其高十仞，廣袤百步。若用武之世，屯千人其上，築戰守之具，與城相表裏，而積三千糧於城中，雖用十萬人，不能取也。唐庚曰：魏太武以百萬衆，觀兵瓜步，卒盟而還，不復議渡江。元英以大衆困於堅城之下，不敢舍而深入。盧彭城合肥之議其後也。胡三省曰：彭城密邇兗豫，南北朝時，魏人南寇，水行則自清入泗，陸行則歷城、琅丘，皆輳彭城。故王元謨以爲要兼水陸也。自勝國以來，益爲資儲重地，經營天下，豈可以彭城爲後

圖載。

彭城廢縣。

今州治。世本魏封彭祖於彭城。號大彭氏。國於此。國語。大彭爲商伯。是也。春秋爲宋地。成十八年。楚伐宋。拔之。以納魚石。義元年。諸侯之師救宋。圍彭城。彭城降。晉史記。楚共王拔宋彭城。以封宋左師魚石。四年。諸侯共誅魚石。而歸彭城。

於宋。又韓世家。文侯二年。伐宋。至彭城。執宋君。秦置彭城縣。屬泗水郡。始皇二十八年。自琅邪還。過彭城。欲出周鼎。泗水。二世二年。秦嘉立景駒爲楚王。軍彭城。東旣而楚懷王都此。史記。沛公項羽開項梁軍。破乃與呂臣軍俱引而東。呂臣軍彭城。東項羽軍彭城西。沛公軍陽。是也。及項羽自立爲西楚霸王。亦都此。漢三年。漢王入彭城。項王西從蕭。晨擊漢。東至彭城。大破漢軍。漢六年。爲楚國治。後漢爲彭城國治。初平中。陶謙爲徐州牧。曹操擊謙。敗之於彭城。建安三年。操擊呂布於下邳。屠彭城。晉爲徐州治。太寧中。沒於石勒。永嘉三年。復歸於晉。太元三年。沒於苻堅。九年。謝元取之。義熙七年。分爲北徐州。元熙初。劉裕使劉懷慎爲北徐州刺史。鎮彭城。宋仍爲徐州治。泰始三年。陷於後魏。魏亦建爲重鎮。梁普通六年。魏徐州刺史元法僧以州附梁。梁使其子豫章王綜鎮之。綜仍以州叛入魏。大同初。遣元慶和攻東魏城父。高歡分遣侯景趨彭城。襲之。中大同二年。侯景以河南州鎮來附。詔蕭淵明等攻彭城。爲景援。敗。還。陳大建七年。吳明徹攻齊彭城。不克。九年。因周人滅齊。復命明徹攻彭城。爲周將王軌所敗。隋唐以後。州郡皆治彭城縣。元省縣入州。城邑攷州外城。楚元王友所築。城內有金城。又東北有小城。相傳劉裕所築。壘石高四丈。列甍環之。小城西又有一城。義熙十四年。汴水溢。城壞。乃更築之。城西有小市門。卽宋元嘉末。魏王蕭南侵。遣李孝伯至小市門。與張暢應對處也。志云。今城東北八十里。有彭城故縣。地據山阜。去河甚遠。或以爲漢縣蓋治此。又州南五里有武安廢城。元至正十三年。芝蔴李據徐州。脫擊平之。改徐州爲武安州。移治於此。其後河流盡決。州城數毀。明嘉靖中。水壞州城。乃復改築。環堤爲固。周九里。天啓四年。河決。魁山堤。城東南隅衝裂。明年移築州城於雲龍山。東去舊城二里。今城周九里有奇。門四。

呂城。

州東五十里。春秋時宋邑。襄元年。晉以諸侯之師伐鄭。楚子辛救鄭。侵宋。呂番杜預曰。彭城郡之呂城。留城也。漢爲呂縣。屬楚國。後漢及晉皆屬彭城國。宋屬彭城郡。後魏因之。隋廢。志云。呂城。臨泗水。高百四十尺。周十七里。城東二里。又有三城。一在水南。一在水北。一在水中。潭上蓋高齊所築。以防陳者。又泗水至呂城。積石爲梁。故稱呂梁。今呂城東十里。呂梁洪上有二城。一曰雲夢。一曰梁王。土人謂雲夢卽韓信。梁王卽彭越。又洪西岸有尉遲城。唐尉遲敬德督徐州。嘗擊呂梁洪。因築此城。今呂梁城中。河分司駐焉。○呂布城在州東南八十五里。相傳布與曹操相拒時築城。上有戰臺。

南陽平城。

在州西。五代志。劉宋僑置陽平郡於沛郡南界。領館陶。陽平。濮陽三縣。後沒於魏。爲南陽平郡。以別相州之陽平郡也。後又徙郡寄治彭城。梁普通六年。將軍王希聘拔魏南陽平郡。後周始併入彭城郡。○濮陽廢縣在州西北五十里。亦劉宋時僑置縣。屬陽平郡。後魏因之。後周廢。寰宇記作舞陽城。誤也。

坨城。

在州北三十里。面臨泗水。兗州人謂實中城曰坨。蓋南北朝時戍守處也。今謂之茶城。爲運道所經。明嘉靖末。黃河北徙。城遂爲漕黃交會之衝。後河口東移。茶城乃爲內險。志云。今州南二里有古迷劉城。州西北百里。又有灰城。又二十里有倉城。皆昔時頓兵貯糧之所云。

雲龍山。

城西二里。今爲州治。志云。山出雲氣。蜿蜒如龍。因名。其東南嶺有大石佛。俗因謂之石佛山。述征記。彭城南二里。卽石佛山。頂方二丈二尺。唐景福二年。朱全忠遣子友裕擊時溥於徐州。兗帥朱瑾赴救。汴軍敗。徐兗兵於石佛山下。旣而汴將龐師古復攻石佛山。寨拔之。徐兵自是不敢出一統志。州東北三里。又有彭城山。○定國山在舊城東四里。梁中大同二年。遣貞陽侯淵明伐東魏。進攻彭城。營於此。爲魏將慕容紹宗所敗。

九嶷山。州北五里。其山自東而西。綿亘五里。俗謂之九里山。卽漢兵敗項王處。明建文中。燕兵攻徐州。亦嘗伏兵於此。一名象山。以山西一峯如蹲象也。又鷓鴣山。在州東北十三里。相傳卽張良計散楚兵處。

寒山。州東南十八里。晉大興二年。彭城內史周撫叛降石勒。下邳內史劉遐討之。破斬之於寒山。梁中大同二年。命蕭淵明堰泗水。於寒山。以灌彭城。淵明軍寒山。距彭城十八里。使長史羊侃斷流立堰。再旬而成。侃勸淵明乘水勢攻城。不聽。尋敗沒。魏收志。

彭城縣有寒山。是也。又三山在州東南二十里。上有三峯。其下爲三山隄。明萬曆十四年。大河嘗決於此。○桓山在州東北二十里。下臨泗水。桓魋葬於此。因名。一名聖女山。又徐山在州南六十里。以徐偃王曾至此而名。一名武原山。志云。山下有武原故

縣。今見邳州境。

赭土山。州西二十里。禹貢。徐州厥貢惟土五色。漢郊祀志。王莽使徐州歲貢五色土。卽此山之土也。山有楚元王冢。遂名楚王山。一名同孝山。○任山在州西南三十里。唐有任山館。自宿州趨徐州。必度睢水。踰任山。爲往來通道。唐咸通九年。龐勛繇此陷

徐州。又勛迎勅使自任山至子城三十里。大陳甲兵。號令金鼓。響震山谷。是也。

呂梁山。州東南六十里。其下卽呂梁洪也。又東南曰鳳冠山。山有雙翼如鳳翅。其相接者曰塔山。曰峯山。皆與呂梁相望。○境山在州北四十里。相傳徐之封境。盡於此山。因名。又有梁山。在州東北三十五里。與境山相連。漕河所經也。今有梁境關。

盤馬山。州東北九十里。相傳漢高嘗盤馬於此。山產鐵。漢置鐵官。宋置利國監於山下。其陽有運鐵河。元人置利國監橋於其上。又有銅山。在州東北八十里。舊嘗產銅也。志云。州東北百二十里有爬頭山。連徐。邳。滕。驛之境。晉大元十四年。妖賊司馬衡聚

衆於馬頭山。劉牢之討平之。蓋卽此山矣。或曰。州東北四十里有馬山。當是其處。○臺駝峴在州北。梁蕭淵明攻彭城。軍於寒山。東魏將軍慕容紹宗馳救。至臺駝峴。進至城下。大敗淵明之師。是也。

黃河。

在州城東北。自河南永城縣流入界。經碭山、蕭縣。又東南流合泗水。今州東南七十里有房村口。在大河南岸。往往縣此潰決。又東爲牛市口、梨林鋪、李家井。皆掃灣急溜。防維最切。而州東郭家嘴、魁山堤。尤爲要害。詳見川瀆異同。○汴水舊在州城北。自河南永城縣流入界。經碭山、蕭縣。至州城東北而入泗。自唐宋以來。汴渠多自夏邑水城達宿州境。又東南至泗州達淮。而入泗之流甚少。其後大河決壩。遂奪汴渠故道爲經流矣。州志。泗水舊繇境山茶城。至州東北合汴水。後汴流北徙。泗水至茶城。即合於汴。蓋誤以大河挾汴水東下。混爲一流也。今詳見河南大川汴水。

泗水。

在州城東北。自沛縣流入境。循城東。而東南入邳州界。亦曰清河。今黃河經城北。又東奪泗水之流。而泗皆爲河矣。志云。泗水至州北。亦謂之鼎伏。昔周顯王時。九鼎淪沒於泗水。秦始皇使數千人沒水求之。不獲。卽此處也。梁普通八年。遣將成景鶴攻魏彭城。欲堰泗水灌城。魏徐州刺史崔孝芬等擊却之。旣而蕭濶明及陳吳明徹等皆堰泗水以攻城。卒不能拔。今亦曰清河。其河漕相合之處。有鎮口關。又北爲古洪。內華等關。蓋一以制黃河之淤澱。一以時黃河之消長。歲漕恃此爲咽喉也。今詳見大川清河及川瀆清河。

睢水。

州南六十里。自蕭縣流入界。又東與鳳陽府宿州接界。卽項羽擊漢軍處也。唐咸通九年。叛卒龐勛等自宿州而北。渡睢水。踰任山。趨彭城。陷之。今詳見大川。○穀水亦在州南。屬經睢水。自穀熟而支分。其東出者曰穀水。又東北合於泗水。故有穀泗之稱。漢三年。率諸侯兵入彭城。項羽還擊漢軍。漢軍破走。相隨入穀泗水。死者十餘萬人。自隋以後。穀水堙絕。水經注。穀水卽睢水之支流也。胡氏曰。睢水經穀熟而兩分。其南出者曰蘄水。二水所在支分。通兼穀水之稱。

百步洪。

州城東南二里。泗水所經也。水中若有限石。懸流迅急。亂石激濤。凡數里始靜。一名徐州洪。或曰洪有亂石。峭立。凡百餘步。故曰百步洪。形如川字。中分三道。中曰中洪。西曰外洪。東曰月河。亦曰裏洪。俗傳唐尉遲敬德經略徐州。鑿徐州呂梁二洪。

以通水道。宋元祐中，亦嘗修鑿。置月河石隄及上下關。明永樂中，陳瑄復鑿之，亦於洪口置關。既以運艘損壞，凡再鑿之。嘉靖二十年，管河主事陳瓚復鑿百步洪，遂成安流。舊有關，今廢。

呂梁洪

州東南六十里，有上下二洪，相距凡七里。巨石齒列，波流洶湧，列子稱孔子觀於呂梁，懸水三十仞，流沫四十里，水經注。泗水自彭城東南過呂縣南，水上有石梁，謂之呂梁。晉太元九年，謝元克荷堅，進平兗州，患水道險隘，堰運艱阻，用督護間人

輿謀，堰呂梁水植橋，立七堠爲派，擁上岸之流，以利漕運。公私稱便。遂進伐青州。時謂之青州派。宋泰始二年，徐州刺史薛安都，以彭城降魏。宋將張永沈攸之等討之，進攻彭城，不克而還。會大雪，泗水冰合，永等棄船步走。魏將尉元與薛安都前後邀擊，大破永等於呂梁之東。梁太清初，蕭弄璋攻東魏，積泉呂梁二戍拔之。魏收志：呂縣有呂梁城，積泉在呂梁之東。陳大建七年，吳明徹攻彭城，大破齊軍數萬於呂梁。十年，明徹伐周，進屯呂梁。周徐州總管梁士彥拒戰，爲明徹所敗。進圍彭城，環列舟艦於城下。堰泗水以灌城。周遣王軌馳救，募壯士夜決堰。至明，陳人始覺，遂潰還。蓋呂梁自晉宋間有之，或謂唐武德中，尉遲敬德開此洪，假龍門呂梁以狀此水之險，誤矣。龍紀初，朱全忠將龐師古攻時溥於徐州，拔宿預軍於呂梁，溥逆戰，大敗。退保彭城。光化二年，楊行密討朱全忠，進攻彭城，軍於呂梁，不克而還。宋元祐四年，京東轉運使言：清河與江浙淮南諸路相通，因呂梁百步兩洪，湍淺險惡，商賈不行，乞度地勢，穿鑿開修。月河石堤上下置關，以時啓閉，通放舟船。從之。明初，傅友德奉命守徐州，未至，元擴廓遣兵來寇，屯州東陵子村。友德引舟泝流至呂梁，捨舟登陸，擊却之。宣德初，以漕舟艱阻，陳瑄議於舊河西岸鑿渠，深二尺，闊五丈。夏秋水，水可以行舟。七年，復鑿渠令深，并置石關以節水。旣而湍險如故。嘉靖二十三年，管河主事陳洪，純復鑿呂梁洪，平之。自是運道益便。舊有上下二關，今廢。又呂梁巡司亦置於此。

雁麥湖

州西南四十里，其相連者，曰張塘湖、馬溝陂，接蕭碭境。冬春則爲平原，夏秋滙爲巨浸。又汴塘湖，在州東北百里，南入邳州。境滙於武河，又成山、青家二湖，俱在州東南七十餘里。二湖相連，凡四十餘里，下流入於沂河。又有黃山湖，在州北六十里。

水漲則通沛
縣之昭陽湖。

狼矢溝。

州東二十里。又東十五里有磨臍溝。舊時黃水暴漲。從此溢入。通邳州西北境之赤龍潭及蠅蛤諸湖。至宿遷北境落馬湖。出荒陳二溝。復合於大河。明嘉靖中。大河自狼矢溝東之赤欄村。築家店。溢入磨臍溝。出沂河口。而徐邳正河斷流。萬歷十

七年。於溝口築堤防護。又溝地視河口卑數丈。其東有塔山西。有長山。乃建滾水石壩於中間。以蓄泄之。自是衝決之患少殺。○李家溝在州東南三十里。志云。州東北二十里有東西溝及溜白等溝。俱洩東北諸山水。經辛賈山入鶴兒湖。復分流。出李家溝。合於大河。又北溜溝在州北六十里。又南十里爲南溜溝。州西北三十里。又有大彭等溝。州東北三十里。又有秦溝。皆昔時大河決溢處。通淤不時。今詳見川瀆大河。

七里溝。

在州西北。唐建中二年。淄青叛帥李納以李洧舉州歸朝。遣其將王溫攻之。朔方將唐朝臣救洧。敗溫於七里溝。或曰溝在九里山南。○境山溝在州東北二十里。源出州東北五十里之馬跑泉。西南至境山鎮。又南入於漕河。境山之北又有池浜

溝。南流至州東北三十里。明嘉靖四十四年。黃河決溢於此。今淤。又新挑溝。在州東北八十里。州東北九十里。有運鐵河。宋所鑿也。嘉靖中。復濬之。合新挑溝。又西南合境山溝。志云。州西九里有九里溝。南通蕭縣之姬村湖。迤南出雙橋。入永固湖。及土形湖。循宿州西境徐溪口。歷符離橋及靈璧縣之孟山。睢寧縣之高作鎮。直至宿遷縣小河口。約五百餘里。向通舟楫。萬歷中。議疏此以寬州境水患。不果。

安王陵。

在州西。宋元嘉二十八年。魏主叡南侵。北還。驅南口萬餘。夜宿安王陵。去城數十里。江夏王叡恭不敢擊。卽此。○牛角澗在州北茶城下。明萬歷初。運河經此。既而運河繇茶城東南十里鎮口。開合黃河。舊河途淤。議者以其地平曠。河易泛溢。因築

壩以防之。謂之舊河壩。又東冷泉。在州北八十里。南流經州東北二十里之秦梁洪。又西流三四里爲烏嘴溝。入沛縣界。志云。溝在州西北二十里。今淤。

利國監。州東北九十里盤馬山下。漢元封初。從桑宏羊請。於沛縣立鐵官。河平二年。沛縣鐵官治廢。宋為利國監。樂史云。監本狄邱。治務也。漢屬沛縣界。今置利國監驛於此。又寶豐監在州東。宋元豐六年。置鑄錢於此。八年廢。○廣運倉在舊城南三里水

築十三年建。

今圯於水。

東鎮。州西四十里。亦曰安民鎮。又州東南五十里。曰房村驛。州北九十里。曰夾溝驛。水驛也。州城南二里。曰彭城驛。州南五十里。曰桃山驛。州東北四十里。曰石山驛。州城外曰黃河東岸驛。與利國驛皆為陸路所經。

高家成。在州西。水經注。同孝山陰有楚元王家。高十餘丈。廣百步許。魏置戍於此。梁天監五年。張惠紹等攻魏彭城。圍高家成。為魏將奚康生所敗。或曰。即亞夫家也。襄字記。范增墓在州城南。宋元嘉二十二年。魏主彊南侵。至彭城。登亞夫山。以望城內。則

高塚。成當置於此。○下磻。成在州東南。劉宋泰始二年。薛安都。以彭城降魏。詔張永攻之。軍於下磻。即此。又州境有胡村十八里等營。金興定二年。紅襖賊攻徐州之胡村寨。元光初。又襲十八里寨。即此。

戲馬臺。在州城南。高十仞。廣數百步。項羽所築。劉裕至彭城。大會軍士於此。宋元嘉二十七年。魏主彊南寇。至彭城。立觀屋於戲馬臺。以望城中。梁普通六年。蕭綜守彭城。密降於魏。魏遣使鹿愈入城。將還成景簡送之。戲馬臺。北望城。謂愈曰。險固如此。

豈魏所能取。蓋未知綜謀也。蘇軾以此臺為城南之重蔽。今為臺頭寺。有故塔在焉。○大彭館在州西南。唐時郵傳所經。亦為迎饒之地。以古大彭國為名。咸通九年。龐勛作亂。殺觀察使崔彥曾於大彭館。即此。

萬會橋。舊城東北三里。跨泗水上。以鐵索維舟為之。水陸往來。皆集於此。俗名大浮橋。又舊城東北隅有雲集橋。大河經其下。合於泗水。亦維舟為之。俗名小浮橋。

蕭縣。

州西南四十五里。南至宿州百五十里。西南至河南水城縣百八十里。古蕭國。春秋時宋邑。秦置蕭縣。漢屬沛郡。更始初。封光武為蕭王。即此。後遷屬沛國。晉因之。宋為郡治。魏因之。後齊改為承高縣。屬彭城郡。隋屬徐州。開皇六年。改曰龍城縣。十八年。改曰

臨沛縣。大業初，復爲蕭縣。唐仍屬徐州。宋因之。皆治故蕭城。明萬歷五年，避河患，始遷今治。編戶四十三里。

蕭城。在縣西北十里。古蕭國。春秋時爲宋附庸。蕭叔大心之封邑。莊十二年，南宮萬弒閔公，立公子游。羣公子奔蕭。宣十二年，楚伐蕭。蕭潰。卽此。秦置蕭縣。二世二年，沛公與秦將司馬尼戰蕭西，不利。還收兵聚留。漢二年，漢王入彭城，項羽自齊還至蕭，晨擊

漢軍。自兩漢以至南北朝，皆爲蕭縣。宋元嘉二十八年，魏人南寇，拓跋建進屯蕭城。時武陵王駿鑣彭城，遣將拒之。爲魏所敗。魏收志：魏沛郡治蕭縣黃陽城，或謂之北城。城邑攷：北城方九里，南去蕭城二十里。相傳蕭子避暑處也。其南城卽故蕭國城北。征記：蕭城周十四里，南臨汴。今城方九里三十步，東南邊城有隍，西北無隍。唐時縣治北城。自宋以來治南城。明亦爲蕭縣治。城周僅四里。萬歷五年，圯於水。乃遷治於三臺山南麓。卽今治也。

杼秋城。在縣西七十五里。漢縣。屬梁國。光武封劉殷爲侯邑。明帝改屬沛國。晉因之。後廢。又扶陽城。在縣西南六十五里。漢縣。屬沛郡。宣帝封章賢爲侯邑。後漢省。○永固城。在縣東南四十里。永固山下。元至大中，嘗置縣於此。尋省。今爲永固鎮。

龍城。縣東三十里。水經謂之歷龍城。隋因以龍城名縣。又曹馬城。在縣西北七十里。相傳曹操營盤馬其中。因名。中有古塔。○厥城。在縣北。魏收志：相縣有厥城，或謂之厥固。梁大通中，蘭欽拔魏蕭城厥固，是也。

三台山。在今城北。城東里許有龍蟠山。西一里曰虎踞山。又三僊臺山。在舊城南一里。○大臺山。在舊縣東二十里。其相接者曰小臺山。里仁山與州境。楚王山相接。又大方山。在舊縣東南二十里。其相連者又有小方山。亦與州接壤。

丁公山。今縣南十五里。相傳楚將丁公追漢王於此。其地亦名丁里村。又綏輿山。在今縣東北二十里。劉裕爲綏輿里人。蓋因山以名也。○浮綏山。在今縣南三十里。東接燕子山。又東爲天門山。山谷幽邃。林木叢蔚。又大觀山。在今縣東南四十里。山多

巖洞。其相近者曰白

土山下爲白土鎮。

永固山

在今縣南四十里。下有永固鎮及水周湖。寰宇記：縣南二十里有勝高山，東接丁公山。山陰有黑塢，約三畝許。夏秋積雨，其中染人衣，卽成黑色。云勝一作昇，在今縣南十里。

黃河

在縣北。志以爲卽汴河故道也。自河南永城縣及碭山縣境，流經縣西六十五里之新挑溝，又東五里爲趙家園，又東十里至拖繩橋，又東十里至東鎮渡，又東二十里至曲里渡，又東五里至朱棚渡，又東十二里至舊縣北三里之冀門渡，又東三里至兩河口，與山西湖之委流合，以達州境。宋紹聖中，汴水衝決，縣令張淳鑿汴水新渠，以避水患。元大德間，縣令馬徹里復開南伏道口，北鑿鑽孔二渠，以洩水。其後大河挾汴而東，縣境遂爲大河經流。明嘉靖二十七年，河決秦溝，自新挑溝以至朱棚渡一帶俱淤，惟冀門渡以東，尙存舊流。其後潰決不時，河去縣益遠。萬曆三十四年，始復舊道。詳見川濱大河下。做此。

睢水

在縣南五十里。自河南永城縣流入境，又東入徐宿二州界。○西流河在縣南三十里，稍東有浮綏諸湖。北經舊縣治南，匯於東北三里之兩河口，而合大河。又有淇河，在今縣西五十里。東北流經楊家集，又經舊縣西南而東北，會於兩河口。

山西湖

在今縣西南十二里。又南接於永固湖。湖在永固山下，其南爲梧桐湖。稍西曰時村湖，又南曰土形湖。又南合於睢水。○姬村湖在縣東十五里，又東五里曰姬村泊。明萬曆中，議引運轍自靈璧雙溝，蘇唯水歷永固，姬村諸湖，至徐州九里溝，出小

浮橋是也。又有齊莊湖，在縣南四十里。蘇家湖在縣東南八十里。稍西又有李家莊湖。

英州泊

縣西北五十里。志云：其地有城址，中多水，相傳昔置州於此。又西北五里爲黑沙廢縣，卽故英州附郭縣也。元末，其地爲水所圯，遂成平陸。今俗呼爲雁門泊。○朱棚泊在縣西十里，卽朱棚渡也。又白米堰在縣東南三十里，源出縣東南五十里白

米山下，導流西北，爲灌溉之利。

鴻溝。在舊縣西北四十里。縣西北二十里曰白羊溝。又有白溝。西北十里曰菱溝。東北八里曰涼樓溝。東南五里曰黃柏溝。西南六十里曰渠溝。皆水患時導流分洩處也。今埋廢。

鄭陂。在縣西北。曹魏黃初中。鄭渾爲沛郡太守。界下濕。患水潦。百姓饑乏。渾於蕭相二縣界。興陂塢。開稻田。郡人不以爲便。渾曰。地勢窪下。宜溉灌。終有魚稻經久之利。此豐民之本也。陂成。民賴其利。號曰鄭陂。今埋。

曲里館。在舊縣西三十五里。志云。黃河自河南虞城。達縣北冀門集。出徐州小浮橋。所謂賈魯故河也。亦謂之趙渠。明嘉靖末。始北徙。萬歷初。河臣潘季馴議復故道。不果。二十六年。河決山東。單縣黃壩口。稍復成渠。惟曲里館至三僊臺四十里。如故。河臣劉東星欲浚之。又議開支河。自三僊臺至小浮橋。又不果。至三十四年。大河復經曲里館。而東。今有曲里渡。

紅亭。在今縣西北。杜預曰。蕭西有紅亭。昭八年。大蒐於紅。卽此亭也。紅與宋近。而去魯甚遠。或以爲魯之邊邑云。○趙家園。在今縣西六十里。有趙家園渡。大河水津要處也。嘉靖四十四年。大河蘇此衝決。豐沛皆受其患。有趙家園巡司。

沛縣。州西北百四十里。東至山東滕縣九十里。西北至山東魚臺縣百十里。古偃陽國地。秦置沛縣。爲泗水郡治。漢高初起於此。改泗水郡爲沛郡。移郡治相。沛縣屬焉。時謂之小沛。呂后封呂種爲沛侯。邑於此。後漢亦爲沛縣。仍屬沛國。晉因之。宋屬沛郡。後魏因之。隋屬徐州。大業初。屬彭城郡。唐仍屬徐州。宋因之。金初。屬邳州。後屬滕州。元初。移滕州治此。州尋廢。尋省縣入豐縣。至元二年。復置沛縣。屬濟寧府。十三年。屬濟州。明初。改今屬。舊城周二里。編戶三十六里。

沛故城。在縣治東南。微山下。山無石。巖然一土岡耳。漢高初起於沛。爲沛公。後漢興平元年。陶謙表先主爲豫州刺史。屯小沛。建安齊建武三年。魏主宏如小沛是也。志云。漢沛縣城。在今縣西北。又爲小王城。元至正十七年。孔士亨等據其地。因築此城。今圯。縣東又有泗水城。相傳秦泗水郡治此。

留城。

縣東南五十里。故宋邑。秦置縣。二世元年。秦嘉立景駒爲楚王。在留。沛公乃往從之。欲請兵以攻豐。又張良遇漢高於此。因封留侯。尋亦爲留縣。屬楚國。後漢屬彭城國。晉因之。大元三年。苻秦將彭超攻彭城。置輜重於留城。謝元赴救。揚聲遣軍向留城。超等乃釋彭城之圍。還保輜重。宋仍屬彭城郡。元嘉二十七年。魏主濂南侵。拓跋建自清西進屯蕭城。步尼公自清東進屯留城。泰始中沒於魏。亦屬彭城郡。後齊廢。隋復置。屬徐州。唐廢。今爲運道所經。城北十三里有馬家橋。開新河所經也。

廣戚城。

縣東北四十里。漢縣。屬沛郡。武帝封魯共王子將爲侯邑。後除。成帝河平三年。又封楚孝王子助爲廣戚侯。後漢屬彭城國。晉因之。後省。志云。縣西北二十里有灌城。相傳漢將灌嬰所築。又泗河東岸有舊城。俗以爲張士誠所築。

湖陵城。

縣北五十里。與山東魚臺縣接界。故宋邑。秦置縣。史記。項梁擊敗秦嘉。進至湖陵。既而并嘉軍。軍湖陵。又沛公攻湖陵。下之。漢二年。東伐楚。入彭城。項羽釋伐齊。還救從魯。出湖陵。是也。尋亦曰湖陵縣。屬山陽郡。王莽時改曰湖陵。後漢建武三年。晝延破劉永將佼疆。周建等於沛西。永等走保湖陵。東觀記。時蘇茂殺淮陽太守。得其郡營。廣樂大司馬吳漢圍茂。茂將精兵突至湖陵。與劉永會。卽此。尋復曰湖陵。建武五年。幸沛。進幸湖陵。是也。章帝封東平王蒼子爲侯邑。仍改曰湖陵。晉屬高平國。東晉太和四年。桓溫伐燕。遣檀元攻湖陵。拔之。既而苻堅滅燕。置兗州於此。宋永初三年。魏人南寇。徐州刺史王仲德將兵屯湖陵。既而兗州刺史鄭順之戍守於此。又元嘉八年。到彥之恢復河南。自東平襄師南走。兗州刺史竺靈秀棄須昌。薛湖陵。魏將叔孫建攻之。靈秀大敗。既而建還屯范城。孝建元年。兗州刺史徐道寶戍湖陵。尋入魏。并入高平。今有湖陵城。開南至廟道口十八里。運河所經也。廣樂見河南虞城縣。

七山。

縣西南三十里。亦曰戚山。縣之鎮山也。其相近者。曰青龍。桂籍山。高僅尋丈。有飲馬池。相傳鄼侯牧馬處。志云。縣無高山大陵。平原曠野。土田肥沃。

葛墟嶺。

縣東南九十里。志云。嶺傍南北通衢。南去徐州洪九十里。明萬歷中。議開沙河。自縣東南四十里。馬家橋。開微山。赤山。呂孟諸湖。起至葛墟嶺。下凡三十里。爲始功處也。

黃河。在縣南。自豐縣流入縣界。又東南接蕭縣境。而入徐州界。自正德以後。河緣山東曹單二縣境衝決。而東縣被災最甚。嘉靖四十四年。河決蕭縣西趙家園。東北流平地。河高七尺。緣七山南二里。東南入秦溝。入泗河。萬歷五年以後。漸復故道。

泗河。在縣城東。自山東魚臺縣流經縣北。又至城東南。流入州境。卽今運河也。舊有金溝口開。在縣西南十五里。北抵湖陵。南至甯城。皆置閘以疏運道。嘉靖四十四年。黃河決。徙開河壅塞。乃於甯城北創開新河。以利漕。西去舊河四十里。自魚臺之南陽關。至夏鎮。抵甯城。長百四十里。自是遂爲運艘通渠。

泡河。在縣城西。其上流卽豐水也。自山東單縣來。經豐縣北流至此。又循縣城東南。至泗亭驛。而合於泗。亦曰苞水。水經注。苞水東。運豐縣故城南。水上舊有梁。謂之苞橋。宋元嘉中。魏將步尼公屯甯城。與宋將稽元敬遇。引兵趨苞橋。欲渡。清西沛縣民燒苞橋。夜於林中擊鼓。魏以爲宋兵大至。爭渡苞水。溺死者大半。橋在今縣西。河渠攷。正德四年。黃河泛溢。西南接泡水。出飛雲橋。嘉靖四十四年。河淤。隆慶六年。於泡泗交會處。濬新渠十里。接鴻溝河。東北入支河。緣甯城入運。萬歷四年。築護城堤。截泡河舊道。縣是泡河徙堤外。仍東會於泗河。

薛河。在縣東南十里。出滕縣境。西流合昭陽湖。縣金溝口合於泗河。明嘉靖四十四年。開新河。築石堤。橫截其流。南注微山。呂孟諸湖。○沛河在縣東北。一名南沙河。出滕縣述山。流入昭陽湖。又西南合於薛水。又有北沙河。自山東魚臺縣流經縣界。至縣東北五十里之三口。合薛水。經鴻溝。入泗河。自開新河後。乃築三壩。過之。西注尹溝。二湖。○鴻溝河在縣東十五里。舊自滕縣界。引昭陽湖入薛水。後廢。嘉靖末。河臣朱衡開新河。隆慶二年。衡復以昭陽湖受黃河之水。而趕牛溝復會。鮎魚泉及南陽減水關。南出諸水。胥注於湖。溢則壞民田。乃自湖東南。開縣東二十里。回回墓支河。上通昭陽湖。湖跨城河口。既而河臣翁大立奏開鴻溝廢渠。自昭陽湖達鴻溝。自鴻溝達李家口。自李家口達回回墓。東出甯城。開河長六十餘里。引水濟運。并灌民田數千頃。滕沛

閻利之袁氏云。鴻溝在新河西。昭陽湖東。舊引沙。薛二水從此入。舊河舊河廢。而此溝亦淤。其半鴻溝開。而新舊二河俱得宣洩。

昭陽湖。縣東北八里。卽山陽湖。俗稱刁陽湖。鄆滕二縣之水。俱灌於此。周二十九里有奇。下流與薛水合。自金溝口達泗。明永樂中。於湖口建石閘。東西二湖口。建板閘。成化中。俱易石閘。安治中重修。以時蓄洩。爲漕渠之利。嘉靖四十四年。大河決入運河。漫入昭陽湖。因改漕運渠。出湖之東。而湖爲河流。散溢處矣。○呂孟湖在縣東南四十里。漕河攷。縣境有張莊。呂孟。微山。赤山諸湖。與昭陽湖並爲儲水濟漕之處。

泥溝。在縣西北五十里。自魚臺縣流入界。經沙河鎮西南。而入於漕河。亦曰泥溝河。又辛莊河。在縣東北。志云。出滕縣西南五十里。南流十里。入昭陽湖。縣東北三十五里。又有章公河。明宏治間所濬。洩水河也。○趕牛溝亦在縣東北。出滕縣五花泉。至縣界三河口。與沙。薛二河合。明嘉靖中。開新河過之。西合鮎魚泉。注於新河。志云。鮎魚泉在縣東北三十里。又荆溝泉。出滕縣東北五十五里。泉眼百餘。水流迅急。西南流八十里。至新莊橋。入昭陽湖。正統六年。參將湯節開渠十里。引流濟運。今廢。

夏鎮。縣東北四十里。南去甯城四十四里。卽新河所經也。有管界分司鎮焉。明萬歷十六年。築夏鎮城。三十二年。開迦河。起自夏鎮。經徐州東北彭家口。迤於邳州東之直河口。凡二百六十餘里。避黃河之險者三百餘里。又天啓中。妖賊徐鴻儒作亂。攻夏鎮。至彭家口。掠運船。阻絕運河。官軍擊却之。志云。分司舊駐南沽頭。有沽頭城。在縣東南十五里。嘉靖二十二年。築四十四年。圯於水。隆慶二年。新河成。始移駐夏鎮。在新河西岸。尋築城爲戍守處。又西鎮在今縣東五十里。

沙河鎮。縣西北六十里。亦曰沙河店。舊有沙河驛。及遞運所。明建文三年。燕兵南下。駐沙河驛。攻沛縣下之。卽此。嘉靖四十五年。移漸爲平陸。又劉家堤。口在縣南三十里。

醫桑亭。在縣西南。徐廣曰：梁與彭城間有醫桑，謂此地也。戰國周顯王四十六年，秦張儀及齊楚之相會於醫桑。漢武帝瓠子歌：醫桑浮兮淮泗滿，及塞決口而梁楚無水災。後漢初，王梁擊佼疆，蘇茂於楚沛間，拔大梁醫桑是也。

泗水亭。在城東南。漢高為泗水亭長，卽此。向設泗水亭驛。明隆慶初，移夏鎮，括地志：沛縣東南二十里，有沛宮，卽漢高置酒宴父老處。歌風臺亦在焉。寰宇記云：俱在沛縣治東南泗水西岸。

鷄鳴臺。在縣東北五十五里。沙河北岸。明正統中置關於此。爲運河所經。嘉靖中廢。志云：鷄鳴臺東有小河，出滕縣之三里橋及七里溝泉，西南流百餘里，至臺東入漕河。初二泉漫流爲澤。正統六年漕運參將湯節始開渠，引入漕河，置關於河口以積水。

既以濟運，又變沮洳爲良田。今淤。○射箭臺在縣東南五里。明成祖駐師時所築也。又有射戟臺，在南門內西偏。相傳呂布射戟處。

飛雲橋。在城南。洳水經其下，入泗水，爲往來津要。明正德四年，大河決於此，入運河。嘉靖八年，飛雲橋之水北，徒入魚臺三十七年，支流復衝入飛雲橋。四十四年，泛溢益甚，爲漕害萬歷以後，過河南徒橫決始免。

豐縣。州西北百八十里，西至山東單縣九十里，西北至山東金鄉縣百里。秦沛縣之豐邑。漢高沛豐邑中陽里人也。又高祖使雍齒守豐，齒反爲魏，卽此。尋置縣屬沛郡。後漢屬沛國。晉因之。劉宋屬北濟陰郡。後魏因之。隋屬徐州。唐宋俱仍舊。元屬濟寧路。明初復

改今屬。舊城圯於水，編戶十七里。

邀城。在縣西南二十里。相傳漢高還鄉，父老邀之於此，因名。亦曰邀駕城。又有僱王城，在縣北五十里。相傳徐僱王所築。

東華山。縣東南三十里，亦曰華山。亦曰小華山。周十餘里，土山也。明嘉靖五年，以河患移縣治此。三十一年，復還舊治。志云：元時有華山，巡司山，北有嵐山，山東北又有墮山，與嵐華相連。○白駒山在縣西南二十里，地形高阜，相傳漢高大會父老於此。歌

白駒以圖
實因名。

黃河。

在縣南。自礪山縣流入境。明嘉靖四十四年。黃河決溢。其北股經華山南。而東流入沛縣界。縣西南有秦溝。在河北岸。於是導河入溝。濟運萬歷六年。築邵家壩。以絕秦溝舊路。又議於華山斜築大壩。東至樓子集。斷遏秦溝。濁河二口。志云。秦溝口亦曰邵家口。其濁河在縣東南。隆慶初。黃河自秦溝衝決而南。遂爲濁河。其後河復舊流。秦溝濁河往往堤塞。無復舊流矣。

豐水。

在縣城北。亦曰泡水。自單縣流入境。東入沛縣界。明嘉靖中。爲河流盪決。故址僅存。水經注。泡水經豐西澤。謂之豐水。水上承大薺陂。東經已氏及平樂縣。又東逕豐縣故城南。又東合苞水。漢高爲亭長時。送徒驪山。到豐西澤。中止飲解。縱所送徒處也。又有大澤。在縣北六十里。縣西二十里。又有斬蛇溝。俱漢高遺迹處。

吳康鎮。

在縣南。唐文德初。朱全忠欲置戍於楚州。感化帥時溥自將兵屯吳康鎮。以過之。爲全忠將。朱珍所敗。今縣南有吳康里。○厭氣臺在縣治東北。亦曰秦臺。相傳秦始皇東遊厭氣於此。

粉榆社。

縣東北十五里。漢初舊里社也。高祖初起兵。禱粉榆社。又漢高故宅在縣。西中陽坊。述征記宅在豐水西九十里。魏收志云。豐縣有漢高舊宅是也。

礪山縣。

州西百七十里。西北至山東單縣九十里。東南至河南永城縣百二十里。秦置碭郡及碭縣。二世二年。沛公攻碭。拔之。漢改郡曰梁國。碭縣屬焉。晉省入下邑。宋初復置。後魏屬碭郡。又分置安陽縣。隋開皇十八年。改安陽曰礪山縣。屬宋州。唐因之。昭宗時置輝州。以朱溫出自礪山也。尋徙州治單父縣。屬焉。五代唐時。縣屬單州。宋因之。金屬歸德府。後廢。元復置。屬濟寧路。明初改今屬。縣無城。闔戶十八里。

碭縣故城。

在今縣東三里。故碭縣治。唐宋以來因之。金興定中。圮於河。遷虞山南保安鎮。元至元中。復還舊治。明嘉靖四十一年。圮於河。遷治縣東南二十里小神集。四十四年。復還舊治。舊有護城堤。周九里。門五。萬歷二十六年。復圮於河。始遷今治。

麻城。

縣東北二十五里。漢之麻鄉也。後漢初。蓋延嘗駐兵於此。魏收志。魏孝昌二年。置安陽縣。屬碭郡。縣治麻城。卽此。隋廢入碭山縣。今爲麻城集。又杼秋城在縣東六十里。與蕭縣接界。

碭山。

在縣東南七十里。與河南永城縣接界。其北八里曰芒山。漢高嘗隱芒碭山澤間。是也。山有紫氣。卽漢高避難處。唐咸通中。官軍討叛卒龐勛於徐州。勛窮蹙。自碭山西出覲宋州。不能陷而還。或作石山。謾也。又有戲山。在碭山東。碭山之西曰狼牙山。

又南曰鐵角山。○虞山在縣東南五十里。南去芒碭山十餘里。金時嘗遷縣治於山之南麓。

黃河。

舊在縣南三十里。卽元賈管所開。蘇河南永城縣入境。經縣南狐父聚。達杼秋城。凡九十餘里。又東出徐州小浮橋入泗。明嘉靖二十八年。河蘇縣北二十里戎家口。出徐州茶城入漕。萬歷初。又自縣西陳孟口分流。遷縣之護城堤。達毛城舖周家口。龍溝一帶。出小浮橋。今陳孟口漸淤。每歲夏秋。有氾溢之虞。志云。護城堤首起虞城。尾達蕭縣。延袤七十餘里。隆慶中。知縣王延喇募民作堤。以防河患。仍於河北築堤。西起市力寨。東至秦溝。通計四千五百八十丈。以障漕渠。

睢水。

在縣南五十里。縣東南有徐溪口。睢水蘇永城縣流經此。又東南入蕭縣境。嘉靖中。自徐溪至永城。俱成平陸。

夾河。

縣西南五十里。大河支分處也。或曰卽大河之別名。元末。劉福通等作亂。自碭山夾河迎韓林兒爲帝。卽此。○段莊河在縣西北四十里。亦大河支流也。蘇處城縣流入境。經縣西回岡集。明嘉靖二十四年。沙淤坡水漫流。至雙溝集南一里。瀆流成河。又

東三十里合桑葉河經蕭縣境北流入徐州而合大河志云桑葉河在縣東二十五里又陳霜口河在縣西源自虞城縣史家皮家二口分爲兩河縣鎮里烟二十里至縣境西南合流入陳霜口河又南流十里至汪家口大河嘗衝決於此又東復分爲二衝縣之小南門一北流遶縣北門昔時往往爲害嘉靖二十四年知縣王紹元於汪家口築堤一道長七十四丈有奇又西爲月堤接於高原沿堤上至鎮里烟下至高良相口爲順水堤五十里以禦水患

龍扒溝縣東南三十里舊通汴水明嘉靖三十八年淤創開一派縣城東南二十五里衝三龍口又二十里至西鎮激過蕭縣境入胡澗溝與大彭等溝爲州西北之五河俱大河衝溢處也縣東又有盤盆河萬歷二十五年河臣楊一魁議空碭山之地北

導李吉口下瀾河南存徐漢口下符離中存盤盆河下小浮橋三河並存南北相去五十里任水游蕩以不治治之蓋好爲異說而非篤論也

新匯澤在南郭外以河徒成澤南北二十里東西四十里經冬不竭占良田無算隆慶中知縣王廷弼開新渠十餘里以疏洩之今淤

狐父聚縣南三十里史記曹參擊秦將司馬尼於碭東破之取碭狐父是也亦作狐父城又縣南有午溝里朱溫生長於此○市方寨在縣北三十五里舊爲河濱衝要縣主簿駐於此又聖城集在縣西大河北岸西接虞城縣界舊爲大河衝要

附見

徐州衛在故城內東南隅明吳元年置又徐州左衛在故城內西南隅宣德五年調楚府護衛於此尋改名各領千戶所五

潞州東至揚州府二百六十里南至和州一百五十里西至廬州府二百六十里西北至鳳陽府二百二十里北至鳳陽府泗州二百四十里自州治至江寧府一百四十五里至京師二千二百里

禹貢揚州之域。戰國時屬楚。秦爲九江郡地。兩漢因之。晉屬淮南郡。宋置新昌郡。晉元帝僑置頓邱郡。宋廢郡爲縣。元徽元年。割置新昌郡。齊因之。梁置南譙州。東魏因之。北齊亦爲南譙州治。隋廢郡。改南譙州爲滁州。大業初州廢。以其地屬江都郡。唐復置滁州。天寶初。曰永陽郡。乾元初復故。宋亦曰滁州。元爲滁州路。後復爲州。隸揚州路。明初以州治清流縣。省入隸鳳陽府。洪武十四年。直隸京師。編戶十二里。

領縣二。今仍曰滁州。

州山川環遶。江淮之間。號爲勝地。蓋北出鍾離。則可以震徐泗。西走合肥。則可以圖汝潁。而南下歷陽。東收六合。則建康之肩背舉矣。五代周克滁州。遂兼淮南。明初克滁州。馴致奄有南服。豈非已然之明驗哉。

清流廢縣。

今州治。本漢全椒縣地。東晉末。僑置頓邱縣。宋屬秦郡。元徽初。置新昌郡。治頓邱縣。齊因之。梁兼置南譙州。治新昌城。領新昌、高塘、臨滁、南梁等郡。東魏曰譙州。仍治新昌郡。隋開皇初。郡廢。改州曰滁州。縣曰新昌。縣十八年。又改縣曰清。

流。大業初。州廢。縣屬江都郡。唐武德三年。復爲滁州治。後皆因之。明初省。城邑攷州東有子城。周一里。唐初築。太利三年。重修。其外爲羅城。周三里三百二十步。又有關城。宋建隆二年。築周七里三百五十步。西抵沙河。南抵羅城。外有壕。而四面不匝。明初因舊址。修築。開六門。四面爲濠。皆加深廣。城周九里有奇。

南譙城

在州西南八十里。或曰在全椒縣桑根山之陽。晉太元中。僞置南譙郡。治山桑。蓋取山爲名。齊因之。梁又置譙州及南譙郡。皆治蕲。在今巢縣界。而以此爲北譙。復別於渦陽之譙。謂之南譙。高齊又移州治新昌。即今州治云。按梁太清二年。侯景自

壽陽襲譙州。進攻歷陽。蓋巢縣之譙。時亦有譙州之名。

建陽城

州東四十里。本秦縣。漢屬九江郡。後漢省入全椒。志云。州東南五十五里有臨滁郡城。梁置郡。治葛城。高齊因之。隋廢葛城。蓋與江浦縣接界。今有西葛城市。又高塘城在州北。梁置高塘郡。治高塘城。領平阿。盤塘。石城。蘭陵等縣。屬南譙州。齊因之。

後周廢郡。改爲高塘縣。隋初省入頓邱縣。志云。今全椒縣北六十里地名高塘。即是城也。○塘惟城在州南三十里。又南十里有雙家城。又蔣家城。在州東南五十三里。志云。三城皆傍湖澤。相傳南唐築瓦梁堰。以距北師。水勢橫溢。居民築此城以捍水云。

赤湖城

在州西。魏收志。新昌郡領赤湖。荻港。薄陽。頓邱等縣。今州西十里有赤湖。及赤湖橋。州北十里有荻港。州南十五里有薄陽壩。或以爲皆因故縣而名。

琅邪山

州南十里。晉伐吳。命琅邪王伷出涂中時。嘗駐此。因名山。山谷深七八里。下有琅邪溪。源出兩峯間。謂之醴泉。其餘泉澗溪澗。類皆幽勝。又山南別阜。曰鶴頭山。宋建炎二年。宋臣向子偁。因山阻險。爲城十餘里。聚民堅守。寇從鶴頭山瞰城中。知其虛

實。乃盡銳攻陷之。今故城基曰琅邪山。秦○豐山在州西南五里。盤亘雄偉。出環邪諸峯之上下。有幽谷。地形低窪。四面皆山。又龍蟠山。在州南十三里。泉石洞壑。亦甚奇勝。

皇道山

州東二十二里。相傳秦始皇嘗經此。下有秦皇塘。周三里。可灌田數百頃。○曲亭山在州西六十里。俗呼皇甫山。南唐將皇甫暉與周兵戰。嘗屯此山也。

清流山

州西北二十二里。亦曰清流關山。又西北曰石駝山。其上有關。曰北關口。頗險阨。志云。關山而北。有羣山列峙。溪澗環錯云。又永陽嶺在州北三里。唐以此山名郡。其前爲落馬澗。相傳皇甫暉戰敗。馬處也。一名東渡。

滁河。州東南七十里。源出廬州府廢梁縣。流經全椒縣界。與囊水合流。至州東南。三汊河。與清流水會。入江寧府六合縣界。下流注於大江。詳見大川涂水。

清流河

在州治西南。源出清流山。東南流。至三汊河口。合於滁河。又白茅河。在州西北四十里。亦出清流山。州西北有瓦店河。盈福河。及來安縣之嘉山河。俱流合焉。東會於清流河。○沙河。在州北四里。一名江沙澗。出來安縣界。州西北諸山溪之水。多流

合焉。俗名大沙河。至州城東。合於清流河。又有小沙河。源出州西南三十五里側菱山。溢爲小澗。經州西十里。注於石瀨。石瀨者。有石生水底。嵯峨突兀。連亘數十丈。水流其間。縈紆回復。每春夏泛漲。水石相激。澎湃有聲也。又東爲西澗。俗亦名烏上河。其下流爲小沙河。穿城而東出。亦合於清流河。

菱溪

州東七里。源出永陽嶺。經皇道山。又東南。則環邪溪。亦流合焉。至三汊河。注於滁河。又南湖河。在州東南五十里。源出來安縣。又東爲白禪河。下流俱注於滁河。

清流關

在州西南二十里。南唐置關於此。地極險要。五代周顯德三年。敗唐兵於正陽。唐將皇甫暉等自定遠退屯清流關。周主命趙匡胤襲之。暉等陳於山下方輿前鋒戰。匡胤引兵出山後。暉等大驚。走入滁州。欲斷橋自守。匡胤襲兵涉水。徑抵城下。暉

等出戰。擒之。遂克滁州。五代史。周世宗遣將引兵倍道白蘆子。吼出山後。襲清流關。今其地有中軍帳基。

大柳砦

州西北五十里。元末州人保聚於此。今爲大柳樹驛。志云。自州城南滁陽驛而西北六十里。爲大柳樹驛。又北四十五里。達鳳陽府定遠縣之池河驛。又大鎗嶺巡司亦在州西六十里。○關山寨。在州西北二十五里。志云。州境舊有鄉寨七。曰關山。

該山。白禪。西城。高山。黃悅。白悅。等寨。宋置。尋廢。又有鐵佛岡。亦在州境。元末州人保聚於此。

皇華驛。在故關城內。志云。關城中有龍興寺。南唐臨滁館地也。周顯德五年建寺。賜名龍興。宋淳熙二年。于寺中建皇華驛。明初於寺之西。建滁陽王郭子興廟。寺之東。建太僕寺及滁陽八監驢驎等十八驛。一統志。南京太僕寺。在今州城外西南三里。洪

武六年建。

全椒縣。

州西南五十里。西南至無為州巢縣百八十里。秦置縣。漢因之。屬九江郡。後漢建武中。封馬成爲侯邑。晉屬淮南郡。蕭齊爲嘉平郡。屬南譙郡。梁改縣曰北譙。置北譙郡。後齊改郡爲臨滁。後周復曰北譙郡。隋開皇初。郡廢。改縣曰滁水。屬滁州。大業初。州廢。又改爲全椒縣。屬江都郡。唐仍屬滁州。宋因之。明初廢。洪武十四年。復置縣。無城。今編戶十二里。

阜陵城。

縣東南十五里。漢縣。屬九江郡。文帝六年。封淮南王長子安爲侯國。元狩初。仍屬九江郡。後漢因之。永平十六年。徙淮陽王延爲阜陵王。建初元年。又改爲侯國。章和初。復阜陵王。以阜陵下濕。爲徙壽春。孫吳黃龍三年。使其將孫布詐降。以誘魏揚州刺史王凌。權伏兵於阜陵。伺之。晉志。縣自漢明帝時。淪爲麻湖。咸和初。石勒將石聰侵阜陵。三年。蘇峻據歷陽。將犯建康。孔坦請急斷阜陵。說者曰。阜陵有麻湖之阻也。或曰。斷阜陵以脅峻之後。且使祖約不能自壽春連兵而前也。宋省。梁天監二年。南梁太守馮道根戍阜陵。魏將黨法宗等來寇。道根擊却之。胡氏曰。南梁自宋有之。未詳其實土。道根以南梁太守戍阜陵。自是爲郡。治陳。大建十一年。後周將韋孝寬等侵淮南。北譙。南梁之民皆自拔歸江南。是也。後周廢入全椒縣。

豐樂城。

縣西南七十里。梁置縣。屬北譙郡。隋廢。志云。縣西北二十五里有北譙城。卽梁北譙郡治。遺址尙存。又縣北二里有南譙城。或以爲梁南譙州治云。○襄城在縣西。或以爲姚襄所築也。囊水經其旁。

南岡山。

縣南二里。山勢自西來。連亘數十里。至此益高峻。環繞縣治。爲縣形勝。稍西曰黑龍山。登其巔。下瞰井邑。一覽皆盡。有泉曰黑龍泉。○武山在縣東北十里。上有梁王城。志云。以梁武得名。

九關山。縣東南二十五里。一名徐陵山。昔項羽兵敗。欲東渡烏江。道經此山。與漢兵一日九戰。山因以名。其西五里有迷濛。相傳項羽迷道。陷大澤處也。志云。今縣南二十里有楚迷濛。○花山在縣西北二十里。巒峰疊嶂。如花巒然。又神山在縣西三十里。

有神山洞。極深廣。宋紹興間。鄉民多避寇於此。

桑根山。

縣西北四十里。宋白曰。梁大同三年。割北徐州之新昌郡。譙州之北譙郡。置南譙州於桑根山之西。是也。或曰。故城在山西。南二十里新高村。其相接者。曰石樓峴。志云。與桑根山冷水澗相連。壁石高聳。狀如樓閣。背山面溪。景物幽遠。又西北十里。

曰儒人乳。

北獨山。

縣西六十里。峯巒特起。不與衆山相接。上有古塔。又西十里曰銅井山。一名銅官。上有銅井。舊嘗出銅。又四十里爲孤山。相接者曰鎮山。嶺與合肥縣接界。

滁水。

在縣南六十里。自廬州府流入境。南至和州。亦六十里。志云。縣境羣川合滁水者。凡十有五流。又東北經州境。○囊水在縣治北。源出縣西北二十里石臼山。東南流合澗谷諸水。凡十有六派。循縣治後。又東南至石潭口。合於滁河。

鄧湖。

縣西南三十里。志云。後魏臨滁郡領鄧縣。以湖名也。縣蓋置於此。其下流通滁河。○蔡湖在縣南十五里。居民多引流以溉田。旁有蔡城。志云。南唐築城湖側。蓄水以禦周師。

六丈鎮。

在縣西南。唐置六丈驛於此。又有葛城驛。志云。在縣東南二十里。與江浦縣接界。輿程記。自滁州而東南六十里。至東葛城驛。又三十五里。至江浦縣之江淮驛。渡江向金陵。是也。

來安縣。

州東北三十五里。東北至泗州天長縣百三十五里。西南至江寧府江浦縣百二十里。西北至鳳陽府定遠縣百五十里。本清流縣地。唐景龍中。析置永陽縣。屬滁州。南唐改曰來安。宋乾道中。降爲鎮。尋復爲縣。有土城周三里。編戶七里。

趙王城

縣東北二十五里。相傳寇亂時。有趙王二將屯此。志云。縣東有頓邱城。或以爲東晉僑置頓邱縣。蓋治此。

五湖山

縣東北十八里。下有五湖。因名。山高險。控扼南北。至爲險要。其北有白檀村。一名白檀山。○三山在縣東二十里。三峯並峙。與天長縣接界。又縣東南二十里有西龍山。勢頗高峻。與六合縣東龍山對峙。

石固山

縣北三十五里。羣山綿亙。此山最險峻。宋紹興中。居民多避寇其上。壘石爲城。遺址尙存。又北五里爲尖山。其山特出。下臨大澗。○嘉山在縣西四十里。山之西北。卽盱眙縣界。

來安水

在縣東。源出縣北九十里之馬嶺山。東南流。縣治東有龍尾河。流入焉。又東南入州界。合於清流河。○秋浦水在縣西三十里。源出泗州盱眙縣。會獨山水。入於清流河。

湯河

縣東南三十五里。縣北山澗諸水。並流會焉。又南入於滁河。又范莊水。在縣北七十里。縣東北又有常店水。俱會縣境諸山谷水。流入天長縣。爲浮梁河之上源。

白塔鎮

縣東北五十五里。其東南五里有丁城。四面平遠。城址高數丈。其西有高塘山。山下有塘。曰高塘。舊可灌田二百頃。今埋。○來安鎮在縣東三十里。舊置鎮於此。今廢。又東五里曰杜家集。傍峙黃連山。下有大石窠。又東十里曰朱家。與六合縣接

界。又水口集。在縣東南三十五里。臨湯河。志云。縣東北十里有來安驛。往來孔道也。

附見

滁州衛

在州城內。洪武初。設守禦千戶所。尋改衛。領千戶所五。

和州。東北至揚州府三百二十里。東南渡江至太平府六十里。西南至廬州府無爲州百五十里。西北至廬州府二百八十里。北至滁州百五十里。自州治至江寧府百三十里。至京師二千三百五十里。

禹貢揚州之域。春秋戰國皆爲楚地。秦屬九江郡。漢因之。亦爲揚州治。三國吳爲重鎮。晉屬淮南郡。永興初。

分置歷陽郡。宋永初二年兼置南豫州。時謂之西府。齊因之。梁初亦爲南豫州治。天監七年仍爲歷陽郡。北

齊兼置和州。北史天保四年拔歷陽六年齊梁通和因置和州。後周因之。隋初郡廢。大業初復改州爲歷陽郡。唐仍曰和州。天寶初。

又爲歷陽郡。乾元初復故。五代屬於揚吳。後屬南唐。周顯德三年取其地。宋仍曰和州。亦曰歷陽郡。元曰和

州路。尋復爲州。隸廬州路。明初以州治歷陽縣省入。洪武三年改州爲歷陽縣。隸廬州府。尋復爲和州。

隸直隸京師。編戶四十一里。領縣一。今仍曰和州。

州淮南要衝。江表藩蔽。渡橫江而出采石。濟淶口而向金陵。則長江不爲固矣。若夫西指昭關而動廬壽。北走涂中而收濠泗。則兩淮可以風靡也。自昔國於東南。未嘗不以歷陽爲襟要。而有事江南者。張氏棊所云。繇壽陽。歷陽來者。什之七。繇橫江。采石渡者。三之二。是也。是故孫策起歷陽。則渡江而有江。

南曹操爭江南則相持於東關濡須之間晉平吳使王渾出歷陽渡橫江蘇峻之亂則據歷陽渡橫江而劫姑孰石虎掠淮南遊騎徑抵歷陽苻堅自項城河南項城縣來壽陽則使姚萇爲先鋒直趨歷陽也梁

侯景以壽陽叛則并有歷陽遂渡采石隋氏平陳韓擒虎繇廬州趨壽陽自橫江宵濟矣唐平江南始

自歷陽杜伏威爲和州總管討平江南羣盜宋紹興中金人犯含山進逼歷陽葉夢得曰金人得和州長江不可保矣因趨

諸軍拒守及金亮南侵軍於和州而兩淮爲之殘弊開禧中金人南犯僕散揆奪安豐圍和州屯瓦梁

河見六合縣以控真揚諸州之衝張旗幟於沿江上下江表大震明初亦自和陽濟江克采石下太平呂氏

社嘗言歷陽建康姑孰之門戶未有歷陽多故而江東得以安枕者豈不信哉

歷陽廢縣今州治秦縣也項羽封范增爲侯邑漢爲九江都尉治後漢時揚州刺史治焉永平中九江盜范容等屯據歷陽爲江淮巨患久之始平晉屬淮南郡永興初爲歷陽郡治三年陳敏據歷陽以叛尋入建郡咸和二年蘇峻以歷陽叛進陷

姑孰三年祖約自壽春潰奔歷陽遂據之明年冠軍將軍趙匡尤攻拔之宋亦爲歷陽郡治大明七年帝如歷陽齊亦爲重鎮梁
大清二年侯景自壽陽叛入歷陽承聖初沒於高齊陳大建五年伐齊使黃法氈分道出歷陽敗其援軍歷陽降隋爲和州治大
業十二年爲杜伏威所據尋入於唐自是州郡皆治此明初廢城邑攷州城一名亞父城相傳范增所築漢高令灌嬰還定江淮
又築之謂之古羅城其後修廢不一宋嘉定中又嘗營繕明初因舊址增築後漸廢正德七年寇亂增築月城於各門又開故壘

以爲備。尋復廢。萬歷初，增築六門重城。復濬瀛環城於六門之外，又爲東西二水門，以蓄洩城中之水。其形勝大抵東南濱江，西南邊溪，西北環山城，周十一里。

烏江廢縣

州東北四十里。秦烏江亭也。漢爲東城縣地。晉太康六年，置烏江縣，屬淮南郡。永嘉初，陳敏據建郡，征東將軍劉遵遣揚州刺史劉機出歷陽討之，敏使其弟景屯烏江拒守。後屬歷陽郡。宋大明六年，帝校獵於烏江，是也。梁於此置臨江郡，又爲江都郡。東魏屬臨滁郡。後齊改置齊江郡。陳復曰臨江郡。宇文周曰同江郡。隋初郡廢。縣屬和州。唐因之。宋紹興五年，廢爲烏江鎮。七年，復爲縣。元因之。明初省，今仍爲烏江鎮。志云：鎮東北去江浦縣七十里。○雍邱城在州南。本漢陳留郡屬縣。東晉僑置於此。宋齊俱屬歷陽郡。後周時廢。今裕溪河口有雍家城，或以爲卽雍邱之譌也。明洪武初置雍家城驛及裕溪河泊所於此。宏治初，徙驛於烏江鎮。萬歷中，改爲烏江公館驛廢。

穀孰城

在州西北。本漢梁國屬縣。東晉僑置，屬南梁郡。宋元徽初，改屬新昌郡。蕭齊因之。梁末廢。又鄴城在州北。漢沛郡屬縣也。劉宋元嘉八年，僑置鄴縣，屬歷陽郡。元徽初，改屬新昌郡。蕭齊又改屬臨江郡。梁因之。東魏屬臨滁郡。後周廢其地，與滁州全椒縣接界。○過虎城在州西。元和志：歷陽西有過虎城。晉王導築以過石虎。

湖白城

在州西南。宋泰始二年，尋陽王子助舉兵江州，其將孫冲之屯於緒圻，爲沈攸之所敗。於湖白口築二城，軍主張興世攻拔之。胡氏曰：湖白口，巢湖水之口也。州南有白石水，合於橫江，是矣。讀書記：湖白二城，當在橫口。濱大江，張興世以錢溪衝要，請奇兵潛出湖湖之上，率輕軻直前度湖白，過鵝尾。夕宿景洪浦，是也。緒圻，錢溪諸處，見繁昌銅陵二縣。

梁山

州南六十里。巖巖峻拔，俯瞰江流，與太平府博望山相對，亦曰西梁山。下爲梁山鎮。詳見前名山。○歷陽山在州西北四十里。一名石印山，或以爲卽吳孫皓時所稱石印封發者，誤也。今詳見江西鄱陽縣。

八公山

在州城北三百步。山僅培塿。相傳嘗有八僊弈其上。因名。宋開禧中。州守周虎破賊於此。更名殺狐岡。築京觀於其上。今廢。○蛾眉山在州治西北。城跨山脊。又城北有東華山。

雞籠山

州西北四十里。峯巒連互。雄踞西北。上有巨石。寬平約四丈許。削立山巖。爲一州奇勝。道書以爲四十二福地。宋紹興三十年。金亮駐雞籠山。欲渡采石。明太祖初克和陽。元人分兵屯戍於高望新塘。青山雞籠山諸處。來爭和陽。太祖皆擊却之。今青山在州東北四十里。高望鎮見江浦縣。

六合山

州西北六十里。山形磅礴。四面皆正。上有石潭。深不可測。名金牛井。志云。山一名如方山。梁武帝嘗登此。望六合。因名六合。山天監初。江州刺史陳伯之。謀舉兵。詭稱奉齊建安王。教帥江北義勇十萬。已次六合。時蕭寶寅奔魏也。六合卽六合山矣。○陰陵山在州北八十里。小山多石。俗以爲項王迷道處。又有四潰山。在州北七十里。亦名四馬山。俗傳以爲項羽敗走至此。依山爲陣。四面馳下。潰圍斬將處云。

烏石山

州西北六十里。兩山相峙。路經其中。山石多黑。因名。又夾山在州北五十里。巖嶂環峙。隱如金城。爲一方扼塞。中有夾山關。志云。州東北五十里。爲者樂山。一峯亭亭秀出。其相近者曰北大山。山勢高聳。一名北山。○胡桃山在州西北。晉義熙二年。桓元餘黨桓石虔等聚衆。衆胡桃山。爲寇。豫州刺史劉毅遣兵討平之。時州治歷陽也。或云胡桃山卽滁州來安縣之五湖山。

橫江

州東南二十五里。直江南采石渡處。自昔濟江之津要也。後漢興平元年。揚州刺史劉繇屯曲阿。追逐丹陽太守吳景。景退屯歷陽。繇遣將樊能等屯橫江。拒之。旣而爲孫策所破。管隆安二年。殷仲堪舉兵荊州。前鋒桓元等大破官軍於白石。進至橫江。元興初。桓元自江陵東下。豫州刺史譙王尚之遣楊秋屯橫江。秋叛降元。宋元嘉二十七年。魏主濬入寇。自彭城南下。使其將魯秀出廣陵。拓跋那出山陽。拓跋仁出橫江。所至殘滅。宋遣劉遵安等將兵守橫江以備之。齊東晉侯永元二年。豫州刺史裴叔業

間蕭衍以自安之計。衍曰：若意外相逼，當勒馬步二萬，直出橫江，以斷其後。天下事一舉可定也。隋開皇八年，韓擒虎平陳，亦自橫江宵濟，蓋建康姑孰，皆以橫江爲襟喉。亦曰橫江浦。江濱有麒麟堂。宋紹興三十一年，金亮入和州，臨江築臺，誓師渡江，晨炊玉麟堂。玉麟卽麒麟之譌也。江防攷：大江入州境，上接無爲州，下接應天府。凡一百一十里，與太平府中流分界。江流自西南逸而東北，故昔稱和州爲江西，而大江夾岸津要甚多，隨地立名，分途汛守，實皆大江也。

柵江

州西南百五十里，與無爲州分中流爲界，卽濡須水入江之口也。曹操進軍濡須，攻破孫權江西營，卽此地矣。梁末，齊將蕭軌出柵口向梁山，陳霸先黃叢擊却之。陳天嘉初，王琳伐陳軍於將柵口，時東關春水稍長，琳引齊人合肥，巢湖之軍相次而下。

戰於蕪湖，爲陳將侯瑄所敗。大建十一年，時江北之地盡沒於周，因遣將軍徐道奴鎮柵口。宋南渡後，於此置柵口寨。明初趙德勝破陳友諒於柵江口，是也。宋白曰：柵江口卽古之濡須口，西北距廬州三百八十四里，今一名新婦口，對岸卽繁昌縣。

當利浦

州東南十二里，一名沙口堰，亦大江之別浦也。後漢興平初，劉繇遣其將張英屯當利口，以拒吳景。明年孫策擊走之，晉咸和二年，蘇峻以歷陽叛，孔坦卽急斷阜陵守江西當利諸口，是也。寰宇記：當利本名揚浦，晉王濬平吳，揚帆順流而下，王渾

招之不止，報云：風利不得泊也。因改名當利。按後漢已有當利之名，則非晉改矣。阜陵見滁州全椒縣。○烏江浦在故烏江縣四里餘，卽亭長艤船待項羽處。水經注：江水又北得黃律口，卽烏江渡也。又鎖石港在舊烏江縣東北五十里入大江。

洞浦

在州西南臨江，亦曰洞口。曹丕黃初三年伐吳，分命曹休等出洞口，管元與桓元使其黨馮該攻歷陽，元軍斷洞浦，焚豫州舟楫。州刺史譙王尙之帥步卒九千，陳於浦上，軍潰而還。洞浦蓋亦江浦之別名矣。今埋。

麻湖

州西三十里，周圍七十里，舊稱巨浸，一作涿湖，又爲涇湖。淮南子所云歷陽之都，一夕爲湖者，宋白云：歷陽縣南有歷水，縣因以名，卽此湖矣。宋建炎三年，金人破和州，軍士多潰圍四出，保麻湖水，崇明初高祖嘗困於此。永樂初湖水涸，議堰爲田，凡得

三萬一千二百餘畝。景泰二年田始成，然地平衍，水難洩，時有潦溢之患。○澧湖在州西十五里，昔時受麻湖水至當利驛港入江。永樂初議置田一萬七千五百餘畝，利病與麻湖同。

後河。

州北七十里。出廬州府接境之黃山。經含山縣流入境。與滁州分界。至六合縣瓜埠口入江。即滁河矣。明嘉靖五年。議改從州北分水嶺。蘇者樂山前入江。官私皆以爲不便。事遂寢。○橫江河在州南里許。亦曰橫江渠。宋開寶八年。伐南唐。從西京轉運

使李符請發州民鑿渠。以通糧道。自今城南環江門外。而南經當利驛入江。即是河也。歲久淤塞。明正統初疏濬。五年復鑿小河。傍出通江。以便舟楫。又開勝河在城西。縣含山縣流經此。合於橫江河。

石跋河。

在州東北三十里。石跋鎮。縣大江支流。灌州東二十五里之浮沙河口。復出大江。江面約四十里。宋開禧中。周虎嘗築石跋城於浮沙口北。今廢。又芝蔴河在州東北四十里。又東北十里曰穴子河。皆通大江。○姥下河在州西南三十里。姥下鎮。源

自麻湖。東南流入大江。宋會要。乾道二年。從和州守臣言。鑿姥下河。東接大江。防捍敵人。簡制盜賊。又太陽河在州南二十里。源亦出灑湖。流入大江。

牛屯河。

州南四十里。與江東牛渚磯相對。江面約五十里。志云。孫策攻劉繇牛渚營。晉譙王尙之破庾楷於牛渚。皆此地也。其源出巢湖。從銅城關入大江。今有牛屯河。巡司置於州南六十五里。南至裕溪。巡司二十里。東北至浮沙河。巡司七十里。又八十

里。接江浦縣之江淮巡司。

裕溪河。

州南九十里。源出巢湖。自無爲州流入境。南注於江。明初。元將蠻子海牙帥舟師。載采石。窺太平。不能陷。退屯於此。既而太祖命康茂才戍守裕溪。是也。今有裕溪鎮。置巡司於此。上至無爲州。與龍河。巡司九十里。通裕溪。在無爲。歷陽之間。亦南

北之衝要。其江面約三十里。

白石水。

在州南。水經注。水出白石山。西南流注於櫛水。晉咸康五年。石虎遣將寇荆揚。北鄒。朱保敗晉兵於白石。海西公末。桓溫謀廢立。自廣陵將還。姑孰。屯於白石。隆安三年。殷仲堪以荊州叛。前鋒桓元大破官軍於白石。遂至橫江。白石蓋在櫛江。橫江

開也。今含山縣有白石山。

韋游溝。

在廢烏江縣東南二里。引江水至郭下十五里。溉田五百頃。唐開元中。邑丞韋丑所開。貞元十六年。令游重彥復治之。民享其利。以姓名溝。亦曰韋游溝。渡接江浦縣界。

楊林渡。

在州東二十五里。紀勝云。郡人春遊。自城南橫江門出。至楊林江口。凡三十五里。皆種柳。號爲萬柳堤。卽楊林渡也。亦曰楊柳河。宋紹興三十一年。虞允文敗金人於采石。知必復至。乃部分諸將分海舟。繼上流。別遣舟師。截金人於楊林河口。敵至。

夾擊。大敗之。嘉定十一年。金人犯淮南。自濠州趨和州之石碛。一時旻。揚諸州皆被寇。遊騎至采石。楊林渡。建康大震。通釋和州。東二十里有西采石。其下爲楊林渡石碛。或曰。在州西北三十里。○車家渡。在廢烏江縣東南。宋志。烏江縣界。車家渡。可徑衝建康之馬家渡。其相近。又有安陽渡。輿上元縣對岸。志云。渡在故烏江縣東南十八里。又新河渡。在州南二十里。志云。今爲江湍所割。去城纔十里許。

千秋澗。

州西北二十五里。宋志。淳熙十二年。和州守臣請於千秋澗置斗門。以防麻湖。澧湖之水。洩入大江。歲旱。可藉爲澆田之利。從之。亦曰千秋壩。明初。耿再成襲和陽。不克。元兵追至千秋壩。卽此。○香淋泉。在州北三十五里。其水溫。相傳梁昭明嘗浴。

此。因名太子湯。亦曰平疇泉。

宋治平中。名其地曰平疇鎮。

銅城堰。

州西南六十里。周回百里。溉田三千頃。皆膏腴。賦入當本州什之三。志云。銅城開河。在含山縣南銅城鄉之六都。受天河。黃洛河支流。東至開口。分流爲牛屯河。其南一支爲三叉河。每江湖水泛。牛屯河隘。不易洩。輒衝溢田畝。吳赤烏中。築堰設關。

以捍水患。遇旱則積。遇澇則啓。遂成膏腴。其後以時修築。明初。太祖率集湖舟師出湖口。至銅城關。已脫敵險。而元兵猶塞馬腸河口。以阻諸兵。太祖設策敗之。乃盡督諸兵出溇陽橋。入大江。洪武初。知州李相復修堰關。以拒江水之暴溢。民獲其利。溇陽橋。

在州西四十五里。

馬騰河見無爲州。

石湖關

在州西北宋紹興中兀朮犯境張俊以兵五千守石湖關兀朮遁去。又石湖寨亦置於此。今廢。○斗嶺關在州西北四十里。其地有斗嶺山亦曰陡陽山巖然峻絕一徑中開明初取和陽遣張天祐等將奇兵出陡陽關進薄小西門遂克之。卽此。又

白塔關在州西四十里。

又西五里有含山關。

夾山關

州北五十五里有夾山舖兩山壁立聳峭夾道山口崎嶇與滁州接界爲南北咽喉。明正德中巨寇劉六等犯境州同知薛渭野壘石置寨於此以控守要害。今寨廢而石垣尙存。亦名渭野關。○歲豐鎮在州西四十里。又州北七十里有青陽鎮。

楊荷橋

舊志云在州東南二十里。晉咸寧六年王渾等分道伐吳。出歷陽吳主使張悌迎戰。悌渡江圍渾部將張喬于楊荷橋。以衆降。進與晉將周浚戰於版橋。喬自後擊悌。悌敗死。版橋在楊荷北也。或曰今州北四十里有楊橋卽古之楊荷。恐誤。

祁門驛

州西四十里。舊志云洪武十五年設祁門馬驛於此。宏治五年遷入含山縣西門內。萬歷中裁。又當利馬驛。舊在州南二十里。洪武十五年設初名新河口驛。十六年改曰當利。徙置於城南橫江門外。

含山縣

州西六十里。西南至無爲州百二十里。西至無爲州巢縣六十里。北至滁州全椒縣百里。漢歷陽縣地。東晉僑置龍亢縣。屬歷陽郡。宋齊及梁因之。後周大象初省。唐武德六年復改置含山縣。八年廢。長安四年復置。武壽縣神龍初仍改曰含山。屬和州。

宋因之。舊無城。明正德七年

新築。周三里。編戶十七里。

龍亢城

縣南四十里。本漢沛郡屬縣。東晉復置於此。南北朝因之。後廢。志云縣西三十里有晉王城。晉太元中苻堅侵晉。以姚萇爲先鋒。晉築城於此。禦之。今涓溪東有土城數十丈。其外十餘里有姚萇村。卽故晉王城矣。或曰縣西四十里界首舖有小山。

形勢稍峻城

當置於此

大峴山

縣東北十三里一名赤焰山又小峴山在縣北二十里一名照關稍西曰城山兩山屹峙爲崖濼往來衝要俱見前名山峴山

合山

縣西二十里山勢雄峻梁山列峙勢若吞含唐因以名縣○巽禪山在縣北十五里舊名華山又北三里曰華陽山亦名關陵山俱有泉洞之勝又牛頭山在縣北三十里山產煤明正德中居民采以爲業

梅山

縣東南五里山多梅樹俗傳曹操行軍指梅林以止軍士渴處也唐天寶中改曰棲隱山其相近者曰龍角山有兩峰尖聳因名○桑山在縣西南二十里麻湖之源出於此山多野桑因名或曰秦始皇設倉於此亦名倉山又譌爲蒼山山勢峻拔延袤

十餘里有龍池南宋時有雙山寨居民保聚於此又蒼山之譌也

石門山

縣南二十里兩山夾峙石壁削立如門有谷道十里商旅皆往來其中○龍洞山在縣西南五十里洞深邃泉流不竭下流爲營橋澗通銅城關入於江又太湖山在縣南七十里舊有湖歲久湮廢山奇峰十餘削立秀挺狀如列戟又南十里曰白

石山巖洞頗勝洞天記山周回七十里爲第二十一洞天唐天寶六載更名禱應山山蓋與無爲州接界白石水出焉水經注白石山水西經李鵠城西南注棚水李鵠城亦在縣境云

濡須山

縣西南七十五里與巢縣七寶山對峙濡須水出其間即東關口也詳見前重險東關○僊踪山在縣北五十里僊踪鎮卽黃山也與合肥巢縣接界一名金庭山詳見廬州府黃山

濡須水

縣西南七十里自巢湖東流經亞父山出東關口爲海子口河又東南經黃洛河運漕河過新裕口至柵江口注於大江一名天河志云縣南八十里有新裕港港口昔有孀婦居此因名新婦港後譌爲新裕流合濡須同爲柵江故柵口亦兼新婦

口之名亞父山見

巢縣居巢城注

三叉河

縣南八十里其水西通巢湖東通大江北通銅城關因名志云天河經流合海子口黃洛河運漕河迤邐經此又銅城關別流南出匯爲一河東合裕溪河入於大江黃洛河亦自巢縣流入境又運漕河志云在縣南八十里梁敬帝初齊人謀僭建

康運糧於此今縣南九十里
有運漕鎮以河名也

縣河

縣南一里一名觀音橋河縣西北諸山澗之水會流至城西二里合清江斷澗其流始大可以通舟又東至和州新河口入大江議者欲鑿此河上通巢湖以漑田通商或又以河通則縣且爲江湖之衝途不果○清溪河在縣西三十里清溪鎮受縣西

南諸山澗水西流經巢縣亞父山入天河縣裕溪入大江

馬跑泉

縣北十五里卽昭關泉縣西清江斷澗入縣河俗傳伍子胥過昭關馬跑泉出此其遺跡云宋紹興末張浚於昭關築城置水櫃以過金人卽此泉也

東關

縣西南七十里濡須塢之北與無爲州巢縣接界其地峻險周圍皆石三國時爲戍守重地詳重險

昭關

縣北十里小峴山西崎嶇險仄拒守於此可以當廬濠之衝志云縣西四十里有斗陽關山勢巍然峻絕中開一徑其北屬含山南屬巢縣

尉子橋

縣北四十八里宋紹興三十一年金亮南侵統制姚興拒戰於此死之又縣西有倒旗山亦以姚興戰敗名也○界首驛在縣西四十里明洪武十五年設宏治五年裁與巢縣分界處也

練固。在縣北。晉元興三年。桓元兄子歆引氏帥楊秋寇歷陽。豫州刺史魏詠之等擊斬秋於練固。胡氏曰。練固在歷陽西北。斗米

選在縣西南八十里。隋末杜伏威將李子建戍柘口。欲穿渠入歷湖。通運。率部下人齋斗米。就役。米盡。運成。因名。紀勝云。時子

建欲於東關下開溝通黃港。

陂運糧入歷湖以濟軍食也。

附見

瀋陽右衛。在州治東。洪武十九年。始置和州衛。二十四年。衛軍調寧夏。三十五年。改置今衛。領千戶所五。

廣德州。東至浙江湖州府一百六十里。南至湖州府安吉州百二十里。西至寧國府二百二十里。北至江寧府溧陽縣百五十里。自州治至江寧府五百里。至京師三千里。

禹貢揚州之域。春秋時吳地。後屬越。戰國時屬楚。秦屬鄣郡。漢爲丹陽郡地。後漢因之。晉屬宣城郡。宋

齊仍舊。梁末置大梁郡。治石封縣陳改爲陳留郡。隋郡廢。以其地屬湖州。大業初。改屬宣城郡。唐武德四年。

置桃州。七年州廢。仍屬宣州。南唐屬昇州。宋太平興國中。復屬宣州。尋置廣德軍。元曰廣德路。明初改

爲廣德府。洪武四年。降爲州。十三年。以州治廣陽縣省入。編戶百二十七里直隸京師。領縣一。今仍曰廣德州。

州山谷盤紆。襟帶吳越。春秋時楚人嘗與吳爭逐於此。所謂桐汭之地也。自後東南有事。州嘗爲控扼

之所。朱梁乾化三年，淮南遣軍屯廣德，將攻衣錦軍。吳越錢傳璣攻拔之。宋建炎三年，兀朮自建康遣溧水趨廣德，繇四安陷獨松關，遂入臨安。德祐初，伯顏入建康，遣阿剌罕分道出廣德，會師臨安，卒以亡宋。明初下金陵，遂命將下廣德，取長興，蓋不特內固吾圉，又可乘敵之釁，使以爲迂僻而置之，謬矣。廣陽廢縣。今州治春秋時地名桐汭，左傳哀十五年，楚子西子斯伐吳，及桐汭是也。漢爲故鄆縣地，屬丹陽郡。後漢中平二年，析置廣德縣，仍屬丹陽郡。晉屬宣城郡，咸和中，桓彝爲宣城內史，蘇峻作亂，自宣城退屯廣德，尋又進屯涇縣，劉宋因之。

齊時嘗爲郡治，梁末改置大梁郡，廣德縣屬焉。陳屬陳留郡，隋省廣德入石封，尋改石封爲綏安縣。唐於綏安置桃州，又增置桐城、懷德二縣。州尋廢，又并二縣入綏安。至德二載，改綏安曰廣德，以廣德故名也。朱梁乾化三年，吳越攻拔廣德，旣而淮南復有其地，南唐爲廣德制置司，宋爲廣德軍治，元爲廣德路治。明初改縣曰廣陽，洪武十三年，縣省，城邑攷州舊無城。宋淳祐六年，郡守趙希仁僅建六門，設子城於內。明初命元帥邵榮等築城浚池，後復傾壞。宏治正德以來，屢經修復。今城周八里有奇，門六。石封廢縣。在州治東，梁置縣，爲大梁郡治。隋改曰綏安，唐復改綏安曰廣德。蓋州城卽故石封縣治，而後漢所置廣德縣在今州西界。唐時故城猶存，今湮。○故鄆城在州東北九十里，入湖州府長興縣界。又東北至長興縣八十里，秦曰鄆縣。漢曰

故鄆，隋縣廢，今詳見長興縣。

橫山。州西五里，高出羣山，四望皆橫。岳武穆嘗駐兵於此。明初亦嘗駐蹕焉。山西南隅有祠，祠漢神張勃。唐天寶中，封此山爲祠山，巔有聖井。四時不竭，亦曰龍王潭。又西嶽山與橫山相接，有泉逸其麓。

竹山。州南十五里，疊嶂層巒，回環拱揖。松竹泉石，蔚然巨觀。其地時者曰方山，山勢盤紆，山口有兩峯對峙，若二柱然。○笄山在州南二十里，一名鷄籠山，俗曰鷄罩山，中峯最高，左右兩峯並列，蔚然深秀，相近者又有鷹嘴山，山高峻，絕頂有石卓立如鷹嘴。

下有深窟。
容百餘人。

乾溪山

州東南三十里。峯巒疊出。卓立天外。一溪遶其下。白石齒齒。稍西爲石雲梯山。高百餘丈。有階級可升。又石鼓山。在州東南五十里。昔時巖有巨石如鼓。其相近者曰石歸山。衆山環遶。其中一峯獨高。巖有石卓立如婦人然。○馬鞍山在州南五十

里。山周七十里。巖有

大石。其狀如馬鞍。

巖頭山

州西北四十里。兩山屹立如關。中夾一溪。州境南山之水皆會於此。而入建平縣界。每遇巨潦。藉此以障。溜流奔突之勢。○五花巖山在州北七十里。橫列五峯。高三百餘丈。其相近者曰長樂洞。廣數丈。深不可測。

靈山

州南七十里。泉石爲州之冠。其山水合流而北出。匯爲丁公潭。迤邐數里。合於桐川。又有尖山。亦在州南七十里。衆峯環遶。一峯如筆。清泉白石。最爲佳勝。又南八十里曰桐山。亦曰桐源山。一名白石山。桐水發源於此。○桃花山在州東南六十里。昔時

山多桃樹。唐因此置桃州。又大首山。在州西南

八十里。其山最峻。上有井。龜魚時出沒其中。

金牛嶺

州東北七十里。四面皆重山。中一峯。長瓦十五里。志云。荆山洞亦在州東北七十里。一名馮家洞。洞口如夏屋。四五間。容千人。深不可測。相傳與太湖相通。亦曰大洞。

桐水

州西北二十五里。亦曰桐州。桐水之名。因此源出。州南白石山。西北流。經建平縣界。又西入宣城縣界。爲白沙川。亦曰桐溪。匯於丹陽湖。入大江。或謂之白石水。杜氏曰。白石之水衝突。則三湖皆爲泛溢。是也。

鯉洪溪

州東南二十里。源出石鼓山。分二流。復匯於此。而合於桐川。灌田二萬餘畝。又橫極溪。在城南。匯諸山澗之水。灌田三千七百畝。其下流亦入於桐川。○大源溪在州西百里。自寧國府界大陶山流經州境。入南谿湖。又蘇丹陽湖。蕪湖。達於江。

東亭湖。在州東南三十里。廣五百餘畝。一名浴兵池。州境又有塔湖。周三里。○古塘。在州之十三都。周十里。又有鴉鵲。夏家。胖竹等塘。皆周十里。並為灌溉之利。

苦嶺關。州東六十里。路通浙江安吉州。

四安鎮。州東五十里。陸走湖州。此為通道。宋建炎中。兀朮自廣德經此。陷獨松關。又杭村鎮。在州北七十里有巡司。又州西八十里。有陳陽巡司。州南八十里。又有廣安巡司。

鍾村。在州境。宋建炎二年。兀朮渡江。而南寇廣德。岳飛自宜興遊擊。至廣德境中。六戰皆捷。駐師鍾村。即此。○嚴公臺。在州西。唐大順二年。賊帥孫儒攻楊行密於宣州。屯廣德。行密將陶雅破儒前鋒。屯嚴公臺。即此。

建平縣。州西北九十里。西至寧國府百三十里。東北至江寧府溧陽縣百十里。本廣德縣地。宋端拱初。置縣治郎埠鎮。屬廣德軍。縣無城。今編戶一百十里。

諸葛城。縣西十里。中可容數千人。旁有鹽城。馬城。相去一二里。其間有井數十。蓋昔人屯駐之地。又有浮城。在縣四十里。廣數畝。其地窪下。每遇夏潦。諸圩盡沒。惟此踴然若浮。因名。

鎮山。縣南五里。邑之案山也。又縣西南七里。曰赤山。麓枕大溪。○伍牙山。在縣東北四十里。與溧陽縣接界。今詳溧陽縣。


大巖山。縣南七十里。巖石崔嵬。峯巒層出。上有池。雖旱不竭。又南十里。曰大磊山。羣山橫峙。一峯特出。頂有三石如品字。因名。又鴉山。在縣南九十里。周回三十餘里。產茶。山接寧國縣界。

峽子嶺。縣南八十里。與宣城縣接界。又縣南七十里。有石佛嶺。

桐川。在縣西南。自州境流入。合於南崎湖。又大源溪。亦在縣南。自州境流入。界入南碕湖。○耶溪。在縣治南。耶步鎮以此名。下流合於桐川。志云。縣東南有白石澗。上接桐川。下達耶溪。

南碕湖。在縣西南十里。承桐川下流。接寧國府界。流入丹陽湖。俗謂之南湖。○青陂塘。在縣東周三十里。又縣東有拓林塘。周十五里。浮湖塘。周五里。縣西又有五丈塘。周十五里。信武塘。廣亦十五里。俱有灌溉之利。

梅渚鎮。在縣西三十里。有梅渚巡司。又縣南四十里。有陳村巡司。




山東方輿紀要序

山東之於京師，犬牙相錯也。語其形勝，則不及雍、梁之險阻。語其封域，則不及荆、揚之曠衍。然而能爲京師患者，莫如山東。何者？積貯天下之大命也。漕渠中貫於山東，江淮四百萬粟，皆取道焉。繇徐沛北境以接於滄景之南，幾八百里，而南旺分南北之流，高下懸絕。於是相地置閘，隨時啓閉，以爲輓輸之助。脫有不逞之徒，乘間竊發，八百里中，丸泥可以塞也。蟻孔可爲災也。吾虞南北咽喉，忽焉而中斷耳。或者曰：漕舟必出於山東，故山東能爲京師患。若修元人海運之制，風帆頃刻，竟抵京師，則山東必無能爲害矣。曰：山東不濱海爲國乎？自濱州霑、利之間，取途渤海，竟指天津，不過五百餘里。繇登、萊而指旅順口，亦不過五百里。天津、河漕海運之道，所輾集也。登、萊、旅順間，又海運之途，所必經也。脫有狡獪之徒，憑依島嶼，遼碣以南，滄瀛以東，所在蠶起，海運其能以無阻乎？然則將奈何？曰：山東者，馭之得其道，則吾唇齒之助也。失其理，則肘腋之患也。吾嘗俯仰古今，而知能爲幽燕患者，必於山東。周錫齊侯之履，曰：東至於海，西至於河南，至於穆陵，北至於無棣。故山東之國，齊爲最強。桓公北代山戎，剡令支，斬孤竹，皆在燕之東境。是時燕弱小，傳曰：齊謀山戎，以其病燕也。蓋齊之於燕，直卵而翼之矣。魯昭公七年，齊侯伐燕，盟於濡上，是

時齊景公之世。燕人猶且納女歸賂於齊。誠畏之也。戰國時。齊燕有不兩立之勢。子噲之亂。齊宣以五都之兵伐之。五旬而遂舉燕。燕昭王以樂毅爲將。合秦、趙、韓、魏之師。而後能雪恥於齊。旣而田單復定齊地。燕武成王七年。田單伐燕。拔中陽。燕人不敢報也。是何也。齊之於燕也。壤相錯也。非有過都歷國之艱。涉山逾河之阻也。天下之勝勢不在秦。必在齊。在齊則必起而爭燕。起而爭燕。道博濟。向滄瀛。不出十日。戰於燕之城外矣。觀於元之末季。田豐、毛貴。不過烏合之徒。一旦竊據青齊。遂能北趣河間。踰直沽。破薊州。略柳林。直逼元都。當此時。江淮以南。元人不遑復問矣。太祖命將取元都。亦先下山東。會師於東昌。臨清之境。然後下德州。克長蘆。逾直沽。舟師步騎。夾河而向元都。元人不且宵遁哉。然則山東其形勢之會乎。是又不然。吾嘗慨夫齊之田氏。席霸國之餘業。不能於縱橫之日。發憤爲雄。及五國旣滅。王賁東下。遂束手而臣妾於秦也。楚漢之間。田儋、榮橫。非無傑出之材。而皆奔亡不暇。漢高感東西秦之說。分王庶孽。授子肥以七十餘城。無能殄呂氏之禍也。張步、董憲。倔強於臨淄、東海。會不足當光武之驅除。劉佻擅有全兗。乃竟敗沒於黃巾。曹操以兗州始事。而功集於許、鄴。則可謂卓卓者歟。至於曹嶷、段龔、辟閭、渾之屬。類皆齷齪庸才。宜不足以自保。慕容德撫有廣固。亦再世而亡耳。宋人經營於碣磔、滑臺。究不足以固三齊。隋末。徐圓朗盜有兗州。不旋踵而敗。唐之中葉。淄青叛命。藉河北、淮西。相爲影響。及形援旣弱。卒以滅宗。

朱瑾、朱瑄、王全範，不能以軫、濳、青之甲，抗朱溫之鋒也。所以然者，豈不以山東之地，褊淺迫狹，雖西峙泰山，曾無重岡複嶺之限，東環大海，亦無輿突險固之都，邢趙扼其項，而淮泗犄其足哉？是故郤至入，而邱輿、馬陘，皆爲坦途；樂毅至，而卽墨、莒城，危於累卵；韓信旣破，歷下以開基；耿弇復攻阿，而發跡；南入穆陵，慕容遂爲俘囚；東踰汶上，益都之亡也，忽諸謂欲以一隅之守，當四面之師，吾知其必無幸矣。然則山東固不足慮乎？曰：唐末，王僊芝起於濮州，黃巢起於冤句，初不過聚饑寒轉死之民，爲縱橫竊掠之計，馴至流毒天下，卒傾唐祚，何爲其不足慮也？然則用山東者，宜如何？曰：以自守則易，弱以亡，以攻人則足以自強，而集事。齊桓公南征北伐，用霸諸侯，孝公以後，齊僅爲自守之國，是以終春秋之世，累代聽命於晉，幾夷於魯，衛斯不亦用齊之明效大驗耶？



讀史方輿紀要

卷三十

山東一

禹貢海岱惟青州。周禮職方正東曰青州。

土居少陽。其色爲青。

春秋時齊地。其在天文虛危則齊分野。亦兼魯衛之

疆。今泰山以南兗州府至沂州之境。禹貢徐州地也。春秋時屬魯。天文奎婁分野。濟河以北東昌府及兗州府之西境。濟南府之北境。禹貢兗州地也。春秋時屬衛。於戰國兼得魏宋齊趙之郊。衛分野見河南封域。

秦并天下置齊郡。東

郡薛郡琅邪及遼東等郡。漢置十三州。此亦爲青州及兗州地。

詳見州域形勢。下做此。

後漢因之。魏晉亦置青兗二州。

永嘉以後陷於石勒及慕容皝。後又入於苻堅。堅敗歸於晉。

晉置幽州於廣固。以辟閭渾爲刺史。

尋復爲慕容德所據。義熙六

年劉裕克南燕。復置青州及兗州。劉宋時兼置冀州。

治歷城。

其後入於後魏。魏亡屬高齊。尋爲後周所并。其

分析不可得而詳也。隋亦置十三部。而不詳所統。唐貞觀初分天下爲十道。河濟以南屬河南道。以北屬

河北道。宋初隸京東路及河北路。後又增置京東西路。

曹鄆諸州屬京東西路。

金人分山東東路及山東西路。

東路理益都。西路理

東平亦置益都濟南等路直隸中書省。謂之腹裏明初置山東等處承宣布政使司領府六屬州十五縣八十

九。總爲里六千四百有奇夏秋二稅約二百八十五萬九百五十三石有奇而衛所參列其間今仍爲山東布政使司。

濟南府屬州四 縣二十六

歷城縣附郭

章邱縣

鄒平縣

淄川縣

長山縣

新城縣

齊河縣

齊東縣

濟陽縣

禹城縣

臨邑縣

長清縣

肥城縣

青城縣

陵縣

泰安州屬縣二

新泰縣

萊蕪縣

德州屬縣二

德平縣

平原縣

武定州屬縣四

陽信縣

海豐縣

樂陵縣

商河縣

濱州屬縣三

利津縣

霑化縣

蒲臺縣

兗州府屬州四 縣二十三

磁陽縣附郭

曲阜縣

寧陽縣

鄒縣

泗水縣

滕縣

嶧縣

金鄉縣

魚臺縣

單縣

城武縣

濟寧州屬縣三

嘉祥縣

鉅野縣

鄆城縣

東平州屬縣五

汶上縣

東阿縣

平陰縣

陽穀縣

壽張縣

曹州屬縣二

曹縣

定陶縣

沂州屬縣二

鄒城縣

費縣

讀史方輿紀要

卷三十

東昌府屬州二 縣十六

聊城縣附郭 堂邑縣

博平縣

茌平縣

莘縣

清平縣

冠縣

臨清州屬縣二

邱縣

館陶縣

高唐州屬縣三

恩縣

夏津縣

武城縣

濮州屬縣三

范縣

觀城縣

朝城縣

青州府屬州一 縣十三

益都縣附郭

臨淄縣

博興縣

高苑縣

樂安縣

壽光縣

昌樂縣

臨朐縣

安邱縣

諸城縣

蒙陰縣

莒州屬縣二

沂水縣 日照縣

萊州府屬州二 縣五

掖縣附郭

平度州屬縣二

濰縣 昌邑縣

膠州屬縣二

高密縣 卽墨縣

登州府屬州一 縣七

蓬萊縣附郭 黃縣 福山縣 棲霞縣 招遠縣 萊陽縣

寧海州屬縣一

文登縣

遼東都指揮使司屬衛二十五 州二

定遼中衛 附郭又有定遼左右前後四衛

及東寧衛自在州俱在郭內

海州衛

蓋州衛

復州衛

金州衛

廣寧衛

又有中左右三衛俱在郭內

義州衛

又廣寧後屯衛在郭內

廣寧中屯衛

又廣寧左屯衛亦在郭內

廣寧右屯衛

廣寧前屯衛

寧遠衛

瀋陽中衛

鐵嶺衛

三萬衛 又遼海衛及安樂州俱
在郭內。羈縻屬部附見。

東據海。

海自登萊以南。接南直安東所界。環遼而北。接遼東朝鮮之境。又西至濟南府濱州東北。而北接直隸鹽山縣界。凡千餘里。

南距淮。

自沂、兗以南。古所稱淮北地也。

西接梁宋。

今河南開封歸德府境。卽古梁宋地。

北走燕趙。

山東去京畿密邇。水陸往來。皆取途於此。遠至浙閩。近自江淮。皆以山東爲走集之衝也。

其名山則有泰山。

泰山在濟南府泰安州北五里。亦曰東岳。亦曰岱宗。舜典。歲二月。東巡狩。至於岱宗。詩。泰山巖巖。魯邦

所瞻。周職方竟州。其山鎮曰岱山。孟子。孔子登太山而小天下。管子曰。古者封泰山。禪梁父者。七十二家。戰國策。蘇秦說齊宣王。齊南有泰山。東有琅邪。史記。昔黃帝東至於海。登岱宗。又齊世家。齊自泰山屬之琅邪。北被於海。膏壤二千里。貨殖傳。泰山。其陽則魯。其陰則齊。山之東北陟。舊有明堂。爲成周時朝會諸侯之處。秦漢以下言封禪者。必於泰山。秦始皇二十八年。至泰山下。議封禪。遂除車道。上自秦山陽。至顛。立石頌德。從陰道下。禪於梁父。漢元封初。封泰山。下陰道。禪泰山下。陟東北肅然山。乃議以五載一巡狩。用事泰山。令諸侯各治邸泰山下。明年。復祠泰山。五年。南巡狩。還至泰山增封。又太初元年。行幸泰山。禪蒿里。二年。修封泰山。禪石閭。天漢二年。行幸泰山。修封。太始四年。幸泰山。修封。禪石閭。征和四年。復幸泰山。修封。亦禪石閭。從來封禪之數。未有如漢武者也。後漢建武中元元年。東巡封泰山。禪祭地於梁陰。梁父山。章帝元和二年。幸泰山。柴告岱宗。安帝延光三年。東巡。幸泰山。桓帝延熹四年。岱山頽裂。自是天下漸多故矣。通義曰。王者受命易姓。報功告成。必於岱宗。白虎通曰。王者受命必封禪。封增高也。禪。廣厚也。天以高爲尊。地以厚爲德。故增泰山之高。以報天。禪梁父之址。以報地。史稱無觀。

伏犧。神農。炎帝。黃帝。顓頊。帝嚳。堯。舜。皆封泰山。禪云云。禹封泰山。禪會稽。周成王封泰山。禪社首。秦始皇始封泰山。禪梁甫。漢武封泰山。禪梁甫。肅然及蒿里。石閭。修封者。凡五是也。漢官儀。泰山盤道。屈曲而上。凡五

十餘盤。經小天門、大天門。仰視如從穴中視天窗矣。自下至古封禪處。凡四十里。泰山記。山有秦觀。望見長安。吳觀。望見會稽。周觀。望見齊。黃河去泰山二百餘里。於祠所瞻黃河如帶。若在山趾。蓋侈言之也。又周觀亦曰日觀。隋開皇十五年。東巡。頓齊州。爲壇於泰山。柴燎祀天。禮如南郊。大業九年。齊郡丞張須陀擊羣賊王簿於泰山下。大破之。唐乾封元年。登泰山。封玉牒。禪於社首。又開元十三年。封泰山。祀昊天上帝於山上。羣臣祀五帝百神於山下之壇。又祭皇地祇於社首。宋大中祥符元年。封泰山。亦禪於社首。

而帝至泰山。登山道經險峻。降輦步進。兩簿儀衛列於山下。享昊天上帝於圜臺。陳天書於左。以太祖太宗配。命羣臣享五方帝及諸神於山下。封祀壇。明且禪祭皇地祇於社首山。如封祀儀。改乾封縣爲奉符縣。

山曰泰山。山周百六十里。高四十餘里。郭璞云。從泰山下至山頭。百四十八里。三百步。一云泰山周圍二千里。又山海經云。泰山上多玉。戶子謂山中有神房。阿闔以及諸家誇誕之說。今皆不取。

羣峯之得名者。望秦、獨秀、雞籠、老鴉、獅子、蓮花、懸石。而丈人峯在山頂。特出羣峯之表。又有百丈、馬棚、鵝、鶻、捨身諸崖。石經、石壁、鄴都、桃花、佛寺、鬼兒、椒子、馬蹄、溪里諸峪。迴馬、鴈飛、黃峴、思鄉、青峯、西橫諸嶺。迎陽、呂公、白雲、遙觀、蝙蝠、鬼僊、水簾諸洞。玉女、王母、白鶴、白龍諸池。又有明月嶂、登僊臺。及東西南三

讀史方輿紀要 卷三十 一三四七

天門東西中三溪爲山之最勝其餘峯巒谿峒層見疊出不可勝數也自嶽頂而東南二十里曰鷗窠

山西南十里曰亭禪山

卽社首山亦曰舊里

南五十餘里曰石閭山又南五里曰亭亭山東六十里曰梁父山又東

曰云云山

志云嶽頂東南十里有東神霄山下有東溪神廟西南十里有西神霄山下有西溪神廟又西十里曰石後山三尖山其在嶽陰者又有孤山嶺山鶴山相去各十里

雖隨地異名實皆泰山之

支峯別阜也

永樂十四年祠祭耶中周訥請封泰山不許

魏氏曰自成阜以東歷梁宋曹鄆諸州幾千餘里大抵經途沃野無大

山重阻而泰山忽焉特起博厚崇隆拱衛南北自此羣山翼帶直抵海濱爲天下之奧區神臯形勝直

與關中並峙五嶽爲羣山之尊而泰山又爲五嶽之長不信然歟

災異志漢元鳳三年泰山大石起立說者以爲宣帝特起民間之象明朝成化二十一年泰山

屬震說者謂應在武宗也

琅邪

琅邪山在青州府諸城縣東南百四十里其山三面皆浸於海惟西南通陸

山海經琅邪臺在勃海間琅邪之東是也

管子齊

桓公將東遊南至琅邪孟子齊景公問晏子欲放於琅邪竹書越王勾踐二十九年徙都琅邪越絕書

勾踐既滅吳。欲霸中國。徙都琅邪。立觀臺於山上。周七里。以望東海。今山在海濱。蓋築以望遠耳。國策。蘇秦說齊宣王。

齊南有泰山。東有琅邪。史記。始皇二十八年。南登琅邪。大樂之。留三月。乃徙黔首三萬戶琅邪臺下。復十二歲。作琅邪臺。立石刻頌秦德。又三十七年。從會稽還過吳。並海上。北至琅邪之罘。漢初。田肯曰。齊東有琅邪。卽墨之饒。南有泰山之固。武帝元封五年。東巡。北至琅邪並海。太始三年。幸琅邪。封禪書八祀曰。四時主祠瑯邪。子虛賦。齊東階鉅海。南有琅邪。是也。郭璞曰。琅邪臨海有山。巉巖特起。狀如高臺。卽琅邪臺也。戰國時。齊築長城以拒楚。自琅邪臺入海。卽其地矣。

沂山。

沂山在青州府臨朐縣南百二十五里。周職方青州。其山鎮曰沂山。一名東泰山。史記封禪書。公玉帶言。黃帝封東泰山。禪丸山。天子既令設祠具。至東泰山。山卑小。不稱其費。乃令禮官祠之。而不封禪。魏文帝亦嘗致祠焉。隋開皇十四年。詔以沂山爲東鎮。後代因之。載在祀典。志云。山西宗岱嶽。東俯琅邪。背負鳳凰嶺。東接穆陵關。其巔爲百丈崖。壁立萬仞。形如斧削。有飛泉下灑。曰瀑布泉。瀾水出其西麓。又沂水亦出其西。沐水出其東也。水經注。汶水出朱虛縣之泰山。山上有長城。西接岱山。東連琅邪。千

有餘里。蓋田氏所遺也。

其大川則有濟水。

濟水舊自河南流入境。其上源曰沆水。禹貢導沆水東流爲濟。又曰浮於濟。潔達於河。職方兗州。川曰河。濟。春秋時。濟水經曹、衛、齊、魯之界。莊三十年。公及齊侯遇於魯濟。杜氏曰。濟水歷齊魯間。在齊界爲齊濟。在魯界爲魯濟也。又僖三十一年。取濟西田。分曹地也。襄十一年。晉率諸侯伐齊。會於魯濟。定九年。齊與衛地。自濟以西。濟之見於春秋者。不一處矣。戰國策。蘇秦說齊宣王。齊西有清河。北有勃海。所謂清河。卽濟水也。又燕王謂蘇代曰。齊有清濟。濁河。可以爲固。長城鉅防。足以爲塞。史記。齊潛王四十年。樂毅并護趙、楚、韓、魏、燕之兵。以伐齊。戰於濟西。齊師大敗。遂入臨淄。漢志。濟水過郡九。河東。河內。陳留。梁國。濟陰。泰山。濟南。齊郡。通和宜麥。行千八百四十里。水經。濟水出河東垣縣王屋山。其下流東北入海。舊志。濟水自河南鞏縣。陽谷爲祭。東過楊武。封邱縣北。又東過宛句。定陶南。又東北流。與菏水合。東至乘氏。西分爲二。其一東北入鉅野澤。過壽張。西合汶水。其一合菏水。東南流入泗。故泗水亦有南清河之稱。今詳見曹州。酈道元曰。王莽之世。川瀆枯竭。濟水便入於河。不復絕流而南。其餘流自東平以東北者。皆謂之清水。晉太和四年。桓溫自兗

州伐燕。至金鄉。鑿鉅野三百里。導汶水會於清水。溫引舟師自清入河。郟超曰：清水入河，難以通運。若

寇不戰，運道又絕，因敵為資，復無所得，此危道也。溫不聽，敗還。劉氏曰：時清水入河，亦即在臨城。東阿間，非禹貢浮汶達濟之道也。義熙十三年。

劉裕伐秦，將水軍自淮泗入清河，沂河西上。宋元嘉七年，劉彥之取河南，與魏人戰，不克，乃沿河置守。

還保東平，復引兵自清入濟，南至歷城。此候以鉅野北出者為清水，汶水合流者為濟水也。郭緣生述征記亦云：清河首受洪水，北流入濟，洪水亦鉅野澤之分流，一名桓公潰，詳見鉅野縣。八

年，檀道濟自清水救滑臺，至濟上，轉戰至歷城。二十三年，魏人寇青、兗、冀三州，至清東而還。時齊治東陽，兗治須昌，冀

治歷城，皆在清水東也。唐六典：河南大川曰濟水。杜佑曰：濟水絕流已久，今自東平以東北入海者，實蒗澤，汶水之

合流耳。宋樂史曰：東平、濟南、淄川，北海界中，有水流入海，謂之清河。王應麟曰：濟水通得清水之名，以

水道清深也。宋史：李師中知濟，兗二州，濟河堰塞久，師中訪古道，自兗城西南啓鑿之功，未半而去。今大清河自汶上縣北出。其上游會東南諸山泉溝，澤之水與會通河合流。至東平

州西安山腠。舊時濟流經此，始與汶合，今並注於南旺湖，合流而北出。又西北與運河分流，經東阿縣西，復折而東北，逕東阿縣北，又東

逕平陰縣北，又東北逕長清縣北，齊河縣東，又北逕歷城縣北，而東北會於灤水。即小清河。又北經臨邑縣

東。又東北逕濟陽縣南。又北逕齊東縣北。又東北逕武定州南。又東逕青城縣北及濱州之南。又東北逕蒲臺縣北。至高苑縣北。又北逕利津縣東。而東北入於海。繇安山牖而下。皆謂之大清河。近志。元人始於寧陽縣北築堰城壩。遏汶水入洸。以通運河。永樂中。又於東平州東築戴村壩。盡遏汶水入會通河。今之大清河。乃自平陰縣南之柳溝諸泉。繇東平州北門外過西折而東北。夏秋運河泛漲。則張秋迤南東岸。張秋即安平鎮見東阿縣有減水閘。分流來合。而東北出。此即今鹽運所經。鹽船自灤口故關。由大清河而上泊於魚山。又南則由河渠至於東平。西則由小鹽河至於張秋。故大清河有鹽

河之名。即濟水之故道。說者謂大清河古濟而今汶者也。舊志。濟水勁疾。故穴地伏流。郭緣生述征記。濟水入河。性與河

也。東阿之井。正濟所溢。清而且重。善下。故阿膠能治淤濁逆上之病。唐高宗嘗問許敬宗。濟水甚細。何以列於四瀆。對曰。瀆之言獨也。不因餘水

獨能赴海者也。夫濟流雖與古異。然今東平。歷下諸泉。皆入大清河。則仍為濟水溢流。不得全謂之汶

水矣。于慎行曰。大清第得汶之首尾。實以東平諸泉由濟故瀆入海。又小清河一名灤水。源出濟南府城西南趵突泉。水經注。灤水出歷城故

城西南。泉源上湧若輪。是也。合馬跑。金線諸泉。並城北流。屈而東。至城北水門。大明湖水出注之。東北經華不注山。合華泉。又東北入大清河。偽齊劉豫始導之東行。至韓家店。西分一支。為小清河。逕章邱

縣及鄆平縣北。又東逕長山縣東北及新城縣北。會孝婦河。又東逕高苑縣及博興縣南。又東逕樂安縣。北至馬車瀆入海。屈曲行幾五百里。自歷下以東之水。昔入濟者。並入小清河。近年河漸淤。其水復由東北入大清河矣。蓋濼水亦即濟水之伏流旁出者。與大清河雖分二流。而脈絡正同也。今見川瀆

異同。

元五行志。至正二年。濟南山水暴漲。衝東西二關。流入小清河。又黑水。天麻石國等寨及臥龍山水。通流入大清河。漂沒上下民居千餘家云。

汶水。

汶水出濟南府泰安州萊蕪縣東北七十二里原山之南。水經所謂北汶也。又有汶水。出縣東南寨子村。俱流經州東南徠山陽。又一源出嶽北僂臺嶺。嶺會諸山谷之水。經州東四十里。曰塹汶。西南流。經徠徠之陰。又南流三十里。曰大汶口。而與萊蕪之汶水合流。

又有小汶水。在新泰縣東北三十里。出泰山之龍池。西南流百餘里。亦合汶水。

自州西

南流。經寧陽縣北堽城壩。分二流。其正流西經平陰縣。南過東平州界。又西南流至汶上縣。東北合白馬河。鵝河諸水。凡八十里。入南旺湖。南北分流。爲分水閘。卽今會通河也。支流爲洸河。自寧陽縣西南流。達兗州府城西。合沂泗二水。凡百餘里。至濟寧州南。天井關東。而合於分水。南流之汶。亦卽運道所經也。運河記。汶水自泰安州經寧陽汶上縣界。又西至東平州注濟水。此故道也。元憲宗七年。濟倅畢

輔國始於汶陰堽城之左。作斗門一。遏汶南流。至任城合泗水。以餉宿。斬戍邊之衆。謂之引汶入泗。而汶始南通於泗。至元間。以江淮水運不通。自任城開渠。達於須城安山。爲一牐於奉符。即堽城障。時寧陽縣廢。其地屬奉符

縣以導汶入洸。爲一牐於兗州。今府城東金口牐是也。

以導泗。沂會洸。合而至會源牐。南北分流。二十六年。又用壽

張尹韓仲暉言。復自安山西開河。繇壽張西北屬衛漳。謂之引汶絕濟。而汶始北通於漳。明朝永樂九

年。時以北京爲行在。濟寧州同知潘叔正言。故會通河四百五十餘里。其淤者三之一。可濬之以通漕。

乃命廷臣宋禮等往治。築壩於東平州之戴村。橫互五里。遏汶水西南流。令盡出於南旺。見汶上縣至分水

龍王廟。分爲二支。四分南流。以接徐沛。六分北流。以接臨清。蓋運河之原委。全藉汶河也。禹貢浮於汶。

達於濟。詩汶水湯湯。史記河渠書。秦山下引汶水穿渠。溉田萬餘頃。汶水之爲大川。繇來舊矣。

會通河

會通河在兗州府濟寧州城南。元至元中所開也。志云。蒙古初於堽城。見上作斗門以遏汶。流益泗漕。而

漕渠始開。旣而濬濟州泗河。至新開河。繇大清。利津。諸河入海。未幾。以海口沙壅。復從東阿陸輓。至臨

清入御河時又開膠萊新河。見平度州。以通海道。勞費少成效。至元中伯顏始創海運。與濟州河並行。尋用

韓仲暉等言。自安民山。見東平州。即安山牌。開河北抵臨清。引汶絕濟。直屬漳。衛名會通河。元臣宋文瓚言。世祖開

會通河千有餘里。歲運漕粟至京者五百萬石。然河渠易於淺溢。舟不能負重。其後漸減至數十萬石。

於是海運不能廢。明初餉北平。遼東亦仍用海運。永樂九年濬故道。自濟寧北至臨清。凡三百八十五

里。南至江南沛縣。凡三百里。而南旺湖地勢特高。於是相地置牐。以時啓閉。自分水北至臨清地。降九

十尺。爲牐十有七。而達漳。衛。南至沾頭。見沛縣。地降百有十六尺。爲牐二十有一。而達河。淮。歲漕四百餘

萬石。皆取道焉。誠咽喉重地矣。漕河攷。會通河凡七百里入衛河。又四百里始出境。達京師。山東爲府者三。爲州者四。爲縣者六。由魚臺至臨清得洸。汶。泗。沂四水。其泉百七十餘。會於四水而分流於漕渠。爲牐百

三十。爲淺二百有二十。皆有司分掌之。而統於司空御史臺。議者曰。運河以汶水爲源。然汶水之西。全出人力。而南旺土脈特高。水非由

地勢難久安。盡括泉源。千里焦燂。頻年修濬。勞費不訾。民力窮而國計亦病矣。今詳見川濱漕河。

海。

海在山東東北境者。皆謂之勃海。亦曰渤澥。蘇秦曰。齊北有勃海。田肯曰。西有濁河之限。北有勃海之利。又

謂之少海。韓非子齊景公遊於少海。少海猶云小海也。書疏青州之境。越海而有遼東。又云青州東北

據海。蓋跨有此小海也。北自平州碣石。南至登州沙門島。皆為勃海之口。闊五百里。西入直沽幾千里。

廣志山東自兗州東昌而外。其當大海一面之險者。濟南東北境也。海豐濱州。利津。密化。蒲臺皆濱渤海。當兩面之險者。青

州府北及府東南境也。博興。壽光。濱。渤海。日照則濱大海。當三面之險者。登萊二府之東南北皆以海為境也。東面則寧海。文登。南則膠州。即

墨皆濱大海。北則登州。萊州。以及昌邑。濰縣。皆濱渤海。至越海而有遼東。則又與山東共險者也。遼東金州衛。則南面。西面。皆濱渤海。復州。蓋州。海州。三衛。則西面。濱渤海。而廣寧。義州。中屯。右屯。前

屯。諸衛。皆南面濱於渤海云。春秋時。吳人嘗遣舟師自海入齊。秦并天下。欲攻匈奴。使天下飛芻輓粟。起於黃歷。琅邪。

負海之郡。黃歷見登州府。轉輸北河。漢滅朝鮮。楊僕等自齊浮勃海而進。三國時。孫權遣將周賀使遼東。通公

孫淵。還至成山。魏人邀擊殺之。及淵滅。吳復遣羊衝擊魏遼東。俘人民而去。詳見江南大海。隋開皇十七年伐

高麗。使周羅喉分道自東萊泛海趣平壤。大業七年伐高麗。亦使來護兒自東萊入海趣平壤。唐貞觀

十八年征高麗。使張亮自萊州泛海趣遼東。二十一年復遣牛進達等自萊州渡海擊高麗。又顯慶五

年蘇定方伐百濟。自成山濟海。開元二十年。勃海大武藝遣將帥海賊寇登州。殺刺史韋俊。蓋山東海
道與高麗、渤海相接也。宋建隆二年。女真泛海。自登州來貢馬。重和元年。遣馬政從此道使女真。與約
攻遼。遂成宋室之亂。金明昌三年。尙書省奏遼東北京路。北京卽今廢大寧都司城米粟素饒。宜航海以達山東。因按
視近海諸處。置倉貯粟。以通漕運。元至元中。伯顏建議。海運皆取道登萊。大約自南直海州以至登州。
六百里而近。惟登萊三面島嶼環抱。幾及千里。若從利津至直沽。亦六百里而近耳。明朝洪武及永樂
初。轉輸遼薊。亦取道於此。詳川瀆海道既而海運廢。登萊至旅順之道亦禁絕。然南北兩岸漁販往來。動以
千艘。官吏不能盡詰也。嘉靖間。督臣王忬嘗請因其勢而導之。明開海禁。使山東之粟。方舟而下。則遼
東可無荒歉之患。詔從其請。時以爲便。未幾復罷。夫海道之險。不可不備。而海道之利。不可不繇。與時
推移。是在救時之君子哉。又海防攷。山東海防。惟在登萊二郡。而成山以東。白蓬頭諸處。危礁亂磯。伏
沙險湍。不可勝紀。故守禦較易。然自宋以前。日本入貢。皆自新羅趣山東。而元人海運。故轍亦出成山。
以東。風帆絡繹。渤海之險。未嘗不視爲坦途。豈可視爲泄泄。無思患預防之策乎。

其重險則有穆陵。

穆陵關在青州府臨朐縣東南百有五里大峴山上山高七十丈周迴二十里道徑危惡一名破車峴其左右有長城書案二嶺峻狹僅容一軌故爲齊南天險左傳管仲曰賜我先君履南至於穆陵晉養熙五年劉裕伐南燕慕容超召羣臣議公孫五樓曰吳兵輕果利在速戰宜據大峴使不得入曠日延時沮其銳氣然後簡精騎循海而南絕其糧道兗州兵緣山東下腹背擊之此上策也慕容鎮曰今出峴逆戰戰而不勝猶可退守不宜縱敵入峴自棄險固超不從裕過大峴燕兵不出裕舉手指天喜形於色曰兵已過險士有必死之志已入我掌中矣宋景平元年叔孫建攻青州刺史竺夔於東陽檀道濟自彭城赴援魏刁雍謂建曰大峴以南處處狹隘車不得方軌請據險邀之破之必矣建不聽道濟至臨朐建遂燒營遁又元嘉二十三年魏人寇兗青冀諸州何承天請徙三州新舊降附民三萬餘家於大峴南以實內地唐元和十二年李道古以淄青拒命引兵出穆陵關宋紹定中李全據淮安略金臨朐扼穆陵關今亦置戍守於此

按山東界兩都之中北走景滄南達徐邳東出遼海西馳梁宋爲輻輳之道春秋以及戰國大抵皆齊地也管仲對楚曰賜我先君履東至於海西至於河南至於穆陵北至於無棣季札以爲泱泱大風蘇秦以爲四塞之國也又黃歇說秦曰齊南以泗爲境東負海西倚河又楚人謂頃襄王王射囿烏於東

海。還蓋長城以爲防。蓋見沂水縣長城見平陰縣。朝射東莒。夕發貝邱。見博興縣。或曰謂清河之貝邱也。夜加卽墨。顧據午道。則長城之東

收。而泰山之北舉矣。韓非說秦曰。往者齊南破荆。中破宋。西服秦。北破燕。中使韓魏。地廣而兵強。戰克

攻取。詔令天下。濟清河濁。足以爲限。長城巨防。足以爲塞。齊五戰之國也。漢初酈食其曰。齊負海岱。阻

河濟。南近楚。雖數十萬師。未可歲月破也。田肯曰。齊東有琅邪。卽墨之饒。南有泰山之固。西有濁河之

限。北有勃海之利。地方二千里。持戟百萬。縣隔千里之外。齊得十二焉。此東西秦也。蓋三齊形勝。擬於

關中矣。彭氏曰。自古及今。天下有事。未嘗不起於山東。繇秦漢以迄宋元。可更僕數也。若其攻取大略。

彪炳史冊者。莫如樂毅。毅并護趙。楚。韓。魏之兵。爲燕昭王伐齊。敗齊兵於濟。西分魏師。以略宋地。部趙

師以收河間。身帥燕師。長驅逐北。遂入臨淄。又遣左軍渡膠東。東萊。前軍循泰山。東至海。略琅邪。右軍

循河濟。屯阿鄆。以連魏師。後軍并北海而撫千乘。以中軍據臨淄。而鎮齊都。六月之間。下齊七十餘城。

是也。次則莫如元季之察罕。元至正中。山東爲羣盜田豐等所據。察罕奮自草澤。旣克河南。乃分兵鎮

關。陝。荆。襄。河。洛。江。淮。而以重兵屯太行。旣而自陝抵洛。發并州兵出井陘。見直隸重險。遼沁軍出邯鄲。直隸廣平府屬。

澤潞軍出磁州。見河滑縣。懷衛軍出白馬。見直隸滑縣。與汴洛水軍俱下。身將鐵騎渡孟津。見河南南府。踰覃懷。見河南懷慶府。鼓

行而東復冠州東昌師至鹽河

見東阿縣馬頰河

遣精騎擣東平克之又克濟寧時大兵猶未合羣賊皆聚濟南

而出兵齊河禹城拒戰於是分遣奇兵取間道出賊後南略泰安逼益都北徇濟陽章邱中循濱海郡

邑乃自帥大軍渡清河破賊於臨濟

見歷城縣或作分濟

進逼濟南齊河禹城來降南道諸將亦敗益都兵於好

石橋

見益都

海濱郡邑皆來降濟南亦下乃圍益都會察罕爲降賊田豐等所殺其子擴廓代總其兵攻

益都拔之山東悉定明洪武初命徐達北討既下沂州遣使諭之曰聞將軍已下沂州若向益都當遣精銳扼黃河要衝斷其援兵可以必克若益都未下宜卽進取濟南濟寧二城既下益都以東勢力窮蹙如囊中物矣噫此廟算也

讀史方輿紀要

卷三十一

山東二

濟南府

東至青州府三百二十里。南至兗州府三百三十四里。西南至兗州府濟寧州三百六十六里。西至東昌府三百里。北至直隸景州四百五十里。自府治至京師八百里。

禹貢青州之域。春秋戰國並屬齊。秦屬齊郡。漢初屬齊國。

呂后初割齊之濟南為呂國。文帝初復故。

文帝分置濟南國。景帝改

為濟南郡。後漢仍曰濟南國。晉復為郡。劉宋兼置冀州。後魏改為齊州。兼置濟南郡。後齊後周皆因之。隋初郡廢州存。煬帝又改齊州為齊郡。唐復為齊州。天寶初年曰臨淄郡。三載改曰濟南郡。乾元初年復曰齊州。宋因之。亦曰濟南郡。興德軍節度。政和六年升為濟南府。金仍其舊。元曰濟南路。明初復改為府。領州四。縣

二十六。

府南阻泰山。北襟渤海。擅魚鹽之利。界河淮之中。誠肘腋重地也。春秋時諸侯爭齊。多在歷下。自戰國

以迄秦楚之際。歷下多事。則齊境必危。秦兵次歷下。而王建由亡。田廣罷歷下戰守備。而韓信得以收齊。其大較也。後漢初。耿弇攻張步。敗其軍於歷下。光武謂弇曰。昔韓信破歷下以開基。將軍攻祝阿而發迹。祝阿見禹城縣。此皆齊之西界。功足相方。蓋其地水陸四通。為三齊都要也。劉宋孝建三年。議移青冀。

二州併鎮歷城。言者多不同。垣護之曰。青州北有河濟。時青州鎮東陽。又多陂澤。非敵所向。每來寇掠。必繇歷

城。歷城北又近河。歸順者易。近息民患。遠申主威。此安邊上計也。議遂定。秦始皇三年。後魏慕容白曜攻歷城。未下。青州刺史沈文秀僞以東陽請降。魏司馬鄴範曰。東陽未可輕也。不若先取歷城。克般陽。即淄

川下梁鄒。平樂陵。宋儒樂陵郡置於故干乘地。在今濰光縣界。然後按兵徐進。不患其不服也。白曜從之。而青冀皆為所陷。范氏

曰。齊州當四達之衝。南不得齊州。則無以問河濟。北不得齊州。則不敢窺淮泗。西不得齊州。則無從得志於臨淄。東不得齊州。則無以爭衝於阿鄆。是故山東有難。齊州嘗為戰守之衝。

歷城縣。附郭。齊歷下邑。漢置歷城縣。屬濟南國。後屬濟南郡。或曰。晉永嘉初。白東平陵移郡治。此後因之。今編戶四十二里。

歷下城。在府城西。或以為即春秋時齊之鞏邑。成二年。齊晉戰於鞏。是也。其後謂之歷下。史記。晉平公元年。伐齊。齊靈公戰於歷下。徐廣曰。靡當作歷。又齊王述四十年。秦滅魏。兵次於歷下。漢三年。酈食其說齊王廣。罷歷下戰守備。韓信度平原。魏破齊歷。

下軍。因入臨淄。後漢建武五年，張步聞漢軍將至，使其黨費邑軍歷下。既而爲耿弇所敗。三齊記：歷下城南對歷山，城在山下。因名，俗亦呼爲子城。其後通謂之歷城。劉宋泰始四年，冀州刺史崔道固守歷城，魏將慕容白曜圍城。經年，拔其東郭，道固乃降。城邑攷：府城唐宋以來舊址也。洪武四年，築以磚石，環城爲池，有四門。東曰濟川，西曰灤源，南曰舜田，亦名歷山。北曰會波，成化後屢經修葺。今城周十二里有奇。

東平陵城

府東七十五里。春秋時譚國地也。莊十年，齊師滅譚，譚子奔莒。漢置東平陵縣，以右扶風有平陵，故此加東也。濟南郡治焉。後漢肅帝時，濟南城起，攻東平陵，晉初移郡治歷城縣。尋廢，後趙石虎建武八年，濟南平陵城北石虎一夜中自移於城東，虎以爲己瑞也。後魏亦置平陵縣，仍屬濟南郡。高齊廢。唐武德二年，復置，并置譚州治焉。貞觀初，州廢，縣屬齊州。十七年，齊州都督齊王祐據州叛，土人李君求等據縣不從，因改曰全節。元和十年，并入歷城縣。城址猶存，周二十餘里。又故譚城在府東南七十里。杜預曰：譚城在平陵西南是也。

平臺城

府東北三十里。漢置平臺縣，屬濟南郡。高帝六年，封東郡尉戴野爲臺侯，卽是城也。後漢曰臺縣，晉省。劉宋復置爲東魏郡。治後魏因之。魏收志：東魏郡治臺城，後遷歷城是也。寰宇記：後魏孝昌三年，濟南郡移治臺縣，齊天保中始還歷城。臺縣旋廢，或云故城近廢平陵縣北。又鮑城在府東三十里。志云：齊大夫鮑叔采邑也。叔牙是其後裔，傍有鮑山，俗傳爲管鮑分金處。

巨里城

府東七十里。亦曰巨合。漢武封城陽頃王子發爲巨合侯，卽此。後漢建武五年，張步將費邑守歷下，分遣其弟敢守巨里。敢奔進兵，先奪巨里。邑趨救，分兵守巨里。自引精兵上岡阪，乘高合戰，陣斬邑。城中危懼，遂下巨里。水經注：巨里三面有城，西有深坑，坑西卽耿弇營。郡國志：歷城有巨里聚，今爲龍山鎮，舊有遞運所，今革。龍山馬驛置於此。

歷山。

府南五里。俗謬爲舜所耕處。或以爲卽靡笄山。靡與歷相近也。春秋成二年。羣之戰。晉師從齊師至於靡笄之下。一名大佛頭山。山南有危石矗立也。亦名千佛山。又有廟山在府南十里。以上有舜廟而名。

華不注山。

府東北十五里。虎牙築立。孤峯特起。左傳成二年。齊晉戰於鞏。齊師敗績。晉逐齊侯。三周華不注山。下有華泉。卽蓬丑。父使齊頃公如華泉取飲處也。今澗司馬貞曰。華不注山一名靡笄山。又伏琛云。不音耐。與詩鄂不韡韡之不同。謂花

帶也。言此山孤秀如花附之。

著於水云。今亦名金輿山。

石固寨山。

府南五十里。下有馮馬巖。南有飄峯。鳳凰山。西有丁公嶺。東有虎山。山居其中。頗爲險固。昔人置寨於此。因名。今山上

有修真觀。又龍洞山在府東南三十里。山如重甌。上有東西二龍洞。東洞出萬仞絕壁。上有泉。昔人嘗避兵於此。其峯巖甚奇勝。○函山在府南二十里。卽泰山北麓也。一名臥佛。

山。又擇山在府北十里。童無樹木。有雙峯聳出。立如標。因名。

黃山。

府西南六十里。山周如城。岱陰諸谷之水。奔流至山。西匯爲池。周數畝。不溢而伏流。至城西出爲鈞突泉。

大清河。

府西北四十里。自齊河縣流入界。經府北。有聽水自南來入焉。亦曰響河。又東北過華不注山陰。又東逕下深壘。卽深水。舊

源發鈞突泉。俗名娥姜水。以泉源有舜妃娥姜廟也。經城北而東。大明湖自城北水門流合焉。又東北經華不注山陽。合華泉。又

東北入大清河。舊謂之深口。宋南渡後。深水分流入章邱縣界。爲小清河。明朝永樂以後。漸至埋塞。成化九年。嘗濬治之。自歷城

以東。直至樂安。而小清河復治。嘉靖十二年。小清河復塞。歷城西北百里間。積潦盤回。道多梗塞。乃復濬博興以

西。達於歷下。幾三百里。小清河復治久之。故道復淤。今小清河仍自華不注東北入大清河云。詳見前大川濟水。

大明湖

在府城內西北隅。源出歷下諸泉。匯而爲湖。周十餘里。蘇北水門出。流注小清河。一名四湖。通志云。深水北爲大明湖。一統志湖源出舜泉。今深水遶城北流而東。出不入城。舜泉在城內。止成一井。不流。惟北珍珠。灑灑諸泉。則在今德府中。

北流入大明湖耳。又舊時湖流浩衍。望華不注峯。如浸水中。今多爲居民墳墓。治圃環沼。僅存曲港。可通小舟。而蔬菜菱芡魚蟹之屬。甚爲民利。宋史景定二年。李璣以濟南來降。蒙古攻之。城將陷。璣乘舟入大明湖。投水中。水淺不得死。爲蒙古所殺。

鵲山湖

府北二十里。湖北岸有鵲山。因名。志云。深水自大明湖東北流。注華不注山下。匯爲湖。又東北流入大清河。爲齊劉豫自城北導深水東行。而鵲山湖瀕爲平陸。又灑灑湖在城內倚北。合北珍珠散水泉。灑灑泉。朱砂泉。匯流爲湖。周廣數畝。本名仄。

泉湖。元人

改今名。

巨合水

府東七十里。志云。源出章邱縣界之雞山。東源曰榆科泉。西源曰江水泉。北流各五里。許而合入小清河。故曰巨合水。水經注。巨合水北經巨合故城西。是也。今謂之龍山河。

趵突泉

在府城西南。一名爆流。平地湧出。蓋濟水伏流重發處也。曾鞏曰。泰山之北。與齊東南諸谷之水。西北匯於黑水灣。又西北匯於柏岸灣。而至渴馬崖。水之來也衆。其北折而西。悍疾尤甚。及至崖下。則泊然而止。自崖以北。至歷城之西。蓋五十里有。

泉湧出。高或至數尺。土人名曰趵突。齊人謂嘗有葉糠黑水灣者。而見之於此。蓋泉自渴馬崖潛行地中。至此復出也。其水冬溫。泉旁蔬甲。經冬長榮。故又謂之溫泉。其注而北。則謂之深水。達於清河以入海。○金線泉在城西。石鑿方池。泉亂發。其下東注城。灑灑散見底。波心南北有金線一道。隱起水面。因名。又珍珠泉在城中。有二。南珍珠近東偏。今塞。北珍珠泉在城東。迤北。今入德府中。泉瀑如珍珠。匯流入大明湖。又有舜泉及杜康醴泉。俱在城內。曾鞏曰。齊多甘泉。甲於天下。其顯名者以十數。而色味皆同。以予驗之。蓋皆深水之旁出者也。一統志濟南名泉七十二。趵突爲上。金線珍珠次之。餘者不能與三泉侔矣。

孝感泉。在城北相傳昔有孝子居此泉湧其旁因名其水溢為小渠與四望湖合流入城歷諸解署西入灤水寰宇記四望湖在歷城縣西二百步其水分流入城與孝感水合

堰頭鎮。府東北二十里亦曰下灤堰亦曰灤口即灤水入大清河處築堰以分其流因曰堰頭堰南即小清河也今仍為交流之所有巡司戍守

賴亭。在府東近章邱縣界後漢志注菅縣有賴亭左傳襄六年公如賴哀六年齊侯陽生使胡姬以安孺子如賴十年晉趙鞅伐齊毀高唐之郭及賴而還即此

章邱縣。府東百十里東北至鄒平縣六十里東至長山縣百里春秋時齊高唐地漢為陽邱縣地屬濟南郡後漢省高齊移高唐縣治此隋開皇十六年改曰章邱大業九年羣賊王簿等攻章邱齊郡丞張須陀擊敗之唐初縣屬譚州貞觀初州廢改屬齊州宋

因之景德三年置清平軍今軍廢改屬濟南府今編戶一百里

陽邱城。縣東南十里漢縣治此文帝封齊悼惠王子安為侯邑後漢縣省又樂盤城在縣南二十七里樂盤山下相傳齊孝王為平陵侯時與陽邱侯錢送處也又縣北七十里有新城或以為劉宋大明中僑置屬高陽郡後魏因之高齊廢

菅城。縣西北三十里漢菅縣屬濟南國菅音奸景帝封齊悼惠王子罷軍為侯邑後漢亦為菅縣菅省述征記歷城至菅城二十里自城以東水彌漫無際南則迫山實為險固唐武德初亦嘗置菅城縣八年省入平陵通志故菅城在章邱臨濟鎮北述征記

似快又管平城亦在縣西漢宣帝封趙充國為管平侯邑於此漢表邑在濟是也或以管城當之謬矣志云管城今名水寨

朝陽城。縣西北六十里漢縣屬濟南郡高帝封華寄為侯邑宣帝時封廣陵厲王子舜於此後漢曰東朝陽以南陽郡有朝陽故此加東也管因之改屬樂安國後魏仍曰朝陽縣屬濟南郡後齊廢隋復置開皇十六年改曰臨濟又別置朝陽縣大業初復

井入臨濟。唐初置鄆州。武德八年州廢。縣屬譚州。貞觀初。改屬齊州。宋初因之。咸平中。廢爲臨濟鎮。又有崔氏城。杜預曰。在東朝陽縣西北。左傳襄二十七年。崔成請老於崔氏。卽此。通志云。崔城在縣西北二十五里。○獺城亦在縣西。漢置獺縣。屬濟南郡。武帝封趙敬肅王子啓爲侯邑。後漢省。

亭山城

縣西南六十里。漢東平陸縣地。宋元嘉五年。析置衛國縣。後魏廢。北齊復置。隋改曰亭山。屬齊州。唐因之。元和十五年廢。今其地有亭山。蓋隋因以名縣。又通志。縣東北三十里有古寧威城。

長白山

縣東三十里。跨鄆平。長山。淄川。三縣界。抱樸子。長白乃泰山之副嶽。繡江源發於此。高二千九百丈。周六十里。山中雲氣長。白因名。亦名會仙山。孤秀帶鬱。獨壓衆山。後魏書辛子馥傳。長白山連接三齊。多有盜賊。子馥受使檢覆。因辨山谷要害。宜

立鎮戍之所。又諸州豪右在山鼓鑼。姦黨多依之。得密造兵仗。於是請被罷諸治。從之。又建明初。齊州刺史蕭贊爲城民趙洛周等所逐。入長白山。隋大業七年。鄆平民王簿等擁衆據長白山。攻剽諸郡。九年。賊帥左才相自號博山公。據長白山。蓋自昔爲深險處。○蠻山在縣東二十五里。一名蠻堂。崩達淄川。鄆平。二縣界。相傳鄭元著書處。元史張榮傳。金末。山東羣盜蜂起。榮率鄉民據蠻堂。嶺拒守處也。

龍盤山

縣南十八里。山綿亘甚遠。西接歷城界。縣西南二十八里。曰東陵山。與龍盤山岡脈相接。莊子。盜跖死利於東陵之上。卽此。○危山在縣西南四十里。漢景帝時。齊孝王與吳楚通謀。自殺。葬於此山之巔。俗呼爲鐵墓。又雞山在縣西南四十里。下有

雙柳泉。齊記。衛國縣雞山。巨合水所出也。又女郎山。志云。在縣北一里。頂有三陽洞。甚深。遼三齊記。章亥妾溺死葬此。謂之章邱縣因以名。

湖山

縣南五十里。高深可避兵。俗呼爲湖塞。又趙山在縣西南六十里。山有四峯對峙。下可通行。俗名四門山。其相近者曰虎山。積石巖。狀若虎踞。山半有拔注泉。又冶山在縣西南六十里。唐時治鐵於此。因名。

長城嶺

縣南九十里。與萊蕪縣接界。志云。嶺間有古長城。昔齊宣王所築。以禦楚寇。西接平陰。東距大海。又分水嶺。在縣東南三十里。其水自嶺上東西分流。又東南四十里曰天倉嶺。旁有趙八洞。虛若斗室。外有井泉。昔樵人趙八居此。因名。○黑牛嶺在

縣南百餘里。高峻深遠。多產巨木。又縣南八十里曰龍堂洞。洞有二。東曰東龍洞。頗高。廣西曰西龍洞。深數里。中有盆石泉。

小清河

縣北三十里。自歷城縣流入界。會清河。濼河。入鄒平縣境。今故道淤塞。仍自府東北入大清河。惟縣東北三十五里柳塘口以東爲濼河所經之道。

潔河

縣東北七里。一名濼河。又名楊緒水。水經注所云楊緒溝也。源出長白山之王村谷。西北流。至柳塘口。經小清河故道。流入鄒平。長山新城界。會孝婦河。東流入海。水經注。潔水東北至千乘入海。此蓋齊乘所載之濼河。非古潔河也。

清河

縣東一里。卽濼江也。亦出長白山。合百脈泉及東西二麻灣泉。西北流。匯爲白雲湖。北流入小清河。○瓜漏河在縣西南七里。源出西南北里山峪中。東北至明杜莊之石厓。泊然而止。土人名其處爲滲水灣。夏秋積雨。羣蛤之水來。匯溢至城南五里。會

於清河。旣鬻。則枯涸如故。故曰漏河。又巨合水。在縣西南四十里。俗名雙女泉。北合武原水入濟。武原水卽江水泉也。詳見歷城縣。

白雲湖

縣西北七里。周六十里。俗名劉郎中泊。流合小清河。湖中多魚藕。莢茨蒲葦之利。洪武中設河泊所於此。尋革。

百脈泉

在縣南三十里。明水鎮。水經注。百脈水出土鼓縣故城西。源方百步。百泉俱發。因名。西北流。逕陽邱縣故城中。又西北出城。北逕黃巾固。東北注於濟。今泉出縣南明水鎮。逕縣東關。合於清河。又分流至濟陽城東北入大清河。曾鞏云。歷下諸泉皆

岱陰伏流所發。西則趵突爲魁。東則百脈爲冠。泉之西北曰淨明泉。流爲東麻灣。又西有泉。流爲西麻灣。俱北流。入於清河。

黃巾固

在縣城北。後漢末黃巾保聚於此。齊人謂壘堡爲固。晉太元十二年。後燕慕容紹爲督平原太守。辟閭渾所逼。自歷城退屯黃巾固。燕王垂因置徐州於此。使紹鎮焉。亦謂之黃巾城。宋白曰。北齊天保七年。移高唐縣治黃巾城。隋改爲章邱。以縣東

南有章邱而名。

鄒平縣

府東北百七十里。東至長山縣二十里。漢置鄒縣。屬濟南郡。後漢曰鄒平。晉復曰鄒縣。屬樂安國。後廢。北齊置平原縣。隋開皇十八年。復曰鄒平。屬齊州。唐初屬譚州。尋置鄒州於此。領鄒平。長山二縣。貞觀初州廢。縣屬淄州。宋因之。改屬濟南路。今編戶

五十里。

東鄒城

在縣東北。漢置東鄒縣。屬千乘郡。後漢省。又鄒平故城。在縣西南二十五里。俗名趙臺城。志云。漢唐時縣皆治此。今縣城本唐景龍初析高苑地所置濟陽縣也。元和十五年。復省入高苑。宋景德初移縣治此。○平原城在縣東十二里。志云。劉宋時

儒置平原縣於此。屬東平原郡。後魏因之。高齊移於今治。今爲平原莊。又濟南城。在縣北十五里。志云。在長山縣西北。隋開皇十六年。置濟南縣。屬齊州。大業初省入長山縣。又縣北十八里有濟南郡城。志云。漢郡治也。後漢書注。濟南故城。在今長山縣西北。此。卽

梁鄒城

縣北四十里。漢縣。屬濟南郡。高帝封功臣武虎爲侯邑。後漢亦曰梁鄒縣。晉省。宋置梁鄒城。元嘉二十八年。齊州民司馬順則自稱晉裔。聚衆號齊王。乘虛襲梁鄒城。青冀二州刺史蕭斌遣振武將軍劉武之等擊平之。孝建二年。置平原郡。兼置幽

州治焉。泰始三年。幽州刺史劉林賓守梁鄒。不附魏。是也。後魏亦爲東平原郡。治隋初郡縣俱廢。今爲孫家鎮。牛屬齊東縣。

長白山。縣西南十里。與章邱、長山、淄川三縣接界。志云：山下有澹山深。在縣西十五里。下流入小清河。又鬻堂嶺在縣西南三十三里。與章邱縣接界。

大峪山。縣西南十五里。高廣幽深。中多良田。嘉木。志云：縣東南曰黃山。上有虎頭巖。土色多黃。因名。又縣南十三里有觀砧山。峯巒尖削。狀如觀砧。縣西南三十里。又有鳳凰山。以山形如鳳。亦名。

小清河。縣北十三里。自章邱縣流入。又東入長山縣界。今淤。志云：縣西澹山泊。即小清河鍾水之處。

孝婦河。在縣東。源出青州府益都縣之顏神鎮。流入淄川縣界。又北逕長山縣西。又北至縣東。蒙河入焉。蒙河俗曰沙河。源出大峪山。經縣西一里。流合孝婦河。又北逕新城縣西。又北至高苑縣南。合於小清河。亦謂之龍水。又謂之龍水。輿地志：戰國時齊

人顏文妻事姑孝。常遠汲以供姑嗜。一旦甘泉湧於室內。常以續籠蓋之籠發而泉湧。因名龍水。集異作顏文姜謨。

鄒關。縣西北十三里。昔常置關於此。今廢。○青陽店在縣西三十里。有青陽店馬驛。兼置遞運所於此。今遞運所革。

臨河鎮。在縣西。臨小清河。宋明道二年。廢淄川臨河鎮。以避水患。蓋是時大河自東平溢入小清河。爲東方患也。又孫家鎮在縣北三十里。

淄川縣。府東二百三十里。東至青州府百十三里。漢般陽縣。屬濟南郡。後漢屬齊國。晉省。劉宋備置清河郡。及貝邱縣。後魏因之。曰東清河郡。北齊罷郡。以縣屬齊州。隋初因之。開皇十六年。置淄州。十八年。改貝邱縣曰淄川。大業初。州廢。縣屬齊郡。唐初復置淄

州。天寶初曰淄川郡。乾元初復故。宋因之。元曰淄萊路。尋改爲般陽路。國初曰般陽府。洪武九年。改爲淄川州。以州治淄川縣。省入屬濟南府。十二年。降爲縣。今編戶六十里。

般陽城。

在縣治西。漢縣也。應劭曰：縣在般水之陽。因名。般亦作盤。劉宋改置貝邱縣。泰始二年，青州刺史沈文秀舉兵，應晉安王子助清河、廣川二郡太守王元邁據盤陽。應建康三年，冀州刺史崔道固遣其屬房靈寶戍盤陽。別將房法壽襲據之，降於魏。

磐與盤通也。魏收志：劉宋

置東清河郡於盤陽，卽此。

士鼓城。

縣西五十里。漢置士鼓縣，屬濟南郡。後漢因之。晉省。劉宋復置，仍屬濟南郡。後魏因之。高齊省，或譌士穀城。水經注：百脈泉出士穀城西，謂此也。○達陟城在縣西南四十里。劉宋置縣，屬濟南郡。後魏因之。北齊省。志云：縣西南六十里有反蹤城，相

傳齊景公失馬，循蹤逐之於此。因名。三國魏景初三年，以遼東沓氏縣

吏民渡海來歸，因僑置新沓縣於此，亦謂之新沓城。晉山濤封邑也。

昌國城。

縣東北三十五里。本名昌城，齊邑也。趙世家：惠文王二十五年，攻齊昌城。高唐取之。其後燕昭王以封樂毅，城爲昌國君。漢置昌國縣，屬齊郡。晉宋及後魏因之。北史：魏孝昌三年，清河民房頃作亂，據昌國城。時東清河郡治般陽也。高齊時縣廢。又

萊蕪故城，在縣東南六十里，或云漢縣蓋置

於此。又縣南有古長城，戰國時齊所置云。

夾谷山。

縣西南三十里。一名祝其，又謂之甲山。其陽卽齊魯會盟處。明水出焉。左傳：定十年，公會齊侯於祝其。實夾谷，卽此地也。○崑崙山在縣西南二十里。山形如轂輪，又萬山在縣南三十里。羣山環遶，其左右因名。

原山。

縣南九十里。西去萊蕪縣七十里。一名岳陽山。又東接益都縣界。淄水出其陰，汶水出其陽。又摘星山在縣東南三十里。山最高聳，因名。縣東十里又有梓潼山，上有鬼谷洞，或云卽鑿山也。有古井，雖旱不涸。○浮山在縣北二十里。山勢特立如浮，又縣

西北二十五里有明山，山

下有水，澄澈見底，因名。

孝婦河。在縣西門外。自益都縣流入。謂之籠溪水。合瀧萌二水北流。入長山縣界。詳見上鄒平縣。

淄水。縣東南七十里。源出原山。志云。出顏神鎮東南二十里岳陽山東麓。亦曰泉河。東北流至縣界。入青州府境。又般水在縣南十五里。一名左阜水。出縣東南二十里龍泉鄉。分二支。北流入孝婦河。又瀧水出縣西南二十里之冲山。東北流會明水。明水亦曰萌水。出縣西南夾谷山。東流入於瀧水。

龍泉水。縣東南二十五里。源出縣西南八里之倉龍峽。下流入小清河。又豐水出縣東北三十五里之豐泉鄉。下流亦入小清河。

徐關。在縣西。春秋成二年。齊師敗於鞏。齊侯自徐關入。又十七年。齊侯與國佐盟於徐關而復之。是也。舊志。縣有古徐關。

長山縣。府東北二百里。東至青州府百三十五里。漢於陵縣地。屬濟南郡。後漢屬濟南國。晉廢。劉宋僑置廣川郡及武強縣於此。後魏因之。後齊又改廣川郡曰東平原郡。併東清河平原二郡入焉。隋初郡廢。縣屬齊州。開皇十八年。改縣曰長山。唐初屬鄒州。武德八年。州廢。縣屬淄州。宋因之。元初改屬濟南路。尋復舊。明朝洪武十二年。又改今屬。編戶六十三里。

於陵城。縣西南二十里。本齊邑。陳仲子所居。漢置縣治此。後漢建武中。改封侯霸子昱為於陵侯。尋復為縣。晉改曰烏陵。旋廢。魏收志。逢陵縣治故於陵城。或曰。後魏改置縣於此也。

廣川城。在縣東南。東晉僑置廣川縣。屬齊郡。劉宋改屬廣川郡。後魏仍屬齊郡。東魏天平二年。以封延之代侯瀾為青州。瀾失州任。而懼行及廣川。遂及夜襲青州南郭。不克。尋走死。魏收志。廣川縣有牛山。蓋與臨淄縣接壤。後齊以廣川縣并入武強。又苑

城在縣北二十里。相傳齊桓

公築苑於此。舊有苑城店。

長白山。

縣西南三十里。縣以此名。今詳見上鄒平縣。○米山在縣南三十里。相傳齊桓公積土於此。爲虛糧。以示敵處也。又有太湖山。在長白山南。

小清河。

縣西北三十里。又東入新城縣界。又孝婦河在縣南門外。自淄川縣流入。又北入鄒平縣界。

乾溝河。

在縣西南。出長白山。東流入孝婦河。又泔河出縣南米山。流至城南。亦入孝婦河。又縣西有魚子溝河。水經注。其水出長白山。東謂之仰泉。即陳仲子所隱處。經於陵故城西。又北注孝婦河。○系水在縣北。出苑城店。流經新城縣界。入於烏河。

于亭。

在縣西。杜預曰。於陵縣西北有于亭。齊夫子邑也。陳桓子以封齊公子周。○白山馬驛在城北門外。舊置遞運所於此。今革。

新城縣。

府東北三百二十里。東至青州府高苑縣九十里。本長山縣地。元析置新城縣。屬般陽路。明初改今屬。編戶四十二里。

會城。

縣東北五十里。與高苑縣接境。或謂之高會城。隋因改置會城縣。即今高苑縣也。或曰隋會城縣嘗治此。

馬公山。

縣東南三十里。又東南五十里有羅山。狀如羅城。因名。其相接者曰四角山。遙望四方。似有頭角之勢。又東爲鐵山。前代嘗設官採鐵於此。

小清河。

在縣北。自長山縣流入境。又東北入高苑縣界。○孝婦河在縣西北二十五里。亦自長山縣流入。又東北入高苑縣界。

烏河。

縣東三十里。源出益都縣矮槐樹山。自臨淄縣流入境。即時水也。亦名彰水。又北入小清河。又潯淄河在縣東南。源出鐵山。自張店至索鎮店。西南入烏河。

魚龍灣。

在縣東北四十里。或曰。卽馬常坑也。水經注。潯水東北爲馬常坑。坑東西八十里。南北三十里。亂河支流而入海。河海之間。於茲爲最。今潯水湮絕。魚龍灣卽小清河所匯。○清沙泊在縣西北二十五里。又有麻大泊。在縣東北五十里。爲鍾水之區。

索鎮店。

在縣東南。與青州府臨淄縣接界。志云。臨淄西安故城。亦謂之索鎮。其地相近也。時水經此。可通舟楫。

齊河縣。

府西五十里。西北至禹城縣七十里。本禹城縣之齊河鎮。金大定八年置縣。屬濟南府。元屬德州。明初改今屬。編戶二十七里。

晏城。

縣北二十五里。志云。齊晏嬰采邑也。今縣治南有晏城馬驛。蓋以此城名。又高唐城在縣西六十里。卽齊西邑也。孟子。絛駒處於高唐。謂此。今見禹城縣。

大清河。

在縣東門外。自長清縣流入境。又東北入歷城縣界。○徒河。志云。在縣北八十里。卽古徒駭河也。東北流入海。又有鬲津枯河。自縣境經禹城平原。德州德平樂陵。東北至海豐縣入海。今皆湮廢。

耿濟鎮。

在縣東一里。後漢建武五年。耿弇拔祝阿。遂渡濟水向歷城。鎮因以名。今有耿濟渡口。在大清河上。宋改鎮曰齊河。云。○野井亭在縣東濟河北岸。春秋昭二十五年。齊侯唁公於野井。漢書。祝阿縣有野井亭。蓋其地舊屬祝阿也。

齊東縣。

府東北百八十里。本鄒平縣地。宋於縣之趙巖口置齊東鎮。金初。劉豫置夾河巡司於此。元改鎮爲齊東縣。屬河間路。明初改今屬。編戶四十六里。

魏王城。

縣西南三十里。俗傳魏王李密所築。非也。水經注。魏泰常七年。安平王鎮平原。築此。因名。太和二十三年。罷鎮爲平原郡。治於此。今故址猶存。又縣西二里。延安鎮有延安城。或曰。南燕時所築。又有齊東舊城。在縣治東大清河東岸。遺址尙存。

大清河

在縣北一里。自濟陽縣流入。又東入青城縣界。○減水河在縣東二里。明朝成化間開濬。自西南引白雲湖。流經專家渡口。由馬家窪入大清河。志云。馬家窪近小清河。與白雲湖相接。一遇水潦。湖水即通小清河。而瀾漫於馬家窪。民田多被其患。

因鑿渠以泄之。大清河而滄池變爲膏腴矣。又壩水河在延安鎮西二里。亦成化間開濬。以泄歸蘇鎮水潦。南引白雲湖。經鄒劉二津。北注大清河。

濟陽縣

府北九十里。東至齊東縣百里。本章邱縣之標竿鎮及臨邑縣地。金天會七年。始析置濟陽縣。以在濟水北也。屬濟南府。元屬濟南路。今編戶四十五里。

新市城

縣西六十里。故邾國地。或曰。南北朝時。嘗僑置中山國之新市。縣於此。尋廢。又縣西二十五里有郛城。志以爲春秋時邾國也。

大清河

在縣南門外。自臨邑縣流入境。又東北入齊東縣界。志云。縣北有馬頰枯河。又東北接商河縣界。

聞韶鎮

在縣東北三十里。相傳孔子聞韶處。有聞韶臺。

禹城縣

府西北百里。西北至平原縣七十里。春秋時祝國。祝黃帝後也。後爲齊之祝柯邑。柯與阿通。漢置祝阿縣。屬平原郡。高帝封功臣高色爲侯。色後漢亦爲祝阿縣。晉改屬濟南郡。劉宋屬太原郡。後魏因之。隋屬齊州。唐仍舊。天寶初。改曰禹城縣。以縣西有

禹息城而名。宋仍屬齊州。元改屬曹州。明朝洪武二十年。改今屬。編戶五十六里。

祝阿城

縣西南十七里。禮記。武王封黃帝之後於祝。春秋時曰祝柯。襄十九年。諸侯盟於祝柯。傳云。諸侯還自沂上。盟於督揚。督揚即祝柯也。漢爲祝阿縣。後漢建武五年。耿弇討張步。步使其黨費邑。單歷下。又分兵屯祝阿。別於泰山。鍾城。列營數十以待。

奔奔渡河先擊祝阿。自旦攻城未中而拔之。故開圍一角令其衆得奔歸。鍾城人聞祝阿已潰大恐懼遂空壁亡去。晉亦爲祝阿縣。太元十三年泰山賊帥張願帥萬餘人屯祝阿之瓮口是也。隋大業十一年涿郡賊盧明月寇祝阿齊郡通守張須陁大破之。唐曰禹城。乾元二年史思明侵河南守將李銳於長清縣邊家口決大河東至縣。縣因淪陷移治於遷善鎮。卽今治也。宋白曰故祝阿城在今長清縣豐齊鎮北二里。

高唐城。縣西四十里。春秋時齊邑。杜預曰高唐在祝阿西北是也。襄十九年齊夙沙衛奔高唐以叛。慶封圍高唐弗克。高唐人殖綽。工僕會夜縋納師。師圍於軍二十五年。祝陀父祭於高唐。昭十年齊景公母穆孟姬爲陳無宇請高唐。陳氏始大。又哀十年。

趙鞅帥師伐齊。取犂及轅。毀高唐之郭。孟子絛駒處高唐是也。史記齊莊公初晉伐齊。至高唐。又趙肅侯六年攻齊拔高唐。齊威王三十四年與魏惠王會。威王曰吾臣有盼子者使守高唐。趙人不敢東漁於河。又魯仲連謂田巴。今楚軍南陽。趙伐高唐者也。漢改置高唐縣。今見高堂州。

轅城。在縣西北。一云在縣南百里。亦春秋時齊邑也。左傳哀十年晉趙鞅伐齊。取犂及轅。杜預曰祝阿西有轅城。漢置瑗縣。屬平原。郡後漢省。○斗城在縣西南。晉太元中張願屯祝阿之瓮口。後燕慕容隆討之。至斗城去瓮口二十餘里。還擊願大破之。是也。

○鍾城在縣東南百餘里。後漢建武中耿弇討張步。拔其祝阿。鍾城聞之。遂潰走。胡氏曰鍾城在泰山郡界。故曰泰山鍾城。劉宋景平元年魏人侵兗州。毀鍾城。以立封疆。而還。卽此。

漯水。縣西二里。禹貢浮於濟。漯達於河。漢志注。漯水出東武陽。其下流蓋經此。今涸。又黃河舊志云在縣南七十里。自長清縣流入。又東北入臨邑縣境。東武陽詳見朝城縣。

瓮口戍。在縣南。卽後燕慕容隆破張願處。三十國春秋。隆兵至斗城。願兵奄至。隆擊却之。謂慕容德曰。願乘人不備。宜得大捷。而我士卒以懸隔河津。勢迫之。故人思自戰。故能却之。遂進戰於瓮口。願敗走。蓋斗城在河津之南。而瓮口又在斗城東南也。○

劉普馬孺舊置於縣西十五里成化十一年遷於縣治南

臨邑縣

府北百五十里西至德州德平縣七十里漢縣屬東郡晉屬濟北國劉宋屬魏郡後魏屬東魏郡隋屬齊州唐初屬譚州貞觀初州廢仍屬齊州宋因之元屬河間路明初改今屬編戶三十二里

臨邑城

縣北三十五里城周七里漢縣治此後漢永平初封北海興王子復爲侯邑其後復爲縣治隋大業九年齊郡丞張須陁擊賊王簿於泰山賊敗走渡河須陁追敗之於臨邑唐亦爲臨邑縣治宋建隆初河決公乘渡口縣城壞三年移縣治孫耿鎮

即今治也

著城

縣東南五十里秦縣史記曹參戰濟北郡攻著又漢書灌嬰收著漯陰平原高盧此卽著也漢亦爲著縣屬濟南郡晉宋及後魏因之北齊省○漯陰城在縣西十里本齊之鞏邱邑左傳哀十年晉趙鞅伐齊取鞏及穀二十二年晉荀瑤伐齊戰於鞏邱

齊師敗績其地亦名曰隰是時知伯親擄顏庚陳成子召庚之子曰隰之役而父死焉杜預曰鞏邱隰也漢置漯陰縣屬平原郡應劭曰縣在漯水之南因名後漢曰隰陰或曰漯亦音他合反然則左傳之隰漢書之漯或皆傳寫之譌當以濕爲正也建安八年袁譚將劉詢起兵漯陰以叛譚漯亦當作濕晉縣省石趙復置濕陰縣宋武平廣固嘗僑置青州於此尋廢

阿陽城

在縣南漢縣屬平原郡後漢省應劭曰漯陰縣東南九十里有阿陽鄉故縣也○歸化城在縣西唐志元和十三年析臨邑及安德二縣地置歸化縣太和四年復省入臨邑

舊黃河

縣西南四里志云縣南二十里有小河故大河支流也隄岸陡峻支分八道又鉤盤河在縣西北二十里今爲盤河店志云舊自德平縣流入經縣東五十里盤河店又東至樂陵縣南入海今埋

四瀆津

在縣東接臨濟廢縣境水經注河水東北逕臨邑縣又東北流經四瀆津西岸側臨河有四瀆祠以自河入濟自泗入淮自淮達江水徑周通故有四瀆之名後魏普泰二年高歡入鄆爾朱世隆在格謀拒歡使齊州行臺尚書房謨募兵趣四瀆又使其弟青州刺史弼趣般城揚聲北渡爲犄角之勢既而世隆敗引還般城見德平縣或譌爲亂城今津流遷改故迹已埋

鹿角關

縣北十五里舊有鹿角津大河所經也唐置關於此周圍四里

長清縣

府西南七十里又西南至肥城縣九十里漢盧縣地屬泰山郡後漢屬濟北國晉因之劉宋及後魏俱屬濟北郡隋置長清縣屬濟州因界內清水爲名唐屬徐州宋因之元屬泰安州明初改今屬志云郡所轄州縣俱土城正德十一年惟縣城鑿以石

今編戶四

十四里

長清故城

縣東南三十里春秋時石窰邑也窰音幼左傳成二年齊侯以辟司徒之妻爲有禮與之石窰卽此隋初爲盧縣之長清鎮尋置縣於此宋至道二年移縣治刺榆店卽今治也

盧城

縣西南二十五里春秋時齊邑齊公子僕食采於此左傳隱三年齊侯鄭伯盟於石門尋盧之盟也成十七年齊高弱以盧叛襄十八年晉趙武韓起以上軍圍盧二十九年齊高堅又以盧叛戰國時謂之博陽以在博關南也項羽封田安爲濟北王都城頭子路和帝永元二年復分泰山置濟北國治此晉因之劉宋亦爲濟北郡治後魏兼置濟州隋初郡廢州存大業初復曰濟北郡唐仍爲濟州天寶初曰濟陽郡皆治盧縣十四載郡縣俱廢五代周改置濟州於鉅野卽今濟寧州而盧縣遂廢博關見後博平縣

碣磈城。在縣西北。沈約宋書作敵。今讀曰敵。慮縣北一里有碣磈津。津有城。故以爲名。晉永和八年。姚弋仲死。子襄帥其衆屯碣磈津。太元九年。謝元北伐。遣劉牢之據碣磈。十一年。慕容垂遣慕容德等攻東阿。濟北太守溫詳遣從弟寧守河南岸。子

楷守碣磈。以拒之。垂遣別將闡汗等於碣磈西四十里。濟河。詳等皆南遁。義熙十三年。劉裕伐秦。引軍入河。以向彌爲北青州刺史。留成碣磈。宋永初三年。魏將周畿等南寇。渡河軍於碣磈。明年。魏人立濟州中城於此。元嘉七年。遣到彥之等經略河南。取魏碣磈。所謂河南四鎮之一也。尋復沒於魏。二十二年。魏主濬發冀州民造浮橋於碣磈津。二十七年。復伐魏。前鋒申元吉趣碣磈。取之。青冀二州刺史蕭斌等守碣磈。使王元謨進屯滑臺。既而元謨自滑臺遁還。斌欲固守碣磈。沈慶之曰。今青冀虛弱而坐守窮城。若敵衆東過。清東非國家有也。斌乃使元謨戍碣磈。引軍還歷城。明年。江夏王義恭以碣磈沙城不堪守。召元謨令毀城還歷城。魏人追擊敗之。遂取碣磈。二十九年。復遣軍北伐。張永等分道向碣磈。攻圍歷時不能拔。敗還。自是碣磈遂沒於魏。魏太和二十年。如碣磈。命謁者僕射成淹具舟楫。欲自泗入河。泝流還洛。正光四年。濟州刺史刁宣復築碣磈外城。後周武帝平齊。又築第二城。卽碣磈中城也。尋又於碣磈津置關。曰濟州關。隋末關廢。唐天寶十三載。濟州郡縣皆圯於河。其後河流遷徙。碣磈遂成平陸。水經注。碣磈城。本漢東郡莊平縣故城。其城臨水。西南隅崩於河。後更城之。魏置濟州治。此河水衝其西南隅。又崩於河。通典。唐濟州治。卽古碣磈城。胡氏曰。城西南有津。卽碣磈津云。

山在城

縣東北三十里。漢在縣。屬泰山郡。後漢因之。在讀曰淄。晉爲山在縣。仍屬泰山郡。升平三年。慕容儁以買堅爲泰山太守。屯山在。晉將荀羨擊破之。太元中。改屬濟北郡。劉宋屬太元郡。後魏因之。隋廢。唐復置。屬齊州。天寶初。改曰豐齊縣。元和十五年。以戶口凋殘。并入長清。五代時。置豐齊驛。梁敬翔編年錄。豐齊驛在濟州東南三十里。謂此。今曰豐齊鎮。鎮北二里。卽祝阿故城云。○濟北縣。在縣西三十里。隋開皇十四年。置時平縣。屬濟北郡。大業初。改曰濟北縣。貞觀初。省。

升城

在縣東北。舊戍守處也。晉義熙中。僑置太原縣於此。屬泰山郡。劉宋元嘉十年。割濟南泰山郡。立太原郡。治太原縣。屬青州。後兼置并州於此。泰始三年。并州刺史房崇吉守升城。不附魏。爲魏將慕容白曜所陷。後魏曰東太原郡。魏收志。東太原郡。太原

縣俱治升城是也。水經注太原郡治山在壩北。後齊郡縣俱廢。○鼓城在縣西。戰國時齊邑。國策所云齊聞此必效鼓是也。魏收志盧縣有鼓城。

垣苗城

在縣東北。水經注濟水自平陰縣城西。東北逕垣苗城。西本名洛當城。當河濟之會。宋武西征。令垣苗鎮此。因名。宋泰始三年。肥城垣苗糜溝等戍皆不附魏。既而為魏將慕容白曜所陷。魏收志垣苗糜溝二城在東太原郡太原縣界。

馬防城

在廢盧縣東。通典漢臨邑縣故城治此。宋武帝立東魏郡。初治馬防城。後改治臺縣城。云又石塞城在縣西南。南燕時戍守要地也。晉義熙二年。南燕西中郎將封融奔魏。與羣盜襲石塞城。殺鎮西大將軍餘鬱。國中震恐是也。

隔馬山

縣東南六十里。春秋襄十八年。晉師伐齊。齊師遁。殖綽郭最代闞人夙沙衛殿衛。怨二子殺馬於隘。以塞道。欲使晉師得之也。後人因以名山。水經注謂之隔馬山。

青崖山

在縣東南四十里。岡巒綿邈。崖谷長青。有南沙河水。與七僊泉白石泉諸水合流其下。宋嘉定十三年。金長清令嚴實聚衆結砦於此。太行以東實為雄長。一名青崖。猶稱西北曰五峯山。岡阜環合。泉石甚勝。

方山

縣東南九十里。即水經所云玉符山也。四面方正。因名。峰巒高聳。泉流環遶。東南有琨珞谷。符秦時沙門僧朗隱此。亦曰朗公谷。山北有靈巖寺。唐李吉甫十道圖以潤之樓靈臺之國。清荆之玉泉。與此為四絕者也。唐書麟德二年。發靈巖頓至泰山下。

金史靈巖寺有屋三百餘間。且連接泰安之天聖寨。介於東平益都之間。駐兵於此。足相應援。元初泰安張汝楫據靈巖。以拒蒙古之兵。是也。山頂有六泉。皆甘冽。又雞鳴山在縣東八十里。志云靈巖寺西山口也。

大清河

在縣西南二十里。自平陰縣流入境。又東北入齊河縣界。即濟水也。左傳隱三年。齊鄭盟於石門。鄭伯之車償於濟。蓋在縣界。

南沙河

縣南二十里。源出隔馬山。西北注於大清河。亦謂之沙溝水。劉宋大明二年。魏兵攻清口。宋時龐孟蚪等敗魏兵於沙溝。水經注中川水與賓溪水合。北流經盧縣故城。東又北流入濟。俗謂之沙溝也。清口見汶上縣。

豐齊河。縣東北三十里。自泰山北下柳塘。鄆泉諸溪水會而成流。經馮馬崖。又西北經豐齊鎮。至縣北。入大清河。又耿家阪。在縣西北三十里。周三十里。下流入大清河。

濟州關。在縣西。卽礪礪津也。高齊末。齊主緯自鄆走濟州。復走青州。遣高阿那肱守濟州關。周師至。阿那肱以關迎降。卽此。餘詳礪礪城。○石都寨在縣東南七十五里。有巡司戍守。

清亭。在縣東。春秋隱四年。公及宋公遇於清。哀十一年。齊伐我及清。杜預曰。盧縣東有清亭。以清水所經。而名。水經注。濟水自魚山北。迤清亭。京相璠曰。東阿東北四十里有清亭。蓋亭在東阿。盧縣間也。

石門。在縣西南。春秋隱三年。齊侯。鄭伯。盟於石門。京相璠曰。石門。齊地。今盧縣故城西南六十里。故石門。去水三百步。蓋水瀆流移。石門舊在岸側也。今圯於河。○廣里在縣西南。志云。平陰城北有防門。又北有光里。齊人言。廣音與光同。左傳所謂擊防門而守之。廣里者也。司馬彪續漢志。盧縣有光里。亦曰廣里。東魏初。侯淵。自齊州罷還。行及廣里。高歡復以淵行青州事。卽此。今亦見平陰縣。

自齊州罷還。行及廣里。高歡復以淵行青州事。卽此。今亦見平陰縣。

肥城縣。府西南百六十里。東南至兗州府寧陽縣九十里。古肥子國。漢置肥成縣。屬泰山郡。後漢屬濟北國。尋省入盧縣。劉宋時。濟北郡治於此。後魏復置肥城縣。孝昌三年。置東濟北郡治焉。後齊郡廢。後周置肥城郡。隋郡廢。屬濟州。唐武德五年。以縣屬東

秦州。貞觀初。州廢。縣省入博城。宋爲平陰縣地。金曰辛鎮塞。元至元十二年。於秦置肥城縣。屬濟寧路。明初改今屬。編戶三十里。

肥城故城。在縣西。漢治此。劉宋泰始三年。魏暮容白曜將攻肥城。司馬勳範曰。肥城雖小。攻之引日。因張軍威。以書諭之。肥城遂潰。太子賢曰。故城在今陰平縣東南。志云。縣北五十里有古長城。

巫山。縣西北七十五里。左傳襄十八年。晉師伐齊。齊侯登巫山以望晉師。卽此。一名孝堂山。相傳郭巨葬母於此。○陶山在縣西三十里。達平陰縣界。相傳陶朱公入齊。曾止於此。又金牛山在縣西十里。上有五龍池。一名鬱蔥山。

瀑布山

縣南四十里。瀑水懸崖二十餘丈。其上爲天井峪。旁有巖。蜿蜒高聳。謂之橫嶺。又有柱亭。虎門。諸山。俱與瀑布山相近。○狼山在縣西南五十里。其地亦名狼山屯。

五道嶺

縣西北二十五里。當往來通道。舊置馬驛於此。又吳兒嶺在縣北六十里。縣西北七十里曰孫家嶺。又有吉木嶺。在縣南十五里。

肥河

縣東十里。源出孝堂山。又孤山河。出縣東十里之孤山。合溝河。出縣東南十里之湖泉。與肥河匯流爲一。西入大清河。○泚水在縣西。水經注。肥城有泚水。西南流入平陰。縣界注於汶水。又開河泉。在綿西北志云。縣境凡九泉。俱南流入於汶河。

三布口

在縣東。晉太元十二年。後燕慕容隆敗張願於糞口。願脫身保三布口。燕人進軍歷城。三布口蓋與太山相近。○句窳亭在縣南。東觀記。漢章帝元年。鳳集肥城句窳亭。今縣南四十里有鳳凰山。卽其地也。

安寧村

縣南四十里。舊置馬驛於此。與五馬嶺爲兩驛。嘉靖四十四年。并爲一驛。曰五寧驛。又有大石巡司。在縣北十里。

青城縣

府東北二百二十里。西北至武定州九十里。本臨邑寧津二縣地。唐曰青城鎮。宋因之。金曰青平鎮。元置青城縣。屬濟南路。中統中改屬陝州。至元初又改屬河間路。明初省入鄒平。齊東二縣。洪武十四年復置。今縣屬濟南府。編戶三十一里。

大清河

縣北八里。自武定州流入境。又東入濱州界。

陵縣

府西北二百四十里。南至東昌府二百六十里。漢置安德縣。屬平原郡。晉宋因之。後魏改屬樂安郡。中興初。警分置安德郡治此。隋爲德州治。唐宋因之。明初省安德縣。尋改陝縣治此。屬濟南府。今編戶三十二里。

故德州城

卽今縣治。唐時平原爲河北雄郡。天寶末。顏真卿爲平原守。知安祿山必叛。乃修城濬池。陰爲之備。旣而河朔盡陷。惟平原拒守。元王惲云。德州城壁甃高深。城門內起直城前障。障蔽內外。左右埽道。其尾相屬。相傳顏魯公制也。城周二

十餘里。明朝改置今縣。永樂初，徙其縣以築德州城，而縣僅存土垣。竟涼殊甚。正德六年，以流賊犯境，改築土城，亦曰內城。周僅八里，即今城也。

白石城

縣北二十里。漢文帝封齊悼惠王子雄渠爲白石侯，此其食邑也。又重邱城，在縣北五十里，或以爲即春秋襄二十五年諸侯同盟處也。漢置重邱縣，屬平原郡。後廢。縣東北又有臨齊城，相傳後魏所置，水經注齊地未實，魏築城以臨之，因名。後廢。

三汊口城

在縣東南。唐史貞元初，淄青帥李納於德州南跨河而城守之，謂之三汊城。常置戍以通魏博之路。貞元八年，納子師古嗣職，鎮冀帥王武俊引兵至德州，將取三汊，詔師古毀其城，是也。

德河

縣東五里，亦曰五里河。西流入於衛河。志云：縣東南三里，有馬頰河，西三里，有覆蘭河，皆九河故道也。一云馬頰枯河，在縣南七十里。縣西南七十里，有鬲津枯河，又故黃河，在縣西南八十里。

神頭店

縣東北二十里。通志云：漢厭次縣治，此似悞。

泰安州

府南百八十里，南至兗州府百三十里，西至兗州府東平州百八十里，西南至兗州府濟寧州二百二十里，西北至東昌府三百七十里。

春秋戰國時齊地。秦屬齊郡。漢爲泰山郡地。晉及後魏因之。隋郡廢，屬兗州。大業初，屬魯郡。唐武德五年，置東泰州。貞觀初，州廢，仍屬兗州。天寶初，屬魯郡。乾元初，復故。宋仍屬兗州。金置泰寧軍，又改泰安軍。大定三十三年，升爲泰安州。元初，屬東平路。後隸省部。明初，改屬濟南府。以州治奉符縣省入。

編戶九十

七領縣二里。

州北阻泰山，南臨汶水，介齊魯之間，爲中樞之地，山東形勝，莫若泰山，泰山之形勝，萃於泰安，繇此縱橫四出，掃定三齊，豈非建瓴之勢哉。

奉符廢縣

今州治。春秋時齊之博邑也。志云：古博城在今州東南三十里。左傳哀十一年，公會吳子伐齊，克博。又國語：吳王使王孫苟告周曰：遵汶伐博。漢三年，韓信襲破齊，田橫走博陽。胡氏曰：謂博縣之陽也。漢書作田橫走博，又灌嬰追橫至贏。

博是矣。漢置博縣，屬泰山郡。晉宋因之。後魏曰博平縣，泰山郡治。北齊改郡曰東平。隋初郡廢，開皇十六年，改縣曰汶陽，屬兗州。尋又改汶陽曰博城。唐初置東泰州，尋還屬兗州。乾封初，改爲乾封縣。總章初，復曰博城。神龍初，又爲乾封。宋開寶五年，移縣治岱岳鎮，即今州治也。大中祥符初，改縣曰奉符，又築新城，在今州東南三里，而以岱岳鎮爲舊城。金置泰安州，復還舊治。今州有石城，卽金所築也。元因之。城周七里，有奇。

奉高廢縣

州東北十七里。漢置縣，爲泰山郡治。後漢及晉宋因之。後魏仍屬泰山郡。隋開皇六年，改曰岱山縣。大業初，并入博城縣。唐初置岱縣，屬東秦州。貞觀中廢。漢志注：奉高縣西南四里有明堂。武帝元封初，從封禪還，坐明堂。明年，作明堂於汶上。後漢元和二年，幸泰山，柴告岱宗，進幸奉高，祀五帝於汶上明堂。括地志：博城東北三十里汶水，有明堂故城。志云：此

周明堂也。其在州東十里者，曰漢明堂。魏收志：奉高有故明堂。基水經注：古引水爲壁雍處，其遺存焉。世謂此水爲石汶。

贏城

州東南五十里。春秋時齊邑也。左傳桓三年，公會齊侯於贏。哀十一年，公會吳師伐齊，克博。至贏。十五年，公孫宿以其兵甲入於贏。又孟子：反於齊，止於贏。漢初灌嬰敗田橫之師於贏。下置贏縣，屬泰山郡。後漢初，陳俊討張步，步連結泰山羣盜與俊

戰於贏。建安中，嘗爲贏郡。曹操表糜竺領贏郡太守，是也。晉仍爲贏縣。宋因之。後魏移置於廢萊蕪城，卽今萊蕪縣也。或云萊蕪縣北二十里有故贏城。

泰山。州北五里。亦曰岱宗。五岳之一也。詳見前名山。

亭禪山。州西南五里。一名高里山。漢太初元年。幸泰山。禪高里。是也。高或悞作嵩。其左爲社首山。周成王。唐高宗。元宗。宋真宗。皆禪於此。○徂徠山。州東南四十里。詩徂來之松。謂此也。一名尤來山。亦曰尤峽山。後漢初。赤眉渠帥樊崇保此。自號尤峽三老。

恒帝延熹四年。岱山及博尤來山皆頽裂。唐李白等嘗隱於此。上有紫源池。玲瓏獨秀。諸峯及天平東西三寨。下有白鶴灣。

石閭山。州南四十五里。漢武太初。太始及征和中。皆禪於此。史記封禪書。石閭在泰山下址。南方方士多言此僊人之閭也。故上親禪焉。○亭亭山在石閭南五里。史記。黃帝禪亭亭。水經注。汶水上又西南經亭亭山。東水上有石門。舊分水。水下瀨處也。劉陶

以此爲亭禪山。又云山在州東南百二十里。封禪書無。懷伏羲神農炎帝顓頊帝嚳堯舜湯皆禪云云。卽此山也。

梁父山。州東南百十里。史記。秦始皇封泰山。禪梁父。封禪書八神。二曰地主。祠泰山。梁父。後漢書。建武三十二年。禪於梁父。志云。梁父山西接徂徠。南入泗水縣界。其東卽云云山也。又介邱山在州南五十里。志云。宋真宗封泰山。登介邱。卽此。

肅然山。州東北七十里。史記。武帝封泰山。下陰道。禪泰山下址。東北肅然山是也。其東南卽萊蕪縣界。山勢巍峩。對之肅然。因名。

長城嶺。州西北六十里。志稱齊威王築城以備楚。自平陰綠河歷泰山北岡上。東至海千餘里。按管子云。長城之陽。魯也。長城之陰。齊也。則春秋時已有長城矣。戰國策。燕王曰。齊有長城。鉅防。史記齊世家。威王十一年。趙侵我長城。又楚世家。還盪長城。以爲防。外紀。威烈王十六年。王命韓趙伐齊。入長城。竹書。梁惠成王二十年。齊閔王築防。以爲長城。城綠河經泰山千餘里。東至瑣那。墜入海。往往有壁門。邱閣。夫魏惠王與齊威王同時。作閔王悞也。又齊記。宣王乘山嶺之上。築長城。東至海。西至濟州千餘里。以

備楚長城嶺蓋卽泰山岡
阜以古長城所經而名也。

汶水

州南六十里源出嶽北德臺嶺合諸谿谷之水經州東四十里謂之壑汶又西南經徂徠山北復南會別源諸水南流三十里至靜封鎮而萊蕪縣境之汶水分二源而西注經徂徠山南至此合流所謂大汶口也又西南入兗州府寧陽縣境述征記泰山郡水皆名曰汶汶凡有五曰北汶山郡水皆名曰汶汶凡有五曰北汶瀛汶牟汶紫汶潛汶皆源別而流同。

泮河

州西五里源出岳西北之桃花峪會諸谷水流經州東南二十里又東南入於汶又梳洗河在州東一里出岳南黃峴嶺合諸水爲中溪東南流會於泮水又漆河在縣西一里出岳西白龍池亦南流會於泮河並入汶河○清河在州南五十里志云出州東渚于野西南流入汶。

鐵佛寺泉

州東二十五里又龍潭泉在州南八里張家泉在州西南五里志云州境凡二十八泉多由平地土石中湧出俱入汶水達於運河又州西境有謝過城等五泉萬歷中新導之泉流也謝過城與兗州府寧陽縣接界今詳寧陽縣。

蜀亭

在州西春秋成二年楚侵魯至蜀魯請盟遂及楚人及諸侯之大夫盟於蜀杜預曰博縣西北有蜀亭又有紅亭左傳昭八年大蒐於紅至於商衛杜預曰奉高西南有紅亭接宋衛也。

龍鄉

在州西南左傳成二年齊圍龍取龍遂南侵及巢邱杜預曰龍魯邑在博縣西南劉陶曰博縣有龍鄉城龍亦作隆○陽橋在州西北陸澄曰博縣有陽橋蓋地名無橋也春秋成二年楚侵衛遂侵魯及於陽橋孟獻子請往賂之遂盟於蜀陽橋蓋與蜀近。

新秦縣

州東南百八十里。東南至青州府蒙陰縣百五十里。漢東平陽縣地。屬泰山郡。後漢省。晉泰始中。改置新秦縣。仍屬泰山郡。後屬東安郡。劉宋因之。後魏屬東秦山郡。隋屬沂州。唐武德五年。改屬宮州。貞觀八年。仍屬沂州。宋因之。金改今屬。元省。尋復置。

明初因之。今編

戶二十一里。

東平陽城

在縣西。魯邑也。左傳宣八年。城平陽。哀二十七年。公及越后庸盟於平陽。漢初。灌嬰下下邳。擊破楚騎於平陽。是也。尋置東平陽縣。以河東有平陽縣。故此加東。晉置新秦縣。而東平陽遂廢。志云。縣西北四里有東西侯城。相傳漢武所築。

宮山

縣西北四十里。連萊蕪縣界。泰山左翼也。舊名小泰山。即古新甫山矣。詩。新甫之柏。是也。山上有雲衝岫。東有繸杖窳。西有冰寨溪。五雲澗。西北有千人洞。宋常曾云。漢武易小泰山為宮山。封三峯為義山。義山之北。曰黃嶺。下有洞。深遠莫測。○盤山在

縣東南十里。志云。即盤山也。左傳。申繆曰。先君獻武廢二山。

謂具盤也。獻公名具。武公名敖。具山在盤山東南二十五里。

龜山

縣西南四十里。山之南。即泗水縣界。詩。奄有龜蒙。謂此龜山也。春秋定十年。齊人來歸郛。龜陰田。山之北。即龜陰田矣。又夫子去魯。作龜山之操。山峯巒層疊。舊為魯境之望。○榆山在縣東北十里。山多榆。其相接者曰五峯山。有五峯特起。下有泉澄。

澈若鑿。謂之寶泉。又有蔡山。在

縣西北十里。相傳昔人避兵處。

小汶河

縣東北三十里。源出東北四十里之龍池。池在龍亭山下。西南流百里。入於汶河。又東河在城東。源出縣東北三十里之孤山。西南流三十里。入小汶河。○泥河在縣西四十里。源出蔡山。亦西南流三十里。入小汶河。縣西六十里。曰廣平河。源出宮

山。西南流二十

里。亦入小汶河。

和莊泉

在縣西志云縣境凡十四泉俱西流注於汶河又有劉官莊等五泉則萬歷中所新導

上四莊

縣西七十里有巡司通志縣西五十里有谷里相傳古齊魯會盟處

萊蕪縣

州東百二十里東北至淄川縣百六十里漢置萊蕪縣屬泰山郡應劭曰魯萊柞邑也左傳昭七年季孫以桃易孟氏之成其臣謝息辭以無山與之萊柞蓋邑有二小山也後漢亦爲萊蕪縣晉因之劉宋時省後魏移置蕪縣於此仍屬泰山郡隋屬兗

州

唐初屬東萊州貞觀初省縣入博城長安四年于廢蕪縣置萊蕪縣屬兗州元和十七年并入乾封縣太和初復置宋初仍屬兗州尋置萊蕪監金廢監以縣屬泰安州元因之明初屬濟南府洪武三年改今屬編戶四十二里

牟城

縣東二十里春秋時小國桓十五年牟人來朝僖五年公孫茲如牟娶焉卽此漢置牟縣屬泰山郡後漢及晉宋後魏皆因之北齊省隋開皇十六年分蕪縣置牟城縣屬兗州大業初復廢志云縣東北六十里有妻頭城俗傳漢武登蓬萊經此築城時

方輿冠學

道故名

平州城

在縣西春秋宣元年公會齊侯於平州杜預曰牟縣西有地名平州魏收志牟縣有平州城營邑也漢武封王暎爲平州侯食邑於此尋廢

原山

縣東北七十二里與淄川縣接界汶水及淄水出於此淮南子淄水出鈐山卽原山別名也一名馬耳山舊有馬耳山關爲險阨處亦曰馬耳谷晉義熙三年南燕慕容超母妻自姚秦還超迎於馬耳關宋元嘉七年到彥之屯東平開洛陽虎牢不守欲焚舟步走引兵南還王仲德曰彼去我猶千里滑臺尙有強兵若遽捨舟南走士卒必散當引舟入濟至馬耳谷口更詳所宜蓋仲德欲引舟師自濟入淄至馬耳谷由此可以兩保兗州東固青州也魏收曰蕪縣有馬耳山汶水出焉是馬耳卽原山矣餘見

瀾川縣又肅然山在縣西
北五里與泰安州接界

冠山

縣西南五十里。脉起泰山。突峙於此。漢元鳳三年。有大石自立。其形似冠。山因以名。蓋宣帝起於民間之象也。○韶山。寰宇記云。在縣西北二十里。山出鐵。漢置鐵官於此。志云。縣東十三里有大石山。產鐵及大石。又鎮山在縣西北五里。嘗出鐵。續又陰

涼山。在縣北三十里。產銅鐵。唐志。縣有鐵冶十三。銅冶十八。銅坑四。又有錫冶。開元六年。令趙述威於縣西北十五里開普濟渠。以運銅鐵。並灌民田。今壅閉而渠亦塞。

瓮口山

縣東北九十里。形如瓮口。或以爲卽東晉時張願所據處。似誤。舊嘗置青石關於此。蓋亦作壘。又九嶺山在縣東四十里。縣東南三十里。又有三尖山。俱以九嶺三峯之勝而名。○新盧關山在縣東南五十里。山形險隘。又縣西南八里有蒼龍峽山。

亦曰青龍峽。山狹水急。如噴激然。又縣

西南三十里有龜兜山。一名聚勝寨。

萊蕪谷

在縣西南。從征記。縣城當兩山間。道由南北門。連山凡數十里。謂之萊蕪谷。後漢末。范子雲爲萊蕪令。謂萊蕪故齊地也。春秋十年。夾谷之會。齊侯使萊人以兵劫魯侯。卽此地矣。應劭以爲魯之萊。梓邑。酈道元謂萊梓山名。非邑也。或曰。疑以山

名邑。卽今萊蕪谷旁諸小山矣。舊志。夾谷在縣南三十里。連新泰縣界。水經注。以此爲齊魯會處。又唐史。中和四年。黃巢東竄。李師悅以彭門之師敗之於瑕邱。巢走狼虎谷。爲其甥林言所斬。狼虎蓋萊蕪之譌音轉也。又長城嶺。在縣北九十里。地勢高爽。林

木鬱茂。蓋戰國時長城。

經其上。今譌爲長春嶺。

汶水

在縣南二十里。其上游一出原上。一出寨子村。會流於此。地名勝水。俱西入泰安州境。○司馬河在縣西十里。源出縣東北二十里大室山西南。流入於汶水。

小龍灣泉 縣東北四十里亦曰小龍灣河合縣西司馬河又西南流入於汶志云縣西南十五里有郭泉其旁有牛泉又縣西北二十里有烏江泉又四十里有呂公泉縣東南三十里有湖眼泉及鵬山蓮花等泉泉河攸縣境之泉凡十六俱流注

汶水達於漕河又有韓家莊等五泉萬歷中所新導也

馬耳關 在原山西麓又青石關在瓮口山下今俱廢○艾陵亭志云在縣東北春秋哀十一年公會吳伐齊敗齊師於艾陵孔氏曰博縣南六十里有艾山即艾陵似誤

德州

府西北二百八十里東至武定州二百二十里南至東昌府三百里西南至直隸清河縣二百七十里西至直隸冀州二百三十里北至直隸景州七十里

春秋戰國時齊地後屬趙秦屬齊郡漢置平原郡後漢因之晉為平原國劉宋仍曰平原郡後魏至後

周因之魏收志武泰初置南冀州於平原郡永安初州罷隋郡廢改置德州煬帝時復曰平原郡唐武德四年復置德州天寶初亦

曰平原郡乾元初復故五代因之通志石晉時德州移治長河縣長河見直隸景州宋仍曰德州亦曰平原金元皆仍舊明初以州治

安德縣省入尋廢舊治為陵縣而州治於陵縣境內編戶三十四里領縣二

州控三齊之肩背為河朔之咽喉戰國時齊趙往往爭衡於此漢得趙地亦繇此以臨齊蓋制馭山東莫便於平原也晉失其綱平原恆為戰地劉宋時魏人謀并青州以平原為河津要會恆制重鎮於此

魏主燕及漕時。屬自平原魏青州。唐天寶中。漁陽肆禍。惟平原能挫其鋒。五代梁時。晉王存勗襲據德州。而滄、貝、中斷。朱梁乾化

五年。晉王得魏博。時貝州未下。諸將議取貝州。東兼滄。景晉王曰。貝州城堅兵多。未易猝拔。德州隸於滄州。而無備。若得而戍之。則滄、貝不得往來。二壘既孤。然後可取。遂襲德州。克之。明初取燕京。大軍繇德州而進。

靖難之師。先下德州。引軍而南。遂成破竹之勢。蓋川陸經途。轉輸津口。州在南北間。實必爭之所也。

廢陵縣。在州東。漢平原郡安德縣地。隋開皇十六年。析置將陵縣。仍屬平原郡。唐屬德州。宋屬景州。金因之。元升爲陵州。屬濟南路。尋改屬河間路。明初降爲縣。永樂七年。於縣置德州。而移縣治德州城內。城邑攷州故土。城洪武三十年始鑿。以磚周十一

里。正德六年。復築羅城。嘉靖

七年增修。今城周二十餘里。

龍湊城。在州東北。蓋河津置戍處。後漢初平三年。公孫瓚遣兵擊袁紹。至龍湊。爲紹所敗。又建安九年。袁譚軍龍湊。曹操攻之。譚拔平原。走保南皮。胡氏曰。龍湊在平原渤海間。爲河津要口。又雲城在州西。漢元封四年。封齊孝王子信爲雲侯。邑於此。舊志。

陵縣西水

側有雲城。

衛河。在城西。卽漕河也。自東昌府恩縣流經直隸故城縣界。又東北流經州城西。又北入直隸景州之境。凡東南漕粟。南賈資旅。以及外夷朝貢。道皆由此。詳見直隸大川。

篤馬河。州東南四十里。漢志。平原有篤馬河。馮嘉四年。渤海清河。信都河。水溢灑縣邑。三十一年。孫禁請決平原金堤間。開通大河。令入故篤馬河。至海五百餘里者也。水經注。篤馬河由平原北首受大河。經安德。平昌。般縣。樂陵之境。又經陽信。故城南。東

北入海。今故道僅存。俗呼爲土河。惟水漲時。自東昌府魏家灣溢出。循故道入海。餘皆乾涸。又鉤盤河在州東。又東經德平縣。東北入樂陵陽信縣界。今亦枯竭。

陳公堤

州東南五里。西南入東昌府界。宋陳堯佐守滑時築。此堤以障黃河水患。因名。

桑兒園

州北七十里。良店水驛置於此。又北三十里。卽北直景州之廢安陵城也。正德中。馬申馮駐桑兒園。招流賊劉六等。卽此。又州南七十里。爲梁家莊水驛。接直隸故城縣界。與城西安德水驛。皆爲運道牽輓要途。○太平馬驛在州南七十里。又州城

南有安德馬驛。蓋

州當南北之孔道。

歇馬亭

州北十里。志云。唐太宗征遼。嘗駐於此。又德州遞運所。在城北三里。衛河之濱。永樂七年置。并建水次倉於此。今遞運所與太平驛俱廢。

德平縣

州東百六十里。東至武定州六十里。漢置平昌縣。屬平原郡。後漢曰西平昌縣。晉宋因之。後魏復曰平昌縣。又置東安郡於此。北齊郡廢。隋屬德州。唐因之。大和中。改屬齊州。尋復舊。五代唐改曰德平。宋熙寧六年。省入安德。元符初復置。今編戶三十里。

平昌城

縣東北一里。漢縣治。此文帝立齊悼惠王子卬爲平昌侯。尋立爲膠西王。是也。宣帝又封王。無故爲侯邑。東漢以北海郡有平昌縣。故此加西。自晉至隋。縣治此也。唐大和中。移於今治。

高縣城

縣東十里。古高國。鄆姓管繇之後。左傳所云。靡奔有隋氏者。漢置高縣。屬平原郡。後漢建武中。封朱祐爲侯邑。晉宋仍屬平原郡。後魏亦曰高縣。屬東平原郡。後齊廢入安德縣。城址尙存。○般城在縣東北三十里。漢置般縣。屬平原郡。般讀曰搬。晉

屬平原國。劉宋仍屬平原郡。後魏初屬樂安郡。中興初置安德郡。治焉。後齊郡縣俱廢。隋開皇十六年。復置屬德州。唐貞觀十七年。省入平昌縣。

齊郡縣俱廢。隋開皇十六年。復置屬德州。唐貞觀十七年。省入平昌縣。

重平城。縣西北三十里。漢屬渤海郡。後漢省。後魏孝昌中。復置重平縣。屬安德郡。後齊省入平昌。應劭曰。重平東北八十里。卽重合縣也。重合今見直隸滄州。

屯氏枯河。在縣東北。水經注。屯氏北濱東北。經重平。故城南。其別河東北。逕西平昌。故城北。又逕般縣。故城北。今埋。○商河在縣南。水經注。商河出楊盧縣東。首受河。亦漯水及澤水所經也。志云。商河過平原縣東。又逕縣南。入樂陵縣。及商河縣境。

東北逕武定州。至陽信縣。下流入海。今斷續過半矣。

般河。在縣東北。或曰。故鈞盤河也。爲九河之一。自德州經縣界。入樂陵。及陽信縣境。下流入海。後漢初平二年。公孫瓚破黃巾於盤河。又瓚與袁紹相攻。瓚引軍屯盤河。魏收志。般縣以般河所經。而名。水經注。屯氏別河逕西平昌縣。故城北。故渠川派。東入般

縣。爲般河。顏師古曰。漢般縣。卽爾雅之鈞盤。○馬頰河在縣南十里。一名新河。唐久視初。開此以導河流。尋廢。縣北十里有鬲津河。東南流。經縣東二十里。又東入樂陵縣界。水經注。大河西流。逕平原。鬲縣。故城西。謂之鬲津。又土河在縣西北。自德州流入。又東北入直隸寧津縣界。

白鹿淵。在縣東北。水經注。般縣東有白鹿淵。南北三百步。東西千餘步。深三丈。其水冬清夏濁。淨而不流。若夏水洪泛。水深五丈。方通注於般。潰。又黑水潭。在縣西北三十五里。兩岸陡立。淵深莫測。望之。水黑如黛。流注屯氏故河。○縣墟在縣西南二十五

里。相傳伯鯨所築。斷續高卑約十餘里。

楊二莊。在縣境。正德中。裨將許達。殲賊於此。

平原縣。

州東南百二十里。又東南至濟南府百五十里。秦置平原縣。漢因之。爲平原郡治。魏晉因之。劉宋仍屬平原郡。後魏以平原郡治聊城。分置東平原郡於此。又置東青州治焉。州旋廢。後周廢東平原郡。隋屬德州。唐因之。今編戶四十六里。

平原城。

劉昫曰。舊城在縣西南五十里。秦置縣於此。漢二年。齊王田榮與項羽會戰於城陽。敗走平原。爲平原民所殺。漢縣亦治此。後漢建安八年。袁譚爲袁尚所敗。走平原。嬰城固守。尋爲曹操所敗。其後平原郡縣皆治此。後齊改築今城。移縣治焉。

釋幕城。

縣西北二十里。漢縣屬清河郡。晉因之。永和八年。石趙舊將段勤因冉閔之亂。聚衆萬人。稱趙帝於釋幕。慕容儁遣兵擊平之。太元十年。釋幕人蔡匡據城以叛。後燕慕容麟等擊平之。十三年。後燕寺人吳深以清河叛。敗保釋幕。劉宋仍屬清河

郡。後魏屬東清河郡。後齊廢。隋開皇十年。六年復置。屬德州。大業初廢入安德縣。

揚虛城。

志云。在縣北。漢置縣。屬平原郡。文帝四年。封齊悼惠王子子封閔爲侯邑。十六年。立爲齊王。是也。後漢建武初。封馬武爲揚虛侯。卽此。晉廢。淝水經其東。商河發源於此。酈道元曰。揚虛在高唐城之西南。○桑邱城在縣西。戰國時齊邑。史記韓世家。文

侯七年。伐齊。至桑邱。謂此。

大河故瀆。

在縣西北。水經注。大河故瀆經平原故城西北。絕屯氏瀆。又北經釋幕故城東。今埋。又篤馬河在縣東北。班志注。篤馬河在平原東北入海。行五百餘里。漢書。鴻嘉四年。孫禁言可決平原金堤。開通大河。令入故篤馬河。是也。縣故有金堤。

今皆埋廢。

平原津。

在縣西南。戰國時齊之西境。以河爲界。此卽黃河津濟之所也。孔穎達曰。平原縣南六十里有張公故城。城東有津。俗名張公渡。卽平原津。秦始皇自海上還。至平原津而病。又韓信擊田儋。渡平原。襲破齊。歷下軍。北史。周師至鄆。齊後主東奔。以顏

之推爲平原太守令守
河津亦卽是津也今堙

張公故關

在縣南唐志德州有張公故關卽縣之張公渡矣

又桃園馬驛在今縣治西南縣當往來通道也

武定州

府東北二百四十里東至海二百二十里東南至青州府三百十里西至德州二百二十里北至直隸滄州二百五十里

春秋戰國時齊地秦爲齊郡地漢爲平原渤海二郡地後漢屬平原郡及樂安國三國魏分置樂陵郡

志云本建

安中置

晉爲樂安樂陵二國地劉宋亦爲樂陵郡後魏又爲樂安樂陵二郡地隋開皇六年置棣州

治陽信縣大業二年改滄州明年爲渤海郡唐武德四年復置棣州六年省入滄州貞觀十七年復置棣州

初治樂陵尋治厭次胡氏曰時自陽信移治厭次

天寶初曰樂安郡乾元初復故宋仍曰棣州

亦曰樂安郡

元置濱棣路後改棣州屬濟南

路明初洪武六年改樂安州以州治厭次縣省入宣德元年改爲武定州

以討平漢庶人也編戶九十八里

領縣四

州南連青濟北接滄瀛左環渤海右控平原所以屏蔽畿甸權衡南北也消幽燕之氛翳靜海岱之風煙不然不幾與靖難之師接踵哉

厭次廢縣

今州治。秦縣也。相傳秦始皇東遊，厭氣於此，因置厭次縣。漢高六年，封功臣爰類爲侯邑，尋爲富平縣，屬平原郡。成帝徙封張安世孫延壽爲富平侯，卽此。後漢初，富平獲索盜掠郡縣，耿弇擊平之。明帝永平二年，復改富平爲厭次縣。晉爲樂陵國治。永嘉末，幽州刺史王浚以邵續爲樂陵太守，建興二年，石勒圍續，鮮卑段匹磾使其弟文鴛救之，續與合兵拒石勒。屯於富城，富城富平之譌也。厭次亦名富平矣。魏收志：晉邵續爲冀州刺史，治厭次，其故城在今陽信縣東南三十里。劉宋亦爲厭次縣。後魏因之，俱屬樂陵郡。後齊廢。隋開皇十六年，復置厭次縣，屬棣州。唐貞觀十七年，移縣治棣州郭內。五代梁徙治於舊城東南十里。宋大中祥符四年，以河水爲患，徙州治陽信界內喬氏莊。明初，省城邑，改唐棣州城在今州東南六十里。五代梁華溫琪爲州刺史，苦河水爲害，南徙十餘里，謂之新州。今土人謂之南舊州城。宋李仕衡爲河北都轉運使，復以州治舊下，徙州西北七十里，旣而大水沒故城丈餘。今州治卽仕衡所移也。城周十四里有奇。

蛤塚城

在州南，有鹽池，歲出鹽數十萬斛。唐建中初，棣州隸淄青，旣而歸於朱滔，又歸於王武俊，惟蛤塚猶爲淄青帥李納所據，因城而戍之，以專鹽利。貞元八年，納死，子師古襲位。武俊引兵屯棣，將取蛤塚及德州之三汊城，師古遣兵拒之，有詔詔武俊罷兵，乃引云。

大清河

州南八十里，自齊東縣東北流，經州界，又東入青城縣境。○大河故瀆，在州南五十里。志云：在州城南三里。唐武后長壽二年，棣州河溢，卽此。今淤。

土河

在州南，卽駕馬河下流也。自樂陵縣入州境，東注於海，溢涸不時。明初，徐達攻樂安，師至土河，距城五里，命軍士填壩以進，遂下其城。○商河在州南四十里，亦從商河縣流入境，東北入陽信縣界。俗謂之大河，方十餘頃，其北有堤橫，巨州人賴之。又南十里，有叢索河，今淤爲平壤，民居其東南，頗擅桑麻之利。居其西北，輒被餘流所漲，溢成化十二年，州列王璩築堤障之，長五十餘里，民被其利。○大灣在州南四十里，方十餘頃，北有堤橫，巨多魚鱉之利。

清河鎮。在州東南七十
里。有巡司戍守。

陽信縣。

州北四十里。東至濮州七十里。漢縣。屬渤海郡。文帝封典客揭爲侯邑。王莽時廢。後漢延光初復置。仍屬渤海郡。魏屬樂陵郡。晉宋因之。後魏亦屬樂陵郡。隋置棣州於此。唐初亦爲棣州治。尋屬滄州。貞觀初縣廢。八年復置。十七年仍屬棣州。宋因之。編

戶七
十里。

陽信城。

志云。故城在縣西南七里。俗所云子務城也。又今城蓋古之厭次城。宋大中祥符中。徙棣州及厭次縣於陽信界內之。八方寺。而移陽信縣治。故厭次城云。又魏收志。陽信縣西有故千乘城及博昌城。南北朝時所備置。高齊併入陽信縣。

馬嶺城。

縣東十里。志云。後魏時嘗移厭次縣治此。水經注。馬嶺城在河曲之中。晉東海王越。斬汲桑於此。又有連城在縣東北五里。或曰。即春秋時齊之轅邑。漢之暖縣。恐誤。

屯氏故河。

在縣南。水經注。屯氏別河東北。逕陽信故城南。又東北流入海。今潤。○商河在縣東。自州界東北流經此。水經注。商河經馬嶺城。自西北風而東南。又東分爲二水。南爲長棊溝。北爲白薄溝。以入於海。今遷絕矣。

桑落墅。

縣東南四十里。志以此爲古富平縣治。又黃巾。寨在縣東南二十五里。相傳漢末黃巾屯聚處。

海豐縣。

州東北六十里。西至直隸慶雲縣四十里。漢陽信縣地。隋置無棣縣。屬棣州。唐因之。宋治平中。移置保順軍。仍曰無棣縣。元至元二年。省入樂陵縣。尋以其地之半屬滄州。半屬棣州。明朝洪武八年。改置海豐縣。今編戶四十三里。

無棣城。

縣北三十里。相傳即春秋時齊之無棣邑。管子所謂北至無棣者。隋置縣治此。唐因之。太和二年。武寧帥王智興奉詔討橫海叛帥李同捷。遣其將李君謀將兵濟河。破無棣是也。宋仍治此。治平中。移於今城。即五代周所置保順軍也。宋志。周置保

順軍於無棣縣南三十里。宋開寶三年，又以滄棣二州界保順。吳橋二鎮地益之，仍屬滄州。治平中，徙無棣縣治保順軍城，仍領軍使。是也。金廢軍元分其地屬滄棣二州，而縣治入於棣州。明初改置今縣，又以直隸之無棣縣改置慶雲縣。今詳見直隸。

廣武城。 通志云：在縣北八十里，相傳漢初李左車所築。因名。又信城在縣北十里。志云：韓信下齊時所築城也。今名信城里。又縣北二十里有龍且城，其地高聳，形勢屹然。

馬谷山。 縣北六十里，高三里，周六七里。山半有洞，廣二丈餘，深不可測。一名大山，或以為卽古之礪石，似誤。又驪山在縣北百二十里，一名小山。

無棣溝。 縣西北十五里，舊合鬲津河，東入海。唐永徽初，滄州刺史薛大鼎開鬲津河，因疏無棣溝故道，以通濱海。魚鹽之利，亦曰無棣河。今淤餘詳直隸滄州。○黃龍灣在縣北七十里，其水雖旱不涸，下流入海。

鬲津河。 在縣北九十里，自樂安縣流入境，合於無棣溝。又覆舖河在縣西北三十里，自直隸慶雲縣流入境，注於海。又縣北一里有古黃河堤，西抵樂陵，南抵德州，舊為大河所經，築堤以防泛溢云。

豆子甃。 在縣東北，故鹹澤也。隋書：平原東有豆子甃，攷其地，蓋在平原、渤海、河間三郡之交，負海帶河處也。自黃河南徙，而故址多不可問。志云：豆子甃在陵縣東，恐誤。今詳見直隸靜海縣之鹹水沽。

棗園。 縣西北十里，大河東決，警漲溢於此，成化二十年，伐木為橋，以便行旅。凡三座。延袤一里餘，謂之棗園橋。又縣東北百八十里有大沽河海口巡司，明初置。

樂陵縣。 州西北九十里，西南至德平縣七十里。漢置樂陵縣，屬平原郡。郡都尉治焉。後漢因之。建安中，曹操分置樂陵郡。魏黃初中，改封曲陽王茂為樂陵王。是也。晉曰樂陵國，劉宋復為郡。後魏因之。隋初郡廢，以樂陵縣屬棣州。唐初因之，尋改屬滄州。宋仍舊。

明初改今屬編

戶五十六里。

樂陵故城。

縣南二十里。漢治此。晉永嘉初。新蔡王騰故將田甄等起兵。斬賊汲桑於樂陵。卽此。志云。樂陵縣自唐以來。徙治不一。宋熙寧中。徙縣治於咸平鎮。在今縣東。明朝洪武二年。又徙治富平鎮。今縣治是也。

高津城。

在縣西南。隋開皇十六年。析樂陵地置高津縣。大業初廢。武德四年。平竇建德。又分饒安地置高津縣。屬滄州。貞觀初。復廢入樂陵。○福城在縣西北。唐貞元中。淄青所置福城戍也。元和十三年。橫海節度使程權討李師道。敗之於福城。

屯氏故河。

在縣南。水經注。屯氏別河。又東逕樂陵縣故城北。今埋。又鈎盤河在縣南十里。自德平縣流入境內。一名般河。今詳見德平縣。○高津河亦在縣南。自德平縣流入境。又東入海豐縣界。

土河。

在縣南。自直隸寧津縣流入境。又東入州界。又商河亦在縣西南。自德平縣流入境。又東南入商河縣界。

舊縣鎮。

在縣西北三十里。有巡司戍守。

商河縣。

州西南九十里。西北至德平縣百里。漢置枋縣。屬平原郡。後漢省。隋開皇十六年。置商河縣。屬棣州。唐因之。貞觀初。改屬德州。十七年復故。宋改曰商河。仍屬棣州。今編戶六十八里。

枋縣城。

在縣西北。枋音力。漢置縣。文帝封齊悼惠王子辟光爲侯邑。莽立爲濟南王。是也。亦曰枋城。應劭曰。城在般縣東南六十里。蓋與德平縣接界。後漢廢。志云。隋置縣於此。○麥邱城亦在縣西北。志云。卽春秋時齊之麥邱邑。史記趙世家。惠文王十

九年。趙奔將兵攻齊。

麥邱取之。卽此城也。

商河。

縣南三里。自德平樂陵縣流入境。又東北入武定州境。志云。漢成帝時。河水爲患。許商鑿渠以殺其勢。因名。或曰非也。宋大中祥符間。以商河爲棣州。忠議徙商河南入大清河。因鑿渠於此。○馬頰河。寰宇記。商河縣北有馬頰河。卽九河故道也。今埋。

高橋。

縣東南四十里。舊置驛於此。志云。縣有高橋。商河二驛及三岔口。歸化鎮。二巡司。今皆革。

濱州。

府東北三百五十里。東至海九十里。西南至武定州百里。西北至直隸滄州百二十里。

春秋戰國時齊地。秦屬齊郡。漢屬千乘郡。後漢因之。魏晉屬樂陵國。劉宋仍屬樂陵郡。後魏因之。隋屬棣州。唐仍舊。五代唐置權鹽務。漢改贍國軍。周顯德三年。升為濱州。宋因之。亦曰渤海郡。金屬益都路。元亦

曰濱州。屬濟南路。明初以州治渤海縣省入。

今編戶七十八里。

領縣三。

州濱海為險。魚鹽饒給。固景滄之屏藩。連遼碣之形援。蓋海道之嚆喉。三齊之戶牖也。

渤海廢縣。

今州治漢澤沃縣地。隋為蒲臺縣地。唐析置渤海縣。屬棣州。五代周始置濱州治焉。土城周七里。有奇。

大營城。

縣西二十五里。故丁河口也。金人嘗屯兵於此。元史濱棣安撫使韓安世敗宋兵於丁河口。即此地矣。

海。

州東北八十里。古千乘海口也。後漢永平中。遣王景修治河渠堤。自樂陽東至千乘海口千餘里。是也。今大清河會汶泗諸流。俱由此入海。

大清河。州南二十八里。自武定州南經青城縣之北。又東流入境。又東北入蒲臺縣界。○土傷河在州北。齊乘土傷河西踰德棣。東至海。於南北諸河差挾。疑卽古之鬲津河。

秦臺。在州東北二十里。高八丈。周二百餘步。相傳秦始皇東遊。築此以望海。亦曰蒲臺。以是時嘗索蒲繫馬於臺上也。隋置蒲臺縣。以此名。

利津縣。州東六十里。本渤海縣之永利鎮。金明昌三年。置利津縣。屬濱州。今編戶四十里。

官窰城。在縣南。舊爲煮鹽之所。金時嘗屯兵於此。因置城戍守。今遺址猶存。

海。縣東北三十里。產鹽。居民資其利。有豐國、寧海、永阜三場。設官掌之。屬於山東都轉運使司。志云。鹽國鎮在縣東北七十里。兼置豐國鎮巡司於此。又寧海場在縣北三十里。永阜場在縣東北五十里。

大清河。在縣東。志云。自蒲臺縣北流。經青州府高苑縣北。又北經縣東。至縣東北。以達於海。

鐵門關。縣北七十里。舊置關於此。以控濱海之險。稍東豐國鎮也。

霑化縣。州西北六十里。西南至陽信縣五十里。本渤海縣之招安鎮。宋慶歷三年。升爲招安縣。熙寧六年。復省爲鎮。元豐二年。復爲縣。屬濱州。金明昌六年。改爲今縣。今編戶二十四里。

久山。在縣東北七十里。世傳秦始皇集此山以鎮海口。今有久山鎮巡司。

海。縣東北六十里。濱海有富國。豐國。利國。三鎮。亦煮鹽之所也。志云。富國塲在縣東七十里。豐國塲在縣北七十里。利國塲在縣東九十里。

蒲臺縣。

州南三十里。東南至青州府高苑縣四十里。漢溼沃縣地。隋開皇十六年。置蒲臺縣。屬棣州。唐武德八年。改屬淄川。貞觀十七年。還屬棣州。五代周屬濱州。宋省金復置。元初屬濱棣路。尋屬淄萊路。明初屬般陽府。尋改今屬。編戶五十九里。

溼沃城。

在縣東南。漢縣。屬千乘郡。後漢省。曹魏復置。屬樂陵國。晉宋及後魏因之。後齊省。地理風俗記。千乘西北五十里有大河。河北有溼沃城。卽此。

大河故瀆。

在縣西南七十里。舊時大河經此入海。

大清河。

在縣北。自州境東北流。經縣北。又東北入利津縣界。

海。

縣東百四十里。海畔有沙阜。高一丈。周迴二里。俗呼關口淀。舊爲濟水入海之處。海潮與濟相觸。故名淀。上有井可食。海潮雖大。淀終不沒。居民於其下煮鹽。

三姑臺。

在縣東一里。相傳古貞女蒲氏所築。有三臺並峙。遺址僅存。或以爲卽秦蒲榮臺云。又東十四里曰龍居店。亦曰龍混鎮。相傳宋太祖徵時嘗潛寓於此。

讀史方輿紀要

卷三十二

山東三

兗州府。

東至江南海州五百六十里。南至江南徐州三百六十里。西南至河南歸德府四百十七里。西北至東昌府三百八十里。東北至濟南府三百五十里。自府治至京師千二百三十五里。至布政司見上。

禹貢徐兗二州之域。春秋時屬魯。戰國初屬魯。後屬楚。亦爲齊宋之疆。秦置薛郡。漢爲魯國及泰山、山陽等郡地。後漢爲魯國、任城國及山陽等郡。晉爲魯郡。宋爲高平、東平、魯郡等郡地。

元嘉三十年復置兗州。治瑕邱。沈約志。兗州刺

史後漢治山陽昌邑。魏晉治瑕邱。武帝平河南。治滑臺。文帝元嘉十三年治鄆山。又寄治彭城。二十年兗州省入徐冀二州。三十年復置。杜佑曰。禹貢兗州在濟河之間。因濟水發源爲名。周置兗州始兼及今郡之境。其在禹貢則宅徐之方而受兗之名也。然自劉宋以前。兗州徙治不一。其以兗州專治瑕邱則自宋元嘉末始也。

後魏亦爲魯郡等郡。北齊曰任城郡。隋初置兗州。大業初。又改爲魯郡。唐初。

徐圓朗據其地。武德五年。復置兗州。天寶初。亦爲魯郡。乾元初復故。

尋置兗、鄆等州節度於此。乾符三年。賜號秦寧軍。

五代因之。周

順二年罷秦寧軍。以宋仍曰兗州。亦曰魯郡秦政和八年升爲襄慶府。金亦曰兗州。大定十九年更軍號曰奉定軍。元因之。隸濟

寧路。明初亦隸濟寧府。洪武十八年升爲兗州府。領州四。縣二十三。

府據河濟之會。控淮泗之交。北阻秦岱。東帶琅邪。地大物繁。民殷土沃。用以根柢三楚。囊括三齊。直走宋衛。長驅陳許。足以方行於中夏矣。然自春秋以來。不能抗衡於齊楚。而紛紜之際。豪傑競起。未見能以兗州集事者。何歟。蓋必懸權而動。所向無前。然後可以拊敵之項背。絕敵之咽喉。若坐擁數城。欲以俟敵之衰敝。未有得免於覆亡者也。是故徐圓朗顛濟於前。朱瑾竄亡於後。豈真形勝之不可爲哉。用之者非其道耳。夫聚天下之轉輸。盡出於百里之內。亞夫昌邑之謀。燕師穀亭之舉。豈非千古之大計乎。策兗州者。未可無曲突徙薪之慮也。

嶧陽縣

附郭。本魯之賈瑕縣。漢爲瑕邱縣。屬山陽郡。武帝封魯恭王子政爲侯邑。後漢亦爲瑕邱縣。晉省入南平陽縣。屬高平國。宋元嘉末置兗州。治瑕邱故城。後漢因之。隋開皇三年始復置瑕邱縣。仍爲兗州治。唐因之。宋大觀四年避宣聖諱。改曰瑕縣。尋又改曰嶧陽。以山爲名。明初省入兗州。

洪武十八年復置。編戶二十二里。

瑕邱城

府西二十五里。魯賈瑕邑也。春秋哀七年季康子入邾。以邾子益來。囚諸賈瑕。卽此。漢置瑕邱縣。晉廢。劉宋元嘉三十年爲兗州治。泰始二年沒於魏。魏尋置東兗州於此。齊建武二年魏主宏自瑕邱如魯城。梁大通二年魏泰山太守羊侃襲兗州。

刺史羊敦弗克築十餘城守之遣使來降魏將子暉等因擊侃於瑕邱侃潰圍南走東魏天平初兗州刺史樊子鵠據瑕邱以拒東魏明年高歡使董紹攻之堰泗水灌城城遂下隋兗州亦治此唐中和四年感化將李師悅等追敗黃巢於瑕邱是也宋爲嶧陽縣治明朝洪武十八年改築府城因移縣於今治今郡城蓋以磚石有門四外有帶郭郭有門五正德以後屢經修築周十四里有奇

昌平城。府東南八十里春秋僖二十九年介葛盧來朝舍於昌衍之上杜預曰魯縣東南有昌平城是也今府城西有昌平

驛蓋屬其名又乘邱城括地志云在瑕邱西北三十五里漢縣屬太山郡武帝封中山靖王子將夜爲侯邑後漢省

檀城。在府東北地理志瑕邱有檀城古檀檀也周時侯國亦曰檀鄉東漢初刁子都爲其部曲所殺餘黨與賊會檀鄉號檀鄉賊亦曰檀邱東晉大興三年徐州刺史姜豹叛將徐龜於檀邱時龜以泰山太守叛降石勒也又地記云下縣東南有檀邱

嶺陽山。府西三十里宋以此名縣又峴山在府東北七十里遂遙綿互接泗水寧陽二縣界

泗水。在府城東源出泗水縣東陪尾山四泉並發故曰泗水西逕縣北始合爲一又西經曲阜縣北至府東五里轉而南經橫河與曲阜縣之沂水合入金口匯貫城而西出又西南經鄒縣入濟寧州之運河左傳襄十九年晉帥諸侯伐齊次於泗上疆我田

蓋正鄒魯之界也東魏天平之二年高歡使婁昭攻兗堰泗水灌瑕邱隋開皇中薛胄爲兗州刺史時泗沂南流泛溢大澤淹沒爲葦胄乃於城東二水交流之處積石堰之決令西注陂澤盡爲良田又通轉運利盡淮海百姓賴之號曰薛公豐兗渠後廢不治五代周廣順二年慕容彥超據州叛引泗水注濠中爲戰守備故渠益廢元至元二十年開會通河乃修葺舊渠爲滾水石壩引泗入運延祐四年都水監開闢始疏爲三洞以洩水謂之金口匯每夏秋水潦則開匯洩水南流會於沂水由港里河入濟寧州南四十六里之師家莊開冬春水微則閉開過水令西入府城經城西昌平驛前又西三十里歷土萆叢林二關西南至濟寧州城東共六十里屈從南門合於洗水由天井關入於運河明朝成化七年工部主事張盛復作石壩固之以鐵以時啓閉爲漕

河之利謂之

金口牐河。

沂水。

府東五里源出曲阜縣尼山之麓。西流經此。合於泗水。又零水亦自曲阜縣流入。至府東五里。與沂水並注於泗水。○洙水在府東北二十里。奮自曲阜縣流入。境合於泗水。水經注泗水經瑕邱城。東南入石門。向來結石爲門。跨於水上也。又西南流。世謂之杜武溝。今埋。

負瑕泉。

府北六里。其東有闕里等泉。西有禱。謂諸泉凡八泉。俱南流入於泗河。

新嘉驛。

府西北四十五里。又府南七十里。有沙河驛。其相近者。又有沙河遞運所。

高吳橋。

府西北三十里。志云。泗水經杏林關。稍北爲高吳橋河。卽洙水也。汶水經寧陽縣之堰城壩。分流爲洙水。西南流入界。至高吳橋。又西南歷濟寧州城東。合泗水。入天井關。橋爲南北津途。宋元符初建。○金口關。府東五里。元至元中所建。隋南曰金

口堰。成化中所修。洙水石壩也。又府四十里曰土壘關。

又西二十里曰杏林關。皆元至元中建。與濟寧州接界。

曲阜縣。

府東三十里。南至鄒縣四十五里。古少皞之墟。周公封於此。魯所都也。秦爲薛郡治。漢置魯縣。高帝封功臣奚涓爲侯邑。高后初改爲魯國治。晉爲魯郡治。宋及後魏因之。後齊改屬任城郡。隋開皇三年廢郡。改縣曰汶陽。屬兗州。十六年。又改曰曲阜縣。唐武德中省。貞觀八年復置。仍屬兗州。宋大中祥符五年。改曰仙源縣。金復爲曲阜縣。今編戶十六里。

魯城

今縣治。圖經：神農氏自陳徙居魯。其後周公封於此，爲魯國都。其城凡十二門。正南曰稷門，南之左曰章門，右曰雩門。正北曰主門，北之左曰齊門，右曰龍門。正東曰建春門，東之左曰始明門，右曰鹿門。正西曰史門，西之左曰歸德門，右曰夢門。自春秋至戰國，魯世世都之，後并於楚。秦爲薛郡治。漢五年，楚地悉定，惟魯後下。漢王乃封項羽爲魯公。後漢建武五年，幸魯，永平十五年，至魯，幸孔子宅。元和二年，幸魯，祀孔子於闕里。延光二年，亦幸魯。隋曰曲阜縣，唐乾封元年，至曲阜祀孔子，開元十三年，亦幸曲阜。至孔子宅致祭。五代周廣順二年，如曲阜謁孔子祠。宋大中祥符初，亦幸曲阜謁孔子廟。遂幸孔林，是也。歷宋至元，遷縣治於魯城東十里，謂故城爲闕里，而城址已夷爲平陸。明朝正德七年，流賊入兗，陷曲阜，復犯闕里，乃徙縣於魯城故址。築城，周八里，而舊縣遂廢。志云：今縣城及郭外之東南，皆魯城故址也。杜預曰：魯有東城、南城，有上東等門，左傳定八年，公欲處父帥成人，自上東門入，與陽虎戰於南門之外。上東門，蓋魯城東之北門，又國語：臧文仲祭爰居於魯東門之外，卽此門矣。或以爲始明門也。其鹿門則南城東門也。襄二十三年，臧紇斬鹿門之關，出奔邾。白襄魯記：鹿門有兩井，一爲臧武仲井，一爲季桓子井。國語：桓子穿井得土缶，中有羊，以問仲尼者也。其雩門則南城西門也。面臨雩水，因名。莊十年，公子偃自雩門竊出，蒙辜比而犯宋師。又哀十一年，冉有帥左師，次於雩門之外，卽此。其稷門則南城正門也。莊三十二年，圍人孳能投蓋於稷門，定五年，陽虎盟季桓子於稷門之內。又哀八年，吳伐魯，徵虎欲以私屬徒宵攻吳，及稷門之內而止。今謂之高門。僖二十年春，新作南門，傳曰：書不時也。本名稷門，僖公更高而大之，故名高門。定十年，齊人陳女樂文，駟於魯城南高門外，卽稷門矣。門內有鬪鷄臺二所。昭二十五年，季郈之鷄鬪，括地志：鬪鷄臺二相距十五步是也。城外又有郭門，西郭門則曰子駒門。文十一年，獲長狄僑如，埋其首於子駒之門。又萊門，則東北郭門也。哀六年，齊人召公子陽生，陽生請與南郭且子乘，出萊門而告之。八年，吳伐我，將盟，景伯負載，造於萊門，或曰萊門卽陽關邑門也。又有爭門，東門，石門等門。公羊傳：齊桓公使高子將南陽之甲，立僖公而城魯，或曰：自鹿門至於爭門，或曰自爭門至於東門，是也。爭門，一云當作淨門。淨，魯北門池也。東門，或以爲史門矣。呂氏春秋：歸父居石門，石門蓋亦郭門名也。又有雉門，有兩觀，定二年五月，雉門及兩觀災。冬十月，新作雉門及兩觀。雉門蓋公宮之南門，兩觀也。孔子爲魯司寇。

誅少正卯於兩觀之下。又雉門之左有亳社。右有周社。成季之繇曰。聞於兩社。爲公室輔。兩社之間。朝廷議政事之所也。

奄城

在城東二里。古奄國也。書序成王東伐淮夷。遂踐奄。因以封周公。志云。曲阜舊城。卽古奄地。亦曰商奄里。又名奄至鄉。○縣城在縣西南二十里。志以爲郟國地。郟人於此築小城。以備魯。因名。或曰。非也。夫子父叔梁紇爲郟邑大夫。此蓋郟邑矣。孔叢子。

孔子將適晉。臨河而返。還轅息鄆。卽此。志云。今鄆縣西北有東鄆。鄆西鄆集。蓋地與鄆縣接界。杜預曰。魯縣東南有莒城。卽此城矣。

汶陽城

縣東北四十里。本魯邑。左傳。公賜季友汶陽之田。漢置縣。屬魯國。晉屬魯郡。宋及後魏因之。北齊省。隋因改魯縣曰汶陽。杜預曰。汶陽縣北有曲水亭。春秋桓十二年。公會杞侯莒子。盟於曲池。卽此。水經注。漢章帝東巡泰山。立行宮於汶陽。世謂之

關陵城。杜佑曰。漢汶陽故

城在泗水縣東南似誤。

尼山

縣東南五十里。連泗水。鄆縣界。一名尼邱山。孔子應禱而生之地。其山五峯。連時中峯之麓。有宣聖廟。其東麓有坤靈洞。山東南相對者曰顏母山。上有聖井及顏母廟。或謂之女陵山。志云。尼山南有魯源村。爲叔梁紇所生之地。○防山在縣東二十里。

春秋僖十四年。季姬及鄆子遇於防。禮記。孔子父母合葬於防。今其墓在山的北二十里。

九峯山

縣西北五十里。峯巒相接。參差有九。與寧陽縣接界。志云。山在寧陽東南五十里。○壽邱在縣東北。帝王世紀。黃帝生於壽邱。在魯東門北。長六里。高三丈。史記。舜作什器於壽邱。一統志。軒轅氏葬於此。在縣東北二里。金時改爲壽陵。又曲阜應劭

曰。在魯城中。委曲長

七八里。縣以此名。

泗水

縣北八里。自泗水縣流入界。又西入嶧陽縣界。左傳哀八年。齊伐魯。舍於泗上。十一年。師及齊師戰於郊。右師奔齊。人從之。陳瓊。陳莊。涉泗。國語。宣公夏。溢於泗。淵里。辛。斷其罟而棄之。志以爲皆魯城北之泗水也。從征記。洙泗二水。交於魯城

東北十
七里

洙水

縣北二里。春秋莊九年。泝洙。蓋以備齊也。水經注。洙水出泰山。蓋縣臨樂山北。西南流。至汴縣西南。入泗水。又亂流。西南至魯縣。東北分爲二流。北爲洙。南即泗水。孔子設教於洙泗之間。闕里是也。洙水又南經瑕邱城。下流復入泗。通志。洙水故道。自

縣東北經孔林西而入泗。今洙與泗水不通。上流在孔林東。止一溝。澗過夫子墓前。西南流入於沂。其故道不可攷矣。

沂河

縣南二里。出自尼山。西流經此。論語所云。浴乎沂者也。左傳昭二十五年。季平子請待於沂上。以察罪。杜預謂魯城南之沂水。是矣。又西入嶧陽縣境。合於泗水。○零水亦在縣南二里。源出縣治西南馬齒泉。亦曰泮水。魯頌。思樂泮水。即此水。側有零壇

亦名舞零臺。即樊遲從遊處。曾點所云。風乎舞零者。衛宏漢舊儀。魯零壇。在城東南。引龜山水爲池。至壇西。曰零水。零水亦入嶧陽縣。注於泗水。○嶮水在縣北五十里。源發九峯山。南流入泗水。以谿嶮險隘而名。

遼泉

縣南五里。左傳莊三十三年。季友以公命。飲叔牙。飲之。遼泉。而卒。旁有茶泉等五泉。又南二里有溫泉。旁有連珠等泉。又蜈蚣泉。在縣西南三十里。西南流經鄒縣界。入漕河。志云。縣境之泉。凡二十二。其五入泗。其十六入沂。其一入洙。又有新跑泉

萬歷中所新導之泉也。○坳澤在縣東九里。即魯僖公牧馬處。俗名連泉澤。

闕里

在今城內。即夫子故宅也。從征記。闕里背洙面泗。四門各有石闕。北門去洙水百步餘。今無復舊規。即其地爲先聖廟。廟互南。北二門。至爲巖煥。古帝王多祀於此。闕里記。漢高祖祀孔子宅。後武帝至。後漢光武。明章諸帝。皆幸焉。唐高宗至元宗。亦幸此。

五代周世宗謁孔子祠。又拜孔子墓。命葺孔子祠。蔡孔林樵採。宋真宗亦幸焉。今漢唐以來碑碣多有存者。闕里東南爲漢魯榘王靈光殿址。其西南爲豐相圃。圃周二里。禮記孔子射於豐相之圃。是也。今爲學址。○孔林在城北二里。史記孔子葬魯城北泗水上。弟子及魯人從塚而家者。百有餘室。因曰孔里。今日孔林。林廣十餘里。中有亭一所。相傳宋真宗駐蹕處。其南有泮水橋。又顏子墓。在防山東南二十里。亦曰顏林。孟子墓在縣南四十里。四基山陽本屬鄒縣。唐貞觀中割入縣境。今山與鄒縣接界。

少皞陵

在縣東八里。傳云魯少皞之墟也。世記少皞邑於窮桑。以登帝位。徙於曲阜。顓頊始都窮桑。徙帝邱。或曰窮桑在縣北。左傳命伯禽封於少皞之墟。又云世不失職。遂濟窮桑。是也。又大庭氏庫在縣治東。大庭神農氏也。或曰古國名。左傳昭十八年。

梓愷登大庭氏之庫以望氣。曰宋衛陳鄭火志云曲阜有大庭氏之墟。魯於其上作庫。晉譙周曰曲阜城東有大庭城。炎帝所居。

書雲臺

在城內東南故泮宮中。亦曰泮宮臺。詩所謂既作泮宮。淮夷攸服者。左傳僖五年日南至。公登臺以望雲物。後人因謂之書雲臺。又季武子臺在今城東北二里。舊志云在魯東門內。定十二年公山不狃率費人襲魯。公與三子入於季氏之宮。登武子之臺。是也。其東南曰襄仲臺。又有周公臺。水經注云在季武子臺西北二里。○莊公臺志云在縣東北八里。左傳莊三十二年築臺臨黨氏。見孟任是也。稍西南又有昭公臺。述異記縣南十里有孔子春秋臺。

五父衢

水經注在魯東門外二里。襄十一年季子將作三軍。盟諸僖園。詛諸五父之衢。八年陽虎取寶玉大弓以出。舍於五父之衢。禮記孔子少孤。不知其墓。母死。殯於五父之衢。是也。括地志五父衢在曲阜縣西南二里。魯城內衢道似誤。○蒲圃。舊志亦在魯東門外。左傳襄四年季孫爲己樹六檟於蒲圃。東門之外。又十九年享晉六卿於蒲圃。定八年將享季氏於蒲圃而殺之。卽其地矣。又城中舊有棘下里。定八年陽虎劫公伐孟氏。入自上東門。戰於南門之內。又戰於棘下。是也。又有屯鄉在縣南。史記定十年孔子去魯。宿於屯。謂此。

寧陽縣。州北五十里。西北至濟南府肥城縣九十里。東北至泰安州一百有五里。本魯之闡邑。漢置寧陽縣。屬泰山郡。武帝封魯恭王子恬爲侯邑。後漢屬東平國。晉省。後齊僑置平原縣於此。隋屬兗州。開皇十六年。改縣曰鬪邱。唐因之。宋大觀四年。又改曰鬪

寧。仍屬兗州。金大定二十九年。復曰寧陽縣。元至元二年。省入嶧陽。大德初。復置。今編戶二十六里。

寧陽故城。縣東北十九里。志云。漢縣治此。又縣北十七里有平原鄉。相傳爲齊平原縣治。縣東南二十里有鬪邱城。卽隋鬪邱縣治也。金人移縣治此。

鉅平城。縣東北九十里。春秋時魯之成邑。桓六年。公會紀侯於成。莊三十年。次於成。備齊也。又襄十五年。齊人圍成。公救成。於是城成。鄆十六年。齊復圍成。後爲孟氏邑。昭七年。晉人來治杞田。季孫以成與之。後復歸魯。二十六年。齊人圍成。弗克。定十二年。

仲由爲季氏宰。將墮成。公斂處父謂孟孫墮成。齊人必至於北門。且成孟氏之保障也。無成。是無孟氏也。子僞不知。我將不墮。於是公圍成。弗克。哀十五年。成叛入於齊。孟武伯伐成。不克。遂城輪以逼成。旣而齊歸成。禮記檀弓。子羔爲成宰。史記齊宣公四十八年。田和取魯之成邑。是也。漢置鉅平縣。屬泰山郡。晉宋及後魏因之。後齊廢。括地志。鉅平城。今爲故城社。汶水經其東。上有文姜臺。其東南卽魯之故成邑。

剛城。縣東北三十五里。戰國時齊之剛邑。秦昭王三十六年。取齊剛壽。此卽剛邑也。漢置剛縣。屬泰山郡。後漢屬濟北國。晉曰剛平縣。屬東平國。後省。水經注。汶水西南逕剛縣北。是也。後譌剛爲埭。今有埭城壩。○圍城在故剛城北。春秋哀八年。齊人取謹及剛。杜預曰。剛縣北有圍鄉。

應劭曰。剛城。故闡邑也。

陽關城。在縣東北。亦魯邑。左傳襄十七年。齊高厚圍臧紇於防。師自陽關逆臧孫。至於旅松。定七年。齊人歸鄆陽關。先是爲齊所取也。八年。陽貨入譙陽關以叛。九年。伐陽關。陽虎使焚萊門。師驚犯之。而出齊世家。威王六年。魯伐我。入陽關。杜預曰。陽關在

鉅平縣東劉阿曰鉅平縣有陽關亭防在今平陰縣被松近防地也括地志陽關在博城西南二十九里西臨汶水是也今入縣界

蛇邱城 在縣西北志云即魯之蛇淵圍定十二年築蛇淵圍漢置蛇邱縣屬泰山郡蛇讀移後漢及晉俱屬濟北國劉宋因之後魏屬東濟北郡北齊廢劉阿曰蛇邱縣有下謹亭春秋桓三年公子翬如齊逆女齊侯送姜氏於謹定八年陽虎入謹陽關以後於鑄春秋襄二十三年傳臧宣叔娶於鑄謂此杜預曰鑄即蛇邱縣治水經注蛇水經鑄城西春秋所謂蛇淵圍也劉阿曰蛇邱縣有鑄鄉城似并一處矣其與鑄相近者又有棘鄉左傳成三年叔孫僑如圍棘取汶陽田是也杜預曰蛇邱有棘鄉

遂城 在蛇邱廢縣東北故遂國左傳莊十三年齊人滅遂而戍之十七年齊人曠於遂史記齊世家桓公五年伐魯魯莊公請獻遂邑和劉阿曰舊蛇邱縣有遂鄉○謝城在縣東孔氏曰定十年齊侯以夾谷之會歸所侵魯之郛禮龜陰田以謝過其地皆在汶北所謂汶陽田也魯因築城於此以旌孔子之功名曰謝城河渠志謝過城有泉流入汶河城蓋與泰安州接界

雲山 縣西北十五里有穴雲出其中又縣北二十里有伏山一名佛山其南有小山謂之寧山縣在其南故曰寧陽○鶴山在縣西北三十里稍北曰龜山連汶上縣界

魏家寨山 縣西三十里山高峻上有石洞可容數百人元季人多避兵於此○靈山在縣東九十里連新泰縣界樹木蔥鬱四時蒼翠又東十里有九頂山山有九峯參差競勝

汶水 在縣西北自泰安州西南流入縣界至縣東北分而為二其一為元人所改由縣北三十五里堽城壩而南流別為泇水其一由堽城西流入東平州今詳見汶上縣

在汶北所謂汶陽田也魯因築城於此以旌孔子之功名曰謝城河渠志謝過城有泉流入汶河城蓋與泰安州接界

雲山 縣西北十五里有穴雲出其中又縣北二十里有伏山一名佛山其南有小山謂之寧山縣在其南故曰寧陽○鶴山在縣西北三十里稍北曰龜山連汶上縣界

魏家寨山 縣西三十里山高峻上有石洞可容數百人元季人多避兵於此○靈山在縣東九十里連新泰縣界樹木蔥鬱四時蒼翠又東十里有九頂山山有九峯參差競勝

汶水 在縣西北自泰安州西南流入縣界至縣東北分而為二其一為元人所改由縣北三十五里堽城壩而南流別為泇水其一由堽城西流入東平州今詳見汶上縣

在汶北所謂汶陽田也魯因築城於此以旌孔子之功名曰謝城河渠志謝過城有泉流入汶河城蓋與泰安州接界

雲山 縣西北十五里有穴雲出其中又縣北二十里有伏山一名佛山其南有小山謂之寧山縣在其南故曰寧陽○鶴山在縣西北三十里稍北曰龜山連汶上縣界

魏家寨山 縣西三十里山高峻上有石洞可容數百人元季人多避兵於此○靈山在縣東九十里連新泰縣界樹木蔥鬱四時蒼翠又東十里有九頂山山有九峯參差競勝

汶水 在縣西北自泰安州西南流入縣界至縣東北分而為二其一為元人所改由縣北三十五里堽城壩而南流別為泇水其一由堽城西流入東平州今詳見汶上縣

洗水。

縣西三里。汶水支流也。自堽城壩西南流經此。又南流三十里。至府西北三十里之高吳橋。又西南流三十里。經濟寧城東隅。與泗水合。入天井關河。亦謂之洗水。管書。葦容關以數萬秦屯下城。徐州刺史荀爽自洗水引汶通渠。至東阿征之。臨陳斬關。是引洗爲渠。始於荀爽也。元初於堽城左作斗門。過汶水以益泗。清於是其流始盛。至元六年。以奔流衝激。泥沙填淤。乃議漕之。自臨口至石刺。以通其源。又自石刺至高吳橋。南至王家道口。北五十六里有奇。以達其流。而洗河復治。明朝永樂中。漕會通河。復築堽城壩。以遏汶水入洗之流。惟壩南官莊河入洗。其流漸微。成化十一年。主事張盛復爲堽城石關。稍分汶水支流益之。於是泗酒南注矣。

溜水。

在縣東北。杜預曰。出泰山梁父縣。西北入汶。昭二十六年。齊師圍成。成人伐齊師之飲馬於溜者。卽此溜水也。今涸。○漕水在縣南源。出縣治東北蛇眼泉。南流。合縣東南諸泉。經府北三十里。西南入於洗河。

柳泉。

在縣四十里。南流入洗河。又龍魚泉。在縣東北六十里。又東北十里。曰龍港溝泉。○魯姑泉在縣西北三十里。又西北十里。曰深當山泉。又有古城泉。在縣東南十里。志云。縣境之泉凡十三。其四入汶。其九入於洗河。

青川村。

縣北三十里。置驛於此。曰青川村驛。又東。在縣東北十里。俗名梁王點軍臺。

堽城壩。

在縣東北三十四里。元置壩。永樂中。改爲壩。成化十一年。主事張盛以舊堰水闊河深。相視其西南八里。爲堽城新石壩。置開啓閉。以時蓄洩。在今城西北三十里。又洗河東西關。俱在縣西四里。嘉靖六年。主事吳鵬以洗水久涸。柳泉復爲積沙所壅。乃置閘於此。引柳泉橫過洗河。隨時蓄洩。以達其流。又

東至城南。會蛇眼諸泉。下流入於漕水。並注洗河以濟運。

鄒縣。

府東南五十里。東南至滕縣九十里。西至濟寧州七十里。春秋時爲邾國。魯穆公改邾曰驪。因山爲名。漢置驪縣。屬魯國。晉曰鄒縣。屬魯郡。宋及後魏因之。隋屬兗州。唐仍舊。宋熙寧五年。省元豐七年復置。仍屬兗州。金屬滕州。元因之。明初改今屬。編戶三十

里九

郟城。

在縣東南二十六里。本郟婁之國。記曰。武王克商。封陸終第五子晏安之裔曹挾於郟。隱元年。公及郟儀父盟於蔑。儀父挾之後也。僖二十二年。郟人獲公。曹慙之。魚門。杜預曰。魚門。郟城門也。又有范門。哀七年。魯伐郟。及范門。猶聞鐘聲是也。劉劭曰。山

記。郟城在山南。去山三里。左傳文十三年。郟文公卜遷於釋。又哀九年。郟衆保於釋。釋即郟山也。史記。吳夫差九年。會驪伐魯。蓋郟亦通謂之驪。孟子驪人也。其地去魯甚近。傳曰。魯擊柝聞於郟。故孟子曰。近聖人之居。漢置驪縣。或曰秦置。漢因之。自晉以後。皆曰郟縣。東晉咸和初。石趙將石瞻攻河南太守王瞻於郟。拔之。胡氏曰。即故郟城。亦謂之郟山。宋時魯郡治焉。元嘉二十七年。魏主濛南侵。自東平趣郟山。李孝伯謂宋張暢曰。郟山之險。君家所憑是也。宋改置縣於此。其故城址周二十里有奇。

南平陽城。

縣西三十里。春秋時郟地。後爲魯平陽邑。哀二十七年。越子使后庸來盟於平陽。即此。戰國時。爲齊南陽邑。孟子謂魯慎子一戰勝齊。遂有南陽。魯仲連謂楚攻南陽。皆指此也。漢置南平陽縣。屬山陽郡。晉屬高平國。劉宋改置陽平縣。屬

魯郡。後魏因之。後齊省。今其地曰平陽社。○漆城在縣北。左傳襄二十一年。郟庶其以漆圍邱來奔。杜預曰。南平陽縣東北有漆鄉。定十五年。城漆。即此漆鄉。西北有顯閭亭。即古閭邱也。一云閭邱在今縣南。

嶧山。

縣東南二十五里。一名郟嶧山。亦曰郟嶧山。禹貢嶧陽孤桐。詩保有鳧。釋與嶧同也。左傳文十三年。郟遷於釋。宣十年。伐郟。取釋。哀七年。魯師入郟。郟人保釋。杜預曰。釋。郟山也。郭璞云。釋山純石積構。連屬如釋。絲然。故以釋名。史記。秦始皇二十八年。

上郟嶧山。刻石頌功德。其所刻石。嶺名曰書門。水經注。嶧山東西二十里。高秀獨出。積石相臨。殆無土壤。石間多孔穴。洞達相通。往往有如數間屋。處俗謂之嶧孔。遊亂入嶧。外寇雖衆。無所施害。晉永嘉之亂。大尉郟鑿將鄉曲逃此山。羣賊攻守。不能得。今山南有大嶧。名曰郟公嶧。山北有紀巖。即秦立石處也。晉書。建興末。郟鑿避寇嶧山。琅邪王睿就用爲兗州刺史。鎮郟山。大寧三年。石勒將石瞻攻兗州。刺史檀斌於郟山。殺之。義熙四年。南燕司馬叔璠等自留城寇郟山。魯郡太守徐邕棄城走。宋元嘉二十七年。

年魏主濬南寇至鄴山見秦始皇石刻使人排而仆之遂引軍趨彭城志云嶧山孔穴甚多其大者曰妙光峒相傳中有穴與洞庭通蓋環魯之山不一而玲瓏峭特者莫如嶧山山之西南二里有村曰故縣即鄴縣舊治也上冠峯巒下屬巖壑稱爲絕勝宋大中祥符初嘗致封號於此山載在祀典金末大名府僧智究者謀作亂潛結其黨會於嶧山蓋山巖峻險可恃爲窟宅也

鳧山

縣西南五十里連魚臺縣界詩保有鳧釋此即鳧山也土人呼爲八卦山相傳伏羲會畫卦於此又南麓有呂公洞甚深遠○九龍山在縣東北二十里山形起伏凡九上有靈泉一名靈山又縣東北三十里曰四基山山顛有石狀如堂基其西麓爲孟

子墓又東北十里曰昌平山史記孔子生魯昌平縣鄆邑山北有

昌平鄉與嶧陽縣接界又東北二十里爲尼山與曲阜縣接界

距越山

縣東北七十里山高大冠於羣峯上有龍井又接輿山在縣東南五里以山形如兩車相接也其相屬者爲塘口山牙山陽山牙陽兩山間有高皇埠相傳漢高微時曾潛迹於此縣北五里又有岡山志云山分南北兩岡並高聳○光武洞在縣南

六十里地名瓦曲村相

傳光武曾避兵於此

泗河

縣西北五十里自嶧陽縣流入境又西南經此有小閘橫截其中以時蓄洩濟清河之淺涸成化以來屢經修築○運河在縣西南七十里志云縣境所管河岸南自濟寧之魯橋牒北至濟寧之師莊凡三里

白馬河

在縣北三十里源出九龍山西北流經此有蓼河出九龍山東南之蓼溝亦西北流至此合焉又西注於泗水志云九龍山麓有溪湖廣三里西流入白馬河○沙河在縣東志云大沙河出城東山谷間有關溝水流合焉小沙河出岡山下一名因

利溝經城東與大沙河合西南流三十里

注於陂澤其下流匯於滕縣之昭陽湖

白莊泉

縣東南四十五里。其旁又有瀾源、柳青、三角灣諸泉。又岡山泉。在縣北十里。其東北又有鱸眼、孟母、陳家溝等泉。志云：縣境之泉凡十三。其十二流入泗。其一入於魯橋運河。

界河驛

縣東南五十里。又縣城西有邾城驛。

泗水縣

府東九十里。西南至鄆縣九十里。西北至泰安州百里。古卞明國。春秋時魯卞邑。漢置卞縣。屬魯國。晉屬魯郡。宋因之。後魏省入汶陽縣。隋開皇十八年。改置泗水縣。屬兗州。唐宋因之。元省入曲阜縣。尋復置。今編戶二十四里。

卞城

在縣東五十里。古卞國。記曰：湯伐有卞。是也。春秋時為魯卞邑。或曰：卞莊子食邑於此。僖十七年。夫人姜氏會齊侯於卞。襄二十九年。季武子取卞。史記魯世家：頃公亡遷於卞邑。漢為卞縣治。晉因之。永和十二年。燕將慕容暉屯卞城。徐州刺史荀爽擊斬之。後魏廢。隋改置於此。劉昫曰：隋分卞縣西界置汴陽縣。而於卞縣古城置泗水縣。似誤。其南又有姑蔑城。隋元年。公及邾儀父盟於蔑。又定十二年。公山不狃、叔孫帥費人襲魯。孔子使申句須、樂頤伐之。費人北。敗諸姑蔑。杜預曰：姑蔑即蔑也。在魯國十縣南。泗水逕其北。

國十縣南

泗水逕其北。

梁父城

縣北四十里。漢縣。屬泰山郡。晉因之。南燕置兗州於此。劉宋仍屬泰山郡。後魏因之。隋屬兗州。唐初屬東秦州。貞觀初。縣省。水經注：梁父故城北。即梁父山。舊志云：故城北去泰安州六十里。蓋接壤處。又西南去寧陽縣亦九十餘里。

郿城

在縣東南。春秋時魯邑。左傳文七年。城郿。杜預曰：卞縣南有郿城。城部備郿難也。漢置郿鄉縣。屬東海郡。郿音魚。後漢省。又桃墟亦在故卞城東南。魯邑也。左傳襄十七年。齊侯伐我北鄙。圍桃。昭七年。晉人來治杞田。季孫以成與之。而遷孟氏之邑於桃。

世亦謂之陶墟。謂舜所陶處。

陪尾山。縣東南五十里。萬貫。外方桐柏。至於陪尾。是也。泗水發於山下。有數泉並導。經下城而西。始合爲一。山陰有湖。謂之瀟澤。云。○龜山在縣東北五十里。與新蔡縣接界。山之北即龜陰也。今詳見新蔡縣。

泗水。縣北八里。源出陪尾山。西流。與諸泉會。過縣北。又西至曲阜縣界。水經注。泗水出下縣東南桃墟西北。墟西澤方一十五里。澤西際阜。俗謂之鳩亭山。阜側有三石穴。廣圍三四尺。澤水從穴而上。自此達圃通阜。西北四十許步。圃之西際。便得泗水之源。

蓋即陪尾山矣。又有百丁河。在縣東北二十里。馬莊河在縣西北三十里。俱南流入泗河。

玉溝泉。縣西南十一里。西北流入泗水。又有盜泉。在縣東北高陘山陰。淮南子。孔子不飲盜泉。謂此志云。縣東南二十里。昌山下有鮑村等泉。東南五十里。鳳凰山下有珍珠等泉。其出自陪尾山泉林寺旁者。凡二十餘泉。波浪翻湧。高出水面。爲山東諸泉

之冠。四面旋繞。西北流一里。合爲一。遂爲泗水。上源泉志。縣境之泉。凡五十九。皆滙爲泗河。

菟裘聚。在縣西北。左傳。隱十一年。公使羽父營菟裘。曰。吾將老焉。杜氏曰。菟裘。魯邑也。在梁父縣南。○庚宗亭在縣東。春秋昭四年。傳。初。穆子去叔孫氏及庚宗。又哀七年。吳伐魯。戰於夷。舍於庚宗。次於泗上。蓋縣與費縣接壤。吳人之師。自南武城而前也。

滕縣。府東南百四十里。南至江甯徐州百九十里。古小邾國及滕國地。漢置蕃縣。屬魯國。蕃讀爲翻。晉屬魯郡。元康中。改屬彭城郡。宋

因之。後魏孝昌二年。置蕃郡。治焉。梁大通二年。將軍王弁侵魏徐州蕃郡。民饑。饗珍。攻郡。應梁。敗死是也。北齊郡廢。隋開皇十六年。改置滕縣。屬徐州。唐宋因之。金置滕陽軍。大定二十四年。復改曰滕州。治

滕縣元因之。明初州廢。縣屬濟寧府。洪武十八年。改今屬。今編戶八十七里。

滕城。縣西南十四里。周滕國。文王子叔繡所封。至戰國時。爲宋所滅。秦置滕縣。漢高祖封夏侯嬰爲侯。邑號滕公。尋改置公邱縣。屬沛郡。武帝封魯恭王子順爲侯。邑後漢仍爲公邱縣。晉屬魯郡。後廢。志云。故滕城周二十里。內有子城。

薛城

縣南四十里。夏車正奚仲國也。左傳定元年薛宰曰薛之皇祖奚仲居薛。爲夏車正。遷於郟。仲虺居薛。爲湯左相。是也。周爲子男國。春秋時與於盟會。戰國時爲齊所滅。田嬰封於此。謂之薛君。秦置薛縣。二世二年沛公雍齒守豐。自引兵之薛。又項羽以朱雞石敗。自湖陽引兵入薛。召諸別將會薛計事。漢置薛縣。屬魯國。晉屬魯郡。劉宋屬彭城郡。後魏因之。後齊廢。或謂之郟城。太康地記奚仲遷於郟。謂之下郟。竹書梁惠成王三十一年。郟遷於薛。謂之上郟。漢呂后三年封楚元王子郟客爲上郟侯。卽薛也。後漢志薛城在春秋之季。亦曰舒州。哀十四年齊陳恆執其君。寘於舒州。尋弑之。亦名爲徐州。史記句踐平吳。以兵北渡淮。與齊晉諸侯會於徐州。齊世家田氏之徒追執齊簡公於舒州。卽徐州也。齊威王謂魏惠王。吾吏有黠夫者。使守徐州。及宣王八年。與魏襄王會徐州。諸侯相王也。十年。楚圍我徐州。楚世家。威王七年伐齊。敗之於徐州。竹書謂郟遷於薛。改名徐州也。括地志。薛城在薛河北。周二十八里。齊田文封薛。乃改築之。其城堅厚無比。中有田文墓。又有仲虺城。在薛城西三十里。虺奚仲後也。相潯時居此。俗謂之斗城。潯水經其北。西入於泗。

郟城

縣東六里。春秋時小國也。莊五年。郟摯來朝。僖七年。更爲小郟。卽此城矣。杜預曰。昌慮縣東北有郟城。在南梁水東。○潯城。在縣東南。詩居常與許。鄭氏曰。常或作嘗。在薛之旁。孟嘗君食邑於薛。今薛城南十里有孟嘗集。或以爲卽古嘗邑。史記越世家。願齊之試兵南陽。芒地。以聚常郟之境。索隱曰。常邑名。卽田文所封。

昌慮城

縣東南六十里。春秋時濫邑也。昭三十一年。邾黑肱以濫來奔。卽此。漢置昌慮縣。屬東海郡。宣帝封魯孝王子安爲侯邑。後漢建武五年。董憲與劉紆悉兵數萬人屯昌慮。又招五校餘賊拒守建陽。帝至蕃。去憲百餘里。旣而進攻。憲大破之。建安五年。曹操嘗析置昌慮郡。尋復故。晉亦曰昌慮縣。元康中。改屬蘭陵郡。劉宋泰始中。爲郡治。後乃屬蘭陵郡。北齊廢。後周大象二年。尉遲迥舉兵相州。徐州將席毗羅應之。軍於蕃城。陷昌慮。隋大業十年。彭城留守董純大敗賊帥張大虎於昌慮。卽故城矣。其城

周十里內

有子城

戚城

縣西南五十里。或曰秦縣也。二世二年。泗州守敗於薛。走至戚。卽此。漢仍置戚縣。屬東海郡。史記。曹參嘗遷爲戚公。是也。後漢及晉皆爲戚縣。後廢。其城周四里。爲運道所經。有泲河通判。駐於此。○桃山城在縣東。漢置桃山縣。屬泰山郡。後漢省。晉爲戍守處。大和六年。齊將俱難攻管關。陞太守張閔子於桃山。桓溫遣兵擊却之。卽此。

休城

縣西二十五里。戰國時齊邑。孟子去齊居休。是也。漢文帝封楚元王子宮爲侯邑。今廢。又驩城在縣西南五十里。相傳齊王驩所居邑。沛縣志。沛東北四十里有觀城。亦曰驩城。○靈邱城在縣東三十里。明水之南。城周八里。內有子城。戰國時齊南境邑。孟子謂蚺蠶靈辭靈邱而請士師。指此。史記。齊威王元年。三晉因齊賈來伐我靈邱。是也。

涸城

縣東五十里。馬山之北。薛河之南。牛爲河水所圯。蓋南北朝時戍守處。或謂之五固。蕭齊建元二年。淮北泗州民不樂屬魏。齊主復遣間譏誘之。於是徐州民桓標之。兗州民徐猛子等。所在譴起爲寇盜。聚衆保五固。推司馬朗之爲主。魏遣尉元等擊平之。卽此地也。又有梁城。在縣東溈河之南。有臺。謂之舊城臺。亦昔時戍守處。

高山

在縣東六十里。上有趙盾祠。迤西爲薛山。薛水源於此。○薛山在縣東北四十里。巖洞頗勝。下有茶泉。流入薛河。其相接者曰馬山。山南有泉。西流爲明水。又西有石溝。車箱水出焉。下流入溈水。

連青山

縣東北五十里。形如蓮花。亦曰蓮峯山。中有泉。南沙河出焉。卽溈河也。自連青山涉溈三十里。爲大白山。又十里爲越峯山。大岸阜山皆高出雲表。峯巒洞壑。絕人世。志云。越峯山在縣東北七十里。

孤駱山

縣東南二十里。左傳襄四年。滅紇。侵郟。敗於孤駱。哀二十七年。越子使屠庸。封於駱上。杜預曰。善縣東南有孤駱亭。亭因山以名也。○鉅山在縣東南六十里。張斐記略曰。鉅山盤鬱蒼蔥。下有水曰聖泉。不涸。味甘而冽。又有微山在縣

南百里。純石帶土。所謂

鉅也。與江南沛縣接界。

孤山

在縣東南。魏收志。昌慮縣有孤山。梁天監五年。桓和侵魏兗州。進屯孤山。魏將樊魯擊破之。○龍山在縣北二十五里。峯巒奇秀。上有龍湫。又落鳳山。在縣東三十里。峯巒起伏。形如波浪。旁有大公尖頂。浮柱等山。皆連亙於縣東。

運河

縣東南六十里。一名新運河。嘉靖四十四年。河決沛縣。淤涸頭屈。上下百餘里。遣工部尙書朱衡。自南陽至甯城。築新河百四十一里。其西岸爲沛縣境。東岸則縣界也。今詳見川濱漕河。

薛水

縣南四十里。源出高薛二山間。經桃山北。達薛城而西南流。入江南沛縣界。志云。縣西南三十里。曰三河口。以薛河。沙河。趕牛溝。三水合於此也。趕牛溝出縣西南五花泉。今見沛縣境內。○梁水在縣東十五里。自平地湧出。後漢志。善縣有南梁水。水經

注。善縣東北平澤泉。若輪焉。南鄰於沛。亦謂之西沛。首受善縣水。西注山陽湖。陸二水。皆由沛入泗。以在善縣南。故曰南梁也。今水出縣東北六十里。荆溝村。其源亦曰荆溝泉。西流經蒼藤縣北。西南流。折爲九曲。又西會沛水。入於運河。亦謂之梁溪。成化十

八年。引梁溪源水。遠城外郭。卽此。

漣水

縣南十五里。源出連青山。西南流。至三河口。合於薛河。左傳襄十九年。取郟田。自漣水。哀二年。季孫斯伐郟。取漣東田。及沂西田。杜預曰。漣水出東海。合鄉縣西南。逕魯國至高平湖。陵縣入泗。今近出連青山。入薛河。亦謂之南沙河。自運河東徙。恐沙爲

漣。病染黃甫。塌過之。北出趙溝。西會南梁水。入於運河。○北沙河在縣北十五里。源出龍山。西南流。合於漣水。邑志云。源出郟嶧山。至洪臨。分二河。夾休城而西。會白水河。入運河。又明水在縣東北二十里。源出馬山。東南流。入漣水。又小白河。在縣西四十里。

亦曰白水河。縣南八十里。又有伯冢河。又南十里曰三界灣河。舊俱會滌水入運河。

昭陽湖

縣西南七十里。接沛縣界。縣境諸泉。皆停蓄於此。水盛則溢。出沽頭諸關。以濟運。水涸則民皆佃種。嘉靖末。大河決入。運道淺淤。乃改濬新河。出湖之東。而湖爲河流散溢之處。今詳見江南沛縣。○獨山湖在縣西五十里。接魚臺縣界。鄒泗之水。餘流所瀆也。亦引流入於運河。

代陂

在縣東。晉永和五年。時石趙衰亂。褚裒帥衆伐趙。徑赴彭城。魯郡民亦起兵。附晉。求援於裒。裒遣部將王龜等迎之。與趙將李農戰於代陂。敗沒。卽此。

趙溝泉

縣西南二十六里。旁有紋溝。三山。五花等泉。舊俱由上沽頭開入漕河。今附南沙河而西北。達於運河。又北石橋泉。在縣北二十里。旁有三里橋。大烏等泉。俱注於北沙河。又黃溝泉。在縣東南八十里。與溫水龍灣諸泉。舊俱經沛縣留城。關入漕河。泉河考。縣境凡一十九泉。舊俱入昭陽湖。今皆引流入於漕河。以達運河。

臨城驛

縣南七十里。志云。城東有滕陽馬驛。此爲臨城馬驛。南北陸道所經也。又縣南九十里。有沙溝集。巡司。○逍遙臺在故薛城南十里。左傳莊三十一年。築臺於薛。卽此臺也。齊宣王時。孟嘗君歸薛。乃更築之。名曰逍遙。又清涼臺。在縣東南四十里。相傳漢武東巡。置宮於此。復築臺曰清涼。今其地名漢宮村。

嶧縣

府東南二百六十里。東北至沂州百八十里。西南至江南邳州一百八十里。西至江南沛縣百五十里。春秋時鄆國。漢爲闕陵。承二縣地。屬東海郡。後漢因之。晉元康初。置闕陵郡。治承城縣。劉宋及後魏因之。隋郡廢。開皇十六年。置邳州。大業初。州廢。改承縣。

爲蘭陵縣屬彭城郡唐初復置鄆州又改蘭陵爲承縣貞觀初州廢縣屬沂州宋因之金改屬邳州又改承縣爲蘭陵縣興定中又置嶧州治焉元初以州屬益都路至元二年以縣省入州明朝洪武二年改州爲縣屬濟寧府十八年改今屬編戶三十六里

承城

縣西北一里漢置承縣以承水所經而名承讀拯俗作承誤也晉爲蘭陵郡治劉宋泰始中郡移治昌慮縣後魏仍爲郡治隋爲鄆州治大業初改承縣爲蘭陵唐復爲承縣元和十四年楚州刺史李聽討淄青叛帥李師道克海州敗其兵於沂州拔承城是也宋亦曰承城金人復曰蘭陵釋州治焉元省明初改築今城成化二十六年始砌以石其後相繼修葺周四里有奇杜預曰承縣東南有向城或以爲古向國蓋其地與沂州接壤

蘭陵城

縣東六十里史記荀卿適楚春申君以爲蘭陵令十三州志蘭陵故魯之次室邑其後楚取之改爲蘭陵漢置縣屬東海郡後漢建武四年董憲將賁休以蘭陵降旣而憲復陷之五年憲等自下邳還蘭陵卽此晉屬蘭陵郡劉宋及後魏因之隋大業初省入承縣尋改承縣曰蘭陵唐武德四年改蘭陵爲承而別置蘭陵縣屬鄆州貞觀初州廢縣亦併入承縣

鄆城

縣東八十里春秋時小國也僖十四年鄆子來朝襄六年莒人滅鄆昭四年取鄆史記夫差七年敗齊師於艾陵遂至繪卽此後爲楚地漢置繪縣屬東海郡後漢屬琅邪郡晉因之後廢隋復置鄆城縣大業初嘗置蘭陵郡於此尋併入承縣唐初爲山賊左君衡所據事平復置鄆城縣爲鄆州治貞觀初州縣俱廢杜預曰鄆縣北有蕝亭春秋莊九年公及齊大夫盟於蕝卽此

偃陽城

縣南五十里春秋時小國城西有祖水襄十年晉侯會諸侯及吳子壽夢於祖遂伐偃陽是也漢置傳陽縣屬楚國傳偃同音福後漢屬彭城國晉因之後廢○合鄉城在縣西北漢縣屬東海郡後漢及晉因之劉宋屬蘭陵郡後魏因之後齊廢沛縣志合鄉卽古之互鄉論語所謂難與言者

建陽城。

在縣西漢縣屬東海郡宣帝封魯孝王子咸為侯邑後漢亦曰建陽縣建武五年董憲招五校餘賊拒守建陽是也晉省志云縣西四十五里有建陽城在白茅山之陽亦漢東海屬縣也景帝封衛綰為侯邑又宣帝封魯孝王子遂於此或曰建陽

即建陽之譌也今江南沭陽縣有建陽城又陰平城舊志云在縣西南三十里今亦見沭陽縣○

二疏城志云在縣東四十里城方五六里內有散金壘相傳漢疏廣疏受所居或謂之不其城○

君山。

縣北六十里亦曰抱犢山又為抱犢固述征記抱犢固壁立千仞頂寬平而有水山去海三百里天氣晴朗宛然在目山上有池周迴五丈深三四尺水旱如一有地數頃相傳昔有王老者抱犢耕其上故名漢曰樓山魏號仙壘高九里周四十五里齊

建元三年淮北民桓彞魂叛魏破魏師於抱犢固又梁天監五年青冀二州刺史桓和克魏胸山城又擊魏兗州拔固城既而別

將蕭及屯固城魏將元恆復攻拔之胡氏曰固城當即抱犢固也志云君山之旁又有巨渠山熊耳山與滕縣接界又車稍山亦

與君山相接寰宇記謂之花盤山亦名三峯山滄浪澗水出焉即承水土源也今城西有孺子橋蓋因孟子所稱而名

僊壇山。

縣東北一里志云山巖廣數里攢簇奇秀望之如廬相傳古仙人所居又東北四十里為傍山下有洞泐水出其下○夾山在縣北七十里或誤以為夾谷其相接者曰夾兒山舊有錫場

青石山。

縣東七里頂有石穴深數丈西崖瀑布自削壁而下達於澗底中有僊洞或謂之石城山晉咸和中彭城內史劉續據蘭陵石城後趙將石瞻攻拔之魏收志蘭陵縣有石孤山當即石城矣○葛嶧山在縣東南十五里承水環其下曰葛嶧者以山

川絡繹如葛之有蔓也亦名桂子山又青檀山在縣西十里山多青檀樹有流泉注承水俗名龍鳳山又馬山在縣南九十里以山勢若奔馬而名或謂之馬旺山武水出焉

泐河。

在縣南有二東泐河出榜山一云出費縣南山谷中南流經沂州西南下莊東分一支經州西南三十里芙蓉山下之芙蓉湖漑田數千頃古所稱瓊邪之稻也西泐河出君山東南流至三合村有魚溝水及東泐河並會於此因名南貫四湖漑田倍於

芙蓉湖。又南合承水。謂之泃口。入邳州境。注於泗河。淮泗舟楫通焉。唐志。承縣有陵十三。畜水溉田。皆貞觀以來築。齊乘云。沂、嶧二州。仰泃。承二水溉田。齊徐水利。莫與爲匹。皆十三陵遺跡也。後多堙塞。萬歷三十二年。改泃河爲運道。堊山。剡石。引泗會沂。泃河遂成大川。今

詳見江南邳州。

承水

縣西七里。出縣北六十里花盤山之車稽谷。其源曰滄浪湖。南流合許池水。今滄浪湖水微。許池遂爲正源。至縣西。經青檀山下。又南經縣南三十里。有金注水。流入焉。水出縣西二十里石屋山之瀑布泉。至縣西南五里。有橋跨其上。曰蕭橋。又東南入於承水。又東會彭河水。入於泃河。齊乘。承水溉田千餘頃。旁多美竹。人賴其利。今否。邑志。縣西門外有承治河。出許家泉。東南流。入邳州界。卽承水也。

彭河

縣東南五十里。一名中心溝。源出縣西四十五里白茅山下之玉華泉。東合衆流。又東會承水。注於泃河。土人謂之運鐵河。王應麟曰。彭城北至承水。有鐵官。其南有鑄錢山。蓋因以名。又武河在縣南百里。源出馬山。水經注所謂小沂水也。舊志。泃河南合於武河。承水亦東流合焉。並入於泗。今詳見邳州。

光武泉

縣西北五十里。引流爲巨龍河。相傳光武征董憲時。曾駐於此。下流合於泃河。又許池泉。在縣西北二十里。三泉並發。卽承水。上源也。又溫水泉。在縣西五十里。縣西二十里。又有許池泉。西南流。會溫水。諸泉入滕縣。百塚河。泉河。攷縣境有泉五。三入昭陽湖。二入沂水。今並注於漕河。

渣口戍

在縣東南。後漢志。備陽有祖水。謂之祖口。春秋。諸侯會吳於祖。又哀六年。叔還會吳於祖。是也。梁大通二年。魏泰山太守羊侃舉兵鬪兗州。不克。南奔。至渣口。渣祖同。並音側加反。蓋卽今之泃口云。○鄆塢鎮在縣西六十里。今有巡司戍守。

金鄉縣

府西南百八十里。東北至濟寧州九十里。東南至江南豐縣百里。古縉國。春秋時宋邑。漢置東縉縣。屬山陽郡。後漢析置金鄉縣。以山為名。晉屬高平國。劉宋因之。又書置金鄉郡於此。後魏仍曰金鄉縣。屬高平郡。隋屬曹州。唐武德四年置金州治焉。明年州廢。縣屬戴州。又徙州治此。貞觀十七年州廢。縣屬兗州。元和十三年武寧帥李愬討淄青叛帥李師道克其金鄉是也。五代周改屬濟州。宋因之。元屬濟寧路。明朝洪武十八年改今屬。編戶三十三里。

東縉城

縣東北二十里。本夏之縉國。傳云帝相娶於有縉氏是也。春秋時屬宋。僖二十三年齊伐宋圍縉。鄒衍曰余登縉城以望宋都者也。漢初周勃攻縉。即此。蓋置東縉縣。縉讀曼。後漢建初十一年封馮異長子彰為侯邑。興平二年呂布屯於東縉與曹

操戰敗走晉

省縣入金鄉

昌邑城

縣西北四十里。本秦縣。二世三年沛公擊昌邑。昌邑人彭越以兵屬沛公是也。漢初屬梁國。景帝三年吳楚七國反。攻梁。周亞夫引兵東北壁昌邑。中六年分梁為山陽國。治昌邑。武帝天漢四年更為昌邑國。封子博為昌邑王。始元初子賀嗣。十二年徵為昭帝。後賀廢。國除為山陽郡。仍治昌邑。後漢為兗州治。興平初呂布與曹操爭兗州。自乘氏東屯山陽。晉泰始初更為高平國。亦治昌邑。劉宋移高平國治高平縣。以昌邑省入金鄉。隋復分置昌邑縣。屬曹州。大業初省。志云昌邑城縱橫皆六里。一名外城。周三十餘里。中城周十餘里。一名山陽城。或曰山陽城在縣東北二十五里。誤。

梁邱城

在縣西南。杜預曰昌邑西南有梁邱城。左傳莊三十二年宋公齊侯遇於梁邱。即此。亦曰梁邱鄉。括地志梁邱城在成武縣東北三十二里。蓋接外處也。○防城在縣西六十里。亦春秋時宋邑。隱十年鄭人伐宋入防。杜預曰昌邑西南有防城。亦謂

之西防。以別於費縣之防城也。王莽末佼彊為西防賊帥。後附於劉永。建武三年蓋延等敗劉永於睢陽。佼彊奔保西防。太子賢曰西防在單縣北四十里。蓋境相接也。又有防東城。在縣南。後漢置縣。屬山陽郡。晉省。

陽山。縣西北三十里。山多美石。葛山在其前。魚山在其右。位處衆山之陽。因名。古山陽郡城在其下。志云。葛山在縣西北三十五里。魚山在縣北三十五里。

金莎嶺。

志云。在城東里許。西自曹縣。定陶。東抵魚臺。綿亘三百餘里。因地異名。實一嶺也。水經注。金鄉有數山。皆空中穴口。謂之隧。戴延之西征記。焦氏山北數山。有漢司隸校尉魯恭穿山。得白蛇。白兔。不以葬。更葬山南。鑿而得金。故曰金鄉山。今焦氏山東。卽金鄉山也。有塚。謂之秦王陵。山上二百步得塚口。壑深十丈。兩壁峻峭。中有甃門及內外堂。或云昌邑哀王塚。北接鉅野縣界。

大河。

在縣西南百里。自曹州及單縣流經縣境。又東南入江南碭山縣界。又濟水舊亦在縣界。水經。濟水逕乘氏。西分爲二。其一水東流過昌邑縣北。又東逕金鄉縣南。又東過東繒縣北。又東過方輿縣北。爲蒗水。今埋。

洙水。

在縣東北。或曰泗水。自魚臺支流入縣境。謂之洙水。宇文周末。于仲文擊尉遲迥。將席毗羅於金鄉。毗羅衆潰。爭投洙水。死。水爲之不流。水經注。洙水逕瑕邱城。又西南逕山陽郡南平陽縣之閭邱亭。又西至高平南。入於泗水。高平見鉅野境。洙水在是。時應至縣界也。又後漢志。乘氏縣有泗水。乘氏。今曹縣地。蓋水道遷流。今昔不同久矣。

涑水。

舊在城北。志云。單縣城東及縣城北俱有此水。石晉時所開。首受汴水。北抵濟河。南通徐沛。元以後漸堙。惟下流入沛者。水道僅存云。○大義河在縣北。舊自濟寧州流入境。宋史。慶歷中。濬任城金鄉之大義河。以通漕。是也。今亦廢。志云。縣北十里有三家灣。源出鉅野縣。經成武入縣界。注濟河。今亦涸。又蛭溝在縣南八里。東達谷亭鎮。西抵成武界。元末淤。今故迹僅存。

甲父亭。

志云。在故昌邑城東南。古國也。左傳昭十五年。齊侯伐徐。徐人行成。賂以甲父之鼎。蓋甲父之重器矣。又茅鄉。杜預曰。在昌邑西南。周公之子茅伯所封。後爲邾邑。哀七年。茅成子以茅叛。卽此亦謂之茅鄉城。

魚臺縣。

府南百七十里。東南至江南沛縣百十里。春秋時魯棠邑也。隱公觀魚於棠。卽此。漢置方輿縣。屬山陽郡。方輿讀曰房預。後漢因之。晉屬高平國。劉宋及後魏因之。後齊廢。隋開皇十六年復置。屬徐州。唐初屬金州。尋屬戴州。貞觀中改屬兗州。寶應初改

縣曰魚臺。五代唐屬單州。宋因之。元屬濟州。至元初省入金鄉。尋復置。明初屬徐州。又改屬濟寧府。洪武十八年改今屬。編戶二十七里。

方輿城。

在縣城北。春秋時宋之方輿邑。戰國策。楚人說頃襄王外擊定陶。則大宋。方輿二郡者舉矣。秦置方輿縣。史記。二世二年。秦嘉立景駒爲楚王。引兵之方輿。欲擊秦軍。定陶下。又沛公取湖陵。方輿。漢仍置方輿縣。其北有魯侯觀魚臺。唐因改爲魚臺。

縣。元和四年。淄青帥李師道請移縣於魚臺市。卽今縣治。九年。武寧節度使李愬奉詔討師道。遣將李祐敗賊於魚臺。進取金鄉。十四年。愬攻李師道。自金鄉進至魚臺。是也。志云。城北舊有小城。卽故方輿縣治。○湖陵城在縣東南六十里。亦春秋時宋邑。後屬楚。春申君謂魏氏將出而攻。鈺。湖陵。碭。蕭。相者也。秦置湖陵縣。漢因之。今詳見江南沛縣。

重鄉城。

縣西北十一里。春秋僖三十一年。取濟西田分曹地。使臧文仲如晉。宿於重館。杜預曰。方輿西北重鄉城也。又郟城在縣東北九十里。左傳。隱元年。費伯帥師城郟。桓四年。公狩於郟。十年。齊侯衛侯鄭伯來戰於郟。莊八年。師次於郟。以俟陳人。蔡人。

三十一年。築臺於郟。昭九年。築郟圍。皆此也。蓋魯之邊邑。杜預曰。方輿縣東南有郟亭。郟臺城在縣南。志云。在湖陵城西。東晉初。郟臺常營於此。水經注。泗水逕郟臺城北。又東南逕湖陵城是也。

鳧山。

縣東北六十里。北接郟縣界。稍東有黃山。卽黃良泉所出。縣東北百里。又有平山。有泉出焉。其相近者。又有獨山。廟山。塞山。兗山。志云。諸山皆在縣東北境。

運河。

在縣東二十里。謂之舊運河。卽泗水也。自濟寧州流入縣東北四十里之南陽關。又南歷谷亭八里灣。孟陽泊。凡四關而逕湖陵城。又南經廟道口。開過沛縣。東歷上沽頭等關。始至雷城。凡百六十三里。嘉靖四十四年。黃河橫決。開河淤塞。明年開新河。

於縣東北二十里自南陽至甯城凡百四十里而舊漕河遂廢。

荷水

縣北十里禹貢導荷澤被孟諸又云導沈水東至於荷今荷水經金鄉縣界流入至縣東合於泗水一名五丈溝蓋濟水合荷水之下流也水經注荷水即濟水所包注以成湖澤也濟水屈從桓公溝南至方與縣入荷水荷水又東逕秦梁夾岸積石一里高五丈世傳秦始皇東巡所造即五丈溝矣又東與泗水合於穀庭城下俗謂之黃水口黃水西北通鉅野澤亦松注於荷故名今多埋塞。

泥河泉

縣東二十五里引流爲泥河又平山下爲平山泉其東南爲東龍泉西爲西龍泉志云縣境有泉凡十五俱引流而入於漕河也。

武唐亭

縣東北十二里春秋隱二年公及戎盟於唐杜預曰方與縣北武唐亭是也五年公矢魚於棠亦即此其地有魯侯觀魚臺水經注荷水又東經武唐亭北城有高臺二丈許其下臨水昔魯侯觀魚處。

費亭

在縣西南春秋時魯大夫費伯食邑也晉書地道記湖陸西有費亭城魏武初封費亭侯即此地又西有極亭隱二年司空無駭入極費宰父勝之蓋在此。

穀亭鎮

縣東二十里春秋時之寧母亭也左傳僖十年公會齊侯鄭伯盟於寧母杜氏曰方與縣東泥母亭是也泥讀如寧水經注謂之穀庭城後譌爲穀亭亦曰谷亭泗水經此亦曰穀亭河水深數丈波濤洶湧俗名負娘河相傳昔有孝子負母渡此也。

建文三年燕軍至大名以南南軍萃德州資儲皆在徐沛遣將至濟寧穀亭盡焚軍輿以來儲積南軍於是大困嘉靖九年黃河衝決至此俗名黃水口有谷亭開向爲運道所經運河東徙開亦廢。

場場口

縣南四十里舊爲運道所經永樂九年刑部侍郎金純濬元人運河故道引汴水自開封入魚臺場場口會汶水經徐呂二洪入淮汶水即泗水也嘉靖九年黃河由單縣侯家村決場場口衝谷亭即此其北有廣運開今廢。

河橋驛。縣東北四十里。志云。縣東南五十里。舊有沙河鎮驛。接沛縣界。並置遞運所於此。亦曰沙河店。店北有蘇家壩。堪際

縣境內大烏諸泉流以達漕河。隆慶三年廢沙河驛。並廢濟寧州境內之魯橋驛。而改置河橋驛於此。爲往來津要。

單縣。

府西南二十里。東至江南豐縣九十里。南至河南夏邑縣七十里。魯單父邑。漢爲單父縣。屬山陽郡。郡都尉治焉。單父讀曰善。

甫後漢初封劉茂爲侯邑。改屬濟陰郡。晉屬濟陽郡。後廢。後魏改置離狐縣。兼置北濟陰郡治焉。魏收志。宋大明中置魏因之。

治單父城。是也。後齊郡縣俱廢。隋開皇六年。更置單父縣。屬曹州。唐初屬戴州。貞觀十七年。改屬宋州。光啓中置單州於此。尋移置於

碭山。後唐同光二年。復置單州於此。宋因之。亦曰碭郡。金屬歸德府。元屬濟寧路。明朝洪武元年以州治單父縣。書入。二年改州爲縣。

屬濟寧府。十八年改

今屬編戶四十二里。

單父城。在今城南半里。春秋時魯邑也。宓子賤。巫馬期。皆嘗爲邑宰。秦置單父縣。屬碭郡。呂后父呂公。單父人也。後皆爲單父縣。唐

光啓初置單州。領單父。碭山。成武。魚臺。四縣。大順二年。秦寧節度使朱瑾攻朱全忠之單州。是也。明朝嘉靖二年。黃河水溢。

舊城墊沒。因徙今治。志云。府境屬邑多

土城。惟縣城鑿以磚。嘉靖初所改築。

離狐城。在縣西北。漢縣。屬東郡。後漢屬濟陰郡。晉因之。劉宋屬北濟陰郡。以單父縣并入。後魏因之。後齊廢。隋爲單父縣地。唐復置

離狐縣。屬曹州。天寶初。改爲南華縣。仍屬曹州。宋因之。金大定六年。圯於河。縣廢。○平樂城在縣東四十里。漢縣。屬山陽郡。

後漢省。寰宇記

謂之平城誤。

大陵山。縣西南五里。地高聳。水不能濡。俗謂之土山。山下有長堤。以捍黃河。○开山在

縣東南二里。有三山連峙。狀若倚然。又二里爲樓霞山。相傳梁孝王嘗遊此。

黃河。縣南二十里。自曹縣流入界。又東入江南豐縣界。岸長七十餘里。志云。縣南境黃壩口。即賈魯舊河也。萬歷中。河屢決溢。大約東出豐縣。東南出碭山縣。縣皆爲之孔道。黃壩口亦曰牛黃壩。與河南虞城縣分界。

涑河。在縣東門外。又東入金鄉縣界。北抵濟寧。志以爲宋之運河也。今堙。○豐水在縣東南。水經注。豐水上承大濟陂。東經己氏及平樂縣。又東逕豐縣故城南。大濟陂蓋在今曹縣境。今故流已堙。

呂壩村。在縣南。相傳呂后所居。又有晏壩。在縣東三十里。志云。縣山皆平地突起。類如邱壘。小者謂之壩。

成武縣。府西南二百九十里。東南至單縣五十里。西至曹州定陶縣五十里。春秋時郟地。後屬宋。秦置成武縣。二世三年。沛公將周勃

攻東郡。尉於成武。又曹參攻東郡尉軍。破之於成武南。卽此。漢亦曰成武縣。屬山陽郡。後漢屬濟陰郡。晉屬濟陽郡。劉宋屬北

齊屬初州。廢縣屬濟陰郡。隋末復置。羣盜孟海公據曹戴二州爲竇建德所并。唐初亦屬戴州。貞觀中。州廢。縣屬曹州。光啓初。屬單

州。尋屬輝州。五代唐仍改屬單州。宋因之。元改屬曹州。明朝洪武四年。屬濟寧府。尋改今屬。譌成曰城。編戶二十五里。

郟城。縣東南二十里。古郟國。周文王庶子所封。富辰所謂郟。雍。曹。滕者也。後附庸於宋。左傳。隱十年。鄭師伐宋入郟。歸於我。桓二年。取郟。大鼎於宋。卽此。漢置郟成縣。屬山陽郡。後漢省入成武縣。志郟有二城。此爲北部城。又南二里曰南部城。

穉城。在縣南。漢置穉縣。屬濟陰郡。穉音妬。武帝征和二年。封商邱成爲侯。邑。又昭帝始元二年。封金日磾爲侯。後漢省地。道記。成武縣有穉城。劉宋泰始二年。薛安都。以彭城降魏。魏遣尉元等。敕安都。進軍於穉。卽此。


文亭山。縣西北二里。上有文士亭。相傳漢高曾駐蹕於此。又梁邱山。在縣東北三十里。括地志。春秋時齊侯宋公。遇於梁邱。蓋在此。今見金鄉縣梁邱城。

黃水。

在縣南。大河支流也。明初永樂中。自河南封邱縣導河入魚臺之場場口。自曹縣北定陶南流入界。經縣南而東。後堙廢。然大河東注。縣輒被其患。堤塞恆切焉。

濟水。

在縣西。水經注。濟水又東北經成武城西。又有黃溝水自北注之。今堙。又蒇水在縣南。蒇自曹州流入境。又東經金鄉縣入魚臺縣界。今詳見魚臺縣。



讀史方輿紀要

卷三十三

山東四

濟寧州

府西六十里東南至江南徐州四百二十里西南至河南歸德府三百五十七里北至東平州百五十里

古徐州地春秋屬魯戰國屬宋後屬齊秦屬碭郡漢屬東平國後漢爲任城國章帝元和初析東平國置晉因之劉宋

屬高平郡後魏復置任城郡而置濟州於濟北郡之碭礮城見濟南府長清縣後齊又改任城曰高平郡隋初

郡廢此爲兗州及濟州地

大業初改兗州曰魯郡濟州曰濟北郡

唐亦爲兗濟二州地

濟州治廩縣自隋至唐不改見前長清縣

天寶初改濟州曰濟

陽郡十三載廢入東平郡五代周復置濟州

治鉅野縣

宋因之

亦曰濟陽郡

金亦曰濟州

改治任城縣

元曰濟寧路

元志至元六年

以濟州還治鉅野八年升爲濟寧府復治任城尋徙鉅野十二年以任城當江淮水陸衝要改立濟州屬濟寧府而廢任城縣十五年遷府治濟州以鉅野縣行濟州事其年復於鉅野立府仍置濟州於此十六年升府爲濟寧路復置任城縣爲濟州治至正中省濟州

而徙濟寧路。明初洪武元年改路爲府。十八年改府爲州。以州治任城縣省入。編戶五十四里屬兗州府。領縣三。治任城縣。

州南通江淮。北連河濟。控邳徐之津要。扼宋衛之噤喉。在戰國時。蘇秦所云亢父之險也。自是東方有事。必爭濟州。元人開會通河。而州之形勢益重。察罕復山東。先下濟寧。太祖命將北伐。亦以濟寧爲先務。燕師南下。則遣奇兵破濟寧。而德州崩潰。豈非以饋餉所經。州實關南北之大命哉。

任城廢縣。今州治春秋時任國。戰國時爲齊附庸。孟子居鄒。季任爲任處守是也。漢置縣屬東平國。後漢元和初爲任城國。治晉因之。後國廢縣存。後魏復置任城郡。高齊改置高平郡。治此。隋郡廢。縣屬兗州。唐因之。宋屬濟州。金爲州。治元仍屬濟州。後

徙濟寧路治焉。明初省志云。州舊爲土城。洪武四年始鑿以磚石。今城周九里有奇。

亢父城。州南五十里。本齊地。戰國策。蘇秦曰。秦之攻齊也。倍韓魏之地。過衛陽晉之道。逕乎亢父之險。車不得方軌。騎不得比行。百人守險。千人不得過。謂此也。秦置亢父縣。二世二年。項梁引軍攻亢父。又沛公自薛還軍亢父。漢仍爲亢父縣。屬東平國。後

漢初。光武征龐萌。自將輕兵馳赴亢父。是也。尋改屬任城國。晉因之。劉宋屬高平郡。後魏仍屬任城郡。後齊廢。水經注。黃水又東。逕亢父故城西。是也。

桃鄉城。州東北六十里。春秋時魯邑。襄十七年。齊師伐我。圍桃。漢置桃鄉縣。屬泰山郡。成帝封東平思王子宮爲侯邑。後漢建武四年。龐萌叛。自稱東平王。屯桃鄉之北。五年。光武擊萌。至蒙。聞萌圍桃。城晨夜兼行至亢父。復行十里。宿任城。去桃城六十里。

乃按兵不出。既而進擊萌。破走之。水經注。汶水西南經桃鄉故城。劉昫曰。任城有桃聚。卽桃鄉也。蓋後漢并縣入任城。蒙城見河南歸德府。

郟城。在州東南。春秋時郟國。襄十三年。取郟。卽此。後漢建武二年。封劉隆爲侯。邑杜預曰。亢父縣有郟亭。又郟城在州南二十里。

春秋哀六年。城郟。杜預曰。亢父縣北有郟婁城。卽郟。案。樊城在州北。漢置樊縣。屬東平國。文帝封常山相。蔡兼爲樊侯。邑於此。後漢屬任城國。晉因之。後省。括地志。樊城在瑕。郟縣西南。或以爲周仲山甫國。皆悞也。

兩城山。州南六十里。志云。以山夾如城而名。又有承斥山。在州南四十里。相傳女媧生於此。有廟祀焉。

會通河。在州城南。元人所開也。泗水自府城之東。折而西流。洗水自寧陽縣之北。折而南流。會於州城南。由天井匯入河。以通漕。自州西三里分水關。北出至臨清州。南至徐州。久而淤塞。明朝永樂九年。遣大臣發民夫疏鑿。北達臨清。衛河南入徐州黃河。

中問七百里。皆曰關河。節宣諸山谷泉澗之水。以便轉輸。自州南接魚臺。爲牐十有二。而天井魯橋。棗林。南陽。爲最著。天井在城東南二百餘步。洗泗二水交注處也。由關而東南五十四里。曰魯橋關。又五里曰棗林。又十里曰南陽。入魚臺縣界。轉輸商旅。畢出於此。今詳見州濱清河。○月河在州南。會通河之支流也。有上新中新下新等牐。仍合於會通河。

馬腸湖。縣四十里。在會通河北岸。本名馬常湖。舊與南旺。蜀山。二湖相接。故南旺亦兼馬常泊之名。漕河考。馬腸湖北接蜀山湖。蜀山之水。時溢入焉。萬歷十七年。河臣潘季馴於湖北岸爲減水關三。其東爲堤。西口爲壩。以時蓄洩。○南池在城東南二百

步。淨泓數畝。洗水所儲也。亦流入天井關。

蘆溝泉。在州東。流入南陽關。稍西有托基泉。入棗林關。又有馬陵泉。入魯橋關。東泉志。自滕縣。嶧縣。及曲阜縣界之蜈蚣泉。共十六泉。散入魯橋。以下漕河。是爲魯橋圈裏派。又自離陽寧陽界六十三泉。俱入天井關。是爲天井派。其寧陽龍港溝等四泉。則

入分水河。蓋沂沭之流來自東北。入於天井。以資運道。牛首之渠。來自西南。出於魚沛。以洩積水。而河漕之利病交相受焉。譬之於脈。在任督之交矣。牛首渠。卽鉅野縣之牛頭河也。今詳見川濱漕河。

魯橋鎮

州南五十四里。唐咸通十年。徐州叛卒龐通等作亂。兗州發兵戍守魯橋鎮。以備侵軼。今爲運道所經。有魯橋關。又置魯橋驛。及遞運所巡簡司於此。隆慶中。驛與遞運所俱廢。又南城水驛在南門外。其旁有遞運所。又舊置城東康莊二驛。今俱廢。

嘉祥縣

州西五十里。南至金鄉縣七十里。本任城。鉅野二縣地。金皇統中。析置今縣。屬濟州。大定十五年。又遷今治。元初屬東平路。至元初。改屬濟州。尋屬單州。明朝洪武四年。改今屬。編戶十四里。

嘉祥舊城

在縣西二十五里。金人置縣於此。本名山口鎮。相傳魯哀公時獲麟處也。縣因以名。正隆初。縣圯於水。徙治橫山之南。大定十五年。又徙於萌山下。卽今治也。縣有土城。周四里餘。卽金時故址。

爰戚城

在縣西南。秦縣。漢初曹參攻爰戚。及兀父。又周勃攻爰戚。略東繒。卽此。高帝六年。封功臣趙成爲侯邑。尋屬山陽郡。後漢省。又廢武城。在縣南五十里。志云。魯有二武城。此其一也。漢文帝四年。立齊悼惠王子賢爲武城侯。或以爲卽此。近志作南武

城。悞。又焦城志云。在縣南十五里。青山之東。城塚記。周武王封神農後於焦。蓋在此。今其地名焦城村云。

萌山

在縣治東北。峯巒峭拔。高百餘仞。出城橫互四五里。亦名橫山。其前有獨坐山。後有柏山。桓公溝在其東。○澗壺山在縣南三里。有澗壺滅明墓。其旁有羣山相接。連互城南。又南武山在縣南四十五里。其南有曾子墓。

邾山

縣東南五里。相傳魯邾鑿居此。下有邾城。卽鑿所築。今爲河水墊沒。俗謂之登壺山。○青山有二。一曰大青山。在縣西南十五里。邾南相接者曰雋氏山。挾山峯巖泉石。紆迴秀澗。其小青山在縣西八里。皆在運河西岸。亦謂之嘉祥山。大抵皆金鄉山之

支阜也。

塔山。縣南二十里。旁有數山相連。志云。邑境之山九十九。惟塔山爲最高。又華林山。在縣東南十里。山北高嶺上有秦墓。俗謂之東秦山。亦曰龍華山。又崩山在縣南四十里。其山巔嶺高大。橫互數里。因名。○途山在縣南五十三里。其西有古洞。深二三里。又

平山在縣南五十五里。

山頂四平。可耕稼云。

會通河。

縣東二十五里。其東岸卽濟寧州界也。志云。縣西南有舊黃河。自鉅野縣流入界。又東南入魚臺縣之場場口。又縣北十里。有古河堤。方輿志。馬頰河經鄆濟間。卽此堤矣。○濟河志云。在縣南五十里。平山之西。有姚河水入之。其地名梧桐樹。今埋。

桓公溝。

在縣東門外。舊志。溝在濟寧州西四十里。萌山下。晉太和中。桓溫伐燕。遣冠軍將軍毛虎生。鑿鉅野通濟水道。出此。南入魚臺縣界。今埋。○獲麟渡。志云。在縣東南漕河旁。地名大長溝。

獲麟堆。

縣西二十五里。春秋哀十四年。西狩大野。獲麟。括地志。鉅野縣東十二里有獲麟堆。宗國都城記。鉅野故城東十里。澤中有三臺。廣輪十五步。俗謂之獲麟堆。今在縣境。

鉅野縣。

州西北百里。北至東平州百里。東南至金鄉縣九十里。古大野地。漢置鉅野縣。屬山陽郡。後漢因之。興平二年。曹操破斬呂布。將薛蘭等於鉅野。晉屬高平國。劉宋因之。後魏屬任城郡。北齊廢。隋開皇十六年。復置。屬鄆州。唐武德四年。置麟州。治此。明年。

州廢。縣屬戴州。貞觀十七年。仍屬鄆州。乾寧二年。兗州帥朱瑾爲朱全忠所攻。遣兵襲曹州。以解兗州之圍。全忠自中都引兵追及之。於鉅野南屠殺殆盡。五代周置濟州於此。宋因之。金徙州治任城。縣省。元復置濟寧府。管治此。後又改屬濟寧路。今屬戶三十五里。

高平城。

在縣東南。漢置臺縣。屬山陽郡。王莽曰高平。後漢初復故。章帝仍曰高平縣。屬梁國。晉屬高平國。永嘉五年。青州刺史荀晞。爲曹巖所敗。棄城奔高平。劉宋爲高平郡。治。後魏因之。北齊郡縣俱廢。舊志。泗水經高平西。今埋。○乘邱城在縣東南五十

里。隋所置縣也。隋志。開皇十六年。置乘邱縣。屬鄆州。大業初。并入鉅野縣。唐初復置乘邱縣。屬鄆州。貞觀初。又廢。近志以爲乘邱城卽漢乘氏縣。慎。

高平山

縣南五十里。山東四十里。南北五里。高四里。頂上方平。故名。舊因以名縣。亦曰金鄉山。山形峻峭。山之北。有石洞。曰清涼洞。南有石關。石道相傳。秦始皇東遊。避暑於此山之南。即今金鄉縣之金莎嶺也。○獨山在縣北三十里。四野平曠。屹然中起。

因名。

會通河

縣東八十里。東岸與濟寧州分界。○舊黃河在縣西南八十里。所管河岸南。自曹州寶珠口。北至曹州營家口。凡十二里。今埋志云。縣東八里有八里河。亦黃河支流也。舊時大河流入境東北。經鄆城。壽張。至張秋。入運河。謂之北道。其分流縣南。又東為八里河。流合新桃河。經嘉祥縣入運河。

鉅野澤

縣東五里。志云。澤東西百里。南北三百里。亦曰大野。禹貢大野既豬。職方其澤蔽曰大野。春秋哀十四年。春。西狩於大野。爾雅十藪。魯有大野是也。秦末。昌邑人彭越。漁於鉅野澤中。為羣盜。漢元光中。河決瓠子。東南注於鉅野。晉太和四年。桓溫伐燕。至金鄉。遣毛虎生。鑿鉅野三百里。引汶水合清水。引舟自濟入河。又義熙十四年。劉裕伐秦。遣王仲德督前鋒。開鉅野入河。進據滑臺。宋元嘉中。何承天言。鉅野湖澤廣大。南通鄆泗。北連清濟。有舊縣城。正在澤內。宜修復。壞塢。給輕艦百艘。寇若入境。引艦出戰。隨宜應接。於事為便。鄆道元曰。濟水自乘氏縣兩分。東北入鉅野。濟之故瀆。又東北右會洪水。洪水上承鉅野。薛訓渚。自渚迄於北口。一百二十里。名洪水。桓溫北伐。掘渠通濟。劉武帝入長安。又廣其功。自洪口以上。亦為桓公瀆。濟自是北注矣。自隨以後。濟流枯竭。鉅野漸微。元末為河所決。河徙後。遂涸為平陸。

咸亭

在縣南。春秋桓七年。樊成。邱杜預曰。鉅野縣南有咸亭。是也。水經注。黃水經鉅野縣北。又東經咸亭北。其水大河支流也。又耶亭。在縣西南。左傳定十三年。齊侯衛侯。次於垂葭。實耶氏。即此。○廣野亭。在縣東北。韋昭曰。山陽有廣野亭。沛公以餽食其為。

廣野君。
即此。

合蔡鎮。縣西北六十里。宋史廣濟河之水出濟州。合蔡鎮通梁公泊是也。廣濟河見河南開封府。今濶。又安興幕巡司在縣西八十里。

鄆城縣。州西北百五十里。西南至曹州百三十里。漢廩丘縣地。後周置清澤縣及高平郡。隋廢郡。改縣曰萬安。開皇十年。置鄆州治此。十八年。改縣曰鄆城。大業初。又改州爲東平郡。唐初仍爲鄆州治。貞觀八年。州移治須昌縣。以縣屬焉。五代周改屬濟州。宋因之。元屬濟寧路。今編戶二十四里。

鄆城舊縣。縣東十六里。志云魯西境邑。亦謂之西鄆。成四年。城鄆。十六年。晉人執季文子於若邱。公還待於鄆。昭二十六年。齊侯來。皆爲縣治。金大定六年。大河決溢。徙縣治於盤溝村。卽今縣。

高魚城。在縣東北。左傳襄二十六年。齊烏餘以廩邱奔晉。魏衛羊角取之。又襲我高魚。杜氏曰。廩邱東北有高魚城。後譌爲高梧。唐乾寧二年。朱全忠遣朱友恭圍朱瑾於兗州。朱瑾自鄆州馳救。友恭設伏敗之於高梧。胡氏曰。卽高魚也。俗又譌爲交魚。廩邱見濮州范縣。蓋縣北與范縣接界。

獨孤山。縣東北五十里。以孤峯獨立而名。

舊黃河。在縣西三十里。南自曹州界沈家口。北至壽張縣界黑虎廟。長百九十里。舊為縣境所管河岸。今埋。○濟水志云。濟水故瀆。在縣西南二十里。水經注。濟水入鉅野澤。過壽張西。與汶水合是也。宋金時。嘗為運道。今自鉅野界安興寨入縣境。東流為

八里河。環縣城東北流。經汶上縣。北合汶水。至安民山。入運河。別開一支。自縣東南經嘉祥縣。入會通河。

灑水。在縣西。黃河支流也。禹貢。灑沮會同。傳云。河出為灑。王氏炎曰。灑出曹州也。自曹州夾河灘入境。受廩邱諸陂之水。逕壽張黑虎廟故范城。東至張秋南沙灣小匯。入會通河。土人謂之西裏河。子慎行曰。河南開封。南陽之粟。由考城。儀封。經此。可輸張秋。

曹州界流入。與灑河俱東北流。至葛皮口出境。入壽張縣界。自黃陵岡塞。而此河日涸。又有冷莊河。在縣西南三十里。亦自曹州界流入。與灑河俱東北流。至葛皮口出境。入壽張縣界。

梁家樓。在縣東。天啓中。妖人徐鴻儒作亂。聚衆下家屯。置其家於梁山泊。起兵圍魏家莊。遂寇縣境。圍梁家樓。據為巢穴。去縣二十里。遂進陷縣城。是也。

東平州。府西北百五十里。東北至濟南府三百三十里。西北至東昌府二百里。西至東昌府濮州百八十里。

春秋時魯附庸須句國也。後屬魯。戰國屬宋。後屬齊。秦為碭郡及薛郡地。漢初屬梁國。景帝中六年。別為濟東國。武帝元鼎初。改為大河郡。宣帝甘露二年。為東平國。取禹貢東原底平之義後漢及晉因之。劉宋曰東平

郡。後魏因之。魏收志。黎常中置東平郡。太和末罷。建義中復置。後周置魯州。隋曰鄆州。治禹安縣。煬帝復曰東平郡。唐初仍置鄆州。貞觀八年。徙治

須昌。天寶初，亦曰東平郡。乾元初，復故。元和中，置天平軍節度。宋仍曰鄆州。亦曰天平政和初，升爲東平府。軍東平郡

紹興初，金人立劉豫爲偽齊。自大名徙居此，僭稱東京。

元曰東平路。明朝洪武初，改爲府。八年降爲州。隸濟寧府。以州治須城縣省入。

十八年改今屬。編戶三十三里。領縣五。

州襟滄河濟，控援魏博，舟車四通，屹爲津要。戰國時，蘇代說齊湣王曰：有宋，衛之隄地危。隄地一作陽地。孔氏曰：今濮陽。

地。有濟西、趙之阿東國危。孔氏曰：阿即東阿，非也。阿有二，在趙者曰西阿，在齊者曰東阿。云阿者，大陵又曲隈也。蓋阿地在河曲，爲齊趙之邊境云。有淮北、楚之東國危。東國謂壽春以東。

有陶。即定陶縣。平陸。即汶上縣。梁門不開。蓋州爲濟西津要也。漢置東平國，嘗爲兗州都會。興平初，呂布爭兗州。

攻鄆城不下。西屯濮陽。曹操曰：布一旦得一州，不能據東平，斷太山、亢父之道，乘險要我。時操擊陶謙於徐州，還救兗州。

也。而退屯濮陽。吾知其無能爲也。南北朝時，東平嘗爲戰地。唐季朱全忠謀并山東，則急擊鄆州。及梁

之亡，禍亦發於鄆州。五代史唐同光初，梁鄆州將盧順密來降，請襲取鄆州。唐主曰：梁人志在澤潞。時澤

落復叛 附梁 不備東方。若得東平，則潰其心腹矣。因遣李嗣源趣鄆州，遂克之。既而唐主亦渡河入鄆州，復

踰汶克中都。王彥章時在中都，故先克之。與諸將議所向，李嗣源曰：「梁之重兵皆在河上，未知吾所向，即發救兵，直路

則阻決河。」時梁人自汴以北皆決河，以阻晉兵，謂之護駕水。須自白馬南渡，此去大梁至近，前無山險，方陣橫行，晝夜兼程，信宿可

至。梁將未離河上，友貞已爲我擒矣。於是發中都，二日至曹州，又五日至大梁，遂克之。蓋東平去大梁不過數驛也。

須城廢縣。今州治。古須句國地。左傳僖二十一年，邾人滅須句。須句子來奔。明年，公伐邾，取須句，而反其君焉。文七年，公伐邾，取須句。杜氏曰：時須句復爲邾所滅也。秦置須昌縣。漢因之。屬東郡。高帝封功臣趙衍爲侯邑。後漢屬東平國。晉爲東平

國治。劉宋因之。元嘉二十三年，移兗州鎮焉。後魏亦爲東平郡治。後齊郡廢。隋屬鄆州。開皇十六年，改曰宿城縣。唐初因之。貞觀初，縣廢。景雲二年，復置宿城縣。貞元四年，改爲東平縣。移治郭下。太和四年，改爲天平縣。六年，并入須昌縣。後唐諱昌，改爲須城縣。宋咸平三年，以河患復徙州治於故宿城縣。仍置須城縣爲附郭。宋志：時徙州治於東南十五里陽鄉之高原，是也。金元因之。明朝初省志云：州自昔爲望郡，金尤爲重鎮，以至於元並專制一路城郭規制。甲於東藩，明朝爲水陸之衝，號稱繁庶。州城蓋宋時故址，今仍爲土城。

周二十四里有奇。

須昌城。

州西北十五里。本須昌縣地。杜預曰：須句在須昌西北，或謂卽此城也。隋開皇十六年，析置須昌縣於此，而改故縣爲宿城縣。屬鄆州。唐初徐圓朗據兗州，僞置昌州於須昌縣。武德六年，仍屬鄆州。貞觀八年，自鄆城縣移州治此。後唐改曰須城縣。

宋州縣俱還舊治。此城遂廢。或謂之郟州城。

無鹽城。

州東二十里。春秋時宿國也。隱元年。公及宋人盟於宿。莊十年。宋人遷宿。戰國時。爲齊之無鹽邑。項羽紀。宋義遣其子宋轟相齊。身送之。至無鹽。飲酒高會。漢置無鹽縣。屬東平國。或曰。東平國蓋治此。後漢因之。晉仍屬東平國。劉宋大明初。魏寇兗

州。向無鹽。敗。東平太守劉胡。泰始三年。東平太守申纂。守無鹽。爲魏將慕容

白曜所陷。後魏屬東平郡。北齊省。宋宣和二年。置東平監於此。政和三年廢。

鄆城。

州東六十里。春秋時小國也。左傳莊三十年。齊人降鄆。今有鄆城集。又鄆城在州東南四十里。春秋魯叔孫氏邑也。昭二十五年。滅會。奔郟。定十年。侯犯以郟叛。叔孫州仇帥師圍郟。十二年。仲由爲季氏宰。將墮三郟。叔孫氏墮郟。杜預曰。郟在無鹽東南。

是也。亦曰

郟鄉亭。

留舒城。

在州西。齊邑也。左傳哀二十七年。晉伐鄭。齊陳成子救之。及留舒。遠轂七里。殺人不知。卽此城矣。又陽州城。在州東北。春秋時魯邑。襄三十一年。齊侵陽州。昭二十五年。公孫於齊。次於陽州。卽此。杜預曰。陽州齊魯境上邑。

瓠山。

州北二十里。山圓而長。因名。漢哀帝建平二年。山有立石之異。東平王雲及后謁居東蓀草祠石。爲息夫躬等告。處也。又危山。在州東北三十里。亦曰峴山。漢書。哀帝時。無鹽危山。土自起。覆草如馳道狀。卽此山也。一名金螺山。志云。無鹽城在危山下。亦

曰白佛山。又有峴山。在州北五里。

梁山。

州西南五十里。接壽張縣界。本名良山。漢梁孝王常遊獵於此。因改爲梁山。史記。梁孝王北獵良山。是也。山周二十餘里。上有虎頭崖。下有黑風洞。山南卽古大野澤。唐乾寧二年。朱全忠擊鄆帥朱瑄。戰於梁山。鄆兵敗走。宋政和中。盜宋江等保據於此。

其下卽梁山泊也。又棘梁山。在州西四十里。頂有崖。東西判爲二。其上架石爲橋。可通往來。名曰天橋。

鸞尾山

州北三十里。聯絡望山。臥牛諸山下。有小洞庭湖。又有黃華山。鳳山。在其左右。翠峯環抱。爲州之勝。○金山在州西北四十里。山色紫赤。其石堅緻。河上諸邑往採以給用。州南有坤山。馬跑泉出焉。又南有土山。日中無影。亦名無影山。在州西三十

里。○安山在州西南三十里。亦曰安民山。詳見下。

會通河

湖湖繞山下。築河百餘里。流入小洞庭湖。仍合汶水。亦名積水湖。正統三年。於近河處置減水關。以濟漕。後淤爲民田。嘉靖

二十年。清復。隆慶四年。復爲民田。萬曆十六年。議復故址。而狹小逾半。畜水之處。不過三十八里。漕河考。由南旺而至臨清。互四百里。惟藉安山一湖。以濟漕。河東北有似蛇溝。東有八里灣。皆引水通漕之道。四面有隄。置閘以時畜洩。亦曰水廣州志。安民湖在州西十五里。又西三里曰積水湖。

汶水

舊在州南一里。其上游自寧陽縣西北流。至州東六十里戴村。又西經城南。至安山湖。合濟水。自戴村壩築。遂西南流。至汶上縣。凡八十里。而爲分水河。今導爲運河。西北流。經州西南。而接安民湖。五代唐同光初。李嗣源守鄆。梁將王彥章引兵踰汶。將攻鄆。嗣源遣李從珂逆戰。敗之。旣而唐主至鄆州。遂進軍踰汶。擊梁軍。追至中都。拔之。宋嘉定十三年。李全攻東平。與金將張林夾汶水而軍。是也。又有沙河。在城北。有大陸環之。方三十里。其源爲南沙河。亦卽汶水故道。明朝永樂中。宋禮言。東平東境有沙河一道。本汶河支流。至十里口。通馬常泊。比年流沙淤塞。河口請及時開濬。從之。今復淤。

舊黃河。

在州西七十里有二其自直隸開州流經濮州東而至州境又東歷德州武定濱州入海者此自宋以前故道也明朝景泰四年徐有貞請開分水河自張秋金堤通壽張之沙河西南至竹口逾范賢漢以達河沁疏爲廣濟渠即故道矣其自河南

儀封縣流經曹縣東北歷定陶曹州鄆城壽張而入州界者此自金元至明初故道也昔時州管河岸西南起壽張范城淺東北至陽穀高吾淺長五里宏治中黃河衝決築陸黃陵岡障河流盡出於南而舊河俱埋廢○赤河在州西北亦黃河支流也宋志五代周顯德初命宰相李穀治楊劉決河其決河不復故道者難爲赤河及游金二河宋史所云游金赤三河也俱與直隸開州接界乾德四年赤河決東平之竹村咸平三年赤河復決擁入濟泗先是鄆州城中常苦水患至是復以霖雨積潦及徙州治而東今故流皆埋滅不可考

坎河。

州東北五十里有坎河泉南流六里入汶河志云坎河即汶水下流洩入鹽河處鹽河即濟河之別名自戴村壩築而汶水不復由此入濟萬歷七年築滾水石壩於此以時蓄洩而汶水無泛溢之患又桓公溝在州西南舊與南旺鉅野相接即桓溫命

毛虎生所開故址也

七女津。

在州西北昔時河津也宋元嘉七年到彥之等復河南地沿河置守還保東平北魏主兼遣兵來寇諸軍會於七女津謀南渡彥之遣裨將王蠡龍泝流奪其船魏將杜超等擊斬之志云州北三十五里有七女泉出蠶尾山舊注於河今入積水湖

會汶水七女津當即其處

蘆泉。

州東北三十里又東北二十五里有鐵鉤鬻泉旁又有安園獨山等泉志云州境之泉凡二十五皆注於汶河

安民亭

在州西南安民山南。水經注：汶水西南至安民亭，入於濟亭。北對安民山，東鄰濟水。水東即無鹽縣界。漢建安六年，曹操破袁紹，就穀於安民，即此。今爲安山鎮。明初兵下東阿，至安山鎮，守者以州迎降是也。○遼坊鎮在州南，後唐初李嗣源入鄆，

梁王彥章論汶來攻嗣源，遣李從珂逆

戰，敗其前鋒於遼坊鎮。薛史作遼坊。

樂亭

在須昌故城西。唐乾寧三年，宋全忠將葛從周擊鄆州，帥朱瑄自楊劉而南，戰於故樂亭。大破鄆兵。胡氏曰：亭在鄆州西門外。時從周據爲寨，亦作洛亭。○成昌聚在州西，莽地。皇三年，王匡等自無鹽進擊赤眉，別校董憲於樂鄆，合戰成昌。匡等大敗，胡氏

曰：成昌在

無鹽縣界。

清口戍

在州西。水經注：濟水東北過安民亭南，汶水從東北來注之，戴延之所謂清口也。宋元嘉二十七年，北伐不克，蕭斌自碭城退守歷城，使垣護之據清口。又大明二年，魏兵攻清口，宋將龐孟蚪敗魏兵於沙溝。旣而殷孝祖築兩城於清口之東，魏將

封敕文來攻，復爲清口戍。主傅乾愛所敗，王象之曰：禹貢濟水又東北會於汶。

今枯渠注鉅野澤，北則清口戍，即所謂清口也。沙溝見濟南府長清縣。

馬家口

在州西北，其西南爲鄆家口，又西即東河縣之楊劉鎮。五代唐同光初，李嗣源取鄆州，梁將王彥章攻楊劉，扼河津以絕梁兵之路。郭崇韜曰：彥章據守津要，意謂可以坐取東平。若大軍不南，則東平不守。請築壘於博州東岸，以困河津。旣得以應

接東平，又可分賊兵勢。嗣源亦遣使請築壘於馬家口，以通鄆州之路。唐主乃命崇韜自楊劉夜發趨博州，至馬家口，渡河築城。

彥章來爭，不能得。於是鄆州走報始通。彥章退保鄆家口，仍趣楊劉爲唐兵所敗。石晉天福九年，契丹入寇，白再榮引兵守馬家

口，旣而博州刺史周儒降契丹，引契丹自馬家口濟營

於東岸，攻鄆州北津，尋爲晉將李守貞所敗，遁去。今埋。

鄆家口。在馬家口西南。王彥章攻馬家口城。唐主自楊劉赴救。陣於城西岸。彥章退保鄆家口。既而唐主引兵循河而南。彥章棄鄆家口。復遷楊劉。唐主至鄆家口。彥章又解楊劉。圍保趙村。見直隸開州。○劉公權在州東二十七里。劉裕北伐時所置。因

名其地有小城。謂之烽火城。蓋是時立烽火置倉庫之所。今城址猶存。

戴村。在州東六十里。汶水故道所經也。永樂九年。用汶上老人白英策。築壩於此。橫互五里。汶水經流。爲壩所遏。乃直趨南旺湖。今謂之戴村壩。○金線關在州西北。卽張秋鎮河東岸也。有巡司戍守。又州治西有金線關。遞運所。今俱革。志云。州治南有東原

馬驛。州西南十五里。又有安山水驛云。

汶上縣。州東南六十里。東南至府城九十里。南至濟寧州八十里。古厥國。春秋時魯中都邑。戰國屬齊。爲平陸邑。漢置東平陸縣。屬東平國。後漢及晉因之。宋爲平陸縣。屬東平郡。後魏因之。北齊改爲樂平縣。隋復曰平陸。屬兗州。唐因之。天寶初改爲中都縣。

貞元十四年。改屬鄆州。宋因之。金曰汶陽縣。泰和八年。又改爲汶上縣。今編戶四十八里。

中都城。在縣西。春秋時魯邑。夫子爲中都宰。入爲司寇。以冉伯牛攝宰事。是也。郡國志。須昌縣有致密城。古中都城。劉向曰。中都本治致密城。在今縣西三十九里。天寶中移於今治。後唐同光初。梁王彥章襲鄆州。不克。還保中都。唐主襲執之。卽此。○平陸

城在縣北。戰國時齊邑。孟子之平陸。又處於平陸。是也。史記齊世家。康公十五年。魯敗齊師於平陸。又威王二十三年。興趙王會平陸。韓非子。魏安釐王加兵於齊。私平陸之都。卽此。漢置東平陸縣。晉未移治於致密城。水經注。汶水西逕平陸故城北。

鄆城。縣西北二十里。古鄆國。周武王封弟叔武於此。春秋隱五年。衛師入鄆。莊八年。師及齊師圍鄆。鄆降於齊師。脫苑。孔子遊於鄆之野。謂此杜預云。鄆在兗父縣西南。似悞。又有夫鍾里。杜預曰。在鄆北。春秋桓十一年。公會宋公於夫鍾。又文十二年。鄆伯卒。

太子以夫鍾與鄜邦
來奔邽亦鄜邑也。

蜀山

縣西南四十里。爾雅：蜀者獨也。四望無山，挺立波心，因名。其下曰蜀山湖。采山在縣東北三十里，與縣北三十里坦山相接，皆出沙金。又太白山在縣東五十里，山高聳，旁接雲尾山，是也。

會通河

縣西南三十五里。自濟寧州流入界，亦接嘉祥縣境。歷南旺湖，又北入東平州境。其旁有月河，各置閘以節宣之。志云：縣境會通河，即濟水故道也。濟水合諸陂澤之水，昔時自縣北出東平境內，合汶水，今汶水悉入南旺，合流而北出矣。詳見川瀆

河漕

汶水

縣東北二十五里。其舊流自東平州東，會坎河諸泉，至四汶口而分。其西流者入大清河，此故道也。永樂中，開會通河於寧陽縣北，築埽城壩，遏其入沈之流，又於汶河西築戴村壩，阻其入海之路，使全流盡出於縣北二十五里，受濼當諸泉，謂之魯溝。

又西南流至城北二里，受蒲灣泊水，謂之草橋河。又西南流十里，謂之白馬河。又西南流二十二里，謂之鷄河。鷄河故宋運道也，濶而爲渠，汶水由之。又西南流十五里，謂之黑馬溝。又西南注於南旺，出分水河口。南北分流入運河，見前大川。

南旺湖

縣西南三十五里。會通河之西岸，其地特高，謂之水脊。汶水西南流注於此，分南北二流。中有禹廟及分水神祠。志云：湖即鉅野大澤之東偏，紮週百餘里。宋時與梁山濼匯而爲一，圍三百餘里。亦曰張澤濼。熙寧十年，河道南徙，束會於梁山張澤

濼。元豐初，京東安撫黃廉言：梁山張澤兩濼，淤澱數年，每歲泛浸近城民田，乞自張澤濼下流，浸至濱州，可泄壅滯，從之。後漸淺，濼水樂九年，開會通河，塗畫爲二堤，漕渠貫其中。渠之東岸有蜀山湖，謂之南旺東湖。周六十五里，中央有蜀山，望之如螺髻。湖中多菱芡蒲魚之利，漕渠淺澹，則引湖灌渠，有司掌之。隄北有馬踏湖，亦謂之南旺北湖。周三十四里，有奇。當南旺東北，亦蓄水以灌渠。居民佃種其間，日就涸沒。水經注：水從桃鄉四分，當其派別之處，謂之四汶口，即是南旺湖矣。湖中有南旺上下閘，其北

十二里曰開河關。河防考蜀山東有馮家壩。地卑而水易洩。因壩以障之。南旺南有何家口。稍卑。汶水就西而下。每決房家口。傷莒隄。南旺之水即濶。議者每以馮家壩爲蜀山湖之門戶。何家口爲南旺之尾閘。皆不可以無備。明永樂中尙書宋禮開會通河。

成。復請設水櫃以濟漕渠。在汶上曰南旺。東平曰安山。濟寧曰馬腸。沛曰昭陽。各因鍾水相地勢。建壩壩漲。則減之入湖。濶則開之入河。名曰四水櫃。桃鄉在縣南三十里。與濟寧接界。或云在縣東北四十里。悞矣。

新開河

縣西南二十里。正統八年。鑿河以洩山谷諸水。西流入會通河。又石樓深。亦在縣西南二十里。周三十里。縣西北十五里。又有魚營深。周四十里。縣北三里曰蒲溝深。舊名仲句陂。周十餘里。俱入於汶。每秋水泛漲。一望無際。遠近村落。悉在煙波香

中。

龍關泉

縣東北五十里。初出洶湧。流爲龍關河。亘四十里而達蒲灣泊。霖潦時。輒有漲溢之患。又東北五里曰深當山泉。西南流會龍關泉。入於魯溝河。志云縣境之泉六。其一伏地中。其五俱注於汶河。

關亭

在縣西南南旺湖中。有高阜六七。春秋桓十一年。公會宋公於關。昭二十五年。叔孫昭子如關。三十二年。公在乾侯取關。定元年。季孫使役如關。杜氏云。關。魯先公墓所在也。自陳桓以下皆葬此。戰國策信陵君曰。秦長驅梁北。東至陶。衛之交。北至平關。

陶。陶邱。平。平陸也。史記封禪書。齊八祀。三曰兵主。

祠蚩尤。正義。蚩尤冢在東平陸監鄉監卽關云。

開河水驛

縣西南三十里。又縣東南有新橋馬驛。蓋縣爲水陸通衢也。

東阿縣

州西北七十里。北至東昌府。在平縣百里。西南至壽張縣八十里。春秋時齊河邑。漢置東阿縣。屬東郡。後漢因之。屬濟北郡。劉宋屬濟北郡。後魏因之。隋屬濟州。唐因之。天寶十三載。濟州廢。縣屬鄆州。宋仍舊。今編戶二十四里。

東阿故城

縣西二十五里。春秋時爲齊之柯邑。莊十三年公會齊侯盟於柯。史記齊桓公與魯會柯而盟。又魯頃公卒於柯。皆此地。後爲阿邑。趙成侯九年與齊戰阿下。又齊威王烹阿大夫。世紀周顯王十三年燕趙會於阿。秦時謂之東阿。二世二年田儻爲章邯所殺。田榮收餘兵走東阿。又項梁擊破章邯軍東阿下。漢四年彭越渡河擊楚東阿。殺楚將薛公。後漢亦爲東阿。

縣元和二年幸東阿是也。隋唐縣皆治此。唐史元和十三年魏博帥田宏正奉詔討淄青。敗其兵於東阿。又敗之於陽穀。宋開寶八年徙縣治南穀鎮。太平興國二年徙治利仁鎮。紹興三年金人徙治於新橋鎮。

明朝洪武八年又徙今治。蓋卽故穀城也。今東阿舊城入陽穀界內。謂之阿城鎮。

穀城

今縣治。春秋時齊邑也。桓八年夫人姜氏會齊侯於穀。莊二十三年公及齊侯遇於穀。後爲管仲采邑。亦曰小穀。莊三十二年城小穀。爲管仲也。又傳二十六年公以楚師伐齊。取穀。置齊桓公子雍焉。文十七年公及齊侯盟於穀。宣十四年公孫歸父會

齊侯於穀。成三年叔孫僑如會晉荀首於穀。成十四年齊國佐以穀叛。襄十九年晉士匄侵齊及穀。哀二十七年齊陳成子救鄭。及留舒違穀七里。穀人不知。皆此邑也。秦曰穀城。漢高以魯公禮葬項王於穀城。又圯上老人謂張良。後十三年見濟北穀城山下。黃石卽我也。漢五年張良勸漢王自睢陽以北至穀城與彭越。尋置穀城縣。屬東郡。後漢因之。晉屬濟北郡。劉宋因之。後魏屬東濟北郡。後齊廢唐武德四年復置穀城縣。屬濟州。六年廢水經注穀城西北三里卽項王家。又今縣東北五里有穀城山一名黃山。卽張良得黃石處。邵志東阿穀城本二邑。并穀城於東阿。自北齊始移東阿治穀城。自明初始。今縣爲土城。周四里卽穀城故址云。

桃城

在縣西南四十里。古桃邱也。春秋桓十年公會衛侯於桃邱。杜預曰。東阿東南有桃城。蓋在故縣東南也。漢高封功臣劉豐爲桃侯。邑於此。今安平鎮東十八里爲桃城鋪。旁有一邱。高可數仞。卽桃邱矣。

楊劉城

縣北六十里。舊臨河津。亦曰楊劉鎮。唐元和十三年淄青拒命。魏博帥田宏正請自黎陽濟河。會義成軍進討。義度以爲不若。詔宏正俟霜降水落。自楊劉渡河。直指鄆州。置營陽穀。則賊衆搆心矣。從之。旣而宏正自楊劉濟。距鄆州四十里築壘。城

中大震。乾寧三年，朱全忠將葛從周引兵救魏博，敗河東兵於澗水，復濟河。屯楊劉，擊鄆帥朱瑄。梁開平五年，晉王存勗攻魏州，朱全忠遣兵自楊劉濟河，間道夜入魏州，助魏帥羅周翰城守。乾化五年，晉軍入魏，也瑒將劉鄩軍於魏縣。梁主遣軍屯楊劉，爲鄆聲援。貞明三年，晉王存勗自朝城乘冰擊渡河，急攻楊劉，拔之。列柵置守，後唐同光初，遣李嗣源襲鄆州。自德勝逃楊劉，夜渡河，徑抵鄆州，拔其城。梁尋遣王彥章克德勝，南城浮河東下，攻楊劉，列柵煙互河津，以絕援兵。又於城南爲連營守之。唐將李周悉力拒守，唐主亦引兵自澗州馳救。彥章旋爲唐兵所敗，既而唐主復自朝城至楊劉濟河，入鄆州，遂進兵滅梁。石晉天福八年，契丹入寇，至黎陽，遣河軍進守楊劉，鎮開運三年，河決楊劉西入莘縣。五代史：大河自楊劉至博州百二十里，自梁季以來，連年東潰，分爲二派，匯爲大澤，瀾漫數百里。又東北墮古堤而出，灌齊棣淄諸州。至於海澗，溼沒民田，不可勝計。周顯德初，詔李穀等塞楊劉決河，三十日而工畢。胡氏曰：自德勝北循河而東，至楊劉渡口幾二百里，自楊劉經東阿縣，復東南趨鄆州，幾百里。李嗣源蓋自楊劉徑道入鄆，不經東阿縣治也。金人疆域圖：東阿縣有楊劉鎮，今黃河舊堤隱隱可見，而城迹不可考。黎陽見直隸滄縣，洹水見直隸成安縣，魏縣今屬直隸大名府，德勝見直隸開州，朝城今屬東昌府濮州，是也。

礪礪山

縣南七里。劉宋元嘉八年，檀道濟與後魏戰於此，置有關城，城南三土墪，卽道濟鳴鑼量沙處，亦謂之虛糧塚。廣記：縣西南三里有虎窟山，南燕建平中，濟南太守得白虎於此，因名山之南卽礪礪也，或以爲卽礪礪城。快○礪山在縣東南三十里。

雲樹秀拔，爲境內羣山之冠。水經注謂之大樞山，一名浮山，相傳洪水時，此山不沒也。稍北有狼山，一名黃崖山，狼溪水發源於此。

魚山

縣西北八里，一名吾山。史記河渠書：瓠子歌：吾山平兮鉅野溢。徐廣曰：東阿縣魚山也。魏曹植封東阿王，嘗登魚山望東阿。唐乾寧初，朱全忠擊鄆帥朱瑄軍於魚山，瑄弟兗帥璠合兵來攻，爲全忠所敗。宋史：陳堯咨知鄆州，開新河，自魚山下下杷以導積水。今山在大清河西，鹽舟自濼口來者，俱泊於此。山下有唐末營壘遺址。○香山在縣北十五里，大清河西岸，山東北有艾山，兩山相對，河出其中，又少岱山。志云：在城東一里，橫亘郭門，上有臺一成，以在岱宗西，故名。又南一里爲寺山，又南四里爲鐸山。

形方而驟。

有泉出焉。

會通河。縣西南六十里。南接壽張。縣界又北接陽穀縣界。

大清河。縣四十里。即濟水也。其上游與會通河合。流至東平安山。漸分流而西北。至魚山之東。復折而東北。經縣北。而東入平陰。縣境。○馬頰河在縣西。自陽穀縣界。歷安平鎮。又東至魚山。合於大清河。或以為小驢河。而大清河直謂之驢河水。經注濟。

水自須昌縣北經魚山。東左合馬頰水。馬頰蓋濟水之支流。或以為黃河支流也。唐乾寧二年。朱全忠將龐師古敗鄆州兵於馬家河。遂抵城下。元末。察罕復山東。師至驢河。遺精騎搗東平。克之。或曰即馬頰河也。

沙灣河。在安平鎮南十二里。黃河舊決口也。志云。縣西南有土河。即正統中河決原武黑陽山。由范縣壽張東流。衝入張秋之道。又有沙灣東河。其上流即鄆城縣之灑河。流入縣境。自張秋南入會通河。今俱埋廢。

狼溪水。在縣東南二十八里。出狼山下。西北流。經縣城內。又北入於大清河。○赤河在縣北。五代時。黃河衝決。析為支流。此其一也。又有金河。俱自縣境入州界。或誤為金赤河。今見東平州。

金堤。在安平鎮南。參差隆起。延互鄆。濮。俗稱始皇堤。漢文時。河決醴。棗。東隕金堤。即此。或曰後漢王景所修汴渠堤也。

安平鎮。縣西南六十里。運河所經。與壽張陽穀二縣接界。本名張秋。五代周顯德初。河決楊劉。遣宰相李穀治隴。自陽穀抵張秋口。即此。宋曰景德鎮。元因之。至元二十七年。會通河成。置都水。分監官於景德鎮。掌河渠。屬之。政俗仍謂之張秋。正統十三

年。河決滎陽而東。衝張秋。潰沙灣。遣使修塞。景泰三年。沙灣復決。徐有貞為廣濟渠於張秋以西。又於張秋建通源關。以時蓄洩。會通河復治。安治初。河徙汴北。分為二支。其一東下張秋鎮。入漣河。與汶合而北行。六年。霖雨大溢。決張秋東岸。截流。奪汶。徑入

於海而漕河中竭。南北道阻。乃命劉大夏等治之。於上流西岸。疏爲月河三里許。塞決口九十餘丈。而漕始復通。又疏塞其上流。數處於兩岸築堤。減水南下。由徐淮故道。又於舊決口南一里築滾水石壩。以防復衝。張秋之患。亦謂之減水壩。八年功成。賜令名。抱河爲城。周八里。北河都水分司治焉。城北有戊己山。亦安治間築土所成。下臨龍潭。即故決口也。山名戊己。取土制水之意。志云。黑龍潭在鎮北半里許。深不可測。一名平河泉。又荆門水驛在鎮城北隅。上下二關設於此。又有稅課局。亦置於鎮城內。

南穀鎮

縣南十二里。以在穀城南也。宋開寶中。移縣治焉。又南十八里。曰利仁鎮。太平興國中所改置縣治也。今舊縣馬驛置於此。縣北十里曰新橋鎮。金人徙縣治此。元因之。又北三十里有銅城驛。

尹卯壘

在縣西北。宋永初末。北魏主嗣遣兵南寇。渡河軍於礪礪。兗州刺史徐炎棄尹卯南走。景平初。魏軍還。其別將刁雍留鎮尹卯。水經注。濟水自須昌縣西北經魚山。東又北過穀城縣西。水側有尹卯壘。南去魚山四十里。

蕩下聚

在縣西南。左傳僖二十六年。公追齊師。至蕩。弗及。杜預曰。穀城縣西有地名蕩下。又周首亭。杜預曰。亦在穀城東北。春秋文十一年。傳云。齊襄公之二年。大夫王子成父。獲長狄僑如。弟榮如。埋其首於周首北門。即此亭也。京相璠曰。周首邑。世謂之

盧子城。魏收志。盧縣有盧子城。蓋近長清縣西界。

清亭

在縣東北。左傳隱四年。公與宋公遇於清。京相璠曰。東阿東北四十里有清亭。水經注。濟水自魚山而北。經清亭。東又縣西二里有三歸臺。相傳卽管仲所築。鐵塔寺在縣北新橋鎮。有浮圖十三級。高二丈。宋熙寧中。建

平陰縣

州東北百里。東北至濟南府長清縣四十里。春秋時齊邑。漢爲肥成縣地。隋開皇十六年。置榆山縣。屬濟州。大業二年。改曰平陰縣。唐初因之。貞觀初。改屬鄆州。太和六年。省開成二年。復置。仍屬鄆州。今編戶十九里。

平陰故城

志云。在縣東北三十五里。齊平陰邑也。襄十八年。晉會諸侯伐齊。齊侯禦諸平陰。齊師夜遁。晉入平陰。京相璠曰。平陰在盧縣故城西南十里。蓋卽今縣地。隋因以名縣。又京茲城在縣東南。左傳。晉入平陰。荀偃士句。以中軍克京茲。魏絳

樂盈以下軍克郛趙武起以上軍圍盧杜預曰京茲在平陰東南郛山在平陰西是也廣見前長清縣○榆城在縣西北二十里榆山下志云隋榆山縣蓋置於此

長城

在縣東左傳襄十八年諸侯同伐齊齊侯禦諸平陰壑防門而守之廣里京相璠曰平陰城南有防防有門於門外作壑橫行廣一里是也京相璠曰防卽長城平陰南有故長城東至海西至濟河防門去平陰三里其水引濟故潰尙存防門之北有光

里今其地亦名廣里云括地志長城西北起濟州平陰縣綠河歷泰山北岡上經濟州淄州東至密州琅邪臺入海郡縣志故長城首起郛州平陰縣北二十九里是也

大清河

縣西北十五里自東阿縣東流經此又東北入長清縣界明朝成化九年以大清河壅塞自張秋濬至縣西滑口鎮是也又有新開河在縣西十里志云卽清河之下流其南岸有山曰蹲龍下有盤石跨河舟行者患之宋張方平乃鑿新河引水北

行以避其險行者便之

汶河

縣南九十里自寧陽縣流入界又西南流入東平州境志云縣東南五十里有新柳溝出高坡沙土中南流三十里入衡魚河會肥成縣泌河及諸泉水南流入汶河亦曰新柳溝泉志云縣有泉二俱南流入汶是也

滑口鎮

縣西三十里有巡司戍守又縣有陳宏遷運所今皆革

陽穀縣

州西北百四十里北至東昌府八十里春秋時齊陽穀邑漢爲須昌縣地隋開皇十六年析置陽穀縣屬濟州唐初因之天寶十三載改屬郛州今編戶三十九里

陽穀舊城

志云在縣北五十里春秋時齊邑也僖三年齊侯宋公江人黃人會於陽穀十一年公會齊侯於陽穀文十六年季孫行父會齊侯於陽穀宣十六年晉衛伐齊至陽穀昭二十九年齊侯與公衍陽穀又齊語桓公大朝諸侯於陽穀皆此

地也。隋因置陽穀縣。宋開寶六年，縣爲河水墊沒。太平興國八年，徙縣於上巡鎮，亦謂之孟店。即今治也。又古阿城。志云在縣東北五十里。蓋與東阿縣接界。今爲阿城鎮。會通河所經也。有阿城上下二關。

薛陵城

在縣西南。戰國時齊邑。史記齊世家：威王七年，衛伐我取薛陵。又威王語阿大夫衛取薛陵，子不知蓋其地與阿道。

穀山

在縣治東北。小阜也。縣以此名。又南山在縣北二十里。北土山在縣東北十五里。志云皆昔時戰壘遺址。

會通河

縣東四十里。河之東岸即安平鎮。與東阿、陽穀二縣接界。荆門上下二關置於此。又北入東昌府界。○舊黃河在縣東南六十里。舊志：縣境河岸西南至東平州魚護口，淺長六十里。今埋廢。

沙河

縣東二十五里。由范縣壽張流入境。雨潦則會羣川北流，至東昌龍灣，入於運河。志云：縣南五十里有清水河，亦自壽張縣流入境，或以爲即故馬頰河也。自縣而東，經安平鎮入東阿縣界。

阿澤

在縣東。春秋時衛地。襄十四年，衛獻公出奔齊，孫林父追之，敗公於河澤。杜預曰：東阿西南有大澤，即阿澤也。水經注：河水歷柯澤，有七級渡。今運河經縣東北六十里，有七級上下二關，或以爲古阿澤是其處。又西湖陂在縣西十五里，亦名黑龍潭。

長三十餘里。又縣北二十五里曰鵝鴨陂，周二十餘里。其北即沙鎮也。運河所經。○阿膠井在縣東阿城鎮，水清冽而甘。水經注：阿城北門內西側，上有井，巨若輪，深六尺，歲嘗煮膠，以貢天府，所謂阿膠也。今水不盈數尺，色正綠而重，周爲垣，掌之於官。

會盟臺

志云在縣治南。即齊桓公會江黃時所築。又魯將曹沫挾匕首覘齊桓公處，亦名陽穀亭。○小韓寨在縣東北二十里。元知院官韓志所修築，亦曰小韓寨。城遺址猶存。

壽張縣

州西百二十里。西北至陽穀縣三十里。春秋時齊之良邑。戰國時謂之壽邑。漢置壽良縣，屬東郡。後漢改曰壽張，屬東平國。應劭曰：光武叔父名良，諱良曰張也。晉亦曰壽張。縣劉宋改曰壽昌，後魏復曰壽張。俱屬東平郡。隋屬濟州。唐武德四年置壽州。

於此五年州廢仍屬郟州宋因之明朝洪武三年省入須城陽穀二縣十四年復置仍屬東平州編戶十五里

壽張故城

志云在今縣東南五十里史記齊昭襄三十七年客卿竈攻齊取剛壽此即壽邑也水經注故城北有壽聚漢置縣後漢光武十二年封樊宏爲壽張侯初平三年曹操擊黃巾於壽張東濟北相鮑信戰死劉宋曰壽昌縣後魏復故唐武

德四年又分置壽良縣屬壽州明年仍廢入壽張金人大定七年河水壞城乃遷於今縣四十五里之竹口鎮十九年復還舊治明朝洪武初又移治梁山之東十四年復移置於王陵店即今治也

張城

舊志在縣南史記周勃襲取臨濟攻張又漢高封毛繹之爲張侯邑於此後漢因改壽良爲壽張也臨濟見河南陳留縣或曰縣境舊有臨濟亭臺置

梁山

縣南三十五里以梁孝王遊獵於此而名其東北即東平州界今有梁山巡司又西南十七里有土山又南有戲狗山亦梁孝王遊獵處

會通河

在縣東三十里河東岸即安平鎮也元史至元二十六年從壽張尹韓仲暉言開河以通運道起須城縣安山渠西南由壽張西北至東昌又西北至臨清引汶水以達御河長二百五十餘里中建開三十有一以時蓄洩河成河渠官張禮孫言開

魏博之渠通江淮之運古所未聞賜名

會通延祐六年又復開濬即今運渠也

梁山濼

在梁山南汶水西南流與濟水會於梁山東北逼合而成濼水經注濟水北經梁山東袁宏北征賦所云背梁山蔽汶波者也又爲大野澤之下流水嘗匯於此石晉開運初滑州河決漫汴曹單濮鄆五州之境環梁山而合於汶與南旺蜀山湖相

連瀾漫數百里宋天禧三年滑州之河復決歷瀆濮曹鄆注梁山濼咸平五年詔漕臣按行梁山濼開渠疏水入於淮天聖六年關貽慶言廣濟河出濟州合蔡鎮逼梁山泊請治夾黃河引水注之元豐初議者復以梁山等濼淤易於泛浸乞行疏濬政和

中劇賊宋江結營於此。金史亦盡碑破賊衆於梁山。獲舟千餘。又斜卯阿里亦破賊船萬餘於梁山泊。蓋津流浩衍。易以憑阻也。既而河益南徙。梁山漸淤。金明昌中。言者謂黃河已移故道。梁山深水退地甚廣。於是遣使安置屯田。自是益成平陸。今州境積水諸湖。即其餘流矣。志

云。縣南五十里至南旺湖。

沙灣

縣東北三十里。北去安平鎮十二里。志云。國家疏鑿會通河。一循元人故道。惟於開河關至沙灣北。故河道北徙。幾二十餘里。

又引黃河支流自河南封邱縣荊隆口東。至於沙灣。以達臨清之衛河。安治中。河決於此。自是築塞黃陵岡。而沙灣之流漸涸矣。河漕考。舊黃河在縣東南二十五里。所管河岸。南自鄆城縣黃亮口。北至東平州魚護口。長三十里。今湮。又野豬腸堰。舊在縣南六十里。築紆三十里。用土石修築。塞以豬水。使不衝決。沙河河隄岸。又師家壩。在縣西南二十五里。舊導黃河水使入安平鎮。通源開。以分沙灣。

之勢。今亦埋廢。

微鄉

在縣南。京相璠曰。微鄉在壽張西北三十里。蓋在故城西北也。水經注。濟水北經梁山東。又經微鄉東。春秋莊二十八年。築鄆。公羊傳以爲微。蓋魯邑也。

高梁亭

在縣東北。宋元嘉八年。檀道濟自清水救毛修之於滑臺。至壽張。轉戰至高梁亭。斬魏濟州刺史悉煩。庫結。即此亭。蓋近安平鎮。

曹州

府西南三百里。東南至河南歸德府二百四十里。西南至河南開封府三百里。西北至直隸開州百二十里。北至東昌府濮州百里。

禹貢豫州地。周爲曹國地。

武王封弟振。鐸於曹。即此。

戰國屬宋。後屬齊。秦屬碭郡。漢初屬梁國。景帝中六年。分置濟陰。

國建元三年改爲郡。甘露二年更爲定陶國。明年復爲濟陰郡。河平二年又爲定陶國。建平二年復爲濟陰郡。後漢因之。晉曰濟陽郡。劉宋復曰濟陰郡。後魏因之。後又兼置西兗州。後周改曰曹州。隋因之。大業初復曰濟陰郡。唐初亦曰曹州。天寶初又爲濟陰郡。乾元初復故。五代晉開運二年置威信軍節度。周廣順二年改置彰信軍。宋仍曰曹州。亦曰濟陰郡。彰信軍建中靖國初賜軍額曰興仁。崇寧初升爲興仁府。金復曰曹州。元因之。明朝洪武四年州廢屬濟寧府。正統十一年復置曹州。編戶七十四里。屬兗州府。領縣二。

州爲四達之衝。春秋時曹最爲多事。會盟征伐。幾於無歲不與也。旣而侵逼日至。卒以先亡。自戰國以來。河濟有難。曹輒先受之。朱繡曰。曹南臨淮泗。北走相魏。當濟兗之道。控汴宋之郊。自古四戰用武之地也。

曹城。今州治。卽曹叔振鐸所都。魯哀公八年爲宋所滅。遂爲宋邑。十四年向魃入於曹以叛。是也。漢置濟陰郡。治定陶。後皆因之。隋州治濟陰縣。唐宋因之。金大定二十七年河決曹濮。乃改築城於州之北原。徙州治焉。明初以水患再徙。遂廢州爲縣。正統十年復置州於河北岸。舊土城。卽金人故址也。城周四里有奇。

冤句城。州西南四十里。涇縣屬濟陰郡。冤一作宛。句音胸。景帝封楚元王子執爲宛胸侯。是也。後漢仍屬濟陰郡。隋屬曹州。唐因之。乾符初黃巢倡亂於此。中和四年李克用擊黃巢。追至冤句而還。宋仍屬曹州。大觀二年改爲宛亭縣。金時圮於河。九域志。

宛句城在州西四十五里。○都關城亦在州東北。秦縣。漢初周勃攻都關。定陶。襲取宛句。是也。漢亦爲都關縣。屬山陽郡。後漢省。

成陽城

州東北六十里。戰國時齊邑。成亦作鄭。秦紀。昭襄十七年。成陽君入朝。秦因置鄭陽縣。亦曰城陽。二世二年。項梁使沛公及項羽別攻城陽。屠之。漢二年。項羽北至城陽。田榮將兵會戰。不勝。走至平原。爲平原民所殺。漢紀。沛公西略地。道福至城陽。

與杠里。攻秦壁。破其二軍。曹參世家。參擊王離於城陽南。復及之杠里。破之。又樊噲從擊秦河間守軍於杠里。破之。杠里在城陽西。皆此成陽也。漢曰成陽縣。屬濟陰郡。高祖封功臣。奚意爲侯。邑。後漢仍爲成陽縣。晉屬濟陽郡。後魏屬濮陽郡。後齊省。隋開皇十六年。改置雷澤縣。屬鄆州。今在濮州境內。

呂都城

在州西南二十里。漢縣。屬濟陰郡。或曰。高后割濟南郡爲呂國。封呂台爲呂王。此其所都也。後因置呂都縣。後漢省爲呂都亭。延熹二年。以誅梁冀功。封尚書令虞放爲呂都亭侯。卽此。○蕘蕘城在州西。史記。蘇秦說魏。東有滹鄆。蕘蕘。又蘇代說田

軫。魏王謂韓馮張儀曰。蕘蕘將拔齊兵。又進是也。劉向曰。宛句有蕘蕘城。漢高封功臣。羊朱爲侯。邑。又水經注。北濟水自濟陽縣北東北。經蕘蕘城南。今亦見直隸蕘蕘強縣。又離狐城志云。在州西四十里。漢縣。唐曰南華。金時縣治於此。尋省。今爲李二莊。似悞。

詳見前

單縣

清邱山

州西南四十里。志云。春秋時。晉宋盟於清邱。卽此。又蒟山在州東南三十里。以近蒟澤而名。舊志云。蒟水。源出於此。○歷山在州東六十里。志云。舜耕於歷山。漁於雷澤。州北境有雷夏澤。因此山爲舜所耕之歷山云。

舊黃河

州東五里。南自定陶縣彭家淺。北至鄆城縣紅船口。中間除鉅野縣河岸十二里。所管河岸一百有五里。志云。河至州東雙河口分支。東流經嘉祥及濟寧州西。東南至魚臺縣場揚口。入於運河。卽洪武初。徐達引河入泗以通運處也。永樂中。亦嘗

修澤今
俱埋廢。

灑河

在州南二十五里。志云：舊自黃河分流，正統中河自黃陵決入灑，爲河所奪。今河去而灑存。雨潦時可通舟楫。○汜水在州西南三十里，爾雅別爲澠，呂忱曰：水決復入爲汜。漢高卽位於汜，水之陽，張晏曰：汜水在濟陰界，取汎愛宏大而潤下也。爲受命壇在焉。志云：壇在今曹縣定陶之間，爲水所圯。又孔氏曰：汜，數劍反。又大禰泚在州西。志云：詩：衛風出宿于泚，飲餞于禰，謂此水也。一名寬水。漢寬句縣以此名。今埋。

荷澤

州東南三十里，卽禹貢之荷澤也。水經注：濟水又東，荷水出焉。舊志：濟水西自河南考城縣界來，會於荷水，東入成武縣界。今潤。○雷澤在成陽故城西北，禹貢：雷夏既澤。史記：舜漁於雷澤。鄭元曰：澤在城陽西北十餘里，其陂東西二十餘里，南北十五里，與濮州接界。今潤。志云：州西南三十里有饑虎牢池，四壁突起，如城內有深淵，廣三頃餘，大旱不竭。又州南四十五里有靈聖湖。

文臺

括地志：在寬句西北六十五里。史記：隱陵君施酒文臺。又信陵說：魏安釐王所云文臺墮，垂都焚者，又靈臺在故成陽縣西。堯冢也。呂氏春秋：堯葬穀林。後漢志：成陽有堯冢，靈臺。元和二年，東巡狩，遣使祀堯於成陽，靈臺又延光三年，復使使者祀焉。皇甫謐曰：穀林卽成陽也。鄭元云：班固謂堯作遊成陽，蓋堯遊成陽而死，塗葬焉。水經注：成陽西二里有堯陵，陵南一里有堯母陵。都陵於城爲西南，稱曰靈都，鄉曰崇仁，邑號修義，皆立廟。四周列水潭而不流，水潭通泉，泉不耗竭，至豐。魚筍栝柏成林。二陵南北列，馳道逕通階墀，修整蓋宋時。

尙存。金末黃河決溢，故迹塗埋。

曹縣

州東南百二十里，東南至河南歸德府百二十里，西南至河南儀封縣百里。漢定陶縣地，隋析置濟陰縣，爲曹州治。唐宋因之。金人徙州治，乘氏故縣仍置濟陰爲附郭。元因之。明初以水患，徙治安陵鎮。二年，又徙盤石鎮。卽今治也。四年，改州爲縣，屬濟寧府。

正統十一年復置曹州以縣屬焉今編戶四十八里

濟陰城

縣西北六十里本定陶縣地或曰漢濟陰郡亦治此世謂之左城以在左山南也哀帝葬其父定陶恭王并置陰邑因謂之葬城後魏謂之孝昌城魏收志孝昌二年置西兗州治定陶尋徙左城興和二年備置沛郡治孝昌城領考城已氏新安三縣孝昌亦即左城矣後齊郡廢隋改置濟陰縣爲曹州治唐因之通典漢濟陰郡治卽今縣治也自隋以後州郡始皆治此城西去黃河十里金大定二十八年圮於水

乘氏城

縣東北五十里春秋時乘邱地莊十年公敗晉師於乘邱戰國策張儀謂魏王齊伐趙取乘邱收侵地虛頓邱危史記周安王二年三晉伐楚至乘邱而還也是也漢置乘氏縣屬濟陰郡景帝封梁孝王子買爲侯邑應劭曰乘氏故乘邱也後漢亦爲乘氏縣和帝封梁商爲乘氏侯邑於此興平初呂布入濮陽與曹操爭兗州引兵至乘氏尋爲曹所敗晉屬濟陽郡後魏仍屬濟陰郡隋屬曹州唐宋因之金大定六年縣廢二十八年移州治於此改置濟陰西南去故州城二十八里明初省縣入州州治再徙故城遂墟虛頓邱見直隸濟縣及清豐縣○大鄉城在縣北魏收志乘氏縣有大鄉城宋永初末北魏將刁雍寇青州爲州兵所敗收散卒保大鄉山或曰卽大鄉城似悞

楚邱城

縣東南四十里春秋時戎州已氏之邑左傳隱七年戎執凡伯於楚邱又襄十年宋享晉侯於楚邱楚邱蓋在曹宋間漢置已氏縣屬梁國後漢改屬濟陰郡晉屬濟陽郡後魏亦屬濟陰郡魏末改屬沛郡隋開皇六年改爲楚邱縣屬宋州唐初屬戴州貞觀十七年又改屬宋州宋因之金初屬曹州尋屬歸德府後又改屬單州元屬曹州明初省志云春秋時楚邱有二此爲曹伯境內之楚邱非衛地之楚邱也

句陽城

縣北三十里漢縣屬濟陰郡後魏因之晉屬濟陽郡後省句讀勾杜預曰句陽縣北有垂地亦名犬邱隱八年宋公衛侯遇於垂傳云遇於犬邱是也又桓元年公會鄭伯於垂戰國策無忌說魏王文襄擊垂都焚謂此也○安陽城在縣東宋哀曰

楚邱縣西北四十里有安陽故城。秦二世二年，楚宋義救趙，行至安陽，留四十六日不進。又沛公將傅寬從攻安陽，卽此城也。魏收志：已氏縣有安陽城。

桂陵城

在縣西北五十里。本齊邑。史記：齊威王二十六年，以田忌爲將，大破梁軍於桂陵。其後秦穰侯葬此。世謂之安平陵。亦曰安陵。魏鎮明初移曹州治焉。今爲安陵集。有安陵巡司。孔穎達曰：桂陵在乘氏縣東北二十里。似誤。○葭密城在縣西北三十

里。竹書：魯季孫會晉文公於楚邱，取葭密。遂

城之。卽此。漢置葭密縣，屬濟陰郡。後漢省。

莘城

縣北十八里。元和志：古莘仲國也。在濟陰縣東南三十里。夏本紀：鯀納有莘氏女，生禹。又伊尹耕於有莘之野。春秋僖二十八年，晉侯次於城濮，登有莘氏之墟以觀師。杜預曰：古莘圃城是也。今爲莘仲集。又有莘城，見陝西郃陽縣。○濟陽城志云：在縣

西南七十里。舊志云：在冤句西南五十里。快也。漢縣，今與河南蘭陽縣接界。詳見蘭陽。又有武父城。杜預曰：在濟陽東北。春秋時爲鄭地。桓十二年公會鄭伯盟於武父。又有戎城，在濟陽東南。春秋隱二年公會戎於潛，此卽潛地也。水經注：濟濱舊自濟陽故

城南，東逕戎城北。

其地皆屬縣境。

陽晉城

在縣北。故衛邑。戰國策：張儀說楚曰：秦規衛，取陽晉，則趙不南，趙不南，則魏不北。魏不北，則從道絕。又說楚曰：秦下田攻衛，陽晉必關，周天下之胸。又韓攻宋，秦王怒曰：我愛宋，與新城。陽晉，同。史記魏世家：哀王十六年，秦拔陽晉，括地志：陽晉在乘

氏縣西北三十七里。司馬貞曰：陽晉，魏邑。蓋適齊之道，在衛國之西南。水經注：陽

晉在廩邱城東南十餘里，與都關爲左右。云：新城，今見河南洛陽廩邱，見濮州。

蒙澤城

在縣西十里。古賈國。春秋時爲宋之賈邑。僖二年，齊侯、宋公、江人、黃人盟於賈。杜預曰：賈與貫相似。今梁國蒙縣西北有賈城。史記：齊宣公四十九年，與鄭人會西城，伐衛，取母邱。賈，作世，又譌世爲母也。時賈邑蓋屬衛。漢爲蒙縣。地。元帝封梁敬王

子宜爲黃郛侯。晉仍屬蒙縣。隋初爲濟陰縣地。開皇六年。置黃縣於此。十八年。改爲蒙澤縣。屬曹州。大業初廢。唐武德四年。復置蒙澤縣。仍屬曹州。括地志。黃城今蒙澤城。是也。貞觀初縣廢。舊志。蒙澤城在濟陰縣南六十五里。今亦見河南商邱縣。○毫城在縣南二十里。曹南山之陽。旁有蒙城。又漆園城。一統志。在今縣西北五十里。括地志。漆園故城在寃句縣北十七里。莊周嘗爲漆園吏。是也。今與蒙。毫等城俱見河南商邱縣。

曹南山

在縣南八十里。詩。蕃兮蔚兮。南山朝隲。春秋僖十九年。盟於曹南。是也。俗謂之土山。又有景山。在縣東南四十里。志以爲衛詩所咏之景山。悞也。○左山在縣西北六十五里。水經注謂之左岡。岡西南去濟陰城五里。所謂左城也。岡阜連屬。林木交

映。蓋卽陶邱之別阜矣。今山與曹州及定陶縣接界。

黃陵岡

縣西南六十里。黃河經其下。宋嘉定十三年。蒙古陷濟南。金兵二十萬屯黃陵岡。分兵襲濟南。爲蒙古將木華黎所敗。遂進薄黃陵岡。金兵陳河南岸。蒙古兵下馬接戰。金兵敗溺死者甚衆。木華黎遂陷楚邱。由單州趨東平。圍之。又紹定五年。金主

以汴京危急。帥諸軍東行。進次黃陵岡。謀入開州。不果。元至正十一年。賈魯開黃河故道。自黃陵岡南達白茅。放於黃壩。哈只等口。又自黃陵西至楊青村。合於故道。凡二百八十里。有奇。岡之下。卽黃陵渡也。二十一年。蔡瑛圖復汴梁。使舟師出汴。東略曹南。據黃陵渡。卽大河津渡矣。明朝宏治十年。河決黃陵岡。壞張秋運道。劉大夏乃築太行隄於曹單。二縣南。以護漕河。嗣後以時修治。今亦見河南儀封縣。

黃河

縣南五十里。自河南儀封縣流入縣界。又東入單縣界。所管河岸。長九十里。志云。黃河舊流自河南祥符縣荆隆口涇。蘭陽儀封入縣境。分爲二支。其一東南流。由賈魯河逕單。豐沛。碭山。蕭至徐州入泗。此近時河道也。其一東北流。經定陶及曹州界之高二莊。由郟城。壽張。至張秋之沙灣。入會通河。此故道也。宏治中。河水大決。衝會通河。遂自黃陵岡築東北一支。河流盡出於南。今縣北三十里。曰爲黃河。自儀封東北至定陶縣界。舊時所管河岸長四十里。今淤。河渠攷。縣西南有梁靖口。黃河衝要也。成化

六年劉大夏疏賈魯河自梁靖口出徐州嘉靖七年大河復決於此又有武家王家二壩隆慶六年築迎溜掃灣逼近老隄最為險要而武家壩尤甚此壩潰決則城武金鄉皆成沮洳且東鄰開河防過最要萬歷十七年武家壩外漸成灘淤矣又黃水在縣西十里蓋即故黃河之支流今亦淤○賈魯河在縣西四十里元至正中賈魯所開也由黃陵岡至楊青村宏治以前猶為運道自塞黃陵岡而此河遂淤稍南即大河洪流矣

濟水

縣北三十里水經注濟水自榮澤東流經濟陰乘氏縣西分為二瀆其南瀆為蒗水東南流至山陽湖陸縣與泗水合其東北流入鉅野澤又東北過東郡壽良縣西界北逕須昌穀城至臨邑縣四瀆津口與河水會此濟水舊道也今縣北及定陶縣境猶有故濟隄而濟瀆埋廢

五丈溝

縣西南五十里水經注南濟又東北合蒗水水瀆上承濟水於濟陽縣東世謂之五丈溝又縣北有新溝水經注瓠子河自濮陽南出至濟陰句陽縣南為新溝是也今皆涸

鹿城鄉

在縣東北劉陶曰乘氏有鹿城鄉水經注僖二十一年宋人齊人楚人盟於鹿上蓋此地也杜氏以原鹿為鹿上原鹿見江南太和縣

周橋

在縣東北隋大業九年濟陰孟海公作亂保據周橋衆至數萬尋據曹戴二州唐武德四年竇建德克周橋擒孟海公戴州今城武縣也

定陶縣

州東南五十里東至城武縣五十里春秋時曹地秦置定陶縣漢初封彭越為梁王都定陶後為濟陰郡治甘露中為定陶國治後漢濟陰郡亦治此晉改為濟陽郡治劉宋為北濟陰郡治後魏仍置濟陽郡尋為西兗州治隋屬曹州唐初因之貞觀初省入濟陰縣曰定陶鎮宋乾德初置發運務於此開寶九年改轉運司太平興國二年建康濟軍四年置定陶縣隸焉熙寧四年軍廢縣屬曹州元祐初復置廣濟軍於此金軍廢縣仍屬曹州元因之明朝洪武初省四年復置縣屬濟寧府正統十一年改今屬編戶十

陶城

在縣西。志云：堯初居此，故曰陶唐。春秋時為曹地，范蠡以陶為天下之中，諸侯四通，貨物所交易，乃居陶。為陶朱公。戰國策：楚人說頃襄王，外擊定陶，則魏之東外棄。又秦穰侯邑於此，所謂侵剛壽以廣其陶邑者。史記齊世家：蘇代曰：有陶平陸，梁門不開，韓非子：魏安釐王攻靈陶衛之地。呂氏春秋：舉陶削衛，地方六百里。秦置定陶縣。二世二年，沛公項羽攻定陶，又章邯擊楚軍，大破之於定陶。項梁死，漢五年，軍滅項羽，還至定陶，既而封彭越於此。都定陶，自是常為郡國治。後漢元和二年，東巡，耕於定陶。興平二年，曹操敗呂布於定陶，拔其城。通釋：濟陰縣東北三十七里，即定陶故城。曹所都也。平陸見汶上縣。

三鬯城

在縣北。亦曰三鬯亭。尚書大傳：湯伐桀，桀敗走三鬯，湯并伐之。俘厥寶玉。孔安國曰：即今定陶。杜佑以為在濟陰也。真字記云：在今縣西南十里。鬯亦作鬯。○刑城在縣東北二十里。臯覽曰：戰國時龐涓與孫臏相持處，又十里為海城，相傳隋末賊

帥孟海公陷

曹州時所築

髣山

縣北十五里。志云：曹國十五世皆葬此，積壤之高，髣髴如山，因名。

陶邱

志云：在縣西南七里。禹貢：濟水東出於陶邱北。鄭元曰：陶邱在定陶縣西。爾雅：山再成曰陶。成猶重也。帝王世紀：舜陶於河濱，邱因以名。墨子謂之釜邱。竹書魏襄王十九年：薛侯來會王於釜邱，是也。帝王世紀：定陶西南有陶邱亭。

黃河。舊在縣西二十五里。南自曹縣夏侯淺，北至曹州程義淺，所管河岸長十九里。今廢。又濟水在縣東北，水經注：南濟水東北逕定陶故城南，又屈從東北流，而右合蒗水，今淤。

荷水。縣北二十五里。舊自曹州流入界。又汜水在縣西北十里。通志云。漢高於此築受命壇。今俱埋廢。○黃水在縣東北。大河支流也。明初自河南封邱縣引河。經長垣。東明。而東。歷曹縣及縣界。又東入成武縣境。今埋。

彭越臺。縣東一里。亦曰梁王臺。相傳彭越所築。今高阜隆起。即故址云。

沂州。府東三百六十里。東至江南海州二百二十里。南至江南邳州二百八十里。西南至南直徐州三百五十里。北至青州府四百四十六里。東北至青州府莒州二百七十里。

禹貢徐州地。春秋戰國時。為齊魯二國境。秦置琅邪郡。漢為東海。琅邪二郡地。後漢為琅邪國。晉因之。

劉宋亦曰琅邪郡。後魏因之。永安二年。兼置北徐州。後周改曰沂州。隋因之。大業初。亦曰琅邪郡。唐復

曰沂州。天寶初。又為琅邪郡。乾元初復故。宋仍曰沂州。亦曰琅邪郡。元屬益都路。明朝洪武初。以州治臨沂

縣省入。尋改屬濟寧府。五年改屬濟南府。十八年改今屬。編戶百五十里。領縣二。

州南連淮泗。北走青齊。自古南服有事。必繇此以爭中國。句吳道末口。見江南山陽縣。以侵齊伐魯。越人既滅

吳。亦出琅邪。以覬覦山東也。其後歷秦楚之際。及兩漢之衰。奸豪往往窟穴於此。豈非以聯絡海岱。控引濟河。山川糾結。足以自固。而乘間抵隙。又有形便可資哉。晉末。劉裕越沂水而復青州。後魏尉元亦

沿沂泗而爭淮北。南北紛紜。琅邪大抵爲兵衝。唐之中葉。淄青擅命。則守在沂密。及宋金之末。州境最爲多事。蓋形勢使然也。明太祖平山東。亦命徐達先下沂州。遂長驅而北。誠齊魯之噤喉矣。

臨沂廢縣。

今州治。漢臨沂縣屬東海郡。後漢改屬琅邪國。晉因之。後省入卽邱縣。隋開皇十六年。復置爲沂州。治志云。漢縣治在。今州北五十里。隋始置於此。唐宋因之。明初縣省。今州城。元末故址也。吳元年。鑿以磚石。自是相繼修葺。周九里有奇。

卽邱城。

州東南五十里。孟康曰。春秋時之祝邱也。桓五年。城祝邱。又莊四年。夫人姜氏享齊侯於祝邱。卽此。後譌爲卽邱。漢置縣。屬東海郡。後漢改屬琅邪國。晉因之。劉宋時爲琅邪郡治。後魏因之。梁普通五年。遣將彭寶孫拔琅邪。七年。將軍彭暉等圍魏。

琅邪。魏遣兵救却之。卽此城也。後齊亦爲琅邪郡治。隋廢郡。尋并縣入臨沂。通志。卽邱城在州西二十里。悞。

開陽城。

州北十五里。春秋時鄰國。鄭讀聲。昭十八年。邾人入郟。後屬魯。哀三年。季孫斯。叔孫州仇城啓陽。杜預曰。卽故郟也。亦曰開陽。荀子說齊相。楚人則有襄賁。開陽以臨吾左是也。漢置啓陽縣。屬東海郡。後以景帝諱。改曰開陽。後漢仍屬東海郡。元和

中。琅邪王京都莒。請徙宮開陽。以華蓋。南武陽。厚邱。贛榆。五縣。易東海之開陽。臨沂。許之。遂爲琅邪國治。晉因之。劉宋移郡治。卽邱縣并入焉。

襄賁城。

縣西南百二十里。戰國時齊邑也。魯連子稱。陸子謂齊潘王。魯賁之衆。臣甲舍於襄賁。卽此。漢置襄賁縣。屬東海郡。賁音肥。後漢及晉因之。宋仍屬東海郡。或曰。東晉時。縣徙於東南境。淮水北岸。卽今江南安東縣治也。又有鍾離城志云。與襄賁城

相對。後魏時。嘗備置縣於此。○向城在州西南百里。春秋時小國也。隱二年。莒人入向。桓十六年。城向。僖二十六年。公會莒子。衛寧速。盟於向。宣四年。公及齊侯。平莒及鄰。莒人不肯。公伐莒。取向。襄二十年。仲孫速會莒人。盟於向。皆此地也。杜預曰。東海承縣

東南有向城。又譙國龍亢縣東南有向城。承縣在今嶧縣境內。龍亢今江南懷遠縣也。寰宇記。莒州南七十里。有向城。說皆未核。惟州境之向城爲近之。蓋向先爲國。後并於莒。而或屬莒。或屬魯。以攝乎大國間也。今爲向城鎮。亦與嶧縣界相接。

魏其城

在州南。漢縣。屬東海郡。高帝封功臣。周止爲侯。景帝初。改封實嬰於此。武帝又改封膠東康王子昌爲侯。後漢省。又屬山。城在州西。唐志。武德四年。置蘭山。臨沐。昌樂三縣。屬沂州。六年。俱省入臨沂。○郵城廢縣在州東北。漢東郡屬縣也。東晉僑置於此。永和十二年。燕將王騰寇鄆城。徐州刺史荀羨擊却之。卽此城也。

中立城

州東北三十里。春秋時魯邑。左傳。隱七年。夏。城中邱。書不時也。或謂之諸葛城。諸葛武侯現邪人。相傳曾居此。○穆公城在州西北九十里。相傳魯穆公所築。東有九女墩。南有青駝鎮。州東五十里。又有康王城。前有沙阜墩。謂之康王射箭臺。俗名故縣城。或曰臨沂縣警治此。

艾山

州西二十五里。左傳。隱六年。公會齊侯於艾。卽此。或以爲艾陵。悞也。又五坪山在州西四十里。五峯相連。其上平坦。因名。○層山在州南九十里。有數山相連。屬艾。又有寶山。在州西南九十里。上有銀坑。志云。寶山旁有喬家。黃泥。黑滲。白扭。雙眸等洞。元時取銀礦於此。又爐山在州東北六十里。舊產金。

沂山

州東五十里。以沂水所經而名。又州東北六十里有湯山。亦曰溫泉。山下有溫泉。流爲湯河。志云。州北七十里。有唐山嶺。又有大峪嶺。走馬嶺。俱險峻。

抱犢巒

州西南百二十里。上平坦。垣牆四周。內有清泉。可以避兵。旁又有柱子。園山與嶧縣接界。卽君山也。又石城崗在州西南九十里。上有龍潭。

沂水。

州東二里。源出青州府臨朐縣沂山。流經沂水縣及蒙陰縣境。又南流入州界。春秋哀十八年。晉以諸侯之師伐齊。南及沂。是也。又西南流合費縣之助水。環城東而南。分流入三十六湖。東通沫水。又南經鄒城縣西。又西南合白馬湖。又南合迦河。至江淮東海也。北魏尉元言。南國遣兵向青州。水路必由泗入沂。沂沂而經東安。乃可至青州。是矣。東安見沂水縣。

沫水。

州東五十里。源亦出臨朐縣之沂山。歷沂水縣及莒州境。西南流入州界。合諸溪澗水。經鄒城縣。又東南入江南沭陽縣境。又州東北六十里有湯河。亦流入於沫水。○枋水在州北二里。出費縣大窪園。東南流入州境。又東經城北。合於沂水。二水濼。謂之兩河口灣。志云。水名枋者。其地為古枋。田左傳。鄭伯請以泰山之枋。易許田者也。

迦水。

州西南九十里。源出費縣山谷中。南流入境。又東分一支。入州西南三十里之美蓉湖。潑田甚廣。所謂東迦河也。其西迦河出嶧縣君山。東南流。合於東迦河。又西南經嶧縣界。合承水而入江南邳州界。志云。西迦河在州西北二十里。今詳見嶧縣及邳州。○涑水在州西二十里。源出費縣。南天井汪。流經州境。又東入於沂水。

漁溝湖。

州西南三十五里。源出費山東南流。匯而為湖。其下流復西南出。合於東西二迦水。又州西南二十五里。曰泥沱湖。中有圓洲。四面水環如鏡。迤南又有蘆蕩。柳莊二湖。又西南五里曰芙蓉湖。○藻溝湖在州北四十里。夏秋水聚。一望無際。或謂之魚藻溝。東入沫水。迤北曰長溝湖。又有琵琶汪。在州東南二里。元末平章王信蓄水灌田。每歲。每城。堤水溢。則從此以達沂河。○長亭池在州北七十里。其相近者。又有常汪。柳行等池。俱流入沂河。

孝感泉。

在州北二十五里。王祥墓側。志云。沂水入州境。逕諸葛城。又南逕王祥墓西。孝感水入之。是也。又白馬泉在州南七里。又南二里有馬跑泉。州北五十里。又有桃花泉。俱流入沂河。

小河隄。在城北元人所築以防凍水衝囓。又北五里有蘇家隄。又北五里曰安淨隄。皆元築。○益都路隄在州東二十里。元時州屬益都路也。又州南六十里有石拉隄。俱元人所築。以捍水患。

夏邱戍。在州東北梁晉通五年。彭寶孫克魏瑗。邪遂拔夏邱。既又拔魏東堯。卽此。○卞莊在州西南。東泐水所經也。又西南有三合村。與嶧縣接界。東西二泐水及魚溝水合流於此。因名志云。州西南九十里有羅滕鎮巡司。

義橋。在州西。唐乾符三年。王仙芝等寇沂州。天平軍遣將士張晏等赴救。還至義橋。聞北境復有盜起。屬使捍禦。晏等不從。噪還。卽此。○次睢之社在縣境。後漢志。臨沂縣有豐亭。博物志。縣東界次睢有大豐社。民謂之食人社。左傳。僖十九年。宋襄公

使邾文公用郟子

於次睢之社。謂此。

郟城縣。州東南百二十里。東至江南海州百二十里。東南至江南宿遷縣百八十里。西南至江南邳州百六十里。古郟子國也。秦末置郟郡。漢置郟縣。爲東海郡治。後漢徐州治焉。晉亦爲東海郡治。後魏屬東海郡。東魏武定八年。改爲郟郡。治隋初郡廢。縣屬泗

州。大業初。屬下邳郡。唐武德四年。縣屬邳州。貞觀初。省縣入下邳。尋復置。又省入臨沂。宋金因之。元末復置郟城縣。屬沂州。今編戶六十二里。

郟城。縣西南百里。古郟國治。此春秋宣四年。公及齊侯平莒及郟。襄七年。郟子來朝。昭十七年。復來朝。戰國策。楚人說頃襄王。擊郟國。大梁可得而有竹書。晉烈公四年。越子朱句滅郟。秦二世二年。秦嘉等起兵圍東海守於郟。東漢初。董憲據郟。劉永立爲

海西王。建武五年。董憲與劉紆敗於昌慮。走保郟。帝幸郟。留吳漢攻圍之。漢拔郟。董憲走。初平四年。曹操攻徐州。牧陶謙於彭城。謙敗。走保郟。操攻之。不能克。與平元年。曹操復擊破劉備於郟東。皆此地也。後魏爲郟城戍。城家記。郟城在沂沭二水間。城周十餘里。西南去邳州八十里。今與江南邳州接界。志云。古郟城在縣東北。似誤。

馬陵山

縣東十五里。志云：山在沂州東九十里，蓋其山岡阜綿亘，凡百餘里，北接沂州，南抵宿遷，陵阜高聳，若馬首之昂起，故名。或以爲卽古之環邪山，有由晉洞，甚深邃。○石梁山在縣西北六十里，有巨石如梁，名天生橋。志云：縣境有白石山，高齊立太

平觀於此，以唐

褚伯玉處也。

蒼山

縣東北九十里，東望濼海，汪洋無際，因名。宋紹興中，魏勝復海州，遣將入沂州，降其衆，旣而金人圍海州，沂民壁蒼山者數十萬，金人圍之久不下，蔡首滕提告急於勝，勝擊寇却之，入寨，爲金人所圍，勝度其必復攻海州，因問出寨趣還，金人果解蒼山

之圍，攻海州，勝復敗却之，是也。下

有牛口峪，其相連者又有七岌山。

羽山

縣東七十里，與江南贛榆縣接界，前有羽潭，一名羽池，左傳：蘇化爲黃能入於羽淵，是也。今詳見贛榆縣志。又縣有三公山，後漢建安六年，曹操遣夏侯淵、張遼圍太山，屯師昌陽於東海，遂脫降，單身上三公山拜謁妻子，或以爲卽馬陵山也。

沐水

縣東十里。志云：沐水巡馬陵山東，復東南流入江南沭陽縣界。又沂水在縣西二十里，自沂州南流，經此，又西南入邳州界。○白馬河在縣西北五里，源出縣東北之九龍山，經縣西南而入沂水。

大方湖

縣西南十五里，方廣百畝，有蒲魚之利，其下流亦入沂水。

磨山鎮

縣西北五十里，其地有磨山池，鎮因以名，北去州七十里。志云：縣舊有道平、解村二驛，又有磨山巡司，今皆革。

費縣

州西北九十里，北至青州府蒙陰縣百二十里，古費國地，後爲魯季氏邑，漢置費縣，屬東海郡，高帝封功臣陳賀爲侯邑，後漢屬泰山郡，晉屬琅邪國，劉宋爲琅邪郡，治後魏因之，隋屬沂州，唐宋因之，今編戶七十五里。

費城

縣西南七十里。志云魯懿公大夫費伯邑。春秋隱元年。費伯帥師城郚。是矣。傳元年。公賜季友汶陽之田及費。自是為季氏邑。襄七年。城費。昭十二年。南蒯以費叛。是也。漢置縣治此。後漢移理薛固。在故城之南。尋又移理訪城。後魏太和。中自訪城移

治陽口。今縣西北二十五里。故費城是也。隋開皇三年。復還訪城。即今縣治。杜佑曰。訪。鄭邑也。在故費縣東南。春秋隱八年。鄭伯使宛來歸訪。即此。

顯夷城

縣西北八十里。在蒙山之陽。魯附庸國。論語。季氏將伐顯夷。謂此。城東南十里。曰南武陽城。漢縣也。屬泰山郡。後漢及晉因之。劉宋曰。武陽縣。後魏屬東泰山郡。隋開皇十八年。改曰顯夷縣。屬沂州。唐初因之。貞觀初。省入費縣。志云。故城在今縣西

北七十里

南武城故城

在縣西南九十里。魯邑也。春秋襄十九年。城武城。懼齊也。昭二十三年。邾人城翼。還自離姑。武城人塞其前。邾師過之。遂取之。又哀八年。吳伐我。子洩率故道險。從武城。杜預曰。子洩。本魯人。故由險道。欲魯為備是也。論語。子游為武城宰。又云。子之武城。孟子。曾子居武城。有越寇。皆此。後亦謂之南城。齊威王謂魏惠王。吾臣有檀子者。使守南城。楚人不敢為寇。是也。漢置南城縣。屬東海郡。亦曰南成。武帝封城陽共王子。貞為南成侯。後漢改屬泰山郡。晉因之。咸寧中。以羊祜為南城人。置

南城郡。封祜。祜不受。尋曰。南武城縣。劉宋復為南城縣。後魏因之。屬東泰山郡。後齊省。或曰。南武城一名石門城。以城在石門山下也。論語。子路宿於石門。即此。今為石門社。翼離姑。皆在武城南。故祜邑也。

東陽城

在縣西南七十里。魯邑也。左傳。哀八年。吳伐我。克東陽。而遂舍於五梧。明日。舍於蠶室。三邑皆在縣境。呂氏春秋。夏。孔甲遊於東陽。即此邑也。劉向曰。南城縣有東陽城。是也。今為關陽鎮。置關陽川巡司。於此。又五梧城。在縣西。哀二十五年。公至自

越。季康子孟武伯。逆於五梧。公宴於五梧。即此。

華城。

縣西北六十里。漢置華縣屬泰山郡。後漢并入費縣。初平四年陶謙遣別將守陰平。利賈蓋寶襲殺之於華。費間即此。晉復置華縣。屬琅邪郡。後廢。陰平見江南沐陽縣。○防城。杜預曰。在華縣東南。左傳隱九年公會齊侯於防。莊二十二年公及齊高侯

盟於防。二十九年城諸及防。又襄十二年城防。臧武仲食邑於此。十七年齊高厚圍臧紇於防。

二十三年臧紇自邾如防。皆此邑也。亦謂之東防城。以別於金鄉之防城云。諸卽今之諸城縣。

輿城。

在縣西。杜預曰。南武城西北有輿城。哀十四年司馬牛卒於魯郭門外。葬諸邱輿。卽此城矣。又原憲城在縣西北百十里。或曰原憲所居。又有鄭城在縣西南七十里。相傳鄭元所居。

蒙山。

縣西北五十里。跨蒙陰沂水二縣界。禹貢蒙羽其藝。魯頌奄有龜蒙。論語謂之東蒙。孟子云。孔子登東山而小魯。東山卽蒙山也。山頂有白雲巖。產雲茶。下有蒙城。劉芳徐州記。蒙山高四十里。長六十九里。西北接新泰縣界。一云泗水縣之龜山。其址與

蒙山相接。綿亘蓋二百餘里。故詩以龜蒙並稱也。宋泰始七年桓崇祖自郁州將數百人入魏境七百里。據蒙山。魏東兗州刺史于洛侯擊之。引還。梁天監五年遣角念將兵屯蒙山。招納魏兗州之民。降者甚衆。魏將華祖朽擊念。走之。其山西峯類龜。俗謂之

龜蒙頂。金史石珪破張都統李霸王之兵於龜

蒙山。卽蒙山也。又有聽山在縣西北百三十里。

大沫崗。

縣西南六十里。根盤三十里。壁立千霄。如巨柱之擎天也。志云。縣山以崗名者。若太平。不老。佛耳。雲頭之類甚衆。又一泉崗在縣西南八十里。上有泉一泓。雖旱不涸。又大隄阜在縣西南百里。亦曰大隄崗。一名賈耶阜。昉水發源於此。

昉水。

縣西南五十里。出大隄阜。東流入沂河。又洩河在縣西北三十里。源出聽山。東南流合於昉水。志云。縣東

昉水。

又有洪河。出縣北三十里。紫金關三山下。南流三十里入洩河。又有塔石河源出蒙山。亦南流入洩河。

蒙陽河。

縣西北五十里。發源蒙山下。東南流入於沂河。又豬龍河在縣南六十里。出費縣馬陵山。東北流入於昉河。○天井汪在縣南四十里。志云。源自平地湧出。其下流卽凍水也。

密如亭。

在縣北。左傳閔二年。莒人歸共仲及密。杜預曰。費縣北密如亭是也。又有台亭。在縣東南。襄十二年。莒人伐我東鄙。闔

台。杜預曰。費縣南有台亭是也。○毛陽鎮在縣西北百里。有毛陽川巡司。志云。縣境巡司凡二。毛陽川及關陽川是也。

讀史方輿紀要

卷三十四

山東五

東昌府。東至濟南府二百九十里。東南至兗州府三百八十里。西南至兗州府曹州四百三十里。西至直隸大名府一百八十里。北至直隸清河縣一百三十里。自府治至京師九百四十里。至布政司見上。

禹貢兗州之域。春秋時爲齊西境。聊攝地。戰國時爲趙、魏、齊三國之境。秦屬東郡。漢因之。曹魏屬平原郡。晉屬平原國。劉宋改置魏郡。後魏復爲平原郡。魏收志。平原郡治聊城。武泰初立南冀州。永安中罷。隋置博州。大業初州廢。改屬武

陽郡。唐復爲博州。天寶初曰博平郡。乾元初復故。宋仍曰博州。亦爲博平郡。金因之。屬山東西路。元初屬東

平路。至元初析爲博州路。尋改爲東昌路。明初改爲東昌府。領州三縣十五。

府地平土沃。無大川名山之阻。而轉輸所經。常爲南北孔道。且西連相魏。居天下之胸腹。北走德景。當

畿輔之咽喉。戰國時東諸侯往往爭衡於此。後漢末荀彧說曹操曰。將軍本以兗州首事。且河濟天下之要地。是亦將軍之關中河內也。不可不先定。晉室之亂。郡境被兵者百餘年。唐藩鎮稱兵。魏博最爲強橫。明朝靖難之師。亦力戰於城下。豈非地形四通。郡爲戰守必資之處哉。

聊城縣。

附郭。古聊攝地。齊之西境也。秦置聊城縣。屬東郡。漢因之。魏晉俱屬平原郡。劉宋屬魏郡。後魏屬東魏郡。後又爲平原郡。及南冀州治。隋爲博州治。大業初州廢。縣屬武陽郡。唐仍爲博州治。後因之。今編戶二十四里。

古聊城。

府西北十五里。卽魯仲連射書燕將處。城東側有魯連臺。高七丈。水經注。漂水又北經聊城。故城西。城內有金城。周匝有水。南門有馳道。絕水南出。東門側有層臺。卽魯仲連所謂還高唐之兵。却聊城之衆者也。漢十一年。代相陳豨叛。略趙地。使其

將張春渡河擊聊城。唐武德初。字文化及自魏縣走聊城。李神通圍之。旣而竇建德亦引軍攻化及。神通引却。建德大破化及之兵。遂克聊城。城邑攷。隋置博州。在今城東北二十五里。石晉開運初。圯於河。因移州治。堽陵城。在今城西南十五里。宋淳化三年。復圯於河。乃移州治。孝武渡西。亦曰孝武陵。卽今治也。舊有土城。宋淳化間築。洪武五年。毀以磚石。後屢經修葺。今城周七里。有奇。

武水城。

府西南六十里。漢陽平縣地。屬東郡。隋開皇中。改置清邑縣。又析置武水縣。屬博州。唐初屬莘州。貞觀初。仍屬博州。五代周廣順二年。爲河水決壞。并入聊城縣。宋爲武水鎮。今置武水巡司於此。舊志。府西南四十五里有武水。蓋漂水之異名也。今

泗。○博固城在東北二十五里。寰宇記。博固城。枕聊河之曲。俗譌爲布鼓城。相傳石勒時築。唐博州嘗置於此。

攝城。

在西北。水經注。聊城西二十五里有古葦邑。左傳僖元年。齊人宋人曹人師次於攝。北救邢。又昭二十年。齊晏子云。聊攝以東。姑尤以西。聊攝蓋二邑也。寰宇記。攝城在博平縣西南二十五里。

夷儀城

府西南十二里。左傳僖元年齊遷邢於夷儀。又襄二十四年晉及諸侯會於夷儀。將伐齊。明年復會於夷儀。又是歲衛侯入於夷儀。復歸於衛。時衛已滅邢也。後又為晉邑。定九年齊侯伐晉夷儀。史記衛世家獻公自夷儀反於衛。又後漢建武初范

升為聊城令。保於夷儀。劉陶曰。聊城有夷儀聚。今亦見直隸邢臺縣。

重邱城

在府東南五十里。跨茌平縣界。春秋時曹北境之邊邑也。襄十七年衛孫劄田於曹。遂飲馬於重邱。重邱人誦之。因伐曹。取重邱。又二十五年諸侯同盟於重邱。是也。漢置重邱縣屬平原郡。後漢省。郭城在府東北水經注郭水出聊城東北。泛則

津注水耗則輟流。寰宇記南岸有郭城。春秋時亡國郭氏之墟也。即傳所稱郭公善善不能。用惡惡不能廢者。又微子城在府東北十八里。城家記商受封微子於此。周改封之於商邱。

畔城

在府西。魏收志聊城縣有畔城。晉義熙十三年劉裕伐姚秦。引舟師沂河西上。魏兵從北岸侵擾。為裕將朱超石所敗。退走畔城。超石等復追破之。即此城也。

茌山

府東五十三里。漢茌平縣以此名。茌讀若時。說文茌草盛貌。應劭云茌平者縣在茌山之平地也。一統志山之平地曰茌。悞。○杜邱在府東北七十里。春秋傳十五年楚人伐徐。公會齊侯及諸侯盟於杜邱。救徐也。齊語桓公築杜邱。即此志云府東南二

十五里有荆邱。又東南二十五里有葛邱。

會通河

在府東門外。自陽穀縣流入境。有臨三。曰周家店。李家務。通濟橋。又北經堂邑。博平及清平縣。至臨清州。入衛河。元史至元二十六年開渠。起須城之安民山。止於臨清之衛河。長二百五十餘里。中建臨三十有一。賜名會通河。明朝永樂九年詔疏

元人故道以濟漕。為輸統必經之地。詳見川瀆漕河。

灤河

府東七里。舊經灤水出朝城縣。經莘縣。堂邑。至聊城西。又東入博平界。又北至清平縣。入高唐州界。今俗呼此水爲涓河。一統志。涓河出漢南黃河北。抵博平。西會馬頰河。東入海。今涸。

蓬關陔

在府北。晉太元十一年。燕寺人吳深叛。據清河。慕容垂攻拔其壘。深走。垂進屯聊城之蓬關陔。卽此。今埋。

四口關

舊在府東八十里。隋置。因四瀆津而名。水經注。河水又東流爲四瀆津。俗名四瀆口。唐志。聊城東南有四口故關。○馬牧在府東。晉永興中。羣盜汲桑。石勒起於馬牧。志云。馬牧在茌平縣境。亦謂之牧苑。

李家務

府南十八里。運河所經。置關於此。元至正六年。盜扼李家務。關河。劫奪商旅。兩淮運使宋文瓚言。世祖開會通河。千有餘里。歲運米至京者五百萬石。今騎賊不過四十人。而不能捕。恐運道阻塞。乞急選能臣捕之。不聽。今仍爲運渠津要。

賴亭

在府西。齊境上邑也。史記。晉趙鞅伐齊。至賴而去。謂此。又赤橋在府西北。晉永嘉中。苻暉等破汲桑。石勒於清淵。桑等西奔劉淵。冀州刺史丁紹邀擊之於赤橋。桑等敗走。○崇武驛在府東門外。運河西岸。爲往來孔道。置水馬驛於此。

堂邑縣

府西四十里。西北至高唐州九十里。漢發干縣及清縣地。屬東郡。隋開皇六年。置今縣。初屬毛州。大業初。改屬武邑郡。唐初亦屬毛州。貞觀初。改屬博州。五代晉改爲河清縣。尋復舊。今編戶十七里。

堂邑故城

縣西北二十里。相傳故齊邑也。本作棠。崔杼見棠姜而美之。孟子勸齊王發棠。蓋卽此。後譌爲堂。隋因置堂邑縣。在今縣西十里。大業末。宇文文化及自魏縣退保聊城。嘗屯兵堂邑。築壘於城南。今有化及壘遺址。唐天寶十五載。安祿山叛。平原

太守顏真卿遣兵合清河。博平之軍。擊賊兵於堂邑西南。大破賊兵。遂攻魏郡。梁乾化五年。晉王存勗軍博州。

與梁將劉鄩相持。鄩自貝州軍堂邑。周德威攻之不克。宋熙寧初。城圯於水。因遷今治。其舊城俗謂之千戶營。

發干城

縣西南五十里。漢縣。屬東郡。武帝封衛青子登爲侯邑。後漢仍屬東郡。晉屬陽平郡。南燕時。僭置幽州於此。後魏仍屬陽平郡。北齊縣省。○清城在縣東南三十里。春秋時齊邑。成十七年。齊高弱以盧叛。齊侯使國勝告難於晉。待命於清。卽此。漢置

清縣屬東郡。高帝封功臣室中岡爲侯邑。後漢建初中改爲樂平縣。晉因之。改屬陽平郡。永嘉中東海王越使征東將軍荀晞擊汲桑於平原。陽平間石勒救桑爲晞所敗。桑奔馬牧勒奔樂平。卽此。後魏亦屬陽平郡。後齊省又毛州城志云在縣北五十里俗呼爲侯瑁塚。塚南今有城址。

相傳卽隋毛州故治。

會通河

在縣東北四十五里。自聊城縣北流入境。有牐二。曰梁家牐。曰土橋。又北入博平縣界。○舊黃河在縣西南。水經注發干故城北。又有漯水。經樂平故城東。今皆埋廢。

古戰場

在縣東南三十里。唐史。至德初。平原太守顏真卿與清河李暮破安祿山將袁知泰二萬餘人於堂邑。卽其地也。相傳爲戰國孫臏龐涓戰處。慎矣。

博平縣

府東北四十里。西北至清平縣四十里。本齊博陵邑。漢置博平縣。屬東郡。晉屬平原國。劉宋屬魏郡。後魏改屬平原郡。隋初屬毛州。後屬博州。大業初改屬清河郡。唐仍屬博州。貞觀十七年廢。天授二年復置。宋因之。今編戶十八里。

博平故城

縣西北三十里。卽齊博陵邑也。史記齊世家。威王六年。魏伐齊。至博陵。徐廣曰。今東郡之博平是也。亦謂之博關。戰國策。蘇秦曰。趙涉河漳。博關張儀說齊曰。悉趙兵渡清河。指博關。皆謂此也。自漢至隋唐皆爲縣治。宋景祐中徙縣治寬河鎮。

卽今治也。又博望城。或曰在故縣城西南。史記齊宣王二年。擊魏敗之三晉之王。皆因田嬰朝齊王於博望。盟而去。卽此地云。

靈縣城

縣東北四十里。或云卽齊靈邱邑。史記魏世家。武侯九年。使吳起伐齊。至靈邱。又趙敬侯三年。敗齊於靈邱。韓文侯九年。伐齊。至靈邱。齊世家。威王元年。三晉伐我。至靈邱。趙世家。惠文王十四年。相國樂毅將趙。秦韓魏燕之兵攻齊。取靈邱。是也。漢

置靈縣。屬清河郡。後漢初省。和帝永元九年復置。晉仍屬清河國。後魏置南清河郡於此。北齊省。隋開皇六年復置靈縣。大業初省。入博平。唐武德初復置。屬博州。五年復廢。

駱駝山

縣西北十五里。土阜巍然。形似駱駝。又有平山。在縣西北二十五里。

會通河

縣西南二十五里。與聊城堂邑二縣接界。又北入清平縣境。志云。縣西北四十里有故漯河水。經注。漯河自頓邱出。東武陽。逕博平者也。或以為馬頰河。

大河故瀆

在縣東北。舊為河流所經。唐開元十年。博州河決。卽此處也。水經注。屯氏故瀆。上承大河。瀆於靈縣南。地道記。河水自靈縣別出。為鳴犢河。所謂靈鳴犢口也。東北至。徙入屯氏河。漢元光五年。河決清河。靈鳴犢口。今有水。自縣西南入境。經博

平故城南。又經今城西北。東北至故靈城。入高唐州境。謂之

鳴犢河。舊見直隸景州廢舊縣。鳴犢口亦見直隸清河縣。

靈泉

在縣西。志云。清河旁有棧隄。靈泉出焉。一名涵管洞。巨石鑿成。六管三竅。以泄暴水。永樂九年。疏會通河。其泉始淤。○金堤在縣北一里。舊志。博州有古金堤。

還駕店

縣北二十三里。五代史。後唐明宗屯兵於明靈秦。還駕至此。有行轡。基址存焉。

茌平縣

府東北七十里。北至高唐州六十里。本秦舊縣。屬東郡。漢因之。後漢屬濟北國。三國魏屬平原郡。晉屬平原國。晉末移治聊城。縣界之興利鎮。劉宋仍屬平原郡。後魏因之。後齊廢。隋復置。屬貝州。唐屬博州。貞觀初。省入聊城。金天會中。劉豫復置。在平縣。

屬博州。今編

戶三十六里。

重邱城

縣西南二十里。今詳見聊城縣。又故在平城。在縣西二十里。在山下。秦縣治此。東晉末。移縣治於今縣西三十里。唐廢。劉豫改置縣於今治云。

大河故瀆。在縣西。水經注。河水東北過在平縣西。又東爲郢里渠。又東北逕昌鄉亭。北又東逕藏徽城西。隔徽城舊志謂卽在平城。悞。今見濟南府長清縣。

馬頰河。在縣西北。舊自清平縣流入境。又東北入高唐州界。志云。縣西又有大溪陂。流入博平縣界。又有龍潭。在縣西南。

馬莊館。縣南十里。相傳唐馬周宅也。相近有與隆岡。岡下坡陀相屬。又南二十里有賀樂店。石晉時賀樂宅也。又五樓店在縣東北二十里。相傳魯仲連所居。亦名魯連村。○在山驛在縣東。縣當往來之衝。因置馬驛於此。

莘縣。府西南九十里。西至直隸大名府九十里。北至臨清州百二十里。春秋時衛邑。漢陽平縣地。屬東郡。晉屬陽平郡。劉宋改屬頓邱郡。後魏還屬陽平郡。後齊改縣曰樂平。後周於此置武陽郡。隋初郡罷。縣屬魏州。開皇六年。復改縣曰陽平。八年。改曰清邑。十六

年。置莘州於此。大業初。州廢。改縣曰莘縣。屬武陽郡。唐初復置莘州。貞觀初。州廢。縣屬魏州。宋屬大名府。金因之。元屬東昌路。今編戶十四里。

陽平城。在縣西。圍經縣西南七里。有斗城。其形如斗。或云卽漢陽平縣舊治也。後魏普泰初。高歡舉兵信都。爾朱仲遠等擊之。自大梁而北。軍於陽平。旋遁還。卽此。後移縣於今治。唐書乾寧二年。朱全忠欲攻兗。鄆李克用遣其將李存信救之。假道於魏軍。

於莘縣。師還。魏帥羅宏信襲敗之。五代梁乾化五年。晉取魏博。劉鄩與晉軍相持。晉王軍博州。鄩自堂邑軍莘縣。治莘城塹。而守之。自莘及河。築甬道以通餽餉。旣而晉王營於莘西二十里。一日數戰。尋攻絕其甬道。鄩却走。皆今縣治也。胡氏曰。劉鄩軍莘縣。蓋漸

逼魏州云。

莘亭城。在縣北。京相璠曰。陽平縣北十里有故莘亭。道阨險。自衛適齊之道也。春秋桓十六年。衛宣公欲殺公子伋。使盜待諸莘。謂此。隋因置莘亭縣。大業初廢。唐武德四年復置。屬博州。五年并入莘縣。又岡成城亦在縣西。劉昫曰。秦封蔡澤爲岡成君。卽

此又漢昭封丞
相蔡義爲侯邑

弇山

縣北四十里舊有泉曰弇山泉志云即古弇中聚也左傳
襄二十五年齊閔邱嬰出奔處似悞今其地爲馬橋鎮

大河故瀆

縣東三十里即五代梁劉鄩築甬道以通饋餉處蓋渡河而東南即鄆濮之境也又石晉開運三年河決楊劉西入莘縣
廣四十里自朝歌北流胡氏曰莘縣在魏州東朝城在魏州東南相距蓋四十里今縣東有古堤逶迤而西以障馬頰河
黑龍潭之衝河南徒後皆埋廢○漯河在縣東

自朝城縣流入境又東北入堂邑縣界今瀾

清平縣

府北七十里北至臨清州五十里漢清陽縣地屬清河郡隋開皇六年改置貝邱縣屬貝州十六年改曰
清平縣大業末廢唐初復置屬博州五代漢改屬大名府宋因之元屬德州明初改今屬編戶十六里

清平故城

縣西四十里宋白曰石趙初置平晉縣爲清河郡治隋置貝邱縣於此尋改曰清平宋熙寧二年
割博平之明靈寨來屬元豐中河決遂移治明靈營即今縣也今故縣亦曰清平鎮一名水城屯

會通河

縣西二十里自堂邑縣流入界置橋一曰戴家灣又北入臨清州境○漯河在縣西十里亦曰漯川漢志河自館陶分爲屯
氏河與大河相並而行元帝永光五年河決清河靈鳴犢口分流入博州界其下流與漯爲一王莽時河遂行漯川今漯河

自堂邑縣流入境繞縣城而西去縣六七里上源爲漕河所經下流達高唐恩縣抵海而止其水盈瀾不時又縣西南
二十里有龍湫闊僅畝許深不可測流出十里注於漯河即宋時河決故城處也寰宇記縣南十八里有王莽河今瀾

清陽驛

縣西南三十里縣西有魏
家灣巡司濱河置戍處也

冠縣。

府西南百里。西南至直隸大名府六十里。南至直隸南樂縣百里。春秋晉冠氏邑。漢館陶縣地。屬魏郡。隋開皇六年始析置冠氏縣。屬魏州。唐初屬毛州。貞觀初仍屬魏州。宋屬大名府。元屬東平路。至元六年升為冠州。明初為縣。改屬東昌府。今編戶二

十七里。

冠氏城。

在縣北。春秋時晉邑也。哀十五年。晉人伐衛。齊為衛故。伐晉冠氏。杜預曰。冠氏即館陶也。隋因置冠氏縣。唐建中初朱滔入魏境。攻拔冠氏。與田悅相惡也。既又屯兵冠氏。以逼魏州。皆此金人移於今治。

黃城。

在縣南。括地志。冠氏南有黃城。亦以黃溝為名。本趙邑。後屬魏。史記齊世家。宣公四十三年。田莊子伐晉。毀黃城。又趙世家。敬侯八年。敗魏黃城。又肅侯十七年。圍魏黃城。不克。漢置黃縣。屬山陽郡。元帝封梁敬王子順為侯邑。後漢省。讀書記。漢陳留郡

有外黃縣。魏郡有內黃縣。而山陽郡有黃縣。俱在大河旁。為魏趙齊戰爭之地。王氏云。蘇秦說齊。趙襲魏之河北。燒棘蒲。陳黃城。此河北之黃城也。在冠氏南十里。蘇代約燕王。決白馬之口。魏無黃濟陽。此河南之黃城。在考城縣東二十四里。按志云。蘇秦所言之

黃。當是內黃縣。今外

黃城見河南杞縣。

衛河。

在縣西北。自直隸大名府流入界。又東北入館陶縣境。舊有吉固隄。在縣西。屯氏故河。在縣東南二十五里。今為平陸。

清水堡。

在縣東北四十里。志云。唐初置清水縣。屬毛州。貞觀初。省入冠氏縣。今亦為清水堡城。按唐志不載清水縣也。

附見

平山衛。

在府治東。洪武五年建。志云。城中有二阜。謂之平山。明初建衛於此。因名。

臨清州。

府西北百二十里。東北至濟南府德州三百五十里。西北至直隸冀州二百七十里。西至直隸廣平府百二十里。南至直隸大名府百五十里。

春秋時衛地。戰國時爲趙之東鄙。秦屬東郡。漢屬魏郡。晉屬陽平郡。後魏因之。隋屬貝州。大業初。屬清河郡。唐仍屬貝州。大歷中。改屬瀛州。貞元中。屬貝州。宋屬大名府。金屬恩州。元屬濮州。明朝洪武二年。屬東昌府。宏治二年。置臨清州。編戶四十一里。領縣二。

州聯絡洛邢。形援魏博。自昔爲戰守要地。五代之際。梁晉夾河相持。州之被患尤亟。元開會通河。州益爲輓輸孔道。明初。徐達定中原。自臨清會師北伐。建文二年。燕王駐師臨清。乃謀南下。州誠南北之喉隘矣。

臨清廢縣。

今州治。漢清淵縣地。後魏太和二十一年。始析置臨清縣。屬陽平郡。後齊廢。隋復置。屬貝州。唐初屬毛州。貞觀初。屬貝州。寶應初。僕固瑒追史朝義。敗之於臨清。卽此。大歷七年。改屬瀛州。貞元末。屬貝州。乾寧三年。河東將李存信攻臨清。敗。兵。朱梁開平五年。晉將周德威略魏博。自臨清攻貝州。拔夏津。高唐。乾化五年。魏博附晉。晉王存勗命李存審自趙州進據臨清。晉王引大軍自晉陽東下。與存勗會於臨清。旣而劉鄩與晉王相持。軍於宗城。知臨清有蓄積。欲據之。以絕晉糧道。爲周德威所拒。却。宗城。今直隸廣宗縣也。宋熙寧四年。廢縣爲臨清鎮。尋復爲縣。城邑改。魏置臨清縣。故城在今州西四十里。衛河西岸。宋建炎中。河決。移治於今州西南十里。衛河南岸。洪武二年。又移治於故縣北八里。臨清關。景泰初。建新城於會通河北。衛河東。移縣治焉。宏治

二年始建爲州。今州有新舊二城。舊城卽景泰初所築新城也。新城正德六年築。皆鑿以磚石。嘉靖中復拓而廣之。跨汶衛二河。爲水門三。汶一。衛二。城周九里有奇。

清淵城

州東南五十里。漢縣治此。屬魏郡。晉屬陽平郡。永嘉初。荀囡擊破羣盜汲桑於東武陽。桑退保清淵。是也。後魏仍屬陽平郡。北齊屬清河郡。隋屬貝州。唐并入臨清縣。淵。晉志隋志俱作泉。唐人爲高祖諱也。又沙邱廢縣在州西。隋開皇十六年析臨

清置沙邱縣於此。大業初省。唐武德五年復置。屬毛州。貞觀初省。

永濟城

在州西南。唐大歷七年。田承嗣奏析臨清縣置永濟縣。屬貝州。以西臨永濟渠而名。興元初。朱滔謀渡河。侵汴。應朱泚於長安。入魏境。至永濟。以田悅不與。偕行。怒略取平恩。永濟以兵守之。朱梁乾化五年。魏博附晉。晉王存勗自臨清進屯永濟。遂

入魏州。宋初仍并入臨清縣。平恩今見直隸曲周縣。

大阜

在城北二里。盤踞百餘畝。下視林莽數十仞。巋然爲城北主山。

會通河

在城南。亦云汶河。自清平縣流入界。有隄二。曰新開上關。南板關。志云。州治當汶河之北。衛河之東。汶水自南旺分流。至此漸微。沿途置閘。啓閉極嚴。經州城西南之南板關。始與衛河合。而東北流。漕舟至此。謂之出口。又二水相合處。謂之中洲。以

石築之。名繫頭磯。延亘二十餘里。突峙中流。有四關分建於左右。如足然。又有廣濟橋尾。其後爲商賈輻湊之地。俗名觀音嘴。以上有觀音閣也。志云。繫頭磯在城北。當會通河分津之處。餘詳川瀆濟河。

衛河

在城西。自直隸大名府流經館陶縣界。又東流至此。合於汶河。亦謂之清河。應劭曰。清河在清淵縣西北是也。自隋以後。謂之永濟渠。大業十二年。遣楊義臣討羣賊。殲金稱於平恩。義臣引兵直抵臨清之西。據永濟渠爲營。尋自館陶潛濟。襲擊金稱破

斬之唐光化二年幽州劉仁恭攻魏州敗溥汴魏兵追至臨清擁其衆入永濟渠殺溺不可勝計宋皇祐初河合永濟渠注乾寧軍崇寧初開臨清縣壩子口增修御河西堤是也乾寧軍見直隸青縣

古堤

在城東盤曲低昂狀如蛟螭其脈南來爲會通河所斷逾河而北城之東南復枕其半俗因呼爲東堤轉而東直隸抵夏津其委瀕海蓋古之隄防也

渡口驛

州北五十里其地爲清河夏津兩縣之交漕舟所經因置驛於此又清源水馬驛在州城西南隅州西南五十里舊又有清泉水驛今廢○臨清遞運所在州西南二里又西南五里有會通稅課局

邱縣

州西北二十里東南至府城二百里漢斥邱縣地屬魏郡唐爲平恩縣地宋因之金爲平恩鎮屬曲周縣元初屬堂邑縣至元二十六年改置邱縣屬東昌路明初因之安治二年改今屬編戶二十七里

斥邱城

志云在縣北四十里即漢縣也今爲北營集詳見直隸成安縣

平邱山

在縣治東小邱也縣因以名

衛河

在縣東南自館陶縣流入界又東北入臨清州境○漳河亦在縣東南自館陶縣流入界舊有堤曰虞公堤又縣東南有古黃河今濶

館陶縣

州西南百二十里東至府城百三十里南至直隸大名府七十里西北至直隸曲周縣百里春秋時晉冠氏邑地漢置館陶縣屬魏郡三國魏屬陽平郡晉因之石趙時徙陽平郡治此劉宋及後魏因之後周末兼置毛州隋廢郡存州大業初州廢縣屬

武陽郡唐初復置毛州貞觀初州廢縣仍屬魏州宋屬大名府元屬濮州明初屬東昌府安治二年改今屬編戶三十里

館陶故城。

在縣西南四十里。宋白曰：城西北七里，有陶邱，亦曰陶山。趙置館於邱側。漢因以名縣。更始二年，蕭王追擊銅馬於館陶。

大破之。晉永和七年，後趙石祗自立於襄國，使其將劉顯攻冉閔於鄆，爲閔所敗。閔追奔至陽平，時陽平郡治館陶也。隋

置毛州於此。唐武德五年，劉黑闥自魏州北遁，至館陶橋水濟渠，渡而西，軍大潰。興元初，朱泚作亂，朱滔謀渡河寇汴，入魏，約田悅會館陶，偕行渡河，悅飾詞謝酒，滔怒，大掠而去。志亦謂之毛州城。以隋時毛州置於此也。五代時移縣於今治。明朝建文二年，燕王

戰於東昌，爲盛庸所敗，退屯館陶，卽今縣也。寰宇記：漢明帝封其妹爲館陶公主，縣因有駙馬渡及黃花臺，今故城亦謂之南館陶。

鎮，明初置巡司及陶山水驛，南館陶遞運所於此。今惟南館陶巡司尙存。○歇馬城在縣東南七里，相傳宋景德初，契丹軍至灤淵，

其母蕭太后嘗引軍駐此城，因以名。

又縣有蕭城，相傳亦契丹蕭后所築。

衛河。

縣西二里，其舊渠卽漢屯氏河也。水經注：大河故瀆北出，爲屯氏河。漢書溝洫志：自塞宣房，河復北決於館陶縣，分爲屯氏河。

廣深與大河等。成帝之世，河復決，館陶及東郡金堤上使河堤謁者王延世塞之。三十六日堤成，其屯氏別河運館陶縣東，

北出，過魏郡清河，信都，勃海四郡，至章武入海。後漸堙廢。縣四十里有白澗水，亦卽宿胥瀆故址也。隋煬帝開永濟渠，疏白溝入屯

氏河，自此謂之衛河。唐武德五年，劉黑闥攻魏州，未克，太子建成等引兵擊之，黑闥懼，夜遁至館陶，作永濟橋，未成，不得渡。齊王元

吉以大軍至，黑闥使其黨王小胡背水而陣，橋成卽過。橋西衆遂大潰。宋崇寧二年，黃河漲，入浸館陶，敗廬舍，屢費修塞。元人通

漕於此，明朝亦相繼修濬，經邱縣界，至臨清北，合於汶河。顏師古曰：隋置毛州，悞以真氏河爲毛河也。邑志：屯氏故河在縣西南

五十里。

漳河。

縣西南五十里，自直隸大名府東北流入縣界，經南館陶鎮，又東北經邱縣界，東合衛河。後魏孝昌三年，源子恭討葛榮於信

都，行至陽平東北漳水曲，榮帥衆邀擊，敗死。卽此志云：今漳河所經，卽屯氏河故道也。自河南臨漳縣分二支，一北流入直隸

潯縣界一東流入縣界萬歷初漳河徙而北由魏縣入曲周之滏陽河○駕馬河在縣東南五十里今濶又縣西南五十里有古金堤

淺口鎮在縣西唐太和三年李聽自滑州移鎮

秘州爲何進滔所襲敗趣淺口卽此

蘇康壘在縣西晉太元十七年丁零翟劭據滑臺遣將翟都侵館陶屯蘇康壘慕容垂擊却之胡氏曰蘇康人姓名壘應在館陶縣西南境○黃花臺在縣西南二十里相傳漢館陶公主所築

高唐州府東北百二十里東南至濟南府二百里西至臨濟州百里北至濟南府德州二百二十里

春秋戰國時齊地秦屬東郡漢屬平原郡後漢因之晉屬平原國宋仍屬平原郡後魏屬南清河郡魏收

志郡秦嘗中分平原郡置治莒城在今博平縣之廢覆縣北齊郡廢改屬清河郡隋屬貝州大業中屬清河郡唐屬博州宋因之元初屬

東平路至元七年改置高唐州明初以州治高唐縣省入編戶四改屬東昌府領縣三

州聯絡博濟翼帶德景居齊趙之郊爲津途之要且西去漕渠不過數十里此亦用兵者之先資矣

高唐廢縣今州治春秋時齊有高唐邑在今濟南禹城縣境漢置縣於此屬平原郡後漢及晉宋後魏俱因之高齊嘗移高唐縣治黃巾固卽今濟南府章邱縣也隋復置高唐縣於此唐長壽二年改爲崇武縣神龍初復曰高唐五代梁曰魚邱縣後唐

復舊晉曰齊城縣。漢復曰高唐縣。宋因之。元爲高唐州。治明初省。

魚邱山。在州東。其狀如魚。五代梁改縣名魚邱。以。此又州城東北有玉岡。亦謂之高唐山。

漯河。州西二里。舊自清平縣流入境。今溢涸無常。水經注。漯水經高唐東。下流至于乘入海。○鳴犢河在州南三十里。舊自博平縣流入境。今涸。又州東南三十里有熙河。東北流入禹城界。今亦涸。或以爲卽屯氏故河。

馬頰河。州西二十里。志云。卽禹貢九河之一也。爾雅以爲上廣下狹。狀如馬頰。因名。亦名舊黃河。自直隸開州。流經朝城縣及莘縣堂邑。觀城。清平縣界。又歷夏津縣。南至州境。東北逕恩縣平原。陵縣。商河。樂陵入海。今故道尙存。

唐公溝。在州東門外。成化中。屢有水患。知州唐楨因東北地下。淺溝注之。水患遂息。因名。○爵堤在州西二十里。舊築堤於此。以禦馬頰河之泛溢。俗呼其地爲馬灣。曹魏時平原與清河爭爵堤。久不能決。冀州牧孫禮按圖。堤當屬平原。兩郡之界遂定。

魚邱驛。在州治東。明初置馬驛於此。又州境舊有平原驛。今革。

恩縣。州北七十里。西至直隸清河縣百三十里。春秋時齊之貝邱地。漢爲清河郡之東陽縣地。晉爲東武城縣地。隋開皇十六年。置歷亭縣。屬貝州。唐因之。宋屬恩州。金徙州治此。元因之。以州治歷亭縣省。入明初降州爲縣。又改今屬。編戶三十七里。

歷亭城。縣西四十里。隋置縣於此。金爲恩州治。明初爲恩縣治。洪武七年。徙縣治許官鎮。卽今治也。宋白曰。歷亭縣之地。自後魏至高齊。皆爲鄆縣地。隋始置縣於永濟渠南。遙取漢信都廢歷縣城爲名。唐武德四年。劉黑闥舉兵漳南。陷鄆縣及歷亭。是也。

六年。移貝州治此。八年。州復還舊治。萬歲登封初。移縣治盤河。去信都廢歷縣城七十里。尋復舊。天祐三年。魏博牙將史仁遇作亂。據高唐。朱全忠時營於魏州。召行營兵於樂壽。至歷亭。進攻高唐。克之。宋仍爲歷亭縣。治通志。縣南二十里有金完顏右丞故城。今

廢爲興
福寺

東陽城

在縣西北六十里。春秋時晉地。左傳昭二十二年。荀吳略東陽。又趙勝率東陽之師以追齊。是也。戰國時爲衛地。後屬趙。戰國策國子曰。兼魏之河南。絕趙之東陽。則趙亦危矣。又韓非謂應侯弛上黨以臨東陽。則邯鄲口中蠶也。史記趙世家。惠文王十八年。王再之衛東陽。決河水伐魏氏。大潦。漳水出。王氏曰。自漢以前。東陽大抵爲晉太行山東地。非有城邑也。楚漢之間。始置東陽郡。漢置東陽縣。屬清河郡。後廢。隋開皇六年。分棗強。清平縣地。復置東陽縣。屬貝州。十八年。改爲漳南縣。大業十一年。竇建德起兵漳南。既而劉黑闥復舉兵於此。唐仍屬貝州。宋因之。至和中。省縣爲鎮。宋白曰。漳南。以地居漳水南也。金人疆域圖。歷亭縣有漳南鎮。四望平坦。中有高阜。水環其下。卽漳水云。

西山

縣西四十里。有廢壑之勝。舊縣遺址在焉。或曰卽紫微山也。唐天寶初。清河人崔以清妄言見元元皇帝云。藏符在武城紫微山。卽此。

衛河

縣西北五十里。自武城縣流經此。又北歷直隸故城縣。而入德州界。宋開寶六年。御河決於歷亭。政和五年。於恩州增修御河。東堤以防泛溢云。○馬頰河在縣東南。自高唐州東北流經此。今涸。又有津期河。在縣南二十里。溢涸無常。東流合於馬頰河。

高雞泊

在縣西北。舊爲漳水所匯。廣袤數百里。葭葦阻奧。可以避兵。隋大業九年。竇建德使其黨孫安祖入高雞泊爲羣盜。十二年。高士達據高雞泊。隋將楊義臣破斬之。唐中和中。宰相王鐸自義成徙鎮義昌。過魏州。魏博節度使樂彥禎子從訓利其喪。

馬侍妾。伏兵於漳南高雞泊。殺鐸而取其資。今夷爲平陸矣。

白馬鎮

縣西十五里。志云。唐置鎮於此。亦曰白馬營。又漳南鎮北五里有張家橋。爲直隸彙強故城。二縣之通道。○四女樹鎮在縣西北五十里。衛河東岸。相傳有四女守貞不嫁。共植一槐於此。今爲往來通道。又太平馬驛。舊在縣北五里。今移縣南。

夏津縣

州西五十里。西南至大名府百五十里。漢置鄆縣。屬清河郡。後漢及晉宋因之。後魏初屬平原郡。尋改屬南清河郡。後齊廢。隋復置。屬貝州。唐因之。天寶初改縣曰夏津。五代漢改屬大名府。宋金因之。元初屬東平路。尋改屬高唐州。今編戶三十一里。

鄆縣

縣東北三十里。漢縣治此。呂后封呂陀爲侯。邑。又文帝封欒布爲鄆侯。武帝時復爲武安侯田蚡食邑。史記河渠書蚡爲丞。相其奉邑食鄆。鄆居河北河決而南。則鄆無水災。邑收多蚶。言於上。久之不事復塞也。後漢光武亦封馬武爲鄆侯。其後隋

置鄆縣。亦仍舊治。唐武德四年。劉黑闥起兵據漳南。陷鄆縣。卽此。天寶以後。縣罹水患。移縣治孫生鎮。在今縣北四十里。後復徙今治。謂廢縣曰新縣店。

衛河

縣西南四十里。自臨清州流入。又北入武城縣界。又馬頰河在縣東三十里。自清平縣流入。又東入高唐州界。冀字記。縣東三十六里有潤河枯澗。

屯氏故河

冀字記。在縣北。東流入高唐州界。又縣有河曲。或曰卽屯氏河之曲也。隋大業七年。鄆人張金稱聚衆。聚河曲。卽此。新唐書謂之河渚。

裴家圈

縣西南四十里。衛河所經。爲往來津要。置巡司於此。

武城縣

州西北百二十里。北至直隸故城縣六十五里。西至直隸清河縣六十里。西南至臨清州六十里。本漢東武城縣地。屬清河郡。後魏爲武城縣地。隋開皇初改武城爲清河縣。別置武城縣於此。仍屬貝州。唐因之。宋屬恩州。元屬高唐州。今編戶二十里。

武城故城

縣西四十里。舊志。隋置縣於古夏城。唐調露初。移治永濟渠西。建中初。朱滔入魏境。與田悅相攻。拔武城。以通德棣二州。使給軍食。朱梁乾化二年。鎮冀將王德明掠武城。至臨清。尋爲魏博帥楊師厚所破。宋大觀中。衛河決。始移今治。

候城廢縣

在縣西北。後魏置縣。屬清河郡。後周省入武城縣。又縣有陽鄉城。應劭曰。東武城東北三十里有陽鄉故縣也。後廢。

衛河。在縣西一里。自臨清州及夏津縣流入境。又東北流入恩縣界。宋熙寧三年。議開御河。臣僚奏於恩州武城縣開約三十餘里。入黃河北流故道。下五股河是也。元泰定三年。修夏津武城堤三十三所。蓋運河經兩縣間。即衛河堤矣。

一字河。在縣西河防志。黃河舊經縣境。金明昌五年。河犯武城堤。泛及金山。明年鑿新河。修石岸十四里有奇。以塞之。元時河自河南原武縣決而東南。此河遂絕。金山或云在縣東北。○沙河在縣東南十五里。又縣西北五里有蔡河。又西北二十里曰黃蘆河。又西北四十里曰五溝河。舊志。縣地卑土淖。一遇水潦。四境盡為滄池。金末蒙古綱養恩州武城縣艾家凹水溪。清河縣澗口河深。其深一丈。廣數十里。因其地形。少加浚治。足以保禦。請徙州民其中多募義軍以實之云。

甲馬營。縣東北二十五里。置巡司於此。又有甲馬營水驛及甲馬營遞運所。為津途衝要。

濮州。府西南二百里。東至兗州府東平州百八十里。南至兗州府曹州百里。西南至河南開封府三百十里。西至直隸開州百二十里。西北至直隸大名府一百七十里。

古顓頊氏之墟。春秋時衛地。秦屬東郡。漢屬濟陰郡。後漢末兗州治野城即此。晉析置濮陽國。兼置兗州領郡國八。理於此。後魏為濮

陽郡。後周因之。隋初郡廢。尋置濮州。大業初州廢。以其地分屬東郡。東平。濮陽三郡。大業末李密復置濮州。王世充因之。唐

仍置濮州。天寶初。改為濮陽郡。乾元初。復為濮州。宋因之。亦曰濮陽郡。金仍曰濮州。屬大名府。元亦曰濮州。

初屬東平路。後直隸省部。明初以州治野城縣省入。改屬東昌府。編戶三十六里。領縣三。

州指揮相魏。顧盼汴宋。當走集之郊。爲四戰之地。戰國時。樂毅伐齊。命左軍循河屯阿鄆之間。阿謂東阿。鄆卽鄆城。

也。以連魏師。黃歇說秦昭王。所謂割濮磨之北。絕齊秦之要者。濮磨。徐廣曰。濮水旁地名。後漢末。呂布與曹操爭兗州。

時州治鄆城。惟鄆城。范東阿不下。布卒敗遁。五代時。晉王存勳。與朱梁爭於瀆濮之間。梁之河南。遂不可保。

州亦戰守要地矣。

鄆城廢縣。州東二十里。春秋時衛邑。莊十四年。齊桓公會諸侯於鄆。十五年。復會於鄆。又十九年。公子吉及齊侯。宋公盟於鄆。襄十四年。衛獻公如鄆。出奔齊。哀十七年。晉伐衛。衛人出莊公。而與晉平。既而衛侯自鄆入。是也。戰國時。爲齊邑。威王八年。趙

伐齊。取鄆。宣王八年。與魏惠王會於鄆。又王建末。卽墨大夫謂三晉大夫。不便秦而在阿鄆之間者也。史記趙世家。成侯十年。攻衛取鄆。卽此。漢置鄆城縣。屬濟陰郡。鄆讀絹。後漢末。爲兗州治。曹操創業於此。曹植初封鄆城侯。晉亦爲鄆城縣。屬濮陽國。水經注。鄆

城在河南岸。十八里。河上之邑。最爲峻固。晉八王故事。東海王越治鄆城。城無故自壞七十餘丈。越惡之。徙治濮陽。永嘉四年。石勒自白馬渡河。襲鄆城。殺兗州刺史袁孚。永和。中。慕容儁置東郡於此。苻秦亦爲兗州治。太元九年。劉牢之攻苻秦。兖州刺史張崇於

鄆城。崇棄城走。牢之據鄆城。河南城堡。皆來歸附。十一年。丁零翟遼叛。據鄆城。十五年。牢之擊走之。後魏亦爲濮陽郡治。隋開皇初。郡廢。十六年。置濮州治焉。大業初。州廢。縣屬東平郡。後李密復置濮州治此。自唐以後。皆爲州郡治。明初省縣入州。正統末。州城爲

河所圯。景泰二年。徙州於王村。卽今治也。城周七里。有奇。

臨濮城。州南七十里。或曰即古城濮地。春秋僖二十八年。晉文公敗楚人於成濮。即此。漢為城陽縣地。隋開皇十六年。析置臨濮縣。大業初省入雷澤縣。唐初復置。屬濮州。宋因之。金廢為臨濮鎮。或謂之小濮。蒙古忽必烈南侵。嘗駐兵於小濮。即此。又長城

廢縣。亦在州南。齊唐書。武德四年。析臨濮置長城縣。明年復并入焉。是也。

雷澤城。州東南九十里。漢城陽縣地。隋改置雷澤縣於此。屬鄆州。唐屬濮州。宋因之。金省為鎮。舊唐書。武德四年。析雷澤置廣城縣。貞觀八年。仍省入焉。城陽今見曹州。

洮城。州西南五十里。春秋時曹地。僖八年。齊桓公盟諸侯於洮。後屢為會盟之所。三十一年。晉文公分曹地。自洮以南。東傳於濟。即此。亦曰桃城。水經注。瓠子故瀆。又東逕桃城南。亦曰姚墟。因姚墟而名也。援神契。舜生姚墟。應劭曰。姚墟與雷澤相近。世稱為

姚墟。志云。姚墟在州東南九十里。又括地志。鄆城東北十五里有姚墟。相傳唐堯所居。通志。堯城在州東南三十五里。又州東二十里有偃朱故城。相傳丹朱邑也。今名朱家阜。

歷山。州東南七十里。相傳舜耕處。水經注。雷澤西南十許里有小山。孤立峻上。亭亭桀時。謂之歷山。澤東南有陶墟。郭緣生述征記。謂舜耕陶所在也。志云。歷山之東。有再熟。成都二鄉。蓋取一種再熟。三年成都之義。皆因雷澤而傳譌矣。又有箕山。在州東五

十里。俗譌為許。由辭位避居處。

青山。州東三十里。其山已夷。下有青山關。居民依焉。又東北則岡阜連屬。皆青山支脈也。志云。州治東北三里曰杏花岡。與青山聯屬。又有項城阜。在州南三十里。相傳項梁嘗屯兵於此。史記。秦二世元年。項梁破章邯於東阿。追至濮陽。大破之。是也。

馬陵。在州東北。虞喜志。林野城東北六十里有馬陵。澗谷深阻。可以伏兵。史記。馬陵道隘。而旁多阻險。是也。孫臏伏弩殺龐涓於此。今詳見直隸元城縣。

黃河

志云州志東南三十里地名紅船口即黃河故道也與鄆城縣接界明朝永樂九年疏河流經此東北入會通河正統十三年河決於河南滎澤縣東黑陽山由蒲經澶四十餘里合黃河故道決於張秋沙灣泛溢完濟遂奪運道而東經流入海公私大

因詔發東昌兗州民築塞景泰七年始復故道宏治中黃河復決阻運道因築曹縣之黃陵岡而東北故流遂絕今積水澄泓僅通舟楫南達鄆曹諸邑俗謂之水保河

瓠子河

州東南七十里其源自直隸之滑縣開州流入界此其下流也史記河渠書元光中河決瓠子東南注鉅野通於淮泗後二十餘載天子自臨決河塞之作瓠子之歌漢志注野城南有瓠子堤州志故黃河自州東南三十里合瓠子河同注會通河

州南又有金堤迤東北抵東阿之安平鎮即漢堤故址也今瓠子河詳見直隸開州

濮水

州西南七十里亦自直隸開州境流入左傳哀二十七年齊師救鄭及濮即此水也應劭曰濮水發源陳留入於鉅野衛風所云桑間濮上謂此水也酈道元曰濮水有二源一上承濟水於封邱班固所云濮水首受濟者也東北流右會別濮水一受河

於酸棗杜預所云濮水出酸棗首受河者東至乘氏縣合濟水入鉅野澤昔莊周嘗釣於濮水有釣臺在州東南九十里其地亦名蒲汀濮水所經也今濟絕河遷濮水源流不可復考矣封邱今河南開封府屬縣酸棗見河南延津縣乘氏見曹縣

胡柳陂

在州西有土阜相連五代梁貞明四年晉王存勗自濮州引兵而西營於胡柳陂與梁軍大戰軍潰王據高邱收散兵軍復振坡中有土山奪據之破梁軍於土山西進攻濮陽即此胡氏曰陂在州西南臨濮縣地理志胡柳陂濮陽地名去陂西

十里有馬軍寨土人謠為黃柳陂濮陽今直隸開州也寰宇記陂在州東北二十里恐悞○雷澤在州東南括地志雷澤縣郭外西北隅即故澤也鄭元云禹貢雷夏既澤蓋二水相觸而合入此澤云今亦見曹州

麻家渡

在州東北昔為大河所經五代梁貞明四年晉王如楊劉復循河西上軍於麻家渡亦曰麻家口石晉天福九年契丹人犯自馬家口濟河攻鄆州命保義帥石贊守麻家口是也楊劉見東阿縣馬家口見東平州

盧津關。

在州西。舊爲黃河所經。水經注。鄆城在河南十八里。河南岸有新城。宋王元謨前鋒入河所築。北岸有新壘。鴻某層。廣高數丈。衛宣公所築。大河經此。謂之盧關。津臺東又有小城。崎嶇傾側。臺址枕河。俗謂之底關。城疑卽關津都尉治也。唐志。盧津

關一名高陵津。後唐同光元年。梁以段凝爲大將。營於王村。自高陵津濟河。剽掠濮州諸縣。至於頓邱。卽此。宋祁曰。盧關津在臨黃縣東南。

瓠河鎮。

在州東南。志云。濮州雷澤縣有瓠河鎮。唐景福初。朱全忠擊天平帥朱瑄。敗於斗門。屯軍瓠河。卽此。○劉橋在州南。唐光啓三年。朱全忠攻濮州。與兗鄆帥朱瑾等決戰於劉橋。瑾等敗走。薛史。臨濮縣有劉橋。胡氏曰。劉橋在曹州乘氏縣東北。濮州

西南。范縣

行臺村。

在州東北。梁貞明四年。晉王軍於麻家渡。梁將賀瓌等屯濮州北行臺村。相持不戰。五年。賀瓌攻德勝南城。爲晉將李建及所敗。退保行臺村。又有景店在麻家渡東。五代史。梁晉相持。晉人立寨於景店。以防津要。又東北卽楊劉鎮云。

潘張村。

在州西北。西南距楊村五十里。梁貞明五年。與晉軍相持於河上。築壘貯糧於此。爲晉軍所奪。旣而王彥章破德勝南城。進攻潘張村。麻家口。景店諸營。悉拔之。聲勢大振。胡氏曰。潘張村在大河南岸。河曲津渡處也。楊村德勝俱見直隸開州。○王

村卽今州治。後唐同光四年。指揮使潘環守王村寨。以芻粟數百萬。叛附李嗣源於大梁。又州東北有石村。元至正十七年。劉福通陷曹濮。及大名。衛輝諸路。詔荅失八都魯擊之。分軍於雷澤及濮州。以黎福通旣而軍潰。退東石村。以憂卒。卽此。

范縣。

州東北六十里。西北至朝城縣六十里。春秋晉大夫士會邑。漢置范縣。屬東郡。晉屬東平國。劉宋仍屬東平郡。後魏時爲郡治。北齊縣廢。隋復置。屬濟州。唐武德二年於縣置范州。五年州廢。仍屬濟州。貞觀八年。改屬濮州。宋以後因之。元初屬東平路。尋復舊。今編

戶十
二里

范城。縣東南二十五里。春秋時屬晉。戰國時爲齊地。孟子自范之齊。是也。漢置范縣。後漢興平中。曹操擊陶謙於徐。陳留太守張邈以郡迎呂布。兗州郡縣響應。程昱說范令斬允。曰：君必固范。我守東阿。田單之功可立也。晉縣亦治此。後魏神麤四年。叔孫建

攻宋將竺靈秀於湖陸。不克。退屯范城。隋乃置縣於此。唐光啓三年。朱全忠與天平帥朱瑄相攻。遣軍圍濮。瑄使其弟罕救濮。至范。爲全忠所敗。全忠遂克濮州。進攻鄆。明初洪武十三年。爲河所圯。因徙今治。

廩邱城。在縣東南。春秋時齊邑。左傳襄二十六年。齊烏餘以廩邱奔晉。定八年。公侵齊。攻廩邱之郛。哀二十年。公會齊人於廩邱。二十四年。臧爲會。晉師取廩邱。史記齊世家。宣公五十一年。田會以廩邱叛入趙。趙世家。敬侯三年。救魏於廩邱。大敗齊人。漢

置廩邱縣。屬東郡。後漢屬濟陰郡。三國移兗州治於此。晉屬濮陽國。又兗州亦治焉。永興二年。范陽王斌遣其屬劉琨等擊兗州刺史東平王楙於廩邱。楙走還國。建興初。石勒寇鄆。魏郡太守劉演奔廩邱。三年。爲石虎所陷。劉宋亦屬濮陽郡。後魏因之。隋屬鄆州。大業初。并入鄆城縣。又羊角城與廩邱城相近。即春秋時齊烏餘襲衛羊角者。杜氏曰：今廩邱縣西有故城。春秋時廩邱邑也。縣所治城。春秋時羊角城也。其東北即故高魚城。水經注。廩邱縣東南有羊角城。當據春秋時廩邱邑而言。地理志。羊角城一名義城。今廩邱廢城地名義東保。是也。高魚見鄆城縣。

顧城。縣東南五十里。詩。韋顧既伐。此即夏商時顧國也。左傳哀二十一年。公及齊侯。邾子盟於顧。即此。劉陶曰。范縣有昆吾城。唐武德二年。置范州。蓋治於此。○中城志云。在廩邱故城西南。春秋成九年。城中城。注以爲即此城也。

臥牛山。在舊縣西北三里。志云。縣南三十里有鳳凰嶺。俱以形似名。

黃河。縣東南七十里。其上流合瓠子河。自濮州流入界。又東北至東阿縣。入會通河。亦云。水保河志云。宋漕運故道也。今有水保河。巡司亦在縣東南七十里。

倉亭津

在縣東北水經注河水於范縣東北流爲倉亭津述征記倉亭在范縣界東南至東阿六十里西南至東武陽七十里大河水濟處也後漢光和末皇甫嵩敗獲黃巾賊帥卜巳於倉亭典平初程昱守東阿遣別騎扼倉亭津陳宮來襲不得渡建安

六年曹操揚兵河上擊袁紹於倉亭津破之晉永和六年冉閔與後趙將張賀度戰於倉亭皆此地也今澤

大瀦潭

縣東南五十里卽鉅野澤之餘波也又有黑龍潭在縣南十五里

秦亭

縣南二里杜預曰范縣西北有秦亭是也春秋莊三十一年築臺於秦魏收志東平郡嘗治范縣之秦城卽秦亭矣志云縣東北四十餘里有魯西門舊有石門高數尺蓋魯衛之郊云

觀城縣

州西北七十餘里東北至朝城縣四十里西至直隸清豐縣五十里古觀國漢爲睢觀縣屬東和後漢更名衛國縣晉屬頓邱郡劉宋因之後魏亦曰衛國縣隋開皇六年改曰觀城屬魏州唐初屬濮州貞觀十七年省大歷七年復置仍屬濮州宋因之

皇祐初省四年復置金屬

開州元改今屬編戶十里

古觀城

在縣西古國也左傳昭元年趙文子曰夏有觀扈應劭曰此卽觀也夏啓子太康弟所封或謂之斟觀周顯王元年齊伐魏取觀津高氏曰觀邑臨河津故曰觀津竹書梁惠成王二年齊田壽帥師伐趙圍觀觀降漢置睢觀縣後漢建武三年改封

周後姬常於此曰衛國因

爲衛國縣隋改置於今治

臨黃城

在縣東南漢睢觀縣地後魏析置臨黃縣屬頓邱郡北齊省隋復置屬魏州唐初屬華州貞觀初州廢縣屬魏州大歷七年改屬濮州宋因之端拱初省入觀城縣又河牧城亦在縣境後漢志衛國有河牧城是也隋開皇十六年置河上縣於此大

業初省入臨黃。○瓦屋城在縣南三十里。寰宇記：春秋隱八年，宋公齊侯、衛侯盟於瓦屋，卽此處。按左傳：齊侯卒，平宋衛於鄭，會於溫，盟於瓦屋。溫在河內，則瓦屋不在東郡明矣。杜預曰：瓦屋周地。寰宇記悞也。

故黃河

在縣南。舊自直隸開州流經境內，入朝城縣及濮州界。石晉開運三年，河決澶州臨黃是也。今溼。○黃溝亦在縣南。志云：西自直隸開州境流入溝，側有山支水出焉。東入茂掌溝，又東南入於黃河。臨黃縣以此水而名。又有龍潭，在縣東南。志云：縣有龍淵宮。漢武時河決於此，因築此宮。今廢。

高陵關

縣東南八十五里，卽盧津關也。舊屬臨黃縣。亦曰高陵津。其地與濮州分界。今詳見濮州。

朝城縣

州北九十里，北至莘縣五十五里，西北至直隸大名府八十里，西南至直隸清豐縣百里。春秋時衛之東鄙也。漢置東武陽縣。屬東郡。後漢因之。魏晉俱屬陽平郡。後魏改曰武陽縣，仍屬陽平郡。北齊廢。後周復置。屬魏州。隋開皇十六年，改屬莘州。大業初，屬武陽郡。唐初屬魏州。尋屬莘州。貞觀初，復屬魏州。十七年，縣省。永昌初，置武聖縣。開元七年，改曰朝城縣，仍屬魏州。元和中，改屬澶州。尋復舊。天祐三年，復曰武陽縣。未幾，復曰朝城縣。宋仍屬澶州。金屬大名府。元屬東平路。尋屬濮州。今編戶二十六里。

東武陽城

在縣東南。漢縣治此。後漢初平二年，袁紹表曹操爲東郡太守，治武陽。三年，黑山子毒等攻東武陽，操自頓邱西入山，擊毒等。本屯毒引却，後臧洪爲東郡太守，亦治東陽。袁紹圍洪，洪死之。今圍郭尙存。環水匝隍。晉永嘉初，兗州刺史荀彧破盜汲桑於東武陽。是也。升平二年，泰山太守諸葛攸攻燕東郡，入武陽，尋敗還。太和四年，桓溫伐燕，引舟師自清入河，軍於東武陽。後魏曰武陽縣。隋因之。唐曰朝城。五代梁開平五年，晉將周德威攻博州，拔東武朝城。又貝州奏晉兵侵東武，蓋因故東武朝城而名也。貞明五年，晉王存勗敗於朝城，視河冰甚堅，遂渡河，攻梁綠河諸寨，悉陷之。遂進攻楊劉。後唐同光初，唐主伐梁，引兵屯朝城，卽故縣也。蓋宋時遷於今治。

故朝城

縣南十七里。志云：春秋時齊桓公帥諸侯朝周，會於此。因有朝城。唐因以名縣。舊唐書：昌樂縣有故朝城。唐改置縣於此。通志：唐開元中置朝城，在今縣西四十里。宋明道二年，以河圯移縣治社鑾鎮，即今治。云又有古殷城，舊唐書在朝城縣東北。

十二里。隋元城縣治。此元

城，今爲直隸大名府治。

冠石山

縣東南七十里。昔時連亘數百步，今土阜僅存。

黃河

縣東南二十里。自觀城縣流入，故道所經也。五代梁貞明四年，晉王存勗自朝城引軍乘冰堅渡河。拔梁楊劉寨，石晉開運三年，河決楊劉西入莘縣，自朝城北流是也。今涸。志云：縣西北舊有馬頰河。

漂河

在縣西南，北流入莘。縣界史記河渠書：河自積石龍門，至於大伾，禹以爲水所從來者高，水湍悍，難以行平地，數爲敗，乃斷二渠以引其流。孟康曰：二渠一出貝邱西南南折者也。一則漂川也。貝邱河自王莽時其流已塞，惟用漂川耳。漢書：漂出東武陽。

東北至千乘入海。過郡三，行千二十里。郡三：東郡、平原、千乘也。風俗記：漂水東北至千乘入海，河盛則通津委海水，耗則微涓絕流。又穆天子傳：天子東征，釣於漂水，又食馬於漂水之上。水經注：河水又東北入東武陽縣，北漂水出焉。宋張洎曰：禹於貝邱疏二渠，以分大河水勢。一渠自武陽東引入漂水，一渠疏畎引傍。

西山云：今陵谷變遷，漂水無復故道。貝邱見直隸清河縣。

金蓮陂

在縣治西，或以爲漂水之源也。志云：縣北有二陂，相傳爲武水發源處。縣本名武陽，以此陂道元曰：武水即漂水之別名。

讀史方輿紀要

卷三十五

山東六

青州府。東至萊州府三百十六里。東南至海五百里。南至兗州府沂州四百四十六里。西南至兗州府四百二十里。西至濟南府三百二十里。東北至海百八十里。自府治至京師千里。至布政司見上。

禹貢青州地。春秋戰國爲齊地。秦置齊郡。漢因之。又分置北海郡。後漢爲齊、北海、樂安三國地。後漢青州理臨菑。

永嘉末。陷於石勒。

後趙冉閔之亂。段龜據此。尋爲燕慕容恪所陷。

其後南燕慕容德建都於此。

南燕於廣固置燕都尹。義熙五年。劉裕滅之。

宋仍爲齊郡。

兼置青州。

劉裕初平南燕。置北青州。治東陽。以廣隴有南青州也。後省南青州。而北青州直曰青州。今詳見州域形勢。

後魏及後周因之。隋初郡廢。州存。煬帝復改置。

北海郡。唐復曰青州。天寶初。亦曰北海郡。乾元初復故。尋曰平盧軍節度。五代因之。宋仍曰青州。

亦曰北海。

郡。淳化五年。改軍名曰鎮海軍。慶歷三年。置京東東路於此。

金曰益都府。元爲益都路。明初改曰青州府。領州一。縣十三。

府憑負山海。利擅魚鹽。班固以臨淄海岱爲都會。蓋自太公建國以來。齊往往稱雄於天下。歷漢及晉。未始不以臨淄爲三齊根本。後燕之亡也。潘聰說慕容德曰。青齊沃壤。號曰東秦。土地二千里。四塞之固。負海之饒。可爲用武之國。廣固城。曹嶷所築。山川險峻。足爲帝王都。若得其地。閉關養銳。伺隙而動。此今日之關中河內也。德用其說。遂復據有三齊。劉宋垣護之曰。青州北有河濟。又多陂澤。非敵所向。蓋謂地險足恃也。宋樂史曰。營邱東道之雄。號稱富衍。物產尤盛。蓋太公由之以興。管仲用之而霸。山東之國。齊爲最強。地利然矣。

益都縣

附郭古臨淄地。漢置益縣。屬北海郡。後漢屬樂安國。三國魏常置益都縣。屬齊國。晉省。劉宋復置益都縣。屬齊郡。後魏因之。隋爲北海郡治。自是州郡皆治此。今編戶二百六十七里。

益都城

在今城北。漢武封淄川懿王子胡爲益都侯邑於此。後并入益縣。三國魏復置益都縣。晉改置利益縣。屬樂安郡。劉宋復置益都縣。志云。故益都城。在今壽光縣北。北齊始移治齊郡城北。隋因爲青州治。今城亦曰南陽城。宋武帝克慕容超。夷廣固

城。以羊穆之爲青州刺史。穆之乃築城於陽水北。名曰東陽。其後復築城於陽水南。名曰南陽。蓋府城舊有二城。其北城卽羊穆之所築。東陽城也。永初末。刺史竺翼守此。後魏攻圍數月不拔。泰始二年。刺史沈文秀舉兵應晉安王子助。旁郡皆起兵應建康。合攻東陽。爲文秀所敗。旣而文秀歸順。仍守東陽。後魏將慕容白曜攻圍三年。無救而陷。魏人亦爲青州治。晉泰初。崔祖蚺聚衆圍東陽。刺史王貴平拒却之。是也。括地志。東陽郡治東城也。曾肇曰。東陽府治北城。隋築益都城。東陽并入焉。齊乘曰。府城爲南陽城。其北爲東陽城。東西長而南北狹。兩城相對。抱水如偃月。因水以爲障。因崖以爲壁。蓋古今兩城爲一。宋時兩城故址猶存。靖康兵燹。入金始并於南城。明朝洪武五年。因舊址。鑿以磚石。環城爲池。十一年。建齊藩。復因東陽城故址。修築土城。尋以國除而止。今府城周

十三里

有奇。

廣固城。

府西北八里。志云：漢魏以來，青州並治臨淄。晉永嘉末，劉暉將曹嶷為青州刺史，欲竊據東方。以臨淄城大難守，乃於堯山南三里築此城，名曰廣固。以城旁有澗，甚廣，因以為名也。大寧初，後趙石虎攻克之，仍置青州鎮焉。隆安三年，慕容德據此。其城四周絕澗，阻水深險。德又於其中築內城，亦曰小城。慕容超名廣固內城南門曰天門，是也。義熙五年，劉裕攻廣固，克其大城，超入保小城，裕築長圍守之。及城下，遂夷其城隍，而改築東陽城為青州治云。九域志：廣固城即古樂安城，在益都縣西四十里。似誤。○廣縣城在府西南四里，瀑水澗側，漢縣屬齊郡。後漢屬齊國，晉屬東莞郡。劉宋屬濟南郡。後廢。志云：後魏置齊州於此，土人亦目為古青州。

柳泉城。

在縣西。漢縣屬北海郡。宣帝封膠東戴侯子疆為侯邑。後漢省。晉隆安三年，慕容德攻廣固，幽州刺史辟閭澤遣司馬崔誕戍薄荷固平原太守楊豁戍柳泉。誕豁皆降於德。胡氏曰：薄荷人姓名，因以名固，亦在益都西境。

雲門山。

府南五里。一名雲峯山。山麓為花林墜。其上為大雲頂，中有通穴如門，可容百餘人。遠望如懸鏡，旁有黑龍洞及石井。又有水簾洞在其陰，或謂之劈頭山，以與劈山相接也。志云：劈山在雲門山東南，石壁自頂開裂，二峯屏峙，高插雲霄，遠望如刀

劈狀，亦謂之劈裂峯。其南曰八仙臺。臺之阿有黃花寺，今為廣福寺。

堯山。

府西北八里。三齊記：堯巡狩時所登也。山南有二水，名東西丹水。廣固城在其南。○駝山在府西南八里，雲門之右，以形似名。山陰有龍湫，又龍山在府西二十里有二山，俱蟠曲如龍形。又石青山在府西南二十五里，以石色潤澤如膏也。南陽水出焉。

志云：府西二十五里有九迴山，迴亦作會，俗名九迴山。北陽水出於此。

香山

府東四十五里。孤峯獨聳，絕頂有泉。冬夏不竭。山南又有龍女泉。元和志謂之箕山。齊乘以爲琪山也。自山而南而西，有羣山聯屬，直接顏神鎮。志云：郡境諸山多在西南。東郊平原百餘里，惟香山童然特峙云。

冶嶺山

在廣固城西南。山麓有五龍口。北陽水所經也。劉裕伐南燕，南燕嬰城拒守，經時不拔。河間人元文說裕曰：昔趙攻曹，疑望氣者以爲澗水帶城，非攻可拔。若塞五龍口，城當自下。石虎從之，而巖降。後五日大雨雷電，雲開，慕容恪攻段龜，十旬不拔。

塞口而龜降，無幾雷復震開。今宜仍舊修塞，裕從之。超及城內。

男女悉皆脚弱病者大半，城遂下。或曰：冶嶺蓋堯山別阜也。

南陽水

在城北源出石膏山。東北流，經廣縣故城西。又東北有石井水注之。又北而東，貫益都南北兩城間。東合建德水。入巨洋水，或誤爲南洋水。元至正二十年，察罕圍益都，過南洋河以灌城，卽是水也。水上有南洋橋，在城北門外。

北陽水

在城西源出九迴山。東北逕五龍口，又北逕廣固廢城，又北逕堯山，東至東陽城北。又東北逕石槽城，又北至樂安合女水。又東北入巨淀，一名濁水，又名長沙水，亦謂之澗水。水經注：澗水合濁水，濁水東北逕廣固城西，亦曰澗水。石超攻曹疑於

廣固，望氣者謂澗水帶城，非可卒拔。南燕慕容超未河凍皆合，而澗水不冰，超惡之。其臣李宣曰：澗水無冰，良由逼帶京城。近日月也，超悅，旣而劉裕來攻，議者謂塞五龍口，城必當陷，塞之果驗。又此水時有通塞，劉宋及元魏太和中，水嘗竭而復流。古諺云：澗水不冰，瘦馬不渡。蓋謂此水亦誤爲北洋水。元末擴廓

圖益都築長圍，決洋水灌城，卽南陽白陽二水已。

淄水

府西五十里，源出萊蕪縣原山。東北流，經縣界，而達於臨淄。至樂安，壽光縣入海。禹貢：濰淄其道。此淄水也。漢志：淄水出原山。東至博昌入海。今淄水出顏神鎮東南二十五里岳陽山，東麓東北流，逕萊蕪谷，又北逕長裕，而東流，聖水入焉。又東北逕牛

山，折而北，天齊澗水入焉。又北漸臨淄東城，又東北逕安平故城北，又東北逕樂安縣東南，壽光縣西，又北入巨淀。注馬車濱，合時水入海。淄多伏流，潦則薄岸，涸則濡軌而已。俗謂之九乾十八漏。晉書：永和十二年，慕容恪引兵擊段龜，未至廣固百餘里，龜帥

衆逆戰，恪天破。

之於瀋水，卽此。

瀋水。

在府東北，源出臨胸縣沂山西麓。瀋一作澗。又國語謂之具水。袁宏以爲巨昧。王詔以爲巨蔑。或曰胸瀋。或曰巨沫。實一水也。又後漢書以爲鉅昧。後魏書以爲汨液。自沂山而東北，經臨胸縣東南，霽治泉入焉。又東，經覆釜山，又北，經委粟山，又東北，合達山石溝水。又北，經府城東北，建德水，合南陽水入焉。又東北，康浪水入焉。又北，逕壽光縣。東，又東北，下黑家泊入海，亦謂之巨洋水。漢志：洋水出石膏山，蓋誤以南陽水爲洋水也。

孝婦河。

在顏神鎮南三里。其地亦名秋口。志云：孝婦河本名龍水，亦曰龍水，又名孝感泉。水經注：龍水南出長城中，今顏神鎮有孝婦祠，祠下卽古齊築長城處也。西逕萊蕪山陰，北入濟南府淄川縣界。今詳見濟南府鄒平縣。○七里河在府南源出劈山之陰，又有石井水，亦出劈山，流經廢廣縣城東，七里河流合焉。經府城南，又東北入南陽水，又城西有石子澗，流合石井水。

顏神鎮。

府西南百八十里，接萊蕪。淄川二縣界，以齊孝婦顏文妻居此而名。地宜陶，又產鉛及煤。居民稠密，商旅輻至，設巡司及稅課局於此。輿程記：鎮北去淄川縣三十里，西南去章邱縣百里。嘉靖十七年，山寇作亂，專設通判一員駐劄。三十七年，築城於此，爲守禦之備。○金嶺鎮在府西北七十里，西南去淄川縣五十里，接壤處也有金嶺馬驛。又府城北有青社馬驛，舊青社，金嶺皆置遞運所，今革。

青石岡。

在顏神鎮西南兩山壁立，連亙數里，南走淮徐之道也。又石棚營，在府西南山谷間，明朝永樂中，妖婦唐賽兒作亂，保據於此。○汨掖戍在府東北瀋水上，後魏書：太和十六年，青州汨掖戍獲白雉一頭，時以爲瑞云。

石樓。

在府西，唐天復三年，朱全忠將朱友寧攻王師範，拔臨淄，進攻青州，師範帥登萊兵拒之。於石樓爲兩棚，友寧進攻，師範奮擊敗之，斬友寧，逐北至米河，米河卽巨沫水也。時汴兵盡南趣臨胸，故師範追之於巨沫水上。○好石橋在府西南元末，察罕遣

軍破益都賊

將毛貴於此

臨淄縣

府西北三十里。西至濟南府淄川縣九十里。古齊都也。齊獻公自薄姑徙臨淄。即此。漢置臨淄縣。爲齊郡治。後漢爲齊國治。又青州亦治此。晉宋及後魏因之。後齊以齊郡治益都。臨淄廢入焉。隋開皇十六年。復置臨淄縣。屬青州。唐宋因之。元至元三年。

省入益都縣。十五年復

置。今編戶六十一里。

齊城

在縣城北。亦曰齊國。城址周四十里。自齊獻公以下皆都此。齊訛古齊城周五十里。有十三門。其西曰雍門。左傳襄十八年。晉及諸侯伐齊。伐雍門之萩。己亥。焚雍門。哀十四年。陳恆殺闚。止大陸。子方出雍門奔衛。戰。闚孫子說。田忌輕車銳卒衝雍門。

又齊王建入朝。秦雍門司馬入諫。是也。說苑韓娥東至齊。乏糧。過雍門。鬻歌於市。其南曰稷門。昭二十二年。莒子如齊。盟。盟於稷門之外。戰。國策談說之士。會於稷下。蓋齊人於稷門立學舍也。史記齊宣王喜文學遊說之士。是以齊稷下學士復盛。且數百千人。荀卿嘗爲稷下祭酒。鄭元曰。稷下生齊人。亦號曰棘下生也。其西南曰申門。門外有申池。文十八年。齊懿公游於申池。邴歃闚職。二人弑公。納諸竹中。襄十八年。晉伐齊。焚申池之竹木。杜氏曰。齊城無池。惟南城西門有池。門因以池名。又晉書慕容德宴庶老於申池。左太冲以爲昭華池也。西北有揚門。襄八年。范鞅門於揚門。又州綽門於東園。杜預曰。揚門。齊西門。東園。齊東門也。又東南門曰鹿門。昭十年。國人追敗樂施。高疆於鹿門。遂來奔。括地志以爲武鹿門。此古門之可考者也。又有郭關。則齊郭門也。田氏殺闚。止於郭關。是矣。其章華東門。則齊宮門也。湣王二十六年。蘇代自燕入齊。見於章華東門。是矣。秦滅齊。因故城置齊郡。其後項羽封田都爲齊王。漢有天下。封庶長子肥爲齊王。皆即故城都焉。所謂臨淄十萬戶。天下之雄國也。景帝時。七國反。齊獨以臨淄拒守。後漢初。爲張步所據。建武五年。耿弇討步。拔臨淄而守之。步引兵至臨淄東。將攻弇。弇先出淄水上。遇步前軍。恐挫其鋒。令步不敢進。乃引歸小城。陳兵於內。分兵陳於城下。直前會戰。弇升王宮壇。臺望之。鋒旣交。乃自引精兵橫突步陣。大破之。帝亦尋至臨淄。勞軍。蓋臨

淄有大城，又有小城也。魏晉以來，皆承舊制，永嘉喪亂，始漸衰絕。今縣蓋隋所改置，在故城西南，但其城歷代完毀不一，今僅有土垣，周不及四里而已。

安平城

縣東十九里，本齊邑。史記齊世家：平公割齊安平以東爲田氏封邑。潛王末，燕師入齊，齊田單走安平。既而齊襄王封田單爲安平君，景公漢置東安平縣，屬淄川國。應劭曰：博陵有安平，故此加東。後漢改屬北海國，宣帝封王舜爲侯邑，又世祖封

淄川王子茂爲安平侯，晉改屬齊國。後魏曰安平縣，仍屬齊郡。北齊廢入臨淄。唐武德四年，復置安平縣，屬青州。八年，廢。志云：城內有石槽，俗因謂之石槽城。

西安城

縣西三十里，或曰春秋時之渠邱也。昭十一年，楚申無宇曰：齊渠邱實殺無知，杜預曰：渠邱今西安也。齊大夫雍廩邑，北距時水，漢置西安縣，屬齊郡。武帝封李朔爲軹侯，食邑西安。後漢建武五年，耿弇討張步，使其弟藍將精兵守西安，以諸郡

兵守臨淄，相距四十里，奔進軍畫中，居二城間，奔視西安城小而堅，藍兵精，臨淄雖大，實易攻，乃佯言攻西安，而襲攻臨淄，拔之。藍懼，棄西安走，劉晉仍屬齊國。劉宋及後魏屬齊郡。北齊廢。○重合城在縣北，劉宋泰始中，僭置渤海郡，治重合縣，後魏因之。高齊廢。魏收曰：重合，故臨淄地也。

畫邑城

縣西北二十里，齊邑也。孟子去齊，宿於畫，又樂毅伐齊，聞畫邑人王蠋賢，卽此。後漢耿弇攻張步，進軍畫中，韋懷太子曰：卽入臨淄。唐武德四年，復置時水縣，屬青州。八年，廢。今高陽見高苑縣。後魏因之。隋開皇十六年，析高陽置時水縣，大業初，俱廢。水之南，相傳後魏將慕容白曜攻宋青州刺史沈文秀於東陽，因築此城南，人呼魏人爲東頭也。

牛山

縣南十里，齊景公登山流涕處。孟子所云牛山之木嘗美者，徐幹齊都賦云：牛嶺鎮其南，謂此。其相棲者曰菟頭山，一名駝頭山，又名鼎足山。晉書載記：慕容德北登社首山，東望鼎足者也。上有齊桓公及管仲冢，又桓公女亦葬焉。女水出於此，括地志

鼎足山一名牛首欄。在縣東十五里。又縣南十五里有獨山。詩所云遭我乎獨之間者。漢志作曠山。又有南郊山。在縣東南十五里。下有天齊淵。一名南野山。○稷山在縣西南十三里。上有稷祠。或曰齊稷門。稷下之名。以此。又縣西二十里有愚公山。山北為愚公谷。時水逕其下。其南有杜山。相傳齊宣王獵於此。

商山。縣西八十里。一名鐵山。跨益都。臨淄。新城三縣界。崔奕述征賦。涉淄水。過桓都。登鐵山。望齊密。是也。晉書。慕容德立治於商山。置鹽官於烏營澤。以廣軍國之用。魏書。食貨志。崔亮言。南青州苑燭山。齊州商山。並是往昔銅官。元史。合刺。普華傳。嘗以事至益都。於四脚山下置。

營邱。在故齊城內。舊志。在縣北百步外城中。史記。太公都營邱。後五世胡公遷薄姑。弟獻公又徙臨淄。今昌樂縣本漢營邱縣。與邱同義。當是太公所封也。水經注。爾雅。水出其前。右為營邱。營邱城。南無水。異爾雅之文。不得以為營邱矣。營邱。山名也。詩。子之營兮。今臨淄城中。有小邱。周三百步。高九丈。淄水出其前。與爾雅符。郭璞言。齊之營邱。淄水經其南及東。是也。其外郭。即獻公所徙。臨淄城。世亦謂之虞城。齊滑王伐燕。虜其民。實居郭中。因名也。通典。臨淄一名營邱。少皞之代。有爽鳩氏。虞夏時。有季荝。湯末有達公伯陵。殷末有蒲姑氏。皆為諸侯國於此。周成王時。蒲姑與四國作亂。成王滅之。以封太公。後徒臨邱。亦其地也。孔穎達曰。營邱。臨淄水上。故曰臨淄。獻公之徒。猶晉氏之深翼居絳。其實一城也。顧氏曰。班志云。臨淄名營邱。此猶晉遷於新田。而仍謂之絳。楚遷於郢。而仍謂之郢。蓋因臨淄城中。有小邱。而繫以舊名。非即古營邱也。晉載記。慕容德如齊城。登營邱。即此地也。杜氏又謂臨淄後為營陵。夫漢志明言齊郡治臨淄。北海郡治營陵。豈一城乎。通志又云。營邱城在今縣西北二里。亦誤也。

彘中峪

在縣西南。志云。自臨淄西南至萊蕪。有長峪。界兩山間。長三百里。中通淄河。左傳。襄二十五年。閔邱嬰與申鮮虞乘而出。及彘中。哀十四年。子我出。陳氏追之。失道於彘中者也。今其民猶悍不識官府。為盜賊之藪。

溜水

在城東志云溜水東北經牛山西又東天齊水出焉過縣東入樂安縣界戰國策田單爲齊相過溜水見老人涉溜而寒解裘衣之又溜水在城南灑水在城北魯仲連謂田單騁乎溜灑之間淮南子易牙嘗溜灑而別之是也後漢建武三年耿弇攻張

步拔臨溜軍於

溜水上卽此

灑水

在縣西源出故城西南之申池分爲二流西流曰系水北流曰灑水左傳昭二年晉侯與齊侯宴齊侯曰有酒如灑是也北流至博興縣界入於時水又系水自縣西而北流二十五里復分二流俱入時水水經注灑水出營邱城東世謂之漢潑水西經

樂安博興

輿時水合

時水

在縣西南二十五里其地名矮槐樹舊置郵亭於此平地出泉謂之曰酈左傳襄三年齊侯與晉士匄盟於酈外哀十四年子我之臣大陸子方以公命取車於道及酈衆知而殺之是也源淺易涸亦名乾時左傳莊九年及齊師戰於乾時其色黑俗又

謂之烏河亦曰黑水又謂之源水志云時水蓋伏溜所發自矮槐樹西北逕黃山又北逕愚山又屈而逕杜山灑水入焉又北逕西

安城西系水入焉又北至濟南府新城縣東南之索鎮可通舟楫又北至博興南之灣頭與小清河會又東逕樂安縣北又東北由

馬車瀆入海水經注謂之時灑水以下流與灑水合也漢志注又謂之如水如輿時音相近耳

女水

在縣東十里源出鼎足山齊桓公女冢側因名東北流經東安平故城南郭緣生曰女水化隆則水生政薄則津竭南燕建平六年水忽暴竭元明惡之淺病而亡太上四年女水又竭慕容超惡之燕祚遂淪續述征記女水至安南城南伏流十五里然

後更流注北陽水今石槽城東北出泉俗名馬塞河至

樂安東北合北陽水入巨淀蓋卽女水之伏流者也

澧水。

縣西二十里。水經注。澧水出時水。東去臨淄城十八里。所謂澧中也。俗謂之宿留水。以孟子三宿出雲云。西北流入於時水。今俗謂之泥河。在金嶺鎮東。○康渙水在縣西十里平地。北流與系水合。甯戚歌曰。康渙之水。白石燦。謂此。

天齊淵。

在縣東南八里。出南郊山下。有五源並發。廣可半畝。土人名曰龍池。史記封禪書。齊所以爲齊。以天齊也。秦祠八神。一曰天。主祀天齊。齊乘曰。淵在淄水之東。女水之西。西南流入於淄水。天齊之義。蘇林曰。當天中央。齊也。師古曰。謂其中神異如天。

之腹。齊齊記補引晏子曰。吾聞江深五里。海深十里。此淵與天齊。司馬彪曰。齊回水如磨。齊也。豈以衆泉並出旋流如齊而名歟。

檀臺。

縣東一里。史記齊簡公與婦人飲於檀臺。又梧臺在城西三里系水旁。說苑。楚使者聘齊。齊襄公饗之梧臺。或謂之梧宮。又闕子曰。宋之愚人得燕石於梧臺之東者也。今有小阜。即梧臺故基。又過臺在縣西五十里。左傳昭二十年。齊侯至自田。晏子侍。

於過臺。今俗呼爲歇馬臺。○雪宮在縣東北五里。即齊宣王見孟子處。又晏子春秋。齊侯見晏子於雪宮。志云。齊城內有故王宮。即戰國及漢時諸王故宮也。

蘧邱里。

在縣西。後漢志。西安有蘧邱亭。亦曰渠邱。或謂即古葵邱。左傳莊八年。齊侯使連稱。管至父。戍葵邱。辨者曰。葵邱去齊都甚近。無置戍之理。是必齊之邊邑。今不可攷也。京相璠曰。葵邱在齊西五十里。似誤。又僖九年。齊桓公會諸侯於葵邱。見河南

考城縣。○莊嶽里在故齊城內。左傳襄二十八年。反陳於嶽。孟子引而置之莊嶽之間數年。是也。

鄒亭。

在縣東。春秋紀國之邑也。莊三年。紀季以鄒入於齊。國語。齊地東至於北鄒。後爲田成子之邑。劉向曰。安平有鄒亭。徐廣曰。安平即故鄒邑也。○棘里亭在縣西北。杜預曰。西安縣東有棘里亭。陳桓子召公子山而反棘焉。是也。或謂之戟里。城括地志以

爲即古畫邑云。

博興縣

府西北百二十里。西北至高苑縣四十里。古薄姑地。漢爲博昌縣。屬千乘郡。後漢屬樂安國。晉及劉宋因之。後魏亦屬樂安郡。北齊改爲樂安縣。隋復曰博昌縣。屬青州。唐因之。五代唐譚昌改曰博興。宋因之。元曰博興州。明初復爲縣。今編戶七十六里。

博昌城

縣南二十里。漢縣治此。今縣則漢樂安縣城也。本屬千乘郡。後漢屬樂安國。晉省。唐初復置樂安縣。武德八年。省入博昌。仍移治樂安城。歸賓王謂博昌移就樂安故城是也。天復三年。朱全忠將朱友寧攻平盧帥王師範。陷博昌。遂拔臨淄。抵青州。

城下卽

今縣矣。

薄姑城

縣東北十五里。殷末薄姑氏國也。亦曰蒲姑。周成王時。薄姑與四國作亂。成王滅之。以益太公之封。故晏子曰。蒲姑氏因之。而後太公因之。史記齊世家。胡公徙都薄姑。卽此。又左傳莊八年。齊侯遊於姑莩。遂田於貝邱。姑莩或以爲卽薄姑也。括地

志。薄姑在博昌。

縣東北六十里。

利縣城

縣東南四十里。漢縣。屬齊郡。後漢屬樂安國。晉曰利益縣。仍屬樂安國。後省。水經注。濟水東北過樂安故城南。又東北過利縣西。又東北逶爲淵渚。謂之平州。春秋宣元年。公會齊侯於平州。蓋在此。似誤。平州今見萊蕪縣。○高昌城。水經注。在故利

城東北。濟水逕其西。漢千乘郡屬縣也。宣帝封董忠爲侯邑。後漢省。又平安城。應劭曰。在博昌西南三十里。漢縣。屬千乘郡。後漢省爲平安亭。或以爲卽春秋時之平州云。

小清河

在縣南八里。自濟南府新城縣界。流經高苑縣。至此又東流。入樂安縣界。顧鐸曰。漢書卜式傳。呂嘉反。式上書欲率博昌習舟之民以行。又唐末王師範保青州。博昌之水不設備。爲汴將朱友寧所敗。則清河在縣境。當時爲茫然巨浸。歷下以東。臨

淄以北諸水。大都由此入海。僞齊劉豫時。分流爲小清河。下與烏河合流。凡海上鹽場。傍河州縣。其貨物皆得達歷下。入大清河。抵張秋。以至大名。其後淤廢。成化九年。參政唐源潔力請開復。於是循故迹疏之。又多置厓及開支。願溝。遇大水則開厓分流。以殺其

勢早則閉之。東方鹽貨仍得抵於張秋。今歷城章邱諸水仍入大清。而小清上流遂為平陸。惟孝婦河諸水仍匯流入縣。界然旱時亦涸而斷流。濼則瀾地上矣。寰宇記濟水北去海百步。東北流入海。其入海水口謂之海浦。在縣東北二百里。

時水。

在縣南。自臨淄縣流入境。又東入樂安縣界。從征記縣西南有澗水。自臨淄縣北逕博昌南界入時水。自下通謂之澗水云。

貝中聚。

在縣南五里。杜預曰博昌縣南有地名貝中。京相璠曰博昌南近澗水。水側有地名貝邱。在齊郡西北四十里。春秋莊八年齊侯田於貝邱。見公子彭生豕立而啼。齊侯墜車傷足處也。又楚語沈諸梁曰齊驪馬濇以胡公入於貝水。亦即此。史記謂之沛邱。後漢志博昌有貝中聚是也。

高苑縣。

府西北五十里。西至濟南府新城縣九十里。古苑牆地。漢置高苑縣。屬千乘郡。後漢屬樂安國。晉曰高苑。為樂安國治。苑與宛通也。宋曰長樂縣。屬渤海郡。後魏因之。後齊改屬長樂郡。隋廢郡屬齊州。開皇十八年改曰會城縣。大業初復曰高苑縣。唐武德四年縣屬鄭州。八年州廢。縣屬淄州。宋因之。景德三年以縣置宣化軍。熙寧三年軍廢。仍隸淄州。元屬益都路。今編戶三十一里。

高宛城。

在縣東北。水經注西高宛城。漢高六年封丙倩為侯邑。又有東高宛城。文十五年分齊為膠西國。立齊悼惠王子卬為王。都高宛。即東高宛城也。是時高宛蓋屬膠西。後改膠西為高密。以高宛屬千乘郡。南北朝時城邑遷改。劉宋於故縣西二里。置長樂縣。或以為即今治也。

臨濟城。

縣西北二里。故狄邑也。或曰春秋時長狄所居。因名戰國策田單攻狄三月不下。即此。秦置狄縣。陳勝將北狗地。至狄狄人田儻殺狄令自立為齊王。漢亦曰狄縣。屬千乘郡。後漢安帝改為臨濟縣。屬樂安國。晉宋因之。泰始二年曹州刺史沈文秀

舉兵應晉安王子助。高陽、渤海二郡太守劉乘民據濟城以應建康。是也。後魏亦曰臨濟縣。屬東平原郡。隋改朝陽縣曰臨濟。以縣并入高苑。

千乘城。

縣北二十五里。本秦邑。漢四年。灌嬰追擊齊將田吸於千乘。卽此。漢志。千乘郡治千乘縣。後漢永元七年。改屬樂安國。晉劉宋復置千乘縣。爲樂安郡治。後魏因之。又青州亦嘗治此。隋初郡廢。縣移治於廣饑。伏琛曰。千乘城在齊城西北百五十里。有南北二城。相去三十餘里。其一城縣治。一城太守治。五代志。宋元嘉中。嘗析千乘縣地。僞置樂陵縣治焉。

建信城。

縣西北五十二里。漢縣。屬千乘郡。高帝封婁敬爲侯邑。後漢省。又被陽城。在縣西南。漢縣屬千乘郡。被音皮武帝封齊孝王子燕爲侯邑。後漢廢。

高陽城。

在縣東南五十里。劉宋元嘉中。於樂安地僞置高陽縣。兼置高陽郡治焉。屬冀州。後魏因之。改屬青州。東魏天平初。以侯淵行青州事。青州刺史王賁平不受代。淵襲高陽郡。克之。旋入東陽。是也。高齊郡縣俱廢。隋復置高陽縣。大業初廢。○濟陽城。在縣北九十里。唐志。景龍初。分高苑縣置濟陽縣。元和十五年。并入高苑。志云。縣有古高會城。隋改縣曰會城。以此。

小清河。

縣西南七里。自新城縣東北流經此。孝婦河亦自新城縣北流合焉。土人謂之岔河。又東入博興縣界。水經注。濟水自菅縣東過梁鄒縣北。又東過臨濟縣南。宋泰始三年。青州刺史沈文秀以東陽拒魏。魏將長孫陵等敗屯清河。卽此水西也。通志云。縣北二十里有濟河故道。今堙。菅縣。梁鄒見濟南府歷城縣及鄒平縣。

隔會水。

在縣北。志云。漯水別名也。漢志。漯水至千乘入海。卽此。後譌爲隔會水。隋蓋以此名縣。今淄。舊經縣東南境有時水。亦曰死時。卽乾時之別名也。又馬廐灣亦在縣東南。相傳齊桓公牧馬處。

樂安縣

府北九十里。西至博興縣三十里。漢置廣饒縣。屬齊郡。後漢屬齊國。晉宋因之。後魏仍屬齊郡。隋移千乘縣治此。以廣饒縣省入屬青州。唐武德二年於縣治置樂州。八年州廢。縣屬青州。宋因之。金改為樂安縣。今編戶九十五里。

廣饒城

縣東北二十里。漢置縣於此。武帝封中山靖王子國為侯邑。後漢至晉宋。皆曰廣饒縣。水經注。淄水又東北逕廣饒故城南。是也。隋縣廢。改置千乘縣。金人又改置樂安縣於今治。初非漢時之千乘樂安矣。

琅槐城

在縣東北百十里。漢縣屬千乘郡。後漢省。風俗記。博昌東北八十里有琅槐鄉。水經注。濟水東歷琅槐故城北。云。又延鄉城。在縣西北。漢縣屬千乘郡。元帝封李譚為侯邑。後漢省。水經注。延鄉城俗謂之從城。延與從字相似也。志云。縣西南又有新

河城。隋開皇十八年置。

大樂初省入博昌縣。

青邱

在縣北。相傳齊景公嘗畋於此。司馬相如子虛賦。秋田於青邱。是也。志云。今清水泊亦名青邱。濼又黃邱。在縣南二十里。志云。淄水逕其東。

小清河

縣北十八里。自博興縣流入境。又東合時水。入壽光縣界。匯衆流以達海。通志。小清河經高苑。博興。樂安縣界。合於烏河。又北至馬車瀆。入海。烏河即時水矣。

淄水

縣東南五十里。自臨淄縣流入境。東北流經朱家道口。入壽光縣界。又時水亦在縣東南。北合於淄水。於是淄水亦兼時水之名。○北陽水在縣東南二十五里。自益都縣流入界。又女水自臨淄縣北流合焉。俱至壽光縣入海。

巨洋水

縣東南二十五里。即潮水。縣西南二十里。南漿水河。縣北六十里有支派溝。其下流皆合潮水入海。志云。支派溝起高苑城。南二里。逕博興入縣境。洩馬家泊諸水入海。今故迹微存。居民皆佃作輪租。非葦濠無水也。又有利豐堤在縣城北。成化十

七年。知縣

沈清榮

馬車瀆

縣東北五十里。又南即壽光縣之清水泊也。漢志：馬車瀆首受鉅定，東北至琅槐入海，亦謂之馬常坑。接高苑，博興、樂安、三縣界。蓋萊水所瀆也。紀略曰：馬車瀆入海處，一名皮邱沱。舊記：淄澗之水合於皮邱，即此。今謂之高家港，為海濱戍守處。有

高家港巡司，司去縣百餘里，或作五十里，悞也。

渤海

縣東北百十里，與壽光、博興縣接界。府境之水皆歸於此。志云：縣境濱海有三鹽場，曰王家岡、新鎮、高家港也。

塘頭寨

縣東北百里，濱海要地也。備禦百戶所駐守於此。有土城周三里。又樂安鎮在縣北六十里，舊置巡司於此，與高家港巡司並為守禦之所。

柏寢臺

縣東北二十八里，淄水經其下。齊景公與晏子遊於少海，登柏寢之臺，而望其國是也。少海或曰即渤海，俗謂臺曰桓公臺，相傳桓公會盟於此。

壽光縣

府東北七十里，東南至萊州府濰縣八十里。古斟灌氏地。漢置壽光縣，屬北海郡。王莽改置翼平，連率於此。後漢初，光武封更始子鯉為侯邑，改屬樂安國。晉因之。宋初省。北齊復置，隋屬青州。唐初屬萊州，尋復屬青州。今編戶百三十二里。

劇城

縣東南三十里，亦曰劇南城。春秋時紀國地。漢置劇縣，初屬齊國。文帝分置菑川國，都劇。景帝三年，與吳楚叛，國除，併入北海郡。尋復為菑川國治。後漢初，張步據齊地，都劇。建武五年，耿弇討敗之，帝幸劇，尋為北海國治。以齊武王子興為北海王，都於

此。三國魏廢北海國，以縣屬東莞郡。晉因之。劉宋仍屬北海郡。後魏因之。北齊省。○紀城亦在縣東南。劉昫曰：劇縣西有紀城，亦曰紀亭。故紀國也。城內有臺，俗曰紀臺城。春秋莊四年，紀侯大去其國，達齊難也。戰國時為齊之劇邑。魯連子云：劇胸之人，辨謂此漢

因置劇縣。志云：縣東北二十里有牟城，即春秋時牟國。恐誤。牟城今見萊蕪縣。

平望城

縣西北三十里。漢置平望縣。屬北海郡。武帝封菑川懿王子賞爲侯邑。後漢省爲平望亭。又樂望城。在縣東二十里。漢縣屬北海郡。宣帝封膠東戴王子光爲侯邑。亦後漢省。志云。縣南有閭邱城。隋開皇十六年。置閭城縣。屬青州。大業初省。

鉅定城

在縣西北八十里。漢置鉅定縣。屬齊郡。以鉅定澤而名。水經注。城在淄水北。是也。後漢省。志云。縣西四十里有益城。漢益縣也。縣北二十里有益都城。漢武封菑川懿王子胡爲侯邑。處婁諫云。司馬宣王伐公孫淵。徙豐人於益縣。亦謂之南豐城。一

云南豐城在縣西二十里。亦曰豐城。○斟灌城在縣東北四十里。斟。漢志作埒。與斟同。春秋襄四年。傳。寒涇。使澆用師。滅斟灌及斟尋氏。杜氏曰。二國。夏同姓。諸侯。仲康子后相所依也。今縣有故灌亭。斟尋。今見濰縣。

溜水

在縣西南。自樂安縣東北流入界。又灑水。卽北陽水也。亦自樂安縣流入界。與溜水會流。北注於清水泊。

巨洋水

縣東十里。自樂安縣流入界。過廢劇縣西。又東北會於黑冢泊。亦曰鉅昧水。後漢建武五年。耿弇敗張步於臨淄。步引歸。伏兵起。追至鉅昧水上。八九十里。僵尸相屬。水經注。巨洋水。東北經益縣故城東。又東北積而爲潭。枝津出焉。謂之百尺溝。西

北流。逕益都故城。注於巨淀。○蕤水。在縣西。亦謂之堯水。水經注。堯水出劇縣南。有萌山。一名義山。俗以其山角若崩。因名角崩山。又爲角林山。皆音譌也。其水卽蕤水矣。東北流注於巨洋水。

丹河

在縣東三十里。有東西二源。東丹水出昌樂縣方山。西丹水出臨胸縣丹山。北流經昌樂故城。西北合東丹水而爲丹河。經縣東。又東北入於海。○二嶽龍泉水。在縣西南二十里。一曰東嶽龍泉水。出縣西十二里。俗名北夾河。一曰西嶽龍泉水。出縣西

南二十六里。俗名南夾河。北流至羅橋。合東嶽龍水。注於清水泊。

清水泊

縣西北五十里。淄水北陽水及東西嶽龍泉水俱匯流於此。卽漢志所云鉅定也。漢志。征和四年。行幸東萊。臨大海。耕於鉅定。漢時。嘗引水溉田。今亦謂之巨澗湖。又北接樂安縣之馬車濱。其中莢蘆千頃。利倍腴田。今屬於德府。○黑冢泊。在縣東

北五十里。巨澤水匯焉。逸征記謂之烏常泛。又東北注於海。

廣陵鎮

縣東北三十五里有廣陵鎮。巡司志云縣有莘店遞運所今革。

馬陵臺

在縣西南四十里。亦曰臧臺。相傳臧武仲致防而奔齊。卒葬於此。因名。○望海臺在縣東北四十里。相傳秦始皇所築。俗名黑冢。其北卽黑冢泊也。

昌樂縣

府東七十里。東至萊州府濰縣五十里。古營邱地。漢爲營陵縣。地北海郡治焉。後漢屬北海國。晉初屬城陽郡。太康初改屬東莞郡。劉宋屬高密郡。後魏屬平昌郡。後齊廢。隋開皇十六年改置營邱縣。屬濰州。大業三年屬北海郡。唐武德初仍屬濰州。八年廢入北海縣。宋乾德二年置安仁縣。尋改昌樂縣。屬濰州。金因之。元至元三年縣省。明初復置。屬青州府。今編戶九十八里。

營陵城

縣東南五十里。此太公望所封之營邱也。史記周武王封師尚父於營邱。未就國。東萊與之爭。太公聞之。夜衣而行。至營邱。國遂定。蓋營邱邊萊也。呂氏春秋太公封營邱之渚。海阻山高險固之地。其後五世胡公徙濰姑。六世獻公徙臨淄。蓋自東而西也。漢置營陵縣於此。高帝十一年封劉澤爲營陵侯。應劭曰。陵亦邱也。薛瓌曰。營陵卽春秋時之緣陵。後漢以後皆曰營陵縣。高齊廢。隋復置營陵縣。唐武德初營邱民汲嗣率鄉人拒賊於此。權置杞州。以春秋時杞管徙治此也。二年復爲營邱縣。尋廢。今其地猶名營邱社。與濰縣接界。

劇魁城

在縣西北。漢縣屬北海郡。武帝封菑川懿王子黑爲侯邑。又有劇縣城。亦漢北海郡屬縣也。武帝封菑川懿王子錯爲侯邑。蓋非菑川所治之劇縣也。後漢時劇魁與劇縣俱省。而移北海郡治菑川之劇縣。○昌樂故城。志云在縣西北十里。宋昌樂

縣治此後

徒今治

孤山

縣東十里。峯巒峭拔。高出雲霄。志云。伯夷避紂。居東海之濱。蓋在此山之側。今山接濰縣界。又方山在縣東南二十里。山麓有龍池。四時不竭。蓋東丹河所出。其相近者。又有黃山。又西曰西黃山。

白狼河

在縣南源有二。一出縣南五十里。播鼓山。一出臨胸縣丹山。流入縣境。合流而東北。經濰縣東樂亭北。入於海。唐志。長安中。北海令竇炎於故營邱城東北穿渠。引白狼水。曲折三十里。以溉田。號竇公渠云。

丹水

在縣西。志云。東丹水出方山。流經縣西三里。西丹水出臨胸縣丹山。流經縣西九里。又西北合流於昌樂故城西。又西北入濰光縣界。昔時引此水溉田。民被其利。○黑水在縣東南。俗名汚河。源亦出方山。西北流經黃山。東有寶泉水。流合焉。下流入於

白狼河

丹河驛

在城東。舊置丹河馬驛於此。又縣東有小丹河。店邊運所。萬歷初。與驛俱革。

臨胸縣

府東南四十五里。南至莒州二百五十里。本齊之駢邑。漢置臨胸縣。屬齊郡。胸音劬。武帝封菑川懿王子奴爲侯邑。後漢屬齊國。晉屬東莞郡。義熙五年。劉裕伐南燕。至東莞。慕容超先遣軍屯臨胸。聞晉兵入峴。自將步騎往就之。裕與燕軍戰於臨胸南。參軍胡藩曰。燕悉兵出戰。臨胸城中留戍。必寡。願以奇兵從間道取其城。此韓信所以破趙也。裕從之。潛師出燕兵後。襲攻臨胸。克之。超走城南。裕縱兵奮擊。超大敗。劉宋初。縣省。隋開皇六年。改置逢山縣。屬青州。大業初。復曰臨胸。屬北海郡。唐仍屬青州。天復三年。汴將朱友寧攻青州。青州帥王師範襲殺之。朱全忠自齊州兼行至臨胸。命將進攻益都。宋仍曰臨胸縣。屬青州。元省入益都縣。尋復置。今編戶百十里。

朱虛城

縣東六十里。漢縣。屬琅琊郡。呂后二年封齊悼惠王子章爲侯。後漢改屬北海國。孔融爲黃巾所敗。警保於此。晉屬東莞郡。劉宋屬平昌郡。後魏因之。後齊省十三州志。朱虛城東十三里有校城。亦曰校亭。漢武封城陽王。子雲爲侯。邑。○臨海城在縣東。漢縣。屬琅琊郡。武帝封菑川懿王子始昌爲臨萊侯。國於此。後漢省入朱虛。縣志云。縣西南有般陽城。隋開皇十六年。析置般陽縣於此。屬青州。大業初。并入臨朐。

邢城

在縣東南。春秋時紀邑也。莊元年。齊師遷紀邢。鄆。杜預曰。齊欲滅紀。故先遷三邑之民。而取其地。邢亦作駢。後爲齊大夫伯氏邑。管仲奪伯氏駢邑三百。卽此。鄆城見萊州府昌邑縣。又鄆城在朱虛故縣東南。今見安邱縣。○東陽城在縣東。春秋時齊境上邑也。左傳襄二年。晏弱城東陽以逼萊。九年。復城東陽。遂圍萊。卽此城矣。

沂山

縣南百五十里。志所謂東泰山也。亦曰東鎮。詳見前名山。○丹山在縣東北三十里。一名丸山。封禪書所云。黃帝封東泰山。禪丸山者也。大事記。軒轅征不道。東至海。登丸山。或譌爲凡山。俗謂之丹山。西丹河。白狼河。皆源於此。又靈山在縣東北二十里。晏子春秋。齊大旱。景公欲祀靈山者也。

大峴山

縣東南北有五里。道徑危惡。一名破車峴。宋武帝伐南燕。道經此。穆陵關在其上。○達山在縣西二十五里。其山峭絕。惟一徑可通。有泉出巖。實甘潔異。常相傳。殷諸侯達伯陵國也。今山麓有達伯陵祠。郭緣生云。山在廣固南百三十里。泮水歷其險而東北流。世謂之石匱水也。又有石鼓。齊地將亂。則鼓自鳴。聲聞數十里。隋時達山縣以此名。宋季民避兵於此者多。獲濟志云。縣西南七十里。又有仰天山。山有黑龍潭及白雲。羅漢二洞。極幽勝。

陶山

縣東南二里。一名覆釜山。胸水出焉。縣以此名。又委粟山。在縣東北三里。孤阜秀立。形如委粟。因名。瀾水經其東麓。

灞水

縣東南一里源出沂山一名巨蔑水。逕朱盧故縣西。又北逕縣東沿流上下。皆劉裕伐虜固時營壘舊址也。晉書義熙五年。慕容超聞劉裕兵入峴使公孫五樓率騎進據巨蔑水爲裕前鋒孟龍符所敗。又名巨泮水。北逕委粟山。東入益都縣界。○石溝水在縣西源出達山之陰。東北流二十餘里。至委粟山。北又東北入灞水。曰石溝口。亦謂之泮水。或謂之龍泉水。郭緣生曰石溝水下流。溢澗有時。亦謂之龍水。晉太元十九年。後燕慕容農敗晉青州刺史辟閭渾於龍水。遂入臨淄。是也。

汶水

縣東南六十里源出東泰山。伏琛齊記。汶水出鄒山。或謂之鄒山。東北流入安邱縣界。下流合濰水入海。此汶水別源。非淨汶。達濟之汶水也。嵒山今見安邱縣。○沫水在縣南源出沂山東麓。又沂水亦出沂山西麓。分流並導。俱入沂水。縣境志云。縣東南又有左右峴水出大峴山下。流注於沫水。

西丹河

在縣北源出丹山。流入昌樂縣界。與東丹河合。又白狼水亦出丹山。北流與昌樂縣之白狼河合。○熏冶泉在縣西南二十五里。水經注古冶官所在。因取名焉。東北流入於巨泮水。

穆陵關

在大峴山上。所謂齊南天險也。自昔爲必爭之地。今有穆陵關巡司戍守。詳見前重險穆陵。

南鄆郡

在縣西南。北周主邕追齊主高緯至青州。緯南走。至南鄆村。爲周將尉遲迥所擒。是也。又火星埠。或云亦在縣西。南元至正二十二年。擴廓圍田豐於益都。劉福通自安豐引軍赴援。至火星埠。擴廓遣將闕侃邀擊敗之。卽此。

安邱縣

府東南百六十里。東南至諸城縣百二十里。古莒國之渠邱地。漢置安邱縣。屬北海郡。後漢曰安平縣。屬北海國。三國魏屬平昌郡。晉仍曰安邱縣。屬東莞郡。惠帝復置平昌郡於此。劉宋因之。後魏仍屬平昌郡。後齊郡縣俱廢。隋開皇十六年。改置平山縣。屬密州。大業初。復改曰安邱。唐仍屬密州。乾元初。改曰輔唐縣。五代梁開平二年。復曰安邱。唐又爲輔唐縣。石晉天福七年。改曰膠西。避嫌名也。宋開寶四年。復曰安邱縣。仍屬密州。明初。改今屬。編戶百七十四里。

安邱故城。

在縣東北。漢縣治。此志云：漢安邱有二縣。一屬北海，卽此安邱也。一屬琅邪，在今縣東南。高祖封功臣張敖爲侯邑。成帝時封高密頓士子富爲安邱侯。後漢建武五年，張步降，亦封爲安邱侯。尋者琅邪之安邱，而北海之安邱如故。高齊以後，

城邑屢經變徙。兩

安邱遂不可攷。

昌安城。

在縣西南十里。通典：安邱外城也。漢置昌安縣，屬高密國。後漢屬北海國。明帝封鄧襲爲昌安侯邑於此。晉屬城陽郡。劉宋復屬高密郡。後魏屬平昌郡。後齊以安邱縣省入昌安。隋復置安邱縣，以昌安省入。劉昫曰：唐乾元二年，刺史殷仲卿請移

安邱縣於故昌安城，改爲輔唐縣。天復三年，淮南將王茂章救王師範於青州，引還。朱全忠遣將楊師厚追及之於輔唐，敗其後軍。是也。宋復移於今治。○牟山城在縣西南十三里。志云：舊有牟鄉城，爲昌安縣地。隋析置牟山縣於此。大業二年，改曰安邱。明年移

治平昌城。唐又移

於昌安故城云。

平昌城。

縣西南六十里。漢縣，屬琅邪郡。文帝封齊悼惠王子卬爲平昌侯。後改封膠西王。是也。後漢屬北海國。三國魏置平昌郡。於此。晉郡廢。縣屬城陽郡。惠帝復置郡，以縣屬焉。劉宋因之。元嘉八年，青州刺史蕭思話鎮東陽，聞魏軍將至，棄鎮奔平昌。卽

此。後魏仍屬平昌郡。後改屬高密郡。後齊廢入安邱縣。隋大業三年，移置安邱縣。於此。水經注：平昌城東南角有臺，世謂之龍臺城。荆水經其下，亦謂之龍臺水。

淳于城。

縣東北三十里。古淳于國也。酈道元曰：本夏時斟灌國。周武王以封淳于公。遂號淳于。春秋桓六年，州公如曹。傳曰：淳于公如曹，度其國危，遂不復州。蓋國名也。後爲杞人所有，亦謂之杞城。襄二十九年，晉人城杞之淳于，是也。漢因置淳于縣，屬北

海郡。後漢初省。永元九年，復置，屬北海國。建安十六年，曹操東擊海賊管承，至淳于，承走入海島。晉改屬城陽郡。劉宋改屬高密郡。後魏屬平昌郡。後齊廢入高密縣。

郿城

縣西南六十里春秋時紀之郿邑杜預曰朱盧縣東南有郿城漢置梧城縣屬郿郡後漢廢後魏時於故郿城置平昌郡北齊郡廢改置琅邪縣隋初因之屬密州大業初改爲郿城縣隋末廢志云郿城蓋在嵒山下又緝城與郿城相近志云漢武封

菑川靖王子成

爲緝侯卽此

岍山

縣東北四十里其形岍然高聳金人置營於此宋建炎三年張邵使金至濰州與金將撻覽抗禮金人執邵送密州因於岍山營又峽山在縣東四十里以兩山夾峙而名

郿山

縣西南六十里四面險絕其上寬平約數百里有古城遺址卽郿城也中有池伏琛以爲汶水所出又淇山亦在縣西南六十里旁有淇河○金糶山在縣西南七十里形肖鞍轡其相接者有太平鳳凰兩山

牟山

縣西南十五里山北有故城卽牟鄉城也隋因置牟山縣其相聯絡者有洪陀山山多巨石巒岍高聳又峯山在縣西南三十里三峯高峙又有土山相連○望高山在縣西北二十里山形突兀遠視高聳志云縣西南八十里有長城嶺以長城故址

名而

汶水

縣北三里志云汶水出沂山百丈崖循山東麓北流經郿山又北逕縣東北至淳于故城西又東北合於濰水齊乘曰齊有三汶入濟之汶見禹貢入濰之汶見漢書入沂之汶見水經此則入濰之汶也

濰水

縣東五十里源出莒州箕屋山東北達諸城縣界又東北逕高密縣北入縣境又東北逕淳于故城東又東北合於汶水復東北流逕濰縣昌邑界東北入海禹貢濰淄其道周職方其浸盧濰左傳襄十八年晉侯伐齊東侵及濰南及沂漢初韓信伐齊

破楚將龍且於濰水隋大業九年齊郡丞張須陁擊羣賊於濰水上敗之俗亦呼爲淮水傳譌也漢志濰水過郿三謂城陽琅邪北海也行五百三十里入海爲青州浸○涿水在縣東四十里說文涿水出琅邪靈門壺山蓋自莒州北流入縣界又東北注濰水

荆水。在縣南。源出縣西南七十里荆山中。東北流經平昌故城東。又東北注於濰水。三齊略記。桓公堰潛水南入荆水。灌田數萬頃。今尚有餘堰及稻田遺跡存焉。又淇水出淇山。亦流入於荆水。

雹泉。縣南四十里。白石碑中湧出。綿綿不絕。東流入濰水。又沸泉在縣西四十里。泉出如沸。東流合城西之靈河。又東亦入於濰水。又縣西七十里有溫泉。以四時皆溫而名。

渠邱亭。縣西南十里。春秋時莒子朱居渠邱。左傳成八年。晉侯使申公巫臣如吳。假道於莒。與渠邱公立於池上。九年。楚子重自陳伐莒。圍渠邱。渠邱城惡衆潰。奔莒。莒城亦惡。楚圍莒。莒潰。楚遂入鄆。鄆亦莒別邑。所謂浹辰之間。楚克其三都者也。杜預曰。

渠邱邑名亦謂之濰里。

防亭。在縣西南。杜預曰。平昌西南有防亭。莒邑也。左傳昭五年。莒牟夷以牟婁及防茲來奔。此即防邑云。

諸城縣。府東南二百八十里。東北至萊州府三百里。東至萊州府膠州百八十里。春秋時魯諸邑。漢置東武縣。屬琅琊郡。高帝封功臣郭蒙爲侯邑。後漢屬琅琊國。晉屬城陽國。劉宋屬平昌郡。後魏屬高密郡。永安二年。置膠州。治東武縣。亦爲高密郡治。隋開皇

初。郡廢。五年。改膠州爲密州。八年。又改縣爲諸城縣。大業初。又改州爲高密郡。縣仍爲郡治。唐初。復爲密州治。天寶初。亦曰高密郡。乾元初。復故宋因之。亦曰安化軍。金元時。皆爲密州治。明初。省密州縣。改今屬。編戶百八十里。

古諸城。縣西南三十里。志云。在石屋山東北。濰水之南。春秋莊二十九年。城諸及防。文十二年。季孫行父城諸及防。漢置諸縣。屬琅琊郡。晉屬城陽國。劉宋屬東莞郡。後魏因之。北齊省縣入東武。隋改東武爲諸城。城邑攸令。縣有南北二城。南城漢所築。東

武縣城也。有四門。卽秦琅邪郡治。漢亦爲琅邪郡附縣。水經注。濰水過東武縣故城西北。是也。北城。後魏永安二年。分東武爲膠州所築。但有東西二門。撤東武北垣而合之。隋於舊北門之址。更券一門。謂之雙門。舊經東武因岡爲城。周三十里。防城見費縣。

姑幕城

縣西四十里。通典古蒲姑氏國。漢置姑幕縣。屬琅琊郡。武帝封邳炎爲柔利侯。食邑於姑幕。是也。後漢初。莒人逢安等起兵。從樊崇攻莒。不下。轉掠至姑幕。遂入青州。晉仍爲姑幕縣。屬城陽郡。後魏永安二年。置東武郡於此。後齊郡縣俱省。寰宇記。

莒州東北六十里有姑幕故城。在密州境內。蓋與莒州接壤。又崑山城在縣西南六十里。崑山。西漢琅琊郡屬縣也。元帝封城陽荒王子光爲侯邑。後漢省。又縣西南七十里有析泉廢縣。亦漢琅琊屬縣。元帝封城陽荒王子根爲侯邑。志云。析泉卽涓水也。出縣

北。東北流經縣東

入濰。後漢縣省

橫城

縣東南四十里。漢置橫縣。屬琅琊郡。後漢廢。志云。城在廬山北。廬水繞其下。又昌城在縣東北二十五里。亦漢琅琊屬縣也。武帝封城陽頃王子差爲昌侯。後漢廢。水經注。廬水西北流。逕昌縣故城西。○梁鄉城在縣東南百二十里。後魏永安中置。屬東

武郡。後廢。魏收志。梁鄉有琅

琊臺。輿中立臨海郡。尋廢。

琅邪城

縣東南百四十里。齊琅邪邑也。越王句踐嘗徙都此。南北二面城址猶存。東西二面已成巨壑。相傳秦琅琊郡治此。輿地廣記。漢琅琊縣屬琅琊郡。在諸城東境。晉省。劉宋復置。屬平昌郡。後魏因之。後齊廢。隋開皇十六年。改置豐泉縣。大業初。復曰

琅琊縣。屬高密郡。唐初廢。地記。琅邪城地偏窄。非可以建都。酈道元曰。琅邪臺在城東南十里。今夏河城在臺西北三十里。或是越

王都云。又縣南七十里有長城。卽戰國時齊所築。括地志所云。起自鄆州平陰。至密州琅琊臺入海者。志云。古長城起自平陰。連亘

秦蒙萊蕪。跨安邱至縣境。又迤邐至膠州大珠山東入海。南去琅

邪臺六十里。初爲齊越分界。後齊楚分界處也。今故迹依約猶存。

扶淇城

在縣西北。後魏永安中置。屬東武郡。尋廢。水經注。扶淇水出常山。東北流注濰水。縣以水名也。又婁鄉城在縣東北。春秋隱四年。莒伐杞。取牟婁。又昭五年。莒牟夷以牟婁及防茲來奔。杜預曰。牟婁。杞邑。城陽諸縣東北有婁鄉。水經注。涓水東北流。

逕婁鄉城東入濰。又逕

亭在廢姑幕縣東北。

琅邪山

縣東南百四十里。詳見前名山。○盧山縣東南四十五里。以秦博士盧敖隱處而名。其北即廢橫縣也。盧水源於此。巖壑頗勝。

常山

縣西南三十里。蘇軾云：山不甚高大，而下臨城中，雉堞樓觀，勢髣可數。上有零泉，流爲扶淇水。宋熙寧八年，蘇軾守密州，禱雨於此而應。因名。○障日山在縣東三十里。水經注：濰水又東南逕障日嶺，勢高峻，隔絕陽曦。因名。蘇軾稱爲小峨眉。密水源焉。

九仙山

縣西南七十里。高聳摩空，峯巒十有一，盤石十有八。蘇軾以爲奇秀不減於鴈蕩。金時土賊嘗據九仙山爲巢穴。今山西北兀子山南有大路，東出信陽場，西走沂莒，爲奸徒亡命出入之處。有黃草關，亦邑之要害也。○馬耳山在縣西南六十里。雙

峯聳削，形如馬耳。水經注：馬耳山高百丈，上有二石並舉，涓水出其陰，北流入濰水，或謂之分流山。

五弩山

縣東南八十里。百尺水出其西麓，有五峯相望，如雉堞然。近志：縣南有五梁山，即五弩之譌也。舊志云：山在黔陬，廢縣南，蓋與高密縣及膠州接界。

濰水

縣北五里。自莒州流入界。水經注：濰水東北逕諸縣故城西，又東北逕縣南城西，又東北逕高密縣西，是也。左傳：晉師伐齊，東侵及濰，蓋在縣界云。

盧水

縣東北三十里。源出盧山，北流經縣東北二十五里，入於濰水。一名台水。台讀怡。近志：譌爲久合水。又密水在縣東，有二源，西源出障日山，東北流，東源出五弩山，西北流，同瀉一壑，謂之百尺水。逕高密縣入於濰。○紀里河在縣東南，南志云：源出縣東南

之竹山，與密水合流，入高密縣界。注於濰水。一名合河。西涯有壑方三里，相傳太公釣。一處亦名爲棘津。又柳林河出縣南六十里，石門山，西北流合扶淇水，又東北注於濰水。

海口。

縣東南百三十里。在信陽場南一里。南北往來客商泊舟於此。又環邪山東南五里海中。有齋堂島。其上平地可千餘畝。多土少石。甚肥饒。產紫竹黃精。海菜。元時海運漕舟經泊處也。又信陽場東南一里海中。有沐官島。多石不可耕。

景定鎮。

縣北七十里。爲縣及安邱、高密三縣之界。居民四五千家。流寓雜處。築土城爲衛。萬歷七年。設萊州府。通判駐於此。今率。○龍灣鎮在縣東南百三十五里。明初置南龍灣海口巡司。又縣南百二十里。爲信陽鎮。有築城。明初亦置巡司於此。又縣東

南百二十里有龍潭寨。又東南十里有蕭家寨。明初俱築土城。置百戶所戍守。屬膠州靈山衛。其相近者。又有崔家民寨。

假密亭。

在縣東北。史記曹參從韓信擊楚將龍且。於上假密破之。卽此一云在高密縣境。

蒙陰縣。

府西南三百五十里。東至莒州六十里。南至沂州費縣百二十里。春秋時魯附庸。顯夷國地。漢置蒙陰縣。屬泰山郡。後漢省。晉復置。屬琅邪國。後魏廢。東魏復置。高齊省入新泰縣。元中統二年。以其地置新泰鎮。皇慶二年。復改置蒙陰縣。屬莒州。明初改

今屬編戶
五十里。

蒙陰故城。

在縣西。春秋哀十七年。公會齊侯。盟於蒙。杜預曰。故蒙陰城是也。漢置縣。蓋治此。又縣東十里有古城。在綿山社。其地有綿山。產木綿。其城周二里。舊址猶存。相傳戰國時所築。或以爲卽東筦故城。

蒙山。

縣南四十里。其陽卽費縣也。今詳見費縣。又縣南八里有蒙陰山。今曰仙洞山。

長山。

縣東三十里。其山或起或伏。南北連延。凡數十里。○具山在縣東北十五里。又縣西北三十五里有敖山。左傳申繻曰。先君獻武廢二山。謂具山。敖山也。又國語。范獻子聘於魯。問具山。敖山。魯人以其鄉對。卽此。今誤曰。蒼山。亦見前新泰縣。又云云山。志

云在縣東北三十里。即古帝王封禪處。晉灼曰。山在蒙陰。故城東北。下有云亭。或以爲在梁父山之東。

浮來山

縣西北三十里。春秋隱八年。公及莒人盟於浮來。杜預曰。浮來。杞邑。東莞縣北有邳鄉。鄉西有公來山。號曰邳來。閭水經注。沂水東經浮來之山。浮來水注之。志以爲在莒州。誤。○文山在縣西北百二十里。與沂水縣接界。春秋隱六年。公會齊侯盟

於艾。水經以爲沂

水出於此山也。

沂水

在縣東。自沂水縣流入境。又南入兗州府沂州界。又縣北有蒙水。源出蒙山之陰。東北會於沂水。○蒙陰水源出蒙陰山。亦東北流入於沂水。又桑泉出縣西南。五女山納堂阜。諸水經縣南合蒙陰水。

蕭馬莊河

在縣西。志云。河北流二十里。入萊蕪縣界。合淄水。又縣東門外有東關河。下流入新泰縣之汶水。又縣東北七十里有龍泉。又有順德等泉。志云。縣有泉五。其二入汶。其三入沂。

紫金關

縣東南四十里。舊置巡司於此。萬曆中革。○夷吾亭在縣西北三十里。其地有堂阜。左傳莊九年。齊鮑叔牙受管仲之囚。及堂阜而稅之。卽此。後人因以夷吾名亭。

黑龍寨

在縣東。其旁有傷家寨。又東南有笏箕寨。傅家寨。西南有搜虎寨。西北有青崖寨。北有五子寨。樹枝砦。東北有匙尾寨。磨圍寨。太平頂寨。廬圍寨。大圍寨。板圍寨。皆昔時憑險拒守處。

莒州

府南三百里。東北至萊州府膠州二百八十里。西南至兗州府沂州二百二十里。南至江南海州四百七十二里。

春秋時莒子國。後滅於楚。戰國屬齊。秦屬琅邪郡。漢初爲齊國地。文帝置城陽國。後漢又屬琅邪國。三

國魏置城陽郡。晉因之。劉宋改置東莞郡。後魏因之。後齊郡廢。尋置義唐郡。隋開皇初郡廢。改屬莒州。大業初。州廢屬琅邪郡。唐武德五年。仍屬莒州。貞觀八年。州廢屬密州。宋因之。金置城陽軍。尋升爲州。又改曰莒州。元仍舊。明初以州治莒縣省入。編戶二百有八里。改屬青州府。領縣二。

州東連海渚。南控泗沂。扼淮北之要衝。爲青齊之屏障。南北相持。州亦必備之險也。

廢莒縣。

今州治。古莒國。周武王封少昊後裔茲與於此。左傳成九年。楚子重自陳伐莒。莒潰。史記。楚簡王元年。北伐滅莒。是也。後屬齊戰國時。樂毅破齊莒城不下。亦曰城陽。戰國策。燕襲齊墟。王走城陽山中。又楚考烈王八年。遷魯於莒。而取其地。漢二年。

田榮爲項羽所敗滅。榮弟橫收散卒。復起城陽。四年。韓信破齊。齊相田光走城陽。既而韓信追獲齊王廣於此。後置莒縣。爲城陽國治。文帝封朱虛侯章爲城陽王。卽此。王莽末。赤眉樊崇。謝祿等。將兵十餘萬圍莒。數月不能下。後漢建武五年。耿弇引兵至城陽。降五校餘黨。尋廢城陽國縣。改屬琅邪國。建安二年。泰山賊帥臧霸。破琅邪。相蕭建於莒。三年。曹操析置城陽郡。晉仍爲郡治。劉宋爲東莞郡治。後魏屬東莞郡。隋屬莒州。大業初屬琅邪郡。唐初屬莒州。後屬密州。宋因之。金復爲州治。元因之。明初省地。志。春秋時莒有三。一爲齊東境之莒邑。左傳昭三年。齊侯田於莒。十年。陳桓子盡致諸公。而請老於莒。是也。一爲周境內邑。昭二十六年。陰忌奔莒以叛。是也。一爲魯之莒父邑。定十四年。城莒父及霄。又子夏爲莒父宰。是也。惟此爲古莒國之莒。舊城有三重。皆崇峻。子城方十二里。內城周二十里。外郭周四十里。昔齊無知之難。小白奔莒。其後齊杞梁華植。莒戰死。及樂毅攻齊。莒竟克全。蓋守險難犯也。元至元中。參政馬睦。火者鎮莒。以城大難守。截東北隅爲今城。周五里有奇。

棹城。

州南七十二里。寰宇記以爲卽春秋時故向城。漢置棹縣。屬琅邪郡。棹音禱。後漢廢。漢志注。棹縣有夜頭水。南至海。或以爲向水也。又高郵城在州東南七十里。漢宣帝封城陽惠王子休爲高郵侯。是也。後漢省其地。又有曹公城。志云。曹操攻陶謙。拔五

城略地東海築此戍

守今謂之五花營

靈門城

州北二十里漢縣屬琅邪郡後漢省又箕城在州西北百里箕屋山下漢箕縣屬琅邪郡宣帝封城陽荒王子文爲侯邑亦後漢廢○慮城在州西南漢慮縣屬城陽國武帝封城陽共王弟豬爲侯邑又州南有高廣城亦漢縣屬琅邪郡宣帝封

城陽荒王子勳爲

侯邑俱後漢廢

焦原山

州南四十里尸子曰莒有焦原廣尋長五百步臨百仞之溪國人莫敢近者莒勇士登焉莊子伯昏瞿人射臨百仞之淵是也漢志謂之崢嶸谷俗名青泥衝以兩峽壁立如衝也旁有定林山又屋樓山在州東二十里以重疊巒秀而名

高冢山

州北百三十里漢書靈門有高冢山壺山涿水所出東北入淮淮蓋灘之謠也冢古柘字今俗呼爲高望山志云高冢山西四十里有壺山一名巨平山涿水出此亦曰涿山一名壺頭又箕屋山在州西北九十里灘水出焉亦曰灘山

灘水

在縣東北源出箕屋山東流入諸城縣界○涿水在縣北志云源出高冢山之陽東北流入安邱縣今莒州安邱之間地名王護卽涿水所經也

沫水

州東三里自沂水縣流入界又西南入沂州界志云涿水出州南六十里馬鬣山水經謂之巨公山西南流入沫水舊堤以激田東西二十里南北十五里又有葛陂水出日照縣三柱山西南流逕故辟陽城南積而爲陂謂之辟陽湖又西南流入於沫

水今皆涇澗○孝源泉在州北百里以唐孝子孫旣廬墓得泉而名雖大旱水嘗不涸

葛溝店

州西南百二十里有巡司戍守又州南百里有十字路巡司有十字路城○蓮里在州北杜預曰葛縣有蓮里今詳見安邱之渠邱亭又鼓里在故莒城內戰國策淳齒殺齊湣王於鼓里是也

沂水縣

州西北九十里西南至沂州百六十里春秋時爲魯郿邑地漢置東莞縣屬琅邪郡後漢屬琅邪國三國魏於此置東莞郡晉

因之劉宋改屬東莞郡後又兼置東徐州後魏改爲南青州而東莞郡如故後齊改郡曰東安後周又改州曰莒州隋開皇初郡廢而改縣曰東安十六年又改曰沂水大業初州廢縣屬琅邪郡唐武德五年

置莒州於此貞觀八年州廢縣屬沂州宋因之今屬莒州今編戶百四十三里

東莞故城

在縣治西北漢縣治此武帝封城陽共王弟吉爲侯邑曹魏黃初中置東莞郡梁普通五年彭寶孫拔魏東莞是也又縣南三十里有東安城漢縣屬城陽國宣帝封魯孝王子子強爲侯邑後漢改屬琅邪國三國魏置東安郡於此郡尋廢晉仍

屬琅邪國後

廢入蓋縣

鄆城

縣東北四十里卽古鄆邑關驪十三州記魯有兩鄆西鄆在東平昭公所居東鄆卽此城也爲莒國所爭之邑文十二年季孫

行父帥師城諸及鄆後入於莒成九年楚子重伐莒入鄆襄十二年莒圍台季武子帥師救台遂入鄆昭元年季武子伐莒取鄆杜預曰城陽姑幕縣南有員亭卽鄆也劉胸曰東莞有鄆亭南燕置圍城鎮於此以其城正員也亦曰圍亭劉裕北伐廣固登之以望大峴水經注東莞郡治圍城宋泰始三年以輔國將軍張謐爲東徐州刺史守圍城魏攻取之亦置東徐州以成固公爲刺史

成圍城南襲胸山或譌爲圍城聲相近也後魏太和十二年改東徐州爲南青州仍治圍城梁天監五年冀州刺史桓和擊魏襲南青州不克卽圍城也周齊問城廢台見前費縣胸山見江南海州

蓋城

縣西北七十里齊邑也陳仲子兄戴蓋祿萬鍾又王驪爲蓋大夫卽此漢置蓋縣屬泰山郡景帝封后兄王信爲侯邑後漢亦

曰蓋縣晉改屬東莞郡惠帝時析置東安郡治此劉宋及後魏因之後齊改東莞郡曰東安而故東安郡及蓋縣俱廢隋開皇

十六年復置東安縣於此仍屬莒州大業未廢

陽都城

在縣南古陽國齊利其地而遷之春秋閔二年齊人遷陽是也漢置陽都縣屬城陽國高帝時封功臣丁復為侯邑又宣帝封張彭祖為陽都侯後漢改屬琅琊國明帝徵東平王蒼會陽都是也晉仍屬琅琊國十六國春秋石虎好獵自獵昌津南

至樂陽東極陽都為獵場又永和九年段龜據青州置徐州於陽都以王騰為刺史十二年燕慕容恪圍廣固降於燕徐州刺史荀羨救龜攻陽都克之水經注沂水又東逕陽都故城蓋晉未廢又古長城在縣北百里

沂山

縣北百十里山之陰即臨胸縣也今詳見名山○大峴山在縣東北百二十里杜佑曰縣北有大峴為齊地南面險固與臨胸縣接界上有穆陵關今詳見重險穆陵

雕崖山

縣西北百七十里巖壑聳秀如雕球然連絡蒙陰縣界志云山即沂山西峯也沂水蓋出於此又西北接大弁山山頂平夷周八九十里俗稱太平園水經注大弁山與小泰山連麓而異名杜佑曰縣北有穆陵山志云山在縣北百九十里又北里

許為螻螂山其相連者曰大小二魯山山之前平野彌望清流縈帶其南面有穴若門直入二十里可容方駕云

雹山

縣西北五十里山有二峯雙樹齊秀間峙若一出紫石英映徹如雹因名今曰大園山又縣西南三十里有雙園山亦以雙峯並峙而名

沂水

縣西一里源出沂山南流經雹山西麓與蒙陰縣接界又東南流經此又南經故東安城東而入沂州界縣境諸水悉流入焉水經注沂水經東安故城南合時密水水出縣西時密山春秋時莒地左傳莒人歸共仲於魯及密而死即此

沫水

縣北五十里源亦出沂山水經注以為出大弁山也東南流入莒州境○上泉源出縣西南四十里望仙山又芙蓉泉出縣西北七十里閔公山與縣東南六十里之銅井泉縣西南三十里之大水泉俱南流入沂水志云縣境之泉凡十皆入於沂

牟鄉

在縣東南劉昫曰陽都縣東有牟臺春秋宣九年取根牟根牟葢東夷國也又昭八年蒐於紅自根牟至於商衛革車千乘根牟即牟鄉矣

日照縣。

州東南百五十里。南至江南贛榆縣六十里。北至諸城縣七十里。漢爲海曲縣地。置鹽官於此。名曰日照。魏晉以後俱爲莒縣地。金始置日照縣。屬莒州。今編戶八十三里。

海曲城。

縣西十里。漢置海曲縣。屬琅琊郡。王莽末。琅邪呂母起兵攻海曲。有衆數萬。爲赤眉之始。後漢仍屬琅琊郡。晉廢或以爲卽故日照鎮。又博物記。太公望出於此。今有東呂鄉。又有棘津。卽太公垂釣處。故浦猶存。

絲山。

縣東北二十里。山形陡絕。懸溜侵崖。如絲纒然。絲水源於此。又三柱山。在縣北二十里。葛陂水出焉。又縣東南二十里有孤奎山。亦曰圭山。

海。

縣東二十里。接膠州及南直海州界。有濤雒鹽場。

絲水。

在縣南二十里。一名大兒莊河。源出絲山。流逸孤奎山下。合於寨河。志云。寨河在縣南五十里。源出縣西北八十里。馱兒山。一名付疇河。流合絲水。入於海。又竹子河。亦在縣南五十里。源出縣西南五十里之矮岐山。下流亦注於海。

夾倉鎮。

縣南二十五里。有石城。置巡司於此。志云。縣西七十里。有劉三公莊。蕭梁時劉勰所居。舊置巡司於此。洪武三年。移於夾倉鎮。又縣南付疇河上有付疇馬驛。縣北二十五里。白石山下。有白石山驛。今皆平。

附見

安東衛。

在日照縣南九十里。南去江南海州七十里。衛城周五里。宏治三年置。初領五千戶。所尋調中所於天津。右所於徐州。止領中前後三所。東接膠州靈山衛界。爲濱海戍守處。

石舊寨備禦後千戶所。

在日照縣東南所。城周三里有奇。又東南有塘頭寨。備禦百戶所。城周三里。俱嘉靖中置。屬安東衛。

讀史方輿紀要

卷三十六

山東七

萊州府。東北至登州府二百四十里。東南至海二百五十里。西南至青州府莒州四百五十里。西至青州府三百十六里。北至海九十里。自府治至布政司六百四十里。至京師千四百里。

禹貢青州地。春秋時萊子國。禹貢萊夷作牧。春秋時齊侯伐萊子於郟。或曰郟即今郡治在齊之東。故曰東萊。戰國屬齊。秦屬齊郡。漢曰東萊郡。後漢

因之。晉為東萊國。宋復曰東萊郡。後魏因之。兼置光州。隋郡廢。開皇五年。改光州曰萊州。大業初曰東

萊郡。唐復曰萊州。天寶初亦曰東萊郡。乾元初復故。宋仍曰萊州。亦曰東萊郡。金因之。亦曰定海軍。元亦為萊州。屬

益都路。尋屬般陽路。明朝洪武九年。升為萊州府。領州二。縣五。

府內屏青齊。外控遼碣。藉梯航之便。為震疊之資。足以威行海外。豈惟島嶼之險。足以自固乎哉。唐史。貞觀

十五年太宗曹高麗本四郡之地。晉發卒數萬攻遼東。彼必傾國救之。別遣舟師出東萊。自海道趨平壤。水陸合擊。取之不難也。

掖縣。附郭。戰國時齊夜邑。蠡王益封田單於夜邑。萬戶。又魯仲連謂田單將軍有夜邑之奉。是也。漢置掖縣。東萊郡治焉。後漢移郡治黃縣。又封歐陽歙為夜侯。即掖也。晉復為郡治。劉宋又移郡治曲城縣。後魏以後州郡皆治此。今編戶八十二里。

曲成廢縣。府東北六十里。漢縣。屬東萊郡。高帝封功臣蠡達為侯邑。又武帝封中山靖王子萬載為曲成侯。後漢又封劉建為侯邑。仍屬東萊郡。晉曰曲城縣。劉宋為郡治。後魏曰西曲城縣。分東境置東曲城縣。並屬東萊郡。北齊省。隋末復置曲城縣。唐

武德六年廢入掖縣。今郡城周九里有奇。

當利城。在府西南三十六里。漢縣。屬東萊郡。志云。武帝封樂大為當利將軍。命其邑曰當利。後漢及晉宋因之。後魏改屬長廣郡。北齊廢入掖縣。隋末復置。唐武德六年廢。

陽樂城。在縣北。漢縣。屬東萊郡。後漢廢。志云。縣北二十里有臨胸故城。此東萊郡之臨胸也。又縣南有陽石廢縣。亦漢置。屬東萊郡。俱後漢廢。○曲臺城在府東南。唐武德四年置。曲臺縣。屬萊州。六年廢。又府東北二十里濱海。有沙邱廢城。相傳商紂所築。

似誤。

福山。府西北五里。俗名斧山。峯嶺高峻。北臨滄海。其並峙者曰祿山。○大基山在府東十里。上有道士谷。嘯嘯蒼翠。泉流潺湲。又東五里為神仙洞。其相連者有洞凡七。俱幽勝。

高望山。府南十五里。峯巒秀特。可以望遠。又南五里為天柱山。一名南山。又寒岡山。在府東南三十五里。一名神山。掖水出於此。○三山島在府北五十里海之南岸。史記封禪書八祀四曰陰主祠三山。唐史貞觀二十二年。將伐高麗。詔劍南大治船艦。儲

檣械於三山浦及烏島。烏島或曰即登州之烏湖。島又蟬巒島。在府西北百里海中。遙望若蟬巒然。

萬里沙

府東北三十里。夾萬歲水。兩岸皆沙。長三百里。史記封禪書。天子既出無名。乃禱萬里沙。漢書郊祀志。武帝元封元年。旱禱萬里沙。是也。

海

在府西北二十里。道出遼東朝鮮。通典。郡北至海五十里。西至海二十九里。西北至海二十里。東南至海二百五十里。今自府西北環昌邑濰縣界。東南環膠州。即墨縣界。皆大海也。

掖水

在府東南十五里。源出寒岡山。西北流經城南。又西北注於海。○萬歲河。在府東北三十里。其兩岸即萬里沙也。秦始皇漢武帝皆嘗禱此。三齊記。水北有萬歲亭。漢武所築。

小沽河

出府東南三十里。馬鞍山。東南流經平度州。與大沽河合。經膠州。即墨縣界。入於海。左傳昭二十年。齊晏子曰。聊攝以東。姑尤以西。其爲人也多矣。杜預曰。姑即大沽河。尤即小沽河也。○五龍泉。府西三里。灌而爲池。凡牛畝許。民獲灌漑之利。又城

東有青龍泉。與濼水相接。

過鄉

在府北。後漢郡國治掖縣。有過鄉。故過國。寒浞封其子澆於此。春秋哀元年傳。寒浞處澆於過。處豷於戈。杜預曰。過即掖縣。過鄉。戈在宋鄭間。○燕臺。在府東北二里。志云。南燕慕容德以掖城爲青州治。因置此臺。

海倉口鎮

府西北九十里。即膠河入海之口。爲濱海要地。有巡司戍守。又柴葫寨。在府北五十里。亦有巡司。○朱橋驛。在府東北七十里。又南關有城南驛。又沙河店。在府南三十里。舊置城南沙河店。朱橋店。三遞運所。萬歷中。與驛俱革。

附見

萊州衛。

在府治東南。洪武三年置。領左右中前後五千戶等所。

王徐塞備禦前千戶所。

府東北八十里。明初置百戶所。有城周三里。嘉靖中改為千戶所。○馬埠寨備禦百戶所。在府西二十里。城周二里。又龍河寨備禦百戶所。在府北五十里。所城周二里有奇。又東北百六十里有馬停寨。

備禦百戶所。所城不

及一里。俱屬萊州衛。

平度州。

府南百里。南至膠州百二十里。西南至青州府莒州三百四十里。

春秋時齊地。漢屬東萊郡。後漢屬北海國。晉屬濟南郡。劉宋屬北海郡。後魏因之。隋屬萊州。唐宋仍舊。

元改屬登州。明洪武九年。改屬萊州府。二十一年。始置平度州。編戶百三十六里。領縣二。

州西互濰河。北枕渤海。山川襟帶。屏蔽東陲。

膠水廢縣。

今州治本漢之平度縣地。後漢改置膠東縣。屬北海國。晉宋後魏皆曰膠東縣。後齊改置長廣縣。屬長廣郡。隋改屬萊州。仁壽初改曰膠水縣。唐宋元因之。洪武中置平度州。以縣省入州。城周九里有奇。

平度故城。

州西北六十里。漢縣治此。屬東萊郡。武帝封菑川懿王子行爲侯邑。後漢并入膠東縣。○盧鄉城。在州西北五十里。漢縣屬東萊郡。晉宋及後魏因之。北齊省入膠東縣。隋復置。屬萊州。唐貞觀初縣廢。

即墨故城。州東南六十里。齊即墨邑。志云：城臨墨水。故曰即墨。齊威王封即墨大夫，而烹阿大夫。湣王時，樂毅破齊七十餘城，惟莒、即墨未下。既而田單以即墨攻破燕軍。漢元年，項羽徙齊王田市爲膠東王，都即墨。田榮追擊市於此，殺之。四年，韓信破

齊，齊將田既走膠東。曹參擊殺之，卽即墨也。尋復爲即墨縣，屬齊國。文帝十六年，分齊地封悼惠王子白石侯熊渠爲膠東王，都即墨。景帝三年，反誅四年，封子徹爲膠東王。中二年，改封子寄。後漢國廢，建武中，封賈復爲侯邑，屬北海國。晉屬濟南郡。劉宋復屬北海郡。後魏屬長廣郡。後齊廢。志云：城北有樂毅城，毅攻卽墨時所築。漢初田肯曰：齊東有琅邪，卽墨之餘。蓋二縣近海，財用所近也。今俗稱故城爲朱毛城。○膠東廢縣亦在州東南。隋末置，唐初屬萊州。武德六年廢。

天柱山。州北五十里。絕頂巉巖，竝立如柱。又有石龍如屋，州人謂之劈石口。通志：山之東曰之萊山，東連大澤，御駕明堂諸山。○嶺呀山在州北三十里，以山形嶺呀而名。

大澤山。州北七十里。巖壑絕勝，有瑞雲峯，峯頂半巖，疊石爲城，謂之皇城頂，或以爲赤眉故營也。下有白虎谿，乳泉河出焉。西兩流入膠水山之北，卽高望山，接掖縣界。○明堂山在州東北四十里，產藥材，有藥石水出焉，流合石瀆河而注於膠水，其相接者曰金泉山，亦產藥材，又有兩髻山，在州東北十三里。山椒並列，如縮雙髻，現河出焉，經州東三里西南流入膠水。

三固山。州西七十里。一名三戶山。漢郊祀志：宣帝信方士言，桐太室山於卽墨，三戶山於下密，卽此山也。又州西十八里有文武山，兩山相峙，世傳秦始皇東巡，集文武於此，因名。下有秦王河。○大豁山在州西北十五里，伏琛齊記：盧鄉縣東南有大豁口，與小豁口相峙，中通驛路，卽此山也。蘇村河出焉，西南流入於膠水。

膠水。州西八十里。源出膠州鐵嶺山，流經高密縣北入州境，又北經昌邑縣，至縣東北入海。梁天監五年，將軍劉思効敗魏青州刺史元鑿於膠水，卽此。○墨水在州東，源出東北六十里之墨山，南流經卽墨縣入海。

大沽河

州東八十里。源出登州府黃縣南踰犬山。經招遠、萊陽。二縣界。至州東南故即墨城。與小沽河合。經膠州即墨縣界入海。通謂之泔水。南北經流三百餘里。

新河

在州東南源出高密縣。流經此分南北二流。南自膠州麻灣口入海。西北自掖縣海倉口入海。即元人所濬膠萊河舊道也。元史至元十七年。萊人姚演獻議開新河。由膠西縣東陳村海口西北達於膠河。出海倉口。由海道達直沽。以通漕。謂之膠萊新河。從之。勞廢不實。卒無成效。二十二年。罷其役。明正統六年。昌邑人王坦言。漕河每患淺淺。海運又虞艱險。請濬新河。故道不允。嘉靖十一年。按臣方遠宜等復議開新河。不果。隆慶初。萊人崔且復。梅晉新河之便。萬歷三年。又以南京工部尚書劉應節言。命侍郎徐斌開浚。議者極言非便。遂中止。其後屢議屢阻。迄無成績。圖說云。自淮河入河北岸隔一里爲朱家河。可開通。經新溝至安東縣。有澳河。濬水三。又俱臨淮。可通。東則有東澗河。朱家河。白家灣。七里河。流入淮。又東有鹽場河。平望河。界首河。白限河。牛洞河。車軸河。流入海。俱宜築塞。中有過鹽河。在淮海之交。可置閘以殺水勢。西則有沫陽水。濶而爲大湖。傅湖。又有楊家灣。西澗河。崔家溝。古開河。皆爲入澗河道。自支家河至澗河海口。計三百八十里。出海由海州贛榆至山東界。歷安東衛石臼所。夏河所。靈山衛。膠州瞭頭營。至麻灣海口。計二百八十里。隔馬家濠五里。可以開通。經把浪廟。新河口。店口社。陳村小關。戴高。劉家大關。王。朱。杜家村。至平度州。又經窩舖。停口。大成昌渠。小關。新河集。秦家莊。海倉口。至大海口。計三百七十五里。大海口至直沽。四百里。通計一千四百三十五里。應節奏言。膠州南自淮子口大港頭出海。自州治西抵匡家莊四十里。俱闢溝黃土。宜開。自劉家莊北歷臺頭所。張奴河。至亭口。隔三十里。俱黑泥下地。水深數尺。宜浚。自亭口。隔歷陶家崖。陳家口。孫店口。至玉皇廟六十里。河寬水淺。宜於舊河之旁。別開一渠。玉皇廟至楊家園二十里。水深數尺。宜浚。楊家園以北。則悉通海潮。無煩工作矣。以工力計之。創者什五。因者什三。略施工者什二。以地勢計之。宜挑深丈餘者什一。挑深數尺者什九。試言匡家莊地高難開。改於都泊船路溝。地形平衍。有河可引。宜建橋設櫃。如會通河故事。科臣王道成言。膠州在兩海口之中。土最高厚。萬一巨石隱伏。功將安施。雖一水性湍急。走石流沙。即有泉源。易於易濶。雖二海船不可入河。河船不可入海。雖三也。又實錄。慶慶五年。山東臣僚會勘膠河。上言。從龍家屯北至分水嶺。俱係閘

阜沙石。難以施工。由分水嶺又北至謝家口。稍有斷續。河流。畢濠。難恃。沙石亦多。由謝家口北至楊家圈。河流似有端緒。又北至新河。開面河勢比南面較寬。自新河關至海倉。又皆流沙。壅淤。難以行舟。新河關係往來通渠。過者見有河流。妄意可以開濬。不知濠南十里。便復不同。分水嶺本名王乾壩。兩頭俱有河形。中間積沙高亢。本非嶺也。新河既無泉源。引導必須旁水接濟。而分水嶺下僅有白河一道。平時涓涓細流。淫潦時挾流沙衝於大爲河患。其張奴河。膠河。九穴泊之水。雖接新河。而源流淺濶。濠涸無時。皆不足恃。若欲東引沽河。則地勢東下。沽河自東而南。直趨麻灣口。難以挽之。而北若西引濠河。濠河在高密西。離新河百二十里。中高嶺五層。又難引之使東也。若欲深鑿河身。使海水南北貫通。則分水嶺諸處。高過海面數丈。命工開鑿。未及數尺。下即糜沙。隨時奔潰。縱多捐財力。萬難開濬。既而徐棫亦稱。南北海口。俱有積沙橫絕。及分水嶺河高海下。勢不可通。須另開一路。及海口築陸。以約水障沙。又云。南自麻灣抵朱舖五十里。北自海口抵亭口百八十里。皆通潮。可乘潮以導河。撫臣李世達劾稱。南潮止及陳村關。距海口二十里。北潮止及楊家圈。距海口六十里。其朱舖亭口者。非烈風迅雨。海水漲溢。歲不一二。至潮不足恃也。役遂止。崇禎十二年。戶部郎中沈廷揚試行海運。復請開膠萊河。十六年。命戶工二部發銀十萬兩。開濬事未行。而京師不守。餘詳見膠州。

定渠

州南七十里。與州東北之藥石水及石瀆河合。流入膠水。一名定都渠。近志以爲鉅定。悞也。

亭口鎮

州西南七十里。卽膠萊河所經。有巡司戍守。又州西北七十里。有灰埠驛。

濰縣

州西百八十里。西南至青州府昌樂縣五十里。漢下密縣。屬膠東國。後漢初廢。安帝時復置。屬北海國。晉屬濟南郡。宋屬北海郡。後魏因之。尋爲北海郡治。後齊改郡曰高陽。隋開皇初郡廢。十六年於縣置濰州。大業初州廢。改下密縣曰北海。仍屬北海郡。唐初亦

置濰州治此。武德八年州廢。以北海縣屬青州。宋建隆三年。置北海軍。乾德二年。升爲濰州。金因之。元屬益都路。明朝洪武初以州治北海縣省入屬青州府。九年降州爲縣。屬萊州府。二十二年改今屬。編戶八十六里。

下密城

縣西三十里。志云：漢縣治。今平度州西五十里。一云：治今縣東南。水經注：濰水逕下密故城西。是也。後遷今縣治。隋開皇六年置濰水縣。屬青州。大業初改下密爲北海縣。而改濰水爲下密。唐初屬濰州。武德八年州廢。縣併入北海。俗以此爲西下

也。密

平壽城

縣西南三十里。漢縣。屬北海郡。後漢初張步爲耿弇所敗。自剽奔平壽。步平。仍屬北海郡。晉爲濟南郡治。劉宋仍屬北海郡。後魏爲北海郡治。高齊廢。又西南五十里有斟城。古斟尋國。亦禹後也。又大康居斟尋。羿亦居之。杜預曰：平壽有

斟亭。古斟尋也。后羿所滅。漢置斟縣。屬北海郡。後漢廢。又寒亭在縣東北三十里。杜預曰：平壽東有寒亭。即古寒國。蓋寒泥所封。唐初有寒水縣。屬濰州。武德六年廢。即故寒亭矣。今有寒泥水。北入海。通志：縣南三十里有營邱城。似快。今詳見青州府昌樂縣

塔山

縣東南六十里。東丹河發源於此。水經注：濰水出塔山。是也。唐天寶初。勅改爲濰原山。○几山在縣西南七十里。山形如几。西丹河出焉。又縣西南二十里有程符山。相傳公孫安貧時牧豕處。又有孤山。在縣西南四十里。巋然天際。翠巖若浮。

播鼓山

縣南百里。與昌樂縣接界。白狼河出焉。其相近有摩旗山。宋嘉定中。金益都賊楊安兒敗死。其妹四娘子爲餘黨所推。掠食至摩旗山。濰州賊帥李全以衆附之。卽此。

濰水

縣東南六十里。自青州府安邱縣北。流入縣境。又東北經昌邑縣。東北入於海。後魏主子攸建義初。邢杲帥河北流民反於青州之北海。遣將軍李叔仁擊之。敗於濰水。卽此。志云：今縣西北二十里地名韓信道。蓋以信破楚將龍且於濰水上而名。餘詳

見安邱縣

東丹河

縣東南五里。源出塔山。卽濰水也。亦曰東于河。西北流合青州府壽光縣界之丹河。後流入縣境。東北注於濰。又西丹河在縣西二十里。源出几山。亦曰西于河。西流合昌樂縣西之丹河。復會東丹河。東北入海。○白狼河在城東。源出播鼓山。流入

昌樂縣界。合白狼河別源。又北流入縣境。經東門外。東北流八十里入海。狼一作瀆。志云。縣南有小王莊平地泉湧如輪。卽白浪河之源也。今詳見昌樂縣。

固堤店。縣東北四十里有巡司。又縣東北三十里有古亭馬驛。

昌邑縣。

州西北三十里。西南至青州府壽光縣九十里。漢都昌縣地。屬北海郡。晉初屬齊國。尋廢。劉宋復置。仍屬北海郡。後魏因之。隋開皇中。屬濰州。大業初。仍屬北海郡。唐初亦屬濰州。武德六年廢。宋建隆三年置昌邑縣。屬北海軍。尋屬濰州。金元因之。明洪武九年。改屬萊州府。二十一年。改今屬。編戶九十四里。

都昌城。

在縣西。本齊邑。齊頃公賞逢丑父之功。食邑都昌。晏子春秋。景公封晏子以都昌。辭而不受。漢置都昌縣。高帝封功臣朱軫爲侯邑。建安初。北海相孔融被黃巾賊管亥圍於都昌。先主救却之。今城南五里有大管城。北五里有小管城。俗爲大管小。

營二村。相傳卽孔

融與黃巾相拒處。

管城。

縣西北三十里。春秋莊元年。齊師遷紀。郚。郚。杜預曰。都昌西有管城。郚亦謂管。本一城也。唐武德二年。置管營縣。屬濰州。六年廢。俗呼爲瓦城。半爲水漸。一云管城在縣西北十五里。又十五里爲郚城。

密鄉城。

在縣東南十五里。左傳隱二年。紀子伯莒子盟於密。卽此地也。漢置密鄉縣。屬北海郡。武帝封膠東頃王子林爲侯邑。後漢志。瀆于縣有密鄉。應劭曰。瀆于東北六十里有平城亭。又四十里有密鄉亭。故縣也。瀆于見前安邱縣。○平城故城在縣西。

南四十里。漢縣。屬北海郡。後漢省。水經注。濰。汶。二水會於瀆于城東北。又東北逕密鄉亭西。皆漢北海郡屬縣云。

東山

城東二里。俗名土埠。亦謂之東京埠。長數里。石磴崎嶇。峯樹奇秀。後漢建安初。袁譚據青州。攻北海相孔融於郡昌。融敗走東山。即此。又縣東南二十五里有青石埠。長數里。亦名青山。○霍侯山在縣南四十里。漢書。霍光封博陸侯。食邑於北海。此山本

名陸山。或以爲卽光所食邑。唐天寶六載。賜名霍侯山。

又南五十里有峽山。狀如伏虎。俯臨濰水。爲邑之勝。

海

在縣北五十里有魚兒浦。巡司爲濱海戍守處。

濰河

縣東二里。又東北注於海。志云。縣東五里有濰水堤。宋初築。以防濰水泛溢。又縣西南二十里有浮糠河。縣南二十里有張固河。流合浮糠河。並入於海。

膠河

縣東五十里。自平度州流入境。北注於海。其入海處。曰海倉口。與掖縣接界。羅氏曰。自海倉口至膠州麻灣。凡二百七十里。卽膠東新河之道也。

棠鄉

縣南八十里。本萊邑。左傳襄六年。齊人伐萊。萊共公浮柔奔棠。晏弱圍棠。遂滅之。又孟子。國人皆以夫子將復爲棠。後漢志。卽墨有棠鄉。今爲甘棠社。○夏店馬驛在縣東北二十里。又縣東四十里有新河橋。遞運所今革。

膠州

府南二百二十里。東至海三十里。南至海九十里。西至青州府莒州二百八十里。

春秋介國地。戰國屬齊。漢屬琅邪郡。後漢屬東萊郡。晉屬城陽郡。劉宋屬高密郡。後魏嘗置膠州。

魏收志永

安二年置。治東武縣。見青州府諸城縣。

隋屬密州。唐宋因之。元至元十二年。置膠州於此。隸益都路。明洪武初。以州治膠西縣。

省入屬青州府。九年改今屬。編戶九領縣一十三里。

州聯絡淮沂。屏蔽齊竟。控海道之咽喉。爲登萊之襟要。防險說。膠州卽墨。皆迫近海濫。而卽墨南望淮安。安東、東海衛所諸城。左右相錯。如噤喉關鑠。倭若犯淮。則漸必犯萊矣。故登萊三營之設。卽墨一營。

視登州。文登二營。尤爲切要。

海防攷。自登州之大嵩衛至府境。鰲山、靈山、衛及青州府境之安東衛。盡南面濱海之險。皆卽墨營控禦處也。其濱海要衝。則有雄崖、膠州、大山、浮山、夏河、石臼等所。乳山、行村、栲栳島、古鎮。

逢猛、南龍灣、信陽、夾倉諸巡司及海中之唐家灣、大任、陳家島、鷓兒、栲栳、天井灣、顏武、周疇、松林、全家灣、青島、徐家莊一帶。而海道之險。則自安東以北。若勞山、赤松、竹竿、旱門、劉公之罘、八角沙門、三山諸島。皆賊停泊之處。不可不講。至於白蓬頭、槐子口、橋雞鳴嶼、金嘴、石倉廟諸處。淺灘亂磯。則賊所必避。而亦吾所當審者。

膠西廢縣。

今州治。漢黔陬縣地。隋開皇十六年。置膠西縣。屬密州。唐武德六年。省縣入高密。以其地爲板橋鎮。宋元祐二年。復置膠西縣。兼領臨海軍使。仍屬密州。金仍曰膠西縣。宋史嘉定四年。時膠西當登州寧海之衝。百貨輻輳。李全使其兄福守之。

爲窟宅。多收互市之利。元置膠州。

治此。明初省。今城周四里有奇。

掖城。

州西南七十里。漢掖縣。屬琅邪郡。掖音費。後漢省。又介根城。在州西南五里。春秋時莒邑也。左傳襄二十四年。齊侯伐莒。取介根。應劭曰。周武王始封茲輿於此。卽呂之先也。春秋初徙於莒。漢置計斤縣。屬琅邪郡。顏師古曰。計斤卽介根。語音有輕重。後

漢縣廢。杜預曰：黔陬東北有計基城，卽古介根。今有兩塔對立，曰東西計斤，又有介亭。在州南七十里。志云：卽古之介國。春秋傳二十九年，介葛盧來，是也。杜預以爲介國在黔陬縣界。

祝茲城。亦在州西南。漢高封徐厲爲侯邑，又孝武封膠東康王子延年於此。水經注：膠水出五髻山，北逕祝茲城，又經郟縣故城。郟音扶，亦漢琅邪屬縣也。文帝封呂平爲侯邑，後漢縣廢。又通志云：州南七十里，有古長城。

鐵礮山。州西南百二十里。膠水發源於此，亦曰膠山。志云：五髻山在膠山之北，膠水出膠山，過密州五髻山，南水入焉。又北逕州南三十五里之艾山，艾水入焉，又艾山旁有天澤泉，卽艾水之源也。鐵礮山蓋與諸城五髻山相近。

大珠山。州南百二十里濱海，上有石室，珠亦作朱。通典：高密諸城縣有古長城，自齊西防門，東逾泰山，穆陵，至大朱山，海濱而絕，是也。又州南九十里有小珠山，錯水出焉，流入海。○靈山在城東南百二十里海中，志云：在靈山，衛南三十里，其山先日而曙。

先雨而雲，故謂之靈。又衛西北三里有小竹山，或謂之小竺，又衛東海中有唐島，相傳唐太宗征高麗，駐蹕於此，內有飲馬池。

石臼島。州南百里海中，宋紹興三十年，金亮入寇，分遣一軍由海道襲浙江，以兵圍海州，宋將李寶督海舟捍禦，至石臼島，敵舟已泊，唐島相距僅一山，寶因風便，過山薄寇，大敗金人，海道之師遂絕。○黃島在州東南六十里海中，舊有居民，後因倭寇，其地遂墟。又州東南九十里有薛家島，橫伏入海，每爲行旅患。又古鎮島，在州東南百十里海中。

有巡司戍守。志云：膠州濱海，石臼青泥、桃林、陳家李家、薛家、古鎮、黃島，唐島之屬，皆其著者。

海。州東三十里。志云：州南門外有唐家灣，宋元時，海舶往來皆由此。

膠水。在州西，出鐵礮山，東北流，接高密縣境，又北入平度州界。水經注：膠水出膠山，北逕黔陬故城西，是也。又有洋河，亦出鐵礮山，東流逕城南三十里入海。水經注：拒艾水一名洋洋，水宋泰始三年，輔國將軍劉懷珍擊青州刺史沈文秀於東陽，進至黔陬。

軍於泮水。遣別將王廣之。襲不其城。拔之。此泮泮水也。○
沽河在州東北三十里。自平度州流入境。又南流入海。

新河

州東北三十里。西北入高密縣界。志云。州東南百里有馬家濠。濠長三里餘。夾兩山中。南北俱接海口。元至元十九年。開膠萊新河。阻馬家濠。不就。明朝嘉靖十一年。按臣方遠宜議開新河。以馬家濠數里皆石岡爲患。臬使王獻焚以烈火。鑿而通之。十九年。獻言元人海運。自淮安循海而行。至鹽山之東。浮山。滂山之西。有薛島。陳島。石呀林。立橫伏海中。若橋號槐子口橋。最險難。越元人避之。故放洋於三沙黑水。歷城山正東。踰登州東北。又西北抵萊州海倉。然後出直沽以達天津。獻閱膠萊河圖。自薛島之西。有山曰小竺。兩峯夾峙。中有石岡。曰馬壕。馬壕之麓。南北皆接海涯。而北卽麻灣。又稍北卽新河。又西北卽海倉。直沽由麻灣抵海倉。三百三十里。由淮安踰馬壕抵直沽。千五百里。若徑出於此。可免遶海之患。元人嘗治此道。遇石而止。今因其故迹。鑿馬壕以趣麻灣。長十四里。廣六丈。有奇。深半之。而江淮之舟。可達新河。新河兩旁。皆有水泉。溢出。疏洩決滯。爲九閘。以節宣之。可以佐會通河之窮。從之。於是於舊濠迤西七丈。有餘。鑿渠通舟。以達新河。故道爲漕運之計。功未半而罷。萬歷初。復議開膠萊河。山東參政馮敏功。謂膠河一衣帶水。餘悉高嶺大阜。且地皆岡石。山水奔瀑。功難竟。卽竟矣。海水挾潮沙而入。必復淤。及開濬。果以岡石黑沙難施。春牐而止。河渠攻元人于欽言。至元中。姚演請開新河。鑿陸地數百里。以通漕。數年而罷。余過其地。詢之土人。云。此河爲海沙所壅。又水潦積淤。終不能通。蓋元志所稱。勞費無成。非誣也。自王獻建議之後。屢行勸閱。隆慶四年。嘗議濬治。至萬歷三年而罷。二十九年。御史高舉復議濬之。卒不果。迄崇禎之季。言者猶以爲請。竟不果行。

逢猛鎮

州南四十里。爲濱海戍守處。有巡司。又東南百二十里有古鎮巡司。

高密縣

州西北五十里。西南至青州府諸城縣百二十里。秦爲高密縣。屬齊郡。漢初屬齊國。文帝十六年。分齊地置膠西國。宣帝本始初。更爲高密國。皆治高密縣。後漢建武中。封鄧禹爲侯。邑改屬北海國。晉屬城陽郡。惠帝復置高密郡。劉宋仍屬高密郡。後魏

因之隋屬密州。大業末廢。唐復置。仍屬密州。宋因之。元屬膠州。今編戶八十八里。

高密城

縣西南四十里。縣本治此。漢三年。齊田橫烹驪生。走高密。明年韓信破齊軍。至臨菑。齊王廣亦走高密。文帝封齊悼惠王子印爲膠西王。都高密。是也。後漢仍爲高密縣。又謂之城陰城。鄭元碑。城陰。即高密也。隋末廢。唐武德三年。於今縣西北一里。故義城堡置高密縣。六年。移治於故夷安城。即今縣也。○夷安城。通典曰。今縣外城也。應劭曰。古萊夷維。晏平仲夷維人也。漢置夷安縣。屬高密國。後漢屬北海國。鄧禹少子封夷安侯。即此晉屬城陽郡。惠帝時復屬高密郡。劉宋後魏因之。後齊廢。唐爲高密縣治。

稻城

縣西南五十里。灘水堰側。漢縣。屬琅琊郡。武帝封齊孝王子定爲侯邑。後漢縣廢。志云。舊有塘堰。善灘水。溉田。因名。亦謂之鄆城。有康成故宅也。旁有稻田萬頃。斷水造魚梁。歲收億萬。號萬疋梁。今埋。城邑。攷縣西南五十里。灘水東。又有龍且城。城西卽

且冢。南曰梁臺。卽韓

信擊殺龍且之地也。

柅城

縣南三十里。舊志。柅城在膠州西南九十里。是也。漢縣。屬琅琊郡。柅音巨。後漢改屬北海國。後省。今縣西南三十里有柅城河。出縣南五十里。土子山。流入九穴泊。蓋因故城而名。水經注。黔陬西南有柅艾山。亦曰黔艾山。柅艾水出焉。流經柅縣。故城西。

東北入海。蘇林以爲。柅艾水卽膠州之洋河也。

黔陬城

縣西六十里。古介國。漢置黔陬縣。屬琅琊郡。後漢屬東萊郡。晉屬城陽郡。劉宋屬高密郡。泰始三年。青州刺史沈文秀據東陽。詔劉懷珍進向青州。懷珍至黔陬。陳文秀所置高密平昌二郡太守棄城走。後魏仍屬高密郡。後齊置平昌郡於此。隋開皇

初郡廢。大業初，縣省入膠西縣。有兩城夾膠水而立。縣道記：縣本秦所置，在高密郡東北。後移於膠水西，相去二十里，俗名故城爲東障。而此城爲西障。舊志：黔陳在諸城東北百十里，似悞。○膠西城在縣東南二十五里。志云：隋置縣於膠墨二水之間，卽此城云。

高陽城。縣西北三十四里。漢縣，屬琅琊郡。成帝封淮陽憲王子並爲侯邑。後漢廢。一名膠陽。亭又有朱晏城，在縣東南三十里。相傳晏子爲齊相時所食邑也。一名晏平仲城。

礪阜山。縣西北五十里。山產礪石。一名劉宗山，有鄭元墓。

膠水。縣東五十里。一統志：膠水北過高密縣注瀦澤，與張奴水合，自澤北入新河。經平度州界。又縣東北四十里有新河，亦曰新開膠河，與平度州膠州接界。

灘水。縣西南五十里。自諸城縣流入境，又北流，與安邱縣接界。經縣北四十里而入灘縣界。漢四年，韓信追齊王田廣於高密，楚將龍且與廣合兵拒信夾灘水而軍。信夜壅灘水上流，誘且半渡而擊之。卽此處。今縣西五里又有韓信溝，相傳亦信所壅。

密水。在縣西南，自諸城縣流入境。一名百尺溝，亦曰高密水。經故縣南十里，蓄爲塘，方二十餘里。古所謂高澤之南都也。東北會灘水，壤散流入夷安澤。志云：澤在縣北二十里。高密水與灘水散流注之，蓄堰以溉田，凡萬餘頃。○九穴泊在縣西北二十五里。

泊有九溝，因名。又縣東北二十五里有都泊，亦瀦水處。

卽墨縣。州東百二十里。本齊邑。漢置卽墨縣，北齊省，隋開皇十六年於不其故城東復置。今縣屬萊州。唐宋因之，元改屬膠州。今編戶八十五里。

不其城。縣西南二十七里。漢不其縣，屬琅琊郡。武帝太始四年，帝幸不其，後漢屬東萊郡。又光武封伏湛爲侯邑，其亦作期。晉咸寧二年，置長廣郡於此。宋景平初，青州刺史竺護守東陽，拒魏師，魏人退，護以東陽城壞，移治不其城。尋復爲長廣郡，治泰始

三年沈文秀據東陽以劉桃根署長廣太守戍不其城將軍劉領珍遣將王廣之襲拔之四年文秀爲魏人攻圍其弟文靜將兵自海道往救至不其城爲魏所斷因保城自固宋主遂分置東青州領高密平昌長廣東海東萊五郡以文靜爲刺史旋沒於魏亦置長廣郡後齊郡縣俱廢隋復置即墨縣以不其縣并入

壯武城

縣西六十里古夷國也左傳隱元年紀人伐夷杜預謂壯武縣是其地漢置縣屬膠東國文帝封宋昌爲壯武侯是也後漢屬北海國晉屬城陽郡又張華亦封壯武侯劉宋縣廢後魏亦封房法壽爲壯武侯蓋縣廢而名存也○臯虞城在縣東五十里漢縣屬琅琊郡武帝封膠東康

王子建爲侯邑後漢省今爲臯虞社

不其山

縣東南四十里漢末逢萌隱此又後漢鄭元亦教授於山下一名馴虎山以後漢童恢爲不其令有伏虎之異也又石城山在縣東南三十里狀如城垣淮涉水出焉○天井山在縣東十三里周二里有井深不可測天井之名以此又縣東四十

里有四舍山四峯峻起如舍宇惟一徑可以登陟

勞山

縣東南六十里二山相連東濱大海其高大者曰大勞差小者曰小勞周圍八十里高二十五里齊記泰山雖言高不如東海勞山勞山亦作勞或誤爲牢又誤爲勞盛山勞盛蓋二山盛卽成山也秦始皇登勞盛山望蓬萊蓋登此二山耳又史記始皇自琅邪北至榮成山榮成又勞成之所誤也蓋海岸之山莫大於成山勞山故往往並言之今山有清風嶺碧落巖王喬觀玉女盆明霞洞諸勝白沙河源於此○陰山在縣東南八十里俗傳秦始皇琅琊觀王喬駐於此上有小池雖旱不涸

錢穀山

縣東北五十里山陡險相傳昔嘗運錢穀於山上以避兵又東北十里有米粟山○女姑山在縣西南三十里有明堂相傳漢武所置

田橫島。

縣東北百里海中。去岸二十五里。中可居千餘家。相傳卽田橫與其徒五百人亡入海島處。孔氏曰。田橫所保。在海州東海。縣之高山。去岸八十里。非此山也。今江南海州東小高山是矣。北史。魏永熙中。楊愔爲高歡所信用。尋以疑懼避於田橫島。

卽此志云。縣東南濱海。列島環伺。其可居者。曰青。曰福。曰管。曰白馬。曰香花。曰田橫。曰顏武。而田橫島方三十餘里。尤平廣可耕。且由岸抵島。多礁石。不可直達。嘉靖中有奸氓盤據於此。漸爲寇盜官兵撲滅之。患始息。

栲栳島。

縣東北九十里有寨城。置巡司戍守。又東北雄崖所東有甸島。其相近者又有赤島志云。田橫諸島而外。爲塔沙竹槎及嶋島陰島香島皆諸島之有名者。

海。

縣西南四十里有金家灣海口及大任海口。又西南六十里有天井灣海口。南九十里有董家灣海口。東南七十里有松林浦海口。東六十里有陳家大川海口。九十里有鷄兒海口。東北七十里有周疇海口。蓋自西南而東北。四環皆海云。

墨水。

在縣南。自平度州流入境。又沽河在縣西北七十里。亦自平度州流入境。俱合淮涉水。南注於海。○淮涉水在縣西一里。源出石城山。西北流經此。復北流三里。又西南流入於海。唐志。縣東南有堰。貞觀十年。令仇源築以防淮涉水。又白沙河。在縣東四

十里。源出大勞山西。

流亦合淮涉水入海。

印墨營。

縣北十里。志云。舊置營於縣南七十里。金家嶺寨。宣德八年。移置於此。營城周四里。爲登萊三營之一。又張家寨。在縣西南五十里。樓山寨。在縣南四十里。子家莊寨。在縣東南九十里。蕭旺莊寨。在縣東南五十里。與金家嶺寨俱築戍守。

走馬嶺寨。

在縣東北九十里。又東北十里有羊山寨。志云。縣東北六十里。有大港寨。九十里有田村寨。與栲栳島等寨俱築城戍守。

附見

靈山衛

膠州東南九十里。洪武二十一年置。三十五年築。城周三里。依山環海。最為險固。志云。衛領左前後三千戶所。由安東衛魚溜一道至衛。轉向東北行海中。有島橫伏若橋。即薛島。陳島。伏入海洋者。最險惡。元人欲於島西鑿馬家濼以避之。居人識

此溜為海運舊道。沿溜而行。可保無患。由安東衛至靈山衛馬家濼灣泊。大約三百餘里。風便一日可至。

鰲山衛

在卽墨縣東四十里。洪武二十一年置。築城周五里。志云。衛領右前後三千戶所。

夏河寨備禦前千戶所

膠州西南九十里所城。周三里有奇。屬鰲山衛。

雄崖守禦千戶所

卽墨縣東北九十里。洪武中設。又浮山寨備禦前千戶所。在縣南八十里。俱屬鰲山衛。

登州府

東至海七十里。西南至萊州府二百四十里。北至海三里。由海道東北至遼東旅順口五百里。自府治至布政司九百里。至京師千七百里。

禹貢青州地。春秋時牟子國。戰國屬齊。秦屬齊郡。漢屬東萊郡。後漢因之。建安中置長廣郡。魏晉及劉

宋因之。後魏又析置東牟郡。北齊省東牟入長廣郡。隋郡廢。置牟州。大業初州廢。仍屬東萊郡。唐初屬

萊州。如意初分置登州。

治牟平縣。尋改今治。

天寶初曰東牟郡。乾元初復故。宋因之。

亦曰東牟郡。

金仍曰登州。元屬益都

路尋屬般陽路。明洪武初仍爲登州。屬萊州府。六年改爲直隸州。九年升爲登州府。領州一縣七。

府僻在東陲。三面距海。利擅魚鹽。且北指旅順。則扼遼左之噤喉。南出成山。則控江淮之門戶。形險未

可輕也。范氏曰。自古海道有事。登萊爲必出之途。而密邇遼左。尤爲往來津要。三國吳嘉禾初遣使通

公孫淵。還至成山。爲魏人所邀殺。宋元嘉九年朱修之自雲中奔和龍。泛海至東萊。初修之守滑塞。城陷爲魏所執。梁普

通初。高句麗遣使入貢。詔使者江法盛授高麗衣冠劍珮。魏光州兵就海中執之。送洛陽。隋開皇十七

年。伐高麗。別將周羅睺自東萊泛海趨平壤。時郡境皆屬東萊也。遭風。船多飄沒。師還。大業七年。下詔討高麗。勅元

宏嗣往東萊海口造船。八年。遣來護兒等分兵自海道趨平壤。九年。復遣護兒出海道伐高麗。唐貞觀

十八年。伐高麗。遣張亮自萊州泛海趨平壤。二十一年。復伐高麗。命牛進達等乘樓船自萊州泛海而

入。明年。復遣薛萬徹自萊州泛海擊高麗。顯慶五年。蘇定方自成山濟海伐百濟。開元二十年。勃海自

海道寇登州。宋建隆初。女真自海道趣登州貢馬。後馬政亦由此通。女真元行海運。道出登萊。明初遣

馬雲。葉旺等撫定遼東。亦由登萊渡海駐金州。繼亦由此以轉輸遼薊。而遼東隸於山東。亦以登萊海

道也。正德中。禁遏海道。而倭艘如入無人。後嘗議由此通運。不果。凡昔人所恃爲控扼之所。漫置之不

講。豈非謀國者之過歟。

詳見前大川大海。又海防考。府四面皆海。惟西南一隅接萊州境。國家綠海置防。登萊二府。指臂相倚。設登州營於北面。則青萊二衛及濱海之地俱屬焉。語所則有奇山。福山。王徐諸處。語若則有黃河口。

劉家窪。解宋。盧洋。馬停。龍河。馬埠諸處。語巡司則有楊家店。高山。孫介鎮。馬停鎮。東夏海口。柴葫海倉。魚兒鎮。高家港諸處。而海外則島嶼環抱。自府東北百餘里之煙囪山。洋西抵長山。蓬萊。沙門。鬻磯。三山。芙蓉。桑島。錯落盤踞。為登州北門之護。過此而北。即遼陽矣。此天設之險也。又營城以東。若抹直。石落灣子。劉家窪。平暢。盧洋諸處。營城以西。若西王莊。西山。樂家孫家。海洋山。後八角城。後之采首島。皆可通番。柏登涉。殿戶外以緩堂。關責有攸屬矣。

蓬萊縣。

附郭。漢黃縣地。武帝於此望海中蓬萊山。因築城以爲名。唐貞觀八年置蓬萊鎮。神龍三年升爲縣。登州治焉。今編戶六十六里。

蓬萊鎮城。

在府治北一里。即漢武所築。唐置鎮於此。志云。今郡城周九里。陸門凡四。水門凡三。城北有水城相連。亦曰備倭城。引海水入城中。泊船。即登州營城矣。

牟平城。

府東南九十里。漢縣。屬東萊郡。武帝封齊孝王子濞爲侯。邑後漢初。光武封耿況於此。晉省。尋復置。劉宋仍屬東萊郡。後魏屬東牟郡。北齊移縣治於黃縣東北七十五里。馬嶺之南。屬長廣郡。隋復徙治於廢東牟縣。即今寧海州也。

丹崖山。

府北三里。東西二面。石壁巖巖。上有蓬萊閣。又有三洞。奇秀爲一郡之勝。山下爲珠璣巖。石壁千尺。巖下水中有小石。如珠璣。或如彈丸。俗呼彈子渦。或謂之珍珠門。○田橫山在府西北三里。郡志城北有古田橫岩。與蓬萊閣對峙。西北二面皆巨

海。石壁高峻。相傳韓信破齊。田橫東走。結寨於此。遺址尙存。又有荆山在田橫丹巖二山之間。產荆山色長菜。一名紫荆山。

密神山。

府南十里。貴溪出其東麓。一名密水山。又南五里有馬鞍山。山東麓兩畔皆深澗。中起石岡。南北通行。謂之天生橋。或謂之馬嶺。○羽山在府東南三十里。書舜殛鯀於羽山。孔安國以爲山在齊東海中。也有縣城。三國魏將田豫築城以禦吳將

周賀因山以名。又九日山在府東南七十
里。晏讓齊記曰：山有九竅，與黃縣連界。

石門山

府西十里。山口鑿石爲驛路所經。又府西南二十里有影口山。山嶺有營壘故址。又龍山在府西南四十里。上有
龍洞及龍岡。舊嘗置鐵場於此。○朱高山在府東八十里。山臨海。產滑石。洪武二十七年移沙門島巡司於此。

沙門島

府西北六十里海中。海舟行者必泊此避風。五代時置沙門寨。宋建隆三年。索內外軍不律者。醜沙門島。乾德元年。女真國
遣使獻名馬。命鑄登州沙門島民稅。令專治船渡。馬元人海運亦置戍軍於此。明朝永樂七年。山東都指揮使司奏沙門島

守備僅七百餘人。難以防禦。詔以七百人益之。後移戍內地。島無居人。今遂爲墟。志云：沙門島相連屬者有蟹磯、牽牛、大竹、小竹、四
島。皆紫翠巖巖。出沒波濤中。永樂初。陳瑄督運自遼東還。遇倭於沙門島。擊却之。又西北七十里爲蠶磯島。與蟹磯相對者爲欽島。
相距三十里。又高山島在沙門島北百餘里。○黃城島志云：在蠶磯東北。或曰黃城。蠶磯本一島也。爲入勃海要口。又有廟島。在蠶
磯西南。毛氏又曰：廟島。砣磯。黃城三島。實爲登萊門戶。黃城之東北曰御林山。砣磯之南有弁島。皆與沙門相連絡。砣即蠶之譌也。

烏湖島

府東北二百五十里海中。與大謝戍俱爲泛東海之要路。唐貞觀十八年。征高麗。置烏湖鎮。亦曰烏湖戍。二十二年。鎮將古
神感浮海。擊高麗。破之於曷山。曷山在高麗界。或作曷山。新唐志：自登州東北海行至大謝島。龜歇島。淤島。而後至烏湖島。

三百里。北渡烏湖海。至馬石山東之都里鎮。二百里。東傍海。曬過青泥浦。桃花浦。杏花浦。石人江。鑿駝灣。烏骨江。八百里。乃南傍海
曬過烏牧島。貝江口。椒島。得新羅西北之長口鎮。又過秦王石橋。麻田島。古寺島。得物島。千里。至鴨綠江。唐恩浦口。乃東南陸行七
百里。至新羅王城。自鴨綠江口舟行百餘里。乃小舫。泝流東北三十里。至泊灼口。得渤海之境。又泝流五百里。至九都縣城。故高麗
王都。又東北泝流二百里。至神州。又陸行四百里。至顯州。天寶中。高麗王所都。又正北如東六百里。至渤海王城。五代唐天成初。契
丹東丹王突欲居扶餘城。蓋在唐高麗扶餘川中。長與初。突欲以不得嗣立。越海自登州來奔。蓋道出烏湖。大謝間。○大謝島在府
東北三十里海中。唐貞觀中。擊高麗。置大謝戍於此。又長山島在府北三十里海中。東西長四十餘里。又有宜島。虎島。牛洋島。皆與

長山島
相近。

莫邪島。府東北二百里海中。昔人捕魚於此。得寶劍。因名。又東北二百里。有漢島。亦海運所經故道也。

海。府北五里。又東西兩面皆濱海。各去城三里許。志云。府東北五里有抹直海口。舊爲登涉之所。今不通舟楫。惟丹崖山之東爲新開海口。戍守最切。山下又有石落海口。府西七里爲西王莊海口。又西二十餘里爲繼家海口。又十里曰孫家海口。又田橫寨。西曰西山海口。又灣子海口。在府東二十五里。又東二十里曰劉家汪海口。又二十里曰平陽海口。又十餘里曰盧洋海口。舊皆爲戍守處。

密水。出府南密神山。北流入城東小水門。與黑水會。黑水出府西南十里黑石山。東北流。入府城南上水門。合於密水。出城西下水門。北流入海。○之朶水在府南十五里。源出羽山。有石門水流合焉。石門水出石門山。流合之朶水。北注於海。志云。府城東北

有鹹泉池。居民取以爲鹽。

登州營。在丹崖山北。卽新開海口也。宋慶曆三年。郡守郭志高奏置刀魚巡簡水兵三百戍沙門島。備禦契丹。仲夏屠鹽。以備不虞。秋冬還南岸。相傳此卽刀魚船所泊。洪武九年。知州周斌奏置海船運遼東軍需。指揮使謝規以河口淺窄。奏請挑深。緣以磚城。北砌水門。以抵海濤。南設關禁。以讎往來。謂之登州營。又立帥府於此。設備倭都司。駐守其城。周三里。海道攷。由新開海口。西北至沙門島六十里。又正北行一百二十里。至砣磯島。又北至欽木。二島六十里。又北至南半洋六十里。又北至北半洋二十里。又北經雙島。洋頭窪。黃洋川。平島和尙島。共二百餘里。至遼東。鐵山。旅順口。通計五百五十里。諸島相望。俱可灣船避風。明初送遼東軍布花。俱由此道。正德中。劉瑾亂政。遂廢水道。用陸運云。

楊家店。府東南六十里。府東八十里。又有高山巡司。志云。舊有蓬萊馬驛及城北河口遞運所。今革。

黃縣。府西南六十里。西南至萊州府百八十里。漢縣。屬東萊郡。後漢爲郡治。晉仍屬東萊郡。劉宋因之。後魏屬東牟郡。尋爲郡治。後齊郡廢。縣屬長廣郡。隋屬萊州。開皇十六年。改屬牟州。大業初。還屬東萊郡。唐初亦屬牟州。貞觀初。屬萊州。尋屬登州。今編戶五十里。

故黃縣

縣東二十五里。一名東黃城。即古萊子國都也。左傳宣七年。公會齊侯伐萊。又襄二年。齊侯伐萊。六年。齊晏弱圍萊。埋之。環城。傅於堞。遂入萊。杜預曰。今東萊黃縣是也。亦謂之郛。襄十四年。齊人以郛寄衛侯。又哀五年。齊景公置羣公子於萊。皆謂

此。秦置黃縣。史記。秦伐匈奴。使天下飛芻輓粟。起於黃腫。黃即黃縣矣。漢縣亦治此。晉以後因之。唐神龍三年。改置縣於蓬萊鎮。曰蓬萊縣。移登州治焉。先天元年。復析蓬萊縣地置黃縣於今治。志云。今縣東南二十里有萊子故城。地名龍門。其間山峽峻崖。鑿石通道。極爲險隘。

俗名萊子關。

轍城

縣南百二十里。漢轍縣。屬東萊郡。轍音堅。後漢及魏晉因之。晉惠帝永興三年。東萊轍令劉伯根反。自稱轍公。遣寇臨淄。敗齊州兵。幽州都督王浚遣兵討斬之。劉宋仍屬東萊郡。後魏改屬東牟郡。高齊廢入黃縣。○徐鄉城在縣西南。漢東萊郡屬縣。武

帝封膠東共王子煇爲侯邑。後

漢仍屬東萊郡。魏因之。晉省。

大入城

縣東北二十里。志云。魏司馬懿伐東夷。將運糧入新羅。築此城貯之。以大入爲名。又縣東有中郎城。郡國志。石勒遣中郎將石開築此以防海。或曰。後齊嘗置長廣郡。唐初亦置牟州於此。又縣西北十里有上鄉城。漢書。齊有土鄉城。志以爲卽此城也。

萊山

縣東南二十里。史記封禪書：齊八祀六月主祀之萊山。申公云：天下名山八，三在島夷，五在中國。華山、首山、太室、泰山、東萊，皆黃帝所常遊也。又元封初，東巡海上，公孫卿持節先行，候名山。至東萊，漢書郊祀志：神爵元年，從方士言，祀萊山於黃，是也。

一名萊陰山。

亦曰龍門山。

蹲犬山

縣西南三十里。形如蹲狗。隋大業十一年，齊郡賊左孝友衆十萬屯蹲狗山。郡丞張須陁列營逼之，孝友窘迫出降。卽此山也。大沽河源於此。又縣東南四十里有土山環繞如城。

海

在縣北中有嶼屹島。柔島皆屹峙海中。

大沽河

縣西南四十里出蹲犬山，東南入福山縣界，復折而西南入招遠、萊陽二縣界，下流至膠州卽墨縣入海。○黃水在縣東北五里，源出縣東南二十里之黃山，流經故黃城，折而西北流，又擇水在縣東北三里，源出縣東南二十里之擇山，流合黃水。

至馬停鎮

入於海。

馬停鎮

縣西四十里有巡司戍守，又縣西六十里有黃山館驛，舊兼置遞運所於此，今驛存而所革，又舊有龍山馬驛及城西遞運所，今俱廢。

福山縣

府東南百四十里，東北至寧海州百里，漢膠縣地。唐宋以來皆爲蓬萊縣地。金天會中僞齊劉豫析登州之兩水鎮置福山縣，仍屬登州，今編戶二十九里。

牟城

縣西北三十里，志以爲春秋時牟子所築，似悞。今故牟國見萊蕪縣。

之采山。

縣東北三十五里。連文登縣界。周圍五十里。三面距海。史記：秦始皇二十八年。登之采立石。二十九年。登之采刻石。三十七年。至之采射巨魚。封禪書八神。五曰陽主。祀之采。漢書武帝太始三年。登之采。浮大海而還。其東南海中有壘石。俗傳武帝

嘗立橋

於此。

福山。

縣北五里。縣以此名。又贍隴山。在縣西南三十里。山勢嵯峨。接樓霞縣界。

海。

縣東北三十里。有海洋山後海口。又縣北十五里有城後海口。登寧場置於此。居民皆以煮鹽爲業。縣北四十里。又有之采海口。西北四十里。又有八角海口。宋史淳化四年。遣陳靖等使高麗。自東牟趨八角海口是也。又有海洋宮家潘家胡家韓家諸島。俱在縣

中。北海。

清洋河。

在縣東十里。源出棲霞縣翠屏山。流入界。北注於海。又義井河。在縣西南三十里。源亦出翠屏山。流經縣城東。合於清洋河。○大沽河在縣東一里。自黃縣流入界。

孫亦鎮。

在縣北四十里。有巡司戍守。○黃河寨在縣西北。志云。縣境自黃河寨而下。又有劉家汪寨。解宋寨。俱設百戶所。築城守禦。自登州衛中右千戶所分設。又有盧洋寨。亦置百戶所。築城守禦。自福山中前千戶所分設。志云。劉家汪。盧洋等寨。俱與蓬

萊縣東海

口相近。

棲霞縣。

府東南百五十里。西北至黃縣百二十里。漢膠縣地。唐爲蓬萊縣之楊疇鎮。宋因之。金天會中。劉豫析置棲霞縣。今編戶四十二里。

翠屏山 在縣治南蒼翠羅列如畫屏然大河及義井河俱源於此又

靈山在縣東五里峯巒峻拔亦曰靈峯山白洋河出其下

峒嶠山

縣東北二十里宋慶歷六年山東地震峒嶠山摧嘉定六年金益都賊楊安兒作亂據登州金將僕散安貞敗之安兒乘舟入海欲走峒嶠山舟人曲成擊殺之即此山產金亦名金山地記昌陽縣東百四十里有黃銀坑即此山也隋書辛公義爲

牟州刺史山出黃銀獲之以獻宋史志天聖中登萊採金歲益數千兩景祐中登萊饑詔弛金禁聽民採取俟歲豐復故元史至元五年令登州棲霞縣每戶輸金歲四錢食貨志棲霞萊陽招遠三縣俱產金是也又有峒嶠水北流入海

百澗山

縣東北七十里山形逶迤澗水交錯殆以百數舊產鐵又北曲山在縣西北三十里舊亦產鐵其相近者曰艾山嶺嶠秀出形如艾葉因名山前有溫泉流入大河○基山在縣東三十里迤東又有寨山上有兵寨遺址又方山在縣南二十里山頂

方平亦曰大方山

迤西又有小方山

大河

在縣治南出翠屏山下遶城北流折而東入福山縣界即清洋河上源也又義井河出翠屏山西麓亦北流而東折入福山縣界○白洋河在縣東南二里源出靈山遶翠屏山而西流會豁谷諸水亦北抵福山縣入海

原隴河

源出縣西北五十里之靈山北流入招遠縣界又盛水在縣南源出方山北流入大河

招遠縣

府西南百五十里西至萊州府百七十里本掖縣地唐爲掖縣之羅峯鎮宋因之金天會中劉豫置招遠縣屬萊州明洪武九年改今屬編戶四十八里

廢東曲城縣

縣西北五十里漢置曲城縣後魏臯輿中分置東曲城縣治此仍屬東萊郡後齊并入掖縣今亦名光州城志云縣東北二十里有潘家城相傳宋潘美嘗於此築城防寇

張畫山

縣北十五里。山高林茂。如張畫然。又羅山在縣東二十五里。唐置羅峯鎮。蓋以山名。○雲屯山在縣東北二十五里。接樓霞縣諸山。綿亙百餘里。又齊山在縣西三十五里。宋元時嘗置買金場於此。

原隴河

在縣城東。自樓霞縣流入。西北合平南。東良。二河入海。志云。東良河源出萊陽縣西北八十里之芝山。流入界。又平南河出萊陽縣西北七十里。至下山。北流七十里。合東良河。與原隴河並流入海。○五澗河在縣西北三十里。又縣西北五十里有

萬盛河。俱由石

灰灣流入海。

東良海口鎮

在縣西北五十里。即東良河入海處。也有巡司戍守。

萊陽縣

府南二百五十里。西北至平度州百二十里。漢昌陽縣地。屬東萊郡。後漢因之。晉初廢。元康八年復置。屬長廣郡。劉宋及後魏因之。高齊郡廢。縣屬東萊郡。隋屬萊州。唐因之。五代唐諱昌。改曰萊陽縣。仍屬萊州。明洪武九年改今屬。編戶百四十一里。

昌陽故城

縣東七十里。漢置縣於此。成帝封泗水戾王子霸為侯邑。晉廢。尋復置。在今縣東南二十三里。隋大業中。修築城垣。仍屬東萊郡。唐永徽中。城為水所圯。因移縣於今治。○觀陽城在縣東南三十里。漢縣屬膠東國。後漢屬北海國。建武中。封賈

復為食邑。晉省。後魏興和中。復置。屬東牟郡。後周縣廢。隋開皇十六年復置。并置牟州治焉。大業初州廢。縣屬東萊郡。唐武德四年。縣屬登州。六年。復屬牟州。貞觀中。牟州及觀陽縣俱廢。實字記。觀陽在縣南十里。以在觀水之陽而名。

挺城

縣南七里。漢置挺縣。屬膠東國。後漢屬北海國。晉屬長廣郡。劉宋及後魏因之。後齊縣廢。○長廣城在縣東五十里。漢縣。屬琅邪郡。後漢屬東萊郡。晉屬長廣郡。惠帝末。敕令劉伯根作亂。東萊王彌從之。伯根敗。彌亡。入長廣山中。為羣盜。劉宋及後魏仍

曰長廣縣。屬長廣郡。北齊縣省。又有古城。在縣西南四十里。相傳齊侯滅萊時築。遺址尚存。

五龍山

縣南二十里。山下有五水相合，流百里而入海。因名。○倉山在縣東五十里，舊產鐵。又縣東七十里有福阜山，宋元時嘗置金場，又東十里曰林寺山，元亦置金場於此。

七子山

縣東南九十里。大峯居中，七峯環列若子，因名。又旌旗山在縣北三十里，形勢羅列狀若旌旗。

大沽河

縣西九十里。自招遠縣流入境，又西南入平度州界。○縣河在縣東三里，源出樓霞縣之方山，南流入海。又縣東十五里有陶張河，源出樓霞縣南十五里之唐山，西南流入海。又昌水在縣東南四十里，源出文登縣西南四十里之昌山，西南流逕

縣東入於海，一名昌

陽水，亦曰水口河。

纓養澤

縣東五十里。周禮職方，幽州澤藪曰纓養，蓋其地周屬幽州也。錄異記：縣東北有蘆塘，方八九頃，深不可測，今涸。

竹邨寨

縣東南百二十里。有巡司戍守。○高麗戍在縣西南九十里，相傳司馬懿討遼東於此，置戍，土人譌爲高麗山。

附見

登州衛

治府城內。洪武九年置，領左右中前後中左中右七千戶所。

奇山守禦千戶所

在福山縣東北三十里。洪武三十一年置所，城周二里，又有福山備禦中前千戶所，在縣治西。洪武十年置，屬登州衛。

大嵩衛。在萊陽縣東南百三十里。洪武三十一年置。領中前後三千戶。所城周八里。志云。衛南海中有巨高島。西南邊海有草島嶼。俱戍守處。

大山備禦前千戶所。在大嵩衛西。成化中增置。所城周四里。屬大嵩衛。

寧海州。府東二百二十里。北至海五十里。

春秋戰國時齊地。通志春秋李國地。本在壽光縣界。齊逼遷牟子於此。似未可據。漢屬東萊郡。後漢魏晉及劉宋因之。後魏屬東牟郡。北齊屬

長廣郡。隋屬牟州。大業初。屬東萊郡。唐武德四年。置牟州於此。貞觀初州廢。仍屬萊州。尋屬登州。舊唐書如

意元年置登州。治牟平。神龍三年。移登州治蓬萊。以牟平縣屬焉。宋因之。金天會中。劉豫置寧海軍。大定二十二年。升為州。元因之。明洪武初。

以州治牟平縣省入。屬萊州府。九年。改屬登州府。編戶八十里。領縣一。

州北控遼海。南拱江淮。憑島嶼之險。擅鹽鐵之利。漢書東牟有鹽官。鹽官。風帆絡繹。以成山為表識。州亦東道之雄

矣。志云。寧海居府境之東。文登一縣。又在州之東。設文登營於縣東北。所以當東面之險也。海防攷曰。文登營所屬之衛。曰寧海。威海。成山靖海。凡四所。則寧峯海陽金山百尺崖尋山凡五。又有清泉赤山等寨。辛汪溫泉鎮諸巡司。而成山以東。若阜門灘九峯赤山。

白蓬頭諸島沙磧連絡登犯不易然明初倭寇成山掠白峯砦羅山砦延及大嵩羣島嘴諸處海側居民重罹其害夫建營之意所以北援登州南衛即墨爲犄角之勢也有備無患可准灌歟

牟平廢縣 今州治漢置東牟縣屬東萊郡呂后封齊悼惠王子與居爲侯邑後漢仍屬東萊郡晉廢隋移牟平縣治此屬牟州大業初州廢縣屬東萊郡唐初爲牟州治貞觀初州廢縣亦併入文登縣麟德初復析置牟平縣如意初置登州於此尋改爲

屬縣宋因之金爲寧海軍治後爲州治明初省

清陽廢縣 州東三十里唐武德六年置清陽及膠定二縣屬登州時州治文登也貞觀初州及二縣俱廢齊乘唐置清陽縣其城對

之采山臨清陽水清陽卽漢志所云擊泮水去之采者也城塚記州東十里有齊康公城史記田齊世家田和遷康公於海上食一城以奉其先祀卽此城矣○青瑩城在州西北八十里漢縣屬東萊郡後漢省寰宇記云城在牟平東南百二十里

牟山 州北七里山之陽地勢平廣故縣有牟平之名又州東四十里有繫馬山俗傳始皇東遊繫馬於此○大嵐崙山在州東南四十里其相連者爲小嵐崙山秀拔爲羣山之冠上有太白頂中有烟霞洞一名姑餘山又譌爲嵐崙山

海 州東北五十里有莒島海口北通遼海南連江淮海艘往來必經之道也又海中有崆峒島其相近者又有栲栳島浮山島相連島東清島西清島及竹島莒島鹿島黃島之屬皆環列州北特爲捍蔽

金水河 州東五里一名沁水源自州南八十五里之黃堆會諸山溪澗水北流經此又東北注於海又五丈河在州西北十里源出州西南六十里之嵒山合澗谷諸水亦東北流入海

乳山寨 州西南百四十里宋志牟平有乳山閣家口二砦其地蓋相近今有乳山寨巡司又東北有清泉砦寨城周二里置百戶所於此自寧海後千戶所分設

文登縣

州東南百二十里。漢不夜縣地。屬東萊郡。後漢省入牟平縣。北齊天保七年。析置文登縣。取山爲名。屬長廣郡。隋屬萊州。唐武德四年。置登州。治焉。貞觀初。州廢。如意初。復置登州。以縣屬焉。宋因之。金改屬寧海州。今編戶六十九里。

不夜城

縣東北八十里。相傳古萊子所築也。漢置縣於此。王莽曰。夙夜。其夙夜連率韓博。獻奇士巨無霸者也。後省。又東牟城。寰宇記去。在縣西北十里。漢縣蓋治此。似悞。

臞城

縣西七十里。或曰秦所置縣也。史記。秦始皇二十八年。行郡縣。乃並渤海以東。過黃臞。穿成山。臞卽臞縣矣。漢亦曰臞縣。屬東萊郡。呂后封呂通爲侯。邑宣帝神爵初。從方士言。祠之。於是臞祠成山於不夜。是也。後漢縣省。臞讀若臞。

成山

縣東北百五十里。海濱。斗入海中。史記。秦始皇二十八年。並渤海。窮成山。三十七年。又自琅邪北至榮成山。榮山。勞山之譌也。又封禪書。八神。七曰日主祠。成山。成山斗入海。最居齊東北。以迎日出。云。漢書。武帝太始三年。禮日成山。或又誤爲盛山也。魏

志。太和六年。孫權使周賀等使遼東。時魏遣田豫督青州軍。自海道伐公孫淵。不能克。豫知賀等垂還。歲晚風急。必長漂浪。東道無岸。當赴成山。成山無藏船之處。遂輒以兵屯據成山。賀等還至成山。遇風。豫擊斬之。唐史。顯慶五年。蘇定方討百濟。自成山濟海。齊乘曰。成山斗入海。旁多椒島。海艘經此。失風多覆。海道極險處也。山之東有召石山。三齊記略。秦始皇造石橋。欲渡海。觀日出處。有神人召石於山下。因名。

文登山

縣東二里。相傳秦始皇東巡。召集文士登此山。論功頌德。因名。○五壘山在縣南五十里。南北成行。入海。宛如營壘。又縣東南六十里有斥山。取海濱廣斥之義。爾雅。東北之美。有斥山之文皮。是也。

鐵槎山

縣南百二十里。山有九頂。南瞰大海。下有水簾洞。爲海潮出入處。山之東。又有雲光洞。○鐵官山在縣西北四十里。漢嘗於此置官鑄冶。遺迹尙存。

海

縣南六十里。又縣東百八十里。縣北八十里。皆濱海。志云。縣北九十里。海中有劉公島。多林木。四五月間。舟人入島採取。舊有辛壬二里居民。明初徙入內地。又有海牛島。亦在縣北海中。產海牛皮。堪寫鞣脂。可燃燈。其相近者爲海驢島。產海驢。其皮可以製雨。又

崖海狸海豬之類。體皆魚也。又有雞鳴島。西南去不夜城五十里。相近者又有鎮寧。五里。元真。蘇心。雙島。柘島之屬。皆環列縣境。又白蓬頭港。在縣南二百二十里。相近者又有旱門。灘。雙峯諸島。

送駕河

縣西北五里。出縣東北四十里。蓋山之麓。西南流經此。又南入海。縣東諸河多流合焉。又古橋河。在縣西南六十里。南入海。又柘埠河。在縣東北六十里。志云。源出導谷中。東北入於海。

辛汪寨

縣北七十里有巡司。又溫泉鎮。在縣東北九十里。亦設巡司於此。又城西有赤山寨。亦置巡司。舊皆築城戍守。萬歷中。革赤山巡司。志云。縣東南八十里。舊有竹島寨。又縣南八十里。有五疊島城。又南二十里。爲元真島城。縣西南八十里。又有遠島

寨城。舊皆

爲戍守處。

秦皇宮

縣東百八十里。志云。始皇東遊時築。又縣東北百二十里。有望海臺。亦始皇築。以望海云。

附見

寧海衛

在州治西。本萊州衛左千戶所。洪武二年。調爲備禦所。十年。升爲衛。領左中前後四千戶所。

金山備禦左千戶所

州東北四十里。所城周二里。成化中置。屬寧海衛。

威海衛

文登縣北九十里。洪武三十一年置。領左右二千戶所。衛城周六里有奇。

百尺崖備禦後千戶所。文登縣東南百四十里。成化中置。所城周二里。屬威海衛。

成山衛。文登縣東百二十里。洪武三十一年置。領左前二千戶所。衛城周六里有奇。

尋山備禦後千戶所。文登縣東南百二十里。成化中置。所城周三里有奇。屬成山衛。

靖海衛。文登縣南百二十里。洪武三十一年置。領左中後三千戶所。城周六里有奇。

寧津守禦千戶所。文登縣東南百二十五里。成化中置。所城周三里。又海陽守禦千戶所。在文登縣南百四十里。亦成化中置。所城周三里。俱屬成山衛。



讀史方輿紀要

卷三十七

山東八

遼東都指揮使司。

東至鴨綠江五百六十里。南至旅順海口七百三十里。西至山海關一千一十五里。西北至大寧廢衛八百六十里。東北至建州衛七百九十里。自都司至布政司二千三百三十里。至京師一千七百里。

古冀青二州地。舜分冀東北為幽州。即今廣寧。以西地。青東北為營州。即今廣寧。以東地。春秋戰國並屬燕。秦置遼東、遼西二郡。漢初因之。武帝拓朝鮮。并割遼東屬邑置樂浪、元菟、真番、臨屯四郡。昭帝省臨屯、真番郡。後漢因之。後為公孫度所據。度自稱平州牧。傳四世。魏景初二年。司馬懿擊滅之。三國魏置東夷校尉。治襄平。而分遼東。

昌黎。晉志。昌黎郡。魏置。樂浪、元菟、帶方。帶方郡。公孫度置。

五郡置平州。晉改遼東郡為國。仍隸平州。通典。魏因公孫度之舊。分遼東五郡置平州。後還合幽州。

又東夷校尉居襄平。後改為護東夷校尉。晉咸寧二年。仍置平州。以慕容廆為刺史。治昌黎。屬永嘉之亂。遂有其地。

大興三年。為慕容廆所據。太和五年。屬於苻秦。後又屬於

後燕。晉太元十年。高句麗寇遼東。後燕將王佐救之。為高句麗所敗。遼東元菟遂陷於高麗。是年慕容農復取之。

後魏得之。仍為遼東、昌黎等郡。尋又為高句麗所據。唐

征高麗。初置遼蓋二州。後又置都督府九。又置安東都護以統之。

通典。總章元年。李勣平高麗。得城百七十六。分其地爲都督府九州四十二縣。一百置安東都

護於平壤城以統之。用其酋渠爲都督。刺史。縣令。上元二年。徙都護於遼東故城。儀鳳二年。又徙新城。聖歷元年。更名安東都督府。神龍元年。復曰都護。開元二年。徙於平州。天寶二年。又徙於遼西故郡城。領羈縻州十四。至德後廢。 尋爲渤海大

氏所據。五代時。地入契丹。阿保機葺遼陽故城建東平郡。尋升爲南京。

遼志云。城名天福。

又改爲東京遼陽府。

金因之。元初置東京總管府。至元二十四年。立遼陽等處行中書省。明年。改東京爲遼陽路。明洪武四年。置定遼都衛。八年。改爲遼東都指揮使司。十年。革所屬州縣置衛。永樂七年。復置安東。自在二州。今領衛二十五州二。

司控馭戎貉。限隔海島。漢劉歆議。孝武東伐朝鮮。起元菟。樂浪。以斷匈奴之左臂者也。後漢之季。東陲日漸多事。及晉失其綱。慕容氏并有遼東。遂蠶食幽薊。爲中原禍。蓋其地憑恃險遠。鹽鐵之饒。原隰之廣。足以自封。而招徠旁郡。驅率奚羯。乘間抵隙。不能無倒植之勢矣。自晉大興以後。遼東不入職方者。幾數百年。慕容燕拓跋魏。高麗相繼有之。 隋常圖之。而不能有。唐雖得之。而不能守也。五代梁貞明五年。契丹據有其地。

漸營京邑。以侵擾中華。金人亦敢驅於此。用以滅遼弱宋。蒙古先取遼東西。而金人根本撥矣。後亦置

省會於此。以彈壓東垂。明朝都燕。遼東實爲肘腋重地。建置雄鎮。藩屏攸賴。司之西北。則朶顏福餘。泰寧三衛。東北則高麗耽羅。遼北等地。而廣寧開元。居其嚆。吮金。復海。蓋並稱沃饒。爲之根本。邊牆西自山海。東抵開元。延袤二千餘里。東西闊絕。議者以應援爲虞。成化二十年。邊將鄧鉅言。永樂時築邊牆於遼河內。自廣寧東抵開元。七百餘里。若就遼河迤西。徑抵廣寧。不過四百里。以七百里邊暫堡寨。移守四百里。若遇入寇。應接甚易。宏治六年。按臣李善亦言。邊牆阻遼河爲固。濱河之地。延壘八百餘里。土脈鹹鹵。秋修春頽。動費巨萬。夏旱水淺。不及馬腹。冬寒冰凍。如履平地。所在城堡。畏賊深入。遂將良田數萬頃。棄而不佃。况道路低窪。每遇雨水。泥濘不通。倘開元有警。則錦義廣寧之兵。不過遙望浩歎而已。臣詢之故老云。有陸行舊路。自廣寧抵開元。約三百餘里。兼程不二日可到。地形高阜。土脈滋潤。有古顯州城池遺址。即遼濱城。見瀋陽衛。計莫若開舊路。展築邊牆。起廣寧基盤山。直抵開元平頂山。二山在塞外。移分守八百里之兵。聚守三百里之地。錦義爲西路。廣寧爲中路。遼陽爲東路。開元爲北路。四路聲援相接。如牽然之勢。庶廟堂可寬東顧之憂矣。議格不行。邊防攷。河西一帶。隨山起築。多用石砌。廣寧以東。地勢平衍。惟藉版築。宏治中科臣鄒文盛嘗言。沿邊野草繁茂。水土便益。甚利陶冶。若以歲役丁夫。燒磚修砌邊牆。除山谷深峻不必修砌者。約千餘里。及時督成。可爲金湯之固。議格不用。說者曰。司負山面海。水深土衍。草木豐茂。魚鹽饒給。正德三年。撫臣劉燾

晉遼東邊儲止是屯糧歲用不給二十五衛俱有鹽場每年例該煎鹽三百八十五萬六千四百三十斤給軍食用但鹽場去衛頗遠運道甚艱莫若召商開中糴買糧料為便從之

之間大定故城在焉見直隸大寧廢衛乃委以畀敵俾得進據腹心限隔東西寧前高平諸處一線之險形援

易阻保邊長策得毋坐失之哉

定遼中衛附郭在司治東南漢襄平遼陽二縣地屬遼東郡後漢仍為襄平縣地晉及後魏因之高齊時為高麗所據唐平高麗復曰襄平縣後沒於渤海契丹置遼陽縣為東平郡治尋為遼陽府治金仍舊元為遼陽路治明洪武四年改為衛治八年改置

郡司治焉十年廢

縣十七年置今衛

定遼左衛附郭在司治西南洪武四年置千戶所十年升為衛

定遼右衛附郭在司治西建置同上

定遼前衛附郭在司治東北建置同上

定遼後衛附郭在司治西北洪武四年置初名遼東衛治得利麻城尋徙治於此八年改為定遼後衛

東寧衛附郭在司治北洪武十三年置五千戶所十九年置衛并五所為左右前後四千戶所尋又增置中所及中左千戶所以調戍者實之

自在州。附郭永樂七年置。治開元城內。領新附之衆。後徙置於東寧衛西偏。

遼陽城。

今司治。遼志。契丹神冊四年。葺遼陽故城。謂之鐵鳳城。以渤海漢戶建東平郡。天顯三年。遷東丹國民居之。升爲南京。名天福城。幅員三十里有八門。其宮城在東北隅。南爲三門。壯以樓觀。四隅有角樓。相去各二里。外城謂之漢城。天顯十年改曰遼陽。

東京遼陽府。金元皆因舊城。明朝洪武五年。改建定遼城。周十八里有奇。門六。南面門二。左曰安定。右曰太和。東面門二。左曰平夷。右曰廣順。西面門一。曰肅靖。北面門一。曰鎮遠。十二年。展築東城一里。其北又附築土城。以處東寧衛內附之衆。永樂十四年。復修築北城。南北一里。東西四里。合於南城。司城共周二十四里有奇。北城之門三。東永智。西武靖。北無敵。自是每加修飾。萬曆庚申以後。鞠爲茂草矣。○遼陽廢縣。在司城內。漢縣屬遼東郡。後漢安帝初。改屬元菟郡。晉廢。遼志云。遼陽縣。漢沮水縣也。高麗改爲句麗縣。渤海爲常樂縣。遼爲遼陽縣。按沮水縣。漢屬樂浪郡。遼志誤也。金元俱爲遼陽縣。明初廢。

襄平城。

司北七十里。漢縣爲遼東郡治。後漢及晉因之。亦謂之遼東城。慕容廆使其子翰鎮遼東。卽是城也。後魏亦爲遼東郡治。隋大業八年。渡遼水圍遼東城。唐貞觀十八年。親征高麗。拔遼東城。以其城爲遼州。鐵鳳初。移安東都護府於遼東故城。明年。

復移新城。賈耽曰。自營州入安東道。經汝羅守捉。渡遼水至安東都護府五百里。故漢襄平城是也。又司東北有武次城。亦漢縣。屬遼東郡。東部都尉治此。後漢廢。

鶴野城。

司西八十里。漢居就縣地。屬遼東郡。晉因之。後廢。渤海置雞山縣於此。遼改爲鶴野。屬遼陽府。金因之。元廢入遼陽縣。○宜豐城。在司西南百里。遼置宜豐縣。兼置衍州治此。亦曰廣安軍。金皇統三年。州廢。以縣屬遼陽府。元初縣廢。又來遠城。亦在

司西南。遼志。本屬女真地。統和中伐高麗。置城於此。金升爲來遠軍。又升爲州。元廢。

石城故城

在司東金置石城縣屬遼陽府元省志云司東南十二里今有石城山縣蓋因以名又東南有故石城蓋高麗故城也唐貞觀二十一年遣牛進達等自萊州渡海擊高麗拔其石城進至積利城敗其兵而還又橫山城亦在司東唐史太

宗征高麗拔其橫山等城又顯慶四年薛仁貴破高麗於橫山卽此

紫蒙城

在司東遼志漢樂浪郡方縣地後佛湜國置東平府領蒙州紫蒙縣尋徙遼城并入黃嶺縣渤海復置紫蒙縣遼因之屬遼陽府金廢○于河城在司東北晉大興三年慕容廆取遼東平州刺史崔苾奔高句麗高句麗將如奴子據于河城廆遣

將張統擊擒之又湯州城在司北遼志云漢襄平縣地渤海置州領靈峯常豐白石均谷嘉利五縣遼廢縣存州在東京西北百里金廢

興遼城

在司西南遼志漢遼東郡平郭縣地渤海改爲長寧縣遼曰興遼縣屬遼陽府金廢○遼遼城在司東四百七十里金初置統軍司於此天德二年置總管府貞元初又置府尹爲遼遼府路元麟遼爲契曰遼遼府至元十七年改隸東京總管府後

廢爲巡檢司

鳳凰城

司東南三百五十里其相近有鳳凰山山上有壘石古城可屯十萬衆相傳唐太宗征高麗駐蹕於此明朝成化十七年以朝鮮使臣還國道經山下爲不知何人所掠糞乞於舊路南新開一路以便往還於是樞臣王宗彝奏言鳳凰山前後實爲出沒要途距遼東三百餘里其間土地廣漠舊無烽墩請自山之東北至鬻陽開築墩臺二十二座距山之西北一十五里舊有古城遺址於此築立一堡名爲鳳凰城距城四十里曰叙列站宜築立一堡曰鎮寧堡距城西北六十里曰新通遼堡於堡南增築一堡曰寧夷堡各置軍馬爲鳳凰城聲援則自遼陽直抵朝鮮烽墩聯絡旣拒邊外行旅竊掠亦便朝鮮使臣往來朝議改鎮夷堡爲鎮東寧夷堡爲鎮夷餘悉從之志云鳳凰城東南去鎮江城凡百餘里○鎮江城在司東南四百六十里舊爲朝鮮賈

道。其相近者有安箕堡。明朝天啓元年。毛文龍襲安箕。入鎮江城。是也。又有斬木城及火烟濬等處。其西北與鳳凰城相近。

首山

司西南十五里。山連海州衛界。頂有平石。泉出其中。挹之不竭。曹魏景初二年。司馬懿伐公孫淵。濬濟遼水。進至首山。大破淵軍。遂圍襄平。是也。唐貞觀十八年。征高麗。車駕渡遼水。軍於馬首山。卽此山矣。或謂之駐蹕山。唐史。駐蹕山在安市城外。志云。

首山一名手山。以山頂

石上有文如指掌故云。

平頂山

司東百里。山周三十里。其頂平曠。可資耕稼。有泉湧出。中產蒲魚。又千山在司南六十里。峯巒叢密。以千數計。中有龍泉。溫泉。香巖等寺。及仙人臺。羅漢洞諸勝。○華表山在司東六十里。因丁令威化鶴得名。俗呼爲橫山。又通明山在司南九十里。

山多洞穴。俗名窟龍山。又有石門山。在司東南四十里。舊有石門營。萬歷中。李如松救朝鮮。道出於此。

安平山

司東北百里。俗名平曠山。一名天成山。上有鐵場。置百戶所戍守。屬瀋陽中衛。又龍鳳山。在司東南四百里。大蟲江出焉。司東北五百里。又有幹羅山。大梁水出焉。○老鴉山在司西三十里。明初故元平章高家努聚兵處。

鳳凰山

司東三百六十里。詳上鳳凰城。其相近者曰青山。○大石嶺在司南十五里。又分水嶺。在司東四百里。又有大盤嶺。在司東南近大海。志云。司北邊外百餘里有車輪坡。爲三衛駐牧處。

西彌島

在司東南海中。天啓中。毛文龍言。西彌島相連有三山。周廣二百餘里。中雲從山。前西彌島。後珍珠島。與朝鮮國境。鐵山。城相近。陸程則八十里。水程僅三十里。西彌大路至朝鮮之義州。百六十里。鐵山水路如之。義州與鎮江相對。止三四十里。鎮

江去遼陽三百六十里。

遼水。司四百六十里。又西距廣寧衛二百里。自塞外流入三萬衛西北境。南流經鐵嶺。灌陽而至此。又南至海州衛。西南入海。行千二百五十里。魏司馬懿伐公孫淵。圍襄平。會大霖雨。遼水暴漲。運船自遼口竟至城下。平地水數尺。隋大業七年。伐高麗。至遼

水衆軍俱會。臨水爲大陣。高麗阻水拒守。隋兵不得濟。命宇文愷造浮橋三道於遼水西岸。既成。引橋趨東岸。橋短丈餘。士卒赴水接戰。高麗乘高擊之。爲所敗。乃引橋復就西岸。命何稠接橋。二日而成。諸軍進戰於東岸。高麗大敗。明年復渡遼。攻遼東城。未克。會楊元感作亂。引還。唐貞觀十八年。遣營州都督張儉等討高麗。值遼水漲。儉等久不得濟。既而車駕至遼澤。泥潦三百餘里。人馬不可通。詔開立德布土作橋。軍不甞行。既濟。即撤之。以堅士卒之心。及師還。以遼澤泥潦。遣長孫無忌將萬人剪草填道。水深處。以車爲梁而渡。今遼地遇雨。則多淖。蓋天設之險矣。永樂築邊牆於遼河內。東西曠絕。自廣寧至遼陽。以遼河爲津要。秋冬冰結。人馬可以通行。易於應援。冰開時。爲敵所據。則兩城勢孤。雖有渡船。不能猝濟。天順十一年。邊臣馬文升請復浮橋。以聯聲援。從之。自是常加修治。遼志。遼河出東北山口爲大河。西南流爲大口入海。

太子河。在司東北五里。一名東梁河。一名大梁水。源出幹羅山。西流五百里至此。又折而西南。至潭河。合爲小口。會遼河入於海。司馬懿斬公孫淵父子於梁水之上。卽此。或曰。太子河卽故衍水。燕太子丹匿於衍水中。後人因名爲太子河。

渾河。在司西北。一名小遼水。源出塞外。西南流。至瀋陽衛合沙河。又西南流。至都司城。西北入於太子河水。經注。小遼水出元菟高句麗縣之遼水。西南逕襄平縣。爲淡淵。晉永嘉中。淵瀾小遼水。又逕襄平入大梁水。

鴨綠江。司東五百六十里。漢志注。元菟郡西蓋馬縣有鴨水。西南至遼東郡西安平縣入海。過郡二行。一千一百里。郡二元菟。遼東也。新唐書。鴨水出靺鞨長白山。色若鴨頭。號鴨綠水。杜佑曰。鴨綠水闊三百步。在平壤西北四百五十里。遼水東南四百八十里。隋大業八年。伐高麗。分道並進。皆會於鴨綠水西。唐貞觀十九年。程名振等拔卑沙城。遣將續兵於鴨綠水。又龍朔元年。契苾何力討高麗。高麗守鴨綠水。不得濟。何力乘冰渡水。大破之。乾封二年。李勣伐高麗。管記元萬頃檄文曰。不知守鴨綠

水。水接戰。高麗乘高擊之。爲所敗。乃引橋復就西岸。命何稠接橋。二日而成。諸軍進戰於東岸。高麗大敗。明年復渡遼。攻遼東城。未克。會楊元感作亂。引還。唐貞觀十八年。遣營州都督張儉等討高麗。值遼水漲。儉等久不得濟。既而車駕至遼澤。泥潦三百餘里。人馬不可通。詔開立德布土作橋。軍不甞行。既濟。即撤之。以堅士卒之心。及師還。以遼澤泥潦。遣長孫無忌將萬人剪草填道。水深處。以車爲梁而渡。今遼地遇雨。則多淖。蓋天設之險矣。永樂築邊牆於遼河內。東西曠絕。自廣寧至遼陽。以遼河爲津要。秋冬冰結。人馬可以通行。易於應援。冰開時。爲敵所據。則兩城勢孤。雖有渡船。不能猝濟。天順十一年。邊臣馬文升請復浮橋。以聯聲援。從之。自是常加修治。遼志。遼河出東北山口爲大河。西南流爲大口入海。

之險。高麗報曰。謹聞命矣。即移兵拒守。唐兵不得渡。乾封三年。李勣大破高麗兵於鴨綠橋。進圍平壤。高麗降。宋大中祥符二年。契丹主隆緒伐高麗。渡鴨綠江。高麗敗保銅州。元至正二十年。元主廢高麗王。伯顏帖木兒立其昆弟在京師者。曰塔思帖木兒。以兵送之國。高麗國人不服。至鴨綠江。高麗伏兵四起。兵敗。僅餘十七騎還京師。今鴨綠水源出長白山。下流入海。與高麗分界。萬歷二十年。大帥李如松等援朝鮮。出石門。至鳳凰山。渡鴨綠江而東是也。○大嶽江在司東四百里。源出龍鳳山。南流入於鴨江。漾

海。司南七百三十里。齊都賦。海之旁出者爲渤。遼東延袤二千里。其南面皆臨渤海。遼志。遼陽府東至北。烏魯虎克四百里。南至海邊。鐵山八百六十里。西至望平海口三百六十里。東西南三面皆抱大海。

連山關。司東南百八十里。地有連山。因名。朝鮮入貢之道也。有官軍戍守。志云。遼陽城北三里。有鎮湘關。又有刺榆關。在司南百七十里。○鴉鶻關在司東南三百三十里。其東有喜昌口。乃中外分界處。天順三年。帥臣趙輔等分軍由鴉鶻關。喜昌口。又踰

鳳凰城。黑松林。摩天嶺。至潑豬江。斬獲而還。萬歷四十七年。大帥李如松由清河出鴉鶻關是也。

德勝營。在司西六十里。舊爲軍士屯戍之所。又虎皮營。在司北六十里。亦曰虎皮驛。又威寧營。在司東六十里。志云。三萬衛鐵場百戶所置於此。

首山堡。司西十五里。以近首山而名。又南沙河堡。在司西南三十里。又有北沙河堡。在司北八十里。○鞍山堡在司西南六十里。以地有鞍山而名。亦爲鞍山驛。西南去海州九十里。

柳寨堡。在司北。舊爲柳條寨。宏治中。始增置營堡於此。又蓮花泊堡。在司北九十里。又長勇堡。在司北五十里。其西爲長勝堡。○長營堡在長勇堡東北。邊防攷。堡南有毛得山。爲屯兵按伏之所。又長安堡。在司西北五十餘里。其西爲長定堡。又西南爲

長寧堡。又四

爲長靖堡。

甜水堡。

司東南九十里。亦曰甜水站。遼海衛鐵場百戶所置於此。又南八十里曰草河堡。又有青苔峪堡。在司南百五十里。以當青苔峪而名。○東丹堡在司東百二十里。其相近者曰白澤山。○馬根單堡在東丹堡東三十里。其相近者曰靜寧墩。兵衝也。

志云。馬根單堡與清河堡。鹹場堡。雙陽堡。相距皆七十餘里。中間有乾河。王老諸嶺。皆險隘可守之地也。

清河堡。

司東南三百里。南臨太子河堡。西有白塔佃。可按伏。又西有威寧營。可屯兵。其東接鴉鵲關。往來。○散洋峪堡在清河堡西。嘉靖二十五年置。當鴉鵲關之衝。又司東南三百七十里。有鹹場堡。近堡有金人營。可按伏。又有孤山堡。在鹹場堡東南。亦

嘉靖二十

五年置。

雙陽堡。

在司東南四百餘里。近堡有湯頭溪。可按伏。又新安堡。在雙陽堡西。近堡有石嶺兒。梁家峪。皆設險處也。又西馬吉堡。在新安堡東北。與孤山堡相接。

險山堡。

司東南四百餘里。嘉靖二十五年增置。堡北有雙嶺臺堡。東有石岔口。鑽果直等臺。○寧東堡在險山堡西南。其南又有江沿臺堡。亦嘉靖二十五年增置。又湯站堡。在險山堡西。其西南與鳳凰城接界。

寬奠堡。

司東南五百里。萬歷六年築。又東北有松子嶺。林剛谷。堡東又有瞭馬佃。亦曰瞭馬臺。○長奠堡在寬佃南百里。其東北五十里爲永奠堡。又大佃堡在寬佃東南三十里。又東爲石岔口驛。又寬奠北三十里曰新奠堡。俱萬歷六年置。邊防攻寬奠。

新疆邊人謂之

張其哈刺佃子。

牛毛砦。在司東北塞外。其北又有馬家砦。志云。牛毛砦相近有萬通嶺。又有萬祿砦。亦在寬奠塞外。又有董古圖王等寨。○修火寨在司東南寨外。又鴨兒置亦寬佃寨外地。距二百里。

雨道。在司西遼河上。隋大業八年。伐高麗。起浮橋渡遼水。因築雨道於河旁。唐貞觀十八年。伐高麗。李世勣軍發柳城。多張形勢。若出懷遠鎮者。而潛師北趨雨道。出高麗不意。渡遼水至元菟。即隋所築雨道也。懷遠鎮見直隸廢大寧衛。

海州衛。司西南百二十里。南至蓋州衛百二十里。西至廣寧衛二百四十里。東南至鴨綠江三百八十里。

秦漢時遼東郡地。後魏末。為沃沮國地。高麗為沙卑城。渤海號南京南海府。遼為海州南海郡。金曰澄州。元廢。明洪武九年置今衛。

衛襟帶遼陽。羽翼廣寧。控東西之孔道。當海運之咽喉。遼左重地也。

沙卑城。今衛城。亦曰卑沙城。高麗所築。疊石為城。幅員九里。或謗為卑奢城。自登萊海道趨高麗之平壤。必先出此。隋大業十年。來護兒出海道。至卑奢城。敗高麗兵。將趨平壤。高麗懼而請降。唐貞觀十八年。伐高麗。張彥帥舟師自東萊渡海。趨卑沙城。其

城四面懸絕。惟西門可上。唐兵攻拔之。總章初。李世勣復得其地。後沒於渤海。置南京南海府。兼置沃州。領沃沮。屬。龍山濱海。昇平。覆泉六縣。遼改置臨溟縣。為海州治。金為澄州治。元州縣俱廢。明洪武九年。改築衛城。周六里有奇。

新昌城。在衛東漢縣。屬遼東郡。後漢因之。永寧二年。高句麗與鮮卑寇遼東。太守蔡諷追擊之於新昌。戰歿。晉亦為新昌縣。咸和九年。慕容仁自平郭趨新昌。都護王寓擊走之。遂徙新昌入襄平。時仁與慕容皝相攻也。○居就城在衛東北漢縣。屬遼東郡。

後漢省。晉復置。咸和九年。慕容皝擊其弟仁於遼東。入襄平。居就及新昌皆降於皝。

析木城

衛東南四十里。漢望平縣地。屬遼東郡。後漢因之。晉改屬元菟郡。渤海置花山縣。遂改曰析木。屬遼陽府。尋置編州。廣利軍治焉。金皇統三年。州廢。以縣屬澄州。元會。

遼隊城

衛西六十里。漢縣。屬遼東郡。隊。讀隊。後漢初廢。公孫度復置。曹魏景初元年。幽州刺史毌邱儉擊公孫淵。屯遼東南界。淵逆。儉於遼隊會天雨。十日。遼水大漲。儉戰不利。引軍還。右北平。明年。司馬懿伐公孫淵。淵使其將卑衍。楊祚。屯遼隊。圍塹二

十餘里。懿佯出其南。而潛軍濟水。出其北。徑指襄平。晉廢。水經注。遼隊縣在遼水東岸。是也。渤海國置永豐縣。遼曰仙鄉縣。屬遼陽府。金廢。

耀州城

衛西南二百里。渤海置椒州於此。領椒山。貂嶺。漸泉。尖山。巖淵五縣。遂改置耀州。仍屬海州南海軍節度。金廢。志云。巖淵城。在衛西南百里。即渤海所置縣也。金廢。○濱州城在縣西北百二十里。渤海晴州置於此。領天晴。神陽。蓮池。狼山。仙巖五縣。

遂改置濱州。仍屬

海州南海軍。金廢。

三角山

衛南二十里。又衛東南三十里。有白山。東三十里有滑石山。

遼河

在衛西南五十五里。自遼陽界流入。又南注於海。謂之三岔河。當東西往來之衝。亦謂之遼澤。或謂之黃水。晉咸和八年。慕容仁舉兵平郭。襲慕容皝於棘城。至黃水。知事露。乃還。據平郭。胡氏曰。黃水在險。濱故縣界。蓋即遼濱之異名。

南北通江

衛西百八十里。源出衛東滑石山。自東而西。橫渡遼河。折而南流。又折而東。復入於遼河。其間有闡洲。方十餘里。可以耕稼。

散水河

在衛北源出塞外。西流經衛境。下流入太子河。又新開河。在城西七十里。城西二百九十里。又有開通河。下流俱匯於遼河。

渤鍇水。在衛西北。唐貞觀十九年。魏征高麗。攻安市城。不克。引還。至遼東。渡遼水。遼澤泥淖。車馬不通。命長孫無忌剪草填道。至蒲溝。駐馬督填道。諸軍渡渤鍇水。暴風雪。士卒沾濕多死者。胡氏曰。蒲溝。渤鍇水。皆在遼澤中也。

梁房口關。衛西南七十里。又東南九十里。即蓋州也。海運之舟。由旅順口達者。於此入於遼河。旁有鹽場。三。其二屬瀋陽衛。一屬遼海衛。各置百戶所屯戍。○大片嶺關。在衛東百十里。亦置官軍戍守。

永豐堡。衛西南六十里。又西有臨清。廣積。保寧。鎮海等四堡。○東勝堡。在衛北。其西南為東昌堡。堡東有趙皮灣。向為屯兵設伏之所。

牛家莊驛。衛西北九十里。又西北八十里。為沙嶺驛。西至廣寧七十里。又耀州驛。在衛南六十里。又南六十里。即蓋州也。○杜家屯。在衛西北。遼河東岸。亦與廣寧接界。又衛西南九十里。有鹽場。衛東九十里。有鐵場。各置百戶所司之。

蓋州衛。司南二百四十里。南至復州衛百八十里。西北至廣寧衛三百六十里。東至鴨綠江五百五十里。

秦漢時遼東郡地。高麗為蓋牟城。唐置蓋州。渤海因之。又改為辰州。志云。以路通辰韓也。遼初為長平郡。尋為辰

州。奉國軍。金初改軍曰遼海軍。尋又改州曰蓋州。軍仍曰奉國。元初為蓋州路。尋復為州。以州治建安

縣省入。屬遼陽路。明洪武九年。廢州置衛。

衛控扼海島。翼帶鎮城。井邑駢列。稱為殷阜。論者以為遼東根柢。允矣。

蓋牟城。今衛治。亦名曰葛牟城。唐貞觀十八年。伐高麗。取蓋牟城。因置蓋州。志云。遼置建安縣為州治。元省入州。明洪武五年。改築今城。周五里有奇。

熊岳城。在衛南六十里。遼志。渤海杉盧郡也。領縣五。曰山陽。杉盧。漢陽。白巖。霜巖。遼改置盧州元德軍。金州。廢。以州治熊岳縣。屬蓋州。元廢。志云。縣西至海十五里。傍海有熊岳山。今爲熊岳堡。下有熊岳河。

安市城。衛東北七十里。漢安市縣。屬遼東郡。後漢及晉因之。高麗亦曰安市城。唐貞觀十九年。征高麗。攻安市城。不克。引還。咸亨三年。高麗餘衆復叛。遣將高侃擊之。敗之於安市城。渤海改置鐵州。領位城。河瑞。蒼山。龍珍。四縣。遂仍爲鐵州。亦曰建武軍。改

置湯池縣。金州廢。以縣屬蓋州。元省。今爲湯池營堡。遼志。鐵州城在東京西南百六十里。又後黃城在衛東。亦高麗所置。唐太宗攻安市。先拔其後黃。銀山。二城。胡氏曰。高麗東境城也。與安市相近。時又拔其橫山。磨米。麥谷等數城。

秀巖城。在衛東南。本名大寧鎮。金明昌四年。升爲秀巖縣。泰和四年。廢爲鎮。貞祐四年。復爲縣。屬蓋州。元廢。又興遠城在衛東。遼志。興遠。平郭縣地。渤海置長寧縣。遼曰興遠縣。屬遼陽府。金廢。○烏骨城在安市東南。近大海。唐史。自登州東北海行。至烏湖島。

又行五百里。東傍海。曬。有道至烏骨江。唐貞觀中。太宗圍白巖城。烏骨城遣兵爲聲援。

又太宗圍安市。不下。羣臣皆言。宜釋安市。并力拔烏骨城。渡鴨綠水。直取平壤是也。

平郭城。在衛南。漢縣。屬遼東郡。後漢因之。晉省縣而城存。大興四年。慕容廆以其子翰鎮遼東。仁鎮平郭。咸和八年。仁獺平郭。以叛。慕容皝。咸康二年。就魏仁於平郭。自昌黎東踐冰而進。凡三百餘里。至歷林口。捨輜重。輕兵趨平郭。逢克之。歷林口蓋在衛

西北。昔時濱海要口也。七年。就又使其子恪鎮平郭城。後魏時廢。○建安城在衛東南。漢平郭縣地。高麗置建安城於此。唐貞觀十八年。伐高麗。張儉進渡遼水。趣建安城。又李世勣言。建安在安市市在北。安市市先下。然後向建安。二城蓋相近也。儀鳳初。徙熊

津都督府於建安故城。其百濟戶口先徙徐兗等州者。皆置建安舊志。自遼東城西南行三百里。至建安城。遂置建安縣。蓋備故名耳。非即舊城也。

西安平城。亦在衛東南。漢縣。屬遼東郡。後漢及晉因之。咸康七年。石虎將王華帥舟師自海還。魏燕安平。破之。卽此城也。○文城。在衛西。漢置文縣。屬遼東郡。後漢改曰汶縣。晉因之。咸和八年。慕容皝遣將攻其弟仁於平郭。敗於汶城之北。胡氏曰。

汶城在平

郭之西

永平監城

衛南百五十里。永樂七年。建城周。三里有奇。有東西南三門。志云。舊有昇平。新昌等監。六甘泉。安山河陰。古城等苑二十四。後惟存永寧一監。清河深河二苑。仍屬遼東。行太僕寺及苑馬寺。寺皆置於鎮城內。

駐蹕山

在衛東。唐史。本名六山。在安市城外。貞觀十九年。征高麗。攻安市城。高麗將高延壽等來救。帝曰。彼若勒兵連安市而壁。據高山。取城中粟食之。縱鞞輻掠吾牛馬。攻之不可下。此上策也。及延壽至。距安市四十里。而屯。帝曰。虜墮我策中矣。既延壽

又進一舍。至城東南八里。依山爲陣。上命李世勣將兵陳於西嶺。長孫無忌將奇兵自山北出狹谷。以衝其後。自將步騎挾鼓角。偃旗幟登北山。上命諸軍聞鼓角齊出奮擊。及戰。高麗兵敗。無忌斷其歸路。延壽乃降。因名其山曰駐蹕。或曰。衛東分水嶺諸山。即太宗駐蹕處也。又六山。

今廣寧暨無間山之別名。

石城山

衛東北十五里。上有石城。城中有泉。相傳唐太宗征高麗。土人築此城以避兵。又平山在衛北五十里。三萬衛鹽場百戶所。置於此。又北十里有關山。○竈突山在衛東南十五里。羣山環遶。中有孤峯特起。若竈突然。又布霧山在衛東南百十里。其

山最高。常有雲霧在其上。又有城子山。在衛東南百七十里。

青泉山

衛南九十里。或曰。即泉山也。唐咸亨二年。高麗酋銜牟尋叛。立安舜爲王。詔高侃。李謹行討之。破其安市城。三年。又敗之於泉山。即此。或云。今復州衛城南四十里。有龍泉山。即故泉山云。○望海山在衛西南三十五里。登山可以望海。又衛西南五

十里有亭

羅鋪山

分水嶺

衛東百四十里。綿亘數百里。山下有泉。東西分流。因名。又有七盤嶺。在衛東百十里。○陡松嶺在城南百里。又南十里爲貓兒嶺。又鱗兒峪。在衛東南五十里。邊防攻衛。又有豬兒峪。明初葉旺等敗敵處。

清河

衛南五里。源出衛東分水嶺。西南流經此。一名州南河。又西流合於泥河。志云。衛南有梓河。或譌爲梓河。即明初葉旺敗敵處。或以爲即清河之支流也。○泥河在衛東七十里。亦曰蘄芋濼。以水多蘄芋草也。或謂之沮水。誤矣。又五重河在衛東北百五

十里。源亦出分水嶺。流經城東北。有杓子河。流合焉。下流灌清河泥河之水。爲臨江。注於海。志云。臨江在衛東南三百里。

畢里河

衛東南百八十里。一統志源出衛東南山谷間。南流經復州衛入海。本作畢列河。唐乾封元年。詔李勣爲遼東道行軍大總管。伐高麗。又詔獨孤雲卿出鴨綠道。郭待封出積利道。劉仁愿出畢列道。金待問出海谷道。並爲行軍總管。受勳節度。畢列

道蓋以此水名。俗譌爲畢利河。其相近者有將軍山。即明初葉旺敗敵處。

鴨綠江

衛東南五百里。與朝鮮分界。○八角湖在衛西近海鐵嶺衛驛場百戶所置於此。

海

衛西十里。又西十里爲歸洲。又西南百十里曰葦子套。波濤險惡。不利行舟。志云。衛南海口有馬石津。晉咸和九年。遣使者由海道致命於慕容皝。船下馬石津。皆爲慕容仁所留。時蹶在棘城。路由平郭始達也。新唐書。自登州大萍東北行。過大樹。龜散等島。

北渡烏湖海。至馬石山東之都里鎮。所謂馬石津。當即此處也。

連雲島關

衛西十五里。置關以控海濱之險。又梁房口關。在衛西北九十里。又有梁房口堡。設兵戍守。與海州接界。○石門關。衛東七十里。亦有官軍戍守。

曷蘇館。

在衛東南契丹移女真部落數千家於此置館領之謂之熱女。真金亦置曷蘇館路節度使後徙於寧州尋廢寧州見三萬衛。

背陰寨堡。

衛西北十五里又西北有平山堡八角湖堡衛南百二十里有五十寨堡又衛東北九十里有排山寨東二百五十里有岫巖寨○驢鐵場志云衛西四十里有驢場百戶所北九十里有鐵場百戶所。

復州衛。

司南四百二十里南至金州衛百八十里西北至廣寧衛五百四十里東南至海二百四十里。

秦漢時遼東郡地唐沒於渤海遼置復州懷德軍金仍曰復州元廢明洪武十四年置今衛。

衛山海環峙川原沃衍亦遼左之奧區也。

永康城。

今衛治遼置永寧縣復州治焉金大定七年更名永康元廢洪武十五年因舊城修築永樂四年增修周四里有奇。

得利羸城。

衛東八十里元季土人築以避兵明初洪武四年置遼東衛治此尋徙入司城中曰定遼後衛又南有廢德勝縣遼置屬復州金廢。

明山。

衛東十里亦曰明王山相傳以高句麗王子東明葬其上因名又鍋鐵山在城南十里○駱駝山在衛西三十里又西二十里海中有屏風山。

長興島。

衛西南四十里亦曰長生島內容五軍復州糧一萬二千而長生輪其七又茶河島在衛西南五十里又西南三十里○長山島上有塔○萬灘島在衛東海中陸行至島二百四十里水行不過六十里又老鴉島在衛西北四十里。

沙河。

衛南八里出衛東得利羸城山下流經此衛南三十里有麻河流合焉西注於海又窩河在衛西一里源出駱駝山東流注於沙河○畢里河在衛東北二十十里又東北四十里有杓子河會畢里河入海。

海。在衛西四十五里。有白沙洲。最為險要。南為南信口。北為北信口。

樂古關。衛南六十五里。以近樂古山而名。有官軍戍守。

盤谷堡。衛東二十里。其東南又有富川。秀山。臨溪三堡。又李官營堡。在衛西四十里。衛東南八十里。又有胡十八營堡。○鹽鐵場志云。鹽場百戶所在衛西四十二里。鐵場百戶所在衛北九十里。

金州衛。司南六百里。南至大海百二十里。西北至廣寧衛七百二十里。

秦漢時遼東郡地。高麗為南蘇城。遼曰蘇州。安復軍。金皇統三年廢。貞祐四年。改置金州。元廢。明洪武四年置今衛。

衛控臨海島。限隔中外。明初屢有倭警。自劉江告捷而患息。舊置運道。由登州新河海口至金州鐵山旅順口。通計五百五十里。自旅順口至海州梁房口三岔河。亦五百五十里。海中島嶼相望。皆可灣船避風。運道由此而達。可直抵遼陽瀋嶺。以迄開元城西之老米灣。河東十四衛俱可無不給之虞。自正德以後。舊制寢廢。嘉靖中。雖嘗舉行。而議者旋以奸民伏匿為言。復罷。

嘉靖三十七年。遼東大祲。督臣王忬等請開海禁。以紓遼困。從之。四十年。山東

撫臣朱衡言。其不便復罷。夫創法之初。以遼隸山東者。正以旅順海口。片帆可達。登萊耳。乃修舉無術。坐視遼左之匱。

乏而莫之恤歟。

南蘇城。

今衛治高麗所置。晉永和初，燕王皝遣慕容恪攻高句麗，拔南蘇。隆安二年，燕慕容盛以高句麗王安事燕禮慢，自將兵圍之，拔新城。南蘇二城，開境七百餘里。隋大業七年，伐高麗，分遣段文振出南蘇道，唐貞觀二十一年，李世勣伐高麗，渡遼水。

歷南蘇等城，敗其兵而還。又乾封二年，薛仁貴破高麗兵，拔其南蘇等城。顯慶中，置南蘇州於此，尋沒於渤海。遼置蘇州，兼置來蘇縣爲州治。宋建隆初，女真自其國之蘇州泛海至登州賣馬，故道猶存。宣和初，復由此道遣馬政等通金，謀攻遼，金改置化成縣，尋爲金州治。元州縣俱廢。明洪武

四年，修築舊城，周四里有奇是也。

歸勝城。

在衛東北，遼置歸州，治歸勝縣。金廢爲歸勝鎮，又衛東有懷化城，遼置縣，屬蘇州。金省。

沓氏城。

在衛東南，漢縣，屬遼東郡。後漢因之。晉廢。志云：遼河旁有沓渚，漢沓氏縣，因以爲名，非也。縣西南臨海渚，謂之沓渚。三國吳嘉禾二年，謀討公孫淵，陸瑁曰：沓渚至淵道里尙遠，蓋泛海至遼，沓渚其登涉之所也。魏景初三年，以遼東沓縣吏民渡海

居齊郡界，立新沓縣，卽沓渚之民矣。

新城。

在衛西，胡氏曰：新城，西南傍山，東北接南蘇，木底等城。晉咸康五年，慕容皝擊高句麗，兵及新城，高句麗乞盟，乃還。隋大業九年，復伐高麗，遣王仁恭出扶餘道，仁恭進至新城，攻之不拔。唐乾封二年，李世勣伐高麗，渡遼，謂諸將曰：新城，高麗西邊要害，

不先得之，餘城未易取也。遂壁西南山臨城，城下進擊一十六城，皆拔之。此蓋高麗之新城也。

木底城。

在衛東。胡氏曰：此高麗之南道也。晉咸康八年，慕容皝擊高句麗，高句麗有二道，其北道平闊，南道險狹，慕容皝曰：彼以常情料之，必謂大軍從北道當重北而輕南，今以銳兵從南道擊之，出其不意，丸都不足取也。別遣偏師從北道，縱有蹉跌，其

腹心已潰，四支無能爲矣。蹠從之。遂克高句麗，蓋從北豐而進者爲北道，從南狹入木底城而進者，卽南道也。義熙初，後燕慕容熙攻高麗木底城，不克，唐乾封二年，高麗襲新城，薛仁貴敗之，進擊高句麗兵於金山，遂拔其南蘇木底，倉巖諸城，尋置木底州

於此。後廢，倉巖本高麗二城。

名，唐置倉巖州，亦在衛境。

大黑山。

衛東十五里，絕頂有城，四面懸絕，惟西面一路可通，中有井，昔人避兵處也。又有小黑山，在衛東北七十里，又衛東北百五十里，有獨山，以挺然獨秀而名。○鐵山在衛西南百五十里，亦曰鐵山島，爲濱海要地。又宋家峪在衛東北十五里，衛東二

十里，又有姚家峪，衛

南五十里有狗兒峪。

南關島。

衛南二十里，天啓中，守將張盤議開河，斷南關島以守衛城，卽此。又杏園島在衛西十里，河口島在衛北三十五里，海青島在衛東南四十五里。

蓮花島。

衛東三十里，濱海險要處也。衛東南百二十里，又有金線島，俱有兵戍守。明朝永樂十七年，大帥劉江於金線島西北望海壩上築壘，備倭，會瞭者言東南海洋內王家山島夜舉火，江急遣馬步軍趨壩上，小堡備之，翌日倭泊馬雄島，登岸徑奔望

海壩，江大敗之。志云：王家山島在衛東南二百里海中，馬雄島在金線島東南。○蕭家島在衛東北百五十里，有蕭家島關，駐兵戍守。又青山島在衛東北百二十里，志云：衛境凡七十二島，羅列海濱，居民往往漁佃於此，明時遼左流民多居其地。

雙島。

志云：有二南雙島在衛西南百里，又北十里，卽北雙島，崩遂圖，自旅順口西鐵山至老貓圍三十里，又西北至雙島四十里，自雙島至羊頭凹四十里，羊頭凹至八隻船四十里，八隻船至宗島三十餘里，宗島至長行島亦三十餘里，長行島至老瓜島六

十里。又至歸州百餘里。又至南筓三十里。南筓至蓋州二十里。又由北筓百餘里。而至三岔河。自旅順口至三岔河。凡五百五十里。此由海道派遼河之舊迹也。

三山島

在城南海中。天啓中。毛文龍言三山島在旅順東三百里。從島可以入旅順。旅順者。登萊。朝鮮水路津要也。三山島轉北二百里。爲廣鹿島。從島可入金州。廣鹿島而東五十里。爲長山島。從島可入復州。長山東北二百餘里。爲石城島。從島可入海。

州。石城相近有小松島。從島可入蓋州。石城又東二百餘里。爲麗島。從島可入。岫巖。麗島而東二百里。爲鮮鎮。寬叢。以兵守之。乘間抵隙。可以惟意所向矣。

皮島

衛東七百餘里。地形廣衍。有險可恃。天啓中。毛文龍屯駐於此。其東北爲僧福島。又東北卽朝鮮東境之鐵山矣。○長行島在衛東南百餘里。天啓中。毛文龍使朱昌國駐長行島。曾有功駐三山島。張盤守金州。爲百里基布之勢。是也。

海

衛西三十里。又衛境東南二面皆濱大海。○東沙河在衛東百里。下流入海。

貴端水

在衛西南。唐永徽五年。程名振等討高麗。渡遼水。趣新城。高麗以其兵少。開門。洩貴端水。逆戰。名振等大破之。焚其外郭而還。今埋。

旅順口關

衛南百二十里。海運舟達金州。衛者至此登岸。有旅順口。南北二城。金州衛中左千戶所。在此備禦。又哈恩關。在衛南十八里。

望海塌堡

衛東南七十餘里。地特高。可駐兵千餘。洪武初。都督耿忠於此築堡。備倭。寇至必先經此。海濱咽喉地也。永樂十七年。總兵劉江用石壘之倭。乘海濤入犯。直逼城下。登岸索戰。江出奇敗之。賊奔櫻桃瀝空堡。江圍之。特開西壁以待其奔。

分兩翼夾擊。盡殲之。遼之倭患遂絕。櫻桃瀝。或云在堡東北。又堡西有左眼。右眼。三手。西山。沙州。山頭。爪牙山。敵臺。凡七所。接旅順口。是皆明初所置。

石河堡。

衛北六十里。衛西南六十里。又有木場堡。又紅嘴堡。在衛東八十里。衛東北七十里。有歸服堡。又東北三十餘里有黃骨島堡。○鹽鐵場。志云。衛東北百三十里有鹽場百戶所。衛東百三十里有鐵場百戶所。邊防考。衛西北二十里有鹽場島。

赤烽鎮。

在廢新城東。唐顯慶三年。營州都督程名振等攻高麗。拔其赤烽鎮。卽此。

廣寧衛。

司四四百二十里。西至山海關五百八十里。西南至廣寧中屯。衛百八十里。東南至海州。衛二百四十里。南至海百三十里。

秦漢遼東郡地。晉因之。後魏亦屬遼東郡。後沒於高麗。唐復取其地。尋沒於渤海。爲顯德府地。遼置顯州。奉先軍。金改爲廣寧府。亦曰鎮寧軍。初屬東京路。尋屬北京路。元亦曰廣寧府。至元十五年。改爲廣寧路。明洪武二十三年。改置今衛。

衛西衛淪關。東翼遼鎮。憑依山海。隔絕戎奚。地大物繁。屹然要會。用之得其道。易高麗之舞。革朱蒙之音。不難也。昔之議邊事者。每曰。備鎮靜。則寇不能北來。駐三岔。則寇不能東渡。廣寧要會。約有二途云。

廣寧中衛。

在城內西南隅。洪武二十七年置。

廣寧左衛。

在城內東北隅。洪武二十七年置。

廣寧右衛。

在城內西北隅。洪武二十七年置。初治大凌河。永樂元年。徙治衛城內。

無慮城。今衛治。本漢之無慮縣。屬遼東郡。後漢屬遼東國。元初二年。遼東鮮卑圍無慮。又陽嘉初。鮮卑寇遼東屬國。耿燁移屯無慮。拒之。晉省。唐置巫閭守捉城。渤海爲顯德府地。遼置奉先縣爲顯州治。金改爲廣寧縣。元省縣入府。明初因舊城修築。周十

里有奇。永樂中。總兵劉江增拓南關。是後數修築。

嘉靖三十四年。復增築南關。合於北城。謂之新城。

鍾秀城。衛西南五里。遼奉先縣地。金天會八年。改置鍾秀縣。屬廣寧府。後廢。尋復置。元至元六年廢。又衛東北有故歸義城。遼置縣。屬顯州。金廢。○開陽城在衛西南三十五里。漢無慮縣地。遼景宗寶舞此謂之乾陁。因置乾州。廣德軍并置奉時縣爲州治。

金天會八年。州廢。更縣名曰開陽。屬廣寧府。元改爲千戶所。至元十五年。以戶口繁多。復立行千戶所。尋復爲開陽縣。明初縣廢。置開陽驛於此。志云。開陽城亦曰開陽鄉。其西有高城。唐太宗征高麗時。嘗屯兵於此。

望平城。衛東北九十里。漢置縣。屬遼東郡。後漢因之。晉省。遼置山東縣。屬顯州。金仍爲望平縣。元曰望平千戶所。尋復爲縣。明初省。又遼西城。亦在衛東北。遼置遼西州。阜城軍。統長慶縣。仍屬顯州。金廢。○險濱城在衛東南。漢縣。屬遼東郡。應劭曰。縣依水

險。故曰險濱。後漢

屬遼東屬國。金廢。

川州城。衛西北百二十里。遼志。本唐青山州地。屬營州都督府。遼初置白川州。尋曰川州。長寧軍。領安理。咸康。宜民三縣。金初因之。天定六年。廢川州爲宜民縣。屬懿州路。承安二年。復置川州。泰和四年。仍罷州。以宜民縣屬興中府。元復曰川州。屬大寧路。

明初廢。志云。川州有東西二城。東川州。遼所置也。西南去義州衛百五十里。西川州。金所置。南至義州。衛九十里。又有徽川城。在川州西。金志。承安二年。以徽川寨爲徽川縣。屬川州。泰和四年。州廢。縣亦罷。

懿州城。衛北二百二十里。遼置慶懿軍。更爲廣順軍。尋爲懿州寧昌軍。領寧昌。順安二縣。金因之。初棘威平府。後屬中京路。領順安。靈山二縣。元以靈山縣省入順安。又省順安入州。至元二十四年。諸王乃顏反。元主發上都兵討之。至撒兒都魯之地。敗之。

既而其黨犯咸平。宣慰塔出之瀋州。分遣亦兒撒趣懿州。悉平之。明初置廣寧後屯衛於此。永樂八年。徙衛入義州。又寧昌城在懿州北二十里。本渤海之平陽縣。遼改曰寧昌。爲懿州治。金徙州治。以寧昌并入順安。又靈山廢縣。在懿州西。金志。本渤海之靈

峯縣。金曰靈山元省。

閭州城

在衛東北。遼置。志云。以近豎巫閭山而名。在遼州西百三十里。西北至上京臨潢府九百五十里。金廢。又順州城。在衛東北百二十里。遼志。漢遼東郡遼隊縣地也。遼置順州。西北至上京九百里。金廢。○彘州城。在衛東北二百二十里。遼志。漢遼東西安平地也。遼置州。西北至臨潢七百二十里。金廢。又涇州城。在衛東北二百五十里。遼志亦曰高陽郡。金廢。

同昌城

衛西北百九十里。遼初置長慶軍。尋曰成州。興化軍。統同昌縣。金州廢。縣屬川州。大定六年。改屬懿州。承安二年。復隸川州。泰和四年。改屬義州。元廢。遼志。成州在宜州北百六十里。北至臨潢七百四十里。○肇州城。在衛北境。元史。至元三十年。以阿八刺忽者之地。產魚。立肇州城。元貞元年。立肇州。屯四萬戶府於此。元末廢。又金置肇州。見開元衛境。

豎巫閭山

衛西五里。舜封十有二山。此即幽州之鎮山也。周禮職方幽州。山曰豎無閭。即此。亦謂之北鎮。隋開皇十四年。詔以豎無閭爲北鎮。是也。其山掩抱六重。亦謂之六山。巖洞泉壑種種奇勝。山麓有石門。自衛城西北經平坂。兩山屹立如門。有谿中出。巖壑竊窺。峯巒迴合。契丹耶律突欲嘗讀書山巔。築堂曰望海。及卒。遂葬於此。謂之顯陵。顯州之名以此。○蛇山。在衛東三十里。巖嶂稠疊。徑路崎嶇。又有盤山。在衛東九十里。又衛北二十五里有三尖山。東北九十里有白雲山。又北三十里有駁山。

蒺藜山。在衛北塞外。宋政和七年，遼主延禧以金人取東京，募遼東人爲兵，使報怨。號曰怨軍，命耶律淳將之。屯於蒺藜山。旣而金將幹魯古等與淳戰，淳走。金人追至河里真陂，遂拔顯州。於是乾懿諸州皆降於金。

牽馬嶺。衛西北六十里。山脈與豎巫閭相接，勢極險峻。中通驛路，行者必下馬攀援。乃得越。故名。今置驛於此。又西至義州衛五十里。又白土嶺在城北六十里。

板橋河。出豎巫閭口，同源異流。一經衛城北，一經衛城南，俱至城東南，合蘆溝及雙峯河入海。今城西有板橋驛，以此名。又衛西有楊郎河，亦出豎巫閭山，合於板橋河。○珠子河在衛東北，源出白雲山，南流入遼河。又有細河，在城西六十里，源出衛西北

百里之響山，南流合於大凌河。

路河。衛東四十里，其上流爲羊腸河，源出白雲山，經鎮武堡，高橋鋪入鐮刀湖。又東合潮河，流入於三岔河。中間有沙嶺，地形高阜，多沙河易淤。自盤山驛以東九十里，每霖雨河水泛溢，軍馬策應，嘗虞艱阻。正統中，於沿河築隄岸爲長廣道，河水通行，初起

海州東昌堡南十四里布花堡西，至廣寧城北，凡二百里。後由廣寧東制勝堡至東昌，凡百七十里。自海運廢，河道遂阻。塞志云：路河以緣路濟河而名，遂地多泥淖，路河濇，可以外禦敵騎，內洩瀦水，達於海嘉靖末，嘗因舊迹，濇河築隄，行旅稱便。久之隄日頽，河日淤，敵得乘隙以入，而內水無所洩，積爲滲池，地不可耕。久雨則行旅斷絕矣。此宜急爲修築。邊防水利，胥有賴焉者也。又高橋河在衛東南四十里，衛東南六十里，又有龍灣河，舊皆通於路河。

雙峯湖。衛南二十里，源出豎巫閭山，東西沿流，通板橋河。又莽犂湖，在城南九十二里。○古老，無名泉，在城北。二泉湧出，自城西南流入城中，至東南隅，達於城濼。四時不竭，汲者便之。又滿井在城西北二里，水甘美，人多汲飲。雖旱，嘗滿。

白土廠關。城北七十里，諸部於此入市，又分水關，在衛北八里。上有鎮北樓，又魏家嶺關，在衛西北六十里。

通定鎮

在衛東百八十里。近遼水舊志高麗於遼水西置軍以警察遼者謂之武厲遼隋大業八年伐高麗。惟得遼水西武厲遼之地。置遼東郡及通定鎮而已。九年詔修遼東古城以貯軍糧。即所置遼東郡城。以仍舊名。亦曰古城也。唐貞觀十八年伐高麗。李世勳自通定濟遼水。趨元菟。即此。又唐彙志云。在衛東南三十二里。唐太宗征高麗。屯兵於此。因名。○夫犖營在衛西。或曰夫犖當作巫閭。蓋依山結營。以警巫閭山爲名也。後漢元初二年。遼東鮮卑圍無慮。又破夫犖營。殺縣令。蓋即無慮令。或誤以夫犖爲縣。賢曰。夫犖故城。在營州東南。或又以夫犖爲徒河縣地。皆誤也。

鎮邊堡

衛西北七十里。又西有鎮夷堡。接義州衛界。志云。鎮夷堡東南有盤嶺。可以按伏。又鎮遠堡。在衛東北六十里。其西南曰東安堡。又鎮寧堡。在鎮遠堡東南四十餘里。堡西有蛇山。可按伏。○鎮安堡。在衛北三十里。其西北有鎮靜堡。又團山堡。在衛西北二十五里。

鎮武堡

衛東百五十里。萬歷末。邊將羅一貴駐守於此。又東八里曰西興堡。堡東南又有西寧堡。西寧之西曰西平堡。又平洋堡。在衛東二百里。接海州衛界。亦曰平洋鋪。○制勝堡。在衛東二十里。一統志。堡在衛北境者曰鎮安。鎮邊。青石團山。雙樹。北安。東安。南安。西安。中安等堡。在東境者曰高廟。倒塔。板橋。平洋等堡。在南境者曰四塔。閩陽。柳河。十三山。豐安。沙窩。沙墩。海潮。大覺。凌河。雙峰等堡。凡二十五云。又有鹽場。砦。在衛南百里。

十三山驛

在衛西南七十里。即十三山堡也。又西八十里。連錦州之小凌河驛。又高平驛。在衛東四十五里。又衛東九十里。有盤山驛。○老虎林。在邊外百餘里。三衛所居也。

義州衛

司西北五百四十里。東至廣寧衛百二十里。東南至廣寧右屯衛亦百二十里。南至海岸百四十里。西南至廣寧中屯衛九十里。西至邊外慶興中州百六十里。

秦漢遼西郡地。漢末爲山戎所據。唐爲營州地。遼置宜州崇義軍。金改爲義州。屬中京路。元屬大寧路。

明初州廢。洪武二十二年置今衛。

衛山川環峙。迫處疆索。亦控馭之所也。

廣寧後屯衛。在義州衛治西偏。洪武二十五年置。
初治舊懿州。永樂八年徙治於此。

宏政廢縣。今衛治。漢置宏縣。屬遼西郡。後廢。遼置宏政縣。爲宜州治。在今衛東北二十五里。金移今治。元省縣入州。明初州廢。洪武二十二年置衛。因故城修築。周九里有奇。正德中復修治。城南有南關。周一里有餘。

開義廢縣。衛南四十里。遼置海北州廣化軍。治開義縣。金皇統三年州廢。縣屬義州。元省。

青山。衛東三十里。上有塔。又衛東北五十里有隘口山。又十里有駱駝山。與廢川州接界。○牛心山在衛西六十里。與廢興中州接界。又衛北二十里有石門山。又北十五里有嘉福山。

擦牙山。衛西北六十里。其相近者曰營成山。又雙山在衛南十五里。又南十里有八塔山。

大凌河。衛西北六十里。源出廢大寧衛之松山。流入境。東南流經衛東。又經廣寧左右屯衛界。下流入海。○隘口河在衛東北八十里。源出廢川州之雙峰山。流入清河。志云雙峰山在衛東北九十里。又清河在衛東北百里。源出廢川州境。南流合隘口河。

入大凌河。

石河。衛南四十里。源出衛西南山中。流爲石房河。經衛城西一里。南流爲石河。又東入大凌河。衛南二十里。又有泥河。出西山中。經流衛東二十里之杵頭山。入大凌河。

大定堡。衛西南七十里。堡東南有十方寺。由大定而西北。有大安堡。堡北曰半邊山。可屯兵。又西北曰大康堡。其相近又有義家堡。○太平堡在衛北六十里。堡南有狗河寨。可按伏。又有黃泥溝。黑鷹山。賊衝也。又大寧堡。在太平堡東二十里。堡南有金家溝。可按伏。又有達達嶺。分水嶺。爲賊衝。又正義堡。在大寧堡南二十里。

大靖堡。衛東北七十里。其東曰大清堡。又東接廣寧之鎮夷堡。○永寧堡在衛東三十里。又有杵頭堡。在衛東二十里。以近杵頭山而名。其在衛東者。又有遼鎮堡。三家城等堡。

塔山堡。衛東南六十里。其相近者。又有塔山南堡。塔山北堡。又五里莊堡。在衛南。其相近者。又有鷄食團山。樂家。開川等堡。又泥河堡。在衛南二十里。其東北又有城南堡。○石家堡在衛西南。其相近者。曰八塔山堡。又青榆林堡。在衛西。其北爲萬佛堡。以近萬佛山而名。志云。山在衛西十五里。又衛西北邊外百餘里。有凌河屯。邊防攷。凌河。墨州上。隔三衛地險隘。皆在義州塞外。

廣寧中屯衛。司西北六百里。東至廣寧衛百八十里。北至廢興中州百五十里。西北至故大寧之廢建州百五十里。西南至寧遠衛百二十里。南至海岸五十里。

秦漢遼西郡地。東晉時。慕容皝置西樂郡。遼志。俱作西樂郡。後墟其地。遼置錦州。臨海軍。金因之。屬大定府。元屬

大寧路。皆兼置臨海節度於此。明初仍爲錦州。洪武二十四年。改置今衛。

大寧路。皆兼置臨海節度於此。明初仍爲錦州。洪武二十四年。改置今衛。

衛山川盤錯。屹峙邊陲。稱爲形勝。

廣寧左屯衛。在中屯衛治西。洪武二十四年置。

永樂廢縣。今衛治。遼置爲錦州治。金因之。元省縣入州。明朝改州置衛。因舊城修築。周五里有奇。成化十二年。復增築。安治十七年。并城南關。今城周七里。有奇形勢若盤谷。謂之盤城。

安昌城。在衛西。遼置安昌縣。屬錦州。金因之。元省。陳元觀曰。元臨海節度領永樂安昌興城神水四縣。考諸志無興城縣。

神水城。在衛西北。遼志。漢徒河縣地。屬遼西郡。遼開泰二年。置神水縣。屬大定府。金改屬錦州。皇統三年。廢爲神水鎮。尋復爲縣。元廢。志云。城北有溜石山堡。金末蒙古將木華黎鎮北京大定府。降將張致據錦州。以叛華黎。以致地險兵精。欲設奇取之。遣兵急攻溜石山堡。而使別將屯永德四十里。致馳救溜石。永德軍遣將斷其歸路。華黎馳至神水。與致遇。永德軍亦至。致敗走。錦州遂下。○永德城在衛北。遼初置安德縣。屬乾州。改屬霸州。尋升置安德州。化平軍於此。金州廢。大定七年。改爲永德縣。屬興中府。元廢。志云。永德城西北去神水城五十餘里。東北去興中城百里。

木葉山。衛東三十里。契丹阿保機建南樓於木葉山。在今三衛境內。廢永州。非此山也。又紫荆山在衛東八十里。○望海山在衛東南十五里。山高可望滄海。

紅羅山。衛西六十里。亦名紅螺山。有大小二山。綿亘東西百餘里。今因其勢築長城。爲一方之障塞。又白雲山在衛西二十五里。土人以山陰晴雨。○杏山在衛西南四十里。今有杏山驛。又西南三十里有乳峯山。中峯如蓋。東西十二峯。拱城北向。懸巖有

寶泉出其中寒溜如乳又翠嶼山在衛北十里又北十五里有梯子山又有望城岡在衛北八里

小凌河

衛東南十五里出廢大寧衛界南流經衛西南五里有女兒河流合焉河出衛西南五十里之女兒山至此並流而東又有哈喇河在衛南十里亦東流合於小凌河又南注於海志云衛西有小河名錦川州以此名或曰小凌河與諸水回合如錦也○大凌河在衛東南四十里自義州衛流入境又東南入廣寧右屯衛界

松山堡

衛南二十里以地有松山而名宣德三年置中左千戶所於此屬中屯衛又大凌河堡在衛東四十里以近大凌河而名宣德三年亦置中左千戶所於此屬左屯衛

大興堡

衛西六十里又西與寧遠衛接界堡北有新莊子可屯兵又大福堡在大興堡東北又東爲錦昌堡○大興堡在衛西北三十里其西曰沙河堡又大勝堡在衛北其南曰蔡家堡有分水嶺可以按伏

大茂堡

衛東北四十里其南曰流水堡有葦子溝可以按伏自堡而東接義州之大定堡○年豐堡在衛東四十里一統志衛境自東轉南有廣濟順陽營豐仁和大有廣盈嘉禾順寧樂安豐稷春華西杏西和永豐臨川富有錦昌豐稔興稼得安南陽福

寧秀穎蔡家西寧凡二十五堡又衛境鹽鐵場凡四其鹽場百戶所一在城南六十里一在城南八十里鐵場百戶所一在城西六十里一在城南百

小凌河驛

衛南三十里又衛西四十里有杏山驛又西六十里達寧遠衛之連山驛邊防考遼東之木市凡三置於錦州寧遠及前屯衛

廣寧右屯衛

司西五百里北至廣寧衛百二十里西至廣寧中屯衛八十里南至海岸三十里

秦漢遼東郡地。遼爲顯州地。金爲廣寧府地。元因之。洪武二十七年。改置今衛。
衛南臨大海。北峙豎間。遼左有事。此亦出奇之地矣。

右屯衛城。

今衛治元闔陽縣之臨海鄉也。洪武二十六年。置衛於十三山堡。二十七年。遷治於此。永樂中築衛城。周五里有奇。

十三山。

衛北三十里。五代胡幡北行記。十三山西南去幽燕二千里。又遼史。燕王淳討武朝彥。至乾州十三山。卽此。又塔山在衛北四十里。有塔在其上。因名。

大凌河。

衛西二十五里。自廣寧中屯衛流入境。又東南入於海。又城東一里有枯凌河。從大凌河分流。或盈或涸。故名。亦東南入海。

黑林堡。

衛西北五里。又衛東南有河通堡。一統志。自衛境東北折而南。有枯樹。東海枯凌河。檳榔。常豐。女貞等六堡。又鹽場百戶所在。衛南二十里。鐵場百戶所在。衛東五十里。

望海頓。

在衛西南。隋大業八年。伐高麗。敗還。勅運黎陽。洛口。太原等倉穀向望海頓。圖再舉。謂此。

廣寧前屯衛。

司西九百六十里。西至山海關七十里。南至海二十里。北至邊牆二十五里。西北至大寧廢衛三百七十里。

秦漢遼西郡地。晉及後魏因之。唐初爲營州地。咸亨中。置瑞州於此。契丹置來州歸德軍。金天德三年。

改爲宗州。泰和六年。復爲瑞州。

避金主睿宗諱也。

元亦曰瑞州。屬大寧路。明洪武二十五年。改置今衛。

衛襟帶燕薊控扼營平當戎索之要衝司雄關之鑠鑰誠咽喉重地也。

來遠廢縣。

今衛治唐史貞觀十年以烏突汗部落置威州於營州境後改瑞州又置來遠縣爲州治後廢契丹改置來賓縣來州治焉金曰宗安縣泰和六年改曰瑞安元省縣入州明改置衛因舊城修築周六里有奇

海陽城。

在衛東遼志漢海陽縣地屬遼西郡顏海多隸爾置鹽場於此慕容皝置集寧縣遼置隰州平海軍金州廢縣屬瑞州元省○海濱城在衛西八十里遼志本漢陽樂縣地屬遼西郡遼置潤州海陽軍統海濱縣金州廢縣屬瑞州元省明初置東關

遞運所

於此

遷民廢縣。

在衛西北遼置亦漢陽樂縣地統和中置遷州與善軍統遷民縣金州廢又廢縣爲遷民鎮屬海陽縣元仍曰遷民鎮屬瑞州致和元年燕帖木兒迎立懷王於大都上都諸王也先帖木兒等自遼東以兵入遷民鎮卽此

萬松山。

在衛西北十五里綿亘東西百餘里連山海永平界山多松因名山北相接者曰五指山五峯秀拔若五指然志云五指山在衛北五十里○三山在衛西北三十里高數千仞三峯並秀遼志謂之三州山又鐵揚山在衛北三十里衛東北百五十

里又有

九洞山。

十八盤山。

衛北九十里縈回曲折十有八盤志云衛北三十里有石梯山昔人鑿石爲梯以便登陟處也又有關山在城北十五里○灰山在衛西北七十五里又衛西北九十里有龍門山志云衛西北三十里有蛇倒退山以險峻難越而名又大

秦兒山在衛東北四十里衛

東北二十里又有小寨兒山

橫嶺。衛北二十里。又北十里。曰分水嶺。青石嶺。衛東北四十里。又有白石嶺。又長嶺。在衛西三十里。其相接者。曰高嶺。又西四十里。曰歡喜嶺。○麻子峪。在衛西四十里。鐵場百戶所置於此。又山口峪。在衛東南七十里。驪場百戶所置於此。又衛西北四十里。

有寺

兒峪。

急水河。

源出萬松山。經衛西五十里入海。又有慢水。源出歡喜嶺。經衛西七十里入海。○六州河。在衛東北七十里。大寧建州等六州之水。合流入境。南流。經衛東北十五里之蛇山。又東南入海。

杏花溝。

衛東北三十五里。又東北三十五里有三道溝。又東北二十里有葦子溝。又爛泥溝。在衛東五里。又衛北二十里有芍藥溝。○白龍潭。在衛東南七十里。南流入海。又衛西北三十里有黑龍潭。

山海關。

衛西七十里。與直隸永平府接界。詳見直隸重險。

急水河堡。

衛西五十里。宣德三年。增置中前千戶所於此。堡南有芝麻灣。濱海要地也。○杏林堡。在衛東五十里。宣德三年。增置中後千戶所於此。

鐵場堡。

衛西六十里。與山海關接界。又永安堡。在衛西北四十五里。背驛堡。在衛西北三十里。志云。嘉靖二十五年置。又三山營堡。在衛西北三十里。○平川營堡。在衛北三十里。又東北爲瑞昌堡。又東北爲高壘堡。志云。自高壘入盤嶺。二百五十里。又北

入毛安舖。二百里。

皆前屯舊界也。

三道溝堡。

衛東北七十里。又東爲新興營堡。嘉靖三十五年。馬市成。俺答縱掠如故。別部把都兒辛愛犯遼東新興堡。即此。又錦川營堡。在衛東北九十里。又東接寧遠衛界。

塔山堡。

衛東南六十里。又安寧山堡。在衛東北五十五里。慶春山堡。在衛東北七十餘里。○海山堡。在衛西南四十里。一統志。衛境自北而東南有戰歌。安家。慶春。永豐。古城。廣積。積糧。長安。鎮安。永安。蛇山。海泉。海山。新安。林樹。泰新。驢場。三山。塔山。海濱。劉

興。與安。城南。老

軍。凡二十四堡。

椴木衝。

衛西北三十里。其相近者。又有碾兒衝。○黃喜衝。衛東北三十里。又東北四十里。爲塔兒衝。又十里。爲老鶴衝。邊防考。衛境塞外百里有鐵嶺川。三衝所居也。

沙河驛。

衛東北四十里。又東三十里。達寧遠衛之東關驛。又高嶺驛。在衛西南三十五里。西入山海關之道也。

寧遠衛。

司西北七十里。西至廣寧前屯衛百三十里。東南至廣寧中屯衛百八十里。東至廣寧衛三百里。西北至故大寧衛廢利州百五十里。

秦漢時遼西郡地。唐爲營州地。遼爲錦州及來州地。金元亦爲錦瑞二州地。明初爲廣寧前屯及中屯

二衛地。宣德三年始置今衛。

衛內拱巖關。南臨大海。居表裏之間。屹爲形勝。

寧遠城。

今衛治。創建於宣德三年。撫臣包德懷所奏。置據三首山爲固城。小而堅。周七里。有奇。

和州城。

衛北百二十里。元初置和州。屬大寧路。至元五年。并入利州。爲永和鄉。利州見廢大寧衛。

三首山

衛東二里。三峯相峙。上有泉。四時不竭。又望澤山。在衛東十八里。下臨大海。八塔山在衛西南二十五里。上有八小塔。又鐵帽山。在衛西十八里。

大團山

衛西北三十里。中高四下。固守之。可斷北寇出沒之道。今團山堡置於此。又鎮山在衛西北二十里。其相近者。又有雙山。又刺梨山在衛北。與塞外相接。○長嶺山在衛東北五十餘里。今有長嶺山堡。萬歷中。朵顏寇連山驛。總兵杜松出中屯。所長嶺山。夜至塞外之哈流兔。鬪敵營。大有斬獲。志云。長嶺卽紅螺山之別名。今衛東北五十六里。爲小紅螺山。衛東北六十里。卽大紅螺山。蓋與中屯衛接壤處也。

白塔峪

衛西北三十五里。又衛西六十里。有石峽口。其泉流爲曲尺河。東入海。○桃花島在衛東十五里。海濱。海舟往來。恆泊於此。又覺華島在衛東南二十里。上有海雲、龍宮二寺。

寧遠河

源出城西北山谷中。流至城西。分爲二池。環抱城郭。復合爲一。南流入海。又衛東北二十五里。有七里河。源出廢和州。東南流入海。又臭柳河。亦出和州境。下流入海。○北沙河出衛西二十里之小隱山。又有北沙河出衛西四十里。羊角山。俱東流入海。志云。城東三里。又有沙河。源出衛北寨兒山。東南流入海。

東關河

在城西六十里。自大寧境流入。上通六州河。南流入海。又女兒河。亦自境外流入。經城西一里。東南入海。又有石橋河。在衛西十三里。源出鐵帽山。南流入海。○西湖在衛西十五里。有藕茨魚蝦之利。

海

衛南二十五里。又衛東南至海。僅十五里。

塔山所

在衛東五十里。宣德三年。別置中左千戶所於此。屬寧遠衛。所城周三里有奇。嘉靖三年。修築。○小沙河所。在衛西四十里。宣德三年。別置中右千戶所於此。屬寧遠衛。所城周三里有奇。

黑生窠堡。衛西六十里。其南即石峽口。可屯兵。又西與廣寧前屯之錦川堡接界。又仙靈寺堡。在黑生堡東。其東又有小團山堡。堡西有五澗山。可屯兵。堡西北爲老虎衝。可按伏。○興水堡在衛西北五十里。堡北有煙籠山。可屯兵。堡東爲玉保兒

山。可按伏。又白塔峪堡在白塔峪口。其東爲陡嶺口。可按伏。

寨兒山堡。衛北二十里。堡東爲鷹窠山。可屯兵。堡西爲橫嶺。可按伏。又灰山堡在寨兒山堡東。○松山寺堡在衛東北四十里。堡東有廟兒山。可屯兵。又沙河寨堡在衛東北四十餘里。又東北即長嶺山堡也。又椴木衝堡在衛東北六十里。又東接

錦州西境之大興堡。志云。衛有鹽場百戶所在城。南二十五里。鐵場百戶所在城南十八里。麻子峪。

連山驛。城東北三十二里。又曹莊驛在城西南十三里。東關驛在城西六十里。又西六十里爲前屯衛之沙河驛。又瓦窰衝在衛東北四十里。○雙塔在衛東。萬歷中。三衛賊嘗聚此。犯寧前諸處。或曰。即塔山所也。又東南爲湯池站。故屬錦州。置站於此。西

達曹莊驛。

瀋陽中衛。司北百二十里。北至鐵嶺衛百二十里。東南至鴨綠江六百里。

禹貢青州地。春秋戰國時屬燕。秦漢爲遼東郡地。晉及後魏因之。尋爲挹婁國地。唐得其地。屬安東都護府。後沒於渤海。置瀋州。遼置興遼軍。後更名瀋州。亦曰昭德軍。金因之。後更爲顯德軍。元曰瀋陽路。元志。金末。瀋州燬於兵火。元初。徙高麗降民散居遼陽。置高麗軍民萬戶於瀋州。以城郭初創。寄治遼陽故城。中統二年。改爲安撫高麗軍民總管府。及高麗舉國內附。又分置安撫高麗軍民總管理瀋州。元貞二年。併兩司爲瀋陽等路。安撫高麗軍民總管府。仍治遼

陽故
城。明洪武二十年置今衛。

衛控禦荒徼。撫集邊氓。遼陽之頭目。廣寧之唇齒也。

樂郊城。今衛治。遼初俘薊州三河縣民。置三河縣於此。後更爲樂郊縣。瀋州治焉。金因之。後廢。明朝洪武二十一年。修築故城。周十里有奇。城南又有南關城。周不及一里。遊兵居焉。

章義城。衛西南六十里。遼志云。漢襄平縣地。高麗置當山縣。渤海爲鐵利郡。契丹初置鐵利州。統和八年。州省。開泰七年。復置廣州。治昌義縣。金皇統三年。州廢。改縣曰章義。屬瀋州。元廢。今爲章義站。

遼濱城。衛西北百八十里。高麗之遼東城也。唐太宗克之。改曰遼州。時亦謂之新城。以別於遼東故城也。唐史。貞觀十八年。伐高麗。江夏王道宗將兵數千至新城。二十年。復伐高麗。命李世勣將青州兵自新城道入。永徽三年。高麗侵契丹。松漠都督李窟

哥將兵禦之。大敗高麗於新城。儀鳳二年。徙安東都護於新城。以統高麗百濟之地。此唐所名之新城也。後爲拂涅國城。渤海置東平府。督伊蒙陀。黑北五州。契丹阿保機攻渤海。先克東平五州。皆下。復置遼州於此。并置遼濱縣爲州治。亦曰東平軍。德光更

爲始平軍。金皇統三年。州廢。縣屬瀋州。元并廢。縣近志謂之遼陽城。又謂之顯州城。皆悞也。

北豐城。在衛西北。後漢末。公孫度據遼東。置城於此。謂之豐城。司馬懿伐遼東。豐人南徙青齊。其留者曰北豐。宋元嘉十五年。北燕主馮宏奔高麗。至遼東高麗處之平郭。旣而徙之北豐。尋殺之。胡氏曰。慕容翰議以偏師從北道攻高麗。卽此豐道云。○白

巖城在衛西。高麗所置城也。唐貞觀十八年。克遼東城。進軍白巖城。克之。改置巖州。渤海曰巖州。白巖軍。治白巖縣。契丹因之。改屬瀋州。金廢。

貴德城。

衛東八十里。遼志：漢襄平縣地。契丹置貴德州。寧遠軍於此。治貴德縣。金因之。元廢。又有奉德廢縣。在貴德州東。遼志：渤海綠城縣地。契丹置奉德州於此。尋降爲縣。金省。○奉集城在衛東南。遼志：高麗置霜巖縣於此。渤海置集州。治奉集縣。契丹

仍曰集州。又爲懷衆軍。金廢州。以奉集縣屬貴德州。元縣廢。今爲

奉集堡。有鐵場百戶所。屬鐵嶺衛。志云：堡東去鐵嶺衛二十里。

崇信城。

在衛東。遼志：漢長岑縣地。屬樂浪郡。渤海置崇州。領崇山、馮水、綠城三縣。遼仍置崇州。亦曰隆安軍。并崇山三縣。置崇信縣。爲州。治在東京東北百五十里。金廢。○元菟城在衛東北。漢武開朝鮮。置元菟郡。領高句麗、上股、台、西蓋馬三縣。又昭帝元

鳳六年。築元菟城。陳壽曰：元菟郡本治沃沮城。後爲夷貊所侵。徙治高句麗縣西北。是也。公孫度據遼東。復置元菟郡於遼東。東北二百里。晉因之。卽此城矣。隋大業八年。伐高麗。分遣辛世雄出元菟道。唐貞觀十八年。征高麗。拔元菟城。皆謂此城也。

東牟山。

衛東二十里。唐高宗平高麗。渤海大氏以衆保挹婁之東牟山。唐史：山東直營州三千里。武后時。大祚榮築城於此。居之。其國界南至新羅。以泥河爲界。東窮海。西契丹。蓋卽此山矣。或云：在三衛福餘境內。煥。又輝山在衛東北四十里。層巒疊嶂。爲

諸山之冠。又黑山亦在衛東北。○長山在衛西北八十里。又衛東南二百里。有三角山。又有蘇水嶺。在衛東三百八十里。

薄刀山。

在撫順關口。亦曰剝刀山。志云：塞外有石門山。有分水嶺。○媳婦山亦在撫順關外。

渾河。

衛南十里。自衛東北塞外流入。境。又南入定遼衛界。○遼河在衛西百十里。自鐵嶺衛流入。界。又南入定遼衛境。

浦河。

衛北三十里。源出輝山。西流入渾河。又沙河在衛東南。亦西流入渾河。又有夾河在撫順城南四十里。源出塞外分水嶺。亦西流至衛南。入於渾河。

小瀋水。衛西南四十里。東流入於渾河。亦謂之活水。宋政和六年。女真阿骨打攻遼。叛將高永昌於遼陽。取瀋州。永昌帥衆拒金人。於活水。金師既濟。永昌軍不戰而却。逐北至遼陽城下。永昌敗奔長松。其下執之以獻。於是東京州郡皆降於女真。長松蓋

與遼陽相近。或以爲

即司東境之松山。

撫順所。衛東北八十里。志云。金賈德州地。洪武二十一年。置撫順千戶所。屬瀋陽中衛。城周二里。蒲河所在。衛北四十里。洪武二十一年。置蒲河千戶所。屬瀋陽中衛。城周不及一里。

撫順關。在撫順所東二十里。置馬市於此。

靜遠堡。衛西七十里。與定遼衛之長營堡接界。其相近又有陳寧堡。○上榆林堡。在衛西北四十里。其相近者。有倒塔兒空堡。萬歷末增置。又十方寺堡。在蒲河所西北。其南有馬空堡。亦萬歷末增置。

武靖堡。衛西南七十里。又衛南六十里有永盈堡。志云。衛南又有常豐慶稔嘉禾。大有。土母河五堡。○會安堡。在撫順所東十餘里。所西南又有渾河塔下二堡。志云。衛西有高墩屯。宏治中。嘗議建營堡於此。又有鐵場百戶所。在衛東九十里。安平山。山屬

定遼衛。又有鹽場百戶

所在。海州之梁戶口。

古勒寨。在撫順關外百餘里。○八瓶口。在衛東境。宋政和六年。遼東京裨將高永昌以三千兵屯八瓶口。誘其渤海戍卒作亂。入遼陽。據之。即此。

鐵嶺衛。司北二百四十里。北至三萬衛九十里。東南至撫順千戶所一百里。

讀史方輿紀要

卷三十七

秦漢時遼東地。渤海置富州。契丹更名銀州。金皇統三年。州廢。以其地屬咸平府。元因之。明洪武二十六年。置今衛。

衛控扼夷落。保障邊陲。山川環繞。屹爲要地。

新興城。今衛治。本渤海富壽縣。爲富州治。境有延津。遼更名延津縣。銀州治焉。金皇統三年。州廢。更置新興縣。屬咸平府。金末廢。元因之。明洪武二十一年。在今衛治東南五百里。故鐵嶺城。置鐵嶺衛。與高麗接壤。二十六年。徙治於此。因故城修築。周五里。

有奇。又有故新興城。在今衛東。遼志云。故越喜國地。渤海置銀治於此。因置銀州。遼故富州爲銀州。以故銀州置新興縣屬焉。是也。金并入延津縣。又改延津爲新興縣。

挹婁城。衛南六十五里。本挹婁地。遼志。漢樂浪郡漢冥縣地。渤海置興州。領盛吉。蒜山。鐵山三縣。遼廢。尋復置興州。興中軍。治常安縣。金州廢。大定二十九年。改爲挹婁縣。屬瀋州。元縣廢。今爲懿路所。

慶雲城。衛西北五十里。本渤海蒙州地。契丹阿保機俘檀州民置檀州。併置密雲縣於此。尋改州爲祺州。佑聖軍。縣曰慶雲縣。金州廢。屬咸平府。元廢縣爲慶雲驛。元志。至元三十年。置遼陽路。自慶雲北至合里賓。凡二十八驛。○永平廢縣。存衛東北。本

渤海優富縣地。契丹置永平寨。於此。尋升爲縣。屬銀州。金省。

銅山城。衛西北五十里。遼志。渤海東平寨地。契丹置同州鎮。東軍。後更爲鎮安軍。治東平縣。兼領永昌縣。金州廢。尋改置銅山縣。屬咸平府。元廢。○雙城廢縣。在衛西六十里。本挹婁故地。渤海置安定郡及安夷縣。後廢。契丹置雙州保安軍。治雙城縣。金州

廢。縣屬瀋州。元省。

咸平城。在衛東北。遼志：漢樂浪郡侯城縣以北地。高麗爲銅山縣地。渤海爲銅山郡地。在龍泉府之南。多山險。寇盜以爲淵藪。契丹建城於此。初號郝里太保城。開泰八年。置咸州安東郡。治咸平縣。金曰咸州路。天德二年。升咸平府。大定中。又改咸平縣爲

平郭縣。貞祐初。耶律留哥聚衆隆安。金人討之。爲所敗。盡有遼東州郡。稱遼王。都於此。元初廢。以咸平府隸開元路。後改隸遼東宣慰司。明初廢。○清安城在咸平東北。遼置肅州信陵軍。治清安縣。金廢州。以縣屬咸平府。元廢。

歸仁城。在故咸平東境。遼志：通州安遠軍。本扶餘國王城。渤海號扶餘城。遼初故置龍州。尋曰通州。領通遠安遠歸仁流谷四縣。金州廢。以三縣并入歸仁。屬咸平府。元初廢。又玉山廢縣在咸平東南。金置縣。屬咸平府。貞祐二年。升爲玉山州。順安軍。金末

廢。○榮安廢縣在衛西北。遼河東岸。金置。屬咸平府。元廢。

龍首山。衛東二里。又衛東三十里有松山。又東六十里有天灰山。○虎頭山在衛東南百十里。又衛東八十里爲山羊山。皆東面之障蔽也。

保山。衛西北三十里。遼河西岸。又馬鞍山在衛西百十里。遼河之西。又有塔兒山。在衛西南四十里。又西南四十里有上塔兒山。又西南十里爲下塔兒山。三山亦俱在遼河之西。○黃山在衛西南五十里。又西南十里曰塔兒山。又有寨坡嶺在衛南六十里。

遼河。衛西八十里。自三萬衛南流入境。又南入瀋陽衛界。○柴河在衛北二里。源出衛東松山之西。會諸水而西入遼河。又汎河在衛南三十里。出松山之東。亦會諸山之水。而南流經黃山塔北流於遼河。

小清河。衛南六十里。源出廢貴德州南山中。西流經懿路城南。又西入於遼河。又泥溝河在衛南八十里。源出瀋陽衛之東山。西北流入境。又西流經瀋陽之十方寺堡。入於遼河。

懿路所。即故挹婁城也。明初置中右千戶。左左千戶及中左千戶等所。屬鐵嶺衛。洪武二十九年。調左左千戶所於懿路城。永樂初。蒙古鬼力赤等寇遼東懿路寨。即此城也。五年。因舊城修築。周四里有奇。八年。復調中千戶所戍於此。嘉靖三十七年。改築。

懿路關廂四十四年復增築焉。○汎河所在城南三十里。正統四年調中左千戶所於此築城周不及里。

三岔兒堡。衛東南七十里。志云堡在懿路所東。其東有張家接近堡。又有黃泥窪。賊徑也。又東南有二道關。又東有三道關。○丁字泊堡在懿路所西。接瀋陽衛蒲河所界。

宋家泊堡。在汎河所四十里。西南接丁字泊堡所。東有白家衝堡。西南接三岔兒堡。又有曹遲堡。在宋家泊堡東北。其東北又有平定堡。又東北接三萬衛之定遠堡。志云所東有李屯堡。嘉靖間增築。

撫安堡。衛東五十里。其東有石門堡。可屯兵。南有小釣子山。可按伏。又有龍潭寺口。兵衝也。又鎮西堡。在衛西北。遼河外。近堡有熊官兒屯。官軍營饗敵於此。又堡東有彭家灣堡。嘉靖中增築。○常裕堡在衛南三十五里。一統志自堡而東南。有永登。秀顯。

豐平大有富豐安福。
團山。旗嘉凡八堡。

三萬衛。司北三百三十里。南至鐵嶺衛百二十里。西至廢懿州三百七十里。東北至三衛境。廢信州三百十里。

古肅慎地。隋唐時為黑水靺鞨所居。唐元和以後。渤海取其地。屬上京龍泉府。渤海衰。黑水女真復有之。後滅遼。此為會寧府之地。金末。其將蒲鮮萬奴據遼東。蒙古克之。至元二十三年。置開元路。元史。元初平遼

東置開元南京二萬戶府。治黃龍府。至元四年。更遼東路總管府。二十三年。改為開元路。王氏曰。開元者。金上京境內地名。元平遼東。引師至此。遂定其地。時上京一帶。俱已殘燬。因改建開元路。以三萬衛為即會寧故地者。悞也。
明洪武二十

一年置諸軍民府。二十二年旋罷府置今衛。

衛控臨絕徼翼帶鎮城居全遼之上游爲東陲之險塞。

遼海衛。在三萬衛治東北洪武二十一年置。
初治牛家莊二十六年移治於此。

安東衛。在三萬衛治西
南永樂七年置。

開元城。今衛治元或作原悞也蒙古窩闊台六年初立開元南京二萬戶治黃龍府或以今城即黃龍城非也蓋初寄治於黃龍府後徙今治明初因舊城設三萬衛洪武二十五年修築周二十三里有奇。

廢信州。在衛東北四百里遼志云本興喜故城渤海置懷遠府治懷福縣遼改置信州彰聖軍又改置武昌縣爲州治金因之元州縣俱廢又定武廢縣在信州境本渤海豹山縣地遼置定功縣又改爲足武縣屬信州金廢。

廢韓州。在衛東北遼志云本遼離國舊治柳河縣高麗置鄧頡府都督鄧頡二州渤海因之後廢契丹初置三河榆河二州尋併二州置韓州東平軍金因之又增置臨津縣爲州治而以所統柳河縣屬焉元初廢○柳河廢縣在韓州境遼志本渤海興喜

縣地遼置柳河縣屬
韓州金因之元省。

廢鳳州。在故韓州北二百里遼志云亦遼離國故地渤海之安寧郡也契丹置州西北至上京九百里金廢○九連城在衛東北九十里都木川東岸城連屬有九因名明初征納哈出駐兵於此。

黃山。在衛東北十五里又衛東一十里有塔兒山又東四十五里有松山○刀釋山在衛西南二
百五十里刀釋蓋二山西相連又熊山在衛西北百九十里與刀釋山俱在遼河西岸。

金山

在衛西北三百五十里。遼河北岸。一名曲呂金山。又西北三十里曰東金山。又二十里曰西金山。三山延亘三百餘里。明初馮勝破納哈出於此。詳見直隸瓦良哈境。○牛心山在衛東北三百五十里。志云在艾河之北。土河之東。又阿兒干山在衛東北

三百五十里。廢

信州之東南。

分水嶺

有二。東嶺在衛東二百五十里。密河西岸。西嶺在衛北二百里。遼河西北。天順三年。大帥趙輔分遣左軍出渾河。柴河。石門河。土木河。至分水嶺是也。

金線河

在衛城東北。西流入城。出西水關。又南入清河。夾岸多柳。因名。

清河

衛東五十里。謂之大清河。源出分水嶺。流經城東南。有小清河。自衛東流合焉。經城南。西流入於遼河。○密河在衛東二百五十里。自塞外流入。合於大清河。又馬鬃河在衛西三十里。源出衛東北境黑嘴山。繞黃山後。西衛流入於大清河。又衛東北百

里有郵水川。源亦出分水嶺。下流入大清河。

里。有郵水川。源亦出分水嶺。下流入大清河。

艾河

衛東北二百五十里。源出塞外。流經衛東北境黑嘴山。與土河會。又上河在衛北二百五十里。亦自塞外流入。至黑嘴山。合於艾河。二河合流。謂之遼游。經衛西八十里。又西南流入鐵嶺。潘陽境。即遼河之上源也。○塗河在衛西北二百五十里。自塞外

流入。境南合遼河。又有亮子河。出衛

東北境。槍竿嶺。西南流入於遼河。

鎮北關

衛東北七十里。海西族朝貢市易處。又廣順關在衛東六十九里。靖安堡。東嘉靖中。海西族分道款關。因以鎮北曰北關。廣順曰南關。○新安關在衛西六十里。慶雲堡。北。又清河關在衛西南六十里。山頭關在衛南六十里。各關俱有官軍戍守。志

云衛南四十五里有中固城。

永樂五年築。撫順驛置於此。

靖安堡

衛東六十里。近堡曰黃泥岡。接伏處也。又東川堡在衛東南七十里。

古城堡

衛西南四十五里。又西十五里曰慶雲堡。與中固城、定遠堡相爲應援。邊防考。衛城南舊有馬市蓋。○永寧堡在衛西北二十里。其東曰鎮夷堡。近堡有皇甫城。按伏處也。

定遠堡

在衛南。中固城西。近堡有高麗屯。可屯兵。又柴河堡在中固城東南。近堡有關門衝。可屯兵。又有馬家砦。可按伏。○威遠堡在衛東五十里。近堡有柳木川。百峯山。皆爲賊衝。又松山堡在靖安堡西南。與中固城、柴河堡接境。

清陽堡

衛北二十里。又東二十里曰鎮北堡。去鎮北關六十里。又有靜邊堡。與鎮北堡相近。


瓦峪堡

衛東三十里。又扣河堡在衛東南六十里。一統志。衛境自東南轉西。有寶秀、實顯、迎陽、扣河、長城、東川、福興、關東、嘉禾、雍康、石門、常寧、上饒、團山、甘泉、穀城、向陽、問糧、古城、僊安、永慶、長樂、山岡、三山、勸農、富川、聚貨、梁山、高梁、中寨、泉安、黑穩、豐樂、蓮

湖、永豐。凡三十五堡。俱有官軍戍守。○曹子谷寨在衛東南寨外。

亦赤哈苔寨

在靖安堡邊外七十里。



讀史方輿紀要

卷三十八

山東九

外國
附考

朝鮮

在遼東郡司東千八百里。東至海七百七十里。南至海千三百里。西南至海八百里。西北至鴨綠江七百五十里。北至女真界千四百里。自其國都至京師三千五百里。至南京四千里。古朝鮮國箕子所封。戰國時燕略屬真番朝鮮。爲置吏築障塞。遂爲燕地。秦爲遼東外徼。漢初屬燕國。燕王盧綰叛入匈奴。燕人衝滿竊據其地。武帝定朝鮮。爲真番臨屯樂浪元菟四郡。昭帝并爲樂浪元菟二郡。後漢末爲公孫度所據。至公孫淵魏滅之。晉永嘉末沒於高麗。高麗者扶餘別種。東夷傳云。卽高句麗也。其族有五。一消奴部。一絕奴部。一順奴部。一灌奴部。一桂婁部。其後桂婁亦名白部。又曰黃部。絕奴亦名北部。又曰後部。順奴亦名東部。又曰左部。灌奴亦名南部。又曰前部。消奴亦名西部。又曰右部。各有縛薩主之。縛薩蓋酋名也。大抵東漢時高句麗部落漸盛。後遂建國。仍號高句麗。以高爲氏。三國魏正始七年。幽州刺史毋邱儉討破之。尋復據其地。晉咸康八年。其王高釗爲慕容燕所破。至曾孫璉益強。宋元嘉十二年。璉遣使入貢於魏。魏封爲高句麗王。居平壤城。卽漢樂浪郡地。齊永昭九年。璉卒。璉百餘歲。子雲嗣。請命於魏。明年。魏主宏冊璉督遼海諸軍事。遼東公高句麗王。梁天監十八年。璉卒。子安立。遣使入貢於梁。梁以安爲寧東將軍。高句麗王。後亦臣附於東魏。高齊齊亡。益并有遼東地。隋開皇十七年。高麗王湯謀治兵拒隋。隋主賜璉書責其稱藩。湯受命。會卒。子元嗣。隋仍封爲王。明年。元帥韋輔之衆寇遼西。隋營州總管韋冲却之。隋因伐高麗。元遣使謝罪。乃罷兵。大業七年。討高麗。明年。發二十四軍分道並進。總集平壤。不能克。九年。復伐高麗。十年。復伐之。凡四伐而不能克。唐武德四年。高句麗王建武遣使入貢。建武卽元之弟也。

七年。冊建武爲遼東郡王。貞觀十六年。高麗東部大人臬蓋羅文弒其王建武。改立其弟子曠。十八年。伐高麗。明年。親往征之。諸軍分道並進。克遼東等數城而還。自是數遣軍伐高麗。總章初。李勣攻高麗。拔平壤。置安東都護府。由此高氏滅。備鳳。初。新羅據其地。開元以後。并於渤海大氏。天佑初。大氏衰。有眇僧躬父者。聚衆據開州。稱王。號大封國。遂有高麗故地。五代。梁龍德二年。高麗人王建者起兵爲海軍統帥。襲殺躬。又自稱高麗王。唐清季末。建引兵擊破新羅百濟。而并其地。於是東夷諸國皆附之。地益拓。建都松岳。卽開州也。謂之東京。而以平壤爲西京。又置六府九節度。百二十郡。以理其地。督開運二年。建卒。子武代立。自後子孫遣使朝貢於宋。亦朝貢於契丹及金。宋嘉定十二年。高麗王噉附於蒙古。旣而中絕。紹定五年。蒙古主窩闊台遣兵伐高麗。其王噉復請降。因置京府縣達魯花赤七十二人監其國。端平初。悉爲高麗所殺。自是四遣兵攻之。拔其城十有四。大抵旋服旋畔。景定初。忽必烈以高麗世子僎襲封高麗國王。僎尋更名植。元至元中。其西京內屬。因置東寧路總管府。畫悲慈嶺爲界。大德三年。又置征東等處行中書。尋罷。至治三年。復置。命其王爲左丞相。至正之季。始貳於元。及明洪武二年。高麗王王顥表賀卽位。詔封高麗國王。二十五年。其王瑤昏繆衆推門下侍郎李成桂主國事。詔從其自爲聲教。成桂更名且。徙居漢城。遣使請改國號。詔更號朝鮮。自是王氏始絕。李氏世有其地。稱藩歲奉貢獻。萬歷二十年。爲日本所侵掠。國幾亡。王師入援。久之。國始定。然自是寔弱矣。其國中分爲八道。八道中則忠清。慶尙。全羅。三道。地廣物繁。州縣雄巨。最爲富庶。且俗尙詩書。人才之出。比諸道倍多。平安。咸鏡。二道。北接靺鞨。俗尙弓馬。兵卒精強。亦地勢使然也。江原。黃海。居京畿左右。差爲狹小。而京畿在諸道之中。襟帶山海。稱爲雄勝。其地東西二千里。南北四千里。八道分統郡凡四十一。府凡三十三。州凡三十八。縣凡七十。

京畿道

治王京。朝鮮部也。亦曰漢城。明初。高麗王且自開州徙此。居七道之中。稱爲四塞。領郡三。曰楊根。豐德。水城。府三。曰漢城。開城。長湍。州七。曰楊州。廣州。潤州。驪州。果州。谷州。坡州。縣三。曰交河。三登山。山。

開州城

在王京西南二百里。高麗所置州也。左溪右山。稱爲險固。亦曰松岳。唐天祐初。眇僧躬父據此。朱梁貞明五年。入貢於淮南。楊隆演。後唐清泰末。王建殺躬父而代之。仍都於此。謂之東京。亦曰開京。宋大中祥符三年。高麗臣康肇弒其主誦。立誦兄

詢而相之。契丹主隆緒討高麗。渡鴨綠江。康肇戰敗。退保綏州。契丹進擒肇等。追亡數十里。綏州。實寧等州皆降。進攻開京。詢棄城走平州。契丹遂焚開京宮室府庫。民廬俱盡。兵還。詢復葺開京而居之。諸城亦復。詢高麗。今日開城府。

九都城。

在王京東北。昔時高句麗依險爲城。謂之九都。旁多大山深谷。杜佑曰。漢建安中。高麗王伊夷模更作新都於九都山下。在沸流水之東。魏正始七年。幽州刺史毋邱儉以高句麗數侵。督諸軍出元菟討之。高句麗王位宮敗走。儉懸車東馬以上。

九都屠其城。既而復都於此。晉咸康八年。時高句麗慕容靉接境。謀擊之。高麗以重兵備北道。靉潛將勁兵四萬趣南道。出其不意。高麗王劍敗。遁入九都。毀其城。大掠而還。唐志。自鴨綠江口舟行百餘里。乃小舫。泝流東北行。凡五百三十里。而至九都城。

臨屯城。

在王京西南。漢元封二年。置臨屯郡。茂陵書。郡治東臚縣。去長安六千一百三十八里。領十五縣。昭帝時。郡廢。臚音移。漢志。東臚縣屬樂浪郡。是也。後漢并廢縣。又真番城在王京西北。漢元封二年。置真番郡。茂陵書。郡治晉。去長安六千六百四十

里。領十五縣。昭帝時。亦并入樂浪郡。晉縣。漢志不載。徐廣曰。遼東郡有番汗縣。疑卽真番。○含資城在王京南境。漢樂浪郡屬縣也。後漢因之。晉改屬帶方郡。漢志注。縣有帶水。西至帶方入海。隋大業中。伐高麗。分軍出含資道。蓋以漢縣爲名耳。

吞列城。

在王京東南。漢縣。屬樂浪郡。後漢省。漢志注。列水出分黎山西。至結罽入海。行八百二十里。列亦作列。又有列口城。亦在王京西南。漢縣。屬樂浪郡。後漢省。晉復置。屬帶方郡。胡氏曰。列口。列水入海之口也。漢元封二年。楊僕擊朝鮮。先至列口。張晏

曰。朝鮮有濕水。列水。油水。三水合流。爲列水。樂浪朝鮮疑皆取名於此。

豐德城。

在王京南。朝鮮置豐德郡於此。萬歷二十年。倭自釜山漕渡臨津。分兵陷豐德諸郡。朝鮮王李暲倉卒棄王京奔平壤。卽此。○孟州城在王京西。志云。唐置孟州。領三登一縣。椒島。椒島。寧德三鎮。今州廢。縣存。

北岳山。

在王京城北。萬歷中。倭據王城。背岳山面漢水爲營。卽此。○龍山在漢江東南。萬歷中。倭敗於平壤。通還龍山。李如松從間道襲倭。盡焚其積粟處也。又天寶山在王城西境。萬歷中。李如松遣將屯寶山以拒倭。卽此。

神嵩山

在開城府北。五代時王建依此山爲都。因名。其城爲松岳。志云。朝鮮有三都。謂平壤、漢城及松岳也。又有平山嶺。在開城府西一里。其土色皆赤。

江華島

在開城南海中。元時高麗王植庶族承化侯居此。圖經。今有江華府。蓋以島名。○紫燕島在廣州海中。舊有客館。曰廣源亭。又有島曰和尚島。又大青嶼。亦在廣州海中。一名大青島。元文宗徙其兄子妥歡帖木爾於高麗。使居大青島。尋徙於廣西。

靜江是也。又有小青

嶼。亦在廣西海中。

漢江

在王京南十里。源出金剛、五臺二山。合流入海。王城特以爲險。江之南即古百濟國地也。萬歷中。李如松援朝鮮。倭棄王城。遁如松入城。以兵臨漢江尾。倭後欲乘其情。躡擊之不果。

楊花渡

在王京西南。漢江之濱。朝鮮各道餽餉。皆聚於此。或曰。即臨津渡也。萬歷中。倭渡臨津。掠開城。既而李如松駐開城。遣別將。查大受據臨津。爲東西策應。即此。○禮成港在開城府南。下流入於海。又急水門。一統志云。在開城府南海中。宛如巫峽。又

有蛤窟。亦在開城南

海中。山頂有龍河

碧蹄館

在王京西三十里。其東有橋。曰大石橋。萬歷中。李如松與倭戰處。

江原道

治江陵府。在王京東面。本獺狍地。漢爲臨屯境。領郡七。曰柞城、平海、通川、寧越、松岳、旌善、高城。府五。曰江陵、淮陽、三陟、襄陽、鐵原。州四。曰原州、江州、槐州、冥州。縣十。曰平康、安昌、烈山、麒麟、酒泉、丹城、蹄麟、蔚珍、瑞和、歙谷。是也。

大海

在江陵府東。一統志。朝鮮之境。東西南三面皆瀕海。其東水澹清徹。下視十餘丈。

黃海道。

治黃州在王京西面。古朝鮮馬韓舊地。領郡三。曰遂安。延安。平郡。郡首男。府三。曰平山。瑞興。承天。州五。曰黃州。白州。海州。夏州。仁州。縣八。曰安岳。三和。龍岡。咸從。江西。牛峯。文化。長淵。

海州城。

在黃州西南二百餘里。以濱海而名。又東北。即安岳縣也。志云。境內有安岳。三和。龍岡。咸從。江西。五縣。長命。一鎮。今俱屬黃州。皆唐置。元因而不改。

平山城。

在黃州東北百里。或曰舊名甌山府。西接黃州。東連平壤。其相近者有瓊山。今爲平山府。

金堂山。

在黃州三和縣之西北。志云。三和在黃州西南百里。又州境有政方山。

海。

在黃州西百里。志云。西大海在黃州長命鎮。東流入大通江。又白州。海州之西。皆迫近海濱。

月不唐江。

在黃州安岳縣之東。其水西流入海。志云。安岳在黃州南百五十里是也。

全羅道。

治全州在王京南面。本弁韓地。後爲百濟國。唐顯慶五年。蘇定方伐百濟。擒其王。置熊津等五都督府。後并於新羅。五代時。高麗兼有其地。圖經。朝鮮地界正北。從長白山發脈。南跨全羅界。西南盡於海。日本對馬諸島。偏在朝鮮海洋之東南。與慶

尙之釜山相對。倭船止抵釜山。不能越全羅至西海。故八道之中。惟全羅一道。直北正南。其迤西則與遼東對峙。日本所以隔絕遼。不通海道者。恃有朝鮮而朝鮮所以保固邊陲。控禦諸道者。恃有全羅也。志云。全羅之地。南濱大海。東接慶尙。爲朝鮮門戶。倭犯

朝鮮。此其必由之道也。領郡三。曰靈巖。古阜。珍島。府二。曰全州。南原。州四。曰羅州。濟州。光州。蔚州。縣二十三。曰萬頃。茂長。鎮安。扶安。全渠。康津。興德。黃成。樂安。昌平。濟南。會寧。大江。臨波。古阜。南陽。富順。扶寧。麻仁。緒城。海南。神雲。移安。

南原城。

在全州東南與全州相犄角爲王京要隘萬歷中倭陷南原遂犯全羅遂逼王京李如松請全羅饒沃南原尤其咽喉是也其相近者有雲峯城亦爲衝要○南關在南原府西北朝鮮之南陽縣也萬歷二十二年李如松命將守南原分兵屯禦於此。

濟州城。

在南原府海島中亦曰濟州島朝鮮置州於此志云朝鮮之濟州猶中國之瓊州或曰卽故耽羅也元大德五年置耽羅軍總管府又沿海立水驛自耽羅至鴨綠江并楊村梅口凡三十所今仍曰濟州又珍島城在濟州西海中珍島上亦曰珍島郡宋咸淳六年高麗叛人裴仲孫立高麗王植庶族子承化侯爲王竄入珍島蒙古討平之

大江城。

在南原府東南朝鮮所置縣也又東接慶尙之晉州萬歷中倭屯釜山浦李如松分遣諸將屯大江忠州以扼之旣而倭從釜山移西生浦劉綎留鎮朝鮮分屯慶尙及大江蓋扼要處也或作大邱悞○處仁城在全州西宋紹定六年蒙古窩濶台遣將撒禮塔攻高麗至王京南攻其處仁城敗死又黨項城在全州東北唐貞觀十二年百濟與高麗連和伐新羅取四十餘城又謀取黨項城絕其貢道云

俱拔城。

在全州南北史百濟都俱拔城亦曰固麻城其外更有五方中方曰古沙城東方曰得安城南方曰久知下城西方曰刀光城北方曰熊津城是也唐顯慶五年蘇定方下百濟留劉仁願守百濟府城卽俱拔城矣

任存城。

在全州西古百濟所置城也唐龍朔初百濟餘衆復叛劉仁軌破之於熊津江口其衆釋百濟府城之圍退保任存城任存百濟西部也依任存山而名三年仁軌遣兵攻任存城拔之又真岷城在全州北唐龍朔二年時劉仁軌旣解百濟府城之圍還軍熊津城有詔班師仁軌曰今以一城之地居敵中央勦足輒爲擒矣正宜堅守觀變乘便取之不可動也於是出兵掩其支羅城拔之并拔其尹城大山沙井等柵時敵以真岷險要加兵守之仁軌復伺其懈引兵襲據之遂通新羅運糧之路唐書支羅真

魏諸城俱在

熊津之東

周留城

在全州西又西北有加林城唐龍朔三年百濟故將福信等據周留城劉仁軌既拔真岷將以加林水隴之衝欲先攻之仁軌曰加林險固攻之不易周留彼之巢穴宜先取之遂定計自熊津進破百濟之衆於白江口趨周留城拔之

熊津城

在全州西北即熊津江口百濟之險要也置城於此爲五方之一唐顯慶五年蘇定方討百濟自成山濟海百濟據熊津江口以拒之定方擊破之直趨其都城遂克之唐亦置熊津都督府以守其地龍朔初百濟復叛圍百濟府城詔劉仁軌討援

仁軌轉鬪而前所向皆下百濟立兩柵於熊津江口仁軌擊破之府城之圍遂解仁軌因駐守於此既而再破百濟餘衆於熊津之東復平百濟或曰今漢江口即古置城處云

白山

在全州南海中或以爲即白水山唐咸亨三年高侃擊高麗餘衆於白水山破之又有黑山亦在全州南海中俱有澳可以藏舟

羣山島

在全州南海中十二峯連絡如城舊有客館曰羣山亭又有五龍廟○白水島亦在全州南海中其相近者曰關山島

大月嶼

在全州南海中又有小月嶼與大月嶼對峙如門○菩薩苦亦在全州南海中圖經小於嶼而有草木曰苦其與菩薩苦相近者曰紫雲苦苦苦草苦跪苦又有檳榔嶼亦在全州南海中圖經如苦嶼而其質純石者曰礁

熊津江

即漢江也舊爲百濟高麗分界處江口接大海爲登涉要津唐時百濟存亡繫於熊津江口云○白江在熊津東南亦接大海達全州西界唐龍朔三年劉仁軌引舟師自熊津趨周留城時百濟請援於倭至白江口遇倭兵仁軌四戰皆捷焚其舟

四百餘進拔周留

遂平百濟是也

井邑鎮

在全州東北。或曰卽百濟之故沙井營也。明萬曆中倭行長犯王京。退屯井邑。去王京六百餘里。

慶尙道

治慶州。在王京東南。南面本辰韓地。後爲新羅國。濱海與日本相對。爲朝鮮之屏蔽。領郡七。曰蔚山。咸陽。熊川。陝川。永川。梁山。清道。府六。曰金海。善山。寧海。密陽。安東。昌原。州五。曰慶州。泗州。尙州。晉州。蔚州。縣十二。曰東萊。清河。義城。義興。聞慶。巨濟。昌

寧三嘉安陰山

陰高羅守城

蔚山城

在慶州西北。卽蔚山郡也。陷有島山。不其高。而城皆依山陰。中有江。通釜山。陸路則由彥陽。監通釜山。萬曆二十五年。倭屯蔚山。大帥麻貴攻之不克。旣而倭益築城寨。據守於此。謂之東路。麻貴復進師逼之。據險收其禾稼。倭詭却以誘之。貴爲

敗。所

順天城

在慶州西南。萬曆二十六年。倭酋據此。謂之西路。朝鮮紀事。倭酋行長據粟林。曳橋。建築數重。憑順天城。與南海營相望。負山襟水。最爲扼塞。大帥劉綎攻之不能克。

泗州城

在慶州西。或曰卽古泗城也。唐龍朔初。百濟復叛。與劉仁願等相持。詔新羅應援。新羅將金欽將兵至古泗。爲百濟所邀。敗。自葛嶺遁還。今泗州相近有葛嶺道云。萬曆中。倭據泗州。謂之中路。北倚晉江南。通大海。爲東西聲援。大帥董一元克之。尋

復敗還。○晉州城在慶州西南。萬曆二十六年。大帥董一元擊泗州。倭進取晉州。乘勝渡江南。燬永春。昆陽二寨。倭退保泗州老營。

一元奪其城。進逼新寨。寨三面臨江。一面通陸。引海爲濠。海艘泊營下。千計。又築金海。固城二營。爲左右翼。中通海陽倉。一元攻之。

不克。敗還晉州。又有咸陽城。在晉州西北。朝鮮之咸陽縣也。萬曆中。倭犯咸陽。晉州卽此。

梁山城。

在蔚山城東南。朝鮮之梁山郡也。萬歷中麻貴攻蔚山。遣別將屯此。以絕釜山彥陽之援。又有永川郡。在梁山東南。又東與慶州接壤。○昌寧城在晉州東。朝鮮所置縣也。圖經昌寧縣南濱晉江。江之南爲固城縣。縣南有唐浦。爲濱海津要處。

安東城。

在慶州西。朝鮮之安東府也。志云。府當烏嶺之南。爲東出慶州之道。又義城在安東城西。朝鮮之義城縣也。亦曰宜城。萬歷二十五年。督臣邢玠等議攻倭。會清正於慶州。分兵屯義城。東援慶尙。西扼全羅云。

陝川城。

在慶州東北。朝鮮之陝川郡也。萬歷二十二年。李如松復王京。分兵屯禦於此。又東南曰熊川郡。東濱大海。○七重城在慶州北境。境內又有買肖城。唐上元二年。新羅拒命。遣劉仁軌討之。大破之。於七重城。詔以李謹行爲安東鎮撫大使。屯新羅

之買肖城。以經略之新羅屢敗。乃遣使入貢。且謝罪云。

島山。

在蔚山南。萬歷二十五年。麻貴等攻蔚山。倭悉走島山。於山前連築三寨。拒守。島山視山城高。倭又於上新築石城。堅甚。官軍攻之不克。尋潰還。

釜山。

志云。在朝鮮東萊縣南二十一里。西北去王京千四百里。濱大海。與日本對馬島相望。揚帆半日可至。其東有東萊。機張。西生林。椰五浦。爲左臂。西有安骨。安窟。嘉德。熊川。森浦。巨濟。閑山。德橋。金海。竹島。龍堂。爲右臂。聯絡倚角。可攻可守。萬歷二十年。倭

曾平秀吉遣其黨行長等擁舟師。逼釜山鎮。陷慶尙道。尋入王京。既而棄王京。還屯據釜山。增築西生機張等處。分兵拒守。而以釜山爲根本。官兵攻之不能克。久之始解去。圖經云。釜山去南原府七百里。是也。

烏嶺。

在慶州西北境。西接尙州界。廣亘七十餘里。懸崖鑿削。中通一道。如線。灌木叢雜。騎不得成列。朝鮮指爲南道雄關。萬歷二十一年。倭棄王京。遁別將劉綎。自尙州追至烏嶺。倭方拒險。別將查大受自忠州踰槐山監。出烏嶺後。倭大驚。前移釜山浦。爲久

計。駐

竹島。

在慶州境西南濱海。萬歷二十五年倭泊於釜山。往來竹島。漸逼梁山。熊川。既而奪梁山。遂入慶州。又巨濟島。在竹島東。渤海朝鮮置巨濟縣。兼置水軍營於此。衝險次於釜山。○閑山島在慶州西南境。朝鮮西海水口也。右嶂全羅道之南原府。爲全羅外藩。一失守。則沿海無備。天津登萊。皆可揚帆而至。其相近者。又有萊山島。萬歷二十五年。倭入慶州。侵閑山。夜襲萊山島。官軍潰走。遂失閑山。倭遂圍南原。陷之一。統志。全州南海中有閑山島。卽閑山矣。

平壺島。

在南海中。元至元十八年。遣范文虎帥兵擊日本。道出高麗。航海至平壺島。颶風敗舟。遂還。塞士卒十餘萬於島中。日本颶殺之。還者百無一二。

三浪江。

在梁山郡南。志云。梁山西北有峻嶺。上容雙馬。路險絕。南有三浪大江。直通金海。竹島。萬歷中。倭奪梁山。三浪遂入慶州。○晉江在慶州西南。泗州城北。或謂之西江。東南注於海。萬歷中。戚貴攻蔚山。遣兵屯西江口。防倭水路。援兵卽此。

發盧河。

在慶州西界。志云。在高麗南界。新羅七重城之北。唐咸亨四年。李謹行破高麗叛者於發盧河之西。卽此水也。唐史。咸亨五年。劉仁軌東伐新羅。率兵絕發盧河。攻其大鎮七重城。破之。

西生浦。

在蔚山郡南五十三里。其相近者曰機張監。又有開雲浦。在蔚山郡南五十二里。○甘浦在慶州東二十里。圖經。甘浦相近者有長馨浦。又安骨浦。在熊川郡南二十里。其相近者又有天城浦。

金浦。

圖經。在晉州南。卽晉江南入大海處也。元至元二十二年。議征日本。勅漕江淮數百萬石。泛海貯於高麗之金浦。仍令東京及高麗各貯米萬石。備征日本。期明年八月。悉會金浦。不果行。元史作合浦。誤也。

忠清道。

治忠州。在王京西南面。本馬韓舊壤。志云。王京居八道之中。東隘爲烏嶺。忠州。西隘爲南原。全州。又云。王京爲朝鮮都會。咸鏡。忠清。爲倚角。並稱天險。今領郡四。曰清風。溫陽。天安。臨川。州九。曰忠州。清州。公州。幹州。靖州。幸州。興州。禮州。洪州。縣八。曰

永春。報恩。連山。扶餘。石城。燕岐。保寧。

公州城。

在忠州西南境。其東南近全羅道之南原府。萬歷二十五年，倭入南原，麻貴發兵屯公州以拒之。即此。又清州城在忠州西，其東接天安郡，郡西南接公州界。

稷山。

在忠州西，有稷山監。萬歷二十五年，倭陷全羅，引而北，麻貴發兵守稷山，以遏其鋒。又有青山，與稷山相近。志云：稷山之南，即天安郡城南，下全州之要道也。○洪州山在忠州西南境海中，一統志：洪州建於山下，會東有東源山，產金，又有富用山，亦在

洪州海中有倉穀。

故名，俗譌為芙蓉山。

竹嶺。

在忠州東，羊腸逶曲，頗為險峻。萬歷中，倭塞王京，踰竹嶺，走慶尙，即此。○唐島在清州海中，亦曰唐人島，與九頭山相近，又有馬島，亦在清州海中，國中牧地也。舊有客館曰安興亭，與札字苦相近，又有雙女嶼，亦在清州海中。

白馬江。

在清州南，圍經矜州南，有白馬江，南流入清江界，折而東，又東北經天安郡界，折而北，其下流合於漢江。

咸鏡道。

治咸興府，在王京之東北，面本高句麗之地，領郡三，曰端川，蜀莫，寧邊，府有五，曰咸興，鏡城，會寧，永興，安邊，州有八，曰延州，德州，開州，惠州，蘇州，合州，燕州，隋州，縣有一，曰利城。

開州城。

在咸興府西北，遼志云：本濊貊地，高麗置慶州，渤海為東京，龍原府都督慶，驪，驪，賀，四州，豐石為城，周二十里，阿保機平渤海城廢，隆緒伐新羅，還復加完，葺置開封府，開遠軍，又改為開州，鎮國軍，契丹末入於高麗，或謂之蜀莫郡，圖經郡在開州

之東，又開遠廢縣，故開州治也。遼志云：本穠城地，高麗為龍原縣，慶州治焉，渤海因之，契丹初廢，後復置。○熊山城在開州西，遼志：唐薛仁貴征高麗，與其大將溫沙門戰熊山，擒善射者於石城，石城即開州城也。渤海時，龍泉府統縣六，曰龍原，永安，烏山，壁谷，熊

山，白楊。

鹽州城。

在開州西北。遼志州去開州百四十里。本渤海置。亦曰龍河郡。統海陽。接海。格川。龍河四縣。遼初皆廢。而鹽州仍舊。又穆州城。在開州西南百二十里。渤海置。亦曰會農郡。領會農。水岐。順化。美縣等四縣。遼仍曰穆州。治會農縣。又賀州城。亦渤海置。

亦曰吉理郡。領洪賀。送誠。吉理。石山四縣。遼皆廢。

仍曰賀州。與鹽州二州俱隸於開州。後沒於高麗。

德州城。

在咸興府西南。唐置。後因之。元仍置德州。領江東。永清。通海。順化四縣。寧遠。安戎三鎮。後沒於高麗。仍曰德州。又延州城。在咸興府西北。亦唐置。後因之。元仍曰德州。領陽嶺一鎮。今仍舊。○大行城亦在咸興府西南境。唐乾封三年。李勣等敗

高麗於薛賀水。進拔大行城。於是諸軍皆會。又進至鴨渚橋云。

高句驪城。

在咸興府東北。漢縣。爲元菟郡治。後漢因之。志云。縣本高句驪國地。其國又在元菟東北。分爲五部。漢滅朝鮮。開高句驪地。仍封其種人爲高句驪侯。建武中。改封爲王。和帝元興以後。屢犯遼東。元菟塞。延光中。稍葺伏曹。魏時。高句驪王位宮

強盛。正始七年。幽州刺史毋邱儉破走之。後復熾。晉初。高句驪亦曰句麗。陳壽曰。元菟郡初治沃沮。後爲夷貊所侵。徙郡句麗西北。公孫氏據遼東。置元菟郡於遼東東北二百里。蓋因舊名。非復故治也。晉元菟郡仍治高句驪縣。蓋因公孫度所置耳。

不而城。

在咸興府北。漢縣。屬樂浪郡。東部都尉治此。後漢廢。魏正始中。幽州刺史毋邱儉擊高句驪。屠丸都。銘不耐城。卽此。耐而。通陳壽曰。漢武置樂浪郡。自單大嶺以四屬樂浪。自詣以東七縣。都尉主之。皆以瀛爲民。所謂不耐城也。

蘭秀山。

在開州西。洪武五年。高麗國王請征蘭秀山。遺寇詔止之。○摩天嶺在咸興府東北。朝鮮謂之東北雄關。一統志。延州東南有香山。亦境府大山也。

薩賀水。

在開州西南。一作薛賀水。唐乾封三年。李勣等伐高麗。別將薛仁貴克扶餘城。高麗趣救。與李勣遇於薛賀水。合戰。勣大破之。進拔大行城。是也。志云。薛賀水出北山中。東南流入鴨渚江。

平安道

治平壤府。朝鮮西京也。東南去王京五百餘里。漢曰樂浪郡。後爲高麗王所都。亦曰長安城。一名王險城。唐平高麗。置安東都護府於此。後沒於渤海。五代時高麗復取之。爲西京。元至元六年。其臣李延齡等以西京府州縣六十餘城來屬。因改西京爲東寧府。升東寧路。割靜州。義州。麟州。咸遠鎮。屬婆娑府。餘俱領於東寧。其城池類皆燬燬。僅有空名耳。元末復歸於朝鮮。今領郡十一。曰嘉山。价川。郭山。雲興。熙川。宣川。江東。慈山。龍川。順川。博川。府九。曰平壤。成川。定遠。昌城。合蘭。廣利。見仁。寧邊。江界。州十六。曰安州。定州。平州。義州。鐵州。靈州。朔州。撫州。宿州。渭州。賈州。青州。昇州。常州。銀州。縣六。曰土山。德川。陽德。江東。中和。泰川。

王險城

卽平壤城。應劭曰箕子故都也。薛瓚曰王險在樂浪郡。泚水之東。漢初燕人衛滿渡泚水。居上下障。郡王險。武帝元封二年。其孫右渠拒命。遣樓船將軍楊僕自齊浮渤海。左將軍荀彘出遼東。誅之。取其地。改置朝鮮縣。樂浪郡治焉。晉永嘉以後。沒於高麗。義熙末。其王高璉居平壤城。亦曰長安城。隋大業八年。伐高麗。分軍出朝鮮道。謂此障。平壤城東西六里。過山屈曲。南臨泚水。開皇十八年。伐高麗。命周羅睺將水軍自東萊泛海趨平壤。不能達。而還。大業八年。詔左右各十二軍分道伐高麗。總集平壤。明年。復遣宇文述等趣平壤。述不克至。唐貞觀十八年。伐高麗。命張亮以舟師自海道趨平壤。明年。拔遼東諸城。攻安市。未下。江夏王道宗請以精卒乘虛取平壤。旣而降將高延壽。亦請自烏骨城直取平壤。不果。龍朔初。命蘇定方等討高麗。進圍平壤。不能拔。魏章三年。李勣征高麗。拔其平壤。而高麗亡。杜佑曰平壤卽王險城也。五代時王建據高麗。始謂之西京。上下障。樂浪舊有長城。燕所築。謂之雲障云。

保州城

在平壤西北百餘里。遼志高麗置。治來遠縣。契丹開泰三年。以高麗王詢擅立。問罪不服。取其保定。二州。仍置保州。治來遠縣。亦曰宣義軍。金初以高麗臣附。割保州與之。卽今安州也。其相近者有懷化軍。亦遼開泰二年置。隸保州。金初亦入於高麗。○宣州城在平壤東北二百餘里。唐置。屬安東都護府。遂仍曰宣州。亦曰定遠軍。遼志云。開泰三年。置隸保州。蓋渤海廢。遂復置也。元亦曰宣州。屬東寧路。領寧朔。羣島。二鎮。卽今之宣川郡。

定州城。

在平壤西北三百餘里。高麗置。治定東縣。魏丹取之。仍曰定州。亦曰保寧軍。後入於高麗。今仍爲定州。西南與義州接界。○義州城在平壤西北四百二十里。志云。義州西南爲龍川郡。皆濱鴨綠江。萬曆二十年。朝鮮王李暎以關白之亂。走義州請

內屬。卽此。又鐵州城。亦平壤西北。唐所置州也。元亦置鐵州。領定戎一鎮。金仍舊曰鐵州。又西北曰靈州。亦唐置。元因之。金仍舊。又熙州城在鐵州東北。唐置。元因之。今日熙川郡。又東曰撫州。亦唐置。元因之。今日仍舊。

定遠城。

在平壤北志云。唐所置也。屬安東都護府。後廢置不一。元亦曰定遠府。今因之。其南曰慈州城。亦唐所置。元因之。今爲慈山縣。○嘉州城在今安州之西。亦唐所置州也。元仍曰嘉州。今爲嘉山郡。又有秦州城在定遠府西。亦唐置。元因之。今日秦川

郭州城。

在平壤西北。亦唐置。渤海因之。後屬於契丹。載記。初契丹以鴨綠江北予高麗。高麗築興鐵通龍龜郭等州。凡六城。宋大中祥符五年。契丹怒高麗擅弒立。又不入朝。讎復取六州地。有女真人告契丹。謂自開京東馬行七日。有大營。廣若開京。凡旁邑所貢珍異皆在焉。其勝羅等州之南。亦有二營。所積如之。若大軍自女真北渡鴨綠江。並大河而上。至郭州。與大路會。高麗可取也。七年。契丹遣耶律世良。蕭烈與高麗戰於郭州。破之。元亦置郭州於此。今日郭山府。

鋼州城。

亦在平壤西北。高麗所置州也。宋祥符中。契丹擊高麗。高麗將康肇敗保鋼州。爲契丹所據。卽鋼州矣。其相近又有費。費等州。或曰費州。今賈州之譌也。貴州。今渭州之譌也。又嘉州城。亦在平壤西北。唐置。元因之。今日嘉山郡。西接義州境。東接安州境。○朔州城在平壤北境。志云。在熙川城東北。唐置。元因之。今日朔州。又東北有昌州城。亦唐時故名也。元因之。今日昌州府。

雲州城。

在平壤東北。唐置。元因之。今日雲興郡。又東北有博川城。高麗所置也。今日仍曰博川郡。西南與慈山郡接界。東與价川郡接界。志云。郡城西有大定江。或謂之大寧江。江之西岸有凌漢山。○成州城在平壤東。唐置。元因之。領樹德一鎮。今日成川府。

又北曰順州。今曰順川郡。順州之西曰价州。今曰价川郡。皆唐舊名。元因而不改。

宿州城。

在平壤東北百餘里。唐置元因之。今仍舊。又東北曰廢州城。亦唐舊名。元因之。今仍曰廢州。○江東城在平壤東。高麗所置也。在大同江東岸。今曰江東郡。志云。郡逼臨江岸。渡江而南。即中和縣。宋嘉定九年。契丹部酋六哥窺入高麗。據江東城。女真阿骨打遣兵攻滅之。又里道記。自黃海道之黃州。鳳州。至中和。去王京不過三百六十里。自中和縣而東。即土山縣也。二縣亦唐所置。元因之。屬東寧路。今仍舊名不改。

涿州城。

在平壤西境。遼志。高麗故國也。渤海置西京鴨綠府。城高三丈。廣輪二十里。都督神桓。豐正。四州。領神鹿。神化。劍門。三縣。契丹廢縣存州。仍隸涿州。遼志。晉時高麗創立宮闕於此。國人謂之新國。五世孫劍常。晉康帝建元初。爲慕容皝所敗。宮室焚蕩。蓋此處云。遼末州廢。○豐州城。舊志在涿州東北二百十里。渤海置州。亦曰盤安郡。領安豐。渤海。隔壤。硤石。四縣。契丹廢縣存州。仍隸涿州。後廢。

正州城。

舊志在涿州西北三百八十里。本沸流國故地。爲公孫康所併。渤海置正州於此。亦曰沸流郡。以沸流水而名。契丹因之。仍隸涿州。後廢。又東那城在正州西七十里。渤海置契丹因之。仍屬正州。後廢。○墓州城在涿州西二百里。本渤海安遠府地。領墓化。崇平。二縣。契丹改置墓州。屬涿州。後廢。

黏蟬城。

在平壤西南。蟬音提。漢縣。屬樂浪郡。後漢曰黏蟬。晉書。隋大業八年。伐高麗。分軍出黏蟬道。蓋以漢縣名也。洪邁曰。樂浪之黏蟬。爲黏提南海之番禺。爲潘愚。蒼梧之荔浦。爲隸浦。交趾之鳳騰。爲蓮筆。此皆土俗之別也。○遂成廢縣。在平壤南境。漢

縣屬樂浪郡。後漢魏晉皆因之。晉志曰：塗築長城，蓋起於此。隋大業八年，伐高麗，分軍出秦成道，謂此也。杜佑曰：碣石山在漢遂成縣秦築長城起於碣石，今遺址東截遼水而入高麗，似快。

帶方城

在平壤南。漢縣屬樂浪郡。公孫度置帶方郡於此。晉因之。後沒於高麗。杜佑曰：後漢建安中，公孫康分屯有昭明二縣，以南荒地置帶方郡。漢志注：樂浪郡南部郡尉治昭明是也。隋大業中伐高麗，分軍出帶方道，謂此。○增地廢縣亦在平壤南境。

漢縣屬樂浪郡。後漢因之。晉省。

隋伐高麗，分軍出增地道云。

積利城

在平壤西境。唐貞觀二十一年，遣牛進達等自海道入高麗，拔其石城，進至積利城下，敗其兵。其相近者又有泊灼城。貞觀二十二年，薛萬徹等伐高麗，圍泊灼城而還。志云：自鴨綠江口舟行百餘里，又小舫泝流東北三十里至泊灼口，即泊灼城。

矣。石城見定遼衛。○加尸城在平壤西南。高麗置。唐貞觀

十八年伐高麗，蓋蘇文遣嘉尸城七百人戍蓋平城是也。

辱夷城

在平壤西北。唐總章元年，李勣等敗高麗於鴨綠橋，追奔二百餘里，拔辱夷城，遂進圍平壤。高麗平是也。又伐奴城，亦在平壤西北。唐咸亨二年，行軍總管李謹行破高麗叛者於瓠蘆河西，其妻劉氏留伐奴城，高麗引棘鞬來攻，劉氏拒却之。或曰：

城在營州

境內恐悞。

馬邑山

在平壤西南。唐顯慶五年，蘇定方破高麗軍於涇江，奪馬邑山，遂圍平壤。即此。又蓋馬大山，在平壤城西。漢志元萇郡有西蓋馬縣。山蓋因以名。又有魯陽山，在平壤城東北，上有魯城。○葦山在平壤西南二十里，南臨涇水。

觀門山

在土山縣北。縣東南又有花山，皆縣境之大山也。又屈巖山在定遠府城東，以巖岫屈曲而名。○雲山在朔州西南，又有馬頭山在靈州之東，長花山在鐵州西南，天聖山在殷州東北。

熊花山

在郭山郡東北。又有靈山。在宣川郡東南。龍骨山在龍山郡城東。○小鐵山在鴨綠江東岸。義州境。渡江處也。又西南爲遼東境內之僧福島及皮島在焉。

慈悲嶺

在平壤東百六十里。宋淳熙二年。高麗西京留守趙位寵以慈悲嶺至鴨綠江四十餘城。附金。金人不納。位寵伏誅。元至元六年。高麗臣李延齡等以西京以下六十城來歸。元因改置東寧路。以慈悲嶺爲界云。○嘉山嶺在嘉山郡西。郡以此名。圖經朔州西北有狄噶嶺。

朝鮮謂之西北雄關。

青邱

或曰在高麗境。子虛賦。秋獵於青邱。蓋謂此。服虔曰。青邱國在海東三百里。晉天文志有青邱七星。在軫東南。蠻夷之國也。唐討高麗。置青邱道行軍總管云。

大通江

在平壤城東。亦曰大同江。舊名涓水。史記。秦修遼東故塞。至涓水爲界。漢初。燕人衛滿亡命。東走出塞。渡涓水。居秦故空地。上下障。稍役屬其真番。朝鮮。蠻夷。及燕亡命者王之。元封三年。荀彘自遼東擊朝鮮。破其涓水上軍。乃至王險城。下漢志。樂

浪郡有涓水縣。涓音普。大反。涓水西至增地縣入海。王險城蓋在涓水之陽。水經云。涓水出樂浪鏡方縣。東南過臨涓縣。東入海。煥矣。隋大業八年。伐高麗。來護兒率江淮水軍自東萊浮海先進。入自涓水。去平壤城六十里。尋爲高麗所敗。還屯海浦。唐龍朔元年。蘇定方伐高麗。敗其兵於涓水。江。遂趨平壤。明萬歷二十一年。李如松援朝鮮。至平壤。倭悉力拒守。如松度地形。東南並臨江。西枕山。陡立。惟迤北。牡丹峯。高聳。最要害。如松乃遣將攻牡丹峯。督兵四面登城。遂克之。既而如松駐開城。別將楊元軍平壤。扼大同江。

以通餉。饋是也。

清川江

在安州城東。西南流入海。亦名薩水。隋大業八年。宇文述等擊高麗。渡鴨綠水。追擊其大臣乙支文德。東濟薩水。去平壤城二十里。因山爲營。平壤險固。不能猝拔。引還。至薩水。軍牛濟。爲高麗所擊。諸軍皆潰。將士奔還。一日夜。至鴨綠水。行四百五

十里。今亦謂之大寧江。志云平壤、黃州、西隔大寧江，東阻大通江，所謂兩江之中也。○沸流江在江東郡南，自漢江分流，西合於大同江，一統志，豐州東有大江，西北入於大通江。

鴨綠江

杜佑曰：在平壤西北四百五十里。漢志所謂馬皆水也。高麗每恃爲天險。今詳遼東都司。

蛇水

在平壤西境。唐龍朔初，虜李恭等擊高麗，以嶺南兵壁於蛇水，爲蓋蘇文所攻，一軍沒。或謂之陀水。宋大禧二年，契丹伐高麗，戰於茶陀，二水敗而還。志云二水俱在平壤西北。

晏家關

在義州西南，當鴨綠水東岸，舊爲津要。○蓮關堡在平壤西境，亦朝鮮所置戍守也。

蕭寧館

在平壤西北。圖經曰：蕭寧館之西曰定州，東曰安州。萬歷二十年，李如松援朝鮮，通鴨綠江，至蕭寧館，越二日抵平壤，卽此。○已上朝鮮。

耽羅

今朝鮮之慶尙南境，亦曰儋羅國。唐史云：居新羅武州南島上，初附百濟，後附新羅。麟德二年，遣使入朝，後爲新羅所并。圖經今濟州，卽古耽羅國也。

挹婁

卽蕭慎種，亦韃靼之異名也。杜佑曰：國在不咸山北，夫餘東北千餘里，濱大海，南與北沃沮接，不知其北所極，虜婁數千里，人衆雖少而多勇力，處山險，善射，又其國東北有山，出石，利於鐵，取爲弩弓，長四尺，矢用楛，長尺八寸，所謂蕭慎氏之楛矢石弩也。

夫餘

舊志：夫餘在元菟北千里，有鹿山，其王所居也。王莽時，班符命東出，至元菟，樂浪、高句麗、夫餘，後漢時，屢爲遼東邊患，又爲高句麗所驅，率犯元菟，遼東諸邊郡。東夷紀：永初四年，夫餘寇樂浪，延光元年，夫餘順命助漢，擊敗高句麗，滅貊。永康元年，復寇

元菟。晉太康六年。鮮卑慕容廆東驅夫餘王。夫餘依慮自殺。子弗定保沃沮。夷其國城。驅萬餘人而歸。明年依慮子依羅復還。國永和二年時。夫餘爲百濟所侵。西徙近燕。慕容皝遣其子儁襲之。虜其王元及部落五萬餘口而還。隋大業八年。伐高麗。分遣宇文述出扶餘道。杜佑曰。扶餘南接高麗。東接挹婁。西接鮮卑。後高麗得其地。置夫餘城。唐乾封二年。薛仁貴破高麗於金山。進拔夫餘城。夫餘川中四十餘城皆望風降。下後屬於渤海。後唐天成初。契丹拔渤海之扶餘城。命其長子鎮之。曰東丹國。今鐵嶺衛境之廢歸仁城是也。夫亦作扶。

沃沮

有二。一曰東沃沮。在蓋馬大山之東。亦曰南沃沮。漢武滅朝鮮。開置元菟郡。治沃沮城。後元菟內徙。沃沮更屬樂浪。光武時廢。省就以其渠帥爲縣侯。國小臣屬於高句麗。後爲所并。漢志。元菟郡有夫租城。蓋即沃沮矣。魏正始八年。毋邱儉復伐高麗。其王位宮奔買溝。儉遣元菟太守王順追之。過沃沮千餘里。至肅慎氏南界。刻石紀功而還。是一曰北沃沮。後漢東夷傳。買溝塞北沃沮之地。去南沃沮八百餘里。與挹婁接。高麗名城爲濶塞。杜佑曰。北沃沮一名買溝塞。又曰高句麗居乾升骨城。漢初爲縣。屬元菟郡。賜以衣幘朝服。鼓吹。常從郡受之。後不復詣郡。但於東界築小城受之。遂名此城爲幘溝塞。後漢爲買溝。建安中始遷於九都山下。隋大業八年。伐高麗。分遣薛世雄出沃沮道。蓋因舊名以命軍也。

藏貊

服虔曰。藏貊在辰韓北。高麗沃沮之南。東窮大海。漢元朔初。其君南闔降漢。因置蒼海郡。三年罷。陳壽曰。夫餘國有故城名藏貊。蓋本藏貊地。今不耐藏亦其種云。

百濟

今朝鮮之全羅道。卽其地也。志。東夷有三韓國。曰馬韓。辰韓。弁韓。馬韓在西。凡五十四國。百濟居一焉。陳壽曰。三韓凡七十八國。百濟其一也。後漸強大。兼諸小國。與高句麗相匹。俱在遼東之東千餘里。李延壽曰。百濟之先。以百家濟海。後遂以百濟名。國晉世高麗略有遼東。百濟亦分據其地。置遼西。晉平二郡。蕭齊永明六年。後魏遣兵擊百濟。爲百濟所敗。八年。齊以其王牟大爲鎮東將軍。百濟王隋開皇十八年。遣使請伐高麗。願爲軍導。高麗覺之。以兵侵掠其境。隋書。百濟出自東明。後有仇台者。立始強盛。

杜佑曰百濟南接新羅北距高麗千餘里西限大海處小海之南有五部分統三十七郡二百城唐武德四年册百濟王扶餘璋爲帶方郡王其後黨於高麗與百濟相仇顯慶五年擊平之詔以其地置熊津馬韓東明金漣德安等五都督府又以百濟城爲帶方州置刺史治焉唐史百濟本扶餘別種其王亦姓扶餘氏濱海之國直京師六千里而羸儀鳳以後百濟之地附於新羅其支屬共保海濱仍曰百濟

新羅

今朝鮮之慶尙道卽其地弁韓苗裔也李延壽曰新羅本辰韓種在高麗東南亦曰秦韓相傳秦世亡人避役東適馬韓馬韓割東界居之故名秦韓始有六國稍分十二新羅其一也或稱魏毋邱儉破高麗高麗奔沃沮後復國其留者爲新羅兼有沃沮不耐韓濊之地其王本百濟人自海逃入新羅遂王其國附庸百濟後強盛與百濟爲敵杜佑曰新羅本辰韓種魏時爲新盧國晉宋曰新羅其國在百濟東南五百餘里唐武德四年册新羅王金眞平爲樂浪郡王顯慶中屢爲高麗百濟所攻唐爲遣兵平百濟龍朔初以其國爲雞林大都督府授其酋金法敏爲都督上元初新羅據百濟故地又招納高麗叛衆遣兵討之復請降儀鳳以後復西據高麗故城唐不能討自是僅羈屬於唐而已開元以後其地多爲渤海所并○休忍國在新羅之東亦三韓之屬東督時有休忍國服屬於燕符秦滅燕遂屬秦大元四年符路以龍城叛徵兵於鮮卑烏桓高句麗百濟新羅休忍諸國是也後併於百濟

流鬼

東夷也唐貞觀十四年入貢去京師萬五千里其地直黑水靺鞨東北少海之北三面接海南與拂涅靺鞨隣東南航海行十五日乃至人依島嶼散居多沮澤初附百濟後附新羅杜佑曰流鬼國在北海之北是也○定安國本馬韓種宋太平興國中


女眞入貢道

出定安卽此

勃海

亦靺鞨遺種隋時粟末部也初附高麗齊滅高麗勃海大氏徙居營州尋保挹婁之東牟山高麗靺鞨稍稱歸之武后萬歲通天中爲契丹李盡忠所逼有乞乞仲象者度遠水自固武后置勃海都督府授之又封爲振國公子祚榮遂盛強并有扶餘沃

沮、弁、韓、朝鮮諸國地方五千里。建都邑。自稱振國王。睿宗先天初，拜爲勃海郡王。所部賜名忽汗州。開元七年，武曩曩位益強，其後皆稱王。改元，然仍羈屬於唐。又數傳至彝震，地益拓，徙居忽汗河東，去舊國三百里，稱勃海國王，尋僭號，擬建宮闕，以勃海故地爲上京龍泉府。忽汗州卽平壤城也。爲中京顯德府。滅狛故地爲東京龍原府。沃沮故地爲南京南海府。高麗故地爲西京鴨綠府。分統十五府六十三州。爲遼東盛國。其後浸衰，契丹阿保機建國，攻勃海，拔忽汗州，俘其王大諱謀，勃海遂滅。



山西方輿紀要序

山西之形勢最爲完固。關中而外，吾必首及夫山西。蓋語其東，則太行爲之屏障。其西則大河爲之襟帶。於北則大漠陰山爲之外蔽。而勾注、鴈門爲之內險。於南則首陽、底柱、析城、王屋諸山濱河而錯峙。又南則孟津、潼關皆吾門戶也。汾澮縈流於右，漳沁包絡於左。則原隰可以灌注，漕粟可以轉輸矣。且夫越臨晉、泝龍門，則涇渭之間可折筮而下也。出天井，下壺關、邯鄲、井陘而東，不可以惟吾所向乎。是故天下之形勢必有取於山西也。吾蓋徵之春秋之世，而知所以用山西者矣。叔虞之初封於唐也，不過百里之國。其後并兼弱小，漸以盛強。獻公信驪姬之讒，申生死而重耳逐。當是時，晉國之危不絕如綫。以秦繆之才，且智豈不欲兼晉而有之，而勢不能也。韓之戰，旣以獲其君矣，而卒不能入其國。豈惟喪君有君之義，州兵爰田之制，晉諸臣之才力皆足以抗衡於秦，亦其國之險塞可憑，依以爲固也。及文公以晉霸，而天下之征伐號令，且自晉出焉。觀於服鄭、懾楚，晉之兵威遠及於江漢矣。襄公敗秦師於殽，秦人報怨之師，嘗欲甘心於晉。自襄、靈、成、景、厲、悼，以及平公之世，秦晉河上之戰前後以數十計。然秦卒不能得志於晉。當是時，秦日以強，繆、康、桓、景諸君其材足以爭雄於中國，而成周無恙。東諸侯之屬不遂罹秦禍者，不可謂

非晉之大有造於天下也。及三家分晉，而晉非復春秋之舊矣。然而衛鞅之言曰：秦之與魏，譬如人有腹心之疾，非魏并秦，秦即并魏，魏必東徙。然後秦可據山河之固，東鄉以制諸侯。是一魏猶足以難秦也。蓋魏之強，以河西、安邑，而韓之強，則以上黨、趙之強，則以晉陽及雲中、九原。自魏去安邑，都大梁，而魏始弱矣。秦惠文君時，魏以河西之地，盡入於秦，而魏益弱。秦昭襄二十一年，安邑復入秦，而魏遂不復振矣。秦人既得安邑，乃謀韓之上黨，秦拔上黨之後，凡八年，而韓遂入朝於秦。又六年，攻趙，拔晉陽。晉陽拔後十年，而三晉竟亡矣。嗚呼！秦之能滅晉者，以晉分爲三，而力不足以拒秦也。假使三晉能知天下之勢，其於安邑，於上黨，於晉陽也，如扞頭目而衛心腹也，即不能使秦人之不我攻，必當使我之不可攻，即不能爲其不可攻，必不可遂敵之必我攻，合與國以爭之上也。舉國以爭之次也。於安邑，於上黨，於晉陽，固尺寸之地，即爲其國延旦夕之命也。奈何揖寇入門而不知，割己肥敵而不悟，使秦人得以坐待其斃乎！然而秦自孝公以後，萃六世之力，而後能盡舉安邑、上黨、晉陽之地，亦不可謂不難矣。漢都長安，而太原、雲中、定襄，皆屯宿重兵，所以鎮撫北方也。魏晉之際，鴈門以北，盡皆荒塞，而以并州爲重鎮。及劉淵倡亂於離石，關河以南，悉被其荼毒。晉室之禍，自古未有也。苻堅之取燕也，破壺關，克晉陽，乃一舉而入鄴，拓跋魏起於北荒，奄有恒代，規取河北，蠶食河南，既又克統萬，平遼東，收姑臧，縱橫四出，無有當其鋒者。及南

徙洛陽而肩背之勢。倒制於巨猾強藩矣。是故六鎮跳梁於前。爾朱憑陵於後。高歡篡竊於終。皆自隔遠恆代。階之禍也。宇文氏與齊人爭於龍門玉壁之間。材均勢敵。卒不能越關河尺寸。及周人克有平陽。進拔晉陽。而慕容之轍。高齊復蹈之矣。隋以漢王諒之亂。列戍太原。建置留守。唐公乘之。引兵而西。克臨汾。渡龍門。撫定關隴。於是東鄉而爭天下。勢如建瓴也。劉武周資突厥之助。盜據馬邑。一旦越鴈門而侵并晉。太宗投袂而起。奮其雄武。亟削平之。誠以并晉爲關輔之襟要。臥榻之旁。不可以假他人耳。河北連兵。太原如故。故李郭藉爲根本。得東鄉以滅安史。唐末李克用資之。雖艱難孱弱。卒能自振。存勗夾河之戰。不過十五年。而梁之君臣。函首以告先王矣。石敬瑭據有晉陽。卒易唐祚。劉知遠繼之。復承晉社。其後劉崇以河東十州之地。矯命者垂三十年。以周世宗之英武。宋太祖之雄略。而不能奏芟除之烈也。女真竊入雲中。進陷朔代。張孝純以太原拒守。雲中之寇。未敢南牧也。及孤城覆沒。敵勢益張。遂有青城之辱。迄於河中。渡臨晉。而永興六路。一時摧敗矣。元末擴廓據晉冀。太祖取之。乃在克平元都之後。明既定都於燕。而京師之安危。常視山西之治亂。蓋以上游之勢。係於山西也。或曰。山西之形勢誠重矣。然昔人有言。殷紂之國。左孟門。右太行。常山在北。大河在南。而武王殺之。且高幹不能以并州拒曹魏。劉琨不能以并州制劉石。靳準竊平陽。而旋斃於劉曜。楊諒起晉陽。而卒蹶於楊素。惡在其爲險固者也。曰。成敗相乘。

也。如轉圜也。使謂形勢可恃。是終古無覆亡之國也。且不聞朱子之說乎。冀州山川風氣所會也。昔者堯都平陽。舜都蒲坂。禹都安邑。蓋自昔帝王嘗更居之矣。曰。然則山西可以建都否乎。曰。天下之事。創起爲難。燕京襲遼金元之故轍。乃曰取法於黃帝也。山西有堯舜禹之成謨。乃曰漢唐以來。未有建都者也。庸人之論。不究本末如此。夫山西之與燕京。又烏可以同日語哉。

讀史方輿紀要

卷三十九

山西一

古曰冀州。舜分置十二州。此爲并州。

應劭曰。地在兩谷之間。故曰并州。亦曰衛水。常水之間也。今衛水常水俱見直隸冀定府。

禹貢仍曰冀州。

其地險易。帝王所都。亂則冀安。弱則冀強。荒則

冀豐。故曰冀州。

周禮職方。正北曰并州。成王封叔虞於唐。此爲晉地。戰國時爲趙地。亦兼韓魏之疆。

今平陽府故魏地。潞安府遼澤。

二州故韓地。後皆入於秦。

其在天文。昴、畢、則趙分野。

韓魏分野。見河南沿革。

秦并天下。置太原、河東、上黨、代、鴈門、雲中等郡。漢武置十

三州。此亦爲并州。

其河東郡則屬於司隸。

後漢以并州治晉陽。靈帝時。羌胡大擾。定襄、雲中等郡。並流徙分散。獻帝時。

省入冀州。魏黃初中。復置并州。自陘嶺以北。並棄之。晉亦置并州。惠帝時。爲劉淵所殘破。其後劉曜徙都長安。平陽以東。陷沒於石勒。及苻堅。姚興。赫連勃勃之際。並於河東置并州。姚興時。又嘗分河東置并、冀。

二州及後魏以後分析益多不可得而詳也。隋亦置十三部而不詳所統。唐貞觀初置河東道。開元中因之。移治蒲州。天寶初又置河東節度使於并州。及五代時李克用石敬瑭劉知遠代有其地。並建大號。周廣順

初劉崇據其地。宋太平興國四年始克平之。仍置河東路。而鴈門以北則屬於契丹。為西京路。金人分置

河東北路。河東南路及西京路。北路治太原。南路治平陽。西京路治大同。元亦分為冀寧晉寧大同等路。直隸中書省。謂之腹裏。明洪武

元年置山西行中書省於太原。九年改為山西等處承宣布政使司。今領府五。直隸州三。屬州十六。縣七

十九。總為里四千四百有奇。夏秋二稅。約二百三十一萬四千八百有奇。而衛所參列其中。今仍為山西布政使司。

太原府屬州五 縣二十

陽曲縣附郭 太谷縣 太原縣 榆次縣 清源縣 祁縣 徐溝縣

壽陽縣 交城縣 文水縣 河曲縣 孟縣 靜樂縣

平定州屬縣一

樂平縣

忻州屬縣一

定襄縣

代州屬縣三

五臺縣

繁峙縣

崞縣

崞嵐州屬縣二

嵐縣

興縣

保德州

平陽府屬州六 縣二十八

臨汾縣附郭

襄陵縣

洪洞縣

浮山縣

趙城縣

太平縣

岳陽縣

曲沃縣

翼城縣

汾西縣

蒲縣

蒲州屬縣五

臨晉縣

榮河縣

猗氏縣

萬泉縣

河津縣

解州屬縣五

安邑縣

夏縣

聞喜縣

平陸縣

芮城縣

絳州屬縣三

稷山縣

絳縣

垣曲縣

霍州屬縣一

靈石縣

吉州屬縣一

鄉寧縣

隰州屬縣二

大寧縣

永和縣

汾州府屬州一 縣七

汾陽縣附郭 孝義縣

平遙縣

介休縣

石樓縣

臨縣

永寧州屬縣一

寧鄉縣

潞安府 屬縣八

長治縣 附郭 長子縣

屯留縣

襄垣縣

潞城縣

壺關縣

黎城縣

平順縣

直隸 澤州 屬縣四

高平縣

陽城縣

陵川縣

沁水縣

直隸 沁州 屬縣二

沁源縣

武鄉縣

直隸 遼州 屬縣二

榆社縣

和順縣

大同府 屬州四 縣七

大同縣 附郭 懷仁縣

渾源州

應州 屬縣一

讀史方輿紀要

卷三十九

山陰縣

朔州屬縣一

馬邑縣

蔚州屬縣三

廣靈縣

廣昌縣

靈邱縣 行都司各衛所及屬夷皆附見

東據太行。

太行爲天下之脊。中分河東。河北之境。今自澤潞以北。達於大同之東境。皆太行也。

南通懷孟。

自懷孟而南。西指洛陽。東指汴梁。懷孟者。中原之要膂也。

西薄於河。

黃河自塞外東北流。至廢東勝州。西北折而南。凡千七百里。至蒲州河津縣之龍門山。又南歷雷首山。

折而東。河之南。卽華陰也。又東至垣曲縣之王屋山南。而入河南懷慶府境。

北邊沙漠。

自大同以北去沙漠七百餘里分列戍守爲防維要地。

其名山則有雷首。

雷首山一名中條山。在平陽府蒲州東南十五里。首起蒲州。尾接太行。南跨芮城。平陸。北連解州安邑。及臨晉。夏縣。聞喜之境。禹貢壺口。雷首。卽是山也。左傳趙宣子田於首山。史記衛鞅謂秦孝公魏居嶺。阨之西。都安邑。與秦界河。而獨擅山東之利。司馬貞曰。大河經中條之西。自中條以東。連汾晉之險。嶺謂之嶺阨。漢武帝置首山宮於此。元封六年。詔曰。朕禮首山。毗田出珍玉。或化爲黃金。正義毗田。首山下田。封禪書。

自華以西名山七。一曰薄山。蓋襄山也。亦中條之異名。穆天子傳。東巡自河首襄山。卽此。水經注。雷首西臨大河。俗亦謂之堯山。上

有堯城。括地志。雷首山延長數百里。隨州郡而異名。一名中條山。一名首陽山。又有蒲山。歷山。薄山。襄

山。甘棗山。渠潞山。獨頭山。陋山。吳山。亦曰吳坂。之名。尙書大傳。湯伐桀。升自陋。鄭氏云。陋在河曲之南。是矣。

山之南阜。卽首陽山。夷齊餓死於其下。六典。河東道名山曰雷首。亦曰中條。天寶末。哥舒翰與賊將崔

乾祐戰於靈寶西原。翰軍於河北。登高阜望之。胡氏曰。首山與湖城縣之荆山隔河相望是也。軍敗翰走。自首山西度河入關。或又謂之

南山。元至正十八年，汝穎賊陷晉冀諸處，察罕帖木兒引軍趨河東，先遣兵屯南山阻隘，自勒重兵屯聞喜洛陽，賊果出南山為伏兵所敗，乃進屯澤州。中條在晉冀之南，與河南岸諸山相接，故曰南山云。名山記：中條以中狹不

絕而名，上有分雲嶺、天柱峯及桃花、元女諸洞，谷口蒼龍等泉，其瀑布水自天柱峯懸流百尺而下，出

臨晉縣之王官谷，入於大河，而解州東南之白徑嶺通陝州之大陽津渡，尤為奇險。

底柱。

底柱山在平陽府解州平陸縣東南五十里，西去河南陝州四十里。近志三門山之中峯為底柱，高不逾數尋，圍不及百尺，特以巖然中流而名。夫底柱控扼

河津，其為險峻也尚矣。志考之未詳也。詳見河南名山。

太行。

太行山在平陽府絳州絳縣東二十里。志云：在澤州南二十里，迤邐而東北跨陵川。靈關、潞城、黎城、遼州和順武鄉諸州縣境。此為太行之西垂，東連懷澤

之境，又東北出彰德、潞安之郊，直抵幽州東北，凡數千里，詳見河南名山。

恒山。

恒山在大同府渾源州南二十里，即北岳也。志云：石晉以山後諸州歸於契丹，中國乃於曲陽致祭，明安治中以馬文升請正祀典，因重建北岳廟於渾源州。詳見直隸名

霍山。山。

霍山在平陽府霍州東南三十里。亦曰太岳。亦曰霍太山。禹貢既脩太原。至於岳陽。謂太岳之陽。又曰壺口。

雷首。至於太岳。周禮職方冀州。鎮曰霍山。爾雅。西方之美者有霍山。多珠玉。史記周武王伐紂。飛廉先為紂使北方。還無所報。乃為壇於霍太山而致命焉。山下有觀堆。高二里。周十里。趙襄子滅智氏。祠霍太山於此。曰觀堆祠。後周建德五年。周主自將攻晉州軍於汾曲。分遣宇文純守千里徑。志云。徑極高險。每大軍往來。甚苦之。後魏平陽太守封子繪。嘗請別開一路。旬日而就。蓋自霍山北出汾州。徑指太

原之道。杜佑曰。汾州界北極太原。當千里徑。隋開皇十四年。詔以霍山為冀州鎮。仁壽末。楊素擊漢王諒。諒遣將屯高壁。見

州靈石縣。以拒之。素令諸將引兵臨之。而自引奇兵深入霍山。緣崖谷而進。遂敗諒軍。大業十三年。李淵建

義師至霍邑。隋將宋老生屯兵據險。師不得前。乃傍山取徑。去城十餘里。老生逆戰。敗死。蓋即千里徑也。又霍山亦謂之西山。以自山而北。接綿山。介山。達於晉陽之西南也。唐天復元年。周德威逼晉絳。為汴軍所敗。汴軍長驅圍晉陽。德威收餘衆。依西山還晉陽。又五代周廣順初。北漢主劉崇攻晉州。不克。

引還。周兵追之。及霍邑。霍邑道險。漢兵墮崖谷死者甚衆。周兵追者不力。乃得度。蓋霍山崎嶇險峻。介并晉二州之間。實控扼之要矣。唐六典。河東道名山曰霍山。祀典謂之中鎮。明洪武中建中岳廟祀霍山。

勾注。鴈門關附。

勾注山在太原府代州西北二十五里。一名西陁山。陁讀亦曰鴈門。爾雅。北陵西踰鴈門。山海經。鴈門。

飛鴈出於其門。郭璞曰。西踰即鴈門。呂氏春秋。天下九塞。勾注其一。國策。張儀說燕王。趙王欲并代。與

代王遇於勾注之塞。又蘇厲爲齊謂趙惠王。秦反。先俞於趙。孔氏曰。平分即陁山。先俞即西踰。字

與音之譌也。史記。趙襄子踰勾注而破并代。又趙世家。趙有代。勾注之北。漢六年。匈奴圍韓王信於馬

邑。信降匈奴。匈奴遂引兵南踰勾注。又漢書婁敬傳。漢兵已踰勾注。又文帝後六年。匈奴入上郡。雲中以蘇意爲將軍。屯

勾注。武帝元光五年。詔發卒治鴈門阻險。劉氏曰。將伐匈奴。通道令平易也。晉地道記。北方之險。有盧龍。飛狐。勾注爲之

首。天下之阻。所以分別內外也。河東記。五代李燁撰。勾注以山形勾轉水勢注流而名。亦曰陁嶺。自鴈門以

南。謂之陁南。以北謂之陁北。自漢中平以後。羌胡大擾。陁北之地。皆爲荒外。魏晉時。並以勾注爲塞。曹

南。謂之陁南。以北謂之陁北。自漢中平以後。羌胡大擾。陁北之地。皆爲荒外。魏晉時。並以勾注爲塞。曹

魏青龍元年，鮮卑軻比能誘保塞鮮卑步度根，時步度根保太原鴈門塞。與結和，親自勒萬騎，迎其累重於陜北。并州

刺史畢軌請出師拒遏，魏主詔曰：「慎勿越塞過勾注也。」時軌軍已先進，果敗。晉永嘉四年，鮮卑拓拔猗

盧帥部落自雲中入鴈門，從并州刺史劉琨求陜北地。琨徙樓煩、馬邑、陰館、繁峙、崞，五縣民於陜南。以

其地與之。曹魏時，五縣俱已遷陜南，遺民猶在陜北也。咸和二年，後趙將石虎擊代王紇那於勾注陜北。紇那兵敗，徙都大寧，以

避之。大寧見直隸保安州廣寧縣。太元二十一年，拓拔珪大舉伐燕，南出馬邑，踰勾注，後魏太和十八年，太子恂將遷

洛陽，不欲行，其黨元隆等密謀留恂，因舉兵斷關，規據陜北，不果。關即東陜、西陜，二關也。後周主邕保

定二年，遣楊忠會突厥自北道伐齊，拔齊二十餘城，齊人守陜嶺之隘，忠擊破之。至晉陽而還。隋大業

二年，漢王諒舉兵并州，遣其將喬鍾葵圍代州。朔州刺史楊義臣奉詔往救，夜出西陜，鍾葵敗走。唐志

西陜，關名也。在鴈門山上，東西山巖峭拔，中有路，盤旋崎嶇，絕頂置關，謂之西陜關，亦曰鴈門關。西北

去朔州馬邑縣七十里，南去代州三十里。今鴈門關因故址改置。武德二年，劉武周引突厥入勾注，寇太原。五年，突

厥頡利入鴈門，寇并州。永隆二年，裴行儉討突厥餘黨，伏念壁代州之陜口，即西陜也。又有東陜關，在

代州南三十里。天寶十四載。祿山將高秀巖據大同。河東、太原閉關拒守。朔方節度使郭子儀敗賊兵。圍雲中。拔馬邑。遂開東陁關。杜佑曰。東陁關甚險固。與西陁關並爲勾注之險。會昌二年。回鶻犯塞。詔河東節度使劉沔進屯鴈門關。虜寇雲中。沔擊却之。廣明初。沙陀入鴈門關。寇忻代。逼晉陽。陷大谷。五代唐清泰三年。契丹救河東。謂石敬瑭曰。吾自北來。唐若斷鴈門諸路。伏兵險要。則吾不得進矣。使人覘視皆無之。吾是以知必勝也。

胡氏曰。鴈門有東陁。西陁之險。崞縣有揚武。石門之隘。

石晉天福九年。契丹南寇。入鴈門關。宋太平興

國五年。楊業刺代州。契丹來寇。業自西陁出至鴈門北口。南向擊之。契丹大敗。雍熙三年。楊業等自西陁追破契丹兵於寰州。元豐志。鴈門山有太和巖。亦曰太和嶺。靖康二年。金人劫欽宗帝后離青城。自鄭州而北。至代。度太和嶺。至雲中。明初。傅友德克大同。引兵巡太和嶺。西北至宣德府。今宣府鎮。天順二年。

蒙古孛來等寇大同。直抵鴈門。忻代遣都督顏彪。馮宗。率兵屯紫荊。倒馬。二關爲聲援。寇益肆。勅二關兵出鴈門關。乃却。嘉靖十九年。吉囊由白泉口。在河曲縣。長驅至寧武關。太和嶺。敗我兵。南掠至平遙。俺答

亦越太原至石州。而東掠平定。壽陽間。隆慶元年。叛人趙全導以入山西塞。陷石州。全曰。自此塞。鴈門。扼居庸。據雲中。上谷。效石晉故事。南北之形成矣。今鴈門關在州北四十里。爲戍守重地。與寧武。偏頭。

爲山西三關。所謂外三關也。關城周二里有奇。傍山就險。屹爲巨防。

五臺。

五臺山在太原府代州五臺縣東北百四十里。北距大同府蔚州三十里。舊經云。山頂去代州城百餘里。其山左鄰恆山。右接天池。南屬五臺縣。北至繁峙縣。環臺所至五百餘里。名山志。五臺山五峯聳立。高出雲表。山頂無林木。有如壘土之臺。故曰五臺。中臺高四十里。頂平廣。周六里。西北有太華池。正東左畔去臺五里。有雨花池。前三十里有飯仙山。卽中臺案也。東南有鷲峯。西側有甘露池。東臺高二十八里。頂周三里。東畔有那羅延洞。又東有樓觀谷。內有習觀巖。西北去臺十五里。有華嚴嶺。仙人洞。東南嶺畔二十里有明月池。西南有青峯。一名南羅頂。南連望聖臺。臺下有東谷池。又東有溫湯池。西臺高三十五里。周二里。北有祕魔巖。臺西北有八功德水。東北嶺下爲文殊洗鉢池。南臺高三十里。周二里。南去七十里。巖畔有聖僧巖。又名滴水巖。西南二十里有三賢巖。又名七佛巖。東三十里交口下。有聖鐘山。狀如覆鐘。西北十五里。有清涼嶺及清涼泉。志云。清涼寺在清涼嶺。亦名華嚴嶺。嶺畔有雪浪亭。俗名七里亭。爲登山之徑。一統志。清涼嶺在五臺縣東北百里。其東有竹林嶺。

東南有南臺嶺。西有清涼石。清涼泉。清涼洞。

上有羅漢洞。東北有竹嶺。東南十里有金關嶺。北臺高三十里。周三里。名掖斗峯。頂

南畔有羅喉臺。臺頂有黑龍池。卽天井也。南下二十里有白水池。與天井連。其水經繁峙縣。職谷口入滹沱。其麓有七佛池。南又有飲牛池。東北有寶陀峯。又名寶山。產銀及石碌東北二臺麓有金剛窟。又名金

剛洞。去二臺各二十里。靈山記。五臺山有四埵。去臺各百二十里。據古經所載。今北臺卽是中臺。中臺

卽是南臺。大黃尖卽是北臺。栲栳山卽是西臺。漫天石卽是東臺。四埵者。東埵爲無卍臺。卽恆山頂也。

西埵爲曹臺山。卽管涔山也。南埵爲繫舟山。見太原陽曲縣北埵爲覆宿堆。卽夏屋山也。又東臺去中臺四十

二里。臺上遙見滄瀛諸州。日出時。下視大海。猶陂澤焉。西臺去中臺四里。危燈干霄。喬林拂日。南臺去

中臺八十里。最幽寂。北臺去中臺十三里。地里志。五臺。河東道名山也。道家謂之紫府釋氏謂之清涼山山中古寺得名

者。自唐大中時計之。凡六十有四。是後增建益多。唐會昌五年。盡毀天下僧寺。五臺僧皆亡逸。明因舊址。建顯通寺。近時賊嘗據

此。阻險以守。官軍不敢擊。蓋山谿糾結。出沒爲易也。

其大川則有汾水。

汾水源出太原府靜樂縣北百四十里管涔山。南流經府城西太原縣城東。微折而西。經清源縣及交

城縣東南。又經文水縣南及祁縣西南境。而入汾州府平遙縣界。經西及汾州府東。又南經孝義縣東。介休縣西。而入平陽府霍州靈石縣境。經縣城及霍州之西。又南歷汾西縣東及趙城縣。洪洞縣西。又南經平陽府城西及襄陵縣。太平縣之東。又南經曲沃縣西境。折而西。逕絳州南。又西歷稷山縣。河津縣南。至榮河縣北。而入於大河。周職方冀州。浸汾。潞。潞水即漳水。見直隸大川。詩。彼汾沮洳。左傳。子產曰。臺駘能業其官。宣汾。洮。帝用嘉之。封諸汾川。戰國策。汾水可以灌平陽。俗作絳水。誤。晉太元末。拓拔珪取燕并州。遣將略

地汾州。又周齊相擊。爭汾北之地。周主邕圍晉州。軍於汾曲。唐取關中。自汾而西。宋圍太原。壅汾。晉二水灌之。漢志注。汾水經郡二。太原河東也。行千三百四十里。唐六典。汾水。河東之大川也。

沁水。

沁水源出沁州沁源縣北百里緜山東谷。西南流。經平陽府岳陽縣東。又折而東南。經澤州沁水縣東。又南經陽城縣東。而入河南懷慶府界。歷濟源縣東北。又南經府城北。又東經武陟縣東。脩武縣西。而入於大河。漢志注。沁水出穀遠縣。即今沁源縣。羊頭山世靡谷。賈氏曰。穀遠北山上。東南至榮陽入河。過郡三。上黨。河內。河南也。顏師古

曰沁水至武陟縣界入河。行九百七十里。曹魏末司馬孚言沁水源出銅鞮山。沁州故銅鞮縣也。屈曲周圍水道九百

此云榮陽疑轉寫之誤。

里。天時霖雨。每致汎濫。請累石爲門。蓄泄以時。隋大業四年。開永濟渠。引沁水南入河。北通涿郡。亦曰御河。唐六典。河東道大川曰沁水。唐乾元初。李嗣業軍河內。安慶緒將蔡希德等自鄴涉沁水攻之。爲嗣業所拒。還走。金貞祐三年。遷汴。議開沁水便運道。近時議者多以引沁水入衛。可濟運河。然沁水流闊勢急。又穿太行而南。多沙易淤。冬春之間。深不盈尺。夏秋淫潦。往往汎溢爲害。故懷衛間常隄塞以防其衝決。今詳見河南懷慶府。

黃河。

黃河自陝西榆林衛東北。折而南。經廢東勝州西。又南。流歷大同府朔州西界。又南。入太原府河曲縣界。經縣西。又南。歷保德州崑嵐州及興縣之西。又南。入汾州府界。經臨縣及永寧縣。寧鄉縣西。又南。歷石樓縣西。而入平陽府界。經隰州之永和縣。大寧縣西。又南。經吉州及鄉寧縣西。又南。經河津縣。榮河縣西。而汾水注焉。又南。經臨晉縣界。至蒲州城西南。而涑水入焉。又南。過雷首山。折而東。經芮城縣。平陸縣南。又東。過底柱。至垣曲縣東南。而入河南懷慶府濟源縣界。禹貢浮於龍門西河。會於渭汭。蓋河

在冀州西也。春秋時爲秦晉爭逐之交。戰國屬魏。史記魏武侯浮西河而下曰。美哉山河之固。此魏國之寶也。後入於秦。而三晉遂無以自固。今詳見川瀆異同。

鹽池。附見

鹽池在平陽府解州東三里。又安邑縣西南二十里。亦有鹽池。與解爲兩池。蓋一池而分東西二池也。春秋成六年。晉

人謀去故絳。諸大夫皆曰。必居郇瑕之地。沃饒而近鹽。韓獻子曰。山澤林鹽國之寶也。杜預曰。鹽。鹽池

也。漢志池在安邑西南。許慎謂之鹽鹽。池長五十一里。廣六里。周一百一十四里。呂忱曰。宿沙氏糞海

謂之鹽。宿沙炎帝時諸侯始糞海爲鹽富溢他國。河東鹽池謂之鹽。今池水東西七十里。南北七里。紫色澄渾而不流。水出石

竭。自然凝成。朝取夕復。終無減損。惟暴雨霖澍。潢潦奔軼。則鹽池用耗。公私共竭。水徑防其淫濫。謂之

竭水。其廣狹淺深。古今盈縮。時有不同。又有女鹽池。在解州西北三里。東西二十五里。南北二十里。其

西南爲靜林等澗。服虔曰。土人引水沃畦。水耗土自成鹽處也。亦謂之鹽。鹹味小苦。不及大池。或號爲

女鹽澤。亦曰鹽田鹽。俗言此池亢旱。鹽卽凝結。如逢霖雨。鹽則不生。舊志女鹽池在猗氏故城南。水經注。鹽水出東南

薄山。卽中條之異名。西北流經巫咸山北。又徑安邑故城南。又西流注於鹽池。自漢武元狩四年。用桑宏羊等

讀史方輿紀要 卷三十九 一六五五

言興鹽鐵之利。天下鹽官凡二十八都。而河東安邑爲首。後漢元和三年。帝幸安邑觀鹽池。

外紀云周穆王亦至安邑

觀鹽池。

初平中。放散鹽禁。建安四年。曹操從衛覬言。復遣謁者僕射監鹽官。以其利招服關中。其後皆設

鹽官董之。晉亂鹽利亦耗。後魏復立法征之。景明初。從中尉甄琛請弛鹽池之禁。既而其利皆爲富強所專。四年。復收鹽池利入公。神龜初。復申鹽池之禁。孝昌三年。蕭寶寅反。長安正平。今開喜縣。民薛脩義等

聚衆河東。分據鹽池。攻圍蒲坂以應之。時長孫稚奉命西討。遣別將楊侃擊平脩義等。會有詔廢鹽池稅。稚上言。鹽池天產之貨。密邇京畿。惟應寶而守之。均贍以理。今四方多虞。府藏罄竭。以鹽稅準絹而言。一年不下三十萬匹。臣不先討關賊。徑解河東者。非緩長安而急蒲反。恐一失鹽池。三軍乏食也。請依常收稅。從之。唐食貨志。鹽池凡十八井。六百四十。惟安邑有池五。總謂之兩池。皆隸鹽鐵置官權之。貞觀十二年。幸柳谷觀鹽池。其小池曰女池。開元中。置女鹽監。後以水淡監廢。大歷八年。兩池生乳鹽。十二年。賜名寶應靈慶池。唐紀大歷十二年。先是秋霖。河中府池鹽多敗。戶部侍郎判度支韓滉恐鹽戶減稅。奏雨雖多不害。鹽仍有瑞鹽。生上疑其不然。遣諫議大夫蔣鎮往視之。鎮還妄對。果如滉言。因賜號寶應靈慶池。咸通以後。藩鎮益強。河中帥得專鹽池之利。光啓初。宦者田令孜用事。以安邑解縣兩鹽池爲河中帥

王重榮所專。歲止獻三十車供國用。請復舊制。隸鹽鐵。因自兼兩池榷鹽使。會要元和十五年改稅鹽使爲榷鹽使。收其利以

贍軍。重榮不可。令孜因徙重榮鎮秦寧。重榮遂與李克用合謀舉兵犯闕。討令孜。後唐同光二年。河中帥李繼麟請榷安邑。解兩池鹽。每季輸省課。從之。宋志。鹽之類有二。引池而化者。周官所謂鹽池也。俗曰

類煮海。煮井。煮鹹而成者。周官所謂散鹽也。亦曰末鹽。解州解安邑兩鹽池。墾地爲畦。引水沃之。水耗鹽成。

每歲二月墾畦。四月引水。八月而止。得鹽百餘萬。又前代鹽皆自生。唐開元中池涸。河中尹姜師度始有畦。夫管種之課。宋張席上言鹽漫生之利。遂罷畦夫。鹽池考。中條山在池南。自蒲州接太行。形如臥弓。環池而繞之。山頂有桃花洞。水流入鹽池。池與安邑池爲兩池。官置使以領之。又中池北百步許。有淡泉一區。味甚甘冽。俗謂鹽得此水方成也。又西北十五里有硝池六。一曰賈五。二曰金井。三曰團。四曰熨斗。味皆淡。五日夾凹。六曰蘇老。味皆鹹。

天旱則生。自鹽池而南。層山牆立。天巖雲秀。地谷泉深。亦天下形勝之處矣。鹽池圖說。今池東西長五十五里。南北闊七里。周百四十四里。宋分

爲東西兩池。各置鹽場。二明初并爲東西二場。成化二十一年。增置中場。其池亦分爲三。近安邑者爲東池。近安邑西二十里路村者爲中池。近解州者爲西池。三場亦以是爲次也。池底淤泥。滋生鹽根。形如水晶。夏月驕陽薰蒸。南風動盪。上結鹽板。光潔堅厚。可勝行

立板上水約三寸。翻騰浪花。落板卽成顆粒。古謂之漫生鹽。今謂之斗粒鹽。更時驟小雨。則色愈鮮明。故曰顆鹽。宜及時撈採。若遇大雨。鹽復解散。秋冬地冷池枯。不能生鹽。間或有之。硝鹼相雜。味亦不正。其西北七里卽女鹽池。據地高阜。其鹽淡。或苦。不可食。時或生硝。亦名硝池。而六小池及靜林諸澗。每水溢則奔趨女鹽池爲鹽。患又安邑東有苦池。於鹽池亦切近。宋元符崇寧間。觀察使王仲先於池東西南三面築七郎等十一堰。衝之。所以拒溢水之入也。崔敖曰。鹽池乃黃河陰滑之功。浸淫中條。融爲巨浸。蓋大河從西北來。至蒲州。折而東向。轉曲之間。漸漬蕃匯。有此奧衍。今陝西花馬池。亦近黃河折流處也。然鹽藉主水而生。緣客水而敗。故治水卽所以治鹽。鹽池南枕條山。雨水易迫。然非澗泉所出。且橫互有護寶堤。爲仞高厚。依山有桑園。龍王趙家灣。大小李。西姚諸堰。縱有飛瀑。阻遏猶易。北面多曠壤。平邱。與水隔絕。故二隅無足爲慮。若東西盡處。則俱逼禁堰。一堵已外。卽客水所鍾。次東禁堰者。有壁水。月堰及黑龍堰。次西禁堰者。有卓刀七郎硝池。堰各從東西自高而下。禁堰不能受。則入池矣。黑龍堰之受害。原於苦池。苦池乃姚暹渠蓄而復流之水也。渠出自夏縣。經巫咸谷。北合洪洛渠。東合李綽渠。經苦池而逕。西向。自安邑歷解州。抵臨晉。入五姓湖。由孟盟橋而注黃河。姚暹渠首及中股皆狹。至安邑。與李綽。洪洛之水。並注於苦池。苦池不能受。勢必東北泛溢於黑龍。入黑龍。則壁水小堰。月堰不能支。而竟衝東禁堰矣。硝池卽女鹽池也。其受害原於凍水。凍水在姚暹渠北源。出自絳縣。爲絳水。西經聞喜縣。爲凍水。又西受稷王孤山。峨嵋坡諸水。經猗氏。抵臨晉。亦入五姓湖。而注黃河。凍水中尾多窄。至臨晉。山溪諸水合注之。勢不能受。必自西北橫溢。破姚暹而奔騰於硝池。入硝池。則黃牛七郎。卓刀不能支。而竟衝決西禁堰矣。況東北又有湧金泉。亦注於黑龍。西北又有長樂灘。亦注於七郎。故築東禁以及黑龍。築西禁以及硝池。治其標者也。浚姚暹以導苦池。浚凍水并歸五姓湖。治其本者也。緩於南北而急於東西。先於根本而後於標末。則客水不浸。而主水無恙矣。

其重險則曰蒲津。

蒲津關在平陽府蒲州西門外。黃河西岸。宋志關在城西四里。西至陝西朝邑縣三十五里。唐志蒲州治河東縣乾元初以朝邑改置河西縣里道記。

蒲關西去故河西縣十四里。

左傳文二年。秦伯伐晉。濟河焚舟。卽此處也。又昭元年。秦公子鍼犇晉。造舟於河。通秦晉

之道也。戰國時。魏置關於此。亦曰蒲阪津。亦曰夏陽津。自河東而言曰蒲阪津。自關中而言曰夏陽津。秦紀。昭襄王五十年。初作河

橋。司馬貞曰。爲浮橋於臨晉關也。漢王二年。東出臨晉關。至河內。擊虜殷王卬。三年。魏王豹反。韓信擊

之。魏盛兵蒲阪。塞臨晉。信益爲疑兵。陳船欲渡臨晉。而從間道襲安邑虜豹。遂定魏地。景帝三年。七國

反。吳王濞反。書曰。齊諸王與趙王定河間。河內。或入臨晉關。咸與寡人會於洛陽。武帝元封六年。立蒲

津關。蓋設關官以譏行旅。後漢建安十六年。曹操西擊馬超。韓遂。與超等夾潼關而軍。操潛遣徐晃。朱

靈。度蒲阪津。據河西爲營。徐晃謂操公盛兵潼關。而賊不復別守蒲津。知其無謀也。旣而操從潼關北

渡。遂自蒲阪度西河。循河爲甬道而南。大破超軍。晉太元十一年。慕容永等自長安而東。出臨晉。至河

東。又苻丕使其相王永傳檄四方。會兵臨晉。討姚萇。慕容垂。後魏孝昌三年。蕭寶寅據關中。圍馮翊末

下。長孫稚等奉命討之。至恒農。楊侃謂稚曰。潼關險要。守禦已固。無所施其智勇。不如北取蒲坂。渡河

而西。入其腹心。置兵死地。則華州之圍。

五代志馮翊郡後魏置華州。

不戰自解。潼關之守。必內顧而走。支節旣解。長安

可坐取也。稚從之。寶寅由是敗散。永熙三年。魏主脩入長安。高歡自洛陽追之。克潼關。進屯華陰。既而

退屯河東。使薛瑜守潼關。庫狄溫守封陵。見蒲州築城於蒲津西岸。以薛紹宗為華州刺史。使守之。西魏

大統初。東魏司馬子如等攻潼關。既而回軍。從蒲津西濟攻華州。不克而還。三年。高歡軍蒲坂。造三浮

橋。欲度河。不果。既又自壺口趣蒲津。濟河至馮翊。敗還。魏軍追至河。因乘勝取蒲坂。定汾絳。四年。造舟

為梁。九年。復築城為防。蓋特為重險也。後周建德五年。圍齊晉州。分遣辛韶等守蒲津關。隋都長安。亦

於蒲津起河橋。以通河中。置中潭城。以守固河橋。字書水中沙曰潭。蓋建城於河中沙上。河陽亦有中潭城。以守固河

於長安。仁壽末。漢王諒謀舉兵并州。裴文安說諒曰。今率精銳直入蒲津。以大軍繼後。風行電擊。頓於霸

上。見陝西長安縣。咸陽以東。指揮可定。京師震擾。誰敢不從。諒不能用。而遣將斷河橋。守蒲州。楊素銜枚潛濟。

諒軍遂敗。大業十三年。李淵引兵自河東濟河而西。朝邑法曹靳孝謨以蒲津中潭二城降。胡氏曰蒲津

亦謂之西關城。所唐開元十九年。於蒲津兩岸開東西門。各造鐵牛四。以維浮梁。志云唐初橫絕列艦以度河。

以護蒲津浮橋者。

城在河西岸。

組斷艦破開元中改作蒲津

橋鑄鐵牛八牛有一人策之。其下鑿鐵爲山。又爲鐵柱灌之。分列兩岸。以維持浮橋。今東岸有四。西岸有三。其一沈於河。

張說銘曰。隔秦稱塞。臨晉名關。關西之要衝。河東之輻

輳是也。寶應初。回紇引兵助唐討史朝義於東都。至忻州。欲自蒲關入。由沙苑出潼關而東。不果。建中四年。朱泚作亂。據長安。上幸奉天。李懷光自河中度。至河西。屯蒲城。李晟亦自易定西還。自蒲津濟軍於東渭橋。興元初。李懷光叛。自涇陽焚掠而東。至河西。或勸河中守將呂鳴岳焚橋拒之。鳴岳不能從。中和四年。黃巢掠河南諸道。請救於河東帥李克用。克用引兵欲度河陽。爲河陽帥諸葛爽所拒。乃還兵。自陝及河中度河而東。五代梁貞明六年。河中帥朱友謙襲取同州。去梁歸晉。梁遣劉鄩等攻同州。友謙請救於晉。晉將李存審等將軍至河中。卽日濟河。軍於朝邑。旣而大敗鄩兵。漢乾祐初。李守貞以河中叛。漢將白文珂克西關城。柵於河西。宋大中祥符四年。行幸河中。祀汾陰。改爲大慶關。建炎初。金人窺關中。濟自蒲津。金史元光初。時汴軍糧運不繼。李復亨議以陝西地險。議豐宜造大船。由大慶關渡入河東。抵湖城以通運。不果。元致和元年。燕帖木兒據大都。迎立懷王陝西行臺也。先帖木兒起兵。從大慶關度河。入河中府。趨懷衛河東。官吏皆棄城遁。旣而上都陷。乃降。明初平關陝。亦自蒲津濟。王氏有言。武關以限南諸侯。臨晉以限東諸侯。蒲津爲關河之巨防。於今爲烈矣。

天井。羊腸坂附。

天井關亦曰太行關。在澤州南四十五里太行山頂。南北要衝也。漢志注。上黨三關。一曰天井關。

其一

曰壺口。見潞安府長治縣。一曰石研卽井陘也。見直隸重險。

關南有天井泉三所。其深不測。因名。陽朔二年秋。關東大水。詔流民欲入天井

關者。勿苛留。劉歆遂初賦。馳太行之險峻。入天井之高關。謂此。後漢初。馮異自河內北攻天井關。拔上

黨兩城。又王梁爲野王令。北守天井關。既又遣劉延攻天井關。與更始所置上黨太守田邑連兵。延不

得進。會更始敗。邑以上黨降。元和二年。幸河東。登太行山。至天井關。蔡邕曰。太行山上有天井關。關在

井北。爲天設之險。晉太元十九年。慕容垂攻慕容永於長子。自滏口入天井關。

滏口見河南磁州。天井在滏口西南。非入長子之道。或曰。

時永扼天井關以拒垂。垂出滏口則已入天井關內也。

唐會昌三年。劉稹據澤潞叛。杜牧曰。若使河陽萬人爲壘。塞天井關。高壁深塹。

勿與戰。而以別軍徑擣上黨。不過數月。必覆其巢穴矣。時河陽帥王茂元遣將馬繼軍於天井關。南科

斗店。爲昭義將薛茂卿所敗。既而忠武帥王幸克天井關。焚大小箕村。

在關北十五里。

進攻澤州。不利。賊乘勝

復取天井關。既又克之。賊勢始阻。中和四年。黃巢侵掠河南諸道。請救於河東。李克用引軍自天井關而南。光化二年。朱全忠克澤。潞二州。李克用將李嗣昭攻之。下澤州。拔天井關。潞州守將遁去。光化五年。朱全忠攻李克用於河東。使氏叔琮入太行。由天井關進軍昂車關。見沁州武鄉縣還攻澤州。拔之。五代梁開平二年。晉王存勗解潞州之圍。梁將康懷貞自天井關遁。晉軍乘勝進趨澤州。梁將牛存節自洛陽應接。夾寨潰兵至天井關。謂其衆曰。澤州要害地。不可失也。遂前入澤州。晉兵不能克。漢初以契丹北還。議進取河南。蘇逢吉請出天井。抵孟津。不果。宋靖康元年。賜天井關名雄定關。元末亦名平陽關。至正十七年。擴廓守平陽關。保據澤。潞二州。是也。關之南卽羊腸坂道。孔顛達曰。太行有羊腸坂。南屬懷北屬澤。呂氏春秋。九山之一也。盤紆如羊腸。魏世家。如耳曰。昔者魏伐趙。斷羊腸。拔關輿。見河南武安縣又蔡澤謂應侯曰。君相秦坐制諸侯。決羊腸之險。塞太行之道。韓非說秦王西攻脩武。見河南懷慶府逾羊腸。降代上黨。又王莽謂五威將軍王嘉曰。羊頭之阨。北當燕趙。羊腸。天井險。蓋相因也。通釋。羊腸有三。一在懷澤間。卽太行坂道也。一在潞安府壺關縣東南百里。戰國策。樊餘謂楚王。韓兼兩上黨。以臨趙。卽趙羊腸以上危。又蘇厲遺趙王書。秦以三郡攻王之上黨。羊腸之西。非王有。漢志。壺關縣有羊腸坂。是也。一

在太原西北九十里。吳起曰：夏桀之居伊闕，在南。羊腸在北。淮南子注：太原西北有羊腸坂，通河西上

郡關。隋書：煬帝登太行，問崔頤何處有羊腸坂。曰：漢書志在上黨壺關縣。帝曰：不是。又答曰：皇甫士安撰地書云：太原北九十里，有羊腸坂。帝曰：是也。通典：陽曲縣有乾燭谷，即羊腸坂。又交

城縣有羊腸山。宜芳縣亦有羊腸坂。宜芳今嵐縣。蓋羊腸坂，縈迴紆遠，接陽曲，交城，宜芳，三縣之界也。

飛狐

飛狐口在大同府蔚州廣昌縣北二十里。水經注：代郡南四十里有飛狐關，輿地廣記：飛狐峪，飛狐關在蔚州南四十里。其地兩崖峭立，一線微通。迤

邐宛延，百有餘里。地道記：自常山北行四百五十里，得常山峩，號飛狐口。酈食其說：漢高距飛狐之口，

是也。文帝紀：匈奴入上郡，雲中以令免為車騎將軍，屯飛狐。後漢建武十二年，盧芳與匈奴、烏桓連兵

盜邊，詔王霸與杜茂治飛狐道，堆布土石，築起亭障。自代至平城三百餘里。後漢書：建武十五年，馬武代杜茂繕治障塞，自西河至渭橋河上至

安邑、太原、至井陘、中山、至鄴，皆築堡壁，起烽燧，十里一候。晉建興四年，并州陷於石勒，劉琨自代出飛狐奔冀，歸段匹磾。後魏太和六年，

發州郡五萬人治靈邱道，自代郡靈邱南越太行，至中山。靈邱道即飛狐道也。武泰初，葛榮據冀，定諸

州。爾朱榮請發柔然兵東趣下口，以躡其背，而相州重兵當其前。下口蓋指飛狐口。唐武后聖歷初，突

厥默噉寇飛狐。陷定州。建中四年。朱泚據長安。李晟自易定。西還。出飛狐道。晝夜兼行。至代州。卽今代州。非故代郡。

也。

光化五年。朱全忠使王處直以義武兵入自飛狐。敗李克用於晉陽。朱梁乾化二年。晉王存勗使周

德威伐燕。東出飛狐。後唐清泰末。契丹助石敬瑭圍唐兵於晉安寨。唐主命幽州帥趙德鈞自飛狐踵

契丹後以救之。德鈞固請由土門西入。許之。土門謂井陘也。宋雍熙三年。賀令圖與契丹耶律斜軫戰

於定西。見靈邱縣。敗績南奔。斜軫追及於五臺。又敗。明日。蔚州陷。令圖與潘美往救。大敗於飛狐。於是渾源

雲。應。寰諸州。悉沒於契丹。飛狐蓋山北諸州之嚆喉也。今其地東起宣府。西趨大同。商賈轉輸。畢集於

此。紫金。倒馬。兩關。特飛狐爲外險。誠邊陲重地矣。

按山西居京師上游。表裏山河。稱爲完固。且北收代馬之用。南資鹽池之利。因勢乘便。可以拊天下之背。而搯其吭也。說者曰。大同於京師。尤爲建瓴之勢。朝發白登。暮叩紫荊。則國門以外。皆戰場也。往者土木之變。敵雖深入郊圻。賴大同犄其後。故不能以得志。嗣是關門告警。未嘗不以大同爲鎖鑰之寄。且夫天下之形勝。莫若陝西。趙主父攘地至雲中。九原。遂欲直南襲秦咸陽。秦始皇巡北邊。從上郡入。旣又使蒙恬除直道。自九原抵雲陽。張儀之以秦脅燕也。曰。秦下甲雲中。九原。驅趙而攻燕。唐范陽之

亂。李泌議遣安西西域之衆，並塞東北，自媯檀南取范陽。然則左顧范陽，右顧咸陽，燕秦捷徑，皆道出大同也。近時爲門戶計者，切切於議屯議戍，議轉輸而邊事日棘。嘉靖中，督臣翁萬達上邊議，謂山西太原、大同，皆與京師相表裏，防維最重。山西鎮邊起保德州黃河岸，迤邐而東，歷偏關，抵老營堡，實二百五十四里。大同鎮邊起鴉角山，在老營堡東北界，迤邐而北，東歷中北二路，抵東路之鎮口臺，在天成衛東北界，實六百

四十七里。而宣府鎮邊起西路之西陽河，在萬全右衛西南界，迤邐而東北，歷中北二路，抵東路之永寧四海冶。

見直隸延慶州，實千二十三里。共一千九百餘里，皆逼近寇境，險在外者也。所謂極邊也。山西鎮自老營堡轉

南而東，歷寧武、鴈門、北婁，至平刑關，約八百里。又轉南而東，爲保定之境，歷龍泉、倒馬、紫荆之黃土口。

在倒馬關西北，插箭嶺、浮圖峪，俱見廣昌縣，至沿河口，在直隸涞水縣東北，又東北即房山縣境之高崖口，約千七百餘里。又東北爲順天境，歷高

崖、白羊，至居庸關，約百八十餘里。共千五十餘里，皆峻山層岡，險在內者也。所謂次邊也。外邊之地，有險夷迂直，總而較之，則大同最稱難守，次宣府，次山西之偏老，分而言之，則大同之最難守者北路，而宣府之最難守者，亦北路也。山西偏頭關以西百五十里，恃河爲險，偏頭關以東百有四里，則與大同

之西路略等。內邊可通大舉。惟紫荆、寧武、鴈門、倒馬、龍泉、平刑諸門隘。然寇山西多從大同入。犯紫荆。必從宣府入。外邊內邊唇齒之勢也。



讀史方輿紀要

卷四十

山西二

太原府。東至直隸趙州五百五十里。東南至遼州三百四十里。又南至沁州三百一十里。又西南至汾州府二百里。西至陝西之吳堡縣界五百五十里。北至大同府朔州四百里。自府治至京師一千二百里。

禹貢冀州地。春秋時為晉國。戰國時屬趙。秦置太原郡。兩漢因之。兼置并州治焉。魏為太原國。并州仍舊。晉因之。後為劉淵所據。旋沒於石勒。又為慕容燕所據。苻堅復取之。後魏仍為太原郡。兼置并州。北

齊後周皆因之。隋初廢郡置并州。隋志開皇二年置河北道行臺九年改為總管府大業初府廢大業初改曰太原郡。唐初曰并州。初置大總管府又改

大都。武后長壽元年置北都。旋復曰并州。開元十一年又置北都。改并州為太原府。天寶元年改北都為北

所唐書至德初命李光弼為北都留守史蓋因舊稱五代唐為西京。又改北京。周時為劉崇所據。宋太平興國四

年。改置并州。嘉祐中復曰太原府。一曰太原郡河東節度使金因之。改軍曰武勇尋復曰河東元曰太原路。大德九年改冀寧路。明

初爲太原府。領州五。縣二十。

府控帶山河。踞天下之肩背。爲河東之根本。誠古今必爭之地也。周封叔虞於此。其國日以盛強。狎主齊盟。屏藩周室者。幾二百年。迨後趙有晉陽。猶足拒塞秦人。爲七國雄。秦莊襄王二年。蒙驁擊趙。定太原。此趙亡之始矣。漢高二年。韓信虜魏豹。定魏地。置河東。太原。上黨郡。此所以下井陘而并趙代也。後置并州於此。以屏蔽兩河。聯絡幽冀。後漢末。曹操圍袁尙於鄴。牽招說高幹曰。并州左有恒山之險。右有大河之固。北有強胡。速迎尙以并力。觀變。猶可爲也。及晉室顛覆。劉琨拮据於此。猶足以中梗劉石。及琨敗。而大河以北。無復晉土矣。拓拔世衰。爾朱榮用并肆之衆。攘竊魏權。芟滅羣盜。及高歡破爾朱兆。以晉陽四塞。建大丞相府而居之。胡氏曰。太原東阻太行。常山。西有蒙山。南有霍太山。高壁嶺。北扼東陘。西陘關。是以謂之四塞也。及宇文侵齊。議者皆以晉陽爲高歡創業之地。宜從河北直指太原。傾其巢穴。便可一舉而定。周主用其策。而高齊果覆。隋仁壽末。漢王諒起兵晉陽。遣其黨余公理出大谷。趨河陽。見河南棊良出滄口。見河南趨黎陽。見直隸劉建出井陘。見直隸略燕趙。喬鍾葵出鴈門。略代北。重險又遣裴文安等入蒲津。徑指長安。尋爲楊素所破敗。大業十三年。李淵以晉陽舉義。遂下汾晉。取關中。

唐武德二年。劉武周自馬邑南侵。其黨苑君璋曰。晉陽以南。道路險要。懸軍深入。無繼於後。進戰不利。何以自全。武周不聽。時世民言於唐主曰。太原王業所基。國之根本。請往討之。武周敗却。其後建爲京府。復置大鎮。以犄角朔方。捍禦北狄。李白云。太原襟四塞之要衝。控五原之都邑。是也。及安史之亂。匡濟之功。多出河東。最後李克用有其地。與朱溫爲難。天復元年。朱全忠攻李克用於太原。遣其徒氏叔琮入自太行。張文恭以魏博兵入自磁州新口。葛從周以兗。鄆。成。德兵入自土門。卽井陘也。張歸厚以洺州

兵入自馬嶺。王處直以義武兵入自飛狐。侯言以慈。隰。晉。絳兵入自陰定。並抵晉陽城下。而不能克也。迨釋上黨之圍。奮夾河之戰。梁遂亡於晉矣。石敬瑭留守晉陽。遂易唐祚。而使劉知遠居守開運。初。郭威謂知遠曰。河東山川險固。風俗尙武。士多戰馬。靜則勤稼穡。動則習軍旅。此霸王之資也。知遠果以晉陽代有中原。劉崇以十州之衆。保固一隅。周世宗。宋太祖之雄武。而不能克也。宋太平興國四年。始削平之。亦建爲軍鎮。劉安世曰。太祖。太宗。嘗親征而得太原。正以其控扼二邊。謂遼人。夏人也。下瞰長安。謂開封。

纒數百里。棄太原則長安京城不可都也。及靖康之禍。金人要割三鎮地。三鎮。太原。河間。中山也。李綱等以河東爲

國之屏蔽張所亦言河東爲國之根本不可棄也時張孝純固守太原女真攻之不能克及太原陷敵騎遂長驅而南矣蒙古蹙金汴京亦先取其河東州郡明初攻擴廓於太原別軍出澤潞而徐達引大兵自平定徑趨太原戰於城下擴廓敗走於是太原以下州郡次第悉平夫太原爲河東都會有事關河以北者此其用武之資也

陽曲縣

附郭本秦太原郡狼孟縣地漢置陽曲縣屬太原郡魏晉因之後魏屬來安郡隋郡廢縣屬并州開皇六年改曰陽直十六年又改曰汾陽大業末仍曰陽直唐武德三年析置汾陽縣以陽直縣并入七年復改爲陽曲縣仍屬并州宋太平興國三年改

置并州於榆次七年復徙治陽曲縣之唐明鎮金天會中始移縣置郭下元因之今種戶八十三里

陽曲故城

府西北五十里魏晉時縣治此志云漢置陽曲縣在今忻州定襄縣境西南去府城八十里或曰非也漢城蓋在今府西北百餘里應劭曰河千里一曲縣當其陽故曰陽曲後漢末移治太原縣北四十五里魏復徙於狼孟縣南卽此城也晉

永嘉末劉琨爲并州刺史劉聰遣兵襲破晉陽琨請兵於拓拔猗廬復敗晉陽琨因徙居陽曲太元末拓拔珪伐後燕軍至陽曲乘西山臨晉陽是也其地有陽曲川後魏長廣王初高歡與爾朱兆破河西賊帥紇豆陵步蕃於秀容兆德歡歡因詭兆得統六鎮降衆歡恐兆悔之遂宣言受委統州鎮兵可集汾東受號令乃建牙陽曲川陳部分水經注汾水自汾陽縣南流經陽曲城西陽曲在秀容南也五代史後魏移陽曲縣復治故城蓋卽太原縣北故城近志云今府東四十五里有石城亦曰石城都後魏嘗移縣治此縣也隋文帝以楊姓惡陽曲之名因改曰陽直又移於汾陽故城改曰汾陽大業末復曰陽直移理於水并城舊志云縣東北七十里有陽曲川其地有木并城唐武德三年於汾陽城復置汾陽縣七年省陽直入焉仍改汾陽曰陽曲又徙治於陽直故城蓋卽

木井城矣。大歷十三年，回紇寇河東，鎮兵逆戰，大敗於陽曲，即是城也。魏收志：縣有陽曲澤，卽陽曲川也。西南注於汾水，金人移縣於今治，而謂木井爲故縣城。城邑攷：今府城。宋太平興國七年所築，偏於西南。明洪武九年，屢築東南北三面，甃以磚石，環以大濠。

嘉靖十九年，復并南城而

新之。今城周二十四里。

狼孟城

府北七十里。本趙邑。秦莊襄王二年，攻趙狼孟，又始皇十五年伐趙，軍至太原，取狼孟，是也。尋置縣，屬太原郡。兩漢因之。晉屬太原國，後魏省，俗名黃頭寨。括地志：狼孟城在故陽曲城東北二十六里。○汾陽城在府北九十里，漢縣，屬太原郡，後漢

省。隋移陽直縣於此，因改曰汾陽，尋復改廢。唐初復置汾

陽縣，治此，後又并入陽曲。近志：汾陽城在今府西七十里。

大孟城

府東北八十里。春秋昭二十八年，晉分祁氏之邑爲七孟，其一也。胡氏曰：漢置孟縣，蓋本治此。後魏時謂之大祁城，其城左右夾澗幽深，南面大壑，亦曰狼馬澗。隋開皇中置孟縣，治焉。大業初，并入汾陽縣。○洛陰城在府東北七十里，或曰隋置洛

陰府，爲屯戍之地。唐武德七年，置羅陰縣於此。貞觀初省，又燕然城在府西北七十里，唐

貞觀六年，以蘇農部落置燕然縣，屬順州。八年，備治陽曲，屬并州。十七年，省入陽曲縣。

三交城

府北五十里。相傳晉大夫竇鳴犢所築城也。舊有三交驛，路通忻州。宋長編：河東有地名三交，契丹所保，多由此入寇。太平興國中，詔潘美屯三交口，潛師拔之，美積粟屯兵，寇不敢犯，又雍熙三年，賀懷浦將兵屯三交，卽此城也。一統志：城在府北

五里，誤。又廢白馬府在府西

北五十里，隋置戍兵之所也。

罕山

府東五十里。其山層巒起伏，異於他山。因名山南接榆次縣界，又方山在府東六十里，山形如削，南面正方。其西接清源縣界。○漢槽山在府東北六十里，相傳漢時嘗置槽屯兵於此，因名。其北接孟縣之礪鳴谷。

繫舟山

府北九十里。俗傳禹治水繫舟於此。至今有石如環軸。志云。山北去忻州六十三里。又阪泉山在府東北八十里。相傳舊名漢山。晉文公卜伐楚。遇黃帝戰於阪泉之北。因改今名。又亭子山在府西北五十里。俗名北山頭。

龍銷谷

府東南五十里。明初大兵下澤潞。廣廓遣兵駐此。以爲聲援。又乾燭谷。在縣西北。通典。陽曲縣有乾燭谷。卽羊腸坂。

汾水

府西二里。源自靜樂縣管涔山。流入境。又西南入太原縣界。宋天禧中。陳堯佐知并州。因汾水屢漲。於東岸築隄。周五里。引水注之。四旁植柳萬株。今城西一里柳溪是也。又有汾河渡。在城西南十里。路通太原。夏秋置船。冬春爲土橋。以渡餘詳大川。

洛陰水

府北三十里。源出忻州南界。南流經廢洛陰城。有真谷水流合焉。又南會石橋河。注於汾水。志云。石橋河在城西南。自孟縣流入界。合於洛陰河。上有石橋。因名。○掃谷水在府西北三十里。出府西北百二十里之掃谷。南流出天門谷。入於汾水。志

云。府西北百五十里。靜樂縣界有龍泉。流至橫渠。合掃谷水。宋天聖二年。夏水大漲。郡守陳堯佐築新堤捍之。患始免。又府東北五十里有潤河水。亦西南流入於汾水。

天門關

府西北六十里。路通舊嵐管州。其東北崖。隋煬帝爲晉王時所開。名楊廣道。宋靖康初。金人圍朔州。守臣孫翊將兵赴援。由寧化。憲州。出天門關。敗沒。時府州帥折可求。亦統麟府之師三萬涉大河。由岢嵐。憲州。赴援。將出天門。金據關拒之。不

能克。復越山取道松子嶺。至交城。爲金所敗。麟。今陝西神木縣。府州今陝西府谷縣也。餘見下。

石嶺關

府東北百二十里。路通忻州。甚險固。唐武德三年。突厥窺晉陽。自石嶺以北。皆留兵戍之。八年。命姜行本斷石嶺道。以備突厥。既又命張瑾屯於此。長安二年。突厥破石嶺。寇并州。宋開寶二年。車駕至太原。契丹來援。何繼筠屯陽曲縣。契丹攻石嶺

關。繼筠敗却之。太平興國二年。太宗圍太原。命郭進爲石嶺關都部署。以斷契丹之援。元至正二十年。命李羅帖木兒守石嶺關。以

北察罕帖木兒守石嶺關。以南時李羅駐大同。欲爭晉冀也。二十三年。李羅以察罕既卒。復爭晉冀。引兵至石嶺關。擴廓帖木兒大

破之。李羅由是不振。杜佑曰：忻州定襄縣有石嶺關，甚險固，定襄本陽曲地也。

百井鎮

府北四十里。唐大歷十二年，回紇入寇，河東留後鮑防禦之，大敗於此。廣明元年，河東將張彥球追沙陀於代北，至柏井軍，變還晉陽，即百井也。中和元年，李克用陷忻代，河東帥鄭從讜遣兵軍百井以備之。五代唐清泰初，靈州奏契丹入寇河東。

帥石敬瑭請軍於百井爲之備。周顯德六年，命李重進自土門擊北漢，敗北漢兵於百井。宋雍熙三年，契丹逼代州，潘美將兵自并州往救，至百井而還，即此。

虎北口

在府西北。五代唐清泰三年，張敬達攻河東，遣兵戍虎北口，既而圍石敬瑭於晉陽，契丹來救，騎兵自揚武谷而南，至晉陽，陳於汾北之虎北口，唐兵陳於城西北山下，戰於汾曲，唐兵大敗，契丹尋還營虎北口，敬瑭出北門見契丹主於此。○烏城

驛亦在府北，唐所置也。爲晉陽代州往來之道。

太原縣

府西南四十五里，西至交城縣七十里。周叔虞始封地。春秋戰國皆曰晉陽。秦置晉陽縣爲太原郡治。漢晉以後因之。唐徙縣治汾水東，宋初以縣爲平晉軍，尋罷軍爲平晉縣，後又徙治永利監，屬太原府。金因之。元屬太原路。明初復移縣於汾水西洪

武八年，復爲太原縣。今編戶五十五里。

太原故城

在今縣治東北。古唐國也。相傳帝堯始都此，又夏禹之初，亦嘗都焉。左傳：帝遷高辛氏子實沉於大夏，主參，金天氏之裔，尤格，臺駘以處太原，皆此地矣。周成王滅唐，而封其弟太叔虞，虞子懿，以唐有晉水，改國曰晉，亦謂之大鹵。春秋昭元年，

荀吳敗狄於大鹵，即太原也。中國曰太原，夷狄曰大鹵，又謂之大夏。齊桓公曰：西伐大夏，涉流沙，亦謂之曰鄂。隱六年，晉人逆冀侯於隨，納諸鄂，謂之鄂侯。桓八年，王又命立哀侯弟緝於晉，杜氏曰：鄂，即晉也。索隱：唐侯之後，封夏墟而都於鄂，亦謂之大夏。蓋大夏

太原。大鹵。夏。晉。陽。郭。凡六名。其實一也。左傳定十三年。趙鞅入於晉陽以叛。其後簡子使尹鐸爲晉陽。及知伯攻趙。襄子走晉陽。知伯與韓魏圍而灌之。沉寢產。鼂民無叛意。卒滅知伯。秦紀昭襄王四十八年。司馬耿北定太原。莊襄王二年。使蒙驁攻趙。定太原。三年。拔趙晉陽。置太原郡。又漢高十一年。封子恆爲代王。都晉陽。史記云。都中都。如淳曰。文帝三年。幸太原。復晉陽中都。二歲。似遷都中都也。都邑記。太原舊城。晉并州刺史劉琨築。高四丈。周二十七里。城中又有三城。一曰大明城。古晉陽城也。左氏謂董安子所築。城東有汾水。南流與城西之晉水匯。故史記曰。知伯引汾水以灌城。春秋後語。謂決晉水也。高齊於此置大明宮。因名大明城。其城門曰五龍門。齊主緯以周師逼晉陽。夜斬五龍門而出。欲奔突厥。不果。唐姚最述行記。晉陽宮西南有小城。內有殿。號大明宮。又一城。南面因大明城。西面連倉城。北面因州城。東魏靜帝武定三年。於此置晉陽宮。隋又更名新城。又一城。東南連新城。西北面因州城。隋開皇十六年築。今名倉城。高四丈。周二里。唐義旗初建。高祖使子元吉居守。卽斯地矣。唐會要。舊太原都城。左汾右晉。潁邸在中。長四千三百二十一步。廣二千一百二十二步。周萬五千一百五十三步。宮城在都城西北。卽晉陽宮也。隋大業三年。北巡還至太原。詔營晉陽宮。高祖起晉陽故宮。仍隋不廢其城。周二千五百二十步。汾東曰東城。貞觀十三年。長史李勣所築。兩城間曰中城。武后築以合東城。崔神慶傳。武后攝神慶爲并州長史。初州隔汾爲東西二城。神慶跨水連堦。合而一之。省防禦兵數千。所謂太原三城。謂東西中城耳。至德二載。史思明寇太原。諸將議脩城以待之。李光弼曰。太原城周四十里。賊垂至而興役。是未見敵。先自困也。乃率士卒及民於城外鑿堦以自固。光弼所云四十里者。止言都城也。建中四年。馬燧爲河東節度。以晉陽王業所基。宜因險以示威。乃引晉水架汾而屬之。城瀦爲水陸。省守陣萬人。又隴汾環城植柳以固隄。唐志。宮城東有大明城。故宮城也。又有節義堂。有受瑞壇。元吉留守時。獲瑞石。因築壇祠之。宋平劉繼元。城邑宮闕。盡皆毀廢。及靖康初。金人圍太原。久不下。於城下築舊城居之。號元帥府。中外斷絕。城中大困。

晉平城

縣東北二十里。城周四里。宋平河東。毀舊城。置新城於此。曰平晉軍。又置永利監。雍熙二年。改爲平晉縣。熙寧三年。縣廢。政和五年。復置。金廢永利監。元因之。明朝改建太原縣於汾西。此城遂廢。○龍山城在縣西北。北齊分晉陽縣。置龍山縣於此。

因山爲名。或曰齊移晉陽縣於汾水東。而於城中置龍山縣也。隋開皇十年改龍山曰晉陽。移入郭下。改晉陽縣爲太原縣。唐並爲州治。宋毀。志云西南外有羅城。以禦西山之水。俗呼爲長龍城。今有羅城鎮。

唐城

在太原故城北一里。都城記。堯所築。叔虞始封此。子燮父徙居於晉水傍。併理故唐城是也。又晉陽舊有東城。高齊天寶初。宇文泰來伐軍。至建州。高洋自將出頓東城。云建州。今見絳縣車廂城。○三角城在縣西北二十里。其城三面一名徒人城。亦曰捍湖城。相傳趙襄子所築。又有王陵城。志云在舊縣東汾水側。今譌爲黃林郭。

竹馬廢府

在太原舊府城中。又太谷縣有寧靜府。榆次有洞溝。昌寧二府。孟縣有信董府。凡爲府十八。皆唐府兵所居也。又天兵軍。亦在舊府城內。唐開元五年。突厥九姓內屬者。皆散居太原。并州長史張嘉貞請宿重兵以鎮之。於是置天兵軍於并州。集兵百萬。以嘉貞爲天兵軍大使。會要。天兵軍。聖歷二年置。大足元年廢。長安元年又置。景雲元年又廢。開元五年。張嘉貞又置。十一年改爲太原。已北諸軍節度使。又有和戎軍。亦在晉陽北。開元初。薛訥爲并州長史。和戎。大武等軍州節度使。或謂時改天兵爲和戎也。大武見代州。

蒙山

縣西北五里。隋志。晉陽有蒙山。其山連亘深遠。或以爲北山。或以爲西山。晉永嘉六年。劉聰使劉曜等乘虛寇晉陽。取之。并州刺史劉琨請救於猗廬。曜等戰敗。棄晉陽。踰蒙山而歸。又後周保定二年。楊忠會突厥。自北道伐燕。至恆州。三道俱入。從西山而下。去晉陽二里許。爲齊將段韶所敗。唐天復二年。河東將李嗣昭等取慈隰二州。爲汴軍所敗。汴軍乘勝攻河東。嗣昭等依西山得還。又後唐清泰三年。張敬達等圍石敬瑭於太原。契丹救太原。敬達等陳於城西北山下。戰於汾曲。爲契丹所敗。皆蒙山也。胡氏曰。蒙山跨晉陽。石艾二縣界。今平定州別有蒙山非一山矣。

懸壺山

縣西南十里一名龍山。晉水所出。山腹有巨石如壺。水出其中。亦曰汲壺山。又爲結綃山。水經注懸壺之山。晉水出焉。其山多玉。其下多銅。通志縣西八里爲龍山。北齊因以名縣。又西一里爲懸壺山。皆晉水所出也。又有風谷山。亦在縣西十五里。

道出交城。樓煩。唐時爲驛道所經。又火山。在縣西南十五里。產鬱炭。踏山。蓋皆蒙山之支麓矣。○嬰山在縣西北三里。隋圖經。嬰山并州主山也。又有駝山。在縣東北三十五里。狀若駝峯。一名黑駝山。亦產煤炭。

藍谷

在縣西南。胡氏曰。蒙山西南有藍谷。永嘉六年。劉曜自蒙山遁歸。拓拔猗廋追之。戰於藍谷。曜兵大敗。趙興初。劉琨復與猗廋謀討劉曜。琨進據藍谷。是也。志云。今縣西十八里有黃蘆谷。又縣西北二十五里有井谷。西南二十五里有藍谷。又有槐子谷。

在縣西南十五

里之嶠石山

汾水

在縣城東。自陽曲縣流入界。又南流。與城西之晉水會。西南入清源縣界。或謂之南川。以流經太原之南也。晉永嘉六年。猗廋救劉琨。前鋒敗。劉曜於汾東。曜扶創渡汾入晉陽。大掠而還。唐武德五年。突厥寇并州。麤色王神符破之於汾東。五代梁貞明

二年。王檀將河中同華諸道兵。乘虛襲晉陽。昭義將石君立赴救。朝發上黨。夕至晉陽。梁兵扼汾河橋以拒之。爲君立所敗。後唐清泰三年。張敬達攻石敬瑭於河東。契丹來救。敗唐兵於汾曲。石晉開運三年。契丹入汴。分軍自土門西入河東。軍於南川。旣而引還。

宋開寶二年。親征太原。壅汾晉二水灌其城。北漢大恐。汾水尋陷其南城。太平興國四年。伐太原。駐蹕汾東。及城下。引汾河晉祠水灌之。禦其故城。蓋太原有事汾河。其必爭之地也。今引爲十一渠。分灌縣境民田。

晉水

在城西南。源出懸壺山。水經注。昔知伯過晉水。以灌晉陽。因分爲二流。北流卽知氏故渠也。其潰乘高東北注。入晉陽城。周圍灌漑。東南出城。流注於汾。其南潰經南城。亦注於汾。後漢元初三年。脩理太原舊溝。灌漑公私田。謂晉水也。唐貞觀中。李勣

爲并州長史。以太原井水苦不可飲。乃架引晉水入東城。以甘民食。名曰晉渠。此卽知氏渠也。俗謂之北派。其餘復分二派。中派亦曰中河。又分流爲陸堡河南派。亦曰南河。會流爲清水河。以注於汾。今晉水入城之流。已涸。餘流分爲南北中渠。及陸堡渠。並漑民

田又沙河亦在縣西源出風谷經晉陽故城南隍中東流入汾兩濠則盈旱則涸○河澗水在縣東隴三十里源出樂平縣西隴泉嶺經平定州及壽陽榆次諸縣下流經此入汾今分爲四渠引流溉田

臺駘澤 在縣南十里即晉澤也舊爲晉水匯流處蒲魚所鍾水經注晉祠南有離老善利二泉大旱不涸隆冬不凍澗田百餘頃又有泉出祠下曰滴瀝泉其泉導流爲晉水澗爲晉澤今澤已涸涸

晉安峇 在故晉陽城南亦曰晉安鄉薛居正曰在晉祠南唐清泰三年石敬瑭以河東叛詔張敬達討之營於晉安鄉尋遣圍太原反爲契丹所敗退保晉安契丹就圍之置營於晉安南長百餘里厚五十里以絕援兵之路唐兵赴援者皆屯圍栢不敢進

唐主憂之廷臣龍敏曰今選精騎自介休山路夜冒敵騎入晉安寨使敬達知大軍近在圍栢則事濟矣唐主不能用晉安遂爲契丹所陷又陽興寨在縣東南或云宋取太原時置

銅壁戍 在縣西南汾水上晉升平初苻秦冀州刺史張平來降引兵略秦境苻堅自將擊之前鋒軍於汾上堅至銅壁平敗降胡氏曰河汾間有銅川其民遇亂築壘壁自守因曰銅壁時平據晉陽銅壁蓋近晉陽也

柳林 在縣東南三十里契丹圍敬達於晉安寨置營於晉安南又移帳於柳林遊騎過石會關旣而築壇於柳林立敬瑭爲天子處也又甘草池在縣南宋開寶二年圍太原頓兵甘草地會暑雨軍士疾病引還

晉祠 志云在縣西南十里懸壘山南祠叔虞也高齊天統五年嘗改爲大崇皇寺尋復故宇文周建德五年圍齊晉州齊主高緯集兵晉祠自晉陽趨救又唐天復二年汴將氏叔瑛圍晉陽營於晉祠攻其西門宋熙寧八年太原人史守一修祠水利溉田六百有餘頃蓋晉水源出祠下云○講武堂唐志在晉陽縣北十

五里顯慶五年築又縣西南三十里有避暑宮高歡避暑處

榆次縣 府東南六十里東北至壽陽縣百二十里南至太谷縣七十里春秋時晉之涂水邑涂音塗漢置榆次縣屬太原郡後漢及晉因之北魏太平眞君中併入晉陽縣尋復置北齊省入中都縣隋改中都曰榆次尋復移治故城屬并州唐因之宋太平興國

中書爲并州治後仍屬并州今編戶七十里

榆次故城。在今縣治西北杜佑曰晉魏榆地也左傳昭八年石言於晉魏榆服虔曰魏晉地榆州里名後謂之榆次史記秦莊襄二年使蒙驁攻趙拔榆次取三十七城還定太原是也漢置縣於此今故址猶存

中都城。縣東十五里漢置縣屬太原郡文帝爲代王都中都即此城也後漢亦曰中都縣晉屬太原國永興初劉淵遣別將寇太原取中都即此後魏仍屬太原郡隋并入榆次○武觀城在縣西南三十里陳侃邨一名武館城晉人謂之故郭城盧諶征觀

賦所云經武館之故郭即此也又信都城在縣東十八里蓋南北朝時所備置

麓臺山。縣東南三十里又東南五十里有鷹山○黃蛇嶺在縣北唐武德二年劉武周引突厥入寇軍於黃蛇嶺魏陷榆次即此

涂水。有二一曰大涂水發源縣東南百二十里八縛嶺下西北流至縣東十五里合流邨入洞渦水一曰小涂水源出鷹山西流入大涂水水經注涂水出陽邑東北大曠山涂谷西南與蔣谷水合而入榆次縣界或曰大曠山今在縣東南境一作大曠山

洞渦水。在縣十五里自壽陽縣西南流經此合涂水又西去五里合源渦水又西經徐溝清源太原縣界而注於汾水唐光化二年汴將氏叔琮侵晉陽周德威拒之於榆次戰於洞渦河擒其驍將陳章五年氏叔琮等分道侵河東出石會關營於洞渦驛

道抵洛陽不能克既而河東將李存審敗汴軍於洞渦汴軍引退宋開寶初李繼勳等侵太原與北漢戰於洞渦河大破之進薄太原魏收志洞渦水一出木瓜嶺一出沾嶺一出大廉山一出縣東九里原過祠下四水合流故曰同過後譌爲洞渦云

木瓜水。源出縣東南六十里木瓜嶺下西流二十里經八縛嶺一名八縛水西流合洞渦水又源渦水在縣東八里其泉自平地湧出南流會洞渦水唐貞觀中縣令孫湛常令民引渠以溉田○澗河在縣西一名赤坑水源出縣東北三十里之罕山其地

名赤坑邨也。西南流分爲二渠以溉田。又縣東北五十里有芹谷水。西流合澗河。注於洞溝水。又牛坑水出縣東南三十里懸泉谷。亦西流入洞溝。居民引渠以溉田。

萬春渠

縣南三里。引洞溝水西流溉田。凡百二十餘頃。又轟店渠在縣北十五里。引澗河水溉田。凡五百餘頃。

鑿臺

在縣南四十里。洞溝水側。戰國策。黃歇說秦昭王書。知伯見伐趙之利。而不知榆次之禍也。又云。知氏伐趙。勝有日矣。韓魏反之。殺之於鑿臺之下。唐書。代宗初。僕固懷恩叛。其子瑒攻榆次。郭子儀將白玉焦輝擊殺之於鑿臺下。今爲洞溝水所湮。又廢。

臺在縣東南五十里。相傳冉閔爲并州刺史時所築。

長寧寨

志云。在縣東南二十五里。後魏將李長寧所居。亦曰長寧壁。又福堂寨。在縣東南十里。亦曰區堂壁。相傳後魏人區堂所居。○土橋在縣東北六十里。又東五十里爲太安驛。乃壽陽西走太原之通道。又有鳴謙驛。在縣北西去府城五十里。

太谷縣

府東南百二十里。北至榆次縣七十里。西至祁縣五十里。本晉大夫陽處父邑。漢爲陽邑縣。屬太原郡。後漢及魏晉因之。後魏太平真君九年。省尋復置。隋開皇十八年。改曰太谷縣。唐武德三年。置太州。六年。州廢。以縣屬并州。今編戶八十三里。

陽邑城

縣東南十五里。漢縣治。此後周建德四年。始移今治。隋曰太谷。唐武德八年。李高遷屯太谷。以拒突厥。既而并州總管張瑾與突厥戰於太谷。軍沒。即今縣。又縣西北十五里有洛漢城。即水經注所云涂水出大嶺山。西南經羅摩亭者也。郡國記謂

之羅摩亭。俗因譌爲洛漢城。相傳秦將王翳伐趙時所築。唐元宗幸太原。置永豐頓。兼立青城於此。

箕城

縣東三十五里。左傳。僖十三年。晉敗狄於箕。昭二十三年。晉執叔孫昭子館於箕。杜預曰。箕在陽邑南。郡國志。縣西南七里。又有副井城。戰國時趙戍守處。今曰副井邨。○秦城在縣界。唐廣明元年。河東官軍擊沙陀於太谷。至秦城。戰不利。或曰。今縣西

南七里有成陽城。秦伐趙時，以成陽卒戍此。因名。今猶謂之成陽邨，疑卽秦城矣。

鳳凰山。縣南十里。稍東十里曰鳳凰山。卽鳳皇山右翼也。山下醴泉出焉。北流合成陽谷水。謂之交合水。又灰泉山在縣東南二十里。其泉瀦而爲池。池南七十里。又有白壁嶺。

馬嶺。縣東南七十里。又東南至遼州榆社縣九十里。路通直隸順德府。唐光化二年，汴將葛從周救魏博，敗幽州兵。自土門進攻河東。其別將氏叔瓌自馬嶺入拔遼州樂平。進軍榆次。爲河東將周德威所敗。三年，李克用遣李嗣昭自馬嶺而東，與汴軍爭邢。沼以救劉仁恭。時仁恭爲全忠所攻也。又五年，朱全忠大舉侵河東。使張鐔厚以沼州兵入自馬嶺，至遼州州降。今馬嶺關在其上。

太谷。在縣南十三里。卽成陽谷也。秦築城於谷口，以置戍軍。谷亦因城以名。水經注：太谷在祁縣東南，亦卽是谷矣。又有奄谷。在縣東南十里。俗名千佛崖。又東南十里曰四卦谷。有泉四派分流。又東南十里曰回馬谷。道亦出順德府。又有象谷。在縣東北五里。
十二

回馬水。在縣東南志云：源出榆次縣界黃花嶺，流經回馬谷。因名。又成陽谷水亦流合焉。經清源祁縣界。注於汾水。又象谷水。在縣東北二十五里。源亦出榆次縣界。懣張嶺下。流經象谷。名象谷水。合徐溝縣之金水。水經清源祁縣界。注於汾水。水經注：涂水經臨晉亭南。合於蔣谷水。卽象谷水矣。○胡谷水在縣西南。西北流入祁縣界。合於隆舟水。又奄谷水出奄谷中。東北流。合象谷水。唵河水在縣東北。出縣界。大塔山衆泉合流。經徐溝縣境。合象谷水。

馬嶺關。在馬嶺上。俗作馬陵關。謂雁洧死處。誤矣。其地控扼要險。自昔爲戍守處。今有巡司。屬遼州榆社縣。○武林堡在縣東北臨象谷水。三面石崖。勢極險阻。唐武德初築。爲戍守處。又王班堡在陽色故城東十餘里。內有九級浮圖。

萬年頓。縣西北十里。本名龍泉頓。唐開元十年。幸太原。道經此。改曰萬年。

祁縣。府南一百五十里。東至太谷縣五十里。西南至汾州府介休縣九十里。春秋時。晉大夫祁奚邑。左傳昭二十八年。晉滅祁氏。分爲七縣。魏獻子以賈辛爲祁大夫。是也。漢置祁縣。屬太原郡。後漢魏晉因之。後魏仍屬太原郡。高齊廢。隋復置。唐初屬太州。尋遷屬并州。

宋因之。金改屬晉州。元屬冀寧路。今編戶四十有五里。

故祁城。縣東南七里。漢縣治。此後魏徙今治。今日故縣村。亦曰祁城村。又東南八里有古祁城。志以爲古祁氏之邑也。○祁城在縣西七里。志云。左傳成十三年。晉侯使呂相絕秦曰。焚我箕鄩。謂此祁城也。恐誤。或謂之鶴城。今其地名高城。祁蓋音譌也。又

趙襄子城。志云。在縣西六里。趙襄子所築。今名趙武。祁又沙祁城。在縣西五里。相傳慕容垂所築。

隆舟城。縣東南三十里。或謂之隆州城。五代周初。劉崇據河東十二州。隆州其一也。繼而劉繼元築城以拒周師。宋太平興國四年。伐北漢。命行營都監折御卿分兵攻其崑嵐軍。下之。遂取嵐州。漢人於隆舟依險築城拒守。爲宋軍所拔。王氏曰。折御卿自

府州會兵先克崑嵐。次克嵐州。隆州蓋晉漢間所置。其地當在崑嵐間。非即隆舟城也。又縣東北十五里有禿髮城。或以爲後魏時置。

嶺山。縣東南六十里。東接太谷縣界。南接武鄉縣界。其相近者。又有龍臺山。一名頂山。又名蒙山。亦曰竭方山。南跨平遙。迤邐接武鄉。沁源。靈石三縣界。

團柏谷。在縣東南。即隆舟城之地。今日團柏鎮。唐末石敬瑭及契丹兵圍晉安峇。唐主自河陽遣將康思立進援。赴團柏谷。既而盧龍魏博諸軍皆屯團柏谷口。去晉安才八里。聲聞不通。及晉安不守。契丹與河東兵進至團柏。唐兵遂潰。周廣順初。北漢主

發兵屯圍柏。又顯德初，北漢主遣其將李存瓚自圍柏，遣攻晉安。又自圍柏南趨潯州，遣屯梁侯驛。昭義帥李筠驛於太平驛，爲北漢兵所敗，遁歸上黨。宋乾德四年，昭義節度使李繼勳伐北漢，漢主劉繼恩遣劉繼業等扼圍柏，爲繼勳前鋒將何繼筠所敗，遂奪汾河橋。薄太原城下，焚其延夏門，會契丹來救，乃還。又開寶二年，北漢主劉繼元置寶興軍於此。九國志：北漢主以僧劉繼邕知國政，繼邕遊華嚴，見地有寶氣，乃於圍柏谷置銀場，募民鑿山，採取北漢主囚置寶興軍是也。梁侯太平等驛俱見潯安府長治縣。

隆舟水

在縣東南。志云：本名龍舟水，源出縣東南百六十里胡甲山西，亦名胡甲水。北流出龍舟谷，名龍舟水。其支渠東北出爲昌源渠，西南出徑平遙縣界，爲長壽渠。皆有灌溉之利。又徑侯郵旁，名侯甲水。至介休縣北張南郵，澗田流入汾水。水經注：侯

甲水發源胡甲嶺，蔡邕曰：侯甲，邑名，在祁縣今

沁州武鄉縣西北有胡甲嶺，蓋舊爲祁縣也。

胡谷水

在縣東。志云：出太谷縣，流入縣境，或曰：卽通光水也。出縣東南四十里胡城谷中，亦謂之胡城水。北流澗田，爲利甚溥。

昭餘祁藪

縣東七里，其水久涸。元至元十一年，浚鑿得細水，澗田及浸墮下樹木。周職方并州藪曰：昭餘祁。水經注：侯甲水又西北流，徑祁縣故城南，自縣連延西接廓澤，是爲祁藪。卽爾雅所謂昭餘祁矣。

隆州谷關

縣東南九十里，南通沁州，北通徐溝縣，兩壁皆山，道傍有水，卽胡甲水也。洪武三年，置巡司戍守，亦曰隆州谷北關。

盤陀戍

縣東五里，宋靖康初，金人敗神師中之兵於榆次，乘勝趨威勝軍，與姚古遇於盤陀山，兵潰，退保隆德，今爲盤陀驛。

徐溝縣

府南八十里，南至祁縣七十里。本清源縣之徐溝鎮，金大定二十九年，析晉榆次、清源三縣地置，今縣屬太原府，編戶十九里。

洞渦水。在縣北。自榆次縣流入界。又西入清源縣界。今縣有洞渦驛。蓋因水以名。○金水河在縣東。志云源出太谷縣東北大塔山下。流合衆泉。經榆次縣之東陽鎮。流入縣界。合衆谷水。又西入清源縣境。

象谷渠。在縣城下。流分三道。環遶東西。分灌民田。蓋居民引象谷水爲渠也。

清源縣。府西南八十里。東至徐溝縣五十里。北至太原縣四十里。春秋時晉之梗陽邑。漢爲榆次縣地。隋開皇十六年。始於梗陽故城置清源縣。大業初省入晉陽。唐初復置。宋因之。金嘗置晉州於此。尋還屬太原府。今編戶二十八里。

梗陽城。在今縣治南。故晉邑也。左傳襄十八年。晉中行穆子見梗陽之巫臯。又梗陽人有獄。魏獻子不能決者。史記趙惠文王十一年。秦取梗陽。卽此故城。周六里。○涂陽城在縣南二十里。春秋時晉大夫祁氏邑。魏獻子以知徐吾爲涂水大夫是也。今名

屠買邨。有谷曰屠谷。谷夏則水漲。冬則涸。志云。谷在縣南十五里。又屬東南四十里有陶唐城。舊經陶唐氏自涿鹿徙居此。俗謂之姚城。

鵝城。縣東南二十三里。晉陽秋永嘉元年。洛陽步廣里地陷。有二鵝飛出。蒼色者冲天。白者止此。蒼色北方象。劉淵以爲己瑞。築城應之。又印駒城。志云在縣西南二十三里。相傳漢文帝置牧於交城縣。築此城以印駒。今縣西北十五里有馬名山。亦以文帝

牧苑而名。

中隱山。縣西北八里。四圍高峯。山獨中隱。亦曰中隱谷。又白石山。在縣西五里。亦曰白石石谷。中多白石。因名。洪武中築堰於此。以禦暴流衝囂之患。至今城無水災。

汾水。縣東五里。自太原縣流入界。又南經此。有米陽渡。流闊八十餘步。踏出徐溝。又縣東十二里有水濟渠。則引汾灌田處也。汾水又西南流入交城縣界。

清源水

縣西北五里。自平地湧出。亦曰平泉。一名不老池。引流溉田。水溢則東南注於汾。又白石水源出白石谷。流合平泉水。又中隱水出中隱谷。並流注於汾。

交城縣

府西南百二十里。西南至汾州府九十里。漢齊陽縣之西境。北齊置牧官於此。隋開皇十六年置交城縣。屬并州。以縣界有古交城而名。唐因之。宋置大通監。金廢監。縣仍屬太原府。今編戶四十二里。

故交城

縣東北七十里。隋唐時縣置於此。志云。古交城。又在其東北二十里。當孔水。汾水交流之處。隋所取以名縣者也。舊唐書。交城縣西北有古交城。縣初治交山。天授元年移置却波。先天二年於故縣分置靈川縣。開元二年省却波。即今縣治也。

又寰宇記云。縣西北四十里有大通監。管東西二治。烹鐵務。東治在縣上。西治在交城縣北山義泉社。取狐突山鐵礦。李練宋白曰。大通監本古交城地。又縣西北八十里有大通鐵冶。宋設都提舉司及鐵冶所。巡司今俱廢。

下馬城

縣北百六十里。接靜樂縣界。相傳元魏孝文往來避暑下馬處。又馬蘭城。在縣北九十里孔河上。本名馬蘭。孔水南流經此。東注於汾。漢魏北齊皆嘗牧馬於此。又有榆城。在縣西北百三十里文谷水上。亦故戍守處也。其地多榆。因名。

狐突山

縣西北五十里。有晉大夫狐突廟。因名。縣之鎮山也。產青鐵。宋因以置監。一名馬鞍山。○錦屏山在縣西北五里。紅崖綠樹。燦若錦屏。又縣北五里有萬卦山。有六峯。峙立其旁。衆峯交錯。因名。又縣西北二十里有石壁山。四圍小山。相向如壁。

羊腸山

縣東北百里。石磴彙委。若羊腸然。後魏立倉於此。名羊腸倉。隋大業四年。經此幸汾陽。改名深谷嶺。嶺上有故石墟。相傳魏太武避暑之所。亦謂之萬根谷山。元和志。羊腸山在交城縣東南五十三里。以舊城言也。○交城山在縣北百二十五里。志

云。古交城治此。周顯德三年。北漢主鈞彝其父崇於交城北山。即此。又黑石樓山。在縣西北百五十里。黑石攢起如樓。闌然其相近者。曰獨泉山。洞穴中有石如盆。盆泉出其中。或云。北漢石盆岩。蓋置於此。宋乾德四年。石盆岩來降。是也。

文山

在縣西北九十里。文水歷榆城。又南逕文山下。山因以名。又穀積山。在縣西北百五十里。山形側豎如穀積。一名滑集山。與永寧州呂梁山相接。又有龍王驪山。亦名劉驪山。相傳劉淵都離石時嘗游此。因名。二山西南去永寧州八十里。蓋境相接也。又

學文山在縣西北二百里。連水寧及靜樂縣界。相傳魏孝文臨幸汾陽置行宮於此。

汾水。在縣東南。自清源縣折而西。流經縣界。又西南入汾水縣界。○文水在縣西北三十里。源出水寧州北境之方山。流經狐突山下。又西南流入文水縣境。下流至汾陽縣。入於汾水。亦謂之文谷水。

孔河。在縣東北。源出縣西北百二十里之龍樹山。南經故馬蘭城。東流至太原縣界。注於汾水。○步渾水在縣城東。出狐突山南之步渾谷。又城東南有塔沙水。亦出狐突山南之塔沙谷。俱流注於汾河。又福泉水。出縣東北百七十里之福泉山。亦東南流入

文水縣。府西南百六十里。西至水寧州二百四十里。南至汾州府介休縣八十里。春秋時晉平陸邑。漢爲大陵縣地。屬太原郡。後漢及晉因之。後魏置受陽縣。隋開皇十年。改曰文水。以文谷水名也。唐武德三年。改屬汾州。六年。還屬并州。明年。又屬汾州。貞觀初

復故。天授初。改爲武興縣。神龍初。仍爲文水縣。今編戶七十九里。

大陵城。縣東北二十里。即晉之平陸也。昭二十八年。魏獻子分祁氏之田。使司馬烏爲平陸大夫。趙曰大陵。亦曰大陵。史記。趙肅侯六年。遊大陸。至於鹿門。又武靈王十六年。遊大陵。夢處女鼓瑟而歌。劉向曰。大陵即大陸也。漢置大陵縣。晉時爲南單子所

居。永興初。東瀛公騰遣將蕤元擊劉淵於大陵。爲淵所敗。後魏遷治於城西南十里。改曰受陽。隋曰文水。今縣十里故文水城。是子城周圍二里有奇。宋元豐間。因水患。徙置南漳。沱邨高阜處。即今縣治。城色攷大陵。故城周十餘里。後魏廢。今爲官田。

平陶城。縣西南二十五里。漢縣。屬太原郡。後漢及晉因之。後魏改曰平遙。避太武嫌名也。水經注。西胡內侵。徙居京陵。魏收志。平遙有京陵城。今汾州府屬縣。即魏末所遷也。○櫛城在縣北二十五里。後魏宣武時所築。當文谷口。今名開山邨。又雲州城在

縣北三十里。後魏末所築。雲州寄理於此。今日雲州郡。又大干城。在縣南十里。舊經晉時劉元海所築。令其兄延年居之。俗謂兄爲阿干也。

隱泉山

縣西南二十五里。在平陶故城南。亦名陶山。石崖絕險。壁立險固。中有石室。去地可五十餘丈。惟西側一處得摩訶升陟。頂上平地十餘頃。有泉東流。注於山下。亦名東津渠。隱沒而不恆流。故有隱泉之名。兩澤豐注。則通入文水。志曰。隱泉一名謁泉。其石窟曰隱堂。洞亦曰子夏室。昔子夏退居西河之上。卽此地也。故山亦兼子夏之稱。宋靖康元年。金人圍太原。使李綱督諸道兵赴救。折可求之師潰於子夏山。時可求自汾州而進。取道山下也。

雙峯山

縣北二十里。兩峯壁立。縣西北三十里。又有熊耳山。亦以兩峯並峙而名。一名崇山。

汾河

縣東四十五里。自交城縣流入境。又南入祁縣及汾州府平遙縣界。

文水

在縣東十五里。自交城縣南流入縣界。經縣北二十里。由文谷口微折而東南流。經此。又南入汾州府界。合於汾河。又泌水在縣北八里。自山下湧出。東南注文水。寰宇記謂之神福泉也。又有甘泉水。在縣西南四十里。下流亦注於文水。

猷水

縣東北二十五里。古大陵城之東南。周十餘里。或謂之鄔澤水。經注。汾水經大陵縣。左迤爲鄔澤。廣雅。水自汾出爲汾陂。東西四里。南北十餘里。陂南卽鄔縣也。漢志注。鄔縣九澤在北。是爲昭餘。鄔呂氏春秋所謂區夷之澤也。鄔縣見介休境內。○武潯

泊在縣南二十里。唐天授二年。賜名朱雀泊。又縣東南三十里有伯魚泊。或以爲卽九澤餘蹟也。今皆涸。

柵城渠

縣西北二十里。唐貞觀三年。縣民相率開此渠。以引文水。溉田數百頃。唐志。縣四十里有常渠。武德二年。汾州刺史蕭瑛鑿。以引文水。南流入汾。又縣東北五十里有甘泉渠。二十五里有蕩沙渠。二十里有鹽長渠。千畝渠。俱引文谷水。溉田數千頃。

皆開元二年縣令戴

謙所鑿今多湮廢

鴻唐砦

在縣南。北漢據河東時所置戍守處。宋乾德四年。北漢石盆砦。鴻唐砦來降。石盆砦今見交城縣交城山下。

壽陽縣

府東百六十里。東至平定州百十里。東北至孟縣九十里。春秋時晉之馬首邑。漢爲榆次縣之東境。晉置壽陽縣。屬樂平郡。後廢。隋開皇十年。改受陽爲文水。而於故受陽城置今縣。屬并州。唐武德三年。改屬遼州。六年。移受州治此。貞觀八年。州廢。縣仍

屬并州。宋因之。金興定二年。改屬平定州。元仍屬太原路。今編戶三十里。

馬首城

縣東南十五里。春秋時晉分祁氏。魏獻子使諱固爲馬首大夫。是也。今仍名馬首鄉。又賀香城。在縣西三十五里。相傳趙簡子所築。一名胡蘆城。又縣西二十五里有燕州城。縣志云。北齊置州於此。今名烟竹鄉。

廣牧城

在縣北。漢廣牧縣。本屬朔方郡。後漢建安中。移治陘南。屬新興郡。晉因之。建興四年。劉琨遣箕澹等救樂平太守韓據於沾城。琨屯廣牧爲聲援。後廢。

方山

縣東北三十五里。頂方一里。一名神福山。或以爲壽陽山。晉永嘉六年。拓跋猗廬引兵救劉琨。復晉陽。追敗劉曜於藍谷。因大獵壽陽山。陳閼皮肉山爲之赤。壽陽山。北史作牢山。郡縣志。牢山在晉陽東北四十五里。或曰。今陽曲縣罕山之譌也。○雙鳳

山在縣北三十里。兩峯狀

若伏鳳。山之東有剩水泉。

過山

縣南八十里。洞渦水經其下。因名。亦曰過山。以高過羣山也。又芹泉山。在縣東二十里。泉源有二。出南山鴉兒谷。曰南芹。出北山太平谷。曰北芹。二泉合流。東入平定州界。亦曰琴泉。志云。縣北十五里有尖山。圓秀迥出羣巒。又有神武村。亦名神山。

殺熊嶺

縣西六十里。接榆次縣界。宋靖康元年。神師中自真定趨探太原。抵壽陽之石坑。爲金將完顏活女所襲。五戰三勝。回趨榆次。至殺熊嶺。去太原百里。敗死石坑。或曰在縣東南。又黃嶺在縣西北五十里。嶺皆黃沙。又西北二十里。爲却略嶺。

鴉兒谷

縣東南三十里。東北去孟縣百二十里。亦曰鴉鳴谷。唐乾符五年。昭義帥李鈞與沙陀戰於奇嵐之沙谷。敗死。兵還至代州。士卒剽掠州民。殺之殆盡。餘衆自鴉鳴谷走歸上黨。晉天福九年。契丹入犯。南至黎陽。別遣兵入鴈門。寇太原。劉知遠敗之於秀谷。乃自鴉鳴谷遁去。圖經谷徑幽。遼昔有迷谷中者。見鴉飛鳴得路。因名。

洞渦水

縣南五十里。自平定州流入境。又西南經此。一名冷泉河。以其地有冷泉。亦西南流。至榆次界。入洞渦水。也。又有黑水源。出縣西四十里。黑水邨之西山。三源合流。至縣南五十里。入洞渦水。並流入榆次縣境。

壽水

縣南二里有二源。並導合流。至縣西南十里。合於黑水。又童子河。在縣北二十里。一名會河。流經縣西南四里。合於壽水。又有龍門河。在縣西北三十里。亦有二源。合流而南。入於壽水。

西張寨

縣西北五十里。高五丈。周僅十畝許。五代時所置也。金志。與定四年。以壽陽西張寨置晉州。後爲蒙古所毀。州亦廢。

孟縣

府東北二百四十里。東北至直隸真定府二百里。東南至直隸井陘縣百五十里。西北至代州五臺縣百二十里。春秋時仇猶國。後井於晉。趙獻子使孟丙爲孟大夫。哀四年。齊國夏伐晉。取孟。戰國時爲趙之源仇城。漢置孟縣。屬太原郡。後漢及晉因之。後魏省入石艾縣。隋開皇十六年。復分置原仇縣。屬遼州。大業初。改曰孟縣。屬太原郡。唐武德三年。置受州於此。六年。州移治壽陽縣。屬焉。貞觀八年。仍屬并州。宋因之。金興定中。升爲州。元因之。明朝洪武二年。改州爲縣。編戶二十二里。

仇猶城

在縣治東北一里。韓非子曰。智伯欲伐仇猶。道不通行。因鑄大鐘。遺之。仇猶大悅。除道而納之。國遂亡。其遺址尙存。寰宇記。漢孟縣城在陽曲東北八十里。隋改置原仇縣。於故仇猶城西南。卽今治也。尋曰孟縣。五代唐同光四年。李嗣源爲魏州亂。

兵所推遂與朝廷相猜貳自魏縣南趨相州李從珂時成橫水遂將所部兵由孟縣趨鎮州與別將王建立合兵倍道從嗣源又五代周顯德初伐北漢其孟縣降即今城也今縣北七里有仇翰山

烏河城 縣西百二十里隋義寧初置縣唐初屬并州貞觀元年省或云隋末置撫城縣唐武德初改曰烏河又有舉牢城在縣東二十里亦故戍守處

白馬山 縣東北二十里宋太平興國四年征太原契丹來援至白馬嶺與郭進遇契丹將耶律沙欲沮澗以待後軍其監軍敵烈不從度澗迎戰大敗圖經白馬之山白馬水出焉○藏山在縣北五十里相傳程嬰公孫杵臼藏趙孤處巖壘環堵石溜灌鑿

旁有泉曰聖水志云縣西五里有重門山一名慈氏山

漳沱河 縣北七十里源出繁時縣之太戲山經代州崞縣忻州定襄及五臺縣境又東南流經縣境而東入直隸平山縣界詳見直隸大川

牧馬水 縣北七十里源出白馬山北流入於漳沱又龍化河在縣北四十五里一名與龍泉北流至榆棗關口入於漳沱又縣西南有細水河流至平山縣境亦注於漳沱

白鹿泓 在縣西孔穎達曰孟縣西有白鹿泓出自西北鹿山南渚史記趙世家肅侯十六年遊大陵出於鹿門鹿門蓋在此水之側

伏馬關 縣東北七十里亦名白馬關或云後魏時置路通直隸平山縣○榆棗關在縣東北一百十里路亦通平山縣漳沱河所經也

靜樂縣 府西北二百二十里西南至嵐縣五十里漢汾陽縣地北齊置甘嵐縣隋開皇十年改曰汾源又置嵐州於此宋白曰後魏嘗置嵐州隋因之仁壽末嵐州刺史喬鍾葵以漢王諒舉兵并州將兵赴諒大業初州廢四年改縣曰靜樂又置樓煩郡治焉唐

武德四年改置管州五年又改爲北管州八年州省以縣屬嵐州宋太平興國六年置靜樂軍尋廢軍徙憲州治此熙寧四年州廢元豐初復置亦曰汾源郡金仍改曰管州元因之明洪武二年省州入縣今編戶三十里

樓煩城

縣南七十里志云故樓煩胡地趙武靈王曰吾國西有林胡樓煩之邊史記趙世家主父行新地出伐西遇樓煩王於西河而致其兵漢置樓煩縣屬鴈門郡有樓煩王城高祖九年周勃擊韓王信軍於磬石破之還攻樓煩三城後漢仍爲樓煩縣

靈帝時廢曹魏青龍初并州刺史畢軌遣將蘇尙等擊鮮卑軻比能戰於樓煩敗沒縣故有鹽官晉及後魏皆爲牧苑地後魏主濟和平六年如樓煩宮蓋地近平城往往遊獵於此也隋唐亦爲監牧地舊唐書樓煩監先隸隴右節度使至德後屬內飛龍使監城開元四年王毛仲所築也貞元十五年始別置監牧使中和二年李克用自達韃還據忻代州數爭樓煩監龍紀初李克用表置憲州於此仍置樓煩縣兼領元池天池二縣宋咸平五年以州地卑陋多水潦移治靜樂縣後又省元池天池二縣入焉惟樓煩改屬嵐州金因之元省縣置巡司今爲樓煩鎮仍有巡司戍守志云鎮東臨汾水西抵周洪山通交城縣胡氏曰樓煩本匈奴所居地在北河之南此蓋因漢名或後代所僞置非卽故地也

天池城

舊唐書天池縣在樓煩城西南五十里本置於孔河館乾元後移於安明谷口道人墜下初屬嵐州後屬憲州宋省又元池廢縣舊唐書在樓煩城東六十里卽李克用所奏置也宋廢又有汾陽廢縣在今縣東北唐書武德四年分靜樂置汾陽六

度二縣隸管州六年仍省入焉○趙武靈王城志云在縣南三十里東山下臨汾水城壘猶存

三堆城

今縣治後魏初嘗置三堆縣太平眞君七年省三堆屬平寇縣有三堆戍西魏大統三年宇文泰使柔然侵魏三堆高歡擊走之又齊主洋天保四年山胡圍離石洋討之胡走因巡三堆大獵而歸蓋卽三堆戍也隋築城置郡於此宋白曰今城內

有堆阜三俗猶名三堆城平寇見忻州

鎔石城

在縣東北。漢初韓王信反。灌嬰擊之。破胡騎於鎔石。又周勃擊信於鎔石。破之。正義曰。在樓煩縣西北。似誤。又襄陽城志云。在縣北九十里。故寧化軍南十八里。蓋南北朝時所備置。又林溪鎮城在縣西北百五十里。相傳隋大業中。嘗避暑於此。

寧化城

縣北八十里。北漢劉崇置寧化軍。宋太平興國四年。置寧化縣為軍治。熙寧三年。軍廢。元祐初復置。崇寧三年。又廢為鎮。金大定二十二年。升為州。仍置縣為州治。元州縣俱廢。明洪武二年。改置守禦千戶所。

岑峯山

在縣治東。城跨其上。城南三里有天柱山。以後魏天柱將軍爾朱榮嘗經此。而名之。石峽山在縣南六十里。石硤如門。有石硤泉。流注於汾。相傳晉人以扇產之。乘假道於虜。蓋出於此。又有石門山。在縣西南百里。樓煩鎮西北二十五里。兩山聳立。

其狀若門。周洪山在縣西南七十里。魏嶽奇秀。其西北十里有灑注泉。或曰山蓋與石峽山相接也。又西南五十里有龍和山。峭壁巖拔。環繞左右。山東去樓煩鎮三十里。

管涔山

縣北百四十里。北去朔州百二十里。其山中高而旁下山。海經管涔之山。汾水出焉。今下有天池。有龍眼泉。即汾水之源也。一名燕京山。一名林溪山。相傳劉涓嘗讀書於山中。隋以汾源名縣。唐曰管州。皆以此山。又蘆芽山在縣北百五十里。其南

有神林山。其西南有荷葉平山。俱極形勢險峻。迤邐抵崑崙界。

屹嗟山

縣東北六十里。北接刁胡山。西通嚮官谷。谷中有驕川水。亦流注汾水。又刁胡山在縣東北八十里。路從嚮官谷入。稱為險隘。又有懸鐘山在縣東七十五里。上有石寨。名曰馬寨。

汾水

在縣城西南。自管涔山發源。流經寧化所東五里。又南流經此。至樓煩鎮東南。而入陽曲縣界。汾流曲折。謂之汾曲。其所經州縣。多引以灌田。民被其利。

嵐河

縣西南六十里。與嵐縣接界。東流入汾。又羊兒河。出縣西南五十里。鹿綻嶺下。亦東流入汾。○碾河在縣南二里。源出縣東北百二十里。巾子山。流通懸鐘山。為寨水流合焉。西流入汾。又監河在樓煩鎮南一里。源出縣南百四十里之獨石河。北流經

此注於

汾水

天池

在管澤山北原上。池方里許。常盈不涸。澄淨如鑑。即汾水之源也。北人謂天爲那連。亦謂之那連泊。元魏李文厲遊畋於此。高歡亦常遊焉。高洋天保九年。自鄆如晉陽。至那連池。高演皇建初。自將伐暉。莫奚至天池。屢莫奚聞之。出長城北。遁高降。亦嘗獵於天池。胡氏曰。晉陽至天池三百七十餘里。相傳其水潛通桑乾。蓋即桑乾上源矣。池東更有一池。清澈與天池相似。二池通流。池西有溝。名老馬溝。通志。天池在寧化所北百四十里。似誤。○溫泉在縣東十五里北山下。出石罅中。流分數派。注於襖河。

汾陽宮

在管澤山北原上。隋大業四年。詔於汾水之原。營汾陽宮。遂營建宮室。環天池之上。并築樓煩城。隋志。靜樂縣有汾陽宮。是也。唐廢。

西嶺關

縣東南六十五里。路出陽曲。明初。調太原左衛官軍戍守。洪武八年。改置故鎮巡司。緣以土城。周一里有奇。又樓煩關在縣北。隋大業三年。北巡至突厥牙。還入樓煩關。至太原。唐志。靜樂縣管澤山北有樓煩關。

娑婆嶺隘

縣東八十里。洪武初。調太原左衛官兵戍守。七年。置巡司。兼築土城。其南十里。有懸鐘嶺隘口。通忻州牛尾寨。東北十里。有石神嶺隘口。亦通忻州界。又有馬家會隘口。在娑婆隘西五里。又橋門嶺隘口。在娑婆隘西北三里。○鹿徑嶺隘在縣

西北六十里。南接嵐縣界。西

出崑嵐州。舊置巡司。今革。

馬陵戍

在縣北。東魏武定元年。高歡築長城於肆州北山西。自馬陵東至土壇。馬陵蓋是時戍守處。土壇見寧縣。○龍尾莊在縣西。明初。元裔屯靜樂崑嵐山中。結寨自固。旋寇武州。太原守將擊敗之。追至龍尾莊。擒其三太子脫忽的。即此。又窟谷鎮在縣

西北六十里。本屬寧

化縣。舊爲戍守處。

下馬營堡。志云在寧化所北三十里。又北七十里即寧武關也。又支鑄石堡在寧化所北二十里。邊防攷所城雖近腹裏。而支鑄石小嶺兒敵騎可通。亦稱要害。

河曲縣。府西北四百八十里。西南渡河至陝西府谷縣百十里。南至保德州百里。唐嵐州宜芳縣地。北漢劉崇置雄勇鎮。宋太平興國七年。改置火山軍。移治於鎮西三十里。治平四年。又置火山縣。縣尋廢。金大定二十二年。升爲火山州。尋又改爲隰州。貞元初。

置河曲縣。取河千里一曲之意。元初州縣俱省入保德州。明初洪武二年。仍置河曲縣。六年復廢。十四年又置編戶七里。

河曲城。舊城在今縣東北八十里。金興定二年。嘗以隰州改隸嵐州。四年。以舊城殘破。徙治於黃河灘許父寨。明初因之。始築土城。萬曆十三年。增脩城周四里。邊防攷縣西倚洪河。東南兩面皆深溝陡峻。惟北面石梯口受敵爲最。嘉靖四十五年。河凍寇。

自陝西黃甫川過河。經石梯口突犯。又有曲峪等處爲濱河極衝。邊外正對陝西魚家坪等處。直接青草灣皆爲寇境。

火山。在縣西五里。黃河東岸。山上有孔。以草投孔中。烟焰上發。可熟食。不生草木。上有礮砂窟。下有氣砂窟。山高四五丈。黃河過此。如遇覆釜。而河流爲之曲折云。

黃河。縣西北六里。自故東勝州境轉而西南流八十里。至平泉。又西流九十里。至天橋子。又南流入保德州界。縣西北六十里。有唐家會渡。爲津濟要口。邊防攷大河流入老牛灣。過縣西南經保德州。中間有娘娘灘。太子灘。皆奎賊渡河處。最爲險要。嘉靖

四十四年。撫臣萬恭言。山西冬防。濱河打冰。以防賊渡。朔氣嚴凝。隨打隨結。勞而無濟。計沿河最衝。自險崖達陰灣。凡二十里。自陰灣達石門。又二十里。築牆拒守。以爲得策。

關河。在縣北百十里。源出朔州界。流經偏頭關。西北入黃河。又大澗水去縣城百步。西流七里。入於黃河。又有平泉。在縣西北八十里。平地湧出。亦西流入河。○菜園溝在縣西北。近時賊王嘉九渡河掠菜園溝。卽此。又有倒回谷溝。在縣西南三十里。亦流入

大河上有鐫

圓谷口橋

偏頭關

縣北百十里。古武州地。東連鴉角山。西逼黃河。其地東仰西伏。因名偏頭。宋置偏頭寨。金因之。元升爲關。明初屬鎮西衛守備。洪武二十二年。始建土城。宣德。天順。成化。宏治間。皆脩築。萬歷二年。復改築關城。周五里餘。備兵使者駐焉。志云。大邊在

關北百二十里。起大同之巖頭。至黃河七十里。無橋而有藩籬。成化三年。復於關北六十里。起老營鴉角墩。西至黃河岸老牛灣。築牆百四十里。號二邊。而三牆在關東北三十里。起石廟兒。至石梯墩。凡七十里。四牆則在關北二里。起鷹窩山。至教場百二十里。後復以時增脩。比之二關。尤爲嚴固。蓋山西惟偏頭亦稱外關。與宣大角峙。宣大以蔽京師。偏頭以蔽全晉也。邊防攷。偏頭所轄。邊東起寧武界椒。西至河曲界寺前墩。延長二百三十二里。本關孤懸寇境。西邊大河。實爲衝要。近口有關河口。蒲家灣等衝。邊外則鎮安口。青天口及豐州灘。歸化城等處。皆逼部帳。而關城四面皆山。形若覆盂。設敵登高下瞰。城中歷歷可數。且山谷錯雜。瞭望難周。防維不易。宏治十三年。寇犯偏頭。關隆慶初。寇由關西北驅皮窰入犯。崑崙。嵐。石州。汾州。明年。復由好漢山入。夜薄老營堡。此也。前車

樓林堡

在偏頭關西二十里。萬歷二十年。建立堡。二十九年。增脩。周一里有奇。西去黃河三里。與套寇東西相望。邊外紅槽等處。即所居也。○韓家坪堡。在偏關東二十里。隆慶二年。置。萬歷十四年。增脩。周一里有奇。又東二十里。爲馬站堡。正德十年。置。隆

慶初及萬歷六年。增築。周四里有奇。堡介偏頭老

營之中。爲東西應援之地。城北卽土山。戍守尤切。

八柳樹堡

在偏關東六十里。景泰二年。建。萬歷二十五年。脩築。周二里有奇。堡西北紅水溝爲最衝。寇每由此深入。犯偏頭。老營。一時聲援難及。嘉靖四十一年。寇又從鴉角山五眼井入犯。老營及本堡。至寧武一帶。故增脩此堡。藉爲保障。然堡內無水。

設有寇警。不可不慮。

老營堡

偏關東北八十里。正統末置。宏治十五年。萬歷六年增脩。周四里有奇。近邊有鴉角山。鎮湖環。五眼井等衝。邊外王家莊。鎮川城諸處。蒙古駐牧地也。邊防考。本堡設在極邊。與大同接壤。山坡平漫。朔騎易逞。嘉隆間。數從馬頭山。好漢山。入犯河曲。是也。而堡城東北去山止數十步。敵若登山。下射城中。則守陣者危矣。此不可不慮。○小營兒堡。在老營堡西二十五里。嘉靖初置。又四二十五里。爲寺壩堡。本民堡也。嘉靖四十年。爲寇攻。四十二年。改爲官堡。萬歷十五年增脩。周不及一里。在山脊之上。西南通偏關。東北通水泉堡。爲兩城脈絡所關。志云。

堡南至偏關四十里。北至草梁山堡二十里。

栢楊嶺堡

在老營堡西北。萬歷二年置。周不及一里。沿邊破面營。好漢山等三十一處。皆極衝。邊外昭君墓諸處。卽部長駐牧。志云。堡舊設於栢楊嶺。後因山高無水。移於窰兒壩。仍存故名。而新堡亦復無水。取汲於塌崖溝。且土馬單弱。幸老營伊邇。緩急可恃。○賈家堡。在老營堡東二十里。嘉靖初。邊臣陳璘言。老營堡東界有東長峪。去大同最遠。應擬常疎。此兩鎮受禍之由。四十五年。因創築此堡。卽大同東長峪地。而堡屬偏頭。蓋老營運餉。向來仰給雲朔。賊常於乃河道中撲掠。老營坐困。故設此堡。以連兩鎮之聲勢也。萬歷十八年增脩。城周一里有奇。東去大同乃河堡二十里。

水泉營堡

在偏關北六十里。宣德九年置。萬歷三年增脩。周二里有奇。二十四年。又創築附堡一座。二十八年增脩。一面連舊城。三面周一里。其北爲紅門隘口。隆慶五年。馬市城設市。堡於其處。沿邊有窰兒窰等處。爲最衝。邊外兔毛河。歸化城。寧邊。河諸處。卽部長駐牧。邊防攷。堡逼隣外境。爲偏關肩背。山坡平漫。最易馳突。其西爲驢皮窰。嘉靖中。石州之變。實由於此。正北三百里。曰歸化城。青山頂。爲卽部長之牙帳也。堡內止一井。汲引甚難。云。青山見大同府。

草垛山堡

在水泉營西二十里。宏治十五年置。萬歷二十三年及二十八年增脩。周二里有奇。邊口有東坡墩、驢皮窩、楊家莊等衝。邊外雙墩子、鷓子溝、白塔兒一帶，卽部長駐牧。堡勢極孤懸，山谷錯雜，防維宜密。又黃龍池堡在草垛山堡西四十里。宏治十五年置。萬歷十九年廢。二十三年復置。二十九年脩築。周一里有奇。沿邊楊家莊爲最衝。邊外鷓子溝一帶，卽部長駐牧。又堡西十五里爲滑石澗堡。宣德九年置。萬歷八年增脩。周一里有奇。邊口水門等處爲最衝。草垛溝次之。邊外白塔兒一帶，卽部長駐牧。堡孤懸一隅，咫尺外境。沿邊石磴紆迴，寇每緣之以入犯。至水門迤西，卽接河套。冬深冰結，防禦尤切。志云：滑石澗堡南去偏關六十里，北去邊六里，西去大河二十五里。

永興堡

偏關南四十里。正德十年置。嘉靖四十二年，萬歷十八年增脩。周一里有奇。堡南五十里，爲八角堡。去邊雖遠，而地稍平曠。寇易馳驟，守此以連內外之聲援云。○樓溝堡在永興堡西南，隆慶初置。萬歷十七年增脩。周不及一里。堡密邇龍霸山。寇嘗據此，偏關餉道幾絕。故設此堡以遏龍霸之衝。萬歷三十一年，又增築上堡一座，與舊堡相連。

河曲營堡

縣東北二十里。宣德四年置。萬歷二年及七年增脩。周二里有奇。二十六年，又增築東關土堡。三十六年增脩。亦周二里。有奇。沿邊營家口諸處爲最衝。邊外榆樹灘、白泉水溝、大灰溝等處，俱部長駐牧。隔河卽陝西黃甫川清水營矣。邊防考：隆慶三年，營城設參將駐守。東北起樓子營界寺前墩，西南抵縣北石梯隘口。長百三十一里。又南抵興縣黑峪口，止黃河東岸。沿長二百十里，皆分轄處也。

楊兔堡

在縣北南去石梯兒十里。堡北十里，爲得馬水營。其西卽黃河娘娘灘也。又北十里，爲五花營堡。又北十里，爲唐家會堡。邊防攷：唐家會堡在縣西北六十里。有唐家會渡，爲官軍往來津要。宣德二年置堡。萬歷十年增脩。周一里有奇。當黃河渡口之衝。○河會堡在唐家會堡東南。萬歷二十五年建。城周二里有奇。邊口有曲峪等處爲最衝。邊外正對陝西魚家坪、彌羅、爾爾、馮家會等處，直接牙根。東北泉水溝、西北柴關兒、霸王廟，俱部長駐牧。堡地勢平坦，四平通衢。河凍時，備禦尤切。

灰溝營堡。在偏關西六十里。去唐家會堡十里。又東北二十里爲羅圍堡。又東北五里爲樓子營堡。堡宣德四年置。萬歷五年脩築。周一里有奇。二十二年革。邊口有牛角尖、吳峪口等處爲最衝。成化十八年。撫臣何喬新敗敵於灰溝。是也。嘉隆間。寇每

由此入犯。葛家莊、辛家坪等處。邊外山羊會、小水口一帶。皆部長駐牧。河西卽陝西黃甫川清水營。正對牙帳。邊防考。堡東南至偏頭關六十里。逼近黃河。當北部。套部之交。沿河有大峪、邨等處。居民向稱繁庶。

下鎮砦。

在縣北。宋置。雄勇、偏頭、董家、橫谷、桔樺、護水、六砦。屬火山軍。後廢。元豐中。止。領下鎮一砦。○楊家砦在縣西北七十里。明初調鎮西衛官兵戍守。今革。

附見

寧化守禦千戶所。

卽靜樂縣北寧化故城也。洪武二年置所於此。舊城。周六里有奇。明初。東畔依山坡改築。周二里有奇。

偏頭守禦千戶所。

詳見上偏頭關。明成化十一年置。

老營守禦千戶所。

詳見上老營堡。明嘉靖十五年置。

平定州。

府東二百八十里。東北至直隸平山縣九十里。西至遼州二百二十里。北至代州三百三十里。

春秋時晉地。戰國屬趙。秦爲太原。上黨二郡地。漢屬太原郡。後漢屬常山國。晉屬樂平郡。後魏因之。隋

屬遼州。後屬太原郡。唐初亦屬遼州。尋屬并州。宋置平定軍。金曰平定州。元因之。以州治平定縣。省入。

明初亦曰平定州。編戶二
十三里。領縣一。

州東迫常山。扼井陘之重險。西馳汾曲。據太原之上游。并冀有事。州其必爭之地也。且前控漳滏之流。後拒句注之阻。山川環遶。道路四通。居然雄勝矣。

平定廢縣。今州治。漢爲上艾縣。屬太原郡。後漢改屬常山國。晉屬樂平郡。後魏太平真君九年。廢。孝昌六年。復置。改曰石艾。隋因之。唐武德三年。縣屬遼州。六年。改屬受州。貞觀八年。還屬并州。天寶初。改曰廣陽縣。至德二載。史思明寇太原。遣人取攻具。

於山東以北兵遂之。李光弼遣兵殲之於廣陽是也。宋太平興國四年。改爲平定縣。平定軍治焉。金爲州治。元省。城邑攷州有上城。下城。上城謂之榆關。相傳韓信伐趙時。警駐兵於此。因高阜爲寨。以榆塞門。因名。宋初增築其東北隅。謂之下城。元時警脩築之。今城周九里有奇。

廣陽城。州東南三十里。五代時。北漢置砦於此。宋初取其地。改屬鎮州。太平興國二年。建爲平定軍。四年。移治平定縣。志云。漢上艾縣。唐廣陽縣。舊皆治此。似誤。又有廣陽古城。志云。在州西南八十里。唐因以名縣。今廢爲廣陽鄉。○平潭城在州西北二十

五里。相傳趙簡子所築也。今爲平潭馬驛。城家記。州西北三十里有鯢魚城。唐武德八年。受州警治於此。今亦名廢受州城。

冠山。州西南八里。以高冠羣山而名。又州西八里有嘉山。山下有黑水泉。流經城東。合於洮水。○藜山在州東北十五里。孤峯聳秀。高出衆山。

綿山。

州東九十里。一名紫荆山。澤發水出焉。志云。故關山在州東八十五里。兩山險隘。關居其中。州東北九十里。又有承天山。○四角山在州西南三十里。其勢四起。下出三泉。又西南十里有七里嶺。嶺高七里。因名。又東浮化山。在州東五十里。州西八十里。

曰西浮化山。

澤發水。

州東九十里。源出綿山。一名畢發水。一名阜蝶水。亦名妬女泉。上有妬女祠。俗以爲介子推妹也。泉色青碧。婦人絺服過此。必興雷雨。今泉突起平地。下赴絕澗。懸流千尺。俗謂之水簾洞。東北入直隸井陘縣界。爲冶河之上源。

洞渦水。

在縣西南五十里。自樂平縣流入界。合浮化水。又東入壽陽縣界。志云。浮化水在州西南八十里。出西浮化山。流入洞渦水。○洸水在城東。其上游卽壽陽縣之芹泉也。經州西九十里。謂之洸水。下流注於澤發水。又故關水在州東五十里。東流入

井陘故關。合於冶水。

南川水。

在州南五里。源出七里嶺。東流合於洸水。又有陽勝川。在州南二十五里。出州西南侯神嶺。亦東流合於南川水。

故關。

州東九十里。道出井陘之要口也。通志謂之井陘關。今關與直隸井陘縣接界。洪武三年置故關巡司於此。

葦澤關。

州東北八十里。卽唐之承天軍。俗曰娘子關。以妬女祠而名。自昔爲太原、恆山之界。胡氏曰。承天軍至太原府三百五十里。是也。今爲承天鎮。詳見直隸真定縣。○盤石關在縣東北七十里。與葦澤關相接。並爲設險處。又有甘洶口。亦在州東。接井

陘界。通志葦澤關在井陘北十里。甘洶口在井陘南三里。誤也。今詳見直隸井陘縣。又董卓壘在州東北九十里。魏收志謂之董卓城。一統志云。唐於此置承天軍。查董卓葦澤關相近。皆唐時承天軍所戍守處。

樂平縣

州東南六十里。南至遼州和順縣七十里。東南至直隸順德府二百三十里。漢沾縣地。屬上黨郡。後漢因之。三國魏析置樂平縣。縣爲樂平郡治。晉及後魏俱屬樂平郡。隋開皇初郡廢。十六年於縣置遼州。大業初廢。屬太原郡。唐武德三年復置遼州治此。尋徙州治遼山。以縣屬受州。州廢。仍屬并州。宋乾德初伐北漢取之。升爲平晉軍。旋復故。改屬平定軍。金興定四年升爲奉州。元復故。今編戶十里。

沾縣城

縣西南三十里。漢沾縣治。此晉志泰始中置樂平郡治沾縣。建興四年石勒圍樂平太守韓據於沾城。劉琨救之。爲勒所敗。樂平陷并州亦降於勒。後魏眞君九年郡廢。縣屬太原郡。孝昌二年復置郡。仍治沾城。隋初郡廢。縣并入樂平。

昔陽城

縣東五十里。左傳昭十二年晉荀吳入昔陽滅肥。杜預曰樂平沾縣東有昔陽城。此肥子所都之昔陽也。俗誤爲夕陽城。七國時趙置戍於此。又縣東有東山廢縣。隋開皇初置大業初廢。志云縣南三十里又有倉角城一名陽蒙城。建置未詳。

少山

縣西南二十里。清漳水所出。淮南子清漳出揭戾山。高誘曰山在沾縣。俗謂之漳山。水經清漳水出少山大龜谷。酈道元曰其山亦曰鹿谷。山水出大要谷。南流經沾縣故城。東山海經少山亦名河達山。輿地記山在樂平沾縣。高八百丈。可避兵。恆山之

佐命也。亦

曰沾嶽。

臯落山

縣東七十里。左傳閔二年晉侯使太子申生伐東山臯落氏。杜氏曰臯落赤狄別種也。蓋邑於此山下。亦謂之臯落墟。又山亦名靈山。下有臯落水。南流入於鳴水。○石梯山在縣東南六十里。石磴陡絕如梯。又十里爲恆山。山勢橫亘。西入壽陽縣界。又白巖山在縣東南八十里。下有楊趙水。北流合沾水。其麓擲馬嶺隘口。接直隸邢臺縣界。五代末爲河東守險之地。

松子嶺

在縣南四十里。接和順縣界。小松水出其北。又有松溪水出焉。西流經平定州界。又北入直隸井陘縣界。注於治河。○黃沙嶺在縣東南二十里。又縣西四十里有陡泉嶺。洞瀉水出焉。流入平定州界。

清漳水。在縣西源出沾嶺。北流十八里。復折而西南流。名爲邈流水。
又南入遂州和順界。梁榆水流入焉。詳見直隸大川漳水。

沾水。在縣西南源亦出沾嶺。東流合鳴水及小松水。過昔陽城。東北流入澤發水。○鳴水出縣西陡泉嶺。亦名陡泉水。流經縣南三十里。與石馬水合流。東北入於沾水。志云。縣西南三十里有石馬谷。石馬水所出也。○小松水在縣南。發源松子嶺。東北流入

於沾水。

洞渦水。在縣西。源出陡泉嶺。西北流入平定州界。水經注。洞渦水西流。與南溪水合。水出南山。西北注洞渦水。

靜陽鎮。在縣東南九十里。宋乾德四年。北漢僭安國軍節度使羅彥環等追敗之於靜陽。安國軍即今直隸順德府。○百井。嘗在縣東北七十里。亦謂之東百井。鎮以陽曲縣有百井也。今設柏井馬驛於此。輿程記。柏井驛東去故關四十里。

忻州。府北百六十里。東北至代州百七十里。東南至平定州二百七十里。西至崞嵐州三百四十里。

春秋屬晉。戰國屬趙。秦爲太原郡地。漢因之。後漢末。爲新興郡地。晉因之。北魏兼置肆州。永安中。又改郡爲來安郡。後周徙州於鴈門郡。隋開皇初。復改置新興郡。旋廢。十八年置忻州。因忻口爲名。大業三年。州

廢。屬樓煩郡。義寧初。復置新興郡。唐武德初。又改爲忻州。天寶初。曰新興郡。乾元初。復故。宋仍爲忻州。

金因之元初改爲九原府旋復故明初仍曰忻州以州治秀容縣省入

縣戶六十三里領縣一

州翼蔽晉陽控帶雲朔左衛勾注之塞南扼石嶺之關屹爲襟要

秀容廢縣

今州治本漢陽曲縣地後漢末置九原縣屬新興郡晉爲新興郡治後魏天賜二年分并州北境爲九原鎮冀君七年置肆州以九原縣并入定襄縣而改置平寇縣後廢高齊復置隋開皇十年廢平寇縣移秀容縣治焉十八年爲忻州治大

業初屬樓煩郡自唐以後皆爲忻

州治明初省今州城周九里有奇

秀容故城

在州西北百里後魏時所謂南秀容也又有北秀容在漢定襄郡界去南秀容三百餘里晉太元末慕容垂伐四燕西燕主末求救於拓跋珪珪遣兵東渡河屯秀容以救之此北秀容也魏收地形志永興二年置秀容郡屬肆州領秀容等縣

又立秀容護軍於汾水西北六十里徙北秀容之人居之此南秀容也又爾朱榮傳云秀容川酋長爾朱羽健之先世居爾朱川因爲氏魏主珪以羽健從征晉陽中山有功以南秀容川原沃衍欲令居之且環其所居割地三百里以爲封邑羽健曰北秀容既在割內差近京師豈以沃瘠更遷遠地珪許之是爾朱氏本居北秀容其地近平城也又云羽健之孫代勳官肆州刺史子新興嗣新興卒子榮嗣世爲秀容酋長是代勳以後又居南秀容矣長廣王初河西賊帥紇豆陵步蕃敗爾朱兆於秀容南逼晉陽兆懼引兵南山步蕃游兵至樂平旣而高歡與兆合擊步蕃大破之於秀容之石鼓山孝武帝脩太皇初高歡自鄴討爾朱兆於晉陽兆大掠晉陽北走秀容分守險隘出入寇掠歡定謀襲之遣其將寶泰自晉陽趨秀容一日一夜行三百里自以大軍繼之遂入其城兆走死皆南秀容也志云後魏末恆州寄治肆州秀容郡城蓋南秀容多故以後而北秀容之名益晦矣今州治之秀容則出自隋以後不可不辨也蓋宇記州西北五十里有秀容城卽後魏肆州治

九原城

在州西。漢置京陵縣。屬太原郡。師古曰。卽古九京也。記曰。趙武從先大夫於九京。後漢末。改置九原縣。十三州志。九原山。其

初有九故。曰九原。漢末大亂。匈奴侵邊。自定襄以西。盡雲中。屬門之間。遂空。建安中。曹公集荒部之戶。以爲縣聚之九原界。立新興郡。領九原等縣。三國志。建安二十年。集塞下荒地。置新興郡。魏黃初二年。遷於陘嶺之南。是也。後魏置肆州。治九原城。卽此。蓋字記。州南三十里有新興城。魏曹公所築。亦名建安城。或曰非也。此蓋隋開皇初所置新興郡城。○平寇城志云。在州東十五里。後魏改置平寇縣。屬來安郡。蓋治於此。魏收志。眞君七年。并三堆。朔方定襄。入平寇。蓋皆初置縣也。隋開皇中。改廢。又州西有銅川廢縣。隋開皇初置。屬新興郡。郡旋廢。縣屬并州。尋屬忻州。大業初。縣廢。

九原山

在州城西。漢末以此名縣。今州城跨岡上。三面俱臨平曠。亦曰九龍岡。又獨攬山。在州西南二十里。產雲母石。○程侯山在州西北三十五里。相傳以程嬰得名。山甚廣饒。舊有探金穴。一名金山。又西北十五里有雲中山。下有谷雲。中水出焉。或曰。

晉置雲中縣。屬新興郡。蓋治於山下。山之北卽。縣縣界。又有大嶺山。在雲中山之西二十里。

漳沱河

在州北五十里。自總縣流入界。經忻口山下。又東。歷程侯山北。入定襄縣界。○雲中水在州北七十里。一名隸盧川。亦曰忻水。與州南牧馬水合。流入漳沱。

牧馬水

州南七里。源出州西南五十里。白馬山東北。流經三交。卽有牛尾莊。水流合焉。又東。經州南。而東北。入定襄縣界。合三水。下流注於漳沱。有灌溉之利。志云。州西南。舊有漕渠。宋郭諒知忻州。開渠以導汾水。與水利。置屯田。公私利之。今渮。

赤塘關

州西南五十里。相傳後魏時。有劉赤塘者。隱此。而名。唐志。忻州白馬山下。有赤塘谷。關因以名。○牛尾莊。在州西南九十里。志云。寨在白馬山西。馬路通靜樂縣。洪武七年。置巡司於此。又州西北五十里。有秦西隘口。志云。卽故雲內鎮。一名雲內。

堡。又西北二十里有沙溝寨。洪武中置寨。西沙溝。二巡司戍守。

忻口岩

在州北五十里忻口山上。土地記：漢高出平城之圍。運師至此。六軍忻然。因名。舊有忻口城。相傳即漢高所築。隋大業十一年北巡突厥。圍帝於鴈門。探軍至忻口。突厥解圍去。五代周顯德元年。攻北漢。符彥雍入忻州。契丹兵在忻代間。爲北漢擊。援者。退保忻口。九域志：秀容縣有忻口岩。今半爲民居。其半築堡。爲戍守之所。○猶兒營在州北忻水東。亦曰猶寨。元時戍守處也。明朝正統末。北寇深入。官軍拒守於寨口。寇不能陷。

定襄縣

州東五十里。東北至代州五臺縣六十里。漢陽曲縣地。晉置晉昌縣。屬新興郡。後魏太平真君七年。省入定襄縣。隋爲秀容縣地。唐武德四年。分秀容縣地置定襄縣。屬忻州。宋熙寧五年。省元祐初復置。今編戶二十里。

定襄城

在縣西南。劉昫曰：漢陽曲縣故城也。後漢末。移陽曲於太原界。於故城置定襄縣。屬新興郡。以處塞下遺民。晉因之。惠帝時所置晉昌縣。後魏真君七年。省晉昌入定襄。永安中。爲來安郡治。高齊郡縣俱廢。唐改置定襄縣於今治。

肆廬城

在縣西北。後魏置縣。以西近肆廬水而名。後齊省。又有三會城。在縣西南。亦後魏所置。魏收志：肆廬縣治新會城。太平真君七年。并三會入焉。魏主嗣泰常八年。如三會觀屋侯泉。卽此。

聖阜山

縣東北二十里。又東北去五臺縣三十八里。爲接壤處。其山挺然孤峙。上有溫泉。聖阜水出焉。又叢象山。在縣南二十五里。山甚高峻。山下有泉三穴。流合爲一。曰三會水。○七巖山在縣東南十五里。其巖有七。故名。又東南十里。爲居士山。山有居

土臺。臺上有淨園七級。

漳沱河

在縣北。自忻州流入。又東入五臺縣界。志云：縣西北二十里有漳水渠。東北有通利渠。引漳沱水。經縣東北十五里。神山下。又東南接牧馬河。灌漑民田。

三會水

在縣南。出叢象山。東北流合聖阜水。又牧馬水。自忻州流合焉。同注於漳沱河。水經注：三會水出九原縣西。東流經定襄。入漳沱水。是也。

胡峪寨。在縣東北有巡司戍此。

宋志代州有胡峪營。

代州。

府東北三百五十里。東至蔚州三百六十里。東南至直隸真定府四百五十里。西南至忻州百七十里。北至大同府二百六十里。

春秋時晉地。戰國時趙地。秦爲太原、鴈門二郡之境。兩漢魏晉因之。後魏亦爲鴈門等郡地。後周移肆

州治此。隋改爲代州。大業初曰鴈門郡。唐復曰代州。天寶初亦曰鴈門郡。乾元初復故。中和二年置鴈

門節度治此。五代末屬於北漢。後周顯德初侵北漢得其地置靜塞軍。旋復失之。劉繼元嘗改置建雄軍於此。宋仍曰代州。亦曰鴈門郡。金因之。亦曰震武

軍。元仍曰代州。以州治鴈門縣省入。明洪武二年州廢爲縣。八年復曰代州。編戶四十一里。領縣三。

州外壯大同之藩衛。內固太原之鎖鑰。根柢三關。咽喉全晉。向以山川扼塞。去邊頗遠。稱爲腹裏。自東

勝棄而平鴈剝膚。河套失而偏老震鄰矣。嘉靖中晉事日棘。太原建爲重鎮。州尤爲唇齒要地。秋防撫臣移駐焉。

三關內邊。東起平刑關石窰砦。西抵樺林堡老牛灣。延袤千餘里。分爲三路。寧武關爲中路。鴈門關爲

東路。偏頭關爲西路。東路則鴈門關。平刑關之寇家梁。廣武站。寧武關之陽方口。皆爲衝要。然寇從平

虜衛而下。猶有大同爲外蔽。惟西路偏頭關突出邊地。雖有老營堡。水泉營。相爲犄角。而形勢單外。西

接套部僅隔一水。冬春之間。冰堅可渡也。蓋東勝去偏關僅三百里。無東勝則敵之來路益多。偏頭危迫。而自州以南。且不得安枕矣。然則代州與雲朔。利害相等。東勝不守。河套不復。未可謂雲朔之患切。而代州之患緩也。

鴈門廢縣。今州治。漢廣武縣地。屬太原郡。東漢改屬鴈門郡。三國魏黃初二年。徙鴈門郡南度勾注。治廣武縣。隋開皇十八年。以太子廣壽。改曰鴈門。唐宋因之。元廢。宋白曰。後漢鴈門郡理陰館。今勾注山北下館城是。魏文帝不徙鴈門郡南度勾注。治

廣武縣。今州西廣武故城是。後魏明帝嗣。又移置廣武東古上館城內。今州城是也。城邑考。州城洪武六年脩築。舊有西關。景泰成化中添築東北二關。城今城周八里有奇。

陰館城。在州北四十里。漢置縣。屬鴈門郡。班志注。縣本樓煩鄉。景帝後三年置縣。後漢爲鴈門郡治。建安中廢。三國魏青龍初。并州刺史畢軌以鮮卑軻比能軍。陞北誘集塞下鮮卑。因進軍屯陰館。爲彼所敗。宋白曰。今州城爲上館城。而陰館爲下館城。魏

志牽招傳。招爲鴈門太守。通河西鮮卑附頭十餘萬家。繕治陞北故上館城。置屯戍以鎮內外。或疑上館亦在陞北。蓋招傳譌以下館爲上館也。東魏武定三年。高歡娶於柔然。親迎於下館。魏收云。下館卽故陰館城也。

廣武城。州西十五里。圖經云。在勾注陞南口之南。秦縣。屬鴈門郡。漢七年。韓王信與匈奴謀攻漢。匈奴使左右賢王將萬餘騎與王黃屯廣武以南。至晉陽。又高祖械募數於廣武。卽此也。後漢屬太原郡。爲北部都尉治。魏晉皆爲鴈門郡治。後魏徙縣於上

館城。仍曰廣武縣。爲鴈門郡治。而廢城亦曰古鴈門城。唐武德八年。突厥寇廣武。蓋卽鴈門縣也。○原平城在州西。漢縣。屬太原郡。後漢屬鴈門郡。晉及後魏因之。魏收志。原平有陰館樓煩等故城是也。高齊廢。

善無城。在州西北七十里。漢縣。屬鴈門郡治。此後漢爲定襄郡治。宋白曰。秦始皇十三年。移樓煩於善無縣。縣蓋秦所置。後漢建安中。廢晉太元十一年。代劉頊等擊破賀蘭部於善無。卽此。東魏天平二年。復置善無郡。治善無縣。屬恆州。後周廢。又平城廢縣。

在州西南。後漢末所備置也。晉仍屬臨門郡。後魏復還治陜北云。

神武軍城。

在州北。唐志代州有守捉兵。其北有大同軍。本名大武軍。調露二年。曰神武軍。天授二年。曰平狄軍。大足元年。復曰神武軍。其西又有天安軍。天寶十二載置。亦曰天寧軍。景福元年。李克用北巡。至天寧軍。聞虜龍帥李匡威振武帥赫連鐸寇雲州。乃遣將發兵於晉陽。而潛入新城。是也。新城見大同府志。云州城中有通卓監。金大定中鑄錢監也。今太僕寺置於此。

勾注山。

州西北二十五里。一名勾注陁。亦曰西陁。有太和嶺。當出入之衝。今置太和嶺巡司於此。志云。州西北三十五里曰牛斗山。亦名牛頭山。亦曰纍頭山。山有七峯如斗形。又名北斗山。山下有白龍池。其東即勾注陁也。夫勾注爲南北巨防。州境諸山得名者。皆勾注之支山矣。今詳見名山。

鴈門山。

州北三十五里。與勾注岡巖相接。故勾注亦兼鴈門之稱。一名鴈門塞。稍東有過鴈峯。巍然特高。其北與應州龍首山相望。又夏屋山。在州東北三十里。漢志注謂之賈屋山。賈與夏同音也。趙襄子北登夏屋。誘代王殺之。遂與兵平代地。爾雅謂之下壺山。括地志。夏屋山一名賈毋山。在鴈門縣東北。與勾注山相接。山側有西娥谷。又覆宿山。亦在州東北三十里。形圓如星。州之主山也。俗名饅頭山。

鳳凰山。

州南三十里。相傳隋仁壽二年。鳳見於此。一名嘉瑞山。有峯巖洞壑之勝。○黃鬼山。在州北。宋熙寧八年。遼人使蕭崇來議疆事。詔劉忱等會議於代州境上之大黃平。不決。沈括言疆地本以古長城分界。今所爭乃黃鬼山。相遠三十餘里。不可許。遼人復舍黃鬼而以天池請。旣而從王安石議。如遼人所欲得者。一以分水嶺爲界。凡山皆

豺山。

在州西北故善無縣境。晉元興元年柔然僭魏自參合陂至豺山及善無北澤是也。明年魏主珽築豺山宮於此。自是數如此。山宮如別宮焉。○獵嶺在夏屋山東北。晉太元二十一年慕容垂自將伐魏至獵嶺。遣前鋒襲平城。破之。志云山本名獵嶺。後

魏都平城常

獵於此因名。

漳沱河。

在州南。自繁時縣西流入州界。又西南入噶縣境。三國志建安十年。鑿渠自漳沱河入汾。名平慮渠。又宋雍熙三年。張齊賢知代州。契丹來寇。齊賢拒却之。契丹循胡廬南河而西。齊賢夜發兵距城西三十里。列礮燃蜀。敵駭而北走。胡廬南河。卽漳

沱河之
譌也。

鴈門渠。

在州東南。三國志魏牽招爲鴈門太守。郡治廣武。井水鹹苦。民皆遠汲。招準望地勢。因山陵之宜。鑿原開渠。注水城南。民賴其益。今鴈門山下有水。東南流經州城外。東關廂。名東關水。又南入於漳沱。或謂之常溪水。

谷口河。

在州東南五十里。自五臺縣楊林嶺發源。流經谷口。故名。民多引流灌漑。志云城西有三里。七里河。皆以去城遠近之次。爲名。又州西十里有羊頭神河。自州西北黃龍等池發源。分東西二河。與三里河。七里河。俱注於漳沱。又九龍河。在州西北

三十五里。亦

流入漳河。

龍躍泉。

在州西北二十五里。水經注謂之雲龍泉。出鴈門西平地。其大三輪。泉源騰沸。因名。相傳與靜樂縣之天池潛通。又鈞突泉。在州北四十里。亦自平地湧出。厥勢湧躍。其流俱達於漳沱。

鴈門關。

州北十五里。舊名勾注。亦曰西陘。在今關西數里。元廢。後遂移置於此。兩山夾峙。形勢雄勝。蓋卽勾注故道。改從直路南出。耳。關外有大石牆三道。小石牆二十五道。道北卽廣武站也。其隘口凡十八。東起水峪。以迄於平刑。西自太和嶺。以迄於蘆

板口皆有堡。正德十一年，督臣李誠復增築土堡十一座於北口。在關東者七，關西者四。又於通賊要路，成新崖挑塹，間以石輪，防衛始密。邊防考：鳳門關城，洪武七年築。周二里有奇，嘉靖中增脩。萬曆二十五年復脩築。自古稱鳳門形勝，甲於天下。然廣武當四達之衝，寇從大同左右衝而入，東越廣武，則北樓平利之患亟。西越白草溝，則夾柳樹，屬繁梁之備切。嘉靖時，寇嘗兩次入犯，皆由白草溝寇家梁而出。近建寧邊樓於關外，威遠樓於山巔，益以戍兵，盡杜其山梁窺伺之隙。鳳門庶可無防越之虞矣。餘附詳名山勾注。○東陘關在州南三十里，所謂鳳門。有東陘、西陘之險也。元時與西陘俱廢。

廣武營

在鳳門關北二十里，亦曰廣武城。亦曰廣武站。洪武七年創置。萬曆三年脩築。周三里有奇，其四十里爲白草溝堡。又西二十里爲八岔口堡，一名水芹堡。其東二十里爲水峪堡。又東五十里爲胡峪堡。東接繁時縣之馬關堡。邊防志：廣武當南北之衝，北去馬邑縣僅三十里，水峪堡與應州山陰縣接界，相去不過四十里。內邊東起繁時縣北樓堡界，東津谷、西訖寧武界，神樹梁，凡百餘里。中間白草溝、樊家坡、吉家坡、灰窰溝、寺兒灘等處，爲極衝。其大小鹽溝、馬蓮坪、山勢頗峻，爲次險。又城西之麻巾、裂寇家梁，城東之灰窰溝，又東之天圪塔，皆嘉靖間賊營內犯之徑。

樂安鎮

在州北。唐大順初，雲州防禦赫連鐔與幽州帥李匡威侵河東，引蕃漢兵攻鳳門北鄙。遮虜軍李克用遣李存信等擊之，營於渾河川之田邨，戰於樂安鎮。幽州兵皆潰而還。

五臺縣

州南百四十里，東南至孟縣百二十里。漢盧厓縣。屬太原郡。盧厓讀曰盧夷。後漢因之。晉廢。後魏復置，譌爲驢夷縣。屬來安郡。高齊改屬鳳門郡。隋大業初，改曰五臺。因山以名也。唐屬代州。宋因之。金貞祐四年，升爲臺州。元因之。明洪武二年，復爲五臺縣。屬太原府。八年，改屬代州。今編戶十五里。

慮虜城

在縣治東北。漢縣治此。西晉末。南單于鐵佛劉武居於新興。虜之北。謂此也。又張公城在縣北五里。相傳石勒將張平所築。又有倉城。在縣西南三十里之白邨。周百三十步。蓋魏晉時。虜有倉城是也。

五臺山

縣東北四十里。北接蔚州界。週環五百餘里。有五峯。並覺。唐大歷初。造金閣寺於五臺。是也。今詳見名山。

溱沔河

在縣西南三十五里。自定襄縣流入界。又東南流入孟。縣界志云。縣西三十里有泉。虜河平池。發源流入溱沔。

慮虜水

在縣東南十里。志云。源出縣西北十五里王邨。環縣東南。一名縣河。與縣東北虜陽河合入清水河。注於溱沔。漢以此水名。縣明天順中。知州李華導民引慮虜水爲渠。以溉田。曰豐樂渠。○虜陽河在縣東北四十里。平地湧出。西南合慮虜水。又清。

水河出縣東北一百六十里華巖。溢西南。

流慮虜水及虜陽河俱流合焉。注於溱沔。

飯仙山口

縣東北百二十里。有巡司戍守。其西南二十里爲狐野口。西北二十里爲趙驛口。又大峪口。在縣東北五十里。路通直隸。阜平縣。西通崞縣。有大峪巡司。縣東南七十里。又有高洪口。南接石佛口。北連大峪口。路出阜平縣關口山。有高洪口巡。

司戍守志云。石佛谷。

口在縣東南五十里。

繁峙縣

州東七十里。西北至大同府應州百七十里。漢繁峙縣。屬鴈門郡。後漢及晉因之。後魏拓跋珪築宮於此。曰繁峙宮。東魏天平二年。置繁峙縣。後周郡縣俱廢。隋開皇十八年。復置繁峙縣。屬代州。唐宋因之。金貞祐三年。升爲堅州。元因之。明洪武二年。復。

爲繁峙縣。譌時爲峙也。屬太原。

府。八年改今屬。編戶一十九里。

武州城。

即今縣治。漢置繁時縣。建武九年杜茂擊盧芳將賈覽於繁時。敗績。晉成康二年代王什翼健僭位於繁時北。後因置宮於此。東魏武定初置武州。領吐京郡。齊郡。新安郡。並寄治繁時城內。後齊改爲北靈州。尋廢。胡氏曰。漢初繁時縣置於武州城。

此亦後漢末所遷也。金人圖經城三面

枕澗。東接峻坂。極爲險固。故曰堅州。

鹵城。

縣東百里。漢鹵城縣。屬代郡。後漢改屬鴈門郡。建安中廢。其地多鹵。因名。故城周三里有奇。又東五里有齊城。或以爲東魏之齊郡城也。○蓀人城在縣北。漢縣屬太原郡。後晉琅又山。寧切。高帝七年。周勃從上擊反韓王信於代。降下霍人。前擊胡騎。破

之於武泉北。正義曰。霍人

即蓀人也。武泉見大同府。

秦戲山。

縣東北百二十里。山海經。大戲之山。漳沱水出焉。或譌爲秦戲山。郭璞謂之武夫山。又譌爲氏夫山。或謂之戍夫山。有三峯。竝立於平川之內。俗又謂之孤山。說文。孤水出鴈門。蓀人戍夫山。東北入海。蓋以漳沱爲卽孤水也。孤讀孤。一統志。秦戲山

俗名小孤山。又有大孤山。在縣西北五十里。近法

池口。通志。秦戲爲大孤山。其東又有小孤山。恐誤。

茹越山。

縣北百里有谷。路通大同。應州。山下舊有茹越鎮。亦曰茹越口。爲戍守處。縣東北百里有平地嶺。亦北出大同之道也。○寶山在縣東南九十里。有南冶谷。路通直隸。唐縣定州之境。志云。縣東南八十里有懸山。山勢巒拔。崎嶇陟者難辨。方向因

名。又有華巖山。

在縣東九十里。

漳沱河。

在縣城北。志云。出秦戲山。有三泉並導。西南流三里。而玉斗泉流合焉。亦名青龍泉。又西流數里。復有三泉流注之。又西流。至沙欄東。合北樓口水。又西流。合華巖嶺水。至城北。又西入代州界。下流至直隸。靜海縣入海。蓋河東北之大川矣。

郎嶺關。縣東百里。舊名狼嶺。路通應州。屬振武衛戍守。通志。縣石佛谷西北有郎嶺關。洪武七年。千戶王原所築。

平刑嶺關。縣東百四十里。路通靈邱縣。本名瓶形寨。宋沈括曰。飛狐路有道從倒馬關出。却自石門子冷水舖入。瓶形。枚回。兩寨間。可至代州。是也。金志。縣有瓶形。梅逗等鎮。枚梅通。蓋與瓶形相近矣。今關有嶺口堡。西去鴈門關二百三十里。東至靈邱。

不過九十里。北出大寨口。至渾源州。亦九十里。南至直隸阜平縣。二百里。嘉靖二十年。寇由此越塞而出。因增設官軍戍守。邊防者。堡城正德六年築。嘉靖二十四年。萬歷九年增修。周二里有奇。自此而西二十里。曰圍城子堡。又西北二十里。曰大安嶺堡。又西北二十里。曰車道口堡。大安堡南六十里。曰沙澗驛。又西南至縣。凡四十里。本關爲東路之門戶。東控紫荆。西轄鴈門。與圍城子堡分管。內邊百二十四里。關北平安窰及大安嶺一帶。俱寇衝。嘉靖間。寇每由此入犯。繁峙。代州。保禦爲切。

北樓口堡。在縣東北百二十里。堡城正德九年築。嘉靖二十三年。萬歷五年增脩。周四里有奇。備兵使者駐焉。所轄邊二百五十三里。東起平刑界石窰。西抵廣武界東津口。皆近腹裏。山南一帶。層巒茂林。爲內地障蔽。堡城地勢寬平。田土饒沃。然東

有正峪口。西有白道陂。俱爲衝要。堡東三十五里。曰俊雲口堡。東南接大安嶺。凡百里。其西三十里。曰大石口堡。北去應州止三十里。宋楊業自靈應引還。欲出大石路。又石碣谷。以避契丹兵鋒處也。其北又有石跌路。乃西趨鴈門之道。或曰即崞縣之石峽口也。

小石口堡。在大石口西五里。堡城正德九年築。萬歷二十八年增修。後又增築北關。今城周二里有奇。西二十里。爲茹越堡。又西二十里。爲馬蘭峪堡。堡北去山陰縣三十里。其西十五里。即代州之胡峪堡也。邊防攷。小石口轄凌雲。大石。茹越。馬蘭等四

堡。分管邊一百有六里。堡東麻森嶺。上斷。白道陂。牛嶺。哈等處。山谷平漫。

嘉靖中。寇入犯。堡南黃草坪及龍王堂。板舖嶺。俱由此逸出。蓋衝要地也。

崞縣。州西南六十里。西南至忻州百四十里。漢崞縣地。屬鴈門郡。後漢末廢。晉復置。仍屬鴈門郡。後魏永興二年。析置石城縣。屬秀容郡。東魏置鄆州。北齊改爲北顯州。後周州廢。隋開皇十年。改石城曰平寇。屬代州。大業初。復曰崞縣。唐宋因之。元曰崞州。明洪武二年。

改州爲縣屬太原府八年
改今屬編戶三十八里

醇縣故城。在縣西三十五里。漢縣治此。晉因之。後魏改爲崞山縣。東魏天平二年。縣屬繁時郡。後齊奮入石城縣。隋至東魏。於石城縣置鄆州。領廣安。永定。建安三郡。俱寄治崞山城內。後齊廢郡。改置北顯州。後周建德六年。平齊。齊定州刺史高紹義復

據北朔州。周兵擊之。拔顯州。進逼馬邑。卽北顯州也。隋因舊名。改石城爲崞縣。大業十一年。北巡。突厥來襲。帝馳入鴈門。齊王陳以
後軍保崞縣。卽今縣治。唐乾符五年。沙陀李國昌等焚唐林。崞縣入忻州。元致和元年。燕帖木兒作亂於大都。上都諸王忽剌台等
引兵入崞州時
縣升爲州也。

雲中城。縣西南七十里。後魏末。僑置雲中郡。領延民。雲陽二縣。蓋魏主脩永麟二年所置。隋志。雲中城。東魏時僑置恆州。尋廢。後爲
蘆板寨城。今爲蘆板寨口堡。設兵戍守。南至忻口二十里。○唐林城在縣南四十里。唐武氏證聖元年。分五臺。崞縣置武廷

縣。景雲初。改爲唐林縣。五代梁改曰白鹿縣。石晉曰廣武縣。宋嘗入崞縣。又樓煩城志云。在縣東十五里。石趙時置。魏收志。鴈
門郡原平縣有樓煩城。章懷太子賢曰。故城在崞縣東北。元魏主濬如樓煩宮。宮蓋置於此。杜佑亦曰。崞縣東有樓煩故城。

崞山。縣西南四十里。漢以此山名縣。後魏紀。太武保母賈氏葬崞山。別立寢廟。故累代皆致祀。文成帝湮太安三年。改崞山。遂如繁
時。獻文帝宏興二年。亦改崞山。如繁時。孝文帝宏太和初。自白登如崞山。明年。復如崞山。自是三年至六年。皆親往焉。十五
年。始爲定制。惟道有司行事。水經注。崞山水出崞山。縣故城南。西流出山。謂之崞口。故崞縣亦有崞口之名。○大澗山在縣東南
四十里。山形森秀。如芙渠然。一名蓮花峯。又有五峯山。在縣東二十五里。以五峯並峙而名。又有黃嵬山。在縣西南七十五里。

石鼓山。縣東南七十里。志云。縣東南有福壽山。山之左卽石鼓山。魏收云。秀容縣有石鼓山。是也。後魏長廣王
初。河西賊帥紇豆陵步蕃敗爾朱兆於秀容。南逼晉陽。高歡與爾朱兆合擊。大破之於石鼓山。卽此。

揚武谷

縣西三十里。揚一作羊。或作陽。自昔戍守要地也。唐大曆十三年。回紇入寇。代州都督張光晟破之於羊武谷。五代唐清泰三年。石敬瑭據河東。求援於契丹。契丹將兵自揚武谷而南。石晉開運三年。契丹寇河東。劉知遠敗之於陽武谷。蓋鴈門西偏之要隘也。九域志。崞縣有羊武寨。劉份曰。代州揚武寨。其北有長城嶺。今爲揚武峪口堡。南至揚武郭三十里。西至蘆板寨四十里。設兵戍守堡西。又有揚武上下關。○石佛谷志云。在縣西北三十里。北接朔州界。元末用石壘。黎明初因之。南通廟嶺。即夾柳樹

堡也。其西北

有耶嶺關云。

漳沱關

在縣東南。自代州流入境。又西南入忻州界。又縣南有揚武河。源出縣西五十里太子殿。東流入於漳沱。○七里河在縣北。南流入於漳沱河。又有龍泉。在縣西北。有二源。北曰上龍泉。南曰下龍泉。流分三派合流而入於漳沱。

寧武關

縣西北百十里。北接朔州。南通靜樂縣界。舊爲寧文堡。在今關城西一里。景泰元年。創築今關。東去代州百七十里。西去嵐山。西而大同所以蔽寧武。若尙守寧武。是自撤藩籬。非計也。然自是以後。防維益重。隆慶四年。又加修築關城。周七里餘。帥臣繼牙於此。據險扼吭。屹爲保障。關東北二十里曰楊方堡。堡城創築於嘉靖十八年。萬歷四年。增修周二里有奇。近堡有西溝。口苦參窳。爲極衝。自堡北至朔州。不過四十里。不惟寧武要衝。亦爲三關輸散。大同有事。以重兵駐此。東可以衝雁門。西可以援偏老。北可以應雲朔。蓋地利得也。邊防攸寧。武關分轄楊方朔寧大水口三堡。分管邊四十餘里。其朔寧堡在關東三十里。太水口堡在關西北三十里。亦曰狗兒澗。北有馬鞍山。灰泉。梁嘉靖間。寇由此入犯崞嵐州一帶。亦防禦要地也。

盤道梁堡

在寧武關東百里。有新舊二城。舊城創築於嘉靖三十二年。萬歷十三年。增修二十三年。以舊城地勢低窪。又改築新城。於邊內周一里有奇。雖高踞山巖。而汲水外澗。且砂土脈。繫牆垣。易圯。堡西十里曰夾柳樹堡。中間有駱駝梁。爲賊衝。又

四十五里爲雕窠梁。堡中間有火燒溝。爲賊衝。火燒溝之東。又有臥羊坡。地平淺。寇易馳突。因設燕兒水堡於其地。自雕窠梁而西二十里。曰元岡堡。堡西去寧武關五十里。中間有金家嘴。爲賊衝。又自盤道梁而東十里。曰小蓮花堡。亦曰吊橋嶺。東接代州之八岔堡。凡十五里。邊防攷。自盤道梁以下。凡五堡。分管內邊四十八里。

神池堡

在寧武關北三十里。嘉靖十八年築。萬歷四年增修。周五里有奇。堡東通朔州井坪所。西南通崞嵐之三岔。五寨等堡。商販咸集於此。其東曰圪堵嘴堡。近堡有斬家窩等衝。嘉靖間。寇由此入犯堡。南溫嶺。青羊渠諸處。其北曰石湖嶺堡。又東北爲四溝口堡。近堡有澗平。西溝。二水門。閘皆丈餘。中豎石柵。以防零寇。自神池堡以下。共四堡。分管內邊四十里。

八角堡

寧武關西北七十里。西北至偏頭關九十里。宏治二年築。萬歷十五年增修。周四里有奇。堡北二十里有野豬溝堡。爲最衝。東有乾柴溝堡。又有長林堡。在八角堡東北六十里。嘉靖四十五年築。東面靠邊。三面長七十八丈。初屬崞嵐。後改屬寧武。東去朔州界五里。北至老營堡三十五里。近堡有暗門。大莊窩。石湖水口三處。爲最衝。蓋堡當南北孔道。旁多蹊徑。若寇從大同之乃河堡。與西路老營之賈家堡。犯五寨。三岔諸處。長林其必由之道也。邊防攷。八角所與所轄三堡。分管邊四百里。東西與大同老營接壤。山負險。寇不易犯。唯野豬嶺之兩山。長林堡之左右平淺。易於馳突。不可不備。

利民堡

在武寧關北八十五里。宏治二年築。嘉靖二十七年。萬歷四年增修。周三里有奇。東去朔州六十里。北至老營堡九十里。備兵使者駐焉。所轄邊二百九里。東起廣武界。八岔堡西之神樹梁。西盡老營堡東之地椒峁。爲中路之要害。而堡東曰得勝堡。西曰勒馬溝堡。北曰蔣家峪堡。得勝口有牛筋肢灣。小道塌。收麥川。俱爲寇衝。蓋寇從大同。威遠。平慮而下。即收麥川也。又勒馬溝有赤谷。郭冲。嘉靖間。寇每由此入犯。舉嵐一帶。蓋堡壘平衍。無險可恃也。邊防攷。利民堡與所轄得勝三堡。分管邊四百里。

黃花嶺堡。在寧武關北二十里。又北十五里。卽神池堡也。又土棚堡。在寧武關北六十里。又西十里。卽義井堡。俱嘉靖中置。志寧武東路有大河堡。又東北則楊方堡也。寧武而西。則寧文堡。又西則三馬營堡。又西南則西鎮堡。相爲犄角。

石峽寨。在縣東北。今爲石峽口堡。與楊方堡相近。卽雕窠梁堡也。嘉靖十三年。督臣任洛自雕窠梁至達達墩。築邊八里有奇。議者謂楊方堡以西。大川逼谷。平漫無險。爲雲朔析代。嵐石之徑。道寇每由此入犯。十八年。督臣陳講乃塞齋邊。尋王野梁廢墮。

修築。東起楊方。經溫嶺。大小水口。神池。收麥川。至八角堡。爲長城百八十里。中間壑山埋谷。環以礮臺。險始可恃。二十三年。督臣曾銑復增築高厚云。

土壇寨。在縣西北。東魏武定元年。高歡築長城於肆州北。山西自馬陵。東至土壇。宋雍熙三年。契丹寇代州。張齊賢却之。乃北走齊賢。先伏步卒二千於土壇寨。掩擊之。契丹大敗。九域志。岢縣有土壇寨。北史作陘。土鄆反。

附見

振武衛。在代州治東南。明洪武二十三年建。

雁門守禦千戶所。在雁門關。洪武七年建。所於此。屬振武衛。

寧武守禦千戶所。在寧武關。宏治十一年建。所詳見前。

八角守禦千戶所。在八角堡。嘉靖二年建。所見前。

崑崙州。府西二百八十里。南至永寧州二百五十里。西北至保德州二百里。東北至大同府朔州二百二十里。

春秋時晉地。後為樓煩胡所據。趙滅樓煩。因為趙地。秦屬太原郡。漢因之。後漢末為新興郡。魏晉因之。後魏末為崑崙州地。宋白曰州治在今靜樂縣。隋屬樓煩郡。唐屬崑崙州。宋太平興國五年。置崑崙軍。金大定二十二年。

升為州。元初為管州地。後為崑崙州地。明洪武七年。復置崑崙縣。屬太原府。九年升為州。編戶十領縣二。

州控大河之阻。居四山之中。捍禦邊陲。形勢雄固。

崑崙廢縣。今州治。漢汾陽縣地也。後漢以後。其地大抵荒廢。後魏末。為崑崙州地。隋為靜樂縣地。又置崑崙鎮於此。唐為崑崙軍。劉昫曰。唐初宜芳縣地也。有崑崙軍。長安三年。分置崑崙縣。神龍二年。省景龍中。張仁賣徙其軍於朔方。留者號崑崙守捉。隸

大同軍。開元十二年。復置崑崙縣。隸鳳州。新唐書。高宗永淳二年。以崑崙鎮為柵。長安三年。改為軍是也。五代唐復置崑崙軍。周廣順二年。府州防禦使折德展拔北漢崑崙軍。以兵戍之。宋仍置軍於此。金為州治。元州縣俱廢。明初復置崑崙縣。尋升為州。今州城

周六里
有奇。

遮虜城。在州東南。唐遮虜軍也。亦曰遮虜平。乾符五年。以振武帥李國昌為大同帥。國昌不受命。與子克用合兵陷遮虜軍。尋攻崑崙軍。陷其羅城。敗官軍於洪谷。志云。洪谷東北有遮虜平。時置軍於此。○孤蘇戍城在州東北十里。相傳北齊所築。遺址猶

存。

奇嵐山

州北百里，高二千餘丈，長百餘里，與雪山相接。一統志云：蔚文水出奇嵐山，似讓。又雪山在州東北七十里，高三十里，長三十里，有東西二山，即嵐朔之分界。一統志：雪山在州東北四十里。○長城山在州東三十里，山下有白龍泉，流合嵐瀦河。志

云：州西有焚臺山，地中出。

火，因名山，上又有火井。

巨麓嶺

州西南五十里，西南至興縣六十里，接壤處也。山多松，一名萬松山，或謂之松子嶺。宋靖康初，折可求授太原，道出松子嶺，為金人所敗。○乏馬嶺在州東四十里，山嶺高峻，馬經此輒疲，乏因名。志云：巨麓嶺，乏馬嶺下，皆有水流入嵐瀦河。

嵐瀦河

在州城西南，源出州東五十里黃道川北之分水嶺，經乏馬嶺西，與舟道溝水合流，又西。南合巨麓嶺水，西流經興縣界入大河。○名源水在州北五十里，亦西南流入於黃河。

洪谷保隘

州南四十里，唐末李克用敗官軍於洪谷，卽此。胡氏曰：奇嵐軍南有洪谷，今爲洪谷保隘。路出水寧州，又天澗保隘。在州北五里，路通大同朔州兩山，並峙深狹如澗，因名。○于坑保隘在州西北八十里，路通保德州。志云：州東北四十里有三

井鎮，明朝置巡

司於此，今革。

五寨堡

在州北，東去寧武關神池堡八十里，堡城嘉靖十六年築，萬曆八年增修，周五里有奇，鎮西衛五所屯牧於此，故名。五寨，四野平曠，居民蕃滋，寇往往窺伺，又逼近蘆芽山，叢木茂林，寇易囑集，防守不可不密。○三營堡在五寨北五十里，堡城嘉靖

十八年築，萬曆九年增修，堡當四達

之衝，偏關商旅盡出其途，亦要地也。

嵐縣

州東南百四十里，東北至靜樂縣五十里，東南至文水縣百七十里，亦漢汾陽縣地，隋爲靜樂縣地，隋末置嵐城縣，唐武德四年置東會州，治焉，又改縣爲宜芳縣，六年改置嵐州，天寶初曰樓煩郡，乾元初復故，宋仍曰嵐州，金因之，亦曰鎮西軍，元至元二年州縣

俱省入管州五年復置嵐州以宜芳縣省入明初洪武二年降爲縣九年析置蔚嵐州以縣屬焉編戶十里

合會城

在縣西南唐志武德四年分宜芳縣置合會豐潤二縣屬東會州明年省豐潤入宜芳六年縣屬嵐州九年又省合會入宜芳縣○秀容城通志云在縣南三十里通典宜芳縣有古秀容城卽漢汾陽縣或曰城蓋劉涇所築涇委容秀美因以名其

云城

銅鼓山

縣南四十里山險峻又大萬山在縣西南六十里山下有白龍池亦名白龍山又黃嶮山在縣西二十五里志云縣四境綿邈山谷叢雜有白龍銅鼓雞缺勢要等山俱稱險阻盜賊往往潛匿其間又尖山亦在縣西志云蔚汾水所出

羊腸坂

在縣東水經注汾陽故城積粟所在謂之羊腸倉有羊腸坂石磴兼紆若羊腸焉唐志嵐州界有羊腸坂皇甫謚地理書太原北九十里羊腸坂崔頤引以對隋煬帝通釋云嵐州羊腸坂蓋與交城縣羊腸山相近

大賢河

在縣南志云源出縣南四十里柳峪邨東北流至靜樂縣之樓煩鎮入於汾水又蔚汾水在縣西源出尖山流經州境入與縣界注於大河○清水河在縣東源出縣北四十里雙松山流經過靜樂縣之樓煩鎮入於汾水

貳郎關

縣北二十五里有土城周一里元大德十一年置巡司於此明洪武十八年修築仍置巡司今革○天都寨在縣北三十五里有城周二里洪武九年調鎮西衛官兵戍守今革

乏馬嶺寨

在縣北六十里與蔚嵐州接界有城周三里洪武九年亦調鎮西衛官兵守禦今罷○寧武寨或曰在縣西唐乾元中戍守處後置軍於此曰寧武軍乾符五年李國昌陷遼虜軍進擊寧武及蔚嵐軍蓋卽此胡氏曰嬌州懷戎縣西有寧武軍

蕃國昌遣兵
東西肆掠也

興縣。州西百五十里。北至保德州百五十里。西南至陝西葭州六十六里。漢汾陽縣地。後齊置蔚汾縣。屬神武郡。隋廢郡。大業四年。改縣

曰臨泉。屬樓煩郡。唐武德四年。又改縣曰臨津。屬東會州。尋屬嵐州。貞觀元年。復改爲合河縣。宋因之。金末升爲興州。屬太原府。元仍舊。明洪武二年。降爲縣。

九年。改今屬編戶十二里。

合河城。縣西北六十里。唐縣治。此宋元豐中。徙治蔚汾水北。即今治也。或曰。今縣東南六十里有故臨津城。蓋唐初縣舊治。此○太和廢縣在縣北。隋末置。唐初屬東會州。尋屬嵐州。九年。省。貞觀三年。復置太和縣。八年。又省入合河縣。

石樓山。縣東北五十里。一峯孤聳。峭壁端直。百丈有餘。四圍不可攀援。惟向北一小徑。盤迴可達峯頂。俯視羣山。若邱垤然。一名通天山。後漢陽嘉中。使匈奴中郎將張軌等擊烏桓於通天山。大破之。後魏主濬和平三年。石樓人賀略孫反。長安鎮將陸真

討平之。高齊天寶五年。齊主自離石道討山城。一軍從顯州道。一軍從晉州道。夾攻。大破之。遂平石樓。石樓絕險。自魏世所不能至。於是遠近山棚。莫不懾服。是也。顯州。今見汾州府六壁城。

合查山。縣東南八十里。峯樹聳異。下有龍池。又采林山。在縣西南六十里。峯巖高峻。甲於羣山。又縣西八十里。有紫金山。泉石頗勝。

黃河。在縣西五十里。自保德州流入境。又南入汾州府臨縣界。

蔚汾水。縣南十二里。自奇嵐州流經此。縣治東有通惠泉。自崖阜間分三次湧出。西南合蔚汾水。又西南流。達於大河。○南川河在縣東南八十里。源出合查山。經縣南五十里。合蔚汾水。又有湫水。亦出合查山。西南流入臨縣界。下流注於大河。

合河關。縣西北七十里。宋白曰。蔚汾水西與黃河合。故曰合河。有合河津。唐置關於此。趙珣聚米。圖經。關在府州南二百里。唐開元九年。并州長史張說出合河關。掩擊叛衆於銀城連谷。大破之。宋慶歷元年。趙元昊陷豐州。遣兵分屯要害。以絕麟州餉道。

隴者請薰河外保合河津即此也。銀城連谷見陝四神木縣。餘見榆林衛。○蔚汾關在縣東。唐志合河縣東有蔚汾關。蓋以蔚汾水爲名。後廢。

黑峪口。縣西五十里。卽黃河官渡。路通陝四神木、柏林等處。嘉靖四十三年。套寇由此踏冰突犯。隆慶元年。套寇復由此南犯石州。旁略縣界。蓋縣之要防也。○界河口在縣東六十里。路出崑崙州。有巡司戍守。又孟家峪在縣西南五十里。黃河崖口。路出

陝四神木縣。亦置巡司於此。其相近

者。又有穆家峪。舊亦置巡司。今革。

附見

鎮西衛。在崑崙州治西。

明洪武七年置。

保德州。

府西北五百里。南至汾州府永寧州二百七十里。西南至陝西葭州二百二十里。東北至河曲縣一百二十里。

春秋時晉地。戰國屬趙。秦屬太原郡。兩漢因之。晉以後荒棄。隋唐時爲嵐州地。宋淳化四年。置定羌軍。景德初。改保德軍。金大定二十二年。升爲州。元因之。屬太原路。明洪武七年。改州爲縣。九年。復爲保德州。編戶五里。仍屬太原府。

州迫臨黃河。密邇西徼。一有不虞。自河以東。如捧漏卮矣。故西境之防。河曲而下。州其次衝也。

保德廢縣

今州治自昔未有城邑。宋始置軍於此。與河西驛府諸州相應。援金大定十二年。於軍城內置附郭縣。仍曰保德。尋改革。爲州。元省縣入州。明朝因之。永樂十一年。修築土城。東西南三面臨深溝。北臨大河。萬曆二十年三十年。俱增築。邊防攷。

州與陝西府谷縣止隔一河。先年寇由柳溝。驢皮窰等處。入犯州境。直至河曲一帶。俱被荼毒。故汛守爲切。今州城周七里有奇。

芭州城

在州東北。元初置芭州。屬太原路。至元初省入保德州。志云。州本置於黃河北岸。後圯於河。遺址僅存。今見陝西府谷縣。

翠峯山

州東八十里。形如覆斗。松柏蔚然。州之鎮山也。又有赤山。在州東十里。

黃河

在州城西北。與陝西府谷縣隔河相望。東北接河曲縣界。南接興縣界。套寇入犯。侵軼爲虞。宋志。保德軍有大堡。沙谷二津。蓋大河水津渡處也。

保馬水關

州東北百里有土城。周一里餘。洪武九年。置巡司於此。志云。州東北二十里有水寨。地名義門。卽黃河中流。巋然屹立。高二十八丈。周圍如之。舊置寨於此。

附見

保德州守禦千戶所

在縣治東南。
宣德中建。

讀史方輿紀要

卷四十一

山西三

平陽府。

東至澤安府三百九十里。又東南至澤州四百一十里。又南至黃河二百六十五里。又渡黃河至河南之陝州一百二十里。又西至黃河三百一十里。又渡黃河西北至陝西之延安府二百七十里。又北至汾州府三百九十里。又東北至沁州三百四十

里。自府治至布政司五百九

十里。至京師一千八百里。

禹貢冀州地。即堯舜之都。所謂平陽也。

世紀云。其地在平水之陽而名。

春秋屬晉。戰國屬魏。秦為河東郡地。兩漢因之。三

國魏始置平陽郡。晉因之。永嘉三年。劉淵僭號。建都於此。其後石趙慕容燕及苻姚之徒。相繼有其地。

後魏亦為平陽郡。兼置東雍州。太和中罷。孝昌中。改置唐州。又改晉州。

魏收志。真君四年。置東雍州。太和十八年。罷。孝昌中。置唐州。建義初。改晉州。後

又置總管

府於此。東魏北齊皆為重鎮。後周亦曰晉州。隋初改平陽郡曰平河郡。

以陽輿楊同音也。

旋廢郡。而州如故。楊

帝改州爲臨汾郡。義寧初，復曰平陽郡。唐復曰晉州。天寶初，亦曰平陽郡。乾元初，復故。五代梁置定昌

軍節度。開平三年，分護國節度置，兼領絳沁二州，尋又改爲建寧軍。

後唐曰建雄軍。宋仍爲晉州。亦曰平陽郡。建雄軍節度。政和六年，升爲平陽府。金因之。

河東南路置於此。

元曰平陽路。大德九年，改爲晉寧路。明初，復曰平陽府。領州六，縣二十八。

府東連上黨，西略黃河，南通汴洛，北阻晉陽。宰孔所云：景霍以爲城。

景，太也。謂霍山。

汾河凍澮以爲淵，而子犯

所謂表裏河山者也。戰國時，魏有其地。秦商鞅言於孝公曰：秦之與魏，譬若人有腹心之疾，非魏并秦，秦卽并魏。何者？魏居嶺陬之西，都安邑，而獨擅山東之利。利則西侵秦，病則東收地。魏必東徙，然後秦據河山之固，東鄉以制諸侯矣。秦漢以降，河東多事。平陽嘗爲戰地。曹魏置郡於此，襟帶河汾，翼蔽關洛，推爲雄勝。杜畿云：平陽披山帶河，天下要地，是也。晉室之亂，劉淵竊據其地，縱橫肆掠，毒被中原。迄於五部迭興，索頭繼起，平陽居必爭之會，未有免於鋒鏑者也。及周齊相爭，平陽如射的，然齊盧叔虎嘗謂其主演曰：今宜立重鎮於平陽，與彼蒲州相對，深溝高壘，運糧積甲，彼閉關不出，則稍蠶食其河東地，日使窮蹙，彼若出兵，非十萬以上，不足爲我敵也。其後周主邕伐齊，乃曰：前出河外。

先是周主伐齊，出河陽，攻拔其

南城。故云。直爲拊背。未扼其喉。晉州本高歡所起之地。鎮攝要重。今先克之。鼓行而東。足以窮其巢穴矣。及

晉州拔齊遂不可復固。唐起義師。亦先入臨汾。乃西指關中。柳宗元曰。晉之故封。太行倚之。首陽起之。

黃河迤之。大陸靡之。大陸在今直隸鉅鹿縣境。蓋約言封城所屆也。蓋地大力強。所以制關中之肘腋。臨河南之肩背者。常在平陽

也。朱溫爭河中。先取晉絳。克用遂不能與抗。劉知遠自河東定汴洛。亦自晉陝而東。及女真蒙古之禍。平陽皆先受其毒。而後及於關洛。夫平陽之形勢。顧可忽乎哉。

臨汾縣。

附郭古平陽也。相傳卽魏所都。春秋爲晉邑。昭二十八年。魏獻子分羊舌氏之田爲三縣。以趙朝爲平陽大夫。其後韓貞子居此。漢爲平陽縣。屬河東郡。高帝封功臣曹參爲侯邑。昭帝時。度遼將軍范明友亦封平陽侯。後漢仍爲平陽縣。曹魏置平陽郡。

治焉。晉因之。後魏爲晉州治。隋改縣曰臨汾。後因而不改。城邑考。今城

明初因舊城增築。景泰初增修。周十二里有奇。編戶一百五十二里。

高梁城。

括地志。在臨汾東北三十七里。晉邑也。春秋僖九年。晉亂。齊侯以諸侯之師伐晉。及高梁而還。又僖二十四年。晉文公刺公子圉於高梁。竹書紀年。晉出公二十年。智伯瑤城高梁。漢高二十年。封酈食其子疥爲高梁侯。邑於此。水經汾水西南過高

梁邑。故高梁氏之墟也。宇文周建德五年。齊主高緯圍平陽。周主邕自將救之。高阿那肱以周師大集。議堅壁勿戰。却守高梁橋。既而兩軍合戰。齊主高緯高梁橋。遂北走。橋蓋以故城名也。郡志。今其地名程王里。亦曰梁墟。

武遂城。

孔穎達曰。城東去平陽七十里。戰國時韓邑。史記。楚懷王二十年。昭睢曰。秦破韓宜陽。而韓猶事秦者。以先王墓在平陽。而秦之武遂去之七十里也。韓世家。襄王六年。秦復興我武遂。九年。秦復取武遂。十六年。秦與我河外。及武遂。釐王六年。與秦

武遂地二百里。又秦紀：武王四年，涉河城武遂。昭王初，以武遂復歸韓。即此。○西平城在府西北四十里。晉永嘉五年，劉聰據晉陽，以其子驥爲征西將軍，築西平城居之。建興元年，并州牧劉琨伐漢，遣監軍韓據自西河而南，將攻西平，聰益軍守之。是也。又劉淵城志云：在府西南二十里，相傳淵築此城，自蒲子徙都之。或曰：永嘉三年，劉淵徙平陽，自謂堯後，而平陽城亦曰堯城。因都於此，改諸城門皆用洛陽門名。是淵所都，即平陽城矣。括地志：今晉州城，因平陽城東而爲之。通典又云：臨汾縣有古堯城。郡志云：劉淵城，今名金店，其地皆在今郡城。西意故城闕遠，劉淵城即平陽舊壤矣。

柴壁城

在府西南六十里。汾水上，舊爲戍守處。晉元興初，姚秦拔魏乾壁，魏主珪馳救，圍攻秦將姚平於柴壁。秦主興將兵救之，將不可戰取也。珪因築重圍以絕內外，遂克之。胡氏曰：柴壁在汾東，天渡蓋汾津之名。在汾水西岸。今太平縣子奇壘與此接界，或以爲即柴壁云。○白馬城在府東北二十里。魏收志：晉州治白馬城，貞觀六年，移治平陽古城，即今治是也。

姑射山

府西五十里，有姑射蓮花二洞。其南面支阜曰平山，平水出焉。其西北爲分水嶺，西接蒲縣界，舊有關，今廢。又石孔山在府西三十五里，當姑射山前，九孔相通，深不可測。

漫天嶺

府東北五十里，與浮山縣東南之龍角山相接，山勢遶遠，四名。

汾水

在府城西二里，自汾州府南流，歷靈石趙城、洪洞等縣流經此。又南入襄陵縣界，周威烈王時，韓康子都平陽，從智伯伐趙，決晉水灌晉陽。知伯曰：吾乃今知水可以亡人國也。魏桓子肘康子，康子履桓子之跗，以汾水可以灌平陽，絳水可以灌安邑也。舊史云：汾水可以灌安邑，絳水可以灌平陽。乃文誤耳。後漢建安七年，袁術遣郭援入河東，與并州刺史高幹及南匈奴攻略城。邑曹操使鍾繇圍南單于於平陽，未拔，而郭援自河東馳至，衆懼，繇曰：援若度汾爲營，及其未濟擊之，可大克也。援果徑前渡汾。

濟未半，蘇擊破之。晉元興元年，姚興引兵救柴壁，將據天渡。魏人爲浮梁渡汾，西築圍拒之。興至屯汾西，想擊爲壘，東相材從汾上流縱之，欲以毀浮橋。魏人鉤取爲薪，燕興計無所出。柴壁遂陷，後周建德五年，周主攻齊，晉州軍於汾曲，胡氏回，汾曲在平陽。南今汾水上有西橋，加泉、吳、輅等渡，皆東去城二三里，餘詳大川。

平水。在府西南，源出平山，流至城西五里，匯爲平湖。又西南流至襄陵城北，東入於汾。居民皆引激田，一名晉水。○澇水在府城北，源出浮山，縣北烏嶺山，流入境，一名高河，或謂之長壽河。西流入汾，洪武十一年，知府徐釋引入城爲二池，以供民汲。曰永利池。

澇水。在府城東，源出浮山，縣東南龍角山，西北流入境，合高梁水。又西北會澇水入汾。唐志：臨汾東北十里有高梁堰，武德中，引高梁水入百金泊，以激田。貞觀十三年，爲水所敗。永徽二年，刺史李克自城東二十五里，夏柴堰引澇水，激田，令陶善鼎復治百金泊，亦引澇水，激田。乾封二年，堰壞，乃西引晉水，晉水卽平水也。百金泊在今城東南二十里。○夏池水在府西南三十里，流合晉水入汾。又天井水在府北五十里，南流入汾。志云：晉將曹拙襲擊劉曜將卜休於此。

匈奴堡。舊志：在府西南七十里。匈奴種人嘗保聚於此，因名。姚秦時爲戍守處。晉義熙十一年，并州胡叛，秦入平陽，推匈奴曹安爲單于，攻秦將姚成都於匈奴堡。姚懿自蒲坂討擒之。十二年，姚懿以蒲坂叛，欲運匈奴堡穀以給鎮人，姚成都拒之。懿遣將攻成都，爲成都所擒。十三年，劉豫伐秦，檀道濟等泝河攻蒲坂，遭別將攻匈奴堡，爲成都所敗。今堙。又府東北舊有冷泉關，今亦堙廢。

狐谷亭。在府西北，春秋僖十六年，狄侵晉，取狐廚，受鐸，涉汾及昆都，因晉敗也。孔氏曰：臨汾西北有狐谷亭，卽春秋時晉之狐廚邑。又府南有昆都，聚時晉惠公爲秦所敗也。○錢祠在城南五里，舊志云：在城東十里平原上，以錢嘗都此也。朱梁開平三年。

晉兵攻晉州大掠
至幾祠而去卽此

襄陵縣

府西南三十里南至太平縣六十里春秋時晉大夫卻鞮食邑也漢置襄陵縣屬河東郡應劭曰縣西北有晉襄公陵因名後漢因之魏屬平陽郡晉及後魏因之高齊移禽昌縣治此以襄陵并入隋大業初復曰襄陵縣唐因之仍屬晉州元和十四年改隸絳州太和初復改爲河中府唐末復故五代晉又改屬絳州尋屬河中府宋還屬晉州今編戶七十二里

襄陵舊城

縣東二十五里縣本治此水經注襄陵在平陽東南是也晉大興初平陽亂石勒西擊斬犇據襄陵北原永和十二年姚襄爲桓溫所敗自洛陽奔平陽進據襄陵太元十一年苻丕自晉陽南屯平陽與慕容永戰于襄陵大敗後魏主兼神鼎初擒赫連昌析襄陵東北置禽昌縣并置禽昌郡真君二年郡廢縣屬平陽郡後齊移縣治襄陵因改襄陵曰禽昌隋復爲襄陵皆治此唐移治于汾水西在今縣西南十里地名宿水店宋天聖初徙治晉橋卽今縣也一統志禽昌城在洪洞縣東南二十四里或謂之白馬城又有郤擊城在縣東南二十里其東面圯于水餘三面尙存遺址或曰卽故襄陵城云

乾壁城

在縣東南亦曰乾城晉元興初魏主珪與後秦有隙命并州諸部積穀於平陽之乾壁以備秦旣而姚興遣軍攻乾壁拔之魏收志禽昌縣有乾城卽乾壁矣

三磴山

縣西南十五里山長九十餘里其形三層山之北有龍關峪又焦石山在縣南十五里亦曰焦石嶺○崇山在縣東南四十里一名臥龍山頂有塔俗名大尖山山之西嶺亦曰臥龍岡東南接曲沃翼城北接臨汾浮山皆謂之分水嶺南北連亘長

二十餘里

汾河。在城東。自臨汾縣流入境。又南入太平縣界。○晉水在城北。即平水也。亦自臨汾縣流入界。引流爲中渠。渠又爲李郭。高石二渠。分溉民田。下流東入於汾。又三交水。在縣東二十里。源出崇山。合諸溪水西流入汾。

灰泉。縣北二里。又縣西南十五里有丹朱泉。又西南十里有熾英。二泉俱引流溉田。下流注於汾河。

太平關。縣南三十五里。又南至太平縣二十五里。舊名故關鎮。宋志。縣有雕掌豹尾二寨。今廢。

洪洞縣。府北五十五里。北至霍州八十里。春秋時楊國。晉滅之爲楊邑。漢置楊縣。屬河東郡。魏屬平陽郡。晉因之。後魏改屬永安郡。隋屬晉州。義寧初。改爲洪洞縣。唐因之。今編戶九十一里。

楊城。縣東南十八里。春秋時故國治。此伯備自晉歸。周封于楊。晉滅楊。以賜羊舌肸。昭二十八年。羊舌氏滅。魏獻子使僚安爲楊氏大夫。是也。寰宇記。楊城在范東。邨一名危城。晉叔向所築。杜預云。楊城東南有高梁亭。即臨汾之高梁城矣。

洪洞城。縣北六里。東魏置鎮於此。西魏大統二年。宇文泰軍於蒲反。略定汾絳。東魏行晉州事。封祖業襄城。走薛修義。追至洪洞。說之還守。不從。修義遂還據晉州。拒卻魏師。姚暹行記。周建德五年。從行討齊師。次洪洞。百雉相臨。四周重覆。控險據要。城主

張元靜。率所部肉袒軍門請降。北史。周主邕。攻拔晉州。宇文憲自雀鼠。攻拔洪洞。是也。隋末。因改楊縣曰洪洞。唐大順初。遣張濟等伐河東。軍於晉州。李克用遣李存孝營趙城。薛志勳等營於洪洞。即今縣矣。

西河廢縣。縣西南三十里。後魏孝昌三年。僭置西河郡。治永安縣。隋開皇初。郡廢。改縣曰西河。屬晉州。大業初。縣廢。唐武德中。復析洪洞置西河縣。仍屬晉州。貞觀十七年。省入臨汾。

九箕山。縣東十五里。厥狀類箕。南向有九一名土山。志云。縣北有玉華山。自九箕而來。西臨汾水。又英山在縣西南。其東南與姑射山相接。○婁山在縣西三十里。北接趙城縣之羅定鎮。又縣城南有洪崖。高踰百尺。東西袤五十里。澗水出焉。流入於汾。又

西南有寶崖四壁

孤絕北俯汾河

汾河

縣西二里自趙城縣流入境又南入臨汾縣界志云縣南有通利渠又有濼利渠皆導汾水至臨汾縣北溉田各數十頃○華池泉在縣東十里縣西二十里有普濟泉又南有普潤泉縣東南二十五里又有深泉寶泉其相近者又有雙泉及無底泉俱

引流溉田

而注於汾

浮山縣

府東九十里東北至岳陽縣四十里東南至澤州沁水縣七十里本襄陵縣地唐武德二年析置浮山縣四年改曰神山屬晉州宋因之金大定七年復曰浮山興定四年更名忠孝元仍曰浮山今編戶七十里

郭城

縣南十里故戍守處也魏收志倉昌縣有郭城其城三面險絕惟東面平夷即此志云浮山縣舊治郭城五代唐自郭城移今治一名丹朱邑中有丹朱飲馬泉

龍角山

縣南三十五里兩峯對峙舊名羊角山唐武德中改今名其東南峯有珍珠洞又有華池山之南麓踰翼城縣界○浮山在縣西六十里相傳洪水時此山隨時消長也縣因以名又縣東八里有南堯山縣東北二十里有北堯山上皆有堯祠

黑山

縣北四十里一名牛首山又名烏嶺澇水出焉○秦王嶺在縣東北四十里舊志唐太宗南破宋老生從霍山潛行至此以扼前鋒後人因呼爲秦王嶺

澇水

在縣北源出烏嶺亦名黑水旁有小澗溝合流而入臨汾縣界又澇水在縣東南十五里源出龍角山西北亦入臨汾縣界下流俱注於汾水

鬼門關

在縣北出絳州之閭道○平寧關在縣東十里東漢初鮑水破青犢賊於此因名

趙城縣。府北九十里。東北至霍州五十里。西北至汾西縣九十里。周穆王封造父之地。春秋時。趙簡子居此。漢爲絳縣。隋爲霍邑縣。地。義寧初。始析置趙城縣。屬霍山郡。唐初屬呂州。貞觀十七年。始改屬晉州。宋熙寧五年。元豐三年。復置。政和二年。升爲慶

祚軍。金復爲趙城縣。元改屬霍州。明

洪武三年。改今屬編戶三十七里。

故趙城。縣南三十五里。相傳造父始封此。卽趙簡子之邑也。志云。今縣東北三

里有趙簡子城。隋置縣於此。唐麟德初。徙縣於今治。今故城遺址尙存。

霍山。縣東北十五里。北跨霍州靈石縣界。東抵沁源縣界。古冀州之鎮也。今詳見

名山。○羅雲山在縣西四十里。山高聳。嘗有雲氣舒布於其上。一名七佛峽。

汾河。在縣西。自霍州流入

界。又南入洪洞縣境。

霍渠。在縣東南四十里。卽霍山之水也。唐貞元中。引流分二渠。名曰北霍。南霍。其北渠分三道。專溉趙城境內之田。南渠分五道。兼

溉洪洞境內之田。凡九百有餘頃。下流注於汾水。又有大澤渠。在縣東北二十里。源亦出霍山。元中統四年。引渠灌田十餘頃。

西入於汾。俗

呼清水渠。

太平縣。府西南九十里。東至翼城縣百十里。南至絳水六十里。漢臨汾縣地。後魏眞君七年。析置泰平縣。屬

平陽郡。後周諱泰。改曰太平。隋初屬晉州。尋屬絳州。唐宋因之。明洪武二年。改今屬。編戶五十四里。

太平城。在今縣北。志云。後魏置泰平縣。在今縣北二十五里。太平關。今關亦名故城。鎮以

此也。隋嘗移治於關東北。唐初復還舊治。貞觀七年。移縣於敬德堡。卽今縣矣。

臨汾城。在縣南二十五里。亦曰汾城。秦昭襄王五十年。發本軍汾城旁。即此。漢置臨汾縣。屬河東郡。魏晉屬平陽郡。後魏真君七年。并入太平縣。太和十一年。復置。後齊縣廢。隋改平陽曰臨汾。而故城遂墟。舊志。臨汾故城。在絳州東北三十五里。蓋境相接也。

也。

汾陽山。縣南十里。以汾水經其南而名。

汾水。縣東三十里。自襄陵縣流入境。又西南入絳州境。其渡口曰臨汾渡。縣境諸小水皆流匯焉。○雷鳴水。志云。有二。一出縣西北十五里之蔚邨。一出縣西二十五里西侯邨。俱東流注於汾。又有源泉在縣東北二十五里。潛流地中。而東南出。引渠溉田。下

流入

子奇壘。縣東三十里。子奇。後秦主姚興弟姚平字也。與使與狄伯支等將步騎四萬伐魏。攻平陽。拔之。遂據柴壁。魏軍大至。截汾水。以斷糧援。平大敗。將麾下三十騎赴汾水。死。今此壘西臨汾水。壘側有柴邨。亦曰柴莊。蓋即柴壁云。○白波壘。在縣東南三十里。後漢末。黃巾餘黨郭大於汾西。白

波谷築壘寇太原。即此。今名水固邨。

岳陽縣。府東北百十里。東北至沁州沁源縣百十里。漢上黨郡穀遠縣地。後魏末。置安澤縣。屬義寧郡。隋初屬沁州。大業初。改曰岳陽縣。屬臨汾郡。唐屬晉州。宋因之。元嘗尋復置。今編戶十八里。

冀氏城。縣東南百二十里。後魏建義元年。析禽昌。襄陵地。置冀氏縣。兼置冀氏郡。治焉。高齊郡廢。隋屬晉州。唐因之。會昌三年。劉稹以澤潞畔。河中帥陳夷行。以兵守翼城及冀氏。既又詔晉絳行營帥石雄。自冀氏取潞州。仍分兵屯翼城。以備寇賊。是也。宋

仍曰冀氏縣。元至元三年。省入岳陽。明年。以冀氏當東西驛路之要。復置縣。以岳陽併入。尋復置岳陽。而冀氏縣廢。今名冀氏里。又有合陽城。在縣南。亦後魏末置。屬冀氏郡。高齊省入冀氏。

和川城。縣東九十里。後魏建義初。分禽昌地置義寧縣。屬義寧郡。隋初郡廢。縣改曰和川。屬沁州。大業初廢。義寧初。復分沁源縣置。屬沁州。唐因之。宋改屬晉州。熙寧五年。省入冀氏縣。元祐初復置。金因之。元省入岳陽。今名和川里。志云。縣東北九十里。有

故唐城相傳
堯都故址。

鳳凰山。縣北五十里。頂有風洞。有泉二道。流出其中。一名露巖山。○刁黃嶺。在縣東百九十里。又東至潞安府長子縣五十里。嶺長二十里。高八里。今詳見長子縣。

千畝原。縣東北九十里。左傳桓二年。晉穆侯夫人人生太子。命之曰仇。其弟以千畝之戰。生命之曰成師。蓋晉侯嘗被狄於是原也。今原下爲沁水所經。

沁水。縣東百里。自沁州沁源縣流入界。縣東南有閩水。出縣北保豐郭。南流合焉。又東南流入澤州。下流至河南武陟縣入大河。今詳大川。

大澗水。在縣北。志云。澗水有二源。一出縣北安吉嶺。一出縣西北金堆里。俱西南流入洪洞縣界。注於汾水。又縣南有赤壁水。西北流。合於澗水。一名通軍水。志云。赤壁水出趙城縣靈山南。西南流二十里。至縣西瀾崖入地中。過南三十里。復出而合澗水。

又縣東北二十五里有下冶泉。出西山石崖下。經下冶郭。亦流合澗水入汾。洪武七年。引渠至城東。溉田。○八十里川。在縣東百六十里。源出長子縣發鳩山。西南流入境。合於沁水。其川長八十里。因名。

東池堡。縣南三十里。周一里。北面臨岸。志云。隋大業初。縣嘗移理於此。○赤壁。在縣西一里。亦曰赤壁城。赤壁水經其下。志云。晉太興初。劉曜自長安討斬準軍。至赤壁。卽此恐誤。

曲沃縣

府南百二十里。西至絳州五十里。南至絳縣九十里。晉新田之地。漢爲河東郡絳縣地。後漢爲絳邑縣地。晉屬平陽郡。後魏太和十一年。改置曲沃縣於此。屬正平郡。隋屬絳州。唐宋因之。明洪武二年。改今屬。編戶六十八里。

絳城

縣西南二里。一名新田城。左傳成六年。晉人謀去故絳。徙居新田。是也。漢於南境置絳縣。此仍謂之絳城。俗又譌爲王城。後魏爲曲沃縣地。志云。魏初置縣於絳山北。後周移治樂昌堡。在今縣南七里。亦曰樂昌城。隋又移治絳邑。故城北。即今縣也。○桐

鄉城在縣西南四十五里。接聞喜縣界。漢武元鼎六年。將幸緹氏。至左邑桐鄉。聞南越破。因置聞喜縣。或曰桐鄉城。在今聞喜縣西南八里。一統志。今聞喜縣即故桐鄉城。皆誤也。

陘庭城

在縣東。與翼城縣接界。左傳桓二年。翼哀侯侵陘庭之田。陘庭。南鄙。啓曲沃伐翼。三年。曲沃武公伐翼。次於陘庭。逐翼侯於汾隰。獲之。汾隰。汾水旁也。亦謂之葵庭。襄二十三年。齊侯伐晉。取朝歌。爲二隊。入孟門。登太行。張武軍於葵庭。杜預曰。張武

軍築壁壘也。蓋即陘庭矣。史記晉世家。哀侯八年。侵陘庭。陘庭與曲沃武公謀。九年。伐晉於汾旁。賈逵曰。陘庭。翼南鄙。邑名。亦謂之陘城。又韓世家。桓惠王九年。秦拔我陘城。汾旁。孔氏曰。陘城在汾水旁。似誤。蓋謂自陘庭以至汾旁地也。

喬山

縣西北四十五里。山高五里。長二十餘里。接襄陵縣界。形勢陡峻。其西麓有夢感泉。齊主高緯圍平關。恐周師猝至。於城南穿壑。自喬山屬於汾水。緯大出兵。陳於壑北。即此。○紫金山在縣南十三里。產銅。山半有泉。下注縣崖。冬則凝而成冰。一名冰殿。

山下又有龍底泉。
開山圖謂之絳山。

蒙坑

在縣東北五十里。西與喬山相接。晉元興初。魏主珪圍柴壁。安同日。汾東有蒙坑。東西三百餘里。蹊徑不通。姚興來。必從汾西直臨柴壁。如此。便聲勢相接。不如爲浮梁渡。汾西築圍以拒之。與無所施其智力矣。珪從之。大敗。後秦主興於蒙坑之南。五代

梁開平三年。晉將周德威將兵出陰地關。攻晉州。梁將楊師厚自絳州馳救。周德威乃以騎兵扼蒙坑之險。師厚擊破之。德威乃解圍去。周廣順元年。北漢主引契丹兵圍晉州。周將王峻自絳州馳救。晉州南有蒙坑。最險要。峻憂北漢兵據之。聞前鋒已度喜

曰晉事濟矣。北漢主閻峻至蒙坑，遇去今喬山以北，自西而東，山溪斜結，卽蒙坑矣。

汾水。縣西三十五里，自太平縣南流，經縣界，折而西入絳州境。

澮水。在縣南五里，志云澮河源有二，一出翼城縣烏嶺山，西流入縣境，一出絳縣東北，大交鎮東，亦西北流入縣境，又西入絳州界，注於汾水。左傳成六年，晉人謀遷新田，謂有汾澮以流其惡者也。史記韓世家，懿侯九年，魏敗我澮，或謂之少水。左傳襄二十

三年，齊侯伐晉，戍鄆，鄆封少水，蓋封戶爲京，觀於澮水旁也。鄆，鄆見垣曲縣。

濟溪。在縣南七里，源出紫金山麓，澄澈細流，民引以溉園圃，北入澮河，又有合水，在縣北二十五里，出兩岸間，合而成流，因名。西流入汾縣南，又有金溝水，居民亦引流溉田，流入澮河，又新絳渠，在縣東北三十五里，唐永徽元年，縣令崔巖引古堆水溉田，凡

百餘頃，今埋。○龍泉在縣東北三十里，亦有灌溉之利。

虜祁宮。縣西南四十九里，春秋昭八年，叔弓如晉，賀虜祁也。又晉作虜祁宮，而諸侯叛，杜預云宮在絳西四十里，臨汾水，水經注，汾水西徑虜祁宮北，有故梁，載汾水中，凡三十柱，柱遷五尺，裁與水平，晉平公之故梁也。其宮背汾面澮，西則兩川之交會也。

竹書，晉出公五年，澮絕於梁，卽是處矣。

蒙城驛。縣西北四十里，又候馬驛在縣西南三十里，俱明洪武八年建。

翼城縣

府東南百三十里。西南至曲沃縣九十里。西至太平縣百十里。春秋時晉之絳邑。後更曰翼。漢為絳縣地。後魏太和十二年置北絳縣。孝昌三年兼置北絳郡治焉。隋開皇初郡廢。縣屬絳州。十八年改曰翼城縣。義寧初於縣置翼城郡。唐武德初改為滄州。二年又為北滄州。四年州廢仍屬絳州。天祐二年改曰滄川縣。五代因之。宋復曰翼城。金興定四年升為翼州。尋又升為翼安軍。元復曰翼城縣。屬絳州。明洪武二年改今屬。編戶八十四里。

故翼城

縣東南十五里。晉故絳也。城方二里。春秋隱五年曲沃莊伯以鄭人邢人伐翼。詩譜曰穆侯遷都於絳。曾孫孝侯改絳為翼。莊二十六年獻公使士鶯城絳以深其宮。自曲沃徙都之。即此。或以為唐城誤也。後魏北絳縣置於此。隋唐為翼城縣治。五代唐徙治於王逢寨。即今縣云。又焚庭城。在縣東南七十五里。即春秋晉之陸庭也。今詳曲沃縣。

皮牢城

縣東北。史記魏世家。惠王十年伐趙取皮牢。秦紀昭王四十八年王齕攻皮牢拔之。今為牢寨。邨。括地志。滄水側有皮牢城。是也。又息城。志云。縣西三張邨。春秋時鄭太子奔晉居此。曰蕩城。

小鄉城

在縣西南。後魏末置小鄉縣。屬南絳郡。隋初縣屬絳州。又改為汾東縣。大業初省。義寧初復置。屬翼城郡。唐初屬滄川。尋屬絳州。武德九年省入翼城縣。

滄高山

縣南十五里。史記魏世家。武侯九年狄敗我於滄。又惠王九年我敗韓師。趙師於滄。括地志云。滄山也。在翼城縣。紀勝。山形如鳥翼。一名翺翔山。產銅及鐵。唐置錢坊二所於此。又有懸洞泉。擊之勝。○羊角山。在縣東北三十里。即浮山縣之龍角山也。又縣西北十五里有覆釜山。俗呼小綿山。上有介子推廟。

烏嶺山

縣東三十五里。又東北至澤州沁水縣四十里。山南北有長嶺。嶺上東西通道。有二嶺相對。曰東烏西烏。唐會昌三年晉絳行營帥石雄討劉稹於澤潞。引兵踰烏嶺。破五寨。時劉稹亦遣將安全慶守之。李德裕曰。烏嶺距上黨百五十里。謂此山也。

亦曰黑山。

澮水出焉。

澮水。

在縣南。出東烏嶺。傍引澮田。西流經城南。而入曲沃縣界。水經注。澮水導源黑水谷。經翼城北。蓋謂故城也。又女家水。在縣東。南水經注。翼城東有女家水。出家谷中。竹書紀年。莊伯以曲沃叛。伐翼。公子萬救翼。荀叔軫追之。至於家谷者也。其水西北流。

澮入。

馬泊泉。

縣北二十五里。其北有臥馬山。泉出山下。四名。又有沙泉。在縣東南十二里。二泉皆有灌溉之利。

龍化鎮。

縣東四十里。志云。鎮南連絳縣。北接浮山。爲商旅輳集之所。

汾西縣。

府西北百八十里。東南至霍州五十里。西南至蒲縣百二十里。漢河東郡瑯縣地。西魏嘗置臨汾縣。兼置汾西郡。治焉。隋開皇初。郡廢。縣屬晉州。十八年。改曰汾西。屬呂州。大業初。屬臨汾郡。義寧初。屬霍山郡。唐初。屬呂州。貞觀十七年。改屬晉州。宋因之。

今編戶

十五里。

新城廢縣。

在縣西北。後周置。屬汾西郡。隋開皇中。省入汾西縣。義寧初。復置。唐初。屬北。溫州。貞觀初。州廢。縣仍省入汾西。一統志。新城。東南三十里有故溫泉城。

青山。

縣西六十里。寰宇記。山南入趙城。西北至溫泉縣。長百六十里。唐天寶六載。敕改。汾西山。亦姑射之連阜也。產鐵。溫泉廢縣。今見隰州。又有商山。在縣東南六十里。

汾水

縣東三十五里。自靈石縣流入境。又東南入霍州界。

小滷澗

縣東北五里。其源曰白龍泉。又縣東十五里有轟轟澗。澗東南有潭。深不可測。澗中又有穴。龍嘘氣出。入其聲如雷。因名。並東流注於汾水。又有泊池在城東隅。元天歷中。開鑿其水。冬夏不涸。亦流入於汾。

申邨堡

舊唐書。隋末汾西縣陷於賊。武德初。權於今城南五十里申邨堡置縣。貞觀十六年。移於今所郡志云。唐開元縣嘗徙治厚義邨。宋復歸舊治。邨亦在今縣南。

蒲縣

府西百四十里。西北至隰州九十五里。漢河東郡蒲子縣地。後魏爲石城縣地。後周大象初置蒲縣。隋屬隰州。唐武德二年置昌州於此。貞觀初州廢。縣仍屬隰州。宋仍舊。元初廢入隰川縣。尋復故。明初洪武二年改今屬。編戶九里。

蒲縣城

在今縣西南二里。隋大業初縣治此。志云。縣東北有故箕城。隋初蒲縣治也。大業二年。移於新城。唐初復移於城東。即今治矣。天復二年。河東將李嗣昭攻慈隰下之屯於蒲縣。汴軍營於蒲南。別將氏叔察分軍斷河東兵歸路。而攻其壘。破之。即此。

石城廢縣

縣西六十里。後魏主蕭置定陽縣。屬五城郡。太和二十一年。改曰石城。後周兼置石城郡。周末郡廢。又并縣入蒲縣。宋白曰。後周大象初於廢石城置蒲子縣。隋移今治云。○昌原廢縣在縣西。唐武德初置昌原縣。屬昌州。貞觀初廢入蒲

縣。

翠屏山

在縣治西南一里。山勢聳秀。巖下有湧泉。又縣南一里有峨眉山。縣東五里有東神山。○孤山在縣北三十里。一名黑兒嶺。相傳昔有劉黑兒居此嶺。沿五鹿山下。至縣東北界。長五十里。

第一河

在縣城西。源出趙城縣之七佛峽。流經此。又西至大寧縣界。入於大河。以山溪衆水所宗。因名。

蒲州。府西南四百五十里。南至河南陝州二百三十五里。西南至陝西華州百五十里。西至陝西同州八十里。

古蒲坂。舜都也。春秋時屬魏。晉獻公滅魏。以封大夫畢萬。後遂為魏地。秦置河東郡。兩漢魏晉皆因之。

後魏兼置雍州。東魏初。改置秦州。魏收志。神農初。置雍州。延和初。改秦州。太和中。州廢。天平初。復置秦州。西魏因之。後周改曰蒲州。魏德末於蒲州置宮。河東

郡皆如故。隋初郡廢。仍曰蒲州。大業初。又改為河東郡。唐復曰蒲州。武德二年。置總管府。九年。改為都督府。旋罷。開元八年。置中

都。升州為河中府。旋罷。仍曰蒲州。天寶初。曰河東郡。乾元初。復曰蒲州。三年。仍置河中府。唐書。乾元二年。兼置羅德軍於

河中城內。廣德二年廢。大歷初。又為中都。尋復改河中府為蒲州。元和三年。復曰河中府。又至德二載。置河中節度。治蒲州。兼領晉絳慈隰同。統諸州。其後數有分合。改易。光啓初。賜軍號曰護國。今詳見州域形勢。五代

時。仍曰河中府。宋因之。亦曰河東郡。護國軍節度。金曰蒲州。天德初。復曰河中府。金志。大定五年。置陝西元帥府於此。元仍舊。明洪武二年。

復曰蒲州。以州治河東縣省入。編戶八十七里。領縣五。

州控據關河。山川要會。春秋時為秦晉爭衡之地。戰國時魏不能保河東。三晉遂折而入於秦。漢以三河並屬司隸。為畿輔重地。自古天下有事。爭雄於河山之會者。未有不以河東為噤喉者也。曹操曰。河

東天下之要會。晉永興以後，劉淵據平陽，而蒲坂尚爲晉守。關中得以息肩。及永嘉末，趙染以蒲坂降劉聰，而關中從此多故矣。晉亡關中，由於失蒲坂也。劉曜據關中，以蒲坂爲重鎮。其後苻姚之徒，皆以重兵戍守。赫連氏因之，拓跋魏爭關中，先奪其蒲坂。及赫連定復據長安，又急戍蒲坂以阨之。而夏不復振矣。孝昌末，楊侃曰：河東治在蒲坂，西逼河澗，其封疆多在郡東，是也。西魏大統三年，蒲坂來附。宇文泰遂進軍蒲坂，略定汾絳。

汾謂今吉州。

及東魏來爭，未嘗不藉蒲坂以挫其鋒。唐安史之亂，郭子儀以河

東居兩京間，扼賊衝要，乃自洛交

今陝西鄜州。

渡河，趣河東，襲據其城。

時賊將崔乾祐守河中，子儀自洛交渡河，河東司戶韓曼翻城應子儀，乾祐遁去。

大歷

初，元載議建中都曰：河中之地，黃河北來，太華南倚，有羊腸底柱之險，濁河孟門之限，以輜轅爲襟帶。

謂洛陽也。

與關中爲表裏，建都於此，可以總水陸之形勢，將關河之氣色。光化四年，朱全忠欲先取河中，以

制河東。召諸將謂曰：我今斷長蛇之腰，諸將爲我一繩縛之。蓋有河中，則河東不能與長安相聯絡也。旣而全忠遣軍自汜水渡河，出含山路。

見開喜縣。

襲取晉絳，以兵守之，扼河東援兵之路，克用不能進。河

中遂陷胡氏曰。由太原西南至汾州二百六十里。又南至晉州三百五十里。又南至絳州百二十五里。自絳州西南至河中三百六十五里。援兵縱由捷徑得進。而晉絳扼其衝。遮前險。守後要。進不得援。河中退不得歸太原矣。金人謀取關中。完顏訛可曰。河中背負關陝。南阻大河。此戰守要資也。蒙古之取關中也。石天應曰。河中自古用武之地。北連汾晉。西度同華。起漕運以通饋餉。則關中可克期而定。明初平關陝。亦自河中濟河。河中爲襟要之地。振古如茲也。

河東廢縣。

今州治秦蒲反縣地。屬河東郡。二漢以後因之。隋開皇十六年。析置河東縣。大業初。爲河東郡治。唐武德初。蒲州治桑泉縣。三年。還治河東。自是常爲州郡治。五代漢乾祐初。河中帥李守貞與長安叛將趙思綰。鳳翔叛帥王景崇相連絡。

郭威督諸軍擊守貞於河中。諸將欲急攻城。威曰。河中城臨大河。樓堞完固。未易破也。不若且築長圍守之。使飛走路絕。我坐食轉輒。彼城中無食。公私困竭。父子且不相保。況烏合之衆乎。遂剴長藤築連城。列隊伍而圍之。又循河設大鋪。連延數十里。更番步卒守之。遣水軍。檣舟於岸。寇有潛往來者。輒擒之。守貞於是大因途克之。即今城也。明初省縣入州。今城周八里有奇。

蒲坂城。

州東南五里。杜佑曰。秦晉戰於河曲。即蒲坂也。戰國時爲魏地。史記秦昭襄四年。取魏蒲坂。五年。魏朝臨晉。復與魏蒲坂。十七年。秦以垣易蒲坂。皮氏。漢曰蒲反縣。應劭曰。故曰蒲。秦始皇東巡。見長坂。故加反云。反與坂同也。後漢曰蒲反縣。建武十

八年。上幸蒲坂祠后土。晉永嘉五年。時南陽王模鎮關中。使牙門趙染戍蒲坂。染叛降於劉聰。聰遣染與劉雅等攻模於長安。建興初。劉聰遣劉曜屯蒲坂。以窺關中。咸和三年。石勒將石虎攻蒲坂。劉曜自將馳救。虎引却。八年。後趙石生起兵。長安討石虎。使

其將郭權爲前鋒出潼關自將大軍軍蒲坂姚秦時置并冀二州於此義熙十二年姚懿以蒲坂叛秦主泓遣姚紹平之十三年劉裕伐秦權道濟渡河攻秦并州刺史戶昭於蒲坂泓使姚紹救之蒲坂降於裕十四年置并州鎮焉明年沒於赫連夏後魏主濼始光三年遣將奚斤襲夏蒲坂取之斤遂西入長安神鼎初夏主定復取長安魏主命安頡軍蒲坂以拒之太和二十一年自龍門至蒲坂祀虞舜遂至長安永熙三年宇文泰討侯莫陳悅於秦州高歡遣將韓軌據蒲坂以救之不克既而高歡自晉陽舉兵向洛宇文泰遣別將趙貴自蒲坂趣并州西魏大統三年宇文泰取蒲坂八年高歡圍玉壁宇文泰出軍蒲坂十六年高洋篡位秦大舉伐之自宏農濟河而北會大雨乃自蒲坂還後周仍爲河東郡治隋開皇初爲蒲州治尋析置河東縣大業初以蒲坂并入焉志云今州城外東南隅有虞都故城與州城相連周九里有奇其相近有虞阪云

永樂城

州東南百二十里本蒲坂縣地後周置永樂縣爲永樂郡治尋省郡後又省縣入芮城唐初復置永樂縣屬芮州尋改屬鼎州貞觀八年改屬蒲州尋還屬魏州神龍初復屬蒲州宋因之金廢爲永樂鎮屬河東縣王應麟曰尋禹始封魏卽河中之

永樂云今有永樂渡在大河北岸路通河

南關鄉縣洪武四年置巡司屬潼關衛

涑水城

州東北二十六里左傳成十三年晉侯使呂相絕秦所云伐我涑川者又羈馬城在州南三十六里左傳文十二年秦伐晉取羈馬亦呂相所云剪我羈馬者也史記晉靈公六年秦康公伐晉取羈馬晉侯怒使趙盾趙穿卻缺擊秦戰於河曲是矣

卽今

涉邱

中潭城

在蒲津河中渚上隋置以守固河橋橋西岸又有蒲津城隋末李淵自河東濟河斬考讓以蒲津中潭二城降又西關城或曰卽蒲津城也五代漢乾祐初李守貞以河中時郭威等討之白文珂克其西關城別將常思備於城南威備於城西是也

餘詳見重

險蒲津

中條山

州東南十五里。其中中條而延袤甚遠。因名。亦曰蒲山。又名雷首山。春秋宣二年。傅趙宣子田於首山。即此山也。山之北有數峯。攢立拱揖。州城中高。旁下俗因名爲筆架山。志云筆架山在縣南十五里。又南五里爲八盤山。又十里爲磨谷山。下有

虞原。相傳段干木隱

此。餘詳見名山雷首

首陽山

州東南三十里。與中條連麓。山有夷齊墓。詩采芣采芣。首陽之巖是也。或以此爲雷首山。有虞澤。即舜所漁處。其水南流入黃河。十三州志。首陽一名獨頭山。開山圖。首陽與大華本一山。當黃河中流。巨壑劈開爲兩山。手足之迹猶存。蓋傳譌矣。或

又謂之

方山

歷山

州東南百里。相傳即舜所耕處。上有歷觀。漢成帝元延二年。幸河東。祠后土。因遊龍門。登歷觀。是也。郡圖志。河東有三轄山。北曰大轄。西曰小轄。東曰荀轄。三山各距城三十里。舜耕歷山。謂此地云。又九峯山在州東南百二十里。有九峯序列。形勢秀拔。

風陵堆

州南五十五里。相傳風后冢也。亦曰封陵。史記。魏襄王十六年。秦拔我蒲坂。陽晉。封陵。二十年。秦復與我河外。及封陵。以和。亦謂之風谷。正義。封陵在蒲坂南河曲中。水經注。函谷關直北。隔河有層阜。巍然獨秀。孤峙河陽。世謂之風陵。戴延之所謂

風堆也。杜佑曰。風陵堆南岸與潼關相對。亦曰風陵山。一名風陵津。曹操征韓遂。自潼關北度。即其處也。後魏永熙末。魏主西入關。高歡克潼關而守之。使別將庫狄溫守封陵。又大統三年。高歡遣賈泰攻潼關。宇文泰潛軍襲之。自風陵渡至潼關。賈泰敗死。

○義眉原在州東五里。自西而東。縣互逶迤。防臨晉猗氏之境。

黃河

在州西門外。自梁河臨晉縣流入境。經雷首山西。折而東入芮城縣界。杜預曰。黃河經蒲坂南。所謂河曲也。秦穆公五年。與晉戰於河曲。呂相絕秦。所謂入我河曲者也。宇文周保定初。鑿河渠於蒲州。蓋導河入渠。以資灌溉。志云。州城北有溥惠渠。又有永濟渠。築堰障之。謂之玉龍堰。又有古護堰。在州北一里。古北灘之西。東起灘角。西抵河岸。長四百餘步。用石築壘。以防黃河漲決。侵嚙州城也。其相近者。又有連城。橫渠等堰。各長數十丈。以障禦大河。

涑水

在州東十里。有孟盟橋。其上流即絳水也。自絳縣歷聞喜。夏縣。猗氏。至臨晉縣界。合姚遙渠而西出。流經此。又西南注於大河。俗名楊安澗。水經注。涑水經雷首山北。與蒲坂分山。是也。○澇水在州南百里。志云。歷山下有二泉。名澇。東西相距二里。南流爲澇。北流爲澇。吳源同歸。西注於河。即姚遙降二女處。又有舜井。在州治東南二里。城中井脈皆鹹。此水獨甘。有二井。南北相逼。可乘炬入。俗以爲卽史記所云穿孔旁出者。宋祥符四年。車駕臨觀。賜名廣孝泉。

谷口泉

州東南十五里。卽中條山之水谷口。有泉出焉。傍又有蒼龍谷泉。俱流入大河。又有泓龍潭。在州東三十里。中條山北流五里。入臨晉縣之姚遙渠。志云。州東南百二十里有玉洞泉。旁又有寒谷泉。俱發源中條山。陽引流溉田。注於大河。

蒲津關

在州西門外。黃河西岸。今名大慶關。山陝關之喉吭也。亦曰蒲渡。詳見前重險蒲津。

風陵關

州南六十里。路通潼關。唐聖歷初。於風陵堆南津口置關。以讎行旅。宋志。蒲州河西縣有蒲津關。河東縣南有風陵關。是也。亦曰風陵津。亦曰風陵渡。洪武八年。置巡司於此。屬潼關衛。

陶邑鄉

州北三十里。水經注。蒲坂西北有陶城。舜陶於河濱。卽此。唐志。河中有陶城府。蓋府兵所屯也。貞元二年。馬燧討李懷光於河中。軍寶鼎。敗懷光兵於陶城。今曰陶邑鄉。志云。州有陶城。又有陶澤。卽舜所漁處。在首陽山下。南流入大河。○武壁亦在

州北。志云。自蒲州至梁河。河津。黃河岸側。凡八寨。曰汾陰。胡壁。趙壁。薛壁。連栢。西倉。禹門。俱元室正末築。以薛堡居中。可制諸營。移中軍於此。更名武壁。周圍千二百步。南臨絕澗。其北一門。今存遺址。

臨晉縣

州東北九十里。東南至解州七十里。春秋時晉桑泉地。漢為解縣地。後魏為北解縣地。隋開皇十六年。置桑泉縣。屬蒲州。義寧初蒲州移治此。唐還舊治。仍屬蒲州。天寶十三載。改曰臨晉。今編戶六十一里。

解城

縣東南十八里。即春秋時晉之解梁城。解讀曰蟹。僖十五年。晉惠公許賂秦伯以河外列城五內及解梁城。戰國策。魏王二十一年。秦敗魏師於解。即解梁也。漢置解縣。屬河東郡。後漢及晉因之。後魏為南解縣。西魏時改廢。杜預曰。春秋解梁城在漢解縣西。又北解城在今縣西三十里。後魏太和十一年。置北解縣。屬河東郡。即此。後周廢。○桑泉城在縣東北十三里。春秋時晉故邑也。左傳僖二十四年。晉公子重耳濟河入桑泉。杜預曰。桑泉城在解縣北二十里也。隋因以名縣。又有溫泉廢縣。唐武德三年。

分桑泉地

置九年廢。

郇城

縣東北十五里。文王庶子所封郇國。詩所謂郇伯勞之者也。後并於晉。僖二十四年。秦送重耳渡河。圖令狐。晉人軍於廬柳。晉犯與秦晉大夫盟於郇。成六年。晉人謀居故絳。諸大夫皆曰。必居郇瑕者也。服虔曰。郇在解縣東。鄆道元曰。今解故城東北二十四里有郇城。在猗氏故城西北。杜預曰。解縣西北有郇城。寰宇記。在今猗氏縣西南四里。似皆有誤。○瑕城在縣東南。京相璠曰。河東解縣西南五里有故瑕城。春秋僖三十年。春。晉圍鄭。鄭燭之武謂秦穆所云許君焦瑕。朝濟而夕設版者。又文十二年。秦僭晉。及殺十三年。晉使詹嘉處瑕。守桃林之。

塞。即此。焦見河南陝州。桃林見陝西潼關。

虞鄉城

縣南六十里。漢解縣地。後魏分置虞鄉縣。唐武德初。改虞鄉為解縣。即今之解州。而於解縣西五十里別置虞鄉。即此城也。貞觀二十二年。省入解縣。天授二年。復置屬蒲州。天祐四年。朱全忠圍河中。河中降。全忠自洛陽馳至虞鄉。受降。蓋虞鄉西至河中六十里而近也。宋仍為虞鄉縣地。金因之。元省入臨晉。○解晉城在縣西南。括地志。虞鄉縣西有陽晉城。一名晉城。史記魏世家。襄王十六年。秦拔我陽晉。又西北有高安城。趙世家。成侯四年。與秦戰高安。正義。高安城河東也。又智城亦在縣西。括地。

志。虞鄉縣北有。

智城智伯所居。

王官城。

在縣南城家記云。在虞鄉南二里。左傳文三年。秦師涉河焚舟。取王官城。成十三年。晉侯使呂相絕秦。所云俘我王官者。水經注。涑水西經王官城。城在南原上。人謂爲王城。志云。王官谷以王官廢。廢爲名。卽此城也。東張城在縣西。括地志。虞鄉西。

北有張楊故城。一名東張城。漢二年。曹參攻魏將軍孫遼軍於東張。大破之。水經注。涑水西南經張楊城。東魏收志。北解縣有張楊城是也。

五老山。

縣西南五十里。與中條山相接。一名靈峯。峯巖洞壑。泉澗之屬。參差環遶。以數十計。稱爲名勝。又二巖山在縣東北三十里。有大巖。小巖。南北並列。亦曰三巖山。

王官谷。

縣東南七十里。志云。山在中條山中。巖洞深邃。泉壑幽勝。旁有天柱。跨巒諸峯。瀑布貽溪。瀦水。山水之勝。甲於河東。唐末司空圖隱於此。○峽眉坡在縣北五里。東連猗氏。開喜縣。西抵黃河。卽蒲州之戰。屢緊也。

大河。

在縣西。自榮河縣南流入境。又南入蒲州界。志云。縣西三十里有吳王渡。在河東岸。與陝西郃陽渡相對。卽韓信渡河。鬪魏豹處。昔有吳王二姓居此。因名。上有吳王寨。洪武四年。置巡司戍守於此。

涑水。

縣東南二十五里。自安邑猗氏縣。西流入縣境。又南而姚邈渠。渠合爲並流。而西入蒲州界。唐志。虞鄉北十五里有涑水渠。貞觀十七年。蒲州刺史薛萬徹所開。自聞喜引流入臨晉。以溉民田。

姚邈水。

在縣東南。源出夏縣巫成谷。流經安邑縣及解州。又西流入縣境。南去鹽池十里。本名水豐渠。隋大業中。郡水監姚邈重開。故渠。因曰姚邈渠。南匯於五姓湖。引流而西。出蒲州東十里孟盟橋。入大河。遇山水漲。溢有橫決潰。將侵入鹽池之患。因爲

姚邈堰以障之。今

附詳大川鹽池。

五姓湖。

縣南三十五里，亦曰五姓灘。灘旁爲五姓村，湖因以名。卽澗水姚暹渠經流所鍾之地也。水經注：澗水經張楊城東，又西南屬於二陂。東陂世謂之晉興潭，東西二十五里，南北八里；西陂一名張潭，或謂之張楊池，東西二十里，南北四五里，西北去

蒲坂十五里。五姓湖當卽兩陂之餘流矣。寰宇

記：張潭以唐張嘉貞與弟嘉祐居此而名。穆矣。

漢泉。

縣西三十里。泉有五，陝西郃陽有四，此有其一。異出同源，故名曰漢。大如車輪，常時沸湧，郭璞云：漢泉在河東西，潛流相通是也。今詳見郃陽縣。

皂莢戍。

在縣南，西魏大統中，高歡圍玉壁，宇文泰出軍蒲坂，至皂莢，聞歡退，渡汾迫之不及，胡氏曰：皂莢在蒲坂東也。

榮河縣。

州北百二十里，東北至河津縣九十里，古綸地。夏后少康所邑也。戰國時爲魏汾陰地。漢置汾陰縣，屬河東郡。後漢及魏晉因之。晉亂，劉淵省汾陰入蒲坂縣。後魏時復置，兼置北鄉郡治焉。後周改爲汾陰郡。隋初郡廢，縣屬蒲州。義寧元年，復置汾陰郡。

汾陰城。

縣北九里，戰國時魏邑也。史記：周顯王四十年，秦伐魏，取汾陰。漢置汾陰縣。高帝六年，封周勃爲汾陰侯。圖經：城北去汾水三里，西北隅有邱曰隄邱，上有后土祠。文帝十六年，以辛垣平言，周鼎將出汾陰，乃治廟汾陰。南臨河，欲祠出周鼎。武帝元

朔六年。

獲寶鼎於汾陰，因改元曰元鼎。四年，始立后土祠于隄邱。宣帝神爵元年，幸汾陰，萬歲宮。建武初，鄧禹自汾陰渡河入夏陽是也。晉大興初，劉曜討靳準於平陽，使其將劉雅屯汾陰，隋遷縣於今治。唐開元十年，改曰寶鼎。唐史云：十一年，祭后土於汾

陰。二十年，行幸北都，還至汾陰，祀后土，皆因故名也。宋大中祥符三年，祀汾陰，有榮光菴。

河之瑞，因改寶鼎縣曰榮河。志云：故汾陰城，俗名殷湯城，以城北四十三里有湯陰云。

雕邱

縣北十里亦曰雕上亦曰魏雕如淳曰雕音誰雕者河之東岸特堆崛起長四五里廣二里高十餘丈舊汾陰縣亦在雕上漢置后土祠即在縣西汾水經雕北而入河也漢元狩四年得大鼎於魏雕后土祠旁其後數幸河東祠后土宣帝及元成時亦數幸祠焉唐開元十年幸東都既而將幸晉陽因還長安張說曰汾陰雕上有漢家后土祠宜因巡幸修之爲農祈穀從之明年祀后土二十年復祀焉碑文有云雕上祠者本魏晉郟邱之舊漢家后土之宮汾水合河梁山對麗是也

黃河

在縣城西自吉州及河津縣西南流入縣境又南而汾水流入焉復南流入臨晉縣境志云縣北九里后土祠前有汾陰渡金人設此以通秦雍之路今廢

汾水

縣北十二里自絳州及河津縣流入境至縣西注於河縣當河汾二水之交也漢元光初河東守番系言漕從山東更底柱之險敗亡甚多而煩費宜穿渠引汾溉皮氏汾陰下引河溉汾陰蒲坂下度可得五千頃穀從渭上與關中無異而底柱之險可毋復漕從之既而河移徙渠不利乃復罷宇文周建德中伐齊將出河陽諸將以河陽要衝齊精兵所聚汾曲戊小山平不知道兵汾潞直掩晉陽周主不聽師果無功既而以晉州爲高歡所起地鎮攝要重謀取之乃軍於汾曲遣將攻平陽克之王氏曰自樂河以西皆汾曲也

萬歲宮

在汾陰故城內城西北二里即后土祠也漢武立祠并置宮於此時臨幸焉又有大寧宮在今城內東北隅宋真宗祀汾陰此其齋宮云

胡壁鎮

縣東三十里唐光化元年陝虢王珙引汴兵攻河中李克用遣李嗣昭救之敗汴兵於胡壁鎮汴兵走還朱梁乾化二年朱友珪弒全忠朱友謙以河中附晉友珪遺康懷貞等攻之屯於河中城西晉將李存審等救友謙敗梁兵於胡壁是也金志萬泉有胡壁鎮蓋與萬泉接界矣

猗氏縣。州東北百二十里。里南至解州六十里。東南至夏縣七十里。古鰲圖地。後爲晉令狐地。漢置猗氏縣。屬河東郡。因猗頓所居而名。後漢及魏晉因之。後魏仍屬河東郡。西魏改曰桑泉。後周復舊。隋屬蒲州。唐因之。今編戶五十里。

猗氏城。縣南二十里。孔叢子魯人。猗頓適西河。大畜牛羊於猗氏之南。此即其所居也。漢置縣於此。高祖封功臣陳遼爲侯邑。水經注。猗氏縣南對澤。即猗頓故居。丁度曰。左傳所云。柳瑕之地。沃饒而近鹽。即猗氏也。後猗頓居此。用鹽鹽起富。漢因以猗氏

名縣。隋徙縣於今治。五代梁乾化三年。朱友珪遣將攻朱友謙於河

中。晉王存勳馳救。却梁軍。頓於猗氏。即今縣也。今故城俗名王寮。邨。

令狐城。縣西十五里。晉邑也。左傳僖二十四年。晉文公從秦反國。濟河圍令狐。又文七年。晉敗秦於令狐。至於剗首。關闕曰。令狐即猗氏地。今其處猶名狐邨。又縣北有盧柳城。秦送重耳入晉。圍令狐。晉軍廬柳即是城也。

涑水。縣南六里。自安邑縣流入界。又西入臨晉縣境。○鹽池在縣東。南。接解州境。志云。池近猗氏故城南。故杜預曰。猗氏有鹽池。

神羌堡。縣東北十五里。蛾眉坡上。志云。鄂禹圖安邑。定河東。嘗駐師於此。

萬泉縣。州東北百九十里。東至絳州稷山縣九十里。漢汾陰縣地。唐武德三年。置萬泉縣。初屬秦州。尋屬絳州。大順二年。改屬河中府。宋因之。金末改屬榮州。元復故。今編戶三十七里。

薛通城。即今縣治。志云。後魏主蕭始光初。赫連勃勃東侵河外。汾陰人薛通率宗族十餘家於縣東八十里。築城自固。因名薛通城。唐初置縣於此。以城東谷中有泉百餘區。因名曰萬泉。

孤山。縣西南十里。一名介山。以亭然孤峙。不接他山也。山之南麓。接猗氏縣界。唐十道志。河東道名山曰介山。其山高三十里。周七十里。漢武帝用事介山。即此。後周保定初。章孝寬築城於玉壘。以北。齊人至境上。會夜。孝寬使汾水以南傍介山。覆山諸邨皆

縱火齊人以爲軍營收兵自固版築蓬集所謂介山亦卽此山也或又譌爲
縣山西半隅有熾泉南麓有雙泉又有桃花洞東谷又有暖泉流爲東谷澗

東谷澗 在縣南自孤山東谷中發源北流入里
入於沙澗又東北入稷山縣注於汾水

河津縣

州東北二十里西北至吉州百二十里古耿邑殷王祖乙嘗都此後爲耿國春秋時屬晉秦置皮氏縣二漢屬河東郡魏晉
屬絳州元和中改曰河中府宋因之宣和初改曰河
津縣金貞祐中改屬榮州元復舊今編戶三十四里

龍門城

今縣治戰國魏皮氏邑也志云皮氏城在今縣西一里秦惠文君九年渡河取汾陰皮氏梁襄王六年秦取我汾陰皮氏
竹書襄王十二年秦公孫爰帥師圍我皮氏翟章帥師救之十三年城皮氏又梁哀王十二年秦來伐我皮氏未拔而解後
爲皮氏縣漢河東守番系請穿渠引汾水以溉皮氏是也後魏始改皮氏縣爲龍門蓋因山以名縣陸澄曰河東龍門城西對夏
陽之龍門山後魏置龍門鎮於此孝昌三年以薛修義爲龍門鎮將永熙末高歡破潼關屯華陰龍門都督薛崇禮以城降歡卽
是城也隋大業十一年李淵爲山西河東撫慰大使擊破賊帥毋端兒於龍門十三年淵起義師克絳郡遂至龍門唐武德二年
劉武周將宋金剛逼絳州陷龍門調露初以突厥降部背叛遣將屯龍門以備之開元二年置倉於此曰龍門倉城蓋濱河要口
矣宋因改曰河津通志元皇慶初舊縣爲河所圯
因移治西北一里明朝景泰初因元城修築云

萬春城

縣東北四十里宇文周建德四年章孝寬陳伐齊三策請於三鴟以北萬春以南廣事屯田預爲積貯時蓋置鎮於此自此
南至河南魯山縣之三鴟鎮皆與齊分界處也唐武德五年析龍門置萬春縣屬秦州貞觀十七年省入龍門縣○耿城在

縣南十二里。殷王祖乙所都。史記祖乙遷邢。司馬貞曰。邢音狄。即狄也。周爲狄國。晉獻公滅之。以賜大夫趙夙。郡志縣東一里有狄鄉。城。

龍門山。縣西北三十里。卽大禹所鑿處。河經其中。一名孟門。吳起曰。殷紂之國左孟門。是也。水經注。龍門上口在北屈縣西。所謂孟門也。龍門下口在皮氏縣西北。今與陝西韓城縣分界。山下有湧泉。其東麓有瓜谷。西麓有遮馬谷。皆導泉成渠。有灌漑之利。下流入黃河。山頂又有石澗。相傳

文中子隱居處也。今詳見陝西名山。

黃河。縣四十里。自吉州流入界。經龍門山下。有禹門渡。道出韓城。又南經縣西。曰黃河渡。亦與韓城分界。又南流入榮河縣境。

汾河。在縣東南三十里。自稷山縣流入界。志云。縣東南二十八里有黃都渡。縣南八里有修福渡。蓋皆汾河渡口也。又西南流入榮河縣界。

十石壩渠。縣東南二十三里。唐貞觀二十三年。縣令長孫恕鑿。溉田良沃。畝收十石。因名。又縣西二十一里。有馬鞍塢渠。亦恕所鑿也。又縣北三十里有瓜谷山堰。唐貞觀十年所築。堰瓜谷水。溉田。今皆廢。

龍門關。在縣西北龍門山下。後周所置。唐因之。關下卽禹門渡也。志云。縣北三十里有禹門渡。巡司。洪武三年置。今亦見韓城縣。

岸頭亭。在縣南。古岸門也。史記。秦孝公二十四年。與晉戰岸門。蹇其將魏錯。又惠文王後十二年。敗韓於岸門。斬首十萬。魏世家。哀王五年。秦使樛里子伐我。曲沃。走犀首。岸門。劉向曰。皮氏有岸頭亭。是也。漢武封衛青校尉張次公爲岸頭侯。卽此。

冀亭。在縣東。古冀國也。左傳僖二年。晉荀息曰。冀爲不道。杜預曰。冀在皮氏縣東。又曰。季過冀野。見卻缺縛。今縣東十五里有如賓鄉。卽其地也。戰國策。蘇代說燕王。秦下南陽封冀王。氏曰。封謂封陝。冀謂冀亭矣。○赤壁在縣北。劉淵據平陽時置戍處也。晉

太興初，斬畢盡誅劉氏，劉曜聞亂，自長安赴之，軍於赤壁，水經注：皮氏縣西北有赤石川，蓋置壁壘於此，因名。

附見

蒲州守禦千戶所

解州。府西南三百四十里，南至河南陝州百五十里，西南至陝西華州二百四十里，西至蒲州百二十里。

春秋時晉地，戰國屬魏，秦為河東郡地，兩漢及魏晉因之，後魏仍為河東郡地，隋唐為蒲州地，五代漢乾祐初始置解州，宋因之，金仍為解州。金志：初置解梁郡軍，尋罷為陝郡，貞祐三年又升為寶昌軍，興定四年徙治平陸，元復故。元改屬平陽路，明初以州治

解縣省入，編戶三十一里，領縣五。

州面石門而背鳴條，外控底柱之險，內擅鹽池之利，河東奧區也。國賦考：解鹽歲額凡四十二萬引，都轉鹽運使駐於河東。戰國策：秦有安邑，則韓必無上黨，三晉之禍，蓋始於失河外，而成於亡安邑。

廢解縣。今州治漢解縣地，後魏太和初析置安定縣，屬河東郡，西魏改曰南解，又改曰綏化，尋曰虞鄉，隋因之，屬蒲州，唐初改為解縣，屬虞州，貞觀十七年省，二十二年復置，仍屬蒲州，五代漢為解州治，宋以後因之，明初省，今州城周九里有奇。

白城。在州西北。春秋時晉大夫臼季邑。亦謂之曰襄。左傳僖二十四年。晉文公入取曰襄。杜預曰。在解縣東南。蓋謂臨晉縣之舊解縣也。今屬州境。

檀道山。州南五里。與中條山相連。山嶺參天。左右壁立。間不容軌。謂之石門。凡百梯纜可上。亦曰百梯山。東嶺出泉。澄淨爲池。謂之天池。上有益漿。俗名止渴泉。山海經。高前之山。其上有水。甚寒而清。謂之帝臺漿。郭璞以爲卽檀道山所出泉也。有聖女崖。

亦曰玉女溪。志云。檀道山路通河南。寶津渡。寶津卽涇津也。見芮城縣及河南鹽寶縣。

石錐山。在州西南五里。卽中條之支峯也。或以爲雷首山。五代志。河東郡虞鄉縣有石錐山。魏主詔武泰初。蕭保寅據關中以叛。正平民薛修義等攻圍蒲坂以應之。魏遣長孫稚等討保寅。行至恆農。遣行臺左丞楊侃分兵北渡。據石錐壁。侃因以計悉降。

修義之衆。卽此山也。

白徑嶺。在州東南十五里。中條山之別嶺也。路通陝州大陽津渡。志云。由檀道山陡徑出白徑嶺。趨陝州。卽石門白梯之險也。唐至德二載。郭子儀復河東。賊將崔乾祐走安邑。復自白徑嶺亡去。朱梁乾化三年。朱友謙以河中降晉。梁軍攻之。晉王存勳自將救之。過梁軍於解縣。大破之。追至白徑嶺而還。

將救之。過梁軍於解縣。大破之。追至白徑嶺而還。

黃河。州南九十里。自芮城縣流入界。又東南入平陸縣界。河南岸則陝州鹽寶縣境也。

鹽池。州東三里。接安邑縣界。其鹽不勞人力。自然凝結。盛於夏秋。殺於冬春。國賦邊儲所資。甚大。又有女鹽城。亦曰硝池。在州西北十五里。池分爲六。有鹹淡之異。今俱詳見大川。

濁澤

括地志出解縣東北平地即涿水也涿音濁史記趙成侯六年伐魏取濁澤又魏世家襄王初立韓釐侯趙成侯合兵伐魏戰於濁澤大破之遂圍魏是時魏都安邑或以爲河南之濁澤誤也今澤

姚暹水

州北十五里即永豐渠也自安邑縣流入又西入臨晉縣界宋國史天聖五年詔陝西漕臣脩永豐渠自後魏正始四年都水校尉元清引中條山下平坑水爲渠西入黃河以運鹽名曰永豐周齊間廢隋大業中都水鹽姚暹澆渠自陝郊西入解縣民賴其利唐末湮沒鹽運大艱至是殿直劉逸請開濬自解州安邑至蒲州白家場通舟運鹽漕臣王博文以爲便遂澆之公私果利今仍曰姚暹渠○尉斗陂在州西二十里郡國志魏正始中穿以繫船今廢形似尉斗因名

長樂鎮

州南十里鹽池上有巡司又紫泉監在州南唐志乾元元年置監有銅穴十三後廢○石門志云自州東南白徑嶺踰中條山通陝州道山嶺參天左右壁立間不容軌謂之石門

安邑縣

州東五十里東北至夏縣五十里故夏都也春秋時屬晉戰國爲魏都後入於秦秦爲安邑縣河東郡治焉兩漢及魏晉因之後魏太和十一年置安邑郡尋改縣爲北安邑縣又改郡爲河北郡縣屬焉隋仍爲安邑縣開皇十六年置虞州大業初州廢縣屬河東郡義寧初復置安邑郡唐武德初改置虞州貞觀十七年州廢縣屬蒲州至德二載改縣曰虞邑乾元初改隸陝州大曆四年復故名元和三年仍屬河中府五代漢改屬解州宋因之今編戶九十五里

安邑故城

縣西二里皇甫謐云舜禹皆都於此春秋時魏絳徙安邑又魏武侯二年城安邑戰國策城渾曰蒲坂平陽相去百里秦人一夜襲之安邑不知史記秦孝公八年衛鞅將兵圍安邑降之魏世家惠王三十一年秦地東至河安邑近秦於是徙都大梁秦紀昭襄二十一年左更錯攻魏魏獻安邑始置河東郡後漢初平二年關東諸軍討董卓卓使牛輔分軍屯安邑或謂之魏豹城志云城本魏文侯所築漢初魏豹居此遂以豹名城南有韓信溝又蒲州城北亦有魏豹城相傳豹藏兵以拒韓

信

司鹽城

縣西二十里。括地志。故鹽氏城也。秦紀。昭襄王十一年。齊韓魏趙宋中山共攻秦。至鹽氏而還。漢有司鹽都尉治此。因名司鹽城。或曰。唐大歷中。於縣西南三十里置鹽池。因築城於此。今其地亦名路村。河東陝西都轉運鹽司署在焉。○興樂廢縣。

在縣南。唐武德三年。析安邑縣置。屬泰州。貞觀初省。又崑尤城志云。在縣西南十八里。縣東南又有襄室城。金將婁室陷河東時所築也。

中條山

縣南三十里有石槽泉。出其中。曰青石泉。流經縣東。引以溉田。下流注於涑水。又有銀谷。在山中。隋志。縣有銀冶。唐大歷中亦嘗置冶於此。○玉鈞山在縣東北二十里。其山東西連亘十里。狀如玉鈞。下有玉鈞泉。

鳴條岡

縣北三十里。括地志。高渾原在安邑縣北。其南坂口。即古鳴條陌岡之北。與夏縣接界。或云舜所葬也。孟子曰。舜卒於鳴條。尙書大傳。伊尹相湯伐桀。戰於鳴條。即此。又虞坂志云。在縣南二十里。以舜嘗都此。而名。俗名青石槽。○高侯原在縣東十

七里。晉咸和三年。石勒遣石虎攻蒲坂。劉曜馳救。虎引退。曜追及之於高侯。大破之。杜祐曰。高侯原在閩喜縣北。

涑水

在縣北。自夏縣流入界。即絳水下流也。戰國策。絳水可以灌安邑。是也。又西流入猗氏縣境。○華谷水在縣西南四十里。自夏縣流經縣界。又西入蒲州界。或譌爲華谷水。

鹽池

在縣西南二十里。所謂安邑鹽池也。與解池爲二。詳見前。

苦池

縣東北二十里。姚暹渠自夏縣合衆渠之水。匯流於此。亦名苦池灘。又西入解州境。○龍池在縣南二十里。與鹽池相近。一名黑龍潭。姚暹渠漲溢。往往自苦池灌注於此。池不能受。衝入鹽池。今爲堰以防之。曰黑龍堰。今亦詳見鹽池。又淡泉在縣西南

十八里。鹽池之北。他水皆鹽。此泉獨淡。亦曰甘泉。

龍池宮

在縣南龍池上。唐開元八年置。尋廢。又昆吾亭。志云。在縣西南一里。昆吾。即助桀拒湯。先伐之者。○聖惠錄。在縣西南二十里。鹽池。上有巡司。

夏縣

州東北百里。南至平陸縣九十里。本漢安邑縣地。後魏太和十一年。別置南安邑縣。後周改為夏縣。置安邑郡。隋郡廢。尋屬虞州。大業初。屬河東郡。唐武德初。仍屬虞州。二年。縣民呂崇茂據縣叛。自稱魏王。裴寂討之。為所敗。貞觀十七年。屬絳州。大足元年。改

屬陝州。尋還屬絳州。乾元三年。仍屬陝州。

宋因之。金改屬解州。今編戶六十六里。

夏城

縣西北十五里。相傳禹建都時築。一名禹王城。城內有青臺。高百尺。或謂之塗山氏臺。孔氏曰。夏縣東北十五里有安邑故城。

巫咸城

縣南五里。相傳殷巫咸隱此。亦曰巫咸頂。一名瑤臺頂。下有谷。亦曰巫咸谷。水經注。鹽水流經巫咸山北。是也。○穉山在縣西北七十里。石碓郭。即峨眉坡高阜也。

柳谷

縣北五里。中條山中。唐貞觀十一年。幸柳谷觀鹽池。又貞元中。陽城以學行者。開隱居柳谷之北。是也。

涑水

縣西四十里。自聞喜縣流入。郡縣志。涑川在縣境。東西三十里。南北七里。即呂相絕秦所云。伐我涑川者。又西南入安邑縣界。

姚暹渠

在城南。中條山北之水。引流為渠。縣北十里。有橫洛渠。縣東十里。又有李綽渠。皆中條山谷諸水所導流也。匯流而南。入於安邑之苦池灘。○青龍河在縣北三十里。志云。以河流屈曲如盤龍。而名。下流合於涑水。

湧金泉

縣西南十五里。西入安邑之黑龍潭。相傳鹽池得此水始凝結。○皇川志云。在縣東南五十里。中條山內。相傳夏后避暑離宮之所。

高顯成。縣北後周建德五年周主邕自長安救晉州至高顯胡氏曰高顯與陳川相近。

開喜縣。州東北百二十里北至絳州七十里春秋時晉之曲沃地秦改爲左邑屬河東郡漢武帝經此開破南粵因置開喜縣仍屬河東郡後漢及魏晉因之後魏置太平郡於此後屬正平郡隋初郡廢縣屬絳州唐因之宋屬解州今編戶六十六里。

左邑城。在縣東春秋時之曲沃也杜預曰曲沃晉別封成師之邑在開喜縣是也桓八年曲沃滅翼莊二十六年獻公自曲沃徙都絳二十八年使太子申生居曲沃亦謂之新城又謂之下國僖十年狐突適下國遇太子又太子謂狐突曰請七日見我於

新城西偏即曲沃也又襄二十三年齊納晉欒盈於曲沃戰國策周顯王四十六年秦伐魏取曲沃又魏王元年秦復伐魏取曲沃而歸其人秦謂之左邑水經注左邑故曲沃詩所謂從子於鵠者也漢元鼎六年分左邑縣地置開喜縣東漢罷左邑移開喜

縣治焉建安初車駕還洛陽自安邑幸開喜後周移縣治今絳州之柏壁隋移治甘谷蓋縣治今縣東二十里有甘谷口甘泉出焉即其地也唐復移治桐鄉故城五代時移今治

周陽城。縣東二十九里漢文帝元年封淮南王舅父趙兼爲侯邑於此志云縣東北三十五里有避暑城相傳晉獻公所築○燕熙城在縣北晉太元十一年西燕慕容容等引軍自臨晉而東至開喜開慕容垂已稱

尊號不敢進築燕熙城居之即此

湯山。縣東南三十里以上有成湯廟而名山產銅唐鑄銅冶於此寰宇記縣東南十八里有景山即山海經所云南望鹽澤者又縣東南九十里有小橫嶺山接絳縣界絳縣有大橫嶺故此曰小也山下有三泉並出流爲白石河下流注於涑水○華谷在縣

東水經涑水出開喜縣東山黍稷谷鄒道元曰涑水所出俗謂之華谷後周章孝寬請築城於此以防高齊處也今見稷山縣

涑水。

在縣南。志云源出絳縣橫嶺山乾洞。伏流盤東地中而復出。西流經縣東。合甘泉引爲四渠。曰東外。喬寺。觀底。葵薛。激田。百有二十八頃。西流經夏縣界。下流入於黃河水。經注涑水出縣東華谷。至周陽與洸水合。左傳子產曰。臺駘汾洸之神也。司馬彪

曰。洸出聞喜。亦涑水之兼稱矣。後周建德四年。周主知河東涑川。明年

克晉州。留兵戍守。齊人攻晉州。急命宇文憲屯涑川。爲聲援。蓋在縣界。

乾河。

在縣東北。郭璞曰。縣有乾河口。但有故溝。無復水也。水經注。教水出垣縣北。教山。世謂之乾澗。其水南歷鼓鐘川。分爲二澗。一澗西北去百六十里。山岫回阻。繞通馬步。卽聞喜東北之乾河口也。秦紀。白起取韓安邑之東。到乾河。卽此。

董澤。

縣東北三十五里。水經注。董水西經董澤。陂南。陂東西七里。南北三里。春秋文六年。晉蒐於董。又宣十二年。廚武子曰。董澤之蒲。可勝既乎。杜預曰。河東聞喜東北有董澤。陂中產楊柳。可以爲箭也。一名董氏陂。又名象龍池。卽舜封董氏象龍之所。其

地出泉。名董泉。民引

以溉田。流入涑水。

沙渠。

在縣東南三十五里。唐會要。儀鳳二年。詔引中條山水於南陂下。西流經十六里。激涑陰田。謂之沙渠。今埋。○冷泉在縣東四十里。又有溫泉。一出縣東南胡邨。一出官莊邨。俱引渠灌田。流入涑水。

黃蘆泉。

縣東三十里。南流激田入浮水。又府東二十五里。臥虎岡下。亦有此泉。

含口。

在縣東南。亦曰含山路。水經注。洸水源出聞喜縣青野山。世以爲青囊山。其水東徑大嶺下。西流出山。謂之含口。又西合於涑水。唐大順初。張澤攻河東。爲李克用所敗。走保晉州。復自含口遁去。踰王屋。從河陽渡河。還長安。天復中。朱全忠謀取河中。遣

張存敬將兵自汜水度河。出含山路。

魏絳州絳州出不意。遂降於全忠。

龍頭堡。縣東北二十八里。寰宇記。後周正平郡及開喜縣實理於此。

平陸縣

州東南九十里。南去河南陝州五里。東北至絳州垣曲縣百八十里。春秋時虞國地。後爲晉地。戰國時魏地。漢爲大陽縣地。屬河東郡。後漢及魏晉因之。後魏屬河北郡。後周廢大陽縣。改置河北縣。并置河北郡治焉。隋初郡廢。縣屬蒲州。唐貞觀初。改屬陝州。天寶初。因開漕。得古刃。篆文曰平陸途。改今名。宋因之。金改屬解州。今編戶六十六里。

大陽城

在縣東五十里。應劭曰。吳山在其西。是也。漢置縣。以在大河之陽而名。光武初。鄧禹圍安邑。數月未下。更始將樊參等度大陽。欲攻禹。禹逆擊於解南。斬之。興平二年。帝自陝渡河。至大陽。御牛車幸安邑。後魏屬河北郡。後周改縣爲河北縣。移於今治。杜佑曰。大陽。春秋時北虢所都。似誤。

時北虢所都似誤。

虞城

縣東北四十五里。史記。武王封周章弟虞仲於周之北故夏墟。是爲虞仲。司馬貞曰。夏都安邑。虞在其南。故曰夏墟。應劭曰。吳山上有虞城。周武王封泰伯後於此。爲晉所滅。亦曰吳城。秦昭王五十二年。伐魏取吳城。卽此。又有茅城。在縣東南。茅津上。春秋時晉邑也。亦曰茅亭。○鄆城在縣東北二十里。春秋時虞國之鄆邑也。左傳。僖二年。晉荀息曰。冀爲不道。入自顛輪。伐鄆三門。杜預曰。前此冀伐虞至鄆也。其城周四里。亦謂之鄆塞。

下陽城

在大陽故縣東北三十里。春秋時虢邑也。僖二年。虞師晉師滅夏陽。穀梁傳。虞虢之塞邑。晉獻公假道于虞。以伐虢。取其下陽。以歸。賈逵曰。虞在晉南。虢在虞南也。元至正十六年。察罕帖木兒自陝州追汝穎賊至安邑。賊還欲度河而南。察罕扼之於下陽。赴水死者甚衆。賊乃遁去。

底柱山。在縣東南五十里。亦曰三門山。亦曰底柱峯。邑志：底柱六峯皆在大河中流。最北有兩柱相對，距岸而立，所謂三門也。次於其南有孤峯特起，峯頂平闊，禹廟在焉。其西有立石數枚，圓如削成，復次其南有三峯，東曰金門，中曰三堆，西曰天柱。大河

滯激於羣峯間，南折而東出，兩崖夾水，壁立千仞。天下之奇觀也。與河南陝州接界，詳見河南名山。

虞山。在縣東北五十里。亦曰吳山。以山有秦伯廟也。亦曰虞阪。即中條之支阜。左傳謂之顛輪。水經注：顛輪在傳巖東北十餘里。東

西絕澗於中，築以成道，指南北之路，謂之輪橋。橋之東北曰虞原。原上道東有虞城，其城北對長坂二十餘里，謂之虞坂。亦即傳說所築處矣。戰國策：楚客謂春申君：昔騏驎駕鹽車上吳坂，遷延負轅而不能進，即此處也。魏孝昌末，正平民薛修義圍河東，薛鳳賢據安邑，以應蕭寶寅，詔遣宗正珍生討之。珍生守虞坂，不敢進，即此坂自上及下七山相重。

卑耳山。在縣東，齊語作壁耳。桓公縣車東馬踰太行，與壁耳之谿拘夏。史記：齊桓公曰：東馬縣車，登太行，至卑耳山而還。正義：卑音

此下有清澗，即由洗耳處。又覆釜山，亦在縣東北。唐志：縣有懸窓穴，有銀穴三十四，銅穴四十八，在覆釜三錐五岡雲分等山。三錐山見垣曲縣界。

傳巖。縣東三十五里。即殷相傳說隱處。俗名聖人窟。其地亦曰隱賢社。孔安國曰：傅氏之巖。在虞虢間，通道所經，有澗水壞道，常使胥靡刑人築護之，說賢而隱，代胥靡築以供食，故曰說築傳巖之野。史記亦作傳險。○閭原在縣西六十里，俗呼讓畔城。至今

其田民無畔者，即虞芮質成於文王之田也。其原東西七里，南北十三里，西去今芮城亦六十里云。

黃河。在縣城南，自芮城縣而東，至是微折而南，至縣東南三十五里，傳巖前有茅津渡，亦曰大陽渡。又流經縣東五十里，經底柱峯，曰三門集津，又流經縣東南百二十八里，曰白浪渡。皆黃河津濟處也。今茅津白浪皆有巡司戍守，又茅津詳見陝州大陽津。

交澗水。出縣西北五里中條山，東西二溝，流與中澗合，俗名三澗。流注於河。○沙澗在縣東三十里，出傅殿中，運大陽故城，東流注於河。

留莊隘。在縣東北中條山，中路通垣曲縣。○塢鄉在縣西，後漢建安元年，帝駐安邑，諸將韓暹、屯閻喜、胡才、楊奉、屯塢鄉，卽此。

張店鎮。在縣西北，唐乾寧四年，陝虢王珣攻河中王珂，李克用遣將李嗣昭救之，敗陝兵於猗氏，又敗之於張店，遂解河中之圍。金人對境，圖張店，平陸所屬鎮也。○金雞堡在縣南二里，有金雞岡，其頂高峻，前臨黃河，昔人因置堡於此，爲戍守處。

芮城縣。州西南九十里，南至河南靈寶縣二十里，古芮國，春秋時魏國地，後屬晉，漢爲河東郡，河北縣地，西魏置安戎縣，後周改曰芮城，又置永樂郡於此，隋省郡，縣屬蒲州，唐初置芮州，貞觀初州廢，縣屬陝州，宋因之，金改屬解州，今編戶四十里。

古芮城。縣西三十里，商時芮伯封此，與虞爲隣國，文王爲西伯，虞芮質成，是也。周時芮爲同姓國，其封地在今陝西同州，春秋桓三年，芮伯萬爲母所逐，出居於魏，謂卽此城云，今名鄭鄉。

河北城。在縣東北七里，一名魏城，故魏國城也，晉獻公滅之，以封其大夫畢萬，漢置河北縣，魏晉皆屬河東郡，姚秦置河北郡，於此，後魏因之地，記郡治大陽，河北縣仍治此，後周改置河北郡於大陽，此城遂廢，漢志注，河北縣卽古魏國是矣。

首陽山。縣北十五里，北與蒲州接界，郡國志，薄山在縣城北十里，以其南北狹薄，謂之薄山，卽中條之異名也，封禪書，自華以西南，西名山七，薄山其一也，水經注，薄山亦名襄山，詳見前名山雷首。○甘棗山在縣東北二十里，亦中條山之支阜也。

大河。在縣南，又縣西亦距河，相去不過二十餘里，縣居河山之間，最爲迫狹，亦謂之河曲，晉義熙十三年，劉裕伐秦，前鋒檀道濟等至潼關，薛帛據河曲來降，卽此，舊志云，河水自蒲坂南至潼關，激而東流，蒲坂潼關之間，謂之河曲也。

恭水。在縣北二十里，源出甘棗山，流入大河。○永樂澗在縣西，水經注，澗水源出薄山，南經河北縣城西，又南注於河，後周永樂郡蓋因以名，今謂之蒲菴澗，在縣西三十里，又大安池，在縣南十五里，引以溉田，下流入河。

涇泉。縣東北三十五里。出中條山。南入大河。一名涇澤。其入河處。謂之涇津。渡達河南靈寶縣。郡志云。涇津一名寶津。亦名陌底渡。

在芮城縣東南四十里。王邛洪武四年置巡司。九年移于縣南七里。今詳靈寶縣寶津。○通澤泉在縣東八里。流合縣西北

十三里之地皇泉。又鹿跑泉。在縣東

北八里。一名淡靜泉。俱有灌溉之利。

萬壽堡。縣西北八里。志云。周顯王時。芮民西接于秦。葺此堡以自守。廢址猶存。又太尉堡。在

縣東南十五里。志云。劉世讓嘗屯兵于此。本名鳳凰堡。芮民呼世讓為太尉。因名。

襄邑堡。在縣東。晉義熙十三年。劉裕遣諸軍伐姚秦。進抵潼關。檀道

濟沈林子。自陝北度河。拔襄邑堡。括地志。襄邑堡在河北縣。

絳州。府南百五十里。東至澤州四百五十里。東南至河南府五百里。南至河南陝州二百五十里。西南至蒲州三百七十里。西至陝西同州四百十里。西北至吉州二百七十里。

春秋時為晉國。戰國屬魏。秦漢屬河東郡。魏晉屬平陽郡。後魏置東雍州及正平郡。東魏及高齊因之。

皆為重鎮。後周亦曰正平郡。改州為絳州。隋初郡廢。仍曰絳州。大業初。改為絳郡。唐復曰絳州。天寶初

曰絳郡。乾元初復故。宋因之。亦曰絳郡。金仍為絳州。又置絳陽軍節度。興定二年。升為晉安府。元復曰絳州。

明初以州治正平縣省入。編戶五十二里。領縣三。

州控帶關河翼輔汾晉據河東之肘腋爲戰守之要區馬燧拔此而懷光危唐興元初河東帥馬燧攻李懷光拔絳州分兵取聞喜萬泉處鄉

氏永樂進光化四年朱溫先取晉絳以扼河東援兵之路河中遂陷朱溫扼此而王珂陷五代周備此而河東却周廣順初北漢合契丹兵攻晉州周主遣王峻馳救峻自陝州至絳

逼河中

北漢乃引兵趨郡宋建炎中金人屯絳州金人屯此而關中傾所繫非淺矣

正平廢縣今州治晉故絳地漢爲河東郡臨汾縣地後周改置臨汾縣亦爲正平郡治隋開皇初郡廢十八年改縣曰正平大業初爲絳郡治唐宋因之明初省今城周九里有奇

柏壁城州西南二十里其城高二丈周八里後魏置東雍州治焉後周置絳州初亦治此唐初劉武周及其將宋金剛陷并澧等州世民進討自龍門渡河屯柏壁大破其別將于美良川或曰美良川在城東北今柏壁鎮有秦王堡亦以世民而名也

長脩城在州西北二十一里漢置長脩縣屬河東郡高帝二年封杜恬爲侯國後漢省水經注汾水經臨汾縣東又屈從縣西南流又西過長脩縣南又西與華水合後周天和五年章孝寬虜齊人將圖汾北請於華谷長秋築城以杜其患宇文護不聽汾

北果爲齊所據長秋長脩之譌也今名長秋鎮近志作晉靈公城謬○陽靈城在州西九域志州有陽靈城史記周安王元年秦伐魏至陽狐或以爲卽此地

九原山州西北二十里春秋晉諸大夫葬此趙文子與叔向觀于九原是也晉義熙十三年劉裕伐秦前鋒檀道濟等攻潼關秦將姚紹據險拒守遣兵屯九原阻河爲固欲以絕道濟糧援沈林子擊破之亦謂之九京

峨眉在州南十里志云山迤邐連聞喜夏猗氏臨晉榮河諸縣界西抵黃河東抵曲沃西境亦曰峨眉坡亦曰峨眉原卽中條之坡阜也○哺雞坡在州北六里卽趙宣子食駢桑餒人處

汾水。在州南。自曲沃縣流入境。又西入稷山縣界。水經注。汾水南至臨汾縣東。又屈從縣南西流。謂之汾水也。唐德宗時。州臣嘗鑿汾水灌田萬三千餘頃。

澮水。在州東南四十里。亦自曲沃流入境。至州南之王澤。合於汾水。春秋晉平公。齊景公。至澮上。即此。括地志。王澤在州南。智伯攻趙襄子。奔晉陽原。過後從。至於王澤。即其地。爲絳州。隋初移於正平。此城遂廢。

華谷城。縣西北二十里。水經注。澮水出開喜縣黍苗谷。謂之華谷。又有華水。出華谷中。西流與汾合。後周天和五年。韋孝寬在勳州。請築華谷。長秋二城。以杜齊人爭汾北之路。不聽。既而齊將斛律光爭汾北。出晉州道於汾北。築華谷龍門二城。與周人相

持。此即斛律光所築者。建德五年。圍晉州。分遣宇文招。自華谷攻齊汾北諸城。是也。今名華谷。郛。

龍門城。在縣北。即高齊斛律光所築以爭汾北者。五代志。稷山縣有後魏龍門郡城。蓋縣本後魏龍門縣地也。又高涼城。在縣東南三十里。後魏太和中。分龍門縣置高涼縣。後又置高涼郡。領高涼龍門二縣。西魏又改置龍門郡。高涼屬焉。隋遷縣治汾水

北。改曰稷山縣。或作高梁。誤也。○廉城在縣東北十里。相傳趙將廉頗戍守之地。今日曰廉城。郛。又高歡城。在縣西五里。高歡攻圍玉壁時所築也。又縣西三里有稷王城。亦周齊時戍守處。以稷王廟而名。

稷神山。縣南五十里。隋因以名縣。水經注。山下有稷亭。春秋宣十五年。晉侯治兵於稷。以略狄土者也。山東西二十里。南北三十里。高三十三里。相傳后稷始播穀於此。志云。山之麓跨萬泉。安邑。聞喜。夏縣界。

摩雲山。在縣西。唐史。河中絳州之間。有摩雲山。山絕高。民保聚其上。寇盜無能近。龍紀初。澤州帥李季之攻拔之。時人謂之李摩雲。

○青原在縣西北二十里。春秋傳三十一年。晉蒐於清原。作五軍以禦狄。又宣十二年。赤狄伐晉。及清原也。又成十八年。晉逆周子於京師而立之。大夫逆於清原。杜預曰。在聞喜縣北。寰宇記。安邑縣北五十里有清原也。○龍谷水在州東北十八里。春秋昭二十九年。龍見於絳郊。水因以名。又馬壁谷水在州南。宋國史。熙寧八年。都水監程師孟言。正平縣南有馬壁谷水。臣向嘗

勸民開渠溉田五百餘
頃是也下流俱入汾水

鼓堆泉

州北十五里出九原山其上有堆如覆釜形種之如鼓聲水分二派東曰清泉西曰灰泉引入州城以注於汾水
水經注謂之古水其堆亦曰古堆唐初義帥克陁陁進次古堆絳郡守陳叔達不下高祖攻拔之或謂之鼓山

武平關

州西二十里北齊時屯兵於此以防周通典州南七里有故家雀關亦周齊時戍守處也
○汾陽監在州北唐食貨志絳州有汾陽銅源等錢監天下爐九十九絳州居其三十三云

稷山縣

州西五十五里東北至太平縣百里西至蒲州萬泉縣九十里漢聞喜縣地後魏置高涼縣屬高涼郡西魏屬龍門郡隋開皇初郡廢十八年改縣曰稷山屬絳州唐因之光化初改屬河中府宋仍屬絳州今編戶七十三里

玉壁城

縣西南十三里西魏大統四年東道行臺王思政以玉壁險要請築城自恆農徙鎮之宇文泰從之因以思政爲并州刺史
鎮玉壁八年高歡伐魏入自汾絳連營四十里思政守玉壁以斷其道歡攻圍之不能克十二年章孝寬代思政鎮玉壁高

歡自郡會兵於晉陽至玉壁圍之以挑西師不出歡百計攻圍晝夜不息孝寬隨機拒守歡用術士孤虛法聚攻其北北天險也
智力俱盡卒不能拔周保定初置勳州於此以旌孝寬之功後又嘗移絳州治此通釋玉壁城周八里四面並臨深谷後周置勳

州總管府又改一統志縣有清源城晉文公蒐作五軍之所

汾水

在縣南十里自絳州流入境高歡圍玉壁城中無水汲於汾歡使移汾一夕而畢蓋於上流決水移之不使近城也汾水又西入河津縣界志云今縣西南十二里有玉壁渡元魏時於汾水北置關後爲渡其南又有景邨渡後徙而西北爲李邨渡夏秋

以舟冬爲木橋以濟○灑漉泉出稷神山北流入汾又縣北三里
有蘆泉縣西有碧水泉縣東北有白楊泉皆引流漉田注於汾水

文侯鎮

在縣西北高齊天保十年斛律光擊新周將曹回公柏谷城主薛禹生塞城走光遂取文侯鎮立柵置戍而還柏谷城或云亦在縣境非河南鄆師之柏谷也

絳縣

州東南百里北至曲沃縣九十里春秋時晉新田之地漢爲絳縣屬河東郡高帝六年封華無害爲侯國晉屬平陽郡後魏置南絳縣又置南絳郡治焉後周廢郡改縣爲絳縣尋置晉州建德五年州廢仍置絳郡隋初郡廢縣屬絳州唐初縣屬滄州尋復屬

絳州今屬

戶四十里

車箱城

在縣東南十里志云晉侯處羣公子之所城東西形長如車箱而名西魏大統五年嘗修此城爲戍守處又備置建州於此十二年高歡圖玉璧別使侯景將兵趨齊子嶺魏建州刺史楊標鎮車箱恐其寇郡帥騎禦之十六年宇文泰伐齊自宏

農爲橋濟河至建州卽此城也宋白曰絳縣本理車箱城隋移今治齊子嶺見河南濟源縣

○曲陽城在縣東南魏邑也漢初曹參追擊魏豹於曲陽卽此或曰在曲沃之陽故曰曲陽

太行山

縣東二十里山甚高峻西北諸山多其支委或謂之南山卽元末察罕敗賊處餘詳見河南名山○太陰山在縣東南十里崖壁峭絕陽景不到接連太行勢極高峻下有沸泉映懸流奔壑一十餘丈西北流注於澮水

絳山

縣西北二十五里山出鐵亦名紫金山蓋與曲沃縣接界志云絳山西入聞喜縣東距白馬山絳水出其谷內○橫山在縣南四十里東南跨垣曲縣界名大橫嶺志云澗水出嶺之乾洞伏流盤東地中至聞喜縣界始出而西流云

殺山

縣東南八十五里亦曰效山又譌爲單山卽山海經所云教山教水出焉者也孔穎達云乾河之源出於此山之南入垣曲縣界

絳水

在縣西南二十五里括地志絳水一名白水今名沸泉源出絳山飛泉奮湧注縣積壑三十餘丈望之極爲奇觀可接引以北灌平陽胡氏曰此正絳水利以灌平陽之說然括地志亦因舊文強爲附會耳志云絳水西流入聞喜縣爲澗水之上源○澮

河在縣東北四十里。地名大交。澗水別源出焉。西北流。會山谿。澗水至曲沃。會於冀城縣之澗水。

垣曲縣。

州東南二百三十里。西南至解州平陸縣百八十里。東至河南濟源縣百七十里。漢河東郡垣縣地。後魏皇興四年。置白水縣。爲郡。郡治後周兼置邵州。改縣曰毫城。隋開皇初。郡廢。大業初。州廢。改縣爲垣縣。屬絳郡。義寧初。曰邵原郡。唐武德初。置邵州。

貞觀初。州廢。縣仍屬絳州。龍朔三年。改屬洛州。長安二年。復故。貞元二年。又屬陝州。元和三年。還屬絳州。宋改爲垣曲縣。今編戶十九里。

垣縣城。

在縣西北二十里。故魏邑也。一名王垣。史記。魏武侯二年。城安邑。王垣。又秦昭襄十五年。大梁造白起。攻魏。取垣。復與之。十年。復取垣。漢置垣縣。後漢延平元年。垣山崩。即垣縣山也。徐廣曰。縣有王屋山。故曰王垣。亦曰武垣。曹參擊魏豹於曲陽。

追至武垣。生得豹。遂取平陽。博物記。山在縣東。狀如垣。故縣亦有東垣之稱。建安十年。寇張日騎之。乘攻東垣。晉太元十一年。符丕與慕容永戰於襄陵。大敗。南奔東垣。即此。或曰。魏白水縣。即故垣縣也。城東有白水。西南流合清水。故改爲白水縣。邵郡。郡州。皆治焉。西魏大統四年。楊標取邵郡。東魏城堡多附於魏。即此。五代志。後魏置建州於高都。西魏亦嘗僑置於邵郡。高都詳見澤州。

邵城。

在縣東。亦曰邵。博物記。垣縣東九十里。有邵之阨。春秋文八年。晉賈季迎公子樂於陳。趙孟殺諸郟。即邵也。又襄二十三年。齊侯伐晉。取朝歌。入孟門。登太行。張武軍於樊庭。戍郟。邵。孔穎達曰。垣縣有召亭。是也。宋白曰。其地即周召分陝之所。今

有邵原祠。在垣縣東六十里。古棠樹下。魏邵郡蓋因以名。○毫城在縣西北十五里。相傳湯克夏。歸亳。嘗駐於此。因名。後周以此名縣。隋義寧初。復置毫城縣。屬邵原郡。唐武德初。屬邵州。五年省。又有葛城。在縣西南夏里。相傳湯始征葛。即此。俗名葛伯。秦蓋傳謫也。或曰。史記。趙成王十七年。與魏惠王遇葛。此即葛城。

陽胡城。

在縣東南二十里近大河。亦曰陽壺。卽崎谷之北岸。春秋時謂之壺邱。魏元年。晉人以宋五大夫在彭城者。歸冀之瓠邱。杜預曰。河東之垣縣東南有壺邱亭也。亦曰陽壺。戰國周安王元年。秦伐魏。至陽壺。後魏時曰陽胡。魏書裴慶孫傳。郡治陽

胡城。去軹關二百餘里。魏主修永熙三年。與高歡有隙。將入關。使源子恭

守陽胡。蓋以防歡之邀截。西魏以邵郡爲重鎮。與高歡相持。亦卽陽胡矣。

清廉城。

縣西五十二里。後魏置。以清廉山爲名。隋義寧初。復置。屬邵原郡。唐武德初。屬邵州。貞觀初。省入垣縣。又蒲原廢縣在縣東。後周置。大業初。省。唐武德二年。改置長泉縣。屬懷州。尋廢。○畢落城在縣西北六十里。水經注。清水東流。經畢落城。卽春秋

閔二年。晉侯伐東山。畢落氏處。世謂之倚

堯城。蓋聲相近。今亦見前樂平縣畢落山。

王屋山。

在縣東北百里。接河南濟源縣及澤州陽城縣界。沈水出焉。志云。縣東十里有濟源山。或以爲濟水源。出此山之陽也。今王屋山詳見濟源縣。

三錐山。

在縣北六十里。三峯如錐。舊產銅。其相近者有鼓鐘山。或曰響塚山也。相傳響賸葬處。又折腰山。在縣西北七十里。中低兩

峽。峽左右有城。蓋古關防云。又西北有白馬山。與絳縣接界。○鋸齒山在縣東北十五里。以山峯錯列

而名。又諸馮山在縣東北四十里。孟子云。舜生諸馮。蓋卽此。又東北有馬頭山。白水出焉。流合於清水。

黃河。

縣南二十里有濟民渡。南岸直河南新安縣北界。志云。河自平陸東流入縣東。又東南入河南濟源縣境。是也。

清水。

在縣西。源出清廉山。東南流。白水合焉。又東南入於大河。水經注。白水徑垣縣故城北。又東南徑陽壺城東。又東南流注於河云。

乾河。在縣東北源出韓縣接界之穀山。西南流注於河。即鼓鐘川分流南出之水也。是水冬乾夏流。亦曰乾澗。大事記。秦昭王十四年。涉河取安邑。以東至乾河。蓋在此。唐史。會昌四年。澤潞降。將高文瑞。官軍攻澤州。須道乾河立寨。自寨城連延築爲夾城。

環繞澤州是也。

箕關。在縣東北七十里。亦曰漆關。水經注。漆水出王屋西山。漆溪。夾山東南流。經故城東。即漆關也。漆水西風。經關城南。又東流注於河。後漢書。建武元年。遣鄧禹入關。至箕關。擊河東都尉。二年。遣司空王梁北守箕關。擊赤眉。別校降之。即此。

鼓鐘鎮。縣北六十里。亦曰鼓鐘城。水經注。教水出垣縣北。教山。其水南歷鼓鐘上峽。飛流注壑。夾岸深高。南流歷鼓鐘川。川西南有治宮。世謂之鼓鐘城。後周建德五年。攻晉州。分遣尹升守鼓鐘鎮。即是處矣。鼓鐘川水至馬頭山東。伏流重出。南入於河。

裴氏堡。在縣東南。晉永嘉末。居人裴氏築堡自守。處也。後因置屯戍於此。永和九年。秦苻健備置幽州治焉。十一年。燕慕容儁遣慕容廆入軹關。攻秦幽州刺史。裴氏堡敗沒。

霍州。府北百四十五里。東至沁州二百九十里。西至隰州二百五十里。北至汾州府二百三十里。

春秋時霍國。後爲晉地。戰國屬趙。秦漢屬河東郡。魏晉屬平陽郡。後魏因之。建義初。置永安郡。隋開皇初。郡廢。十六年。置汾州。十八年。改爲呂州。大業初。州廢。屬臨汾郡。義寧初。置霍山郡。唐初。復置呂州。貞觀十七年。州廢。縣屬晉州。宋因之。金仍屬平陽府。貞祐三年。置霍州。元因之。明初。以州治霍邑縣省入。

編戶二
十里。領縣八。

州大嶽鎮其東。汾水經其西。據山川之勝。爲阨要之所。爭衡於太原。平陽間。未有不以州爲孔道者也。

霍邑廢縣。今州治禹貢岳陽地。周虢邑也。周厲王無道。周人逐之。出居於虢地。志武王封叔處於霍。即虢邑也。漢置虢縣。屬河東。

郡。後漢陽嘉三年。改爲永安縣。魏晉因之。屬平陽郡。後魏建義元年。置永安郡治焉。東西魏相持。東魏置永安戍於此。

後周建德六年。克晉州。宇文憲自雀風谷攻拔洪洞。永安二城是也。隋開皇中。爲汾州治。尋爲呂州治。又改縣爲霍邑縣。大業初。

州廢。十三年。李淵起義兵於太原。自西河進克霍邑。尋爲霍山郡治。唐初亦爲呂州治。州尋廢。而霍邑不改。金爲霍州治。明初省。

今城周九

里有奇。

呂城。州西三里。故呂鄉。晉呂甥邑也。今有呂陵。在州西南十里。亦以呂甥名。隋因置呂州。亦曰呂州城。唐武德二年。世民破劉武周。

將尋相於呂州。卽此。或謂之永安城。卽故永安縣治。又虢城。杜預曰。在永安縣東北。卽周厲王所居。今州城東北有厲王陵。○

趙城在州西南。周穆王封造父於趙城。卽此。爲趙氏之始。水經注。汾水歷唐城東。又南。逕霍城東。又經趙城西是也。又赫連城在州西北四十里。志云。赫連勃勃所築。恐誤。

霍城。州西十六里。故霍國也。左傳閔元年。晉獻公滅霍。趙夙爲御。霍哀公奔齊。晉國大旱。卜之曰。霍太山爲祟。使趙夙召霍君奉祀。

晉復禳焉。此其故居云。又魏世家。悼子徒治霍。卽此。○唐城在州西。薛瑄曰。堯所都。東去嶽十里。水經注。汾水過永安縣西。又

東歷唐城東。又有陶唐谷。在州南三十里。今爲陶唐谷。

霍山。州東南三十里。南接趙城。北跨霍石。東抵沁源。其東峯最高者。卽觀趙也。今詳見名山。

雞栖原。州東北三十里。霍山高平處也。周主邁克晉州。宇文憲遣克永安。齊人號橋守險。軍不得進。憲使宇文樞屯雞栖原。伐柏爲
庵以立營。齊主緯聞平陽陷。乃自晉陽分軍向千里徑。又分軍出汾水關。自帥大軍上雞栖原。周人引還。是也。又州南十里

有變鈴原。相傳唐太宗
過此掛變鈴於樹。因名。

石鼻谷。州東三十五里。谷中出水。引至城南灌田。名石鼻渠。又義成
谷。在州東南三十里。中出水。亦西流灌田。皆霍山旁谷也。

汾水。在城西。自汾州府流經靈石縣。又南流入境。又南入趙城縣境。○霍水在州東
南。志云。水出霍太山西。流經趙城縣南。又西注於汾水。蓋卽霍渠之上源矣。

疏水。州南一里。源出霍山。西南流。經城南入汾。又州東八里有古魚池。州東十里。有張邱泉。州南
十五里有方池。州東南十五里有圓泉。水東北三十五里有羅頭泉。俱引流灌田。下注於汾。

賈胡堡。州東北五十里。在霍山蛤蟆嶺上。隋大業十三年。李滌起兵太原。至西河。入雀鼠
谷。進軍賈胡堡。去霍邑五十里。是也。括地志。靈石縣有賈胡堡。蓋舊在靈石縣境。

千里徑。州東十里。後魏平陽太守封子繪所開之徑也。爲北出
汾州。徑指太原之道。或謂之十里徑。亦詳見名山霍山。

霍山驛。在城東。又有霍山遞
運所。俱明洪武中建。

靈石縣。州北百里。北至汾州府介休縣六十里。西至汾州府孝義縣三十里。漢太原郡介休縣地。隋開皇十年。分置靈石縣。屬介州。
以傍汾水開道得瑞石而名也。義寧初。屬霍山郡。唐初。屬呂州。貞觀中。州罷。縣屬汾州。宋因之。元改屬霍州。今編戶十九里。

靜岳山。縣東北二十里。郡國志。即太岳之異名也。下有五龍泉。亦謂之五龍山。○介山在縣東三十里。春秋時。介子推隱此。因名。一名介美山。亦曰綿山。接沁水。介休。二縣境。又尖陽山。在縣東南五十里。極險峻。

高壁嶺。在縣東南二十五里。亦名韓信嶺。最爲險固。北與雀鼠谷接。後周建德五年。齊師敗於晉州。高阿那肱退守高壁。餘衆保洛。女婁周主邕向高壁。阿那肱遁走。宇文憲攻洛安峒。拔之。又隋仁壽末。漢王諒舉兵并州。楊素擊之。諒遣其將趙子開擁衆。

十萬。柵絕徑路。屯據高壁。布陳五十里。素令諸將以兵臨之。自引兵潛入霍山。緣崖谷而進。營於谷口。馳出子開之北。子開大敗。唐武德三年。世民追宋金剛將尋相及於呂州。乘勝逐北。一晝夜行二百餘里。戰數十合。至高壁嶺。是也。志云。嶺在霍州北八十里。有高壁鋪。又洛安峒亦在縣南。

秦王嶺。在縣東南三十里。志云。縣西南三十里有宋老生寨。高四里。與秦王嶺相對。蓋老生所築。以拒唐兵之處。其地亦名魯班纜。山谿峻險。架木爲梁。俗謂之纜。世傳魯班所修云。

汾水。在縣城北。自汾州府介休縣流入境。又西南流經汾西縣東而入霍州界。

仁義河。在縣南四十里。源出沁源縣境。經尖陽山。民引渠以灌田。至仁義驛西南二十里。而入於汾。又谷水在縣東北四十里。出縣山白口谷。居民引以溉田。流經城北入於汾。一名小水河。

陰地關。縣西南百二十里。出汾晉間之問道也。唐大順元年。張濟建議討李克用。會諸道兵於晉州。出陰地關。遊騎至汾州。爲河東所敗。光化五年。朱全忠攻太原。遣其將侯晉以懸隔。晉絳兵入自陰地。取汾州。旣而克用遣將李嗣昭等出陰地關。取隰。絳等州。梁開平三年。晉將周德威等復出陰地關攻晉州。又貞明二年。梁晉相持於魏博。梁將王檀請發河中。陝。同華。諸鎮兵。襲晉陽。自陰地關入。奄至晉陽城下。晉人大懼。力戰。梁軍乃却。石晉未。劉知遠稱帝於太原。引兵南下。自陰地關出。晉絳。周廣順初。北

漢主劉丞鈞屯陰地關。進攻晉州。既而北漢主復合契丹兵出陰地關攻晉州。顯德元年。詔王彥超等自陰地關入攻河東汾州。關蓋扼東要地矣。通志陰地關在縣南二十里汾水西。恐誤。

南北關

在縣東八十里。宋志縣有陽涼南關。陽涼北關。增康末。女真將粘沒喝自太原分兵趨汴。平陽叛卒導入南北關。粘沒喝嘆曰。關險如此。而我乃得越。南朝可謂無人。遂取威勝軍。陷隆德府。既而姚古復隆德。威勝扼南北關。又李綱遣范瑛屯沁志。

云關與沁州。遼州。汾州。皆去太原五驛云。又唐志縣有長寧關。

汾水關

在縣西南。括地志靈石縣有汾水關。後周主邕攻晉州。分遣宇文盛守汾水關。既克平陽。齊主緯自晉陽馳救。分軍出千里。徑及汾水關。盛拒却之。既而周主自平陽進向晉陽。至汾水關是也。○冷泉鎮在縣北四十里。有冷泉北流入汾。鎮因以名。

靈石口巡司置於此。志云。鎮有冷泉。流汾河。其南三十里有下河門渡。相近又有南山小水渡。

瑞石驛

在縣城東南。有瑞石遞運所。志云。縣南四十里仁義鎮有仁義驛。亦明洪武中置。

吉州

府西二百七十里。東南至絳州三百里。西南至陝西韓城縣百七十里。西北至陝西延安府二百九十里。東北至隰州一百六十里。

春秋時晉之屈邑也。戰國屬魏。秦漢屬河東郡。魏晉屬平陽郡。後魏置定陽郡。東魏兼置南汾州。

天平四年。

南汾州降於西魏。明年復攻取之。

北齊曰西汾州。後周改爲汾州。隋開皇初郡廢。十六年改爲耿州。十八年復爲汾州。大

業初改曰文城郡。唐武德初又爲汾州。五年改爲南汾州。八年改爲慈州。天寶初曰文城郡。乾元初復曰慈州。宋因之。熙寧五年州廢。改屬隰州。元祐初改置吉鄉軍。尋復爲慈州。金曰耿州。明昌初改曰吉州。元以州治吉鄉縣省入。明初仍曰吉州。編戶二十一里。領縣一。

州控帶黃河。有龍門孟門之險。爲河東之巨防。關內之津要。

吉鄉廢縣。

今州治漢北屈縣地。後魏延興四年置定陽縣。爲定陽郡治。後周天和五年楊敷守定陽。齊將段韶圍之。敷固守不下。詔急攻之。屠其外城。會詔病。謂高長恭曰。此城三面重澗。皆無走路。惟慮東南一道耳。賊必從此出。宜簡精兵馬守之。

此必成擒。長恭乃令壯士千餘人伏於東南澗口。城中糧盡。數出走。移擒。卽此。隋初郡廢。開皇十八年改縣曰吉昌。爲汾州治。唐爲慈州治。五代唐避李國昌諱。改曰吉鄉。宋因之。元省。

北屈廢縣。

州東北二十一里。春秋時晉屈邑。卽公子夷吾所居。左傳曰。晉有屈產之乘。又晉二五言子獻公曰。蒲與二屈。君之疆也。杜宇曰。二屈當爲北屈。漢置北屈縣。應劭曰。有南故加北。汲郡古文釋。章救鄭次於南屈。後漢及魏郡仍爲北屈縣。

晉建興初。并州刺史劉琨與代公猗盧伐劉聰。琨進據藍谷。猗盧遣拓拔普根屯於北屈。升平初。姚襄將圍關中。自北屈渡河。進屯杏城。水經。北屈西距河十里。魏收志。神龜元年。擒赫連昌。因於北屈置龔昌縣。或曰。後魏析置龔昌縣。北屈縣省入焉。孝文時。

又析置定陽縣。杜佑曰。吉昌漢北屈縣也。藍谷見太原府太原縣。杏城見陝西中都縣。

南汾城。

在州南。東魏置南汾州於定陽。後周取之。改爲汾州。高齊武平初。斛律光圍定陽。因築南汾城以逼之。志云。州西南十里有倚梯城。在龍門上口。壘石爲之。東北高據峻嶺。西南俯臨黃河。懸崖絕壁。百有餘丈。以其險絕。非梯莫上。因名。或以此卽斛

律光所築
南汾城云。

姚襄城。

州西五十二里。襄爲桓溫所敗。走平陽時所築。後人因名。城周五里。高二丈。杜佑曰。姚襄城西臨黃河。據帶龍門。實爲險峻。爲周齊交爭之處。後周天和五年。宇文護使郭榮築城於姚襄城南。定陽城西。既而齊人取汾州。及姚襄之地。而榮所築城。

獨存。又耿城在州南。相傳殷祖所築之城。隋

因置耿州。杜佑曰。隋耿州置於耿吉城。卽此。

件城廢縣。

州北六十里。本北風縣地。後魏置五城縣。兼置五城郡治焉。魏收志。五城縣初曰京軍。太和二十一年。改名五城。隋初郡廢。改縣曰伍城。屬汾州。唐武德二年。改置件城縣。屬昌州。貞觀初。縣廢。尋復置。改屬慈州。宋廢。爲件城鎮。金興定五

年。復置件城縣。屬隰州。元廢。志

云。州東北去蒲縣六十里。是也。

文城廢縣。

在州西北五十里。本西魏所置。屬汾州。隋因之。唐屬慈州。舊唐書。顯慶三年。移縣治件城縣東北。文城。邨。天祐中。改曰屈邑。五代時。復曰文城。宋仍屬慈州。熙寧五年。省爲鎮。金因之。屬吉鄉縣。

壺口山。

州西七十里。禹貢。既載壺口。是也。東魏初。高歡自壺口。趨清津。擊宇文泰。隋末。李淵自龍門。進軍壺口。河濱之民。獻州者。以百數。卽此處也。壺口之北。卽孟門山。○孟門山在州西七十里。山海經。孟門之山上。多金玉。淮南子。龍門未闢。呂梁未鑿。河

出孟門之上。大禹疏通。謂之孟門。故穆天子傳曰。北登孟門。九河之澶。孟門卽龍門之上口。也。此爲黃河巨阨。夾岸崇深。奔浪懸流。傾崖觸石。誠天設之險。又南至龍門山。謂之下口云。

掛甲山。

州南二里。相傳尉遲恭嘗掛甲於此。而名。又風山在州北十里。有穴如輪。風從中出。○明珠山在州西九十里。東接鄰寧縣界。

黃河。州西七十里。自隰州大寧縣流入境。通釋。河至文城縣孟門山。是爲入龍門。至汾陰縣合河之上。是爲出龍門。從古津要之所也。又清水河在州北。流入六河州。南又有南澗水。亦西流入大河。

采桑津。

在州西。大河水津濟處也。春秋僖八年。晉里克敗狄於采桑。史記謂之醫桑。晉世家獻公二十五年。晉伐翟。以重耳故。翟亦擊晉於醫桑。水經注。河水又南爲采桑津。又南經北屈。故城西。

烏仁關。

州西七十里。下臨黃河。與陝西宜川縣接界。又平渡關。在州西北百二十里。西臨大河。路出陝西。亦爲津濟要口。與烏仁關俱有巡司戍守。

牛心寨。

在州北。宋嘉定十五年。吉州爲蒙古所據。金人僑置吉州於牛心寨。蒙古將木華黎自隰州攻拔之。又育龍堡。在州東南。金末。蒙古將木華黎。狗育龍堡。金平陽公胡天祚。以平陽降。木華黎遂取金河中府。○慈烏戍。在州西。周齊相爭時。置戍於此。

舊唐書。武德八年。改南汾州。

爲慈州。以近慈烏戍故也。

鄉寧縣。

州東南六十里。東北至蒲縣百里。漢隴汾縣地。後魏分置泰平縣。延興四年。又分泰平縣置昌寧縣。後又置中陽郡。於此。隋初郡廢。縣屬汾州。大業初。屬文城郡。唐仍屬慈州。五代唐諱昌。改曰鄉寧。元初。省。尋復置。今編戶十六里。

騏驎城。

縣南六十里。漢縣。屬河東郡。武帝封駒騏爲侯國。東漢省。○長寧城。在縣西四十里。或曰。後魏末。置永寧縣。屬定陽郡。卽此城也。後廢。今亦名西寧。邨又縣西三里有泊城。志云。舊縣治此。後避水患。移今治。因名。

呂香廢縣。

在縣東南。後魏主兼置刑軍縣。太和二十一年。改曰平昌。屬五城郡。隋開皇初。改縣曰蒲川。屬隰州。大業初廢。義寧初。復置平昌縣。唐初。因之。貞觀元年。改曰呂香縣。屬慈州。劉昫曰。呂鄉。以舊鎮爲名。本治吉州東北百里。上元三年。移於

州東南百餘里。漢臨汾縣地也。五代周顯德中。縣廢。蓋字記。呂鄉。

廢城。在鄉寧縣東南八里。一統志。在吉州東南百五十里。似誤。

兩乳山。縣西南七十里。兩峯如乳。因名。亦名兩乳嶺。五代唐清泰三年。張敬達討石敬瑭。兵敗。困於晉安寨。詔遣耀州將潘環將滿同以西戍兵。由晉絳兩乳嶺出。懸隔共救之。即此。晉安寨見太原府太原縣。○尖山在縣東南二十里。以山勢巖拔而名。屬

經。縣東十五里有柏山。以山多柏也。又有林山。在縣西二十五里。

馬頭山。縣南六十里。其山峭峻如馬首。然。漢馱縣置於其下。○豁都峪在縣東北三十五里。每大雨。西山諸水會於此。下達襄陵。太平二縣境。澗田甚廣。

黃河。縣西八十里。自吉州流入。又南入河津縣界。○鄂水出縣東北五十里之宋家溝。引為四渠。澗田。西流入於黃河。

龍尾磧。縣西一百里。志云。冬結冰橋。路通陝西韓城縣。洪武二年。置巡司戍守。

隰州。府西北二百八十里。西南至吉州二百里。西渡河至陝西延安府百三十里。北至汾州府永寧州二百五十里。東北至汾州府二百六十里。

春秋時。晉之蒲城也。戰國時屬魏。秦及兩漢皆為河東郡地。魏晉為平陽郡地。永嘉中。劉淵據此。置大昌郡。後魏廢郡為南汾州地。西魏於此置汾州及龍泉郡。後周因之。隋初郡廢。開皇四年。改置西汾州。五年。改為隰州。大業初。復為龍泉郡。唐仍曰隰州。天寶初。曰大寧郡。乾元初。復故。宋因之。金曰南隰州。天德三年。復為隰州。元因之。屬平陽路。明洪武二年。以州治隰川縣省入。編戶三十一里。領縣二。

州內阻山險外控大河東連汾晉西走關中憑據高深戰守之資也。

隰川廢縣。

今州治春秋時晉蒲邑重耳奔蒲卽此也戰國策秦伐蒲蒲人恐請胡衍救蒲衍說穆里子解去括地志蒲邑故城在隰川縣南蒲水經其南亦曰蒲陽史記魏世家襄王七年秦降我蒲陽又景湣王五年秦敗我蒲陽秦紀惠王十年使

公子華張儀圍魏蒲取之通釋蒲陽故城在隰川縣北四十五里蒲水北卽重耳所居括地志誤也漢置蒲子縣魏晉因之永嘉二年劉淵取河東自離石徙都蒲子是也後周改置長壽縣隋開皇十八年改曰隰川爲州治後因之明初省今城周七里有奇

溫泉城。

在州北二百里與汾州府孝義縣接界本蒲子縣地後魏末置新城縣爲南吐京郡治後周廢郡隋并廢縣唐武德二年置溫泉縣并置北溫州治焉兼領新城高唐二縣貞觀初州廢屬隰州以新城高唐二縣并入宋仍爲溫泉縣金省入隰川

及孝義縣今爲溫泉鎮又高唐城在廢溫泉縣東南十五里唐初所置縣也尋廢○常安城在州北三十里唐初置縣屬昌州貞觀初廢

姚岳城。

在州東北周保定初勳州刺史韋孝寬以離石以南生胡數爲寇抄而居齊境不可誅討欲築城於險要以拒之使別將姚岳董其役曰計此城十日可畢此距晉州四百里敵軍至我之城辦矣果城之而還後人因謂之姚岳城○橫城在州南三

十五里隋漢王諒起兵太原遣其將吳子通屯兵築城橫斷隰川之道因名

石阿城。

州北百里史記趙成侯十一年秦攻魏趙救之攻石阿孔穎達曰石阿在石隰二州間是也志云州北二里有龍泉城後周龍泉郡蓋治於此○穀城九域志在州東四十五里神農嘗五穀於此王象之曰縣南高嶺有屈穀山爲煎煉絲礬之處其

城爲穀城俗譌以爲神農嘗穀處云

蒲子山。州東北五十里。相傳魏師伊蒲子隱處。漢以此山名縣。又妙樓山。在州北七十里。山有石巖高廣。內有石室。前有龍池泉。冬夏不竭。

龍泉山。寰宇記。在州北七十里。接石樓縣界。山下牧馬多產名駒。因名。後周以此名郡。○五鹿山在州東七十里。志云。山有五鹿大夫廟。

蒲水。在州城西。源出汾州府石樓縣之石樓山。流經此。又南流入大寧縣界。合於昕川。而入黃河。○紫川出州東山谷中。以巖石皆紫。而名。西南流入大寧縣界。至馬關關入黃河。又有黃櫨水。源出州東北黃櫨谷。西南流。合於紫川。又龍子湫在州南十里。一

名瀑布泉。出山谷門。西入大寧縣界之大昕川。嘗有龍見於此。因名。

白壁寨。在州北。宋志。溫泉縣有碌礮務一。及水頭。白壁。先鋒寨三。今俱廢。

大寧縣。州西南九十五里。東南至吉州九十里。漢北屈縣地。後魏爲五城縣地。後周析置大寧縣。屬汾州。隋大業初。省入五城縣。唐武德二年。復置大寧縣。又置中州治焉。貞觀初。州廢。縣屬隰州。宋因之。元廢。尋復置。仍屬隰州。今編戶十里。

大義廢縣。在縣北。唐初置大義縣。又于縣西北置白龍縣。俱屬中州。貞觀初。州廢。二縣俱省入大寧縣。

翠微山。在縣南二里。志云。縣城南有城澗河。山在其南。又孔山在縣西北三十里。山有孔相通。其東巖石上有聖水泉。流入昕川。○鎮關山在縣西七十里。以西臨馬關關而名。志云。縣東北二十五里有退過谷。其水亦流入昕川。

黃河。縣西七十五里。馬關關渡在焉。西接陝西延長縣界。志云。大河自永和縣南流。經此。又南流入吉州境。

昕川。在縣東南。志云。昕川之水。自隰州來者曰蒲川。自吉州來者曰義亭川。自永和縣南流入境者曰麻東溝。自縣東支流來會者曰小道溝。合爲昕川。西流入大河。○龍窠水在縣西南六十里。自永和縣南流入隰州界。又西南流入縣境。合於昕川。注於大河。其水峻急。

不通舟楫。

馬鬪關。縣西七十五里。臨大河渡口。亦曰馬鬪渡。唐置關於此。今有巡司。

浮圖鎮。在縣城北。高齊河清四年。置鎮於此。爲戍守處。隋初大寧縣治焉。大業初縣廢。唐徙今治。鎮仍屬焉。○南北寨在縣南北。去城各一里。元末右丞時公權院使李子厚置此戍守。

永和縣。州西百五十里。東北至汾州府石樓縣百二十里。本漢河東郡狐讞縣地。魏置永和縣。晉屬平陽郡。後魏廢。北齊於狐讞城置臨河縣。及臨河郡。隋罷郡。開皇十八年。改縣曰永和。屬隰州。唐初置永和州。貞觀初州廢。縣仍隸隰州。宋因之。今編戶十里。

狐讞城。縣西南三十五里。漢置縣。屬河東郡。後漢縣廢。曹魏置永和縣。在今縣西南九十里。後廢。高齊改置臨和縣於狐讞故城。隋仍舊治。復曰永和。唐武德二年。移縣治於仙芝谷西。即今治也。○樓山城在縣南十里。後周置歸化縣。隋開皇十八年。改曰樓山。大業初廢。唐武德初復置。屬東和州。貞觀初廢入永和縣。又

石羊城。在縣西南五十里。後魏太武置石羊軍於此。孝文時廢。

樓山。在縣東南三十五里。亦曰北樓山。其在縣南四十八里者曰南樓山。兩山相對。其形如樓。樓山縣以此名。○雙山在縣東南二十五里。以兩峯並秀而名。


仙芝谷。縣東北五里。唐遷縣治於仙芝谷西。即是谷也。又索陀谷。在縣東北三十五里。水流曰索陀川。西合仙芝谷水。入於大河。

黃河。在縣西五十里。自永寧州石樓

縣流入縣界。又南入永寧縣界。

永和關。

縣西六十五里。下臨黃河。路通陝西綏德州。有巡司戍守。亦見陝西延川縣。○與德關。在縣西六十里。黃河上亦爲與德關渡。又鐵羅關。在縣西南七十里。亦黃河渡口也。亦曰鐵羅關渡。路出陝西宜川縣。



讀史方輿紀要

卷四十二

山西四

汾州府

東至潞安府四百四十里。又東南至沁州四百八十里。又南至平陽府三百九十里。又西南至平陽府
隰州二百七十里。東北至太原府二百里。自府治至布政司五百九十里。至京師一千三百八十里。

禹貢冀州地。春秋時屬晉。戰國屬趙。秦屬太原郡。二漢屬太原及西河郡。魏因之。晉爲西河國。後魏曰西河郡。兼置汾州。北齊改南朔州。後周改爲介州。而西河郡如故。隋初郡廢。煬帝復改介州爲西河。唐初改爲浩州。武德三年改爲汾州。天寶初曰西河郡。乾元初復曰汾州。五代末屬於北漢。周顯德初。僭北漢得之。置寧化

軍兼領石沁二州。旋入於北漢。

宋仍曰汾州。亦曰西河郡。

金因之。兼置汾陽軍。元復爲汾州。屬太原路。明初以州治西河縣省入。

直隸山西布政司。萬曆二十三年升爲汾州府。領州一。縣七。

府控帶山河。肘腋秦晉。戰國時秦趙相持。往往角逐於此。東漢之季。西河尤爲多事。迨於劉淵發難。中

原陸沉禍亂之徵。未始不自西河始也。周齊爭勝於河汾間。郡常爲兵衝。隋大業之末。唐乾符以後。太原南指。未有不以州爲中頓。平陽北向。未有不以州爲啓途者也。北漢保河東。州尤爲肘腋重地。宋人於嵐石隰三州以至黃河。皆置城戍關。杜河外入麟府路。以捍夏人。蓋西北有事。府爲必備之險矣。

汾陽縣

附郭。漢茲氏縣。屬太原郡。魏置西河郡於此。晉改麟曰隰城。屬西河國。後魏亦爲西河郡治。又置汾州治蒲子城。孝昌中。移治隰城。隋仍爲介州治。唐上元初。改曰西河縣。宋以後因之。明初省。萬歷中。建汾州府。因改置今縣。城邑考。府城一名四陽城。世傳曹魏所築。四面皆向日也。元至正十二年。重建。明朝。景泰二年。因舊城增修。城周九里有奇。編戶九十五里。

隰城故城

府西七十里。漢縣。屬西河郡。晉屬西河國。或云三國魏省隰城入茲氏。晉改茲氏曰隰城。後魏主濽延和三年。如美稷。遂至隰城。大破山胡白龍於西河。是也。東魏僑置靈州於隰城縣界。後周廢。又故茲氏城。志云在府南十五里。漢縣治。此一名甄子城。魏收志。太和八年。復置西河郡。治茲氏故城。孝昌中。以吐京五城。定陽等郡陷沒。皆寄治西河。今其地名羣。邨有故城遺址。○八門城在府北十五里。志云。劉淵遣將喬嵩攻西河。因築此城。城有八門。故名。又有偏城。在府西南五十里。廣城邨。後趙時築。此以防西北諸部。其城北占山阜。南臨絕澗。有欹側之狀。因名。又祝融城。在府治西。相傳祝融氏所居。

美稷城

在府西北。漢美稷縣。屬西河郡。本治今廢勝州西。後漢中平中。以寇亂南徙五百餘里。卽此城也。尋廢。○牧師城在府西北境。漢邊郡皆置牧師苑。以養馬。此卽西河郡牧苑也。或曰。亦在今廢勝州境。後漢永元六年。匈奴大帥逢侯叛。南單于師子與漢中郎將杜崇屯牧師城。是也。後亦移置於府境。其地廣斥宜畜牧。宋治平中。崔台符按汾州。得牧地三千二百頃。明年。移沙苑馬五百牧於此。卽古牧師地矣。

隱泉山。府北四十里。山有湯泉。一名湯泉山。或謂之謁泉山。上有石室。相傳子夏所居也。俗謂之子夏山。與太原府文水縣接界。今詳見文水縣。○比干山在府西北九十里。相傳紂使比干築城於此。

萬戶山。府西二十里。延袤二十里。高八十八丈。平坦可居萬戶。因名。又柏山在府西五十里。上多柏樹。一名將軍山。相傳石趙將趙鼎者禦敵戰死於此。因名。○石室山在府西三十里。山多巖窟可居。又府西北三十里有白彪山。其山石壁巖巖。峯巒鬱秀。林

木叢茂。泉流飛湧。洞壑層層。村墟聯附。爲州之勝。相傳昔有驕虞見此。亦名驕虞山。

汾水。府東二十五里。自太原府汾水縣流入界。又流經平遙。介休。孝義縣。而西南入靈石縣境。詳見大川。

文水。府東北五十里。亦自文水縣流入縣境。一名文谷河。亦曰萬谷河。至府東十五里。謂之西河泊。亦謂之文湖。水經注。文湖東西十五里。南北三十里。湖西側有一城。謂之瀦城。瀦澤所聚也。蓋卽水以名城。湖亦謂之瀦城。其水東入於汾。宋熙寧初。詔復

汾州西河深。灤在城東四十里。舊時旱則引以溉田。雨以瀦水。兼有菱芡蒲魚之利。可給貧民。前轉運使王恂廢爲田。人以爲病。至是從御史劉述言復之。卽文湖也。

禹門河。城西十里。西山諸谿之水會流於此。謂之河口。伏流潛注。東入於文湖。相傳禹導洪水至此。因名。又有麻屈水。亦在府西四十里。平地湧出。灌漑田畝。民賴其利。又原公水。亦曰源公澗。又名靈溪水。源出白彪山麓。沿山南注。至谷口。轉折而東。歷城東

北數十鄉。溉田萬畝。東南注於文湖。志云。原公水在府馬跑泉。亦曰賀魯水。相傳有胡魯將軍者。駐師白彪山。馬跑泉湧。因名也。○向陽水在府西三十里。一名懸泉水。源出向陽峽。下流合於原公水。今涸。又府南十里。有清溝水。一名董師河。城北八里有賈

家莊泉。亦流合焉。居民引以灌田。下流東注於汾水。

善利渠

在府西南。西山諸泉源會流爲渠。東西首尾凡百餘里。有灌溉之利。又靈浮泉。在府西南四十里。亦東流合諸山泉引流溉田。

臨汾宮

府東十五里。隋大業四年。建以避暑。蓋據文湖之勝而爲之。亦謂之汾水行宮。

金鎖關

府西三十五里。一名向陽峽。巖嶺插天。中斷如關。爲汾水咽喉。漢晉以來戍守處也。明初置巡司。尋廢。隆慶初。增築關城。設兵防禦。頗爲嚴固。又黃蘆嶺關。在府西六十里。置關嶺上。懸高爲險。宣德四年。置巡司於此。○康家堡在府東二十里。臨汾

水上有康家堡。渡路通平遙縣。

孝義縣

在府南三十五里。東至霍州靈石縣三十里。漢茲氏縣地。魏置中陽縣。屬西河郡。晉初因之。永嘉後省入隰城縣。後魏太和七年。又分置永安縣。仍屬西河郡。北齊省入介休縣。後周復置。隋屬介州。唐屬汾州。貞觀初。改縣曰孝義。以旌隸人鄭興也。五代周顯德五年。晉州將李謙溥擊北漢破孝義。卽此。宋太平興國

初。改縣曰中陽。尋復舊。熙寧五年。省。元祐初復置。今編戶三十里。

中陽城

在縣西北。故趙邑。史記。趙武靈王九年。秦伐我。取西郡及中陽。又惠王十四年。與秦會中陽。亦曰西陽。秦紀。惠文王後九年。取趙西陽。亦中陽也。漢置中陽縣。屬西河郡。魏因之。永嘉中廢。括地志云。中陽在隰城縣南。

吳城

縣西南七十八里。戰國時。魏吳起爲西河守。築此城以拒秦。因名。近時賊據吳城。從向陽峽窺汾州。卽其處也。又虞城在縣東北十里。又有虢城在縣北十里。俗譌爲瓜城。相傳晉滅虞虢。遷其人於此。築城居之。因名。○魚城在縣北十九里。或云後魏末。

六鎮擾亂。置城於此爲戍守處。又有東多城。在縣北二十里。魏收志。永安中。置眞君郡。治東多城。是也。又圍城。在縣西北十八里。舊經云。圍城。後魏孝昌中所置。魏收志。武定四年。置武昌郡。治圍城。

六壁城。縣西南十五里。後魏書。太平真君五年。討獺賊於六壁。水經注。勝水東經六壁城南。魏朝置六壁於其下。防難石諸部。因為大鎮。太和中罷鎮。置西河郡。志云。六壁者。縣所轄。真壁。白壁。許壁。柳壁。并六壁為六也。魏收志。永安中置顯州。治六壁。

城。鎮定城。建平。真君等郡。後周

省唐為府兵所居。曰六壁府。

狐岐山。縣西北八十里。禹貢。治嶽及岐。孔氏以為岐。狐岐山也。蓋洪水懷襄。大河汎濫。至此山下云。一名薛頤山。勝水出焉。○白雀山在縣西八十里。峯巒高峻。又縣西一百六十里有上殿山。高峻為汾。隰諸山之冠。

雀鼠谷。冀州圖經。谷在縣南二十里。長一百一十里。南至臨汾郡霍邑界。汾水流經谷內。即周書謂。隰谷云。今詳介休縣。○安生原在縣南十里。舊經。土地沃饒。有西河之美者。惟安生原耳。

汾水。縣東二十里。自汾陽縣流入。與介休縣接界。志云。縣東三十里。汾河上有比干臺。村遺比干於鵲虞山築臺避暑。此其遺跡云。

勝水。在縣南二里。源出狐岐山。東南流。至縣西十里。曰勝水陂。亦曰元象泊。以昔有里人元象者。有學行。躬耕於此。而名。縣境之水。匯於此陂。又東注於汾水。志云。勝水一名孝水。在縣西十五里。○義水在縣北十五里。亦出狐岐山。東流經此。一名行春川。流

入汾陽縣境。分為善利。得利。豐義。紫金。五渠。堰。其溉田數百頃。又東入於汾。縣名孝義。以此二水也。

土京水。出縣西南十五里。土京谷。一名西陽水。水經注。勝水東合陽泉。水出西山陽谿。東經六壁城北。又東注於勝水。即此水也。又左水在縣南二十里。一名賈頤水。今涸。又板谷水。在縣西北二十八里。東流入勝水陂。

白龍渠。在縣西二十里。白壁關。居民引以溉田。又有三泉。在縣西二十八里。東流入板谷水。溉田可十餘頃。○普濟渠在縣南十五里。志云。縣西七十里有玉泉山。泉如激玉。引流溉田。即普濟渠也。又澗民渠。亦在縣南。自縣西引勝水。灌附郭諸村田。民賴

利其

溫泉鎮。縣西九十里。即隰州之廢溫泉縣也。志云其地有高唐山溫泉出焉。隰南通吉。隰諸州北連寧鄉。永寧之境。為往來襟要。有巡司戍守。

平遙縣。府東八十里。東至太原府祁縣五十里。漢平陶縣。屬太原郡。後漢及魏晉因之。故縣本在今太原府文水縣界。後魏移置於此。改曰平遙。仍屬太原郡。隋屬介州。唐屬汾州。宋因之。今編戶五十八里。

京陵城。縣東七里。城塚訛。周宣王北伐獫狁時所築。漢置京陵縣。屬太原郡。或曰漢縣本置於太原北。在今忻州西。建安中。改置於此。魏晉因之。後廢。唐置京陵府。以居府兵。杜佑曰。隰城有漢京陵城。誤也。又清世城在縣南。隋開皇十六年。析平遙縣置清

世縣。屬介州。大業初廢。

中都城。縣西十二里。西南至介休縣五十里。春秋昭二年。晉侯執陳無宇於中都。戰國時屬趙。亦謂之西都。趙世家。武靈王九年。秦拔我西都。括地志。晉中都故城。在今平遙縣。漢置中都縣。在今太原府榆次縣境是也。○光城在縣西北四十里。志云。漢建

安中築。此以居羌人。又思歸城。在縣東三十里。劉淵攻劉琨於太原。築壘拒守。因思歸而後遷故名。

蔚州城。縣西北二十五里。後魏末。僑置蔚州。遷蔚州民居此。後周廢。城塚記謂之屈頓城。晉漢武帝於汾隄側屈曲為頓。後因汾水泛溢廢壞。後魏於其地僑置蔚州。今城址猶存。○青城。在縣東二十里。又有亭岡城。在縣南二十八里。下有亭岡水。或曰皆

後魏所置也。又來城。城塚記。在縣西二十三里。相傳後漢來歙所築。

超山。縣東南四十里。一名過山。以高雙超過羣山而名。又說臺山。在縣南四十里。爾雅。山足曰麓。土高曰臺。一名蒙山。又名謁戾山。山海經。謁戾之山。嬰澗水出於其陰。是也。

汾水。縣西五十里。與汾陽縣接界。縣境諸水。悉流入焉。○中都水出縣東二十里。中都谷橫嶺下。西流合源澗水。經城南。入鄆城泊。亦名城東水。以成化中泛漲北流。經縣城東。而西入於汾也。今有中都堰在縣東南一里。又原祠水在縣東南十五里。平地湧

出。灌溉民田百頃。合中都水。以入於汾原。上有祠因名。

鹵澗水。出縣東南二十里之朱坑。流經縣東。分爲二十四池。灌溉民田。又嬰澗水在縣東三十里。亦流合中都水入汾。又亭岡水在故亭岡城南。志云。源出亭岡谷。流合鄆城泊。○張趙泊在縣西北三十里。一名曠公泊。又鄆城泊在縣南。與介休縣接界。又

東接那縣昭餘那。蔽亦謂之鄆澤云。

普同關。在縣南五十里。普同谷口。東南接綿上關。達沁源縣。西抵關子嶺。南入岳陽縣。爲往來要地。洪武五年。置巡司戍守。

介休縣。府東南七十里。東北至太原府祁縣九十里。北至文水縣八十里。晉大夫士彌牟邑。秦置介休縣。以介山爲名。漢屬太原郡。晉屬西河國。後魏仍屬西河郡。東魏興和二年。析置平昌縣。兼置定陽郡。後周改郡曰介休。以介休故縣背入平昌。隋初郡廢。開

皇十八年。又改平昌曰介休。義寧初。復置介休郡於此。唐初。又改爲介州。貞觀初。州廢。以縣屬汾州。宋因之。今編戶四十五里。

介休城。在今縣東南十五里。漢縣治此。後周建德五年。自平陽進攻晉陽。周主邕與宇文憲會於介休。卽此。今城東魏所置平昌縣也。隋改置介休於平昌。故城遂廢。

鄆城。縣東北二十七里。春秋時晉邑。魏獻子以司馬彌牟爲鄆城大夫。史記曹參奪韓信擊趙相夏說於鄆東。大破之。又圍趙別將軍於鄆城中。漢置鄆縣。屬太原郡。晉及後魏因之。北齊廢。志云。故鄆城。歷隋唐至宋。始圯於水。城北接文水。東接鄆縣境。

隨城。地志在縣東。春秋時晉邑也。隱五年。曲沃莊伯伐翼。翼侯奔隨。後爲士會食邑。又平周城。在縣西四十里。十三州志。戰國時魏邑也。梁襄王十三年。秦取我曲沃。平周。卽此。又郡志云。縣東四十五里有武城。秦遣武安君白起伐趙。經此。因名。今有武城水。

○板橋城在縣西北十八里。郡國志。劉淵擊劉琨於此。其城阻水。以板橋爲渡。因名。又開遠府在縣西北八里。華夏府在縣東北三十里。皆唐置。以居府兵。

介山。縣東南二十五里。一名介美。以介子推隱此也。山南跨靈石。西跨沁源。盤踞深厚。亦曰綿山。亦曰綿上。晉文公求介子推不獲。以綿上爲之田。是也。又襄十三年。晉侯蒐於綿上。以治兵。二十九年。齊高豎奔晉。城綿而置旂。今亦曰橫嶺。又忌坂在縣西

南十二里。相傳子推被焚處也。○洪山亦在縣東南二十里。石洞水出其下。志以爲狐岐山也。

天峻山。縣東南十五里。以高峻入雲而名。又靈簇山。在縣東南三十里。勢極高。形如靈簇。又抱腹巖。在縣西南四十里。羣峯迴繞。澗水環流。石梯峻險。松柏交加。形如抱腹。因名。

雀鼠谷。縣西南二十里。水經注。汾水南過冠辭津。俗謂之雀鼠谷。數十里間。道皆險隘。水左右悉結偏梁。閣道累石。就路。繫帶巖側。或去水一丈。或高六丈。上帶山阜。下臨絕澗。俗謂之魯般橋。蓋古之津隘。今之地險也。後周建德五年。周主邕攻晉州。軍於

汾曲。分遣宇文憲將兵守雀鼠谷。隋大業十三年。太原留守李淵破賊甄翟兒於雀鼠谷。十三年。李淵起義兵。由西河入雀鼠谷。唐武德三年。劉武周陷介州。唐將姜寶誼等戰於此。兵敗被虜。既而世民擊武周。追破其將宋金剛。宿於雀鼠谷。西原。又開元十一年。北巡并州。經雀鼠谷。蓋當往來之要路。

東缺谷。縣東南四十里。四圍皆山。中有石磊。橫空數仞。周廣三里。巖壑有泉。倒流如瀑布。謂之懸泉。流爲白牛泓。潭深莫測。又有黑龍池。水色常黑。其下流皆注於汾河。○西缺谷。縣東南二十里。有西谷水。東谷之水流合焉。又有折陽谷。在縣西四十里。

沂陽水東流

入於汾水

度索原

在縣東南介山下。唐初裴寂攻劉武周將宋金剛於介休。寂軍於度索原。營中飲澗水。金剛絕之。士卒渴乏。寂欲移軍就水。金剛縱兵擊之。寂失亡略盡。○千畝原在縣南。亦曰千畝。聚周宣王九年。戰於千畝。王師敗績於姜氏之戎。又晉穆侯十年。

戰於千畝。有功。杜氏

曰。其地在介休縣。

汾水

縣西二十里。志云。縣西北五十里有大宋渡。亦汾河渡口也。南流二十餘里。爲小宋曲。又南流與孝義縣接界。縣境諸水悉流入焉。○謝谷水在縣西南十里。源出谷南磨子溝。平地湧出。大小十數泉。流入谷中。灌十餘畝。田至小宋曲北入汾。

洪山水

縣東南二十里。一名石洞水。源出洪山。或謂之勝水。四泉並發。四時不竭。宋文彥博引爲東中西三渠。灌自城以東數郵之田。凡九十餘頃。西北流注於汾。又三道河在縣東北六里。平地出泉。分流爲三道。下流入汾。又礮石澗亦在縣東南二十里。

源出綿上箭桿嶺

下流入於汾。今涸。

鄔城泊

縣東北二十里。與平遙縣接界。流合中都水。注於汾河。或謂之蒿澤。隋仁壽初。漢王諒以趙子開敗於高壁。大懼。自將衆十萬拒楊素于蒿澤。既而退守清源。高壁見靈石縣。○小橋泊在縣東北十八里。亦西入汾河。又龍泉在縣西南二十里。平地湧出。北流入汾。又有灰柳泉。在縣東

二十里。石洞郵引渠灌田西北入汾。

湧出。北流入汾。又有灰柳泉。在縣東

子嶺關。

縣東南六十里。路出沁源縣。洪武五年置。巡司戍守。○張維堡在縣北。晉人築。堡自守處也。唐初世民敗宋金剛於介休。追數十里至張維堡。是也。

石樓縣。

府西南二百里。南至隰州九十五里。漢西河郡土軍縣地。後漢省。後魏太平真君中置。置西縣。屬吐京郡。太和二十年改縣曰吐京。隋開皇初郡廢。十八年改爲石樓縣。屬隰州。唐初于縣置西德州。貞觀初州廢。縣屬東和州。二年州廢。縣仍屬隰州。宋

以後因之。萬歷二十三年改今屬。編戶十三里。

土軍城。

縣西三十里。漢縣治。此高帝十一年封宣義爲侯邑。又武帝封代共王子郢客爲土軍侯。後漢廢。亦曰吐京城。音譌也。晉義熙九年吐京部與離石部出以眷叛。降夏王勃勃。勃勃因置吐京護軍。於此。後魏將婁伏連襲殺之。宋元嘉二十二年魏主

灑如上黨。西至吐京。又蕭齊建武三年。後魏吐京部反。旋擊平之。寰宇記。城在團圓山下。其城圓而方。俗謂之團城。隋遷今治。

長壽城。

縣東五里。舊唐書。武德初置長壽縣。屬西德州。貞觀初縣廢。謂之長壽村。五代周廣順初。北漢劉承鈞自攻晉州。不克。移軍隰州。隰州將孫繼業迎擊之。於長壽村。敗之。卽此寰宇記。縣北六里有夷吾館。卽晉公子夷吾所居也。後魏孝文置長壽縣。

於此志云。夷吾館在縣東二十五里。○臨河城在縣東六十里。唐初置臨河縣。屬西德州。貞觀初廢。或以爲後周所置。誤也。

團圓山。

縣西北三十里。山頂高而狀圓。因名其山。東西長一百八里。有小森谷。勝水泉出焉。北流六十里入黃河。又有百泉谷。在山之分水嶺下。泉約百餘派。西流八十里入黃河。○翠金山在縣南三十里。一名臺駘山。上有臺駘神廟。

石樓山。

縣東南六十里。蒲水出焉。流入隰州界。隋以此山名縣。○龍泉山在縣南。接隰州界。水經注。龍泉出吐京城東南。道左山下。牧馬川上。多產名駒。亦名屈產泉。卽晉獻公以屈產之乘。假道於虞者。志云。屈產泉在縣東南四里。又黃雲山在縣東六十

里與縣東南
牛心山相接。

黃河。在縣西百里。從寧鄉縣流入界。過上平關。又南入隰州永和縣界。

土軍川。

在縣西五十里。源出團圍山。有土軍谷。亦曰吐京谷。西達於大河。縣境諸水悉流合焉。或譌爲統軍川。後周主邕建德五年。自將攻晉州。分遣奚震守統軍川。卽此。

上平關。

縣西北九十里。下臨黃河。路出陝西綏德州。五代梁開平二年。李茂貞遣延州帥胡敬璋攻上平關。爲梁將劉知俊所敗。卽此。今有巡司戍守。

永寧關。

縣西北九十里。下臨黃河。路通陝西青澗縣。又窟龍關。在縣東北六十里。東接孝義縣。南接隰州。北抵寧鄉縣。二關國初俱置巡司戍守。今革。

臨縣。

府西北二百里。北至陝西吳堡縣三十里。東北至岢嵐州與縣一百八十里。漢離石縣地。屬西河郡。後周置烏突縣。兼置烏突郡。治焉。隋郡廢。縣改曰太和。屬石州。唐初改爲臨泉縣。置北和州治焉。貞觀三年。州廢。仍屬隰州。宋初因之。乾符三年。改屬晉寧金

仍屬石州。至元中統二年。改屬太原府。三年。升爲臨州。明初改曰臨縣。仍屬太原府。萬曆中改今屬。編戶十七里。

修化城。

在縣南。後周置窟胡縣。兼置窟胡郡治焉。隋初郡廢。改縣爲修化。屬石州。唐省。又縣東南有廬山廢縣。亦後周置。大業初并入脩化縣。

連枝山。

縣東七十里。枝脈蔓衍。連接羣山。亦謂之磨盤山。志云。山周六百餘里。近時官軍逐賊於此。賊據險拒守。官軍不能克。又黃雲山。在縣東北三里。榆林河出焉。

車突谷。

在縣東北。志云：後周置烏突縣，蓋以車突谷而名。北魏孝文太和二十一年，吐京部反，汾州刺史元彬遣軍擊破之，遁至車突谷，又破之，卽此。

黃河。

縣北二十里，自崑崙山與縣界流入，又西南入永寧州境。○榆林河在縣東北，源出黃雲山，下流入於黃河，又有臨泉水在縣治北，亦流入於大河。

尅湖寨。

縣西北百二十里，黃河東岸，路通陝西葭州。古置浮梁，今以舟濟。金大定中，築城屯兵於此，以防夏人。元廢。明朝洪武五年，置巡司，其南二十餘里有曲峪村渡，又南三十里有郭家塔渡，南四十里有堡子峪渡，俱通葭州。又南十二里有索達安渡。

路通陝西

吳堡縣

永寧州。

府西北百六十里，南至平陽府隰州二百五十里，西至陝西綏德州二百五十里，北至太原府崑崙州二百五十里，東北至太原府三百九十里。

春秋時白翟地。

齊語：桓公西征，攘白翟之。地至於西河，卽州境也。

戰國初爲趙之離石邑，後爲秦魏二國之境。秦屬太原郡，兩漢屬

西河郡，晉屬西河國。劉淵倡亂於此，後趙石勒置永石郡，後魏爲離石鎮，北齊置懷政郡，又改爲離石

郡，兼置西汾州。後周改西汾爲石州，而郡如故。隋初郡廢，州存。煬帝又改爲離石郡，唐復爲石州。天寶

初曰昌化郡，乾元初復故。宋因之。

亦曰昌化軍。

金屬太原府，元仍屬太原路，明洪武三年，以州治離石縣省。

入。仍曰石州。屬太原府。萬歷二十三年。改爲永寧州。編戶四屬汾州府。領縣一。

州重山合抱。大川四通。控帶疆索。鎖鑰汾晉。誠要區也。邊防攷州。西踰黃河。卽延綏邊地。北邊偏老。最屬要衝。而黃蘆嶺尤爲險阻。嘉隆之間。敵往往入寇。州境被其蹂躪。防維不可不密矣。

離石廢縣。

今州治。戰國時趙邑也。周赧王三十四年。秦取趙離石。此卽離石地。漢置縣。屬西河郡。漢初破匈奴。追至離石。匈奴復聚兵樓煩北。是也。武帝封代共王子緡爲侯邑。後漢爲西河郡治。東觀記。西河郡治平定縣。離石在郡南五百九里。

永和五年。以匈奴寇掠。徙郡治離石。晉亦曰西和國治。永興初。爲劉淵所據。石趙置永石郡於此。後魏太和二十年。北巡還。至離石。置石城縣。屬伍城郡。高齊置昌化縣。後周改爲離石。隋以後因之。明初省州城。景泰元年。因故城脩築。周九里有奇。

定胡城。

州西二十里。本漢離石縣地。後周置定胡郡及縣。隋初郡廢。縣屬石州。唐武德三年。置西定州於此。貞觀二年。州廢。縣仍屬石州。宋因之大觀二年。改屬晉寧軍。金仍屬石州。明昌六年。改爲孟門縣。元廢。又孟門城在定胡廢縣西。唐貞觀三年。分定

胡縣地置孟門縣。七年省。○方山城在州西北七十里。隋義寧初。置方山縣。唐武德二年。置方州。貞觀三年。州廢。縣仍屬石州。宋因之。金志。貞祐三年。徙縣於積翠山。山蓋在故縣北。元省。郡志云。方山城在州北百四十里。

蘭城。

在州西。戰國時趙蘭邑也。戰國策。智伯之趙。請蔡。羣狼之地。鮑氏曰。蔡當作蘭。趙世家。成侯三年。魏敗我蘭。武靈王十三年。秦拔我蘭。又武靈王曰。先王取蘭。郭狼。郭狼卽羣狼矣。漢置蘭縣。屬西河郡。武帝封代共王子罷軍爲侯邑。後漢因之。魏廢。○羣

狼城在州西北。史記趙世家。孟增幸於周成王。是爲宅羣狼。索隱謂居以羣狼之地也。漢置羣狼縣。屬西河郡。武帝封代共王子遷爲羣狼侯邑於此。狼作環。後漢亦爲羣狼縣。魏廢。

穀羅城。

在州北漢縣屬西河郡。後漢廢。永和六年，匈奴引烏桓作亂，使匈奴中郎將張耽等率鮮卑到穀城，擊烏桓於通天山大破之。胡氏曰：穀城即穀羅城。通天山即崑崙州與縣之石樓山。

左國城。

州東北二十里。晉時匈奴左部所居城也。載記：後漢建武初，南單于入居西河之美稔，今離石之左國城。單于所徙庭也。晉城郡王頰拜劉淵爲北單于，淵自鄯還至左國城，繼而自離石徙都焉。杜佑曰：離石有南單于庭左國城。○廬城，寰宇記，在

州治東二里。晉劉琨所築，以攻劉曜，遺址尙存。

呂梁山。

州東北百里。禹貢治梁及岐。孔氏曰：梁，呂梁山也。呂氏春秋：龍門未闢，呂梁未鑿，河出孟門之上，是也。俗名穀積山。與太原府交城縣接界。東川河出焉。○方山在州北故方山縣界，縣以此名。文水出焉，流入太原府交城縣。又州境有步佛山。宋初

王忠植以河東步佛山忠義士復石代等十一州，授河東經略安撫使，是也。

赤硤山。

州東北三十里。亦曰出硤嶺。高歡遣寶泰自晉陽襲爾朱兆于秀容，兆走，追破之於赤硤嶺，是也。亦曰赤硤岡。王象之曰：離石山一名胡公山，又爲赤洪嶺。故離石水亦名赤洪水。○仙洞山在州西南五十里。一名白馬仙洞，洞深遠，中有龍淵，又烏

崑山在州西南二十里，下有烏崑泉。志云：州北二十里又有三陽雲鳳山。

黃檀嶺。

在州西北八十里。高齊天保三年，自晉陽如離石，自黃檀嶺起長城北，至社平戍，四百餘里，置三十六戍。社平，齊記作社子。蓋在今朔州之廢武州界。又斛律金傳：黃檀嶺在烏突戍東。蓋與今臨縣接界，亦作黃檀嶺，今爲戍守要地。

大河。

州西百十里，有官菜園渡，路出陝西綏德州。志云：大河自臨縣流入界，又南入寧鄉縣境。

東川河。在州東北發源穀積山。流經州城西北。合於北川河。又北川河在州城西。源出赤峽嶺。合於東川河。並流而西南入於黃河。○赤峽水在州西北方山廢縣境。即離石水也。源出赤峽嶺。東南流合於東川河。

虎澤。在州北。漢志注。穀羅縣西北有武澤。即虎澤也。又故美稷縣亦有虎澤。今詳見榆林衛。○青龍泉在州西六十里。平地湧出。西流入黃河。

孟門關。州西四十里。隋置。其地險固。今有巡司戍守。通典後周定胡郡蓋置於此。州志關在州西百二十里。故孟門縣也。元廢。置離石巡司於此。城垣廬舍不滅於舊。今爲孟門巡司。又有赤堅嶺巡司。洪武三年置。亦曰赤洪嶺。在州北百八十里。

永安鎮。在州城內。唐志大歷中置。鎮將於石州。以綏御黨項。會要黨項部落曰野利。越詩野利龍兒。野利。厥律兒。黃野。海野。罕等。居慶州。號東山部。夏州號平夏部。代宗永泰後皆徙石州。因置鎮以統之。

寧鄉縣。州西南五十里。南至石樓縣百二十里。後周析置平夷縣。屬離石郡。隋唐屬石州。宋仍舊。金改曰寧鄉。元屬太原路。至元初改屬石州。今編戶十三里。

寧鄉城。在縣東。後周置寧鄉縣。屬離石部。隋大業初并入離石縣。

樓子臺山。縣東南三十里。山勢危聳。狀若層樓。因名。其頂有劉公洞。又仙明山。在縣南十里。下有仙明洞。又縣南二十里有屏風山。○臥龍岡在縣城東。高里許。形如臥龍。北自州界迤邐而東。抵汾州界。盤踞五十餘里。

黃河。在縣西百五十里。有三交口渡。路出陝西綏德州。南流入石樓縣界。

清水。縣南三十五里。北流經州西南十里。合東川水入黃河。又車轍泉。出縣南三十五里。車轍山下。縣東南三十里。又有蕉泉。出蕉山下。流合車轍泉。民多引渠灌田。西北流入州界。合於清水。亦謂之南川河。

潞安府。由東至河南彰德府三百里。由南至澤州一百九十里。由西至平陽府三百九十里。又由西北至太原府四百五十里。又由北至遼州二百四十三里。自府治至布政司衙門五百九十里。至京師一千三百里。

禹貢冀州地。商周時為黎國。書曰：西伯戡黎，春秋黎為狄國所滅。詩：衛風：式微，黎侯失國而寓於衛也。左傳：晉伯宗數狄罪曰：奪黎氏地也。後為赤狄潞子國。晉滅之。其

地入於晉。戰國初為韓之別都。後屬趙。秦取之。置上黨郡。秦紀：昭襄四十七年，攻韓上黨，降趙。白起破趙於長平。明年，盡有韓之上黨。又戰國策謂為兩上黨者，王氏曰：

以地在韓魏間，猶安邑近韓而云韓安邑也。兩漢魏晉皆因之。後魏亦曰上黨郡。後周兼置潞州。隋郡廢。州存。煬帝復曰上黨郡。

唐復曰潞州。武德二年，置總管府。九年，改曰都督府。貞觀八年，曰大都督府。十年，仍曰都督府。十七年罷。開元十七年，以龍濟於此，復置大都督府。天寶初，曰上黨郡。乾元初復故。尋置

昭義軍節度。先是至德初，置上黨節度，尋曰澤潞節度。大歷十年，始有昭義之名。今詳見州域形勢說。五代梁改匡義軍。唐曰安義軍。五代史：梁龍德二年，晉王存勗改昭義為安義。時李嗣昭

子繼紹為節度，為避父諱也。明年，李繼紹降梁，改曰匡義。是年唐滅梁，仍改曰安義。長興初復為昭義。晉復曰昭義軍。天福五年，割遼、沁二州屬昭義。明年，二州復還河東。宋仍為潞州。亦曰上黨郡。昭義軍。太平興國

初改革號。崇寧三年，升為隆德府。金復為潞州。元初亦曰隆德府。尋復為潞州。屬平陽路。明初洪武二

年，以州治上黨縣省入。九年，直隸山西布政司。嘉靖八年，升為潞安府。領縣八。

府據高設險。志云：郡地極高，與天爲黨，故曰上黨。爲兩河要會。自戰國以來，攻守重地也。周最曰：秦盡韓魏上黨，太原、秦地

天下之半也。制齊楚三晉之命。荀子曰：韓之土地。謂上黨之地。方數百里而趨趙，趙不能疑也。疑猶當也。故秦奪之。

漢初韓信收上黨，乃下井陘。東漢初，馮衍遺上黨守田邑書曰：上黨四塞之固，東帶三關。漢志：上黨郡有上黨壺口石陘。

三關。晉太和四年，燕皇甫真告其主暉曰：苻堅有窺上國之心，洛陽、太原、壺關皆宜選將益兵，以防未然。

蓋洛陽、太原、鄴都之外屏，而壺關則肘腋之備也。時申紹亦言：宜移戍并土，控制西河。南望壺關，北重晉陽。西寇來則拒守，過則斷後。障皆不用，旣而苻堅命王猛伐燕，謂猛曰：當先破壺關。平上黨，長驅趨

鄴，所謂疾雷不及掩耳。時燕都唐李抱真曰：山東有變，上黨常爲兵衝。杜佑曰：上黨之地，據天下之肩

脊。當河朔之咽喉。杜牧曰：澤潞肘京洛，而履河津，倚太原而跨河朔。語其形勝，不特甲於河東一道而已。五代梁圍潞州，晉王存勗曰：上黨河東藩蔽，無上黨是無河東也。宋靖康初，粘沒喝圍澤州，种師中

請由邢相。邢今直隸順德府，相今河南彰德府。間捷出上黨，擣其不意。王應麟曰：上黨於河北常爲兵衝者，以東下壺關，則

至相州南下太行，則抵孟州也。明初定山西，亦由澤潞而北上，黨賊自古必爭之地矣。

長治縣

附郭漢壺關縣也。隋置上黨縣，潞州治焉。唐宋因之。明初省嘉靖八年改置今縣，編戶一百七十里。

壺關城

括地志：潞州治上黨，即漢壺關縣也。魏收曰：秦上黨郡治壺關。漢治長子，董卓又移郡治壺關。慕容氏時，郡嘗治安民城。後復治壺關。後魏時移縣治於潁陽岡上，隋改置上黨縣於此。上黨記：曹公圍壺關，起土山於城西，城內築界城以遮之。今城

內有子城，周圍三里，一十步爲郡治。舊唐書：田悅傳：馬燧等師於壺關東，下收賊盧家寨。又城西南隅有古塔，其址即晉潞州節度使李嗣昭所築夾寨，以禦梁師者。五代史：梁開平初，遣李思安圍晉，李嗣昭於潞州，思安築重城內以防犇突，外以拒援兵，謂之夾寨。蓋嗣昭亦於城內築寨禦之也。明年晉王存勗破夾寨，潞州之圍遂解。後唐同光二年，潞州牙將楊立作亂，既平，夷其城。天成中始復葺治焉。潞州城池高深，夷毀之後，非復舊觀矣。明洪武三年，因舊土城，改築磚城，城周十九里有奇。

壺關山

府東南十三里，延袤百餘里，東接相州，崖徑險狹，形如壺口。春秋哀四年，齊國夏伐晉，取八邑，壺口其一也。漢志：上黨郡有壺口關，蓋置於此。建安八年，并州刺史高幹聞曹操討烏桓，復舉兵并州，守壺口關。十一年，操圍壺關，壺關降，晉永嘉二年

并州刺史劉琨使上黨太守劉惔帥鮮卑攻壺關，劉惔將秦母達敗，通明年淵遣王彌、劉聰、石勒等攻壺關，劉琨遣將王肅等救之，敗沒。既而劉聰等破屯留，長子劉惔遂以壺關降。大和五年，秦王猛伐燕，攻壺關，克之。執上黨太守慕容越，燕大震。太元十年，秦幽州刺史王永爲後燕將王佐等所攻，棄箕城，奔壺關。十九年，慕容垂滅西燕，遣慕容農出壺關，是也。亦謂之噶口。唐天寶末，李璣說平原太守顏真卿，欲開噶口，口程千里之師。建中二年，田悅以相魏叛，貝州刺史邢曹俊謂悅曰：今置萬兵於噶口，以遏西師，則河北二十四州皆爲尙書有矣。既而田悅圍臨洛，河東節度馬燧、昭義節度李抱真救之，合兵東下壺關，軍於邯鄲。圖經：噶口東出相州，溢口謂之噶口，地形險要，自昔爲噤喉之地是也。又大順初，潞州降於朱全忠，李克用遣兵圍之，全忠使驍將葛

從周將千騎潛自壺關夜抵潞州。犯圍入城。又光化二年。河東將李嗣昭攻潞州。汴將賀德倫棄城還。壺關。河東將李存審伏兵邀擊。殺獲甚衆。志云。壺關山在今壺關縣西北二里。山形似壺。古置關於此。而名。

柏谷山。府東北十三里。山多柏樹。一名百穀山。俗傳神農嘗殺處。有百穀泉。志云。巖壑絕勝。與太行王屋相連。○五龍山在府東南二十里。寰宇記。本名上黨山西燕慕容永時有五龍見山上。因名山多松柏。森茂千霄。爲郡之勝。又雄山在府東南六十里。

顧諸山爲雄長。

因名。洶水出焉。

白田原。在府西北。載記。晉永嘉二年。劉淵使其子聰攻壺關。命石勒爲前鋒。并州都督劉琨遣護軍黃秀等救壺關。勒敗秀於白田。殺之。遂陷壺關。白田一作封田。黃秀通鑑作王肅。

潞水。府西南二十里。卽濁漳水也。周禮職方。其川漳。其浸汾潞。關隴曰。潞水卽漳水。源出長子縣發鳩山。東北流。經府境。入襄垣縣界。後漢初平二年。袁紹屯河內。何進故部將張燕與南單于於扶羅。自上黨歸之。屯于漳水。晉太和五年。秦王猛與燕慕容評

相持于上黨。慕容評潞水與軍。人絹一

匹。水二石。卽此矣。詳見直隸大川漳水。

故城水。府西南十六里。北流二里。合石子河。西流入濁漳水。○洶水在府東南八十里。源出雄山。流與八諫水合。又八諫水在府南六十里。其地有八諫山水出山下。相傳趙括將八人諫括不聽。自刎於此。因名。其水亦西流。入長子縣界。會於濁漳水。又有

鷄鳴水。出府東八十里之鷄鳴山。流入於八諫水。黎

水出府城西南三十五里之黎侯嶺。流合於故城水。

西澗。在府西。劉淵遣石勒。劉聰攻壺關。聰敗劉琨將韓述於西澗。勒敗王肅於封田。遂克壺關。胡氏曰。西澗。封田。皆在壺關東南。似誤。○龍潭在府西三十里。亦名金龍池。淵深不可測。亦流入於漳水。

登關。見上壺關山下。漢志。上黨郡三關之一也。○

桃花寨在府西南近時官軍嘗擊賊於此。

黎亭。在府西南三十五里黎侯嶺上。相傳黎侯所築。應劭曰黎亭黎侯國也。晉永興二年劉淵以離石大儼徙屯黎亭。就

邱開穀。卽此。○裴村在府西北五里。唐會昌五年。昭義帥盧鈞發兵戍振武。錢之子裴村游卒作亂。鈞奔游城。是也。

太平驛。府西北八十里。唐置五代周顯德二年。北漢入犯。昭義節度李筠拒之。壁於太平驛。遣將穆令均逆戰於梁侯驛。是也。又府

西有龍泉驛。以龍潭水而名。亦唐置。會昌三年。劉稹以澤潞畔。朝廷敕使至鎮。將郭誼盛兵陳龍泉驛爲迎候。卽此。又城南

有龍泉橋。或謂之金橋。

唐志。金橋在州南二里。

梁侯驛。府西北百十里。五代周顯德初。北漢合契丹兵入蜀。遣其將李存瓊自圍柏道。攻晉州。又自圍柏南。趨潞州。遣屯梁侯驛。昭

義帥李筠拒之。遣其將穆令均逆戰於梁侯驛。而自帥大軍屯太平驛。旣而令均前進。遇伏。敗死。筠遁歸上黨。宋白曰。梁侯

驛在圍柏南。太平驛西。

北圍柏見太原府祁縣。

長子縣。府西南五十里。東南至澤州高平縣八十里。周初。史辛甲所封地也。晉爲長子邑。漢置縣。爲上黨郡治。晉屬上黨郡。後爲葛

容水所都。後魏仍屬上黨郡。北齊縣廢。隋開皇九年。置寄氏縣。十八年。改爲長子縣。屬潞州。唐以後。因之。今編戶九十三里。

長子城。在縣治西南。晉邑也。左傳。襄十八年。晉人執衛行人石買於長子。後爲趙地。智伯攻趙。襄子將出。從者曰。長子近。且城厚。完。

後又屬韓趙世家。成侯五年。韓與吾長子。是也。漢置縣。治此。後魏永安二年。元顥自梁入洛。魏主北走。爾朱榮馳見魏主於

長子。卽日南還。是也。唐十道圖。長子城。丹

朱所築。丹朱。魏之長子。因名。亦曰丹朱城。

樂陽城

縣西南三十里。後魏末析長子縣置樂陽縣。屬上黨郡。北齊廢。今名樂陽村。又神農城。後魏風土記云。在縣東南五十六里。羊頭山下有神農泉。又有穀關。即神農得佳穀處。○應城在縣東南四十里。魏收志。長子縣有應城。又有傾城及幸城。傾城

今見沁州

斷梁城注。

羊頭山

縣東南五十六里。以形似名。後漢安帝永初五年。羌寇河東。任尙擊羌於上黨羊頭山。破之。是也。又紫雲山。在縣東南四十里。與壺關山相接。又東南十里爲慶雲山。相傳堯時五色慶雲見此。因名。○梁山在縣東二十里。梁水出焉。又傘蓋山。在縣

西南五十里。遠望峯

樹如蓋。傘蓋水出焉。

發鳩山

縣西五十里。山海經。發鳩之山。漳水出焉。水經注。濁漳水出麓谷。與發鳩連麓。而在南。淮南子謂之發苞山。志云。麓谷在縣城西。而大道入壺口。關東出達襄國。西登奚斯巨嶺。以達河東。徑阻千里。亦謂之長子西谷。唐大順初。朝廷討李克用。以孫

揆鎮昭義。河東將李存孝伏兵於長子西谷中。揆至。突出擒之。即此。○刁黃山亦在縣西五十里。亦曰刁黃嶺。刁一作彫。唐會昌三年。劉稹以澤潞叛。使其將李佐堯守刁黃嶺。以拒官軍。大順初。河東將李存孝擒孫揆於長子西。追擊餘衆於刁黃嶺。盡殺之。

即此。志云。山多雜

木。與發鳩山相接。

江豬嶺

縣西南四十里。與長平關相近。由嶺路達離窠嶺。皆險隘處也。五代梁開平初。圍晉潞州。別將尹皓攻晉江豬嶺。拔之。周顯德初。與北漢主相距於高平。命李彥崇將兵守江豬嶺。遇北漢主歸路。彥崇擅引還。北漢主果自其路遁去。又離窠嶺亦

在縣西南。五代周顯德初。北漢主敗於高平。引百餘騎由離窠嶺遁歸。宵迷誤之。晉州復蒼。皇北走。僅得入晉陽。是也。胡氏曰。江豬嶺在澤州高平縣西北。蓋自嶺而南。即高平界也。

濁漳水。在縣南五里。源出發鳩山。流經此。又東北入長治縣界。志云：發鳩山下有靈湫泉。蓋即濁漳水之源也。○藍水在縣東北十九里。出屯留縣界。秀山東南流經此。又東北經長治縣西南二十里而入於漳水。志云：藍水下流入於沁源縣。誤也。

梁水。縣東三十里。源出梁山。東北流入於長治縣界。合於漳水。又傘蓋水。出傘蓋山下。亦東北流入於漳水。又堯水。在縣西南十三里。出西山。東北流合梁水入於漳水。○秦水源出縣西方山。流入澤州沁水縣界。即秦川水之上源也。

長平關。縣南四十里。又南去高平縣四十五里。即秦白起坑趙卒四十萬處。隋置關。唐因之。志云：長平關卽江豬嶺。上有石如豬也。圖經云：關蓋置於武紇嶺。秦趙戰於長平。趙兵敗。秦白起逐之。至此嶺。北去縣四十五里。又縣西北二十里有漳澤驛。長平

北出
道也。

屯留縣。府西北五十五里。又西北至沁州百六十里。春秋時晉余吾邑。亦曰純留。漢置屯留縣。屬上黨郡。後漢魏晉及後魏因之。北齊省。隋開皇十六年復置。屬潞州。唐因之。今編戶二十五里。

純留城。在縣東南十里。春秋時潞子國。亦赤狄種也。宣十六年。晉人滅潞。呼遂爲晉邑。謂之純留。襄十八年。晉人執衛行人孫劓於純留。又三家分晉。徒靖公於純留。戰國策：張儀勸秦伐韓曰：斷屯留之道。卽純留也。竹書梁惠成王十二年。鄭取屯留。尙子

尙子卽長子。秦紀：始皇八年。王弟長安君成蟜將軍擊趙反。死屯留。漢置縣於此。晉亦曰屯留縣。永興初。劉淵遣將劉囅取屯留。長子唐武德五年。自霍壁移今治。或以爲故城。亦兼霍壁之名。又蒲窩城。一作蒲窩城。其地在純留故城南。亦趙邑也。始皇八年。將軍壁死。卒屯留。蒲窩反。卽此。或曰：古純留城。在今縣西十里之平村。一名卞和莊。

余吾城。縣西北十八里。春秋晉余吾邑也。漢置余吾縣。屬上黨郡。後漢建武六年。封景丹子尙爲侯。後省。五代梁攻晉潞州。晉兵屯余吾。秦以救之。蓋於故城置寨也。今爲余吾驛。○隋氏城在縣西南七十里。漢縣。屬上黨郡。隋一作尙。晉省。後魏置寄氏。

縣仍屬上黨

郡北齊廢

三巘山

縣西北三十五里有三峯高峻。逸書湯伐三巘，卽其地也。俗傳爲羿射九鳥之所。一名麟山。下有三巘水。○盤秀山在縣西南八十里。巘岫盤曲，孤峯秀挺，亦名盤石山。藍絳二水皆出於此。又西南十里有霜澤山，其山高寒，霜早，故名。又疑山志云。

在縣南九里。後魏孝文帝幸游。

見此山有伏龍，疑而不進，因名。

絳水

在縣治北。通典：絳水出鹿瀆山。志云：鹿瀆山卽盤秀山也。東北流經此。又東南流入長治縣界。至潞城縣境，合於漳水。又藍水亦出盤秀山，東南流入長子縣界。○蒲谷水出縣西三十里蒲子谷，東南流，合於絳水。志云：縣東北二十里有積石谷，積石水

出焉。又有高麗水，出縣西七十里之高麗村。霜澤水出縣西南霜澤山，俱流入絳

水。以達於漳河。又八孔泉在縣西南八十里，有八泉自平地湧出，東流注於絳水。

高河壁

在縣東南。高河卽絳河也。朱梁開平初，圍晉潞州。晉將周德威壁於高河，梁兵擊之，大敗。又後唐末，契丹及石敬瑭敗唐兵於圍柏谷，進趨潞州。趙德鈞及子延壽迎謁於高河，卽此。

襄垣縣

府北九十里，西北至遼州榆社縣百三十里。秦置縣，屬上黨郡。相傳邑城爲趙襄子所築也。二漢及魏晉因之。永嘉三年，上黨爲劉淵所陷，并州刺史劉琨使其將張倚領上黨太守據襄垣。建興三年，劉聰遣劉曜攻敗之。後魏屬鄉郡。建義初，置襄垣郡。

治焉。北齊郡廢。後周置韓州。大業初，州廢，縣屬上黨。唐初亦置韓州。武德八

年，突厥寇潞沁，韓三州貞觀十七年州廢，縣仍屬潞州。今編戶八十三里。

韓城

在縣治北。或曰：戰國時韓所置也。後人因名曰韓城。後周置韓州治此。又縣北二十七里有甯城，或曰趙簡子所築。又縣西北九十里，有石勒城。志云：勒取上黨時，積草城也。

安民城。

縣北十二里。晉永嘉三年，劉潛寇陷上黨，并州刺史劉琨遣將張倚領上黨太守據襄垣，因築此以安上黨之民，故名。大興中，石勒略上黨，陷安民城。永和十一年，上黨人馮遂逐燕上黨守段剛，據安民城。魏收志：燕慕容儼以上黨郡治安民城後。

遷壺關。魏皇始元年，復移治安民。真君中，還治壺關是也。

五嶺山。

縣西南六十里。山嶺巉峻，因險設關，爲戍守處。又錯上洪山，在縣北三十里。以山谿叢雜而名。○鹿臺山在縣南二十里，下臨濁漳水，高聳如臺，因名。

仙堂山。

縣北五十里。山勢巍峩，上有龍洞及仙堂寺。山岡有琉璃殿，又有石九圍如車網，環水其中，雖旱不涸。○松門嶺，冀州圖云在縣北百三十里，通太原驛路。

濁漳水。

縣西南十里，自長治縣流入境，又東北流至縣東北三十五里，折而東南流，入潞城縣界。後魏長廣王建明初，爾朱兆追高歡至襄垣，會漳水暴漲，橋壞，兆輕馬渡水，與歡爲警處也。

涅水。

在縣西北六十里，源出沁州武鄉縣覆轍山，東南流入縣界，會小漳水。至縣西南十里，甘村合濁漳水，符秦將王猛伐燕，與慕容評戰，陳於涅源而誓之。卽此。杜佑以爲潞源也。又史水亦在縣西北六十里，曲折東流，入於涅水。

小漳水。

縣西北六十里，自沁州流入境，合於涅水，亦謂之銅鞮水。又甘羅水，在縣西北三十里，至縣東北一里，合濁漳水。志云：縣西四十里有雍子水，又西五里有下谷水，下流俱入濁漳水。

五嶺關。

在五嶺山上，正統初置巡司於此。又井谷關，在縣東南四十里，寰宇記：其地有天井谷，深遠如井，中有關，魏初遷都，置關於此，亦名天井關。唐志云：襄垣縣有百井，故關是也。

鹿亭。

縣西北五十里。鹿音斯。漢志：銅鞮有鹿亭，蓋與沁州接界。五代周廣順元年，潞州將陳思讓敗北漢兵於鹿亭，宋爲鹿亭驛，西北去沁州六十里。

潞城縣。

府東北四十里。東至黎城縣七十里。春秋時潞子嬰兒國。晉滅之。漢置潞縣。屬上黨郡。晉為上黨郡治。後魏太平真君十一年。改縣為刈陘縣。隋開皇初縣廢。十六年。改置潞城縣。仍屬潞州。唐因之。天祐二年。改曰潞子縣。五代唐復曰潞城。今編戶八十里。

潞城。

縣東北四十里。漢縣。蓋治此。後魏改刈陘縣。移治漳水東。唐乾元二年。澤潞節度王思禮敗史思明。將楊旻于潞城東。即今縣也。○微子城在縣東北十五里。紂都朝歌。潞在畿內。微子蓋食采於此也。

三垂山。

縣西二十里。晉永嘉中。劉聰將喬乘攻晉上黨太守龍和於壺關。平北將軍王廣韓柔馳救。敗喬乘於三垂。五代梁開平二年。晉王存勗救潞州。伏兵於三垂岡下。乘大霧直抵夾寨。出梁軍不意。大敗之。即此。

黃阜山。

冀州圖云。在縣西三十里。一名黃沙嶺。山上有城。即晉將崔恕與劉聰將秦母劇戰於黃阜。敗死處也。○鳳凰山。在縣西北五里。一名天冢。岡頂有風洞。中有玉女泉。又伏牛山。在縣東南十五里。唐史景雲三年。黃龍見於此。

濁漳水。

在縣北。自襄垣縣流入界。志云。縣西三十五里為交漳村。有交漳水。潞水自長治縣西北流經此。而合於濁漳。交流而東。故名。自此而東。凡一百八十里。而入河南林縣界。亦謂之潞川。晉太和五年。秦王猛克壺關。還攻晉陽。燕慕容評畏猛不敢進。

屯於潞川。猛克晉陽。還軍潞川。評敗走。太元十八年。慕容垂伐西燕。慕容永遣其將刁雲等守潞川。以拒之。二十一年。拓拔珪取并州。遣別將長孫肥追慕容農。及於潞川。獲其妻子。是也。志云。縣城東十五里有潞水。西流會濁漳。故漳水亦兼潞水之名。

臺壁。

在縣北。水經注。潞縣北對故臺壁。漳水經其南。本潞子所立。晉太元十九年。慕容垂伐西燕。慕容永聚糧臺壁。遣兵戍守。以拒之。既而後燕軍圍臺壁。臺壁降。垂陳於臺壁南。遣別將伏干騎於澗下。與永合戰。垂僞退。永追之。行數里。騎從澗中出。斷其後。

垂軍四面俱進。

大破之。即此。

黃碾村。在縣西北距上黨四十五里晉王存勗救潞州軍於黃碾村是也。○
武王塢在縣西南四十里相傳武王伐紂時經此因名有武王祠。

壺關縣。府東二十五里東至平順縣三十里漢壺關縣地隋初析置上黨縣大業初以壺關縣并入焉唐武德四年復析置壺關縣屬潞州今編戶八十七里

壺關舊城。在縣東南五十里括地志後魏移壺關縣當羊腸坂羊頭山之阨是也其地名潁陽岡唐初置縣於高望堡在今縣西七里貞觀中移治進流川即今治云

大王山。縣東南二十五里後魏書太平真君九年詔於壺關東北大王山累石爲三封又斬其北鳳凰山南足以厭之以望氣者言山有王氣也一云孝文見此山有封龍又斷此山之東麓晉泰初高歡帥六鎮降衆就食山東屯壺關大王山蓋即王氣之

應也又唐玄宗以潞州別駕齊大統亦其驗云鳳凰山在今縣北十五里

烏泉山。縣東南三十里山色皆黑山半出泉伏地而流又有黃山在縣南二十八里山色皆黃○三壅山在縣東南九十里其山三面壅障山下出泉名壅水東南入河南林縣界

羊腸坂。在縣東南一百六里漢志壺關有羊腸坂是也坂長三里盤曲如羊腸戰國策周樊餘謂楚王趙兼兩上黨以臨趙即趙羊腸以上危兩上黨謂地在韓魏間者又王莽命王嘉曰羊頭之阨北當燕趙蓋謂此也○大峪嶺在縣西南三十里有鐵礦

又縣南六十里有趙屋嶺亦產鐵礦及赤白石脂

壺水。在縣西北二里志云水出壺關山下流經此又西經府北下流入於濁漳今濁又進流川在縣西南三里亦曰清流川壺水支流也今亦濁

沾水。在縣東南。水經注。沾水出羊腸坂。漢志注。沾水東至朝歌。入於淇水。○蕙澤池在縣治南。甘泉池在縣治北。縣地高峻。巖於得水。明洪武景泰中鑿此二池。甚爲民利。

十八盤隘。在縣東南八十五里。以回盤險僻而名。路通河南林縣。又榭林隘。在縣東南百二十里。羊腸坂南出之道也。亦與河南林縣接壤。

黎城縣。府東北百十里。又東北至河南涉縣八十里。古黎侯國。漢潞縣地。後魏刈陵縣地。隋開皇十八年置黎城縣。屬潞州。唐因之。宋熙寧中省。元祐初復置。今編戶三十七里。

黎侯城。縣東北十八里。春秋晉荀林父滅潞。立黎侯而還。志以爲卽此城也。又有故黎城。在縣西北十里。舊縣治。此宋天聖三年移於今治。○石城在縣南八十里。舊傳石勒築。此以貯穀。因名。

白巖山。縣北十五里。又積布山。在縣西北六十里。形如積布。又西北二十里有桃花山。

吳兒峪。縣東二十八里。又東北接河南涉縣。亦曰吾兒峪。太行山口也。後唐清泰三年。張敬達等攻河東。爲河東及契丹所敗。趙德鈞將盧龍兵由土門路赴救。進至吳兒峪。趨潞州。元至正中。察罕帖木兒寒吳兒峪。以遏賊衝。是也。

濁漳水。在縣西南二十三里。自潞城縣流入。境與平順縣接界。又東南流入河南林縣境。○清漳水在縣東北三十里。自遼州流入。界東入河南涉縣境。

玉泉水。縣西北五十里。山下有石竅三泉。噴湧而出。合爲一川。入河南涉縣界。注清漳。

吾峪關。在吳兒峪口。馬氏曰。吾兒峪卽故壺口關。蓋音譌也。今其地至爲要隘。有巡司戍守。

平順縣。

府東北七十里。東南至河南林縣百十里。本壺關。潞城二縣地。名青羊山。險僻多盜。嘉靖七年。益肆劫事。平明年。析二縣地。又益以黎城縣地。置平順縣。屬潞安府。編戶三十二里。

照城。

縣東三十里。西燕慕容永所築。以拒慕容垂者。又有益陽城。在縣東南四十里。今爲城頭村。又陽護城。在縣北五里。皆慕容永所築。

紫團山。

縣東南九十里。其山高聳。昔嘗有紫氣見山頂。團圓如蓋。因名。產人參。名紫團參。○麥積山。在縣東南百四十里。磊石巉峴。形如麥積。

濁漳水。

在縣東北。自潞城縣流入境。與黎城縣接界。○赤崖泉。在縣東八十里。源出石洞中。洞深里許。洞內產盧甘石。洞口土色赤。泉出其中。因名。

正梯隘。

在縣東九十里。一名梯頭隘。以形險若梯。而名。路通河南林縣。

附見

藩陽中護衛。

在府城內。永樂七年。爲藩府置。又潞州衛。在府治南。洪武元年。遷。

讀史方輿紀要

卷四十三

山西五

澤州。

東至河南衛輝府四十里。南至河南懷慶府一百二十里。西南至河南府二百八十里。西至平陽府絳州二百五十里。西北至平陽府四百十里。北至潞安府一百九十里。東北至河南彰德府三百二十里。自州治至布政司六百二十里。至京師亦一千八

里。百

禹貢冀州地。春秋屬晉。戰國屬韓。後屬趙。秦屬上黨郡。漢爲上黨、河東二郡地。後漢及魏晉因之。後魏置建州。魏收志。慕容永分上黨置建興郡。真君九年省。和平三年復置永安中罷郡置建州治高都城。領高都、長平、安平三郡。北齊亦爲建州及長平、高都二郡。

後周併二郡爲高平郡。隋廢郡。改建州爲澤州。因漢澤水爲名。場帝又改州爲長平郡。唐初復置建州。又爲蓋

州。貞觀初。改置澤州。舊唐書。武德初置蓋州。領高平等縣。又置澤州。領漢澤等縣。三年置建州。領晉城等縣。六年廢建州以蓋州治晉城縣。貞觀初又廢蓋州以澤州治晉城是也。天寶初。曰高平郡。乾

元初復爲澤州。宋仍爲澤州。

亦曰高平郡。

金曰南澤州。

以別於北京之澤州也。

尋復故。

元光二年又升爲忠昌軍節度。

元屬平陽路。明初以州

治晉城縣省入。洪武九年改隸山西布政司。

編戶一百六十七里。

領縣四。

州山谷高深。道路險窄。戰國時秦爭韓魏。往往角逐於此。自兩漢之季。以迄晉室之衰。自晉陽而爭懷孟。由河東而趣汴洛。未有不以州爲孔道者。後魏都洛。迨其末也。河北多事。高都長平。恆爲戰場。隋末竇建德與唐相持於虎牢。其臣凌敬謂宜取懷州。河陽。鳴鼓建旗。踰太行。入上黨。是也。唐之中葉。澤潞一鎮。藉以禁制山東。說者謂州據太行之雄固。實東洛之藩垣。五代時晉王存勗敗梁人於潞州。進攻澤州。梁將牛存節自天井關馳救。曰澤州要害。不可失也。旣而梁爭上黨。往往駐軍澤州。周顯德初。周主敗北漢兵於此。而河東之勢日蹙。宋初李筠起兵澤潞。閻邱仲卿說筠。公孤軍舉事。大梁甲兵精銳。難與爭鋒。不如西下太行。直抵懷孟。塞虎牢。據洛陽。東向而爭天下。計之上也。筠不能用而敗。蓋太行爲河北之屏障。而州又太行之首衝矣。

晉城廢縣。

今州治。本漢高都縣地。隋爲丹川縣地。唐武德三年。析置晉城縣爲建州治。六年廢建州。自高平移蓋州治。此貞觀元年廢蓋州。自端氏移澤州治焉。後因之。明初省。今城明初因舊城修築。周七里。有奇。

高都城

在州東三十里。戰國時魏地。秦莊王三年，蒙鶩拔魏高都。漢置高都縣，屬上黨郡。魏晉因之。慕容永置建興郡於此。後魏真君九年，省和平五年，復置郡。永安初，改置建州。又置高都郡治焉。三年，魏主誅爾朱榮，爾朱世隆自洛城北走，至建州。刺史肆希賢拒守，世隆攻屠之。永熙中，高歡以其黨韓賢爲建州刺史。魏主修罷州以去賢，因復置建興郡。既而高歡謀遷魏主於鄴，遣三千騎鎮建興。北齊仍爲高都郡治。後周爲高平郡治。隋開皇初，郡廢。十八年，改爲丹川縣。澤州治焉。唐武德初，縣屬蓋州。三年，析置晉城縣。九年，省入晉城。今亦曰高都村。○蓋州廢縣在州東北，唐武德初置，屬蓋州。九年，省入晉城。

太行山

州南三十里。自此東西一帶諸山，雖各因地立名，實皆太行也。志云：州南九十里，有碗子城，是爲太行絕頂。其間羣山迴環，兩崖相夾，中立小城，隱若鐵甕，亦曰碗子城。關亦曰碗子城。山明朝正統中，鑿石平險，以免折軸摧車之患。今關屬河南河

內縣，餘俱詳

河南名山

五門山

州西十二里。形若城墉，有門凡五。又松嶺山，在州西南三十里。○浮山在州東南三十五里，以高近浮雲而名。其並峙者曰硤石山，以兩山拱峙，壁立若門也。又天池嶺，在州東三十七里。其嶺石崖壁立如城，南北二石門中，可容千人。昔人嘗設寨

避兵於此

馬牢山

在州東南。唐大順初，泝軍圍澤州。河東將李存孝擊之，泝將李勣等遁去。存孝等隨而擊之，大破之於馬牢山。山即太行之別阜也。○丹谷在州東。太行山麓，水經注：丹水經高都縣，東南流注於丹谷。晉書地道記：高都有太行關，丹溪爲關之東谷。

塗自此去，不復由關矣。魏主子攸誅爾朱榮，爾朱世隆引兵犯洛陽，不克，北趣并州。詔源子恭出西道討之，仍鎮太行丹谷，築壘以待之。既而爾朱兆自汾州引兵據晉陽，南破丹谷軍，遂復渡河趨洛陽。

丹水。

州東北三十里。源出高平縣西北仙公山。流經州境。合白水。下流入於沁河。寰宇記：丹水一名泚水。漢志注：丹水出堯谷。東南入泚水。則非一水也。水經注：丹水經石人北。其石人各在一山。角倚相望。南為河內。北為上黨。二郡以之分界。志云：州東南八

十里有

石人山。

白水。

州南三里。源出城西南胡泓水。東南流。歷天井關。合於丹水。晉太元十五年。慕容永引兵向洛陽。朱序自河套北濟河。破水於太行。進軍至白水。去長子百六十里。卽此也。

天井水。

出天井關南。三泉並導。淵深不測。北流注於白水。亦謂之北流泉。又有源漳泉。在州東北三十三里。東流入於丹水。

天井關。

州南四十五里。當太行絕頂。俗傳孔子將入晉。過車於此。宋靖康初。賜名雄定關。元末謂之平陽關。其南卽羊腸坂道。至爲險要。今詳見重險。

巴公鎮。

州北三十五里。五代周顯德元年。北漢主南侵。引兵至高平南。陳於高原。與周軍遇。又以中軍陳於巴公原。周主自將擊之。大敗。漢兵今爲巴公鎮。○韓店在州北。明初元將擴廓遣兵攻澤州。我師擊之於此。不利。

科斗店。

在天井關南。唐會昌三年。河陽帥王義元討劉稹。遣兵軍於天井關南科斗店。爲稹將薛茂卿所敗。卽此。○橫望陞在州西南八十里。卽狄梁公望雲思親處。今爲橫望鎮。有巡司。又南有柳樹陞。亦曰柳村店。有巡司。戍守與碗子城相接。

高平縣。

州北八十三里。西北至潞安府長子縣八十里。戰國趙長平地。漢置泚水縣。屬上黨郡。魏晉因之。後魏曰泚水縣。屬建興郡。永安中。析置平高縣。屬長平郡。北齊屬高平郡。改縣曰高平。後周屬高平郡。隋郡廢。縣屬澤州。唐初置蓋州於此。武德六年。蓋州

移治晉城縣屬焉。貞觀初。蓋州廢。縣

屬澤州。宋因之。今編戶百五十三里。

茲氏城。

在縣東十里。竹書梁惠成王九年。晉取茲氏。是也。漢縣治此。晉永興初。劉淵遣劉曜取茲氏。後魏改爲茲氏縣。長平郡治焉。高齊移郡治端氏。省縣入高平。五代梁開平二年。晉將周德威攻梁澤州。不克。退保高平。周顯德初。北漢主南侵。過澤州。不攻。引兵而南。軍於高平之南。既而敗於巴公。原。周軍追至高平。漢兵失亡無算。即今縣也。

長平城。

縣西北二十里。即秦白起破趙處。漢武帝元朔二年。封衛青爲侯。劉昭曰。茲氏有長平亭也。晉永嘉三年。劉淵遣其子聰及石勒等攻壺關。東海王越遣王曠等濟河拒之。至太行。與曠遇。戰於長平之間。敗沒。水經注。長平城西有秦壘。秦坑趙本。收頭。顧築壘於壘中。因山爲壘。崔巍傑起。今仍號白起壘。城之左右。沿山亘隔。南北五十里。東西二十里。秦趙壘壁存焉。志云。頭顛山在縣西五里。白起壘在其上。

陽阿城。

縣南六十里。漢縣。屬上黨郡。高帝封萬祈爲侯。後漢因之。晉廢。地記。慕容永分上黨郡置建興郡。蓋治陽阿縣。後魏亦治陽阿縣。初屬上黨郡。永安中。屬高都郡。北齊廢入高都。○光狼城在縣西南二十五里。秦紀。昭襄王二十一年。白起攻趙。拔光狼城。今其地名秦趙郛。志云。縣南三十五里有故關城。秦置。

米山。

縣北十里。相傳趙將廉頗積米於此。俗呼爲大糧山。又韓王山亦在縣北。志云。縣之主山也。其山獨高。上有平地數畝。登眺之。四面諸山。皆如培塿。相傳秦圍韓王於此。因名。又金門山在縣北五里。當趙壘之門。其土赤。色日照如金。

羊頭山。

在縣東北三十里。相傳神農嘗五穀於此。山畔生黍。和律者採之。以定黃鍾。又翠屏山。在縣東三十六里。山峯秀麗。若翠屏然。又仙公山。在縣西北四十五里。丹水出焉。○走馬嶺在縣西北十里。出鐵鑛。志云。縣四十里。王降村有護國鐵冶。元大德間置。至正間。廢。明朝洪武間。徙置縣北二十里。永樂中廢。今舊治猶存。又縣西二十里。爲省冤谷。即趙括敗死餘衆被坑處也。舊呼殺谷。唐元宗幸潞州。過此。致祭。改名省冤。

丹水

縣西北五里。自仙公山南流。經縣南入州境。一名長平水。志云。丹水上源合上黨諸山之水。建瓴而下。每暴雨漲高二三丈。浮沙赤緒。水流如丹。因名。唐貞元初。縣令明濟引水入城。號曰甘水。又泚水在縣西北。通典謂泚谷水流合丹水。泚氏縣以此名。

今湮

絕水

在縣城西。志云。頭顛山下有陽谷。絕水出焉。秦軍築絕此水。不命趙飲。故名。今湮。○許河在縣南二十五里。志云。源潔泉出。縣西南三十里之原。邨其泉。周四丈深。丈五尺。東西分引。溉田。西南流十餘里。合山水。經許莊。名許河。東南流數里入丹河。

長平關

縣西北四十五里。隋置。有關。唐因之。通釋。澤州有長平關。即此。今亦為長平驛。與潞安府長子縣接界。○磨盤岩在縣西北。明初馮宗異取澤州。破磨盤岩。進克潞州。是也。又桑子鎮在縣西南。近時官軍嘗破賊於此。

趙障

在縣西。戰國趙孝成王四年。取上黨。廉頗軍長平。秦昭趙軍。取二障。四尉括地志。趙障故城。一名都尉城。今名趙東城。在縣西。又有故穀城。此二城。即二障也。○西壘壁在縣北。趙孝成王七年。趙括為將。秦攻趙。奪西壘壁。又有趙東壘。一名趙東長

壘。即趙括戰不勝築壁堅守處也。正義曰。俱在縣北。

陽城縣

州西百里。東南至河南濟源縣百十里。漢河東郡。漢澤縣也。晉屬陽平郡。後魏屬安平郡。隋屬澤州。唐武德初。置澤州。於此。八年。移澤州治端氏。貞觀初。又移州治晉城。縣屬焉。天寶初。改為陽城縣。今編戶百里。

澤澤城

縣西三十里。戰國時魏邑也。竹書。梁惠成王十九年。晉取泚氏。澤澤。漢置澤澤治於此。後漢封鄧鯉為侯邑。建安十年。高幹舉兵并州。入澤澤。即此。後魏移今治。今為澤澤村。

析城山

縣西南七十里。即禹貢所云底柱析城者。蓋太行之支山也。山下有神池。淵深莫測。相傳與濟瀆相通。水經注。山甚高峻。上平坦。有二水。東濁西清。左右不生草木。亦曰析津。山東麓地名桑林。相傳神禹禱雨處。○王屋山在縣南八十里。即禹貢所

云析城至於王屋也。山連絳州垣曲縣及懷慶府濟源縣界。
古今地名云。王屋山方七百里。高萬仞。本冀州之河陽山。

白澗山。縣西北十六里。水經注。澹澤水出澹澤城西白澗嶺是也。晉義熙十二年。丁零翟猛雀驅掠吏民入白澗山。

爲亂。後魏主嗣道將張蒲等擊平之。○史山在縣東北三十里。產鐵。其西五里有金裏谷堆。堆下亦有鐵礦。

巉峽山。縣東三十里有百脈泉。百流騰沸。亦名百聚泉。東流入沁河。又巉山在縣北三十里。東有白龍潭。又羊腸坂在縣東六十里。下有棲龍潭。亦東流入沁。

沁河。在縣東二十里。自沁水縣流入境。又南入河南濟源縣界。今詳見大川。

澹澤。縣西北十里。墨子云。舜漁於澹澤。漢以此名縣。水經注。澤水出白澗嶺。經澹澤城南。又東注於沁水。卽澹澤也。隋置澤州。亦因以名。

荊子隘。在縣南八十里。路出河南濟源縣。今有懷慶衛官軍戍守。又有三纜凹。在縣北。其地險僻。近時官軍嘗敗賊於此。

陵川縣。州東北百四十三里。北至潞安府壺關縣五十里。漢汝氏縣地。隋初爲高平縣。開皇十六年。析置陵川縣。屬澤州。以縣多陵。阜而名。唐屬蓋州。貞觀初屬澤州。會昌三年。忠武帥王宰討澤潞叛帥劉稹。敗稹兵於天井關。進拔陵川。卽此。宋仍曰陵川縣。

今編戶九十二里。

馬武山。在縣東五十里。後漢初。馬武嘗屯兵於此。又孤峯山。在縣東七十里。以孤峯特起而名。寰宇記。縣西南六十里有九僊臺。一峯孤峙。三面泉流。

浙水。出縣東北四十里佛子山下。流經潞安府平順縣界。又流入河南林縣。注於洹水。又平田水。在縣東南九十里。源出孤峯山下。流亦入河南林縣界。注於濁漳水。○蒲水。在縣西北二十里。西流入於丹水。

永和隘。縣南六十里。路出河南修武縣。明初設巡司戍守。嘉靖中革。尋以寧山衛官兵戍此。復罷。今仍設官兵戍守。又五度關隘。在縣東南八十里。路通河南輝縣。明初調寧山衛官兵戍守。後亦罷。

沁水縣。州西二百里。西北至平陽府浮山縣七十里。漢置縣。屬河內郡。後漢及魏。晉因之。後魏改爲東永安縣。孝昌中置秦寧郡治焉。後又爲廣寧郡。北齊廢郡。改縣曰永寧。隋開皇十八年。復曰沁水縣。屬澤州。王世充置原州於此。唐復故。今編戶五十四里。

沁水故城。縣西三十里。漢縣治。此。隋移今治。今名故城村。又安平城。志云。在縣東六十里。後魏安平郡治。此。東南去端氏縣三十里。

端氏城。縣東九十里。本晉邑。史記趙世家。成侯十六年。與韓魏分晉。封晉君以端氏。肅侯元年。奪晉君端氏。徙之屯留。漢置端氏縣。屬河東郡。晉屬平陽郡。後魏置安平郡於此。隋初郡廢。縣屬澤州。唐武德八年。徙澤州治。此。後周移晉城縣屬焉。宋因之。元

至元三年。
省入沁水。

馬邑城。在縣東二十里山上。秦趙拒戰。築此城。以養馬。其地峻險。南臨小澗。北距大川。或云。即白起與趙括戰時所築。○王離城。在縣東北五十六里。志云。秦將王離所築。阻險。臨崖。四面懸絕。

三尖山。縣東北三十里。三峯並峙。又縣東三十里有僵月山。俗呼車轆山。有車轆水。○石樓山。在縣城南山下。有灑纓泉。流入杏谷水。又鹿臺山。在縣南三十里。水經注云。山上有水。澗而不流。

崑山。縣東九十里。一名隗山。其形峻崑。與羣山連綿不絕。志云。山在故端氏城東。城西南又有礮山。○東輔山。在縣西南九十里。其西爲四輔山。與析城山相連。有輔車之勢。水經注。輔山高十餘里。與垣縣北救山相接云。

烏嶺。縣西北四十里。春秋晉侯寬於黃父。杜預曰。黑壤也。晉地在絳之東。宇文周諱黑。改爲烏嶺。唐會昌三年。晉絳行營節度使石雄討劉稹。敗之於烏嶺。卽此。嶺與平陽府翼城縣接界。○空倉嶺在縣東百四十里。相傳秦白起馳運置倉以給趙括處。

沁河。縣東五十里。源出沁州沁源縣。經平陽府岳陽縣界。東流入縣境。又東南流入陽城縣界。

蘆河。在縣南。源出鹿臺山。流經陽城縣東十八里。合於沁水。○杏谷水在縣城東。源出縣西三十五里陝溝村。流至此。合於梅谷水。梅谷水源出縣西北三十五里梅谷村。流至城東。與杏谷水合。流經縣東鄭莊村。入於沁河。又藥川水在縣東。水經注。藥川水

出巨峻山。帶引衆流。積以成川。西南徑端氏。故城東。又南入於沁水。隋志。端氏縣有巨峻山。秦川水。今煙

東烏嶺關。縣西北五十里。宣德四年。置巡司於此。○寶莊堡在縣東北。近時土人嘗敗賊於此。

附見

寧山衛。在州治東北。洪武四年置。所。十一年改衛。隸河南都司。尋改隸後軍都督府。

沁州。東南至潞安府二百二十里。西南至平陽府三百五十里。西北至汾州府四百八十里。北至太原府三百十里。東北至遂州一百七十里。自州治至布政司見上。至京師一千七百里。

禹貢冀州地。春秋屬晉。戰國屬韓。後屬趙。秦屬上黨郡。兩漢及魏晉因之。後魏置鄉郡。

魏收志。石勒分上黨置武鄉郡。後罷。

延和二年。隋初郡廢。開皇十六年。置沁州。治今沁源縣。

大業初。復廢屬上黨郡。義寧元年。置義寧郡。唐初復改

為沁州。天寶初曰陽城郡。乾元初。復曰沁州。宋太平興國四年。改置威勝軍。以沁州省入。金復曰沁州。

元光二年。升為義勝軍節度。

元隸平陽路。明初以州治銅鞮縣省入。

編戶六十六里。

洪武九年。直隸山西布政司。領縣二。

州北接太原。南走澤潞。居心膂之地。當四達之衝。山川環抱。形要之地也。

銅鞮廢縣。

今州治。其舊城在今州南十里。中有宮闕臺基。即春秋時晉之別宮也。左傳成九年。鄭伯如晉。晉人執之。銅鞮。襄三十一

年。鄭子產謂銅鞮之宮數里。即此。又晉大夫羊舌赤所邑也。昭二十八年。滅羊舌氏。魏獻子使欒霄為銅鞮大夫。劉

陶曰。羊舌所邑在晉宮北二十里。漢置銅鞮縣。屬上黨郡。高帝八年。周勃轉攻韓信軍銅鞮。破之。後漢亦為銅鞮縣。後魏時。縣屬

鄉郡。隋屬潞州。唐武德初。改屬沁州。尋屬韓州。貞觀中。韓州廢。仍屬潞州。劉陶曰。武德三年。銅鞮縣移治沁水堡。六年。移於今所。

今縣南四十里。又有銅鞮故城。或以為隋唐時縣治。此宋太平興國三年。於縣之亂柳棻園中置威勝軍。尋移銅鞮縣為軍治。金仍為沁州治。元因之。明初省今州城。元末築明朝因舊城增修。周六里有奇。

關與城。

州西北二十里。孟康曰。關與讀曰焉與。戰國時。趙將趙奢大破秦軍。解關與之圍。其地在河南武安縣。秦始皇十一年。王翳

攻關與及棘陽。又漢二年。韓信破代。擒代相夏贖於關與。即此處也。後漢志。鄴縣有關與聚。冀州圖謂之鳴蘇城。俗曰烏蘇

鄉。棘陽見遼州。○甲水城在州北七十里。為漢之上黨郡涅縣地。後魏改置陽城縣。屬鄉。郡。隋開皇十八年。改置甲水縣。大業初。廢入銅鞮縣。唐武德三年。復置甲水縣。六年省。

斷梁城。在州東北下陷深壑。三面絕澗。廣袤二里。水經注。斷梁城。卽鞏縣之上屍亭。又東南有傾城。卽縣之下屍梁。云志云。傾城。真垣縣西北九十里。蓋接境處也。

銅鞮山。州南四十里。一名紫金山。又州西北五里有龜山。圖經。銅鞮峙前。龜山峙後。爲州之形勝。○豐鼓山在州東北五里。上有大石。擊之聲如鼓。一名聖鼓。嶺下有水流入漳河。俗呼爲小河。又伏牛山在州西北三十里。山有龍泉。漳河源出焉。又有石梯。

山在州南七十里。

山勢峻險。因名。

漳水。在州西二里有二源。一出伏牛山西谷。一出州西北三十里滑山。流至交口。合爲一川。名西漳河。又名小漳水。亦謂之銅鞮水。流經此。又東南入潞安府襄垣縣界。經屍亭。鎮至甘都。合於濁漳。○靈池在州西二十里。靈山下。又后泉在州西南四十里后。

泉山下俱。

流入漳河。

亂柳寨。在州城東北。五代梁開平二年。晉將周德威解潞州之圍。聞晉王李克用病篤。退屯亂柳。又後唐清泰末。趙德鈞奉命攻河東。將幽州兵趨潞州。合澤潞兵至亂柳。盤桓不進。宋太平興國四年。親征北漢。駐蹕於此。今有駐蹕臺。○瓦馬寨在州東八

十里。志云。潞州津梁寺地。美水草。瓦馬岩置於此。唐會昌

四年。河中帥石雄討劉稹。拔其瓦馬等三砦一堡。是也。

西唐店。在州北。唐一作湯。胡氏曰。店在亂柳西。後唐清泰末。趙延壽自河陽引兵如潞州。過其父德鈞於西唐店。以兵屬之。旣而趣圍柏谷。與諸軍合。圍柏谷。見太原府祁縣。

沁源縣。

州治二百里。西南至平陽府岳陽縣百十里。漢置穀遠縣。屬上黨郡。晉省。後魏建義初。置沁源縣。兼置義寧郡治焉。隋初郡廢。開皇十六年。置沁州治此。大業初。州廢。縣仍屬上黨郡。義寧初。復爲義寧郡治焉。初復置沁州治此。宋改置威勝軍。縣屬焉。金

因之元光二年升爲穀州。

元復故今編戶十五里。

穀遠城。

在縣城南漢縣治此晉廢志云上黨入河東穀遠其通途也後譚爲孤遠城魏收志義寧郡治孤遠城即此○綿上山在縣北八十里隋末分介休縣之南界置唐屬沁州宋屬威勝軍金屬沁州元省入沁源縣又廢昭遠縣亦在縣北唐武德二年

置三年廢。

綿山。

縣北百里與汾州府介休縣接界即介山也沁水出焉又靜草鬼山在縣西北七十里與靈空山相接勢高風寒不生草木志云靈空山在縣東北六十里○琴泉山在縣東六十里下有靈泉西流入沁河又雕集嶺在縣東南四十里

沁河。

縣東一里源出綿山東谷流入平陽府岳陽縣界漢志注沁水出穀遠縣羊頭山世靡谷東南至榮陽入大河或以爲即綿山也水經注沁水一名泊水出山谷中三源奇注徑瀉一陸左右近縣參差異注實字記沁有二源一出綿山東谷一出縣東北

馬圍溝俱南流至交口輒而合經縣城東而南注云又青龍河在縣東二十五里亦曰青龍溝西南流入沁河○寒泉在縣東北五十里青囊山上又有馬跑泉出靈空山俱西南流入沁河

綿上關。

縣西八十里洪武四年置巡司於此又柴店關在縣北唐置舊爲戍守處

固鎮砦。

縣西南三十里唐會昌四年官軍討澤潞叛帥劉稹降將高文端言固鎮砦四崖懸絕勢不可攻然砦中無水皆飲澗水在秦東約二里許官軍宜進兵逼之絕其水道不過三日賊必棄寨遁去官軍即可迫蹙前十五里至青龍寨亦四崖懸絕水

在砦外可以前法取也其東十五里即沁州城矣胡氏曰時州治沁源唐史時河中帥王逢破石會關詔以文端所言示逢仍令屯翼城據此則秦在沁源之西南

武鄉縣

州北六十里。東至遼州榆社縣五十里。北至太原府太谷縣八十里。漢涅縣地。屬上黨郡。晉析置武鄉縣。仍屬上黨郡。石勒置武鄉郡於此。後魏改為鄉郡縣。亦為鄉縣。隋初郡廢。屬潞州。唐初屬韓州。州廢。仍屬潞州。武后時復曰武鄉縣。神龍初。仍曰

鄉縣。天寶初。復曰武鄉。宋改屬威勝軍。今編戶三十六里。

武鄉城

在縣東北。晉初置縣於此。石勒生長武鄉。曰武鄉吾之豐沛。因置武鄉郡。五代志。上黨郡鄉縣。後魏置南垣州。尋改曰豐州。孝武帝修大昌初。高歡自鄴討爾朱兆於晉陽。入潞口。軍於武鄉。兆遂北走。後周州廢。唐亦曰武鄉縣。會昌中。劉稹以澤潞

畔。遣其黨康良佺守武鄉。以拒官軍。即此。寰宇記。武鄉舊

城。在今遼州榆社縣西北二十里。唐武德三年。移於今治。

涅縣城

縣西七十里。漢涅氏縣治。此後漢曰涅縣。晉因之。後魏移武鄉治涅縣。既又徙武鄉治南亭川。涅縣并入焉。○石勒城志云。在縣城北牛里許。石勒嘗屯兵於此。因名。魏收志。鄉縣三臺嶺上有李陽村。又有麻池。即石勒與李陽爭溫麻處。

八角山

縣西三里。以山形八角而名。又韓山在縣東北一里。相傳石勒微時耕牧於此。嘗聞韓鐸之音而名。○羊徑山在縣東百里。路若羊腸。為入太行之徑。其相接有龍巖洞。洞深廣。即太行山麓也。

護甲山

縣西北九十里。亦曰胡甲嶺。一名侯甲山。涅水出焉。又有隆丹水。流入太原府祁縣界。其下流亦名侯甲水。水經注。侯甲水發源胡甲山。山有長坂。謂之胡甲嶺。劉歆遂初賦。所謂越侯甲而長驅者也。今為北出太原之徑。道明初設巡司戍守。又西

交山。在縣西百二十里。以山勢相交而名。

涅水

縣西五里。源出護甲山。東南流經此。注於漳河。又漳水源出遼州八賦嶺。流經榆社縣。至縣西五里合涅水。又東南流。至潞安府襄垣縣東北三十五里。入於濁漳。所謂武鄉之漳河也。

昂車關。在縣東北七十里。唐置。一作印車關。亦曰芒車關。聲相近也。魏收志。上黨郡沾縣有昂車關。新唐書。武鄉縣有昂車關。會昌

三年。劉稹以昭義畔。詔討之。河東節度使劉沔以兵守昂車關。既而詔沔曰。昂車關路極賊境。又光化五年。朱全忠將氏叔

察入太行。由天井關

進軍昂車關是也。

土河寨。縣東七十里。西南北三面阻絕深澗。

東面有嵒。舊為戍守處。今名土河寨。

遼州。東至直隸廣平府三百六十里。東南至河南磁州三百里。南至潞安府二百四十三里。西北至太原府三百四十里。

北至太原府平定州二百二十里。東北至直隸順德府二百四十里。自州治至布政司。見上。至京師一千二百里。

禹貢冀州地。春秋屬晉。戰國屬韓。後屬趙。秦屬上黨郡。兩漢因之。晉屬樂平郡。郡治沾縣。見後魏因之。隋

前樂平縣。

屬遼州。州治樂平縣。大業初州廢。屬太原郡。唐初仍屬遼州。武德六年。改置遼州於此。八年。改爲箕州。先天

元年。改儀州。天寶初。曰樂平郡。乾元初。復曰儀州。中和三年。復爲遼州。五代因之。

石晉天福二年。嘗改置昭義軍於此。兼領沁州。四年

宋仍曰遼州。亦曰樂平郡。熙寧七年。州廢。屬平定軍。元豐八年。復置遼州。金曰南遼州。別於東京。尋復故元

之遼州也。

屬平陽路。明初以州治遼山縣省入。今編戶三十里。洪武九年。直隸山西布政司。領縣二。

州居太行絕頂。地少平夷。僻而實險。唐會昌中。澤潞兵亂。李德裕遣兵自儀州東據武安。河南屬縣以斷洛

邢之路。光化以後。河東與汴人爭邢洛。州境常爲孔道。五代之際。邢洛有事。自晉陽而踰太行。州實爲之腰膂。形勢詎不足恃哉。

遼山廢縣

今州治。戰國時趙地。亦曰轅陽。秦始皇十一年。王翦攻趙轅陽。卽此。漢爲涅氏縣地。屬上黨郡。武帝封江喜爲轅陽侯。邑於此。晉置轅陽縣。屬樂平郡。後魏曰遼陽縣。北齊廢。隋開皇十年置遼山縣。十六年以縣屬遼州。大業初州廢。縣屬

太原郡。唐武德三年置遼州。縣屬焉。六年自樂平移州治此。後因之。明初廢。城邑考。州北三里有故遼陽城。城周五里。相傳縣舊治。此唐武德三年圯於水。徙今治。今城明朝因舊城修築。周四里有奇。

平城廢縣

州西北七十里。志云。卽趙平都城也。趙簡子所立。東魏武定末。高洋謀受魏禪。自晉陽擁兵而東。至平都城。卽此。隋開皇十六年置平城縣。屬并州。唐初因之。武德三年改屬榆州。六年又改屬遼州。宋熙寧七年廢爲鎮。元祐初復爲縣。金

貞元二年。又廢爲鎮。貞祐四年復爲縣。改曰儀城。元至元三年省入遼山縣。○交漳城在州東南七十里。隋開皇十六年置交漳縣。屬遼州。大業初廢。今曰交漳鄉。

遼陽山

州東三里。後魏以此名縣。又箕山在州東南七十里。山有石室。唐箕州以此名。○五指山在州東五十里。山巖高聳。有五指迹。十六國春秋。石勒當生時。此山草木皆成鐵騎形。

黃澤嶺

州東南百二十里。太行山上。唐光化三年。朱全忠遣兵攻劉仁恭於幽滄。拔德州。圍滄州。克用遣周德威將兵出黃澤攻邢。洛以救之。五代梁乾化五年。魏博附晉。晉王存勳引兵自黃澤嶺東下。與李存審會於臨清。旣而梁將劉鄩與晉兵相持於

魏縣。鄴以晉兵盡在魏州。晉陽必虛。乃潛引軍自鄴而北。由黃澤嶺西出。會陰雨。黃澤道險。蓋泥深尺餘。士卒援藤葛而進。皆腹疾足腫。死者什二三。晉人覺之。先爲之備。鄴不能進。至樂平而還。周廣順元年。北漢主劉崇發兵屯黃澤嶺。謀窺邢趙。周亦遣將

陳思讓戍磁州。

扼黃澤路是也。

千畝原。州東南三十里。州境多山。惟此地高平。曠可千畝。上有泉。自石穴湧出。分流灌溉。衆沾其利。亦名千畝泉。

清漳水。在州東南。源出平定州樂平縣之少山。流入州境。分而爲二。一自廢平城縣東南流。經州南一里而東。一自和順縣石炭嶺流。經州東七十里而南。至交漳村。二水合流。入潞安府黎城縣界。詳見直隸大川漳水。

遼陽水。在縣西北。出和順縣境。或曰。卽漳水支流也。流經廢遼陽城東。謂之遼陽水。東南流。仍合於清漳水。

黃澤關。在黃澤嶺上。山勢險峻。路徑曲折。凡一十八盤。元置。關於此。路通河南武安縣。洪武十一年。置巡司戍守。

前亭。在故平城縣西。高洋謀受魏禪。自晉陽行至前亭。馬忽倒。洋意惡之。至平都城。不復肯進。卽此地也。又州北有甘露寺。北齊主洋天保十年。嘗禪居深觀於此。

榆社縣。州西百里。西北至太谷縣百六十里。漢上黨郡涅縣地。晉武鄉縣地。隋開皇十六年。置榆社縣。屬韓州。大業初。縣廢。義寧初。復置。唐初。於縣置榆州。武德六年。州廢。縣屬遼州。宋熙寧七年。廢入武鄉縣。元祐初。復置。元至元三年。省。六年。復置。今編戶三十

榆社故城。

在縣西。魏收志：鄉縣北有榆社城。隋因置榆社縣。唐會昌三年，河中帥劉河討劉稹，鑿於榆社，即今縣也。○僞武城在縣東北。唐武德三年，置僞武縣，屬榆州。六年，州廢，縣并入榆社郡。國志：縣東三十里有箕城。春秋僖三十三年，晉人敗狄於箕，即此。寰宇記云：唐箕州所理也。又武鄉廢縣在今縣西北二十里，蓋與沁州武鄉縣接界。

狄於箕，即此。寰宇記云：唐箕州所理也。又武鄉廢縣在今縣西北二十里，蓋與沁州武鄉縣接界。

秀容山。

在州東南三里，縣之鎮山也。山勢逶迤而西，峯巒秀麗，因名。志云：以山達忻州定襄縣界而名，似誤。○頂山在縣西北八十里，峯巒特起，冠於羣山。

鼓腰嶺。

在縣西。唐會昌三年，澤潞帥劉稹遣其黨康良俊等守石會關，良俊為河東帥王遂所敗，棄關退屯。三十里，守鼓腰嶺。嶺蓋與沁州武鄉縣接界。又縣西五十里有黃花嶺，為往來之徑道，有巡司戍守。

武鄉水。

在縣西南，出沁州武鄉縣界，流入境。又流經和順縣西南而北入漳水。志云：出和順縣之孫膑坡，南入縣界，似誤。○儀川河在縣東北，有二源：一出縣東四十里武鄉嶺，一出縣東北狼兒嶺。又東北流，合為一川，至州界合於漳水。

小漳水。

有二：一自和順縣界，流經縣西之黃花嶺，有黃花嶺水流合焉。又南流至武鄉縣合涅水。一出黃花嶺東麓，流經縣東合於儀川河。

石會關。

在縣西北。又西即武鄉之昂東關，為扼要之處。唐置關於此。會昌三年，河東帥劉河討澤潞軍於石會，劉稹亦遣其將郭傑守石會關。既而河東將王遂克之。四年，太原軍亂，石會守將楊珍復以關降。稹尋復取之。五年，潞州軍亂，李德裕請召河東

帥王宰守石會關，且分兵守潞州四境。亂尋定。又光化二年，汴將氏叔琮自馬嶺關西侵河東，為河東將周德威所敗，引還。德威追之，出石會關，叔琮復敗走。五年，朱全忠大舉攻河東，分遣其將氏叔琮拔澤州，降潞州，進取晉陽。出石會關，營於洞渦驛，攻晉陽不克。叔琮復自石會關引歸。天復二年，叔琮自晉州敗河東兵，長驅圍晉陽，不克，引還。河東將李嗣昭等追之，及石會關，叔琮留數馬及旌旗於高岡之巔，嗣昭等疑有伏兵，引去。五代唐同光初，梁人謀分道攻唐，以陝隴澤潞之兵自石會關趨太原，不果。

清泰三年契丹救石敬瑭至太原圍唐兵於晉安營遊騎至石會關漢初以契丹既去汗讎遂取之道漢主欲自石會關越上黨不果周顯德五年游州帥李筠擊北漢石會關拔其六寨關蓋澤潞北走晉陽之徑道也洞謁驛在今徐溝縣

馬陵關

縣西北九十里與太原府太谷縣接界其東接和順縣之孫疇坡俗謠爲龍涓自剋處今有巡司戍守詳見太谷縣○古寨在縣東南二里高三丈東南二面俱臨溝澗旁有幽洞蓋昔人避兵處

和順縣

州北九十里北至平定州樂平縣七十里本春秋晉大夫梁餘子食邑也亦名榆城漢爲沾縣地屬上黨郡晉屬樂平郡北齊置梁榆縣隋改曰和順屬并州唐初因之武德三年改屬遼州宋熙寧中省元祐初復置今編戶二十三里

和順故城

在縣治東北或云石勒時所置後魏廢隋因以名縣又義興廢縣在縣西唐武德三年置六年廢○梁榆城在縣西水經注榆水出梁榆城西盧諶征賦賦訪梁榆之虛郭乃閱與之舊都是也北齊因置梁榆縣

合山

縣東四十里盤踞紆回上多柏松下有郎君娘子二泉又九京山在縣北五里亦名九原山○羣山在縣西八十里又西十里有三尖山以三峯並峙而名

松子嶺

縣北三十里與樂平縣接界有關在其上嶺路崎嶇最爲險峻下有松子水又石嶽嶺在縣西北四十里漳水經其旁又有石鼓嶺在縣南三十里○八賦嶺在縣西百餘里兩山對峙如八字然一名八轉嶺大涂水出焉流入榆次縣境嶺下又有

八賦水東流合漳水又小漳水亦出於此縣西百二十里又有孫疇坡山勢盤曲西接馬陵關

漳水

縣西北三十里自樂平縣流入境分爲二流又南入州界○小漳水在縣西南百里源出八賦嶺流入榆社縣界

榆水


在縣西水經注榆水有二源一出梁榆城西大嶽山謂之北水東南流經城東南注於南水南水亦出西山東南流經梁榆城南合於北水志云梁榆水今出縣之石嶽嶺流經縣東南合於清漳又南松嶺水出縣西南四十里南萬嶺其松子水亦曰北

松嶺水俱流入漳水○水神水源出縣東七里涉河谷北流經樂平縣東南八十里水神谷合沽水。

飲馬池。在縣境西山之陰。水甚清激。相傳石勒飲馬處。又有溫麻池。在縣東北三十里李陽郭。志以爲卽石勒與陽所爭者。○萬水泉在縣東六十里。流合漳水。

黃榆嶺關。縣東八十里太行山頂。路通直隸邢臺縣。洪武三年置巡司戍守。又松子嶺關。在松子嶺上。志云。路通直隸真定縣。五代末爲河東守險之地。明朝正統八年置巡司於此。

趙奢壘。志云。在縣東五十里。趙奢所築也。縣西二里有鹿苑。方廣數十畝。相傳趙襄子養鹿處。



讀史方輿紀要

卷四十四

山西六

大同府

東至直隸保安州五百里。南至太原府代州鴈門關二百九十里。西至大同右衛黃土山墩二百三十里。北至廢宣寧縣貓兒莊一百二十里。自府治至布政司六百七十里。至京師九百里。

禹貢冀州地。春秋時爲北狄所居。戰國屬趙。秦爲雲中、鴈門、代郡地。漢因之。後漢末，中原大擾，郡縣俱廢。三國魏屬新興郡。晉亦爲新興、鴈門郡地。後魏主珪天興中，徙都平城，置司州牧及代尹。孝文太和
中遷洛，改置恆州。時司州改置於洛陽也。又改代尹爲萬年尹。後周並廢，隋以其地屬代、朔、雲三州。唐武德六年，置

北恆州。明年廢。貞觀十四年，自朔州北移雲州於此。永淳初，爲突厥所破。州廢。開元二十年，復置雲州。

天寶初，改雲中郡。乾元初，復曰雲州。唐志：大中三年，置大同軍節度，治雲州。割河東、靈、蔚、朔三州隸焉。後廢置不一，詳見州城形勢說。五代唐置大同軍節度。石

晉歸於契丹。置西京。改雲州曰大同府。今因之。元曰大同路。明初改爲大同府，領州四，縣七。

府東連上谷，南達并恆，西界黃河，北控沙漠，居邊隅之要害，爲京師之藩屏。史記：趙襄子躒勾注，破并

代以臨代貉。卽此地也。戰國時爲燕趙邊境。秦脅燕趙。恆指此以張軍聲。漢亦爲緣邊郡地。每遣將屯軍以攘却北寇。後漢末。中原多事。棄爲荒蕪。中土倒懸之勢。見端於此矣。晉永嘉中。拓跋猗盧與并州牧劉琨求陘北地。得之。日益盛強。後遂建都於此。蠶食隣方。并有中夏。及六鎮之亂。魏以覆亡。說者謂棄代北而遷河南。非魏之利也。周齊之間。突厥漸強。憑陵屢及焉。唐初亦被其患。後建設軍屯。以藩衛河東。范陽之亂。郡亦被其侵軼。逮咸通以後。四郊多壘。沙陀桀黠於此。其後遂專制河東。李克用復出此。以併有盧龍。蓋燕代閒必爭之地也。石晉歸其地於契丹。宋不能復有。遂基靖康之釁。女真之亡遼。蒙古之亡金。皆先下大同。燕京不能復固矣。故明都燕。以郡爲肩背之地。鎮守攸重。正統末。恃以挫狡寇之鋒。天順中。石亨鎮此。嘗言大同。士馬甲天下。若專制大同。北塞紫荆。東據臨清。決高郵之隄。以絕餉道。京師可不戰而困。蓋府據天下之脊。自昔用武地也。邊防考。大同。川原平衍。三面臨邊。多大舉之寇。明初。封代藩於此。置大同五衛。大同前後左右衛及朔州衛也。及陽和五衛。陽和高山。天城。鎮南。蔚州。衛也。謂之大同迤東五衛。東勝五衛。東勝左右二衛及玉林。雲川。威遠。三衛也。衛各五千六百人。以屯田戍邊。又設大邊二邊。以爲扞蔽。明初。修築山西烟墩。東路起天成衛北榆林口。直抵朔州。緩會口。西路自朔州北。忙牛嶺。直抵東勝路。黃河西岸。灰溝村。是時雲內。豐州。悉爲內境。邊圉寧謐者數十年。後乃多故矣。

大同縣

附郭漢平城地屬鴈門郡東漢末廢後魏道武自雲中徙都此初爲代尹治遷洛後爲恆州治高齊廢恆州置恆安鎮尋復爲恆州後周曰恆安鎮隋屬雲內縣唐武德六年置北恆州是年劉武周餘黨苑君璋自馬邑退保恆安州尋廢貞觀元年來降十四年自朔州北定襄城移雲州及定襄縣置於此永淳初爲默曠所破因移百姓於朔州而州縣俱廢開元二十年復置雲州又改置雲中縣遂析雲中置大同縣元以雲中縣省入焉今編戶二十六里

平城廢縣

府東五里相傳秦漢時舊縣也漢高七年至平城出白登爲匈奴所圍七日而後罷去八年周勃等擊反韓王信還攻樓煩三城因擊朔騎於平城下尋屬鴈門郡爲東部郡尉治後漢建武十年吳漢等出高柳擊破虛芳將賈覽及匈奴

數千騎於平城下晉建興初劉琨表猗盧爲代王治故平城爲南郡隆安二年拓跋珪自盛樂徙都平城謂之代都置代郡始營宮室建宗廟立社稷東至代郡西極善無南極陰館北盡參合皆爲畿內既又徙河北六州豪傑於代都義熙二年珪規度平城築邊南宮闕門高十餘丈穿宮池廣苑囿規立外城方二十里宋白曰魏道武都平城東至上谷軍都關西至河南至中山隘門營北至五原地方千里以爲甸服孝文帝洛改治恆州及六鎮之亂故都爲墟隋爲恆安鎮開皇十九年遣代州總管韓洪鎮恆安爲突厥達頭所敗二十年爲突厥啓民可汗築定襄城卽恆安鎮也唐爲雲中縣皆故平城也石晉以賂契丹契丹因置西京遼志西京城周二十里東門曰迎春南曰朝陽西曰定西北曰拱極元魏宮垣占城之北面雙闕尙在焉金仍爲西京城色考今城東五里無疊坡上有平城外郭南北宛然相傳後魏時故址舊記宋永初三年魏築平城外郭周三十二里既又廣西宮外垣周二十里是也今府城洪武五年大將軍徐達因舊土城增築萬歷八年增修周十三里有奇

定襄城

府西北二十八里或曰漢定襄郡城非也唐貞觀十四年自朔州北定襄城移雲州及定襄縣置於隋之恆安鎮此卽貞觀時之定襄也括地志朔州定襄縣本漢平城縣謂此○燕昌城在府東北四十里太元二十一年慕容垂復伐魏敗魏兵拔

平城會疾發頓平城西北三十里築燕昌城而還水經注燕昌城在平城北四十里俗謂之老公城又東安陽城在府東南漢縣屬代郡或曰趙主父封其長子章於代號曰安陽君卽此也東漢末縣廢晉義熙五年魏主珪爲子清河王紹所弑肥如侯賀讎

舉烽於安陽城北。賀蘭部人皆赴之。即此。魏收志。永熙中。置高柳郡。治安陽。蓋後魏時改置。

平齊城

府西三十里。漢平城縣地。宋志。泰始五年。魏人徙升城。壘城民望於桑乾。因立平齊郡以處之。東魏武定元年。改置齊郡。鎮昌國。安平二縣。三年。又置武州。治焉。尋廢。後齊曰太平縣。後周曰雲中縣。隋曰雲內縣。隋志。後齊置安陽。臨蓋。威。遠。臨陽等縣。屬北恆州。俱在境內。後周並廢。唐貞觀中。爲定襄縣地。後又改置雲中縣。即今郡治。

宜寧城

府西北八十里。遼志。唐會昌中。以西德店置德州。契丹開泰八年。復置治宣德縣。縣亦唐會昌中置。漢桐過縣地。高齊紫阿鎮也。金志。遼德州昭聖軍。治宣德縣。金州廢。大定八年。改縣曰宜寧。屬大同府。元因之。明初廢。又天成城在府北八十里。遼志云。魏道武嘗置廣牧縣於此。唐爲雲中縣地。遼析置天成縣。屬大同府。金因之。元書。即今天成衛也。○奉儀城在府東北。遼析雲中縣置屬大同府。金省爲鎮。屬大同縣。

新平城

府西南百里。晉建興元年。拓跋猗盧城盛樂爲北都。修故平城爲南都。又作新平城於灑水之陽。使右賢王六修鎮之。統領南部。北史。猗盧修故平城。更南百里。於灑水之陽。黃瓜堆。築新平城。謂之平南。晉人亦謂之小平城。元興二年。魏主珪如南平城。規度灑南。將建新邑。杜佑曰。北齊置朔州。在後魏故都西南之新城。即新平城也。後移於馬邑。即今朔州治。唐時亦謂新平城爲新城。武德三年。代州都督閻諱與突厥戰於新城。不利。五年。李大恩擊突厥於馬邑。頓兵新城。敗死。亦爲神武川之地。元和。中。沙陀朱邪執宜自鹽州隨范希朝鎮河東。始保神武川之黃花堆。後李克用生於神武川之新城。即此也。景福二年。李克用北巡。將趨雲州。以幽州帥李匡威等侵雲州。乃潛入新城。遂爲應州地。宋宣和七年。遼主延禧走天德。又至應州新城。東六十里。爲金將婁室所據。即此。

高柳城。

府東南九十里。漢縣。屬代郡。西部都尉治此。後漢建武九年。吳漢等擊盧芳將賈覽於高柳。敗績。十五年。盧芳自匈奴入居高柳。騎都尉張堪擊破之。二十一年。馬援出高柳擊烏桓。熹平五年。遣夏育出高柳。分濟擊鮮卑。敗績。晉太元十一年。魏叛。

將劉顯等奉故什翼健少子窟咄逼魏主珪。屯高柳。珪求救於慕容垂。垂子麟與珪會兵擊窟咄。大破之。義熙九年。拓跋嗣如高柳。十三年。復如高柳。水經注。高柳故城在代中。其傍重巒疊嶺。霞舉雲標。連山隱隱。東出遂塞。杜銜曰。高柳在雲中縣境。後漢爲代郡治。中平中廢。

當城。

在府東南。關關十三州記。在代郡高柳東八十里。當桓部山作城。故曰當城。漢縣。屬代郡。高祖十一年。樊噲別將兵定代地。斬陳稀於當城是也。後漢及晉因之。後廢。又且如城。在府東漢縣。屬代郡。中部都尉治此。應邵曰。在當城西北四十里。後漢廢。晉義熙十一年。魏主嗣如沮洳城。卽且知之。譌也。胡氏謂城以下瀝得名。悞矣。○白登城。府東北百十里。因故白登臺而名。遂置長奇縣。今改曰白登。宋嘉定四年。蒙古拔烏沙堡及烏月營。破白登城。遂攻西京。金將胡沙虎塞城。通。明初洪武二年。李文忠出朔州。敗元於白登。又遣將分道敗元於三不刺川及順寧陽門。是也。縣尋廢。烏沙堡見直隸之廢開平衛。陽門見宣府鎮。

參合城。

在府東百里。漢縣。屬代郡。高帝十一年。故韓王信與胡騎入居參合。柴將軍與戰。屠參合。斬韓王信。卽此。後漢末縣省。晉元康中。拓拔祿官分其衆爲二部。一居代郡參合。陔之北。咸康五年。什翼健會諸大人於參合。陔。大元二十年。後燕慕容垂遣其子寶擊魏。還至參合。陔。營於陔東。蟠羊山南水上。魏軍追至陔西。登山。下臨燕軍。縱兵掩擊。燕軍大敗。二十一年。慕容垂復伐魏。至參合。陔。見積骸如山。設祭弔之死者。父兄皆號。慟垂慟疾。罵而還。燕書垂過參合。陔。乃進頓平城。三十里。是也。義熙三年。魏主珪自瀟源西如參合。陔。乃還平城。六年。魏主嗣北擊柔然。引兵還參合。陔。劉宋景平元年。魏主嗣北巡至參合。陔。其後復置縣。仍屬代郡。東魏天平中。屬梁城郡。北齊省。水經注。可不灑水出臨門沃陽縣。東南六十里山下。西北流經沃水。合流而東。逕參

合縣南縣西北有參合陂亦曰參合陁俗謂之蒼鷗陁

盛樂城

府西北三百餘里漢置成樂縣爲定襄郡治後漢改屬雲中郡後廢鮮卑拓拔力微始居其地晉元康五年拓跋祿官始分其國爲三部一居上谷之北濡源之西自統之一居代郡參合陂之北使兄沙漠汗之子猗柁統之一居定襄之盛樂故城使猗柁弟猗盧統之建興初猗盧城盛樂以爲北都其後爲石虎所敗部族東徙至拓拔駱槐於咸康初復城盛樂而居之弟什翼犍於咸康六年始都雲中之盛樂宮明年築盛樂城於故城南八里卽漢之成樂縣地也又晉紀太元十一年拓跋珪徙居定襄之盛樂蓋前此遷逐於雲中代郡間未有定居也亦曰雲中宮魏土地記雲中宮在雲中故城東四十里義熙九年魏主嗣如雲中舊宮蓋是時都平城故謂盛樂爲雲中舊宮魏主濂始光元年柔然入雲中攻拔盛樂宮魏主擊却之孝文遷洛後於定襄故城置朔州領盛樂廣牧二郡太和十八年至朔州是也正光五年元或討破六韓拔陁頓於朔州是年詔改懷朔鎮爲朔州更命朔州曰雲州亦謂之雲中李崇爲破六韓拔陁所敗自白道還雲中旣而復自雲中引兵還平城曰雲中者白道之衝賊之咽喉若此地不全則并肆危矣乃請留費穆爲雲州刺史旣而北境皆沒惟雲中一城獨存久之乃塞城南奔地記雲中城東八十里有成樂城今雲中郡治一名盧城魏收志永熙中置盛樂郡爲雲州治所卽此唐初平突厥置雲中都督府於盛樂尋罷天寶元年王忠嗣奏置振武軍西去東受降城百餘里大曆八年徙單于都護府治振武軍城內元和七年李絳言振武天德左右糧田萬頃請擇能員開置營田可以省費足食於是詔以韓重華爲振武軍營田等使起代北墾田三百頃三歲大熟因募人爲十五屯屯制每三十人耕百畝就高爲堡東起振武西逾雲州極於中受降城出入河山之際凡六百餘里列櫛二十墾田三千八百餘頃歲收粟四十萬餘石旣而請益開田五千頃可以盡給振武天德靈武鹽夏五城之軍議格不行唐史振武天德糧田廣袤千里是也賈耽曰振武城在朔州北三百五十里本漢定襄郡成樂縣續通典振武軍故盛樂城也在唐朔州北二百八十里與定襄故城對其地居陰山之陽黃河之北五代梁貞明二年契丹阿保機襲吐谷渾還至振武盡俘其民而東後置振武縣屬

豐州金廢爲振武鎮。其北七十里有黑沙磧云。

平地城。府西北五百里。元志云。本名平地。秦至元二年。省入豐州。三年。置平地縣。屬大同路。明初省。○武進城在府西北塞外。漢定襄郡屬縣也。西部都尉治焉。光武封趙慮爲侯。邑尋復爲縣。屬雲中郡。熹平初廢。又沙陁城在武進城西。漢縣屬雲中郡。後

漢末廢。漢志注。白渠水出武進塞外。西至沙陁入河。卽此。

原陽城。在府西北境。故趙邑也。戰國策。趙武靈王破原陽以爲騎邑。卽此。漢爲原陽縣。屬雲中郡。後漢末廢。水經注。芒干水出陰山。南經武舉縣。又南逕原陽故城。西是也。又武舉城亦在府西北境。漢縣屬定襄郡。中部都尉治此。後漢末廢。漢志注。有荒干

水出塞外。西至沙陁入河。或曰荒干水。卽水經注所云芒干水也。○武要城在府北。漢縣屬定襄郡。東部都尉治此。後漢末廢。志云。武要西北卽石漠矣。蓋極塞也。又陶陵城亦在府北。漢縣屬雲中郡。東部都尉治焉。後漢廢。

武泉城。在府西。漢雲中郡屬縣也。漢初灌嬰擊反韓王信於馬邑。別降樓煩以北六縣。斬代左相。破朔騎於五泉北。又周勃擊破朔騎於此。景帝中六年。匈奴入鴈門至武泉是也。後漢末廢。○北輿城亦在府西境。漢縣屬雲中郡。中部都尉治焉。後漢廢。

道元曰。武泉西南卽北輿縣也。其地俱在白道北。又府西北有武城城。漢縣屬定襄郡。後漢廢。

淨州城。府西北四百二十里。金大定中置。治天山縣。元因之。曰淨州路。明初廢。又砂井城在府西北五百里。金人置砂井總管府。領砂井一縣。元曰砂井路。明初廢。今其地有砂井。外卽界壕。○蘇武城在府西北五百餘里。相傳漢蘇武使匈奴時居此。

東勝城。府西五百里。遼所置東勝州也。續通考。遼太祖破振武軍。故勝州之民皆趣河東。勝州遂廢。石晉割代北獻遼。乃置東勝州。亦曰武興軍。領榆林河濱二縣。金初屬西夏。後復取之。領東勝一縣。元又省東勝縣入州。明初改建東勝左右二衛。兵民皆

耕牧河套中外寇稀少。洪武二十六年，城東勝，永樂初移入麟輔，其地遂墟。正統三年，邊將周諒言：東勝州廢城，西濱黃河，東接大同，南抵偏關，北連大山，榆楊等口中有赤兒山、東西坦平二百餘里，其外連官山，實外寇出沒必經之地。若屯軍此城，則大同右衛、淨水坪、偏頭關、水泉堡、四處營堡皆在其內，可以不勞戍守，非惟可以捍蔽太原、大同，亦所以保障延安、綏德也。時不能用，成化中李來竊入套中，邊事日亟，嘉靖間陳講亦言東勝撤而偏關之備急，蓋東勝當全晉之西北，關係尤重矣。

桑乾城

府東百五十里，漢縣，爲代郡治。後漢仍屬代郡，建安二十三年，曹操遣子彰擊代郡烏桓，彰乘勝逐北，至桑乾之北，卽此。後廢，亦謂之桑乾川。晉太元初苻秦分代地，自河以東屬劉庫仁，庫仁西擊庫狄部，徙其部落置之桑乾川。魏土地記：代城北九十里有桑乾城，城西渡桑乾水，去城十里，有溫湯，瘴疾有驗。劉宋昇明二年，魏主宏如代湯泉，明年復如代，郡溫泉是也。○梁城郡城在府東，或曰卽梁川也。魏主肅太平真君十年，將寇宋，大獵於梁川。天平二年，置梁城郡於其地，領參合、旋鴻二縣。一統志：今去朔州西二十里有梁郡城，後魏爾朱榮所築，未知所據。

武川城

在府北塞外，魏六鎮之一也。北史：魏主肅破蠕蠕，列置降人於漠南，東至濡原，西暨五原、陰山，竟三千里，分爲六鎮。曰武川、曰懷朔、曰懷荒、曰柔元、曰禦夷。孝文太和八年，高閭請依秦漢故事於六鎮之北築長城，又云：計六鎮東西不過千里，一夫一月之功可城三步之地，強弱相兼，不過用十萬人，一月可就是六鎮。皆在代都以北，胡氏謂以千里計之，六鎮相距各一百七十許里是也。又十八年，魏主如武川，鎮景明四年，使源懷巡行北邊六鎮，恆、燕、朔三州。正光四年，沃野鎮民破六韓拔陵叛，其黨衛可孤圍武川鎮，又攻懷朔鎮。六年，柔然阿那瓌爲魏討，破六韓拔陵，自武川西向沃野，屢破拔陵兵。杜佑曰：後魏六鎮並在馬邑雲中，單于府界其武川鎮在白道中，漢水上，隋書：宇文述代郡武川人，後或廢鎮爲縣也。唐志：魏武川鎮城，今名黑城，在天德軍北二百里。又云：光祿城東北有懷朔古城，俱未足據。天德軍見陝西榆林鎮，光祿城卽光祿塞，亦見榆林。

柔元城。在府東北塞外於延水東。水經注柔元鎮在長川城東城南小山於延水所出也。孝昌初柔元鎮民杜洛周反於上谷。圍燕川。鎮蓋與上谷接壤。胡氏曰柔元鎮城在漢且如縣西北塞外。魏太和十八年如柔元鎮。即此。○撫冥城。胡氏曰當在武川。

柔元之間。魏六鎮之一也。宋元徽元年柔然侵魏柔元鎮。二部勒應之。魏太和十八年如撫冥鎮。遼東至柔元是也。

懷荒城。在府東北塞外。魏所置六鎮之一也。魏收志云魏降高車時所置。杜佑曰蔚州。即後魏時懷荒。禦夷鎮。魏正光三年遣元孚撫諭柔然阿那瓌於柔元。懷荒二鎮。問胡氏曰懷荒在柔然之東。禦夷之西是也。今禦夷鎮見宣府鎮懷安衛。

馬城。在府東北境。漢縣屬代郡。東部都尉治此。東漢元初六年鮮卑寇馬城塞。鄧遐等擊破之。又建光初鮮卑其至健寇居庸關。犯雲中。圍烏桓校尉徐常於馬城。陽嘉二年鮮卑寇馬城。又魏明帝太和二年鮮卑軻比能圍護烏桓校尉田豫於馬城。即此十

三州志馬城在高柳東二百四十里。

延陵城。在府東北塞外。戰國時趙邑也。史記趙世家孝成王十八年延陵鈞帥師從信平君廉頗助魏攻燕。即此。漢置延陵縣。屬代郡。後漢廢。風俗記當城西北有延陵鄉故縣也。○類當城在塞北。漢初韓王信入匈奴。居此生子。因以爲名。

榆林城。在府東北邊外。或云唐時戍守處。謂之黑榆林。五代唐末契丹嘗駐牧於此。明宣德間亦嘗於此置榆林縣。正統時廢。俗呼爲榆林舊縣。邊防考榆林城在陽和衛新平堡外三十里。又有大同山。離新平邊百五十里。又北百五十里爲白海子。俱部

長駐牧處。○祁連城在漢南。唐貞觀四年李靖破突厥於陰山。徙其羸弱數百帳於雲中。使阿史德爲之。長後爲阿史德時健部。二十二年內附置祁連州。隸營州都督府。

雲中城。府西北四百餘里。古雲中城也。虞氏記趙武侯自五原河曲築長城。東至陰山。又於河西造一大城。其一箱崩不就。乃改卜陰山河曲而禱焉。晝見羣鶴遊於雲中。乃即其處築城。因名秦漢雲中郡。皆置於此。後漢末廢。孔穎達曰雲中城在唐勝州

榆林縣東北四十七里。晉太和二年，燕將慕容暹以幽州兵戍守雲中，代什翼健攻走之。唐武德五年，突厥入鴈門寇并州，命雲州總管李子和趨雲中掩擊之。龍朔三年，置雲中都護府於此。麟德元年，改單于都護府領金河一縣，今亦見陝西榆林鎮單于城。胡氏曰：金河，漢之雲中郡城也。在隋榆林郡城東北四十里。自朔州至單于府，凡三百五十七里。大歷八年，徙治振武城內。舊城遂廢。唐志：單于府，金河縣，魏道武所都。秦漢雲中郡地。自單于府西北二百七十里，又有雲中守捉城，調露中，裴行儉破突厥，置又志云：烏咄谷二百七十里至古雲中城，入塞。圖云：從平城西北行五百里至雲中，又西北五十里至五原，又西北行二百五十里至沃野鎮，又西北行二百五十里至高闕，又西北二百五十里至耶君戍，又直北三十里至燕然山，其說參錯不經，不足據也。又冀州圖云：雲中城周十六里，北去陰山八十里，南去漢長城百里，亦謬。

雲內州城

府西北五百餘里。遼志云：本唐中受降城地，遂初置代北雲朔招討司，改雲內州，又爲開遠軍，治柔服縣。宋政和中，遼主延禧還走雲內，卽此。金因之。元省縣入州。明初廢。九邊輯略云：明宣德中，置豐州及雲內等縣，設官置戍。正統間，主

帥宴樂於樓子寨，致寇突入邊內，於是玉林、雲川等衛內徙，而豐州、雲內之民遷於應朔諸處云。○靈川廢縣亦在府西北。金志：本曷董館，後升爲裕民縣，尋廢。大定中復置，屬雲內州，又改爲雲川縣。元廢縣，設錄事巡司，尋廢。又有寧人廢縣，在故雲內州東。

遼置屬雲州，金廢爲寧人鎮，屬柔服縣。

長川城

在府東北。水經注：柔元鎮西有長川城。晉隆安三年，魏主珪北巡，分命拓拔遵從東道出長川，拓跋樂真從西道出牛川。珪自將大軍從中道出駁鞬水，以驪高車大獲而還。義熙二年，魏主珪從漠北還長川。志云：長川有白黑二漠，黑在東，白在西。

胡氏曰：長川在禦夷鎮西北，大漠之東。

黑沙城

在府西北唐永隆二年曹懷舜擊突厥咄咄部於黑沙敗還永淳初突厥餘黨阿史那骨篤祿等據黑沙城寇并州及單于府北境代州都督薛仁貴擊破之○威寧城在府北金置新城隸屬撫州永安二縣改爲威寧縣元廢今威寧海子是其地也

靜邊城

在府西北舊唐書在單于府東北唐天寶三載朔方節度使王忠嗣所置軍也十四載安祿山將高秀巖自大同軍寇振武朔方節度使郭子儀擊敗之乘勝拔靜邊軍賊來攻復大敗之因進圍雲中使別將拔馬邑開東陁闕宋白曰靜邊軍在雲

州西百八十里○定邊城在府西百八十里唐開元中置軍於此旁有石窰白泊等戍相去各四五十里志云雲州界內又有奉城軍唐置○振遠城在府西北舊志云在單于府界唐天寶七載郭子儀爲振遠軍使卽此城也

長城

在府北酈道元曰白道嶺左右山上有垣若頰基焉沿溪巨嶺東西無極疑趙武靈王所築也北史云魏主肅太平真君七年築畿上塞圍起上谷西至河廣縱千里又宋白云雲中北至長城三百里卽蕃界崔豹古今注謂秦築長城土色皆紫稱爲紫

塞是也一統志長

城在府北十里

白登山

府北七里有白登臺漢初冒頓縱騎三十萬圍高帝於白登七日卽此酈道元曰今平城東十七里有臺臺南對岡阜卽白登山晉隆安二年拓跋珪如繁峙宮敗於白登山宋永初二年魏主嗣發代都人築苑東包白登周三十餘里元徽五年

魏主宏如白登杜佑曰魏主嗣於永興四年立宣武廟於白登山神瑞二年又立廟於白登山西今有東西二廟又魏主宏太和四年如白登山十五年詔白登山宣武廟唯遺有司行事是也又梁元帝橫吹曲云朝政曹陵道暮上白登臺蓋謂此○火山在府東南水經注白登南有武周川川東南有火山山上有火井南北六十七步廣滅丈許源深不見底尖勢上升若微雷發響以草爨之則烟騰火發一名熒臺齊建元二年魏主宏如白登山又如火山旣而復自平城如火山卽此

雷公山

府西北十五里後唐清泰末雲州軍亂謀應河東節度使沙彥珣走西山據雷公口收兵入城討定之卽此○紇真山在府東北五十里紇真猶漢言千里其山冬夏積雪故諺云紇真山頭凍死雀何不飛去生處樂又有神井歌曰紇真山頭有神

井入地千尺絕骨
冷亦名紇干山

武州山

府西二十里。武州川水所經也。峪中有石窟寺。又有石窟寒泉。水經注。武周川水東南流。水側有石祇洄舍井諸窟室。比邱尼所居也。其水又東轉靈巖南鑿石開山。因巖結構。蓋浮屠巨麗處。卽石窟寺也。宋元嘉十一年。魏主濬如北山。說者曰。武

州山北也。宋元徽三年。魏主宏如武州山。齊建元二年。魏主如方山。遂如武州山石窟寺。永明元年。魏主復如武州山石窟佛寺。二年。魏主復如武州山石窟寺。魏土地記。平城宮西三十里有武周塞口。卽此山也。

方山

府北五十里。北魏主宏屢如方山。爲其母馮太后營壽陵。又於方山南起靈泉宮。引如渾水爲靈泉池。東西百步。南北二百步。是也。又北苑亦在其地。魏史。太和元年。於苑中起永樂游觀殿。穿神淵池。三年。如方山。四年。復如方山。五年。又如方山。馮太后

樂其山川曰。它日必葬我於此。不必耐山陵也。乃爲太后作壽陵。又建永固石室於山上。欲以爲廟。七年。魏主宏及馮太后如神淵池。遂如方山。八年。魏主如方山。遂如鴻池。胡氏曰。卽旋鴻池也。是後屢如方山及靈泉池。十四年。西如方山。復如靈泉池。是年

葬馮太后於永固陵。其後又數謁永固陵。胡氏曰。方山在平

城北。如渾水上。志云。山頂有拓跋魏二陵及方山宮遺址。

栲栳山

在府西北。景泰初。敵寇大同。鎮帥郭登帥兵餌之。行七十里。至水頭。謀云。東西賊竊賊營十二。自朔州掠回。登直前奮擊。追四十里。至栲栳山。盡奪所掠而還。又磨兒山在府北境。天順中。石亨鎮大同。敗敵於此。又敗之於三山墩。是也。○大嶽山在

府西北塞外。又有秦山。在白道

北。隋築長城。以秦山爲塞內云。

爾寒山

在府北塞外。後魏主濬始光二年。五道伐柔然。一軍從東道出黑漠。一軍出白黑二漠間。魏主從中道。一軍出粟園。一軍從西道出爾寒山。諸軍至漠南。舍輜重。輕騎躡十五日。糧度漠擊之。柔然驚走。卽此。○和兜山在漠南。後魏主濬始光三年。自

雲中西巡至五原。旣而敗於陰山。東至和兜山。蓋在陰山之東。長山之南。

柞山

在府西北五百餘里。北魏主濂始光初。命長孫翰等伐柔然。自將屯柞山。亦曰柞嶺。是年。濂破夏統萬。引兵還至柞嶺。卽此。神龜二年。濂西巡至柞山。晉元熙元年。魏主嗣旼敗於懷渚。李延壽曰。懷渚在柞山之西。臨河。是山在河東也。魏主濬太安三年。旼於松山。或曰松山當作柞山。四年。復旼於松山。遂如河西。胡氏曰。其在河之西岸。恐悞。

彈汗山

在府東北。東漢桓帝時。鮮卑檀石槐立庭於彈汗山。獸仇水上。去高柳北三百餘里。南抄綠邊。北拒丁零。東却夫餘。西擊烏孫。盡據匈奴故地。東西萬四千餘里。是也。○蟠羊山在參合陂東。後燕慕容寶喪師於此。又北魏主嗣泰常六年。北巡至蟠羊山。是也。

青山

在府西北塞外。唐貞觀十五年。李世勣擊薛延陀。遡白道。追及之於青山。卽此。明嘉靖初。中國叛人逃出邊者。升板築牆。蓋屋以居。乃呼爲板升。有衆十餘萬。南至邊牆。北至青山。東至威寧海。西至黃河岸。南北四百里。東西千餘里。一望平川。無山陂谿。澗之險。耕種市廛。花柳蔬圃。與中國無異。各部長分統之。隆慶五年。俺答歸附。縛叛人趙全等來獻。板升之黨始衰。

晚霞山

在府東北。天城衛東南。山勢高聳。日落後。返照成霞。因名。又形似蓮花。一名蓮花山。又大岡山。亦在府東北。九邊考。在新平堡北。百五十里。又北百五十里。爲白海子。俱部長駐牧。○七寶山在府城北。四百餘里。山下有城。金時所築。置戍於此。或謂之漢五原城。悞也。

意辛山

在府北塞外。亦曰意親山。晉太元十年。代劉頭眷擊破柔然於意親山。十五年。拓跋珪會燕慕容麟於意辛山。擊賀蘭諸部。皆降於魏。宋元嘉中。魏主濛意辛山。破賀蘭諸部。還幸牛川。意辛山蓋在牛川之北。北史意辛山。賀蘭部所居。逾陰山而北。即賀蘭部也。又志云。府西北五百餘里有官山。上有九十九泉。流爲黑河。又有石磧山。在故平地縣東四十里。山出石磧。因名。

北。即賀蘭部也。又志云。府西北五百餘里有官山。上有九十九泉。流爲黑河。又有石磧山。在故平地縣東四十里。山出石磧。因名。

七介山

在府邊。宋元嘉十六年。柔然聞魏主濛伐姑臧。乘虛深入。至善無七介山。平城大駭。遣軍拒却之於吐頰山。志云。今府西南四十五里有七峯山。或以爲卽七介山也。善無見前代州。○車輪山在府北塞外。嶺北史作輪。魏主濛太安三年。北巡至陰山。伐柔然。軍於車輪山。宋元徽三年。魏主宏如武州山。又如車輪山。是也。

箭箐山

在府東北。宋宣和五年。遼將亡。其臣奚回離保據箭箐山。稱奚帝。旣而窺燕山。爲郭藥師所敗。其下殺之。又焦山在府北塞下。宋太平興國七年。契丹主賢幸雲州。焦山得疾而卒。嘉靖初。叛卒郭鑑等哨聚於此。

夾山

在雲內州北六十里。宋宣和四年。金人襲遼主。延禧於白水深。遼主遁入夾山。卽此一統志。夾山在朔州北三百四十里。與黑水東西相連。黑山今見陝西榆林衛。

東木根山

在府北志云。五原有木根山。此山在河東。故曰東木根山。晉太寧二年。代王賀傳以諸部未服。築城於東木根山。而徙居之。魏主宏嘗言。遠祖世居北荒。平文皇帝始都東木根山。平文。鬱律諡也。蓋鬱律亦都此云。或譌爲勿根山。晉太元

十四年。後燕慕容德等擊代。叛部賀訥。追至勿根山。是也。

黃瓜堆

在府西南百十里。或曰卽古黃華山也。趙武靈王十九年。北至無窮。西至河。登黃華之山。水經注。桑乾水與武州水合。而東南流。風逕黃瓜堆南。又東南流。經桑乾郡。北魏孝昌初。斛律金自雲州南出黃瓜堆。爲上谷賊杜洛周所敗。齊天保四年。柔

然寇肆州。齊主洋自晉陽擊之。至恆州。大破柔然於黃瓜堆。唐武后垂拱三年。突厥叛部寇朔州。黑齒嘗之大破之於黃花堆。即黃瓜堆也。元和四年。沙陀朱邪執宜從河東帥范希朝徙於定襄。川始保神武川之黃花堆。修新城而居之。景福初。李克用北巡。至天寧軍。以幽州帥李匡威等襲雲州。乃遣將發兵於晉陽。而潛入新城。伏兵於神堆。擒吐谷渾邏騎三百。既而大軍至。乃入雲州。出擊李匡威。赫連鐸兵皆敗去。神堆亦即黃花堆新城。即後魏之新平城。在神堆東南。宋白曰。雲州西南至神堆。柵九十里。

石子嶺

在府西北。晉太元初。苻秦遣兵伐代。代將劉庫仁與秦兵戰於石子嶺。大敗。胡氏曰。嶺當在雲中。盛樂西南。新唐書。自夏州北度烏水。一百二十里。至可朱渾水。又百餘里。至石子嶺。是也。又陵石在盛樂故城東北。北史。魏主珪東如陵石。或曰。陵石地

名。有山谿之阻。時置城邑於此。

達速嶺

在府西北境。高齊天保五年。北巡至此。行視山川險要。將起長城。明年。遂發民築長城。自幽州西至恆州。是也。又牛皮嶺在府東六十里。唐志。雲州有牛皮關。今關在嶺上。又志云。府西三十里有雙化嶺。盤踞凡百餘里。

郁對原

在塞北。元魏正光三年。柔然阿那瓌叛魏。魏遣李崇等擊之。自平城北出三千餘里。別將于謹追至郁對原。前後十七戰。屢敗之。卽此。

黑沙磧

在振武故城北。亦謂之鳴沙。唐元和八年。振武遣兵趨東。受降城備回鹘。至鳴沙。兵亂而還。卽黑沙磧矣。

石漠

在塞北。自陰山而北。皆大漠也。其間有白漠。黑漠。及石漠之分。白漠。二漠。以色爲名。石漠。以地皆石磧而名。北史。石漠在漢定襄郡武要縣西北。晉義熙三年。魏主珪如豹山宮。遂至石漠。又魏主贖始光二年。大伐柔然。遣長孫輪等從東道出黑漠。長孫

道生等出白漠。二漠間。白漠。蓋在黑漠西也。亦謂之大磧。四年。魏主西伐統萬。命其將陸侯督諸軍屯大磧。以備柔然。卽此。又宋泰始中。魏主宏追柔然至石磧。卽石漠矣。魏主宏太和十年。勅勒柔然。伏名數可汗。自將討之。追奔至西漠。卽大漠之西。

備也。唐貞觀四年，李靖襲破突厥於定襄，突厥徙牙帳於磧口，既而靖破突厥於陰山，軍於磧口，漢南塗，空武后萬歲通天二年，突厥嚙噉建牙於黑沙，即黑漢矣。志云：大漠在陰山北，東極遼海，西盡居延是也。

黃河

在廢東勝州西八里，自榆林北塞流經此，乃折而南，經朔州西界，入太原府河曲縣及保德州境，亦謂之西河。以在平城西南，也。魏主濛神鼎元年，如西河校獵，其津濟之處，有君子津，又有來遠津，俱在東勝州境。酈道元曰：河水南入雲中，植陵縣西北。

又南過赤城東，又南過定襄，桐過縣西，河水於二縣間濟。有君子之名，又曰：君子津在雲中西南二百餘里。漢桓帝時有洛陽大賈卒於此，津長田子封以遺資，悉歸其子桓帝嘉之，因名其津爲君子津。晉太和三年，代王什翼健擊劉衛辰，自君子津濟，時河冰未合，什翼健命以葦絙約流，俄而冰合，然猶未堅，乃散葦於其上，冰草相結，有如浮梁，代兵乘之以渡，衛辰不意兵猝至，遂遁走，什翼健收其部落而還。太和初，苻秦伐代，什翼健軍還至君子津，會代亂，秦將李柔等勒兵趨雲中，遂定其地。元熙元年，魏主嗣西巡雲中，從君子津西渡河，大獵於薛林山。宋元嘉三年，魏主濛伐夏，行至君子津，會天暴寒，冰合，遂濟河，襲統萬，大掠而還。明年，遣執金吾桓貸造橋於君子津，尋發諸軍濟河，即此。其來遠津在君子津之南，魏主修永熙二年，高歡表請討宇文泰云：臣今勒兵自河東渡，又遣恆州刺史庫狄干等將兵自來遠津渡，或謂之朱遠津。

桑乾河

府南六十里，源出馬邑縣洪溝山，水經注：濕水出雁門陰館縣東北，至代郡桑乾縣南，與桑乾水合，因總謂之桑乾水，即盧溝河上源也。晉建興初，代猗盧築新平城於濕北，後又築宮於濕南，謂之濕南宮。魏都代時，數臨幸焉。今詳見直隸大川。

如渾水

府東北四十里，志云：出開山口，一名御河，其水兩源，合而爲一，歷府城東，又南流，與武州川合，注於桑乾河。又武州川水，在府南十五里，俗名合河，源出武州山西白羊山谿谷中，引爲石渠，流至府南，又東南注於如渾水。○兔毛河在府西北三百

里，出塞外駱駝山下，南流經右衛西，至東勝州入黃河。又有倉頭河，在威遠衛城南，流合兔毛河。

金河。在府西北。杜佑曰：金河上承紫河之水，南流入大河，是也。亦曰金川。北齊主洋天保五年，遼柔然於金川，柔然遠遁。隋大業三年，北巡發榆林，歷雲中，泝金河，幸突厥啓民牙帳，卽此唐因置金河縣。一統志：金河在古雲內州東南百五十里。

紫河。

在府西北塞外。隋大業三年，發丁男百萬築長城，西距榆林，東至紫河，二旬而畢。唐貞觀十四年，遣突厥阿史那思摩建牙於此。亦曰紫乾河。唐天寶初，朔方節度使王忠嗣北討奚契，皆戰於紫乾河。三遇三克，耀武漠北而還。隋志：定襄郡大利縣有陰山紫河。杜佑曰：勝州榆林縣有金河，紫河自馬邑郡善無縣流入，合金河，又南流入於大河。

橫水。

在府西北。唐史：在金河北百四十餘里。永隆二年，曹懷舜等襲擊突厥叛部於黑沙城，不遇，還至橫水，爲突厥所敗。卽此。○白渠水亦在府西北。水經注：白渠出雲中塞外，西北逕成樂固北，又西逕魏雲中宮南下，流入於大河。今俱湮廢。

土廬河。

在府北塞外。魏主宏太和十六年，命拓跋頭等襲柔然，分兵三道，中道出黑山，東道出土廬河，西道趨侯延河。軍至大磧，大破柔然而還。侯延河當在榆林塞外。○黑河在府西北四百里，源出官山，西流入雲內州界，至東勝州，入於黃河。

諾真水。

在府西北塞外。唐志：出古雲中城西北行四百餘里，至諾真水。貞觀十五年，薛延陀僭突厥於漠南，李世勣自赤柯澤追及之於青山，薛延陀走累日，乃至諾真水，世勣大敗之。○庫斛真水在府北塞外，後魏別部侯莫陳居於此，世爲渠帥云。

牛川。

在府北塞外。水經注：於延水出長川城南。班志注：於延水出代郡，且如塞外。牛州亦當相近。晉太元十一年，拓跋珪大會於牛川，卽代王位。是年以窟咄之亂，乞師於燕，自弩山至牛川，屯於延水，南出代谷，以會燕師。十六年，魏別部賀染干與賀訥相攻，建復與燕共討之。燕將闡汗帥龍城之兵擊染干，破之於牛部，卽牛川矣。蓋燕人牧放，於此聚會，因名爲部也。染干在賀蘭部之東，偏故以龍城兵擊之。隆安三年，拓跋珪大獵於牛川之南。義熙六年，後魏長孫嵩討柔然，至漠北而還。柔然追圍之於牛川。十三年，魏主嗣大獵於牛川，登釜山，是牛川與釜山相近也。宋元嘉五年，魏主濬北巡，大畋於牛川，卽此。釜山今見直隸懷來衛。

長川

在府東北。即漢志於延水也。水經注於延水出塞外柔元鎮西。長川城南小山。東南流。逕且如故城南。亦謂之修水。下流逕廣甯縣。注於桑乾河。廣甯見直隸保安州。又野馬川。在府北塞外。明初藍玉出山西。敗王保保於此。又敗之於土刺河。土刺河見漠北。○賈家灣在府東北。正德十一年。蒙古分道寇大同。總兵潘浩與戰於賈家灣。敗績。遂犯宣鎮。

赤柯深

在府西北。積水處曰深。唐貞觀十五年。李世勣擊薛延陀於漠南。其衆自赤柯深北走。世勣自直道邀之。適白道。追及於青山。又敗之於諾真水。○吐祿深在府西北塞外。宋宣和六年。夏人與金議和。粘沒喝承制割下寨以北。陰山以南。乙室邪刺部。吐祿深西之地。與之下寨。或曰遼末置戍守處。在大河之北。

羊城深

在府東北境。宋宣和四年。金將斜也等聞遼主在雲中。分兵出青嶺。飄嶺。期會於羊城深。共襲遼主。即此。青嶺見直隸廢開平衛。○大水深在府北宋嘉定四年。蒙古鐵木真侵擾雲中。九原。遂敗大水深。以入金。遣將駐軍撫州。以備之。撫州見直隸

白水深

在府北。宋宣和四年。金將斜也等襲遼主於羊城深。遼主聞金師出鎮西。遂趨白水深。粘沒喝復以精兵襲之。遼主遁入夾山。五年。金人襲遼主於陰山。執其諸王妃主而還。遼主自應州率兵邀戰於白水深。大敗。西走雲內州。

擦刺泊

在府北。後唐長興三年時。趙德鈞守幽州。契丹入寇。不得志。因徙居黑榆林。南掠刺泊。寇雲朔間。五代史。是年契丹自黑榆林掠刺泊。至沒越泊。云欲借漢水草。大同帥張敬達聚衆過其衝要。契丹不敢南牧。是也。清泰末。石敬瑭因契丹近在雲廳間。遂資其兵以取中國云。○沒越泊在府西北。一統志。沒越深。大鹽深。俱在府西四百里。近古豐州。

瓠蘆泊。在府西北唐顯慶中曹懷舜擊厥叛部留老弱於瓠蘆泊帥輕騎進至黑沙無所見而還。

奄遏下水海。府西北二百里水潮無常納大瀾小瀾大匯小匯四河及銀海水諸細流合而入於黃河○威寧海子在府北塞下屬部駐牧處也天順中石彪鎮大同請置城於威寧海不果成化十六年王越襲敗蒙古於此。

鴻池。亦曰旋鴻池在府東水經注梁城郡旋鴻縣東山下水積成池東西二里南北四里又魏主珪天興二年穿鴻雁池於平城魏主宏太和八年如方山又如鴻池是也又有魚池亦在平城北魏主嗣永興五年穿魚池於平城北苑魏主宏太和九年如魚

池登青原岡卽此。

溫湯。水經注在桑乾城西十里魏主濂太延五年常爽置館於溫水之右教授千百餘人於是魏之儒風始振又魏主濂和平末侍中司徒陸麗治疾於代郡溫泉是也○吐若奚泉在懷朔鎮北無結山下北史魏主詡正光二年柔然阿那瓌婆羅門相繼內

附高陽王雍等奏懷朔鎮北吐若奚泉原野平沃請置阿那瓌於此其婆羅門請置於西海郡時阿那瓌自懷朔婆羅門自涼州來降各以附近居之也。

平城宮。在府北門外後魏故宮也水經注魏太極殿南對承賢門門南卽皇信堂魏紀太和元年於太極東堂之東起太和安昌二殿又於宮南起朱明思賢二門復起永樂遊觀於平城北苑四年起東明觀七年皇信堂成十二年起經武殿十五年始議

政於皇信堂東室又更定律令於東明觀是年謁馮太后於永固殿設廟於太和廟蓋是時置后主於太和殿中也既又禪於太和廟尋辭太和廟奉神主遷於新廟十六年以安昌殿爲內寢皇信堂爲中寢又是年朝饗羣臣於太華殿既而毀太華殿爲太極殿徙居永樂宮殿成復還居之十七年大會公卿於經武殿議南伐遷洛以後日漸頹廢今僅有二土臺東西對峙蓋故闕門也又城西門又有二土臺蓋遂金宮闕云

灑南宮

在府西南七十里晉建興元年猶煊築新平城於灑北後魏主珽天興六年幸南平城規度灑南面夏屋山背黃瓜堆以建

新色天賜三年築灑南宮闕引溝穿池廣苑囿又魏主嗣如灑南宮遂如廣甯廣甯見直隸延慶州或曰卽後魏所置廣寧

郡也今見朔州○道壇魏史在平城東南溝水左太武濂時寇謙之建又作靜輪宮在道壇東北水經注灑水南經平城東水左有大道壇孝文太和十五年移道壇於桑乾之陰改曰崇虛寺

鹿苑

在府南北史魏道武天興二年起鹿苑於南臺陰北距長城東包白登屬之西山廣輪數百里又魏主嗣泰常二年起白臺於平城南高二十餘丈宋泰始七年魏主建鹿野浮圖於苑中之西山是也○栗園在塞北魏主濂始光二年分道伐柔然遣娥

清出栗園是也栗

園蓋與長川相近

孤店關

在府東北成化十九年王越出孤店關至貓兒莊襲敵於威寧海子是也○開山口在府東北五十里山口有谷名開山谷其西有大寺小寺二口又折而東有黑峪尖峪二口

石佛寺口

府西三十里志云在左衛東百十里又兔毛河口在府西北二百里志云在右衛西北二十里其西三十里又有小隘口○陽和口在府東北志云在陽和衛西北十五里亦名前口其東北二十里有將軍口又東二十里曰陽和後口

虎峪口

在陽和衛東北二十里又衛東北十五里有小白塔峪口又十五里有大白塔峪口又有威寧口在衛西北七十里○白陽口亦在府東北志云在天成衛北二十里亦曰白羊口正德十一年寇犯大同塞突入白羊口大掠而去卽此又有榆林口

在衛西北三十里其相近者曰

磚磨口又西北十里曰水磨口

貓兒莊

府北百二十里正統十四年也先寇大同至貓兒莊偏將吳法戰死旣而也先挾上皇出宣府塞過貓兒莊九十海子歷蘇

武廟李陵碑至黑松林入也先營是也又曹家莊在府東北嘉靖中敵寇大同鎮將周尙文敗之於此又有李寨在天成衛

東其東南有枳兔嶺。○水寺曰在衛西北。嘉靖三年大同撫臣張文錦以鐵城孤弱築水寺口五堡遣卒戍之卒叛入北十八年。晉臣毛伯溫帥臣周尙文相繼殲之即宏賜等五堡也。

青坡道。在府東北新唐書靈州雲中縣有陰山道青坡道皆出兵路也。遼志長青縣有青坡。梁元帝橫吹曲所云朝政青坡遠是矣。名勝志青坡道在平城東南四十里似悞。

通漠道。

在府南唐貞觀三年時陞嶺以北爲突厥頡利所據詔李世勣出通漠道李靖出定襄道柴紹出金河道靈州都督任城王道宗出大同道幽州都督衛孝節出常安道營州都督薛萬徹出暢武道凡六總管進討突厥皆受靖節制四年進屯惡陽嶺夜襲頡利頡利走保鐵山復襲擊之盡獲其衆於是復定襄恆安地斥境至大漠永隆二年襲行餘討突厥叛部時突厥婁子輔重皆留金牙山行餘至代州陘口遣將一出石地道一出通漠道掩取之又追突厥於細沙平之或曰通漠等道有隨宜立名以別軍號者非確有其地也。鐵山見陝西榆林金牙山細沙俱在漠外。

白道。

在府北塞外後魏雲中郡有白道嶺白道川自白道北出爲懷朔鎮又西北爲沃野鎮自北道而南爲武川鎮又南即雲中城也。括地志魏武川鎮北有白道谷谷口有白道城水經注芒干水出塞外南逕陰山又西南逕白道南谷口有城側帶長城背山面澤謂之白道自城北出有高阪謂之白道嶺嶺上土穴出泉所謂飲馬長城窟者也。芒干水又南逕雲中城北南達於河北史魏正光五年大鎮叛李叔仁與破六韓拔陵戰於白道敗績六年李崇討破六韓拔陵別將崔暹與戰於白道大敗崇自白道走雲中繼又自雲中引還平城曰雲中者白道之衝賊之咽喉若此地不全則并肆危矣。因以豐稷爲雲州刺史高齊天保六年齊主洋自將擊柔然至白道留輜重帥輕騎五千追柔然及之於懷朔鎮大破之至沃野鎮獲其酋長又隋開皇三年命楊爽等出朔州道討突厥遇之於白道擊敗之五年突厥沙鉢略爲西突厥及契丹所敗困請渡漠南寄居白道川隋主許之十九年高颺等擊突厥追度白道踰秦山七百餘里而還秦山即陰山矣。唐貞觀四年李世勣出雲中擊突厥大敗之於白道既復追擊之。

喻白道川敗之於諾真水。又李靖自定襄引兵會世勳於白道。至陰山。破突厥部落。十五年。薛延陀度漠南。也白道川。據善陽嶺。擊突厥。可汗於定襄。可汗入長城。保朔州。白道蓋雲朔之襟要矣。

總秦戍

在府西北境。齊天保七年。自西河總秦戍築長城。東至於海。明年。又於長城內築重城。自庫洛枝東至塢紇成。凡四百餘里。北史。齊前後所築長城。東西凡三千餘里。率十里一戍。其要害置州鎮。凡二十五所。○石磴鐸在府西北塞外。宋宣和中。遼

主延禧爲金人所敗。既失西京及沙漠。以南。遂奔於訛沙烈之地。金阿骨打自將。襲之前鋒蒲家奴等。追及遼主於石磴鐸。大敗之。又追至烏里質鐸。遂主遁去。

樂寧鎮

在府西。隋置戍守處也。開皇十九年。突厥達頭寇恆安鎮。趙仲卿自樂寧鎮遣擊敗之。亦曰樂安。唐天復三年。河東雲州將王敬暉叛。降劉仁恭。克用遣李嗣昭等討之。仁恭遣將赴救。嗣昭退保樂安。又伏遠鎮在府西北。亦周隋時戍守處也。隋開

皇十九年。突厥突利爲其都藍可汗敗於長城下。突利南走。至邊。復謀北。通長孫晟覺之。密遣使入伏遠鎮。速舉烽。突利以爲追至。遂馳入鎮。卽此。

橫水柵

在府北。唐會昌二年。河東奏回鶻烏介入雲朔。剽掠橫水。胡氏曰。橫水。柵名也。時置戍以防回鶻。五代唐改橫水柵爲石門鎮。同光二年。黜李從珂。戍石門鎮。薛史。莊宗時。吐谷渾白承福附唐。依北山北石門爲柵。賜額爲寧朔。奉化兩府。以都督爲

節度使。授之。其地卽橫水柵也。北山一作中山。

單于臺

杜佑曰。在雲州雲中縣西北百餘里。漢武元封元年。勒兵十八萬騎出長城北。登單于臺。唐武后永昌初。使僧懷義討突厥。行至紫河。不見敵。刻石單于臺。元和志。云臺在西受降城東北。又李陔臺一統志。在雲內州北。高二丈餘。唐志。雲中都護府

有燕然山。山有李陔臺。所謂燕然山。卽陰山耳。○關雞臺在府城東。唐乾符五年。雲州兵亂。共迎蔚州刺史李克用於蔚州。克用帥衆趣雲州。至城下。屯於關雞臺下。

金陵。在盛樂故城西北。志云。後魏末。遷洛陽。諸帝皆葬其中。之金陵。正光五年。魏主謂寇連。恒朔。逼近金陵。是也。

青冢。

在府西北塞外。相傳王昭君冢也。地多白草。此冢獨青。因名。宋宣和五年。金將幹離。不等歸。遠去於陰山。至青冢。遇泥溇。不能進。乃以耶律大石爲鄉道。直趨遠。主營執其諸王妃。去羣臣。又追至掃里門。而還。杜佑曰。唐金河縣有李陵臺。王昭君墓。○蘇武廟在廢靈內州北。正統末也。先挾上皇至小黃河蘇武廟。卽此。

懷仁縣。

府南六十里。東南至應州八十里。唐雲中縣地。遼析置懷仁縣。因阿保權與晉王李克用會東城。取懷仁人之義而名。五代史。梁開平初。晉王克用與契丹阿保機會於雲州東城。卽此事也。金升爲靈州。元復爲懷仁縣。屬大同路。今糧戶八里。

清涼山。

縣西二十里。舊有磚塔及利國鐵冶。又歸屏山。在縣西南二十五里。舊有瓷窯及鐵冶。○金龍山在縣西南三十五里。有泉。與馬邑金龍池脈相通。因名。又玉龍山在城西北四十里。中有七峰。石洞天橋。皆自然之勝。志云。卽府西南七峯山之別名也。

三台嶺。

在縣北邊防考。懷仁城周四里有奇。黃花嶺峙其前。三台嶺擁其後。又有鎮海壘。足以控禦云。

桑乾河。

在縣南。自馬邑縣流入。境其南卽山陰縣界也。

海子。

縣東十五里。周三十里。其西北有泉源。不可測。居民資以灌溉。○灰泉在縣東二十五里。又縣北四十里有神泉。

偏嶺口。縣西南五十里。其北又有大峪。小峪。蘆子。阿毛。四口。並為戍守要地。

西安堡

縣西南四十里。本名西安鎮。接應州界。置驛於此。嘉靖四十年築堡。萬歷二年。二十八年增修。周二里有奇。堡地平漫。為四通之道。嘉靖二十三年寇由宣府。膳房堡入犯。應州懷仁。此地被掠最甚。故設堡於此。以備不虞。屬井坪路管轄。

附見

山西行都司

在大同府城內。洪武初建。府界衛所屬焉。又有大同前後二衛。俱在城內。亦洪武中建。通志。府西百四十里有白羊城。大同舊衛蓋置此。

大同左衛

府西南百二十里。明初設。永樂七年。萬歷六年增修。城周十一里有奇。分邊十一里有奇。有黑龍土墩。水源兒墩。為最衝。邊外威寧海子寇所居也。嘉靖三十七年設兵備使者於此。分堡十四。分邊百二十四里。東起寧夏。西至鐵山堡。為

大同中路。

雲川衛

舊治在府西二百餘里。正統中并入大同左衛。

大同右衛

府西二百里。明初置。永樂二年。萬歷三年增修。城周九里有奇。分邊三十二里有奇。內黑漆子等口為最衝。邊外大松樹。舊玉林一帶。即屬部駐牧。本城孤懸西北。向來寇騎突犯。輒富其衝。九邊考。右衛西入敵界。南逼邈州。嘉靖三十六年。奄答攻圍右衛。分騎塞道。衝大因。故將倫表極力拒守。援至始解。

玉林衛

舊治在府西北三百四十里正統中并入大同右衛

陽和衛

府東北二十里洪武三十一年置城周□里有奇南有關累土爲之內設陽和驛軍民商賈湊集萬歷三十年增修又鑄連城於關西隅屹爲雄鎮分邊十九里內杏園兒神峪溝天蓬溝皆極中白沙灘□□邊外二十餘里鷄溝等處卽屬部駐牧處也正統十四年也先入犯邊帥朱晟與戰於陽和口敗沒正德十一年寇入大同上幸陽和聞寇圍韓兵王助於應州親討之大戰寇引而西追至平兩朔州還嘉靖七年寇入犯大掠陽和二十六年設兵備使者於此轄衛四堡七分邊九十六里有奇爲大同東路本路隨地皆邊向稱衝要寇犯宣鎮之順聖諸處天城陽和其首衝也

高山衛

府西三十里宣德元年置於陽和城內天順六年分置嘉靖十四年改建今城萬歷十年增修周四里有奇城密邇鎮城與聚落城爲左右翼云○聚落城在府東二十里天順二年安治十三年增築隆慶六年修葺周二里有奇城當四達之衝四北嶺巖而東南平易寇一逼此則四突縱橫矣故繕城設備爲尤切焉

天城衛

府東北百八十里東南至蔚州百五十里洪武二十一年設萬歷十三年增修城周九里有奇內有鎮虜衛及天成驛分邊長六里其水峪口寺兒墩爲極邊衝外麻地溝等處此卽屬部駐牧衛當東路最衝嘉靖二十七年寇大舉突犯衛被犯最劇志曰天成陽和相去六十里中間有白羊口堡鴉鶴哈堡爲往來要地

平魯衛

府西二百五十里成化十七年置萬歷二年增修城周六里有奇分邊一十九里有奇本城北面高山東西岡阜環遶險與敵共隨在皆衝而大水口諸處尤甚邊外汾水河一帶卽屬部駐牧嘉靖中崑崙應朔之變俱從此潰入嘉靖四年俺答突

犯城乏薪水。幾不克全。議者欲連城據山。削岡闢渠。以為苞桑之計。邊防考。平齊城。備邊使者駐此。分堡四邊。城東起威虎堡。界西至南沙河。長四十七里。有奇。是為大同西路。其地寒苦瘠薄。兵弱戍寡。而寇盜充斥。幾無寧歲云。

威遠衛。府西百八十里。明初建。正統三年。萬歷三年。增修。城周五里有奇。分邊十五里有奇。內大羊坡。雙山兒。小羊坡。為最衝。邊外泥河兒。即屬部駐牧處。本城地勢平衍。寇入最易。宏治十三年。嘉靖四十四年。皆由此突犯。邊防考。嘉靖三十九年。以雲內多故。分設威遠路。轄城堡。出分邊三十九里有奇。東

抵右衛。西至平營。雖稱輔車。然道路隔越。岡阜崎嶇。拒守不易。

許家莊堡。府東南九十里。嘉靖三十九年。改民堡置戍守。萬歷三十九年。增修。周三里有奇。堡當宣鎮兩鎮之徑道。雖近腹裏。而地勢平曠。嘉靖中。嘗為寇衝。

得勝堡。府北五十里。嘉靖二十年。置。萬歷二年。增修。周三里有奇。邊防考。嘉靖十八年。設兵備使者駐安賜堡。轄堡八。分邊起東路之靖營堡。至北路拒門堡。長九十六里零三十三年。移駐於此。是為大同北路。暨直北之極邊。而鎮城之外鄙也。堡西即

鎮羌堡。為唇齒之勢。隆慶五年。馬市成。詔設市於威營堡。僦會以威營無水。改市得勝堡。即此。

鎮羌堡。在得勝堡西。嘉靖二十四年。置。萬歷二年。增修。周一里有奇。分邊長二十二里零。北有洞兒溝。野口等處。為最衝。邊外柳河山。海子等處。即屬部駐牧。邊防考。堡當邊塞首衝。嘉靖二十年。敵由此突犯。隆慶五年。改馬市於此。尤為要地。

宏賜堡。在得勝堡東二十里。嘉靖十八年。置。萬歷二年。增修。周四里有奇。分邊十九里零。內石燕莊。溝。黑石頭。溝。水泉。溝。俱最衝。邊外牛川山。即屬部駐牧。嘉隆中。屢為寇衝。備禦最切。明史。嘉靖三十年。仇鸞陷敵開馬市。市成。寇又入邊。已復請市。宏賜堡

拒之。寇遂復侵掠。

鎮川堡。在宏賜堡東二十里。嘉靖十八年置。萬歷十年增修。周二里有奇。分邊長二十里零。內魏家灣、黑石頭溝、鎮山店。俱最衝。邊外威寧海南北二岸等處。即屬部駐牧。堡地勢平衍。嘉隆中常爲敵衝云。

鎮遠堡。在得勝東七十里。嘉靖十八年改民堡置。戍守。萬歷十一年增修。周二里有奇。分邊長二十一里零。內白石厓、漢舊十墩。俱最衝。邊外海子東岸、狐山腰、大山一帶。俱屬部駐牧。堡東有採藥山。隆慶中寇闖入至此。

拒牆堡。在得勝西北二十里。嘉靖二十四年置。萬歷二年增修。周一里有奇。分十三里零。內蘆草墩、破口墩。爲最衝。而鎮夷墩、鴛架墩次之。邊外大虫嶺諸處。即屬部駐牧。邊防考。堡城挺出邊外。衝要不下鎮。光而孤危。過之嘉靖二十八年。寇犯拒牆堡。大

同帥周尙文拒卻之。後數由此突犯。兼以土田確。仰食內地。每虞不給云。

鎮河堡。在得勝西南五十里。嘉靖十八年置。萬歷十四年增置。周二里有奇。堡與鎮魯距邊稍遠。爲拒牆之後援。其鎮魯堡在鎮河東十里。嘉靖十八年築。萬歷十四年增修。周二里有奇。堡地勢阜曠。惟恃拒牆爲外蔽云。以上共八堡。俱屬北東路管轄。

守口堡。在陽和衛西北十五里。嘉靖二十五年置。隆慶六年增修。周一里有奇。分邊十二里零。邊外威寧海子、黃河套諸處。即屬部駐牧。堡爲陽和之肩背。隆慶初寇從此入犯。全鎮告急。後徙市於此。防禦要地也。

靖魯堡。在守口西二十里。嘉靖二十五年置。隆慶六年增修。周二里有奇。分邊十一里零。內礮充溝、子溝諸處。爲最衝。邊外柳溝、大夫山諸處。即屬部駐牧。堡一望平川。隆慶初虜由沙溝入犯。戒備不可不預也。

鎮門堡。在守口東一十里。嘉靖二十六年築。隆慶六年增修。周一里有奇。分邊十三里零。內大小鴉鵲、哈極衝。邊外鷓溝諸處。爲屬部駐牧。嘉靖二十三年。俺答犯鐵來門。鴉鵲、哈極、宣大督臣翁萬達拒却之。鐵來門蓋在天成衛南。又二十四年虜由小鴉鵲

峪突犯幸聲援易及得以無患然中無井泉曩鎮口鎮寧等堡俱取資邊外處若絕流塞源則坐困之道也

鎮口堡

在陽和東北六十里嘉靖二十五年築隆慶六年增修周一里有奇分邊十三里內榆林水磨等口極衝邊外乾沙溝諸處即屬部駐牧處嘉靖間寇嘗由此入犯天成一帶備禦尤切

鎮寧堡

在陽和東北八十里嘉靖四十四年置隆慶六年增築周一里有奇分邊十三里內威孤口白羊口極衝邊外野馬川回回墓皆屬部駐牧嘉隆中寇由李隆溝不時入犯又地皆沙磧艱於井泉若潛以地溝引之庶無意外之虞

雲陽堡

在左衛西北二十里當破孤南北之衝嘉靖二十七年築萬歷二十四年增修周一里有奇堡東敵左衛且爲白羊之羽翼○牛心堡在雲陽西北十五里嘉靖三十七年築隆慶六年增修周六里有奇俱出左右二衛之中北有黑龍王等山重岡

疊嶂設騎竊伏處也

紅土堡

在衛西北五十餘里嘉靖二十七年築萬歷二年增修周一里有奇堡西距右衛僅十五里東則黃土牛心雲陽諸堡也往者右衛被圍去左衛僅七十餘里聲援斷絕故立各堡以備往來者接濟云○黃土堡在左衛西北四十三里嘉靖四十

七年築萬歷十六年增修周一里有奇堡地勢平衍寇騎易於蹂躪已上十一堡與左右雲玉四衛俱屬大同中路管轄云

助馬堡

府西北百里嘉靖二十四年築萬歷初增修周二里有奇分邊二十里零內小振邊等墩極衝邊外源城兒一帶即屬部駐牧堡設在極邊東接拒門等堡西連保安所謂外五堡也迤東地勢平易虜每突犯其馬頭山迤西邊在山內無險可恃隆

慶以後置市於此皆爲衝要邊防考嘉靖二十六年應州參將移駐於此轄堡九分邊自北東路之垣牆堡至中路之破孤堡長七十七里是爲大向西北西路所以增左衛之援厚全鎮之防也○彌爾堡在助馬堡西二十餘里嘉靖二十二年築四十二年修

萬歷二年增築。周二里有奇。分邊四里有零。內中口墩極衝。邊外豐州寨內一帶。俱屬部駐牧。堡外控保安諸堡。內蔽左衛雲西。東與破函接。但地勢平易。彼由助馬保安而入。長驅之勢。不可不慮也。

保安堡

在助馬四十餘里。嘉靖二十四年築。萬歷初增修。周一里有奇。分邊十四里零。內雙灣子。舊八墩子梁。五墩子梁。俱極衝。邊外界牌溝。九龍溝。玉林城一帶。俱屬部駐牧。堡設在衝邊地勢平衍。倘一失守。高山左衛而南。俱無寧宇矣。○威營堡在助

馬堡西四十里。嘉靖二十一年置。萬歷初增修。周二里有奇。分邊十一里零。內雙井。雙灣等處。最衝。邊外東寺溝。花子山。齊頭山。及禿墩一帶。俱屬部駐牧。嘉靖中寇嘗由青北塔入犯。堡地勢平曠。易於馳突。設在西南極邊。距左衛五十餘里。亦障蔽要地也。

拒馬堡

在助馬東十餘里。嘉靖二十四年築。萬歷初增修。周一里有奇。分邊十五里零。內威寧海等處。最衝。邊外水泉兒灘。周家灘一帶。即屬部駐牧。又堡東有彌陀山。寇嘗因我兵於此。堡孤懸邊外。備禦尤切。○寧營堡在助馬堡西五十里。嘉靖二十一

年築。萬歷初增修。周二里有奇。分邊長十一里零。內喜謁墩極衝。邊外土城及傅家溝。增情山一帶。俱屬部駐牧。嘉靖中。鹵不時入犯。款塞。后設市場於此。亦衝要處也。○荷營堡在助馬堡西南二十里。嘉靖二十二年築。萬歷初增修。周二里有奇。舊爲極衝。自增建五堡。稱爲腹裏。土田饒衍。宜於耕植。但地勢平曠。難於要截。

雲西堡

在助馬堡西南五十里。嘉靖三十七年設。萬歷二十四年增修。周一里有奇。堡西連左衛。東接高山。敵寇必經之地。雖近腹裏。亦要區也。

雲岡堡

在助馬堡南四十里。邊防考。雲岡有新舊二堡。嘉靖中以舊堡地形卑下。北南受敵。因築新堡於北崖。移官軍戍守。仍在舊堡。以便行旅。二堡俱土築。各周一里有奇。東通鎮城。西通左衛。爲雲西孔道。賊每由此突入。道路爲梗。新城既築。有險可據。

且鎮城所需煤炭。俱仰給於此。有驚。據險守。可稱保障。以上九堡。俱屬大同北西路管轄。

迎恩堡。在平虜衛西北四十里。嘉靖二十三年築。萬歷初增修。周一里有奇。分邊十里。內鎮川墩。最衝。老鸛味次之。邊外泥河兒一帶。即屬部駐牧。往往由此入寇。嘉靖中。石州之亂。此爲難治。款塞后。設小市場於此。亦防禦要處。

拜魯堡。在平虜衛北四十里。嘉靖二十三年築。隆慶六年增修。周一里有奇。分邊八里。內鎮川墩。泉兒溝。最衝。邊外灰河一帶。及長勝墩。迤北。俱爲寇境。嘉靖中。寇由此入犯朔州一帶。爲衝險之地。

瓦窖口堡。在陽和衛東北九十里。嘉靖三十年築。隆慶六年增修。周一里有奇。分邊七里。內東烟墩。極衝。嘉靖中。寇由宣府。膳房堡入。由此堡出邊防。考堡當咽喉。爲新平孔道。有崑谷門。可以設伏。倘新平疎虞。此猶可控拒也。

永嘉堡。陽和衛東百五十里。嘉靖三十七年設。萬歷二年增修。周二里有奇。堡設在邊內。與宣鎮李信屯相犄角。地廣人稀。嘉靖二十八年。寇由此犯。已上共七堡。與陽和天成高山鎮。四衛俱屬大同東路管轄。

新平堡。在陽和衛東北百餘里。嘉靖二十五年置。隆慶六年增修。周三里有奇。分邊十八里。內水泉兒溝。榆林縣川爲極衝。邊外小石城。榆林舊縣。俱屬部駐牧。堡建於山后。東接宣鎮。西陽河南。接瓦窖溝。天成衛。嘉隆中。屢爲寇衝。歸款後。設市口於此。亦

要地也。邊防考。大同東路。舊邊自鎮寧堡。縮而南。與宣鎮李信屯相犄。不惟邊垣迂遠。且皆架堆。及嘉靖二十五年。展拓而北。與宣鎮西陽河相接。境土益闊。夷酋遠徙。爲計甚便。西就東路。分駐新平。路參將轄堡四。分邊四十六里。零。本路孤兒口外。備禦最

切。邊外有榆林舊縣。距新平山數十里。遺址猶存。議者謂宜恢復。以壯肩背之勢。

平遠堡。在新平東南四十里。嘉靖二十五年築。隆慶六年增修。周二里有奇。分邊十二里。零。內大紅花林。極衝。邊外紅花林。回回寨。頭二道。與可水。白海子。俱屬部駐牧。嘉靖中。寇由此入犯。宣鎮紫溝。諸處。盡東路要地也。

保平堡。在新平西二十里。嘉靖二十五年設。隆慶六年增修。周一里有奇。分邊七里。零。內平虎墩。極衝。邊外腰火兒。諸處。即屬部駐牧。堡建在山後。嘉靖三十七年。寇由此入犯。亦備禦要地。

樺門堡。在新平東二十里。萬歷九年設。十九年增修。周不及一里。分邊九里零。邊外發放牌。押溝及舊榆林一帶。俱屬部駐牧。堡設在山坪。寇犯瓦礫溝。此其必經之地也。以上四堡。俱屬新平路管轄。

馬營河堡。在右衛西北十餘里。萬歷元年土築。周不及一里。分邊五里零。內十水口最衝。邊外舊榆林城迤西一帶。即屬部駐牧。○破孤堡在右衛東北三十里。嘉靖二十三年。萬歷二年增修。周二里有奇。分邊四里零。內平梁鎮靜二處極衝。邊外

大松樹山。豐州舊城。寧海。雲川城一帶。皆屬部駐牧處。又堡東有黑龍山。崇巖深谷。易於藏伏。嘉靖中。寇由此突犯。○殘虎堡在右衛北三十里。嘉靖二十三年築。隆慶六年增修。周一里有奇。分邊十五里零。內東鶻北塔。首陽林兒極衝。芹菜坡諸處。次之。邊外沙城一帶及歸化城。昭君墓。俱屬部駐牧。嘉靖中。曹苦寇掠。此堡與破孤並為右衛羽翼。田土沃饒。耕屯可恃云。

殺虎堡。在右衛西北四十里。嘉靖二十三年置。萬歷三年增修。周二里分邊二十里零。堡逼近寇巢。兔毛河直逼塞外。川原平衍。便於長驅。往往由此入犯。古道溝。新水口等處。極衝。邊外歸化城。昭君墓。即屬部駐牧。隆慶五年設市場於此。為往來之孔道。

馬堡。在殘虎堡東。嘉靖二十五年設。萬歷初增修。周一里有奇。分邊十里零。內山前溝。二道溝。虎頭墩。駝山。雙溝子。最衝。而山前墩尤甚。邊外接昭君墓。豐州諸處。嘉靖中。數為寇患。

鐵山堡。在左衛西七十里。嘉靖二十八年築。萬歷二年增修。周一里有奇。分邊十里零。內雙橋墩。極衝。孔家牛坡。黨黎。稍次之。邊外小松山。長溝諸處。即屬部駐牧。嘉靖中。為寇殘毀。復加修葺。遂以鐵山名之。北望右衛。南接雲中路。諸堡亦衝要之地也。

三屯堡。在左衛北。隆慶三年土築。萬歷二年增修。周不及一里。分邊亦僅一里零。邊外土城一帶。即屬部駐牧。堡雖臨邊。而山險足恃。左衛之屏障也。○阻虎堡在平南西北六十里。嘉靖二十三年築。隆慶六年增修。周一里有奇。分邊八里零。內寺兒墩。極

衝。邊外乾河溝。即寇境。堡孤懸極塞。路當險要。嘉靖十九年。寇由此入犯古州一帶。三十二年。由此犯岢嵐一帶。所當力為防禦。以四當偏頭之衝。南扼雁門之險者也。以上三堡。俱大同西路管轄。

雲右堡

在威遠西北四十里。舊堡今在堡東南。嘉靖三十八年築。山高無水。離邊倚遠。不備。萬曆十年。改築於王石匠河。即今堡也。周一里有奇。分邊十四里。零白鐵牆等墩。極衝邊外馬耳山長溝一帶。即屬該駐牧處。堡地勢平曠。又置市場於此。密連市

口。轉輸之資。藉於威遠道。

路崎嶇。不無孤懸之慮。

威虎堡

在威遠衛西北六十里。嘉靖二十三年築。萬曆九年增修。周一里有奇。分邊十里。零內五谷。烟徐四嶺。極衝邊外响水河大營盤一帶。即屬部駐牧堡地。當絕塞。舊為寇衝。備禦尤切。

威平堡

在威遠西三十里。嘉靖四十五年築。萬曆初增修。周一里有奇。二十三年。又築土堡一座。與此相接。堡近腹裏。稍近威遠平。函之中。亦威遠應援所係也。○和衆河堡在威遠東南五十里。嘉靖四十一年築。萬曆初增修。周二里。西藩威遠東蔽左衛。

為往來接濟之處。以上

四堡俱威遠路管轄。

渾源州

府東南百三十里。東至蔚州二百十里。東南至直隸定州五百里。西南至大同府代州二百七十里。西至應州百五十里。

戰國時趙地。秦屬鴈門郡。兩漢為鴈門代二郡地。晉屬新興郡。後魏屬神武郡。隋屬鴈門郡。唐屬雲州。

五代唐屬應州。遼因之。金貞祐二年。置渾源州。元至元四年。以州治恒陽縣省入。明初亦曰渾源州。

十一里。

州恒岳聳峙。羣峯回環。控據深險。東偏之保障也。

編戶

恆陽廢縣。

今州治本漢平舒縣。唐末置潭源縣。以川爲名。後唐屬應州。金置州於此。元初改縣曰恆陽。至元初以縣并入州。今因之。州城周四里有奇。

班氏城。

在州西北。漢縣。屬代郡。後漢末廢。俗謂之去留城。水經注。如渾水南流。經班氏城東。卽此。○班氏城在州東。孟康曰。班氏讀曰樞。漢縣。屬代郡。後漢末廢。十三州志。縣在高柳南百三十里。濕水經其北。俗謂之苦力干城。通志。州西四十里有古堰。

城未知所據。

恆山。

州南二十里。卽北岳也。志云。恆山之頂名天峯。嶺下建北嶽觀。觀側有飛石窟。上建后土祠。鎮之。觀前風如虎吼。名虎風口。距東南五十里。有夕陽巖。旁有滑龍泉。通元谷巖。東面有碧峯嶂。東南有古老嶺。嶺下有白虎峯。其初入山之徑曰步雲路。行

數里爲望仙嶺。東半巖有集仙洞。東北有紫芝峪。西南有石脂岡。又有玉華峯。北去州十里。峯巒高秀。形如削玉。此皆州境恆山之勝也。詳見直隸名山。

龍山。

州西南四十五里。一名封龍山。夏時雨過。山氣上騰如龍。因名。其東北五里爲玉泉山。以山出泉如玉也。又有柏山。與龍山東麓相連。山高多柏。亦曰柏梯。宋朱弁渾源城記。南山層巒疊嶂。林木深蔚。柏梯凌峙於其北。中有香爐峯。特起屹立。此柏梯之

奇觀也。又有寒嶺。在柏山東北。秀麗可愛。亦曰秀麗峯。下有黑龍池。又東有五峯山。以五峯如削而名。志云。五峯山在州東是也。○畫歸山在州西北二十五里。其相連者曰馬鞍山。

翠屏山。

在州南四十里。志云。在恆山之南。以秀麗如屏而名。又州東南六十里有孫贖山。上有孫贖寨。山之西麓又有龍涓寨。相距數里。舊嘗聚兵守禦於此。後人譎以孫贖。龍涓爲名也。

桑乾河。

在州北。自應州流入。界又東入廣昌縣境。

渾源川。

在州西北十里。源出州西南。噴吐哈。分流至州東北。匯爲大澤。西流至城北五里之神溪。溪中有孤石。方一畝。高一丈。水經其下。曲折流西北。入於桑乾河。○噶川在州西北。流經懷仁縣。西安堡。入桑乾河。

澮水。

在州東南。志云。在恆山南七十里。或曰。卽驢方所云。噶水也。發源州東南。五十里。檜峯嶺。經靈邱。廣昌二縣境。出倒馬關。入直隸唐縣界。謂之唐河。

亂嶺關。

州東四十里。路通蔚州。明初置巡司戍守。又大寨頭關。在州西南百十里。東南連紫荆關。洪武九年置蔡家峪巡司於此。

磁窖口。

州南十七里。恆山右協。路通靈邱縣。洪武初置巡司。其西八里有李峪口。西南十里。又有大小凌雲二口。南通代州北樓口。嘉靖中。邊臣楊博言。州南磁窖諸口。驛馬銀鈔諸嶺。天設險阻。爲紫荆倒馬外備。是也。銀鈔嶺見靈邱縣。○王家莊堡在州

東五十里。本王家莊馬驛。嘉靖十九年築。堡周二里有奇。又東南與靈邱縣接界。山路崎嶇。亦控扼之所也。

應州。

府南百二十里。東至渾源州百五十里。南至太原府代州百八十里。西至朔州二百三十里。

戰國時趙地。秦屬鴈門郡。兩漢因之。晉爲新興郡地。後魏爲神武郡地。隋屬朔州。唐爲雲州地。五代唐

置應州。天成初。又爲彰國軍。遼以後因之。明初仍爲應州。以州治金城縣省入。編戶二領縣一。十里

州南控鴈門。北接雲朔。地勢平衍。易于馳突。守禦要區也。

金城廢縣。

今州治。本名金鳳城。後唐明宗生於此。因置金城縣爲州治。或曰。舊城在今治東十里。李克用遷金城於天王村。卽今治也。明初廢。邊防考。州城舊係土築。隆慶六年增修。周六里有奇。

沃陽廢縣。在州西南。魏收志。天平二年。置善無郡。鎮善無。沃陽二縣。後齊廢。沃陽即漢善無縣地也。

涇陶廢縣。在州西。漢志。涇陶。屬門郡。屬縣也。孟康曰。涇。讀注。後漢仍屬。屬門。晉因之。或曰。晉時移治。臨南。仍舊名耳。後廢。水經注。夏屋水出。夏屋山。東。漢西北。流入桑乾河。枝水又東。流結爲南池。池北對涇陶故城。故名。又東北注桑乾水。今夏屋山。

見代州。

龍首山。州東北三十里。與雲中南山相接。又屬門山在州西南。與代州北山相接。兩山相望。故州以應名。○龍灣山在州南四十里。亦名南山。上有龍池。稍南爲茹越口。接代州繁峙縣界。

黃花嶺。州西北三十里。又南去山陰縣四十里。卽黃瓜堆也。詳見大同縣。

桑乾水。在州北。自山陰縣流入境。又東入渾源州界。又大小石峪水。自州南山中流出。至州西。舊城外。合入桑乾河。

北婁口。州東南四十里。今爲北樓口。屬代州繁峙縣。又黃沙口。在州東南六十里。北接牛槽峪。一統志。北婁口。東有黃沙。徐喻。康喻。三口。其西則有牛槽。大石。小石。三口。是也。

大石口。州南三十里。亦與代州繁峙縣接界。宋雍熙三年。潘美與契丹戰。大敗於飛狐。楊業引兵護雲。應。賽。朔。吏民內徙。時耶律斜軫已陷賽州。勢甚盛。業遇之。欲領兵出大石路。直入石碣谷。以避其鋒。護軍王侁不可。欲從屬門北川中而往。業不得已。遂

自石碣路趨朔州。軍敗死之。石碣路。今噶縣石峽口是也。又小石口。在州西南三十五里。今爲小石口。亦屬繁峙縣界。

茹越口

州南四十里亦南接繁峙縣其西接朔峪口舊設巡司戍守今改置茹越等堡屬山西鎮其間又有時峪箭桿峪明糧峪糧峪神堂峪水峪馬峪等一十三口

安邊鎮

在州東舊志云州有三關四鎮三關者城東爲趙霸關城西爲黃花園城南爲護駕關四鎮者城東爲安邊鎮城南爲大羅鎮城西爲司馬鎮城北爲神武鎮元人所稱三關四鎮護駕金城者也

山陰縣

州西六十里西北至馬邑縣百五十里漢陰館縣地唐爲馬邑縣地遼置河陰縣屬朔州秦屬應州金大定七年改爲山陰縣貞祐二年又升爲忠州元至元二年廢入金城縣尋復置山陰縣屬應州今編戶七里

黃昏城

在縣北亦曰日沒城水經注黃昏城東有日中城又東有早起城亦曰食時城在黃瓜阜北曲中志云懷仁縣南三十里有鷄鳴城即早起城也俱後魏孝文所築○山陰故城通志云在縣西南十五里亦名忠州城邊防考今縣城即故河陰城也

明永樂三年築土城周四里有奇隆慶六年增修縣境八嶺環拱二河襟帶然無險可恃耕植頗艱嘉靖間敵由宣鎮大石梁入寇又由鎮城西下幾爲所陷

黃花山

縣北四十里即黃瓜堆也亦曰黃花嶺水經注桑乾水東南逕黃瓜阜西又屬運其堆南徐廣云猗盧廢嫡子曰利生於黃瓜堆者也詳見大同縣○復宿山在縣南三十五里亦名佛宿山山下有何家泉又龍門在縣南三十里亦名龍門上有御

射臺後魏文帝嘗較射於此

桑乾河

在縣北自馬邑縣流入縣界與仁德縣分境又東入大同縣及應州界○黃水河在縣城西出黃灣峪口東北流至應州西北八里注於桑乾水志云縣南八里有西伯塋嘉靖中開此東注伯泥河而入於桑乾以殺復宿山諸哈水漲之害

龍灣峪口

在縣西南四十里南通代州水峪口其東有五人盆子沙家赤石四峪俱南通代州吳峪口其西有東寺西寺白樹棘料石門等峪皆險峻也後俱塞又有寬峪水峪二口嘉靖中改置城堡屬山西鎮代州東路戍守

附見

安東中屯衛

在州治東北。洪熙初，自朔州調置於此。轄左右中前後五千戶所。其中前二所分守渾源州。後所守懷仁縣。左右二所俱附衛。○山陰守禦千戶所在縣治東。宣德三年置。

朔州

府西南二百八十里。南至太原府代州百四十里。西南至太原府崞嵐州二百二十里。西北至大河二百五十里。

戰國時燕地

括地志。趙李牧滅翟離降林胡。今朔州地也。蓋以州為趙地。

秦為鴈門代二郡地。漢初屬韓國。尋屬定襄鴈門二郡。後漢屬

雲中鴈門二郡。建安中為新興郡地。

通典。漢末匈奴侵邊。自定襄以西。盡雲中鴈門之間。遂空。建安中。魏武集荒郡之人立新興郡。

晉懷帝時。劉琨表以鮮卑猗

盧為大單于。封代公。徙馬邑。即其地也。後魏為懷朔鎮地。遷洛後。為朔州地。又置桑乾神武二郡。後齊

改桑乾曰廣寧。神武曰太平。並屬朔州。

五代志。後齊置朔州於馬邑城。亦謂之北朔州。控禦突厥。士卒強勇。為齊重鎮。武平七年。周師克平陽。齊主攻圍不克。敗奔晉陽。欲向北朔州。是也。明年。周平齊。以

齊降將封輔相。為北朔州總管。州將趙穆等拒之。而迎定州刺史高紹義。引兵南出。為周所敗。奔突厥。

後周郡廢。隋開皇初。置朔州總管府。大業初。府廢。改州為代

郡。尋又改為馬邑郡。唐復置朔州。天寶初。改馬邑郡。乾元初。復故。天祐末。改置振武軍於此。遼改軍為

順義軍。宋宣和中。曰朔寧府。金仍為朔州。元屬大同路。胡三省曰。元朔州置順義節度。領靜關。窟谷二縣。而馬邑。明則仍置固州。蓋元初所置也。今志不載。窟谷見前靜樂縣。

初以州治鄴陽縣省入。編戶八里。領縣一。

州西距洪河北臨廣漠。壯鴈門之藩衛。爲雲中之唇齒。屹然北峙。全晉之巨防也。

鄴陽廢縣。

今州治。漢爲馬邑縣地。屬鴈門郡。後漢末爲新興郡地。尋廢。後齊於此置招遠縣。爲廣安郡治。隋初郡廢。大業初改縣曰鄴陽。州郡皆治此。唐因之。遂改曰鄴陽。金元仍舊。明初省。今州城洪武三年因舊址改築。萬歷十五年增修。周六里

奇。有

馬邑城。

舊志在州東北。相傳秦時所築。漢初韓王信自晉陽請治馬邑。旣而爲匈奴所圍。遂以馬邑降。後信平復。爲馬邑縣治。後漢永和五年。中郎將張耽等敗南匈奴於馬邑。晉移置於陘南。仍屬鴈門郡。後廢。高齊於故馬邑城置北朔州。治馬邑縣。後周

亦爲朔州治。隋初因之。開皇二年。突厥入寇。李充敗之於馬邑。大業初。改置鄴陽縣。馬邑并入焉。

寧遠城。

州西八十里。宋所置寧遠寨也。熙寧初。詔李宗諤往河東修寧遠寨。後沒於遼。置寧遠縣。屬朔州。金改屬武州。元省。○鎮遠城在州西南。宋置戍於此。與遼人分界處也。靖康元年。夏人取武州地。攻鎮遠城。陷之。旣而復爲金有。又寧遠城在州西。志

云。城西北至東勝州三百里。本名唐隆鎮。遂置寧遠州。鎮西軍於此。不領縣。金增置寧遠縣爲州治。元省其地。半入武州。半入東勝云。

神武城。

在州東南。後魏置神武郡於桑乾水上。領尖山。樹類二縣。後齊改郡曰太平。後周郡廢。隋改尖山曰神武縣。屬朔州。唐廢入鄴陽縣。元和四年。沙陀朱邪執宜隨范希朝鎮河東。希朝處沙陀餘衆於定襄州。於是執宜始保神武川之黃花堆。卒子赤

心嗣薛居正曰神武川在應州境內黃花堆見前。○樹顛城在州南水經注樹顛水出沃陽縣東山下西南流右合皓升浚水其水左合中韓川後魏置樹顛縣屬神武郡齊廢樹顛魏收志作殊顛

桑乾城

在州東隋志後魏置桑乾郡後齊改置廣寧郡後周郡廢隋爲桑乾鎮大業十三年劉武周據馬邑鴈門太守陳孝意等討之圍其桑乾鎮爲武周所敗又廣寧城或曰在桑乾郡城東南魏收志廣寧郡屬朔州領石門中川二縣孝昌以來寄治并

州界後齊蓋因舊名

改桑乾爲廣寧云

桐過城

在州西漢縣屬定襄郡過音戈後漢末廢翼州屬靈州西五十里卽桐過城悞○棧陵城在州西北漢縣屬雲中郡西郡都尉治焉漢志注縣西北有緣胡山其西卽大河所經也又沙南城在棧陵東南亦漢縣屬雲中郡後漢末廢

沙陵城

在州西北志云在棧陵廢縣東其相近又有威陽廢縣俱漢縣屬雲中郡後漢末省○赤城在州西北水經注河水自雲中棧陵縣南過赤城東又南過定襄桐過縣西是也晉太元十六年魏賀蘭部內亂魏主珪與後燕共攻之慕容麟擊賀訥於

赤城擒之卽此地也北魏登國三年幸東赤城又泰常八年築長

城於長川之南起自赤城西至五原延袤二千餘里以備柔然

駱城

在州北漢置駱縣屬定襄郡後漢末廢俗謂之大洛城晉義熙九年北魏主嗣如定襄大洛城卽此○關池城在州西北續漢志雲中郡沙南縣有關池城順帝鴻嘉末烏桓寇雲中圍度遼將軍耿舉於關池城卽此

秀容城

在州北境括地志秀容在漢定襄郡界後魏置秀容郡及縣於此晉太和十九年西燕慕容永爲慕容垂所攻請救於拓跋珪珪遣拓跋虔等帥騎東渡河屯秀容以救之隆安二年拓跋珪以秀容川部長爾朱羽健從攻晉陽中山有功環其所居

割地三百里以封之是也後立秀容護軍於汾水西北六十里徙秀容之人居之因此爲北秀容今詳見忻州

定襄城

州北三百八十里。括地志：漢置定襄郡於此。北魏之雲中郡也。城東四十里。有後魏雲中宮。隋開皇五年。置雲州總管府。十九年。改立突厥突利爲意利珍豆啓民。可汗於朔州。築大利城以處之。大業初。改置定襄郡。治大利縣。元和志：大利城卽隋文帝所築。以處突厥啓民可汗者。武德二年。突厥入據定襄。貞觀三年。李靖驪破突厥於定襄。是也。十四年。遷置定襄縣於恆安鎮。此城遂廢。唐紀：貞觀十三年。復立突厥阿史那思摩爲可汗。使統其部衆。十五年。思摩始建牙於故定襄城。卽此城也。亦謂之北定襄。宋祁曰：古定襄城。其地南大河。北白道。畜牧廣衍。爲龍荒最壤。

武州城

州四百五十里。南去寄嵐州百十里。戰國時。趙之武州塞也。漢爲武州縣。屬鴈門郡。武帝元光二年。王恢誘匈奴入馬邑。匈奴遂入武州塞。未至馬邑百餘里。知漢有伏兵。還出塞。後漢末。縣廢。後訛爲武周。魏主濂。破柔然。高車勒諸部皆來降。其部落附塞下而居。自武州塞以西。謂之西部。以東。謂之東部。依漢南而居者。謂之北部。崔浩曰：平城首西百里有武州城。恐非漢之故城矣。魏收志：武州縣屬代郡。隋省入朔州。雲內縣。唐武德七年。突厥寇代州之武周城。續通考：善陽縣有武周塞。遠於此。置神武縣。屬朔州。重熙九年。置武州治焉。亦曰宣威軍。金人省縣入州。元因之。明初廢。其故城周五里有奇。鎮西衛分軍戍此。爲屯留堡。志云：武州有八館地。遂置館舍於此。因名。宋靖康初。夏人因金人內侵。乘虛盡取河外武州等八館地。卽此。

懷朔城

魏收曰：卽漢五原郡。今榆林鎮。故豐州也。杜佑曰：在朔州北三百餘里。漢五原郡也。後魏六鎮之一。魏孝文帝太和十八年。如懷朔鎮。又如武川鎮。如撫宣鎮。復如柔元鎮。胡氏以爲此六鎮自西徂東之次第。正始初。柔然侵魏之沃野及懷朔鎮。原懷出行北邊。懷還至恆代。按視諸鎮左右要害。可以築城置戍之處。欲東西爲九城。儲積糧伏。爲犬牙相救之勢。使遊騎之寇。終不敢攻城。亦不敢越城南出。從之。正光四年。沃野鎮民破六韓拔陵。畔其黨。衛可孤圍武川鎮。遂攻懷朔鎮。旣而武川陷。懷朔亦潰。孝昌中。改置朔州。併置大安郡。其後荒蕪。以朔州寄治并州。界魏收志：大安郡領狄那捍殊二縣。是也。後齊廢。今詳見故豐州。

翠峯山。州西南七十里。東連石碣峪。北接馬驪山。南通寧武軍山口。西至陀羅臺。山盤踞二百餘里。或謂之西山。晉太元十二年。後燕慕容楷等擊伐叛帥劉顯於鴈門。顯奔馬邑西山。即此。○燕京山在州南二十里。即管涔山也。與太原府靜樂縣接界。

志云州西南百餘里又

有東靈山在舊武州境。

族蠡山。

在州北境。隋開皇十九年。遣高穎等分道出朔州伐突厥。類以趙仲卿爲前鋒。遇突厥於族蠡山。大破之。追至乞伏泊。復破之。追度白道嶺。踰秦山七百餘里而還。又大芹山。亦在州北塞外。隋開皇二十年。史萬歲出朔州道討突厥。至大芹山與敵

遇。馳擊破之。遂北入磧數百里而還。○閼門山在州北境。唐會昌二

年。回鶻烏介可汗部落潰散。將餘衆駐牙於大同軍北閼門山。即此。

折敷嶺。

在州西北塞外。北魏孝昌初。恆朔叛亂。元深在朔州。使于謹招西部鐵勒酋長七列河等詣深降。深欲引兵出折敷嶺迎之。即此。通典作折敷嶺。○惡陽嶺在州北。唐貞觀四年。李靖討突厥。自馬邑進屯惡陽嶺。夜襲定襄。破之。胡氏曰。惡陽嶺在定

襄古城南。又有善

陽嶺在白道川南。

陳家谷。

在州南。宋雅熙三年。楊業自應州石硤路趨朔州。與護軍王侁等期會於陳家谷口。旣而業與契丹耶律斜軫戰敗。惡狼牙村。侁不得業報。登托邏臺。望無所見。以爲契丹敗退。欲爭其功。領兵離谷口。緣交河西南而進。行二十里。聞業敗。即却走業

轉戰至暮。至谷口之托邏臺。死焉。狼牙村。或曰。即今州西南十八里之洪崖村。交河一作灰河。陳家谷亦南通忻代二州之道也。○臘河谷在州西北。唐武德七年。高滿政以馬邑來降。旣而苑君璋復引突厥來寇。滿政破之於臘河谷。

黃河。在廢武州西北二百五十

里。與陝西榆林衛接境。

灰河。州南三里。源出寧武軍山口。北流至洪崖村。伏流十五六里。湧出。經城南。至馬邑縣。入桑乾河。水經注。馬邑川會桑乾水而注。濕水。卽此河矣。○七里河。在州北七里。東南合灰河。又州西北之下峪。有驪河。東南流入於桑乾河。

彌澤。在州西南。晉太和十二年。拓跋珪會後燕慕容麟。擊劉顯於彌澤。破之。又魏主宏太和九年。如彌澤。登牛頭山。胡氏曰。俱在馬邑南。

安衆塞。在州北。唐會昌三年。回鶻烏介可汗犯塞。振武節度使劉沔與天德將石雄出靈州。走馬邑。抵安衆塞。遇敵與戰。敗之。又保大柵。在州西北。唐會昌三年。回鶻將溫沒恩來降。賜姓名李思忠。屯保大柵。擊破回鶻烏介可汗兵。卽此。○大狼水寨。在州西。宋景德元年。知府州折惟昌自火山軍入契丹朔州界。前鋒破大狼水寨。是也。

寧武軍口。州南百二十里。卽代州崞縣之寧武關也。亦南連靜樂縣界。有分水嶺。又神池口。在井坪所西南九十里。正統十三年。置巡司於此。又州境有堡子巡司。○答刺海子口。在州西北塞外。明洪武朔州巡警陳德敗元於此。

深井戍。在州西北。後魏孝昌二年。西部勅勒射律洛陽反於桑乾西。爾朱榮擊破之於深井。是也。又萬壽戍。在州北塞外。隋大業四年。詔以突厥啓民可汗奉化。宜於萬壽戍置城。遣屋。或曰。萬壽戍卽啓民牙帳。煬帝幸此。因名。○杷頭烽。在州西北。唐會昌

二年。回鶻爲黠戛斯所敗。屯天德。振武北境。河東節度使符徹修杷頭烽。舊戍以備之。志云。杷頭烽北臨大曠。東望雲朔。西控振武。朔州之要地也。旣而回鶻烏介可汗屯杷頭烽。北尋犯烽南。突入大同川。轉圍至靈州城門。大掠而去。

馬邑縣。州東北四十里。東南至太原府代州百里。本襄縣。屬雁門郡。兩漢因之。隋爲善陽縣。地。唐開元中。分置大同軍。復於軍內置馬邑縣。建中間。嘗爲朔州治。新唐志。朔州治善陽。馬隧移治馬邑。是也。五代梁開平四年。晉王存勗於此置興唐軍。天成初。改置

襄州。領襄清一縣。遂復爲馬邑縣。金貞祐二年。改爲固州。元復舊。今編戶四里。

大同軍城。

卽今縣治。亦曰大同川。杜佑曰：調露中，突厥南侵，裴行儉所開置。南去代州三百里。俱寧在今縣北也。又武后大足元年，改大同軍曰大武關。元四年，拔野固、回紇、同羅、黠戛、五部來降，置於大武軍北。五年，復曰大同軍。司馬氏曰：開元五年，罷天兵大武等軍，以大同軍爲太原以北節度使。是大武自爲一軍，非卽大同矣。會昌二年，回鶻烏介可汗過杷頭烽南，突入大同川，轉鬪至雲中城下。卽今縣治也。邊防考：邑城洪武六年築。正統二年，隆慶六年增修。周三里有奇。嘉靖十九年，虜嘗大舉入犯，亦要衝之地也。○廣武城志云：在縣南八十里。蓋與代州接界。今廣武驛以此名。

洪濤山。

縣西北十五里。一名累頭山。濤水出焉。水經注謂之濕頭山水。亦曰濕水也。卽桑乾河源矣。或謂之洪濤泉。班志注：陰館縣有累頭山。五代志：累頭山在代州鴈門縣。蓋山與代州接壤。通志：朔州東北五十里有契吳山，與洪濤山相連。又有雷山，在縣北十餘里。○紫荆山在縣南五十里，高二十里，連亘數百里，極爲險要。

太和嶺。

縣東南六十里。卽勾注之別名也。詳見名山勾注。○松子嶺，或云在縣西南。唐武德七年，突厥圍馬邑，詔劉世讓自啞城進救。至松子嶺，不敢進而還。啞城今代州岢嵐縣。

灑水。

在縣西。志云：桑乾水自靜樂縣之天池，伏流至洪濤山下，匯爲七源。曰上源，曰玉泉，曰三泉，曰司馬洪濤，曰金龍池，曰小虛，曰小浦，合爲一流。是爲桑乾河之源。由縣治西，東南流入山陰懷仁縣界。晉咸康五年，代王什翼健會諸大人於參合陂。諸部避灑水。元熙元年，魏主嗣觀魚於灑水。宋景平元年，魏主嗣如馬邑觀灑源。其後太武亦嘗西如馬邑觀灑源。一名治水。又謂之灑水。○金龍池在縣西北，其相近者又有盧灣泉，俱流合於桑乾水。

鴈門關。

縣東南七十里。與代州接界。詳見名山勾注。○佳吉營，卽云在太和嶺北口西山上。又有楊六郎營在縣西五十里。鴈門關北口東山上。

白楊門。

在縣北。明初元兵圍大同。李文正出屬門。趨馬邑。遂至白楊門。敗其衆。大同圍解。遂進兵東勝州。至莽哥倉。而還。莽哥倉在塞外。

附見

朔州衛。

在州東。洪武十年置。轄左右中前後五千戶所。
○馬邑守禦千戶所在州治東北。宣德五年置。

井坪守禦千戶所。

州西北百餘里。志云。在府城西南二百六十里。成化二十二年築。隆慶六年增修。周四里有奇。萬歷四年。移朔州參將駐此。分轄井坪以下十城堡。邊牆東起西路界。西止了角山。長三十一里零。內屏厖代。東障朔。應爲西路之險。邊防考。嘉靖五年。小王子突犯。參將李瑾擊敗之。數年不敢窺雲中南界。隆慶元年。叛人趙全言於俺答曰。晉兵弱。石隰間多肥羊糧田。可致也。彼藉宣雲爲援。遠來疲。安能抗我。俺答乃分六萬騎四道入寇。一入井坪。一入朔州。一入老營。一入偏關。所向披靡。陷石州。攻汾州。分掠平陽。太原之境。三旬始却。井坪實戍守之要也。

第三堡。

在井坪所北三十里。嘉靖三十三年築。萬歷初增修。周一里有奇。分邊十三里零。內王家莊。楊家大溝。觀音山。俱兵衝。邊外寧邊河。照壁山。黑石等處。皆外境也。隆慶中設小市於此。雜相錯伺。而本堡地形漫衍。土性浮肥。邊牆易圯。不可不慮。

將軍會堡。

在井坪所西北五十里。舊名白草坪。寇往往由此竊掠。萬歷九年。始建土城。二十四年改築。周一里有奇。分邊十七里零。內曹家窠。白羊林。响石溝。俱極衝。邊外黑青山一帶。卽部長駐牧堡。據三城之衝。邊爲兩鎮之要地。

乃河堡。

井坪所西南五十里。嘉靖四十五年築。萬歷初增修。周一里有奇。西去老營堡四十里。嘉隆間。寇由此入犯。掠石州。岷縣。諸處。蓋老營之兵專保西界。而乃河爲東界。防禦少疎。遂得乘間而入。便爲山西全鎮之關。鑿蓋兩鎮之利害所關也。以上三

堡與朔州馬邑山陰懷仁及西安堡俱屬大同中路而分轄於并坪委將云
○顯家店在乃河堡東二十里又東與平曲衛接界亦往來策應之要地也

蔚州。府東南三百五十里。東北至直隸宣府鎮三百里。東至直隸易州二百二十里。東南至直隸定州三百五十里。南至直隸真定府四百里。西南至太原府代州三百六十里。

戰國時趙地。後又屬燕。秦屬代郡。輿地廣記蔚州本古代國趙襄子定代地。武靈王置代郡。又代北有禮置之戎。趙李牧滅禮置。即此。漢晉因之。後燕時郡廢。晉太元十三年

廢代郡。悉徙其民於龍城。後魏爲懷荒、禦彝二鎮地。永安中。改置蔚州。魏收志云寄治并州鄆縣界。東魏置北靈邱郡。後周大象二年

置蔚州。隋初郡廢。州存。大業初。州廢。屬上谷郡。唐初復置蔚州。宋白曰開元初嘗移治靈邱西南百三十里。西至朔州三百六十里。天寶初曰安

邊郡。乾元初復故。遼曰忠順軍。又改武安軍。宋雍熙三年得其地。復沒於遼。仍稱蔚州。尋復曰忠順軍。金亦爲蔚州。元廢州。以其地屬宏州。宏州今直隸宣府鎮廢順聖西城是在州西北九十里。尋復爲蔚州。屬宣德府。明洪武四年改今

屬。以州治靈仙縣省入。編戶十領縣三。六里。

州山川險固。關隘深嚴。控燕晉之要衝。爲邊陲之屏蔽。飛狐形勝。實甲天下。邊防考。州地氣豐煖。歲收恆裕。居民繁庶。商賈輳集。寇每屬意。又民屬大同。軍屬宣鎮。介兩邊之中。屹爲要區。

靈仙廢縣。

今州治。漢代縣地。屬代郡。後漢末廢。隋末爲安邊縣。唐因之。屬蔚州。新唐書開元十二年置安邊縣。治橫野軍。至德二載改爲興唐縣。五代梁改隆化縣。後唐復曰安邊縣。遼曰靈仙縣。蔚州治焉。金元因之。明初省州城。洪武七年築高厚

完固。因號爲鐵

城。周七里有奇。

代王城。

府東北二十里。項羽徙封趙歇爲代王。歇遷趙。立陳餘爲代王。又漢高六年立兄喜爲代王。此其故城。志云。代王城周二十里。九門遺址俱存。金波泉發源其北。夾城東南流入於滋水。○離營城在州東北百里。漢縣。屬上谷郡。讀曰句無。師古曰。

讀發冒。後漢因之。晉廢。

天成軍城。

在州南。宋白曰。本名橫塞軍。初置在飛狐。後移蔚州。開元六年張嘉貞移於古代郡代王城南。以爲九姓之擾。又謂之橫野軍。唐紀開元六年移蔚州橫野軍於山北。屯營三萬。是也。杜佑曰。橫野軍在蔚州東北百四十里。去太原九百里。

時蔚州治靈邱也。乾元二年徙天成軍合之。而廢橫野軍。景福元年李克用擊盧龍李匡威於靈州。匡威敗遁。克用追至天成軍。而還九姓。謂勳勒拔野固等九姓。時皆內附。又有唐所置清塞軍。在天城軍西。本清塞定捉城。貞元十五年改置軍。五代時廢。或曰橫野軍開元中蓋徙於順聖西城之地。

定安城。

州東十七里。遼志云。漢東安陽縣地。屬代郡。遼置定安縣。屬蔚州。金貞祐二年升爲定安州。元復爲縣。明初省。

五臺山。

州南三十里。山麓綿延。西南與代州五臺縣相接。詳見名山。○九宮山在州東南三十里。金章宗嘗避暑。於此。因名有九宮口。路通易州。置巡司於此。又東南二十里有永寧山。亦金章宗遊獵處。有水寧山口。

倒刺山。

州東七十里。以山巖層峻而名。一名雪山。又名太白山。志云。太白山在州東南三十里。上有奇石。形如馬頭。俗謂之馬山。其西五里。又有三奇石。巖如三仙。因名靈仙山。五代唐以此名縣。○玉屏山在州西北六十里。又西北二十里有巖山。兩山相

接。又西卽應州界也。又有人頭山。在州北

百二十里。天成衛南三十里。以形似名。

橫谷。

在州西北。漢高十一年。樊噲破陳瑋騎於橫谷。卽此。志云。州東南六十里有松子嶺。又州西北百五十里有平頂嶺。路通大同。宣府。永樂十三年。置巡司於此。

桑乾水。

在州西北。自廣靈縣流入境。又東北流入直隸保安州界。○葫蘆水在州城北。其水上槽狹。下流闊。因名。其上流卽廣流之豐水也。下流注於桑乾河。或以此爲嘔孽河。

滋水。

在州西南三十里。其上流卽廣靈縣之壺流河也。東流經此。地名南馬莊。有流水泉。金時民競爭利。鑄鐵板一片十竅。分流灌田。與滋水合。又東北注於葫蘆河。○暖泉在州西三十里。其水夏涼冬溫。資以灌溉。又四十里有飲馬泉。俱流注於滋水。

隘門關。

州西南四十里。今名石門口。路通靈邱。廣昌二縣。宋置戍守於此。明初置巡司。其東有龜峪。路通廣昌縣。○五叉山口在州西北三十里。五叉村。路通大同府。又神仙口在州北五十里。蘆子澗。路通保安左衛。皆蔚州衛官兵戍守。

鴛鴦口。

州東七十里。近靈流河南山相峙。狀如鴛鴦。路通保安右衛。永樂十三年。置巡司於此。今革。○興寧口在州東北百二十里。路通宣府。大同。永樂十三年。置巡司。天順中。徙置於北口。關卽興寧北口也。又美峪口在州東百二十里。以山巖秀麗而名。

路通直隸保安州。直抵居庸關。永樂十三年。置巡

司於此。十六年。徙置董家口。卽今保安州美峪所。

雙塞。

在州境。正統十四年。親征至大同。東還次雙塞。議從紫荆關入。旣又轉從宣府。遂有土木之變。又長塞鎮在州西南。唐戍守處也。○洗利機壘在州北境。嘉靖二十三年。敵突犯至此。爲烽墩之所。

廣靈縣

州西六十里。西至渾源州百五十里。漢代郡延陵縣地。後漢廢。五代唐同光初。析興唐縣置廣陵縣。遼因之。金曰廣靈。仍屬蔚州。今編戶九里。

廣陵城

即今縣治。遼曰廣陵。遼防考。縣城土築於洪武十六年。萬歷元年改築。周二里有奇。縣居渾蔚適中之地。有六楞山。火燒窟。諸處。礦徒之巢穴也。又縣東北七里有寬婦城。古茂婦所居。

加斗山

縣東南十五里。上有圯城。或以爲卽留老寨也。昔人築此以避兵。亦名留老驢。洪武中。又築寨於此。周一里有奇。曰加斗寨。○九層山在縣北二十五里。山有九層。山崖出泉。僅斗許。可供百餘家。名一斗泉。又千夫山。在縣西北五里。俗名千福山。又縣東北三里有老山。其山皆石。百草環生。若點翠然。一名翠山。

林管山

縣西南四十里。下有泉。名百家泉。流入壺流河。上有勒漢營。○平頂山在縣北三十里。其頂方平。相近有巧八山。以一山房中。四圍七山相向。而名。左側爲牛欄窩山。以周圍有天生石欄也。又北爲六楞山。險峻深阻。奸徒之藪。

樺山

縣東北三十五里。山多樺樹。上有三分營。其相近者又有瓦房山。形如瓦屋。可居百人。又火燒嶺。在縣西北五十里。

桑乾河

在縣北。自渾源州流入界。又東入蔚州境。○豐水在縣治東南。志云。源出縣南二十里之天井山。伏流至城東南平地。有一山。山下亂泉湧出。東流爲葫蘆河。

壺河川

在縣西南。卽滋水也。自靈邱縣流入境。經縣西南壺川山。下有神泉流。注焉。因名。又縣西三十里有莎泉山。莎泉出焉。東流合於壺川。又東入蔚州境。

集興曠池

在縣南五里。其水清湛不竭。又有小河。出城西南十五里。直峪山下。又西南五里爲枕頭河。亦出直峪山巖谷間。其初出曰洒雨泉。引流數里。分灌民田。北注爲枕頭河。又有瑞泉。出縣西五十里。白羊山中。漣瀑奔騰。聲如唾玉。流爲小河。

並注於壺流川。○作鹽池在縣四十三里。東注於壺流川。今涸。

林關口。在縣西南四十里林管山下。路通靈邱縣。景泰初。徙平嶺關巡司於此。其東三十里有直峪口。又東十餘里有唐山口及樺澗嶺。火燒嶺二口。今俱盡。

焦山岩。在縣東北十三里焦山村。洪武中築營於此。又瓦房營。在縣東北三十里瓦房村。以瓦房山名也。縣西二十里。又有土嶺營。俱洪武中築。

廣昌縣

州南百五十里。東北至直隸易州百七十里。東南至直隸唐縣百四十里。古飛狐口也。漢置廣昌縣。屬代郡。後漢屬中山國。曹魏封樂進爲侯。邑晉屬代郡。後廢。後周於五龍城復置廣昌縣。隋仁壽初。改曰飛狐縣。屬易州。唐初。寄治易州之蓬城縣。遙屬蔚州。貞觀五年。復舊。宋曰飛狐軍。遼復爲飛狐縣。金元因之。明初。復改廣昌縣。編戶四里。

飛狐城。今縣治。相傳卽古飛狐道。自隋至元。皆曰飛狐縣。明初始復爲廣昌縣。縣城洪武七年。嘉靖三十七年。增修。周三里有奇。爲蔚州南面之險。通志云。城東十五里有村王城。相傳比于爲村所築。中有比干廟。

白石山。縣東南二十里。山多白石。有白石谷口。路通直隸唐縣。過東卽浮圖峪口矣。又黑石山。在縣北五十里。山多黑石。與白石口相對。○登梯山在縣西南四十里。山路險峻。直上如梯。亦名登梯嶺。又志云。縣南三里有七山。以七峯相連。而名。涑水出焉。又縣西南十里有香山。松柏。

鬱葱。縣有香山驛。以此名。

插箭嶺。縣東南五十餘里。相傳宋將楊彥朗曾插箭其上。亦曰插箭峪。明嘉靖三十二年。蒙古俺答犯大同。趨紫荆。攻插箭。浮圖等峪。卽此。嶺南五十里曰柳角安口。通直隸完縣。唐縣界。○鐵嶺在縣東四十里。山石皆鐵色。因名。上有鐵山堡。或曰卽廣昌。

嶺也。又有驛馬嶺。

在縣西南五十里。

浮圖峪

縣東四十里。鐵嶺下。路出紫荆關。嘉靖中。俺答突犯。遊擊陳鳳。朱玉。率寧夏。固原兵來援。乃却。追過浮圖峪。及之於三家村。敗走之。即此邊防考。浮圖峪南二十餘里。即插箭嶺。當紫荆倒馬二關之衝。宜移紫荆參將於浮圖峪。遇警則營浮圖峪北。

之石門。移倒馬參將於插箭嶺。遇警則營嶺北之杜家莊。備禦庶爲嚴密云。○雕窠巖

在縣西六十里。有洞產銅。舊設銅山冶。唐貞元中。廢。有飛狐洞。志云。在縣東南十里。

涑河

在縣東南。源出七山水。經注。廣昌有涑山。涑水出焉。晉劉琨守此。以拒石勒。因名拒馬河。東流經紫荆關。入直隸易州界。一云金章宗嘗走馬飲水於此。亦名跑馬河。漢志注。涑水東南至容城入河。過郡三。行五百里。郡三謂代。上谷。涑郡也。

徐河

在縣東南。水經注。徐水出代郡廣昌縣東南大嶺下。東北流逕耶山。入北平縣界。即今直隸保定府徐河上游也。秦紀。始皇十

六年。代地震。自樂徐以北至平陸。胡氏曰。樂徐富在徐水左右。平陸見下。靈邱縣。○唐河在縣南。即嘔藥水也。自靈邱縣流入

境。過倒馬關。入直隸唐縣界。

木井澗

在縣東。唐乾寧中。李克用討燕。劉仁贄遇戰於此。東南流入於涑水。或謂之交牙川。水經注。廣昌南有交牙城。以交牙川水而名。○小沼在縣東南。宋雍熙二年。詔定州刺史田重進。出飛狐。伐契丹。重進至飛狐。南敗契丹。遣別將跌廷美屯小沼。即

此。又有涑源泉。在縣南

半里。東流合拒馬河。

紫荆關

縣東北百里。東北至直隸易州八十里。古名蒲陰。隱爲控扼要地。詳見直隸重險。○倒馬關在縣南七十里。東南至直隸定州二百五十里。關之西十里曰岳嶺口。亦戍守處。志云。廣昌逼近紫荆。倒馬。重岡疊嶺。巍然百雉。爲兩關之樞要。是也。亦詳

直隸
重險

寧淨口。在縣東南三十里。接浮圖峪。路通易州五虎嶺。志云。寧淨口與浮圖峪口。景泰三年。俱築堡置戍於此。○對節營在縣北。與饒尖。窟龍。孟瓦。梅棧。夾較。五寨。俱爲戍守處。

黑石嶺堡。縣北二十里。志云。即古飛狐峪也。正德二年。築堡於此。萬歷初增修。周不及一里。堡旁無村。落四面高山。東有團堡。西有搶頭嶺。皆盜賊聚劫之所。商賈轉輸。道必由此。戒備不可不豫。

靈邱縣。州西南百五十里。西北至渾源州百里。西南至代州繁峙縣二百三十里。漢縣。屬代郡。相傳以趙武靈王葬此而名。後漢廢。後魏復置縣。爲靈邱郡治。後周兼置蔚州治焉。隋初郡廢。開皇十九年。突厥都藍可汗擊敗別部突利於長城下。入蔚州。即此大

業初。州廢。縣屬鴈門郡。唐復置蔚州治焉。遼屬蔚州。金貞祐二年。升置成州。元復爲靈邱縣。今編戶十里。

靈邱故城。縣東十里。故趙邑也。史記趙世家。孝成王七年。以靈邱封楚相春申君。漢置縣。高帝十一年。樊噲斬陳豨於靈邱。即此。後魏移縣於今治。今城天順二年改築。周五里有奇。

平舒城。在縣北。史記趙世家。武靈王十九年。與燕易土。燕以平舒與趙。即此。漢置縣。屬代郡。後漢建武七年。封馮武爲侯邑。晉亦曰平舒縣。仍屬代郡。升平初。匈奴單于賀賴頭帥其部落降燕。慕容儁處之代郡。平舒城是也。後魏天平中。置上谷郡治平舒。

縣蓋僑置郡也。北齊廢。五代志。漢置代郡。治桑乾。後漢徙高柳。晉徙平舒。即此。魏土地記。古城四九里有平舒城。○沙泉城在縣東北。後魏置沙泉縣。屬北靈邱郡。後齊廢。北史。魏主熹太延二年。遣將張黎發定州兵通沙泉道。即此。

平邑城。在縣西北。戰國趙獻侯十三年。城平邑。即此城也。漢置縣。屬代郡。王莽曰平湖。後漢初廢。永元八年。復置。十三州志。平湖城在高柳南百八十里。即平邑矣。或曰非也。水經注。代郡道人縣有澤。淵而不流。俗謂之平湖。戰國趙王通五年。代地震。自樂

徐以北至平陸。平陸當在平湖之北也。又陽原城在縣西北。漢縣。屬代郡。水經注。溫水東逕道人縣故城。又東逕陽原城。俗謂之北郡城。今順聖西城卽其地也。○大昌城在縣南。後周置大昌縣。屬靈邱郡。隋省入靈邱縣。通志。縣西二十里有蕭太后城。其南二里有楊六郎城。止一面。俗

傳楊六郎與蕭后相拒處。

隘門山。縣東南二十里。水經注。瀘水自縣南流入峽。謂之隘門。設隘於峽。以讎行旅。其南山高峯隱天。深溪塔谷。輿地紀勝。隘門山壁立直上。極險隘。後魏於此設義倉。宋設關防。以讎禁行旅。又三山在縣東二十五里。有三峯聳峙。○惡道山在縣東北二

十里。山路崎嶇。

峻險難行。因名。

高是山。縣西北七十里。其東三十八里。有枚回嶺。輿高是山。山麓相接。山海經。高是之山。滋水出焉。又太白山在縣南十里。其山高秀。有鍾乳穴。

銀釵嶺。縣東二十五里。接廣昌縣界。西旁高山。卓峙如立。釵然。○石銘陁在縣西。水經注。滋水經枚回嶺。東南過石銘陁。有石銘其上。云冀州北界。因名。

澗水。在縣南。自渾源州流入界。又東南入廣昌縣境。○滋水在縣北。水經注。滋水逕枚回嶺。懸流五丈。湍激之聲。震動山谷。東流入廣靈縣境。

祁夷水。在縣北。漢志注。平舒縣有祁夷水。北至桑乾入治水。治水卽桑乾河也。水經注。祁夷水出平舒縣東。東北流經蘭亭南。又東北逕石門關。北舊出中山故關之道。其下流注於桑乾河。○黑龍河志云。出縣西四十里黑龍谷。南流合於澗水。

水南寨。縣西南五十里。址高四里。澗河經其北。因名。又順城寨在縣西北百里。址高五里。峭壁如城。又縣境有牛欄觀音二寨。○鎮邊堡在縣北六十餘里。邊防考地名。柳溝有屬部駐牧。夏則移駐龍會。距縣三百餘里。

定西砦。在縣西。五代唐所置。宋雍熙三年。賀令圖與契丹耶律斜軫戰於定西。敗績南奔。斜軫追及於五寨。卽此。○大勝甸在縣東六十里。蒙古與金人戰。大敗金人於此。因名。

附見


蔚州衛。在州治西。洪武七年建。隸山西行都司。宣德五年。改隸萬全都司。轄左右中前後中中左中右八所。○廣昌守禦千戶所。在縣治東北。洪武十三年建。隸山西行都司。宣德五年。改隸萬全都司。

桃花堡。衛東九十里。嘉靖四十四年。改民堡。置戍於此。萬歷十二年。增修。周不及一里。蔚州保安相距百八十里。堡當其中路。隆慶六年。設倉置遞於此。其地平衍沃饒。正東與易州之馬水口。昌平之白羊口相對。可爲形援云。

深井堡。衛東北百二十里。又東北至宣鎮六十里。正德五年築。萬歷七年。增修。周三里。有奇。四山環遶。中獨窪。下積水。經年不涸。因名。嘉靖三十五年。敵警由此入犯保安州之殷家梁。蓋兵自西北而東南。堡適當其衝。所有南口砦。石駝子。羅家窩等處。皆

寇境也。○漣沱店堡在深井四十里。本民堡。嘉靖四十五年。爲寇攻毀。因修治之。置戍守於此。周不及一里。

連雲堡。在衛東北。嘉靖十九年。寇大掠宣府。過順聖川。至蔚州。堡塞盡破。總兵白爵禦之於水泉兒。大敗。副總兵雲冒禦之於連雲堡。又敗。堡蓋民堡也。水泉兒一作水兒亭。又在其東北云。



讀史方輿紀要

卷四十五

山西七 外夷

附考

蒙古。東抵兀良哈。西連西番。北逾沙漠。自和林距京師。凡四千餘里。四裔考。北方歷代爲患。種類不齊。稱名各異。夏曰獯鬻。周曰玁狁。秦漢曰匈奴。漢末曰烏桓。晉曰鮮卑。南北朝有蠕蠕。隋唐時曰突厥。宋曰契丹。及女貞衰而蒙古起焉。蒙古契丹別部也。契丹部落之小者。曰蒙古。曰泰赤烏。曰塔塔兒。曰克列。各據分地。既而蒙古皆隸有之。或曰蒙古卽韃靼也。韃靼與韃靼本東北方之韃靼別部。唐貞元以後。奚契丹漸盛。部衆分散。或屬契丹。或依勃海。漸流徙於陰山。其俗語訛。因謂之韃靼。廣明元年。李克用敗於雲朔。往依之。克用得志。俾牙於雲代間。歐陽修曰。韃靼在奚契丹東北。後爲契丹所攻。部族分散。唐陰山者。號曰韃靼。宋國史。蒙古在女真之北。唐爲蒙兀部。亦號蒙骨斯。紹興五年。金主亶命胡沙虎將兵擊之。至九年。乃還。蒙古追襲取之於海嶺。紹興十七年。金人與蒙古和。時蒙古益強。兀朮討之。不克。乃與謙和。割西平河以北二十七圍。與之。歲遺牛羊米豆。且册其長。繫羅勃極烈爲蒙輔國王。不受。自號大蒙古國。旋稱祖元皇帝。其後也。速該并吞諸族。鐵木真繼之。日以盛大。開禧二年。希帝於斡羅河之源。尋滅金。而有其地。至忽必烈。遂混一中夏。歷八十八年而覆亡。仍主於沙漠。洪武三年。元主妥懽帖睦爾。太子愛猷識里達臘嗣。七年。次子脫古思帖木兒嗣。二十年。其主自慶州欲往和林。至土刺河。爲其臣也。速迭兒等所殺。是後國內亂。五傳至坤迭木兒。咸復被弑。永樂初。鬼力赤立。稱可汗。去國號。復稱韃靼。既而與其屬阿魯古西與瓦剌戰。大敗。瓦剌者。蒙古別部也。洪武時。其臣猛可帖木兒據其地死。而衆分爲三。曰馬哈木。曰太平。曰把禿。爭羅不附。鬼力赤互相讎殺。未幾蒙古部衆以鬼力

赤非元裔殺之而立本雅失里爲可汗。復與瓦剌戰。不勝。七年。以瓦剌內附。封馬哈木爲順寧王。太平爲賢義王。把禿李羅爲安樂王。八年。上親征。追奔至斡難河。本雅失里戰敗。僅以七騎絕河遁去。明年。馬哈木等乘本雅失里弱。遂滅之。阿魯台請爲其主。報讎。詔封爲和寧王。於是瓦剌之貢絕。十一年。親征瓦剌。大敗之。明年。馬哈木死。十六年。子脫歡請嗣爵。復封爲順寧王。自是瓦剌奉貢。而阿魯台復貳。二十年。親征阿魯台。至闊濃海上。遁去。後又屢征之。皆不見敵。而還。宣德元年。賢義王太平死。子捏列忽嗣。五年春。棄開平城。獨石。先是永樂中。棄興和及大寧。至是開平復失。宣遼道絕矣。阿魯台與瓦剌搆讐不解。阿魯台尋敗。兀良哈駐牧遼東塞下。時脫歡強。并有義賢樂安之衆。阿魯台與戰。復敗。脫歡急擊殺之。悉收其部落。欲自立爲可汗。衆不可。乃求元後脫脫不花爲主。以阿魯台衆歸之。居漠北。正統二年。脫歡誘三衛兀良哈窺塞下。四年。脫歡死。子也先嗣。稱太師。准王。太師者。其握兵大帥號也。時部衆皆服屬也。先脫脫不花擁虛名而已也。先外雖奉貢。而縱肆不法。驛驛九邊。又攻哈密。執王母掠沙州。破兀良哈。至脅誘朝鮮。邊將皆知其必爲寇矣。十四年。遂發兵來犯邊。脫脫不花犯遼東。知院阿剌寇宣府也。先寇大同。闡王振主親征。駕至大同。敵勢張甚。還師至土木。騎突至官軍大潰。上遂北狩。既而也先入紫荆。薄都城。敗去。景泰元年。遂上皇還。三年。也先與脫脫不花相攻。不花敗。依兀良哈。弑死也。先盡收其妻子。殺元裔幾盡。併吞諸部。東至遼水。西至赤斤。蒙古皆受約束。自稱大元田盛大可汗。田盛猶華言天聖也。也先新立。恐諸部不從。欲通好中國。希復爲寇。未幾。知院阿剌率所部攻殺也先。其部落離散。竄居西北邊。瓦剌稍衰。阿剌因也先淫醜殘暴。衆心離貳。故得乘間殺之。而諸部復不附。阿剌勢弱。惟字來最雄長。稱太師。復求救可汗。脫脫不花子尊立之。號小王子。自是遂以小王子爲稱。而毛里孩。阿羅出。諸部相繼奮矣。天順中。字來屢寇陝西。大同及河西諸處。六年。小王子死。共立其兄脫思稱馬可古兒吉思王子。而毛里孩。阿羅出。字羅。俱出入河套爲邊患。成化元年。脫思與字來並入貢。頃之。誘兀良哈犯遼東。未幾。入犯延綏。而諸部亦不相統一。字羅忽者。結毛里孩。阿羅出者。結卍加思蘭。各樹黨相攻。出沒河套中。字來勢分。復與毛里孩相離殺。既而毛里孩攻殺字來。並弑馬可古兒吉思王。更立可汗。復弑之。自稱黃峯王。別部字魯乃稱齊王。並遣使貢。而瓦剌也先之子阿失帖木兒者。亦頗戡其部落。與毛里孩諸部爭雄長云。卍加思蘭者。亦

別部也。初居哈密北山。天順末始盛。侵掠哈密。雄視諸番。竟東渡河與東合。屢犯延綏。固原一帶。四年。阿羅出糾兀瓦哈寇延慶。邊郡大擾。於是搜套之議起。八年。延綏撫臣余子俊創築榆林邊牆。以備套患。時毛里孩、孛羅及阿魯出三部稍衰敗。而小王子部之滿魯都入河套。稱可汗。亂加思蘭稱太師。九年。與孛羅忽寇章州。督臣王越乘間搗其巢於紅鹽池外。於是渡河北去。稍稍寇宣大。遂東誘兀瓦哈爲導。十一年。亂加思蘭攻滿魯都。并孛羅忽之衆。滿魯都部之脫羅干亦思馬因復攻殺亂加思蘭。亦思馬因自稱太師。十六年。督臣王越襲敗套部於威寧海子。自是而屢寇延綏。大同已東。迄無寧歲。時滿魯都衰弱。入寇者復稱小王子。或稱把禿猛可王。即故小王子。復與亦思馬因相攻。二十三年。亦思馬因死。而瓦剌有兩太師。一克捨。一革捨。克捨死。弟阿沙赤爲太師。與革捨弟阿力古多相讎殺。西走哈密。時小王子死。弟伯顏猛可代爲小王子。安治元年。自稱大元大可汗。以太師專權。廢不設。與瓦剌並入貢。其後乃有火篩。火篩者脫羅干之子。小王子部落也。狡悍與小王子爭雄。屢劫諸部寇邊。十二年。火篩入河套。連寇大同。遂深入京師戒嚴。明年寇榆林及固原。大爲邊患。正德初。屢犯宣大。延綏、寧固諸處。四年。小王子與火篩相讎殺。火篩死。并欲殺其丞相。亦不刺。亦不刺擁衆掠涼州。攻破安定等部。駐牧西海。復有別部之長阿角禿斯者與之合。七年。掠烏思藏。擄之。輒掠松潘。洮岷間。八年。小王子犯大同。明年復犯宣大。既又入固原及大同塞。十三年。小王子死。有三子。長阿爾倫。次阿着。次滿官。噶阿爾倫前死。二子長卜赤。次也明。皆幼。阿着稱小王子。未幾死。衆立卜赤。稱亦克罕。克罕猶可汗也。然亦稱小王子。如故。嘉靖初。屢盜陝西塞。深入爲患。時亦不刺復駐牧賀蘭山。後出沒擾邊。八年。乃縱掠宣大山西。入寧夏。遂繇鎮番入西海。與亦不刺結親。謀內犯。十一年。以數萬騎渡河而西。襲卜兒孩。大破之。卜兒孩亦小王子部落。遁入西海。與亦不刺、阿爾禿斯共患邊者也。明年復犯大同塞。時小王子富強。稍厭兵。其連歲深入蹂西北邊者。皆其別部也。曰吉囊。曰俺答。二人於小王子爲從父行。其大父曰歹顏哈。有十一子。次曰養那刺。有七子。長吉囊。次俺答。皆雄傑善兵。吉囊壁河套。名禩兒都司。直關中。俺答壁豐州難。直代雲中。吉囊俺答各九子。子各萬騎。弟老把都亦數萬騎。壁張家口。直宣府。諸昆從百十。皆有分地。率盜邊自肥。小王子不能約束也。小王子亦徙而東。直薊遼。號曰土蠻。別有黃毛者。警乘間侵掠。因會兵擊破之。黃毛臣伏。十三年。大舉盜邊。自

是西至甘肅東至宣大以及山西四十餘州邑盡被殘破會吉靈死俺荅益張二十五年陝西督臣曹欽讓復莖其銳嚴嵩仇覽
讎殺之二十九年俺荅東寇薊三衛導之深入越古北口犯通州西瀋都城久之循諸陵而北東循潮河川復由古北口出時大
同帥仇鸞懼其復至陰唱以開市俺荅遂上書陳請許之市成而縱掠如故議者咸咎馬市非計三十一年驚死馬市罷自是縱
橫突犯終嘉靖之季九邊相繼告警邊事日圯是時諸部獨俺荅強土蠻警攻之不能克與連和四海之亦不刺阿爾禿廝始猶
與角後折而入於彼隆慶初俺荅入山西塞陷石州攻汾州分掠太原平陽之境三旬乃却三衛之董忽力復勾土蠻入薊州塞
蹂躪黎撫寧樂亭盧龍京師震動四年犯大同塞又犯遼東塞至錦州會其孫把薩那吉來降宣大督臣王崇古等納之因與之
爲媾把漢那吉者俺荅第三子鐵背台吉子也幼孤鞠於俺荅妻一克哈屯所長而環俺荅奇愛之至是以嫌恨來歸俺荅方掠
西番聞之疾馳歸遣人祈請崇古使縛叛人趙全等以易那吉俺荅受命請稱臣貢方物開市崇古以聞詔允所請五年封俺荅
爲順義王其弟老把都子黃台吉以下各受爵有差西部吉能等亦請市許之皆授爵有差使貢馬設爲定制明年老把都吉能
皆死黃台吉市後期復劫車部革固東徒革固者不知所從來嘉靖間始流居宣府塞下而先是有史部者亦以黃台吉暴虐自
拔歸議者以二部爲我外藩詔俺荅歸車部瓦刺自正德後稀往來時與北相讎殺北部每西行
輒以復讎瓦刺爲名大覓食諸番西北苦之而東部土蠻散入遼東自是北部勢衰邊患稍息

和林城

在漠北千餘里唐回鶻毘伽可汗放城也蒙古初都此以西有哈喇和林河因名志云蒙古之先有孛端叉兒其部族居烏
桓北與畏羅乃蠻九姓回鶻故城和林接壤世奉貢於遼金而總領於韃靼至也達該始盛攻塔塔部遷次跌里溫盤陀山
而生鐵木真後日以強大鐵木真旣稱帝以和林爲會同之所宋端平二年蒙古主窩瀾始城之周五里許亦曰元昌路尋爲轉
運和林使司中統初改置宣慰司及都元帥府尋又分都元帥府於金山南而和林止設宣慰司至元二十七年復立都元帥府
大德十一年立和林等處行中書省置和林總管府至大二年又改行中書省
爲行尚書省尋復故皇慶初改爲嶺北等處行中書省而和林路爲和寧路云

吉利吉思城。

在漠北近廢庭州北境。元始其地南去大都萬餘里。相傳乃滿部居此。元析其民爲九千戶。境長千四百里。廣半之。謙河經其中。西北流。又西南有水曰河浦。東北有水曰玉須。皆巨浸。會於謙河。而注於昂可刺河北。入海。昂可刺在吉利吉思北。舊爲附庸。又吉利吉思之東。謙河之北。有烏斯城。因水爲名。○據合納城。在烏斯東。謙河源出於此。其地惟二山口。可出入。山川林樾。險阻爲甚。據合納者。番言布囊也。口小腹大。地形類之。因名。又謙州在吉利吉思東南。去大都九千里。以河爲名。當謙河西南。唐麓嶺北。居民數千家。悉蒙古回鶻人。地沃衍。宜耕稼。其相近曰益蘭州。益蘭者。蛇稱也。州境舊有巨蛇。因名。至元七年。置吉利吉思。據合納。謙州。益蘭州。斷事宜於此。

龍城。

在漠北古單于亭也。胡氏曰。匈奴祭天大會諸部之處。卽曰龍城。元常處。漢元光二年。衛青出上谷擊匈奴。至龍城。天漢二年。李陵自淺穉山引兵東南。循故龍城道行。蓋卽匈奴所常會衆處。時匈奴益徙而北也。

楊義城。

在漠北。又有天波羅城。舍利城。城傍有美水。豐草。皆唐時突厥所居。移徙不常。○烏員城。顏師古曰。地名也。漢本始元年。分道伐匈奴。韓增出雲中塞千二百里至烏員。卽此。又怛篤城。在廢庭州西北。唐顯慶初。程知節等敗西突厥於怛篤川。進至

怛篤城而還。或譏爲達督城。○咽城。在廢庭州西北。西突厥處木昆部所居城也。唐顯慶元年。周智度攻處木昆等部於咽城。拔之。卽此。

葛邏祿國。

在漠北。近故庭州境。唐紀。在北庭西北金山之西。亦突厥諸部也。一名哥邏祿。有三族。一謀落。亦作謀刺。二熾俟。亦作都督府。後稍南徙。自號三姓葉護。開元二年。葛邏祿詣涼州降。旣而爲突厥曠曠所擊。遣兵救之。婆固三踏實力。永徽初。皆內屬。顯慶三年。以謀落部爲陰山州都督府。熾俟部爲大漠州都督府。踏實力部爲元池州。尋與拔悉彌國俱屬北庭都護府。天寶十載。叛附大食。敗高仙芝兵於怛羅斯城。後并於吐蕃。

拔悉彌國。

在葛邏祿西。亦曰拔悉密國。突厥別種也。貞觀二十三年。遣高侃討突厥餘種。車鼻可汗入其境。拔悉密部遂來降。以其地置新黎州。開元八年。朔方總管王晔請發拔悉密會擊突厥。拔悉密先至。逼突厥牙帳。而陳。唐兵不出。爲突厥所

敗尋附屬於突厥。天寶初，拔悉密與回紇葛邏祿共攻殺突厥骨咄祿，推拔悉密會長爲頡跌伊施。可汗回紇葛邏祿自爲左右葉護，三載復攻殺突厥烏蘇可汗，既而回紇葛邏祿又攻拔悉密，破殺之。

突騎施國

在廢庭州西北三千餘里。西突厥別部也。唐顯慶三年，時西突厥既滅，諸部皆內附，以其地置暕鹿澗山等都督府。長安二年，突騎施烏質勒悉并西突厥地，屯碎葉西北，復攻陷碎葉，徙居之。尋復內附，開元二年爲突厥嚙噉所敗，滅三年。突騎施部將蘇祿鳩集餘衆，復據其地，十姓部落稍歸之。二十六年，國亂，既而蘇祿子骨噉立，爲吐火懼可汗，據碎葉城。又別部長黑姓可汗爾微時，勒據恒羅斯城。二十九年，曠西節度使蓋嘉運襲擊吐火仙等，擒之，別部之莫質遠干據其地。天寶三載，河西節度使夫蒙靈胥討斬之，更立黑姓部長骨咄祿臣伽爲十姓可汗。後亦并於吐蕃碎葉城，見西域亦力把力恒羅斯城見西域哈烈境內。

黠戛斯國

在廢庭州北七十里，卽古之堅昆。漢紀，堅昆東去單于庭七千里，南至車師五千里。黃龍元年，郅支單于西擊烏孫，因北井堅昆，置都之。其後西徙，堅昆復有其地。梁紹泰初，突厥強盛，北井契骨，卽堅昆矣。唐初曰結骨，亦曰居勿，又爲紇骨，亦曰紇吃斯，後改號曰黠戛斯。在伊吾之西，焉耆之北，白山之旁。貞觀十一年入貢，二十二年其部長入朝，以爲堅昆都督府。隸燕然都護。乾元中，爲回鶻所破，自是隔遠，不通中國。其君長曰牙熱，建牙青山，去回鶻牙，葉駝行四十日，開成末，黠戛斯強。阿熱自稱可汗，大破回鶻，回鶻敗散，旣而遣使貢獻，會昌三年，册爲可汗。五代時爲契丹所併。

骨利幹國

在翰海北，亦鐵勒諸部。產良馬，其地北距海，去京師最遠。又北渡海，則晝長夜短，蓋近日出處，所謂煮羊胛適熱日已復出者。唐貞觀二十三年來貢，以爲元闕州。○斬啜國亦鐵勒諸部也，在庭州東北千五百里。唐顯慶中，嘗與突騎施

俱內屬。

駁馬國

在漠北一名弊刺。或曰遏邏支。唐史其地直突厥之北。距京師萬四千里。北極於海。以馬耕田。雖貨馬而不乘。資醴酪以食。馬色皆駁。故以名國。

阿至羅國

在漠外居北河之東。世屬於拓跋魏。或曰高車後也。後魏正光初。阿至羅侵柔然。柔然伏虜可汗擊之。爲所敗。東魏主善見興和三年。阿至羅國主副伏羅越若子去賓來降。封爲高車王。天平中。附於高歡。屢爲西魏患云。

阿拔國

在漠外。隋開皇五年。突厥沙鉢略與西突厥阿波相攻。阿拔國乘虛襲沙鉢略。掠其妻子。隋軍爲擊敗。阿拔所獲悉與沙鉢略。沙鉢略乃立約以贖爲界。其地蓋在突厥之西南。

金山

在塞北。其地三垂斗絕。惟一面可容車騎。壤土夷博。諸部自昔建牙於其北。亦曰金牙山。元魏時。高車建牙於此。正光二年。涼州刺史袁翻議處柔然婆羅門於西海。故城西海在酒泉北。去高車所居金山千餘里。是也。隋末。西突厥射匱拓地。東至金山。

西至海。唐貞觀中。突厥別部斛勒者窺此。自稱乙注車鼻可汗。距長安萬里。二十三年。遣高侃將回紇。僕骨兵擊之。永徽元年。侃師至阿烏山。車鼻遁走。追獲之於金山。永隆二年。裴行儉將兵討突厥叛部阿史那伏念等。遣偏將程務挺等掩襲金牙山。盡獲其妻子。輜重。胡氏曰。突厥初起。建牙於金山。其後分爲東西突厥。凡建牙之地。皆謂之金牙山。蘇定方直抵金牙。擒賀魯。此西突厥所居。金牙山。裴行儉遣將掩金牙山。此東突厥所居。金牙山也。可汗所居。亦曰金帳云。又元史。仁宗延祐二年。以其兄武宗子和世珠鎮雲南。行至延安。其下謀作亂。不克。和世珠遂西走。至北邊。金山西北。諸王察阿台等皆來附。和世珠至其部。與定約。東每歲東居。扎顏夏居。幹羅幹察山。春則命從者耕於野。凡十餘年。邊境寧謐。文宗天歷元年。迎周王和世珠於漠北。周王遂發北邊。至金山嶺北。二年。即位於和林北。是也。

鬱督軍山

在漠北。即烏德健山。初回紇屯此。亦謂之都尉健山。譯語音轉也。其地距長安三千里。而爲唐貞觀二年。爲薛延陀建牙之地。東至鞞鞞。西至西突厥。南接大磧。北至俱倫水。皆屬焉。唐歷云。山在回紇牙帳西。甘州東北。突厥既亡。薛延陀

蓬建牙於都尉健山北。獨邏水南山左右有噶昆河。獨邏河皆屬曲東北流。噶昆在南。獨邏在北。過回紇牙帳東北五百里而合流。貞觀二十年。李世勣討薛延陀。至鬱督軍山。遂滅薛延陀。是也。永徽元年。高侃擒突厥車鼻於金山。詔處其餘衆於鬱督軍山。建狼山都督府統之。天寶三載。回紇南據突厥故地。立牙帳於烏德健山。即都尉健山也。南距漢高闕塞千七百里。元和二年。沙陀朱邪盡忠帥部落自甘州歸唐。循烏德健山而東。新唐書回紇牙帳東有平野。西據烏德健山。南依噶昆水。噶昆水即噶昆水矣。

寶顏山

在漠外。其下有趙信城。漢武帝時。匈奴所築。以居降將趙信者。衛青出定襄。至壽扎。匈奴敗走。追至寶顏山。趙信城而還。又霍去病以輕騎追奔至寶顏山。得匈奴積粟處也。或曰。山亦名盧山。衛青薨。武帝命起家象盧山。又揚雄曰。運府庫之財。填

盧山之壑。孟康曰。盧山。

單于南亭。實一作闕。

燕然山

在漠外。漢武征和三年。遣李廣利伐匈奴。深入至郅居水。還至燕然山。戰敗降匈奴。後漢和帝初。竇憲出朔方雞鹿塞。至涿邪山。會軍分兵破北單于於稭落山。遂臨私渠北靺海。蹙出塞三千餘里。登燕然山。刻石紀功。而還。匈奴傳。燕然山在匈奴中。連涿邪烏地。北史。燕然山在葱闐水北。

涿涂山

在漠外。涿讀邪。山在高闕塞北千餘里。漢天漢二年。遣公孫敖。躡博德等討匈奴。會師涿邪山。後漢永平十六年。征北匈奴。度遼將軍吳棠出高闕。坐不至涿邪山。免。建初元年。南單于與邊郡及烏桓之兵擊破北匈奴於涿邪山。又元和二年。南匈奴與北部溫禺犢王戰於涿邪山。斬獲而還。水元初。討北匈奴。竇憲出雞鹿塞。郭鴻出桐陽塞。南單于出蒲夷谷。皆會涿邪山。晉太元十六年。拓跋珪擊柔然。遣長孫肥。追柔然匹儁。敗。至涿邪山。降其衆。又魏主兼神鼎二年。擊柔然。循弱水西行至涿邪山。而

還。太延四年，自五原伐柔然，至淺稽山，分遣拓跋崇從大澤向涿邪山，不見。柔然而還。太平真君十年，復伐柔然，出涿邪山行數千里，柔然遠遁是也。

狼居胥山

在漠北。漢霍去病出代二千餘里，與匈奴左賢王接戰，左賢王敗遁，乃封狼居胥山而還。漢書：元封四年，去病出代，右北平二千餘里，歷度難候之山，濟弓盧之水，封狼居胥山，禪于姑衍，登臨翰海而還。宋元嘉二十六年，帝欲經略中原，

王元謨每獻籌策，帝曰：觀元謨所

陳，令人有封狼居胥意，謂此事也。

天山

在漠北。魏主濬太延四年，伐柔然，從淺稽山向天山。西登白阜，胡氏曰：此漠北之天山，即唐鐵勒思結多濫葛所保之地，非伊吾之折羅漫山也。白阜即雪山矣。○白雲山亦在漠北，一統志：永樂八年，六軍營於此時，四山雲氣潔白如練，因賜今名。

都斤山

志云：在漠北，後周時突厥分三部，其中部木杆可汗牙帳居都斤山。隋初，沙鉢可汗居此，亦作度斤。開皇十七年，隋以宗女婁突厥別部突利突利本居北方，長孫晟說其帥乘南徙，居度斤舊鎮，以伺察難虞，固是也。唐時突厥可汗亦嘗據此，其西

五百里有高山，迺出，無草樹，謂

之勃登疑黎，猶華言地神也。

稽落山

在涿邪山北，後漢和帝初，竇憲擊北單于，至涿邪山，分遣精騎，大破之於稽落山，即此。唐書：太宗以突厥射律部地置稽落州，以多濫葛部地置燕然州，皆因山以名也。○馬鬣山在漠外，唐貞觀元年，回紇破突厥兵於馬鬣山，追至天山是也。又按

台山，亦在漠外。元成宗大德中，使其兄子懷寧王海山鎮漠北，大

德十年，成宗崩於海上，自按台山至和林，引而南，即位於上都。

貪于山

在漠外。隋大業初，勅勒諸部叛，西突厥處羅可汗推契苾哥楞爲易勿真莫賀可汗，居貪于山北。新唐書作貪汚山，又以薛延陀乙失鉢爲也。咥小可汗居燕末山北，亦在漠外，旣而復臣於西突厥。○不揣罕山亦在漠外，幹難河源出於此，又迭里

溫季答山在幹難河旁。
志云元鐵木真生於此。

南牀山。在漢外晉太元十六年拓跋珪道破柔然於大曠南牀山下。又遣長孫嵩追斬其別帥屋擊於平望川。長孫肥追柔然東部

帥匹侯跋至涿邪山。匹侯跋舉衆降。南牀山在大曠西。一作南崗山。○白邨山在漢外成祖北征阿魯台至答口關納木兒

河駐河上。前鋒抵白

邨山無所遇而還。

蘭干山。在漢外漢天漢二年李陵請自當一隊到蘭干山南以分單于兵。卽此山蓋近居延塞外。○木刺關山在漢外唐天寶

初朔方節度使王忠嗣討突厥進軍磧口進營木刺關山攻多羅斯城涉昆水斬米施可汗昆水或以爲卽嚙昆水也。

金微山。在陝西甘肅鎮東北居延塞外。後漢永元二年竇憲屯涼州使耿襲等出居延塞圍北單于於金微山大破之。出塞蓋五千餘里唐貞觀中以僕固部置金微都督府蓋以山名。

浚稽山。亦在居延塞外。漢太初二年遣趙破奴出朔方西北二千餘里期至浚稽山而還。又天漢二年詔李陵出遮鹵障至東浚稽

山南龍勒水上。陞出居延北行三十日至浚稽山營兩山間與單于戰處也。胡氏曰浚稽山在武威塞北有東西二山東浚

稽在龍勒水上匈奴嘗分居之。龍勒水在敦煌境東北流至浚稽山下也。後魏主濂太延四年自五原北伐柔然自出中道至浚

稽山復分中道爲二使拓跋崇從大澤向涿邪山魏主從浚稽北向天山西登白阜不見敵而還。○鞬汗山在甘肅塞北舊志在

遮鹵障西北百八十里李陵敗

降匈奴處山蓋亦在居延塞外。

饒曷山。在漢北近西域焉耆之境唐貞觀十三年西突厥東部可汗咄陸建牙於饒曷山謂之北庭自厥越失拔悉彌駁馬結馬火

燹觸水昆等國皆附之劉昫曰白焉耆西北行至東南庭又正北行八日至北庭南庭在雖合水見陝西塞外亦力把力。

鹿渾谷。在漠北。北史鹿渾海之谷也。本高車袁紇部所居。直平城西北。其東即弱落水。魏主濛太平真君四年。如漠南。以輕騎襲柔然。至鹿渾谷。遇敕連可汗太子昇請亟擊之。魏主不聽。柔然遁去。即此。○起靈谷在漠外。元諸主皆葬此。不加築爲陵。

穹窿嶺。在漠北。魏主濛太平真君十年。復伐柔然。使拓跋那出東道。那日夜追擊。柔然懼。棄輜重。騎穹窿嶺遠遁。那盡收其輜重而還。與魏主會於廣澤。自是柔然衰弱。不復犯魏塞。

阿撒忽突嶺。在和林境。元至元二十九年。諸王明里鐵木兒附海都。以叛。伯顏討之。至阿撒忽突嶺。大戰破走之。

玉華峯。在漠北。成祖北征。前鋒越臚胸河。西略黃崖。又西略玉華峯。是也。又環翠峯亦在漠北。永樂八年。自清水原進。次環翠峯。即此。

飛雲壑。在幹難河東北。永樂八年。親征本雅失里。至幹難河。敗之。其大元帥阿魯台東奔。追至飛雲壑。復大敗之。窮追至長秀川。進獲其輜重。又追破之於同曲津。

清水原。在漠北。其地水鹹。苦不可食。成祖北征至此。於營西北二里許。得泉甚甘。賜名神應泉。又其北爲長清塞。車駕至此。南望北斗處也。○元石坡在漠北。永樂十年。北征車駕駐此。旁爲立馬峯。成祖勒銘處也。

元冥河。在和林東北。即幹難河也。元初興於此。鐵木真以塔塔兒部叛。自幹難河帥衆會金師同滅之。旣而稱帝於幹難河。永樂八年。追奔至此。大敗之。其裔本雅失里窮蹙。以數騎遁去。賜幹難河名爲元冥河。

飲馬河。在漠北。本名臚胸河。或曰即西平河也。宋紹興十七年。金人與蒙古和。割西平河以北。二十七國。築與之。即此。明洪武五年。李文忠進兵至此。薊敗元將於土刺河。追至土魯渾河。大戰。窮追至騁海而還。永樂七年。命邱福擊元。出開平而北。至臚胸。

河。敗元遊兵。恃勝輕進。師殲焉。八年。北征至此。賜名飲馬河。旁有殺狐城。清遠堡。即是。特別將王友所築。以貯糧運處也。其北爲兀古兒札河。又西北即幹難河矣。

土刺河。在飲馬河西。又西爲阿魯渾河。又西北爲野澤。野澤之南地名桑麻兒麻。亦名哥令麻思。明初李文忠逐元兵至野澤南。還遼道於此。又永樂十二年。親征瓦剌。敗馬哈兀等於撒里哈刺之地。又追敗之於土刺河而還。

班尼朱河。在和林北。蒙古鐵木真初起兵至此。河水方渾。飲之。誓衆曰。他日當記會同此艱難。亦謂之班尼河。○答口蘭納木兒河。在和林東北。永樂二十二年。親征阿魯台。先鋒陳懋等出塞數千里。至答口蘭納木兒河。不見敵。或曰。卽蘭闊納活。

兒海也。蒙古鐵木真會集部落之地。

清塵河。在和林東。舊名古札兒河。亦曰兀古兒札河。永樂八年北征。遂次漠北環翠峯。覆遣兵。詢知方居兀古兒札謀西奔。追及之於幹難河。還賜名清塵河。○五條河。在和林境。元至元二十二年。命井和林屯田。入五條河。是也。

龍居河。在漠北近和林境。元晉王也孫鐵木兒襲位於龍居河。卽此。○濛刺兒河。亦在漠北。明永樂初。蒙古國亂。可汗鬼力赤不爲衆所附。其臣太保阿魯台逃居濛刺兒河。是也。

獨樂河。在漠北。隋開皇初。突厥菴邏以國讓。攝圖降居獨樂水。卽獨樂河也。唐開元四年。突厥曩曷擊九姓。拔野古戰。獨樂河。拔野古大敗。曩曷歸。不爲備。拔野古殘衆自柳林突出。擊斬之。

僊萼河。在嶺北。唐龍朔初。遣鄭仁泰等伐鐵勒。分軍出仙萼河。二年。仁泰等敗鐵勒於天山。追躡大嶺。至仙萼河。爲彼所敗。舊唐書。嶺北有仙萼河。唐討回紇。置仙萼道。行軍總管。新唐書。回鶻牙北六百里。至僊娥河。僊娥卽僊萼之僞也。

匈河。在漠外。漢元鼎六年。匈河將軍趙破奴將萬餘騎。出令居數千里。至匈河水。而還。後漢永平十六年。遣來苗等出平城塞。伐北匈奴。至匈河水。上衆皆奔走。無所獲。薛瓚曰。匈河水去令居千里。似誤。

史侯河。在漠外。後漢永元初。時北匈奴衰弱。竇憲等議伐之。侍御史魯恭言。北匈奴爲單于所破。遠藏於史侯河西。去塞數千里。卽此。○飄颻河。在漠外。胡嶠曰。黑車子之北有牛蹄突厥。人身牛足。其地有寒水。曰飄颻河。夏秋冰厚三尺。春冬冰徹底。常燒。

器銷冰乃
得飲云。

帖麥孩川。

在和林西南境。鐵木真以乃蠻部侵掠。會屬部於此謀伐之。乃蠻將太陽罕營於沈海山。與蘆里乞諸部合勢。頗盛。鐵木真擊敗之。沈海山蓋乃蠻境內之山也。今陝西塞外于闐境內有乃蠻故國云。

浮圖川。

在烏德健山西北。唐貞元五年。葛邏祿部附於吐蕃。敗回鶻兵。乘勝取浮圖川。回鶻震恐。悉遷西北部。落於牙帳之南。以避之。○合羅川在漢外。唐會昌二年。黠戛斯擊敗回鶻。上言將徙就合羅川。居回鶻故國。或曰川在鬱督軍山南。

鷹娑川。

在漢北。近故庭州塞外。唐紀。鷹娑川在北庭府西北。是也。貞觀中。西突厥鼠尼施部居此。顯慶元年。程知節討西突厥。大敗之。於鷹娑川。至怛篤城而還。怛篤一作怛篤。三年。置鷹娑都督府。蓋以川爲名。○多羅斯川亦近故庭州境。唐紀在西川北。

千五百里。貞觀中。西突厥以阿史那賀魯爲業護。居多羅水。統處月。處密。始蘇。哥邏祿。失畢。五姓之衆。二十二年。賀魯來降。是也。

邛居水。

在塞北。漢征和三年。遣李廣利出五原。匈奴悉徙輜重。北抵邛居水。左賢王驅其人民度余吾水。六七百里。居兜御山。單于自將精兵度姑且水。廣利深入。度邛居水。還至燕然山。敗降匈奴。兜御山。姑且水。皆在大漠之北。

余吾水。

在廳夏州北塞外。山海經。北鮮諸山。鮮水出焉。北流注於余吾。漢武天漢四年。遣李廣利出朔方。擊匈奴。匈奴悉遠其累重。於余吾水北。而以兵十萬待水南。是也。又昭帝元鳳二年。匈奴復遣騎屯受降城。以備漢。而北橋余吾水。令可度以備奔走。

宣帝本始元年。分道伐匈奴。田順出五原塞八百餘里。至丹餘吾水上。或以爲卽此水也。受降城見甘州衛。

粟水。

在漢北。近稽落山。有漢將軍竇憲故壘。魏主濊神廂二年。曩柔然捨輜重於漢南。驪騎至粟水。大破柔然。又稽落水。以導源稽落山。而名。唐開元八年。朔方大總管請發東西降衆。掩突厥牙帳於稽落水上。不果。

弱水。

在漠北。晉義熙十四年。魏主嗣命護高車中郎將薛繁帥高車丁零北略。至弱水而還。又魏主濂神鼎二年。追擊柔然。至菟園。水又循弱水西行。至涿邪山而還。菟園水在燕然山南。魏書云。南去平城三千七百餘里。魏主濂擊柔然。循渠水西行。至菟園。

水。分軍搜討。東西五千。里。南

北。三千。里。俘斬無算。是也。

女水。

在漠北。北魏書。女水在弱落水西。去平城三千餘里。晉太元十四年。魏主建擊破吐突鄰部於女水。徙其部落而還。又宋泰始六年。魏主宏大破柔然於女水之濱。改女水曰武川。魏記。女水當在長川西。赤城西北。武川鎮置於此。或曰非也。武川鎮置於

魏主濂時。與女水相去絕遠。弱落水見直隸大寧衛饒落水。○石水。北史。

在額根河北。魏主濂太平真君四年。從鹿渾谷追柔然。至石水。不及而還。

私渠北靺海。

在漠外。亦曰北海。漢元封初。單于留漢使郭吉。遷之北海。天漢初。又徙蘇武於北海。即此。東漢永元初。竇憲等敗北單于於稽落山。追擊諸部。至私渠北靺海。又西北有四海。是時憲等遣使吳汜等奉詔致賜。及北單于於四海上。說

令稱臣入朝。單于喜。隨使者到私渠海。聞漢軍已入塞。乃遣其弟奉貢入侍。二年。復款居延塞。欲入朝。見竇憲遣班固等迎之。會南單于復請襲擊北單于。許之。單于遁去。班固至私渠海而還。

答刺海。

在漠北。洪武六年。北元寇武朔諸州。大將軍徐達分遣陳德。郭子興。擊之。敵遁去。追破之於答刺海。即此。○蒙山海在連兒溫都兒之地。其水清冽。永樂十二年。車駕北征。次於此。

闊灣海子。

在漠北。飲馬河之東。周圍千餘里。幹難。飲馬。諸河皆注其中。漠北之藪澤也。永樂二十年。親征阿魯台。敵棄畜牧輜重於闊灣海側。遁去。大軍至。焚其輜重。收畜牧而還。

稱海。

在和林境。元爲屯田之所。置倉庫。以軍守之。元貞初。於六衛漢軍內。撥千人赴稱海屯田。北方大德末。哈剌哈孫鎮和林。治稱海屯田。得米二十餘萬。又求古渠。灌之。溉田數千頃。或譌爲勝海。明初。李文忠遣元師至稱海。是也。

航海。在和林北。元至元二十六年。海都寇邊。至航海。晉王甘麻刺被圍。土土哈翼而出之。元主賞其功。曰。昔太祖與臣同患難者。飲班朮河之水。今日之事。何愧昔人。元至元三十年。命成和林漢軍四百餘百人。餘令耕屯航海。是也。

已尼陂。在漠外北。史烏洛侯國西北二十日行有於已尼大水。所謂北海也。烏洛侯直瀋源西北。已尼陂又當在其西北。魏主濂神鼎二年。遣安原等擊高車東部於已尼陂。大敗而還。烏洛侯亦曰烏羅護。令見直隸塞外。

浮沮井。在漠北。漢輿地圖。井在匈奴中去九原二千餘里。漢元鼎六年。遣浮沮將軍公孫賀出九原二千餘里。至浮沮井。不見匈奴一人而還。

廣漠鎮。在嶺北。永樂九年北征。還至廣漠鎮。渡河。蒙古阿魯台來襲。與戰。敗。遁上度。其必再至。乃伏兵數百於河西柳林中。敵果至。復敗去。

霍博里。在和林北。宋紹定二年。鐵木真死。其第三子窩濶台自霍博之地來。會葬。耶律楚材以遺命奉之。嗣立於和林。東庫鐵烏阿刺里之地。

鉞鐵鐔里。在和林東北。宋淳祐元年。蒙古主窩濶台大獵。還至此。歡飲極夜。翊日卒。又汪吉宿滅禿里。亦近和林。宋淳祐六年。蒙古主貴由立於此。八年。卒於橫相乙兒之地。十一年。蒙古主蒙哥立於濶帖兀阿蘭。其地皆與和林近也。

阿力麻里。在和林境南。至故庭州四五百里。元至元三年。諸王海都作亂。率兵南來。忽必烈逆敗之於北庭。追至阿力麻里。海都遠遁。因設重兵鎮於阿力麻里之地。至元十四年。諸王昔里吉作亂。剽北平王那木罕於此。引兵至和林城。北元主命

伯顏察之。與其衆遇於幹魯歡河。夾水而陳。相持彌日。俟其懈。掄擊破之。昔里吉走死。

哈梅里。在和林西。明洪武二十二年。遣劉真、宋晟征哈梅里。破其城。所獲甚衆。蓋是時哈梅里元爲兀納失里大王所居也。嘗往來患苦西域貢使。驗之不從。因討破之。

野里麻里。

在和林北。元至元八年。元主使其子南朮金建蕃於此。二十一年。始南還。又草地亦在和林北。元至正九年。御史幹勳。海壽等劾侍御史哈麻之奸。詔居哈麻於草地。卽此。○青木土在漠外。宋景定元年。忽必烈以阿里不哥謀篡立。討之。

與戰於青木土之地。阿里不哥大敗北遁。又愍答孫亦在漠外。元至元二十五年。行臺御史周祥劾桑哥之罪。流祚於愍答孫之地。

朵里伯真。

在和林之東。元天歷二年。和世球發和寧。次朵里伯真之地。越三日。次幹兒罕朮東。又三日。次擺禿兒海。又三日。次禿忽刺。越七日。次不魯通。又二日。次忽刺火失溫。又三日。次撒里。又七日。次乙納八之地。明永樂

十二年。北征至忽蘭。忽失溫。疑卽忽刺火失溫也。

富惱兒。

在和林南。宋寶祐五年。蒙古主蒙哥至此。使其臣乞孛羅守幹羅思之地。○哈刺莽來在和林東南。明洪武五年。李文忠自東路追元師至哈刺莽來。逸遇。文忠乃爾輜重於臚胸河。輕騎追襲至土刺河。是也。

沒脫赤。

在和林西北。宋理宗淳祐十二年。蒙古主蒙哥以其故主窩闊台之后欲立其孫失烈門。徙之於擴端所居地之西。禁錮失烈門於沒脫赤之地。卽此。

八鄰。

在和林西。元大德初。海都作亂。據八鄰之地。欽察都指揮使牀兀兒帥師逾金山進攻之。海都將怙良壘阻答魯忽河而軍。伐木柵岸以自庇。牀兀兒馳擊大破之。還至阿雷河。與海都援將宇伯遇復渡河。蹙之。宇伯敗走答魯忽魯等河。俱近陝西西域之

境。欽察亦見陝西于闐境內。

已上蒙古

突厥

匈奴之別種也。其初爲西方小國。姓阿史那氏。世居金山之陽。爲柔然鐵工。至其酋長土門始強大。頗侵魏西邊。東魏武定三年。高歡遣使通突厥。西魏大統十七年。大破高車。始與柔然絕。明年。擊敗柔然。殺阿那瓌。自稱伊利可汗。自是日以盛強。梁敬帝紹泰初。突厥木杆可汗擊滅柔然。因西破嚙噠。東走契丹。北并契骨。其地東自遼海。西至西海。長萬里。南自沙漠。以北五六千里。皆屬焉。隋開皇二年。突厥入塞。自平幽以西。極於蘭郡。悉見侵擾。隋大發兵擊之。勢稍殺。五年。突厥西部阿波淺強。號西突厥。與沙鉢略略分爲二境。互相攻殺。七年。沙鉢略死。其地爲莫何可汗擊擒。阿波國復強。明年死。沙鉢略之子瓚闐自立。爲都藍可汗。十九年。爲其所殺。其北部達頭自立。爲步迦可汗。仁壽二年。楊素等擊破之。突厥遠遁。積南無復寇抄。三年。步迦所部大亂。衆潰。步迦西奔吐谷渾。隋因以所立啓民可汗。送置積口。蓋有突厥之衆。大業五年死。子嚙吉立。是爲始畢可汗。十一年。始畢復叛。隋圍鴈門。自是中國亂。突厥遂強。唐武德四年。始畢東服契丹。室韋。西臣吐谷渾。高昌。諸國。二年死。弟俟利弗設立。爲處羅可汗。三年死。弟莫賀咄設立。爲頡利可汗。貞觀初。爲鐵勒諸部薛延陀等所敗。頡利遂衰。四年。李靖等大破頡利於陰山。其部落次第來降。別部人因執頡利送京師。漢南遂空。十二年。復立其部阿思那思摩爲可汗。令統舊部。越牙於河北。與薛延陀分疆爲界。十八年。爲薛延陀所敗。其衆皆南渡河。處於勝夏。二州間。思摩復入朝。二十一年。薛延陀既滅。時有突厥同族斛勃者。稱爲乙注車鼻可汗。建牙於金山之北。遣使入貢。永徽初。將軍高侃擊擒之。於是突厥悉爲封內臣。分置羈縻府州。授其部長爲都督刺史。而終於單于都護府。其後叛服不一。永淳二年。突厥骨篤祿叛。天授二年。其弟嚙噠代立。數寇邊。復據漠北地。聖歷初。有勝兵四十萬地。萬里。開元二年。擊并西突厥。突騎施三年。擊拔野古。被殺。國亂。骨篤祿之子嚙棘速代立。爲毘伽可汗。三十二年。爲其大臣梅錄曷所毒死。子伊然可汗立。又卒。弟登利可汗立。二十九年。國亂。既而骨嚙葉護自立。爲可汗。天寶初。拔悉密回紇。葛邏祿三部。共攻骨嚙葉護。殺之。推拔悉密部長爲頡利伊施可汗。回紇。葛邏祿。自爲左右葉護。突厥餘衆共立判闕特勒之子爲烏蘇米施可汗。拔悉密等復攻敗之。判闕特勒即登利從叔。爲左殺勒兵殺登利者。其部落多內附。突厥遂微。三載。拔悉密復攻殺烏蘇可汗。國人立其弟鶻隴匄白眉特勒。爲白眉可汗。突厥益亂。四載。回紇復擊殺白眉可汗。突厥遂滅。

西突厥

本突厥西部也。隋開皇中，部長阿波淺強，與突厥相攻，既被擒，國人立其族執素特勒之子爲泥利可汗。死，子達漫爲處羅

可汗，居烏孫故地。大業六年，裴矩以計離其族，射匱攻處羅，處羅敗走。因諷諭入朝。明年，分處羅之衆爲三：一處會寧，一處樓煩，而處羅常從車駕。唐武德二年，西突厥統葉護可汗遣使入貢，統葉護者，射匱之子，射匱卽達頭之孫。先是處羅旣入朝，國人立其叔射匱，射匱拓地東至金山，西至海，遂與北突厥爲敵，建牙於龜茲北三彌山，及統葉護立，北并鐵勒，據烏孫故地，又移庭於石國北千泉。西域諸國皆臣之。貞觀三年，國亂，西域諸國及勒勒先臣屬者皆叛。六年，泥熱立，遣使內附。十三年，其國復中分爲二：一居伊列以東，一居伊列以西。十五年，東部爲西部所併，永徽初，西突厥阿史羅賀魯據其地，顯慶二年，遣蘇定方討擒之，更立部長，自是部衆離貳。長安二年，西突厥衰，突騎施最強，并有西突厥地。十姓皆屬焉。開元二年，突騎施爲突厥嚙噉所敗，嚙噉昏虛不能撫有十姓，於是胡祿屋、鼠尼施諸部皆詣北庭降。唐史：貞觀十二年，西突厥唃利失可汗分其國爲十部，左廂號五咄陸，置五大噉，五噉者：一曰處木昆律，二曰胡祿屋，三曰攝捨提敦，四曰突騎施賀魯，五曰鼠尼施處半，右廂號五弩失畢，置五大俟斤，五俟斤者：一曰阿悉結，二曰哥施闐，三曰拔塞幹，四曰阿悉結泥執，五曰阿舒虛牛，所謂十姓也。十姓中，處木昆、突騎施、鼠尼施最強。天寶以後，皆降附於吐蕃。烏孫、龜茲及伊列河、千泉諸處，俱見陝西西域諸國。

柔然

在漠外，晉載記以爲河西鮮卑之屬也。其先曰木骨閭，魏收曰：木骨閭者，首禿也。與郗久聞聲相近。子孫因以爲字。初爲騎奴，後免奴爲卒，以犯法亡匿廣漠，收合通逃，依鮮卑紇突鄰部。木骨閭死，子車鹿會雄健，始有部衆，自號柔然。世服於代，後分爲

東西二部。秦滅代，柔然附於劉衛辰，及拓跋珪嗣立，高車諸部皆服從，惟柔然不事魏。晉太和十六年，珪引兵擊之分道窮追，悉俘其衆，置之雲中。十九年，西部部長杜爾西走上郡，掠五原以西諸部，走度漠北。自此強大，屢爲魏患。元興元年，魏將和突攻黠弗素，故延部。柔然救之，爲和突所破。杜爾部部落遠漠北，奪高車之地而居之。又擊破斛律部。西北擊匈奴，遺衆曰拔也雞，大破之。於是并吞諸部，其地西至焉耆，東接朝鮮，南鄰大漠，旁側小國皆羈屬焉。與魏爲敵國。魏主濂神麴二年，大破柔然，自是始

襄既而與魏和親。太延二年，復犯魏邊，與魏相攻。太平真君十年，魏大敗柔然於漠北，自是襄弱，屢遠不敢犯魏。太和十一年，柔然復犯魏邊，敗去。時柔然浸衰，高車諸部皆叛之。景明三年，柔然復犯魏邊，正始初，又侵魏之沃野、懷朔二鎮，尋過去。三年，請和於魏，魏主不許。五年，復請和於魏，既而爲高車所襲，敗，殺其可汗佗汗，照平初。時柔然伏據可汗立，善用兵，西擊高車，執其王，殺之，擊滅鄰國，叛去者，國復強。正光初，柔然亂，其主阿那瓊、婆羅門相繼降於魏，國人復推阿那瓊之兄俟戾伐爲可汗，魏人譖分處阿那瓊、婆羅門於東西二境，各統其衆。三年，婆羅門叛魏歸嚙噠，魏擊擒之。阿那瓊專統其衆，既而魏亂，柔然遂雄據北方，爲邊患。齊天保三年，突厥大破柔然，阿那瓊自殺。餘衆推其族鐵伐爲主，其國遂亂。明年，突厥復攻柔然，柔然舉國奔齊，齊改立阿那瓊子菴羅辰於馬邑川，追降突厥於朔州而還。明年，柔然叛齊，齊主洋自將擊破之。柔然北走，既又屢擊柔然，皆大破之。西魏主廓二年，突厥擊柔然，主郭叔子滅其國，叔子收餘燼奔魏，突厥恃其強，請於魏，盡殺之。柔然之後遂絕。嚙噠見陝西西域子

高車

在漠北。李延壽曰：古赤狄餘種，初號狄歷，後曰勅勒。北方謂之高車。丁零其遷徙隨水草，衣食肉，與柔然同。惟車輪高大，輻數至多，東晉哀帝興寧元年，代什翼健擊高車，大破之。後魏太和初，高車酋長阿伏至羅與窮奇分爲二部，魏人謂之東西部。勅勒阿伏至羅伏屬柔然。十一年，與柔然二帥部落西走，至前部西北，卽漢車師前王地也。遂自立爲王，屢敗柔然，引衆東徙。二十六年，高車叛魏，拓跋纘討平之。正始中，高車爲嚙噠所敗，其衆分散，魏遣將撫納降戶，處之於高平、鎮國，人共立彌俄突爲王，與柔然戰於蒲類海，不勝。西走三百餘里，尋還擊柔然，殺其可汗佗汗於蒲類海。北遣使入貢於魏，照平中，彌俄突爲柔然所殺，其衆悉歸嚙噠。正光二年，嚙噠遣彌俄突弟伊留帥餘衆還國，伊留擊柔然，大破之。三年，伊留復爲柔然所敗，其弟越居殺伊留而自立。西魏大統十七年，鐵勒將伐柔然，突厥部長土門邀擊破之，盡降其衆五萬餘落。高車遂并於突厥，其後謂之鐵勒。隋書：鐵勒之先，匈奴苗裔也。種數最多，自西海之東，依隸山谷，往往不絕。獨洛河北有饒骨，同羅紇拔也古，覆羅，重鹽俟斤，又有羣陳

吐如紇。斯結渾。斛薛等諸姓。伊吾以西。焉耆之北。傍白山。則有契弊薄洛囉乙。噶蘇婆那烏。羅紇骨也。噶於厄羅等姓。金山西有薛延陀。噶動兒十盤達契等姓。康國北傍阿得水。則有謂噶昌撒撥忽比于具海曷比。悉何邊蘇拔也。未渴達等姓。得疑海東有蘇路羯三索咽蔑促隆忽等姓。拂菻東則有恩屈阿蘭北。禪九離伏咽昏等姓。北海南則都波等姓。族姓雖殊。通謂之鐵勒。大抵與突厥同俗。以寇抄爲主。無大君長。分屬東西突厥。隋大業初。西突厥處羅可汗無道。鐵勒皆叛。立俟利發俟斤契苾歌楞爲莫何可汗。又立薛延陀俟斤字也。噶爲小可汗。與處羅戰。屢破之。伊吾。高昌。焉耆。皆附於莫何。唐史。勒勒凡十五部。曰薛延陀。其先與薛種雜居。後滅延陀部而有之。因名也。曰回紇。故袁紇也。曰都播。亦名都波。其地北頽小海。西接堅昆。南接回紇。曰骨利幹。其地在瀚海北。曰多濫葛。亦作多覽葛。又在薛延陀東。頽同羅水。曰同羅。在薛延陀北。多濫葛東。距長安七千里。而羸曰僕固。亦名僕骨。在多濫葛東。地最北。曰拔野古。一作拔野固。或爲拔曳固。散處曠北地千里。西直僕固。東鄰靺鞨。曰思結。在延陀故牙。曰渾。在諸部最南。曰斛薛。居多濫葛北。曰奚結。在同羅北。曰阿跌。一作詞跌。或爲跌跌。曰契苾。亦作契苾羽。在焉耆西北。鷹婆川多濫葛之南。曰白鶻。居鮮卑故地。直京師東北五千里。與同羅僕固接。其後避薛延陀。保奧支水。冷陁山。所謂十五部也。諸部薛延陀最強。西突厥曷薩那盛時。諸部皆臣附。既而曷薩那失衆心。於是勒勒相帥叛。共推契苾哥楞爲易勿真莫賀可汗。居貪于山。又以薛延陀乙失鉢爲也。噶水可汗。居燕末山。唐初。西突厥射匱強。乃復去可汗號。而臣之。武德末。西突厥統葉護可汗世衰。乙失鉢之孫彝男帥部落附於突厥頡利。貞觀二十年。薛延陀滅回紇。拔野古。同羅。僕固等十一姓。各遣使入貢。其後併於回紇。

回紇 在漠外。本匈奴別種也。其先曰袁紇。亦曰烏護。又曰烏紇。至隋曰韋紇。後爲回紇。初居薛延陀北。婆陁水上。去長安七千里。隋大業中。回紇五部在鬱督軍山者。屬突厥。始畢可汗。唐貞觀初。與薛延陀等部叛。突厥敗。突厥兵於馬鬣山。追至天山。掠其部衆。回紇繇是大振。二十年。薛延陀國亂。回紇部長吐迷度與僕骨。同羅等。共擊敗之。既復殺其可汗拔灼。塗據其地內附。以爲翰海府。二十二年。所部內亂。尋詔授烏迷度子婆闍爲翰海都督。天寶初。回紇部與拔悉密。葛邏祿。共攻殺突厥管鹽護。自爲葉

護既而回紇棄護骨力裴邈遣使入貢。賜爵奉義王。三載。骨力裴邈與葛邏祿共攻殺拔悉密頡跌伊施可汗。遂自立爲骨咄祿。昆迦闕可汗遣使言狀。詔拜爲懷仁可汗。於是南據突厥故地。立牙帳於烏德健山。初統九姓。曰藥邏葛。曰胡咄葛。曰嚕羅勿。曰額歌息紇。曰阿勿嚕。曰葛薩。曰斛咀素。曰藥勿葛。曰奚邪勿。後又併拔悉密。葛邏祿。凡十一部。各置都督。每戰則以二客部爲先。四載。復擊殺突厥白眉可汗。於是回紇斥地愈廣。東際室韋。西抵金山。南跨大漠。盡有突厥故地。懷仁卒。子磨延曷立。號葛勒可汗。至德以後。中國多故。回紇益強。建中初。回紇登里可汗嗣立。驕橫。議大舉入寇。爲其相頓莫質達干所殺。登里從兄自立。爲合骨咄祿。昆迦可汗請爲藩臣。詔册爲武義成功可汗。貞元四年。表請改稱回鶻。太和以後。回鶻益衰。開成未。爲黠戛斯所敗。諸部潰散。太初中。其餘種散亡殆盡。別部居甘肅。州者爲甘州回鶻。五代時。屢遣使朝貢。

薛延陀。亦匈奴別種。卽鐵勒部落也。唐初。西突厥強。薛延陀附焉。武德末。西突厥勢衰。因帥部落附突厥頡利。貞觀初。頡利政亂。薛延陀與回紇。拔野古等相率叛之。敗突厥兵。二年。突厥北邊諸姓多叛。頡利歸薛延陀。共推其倭斤彘男爲可汗。上因遣

將喬師望問道齋册書。拜爲真珠毘伽可汗。彘男建牙於大漠之轡督軍山。東至隸鞞。西至西突厥。南接沙磧。北至俱倫水。回紇拔野古。阿跌。同羅。僕骨。鬱諸部皆屬焉。十九年死。子拔灼嗣。二十年。爲回紇諸部所敗。唐遣兵滅之。

咽麴。亦勒勒種。居得疑海。唐咸亨四年。弓月部北招咽麴連兵以叛。既而復降。永淳初。西突厥阿史那車薄叛。圍弓月城。咽麴復與車薄合。安西都護王方翼擊破之於熱海。唐志有咽麴州。寄於北庭府界內。

古漠北諸部



河南方輿紀要序

河南古所稱四戰之地也。當取天下之日。河南在所必爭。及天下既定。而守在河南。則岌岌焉有必亡之勢矣。周之東也。以河南而衰。漢之東也。以河南而弱。拓跋魏之南也。以河南而喪亂。朱溫篡竊於汴梁。延及五季。皆以河南爲歸重之地。以宋太祖之雄略。而不能改其轍也。從而都汴。都汴而肩背之慮。實在河北。職者早已憂之矣。女眞之季也。懼蒙古之逼。乃遷於汴。遷汴未已。又遷於蔡。始爲亡宋之費。終爲自弊之地。當其亡宋之日。豈料其禍之亦中於此哉。說者曰。洛陽。周公所以營成周也。形勝莫尙焉。夫周公營洛。豈意後世之遂遷而東哉。周以幽王之亂。而召大戎之禍。惕目前之小警。棄創垂之遠圖。其遷而東也。洛陽。岐周同爲畿內地耳。使都洛陽而守岐周。猶未爲失計。乃舉岐西捐之於秦。而洛陽之根本。不且自撥之哉。漢以三河並屬司隸。唐以長安。洛陽。並建兩京。此亦得周公之遺意者歟。然則河南固不可守乎。曰。守關中。守河北。乃所以守河南也。自古及今。河南之禍。中於關中者什之七。中於河北者什之九。秦人以關中并韓魏。漢以關中定三河。苻秦以關中亡慕容燕。宇文周以關中亡高齊。隋之亡也。羣雄角逐。而唐獨以先入長安。卒兼天下。金人之遷河南也。蒙古道漢中。出唐鄆而擣汴梁。汴梁遂不可守。關中不

足以制河南之命乎。三晉之蠶食鄭宋也。光武之南收河洛也。劉聰石勒之略河南也。鮮卑、氐、羌縱橫於司豫之境。晉宋君臣切切焉。圖復河南。分列四鎮。求十年無事。而不可得也。元魏孝文遠法成周。卜宅中土。規爲措置。可謂盛強。乃僅一再傳。而河北遂成戎藪。爾朱榮自河北來矣。爾朱兆自河北來矣。高歡亦自河北來矣。北中河橋。易於平地。馬渚。硤石。捷於一羣。而魏以分。而魏以亡也。安史以河北倡亂。而河南兩見破殘。存勗發憤太原。而朱梁卒爲夷滅。契丹之辱。石晉罹於前。女眞之毒。靖康被於後。河北猶不足以制河南之命乎。然則河南信不可守矣。曰。河南者。四通五達之郊。兵法所稱衝地者是也。往者吳王濞之叛也。說之者曰。願王所過城不下。直去疾西據洛陽。雖無入關。天下固已定矣。楊玄感祖是說。以攻東都則敗。李密復出此以攻東都則又敗。蓋濶舉江東之衆。合諸侯之師。誠能西入洛陽。則事勢已就。玄感、李密一朝創起。既不敢用長驅入薊。及直指江都之謀。又不能先據上游之勢。然後爭衡天下。宜其敗也。朱溫假借朝命。憑依城社。肆其凶狡。故能以汴梁得志。劉福通何人也。乃欲竊據大梁。指揮羣盜。察罕以關中河北之師至。而奔亡不暇矣。夫古未有不可守之地。而可以言戰者。李光弼所以寧去洛陽而守河陽也。以大梁而戰于城下。猶有自全之策乎哉。或曰。今日之河南。不旣兼有河北乎。曰。以河北三郡而附于河南也。此固國家犬牙相制之意。出於山川條列之外者也。夫河北之足以制河南也。自昔爲然矣。

客更端而起曰。子不聞南陽可以建都乎。曰。以河南之全勢較之。則宛不如洛。洛不如鄴也。明矣。客曰。吾亦嘗聞拓跋氏之說矣。拓跋氏曰。鄴非長久之地。石虎慕容所以覆滅者也。且南有枉人山。東有列人縣。北有柏人城。君子不飲盜泉。惡其名耳。此所以去鄴而遷洛也。若夫南陽者。朱樸以爲建都極選。李綱亦謂光武所興。而子乃謂宛不如洛。何歟。曰。朱氏以唐覆敗之時。而獻遷都之議。李公於宋奔亡之日。而爲駐蹕之謀。皆因時補救。出于不得已之計。而非所語於形勢之常也。夫鄴倚太行。阻漳滏。夏商時固有都其地者。戰國之世。趙用此以拒秦。秦亦由此以并趙。漢之末。袁紹不能有其險也。入於曹操。遂能雄長中原。晉之衰。劉琨不能固其險也。歿于石勒。因以蹂躪司豫。石趙之亡。冉閔不能保是險也。并於慕容儁。從而兼有山東。元魏之季。爾朱兆不能用其險也。歸於高歡。因而盜竊魏柄。迨其後尉遲暹據之以間罪楊堅。則遠近震動。漁陽殘孽。竊命於此。以九節度之師。而不能免於潰敗也。魏博以相州爲捍蔽。終唐之世。常雄於河朔。河東得之。遂爲滅梁之本。而謂鄴非形勢所在乎。且夫自古用兵。以鄴而制洛也。常易。以洛而制鄴也。常難。此亦形格勢禁之理矣。彼宛者。延岑朱粲所以覆亡者也。蒙古襲入唐鄴。所以徑擣汴梁者也。乃謂其山川險固。賢於洛陽。是溺前人之說。而不究其本也。曰。然則建都不貴于險固乎。曰。所謂險固者。非山川糾結。城邑深阻之謂也。使棄關河之都會。遠而求之。與窳之鄉。是猶未見虎之入市。而先自

窺于檻穽。知水之可以溺人。而坐槁于巖嶠也。豈所語於形勢之常也哉。

讀史方輿紀要

卷四十六

河南一

禹貢曰：荆河惟豫州。

荆，荆山，見湖廣襄陽府。

周禮職方：河南曰豫州。

豫州在九州之中，言常安逸。又云：稟中和之氣，性理安舒，故云豫也。性音生。

春秋時爲周畿邑。

又爲宋、鄭、衛諸國地。亦兼秦、楚之疆。戰國時爲韓、魏、列國地。自河以北，則趙境也。

今懷慶、衛輝、彰德三府。本古冀州地。春秋屬衛。屬晉戰國

兼屬趙魏。天官：柳七星張，則周分野。房心則宋分野。室壁則衛分野。觜參則魏分野。角亢氐則韓分野。趙分野見山西

沿革：秦并天下，置三川、潁川、南陽等郡。河以北彰德府則邯鄲郡之南境。漢武置十三州，此亦爲豫州，而半屬於司隸。今河南府及懷慶府、衛輝

府皆屬司隸。又彰德則屬于冀州。後漢司隸改治洛陽，而別置豫州於譙郡。今江南鳳陽府壽州。魏因之。豫州改治河南安城，今汝寧府廢縣。而冀州治鄴，河北皆屬焉。即彰德府也。晉

亦分置司州及豫州。司州仍治洛陽，豫州治項，今開封府陳州項城縣，而河北則屬冀州。永嘉以後，中原蕪沒，劉宋常置豫州于汝南，司州於義陽。

後復失之。隋末為李密、王世充等所據。唐分十道。此為河南道。開元中為都畿。治東都。今河南府。河南。治陳留郡。今開封府。及

河北道。治魏郡。今北直大名。府河北三府皆屬焉。宋都汴。置京東、京西及河北路。河北路仍治大名。元豐中又分京東東西、京西南北等路。

金為汴京路。又改曰南京。亦分屬河北、河東等路。懷州屬河東南路。彰衛屬河北西路。元置河南江北行中書省。而河北為腹

裏地。明初為河南等處承宣布政使司。領府八州一、屬州十一、屬縣九十六。總為里三千八百八十有奇。夏秋二

七石有奇。而藩封衛所參列其間。今仍為河南布政使司。

開封府屬州四 縣三十

祥符縣附郭 陳留縣 杞縣 通許縣 太康縣 尉氏縣

洧川縣 鄆陵縣 扶溝縣 中牟縣 陽武縣 原武縣

封邱縣 延津縣 蘭陽縣 儀封縣 新鄭縣

陳州

商水縣 西華縣 項城縣 沈邱縣

許州

臨潁縣

襄城縣

郟城縣

長葛縣

禹州

密縣

鄭州

滎陽縣

滎澤縣

河陰縣

汜水縣

河南府屬州一縣十三

洛陽縣附郭

偃師縣

鞏縣

孟津縣

宜陽縣

永寧縣

新安縣

澠池縣

登封縣

嵩縣

盧氏縣

陝州

靈寶縣

閿鄉縣

懷慶府屬縣六

河內縣附郭

濟源縣

修武縣

武陟縣

孟縣

溫縣

讀史方輿紀要

卷四十六

衛輝府屬縣六

汲縣附郭

胙城縣

新鄉縣

獲嘉縣

淇縣

輝縣

彰德府屬州一縣六

安陽縣附郭

臨漳縣

湯陰縣

林縣

磁州

武安縣

涉縣

歸德府屬州一縣八

商邱縣附郭

寧陵縣

鹿邑縣

夏邑縣

永城縣

虞城縣

睢州

考城縣

柘城縣

汝寧府屬州二縣十二

汝陽縣附郭

真陽縣

上蔡縣

新蔡縣

西平縣

確山縣

遂平縣

信陽州

羅山縣

光州

光山縣

固始縣

息縣

商城縣

南陽府屬州二縣十一

南陽縣附郭

鎮平縣

唐縣

泌陽縣

桐柏縣

南召縣

鄧州

內鄉縣

新野縣

淅川縣

裕州

舞陽縣

葉縣

直隸汝州屬縣四

魯山縣

郟縣

寶豐縣

伊陽縣

讀史方輿紀要

卷四十六

東連齊楚。

自歸德府東界接山東之兗、濟、江南之淮，徐皆古齊、楚地。

西阻函谷。

洛陽西至新安，道路平曠，自新安西至潼關，殆四百里，重岡疊阜，連綿不絕，終日走破中，無方軌列騎處。其間硤石，見陝州及靈寶、閿鄉，尤爲險要，古之蟠函在此，真所謂百二重關也。

南據淮。

淮水出南陽府桐柏鄉東南一里之桐柏山，至汝南府商城固始縣東，而入江南壽州界，信陽、光州俱在淮水之南。

北逾河漳。

黃河自河南府陝州閿鄉縣入境，接蒲津、潼關界，至歸德府虞城夏邑縣出境，接徐、兗界。漳水自彰德府磁州涉縣入境，接山西潞安府界，至臨漳縣出境，接直隸廣平府界。境內之地，皆逾河漳已北，其名山則有嵩高。

嵩高卽嵩山。在河南府登封縣北十里。五嶽之中岳也。萃兩間之秀。居四方之中。窿然特起。形方氣厚。

故曰嵩高。禹貢所云外方也。或曰陸渾山一名方山。蓋禹貢之外方。詩：崧高惟嶽。一名太室山。左傳昭四年。晉司馬侯曰：太

室。九州之險也。又楚椒舉曰：周幽王爲太室之盟。戎狄叛之。漢書：武帝禮祭中岳太室。置奉邑。名曰嵩高。即今登封縣。其西爲少室山。

戴延之述征記：少室高與太室相埒。相去十七里。少室山在今登封縣四十七里。嵩其總名也。晉永康二年。趙王倫篡竊。

齊王冏等自許昌起兵討之。倫懼。夜使人披羽衣上嵩山。僞稱僊人王喬陳述符命。永嘉三年。劉淵遣

子聰等犯洛陽。聰親祈嵩山。畱軍圍洛。洛中乘虛出擊聰軍。敗之。後魏主嗣秦常八年。如洛陽。遣使祠

嵩高。又文帝宏太和二十年。如嵩高。後魏主恪永平中。擇嵩山形勝地立閑居寺。又魏主詡神龜二年。胡太后遊嵩高。孝武帝修。永熙二年。狩于嵩高。

唐十道志：河南道名山曰嵩高。高宗永淳初。於山南作奉天宮。武后垂拱四年。號嵩高爲神嶽。既而封神嶽。禪少室。

聖歷二年幸嵩山。明年復幸焉。夫嵩高在汝洛間。雖逼近都會。而道里少爲僻遠。故由來戰勝攻取者或缺焉。宋嘉定八

年。蒙古攻金潼關。不能下。乃由嵩山小路趣汝州。遇山澗。輒以鐵槍相連鎖。接爲橋以渡。遂趣汴京。金

人大震。蓋嵩高峻拔。望為表極。故能越險而前也。名山記。山高二十里。屬百三十里。中為峻極峯。東曰

太室。西曰少室。述征記。少室高八百六十丈。方十里。謂之室者。山上各有石室也。其回環蓋有三十六峯。

太行。

太行山一名五行山。亦曰王母山。又名女媧山。在懷慶府城北二十里。接山西澤州南界。羊腸險道在焉。禹貢曰。太行。

恆山。至於碣石。孔氏曰。二山連延。東北接碣石山也。左傳襄二十三年。齊侯為二隊。入孟門。登太行。史記。齊莊公二年。使樂毅問入

入孟門。樂毅敗齊兵。還取朝歌。孟門。賈逵曰。孟門。晉隘道。或云。即太行之陘口。司馬貞謂在朝歌東北。蓋以意言之。齊語。桓公懸車束馬。踰太行。戰國策。范雎曰。北斷太行之

道。則上黨之師不下。又曰。一軍臨滎陽。一軍臨太平。韓必請効上黨之地。蔡澤謂范雎。君相秦。決羊腸

之險。塞太行之口。史記。吳起謂魏武侯。般射之國。左孟門。右太行。戰國策作左孟門。右漳。蓋然則孟門即太行矣。又韓桓惠王十年。

秦擊我于太行。上黨降趙。秦昭王四十四年。白起攻太行。道絕。而韓之野王降。又世紀。湯歸自伐夏。至于太行。史記作湯歸自秦。卷陶。秦

隱曰。卷當為峒。陶衍文。楊慎曰。太峒即太行。太行原有此音。列子作大形。山海經作五行之山。淮南子。武王欲築宮於五行之山。周公曰。五行險固。德能覆也。內貢退矣。使晉暴亂。則伐我難矣。君子以為能持。蓋亦指太行而言。內讀曰納。漢三年。漢

王數困於滎陽。成臯間。議退屯鞏洛。酈食其進曰。願塞成臯之險。杜太行之道。後漢永平十三年。登太行。幸上黨。元和二年。北登太行山。至天井關。元初元年。詔遣兵屯河內。通谷衝要三十六所。皆作塙壁。設鳴鼓。以備羌寇。蓋太行北至恆山。限隔并冀。其間谷道相通。時羌寇充斥。故于衝要處作塙壁。以備之。又太行近鄴。亦謂之西山。建安九年。曹操圍鄴。袁尙自平原還救。操曰。尙從大道來。當避之。若從西山來。此成禽耳。尙果循西山而東。戰敗奔中山。蓋太行深阻。尙有依險自全之心。故操逆知其必敗。晉永嘉三年。劉淵據蒲子。遣其子聰等十將南據太行。石勒等十將東下趙魏。所至殘破。太元十九年。後燕慕容垂伐西燕。頓軍鄴西南。月餘不進。慕容永以太行道寬。疑垂欲詭道取之。乃悉斂諸軍。杜太行口。既而垂自滏口入滅永。述征記。太行首始河內。北至幽州。凡百嶺。諸山皆因地立名。實一太行也。連亘十三州之界。有

八陁。爾雅。連山中斷爲陁。第一軹關陁。見濟原縣。第二太行陁。見河內縣。十六國春秋。慕容永屯軹關。杜太行口。以拒慕容垂。此二陁也。第三白陁。見衛輝府輝縣。第四滏口陁。

見彰德府磁州。第五井陘。在直隸獲鹿縣。第六飛狐陁。在山西蔚州。第七蒲陰陁。在直隸易州。見重險棠荆關。第八軍都陁。在直隸昌平州。見重險居庸關。

括地志。太行連亘河北諸州。凡數千里。始於懷而終於幽。爲天下之脊。里道記。自晉陽趣河內。入洛陽。

必經太行。太行在懷澤間。實據南北之喉嚨。後魏主嗣秦常八年。自河內登太行。至高都。見山西澤州。子攸

永安二年。誅爾朱榮。使將軍史忸龍等守太行嶺。及爾朱兆自晉陽南下。忸龍等帥衆先降。兆遂長驅入洛。東魏武定六年。高澄自虎牢濟河。南至洛陽。既而自太行還晉陽。隋仁壽末。漢王諒舉兵并州。分遣其將余公理自太行下河內。大業三年。北巡。發河北丁男鑿太行山。達于并州。以通馳道。繼而太原還。上太行。開直道數十里。至濟源。唐武德三年。世民攻王世充于東都。分遣將劉德威自太行東圍河內。八年。突厥寇并州。詔總管任瓌屯太行。以備突厥。寶應初。以史朝義據洛陽。徵回紇兵至河東。藥子昂往勞軍。請回紇自太行南下。據河陰。扼賊咽喉。不從。文德初。河南尹張全義襲河陽。節度使李罕之北走。引河東兵還攻河陽。朱全忠遣軍救全義。分兵欲斷太行路。河東軍懼引退。光化三年。朱全忠寇易定。李克用遣李嗣昭將兵下太行。拔懷州。攻河陽以救之。明年。朱全忠攻李克用。分遣其將氏叔琮入自太行。五代漢末。郭威入汴。李驥勸劉崇疾引兵逾太行。據孟津。宋建隆初。昭義節度李筠謀舉兵。從事閻邱仲卿說筠曰。孤軍舉事。大梁甲兵精銳。不如西下太行。直抵懷孟。塞虎牢。據洛邑。東向而爭天下。筠不能用。太祖遣石守信等擊筠。勸之曰。勿縱筠下太行。急引兵扼其隘。破之必矣。三年。開太

行運路。謀并北漢也。靖康元年。粘沒喝陷太原。遂長驅下太行。入懷州。開禧二年。蒙古圍金中都。分軍循太行而南。破懷孟。十年。蒙古使其將木華黎經略太行東西諸州軍。元至正十八年。劉福通將關先生等踰太行。焚上黨。大掠晉冀以北。既而察罕帖木兒遣將關保等分兵阻隘。塞井陘。杜太行。以遏賊侵軼之道。時關先生等分軍出塞外。餘黨復自晉冀南還也。明朝洪武元年。大軍克元都。遂西下太行。收山西州郡。河南守將馮宗

異亦渡河下懷慶。徇太行以北。夫太行爲天下脊。豈止一方之險要而已。元和志。太行陁在懷州北。關

三步。長四十里。羊腸所經。括地志。河內北有羊腸阪。蓋卽太行陁也。瀑布懸流。實爲險隘。崔伯易感山賦曰。上正樞星。下開冀

方。逢胃而畢。自柳以張。起爲名邱。妥爲平岡。巍乎甚尊。其名太行。墨翟察而知驥之貴。尸佼過而辨牛

之難。穆王升緜霍道而出。穆天子傳。天子命駕八駿之乘。秀驥之馴。南征朔行。逕絕霍道。升于太行。南濟于河。世宗行自大河而還。孝明常登幸上黨郡。

章帝以游至天井關。孟德北上。紀摧輪之恐。謝公西顧。引憂生之端。阮籍失路而詠懷。劉峻懷人而發嘆。歸晉陽子惠之便道。對二阪祖濬之精詳。若夫或主或臣。建功立宗。尤顯聞于後世。則有決羊腸之險。暫此山之道。攻榮陽伐韓以威天下。應侯爲秦昭王之謀也。據敖倉之粟。杜此山之阨。距飛狐之口。

守白馬之津。

見直隸大名府滑縣。

使天下知所歸者。酈食其為漢高祖之謀也。躡此山入射犬。

射犬見河內縣。

破青犢之衆。

救謝躬于鄴。以收復天下為心者。漢光武之謀也。濟河降射犬之衆。還軍敖倉。屬魏种以河北事。然後

西向以爭天下者。魏武帝之謀也。進據武牢。扼其噤要。俾竇建德不能逾山入上黨。收河東之地。而卒

以并天下者。唐太宗之謀也。夫太行之山。千秋不異。則太行之險。亦千秋不異矣。

今山東山西皆以太行而分。唐十道志於河東曰。南

抵首陽。太行於河北曰。西距太行常山。

今特詳於河南者。以太行首起懷州也。

三嵎。

三嵎山亦曰二嵎。

一名峽。荃山。

在今河南府永寧縣北六十里。其地或謂之嵎澗。或謂之澗隘。或謂之嵎塞。

春秋僖三十三年。晉人及姜戎敗秦師於嵎。左傳。嵎有二陵焉。南陵。夏后臯之墓也。北陵。文王之所避

風雨也。杜預曰。古道在二嵎間。南谷中谷深委曲。兩山相峽。故可避風。雨水經注。北陵山徑深。峯阜交蔭。故可以避風雨。

公羊傳云。嵎之嶽巖。穀梁傳云。嵎巖峯之下。戰國

策所稱澗隘之塞也。秦昭王初。楚圍雍氏。

雍氏見禹州。

秦下師於嵎。以救韓。張儀說趙曰。秦軍軍於澗池。

地志。嵎底。

一名灑池。又名峭坡。在水寧縣西北七十里。峭谷之底也。願渡河踰漳。戰邯鄲下。蘇代謂甘茂。自峭塞至鬼谷。今陝西三原縣西北二十里有清谷。即鬼谷也。一作槐谷。謂槐里之谷。即今陝。

其地形險易。皆明知之。又秦昭王二十八年。使使者告趙王。願為好會于河外灑池。史記。秦穆公三十三年。潛師襲鄭。蹇叔百里奚。謂其子西乞術。孟明視曰。汝軍即敗。必于峭灑矣。師還。晉遮秦兵。

於峭。擊之。無一人得脫者。呂氏春秋。九塞。峭其一也。淮南子。九塞。一曰灑隘。漢景帝三年。吳楚叛。周亞夫出關討之。趙涉說曰。吳王懷輯死士。必置奸人於峭灑。阨陁間。亞夫因出武關而東。又王莽命王奇。

曰。殺灑之險。東當鄭衛。後漢建武三年。赤眉自三輔引而東。帝令諸將屯灑池。以要其東。使馮異擊其西。異大破赤眉於峭底。建安十年。高幹舉兵并州。河內張晟遂寇峭灑間。宏農張炎亦起兵。應之。十九年。龐德破賊張白騎於兩峭間。水經注。峭有盤峭。石峭。千峭之山。是謂三峭。又盤峭之山。峭水出焉。石峭之山。石

入。所謂峭有二陵。則石峭之山也。自漢以前。率多由此。建定中。曹公西侵巴漢。惡南路之險。更開北山高道。自後行旅皆從之。山側附路有石銘云。晉太康二年。宏農太守梁柳復修舊道。大峭以東西。峭以西。明非一峭也。括地志。文王所避風雨。即東峭山。俗亦號

為文王山。在夏后臯墓北可十里許。其山幽深可蔭。有回谿阪。亦曰回坑。亦滿吳與赤眉戰處。行者畏之。曹公開北道。嗣

讀史方輿紀要 卷四十六 一九二五

後遂以北道爲大路。晉大寧三年。後趙石生屯洛陽。寇掠河南。劉曜使其黨劉岳趣孟津。呼延謨自滎
澠而東。合諸軍攻洛陽。興寧三年。燕慕容恪陷洛陽。略地至滎澠。關中大震。秦苻堅自將屯陝城以備
之。義熙十三年。劉裕伐秦。檀道濟等由許洛軍滎池。進攻潼關。秦將姚紹出戰而敗。自潼關退屯定城。
定城見陝西華陰縣。道姚鸞屯大路。以絕道濟糧道。大路卽三嵎路。先是紹遣胡翼度據東原。與大路相爲唇齒。皆據險以絕餉道也。沈林子襲斬鸞。宋元嘉二十

七年。將軍龐法起等攻陝城。城險固難克。魏洛州刺史張是連提度嶠赴救。薛安都擊斬之。陝城遂下。
後魏永熙三年。高歡自晉陽犯洛。宇文泰使別將李賢自關中將騎赴援。會魏主西走。遇於嶠中。西魏
大統四年。宇文泰拔金墉。戰於邙山。尋敗還。高歡自孟津濟河。遣別將追魏師至嶠。不及。旣而章孝寬
襲破東魏將段琛等於宜陽。嶠澠遂清。杜佑曰。自魏晉以來。二嶠皆由北道。後周初。更復南移。隋紀。大
業初。建東京。廢二嶠道。開葭冊道。此仍廢南道。開北道也。胡氏曰。歷考東西二京往來。緣道離宮。雜出于隋唐所置者。俱不
載。所謂葭冊道。山海經云。夸父之山多棗棗。其北曰桃林。今山在湖縣西九里。或者棗棗
譌爲葭冊。廢湖
縣今見閿鄉縣。九年。楊玄感攻東都。代王侑遣衛文昇自長安赴救。文昇鼓行出嶠澠。直趣東都城北。
與玄感相持。唐武德初。復開南道。貞觀十四年。又廢。大約出潼關。歷陝州入永寧界。又東分爲二道。東

南入福昌縣界。今宜陽縣。此即南道。東北入澠池縣界。此即北道。開元五年，幸東都，過嶠谷，以道隘不治，欲罪有司，以宋

璟諫而止。上元二年，史思明敗李光弼於邠山，欲乘勝入關，使其子朝義為前鋒，自南道襲陝城，思明

自北道將兵繼之。朝義至礪子坡。一作礪子。嶺見陝州。為衛伯玉所敗。後唐清泰末，石敬瑁引契丹趣洛陽，渡河，慮

唐主西奔，遣契丹千騎扼嶠眼。一作眼池。元和志，自東嶠至西嶠，長三十五里，東嶠長阪數里，峻阜絕澗，車

不得方軌。西嶠純是石阪十二里，險不異東嶠。此二嶠皆在秦關之東，漢關之西。指函谷新舊關而言。輿地廣記，二

嶠山連入硤石界，自古險阨之地也。硤石在陝州東南七十里。宋建炎二年，金人自同華東走石壕尉。即舊嶠縣。見水寧。李彥先

保三峇。即三嶠。屢敗金師，復陝州及絳，解諸縣。元至正十六年，汝穎賊李武等陷陝州，斷嶠函，欲趣秦晉

察罕帖木兒夜拔嶠陵，立柵交口。交道之口。賊運南山粟，給食固守，察罕襲破其靈寶城，賊乃棄陝州，度河

北遁。今自新安以西，歷澠池、硤石。澠池縣至硤石驛七十里。陝州靈寶、閿鄉，而至於潼關，凡四百八十里，其地皆河流

翼岸，巍峯插天，絕谷深委，峻坂紆迴，嶠函之險，實甲於天下矣。

底柱

底一作砥

底柱山亦曰三門山。在今河南府陝州城東南十里。山西平陸縣東南五十里大河中。禹貢導河至于底柱。水經注禹治洪水山陵當水者鑿之。故破山以通河。河水分流包山而過。山在水中若柱然。故曰底柱。元和志禹鑿底柱。二石見于水中若柱然。河水至此分爲三派。流出其間。故亦謂之三門。陝志三門中神門南

鬼門北人門。惟人門修廣可行舟。鬼門尤險。舟筏入者鮮有得脫。三門之廣約三十丈。其東百五十步有峯特立。斯爲底柱。

自底柱而下至五戶灘。其間一百二十里。夾岸巍峩

重嶺。千霄蔽日。蓋亦禹所鑿以通河者。衝湍激石。有一十九灘。水流迅急。勢同三峽。破壞舟船。自古所患。漢武帝時。河東守番係言。漕從山東西。歲百餘萬石。更底柱之艱。敗亡甚多。而煩費鴻嘉四年。以河水決溢爲患。楊焉上言。河從上下。底柱險隘。可鑄廣之。乃令鑄之。纔沒水中。不能復去。而令湍流沸怒。爲害彌甚。是年秋勃海清。河信都河水溢。後漢興平二年。李傕等寇長安。帝幸陝。別將李樂欲令車駕御船。過底柱出孟

津。楊彪以爲河道險艱。非萬乘所宜乘。乃止。曹魏景初二年。以底柱道險。遣寇茲濟治。晉泰始三年。復遣樂世帥衆修鑿。功卒不集。隋開皇三年。遣章瓚自蒲陝以東募人。能于洛陽運米四十石。經底柱之

險。達于常平者。常平倉置於陝州。免其征戍。十五年，詔鑿底柱。大業七年，底柱崩，偃河逆流數十里。唐貞觀二十

年，幸河北。河北今山西平陸縣。觀底柱，令魏徵勒銘。是時自洛到陝，皆運于陸。自陝至京，乃運于水，以避底柱之險。

也。顯慶元年，苑西監褚明議鑿三門山，爲梁通陸運。功不成，後大匠楊務廉又鑿棧，以輓漕舟。人以爲

苦。開元二十一年，轉運使裴耀卿以關中用度不給，請于河口置倉。即武牢倉。使吳船至彼，即輸米而去。官

自僱載，分入河洛。又于三門東西各置一倉。至者貯納，水險則止，水通則下。或開山路，車運而過，則無

復留滯，省費鉅萬。從之。明年，遂于三門置倉，東曰集津，西曰鹽倉。亦名三門倉。漕舟輸其東倉，而陸運以輸

西倉。凡鑿山十八里以陸運。復以舟漕達關中，避三門水險。初，舟運江淮粟至東都含嘉倉，陸運三百里至陝。耀卿建議，既避水險，而陸運庸錢歲省數十萬緡。二十九年，陝州

刺史李齊物請鑿底柱爲門，以通漕。開山巔爲輓路，沃醯而鑿之。天寶元年，上言三門運渠成，然棄石

入河，水益湍怒，不能入新門。候水漲，以人輓舟而上，未幾，益阻澁，不可行舟。貞元二年，李泌爲陝虢觀

察使，益鑿集津倉山西，逕爲車道十八里，屬于三門倉。蓋即裴耀卿故道，時泌又爲入渭船方五板輪東渭橋太倉。人以爲便。宋乾德元

年詔重鑿底柱三門慶歷中陝西用兵歐陽修請案纒卿舊迹以通漕運政和五年蔡京建議鑿大伾三山兩河創天成聖功二橋役夫數十萬纒成而水漲橋壞明朝天順中楊鼎言黃河乃漢唐漕河卽今鹽船木筏往來不絕其間雖有三門析津之險而古人倒倉之法爲當二門之上有小河僅通延綏如以所運糧草各貯水次通流價運庶幾軍餉可足許進亦言黃河自陝州而上至綏德近境春初皆可舟行若計沿河郡縣改徵本色水陸接運而上榆林可以少蘇蓋黃河在山陝之間龍門爲險

龍門見陝

西韓城山西河津橋而在晉豫之交底柱爲阨也

其大川則有大河

河南境內之川莫大於河而境內之險亦莫重於河境內之患亦莫基於河蓋自東而西橫亘幾千五

百里其間可渡處約以數十計而西有陝津

見陝州大陽津

中有河陽

見下河陽三城

東有延津

白馬以西數十里間皆謂之延津今延津縣亦因以名白馬

變爲平陸而延津之險移于中澗又東則黃陵岡塢塢口亦常爲津要白馬見直隸滑縣中澗見封邱縣黃陵岡見儀封縣塢塢口見山東魚臺縣

自三代以後未有百年無事者也至鞏洛以

東河流屢變兆端于周浸淫于漢橫潰于宋自宋至今安流不可得而數見矣今由潼關以東歷闕鄉

靈寶、陝州之北。又東經澠池。新安縣北。過河南府北邙山下。歷孟津。鞏縣北。與懷慶府濟原、孟縣、溫縣、武陟縣分界。又東歷汜水、河陰、滎陽、滎澤、原武、中牟縣。而經開封府北。與河北衛輝府之獲嘉、新鄉、胙城及陽武、封邱分界。又東歷蘭陽、儀封縣北。又東爲睢州考城縣及歸德府北。又東爲虞城、夏邑縣北。而與山東江南接界。詳見川瀆異同。

淮水

淮水自南陽府桐柏縣流經信陽州北。又東歷羅山縣北、確山縣南。又東流經真陽縣、息縣南及光山縣、光州。固始縣北。而入江南潁州界。其地居淮南上游。自古爭淮南者，必爭淮西。爭淮西，必爭于義陽、建安之間。建安詳固始縣蓋南北襟要憑焉。不特一面之險也。漢志：淮水過郡四。謂南陽、汝南、九江、臨淮也。行三千二百四十里。

疑今詳見川瀆異同。

汴水

汴水卽禹貢之澗水。所謂河出爲澗也。春秋時謂之郟水。郟音汲卽汴字後避反字改爲汴。宣十二年晉楚之戰，楚軍于

郟卽是水也。水經注：濟水東合滎瀆。濟水于此亦兼郟之稱。其地蓋卽滎口受河之處。今在河陰縣西。秦漢間曰鴻溝。史記：滎陽下引河東南爲鴻溝，以通宋。

鄭、陳、蔡、曹、衛、與濟、汝、淮、泗、會于楚。孔氏曰：即汜水也。汜水首受濟，東南與淮通。漢志謂之狼蕩渠。前漢平帝時，汴河決壞，至明帝永平中，浸淫益甚，遣王景、王吳修築，絕水立門，河汴分流，復其舊迹，亦曰滎陽漕渠。說文：汴水受陳畱浚儀陰溝。狼蕩渠亦曰陰溝。至蒙。今江南蒙城縣。為睢水，東入于泗。元和志：禹塞滎澤，開渠以

通淮泗。漢永平中，命王景修渠。

景所修築，謂之渠隄。

歲久湮廢。晉末，劉裕滅秦，發長安，自洛入河，開汴渠而歸。其後

復塞。隋大業初，更開導，名通濟渠。西通河濟，南達江淮。唐自天寶以後，汴水湮廢。廣德二年，時漕運者皆自江漢抵梁洋，迂險勞費，乃命劉晏為河南江淮以東轉運使，開汴水以通運。自是歲運米數十萬石給關中。唐末，汴水潰決，堦橋東南。堦橋見江南宿州。悉為污澤。周顯德二年，方謀伐唐，命武寧帥武行德發民

夫，因故堤疏導之，東至泗上。五年，濬汴口，導河流達于淮。江淮舟楫始通。

胡氏曰：此即唐時運路。江淮割據，漕運不通，水路埋塞，今復濬之。

宋

太平興國中，汴水決溢不時。至道元年，詔張洎等講求汴水疏鑿之由。洎言：汴水橫亘中國，首承大河，漕引江湖，利盡南海，半天下之賦。由此而進，禹初于滎澤下分大河為陰溝，出之淮泗。至浚儀西北，復

分二渠。二渠詳見祥符縣鴻溝注。其後或曰鴻溝。始皇疏之以灌魏郡者也。或曰葭莩渠。葭莩渠作蕪蕪。蕪又爲葭蕪。自滎陽五池口。

口見中來注鴻溝者是也。或曰浚儀渠。漢明帝時循河水故瀆作渠。渠成流注浚儀者是也。水經注。漢末河入汜。灌注兗豫。

永平中導汴水絕河而受索。或曰石門渠。靈帝建寧四年於敖城西北壘石爲門。以遏渠口者是也。石門渠東合濟水。

與河渠東注。至敖山之北。敖山見河陰縣。而兼汴水。又東至滎陽北而旃然之水東流入汴。旃然水見滎陽縣。滎陽之西

有廣武二城。汴水自二城小澗中東流而出。濟水至此乃絕。惟汴渠首受旃然水。謂之鴻渠。桓溫將通

之而不果。晉太和中桓溫自兗州伐燕都。超曰。道遠。汴水又淺。恐漕運難通。蓋兵亂之餘。汴水填淤。未經浚治而淺也。劉裕伐秦。浚之。始有湍流東注。而岸善崩潰。裕更

于北十里疏鑿以運漕者。義熙十三年也。水經注。劉公命劉遵考漕此渠。而山崩壅塞。乃于渠北十里更鑿故渠通之。皇甫誼發河南丁夫百萬開

之。起滎澤入淮千餘里。更名曰通濟渠者。隋大業三年也。陳無已曰。隋大業初。合河索爲通濟渠。別而東南入於淮。今於讎爲白溝。於宋爲沙。於單爲石渠。於徐爲汴。而入於

南裴耀卿言。江南租船自淮西北汭鴻溝。轉輸河陰。含嘉。太原等倉。河陰縣有河陰倉。東都有含嘉倉。陝州有太原倉。凡三年運米

七百萬石者。唐開元之二十三年也。

唐初改通濟渠為廣濟渠。開元末河南採訪使齊澣以江淮漕運經淮水入汴。淮流湍激多損壞。遂浚廣濟渠。下流自泗州虹縣至楚州淮陰縣北八十里合於淮。功畢

而水流迅急不可行乃廢。

又貞元十四年董晉作汴州東西水門。時晉為宣武帥

五代漢乾祐三年河決鄭州。盧振請修汴河。立

斗門以備旱潦。

振上言汴河兩岸堤堰不堅。每歲潰決。正當農時。勞民役衆。莫若沿汴水訪河故道。陂澤處立斗門。水漲溢時以分其勢。即潦水無深沒之患。旱則兼收灌溉之饒。

周顯德四年疏汴水北

入五丈河。五丈河見後

六年命王朴如河陰。案行河隄。立斗門于汴口。又命韓令坤自大梁城東導汴水入

蔡水。以通陳穎之漕。命袁彥導汴水入五丈渠。以通青鄆之漕。

蔡水見後

宋建隆二年導索水自旃然與須

水合。索水須水見滎陽縣

入於汴。謂之金水河。

金水河本京索水。導自滎陽縣東南黃堆山。其源曰祝龍泉。過中牢曰金水河。宋漕運四渠之一也。

詔河陰汴口每歲均節水勢

濟江淮漕運。

宋國史太平興國三年浚汴口。四年名汴河水門曰上善。通津。大通。汴水入城西大通門。分流出城東上善。通津門。九年又治汴隄。淳化二年汴決。景德三年汴溢。皆築堤塞之。

大中祥符二年汴水

溢。詔遣使相度。

宋會要時自京至鄭州汴水浸溢道路。詔減汴口水勢。既而水減阻漕。乃復浚汴口。四年白波發。運判官史登請于汜水縣東孤柏嶺下。隄南岸山趾開汴口。以均水勢。會內臣圖從。輸請于下流開減水四道。以防泛溢。從之。登

議廢。尋又于中牢築澤。各開減水河。而浚渠修堤之役。以時開舉。八年馬元方請浚汴河中流闊五丈。深五尺。可省修隄之費。詔相度修治。因浚泗州夾岡一帶。

天聖三年汴水淺溢。詔隄河口。四年復

以漲溢爲患。詔度京城西賈岡��地洩之於薩龍河。嘉祐六年。都水監奏汴河自泗州至南京。今歸德府道

直流駛。不復須治。自南京以上至汴口。水散漫多淺。請自南京都門三百里。修狹河木岸。扼束水勢。從

之。功成而人以爲便。

會要嘉祐初。自京至泗州俱置狹河木岸。

熙寧四年。於故河口西創開營家口。

宋志汴首受黃河之處。在河陰縣南。每歲自春及冬。常於河口均調。

水勢。止深六尺。以通行重載爲準。然大河向背不常。故河口歲易。易則纔成而淤。乃復開舊口。

宋史時有應舜臣者。上言新口在蘆柏嶺下。當河流之衝。其便

度地形。相水勢爲口。以逆之。營家口在河陰縣石門之西。近汜水縣界。利可常用。勿易。水大泄。以斗門。小則爲輔渠。于下流以益之。王安石善其說。後三年。河水壅溢。積潦

敗堤。提舉汴口官王琬。請塞營家口。而甯輔渠八年。候叔獻復濬營家口。既而汴水大漲。乃復閉之。六年。都水丞侯叔獻言。汴

河兩岸。沃壤千里。牧地廢田。二萬餘頃。欲稍置斗門。泄其餘水。分爲支渠。及引京索河并三十六陂。以

溉田。三十六陂俱在汴南。

既而祥符中。車之民。大被水患。又汴河數淤。常至絕流。公私大困。八年。議因故道鑿渠置

橋。灑汴水入蔡河。通漕。元豐初。張從惠言。汴河歲閉塞。修堤防勞費。往有建議導洛入汴。患黃河噴廣

武山。見河陰縣。

須鑿山嶺十數丈。以通汴渠。功大不可爲。去年七月。水退河稍北。距廣武山麓七里。退灘高

闊。宜鑿渠導洛。爲萬世利。都水丞范子淵。請于汜水鎮北門導洛爲清汴。通漕。既又言河陰十里店以

西至洛口地形西高東下可行水請起自鞏縣神尾山即龍尾山見鞏縣至士家堤築大堤四十七里以捍大河。

起沙谷亦在鞏縣東至河陰十里店穿渠五十二里以引洛屬汴於是遣內侍宋用臣等相視興役自任村

沙口任村在汜水縣西南至河陰縣瓦亭子達汴口接運河長五十一里每二十里置東水一以蜀犍爲之節濇急之勢兩岸爲隄長一百三里。

時又引古索河爲源注房家黃家孟家三陂及三十六陂高仰處儲水爲塘以備洛水不足則決以濟之又自汜水關北開河五百五十步屬於黃河上下置牐啓閉以通黃汴二河船筏又即洛河口置水澮以灌伊洛漲水入大河其古索河等暴漲則即魏樓漿澤孔因三斗門以泄之仍修黃河南岸堤壩以防侵奪新河之漸於是閉汴口徙官吏於新洛口自是汴洛通流三年興修狹河六十里時以洛水入汴至淮河流漫闊多淺濘因修狹河以扼東之五年又

自汴河北引洛水入禁中賜名天源河於城西咸豐門立堤六年范子淵請築新堤及開展直河子淵請于武濟山麓至河岸并嫩灘上修堤及

凡三千三十步是年又廢金水河透水槽以阻礙汴舟也元祐初廢水匱時蘇轍言汴口以東州縣所置水匱徒費損民田清汴水流自足未曾取以灌注乞盡廢以便

壓壩堤又築新堤於新河兩岸及開展直河長六十里明年武濟河潰罷罷維其分流止護廣武三壩武濟即廣武北山嫩灘新灘也失業之田清汴水流自足未曾取以灌注乞盡廢以便五年復導河入汴四年梁濂上言廣武山北即大河故道舊洛水至此入河今關大河于堤北擴其地以引洛中間缺爲

民從之斗門名通舟楫實盜河以助洛之淺濶也廣武三壩歲費無慮數百萬新沙疎弱力不能制悍河倘怒流循洛而下直冒京師是甘以數百萬之費養異時萬一之紹聖初紹述議起因復閉汴口引洛水宋史自引洛後洛水患宜復爲汴口導引大河啓閉以時誠爲得策至是從之紹聖初紹述議起因復閉汴口引洛水

宋史自引洛後洛水漲溢入河廣武壩危

急朝議以堵去洛河不遠恐漲漫下灌京師詔都水丞馮忱之相度築欄山決堤既而洛水大溢注于河帝曰若廣武掃壤洛河爲一則清汴不通京都漕運可憂詔吳安持等規度安持言廣武第一掃危急決口與清汴口絕近緣洛河之南廣武山千餘步地形稍高自鞏縣東七里店至今洛口不滿十里可別開新河導洛水近南行地里至少用功甚微詔再按視李偉復言自武濟以下二十里神尾山乃廣武掃首所起約置刺堰三里餘就武濟河下尾廢堤枯河基址增修疏導回截河勢東北行置舊掃作遙堤可以紓清汴下注京城之患復詔宋用臣等覆按四年楊炎乞依元豐例減放洛水入京西界大白龍坑及三十六陂充厰以助汴河行運詔買種民等相度種民言元豐改汴口爲洛口汴河爲清汴以取水爲洛也復置清水以備淺濇而助行流元祐間卻于黃河撥口分引渾水令自達上流入洛口北之清洛雖以調節請一依元豐舊制從之

宣和初大水汴隄決壞詔復修治時河水漲入都城以西漫爲巨津東決汴堤汴水將溢諸門皆城守奔流東南注有司募人決水下流由城北五丈夫汴河本自大河支分宋元豐中每事更張

汴洛亦不獲循其故道矣梁蕭言洛水本清自引洛入汴之後汴常黃流是洛不足以行汴而所以能行者乃附大河之餘波也又舊汴洛未通汴口析大河三分之一導洛而後洛口所竊大河之水十分之一耳河流盡北則

河北多潰決之虞若迴漕洛口則京師又有涇溺之慮故不如復汴口爲長策也其言甚深切而時不能寤又沈括曰國朝汴渠發京畿附郡三十餘縣歲一濬祥符以後三歲一濬其後益弛汴渠有二十年不濬者歲歲運濇東城東水門下至雍邱襄邑渠底皆高出堤外平地一丈二尺自堤下瞰民居如在深谷此決溢之患所以日多也

張方平曰漕運以河渠爲主國初浚河渠二道通京城漕運自後定立上供軍額汴河六百萬石廣濟六十二萬石惠民六十萬石惟汴河所運供京師億萬口之需國家于漕

河至急至重。而汴河又建國之本。非可與區區水利同言也。蘇軾曰。世謂煬帝始通汴入泗。非也。晉王濬伐吳。杜預與之書曰。自江入淮。逾于泗。汴自河而上。振旅還都。王濬舟師之盛。古今絕倫。而自汴沂河以班師。則汴水之大小。當不減於今矣。今考汴河故道。自河陰縣東北十里廣武澗中。東南流。過陽武中牟縣界。至開封府城南。東流過陳留杞縣北。又東過睢州北。考城縣南。寧陵縣北。而東經歸德府城南。自隋以前。自歸德府界東北流。達虞城夏邑縣北。而入江南徐州界。過碭縣北。蕭縣南。至徐州北。合于泗。自隋以後。則由歸德府境東南流。達夏邑永城縣南。而入鳳陽府宿州界。東南流經靈璧縣及虹縣南。至泗州兩城間。而合于淮。宋時東南之漕。大都繇汴以達于畿邑。故汴河之經理爲詳。南遷以後。故都離黍。江淮漕運。自是不資于汴。於是汴河日就湮廢。金人雖常都汴。而周章勿遽。亦欲經理漕渠。自泗通汴。宋嘉定十五年。金元光元年也。議引汴通漕。不果。卒未遑也。明初議建北京于大梁。規畫漕渠。以浚汴爲先務。洪武六年。浚開封漕河。卽汴河也。旣而中格。自是河流橫決。陵谷倒置。汴水之流。不絕如線。自中牟以東。斷續幾不可問矣。

洛水。伊瀨澗附見。

洛水出陝西西安府商州南六十里之冢嶺山。經洛南縣東北流。入河南盧氏縣西南境。又東北經永寧縣宜陽縣南。而入洛陽西南境。又東則澗水流入焉。澗水之上源曰穀水。出澠池縣南山中穀陽谷。東北流經縣南。又東南至新安縣南。又東北而澗水合焉。澗水出澠池縣東北二十三里之白石山。東流合穀水。遂兼有穀水之稱。引而東。又折而南。俱至府城西故苑中。入於洛。洛水又東經故洛陽城南。而灋水入焉。灋水出洛陽縣西北五十里之穀城山。東流經府城北。至洛陽故城西。而南流入洛。東漢以後。則經洛陽故城東。又東南經偃師縣南。又東而復入於洛也。洛水自洛陽故城南。又東至偃師縣西。而伊水入焉。伊水出盧氏縣東南百六十里巒山。一名閭頓嶺。水經注。伊水出南陽縣西荀渠山。地志。伊出熊耳。六典謂商州之熊耳。非也。商州熊耳在冢嶺西北。則伊水在洛水北矣。顏師古曰。伊水出陸渾山。山。伊水所經。非所出也。今以括地志爲據。東北流。歷嵩縣南。經汝州伊陽縣西。又東北至府城東南。又東至偃師縣

西而入洛。洛水又東北流。至鞏縣北。入于大河。禹貢曰。伊洛灋澗。既入于河。又曰。導洛自熊耳。見盧氏縣。東北會於澗灋。又東會于伊。又東北入于河。周書洛誥。我乃卜澗水東。灋水西。惟洛食。卜王城也。我又卜灋水

東。亦惟洛食。卜下都也。周語。伯陽父曰。昔伊洛竭而夏亡。河竭而商亡。又周靈王二十三年。穀洛鬪將毀王

宮。澗水于是始有穀水之名。戰國時以河洛伊爲三川。故張儀曰：三川周室天下之市朝也。秦因之置三川郡。漢呂后

三年伊洛溢。漢志時二水溢。流千六百餘家。東漢初定都洛陽。建武二十三年張純引洛水通漕。謂之陽渠。堰灋穀之水。

自洛陽城北東屈而南曰千金渠。會于陽渠。自是灋穀非復故流矣。曹魏文明之世。大營宮殿。分引支流。灌注苑囿。延及晉代。川谷漸移。及元魏遷都。更復營治。太和七年。穀水自河南城北合灋水亂流。而城西之支渠遂絕。大約時所務者。都邑之漕渠而已。及隋大業九年。改建東都。并河南洛陽而一之。大變成周之轍。而通濟之渠復起。于時又以穀洛二水周匝都城爲急。故復引穀南流。以會于洛。從城西遶城而南。以達于城東。經偃師。鞏縣之間。而注于洛口。其千金九曲之古迹。漢千金渠。後魏爲九曲。漢千金渠。後魏爲九曲。又未嘗過而問

也。漢志注。洛水自冢嶺至鞏入河。過郡二。宏農河南。行千七十里。唐十道志。河南大川曰洛水。自貞觀以後。

伊洛二川。往往決溢。爲東都患。貞觀十一年。穀洛水溢入洛陽宮。壞官舍民居。溺死六千餘人。永淳初。洛水溢。溺民居千餘家。神龍初。洛水又溢。流二千餘家。開元八年。灋穀溢。漂溺幾二千餘人。十年。伊水溢。十八年。

洛水復溢。皆漂溺東都千餘家。於是屢費修塞。宋志。洛水貫西京。多暴漲。然唐宋皆以洛邑爲陪京。渠堰之利。又二十年。洛水溢。溺死千餘人。

大抵皆因舊制補偏救弊而已無赫然可紀者唐六典天下造舟之梁四河三洛一河則蒲津

見山西重險

大陽見陝州盟津見後河陽三城洛則孝義在偃師縣石柱之梁四洛三灞一灞橋在陝西西安府洛則天津在府城西南永濟在宜陽縣中橋亦名洛中

灞則灞橋也大柱之梁三三渭橋也俱見西安府舉京都之衝要為巨梁者凡十有一而洛居其四云

潁水蔡河五丈河俱附見

潁水源出河南府登封縣東二十五里陽乾山流經開封府禹州北入許州界經襄城縣北亦謂之潁河又東經臨潁縣北又東經西華縣北陳州之南又東經項城縣南沈邱縣北接歸德府鹿邑縣南境而合于蔡河蔡河首受汴自祥符縣東南通許縣西尉氏扶溝縣之東境太康縣之西境至鹿邑縣南而合于潁河謂之蔡河口水經注萇蕩渠自中牟東流至浚儀縣分為二水南流曰沙水東注曰汴水魏收曰汴水在大梁城東分為蔡港續述征記汴沙到浚儀而分汴東注沙南流沙即蔡也潁水合蔡亦兼有沙河之稱自鹿邑縣東南流入江南鳳陽府界經太和縣及潁州之北潁上縣之東南當壽州西北正陽鎮而入淮謂之潁口漢志注潁水歷

郡三。潁川淮陽沛郡。行千五百里。自古用兵之地也。左傳襄十年。晉帥諸侯伐鄭。楚救鄭。晉帥進與楚夾潁而

軍。鄭人宵涉潁。與楚盟。此卽今禹州北之潁水。三國魏黃初五年。曹丕爲水軍。親御龍舟。循蔡。潁。浮淮。如壽春。將以

伐吳。正始四年。司馬懿欲廣田蓄穀于揚。豫間。使鄧艾行陳。項以東至壽春。艾以爲昔太祖破黃巾。因爲屯田積穀許都。以制四方。今三隅已定。事在淮南。每大軍出征。運兵過半。功費巨億。陳蔡之間。土下

田良。可省許昌左右諸稻田。并水東下。胡氏曰。汝水。潁水。荈蕩渠水。渦水。皆經陳蔡間。東入淮。令淮北屯二萬人。淮南屯三萬人。什二

分休。常有四萬人。且田且守。益開河渠。以增灌溉。通漕運。計除衆費。歲合五百萬斛。以爲軍資。六七年

間。可積三千萬斛于淮上。此則十萬之衆五年食也。以此乘吳。無不克矣。懿善之。遂北臨淮水。自鍾離

以南。鍾離。今江南鳳陽府治。橫石以西。橫石一作硤。石見壽州。盡泚水四百餘里。泚水卽淝水。見固始縣及江南六安州壽州境。五里置營。營六十人。且田且

守。兼修廣淮陽百尺二渠。淮陽百尺渠。俱在陳州。上引河流。下通淮。潁大治諸陂。于潁南潁北穿渠三百里。溉田二

萬頃。淮南淮北倉庾相望。自壽春至京師。農官屯兵。鷄犬之聲。阡陌相屬。每東南有事。大兵出征。汎舟

而下。達於江淮。資食有儲。而無水害。艾所建也。晉太元八年。苻堅大舉入寇。堅至項城。苻融等將兵先

至潁口。唐建中二年。田悅魏博帥、李惟岳恒冀帥、李納淄青帥、梁崇義襄鄆帥拒命。舉天下兵討之。諸軍皆仰給京師。

而李納、田悅兵守渦口。見江南懷遠縣崇義扼襄鄆。南北漕引皆絕。江淮轉運使杜佑以秦漢運路出浚儀西

十里。入琵琶溝。絕蔡河。至陳州。而合潁河。自隋鑿汴河。官漕不通。若導流培岸。功用甚寡。疏鷄鳴岡首

尾。尉氏縣有鷄鳴城。或曰。今江南合肥西北之鷄鳴山。泚水出焉。可以通舟。陸行纔四十里。則江湖黔中。嶺南。蜀漢之粟。可方舟而下。由白

沙。見江南儀真縣。在江南。趣東關。集縣。經廬壽。浮潁涉蔡。歷琵琶溝。入汴河。抵東都。無濁河汴淮之阻。佑蓋欲由大江通泚水。由泚水達蔡河。

減故道二千餘里。會李納將李洧以徐州歸朝。時渦口屬徐州。淮路通而止。三年。淮西帥李希烈叛。徙鎮許州。

與李納相結。絕汴渠餉道。由是東南轉輸者。皆不敢由汴渠。自蔡水西上。宣武節度使李勉因治蔡渠。

引東南饋。元和十一年。討吳元濟。初置淮潁水運使。揚子院米自淮陰汴淮入潁。至項城入澗。輸于鄆

城。以饋淮西行營諸軍。省汴運之費。舊史。時運米汴淮至壽州四十里入潁口。又汴流至潁州沈邱界

五百里。至於項城。又汴流五百里入澗河。又三百里。輸于鄆城。凡歷千三百餘里。蓋迂言之。五代周顯德四年。攻唐淮

南先習水戰于大梁城西汴水側。至是命將王環將水軍數千。自閔水沿潁入淮。閔水亦蔡河之異名。唐人大驚。六

年。自大梁城東導汴水入於蔡。韓令坤浚。以通陳。潁之漕。宋建隆二年。浚蔡渠。先是元年浚蔡河。設斗門。至是復命陳承昭督其役。導閔水

自新鄭與蔡水合。此閔水謂蔡河上流。濠。滑。諸川也。貫京師。南歷陳。潁達壽春。以通淮右之漕。舟楫畢至。都人利之。于是

以西南為閔河。東南為蔡河。乾德二年。又鑿渠自長社。今許州。引潁水至京師。潁水亦見許州。合閔水。渠成。民無水

患。閔河之漕益通。開寶六年。改閔河為惠民河。太平興國四年。名城南惠民河水門曰普濟。廣利。為漕運四河之一。端拱初。陳堯叟

等言。漢魏晉唐于陳。許。鄧。潁。暨蔡。宿。亳。至于壽春。用水利墾田。陳迹具在。今用古法。大開屯田。以通水

利。導溝瀆。築防堰。每屯千人。人給一牛。治田五十畝。畝約收三斛。歲可收十五萬斛。七州之間。置二十

屯。可得三百萬斛。因而益之。數年可使倉廩充實。省江淮漕運矣。議不果行。淳化二年。以潁水泛溢。自

長葛開小河。導潁水分流二十里。合於惠民河。至道初。大理丞皇甫選言。鄧。許。陳。潁。蔡。宿。亳。七州境內。

有公私閑田三百五十一支。合二十二萬餘頃。民力不能盡耕。皆漢魏以來召信臣。杜詩。杜預。司馬宣

王。鄧艾等。立制墾闢地。有陂塘防隄舊址。即不能照舊增築。宜擇其隄防未壞。可興水利者。先耕二萬

餘頃。他處漸圖建置。從之。未幾復罷。咸平二年。霖雨。蔡河溢。開封守寇準治丁岡古河洩導之。

在府城東南。

大中祥符二年。陳州請自許州長葛浚減水河及治棗村舊河。

在臨潁縣。

以入蔡河。從之。既又于頓固減水

河口修雙水門。

在商水縣南。

以減陳潁水患。九年。知許州石普請于大流堰穿渠。

在尉氏縣。

置二斗門。引沙河以漕。

天聖二年。復修大流堰斗門。開減水河通漕。

宋志。時田承說獻議。重修許州合流鎮大河。堰斗門。極開減水河通漕。省迂路五百里。

嘉祐三年。開京城葛家

岡新河。分入魯溝。

魯溝見陳留縣。時秋霖水溢。為京城患也。

熙寧九年。于順天門外。

汴城西。南門。

通直河至染院。後入護龍河。

即城壕。

至咸

豐門南。

城四北門。

入京索河。元祐四年。知陳州胡宗愈議浚八丈溝。

在陳州。

分蔡河之水為一支。由潁壽入河。詔

經理之。大觀初。復開潁河入蔡河。蔡河蓋兼閔水。潁水。以通漕舟也。歐陽忞曰。蔡河即古之琵琶溝。胡

氏曰。琵琶溝自東京戴樓門入。

南面西來第一門。本名安上門。

京城宣化水門出。

南面東來門也。

投東南南下經陳州。過鹿邑縣界蔡

河口而入潁。今由朱僊鎮。

見祥符縣。

而東南。有水道經西華。南頓。沈邱。以達于潁。壽。蓋即蔡河故迹。又有五

丈河。亦宋漕運四河之一也。九域志。五丈河即禹貢之荷澤。自汴城北歷陳留。曹濟及鄆。其廣五丈。周

顯德四年疏汴水北入五丈河東流經定陶北入于濟齊魯舟楫皆達大梁。先是顯德二年于京城西引水入五丈河達于濟。六年

浚五丈渠東過曹濟梁山泊。見山東齊張縣。以通青鄆之漕。宋建隆二年發曹單民浚五丈河先是河塞命衛

將軍陳承昭于京城西夾汴河造斗門自滎陽鑿渠百餘里引京索二水通城壕入斗門架流于汴水

上東滙于五丈河以便東北漕運。此即金水河見前汴水。開寶六年改為廣濟河。興國四年名城東水門曰咸通又熙寧十年名城北水門曰永順五丈河蓋自永順門入

京城而達于東之咸通門。景德三年內侍趙守倫議自京東分廣濟河由定陶至徐州入清河。即泗水。以達江湖漕運役

成復罷。宋史徐州運河成帝以地有龍阜水勢極淺難置渠堰又歷呂梁灘磧之險非可漕運罷之。天聖六年閣貽慶言廣濟河下接濟州之合蔡鎮。見山東鉅野縣。

通梁山灤請治五丈河入夾黃河。鄆濟間小河也。引水注之因立橋梁置壩堰詔有司相度慶歷中又濬徐沛

之清河任城金鄉之大義河。見山東任城即濟寧州。以通漕運熙寧七年有司請于通津門。汴城東面門也。汴河東岸開河下

通廣濟以便行運從之元豐五年廢廣濟輦運司。移上供物于淮揚軍界入汴名清河輦運。尋復加修治元祐中都水監言廣濟

河以京索河爲源。轉漕京東歲計。請於宣澤門外置槽。架流入咸豐門。宣澤、咸豐二門俱在汴城。西面咸豐又在宣澤之北。由舊道復

河源以通漕。從之。建炎初。宗澤畱守東京。開五丈河以通西北商旅。宋會要。汴都以惠民、金水、五丈、汴爲四渠。而汴、黃、惠民、廣濟亦曰四河。蓋河渠流通。轉輸易達。此汴洛所以爲天下樞也。明朝洪武八年。大河南決。挾潁以入淮。而蔡河之流漸絕。三十年。河復南決。擁蔡水入陳州。永樂初。計臣郁新奏言。淮黃淤淺。官運不通。請自淮安用輕舟運至沙河及陳州潁岐口。以大舟載入黃河。復陸運入衛河。以達北京。從之。正統以後。大河決塞不一。潁、蔡、五丈諸流。盡失故道。其可辨者無幾矣。

汝水

汝水出汝州魯山縣西南七十里大孟山。東北流。出縣北。經伊陽縣及汝州之南。又東南經寶豐縣及郟縣南。而入南陽府裕州界。經葉縣北。又東入開封府許州之襄城。鄆城縣南。而入汝寧府西平縣。自縣北東南流。經上蔡縣西。至汝陽縣北。又東經新蔡縣西。息縣北。至江南潁州南。而注于淮。左傳成十六年。楚以汝陰之田。求成于鄭。十七年。諸侯圍鄭。楚救鄭。師于汝上。哀元年。楚圍蔡。使疆於江汝之間。十七年。楚子穀曰。文王以彭仲爽爲令尹。縣申息。朝陳蔡。封畛于汝。國語。齊桓公伐楚。濟汝踰方城。荀

子曰楚汝潁以為險。

淮南子亦曰潁汝以為流。

漢志注汝水歷郡二

潁川汝南

行千三百五十里。呂后三年汝水溢。

流八百餘家。

唐

開元十年汝水溢。

漂溺千餘家。

十道志河南大川曰汝水。宋劉敞曰汝水南達淮北距潁懸瓠之險為南北

必爭之處。元至正間汝水泛溢有司自舞陽斷其流。

舞陽屬潁州蓋下流壅而汝水逆上舞陽也。

約水東注。今大河屢經決塞。汝

水亦非復故流也。

其重險則有虎牢。

虎牢關在開封府鄭州汜水縣西二里。一名成臯關。亦曰古嶠關。其地古東虢國。鄭為制邑。左傳鄭莊

公曰制巖邑也。又為北制。隱五年鄭敗燕師於北制。亦名虎牢。

穆天子傳天子獵於鄭有虎在腹中。七章之士擒之以獻命蓋之東虢因曰虎牢。

莊二

十一年鄭伯定王室。王與之武公之略。自虎牢以東。僖四年齊侯與鄭申侯以虎牢。襄二年晉悼公與

諸侯會于戚。

戚見直隸開州。

謀鄭故也。孟獻子曰請城虎牢以逼鄭。晉從之。遂城虎牢。鄭人乃成。

杜預曰是時虎牢屬晉。

十年

諸侯之師城虎牢而戍之。

時鄭復背晉即楚也。

鄭及晉平亦謂之虢。昭元年晉趙武會諸侯之大夫於虢。其後為成

臯戰國策。三晉分知氏地。段規謂韓王曰。分地必取成臯。王曰。成臯石溜之地也。無所用之。規曰。不然。

一里之厚。而動千里之權者。地利也。王用臣言。則韓必取鄭矣。及取鄭。果從成臯始。韓哀侯二年滅鄭。又張儀脅

趙曰。今秦發三軍。一軍塞午道。一軍軍成臯。一軍軍澠池。又脅楚曰。秦下甲據宜陽。則韓之上地不通。

下河東。取成臯。韓必入臣。韓釐王時。趙李兌約五國攻秦。罷而留於成臯。李斯曰。惠王用張儀之計。東

據成臯之險。史記。秦莊襄王元年。使蒙驁伐韓。韓獻成臯。秦界北至大梁。自秦據成臯。十九年而韓遂

亡。夫晉楚之霸也。爭鄭。秦之并六國也。始於韓。以虎牢。成臯之險也。及楚漢爭衡。成臯尤爲重地。漢三

年。項羽使終公守成臯。而自東擊彭越。漢擊破終公。復軍成臯。項羽攻拔之。酈食其謂漢王。楚令適卒

分守成臯。此天所以資漢。願急復進兵。塞成臯之險。是也。四年。漢復取成臯。卒滅楚。十年。黥布反。薛公

策之曰。布東取吳。西取楚。并韓取魏。據敖倉之粟。塞成臯之口。勝敗之數。未可知也。景帝三年。吳楚七

國反。桓將軍說吳王。疾西據洛陽武庫。食敖倉粟。不從事。敗。元狩初。淮南王安與伍被謀反。事。曰。吳何

知反。漢將一日過成臯者四十餘人。今我絕成臯之口。據三川之險。謂洛陽。招山東之兵舉事。如此。十事

九成。安常言塞成臯之道。天下不通云。東漢初。以馮異爲孟津將軍。異遂南下河南。成臯以東十三縣。

尋置成臯關。時定都洛陽。成臯其東面之阻也。中平末。何進謀誅宦官。召外兵。使東郡太守橋瑁屯成臯。初平二年。關東州郡皆起兵討董卓。曹操議引兵西據成臯。諸將不聽。晉永康三年。趙王倫篡逆。齊王回起兵許昌討之。倫遣兵分道拒回。使其黨司馬雅等自成臯關出。又永嘉四年。劉聰遣其子黎等犯洛陽。既而石勒出成臯關。圍陳畱太守王讚於倉垣。

倉垣見陳畱縣

大寧三年。劉曜遣劉岳等圍石勒將石

生于金墉。勒使石虎西援。虎入成臯關。與岳戰於洛西。

謂洛陽城西

岳敗走。咸和三年。劉曜復攻石生于金

墉。石勒自襄國馳救。謂其下曰。曜盛兵成臯關。上策也。阻洛水。中策也。坐守洛陽。此成擒耳。及至成臯。曜無守兵。勒大喜。詭道兼行。擊曜於洛西。擒之。永安五年。後趙戍卒梁犢等作亂。自雍城東出潼關。

雍城。雅

今陝西鳳翔府治。

石虎使李農等拒之。戰于新安及洛陽。皆大敗。乃退壁成臯。犢東略滎陽。陳畱諸郡。石虎復遣

石斌擊滅之於滎陽。興寧二年。燕慕容恪謀取洛陽。先遣軍軍孟津及成臯。太和四年。桓溫伐燕。燕請救于秦。許賂秦虎牢以西地。義熙十二年。劉裕伐秦。前鋒檀道濟等進至成臯。秦人以成臯虎牢二城降。

謂成臯縣城。虎牢關城也。

道濟等遂長驅而進。十三年。裕引舟師泝河而上。魏主嗣命長孫嵩等伺裕西過。即自成

臯濟河。南侵彭沛。謂彭城。沛郡。不果。元熙初。裕以毛德祖爲滎陽太守。戍虎牢。宋永初元年。兼置司州于此。

景平初。魏將奚斤等攻虎牢。毛德祖堅守不下。魏主嗣自如成臯。絕虎牢汲河之路。北史。虎牢乏水。城中懸繩汲河。魏主命連繩上。

施贖。絕其汲路。久之不拔。乃作地道。洩虎牢城中井。井深四十丈。山勢峻峭。不可得防。城中人馬渴乏。乃陷。元

嘉七年。命到彥之取河南地。別遣段元將精騎直指虎牢。克之。所謂河南四鎮。虎牢其一也。旣而仍沒于魏。爲豫州治。二十七年。復遣軍北伐。別將梁坦等逼虎牢。不克。二十九年。又分遣魯爽等向許洛。爽

取長社。敗魏人於大索。見祭陽縣。進攻虎牢。聞礪礪敗退。礪礪見山東長清縣。引還。北魏和平初。以虎牢爲重鎮。太和十

八年。置東中郎府于城中。永安二年。梁將陳慶之送元顥北還。稱帝于梁國。命爾朱世隆鎮虎牢。以備之。慶之尋拔滎陽。進擊虎牢。世隆棄城走。永熙三年。高歡自晉陽南犯洛陽。魏主修命斛斯椿等鎮虎

牢。旣而魏主西走。虎牢屬於東魏。置北豫州及成臯郡治焉。天平四年。高歡以侯景爲西道大行臺。與高敖曹等治兵虎牢。及沙苑之敗。沙苑見陝西同州。河南州鎮。多附西魏。元象初。復遣侯景治兵虎牢。魏人皆棄

城西歸。武定初。北豫州刺史高仲密以虎牢降魏。宇文泰親帥諸軍應之。大戰于邙山。敗還。虎牢復入

于東魏五年守將陸子章增築虎牢城六年高澄南臨黎陽

見直隸滑縣

自虎牢濟河至洛陽由太行返晉

陽高齊河清二年周人圍洛陽敗去高主湛如洛陽東至虎牢自滑臺如黎陽還鄴隋大業初置虎牢

都尉府九年楊玄感圍東都分遣其將顧覺取虎牢虎牢降以覺爲鄭州刺史鎮虎牢十二年以河南

盜翟讓等爲亂命裴仁基鎮虎牢明年仁基降于李密唐武德初李密將徐世勳以黎陽來歸使經略

虎牢以東三年世民圍王世充於東都將軍王君廓引兵襲虎牢拔之四年東都圍急竇建德引兵救

世充軍于成臯東原郭孝恪等請先據虎牢之險以拒之世民亦曰建德將驕卒惰吾據武牢

唐諱虎易曰武

扼其咽喉彼若冒險爭鋒取之甚易遂東趣虎牢及戰建德敗滅乾元二年史思明叛李光弼謂賊方

闕洛當扼武牢是也乾符五年黃巢寇葉陽翟詔發兵守轘轅伊闕河陰虎牢五代唐同光四年以鄴

都軍亂將澹河襲鄆汴乃如關東招撫之尋次汜水至滎澤東進至萬勝鎮

見中牟縣

聞李嗣源入汴遂旋

師畱軍守成臯關嗣源遣石敬瑭將前軍趣汜水時議者復勸車駕控扼汜水收撫散兵方發爲郭從

謙等所弑嗣源遂入關石晉天福二年時范延光舉兵魏州張從賓以洛陽附之襲取河陽又引兵扼

汜水關。汴州危急。旣而杜重威等引兵克汜水。從賓敗死。宋眞宗祥符四年。西遇至虎牢關。詔曰。魯玉

關之樞會。

汜水舊關。東題曰虎牢。西題曰玉關。故云。

控鼎邑之要衝。改爲行慶關。仁宗慶歷四年。省汜水縣爲行慶關。屬河南府。未幾

復舊。靖康二年。粘沒喝自河陽渡河。至汜水關。建炎初。岳飛大敗金人于此。元至正十五年。汝潁賊轉陷河南州郡。察罕戍虎牢。以遏賊鋒。十九年。圖復汴梁。引大軍次虎牢。發諸道兵四面俱進。明初。大兵下河南。自中灤鎮入虎牢。遂清關洛。今自滎陽而東。皆坦夷。西入汜水縣境。地漸高。城中突起一山。如萬斛困。出西郭。則亂嶺糾紛。一道紆回其間。斷而復續。使一夫荷戈而立。百人自廢。信乎爲洛陽之門戶矣。唐賈至虎牢關銘曰。王侯設險。虎牢擁其要。振之以五岳。惟嵩萃焉。經之以四瀆。洪河突焉。宜其咽喉九州。闔關中夏。漢祖守之。以臨山東。坐清三齊。彊楚躑躅而不進。太宗據之。以拒河朔。克擒醜虜。僞鄭袒縛而請命。惟茲虎牢。天設巨防。攻在坤下。拒在離旁。昏恃以滅。聖憑而王。又呂溫銘曰。鎖天中區。控地四鄙。此亦足以見虎牢之大略矣。

颺阨。

颺阨塞在汝寧府信陽州東南九十里。湖廣應山縣北六十五里。亦曰冥阨。亦曰颺塞。亦作颺阨。郟颺皆音育。又謂

之平靖關。

靖一作靜。舊志關在信陽州南七十五里。

宋時名爲行者坡。其地有大小石門。鑿山通道。實爲險阨。左傳定四年吳

伐楚。自淮涉漢。

道出今光州信陽之間。

楚左司馬成請還塞大隧。直轅冥阨。自後擊之。又三關總名曰城口。楚史皇

所謂塞城口而入。

輿地廣記。羅山縣有石城山。古所謂冥阨也。胡氏以大隧爲黃峴關。直轅冥阨爲武陽平靖二關。

戰國策蘇代曰。秦欲攻魏重楚。則以南陽委

于楚。殘均陵。

今襄陽府均州。

塞黽阨。楚人對頃襄王曰。涉黽塞而待秦之倦也。又莊辛對楚襄王曰。穰侯受命

于秦王。填黽塞之內。投己于黽塞之外。朱英謂春申君曰。秦逾黽阨之塞而攻楚。不便。魏信陵君說安

釐王曰。秦伐楚。道涉山谷。

案隴云。往楚之險路也。蓋從襄斜入梁州之道。

行三千里而攻冥阨之塞。所行甚遠。所攻甚難。呂氏春秋。

天下九塞。冥阨其一。

淮南子亦云。

自魏晉以後。鄆阨之地。常爲南北重鎮。所謂義陽有三關之塞也。三關者。

一曰平靖關。卽左傳之冥阨也。其關因山爲障。不營濠隍。故以平靖爲名。一曰武陽關。亦名灃山關。卽

左傳之大隧也。在信陽州東南一百五十里。西南至德安府應山縣一百三十里。地名大塞嶺。薛氏曰。

三關之險。大塞嶺無平易是也。一曰黃峴關。亦名百鴈關。

俗謠爲白鴈。

又謂之九里關。卽左傳之直轅也。在

信陽州南九十里。南至應山縣亦九十里。義陽城與三關勢如首尾。齊東昏侯永元三年。軍主吳子陽等出三關侵魏。敗還。既而魏將田益宗謀取義陽。欲以揚州之卒頓於建安。見國始縣捍三關之援。時元英言東豫州刺

史田益宗兵守三關是也。東豫州魏治新息。即今息縣。

梁天監三年。義陽降于魏。三關戍將聞之。皆棄城走。七年。魏三關戍主侯登以

城降梁。梁司州刺史馬儼瑋謀固三關。梁司州治鹿城關。見湖廣黃岡縣。使其將馬廣屯長簿。胡文超屯松峴。長簿在武陽關北。松峴在黃峴

北關八年。魏元英將取三關。至義陽。策之曰。三關相須。如左右手。若克一關。兩關不待攻而破。攻難不如

攻易。宜先攻東關。武陽關在東。又恐其并力於東。使李華向西關。平靖在武陽之西。故曰西關。分其兵勢。英自督諸軍向東關。

至長簿。長簿潰。乃圍武陽。克之。進攻黃峴。黃峴。史作廣峴。及西關。梁將皆走。普通五年。遣將李國興攻魏平靖

關。楊乾攻武陽關及黃峴關。克之。進圍郢州。不克。魏郢州治義陽。三關尋入于魏。八年。司州刺史夏侯夔等出

義陽道。攻魏平靜等關。克之。既而復自武陽進克東豫州。迨侯景之亂。三關為齊所有。于是南國之勢益折。而并于北。唐之中葉。淮西屢叛。亦以三關諸險在其境內。恃其強固也。宋南渡以後。三關防維單

弱故壽春合肥往往多事蓋欲保淮西必守義陽守義陽則三關之備不容不重黃氏有言三關險要

關外百里皆險也金得信陽將與我分險而守營要坡以抗武陽要坡在武陽關北數里營鷄頭以抗平靖平靖關北有鷄頭山

營石門以抗黃峴石門山亦近黃峴關北是舉三關棄之也

三鷄

三鷄路在今南陽府北及汝州之南一統志南陽府北七十里有二路東北帶西而行者為三鷄路中有石山鯉魚山拓禽山即行人來往趨西洛之便路也杜佑曰汝州魯山縣後周置三鷄鎮在縣西南十九里亦名平高城以禦齊高齊亦於縣東北十七里置魯城以禦周今三鷄路自南陽府北六十里之故向城又北有石川路一名百重山即三鷄之第一府北七十里分水嶺而北即三鷄之第二由故向城

而北又八十里有魯陽關入魯山縣界即三鷄之第三舊時鄧汝二州與魯陽關分界荆豫逕途斯為險要張景陽詩朝登魯陽關峽路峭且深者也晉太元三年苻秦寇襄陽使別將入越帥精騎出魯陽關北魏孝昌初方有事于西北二荆西鄂二荆謂穰城及魯陽後魏太和中置荊州于魯陽後又移治穰城也或以為西荆治上洛北荆治襄城誤西鄂胡氏曰治襄陽縣穰城見鄧州魯陽即魯山襄

城今屬許州真。羣蠻皆反斷三鵠路。北至襄城。中阻汝水。屯據險要。道路不通。復引梁將曹義宗圍荊州。陽屬汝寧府。

即今鄧州。魏將崔暹赴救。至魯陽。不敢進。更遣元曠討魯陽蠻辛雄。東趣葉城。別將裴術等將兵出武關。通

三鵠路以救荊州。又東魏興和二年。侯景出三鵠。將復荊州。宇文泰遣李弼等出武關。景乃還。西魏大

統十三年。侯景叛東魏。以魯陽長社諸城賂魏。魏荊州刺史王思政將州兵從魯陽向陽翟。此即三鵠

路也。宇文周建德四年。章孝寬陳伐齊之策。一云廣州義旅。廣州治今香山縣出自三鵠。一云三鵠以北。萬春以

南。萬春見洛陽縣廣事屯田。預為積備。三鵠蓋出奇之遺矣。

河陽三城。

河陽城隸今懷慶府孟縣西南三十里。即漢河陽縣。自漢以來。縣皆治此。唐又為孟州治。今孟縣城金大定中築。非古城也。古曰孟津。亦曰盟津。

周武王濟師於此。因謂之武濟。亦曰富平津。都道所輳。古今津要也。東漢初。拜馮異為孟津將軍。規取

洛陽。永初五年。先零羌寇河東。至河內。詔朱龍將兵屯孟津以備之。中平末。何進謀誅宦官。使武猛都

尉丁原將兵寇河內。燒孟津。火照洛陽城中。晉泰始中。杜預以孟津渡險。有覆溺之患。請建河橋於富

平津議者以爲殷周所都。歷聖賢而不作者。必不可作故也。預曰。造舟爲梁。河橋之謂也。從之。橋果成。太安二年。成都王穎自鄴舉兵內向。列軍自朝歌見淇縣。至河橋。鼓聲聞數百里。帝出屯河橋以拒之。永

興二年。豫州刺史劉喬與東海王越等相攻。河間王顥使成都王穎等據河橋。爲喬繼援。時越等欲連兵討河間王于關

中也。旣而河橋之師爲東軍所擊。次第敗走。平昌公模等遂自鄴而南。進逼洛陽。永嘉末。傅祗屯三渚。劉

聰遣子粲攻之。三渚。河中渚也。水經注。河中渚上有河平侯祠。旁有二渚。又有陶渚。故曰三渚。祗蓋屯

于孟津小城。又津西有涼馬臺。昔人每于河橋浴馬。浴竟就高納涼處也。永和六年。苻健圖入關中。自

枋頭悉衆而西。枋頭見直隸津縣。至孟津爲浮梁以濟。旣濟焚橋。興寧二年。燕慕容恪圖取洛陽。遣將悅希軍於

孟津。太元十八年。慕容垂謀叛秦。初渡河。慮河橋南空倉中有伏兵。乃自涼馬臺結草筏以渡。北魏太

和十七年。遷洛。命作河橋。河北側岸有二城相對。置北中郎府戍守之。因謂之北中城。景明二年。咸陽

王禧謀爲變。會魏主出獵北邙。其黨乞伏馬居說禧還入洛城。勒兵閉門。天子必北走桑乾。謂平城也。殿下

可斷河橋。爲河南天子。不果。又正光初。元略避元義之難。故人司馬子實與略洛志。魏都洛陽。以北中爲重地。北

總獲獲。夜渡孟津。抵屯。圖屯。圖見山西潞安府。

中不守。則可平行至洛陽。

宋白曰。河陽城一名北中城。

武泰初。爾朱榮自晉陽南下。胡太后遣將守河橋及北中城。以

拒之。既而都督李神軌至河橋。聞北中不守。卽遁還。又陶渚在河陰西北三里。南北長堤之外。

故河陰城。見今孟津。

縣水經注。孟津亦曰陶河。曹魏時。杜畿試樓船于孟津。覆于陶河。杜佑曰。河陽縣西南十三里。古遮馬堤。卽是其處。陶或作洶。

爾朱榮謀誅百官。請魏主子攸西循河西。至洶渚。引

百官于行宮西北。云欲祭天。百官既集。使朔騎圍而殺之。又遷魏主於河橋。置之幕下。明年。元顥入洛。

魏主北走。爾朱榮奉之南討。顥遣陳慶之守北中城。自據南岸。分兵守河中渚。又別遣兵緣河固守。時

北軍無船可渡。楊侃請徵發民材。多爲桴筏。間以舟楫。緣河布列。皆爲渡勢。首尾旣遠。顥必不知所備。

一處得渡。必立大功。高道穆亦請分兵遣將。所在散渡。榮從之。命爾朱兆等縛材爲筏。自馬渚西。硤石

見孟津縣。

夜渡。顥軍遂潰。永安三年。魏主誅爾朱榮。遣將軍奚毅等將兵鎮北中。時爾朱世隆自洛出屯河

陰。卽欲還北。其黨司馬子如曰。兵不厭詐。不如還軍向京師。出其不意。或可成功。世隆乃攻河橋。據北

中城。引朔騎至郭下。舉朝恆懼。李苗請徑斷河橋。許之。因募人從馬渚上流乘船夜下。去橋數里。縱火

船焚河橋。倏忽而止。世隆兵在南岸者。皆爭橋北渡。橋絕。溺者甚衆。世隆遂收兵北遁。旣而爾朱兆從

晉陽南下。倍道兼行。從河橋西涉渡。魏主初以大河深廣。謂兆未能猝濟。是日。水不沒馬腹。兆騎叩宮門。宿衛乃覺。一時潰散。魏主爲兆騎所執。普泰二年。爾朱度律自洛陽。爾朱天光自長安。會爾朱兆等。攻高歡于鄴。敗還。將之洛陽。爾朱彥伯在路。欲自將守河橋。爾朱世隆不從。使其黨陽叔淵馳赴北中。簡閱敗卒。斛斯椿謀叛爾朱。自鄴倍道先還。至北中。給叔淵得入。椿遂據河橋。盡殺爾朱之黨。度律等欲攻之。不克。走死。永熙三年。高歡自晉陽犯關。魏主勒兵屯河橋。歡尋自野王而南。引軍渡河。魏主西走。東魏大象三年。築中潭城及南城。中潭卽河中渚。時仍置河陽關于其地。高歡使潘樂屯北中城。高永樂守南城。置橋于河陽。及高敖曹爲宇文泰所敗。叩河陽南城。以閉關不納而死。武定元年。高仲密以虎牢降西魏。宇文泰帥諸軍應之。至洛陽。前軍于謹圍河橋南城。高歡將兵至河北。泰退軍灑上。縱火船於上流。以燒河橋。東魏將斛律金使別將張亮。以小艇百餘載長鎖。伺火船將至。以釘釘之。引鎖向岸。橋獲全。歡遂渡河。據邙山。與泰相持。宇文周建德四年。大舉伐齊。周主邕自將出河陽。拔河陰大城。宇文憲拔洛口東西二城。縱火焚河橋。橋絕。齊將傅永自永橋夜入中潭城。永橋鎮見武陟縣周人旣克南城。圍中潭。二旬不下。乃還。隋開皇初。因東魏行臺置河陽宮於河陽城內。大業九年。楊玄感攻東都。詔屈突通自河北馳救。軍于

河陽唐武德初賊帥李商胡據孟津中澤城二年行軍總管劉宏基遣將神如願襲王世充河陽城焚其河橋三年懷州總管黃君漢分道攻世充以舟師襲世充回洛城斷河陽南橋天寶十四載安祿山反遣將封常清乘驛詣東京斷河陽橋爲守禦之備乾元二年九節度之師潰于相州郭子儀以朔方軍斷河陽橋保東京衆議欲捐東京退保蒲陝朔方都虞侯張用濟定計守河陽役所都築南北兩城而守之蓋因舊城增築也既而史思明陷汴鄭將逼洛陽李光弼以洛城難守議移軍河陽北連澤潞利卽進取

不利則退守表裏相應使賊不敢西侵爲犴臂之勢遂率士馬而東守河陽思明築月城于河陽南以拒光弼欲泛火船燒河橋又悉力攻南城皆不克時光弼屯中澤應援南北兩城思明進攻中澤敗卻又敗思明於河陽西渚是時賊雖入洛而憚光弼兵威南不出百里西不越畿內陝州得修戎備關輔無虞光弼保河陽之力也建中二年置河陽三城節度自是常爲重鎮

唐德初史懷義敗滅命內侍魚朝恩守河陽以河清濟源溫租稅入河陽三城

尋又以汜水軍賦屬之建中二年置河陽節度使割東畿河陽河清濟源溫王屋五縣隸焉會昌三年增置孟州治河陽

光啓三年河南尹張全義襲河陽節度李罕之入其三

城罕之走澤州既而河陽歸於朱溫河東屢爭河陽不克朱溫自是益強後唐同光四年李嗣源討鄴

亂爲亂軍所戴。詔發軍扼河陽橋以備之。清泰末，唐兵爲河東契丹所敗，唐主從珂遣兵屯河陽，尋議北討，引軍至河陽。盧文紀曰：河陽天下之津要，車駕宜留此鎮撫南北。旣而復進，次懷州，會諸軍相繼潰敗，乃自淮州還洛。至河陽，命諸將分守南北城以衛河橋。旣又命專守南城，斷浮梁而還。及晉兵至鎮，守將萇從簡以舟楫迎降。石晉天福九年，契丹入寇，至黎陽，命西京留守安彥威守河陽，開運三年，契丹大舉入犯，與晉軍相持於恒州中度橋。李穀密奏大軍危急之勢，請駕幸滑州，及發兵守澶州，河陽以備契丹之奔衝，不果。劉漢乾祐末，隱帝遇弒，李驥說太原留守劉崇，亟引兵逾太行，據孟津。郭威必不敢動，崇不聽。宋靖康末，金將粘沒喝自太原長驅而南，前鋒渡孟津，粘沒喝旋至懷州，頓河陽。紹興六年，岳飛請提兵趣河洛，據河陽，陝府潼關爲恢復之計，不用。紹定四年，蒙古窩闊台攻金汴京，引軍自河清渡河。河清今見孟縣。入鄭州，明初取山西，河南守將馮宗異分道出河陽，克武陟，下懷慶，河陽蓋天下之腰膂，南北之嚆喉也。三城記：河陽北城南臨大河，長橋架木，古稱設險，南城三面臨河，屹立水濱，中潭城表裏二城，南北相望，黃河兩派貫於三城之間，每秋水泛溢，南北二城皆有濡足之患，而中潭屹然如故。潭讀澗，水中沙曰潭。宋史：乾德三年，水漲壞中潭橋梁，而城郭無恙。政和七年，都水孟陽言：舊河陽南北兩河分流，中潭繫浮梁，頓緣北河淤澱，水不通行，止於南河，修築一橋，因此河項窄狹，水勢衝激，每遇水漲，多致損壞，欲措置開修北河。

如舊繫南北
兩橋從之
自古及今常爲天造之險。

按河南閩域中夏道里輻輳。頓子曰：韓天下之咽喉。魏天下之胸腹。范睢亦云：韓魏中國之處。而天下之樞也。秦氏觀曰：長安四塞之國。利於守。開封四通五達之郊。利於戰。洛陽守不如雍。戰不如梁。而不得洛陽。則雍梁無以爲重。故自古號爲天下之咽喉。夫據洛陽之險。固資大梁之沃饒。表裏河山。提封萬井。河北三郡。足以指揮燕趙。南陽汝寧。足以控扼秦楚。歸德足以鞭弭齊魯。遮蔽東南。中天下而立。以經營四方。此其選矣。然不得河北。則患在肩背。不得關中。則患在嚙吭。自古及今。無異轍也。宋紹定五年。蒙古攻金。降人李昌國言于拖雷曰：金遷汴將二十年。其所恃以安者。潼關、黃河耳。若出寶鷄。

陝今

西鳳翔府屬縣。

以侵漢中。不一月可達唐。鄧大事集矣。拖雷從之。遂自鳳翔而南犯漢中。由金州出唐。鄧間破

金人之師于鈞州。

今山東。

蒙古主窩關台亦自河北渡河清。合攻汴都。而金人之禍始烈。元至正十九年。

劉福通據汴。號召羣盜。聲勢甚壯。察罕帖木兒既平關中。河東。遂圖河南。北塞太行。南守鞏洛。自將中軍軍澠池。敗賊軍於宜陽。乃自洛陽次虎牢。先發遊騎。南道出汴南。略歸亳。陳。蔡。北道出汴東。戰船浮

于梁水陸俱下略曹南

今山東曹縣南

據黃陵渡

渡在黃陵岡下見儀封縣

乃大發秦兵出函谷遷虎牢晉兵出太行踰黃河

俱會汴城下奪其外城自將鐵騎屯杏花營

見祥符縣

賊窘遂拔其城此其經營措置一何密也從來有事

河南其大略固不能過此哉

讀史方輿紀要

卷四十七

河南二

開封府。

東至歸德府三百十五里。東北至山東曹州三百里。東南至江南潁州五百四十里。南至汝寧府四百六十里。西至河南府四百二十里。西南至南陽府潁州五百五十里。西北至懷慶府三百七十里。北至直隸開州五百五十里。自府治至京師一千五百

里。八十

禹貢豫州之域。春秋時爲鄭地。戰國時爲魏郡。

魏惠王自安邑徙郡大梁。卽此。

秦屬三川郡。漢置陳留郡。晉爲陳留國。

其後沒于

羣寇。石虎改爲建昌郡。

後魏亦曰陳留郡。東魏置梁州及陳留。開封二郡。

天平四年。梁州附于西魏。僑置北徐州于此。旋復入于東魏。

北齊以開封省入

陳留。後周改梁州爲汴州。隋廢陳留郡。大業初。并廢州。分其地入滎陽。梁。潁川等郡。唐初置汴州。天寶初。改陳留郡。乾元初。又爲汴州。興元二年。自宋州徙宣武軍于此。朱梁建都升東京。開封府。後唐復爲

汴州。宣武軍。晉復都此。仍曰東京。開封府。

契丹入汴。仍曰汴州。尋亦曰宣武軍。

漢周皆因晉舊。宋太祖復定都焉。亦曰東京。

開封府。金曰汴京。廢。主亮改曰南京。宣宗珣遷都焉。元曰南京路。至元二十五年。改汴梁路。明朝洪武初。建北京于汴梁。復曰開封府。北京。今領州四。縣三十。

尋龍

府川原平曠。水陸都會。戰國時。張儀說魏哀王曰。魏地四平。諸侯四通。條達輻輳。無有名山大川之限。魏之地勢。故戰場也。楚漢間。酈生說漢王曰。陳留天下之衝。四通五達之郊。唐韓宏曰。大梁襟帶河汴。控引淮泗。足以禁制山東。後唐郭崇韜曰。汴州關東衝要。地富人繁。石敬瑭說李嗣源曰。大梁天下之要會也。胡三省曰。大梁控引河汴。南通淮泗。北接滑魏。舟車之所湊集。且梁舊都也。故敬瑭云然。及敬瑭入洛。議徙大梁。時范延光鎮天雄。謀作亂。桑維翰曰。

大梁北據燕趙。南通江淮。水陸都會。形勢富饒。大梁距魏。不過十驛。彼若有變。大軍尋至。所謂疾雷不及掩耳。天福三年。晉主以大梁舟車所會。便于漕運。遂建東京。宋人謂汴都背倚燕趙。面控江淮。秦嶽鎮其左。溫洛縈其右。爲天下輿

區。然形勢渙散。防維爲難。開寶九年。太祖幸洛。欲畱都之。羣臣及晉王光義力諫。太祖曰。遷河南未已。終當居長安耳。光義問故。曰。吾欲西遷。據山河之勝。以去冗兵。循周漢故事。以安天下也。光義等復力請還汴。帝不得已從之。歎曰。不出百年。天下民力殫矣。

史記。張儀說魏曰。卒戍四方。守亭障者參列。粟糧漕戾不下十萬。鮑氏注。他國或有山川間阻。惟梁無之。以卒戍守。陳無

己曰開封無山川之阻爲四戰之地故大祖以兵爲警衛畿內常用十四萬人

仁宗景祐三年范仲淹與宰相呂夷簡論建都之事仲淹曰洛陽險固

汴爲四戰之地太平宜居汴卽有事必居洛陽當漸廣儲蓄繕宮室時不能用慶歷四年韓琦自陝西

還朝請修京師外城

慶歷三年琦條事所宜先者亦謂莫如先營洛邑

言北戎勢重京師坦而無備若一朝稱兵深入必促河朔重

兵與之力戰彼戰勝則疾趨澶淵

見直隸開州

若京城堅固戒河朔之兵勿與戰彼不得戰欲深入則前有

堅城後有重兵必阻而自退退而邀之擊之皆可也故修京師非徒禦寇誠以伐深入之謀諫官余靖

言王者守在四夷今無故而修京城是舍天下而爲嬰城自守之計遂不果行及靖康之禍金人邀中

山河間太原三鎮地許之陳東等言無三關四鎮

高陽瓦橋益津三關太原中山河間真定四鎮

是棄河北也棄河北朝廷能復都

大梁乎楊時亦言河朔爲朝廷重地而三鎮又河朔要藩一旦棄之使敵騎疾驅貫我心腹不數日可

至京城若三鎮拒其前吾以重兵躡其後尙可爲也旣而岳飛亦說張所曰國家都汴恃河北爲固云

明初嘗幸汴梁議徙都之不果蓋雖恃德不恃險而設險重閉之義亦未可略而不講也建都議曰都

汴者以河汴流通輓輸便易爲美談宋張方平曰京師所謂陳畱八達之地也國依兵而立兵以食爲

命食以漕運爲本。漕運以河渠爲主。國家浚河三道。通京城漕運。曰廣濟。曰惠民。曰汴河。詳見前太倉蓄

積。三軍士庶咸取給焉。此建國之本也。宋會要。東京以惠民。金水。五丈。汴。爲四渠。而汴。黃。惠民。五丈。亦曰四河。雖然。蘇代有言。決滎口。魏無大梁。

魏公子無忌亦曰。決滎澤水灌大梁。大梁必亡。及秦攻魏。王賁果引河溝以灌大梁。王假被虜。一國爲

魚。宋端平初。趙葵入汴。蒙古決黃河寸金淀水灌之。寸金淀見祥符縣。葵敗還。紀聞。崇禎十五年。團賊圍城。河決城西北十

城壞。軍民死者數萬。蓋往古之禍。復中於今日也。王氏有言。汴四戰之地。受敵最深。梁末帝之禍。甚於王假。靖康之辱。幾於石晉。况

滔天之浸。近在咫尺之間。言建都者。其亦有鑒于往事哉。

今府城。宋東京城也。舊志。外城周四十八里有奇。周顯德中。世宗所築。名曰新城。宋大中祥符九年。元豐元年。俱增築。政和六年。又屢築京城南面。亦曰國城。裏城周

二十里有奇。汴州舊城也。唐建中初。節度使李勉所築。宋亦曰國城。金主珣興定二年。築汴京裏城。蓋因舊城增修之。宮城周五里。曰大內。據開城西北。亦曰皇城。宋會要。大內即宣武軍治所。朱梁建都。遂

以衙署爲建昌宮。晉天福初。爲大寧宮。周世宗又少加營繕。宋建隆三年。廣皇城東北隅。四年。按洛陽宮殿。益加修治。乾德二年。導五丈河通皇城爲池。自是屢增修之。靖康元年。种師道言。京師周迴八十

里。高數十丈。此言外城也。紹定五年。蒙古攻金汴城。京城周二十里。不能徧守。此言裏城也。又宮城門

凡六。南面三門。中曰乾元。

朱梁曰建國門。後唐因之。石晉天福三年。改曰明德門。開運三年。契丹遣降將張彥澤將騎先趨大梁。自封邱門斬關入。頓兵明德門外。城中大擾。既而契丹主入封邱門。至明德門下。馬拜而後入宮。

漢乾祐初。郭威入汴。遣兵守明德門。諸軍大掠。後周仍曰明德。宋因之。太平興國二年。改丹鳳。大中祥符八年。改正陽。明道二年。改建德。雍熙初。改曰乾元。其後因之。金史。宮城南外門曰南薰。以次而北。有豐宜。丹鳳。承天。大慶。諸門。以達于大慶殿。東曰左掖。西曰右掖。

金史。左右掖門。在承天門。東西南薰門之內。

東面一門曰東華。

舊名寬仁。石晉開運三年。張彥澤自寬仁門傳契丹之命。是也。宋開寶三年。改今名。又熙寧十年。改東華門內北便門曰影門。

西

面一門曰西華。

舊名神獸。開寶三年。改。

北面一門曰拱宸。

舊名元武。大中祥符五年。改今名。又熙寧十年。改門內西橫門曰臨華。金史。北一門曰安貞。明朝洪武初。幸宋故宮。十二年。即其處建周王府第。

裏城門凡十。南面三門。中曰朱雀。

本名尉氏門。朱溫襲李克用于上源驛。克用脫圍。登尉氏門。縋城得。出梁開平元年。改爲高明門。晉天福三年。改爲薰風門。宋曰朱雀門。

東曰保康。西曰

崇明。

宋國史。南面本二門。祥符五年。始作保康門于朱雀門東。

東面二門。南曰麗景。

初名宋門。胡氏曰。宋門。大梁東面南來第二門也。朱梁改曰觀化。石晉天福三年。又改曰仁和。周顯德六年。將士推趙匡胤爲帝。自陳橋驛還。

汴從仁和門入。俗仍呼爲宋門。麗景蓋宋名也。

北曰望春。

本名曹門。汴城東面北來第一門也。梁開平初。改曰建陽。晉天福三年。改曰迎春。漢乾祐末。郭威自鄆都南下。漢主遇弒。郭威自迎春門入。歸私第。

西面二門。南曰

閭闔。

舊曰鄭門。西面南來第一門也。梁改爲開陽門。晉爲全義門。周爲迎秋門。汴人仍呼爲鄭門。五代漢乾祐三年。大風吹鄭門扉。起十餘步而落。即此。

北曰宜秋。

舊曰梁門。西面北來第一門也。朱溫開平元年。改乾象門。俗仍呼爲梁門。後唐

同光初。軍至汴。唐主入自梁門。晉天福三年。改乾明門。宋曰宜秋門。

北面三門。中曰景龍。東曰安遠。

本名醴泉門。北面東來第一門也。五代梁開平初。改曰興和。晉天福三年。改曰元化。漢乾祐末。郭威南下。漢主自出

禦之。諸軍逃潰。漢主還至元化門。權知開封劉銖自門上射之。漢主走死。既而郭威西曰天波。宋人引金水河入天波門。貫于皇城。內按舊門曰陳橋。封邱。酸棗。酸棗門。至銖復射之。威遂自迎春門入。門內有土阜曰夷山。或曰大梁舊有夷門。蓋本於此。

在封邱之東。梁開平元年。改封邱為含耀。時人仍謂之封邱門。後唐同光初。李嗣源至大梁。攻封邱門。梁人開門出降。四年。嗣源引軍至滑州。以石敬瑭為前驅。趣汴。敬瑭使裨將李瓊以勁兵突入封邱門。敬瑭臨其後。自西門入。遂據其城。晉天福三年。嘗改為宣陽。開

運末。契丹入汴。晉主迎於封邱門外。宋太平興國四年。俱易以新名。金史都城門凡十四。曰開陽。曰宣仁。曰安利。曰平化。曰通遠。曰宜照。曰利川。曰崇德。曰迎秋。曰廣澤。曰順義。曰迎朔。曰順常。曰廣智。蓋金主珣修築汴城。因增易諸門也。

外城門凡二十有一。南面三門。中曰南薰。亦曰朱明門。靖康二年。欽宗留于青城。金人壅南薰門路。東曰宣化。靖康二年。金人圍汴。攻宣化門。

曰安上。俗曰戴樓門。東面二門。南曰朝陽。金人入青城。北曰賓賓。本名含暉。太平興國四年。改曰賓賓。天聖初。復曰含暉。西面三門。中曰開遠。

一名千秋門。宋志。太平興國中。於金輝門南置。本名通遠。天聖初。改曰開遠。南曰順天。靖康初。馬忠以援兵敗金人於順天門外。西路稍通是也。俗名為新門。北曰金輝。北面四門。中曰通天。

一名天津。宋志。天聖初。改寧德。後復曰通天。東曰景陽。宋志。作長景。靖康初。金人攻宣澤門。又攻天津。景陽門。次東曰永泰。西曰安肅。宋志。初號衛州門。太平興國四年。改今名。門外有安肅教場。又

南面水門二。曰普濟。在南薰門東。惠民河上水門。曰廣利。在南薰門西。惠民河下水門。胡也。胡氏曰。惠民河出宣化門。氏曰。惠民河自戴樓門入京城。東面水門三。曰上善。在通津門南。汴

河南水。曰通津。在朝陽門南。汴河北水門。天聖初。改廣津門。熙寧十年。復曰通津。靖康二年。金人轉攻通津門。曰咸通。在賓賓門北。五丈河下水門也。天聖初。改曰善利。

西面水門二。曰大通。

在順天門北。汴河上水南門也。宋志：太平興國四年，賜名大。曰成豐。在金輝門北，五丈河下水門也。靖康初，金人犯成豐門。曰宣澤。在成豐門北，舊亦曰大通。天聖初，改順濟，後復舊，亦曰利澤水門。汴河自此入城。通熙寧十年，改曰宣澤。

汴河上水北門也。靖康二年，金人攻宣澤門。北面水門一，曰永順。在安肅門西，五丈河上水門也。熙寧十年創建。岳珂程史載：藝祖初修汴京，大其城址，紆曲

縱斜，時人罔測。神宗嘗欲改作而未果。政和間，蔡京擅國，乃一撤而方之，墉堞樓櫓，雖甚藻飾，而無復

曩時之堅樸。靖康金馬南牧，二將揚鞭城下，有得色曰：是易攻耳。一將令植砲四隅，隨方而擊，城既引直，一砲所壓，一壁皆不可立，竟以此失守。然後

知藝祖之沉幾遠覩也。又世傳周世宗築京城，取虎牢土為之，堅密如鐵。蒙古將速不臺攻汴，用砲石

晝夜擊之，不能壞，乃因外壕築城，圍百五十里。晝夜擊攻，竟不能拔。按此謂汴之裏城，裏城周世宗嘗增築之，金宣宗又修築焉。時金人棄外城，專守裏城，觀

金主守緒請和於蒙古，遣其臣楊居仁出宜秋門，以酒炙犒師，可見。會崔立叛降汴，京乃下李濂汴京遺跡曰：汴城舊有十三門，南曰南薰、陳州、

戴樓，東曰新宋、揚州，新曹，西曰新鄭、萬勝、固子。新鄭，西面從南第一門也。即順天門。萬勝，西面從南第三門也。即開遠門。固子，西面從南第四門也。即金輝門。北曰陳橋、封

邱、酸棗、衛州。此兼舊裏城外城而言。蓋時代既移，見聞錯悞。今道路所通者，惟新曹、新鄭、陳州、揚州、南薰、固子、封邱、七門而已。城邑考至

元中，盡毀天下城隍，開封城亦僅餘土阜。洪武九年，始營築，鑿以磚石，周二十里有奇。有門五，東曰麗景，南曰南薰，西曰大梁，北曰安遠，東北曰仁和，宋金遺址，不可復問矣。

祥符縣

附郭故大梁魏郡也。漢曰浚儀縣。屬陳留郡。後漢因之。晉屬陳留國。後魏仍屬陳留郡。東魏于此置梁州。後周改汴州。隋大業初州廢。縣屬滎陽郡。唐仍置汴州。治浚儀縣。宋祥符中改今名。今編戶七十五里。

浚儀廢縣

在今城西北。漢縣治此。晉地道記。衛儀邑也。蘇林曰。故大梁城。梁惠王始都此。秦昭王三十二年。穰侯攻魏。至大梁。始皇三十二年。王賁攻魏。引河溝灌大梁。大梁城壞。史記。大梁東門曰夷門。侯嬴為夷門監。即此。括地志。今大梁城北門。

是也。輿地志。夷門之下。新里之東。浚水之北。象而儀之。以為邑名。漢武元年。廢新里而立浚儀縣。宋元嘉中。後魏陳留郡治浚儀。亦謂之大梁城。又魏主子攸永安二年。梁將陳慶之送元顥北入洛。元天穆等攻大梁。拔之。遣將攻虎牢。慶之還擊。天穆敗走魏。主恭善奉初。徐州刺史爾朱仲遠自滑臺徙鎮大梁。隋亦為浚儀縣治。舊唐書。隋浚儀縣。在今縣北三十里。為李密所陷。縣人王粟漢率豪族置縣于故汴州城內。義寧元年。于縣復置汴州。唐武德四年。移縣于州北羅城內。貞觀中。移于州西一里。元和中。移入郭內。

開封廢縣

在府南五十里。魏邑也。史記。韓釐王二十一年。使暴鸞救魏。為秦所敗。鸞走開封。漢初曹參西至開封。擊秦趙賁軍。破之。開封開封城中。又沛公以酈商為將。將陳留兵與偃攻開封。是也。高祖封功臣陶舍為侯邑。後為縣。屬河南郡。晉屬

滎陽郡。後魏孝昌中。改屬陳留郡。東魏增置開封郡。齊郡廢。隋屬鄭州。唐屬汴州。貞觀初省入浚儀。延和初。復析置開封縣。移入郭下。宋因之。明初省入祥符。

新里城

在府西南。秦舊邑也。漢武帝時廢。隋開皇中復置新里縣。大業初廢。隋末復置。唐初屬汴州。武德七年。廢入浚儀縣。又信陵亭在府城東南隅。志云。魏公子無忌嘗居此。因名。

青城

有二。一在南薰門外。宋祭天齋宮也。謂之南青城。封邱門外又有北青城。宋祭地齋宮也。靖康末。金人復圍汴。韓離不自真定。趣汴至城下。屯于城東劉家寺。粘沒喝自河陽趣汴。屯于青城。既而金人入青城。攻朝陽門。又紹定六年。蒙古速不臺攻汴。至

青城。金叛將崔立以汴京降。盡逐后妃諸王于青城。皆南青城也。

鳳凰山

在府城東北隅。宋徽宗所築。初名鳳凰山。後改壽山。長嶽。上爲華陽宮。峯巒蟠。洲渚池沼。皆以人力爲之。窮奇極勝。後爲金人所毀。僅存土阜而已。

駝牟岡

在城西北郭外。宋靖康元年。金人使汴。據駝牟岡。天驕監。既而援兵稍至。乃守駝牟岡。增壘自固。又紹興三年。襄鄆將李橫敗劉豫兵。復穎昌府。傳檄收東京。劉豫以金人逆戰于駝牟岡。橫敗還。

赤岡

府東北十二里。水經注。渠水東南逕赤城北。卽赤岡也。今名霍赤岡。唐光啓三年。蔡州賊秦宗權寇汴州。其黨分屯赤岡及板橋。劉三十六寨。連延二十餘里。既而朱溫大敗宗權。將強旺於赤岡。五代石晉末。契丹主至汴。駐馬赤岡。晉百官伏路側請罪。

既入城。日暮復出。屯於赤岡。漢隱帝末。郭威自鄴都渡河南下。帝遣諸軍屯赤岡拒之。卽此。

葛家岡

在府城西南。志。嘉祐二年。大水入京城。有司請自祥符西葛家岡開新河。直城南好草坡。北入惠民河。分注魯溝。以紓京城之患。是也。今河埋而岡存。又墓天坡亦在城西。宋靖康初。李綱帥軍救姚平仲。與金人遇戰於墓天坡。卽此。金人敗走姚平

仲始得由坡而還。

黃河

今在府城北十里。舊黃河在城北四十餘里。自汜水入境。東達虞城。自洪武二十四年。河決原武之黑陽山。而故道淤。河去城北不過五里。正統十三年。決滎陽。過開封。西南自陳州項城達江南亳州入渦口。又經蒙城至懷遠。界入淮。而汴城且在河北矣。自是以後。雖數經塞治。而橫決不時。梁宋陳穎之交。浸淫沮洳。幾無寧宇。嘉靖四十四年。已後。河患移於徐浦。而汴南之患稍紓。崇禎十五年。賊圍城日久。城北枕黃河。乃決城西北十七里。朱家寨瀆城。城傾頽。毫以東皆受其患。汴錄汴之要害。莫甚於河。

秦王賁引河以灌大梁矣。五代時晉梁夾河而爭晉雖屢勝不敢自黎陽南渡者梁之戍守嚴也。宋靖康之禍金人至黎陽入滑州河南無一人禦敵者金人取小舟徐濟笑曰南朝可謂無人若以一二千人守河吾豈得渡哉既而李綱請固守京城神師道亦議設策拒之俟其情歸扼而殲諸河網又請扼河津絕餉道分兵復畿北諸邑而以重兵臨敵營堅壁勿戰俟其食力皆盡然後縱其北歸半渡而擊之此必勝之計皆不聽建炎初宗澤守東京據形勝立二十四砦于城外沿大河鱗次爲壘結兩河水砦潁河七十二里命十六縣分守之端平元年趙葵入汴蒙古引軍南下決黃河寸金淀水灌之官軍多溺死者遂引還寸金淀舊在城北二十餘里蓋河隄之別名也今詳川瀆異同

汴水

舊在城南宋時自黎陽東南流經府城內東入歸德府界今合須鄭京索之水自中牟縣北入河不復引而東也舊志汴渠卽故鴻溝戰國策蘇秦說魏襄王曰大王之地南有鴻溝史記漢四年項羽與漢王約中分天下割鴻溝以西爲漢東爲楚應劭

曰楚漢會處在黎陽東南二十里自黎陽以下復分二渠一渠東經陽武縣中牟臺下爲官渡一渠東南流至浚儀縣爲鴻溝秦始皇使王賁伐魏斷故渠引河東南出以灌大梁謂之河溝卽鴻溝也鴻溝口在河口東百里或謂之陰溝或謂之葦蕩渠或謂之汴渠宋張洎曰鴻溝卽出河之溝也太平興國二年汴水溢壞開封西大寧堤浸民田淳化二年汴決浚儀景德三年京城汴水暴溢皆詔有司相視築塞蓋宋漕渠之利莫過于汴而亦時被決溢之患蘇氏曰自唐以前汴泗會于彭城之東北然後東南入淮近歲汴水直達于淮不復入泗禹貢揚州言汴于江海達于淮泗是時江無通淮之道也徐州直云浮于淮泗達於河則鴻溝官渡汴水之類自禹有之明矣詳見大川

蔡水

在城東南自汴河分流爲蔡水亦曰沙水沙孔氏譚爲蔡下流至歸德鹿邑縣合于潁水宋開寶中賜名惠民河爲漕運四河之一今多堙廢詳見前大川潁水○水通河舊在府城西南亦曰永濟河卽宋嘉祐中自葛家岡穿河引溢水入惠民等河處

也今

亦廢

五丈河。在城北亦自汴河分流東通曹鄆諸州宋開寶中賜名廣濟河爲漕運四河之一。建炎初宗澤留守東京開五丈河以通西北商旅卽此今堙亦詳見大川類水。

金水河。在城西其上游卽蔡陽縣之京水也宋建隆二年命衛將軍陳承昭鑿渠引水過中牟凡百餘里抵都城架其水橫絕于汴設斗門入浚溝通城濼東匯于五丈河公私利焉乾德三年又引金水爲渠達於皇城歷後苑內大中祥符二年又詔內使

謝德權引爲渠自城北天波門入並皇城至乾元門引而東由城下水竇入于濼元豐五年金水河透水槽阻礙上下汴舟遺宋用臣按視請自板橋爲一河引水北入汴旣而改由副堤河入蔡以源流深遠與京西永安青龍河相合賜名曰天源其後導洛通汴自城西引洛水由永豐門立堤三千餘步入禁中而金水河槽廢政和間復命內侍宋昇等于城內七里河開月河一道分水灌入禁中重和初復導入內庭又于城西南水磨口引索河一派架以石梁絕汴南北築隄導入天源河以助之宋會要金水河汴都漕運四渠之一也今涸。

白溝河。在城東含輝門外河無山源以潦滷爲盈竭輿地廣記河出自封邱縣界亦曰湛渠唐載初元年引汴水注白溝以通徐兗之漕其色湛潔故名宋至道元年博士邢用之等請開白溝自京師抵呂梁口凡六百里以通長淮之漕議中止咸平六年

白渠溢用之乃自襄邑疏下流以導京師積水而民田無害大中祥符二年金水河決議者謂汴河南三十六陂古蓄水之地必有下流通河熙寧六年都水丞侯叔獻請開白溝諸三十六陂及京索二水爲源做眞楚州開平河置牐使四時可行舟則汴渠可廢旣而都水監復言白溝自睢河至淮凡八百里乞分三年興修從之旋廢政和二年都水丞孟昌齡復修白溝開堰通流功未及成呂梁見江南徐州襄邑今睢州也○護龍河宣化門外城壕也靖康二年郭京以妖術爲將開宣化門出兵攻金人金人擊之京兵敗走墮死于護龍河者甚衆城遂陷金人焚南薰諸門

浚水。舊在城北。詩爰有寒泉。在浚之下。竹書紀年。梁惠王三十一年。為大溝于北郭。以行圃田之水。縣北有浚水。俛而儀之。曰浚儀。志云。今城西三十里有寒泉。即詩所稱者。浚水為汴水所奪。故汴水經大梁北。亦兼浚水之名。漢明帝時。王景作浚儀渠。蓋

即汴渠也。水經

亦謂之渠水。

通濟渠

在城西南二里。隋煬帝所鑿。以引汴水。杜佑曰。陳留郡城西有通濟渠。煬帝大業初。開以通江淮漕運。兼引汴水。又城西十里有琵琶溝。從中牟縣流入。本秦漢運路。煬帝幸江都。始鑿溝入通濟渠。以形似琵琶。因名。又有睢陽渠。魏志。建安七年。魏

武至浚儀。治睢陽渠。蓋東達睢陽之渠也。○掣水河有二。一在城南。戴樓門外。東流。一在城東。揚州門外。南流。俱至城東南二十里入汴河。明朝洪武中。黃河決溢。疏鑿二河。以分洩之。因名。

金明池

在城西故瓊林苑北。宋太祖置神衛水軍。以習舟師。太平興國元年。詔鑿池。引金水河分注焉。每臨幸觀水戰。祥符六年。詔諸軍選江淮習水卒于金明池試戰。棹立為虎翼軍營于池側。又講武池。在南薰門外。故玉津園。東抵宣化門。宋建隆四年。

鑿以習水戰。引蔡水注之。名教船池。開寶六年。改曰講武池。又凝碧池。在城東南平臺側。唐牧澤也。宋真宗時鑿為池。今俱淤塞。

沙海

在府城西北十二里。戰國策。齊欲發卒取周鼎。顏率說曰。梁君臣欲得九鼎。謀於沙海之上。指此也。隋文帝疏鑿舊渠。引汴水注之。習舟師以伐陳。今塞。

蓬陂

即蓬澤也。在縣東南二十四里。左傳哀十四年。宋皇野語向巢。蓬澤有介。梁崙。蓬澤去宋遠。或曰蓬猶遇也。澤即宋之孟諸。周顯王二十六年。秦孝王使公子少官帥師會諸侯于蓬澤。以朝王。汲郡古文。梁惠王發蓬澤之蔽。以賜民。漢志。開封有蓬澤之

川。謂蓬陂忌澤也。後合為蓬澤。晉永嘉末。有蓬陂塢。亦為蓬關。石勒與乞活。陳午相攻于蓬關。是也。其地又為陳川城。晉大興初。蓬陂塢主陳川自稱陳留太守。附于祖逖。繼而以浚儀叛。降石勒。遂攻川于蓬關。勒救之。遂敗退。勒尋遣將桃豹守川故城。遂亦

遺將韓潛分據其城。潛由東門，豹由南門，勒遣將運糧饋豹。至汴水，遂遣別將馮鐵遊擊。盡獲之。豹宵遁，遂使韓潛進屯封邱。馮鐵據二臺，遂鎮雍邱。威聲甚振。二臺即在陳川城內。韓潛與桃豹據城時，潛居東臺，豹居西臺是也。唐志：蓬澤亦爲蓬池。天寶六載，改爲福源池。禁魚採。○霧澤陂在府西南。宋熙寧九年，議引陂水至咸豐門。合京索河。元祐初，詔斥霧澤陂募兵承佃，增置水匱爲廣濟河。上源今涓。

滌隄。一統志：在城東六里。隄東至歸德凡三百餘里。亦曰隄隄。世傳梁孝王徙都睢陽時所築。○覆橋堰在城西。宋建隆元年置。又紹定五年，蒙古兵由唐鄆趨汴，金人議開短隄洩河以衝京城。短隄城北小河流也。

時和驛渡。府北十里爲防河要地。又府西北十五里有張家灣渡。又北五里爲陶家店。與府西北三十五里之劉獸醫口渡。府東北三十里之汪家樓渡。皆河防衝要也。又有翟家口渡。在府西北二十五里。

汴故宮。在府城內正北。朱梁始都此。曰建昌宮。石晉改爲大寧宮。周顯德中嘗修治之。宋營繕益廣。謂之大內。正殿曰大慶。其別殿以數十計。又有苑內諸殿綿延相屬。金人南徙復修而廣之。今爲周王府第。又壽聖宮在大內之東。宋爲母后所居。○龍德

宮在城內西北隅。宋徽宗潛邸也。卽位後廣之。易今名。又延福宮在府城安遠門內。亦徽宗所建。爲金兵所燬。又城內端禮街東西有東西景靈宮。宋時奉安歷代御容處。府東南三十里又有太一宮。宋太平興國中所建祠宮也。

臨蔡關。府東南四十里。五代周顯德中，浚閩水入蔡河沿潁入淮。以伐南唐。曾置關于此。今土人呼其地爲關頭。○通津關在府東北。五代周顯德中疏汴水入五丈河。以通齊魯。置關于此。

繁臺。在府南五里。本師曠吹臺也。梁孝王增築焉。亦曰平臺。後有繁氏居臺側。因曰繁臺。繁音蒲。朱梁開平初改爲講武臺。水經注：臺北有牧澤。中出關。蒲方一十五里。俗謂之蒲關澤。今層臺孤立於牧澤之右。晉世衰亂乞活憑居。世謂之乞活臺。又謂之婆

臺。唐中和二年黃巢圍陳州不克。引軍東北趨汴州屠尉氏。其將尙讓以驍騎五千逼大梁。至於繁臺。全忠將朱珍等擊却之。五代劉漢初知遠自洛陽入大梁。殺契丹所謂幽州卒于繁臺之下。

封臺。在南薰門外。洪武初。幸汴時所築。又有奉天臺。在城內。布政司治後。亦幸汴時祭天之所。○岳臺在城西九里。六國魏時築。此臺遙事霍山神。宋太祖建隆三年。臨幸岳臺。習騎射。又講武臺在城西千秋門外之楊村。宋太宗所築。咸平二年。又于都城東

北二十里東武村築臺。大閱熙寧八年。

又大閱八軍陣于宮城南之荆家陂。

杏花營。城西二十里。宋嘉定八年。蒙古由汝州間道襲金汴京。至杏花營。金人擊却之。元末劉福通據汴。察罕帖木兒遣兵四面攻圍。自將鐵騎屯杏花營。是也。成化十四年。黃河決于此。

陳橋驛。在城東北二十里。亦曰陳橋鎮。石晉末。杜重威以晉軍降契丹。契丹主入汴。使重威以其衆屯陳橋。謀悉誅之。不果。宋太祖禪位于此。咸平二年。契丹南寇。帝親繫之。車駕次陳橋。進次澶州。明朝洪武初。徐達定山東。引軍攻汴梁。至陳橋。元將左君弼等迎降。今有陳橋在驛之北。自

陳橋北六十里。即大名長垣縣。

上源驛。在城內。李克用引軍救朱全忠。全忠宴之于上源驛。乘夜掩襲。克用處也。晉天福五年。改爲都亭驛。又作班荆館于景陽門外。以延敵使。又懷遠驛在城東。周顯德五年。置宋太平興國二年。改爲都亭驛。又景德三年。作懷遠驛于汴河北。

朱僊鎮。在城南四十五里。宋紹興十年。岳飛大敗金人於郾城。進軍朱僊鎮。是也。今商旅所經。以朱僊鎮爲水陸會集之所。南舟北車。從此分枝。又城南五里有朱僊頓。又南五里爲棘店頓。宋時嘗射獵於此。○白沙鎮在城西三十里。金兀朮自鄭抵白沙。

距汴京密邇。

宗澤擊却之。

八角鎮。在順天門外。唐光啓三年。蔡賊秦宗權敗朱全忠於此。宋靖康初。梁師成賜死於八角鎮。○邊孝村在城北十五里。唐光啓中。朱全忠敗秦宗權之兵於此。追至陽武橋。橋蓋在陽武縣界。時宗權退屯鄭州也。

七里店。在城北二十里。今圯于水。五代漢隱帝末。郭威自鄴趣汴。至封邱。漢主遣諸軍拒之。侯益等屯赤岡。慕容彥超軍于七里店。既而南北軍遇于柳子陂。陂在七里店之東北。胡氏曰。在封邱之南。汴郊之北。又漢主自將禦郭威。夜宿七里寨。卽此。又郭

威篡漢。自澶州而南至七里店。進營於臯門村。薛居正曰。開封縣郭外有臯門原。○趙村在城西西南六里。漢隱帝遇害於此。又封禪寺在府城東。石晉末。契丹入汴。百官出迎于封禪寺。既而契丹遷晉主及其家人于寺內。

板橋。在城西七里。唐大歷十一年。河陽三城使馬燧破汴。宋叛將李靈曜引軍西屯板橋。光啓三年。秦宗權寇汴。其黨張晁屯北郊。秦賢屯板橋。既而爲朱全忠所敗。

郭橋。在城西北。唐長慶二年。宣武軍亂。以韓充爲節度使。充自滑入汴。軍于千塔。胡氏曰。其地在汴城北。既而敗宣武亂兵于郭橋。進軍萬勝。九域志。祥符縣有郭橋鎮。萬勝見中牟縣。○彰化橋。舊在汴城北。跨廣濟河。宋天禧二年。幸彰化橋。北教場闕武。

陳留縣。在府東五十里。春秋爲留地。屬鄭。後爲陳所并。故曰陳留。秦置縣。漢爲陳留郡。治管陳留國。治小黃。縣廢入焉。隋開皇六年。復置屬宋州。後屬梁郡。唐初屬杞州。武德四年。屬汴州。五代屬開封府。後因之。城周七里。有奇。今編戶四十八里。

陳留故城。縣北二十里。秦舊縣也。沛公項羽去外黃。攻陳留。又賜食。其說沛公襲陳留得秦積粟處也。漢元狩初。嘗建行宮於城內。晉太康志。故城南三里。又有小陳留城。今縣蓋隋初所置。城周七里。有奇。

小黃城。縣東北三十里。漢縣。屬陳留郡。高祖母昭靈后薨。此曰小黃園。留爲陳留郡治。後魏因之。北齊廢。或謂之下黃。今地名小黃村。元延祐中。大河自小黃村口決入。下流合潁入淮。○才城在縣南三十五里。左傳子產壅伯有於此。又縣境有耕鄉。後漢

建武初。封王常爲侯邑。

臨濟城。在縣西北五十里。秦邑也。秦章邯圍魏王咎于臨濟。齊楚救魏。邯大破齊楚軍。殺齊王田儂于臨濟。下漢初。曹參略陳留。取臨濟。是也。劉昭曰。平邱有臨濟亭。卽此。

牛首城。

在縣西南十一里。左傳桓十四年。宋伐鄭。取牛首。襄十年。晉伐鄭師。取牛首。俗謂之車牛城。○老邱城在縣北四十里。左傳定十五年。鄭罕達敗宋師于老邱。又縣西北九十里有平邱城。今見直隸長垣縣。蓋與縣接界也。

倉垣城。

在縣西城臨汴水。一名石倉城。相傳鄭莊公所築。以盛倉粟。晉懷帝永嘉三年。石勒寇信都。詔將軍王堪等討勒。勒略魏郡。至黎陽。王堪退保倉垣。明年。勒攻倉垣。殺王堪。四年。石勒復圍陳留太守王讚于倉垣。為讚所敗。五年。豫州都督荀晞以洛陽飢困。表請遷都倉垣。不果。既而洛陽陷。豫章王端自洛東奔倉垣。荀晞率軍官奉為皇太子。罷行臺。尋自倉垣徙屯蒙城。永和八年。晉將謝旆屯倉垣。尋以滎陽太守劉遜據此。後沒于慕容燕。太和四年。桓溫伐燕。不克。奔還。自東燕出倉垣。鑿井而飲。後又為姚秦所得。置兗州於此。義熙十三年。劉裕伐秦。沈林子自汴入河。克倉垣。宋永初三年。魏將滑稽陷倉垣。陳留太守殿殺降魏。仍置陳留郡於此。水經注。汴水出浚儀縣北。東經倉垣城南。即大梁縣之倉垣亭也。魏收志。浚儀有倉垣城。舊志城在陳留西南五十里。今城邑改置。故址不可復迹矣。

莘城。

縣東北三十五里。或曰。卽國語所謂莘墟也。今詳見山東曹縣。又縣南十五里有空桑城。相傳伊尹生此。蓋亦因莘城而名。

黃河。

在縣北三十里。自祥符封邱縣流入境。又東入蘭陽縣界。

汴水。

舊在縣北五里。自浚儀流入縣界。又經小黃城南而入杞縣界。○沙水在縣西南十里。卽故蔡河也。東流入杞縣。

睢水。

舊在縣東北四十里。合小黃河入杞縣。又東經歸德府之睢州。遼寧陵縣。後漢建安七年。曹操軍譙。至浚儀。治睢陽渠。蓋因睢水而作渠。漢志注。睢水於浚儀首受。葦落渠。東至取慮。而入于泗。取慮見江南虹縣。

巴河。在縣東北三十五里。一名泌水。黃河之支流也。元大德九年。黃河決。溢汴梁。因自汴梁東開董盆口。導支河入巴河。以殺其勢。既而正河流緩。并趨支流。巴河不能容。因南決歸德諸處。北入濟寧境內。大爲民害。復塞治之。今東經開陽儀封縣南入歸德。

府寧陵縣界。

復入于大河。

魯溝。在縣西北十七里。源出祥符之蓬澤。又東南經杞縣南。而合於汴河。

○觀省陂在縣東。唐貞觀十八年。縣令劉雅作陂蓄水。溉田百頃。

逍遙宮。在縣南六里。隋大業二年建。尋廢。

杞縣。在府東百里。東北至歸德府睢州考城縣九十里。古雍國。黃帝之後。殷周封夏。後於杞縣。置雍邱縣。屬陳留郡。晉屬陳留國。後魏置陽夏郡。北齊因之。隋初改置杞州。大業初州廢。以縣屬梁郡。王世充亦置杞州於此。唐初因之。貞觀六年。州廢。縣屬汴州。五代

晉改爲杞縣。漢仍曰雍邱。宋因之。

金復爲杞縣。今編戶百二十三里。

雍邱城。今縣治。春秋屬杞。括地志。武王封禹後于此。號東樓公。後屬宋。戰國屬魏。雍一作雝。左傳。襄九年。鄭圍宋雍邱。宋皇瑗圍。鄭師取之。史記。鄭世家。繡公十五年。韓景侯伐鄭。取雍邱。又秦蒙鶩拔魏雍邱。秦二世二年。沛公項羽自定陶西略地。破

秦軍于雍邱。又曹參南攻雍邱。擊李由軍。破之。後漢興平二年。陳留太守張邈使其弟超保雍邱。曹操攻拔之。魏曹不改封曹植爲雍邱王。東晉初。鎮西將軍祖逖爲豫州刺史。帥雍邱。屢破石勒軍。大河以南。多爲晉土。是也。劉宋永初三年。魏人渡河南。侵司

州刺史毛德祖遣將劉憐戍雍邱以備之。唐天寶十載。真源令張巡起兵討安祿山。西至雍邱。賊來攻。屢敗之。

外黃城

縣東北六十里。左傳魯惠公季年敗宋師于黃。杜預曰：外黃縣東有黃城。戰國策：蘇代曰：決白馬之口，魏無黃。濟陽。秦置外黃縣。二世二年沛公項羽自雍邱還攻外黃。漢四年項羽攻外黃，怒其不早下，將坑之，以舍人兒言而止。漢亦曰外黃縣。屬

陳留郡。郡都尉治焉。張晏曰：魏郡有內黃，故此加外。晉屬陳留國。後魏主濂延和三年置徐州于外黃。皇興初州罷，縣亦尋廢。高齊復置外黃縣。隋屬曹州。唐初屬杞州。貞觀六年廢。陳留風俗傳：外黃有大齊城，小齊城，又有葵倉科粟二城，皆汴水所經。杜佑曰：外黃縣東有黃城，兵亂之後城邑邱墟。因曰黃墟。晉太和四年桓溫伐燕，燕慕容厲逆戰於黃墟，敗走。又曲棘里。劉昭曰：在外黃城中。春秋昭二十五年宋公佐卒於曲棘。

高陽城

在縣西二十五里。顛頊高陽氏佐少昊有功封於此。酈食其居外黃，沛公兵過高陽，入謁，自稱高陽酒徒。文穎曰：高陽，聚邑名也。亦曰高陽亭。漢文帝子武改封梁，其地北界太山西至高陽。魏收志：雍邱有高陽城。

圍城

縣南五十里。春秋時鄭地。昭五年晉韓起逆女子杞，還過鄭，鄭伯勞諸圍，戰國策：楚人說頃襄王還射圍之東，解魏左肘。漢置圍縣，屬淮陽國。王莽居攝，東郡太守翟義起兵討之，敗于圍北。即圍城北也。後漢屬陳留郡。晉屬陳留國。後魏曰圍城縣，屬陽

夏郡。北齊縣廢。隋復置，屬宋州。唐初屬杞州。貞觀六年廢。五代周顯德三年征淮南，駐師于圍城鎮。即此。今亦曰南圍鎮。

令狐城

在縣西三里。唐至德初，令狐潮築以攻張巡，巡以糧運斷絕，去守睢陽。又縣北七里，有張柔城。元張柔鎮雍邱城，被水所圯，乃於城外築新城，創置解字，繼修復故城。號南杞。即今治也。○肥陽城在縣東北二十里。城家記：禹治洪水，在肥澤之陽，因

築此城。今有西肥集。

成安城

在縣城東。漢縣，屬陳留郡。武帝封韓延年為侯邑。後漢縣廢。風俗傳：成安縣今名利望亭。○陽樂城在縣東北四十里。述征記：城在汴北一里。周五里。蓋符秦時所置。又有祺城在縣西北十八里，亦曰箕城。隋末王世充嘗置縣于此。又吳起城志云。

在縣東北十里。

傳吳起屯兵處。

桃陵

在縣東南十里。唐至德初張巡守雍邱擊賊衆於白沙渦。還至桃陵遇賊救兵悉擒之。卽此處也。白沙渦在歸德府寧陵縣。又縣東南三十五里曰青陵亦名青陵保縣西南五十里曰翟陵又十里爲石障縣東北二十里有武陵皆土阜也。志亦謂之五

陵。今多漫漶者。○韓岡在縣西三十五里。又西至陳留四十里往來所經之道。

汴水

在城北。自陳留縣流入。經縣東北境而入睢州界。志云縣北四十里有蒲口。舊時汴水分流處也。元大德初河決于此。

睢水

在縣北五十里。自陳留縣流入境。又東入歸德府睢州界。水經注。睢水首受浚儀。荏蕩水。東經高陽故亭北。

魯溝

在縣南。自陳留縣流入境。下流入于汴河。○白楊陂在縣東。水經注。陂方四十里。儲水溉田處也。今濶。

漢隄

在縣北。卽漢永平中王景所治者。縣有隄河。因此而名。又北五里有隋隄。大業中所築。自大梁至澶口者也。澶口或曰卽老鸛河。見江南淮安府。

鳴鴈亭

在縣東四十里。水經注。汜水東逕亭南。春秋成二年衛侯伐鄭。至於鳴鴈。俗謂之白鴈亭。

通許縣

在府東南九十里。東至杞縣六十里。本陳留扶溝二縣地。宋初置通許鎮。咸平中升爲咸平縣。屬開封府。金改今名。編戶二十五里。

上倉城。縣西八里。五代周世宗所築。爲漕運轉輸之處。

鷲鷲岡。縣東南四十里。相傳有鳳集此。故名。縣境又有吳召岡。李大岡。青岡。堅岡。硃砂岡。樸子岡。七里等岡。大者綿亘數里。居民避水患。多築廬于其上。志曰。縣當祥符。陳留二邑之衝。要岡阜環列。河流榮繞。

蔡河。在縣西。志曰。蔡河自祥符之范村。流入縣北。分爲兩道。名雙溝河。至縣西復滙而爲一。下入扶溝。建開啓閉。宋時通江淮之漕道也。宋志。建隆二年。浚蔡河。設斗門節水。自京距通許鎮。○舊黃河志云。自汴西杏花營分流。經縣西三里。南達扶溝。今涸。

太康縣。在府東南二百里。東至睢州柘城縣八十五里。南至陳州七十里。相傳夏太康所築城。漢置陽夏縣。屬淮陽國。東漢屬陳國。晉屬陳州。五代梁屬開封府。宋宣和初。改屬

拱州。金仍屬開封府。今編戶三十六里。

陽夏城。即今治漢縣也。秦爲陽夏鄉。陽夏人吳廣起兵於斯。是也。漢元年。令將軍薛歐。王吸。出武關。逆太公呂后于沛。楚發兵距之。陽夏五年。追項羽至陽夏。南洪氏曰。陽夏鄉。今去太康縣三十里。後漢建安初。陳王龍屯陽夏。袁術遣客詐殺之。晉永嘉五

年。石勒攻陳留太守王讚于陽夏。擒之。即此地。又縣西北五里有霸王臺。臨渦水。俗謂之項王將臺。亦曰漢王臺。縣南二十里。又有南拒臺。北拒臺。相傳楚漢相拒處。相去各一里。亦謂之南拒城。北拒城。

渦水。在縣北五里。其上游自通許境。接蔡水。流經縣北。東南經柘城縣及鹿邑縣境。又東入江南亳州界。水經注。渦水首受蔡。東流經陽夏北。其下流入於淮。是也。今有秋江泊。在縣東南二十里。渡通柘城。○五里口渡。在縣西南五十里。路通西華縣。

義安驛。在縣南三十五里。路出陳州。此爲中頓處。又縣西南三十里有長陵岡。洪武初。置遞運所於此。

尉氏縣

府南九十里。西南至許州百三十里。春秋鄭大夫尉氏邑。秦置縣。漢屬陳留郡。晉屬于陳留國。後魏亦屬陳留郡。東魏改屬開封府。北齊省。隋復置。屬許州。王世充于此置尉州。唐武德四年。改置南汴州。貞觀初州廢。縣屬汴州。今編戶二十六里。

康陰城

縣東南四十里。隋末置。唐初屬洧州。貞觀初廢。志云。武德四年。安撫使任瓌于古齊城置康陰縣。又有苑陵城。在縣西南四十里。古山氏城也。竹書紀年。梁惠成王十六年。秦公孫壯率師城山氏。即此。唐武德四年。任瓌于新鄭縣界內移苑陵縣治。

山氏城。屬洧州。貞觀初廢。

山氏城。屬洧州。貞觀初廢。

向城

在縣西南五十里。左傳襄十一年。諸侯伐鄭。會于北林。師于向。杜預曰。向城在長社東北。即此。又十四年。晉及諸侯會吳于向。二十年。仲孫速會莒人盟于向。○莒氏城在縣西北四十里。左傳昭五年。鄭伯勞楚。屈生于莒氏。又蔣城在縣西六十里。與新

鄭接界。或以爲即春秋時蔣國。所謂凡蔣邢茅者。又有鍾城。魏鍾縣故居。在縣西北五十里。

鷄鳴城

在縣西南三十里。竹書魏惠成王元年。韓伐魏。軍于鼻澤。城北對雞鳴城。是也。又七里爲三亭岡。秦王稽與范雎言。待我三亭之南。即此。○蔡陂城在縣西南四十里。與鷄鳴城相近。志云。隋末嘗置縣於此。

沙水

縣東五十里。自祥符縣流入。即宋之惠民河。宋祥符元年。惠民河決于尉氏。遣使修塞。縣東有康溝。流合惠民河。即是。明溝之支流也。又有筆溝。在縣東北四十里。端直如筆。流合於康溝。引而南。合於大溝。其合處有大流堰。宋所置也。

長明溝

在縣西南四十五里。源出許州長葛縣界。經縣西南。瀕爲大陂。謂之蔡澤陂。東西五里。南北十里。或曰。即鼻澤陂也。在鷄鳴城南。長明溝又東南流。與大溝合。○大溝在縣西南十五里。東南流。與縣境衆水匯。今下流入於決河。

陵樹亭

縣東北三十五里。亦曰陵樹鄉。漢建安中。荀攸封陵樹侯。即此。其東有少曲亭。○少曲亭在縣東。陳留風俗傳。尉氏縣有少曲亭。俗謂之少城。水經注。康溝東經扶溝縣之白亭。又東經少曲亭。此河南之少曲也。

洧川縣

在府西南百五十里。南至許州六十里。西北至新鄭縣亦一十里。春秋鄭之洧。漢為潁川郡新汲縣地。唐初為尉氏縣地。宋為宋樓鎮。屬尉氏縣。金始置洧川縣。今編戶十七里。

新汲城

在縣南。春秋時曲洧也。成十七年。公會諸侯伐鄭。自戲童至於曲洧。神爵三年。置新汲縣。以河內有汲縣。故曰新汲。後漢章帝封馬防為侯邑。晉仍屬潁川郡。後魏因之。東魏改屬許昌郡。北齊廢。唐初復置。屬洧州。貞觀初廢。

匡城

在縣東北。左傳文元年。衛孔達伐鄭。伐綿訾及匡。又定六年。公侵鄭取匡。此鄭國之匡城也。

陰坂

在縣西。水經注。洧水又東經陰坂。北水有梁焉。俗謂是濟為參辰口。左傳襄九年。晉伐鄭。濟于陰坂。次于陰口。而還。杜預曰。陰坂洧津也。又縣西南十里有小阜。俗謂之牛牌山。舊傳即鄭莊公闕降見母處。

洧水

在縣南。源出河南府登封縣北陽城山。至禹州密縣。又東流。至新鄭縣合溱水。為雙泊河。經長葛縣北。為雙濟河。至縣南。又名雙泊河。西南有青龍泉水。合焉。經朱曲鎮。又東經鄆陵扶溝。西華縣境。而合于潁水。

朱曲鎮

在縣東南。本屬尉氏縣。金曰朱家曲。改屬今縣。洧水至此。回曲而東。因名。

鄆陵縣

府南百六十里。西南至許州六十里。東至扶溝縣四十里。春秋鄭邑。戰國屬韓。漢置鄆陵縣。屬潁川郡。晉及後魏因之。東魏屬許昌郡。北齊省入許昌縣。隋復置。又置洧州於此。大業初州廢。王世充復置。唐因之。貞觀初州廢。縣屬許州。宋改今屬。今編戶

二十九里。

鄆陵城

舊城在今縣西南四十里。春秋隱元年。鄭伯克段于鄆。成十六年。晉敗楚于鄆。昭曰。古鄆國。為鄭武公所滅。國語。虢鄆八邑。鄆其一也。史記韓宣惠王十四年。秦敗我于鄆。又秦始皇二十二年。李信攻楚鄆。鄆破之。胡氏曰。時楚遷壽春。所謂鄆

者。卽此郢謂陳州。魏曹丕封弟燕王宇爲鄆陵王。築臺于城中。名燕王臺。唐初移今治。括地志。故城在今鄆陵縣西北十五里。又縣南有朱津城。漢初功臣封鄆陵侯。因築此城。

安陵城。括地志在縣西北十五里。本鄭地。史記齊宣公四十二年。田莊子伐魯。葛及安陵戰。國時魏襄王弟安陵君封于此。公子無忌所云王之使者出過而惡安陵氏于秦者也。秦始皇二十二年滅魏。欲以五百里地易安陵。水經注安陵一名富平。陳國

風俗傳尉氏安陵鄉。故富平也。漢昭帝封張安世爲侯邑。蓋嘗爲尉氏縣界。又後漢志。征羌侯國有安陵亭。征羌見鄆城縣。杜佑云安陵在鄆城東南七十里。又魯魯城。葛長葛也。俱見後

洧水。在縣北二十里。自洧川縣流入境。又東南入扶溝縣界。

五女店。在縣西三十里。又西南三十里。卽許州也。相傳漢獻帝后伏氏與姊妹四人爲操所害。葬於此。

扶溝縣。府南二百里。南至陳州西華縣七十里。漢舊縣。屬淮陽國。以小扶亭有洧水之溝。因名。光武封朱鮪爲侯邑。改屬陳留郡。晉省。後魏復置。東魏屬許昌郡。隋屬許州。唐初於縣置北陳州。尋廢。以縣屬洧州。貞觀初仍屬許州。五代梁改今屬。今編戶二十九里。

扶樂城。在縣東南三十里。光武封劉隆爲扶樂鄉侯。卽此。隋開皇中置扶樂縣。屬陳州。唐貞觀初廢。志云扶樂城亦曰大扶城。其北又有小扶城。沙水逕二城之西而東南流。卽蔡河矣。

固城。在縣西南尹村保。通典云漢所築。周通皆水。勢甚固。其水亦曰二備溝。宋楊侃東京賦所云城通兩扶溝。適二備者也。

雍氏城

在縣西南四十里。春秋襄十八年，楚伐鄭，侵雍梁。又襄三十年，鄭伯有奔雍梁。戰國策：楚圍韓雍氏，即雍梁也。杜預曰：陽翟東北有雍氏城，今城接禹州界。

蔡水

在縣城東，自通許縣西流入境，又東南流入陳州界。

洧水

在縣西，自鄆陵縣流入境，又東南入西華縣界。宋志：洧水自許田注鄆陵，東南歷扶溝合于蔡，又溧水自臨潁歷鄆陵，扶溝亦合於蔡。蓋宋時導蔡河上流以通蔡處，亦謂之閼河。

桐邱亭

在縣西二十里。左傳：莊二十八年，楚侵鄭，鄭人將奔桐邱。又哀二十七年，晉荀瑤伐鄭，次於桐邱。杜預曰：許昌東北有桐邱，是也。陳留風俗傳：縣有白亭，楚封太子建之子勝為白公居此，又有雕陵亭，即莊子所云游于雕陵之樊者。

中牟縣

在府城西七十里。西至鄭州七十里。春秋鄭邑。漢置縣，屬河南郡。高帝封功臣單父聖為侯邑，晉屬滎陽郡。後魏省，尋復置。東魏初，增置廣武郡治此。後周移縣治圃田，隋初郡廢，改縣曰內牟，屬鄭州。開皇十六年，改曰鄭城。大業初，又改為圃田縣。仍徙

舊治。唐初復改中牟，并置牟州。貞觀初罷州，以縣屬管州。龍朔初，改屬鄭州。五代梁屬開封府。唐復屬鄭州。宋仍屬開封。今編戶三十七里。

中牟舊城

在縣東六里。縣舊治也。東漢初平二年，朱儁謀討董卓，以河南殘破，東屯中牟。三年，為卓將李傕等所敗。唐乾符三年，山東盜王僊芝等陷陽武，攻鄭州，昭義將雷殷得屯中牟，破走之。明朝天順中，徙今治。○清池廢縣在縣西，寰宇記中

牟有清陽亭，唐初置清

池縣，屬管州。貞觀初廢。

官渡城

在縣東北十二里，即中牟臺也。亦曰曹公臺。建安四年，曹操袁紹相持于官渡口，裴松之北征記：中牟臺下臨汴水，是為官渡。袁紹曹操壘尚存焉。晉永嘉初，東海王越鎮許昌，以石勒寇掠兗州，遣荀晞等拒之于平原，陽平問：越出屯官渡，為晞擊

援又縣西南有林亭。左傳宣元年。楚蔣賈救鄭。遇晉軍于北林。卽此。

牟山。縣北五里。縣南二十里有土山。又縣西南有馬。誌云。陵綿巨五十餘里。或曰卽故河隄也。

汴水。在縣南。又東流入開封城南。今淤。或曰在中牟。故城北。唐中和四年。李克用等敗黃巢於陳州。巢自陳趣汴。至中牟。又自中牟逾汴而北。克用邀擊之於封邱。是也。

官渡水。在縣北中牟臺下。鴻溝自滎陽下分二渠。一爲官渡水。是也。圃田澤在其南。又北則爲黃河。胡氏謂官渡卽黃河也。故袁曹相距。沮授曰。悠悠黃河。吾其濟乎。按袁紹敗後。幅巾渡河。則黃河在官渡北矣。

汜水。在縣南。東北入官渡水。今濶。杜佑曰。此爲東汜水。左傳僖三十年。晉及秦圍鄭。晉軍函陵。秦軍汜南。蓋此水之南也。又襄九年。晉會諸侯伐鄭。師于汜。蓋亦東汜云。

刁馬河。在縣東南。舊通汴河。宋元豐五年。范子淵等開清汴渠。引落入汴。旣而汴水增漲。提舉司言。京西四斗門。近京惟孔固斗門。可以泄水入黃河。其孫賈斗門雖可泄水入廣濟。然下尾穿狹。不能盡吞。惟於萬勝鎮舊減水河汴河北岸。修立斗門。淘舊

河。創開生河一道。下合刁馬河是也。今堙。

圃田澤。在縣西北七里。周職方。豫州藪曰圃田。史記。魏公子無忌曰。秦七攻魏。五入圃中。邊城盡拔。劉伯莊曰。圃田澤。中多產麻黃。詩所謂東有甫草也。東西五十里。南北二十六里。西限長城。東極官渡。高者可耕。窪者成澤。今爲澤者八。若東澤

四澤之類。爲陂者三十六。若大灰小灰之類。其實一圃田澤耳。

五池溝。

在縣西。亦曰五池口。今涸。曹魏嘉平二年。司馬懿討王凌還。魏主使侍中韋誕勞軍於五池。宋張洎曰。黃宕渠自滎陽五池口出。注爲鴻溝。是也。

王滿渡。

在縣南。舊爲汴河所經。津濟之處。唐中和四年。李克用救汴州。自許州而北。追及黃集於黃滿渡。乘其半濟。奮擊大敗之。唐書。渡在中牟北。

萬勝鎮。

在圃田澤之北。亦曰萬勝寨。唐長慶二年。宣武軍亂。命韓充爲宣武帥。充自滑州入境。軍於萬勝。光啓三年。秦宗權將盧瑋軍萬勝。夾汴口爲梁。以絕汴州運路。朱全忠襲取之。後唐同光四年。帝幸關東。至萬勝鎮。聞李嗣源入汴。遂還。宋景德二年。

開封府言萬勝鎮先置斗門以減河水。今汴河分注濁水入廣濟河。埋塞不利。帝以斗門本泄京索河。汎流入汴。不便壅塞。命高置斗門。胡氏曰。萬勝鎮在中牟東。距大梁不過數十里。○白沙鎮在縣東三十七里。九域志。縣有白沙鎮。與祥符縣接界。

曲遇聚。

在縣西。司馬彪郡國志。中牟縣有曲遇聚。沛公破秦將楊熊于曲遇。熊走滎陽。又世家。曹參自開封西擊楊熊軍于曲遇。是也。曲遇讀曰裕容。

陽武縣。

府西北九十里。北至衛輝府新鄉縣八十里。秦博浪沙地。漢置陽武縣。屬河南郡。晉屬滎陽郡。東魏屬廣武郡。北齊省。隋復置。屬鄭州。唐因之。五代時屬開封府。今編戶五十四里。

博浪城。

在縣東南五里。一名博浪沙亭。即張良令力士擊秦始皇處。司馬貞曰。凌橋西北四十里有博浪城。建安五年。袁紹與曹操相拒于官渡。紹軍陽武。依沙地爲屯。東西數十里。沙堤。或曰卽博浪沙。○北埭城。寰宇記。在縣北十里。其地又有南埭城。左

傳。襄五年。楚伐陳。諸侯會于城。以救之。卽此二城也。杜預曰。酸棗縣西南有埭城。

黃河。

舊在縣北。今在縣南。自原武縣流入境。又東入封邱縣界。

白溝。在縣東南三里。又東南入封邱縣界。水經注。濟水經陽武故城南。又東爲白馬湖。泉流爲白溝。或謂之白河。唐載初元年。引汴水入白河。卽此。今瀉。

原武縣。在府西北百二十里。西南至鄭州六十里。北至衛輝府獲嘉縣百里。漢縣。屬河南郡。晉省。後魏復置。屬滎陽郡。東魏改屬廣武郡。北齊縣省。隋置原隰縣。後復曰原武。唐屬鄭州。宋熙寧中。省入陽武縣。元祐初復置。金屬鄭州。元因之。明初改屬開封府。編

戶二十
三里。

卷城。在縣西北七里。蘇秦說趙王曰。據衛取淇卷。則齊必入朝。秦昭襄王三十二年。客卿胡傷攻魏卷。取之。又始皇二年。廉公將卒攻卷。漢置縣。屬河南郡。建初二年。帝幸偃師。東涉卷津。晉卷縣屬滎陽郡。後魏因之。北齊廢。水經注。河水經卷縣北。又東至

酸棗之延津。二邑
皆河津之要也。

垣雍城。在縣西北五里。春秋時爲鄭地。亦曰衛雍。僖二十八年。晉文公敗楚于城濮。還至衛雍。又文八年。魯公子遂會晉趙盾于衛。後爲垣雍。秦昭王四十八年。韓獻垣雍。以和戰國策。魏王曰。秦許我以垣雍。魏公子無忌謂秦有鄭地。得垣雍。皆此也。城

濮見山
東濮州。

安城。在縣東南二十里。志云。周所置城。史記魏世家。昭王十三年。秦拔我安城。兵至大梁而去。括地志。原武有安城。史記。信陵君謂魏安釐王。通韓上黨于共。甯使道安城。出入賦之。謂此。明初置安城驛。正德中廢。共見衛輝府甯見懷慶府修武縣。

長城。在縣西北。徐廣曰。滎陽卷縣有長城。經陽武到密六國。魏所築。竹書紀年。梁惠成王二十二年。龍賈帥師築長城于西邊。蓋是時長城猶在河西。其後河西屬秦。因改築長城於此。

黑陽山。

在縣北二十里。運陽武縣界。黃河經其下。洪武二十四年。河決于此。又正統十三年。河決滎澤。縣東及黑陽山。由蒲經澶四百餘里。合黃河故道。北入會通河。蒲澶見直隸長垣縣及開州。

黃河。

在縣北二十二里。自滎陽流入縣界。達於開封城北。水經注。河水東經卷縣北。春秋時。晉楚之戰。晉軍爭濟。舟中之指。可掬。楚莊祀河告成。而還。皆是處也。隋大業十三年。李密攻東都。遣徐世勳自原武濟河取滎陽倉。

扈亭。

在縣西北。春秋莊二十三年。公會齊侯盟于扈。又文七年。晉趙盾與宋衛齊鄭曹許諸侯盟於扈。其後往往會盟於此。蓋其地在四方道里中也。竹書晉出公二十二年。河絕于扈。又有城修亭。或以爲修魚也。秦記。惠文王後七年。韓魏燕齊率匈奴共攻

秦。秦使樽里疾與戰於修魚。

封邱縣。

府北七十里。北至直隸滑縣一百四十里。古封父國。左傳。賜封父之繁弱。是也。漢置封邱縣。屬陳留郡。後漢初平四年。袁術屯封邱。曹操自埋城引兵擊走之。晉屬陳留國。大興三年。祖逖遣其將韓潛屯于此。既而石勒遣石虎引兵南侵。城封邱而還。後

魏仍屬陳留郡。北齊省。隋復置。屬滑州。唐屬汴州。今編戶四十三里。

黑山。

在縣北三里。後漢初平四年。袁術引軍屯于黑山。曹操斷術糧道。術敗走。卽此。

黃河。

在縣南三十里。舊時沁河自山西沁源縣來。由陽武入縣界于家店。河水挾沁東決。漕運爲害甚烈。宏治中。副使張鼎從于家店疏決故道築隄。以免泛濫之虞。至今賴之。

黃池。

在縣西南七里。東西廣三里。春秋哀十三年。公會晉侯吳子于黃池。薛瓊曰。國語。吳子掘深溝於商魯之間。以會晉公午于黃池。正此地也。杜預曰。封邱縣南有黃亭及濟水。史記。韓昭侯二年。宋取我黃池。又魏世家。惠王十六年。侵宋黃池。宋復取之。卽

此。

濮渠。

在縣西南。首受涉東北流。至縣引以澆田。又東北流入直隸開州界。

翟溝。

在縣南八里。卽白溝也。音轉爲翟。西接黃河支流。引濮東入。環帶紫紆。澄澈如鑿。一名濮渠。亦曰澆渠。孟康曰。春秋時宋敗長狄僑如於此。因名。自陽武縣流入。又東南經祥符縣境。今涸。

桐牢亭。

在縣北二里。韋昭曰。古蟲牢。鄭地也。春秋成五年。公會晉侯。同盟於蟲牢。襄十八年。趙侵鄭。至於蟲牢。定八年。晉士鞅會成桓公。侵鄭。圍蟲牢。今謂之桐渦。○長邱亭在縣東。左傳宋敗狄於長邱。史記宋武公獲長狄僑如處也。

黃亭。

杜預曰。在縣南七里黃池之上。又南三里。有雲響亭。晉吳之會。諸侯雲集。應共築此城。因名雲響城。又有期城。在黃池旁。亦以諸侯相期於此而名。

中樂鎮。

在縣南。大河北岸。元人運道以此爲中頓。國初徐達下汴梁。駐軍中樂。然後率步騎入虎牢。既又規取河北。復自中樂渡河。下衛輝。是矣。縣西北一里。又有周太祖營。相傳五代時郭威屯兵處。

延津縣。

在府西北九十里。東北至衛輝府。昨城縣四十五里。本鄭之廩延。秦置酸棗縣。漢屬陳留郡。晉因之。後魏併入小黃縣。後復置。屬東郡。北齊并入南燕縣。隋初復析置酸棗縣。屬滑州。大業初改入滎陽郡。唐復屬滑州。五代梁屬開封府。宋改延津縣。金置。

延州尋廢。復爲延津縣。今編戶二十七里。

酸棗城。

縣北十五里。本鄭之廩延邑。左傳隱元年。鄭叔段侵鄭。至於廩延。亦曰酸棗。襄三十年。鄭以伯有之亂。游吉奔晉。駟帶追之。盟于酸棗。戰國策蘇秦曰。魏北有河外。卷行燕。酸棗。史記魏文侯三十二年。伐鄭城酸棗。取鄭地而城之也。秦始皇五年。使。

蒙驚攻魏，拔酸棗。漢縣治此。武帝封廣川惠王子嬰爲侯邑。後漢中平末，關東共起義兵討董卓，兗州刺史劉岱等與曹操屯酸棗。陳留志：城內有韓王故宮，闕疑戰國韓管都此。又縣東南二里有酸棗山，俗呼爲土山。黃河昔嘗遷其下。邑志云：山在縣西南五里。後唐同光三年，治酸棗遙隄，以禦決。河。周廣順二年，河決酸棗，尋修塞之。

黃河。 舊在縣北，成化十四年，河決縣西之募村，泛濫七十餘里。十五年，徙流縣南入封邱縣界。

濮水。 在縣北，今澗水。經注：濮水自酸棗首受河而東北注，經燕城南，蓋與封邱之濮渠異源而同流也。詳見山東濮州。燕城見昨城縣。今黃河遷決，濮水絕流也。

延津。 杜預曰：酸棗縣北有延津。水經注：河水又東北通謂之延津。後漢初平二年，董卓入關，袁紹自河南還軍延津。建安五年，曹操以袁紹攻白馬，引兵趨救。荀攸曰：今兵少不敵，公到延津，若將渡兵向其後者，紹必西應之。然後以輕兵襲白馬，掩其不備，從之。既敗，紹軍引還。紹渡河追至延津南，操勒兵駐營南阪下，及戰，大破紹軍。晉延和四年，石勒破劉曜，途出于此，以河冰泮爲神靈之助。號靈昌津。志云：唐衛州新鄉縣有延津關，蓋在延津北岸。曹操救東郡太守劉延於白馬，至延津，蓋在延津南岸。今詳見直隸縣。滑

烏巢澤。 在縣東南。三國志：許攸謂曹操曰：袁氏輜重在故市烏巢，操遂出奇兵攻燒之。紹因此敗亡。今故市城在鄭州北三十五里。水經注：濟濱又東經酸棗縣之烏巢澤。北澤有故事。

香臺關。 在縣北地名沙門鎮，有巡簡司。

蘭陽縣

府東北九十里。北至直隸長垣縣七十里。秦東明鎮地。漢東昏縣地。屬陳留郡。三國魏廢縣爲鎮。宋初復置。東明縣。金析東明六鄉置。今縣取其首鄉曰蘭陽。以名。屬曹州。元屬汴梁路。今編戶三十八里。

東昏城

縣東北二十里。故戶牖鄉也。春秋哀十三年。黃池之會。吳囚子服景伯以還。及戶牖歸之。秦囑陽武縣。陳平。陽武戶牖人也。漢因封爲戶牖侯。後置東昏縣。相傳秦始皇東遊至此。昏霧四塞不能進。因名。有秦臺廢址存焉。○韓陵城在縣東北五十里。志云。元時徙縣治此。又縣東南八里有流渠。城舊亦爲縣治。以渠水所逕而名。日久漸塞。

濟陽城

縣東五十里。春秋宋地。戰國屬魏。蘇代曰。決白馬之口。魏無黃。濟陽。竹書紀年。梁惠成王三十年。城濟陽。秦二世二年。韋郟等擊滅魏。皆于濟陽。漢爲濟陽縣。屬陳留郡。景帝中六年。封梁孝王子明爲濟川王。應劭曰。即濟陽縣也。昭帝元平初。昌邑王初徵至濟陽。求長鳴鷄。又元帝永光三年。立子康爲濟陽王。建昭五年。徙王山陽。縣仍屬陳留。後漢紀。光武生于濟陽宮。光明照室。蓋縣有武帝時東巡故宮。晉亦屬陳留國。劉宋元嘉五年。徐州刺史王仲德攻魏濟陽。及陳留。又後魏延和二年。置徐州于此。皇興初。州廢。孝昌中。改屬陽夏郡。隋屬曹州。唐初省入冤句縣。武德四年。復置濟陽縣。屬杞州。貞觀初。復廢。宋爲濟陽鎮。冤句見山東曹州。

白雲山

在縣四十里。山下有張良洞。山東南即張城山。周圍三里。厥勢如城。又縣東北二十里爲東岡頭。有岡頭鋪。達儀封縣十五里而近。

黃河

今在縣北十五里。又東入儀封縣境。舊志云。縣北二十里有賈魯河。元賈魯所開。又三十里爲馬蹄河。舊名清河。秦始皇東遊。飲馬於此。因更名也。其下流俱入黃河。水勢洶湧。嘉靖間。特于縣東北十里開李景高河。以殺水勢。萬歷十七年。河決李景高。口入睢陳。故道尋塞。

巴河。

縣南六里。自陳留縣流
入。又東入儀封縣境。

儀封縣。

府東北百五十里。東至山東曹縣百二十里。春秋時衛邑。漢爲東昏縣地。唐宋爲
考城縣地。金爲考城縣之東安堡。元置今縣。屬睢州。明初改今屬。編戶二十一里。

儀封城。

在縣北十七里。相傳儀封人請見孔子處。元於此置縣。明初圯
於河。因遷今所。一統志。儀城在關陽西北二十里。亦爲儀封鄉。

黃陵岡。

縣東北五十里。接山東曹縣界。金末蒙古圍汴。金主守緒。以糧援俱絕。遂東巡。次黃陵岡。謀入開州。是也。亦曰黃
陵渡。元末察罕謀復汴梁。使舟師出汴。東略曹南。據黃陵渡。卽此。詳見山東曹縣。又有青陵岡。在縣北十五里。

黃河。

在縣北二十里。自關陽縣流入境。又東入睢州界。志云。縣境有賈魯舊河。自黃陵岡南經曹縣梁進口。下通歸德
丁家道口。宏治中。劉大夏警浚。此以殺決河之勢。今廢。梁進口亦曰梁靖口。由黃陵岡至梁靖口。凡八十餘里。

巴河。

在縣南八里。自關陽縣流入界。東南經杞縣東北之烏岡。而達于睢
州境。○黃渡湖。舊志在縣北塌陽鄉。周圍六十餘里。蓋大河所溢也。

新鄭縣。

在府西南二百二十里。西南至禹州九十里。古有熊地。黃帝都焉。周封黃帝後於此。爲鄗國。春秋時爲鄭武公之國。曰新鄭。以
別於京兆之鄭也。秦爲潁川郡地。漢置新鄭縣。屬河南郡。晉省縣。而城如故。永嘉末。滎陽太守李矩保聚於此。劉宋復置縣。屬

滎陽郡。後魏省。隋復置。屬鄭州。王世充置溱州。唐州廢。縣仍屬鄭
州。宋因之。金元屬鈞州。明朝萬歷初。始改今屬。編戶二十九里。

鄭城。

古鄭城。在縣西北。相傳鄭武公始都此。其城有渠門、皇門及郭門。師之梁等門。春秋桓十四年。宋人以諸侯伐鄭。焚渠門入。及
大逵。宣十二年。楚克鄭。入其皇門。襄九年。晉以諸侯之師伐鄭。門于郭門。師之梁及北門。二十六年。楚伐鄭。門于師之梁。三十

年鄭盟國人于師之梁之外。以子皙伯有之亂也。昭七年。公如楚。鄭伯勞于師之梁。又有墓門。詩。墓門有梅。襄三十年。鄭伯有自墓門之潰入。杜預曰。墓門。鄭城門。又純門。或曰西門也。襄十八年。楚伐鄭。門于純門。又時門。鄭南門也。昭十九年。鄭大水。龍鬬于時門之外。洧淵。又襄二十七年。晉知伯伐鄭。入南里。門于桔秩之門。桔秩之門。蓋亦鄭南門矣。又有閨門。昭元年。鄭爲游楚之亂。大夫罕虎。公孫僑。公孫段。印段。游吉。駟帶。私盟于閨門之外。賈彞。杜預曰。閨門。鄭城門。蓋隧。門外道名。或曰。閨門。鄭內宮北門。如後世所謂復道云。

苑陵城。

在縣東北三十八里。秦邑。漢初樊噲攻苑陵。先登。後置苑陵縣。屬河南郡。晉屬滎陽郡。後魏屬陳留郡。東魏天平初。屬廣武郡。四年。魏大都督宇文貴進據潁川。敗東魏兵。東魏將任祥退保苑陵。隋開皇十六年。省苑陵入新鄭。唐初復置。屬洧州。貞

觀初廢。

華城。

在縣東南三十里。亦曰華陽亭。古華國。史伯謂鄭桓公。華君之土也。根王四十二年。趙魏伐韓。華陽。秦昭王使白起救韓。敗魏軍于華陽之下。走芒郊。卽此。括地志。華陽城在鄭州管城縣南四十里。

制城。

在苑陵城東。左傳成十六年。晉以諸侯之師伐鄭。諸侯之師次鄭西。遷于制田。卽此。杜預曰。苑陵縣東有制澤。又焦城在苑陵東北。竹書紀年。梁惠成王十六年。秦公孫北伐鄭。圍焦城。

林鄉城。

在縣東二十五里。杜預曰。苑陵縣東南有林鄉。蓋鄭地。左傳宣元年。諸侯會于棠林以伐鄭。又襄三十年。衛襄公如楚。過鄭。鄭伯有廷勞于棠林。或謂之北林。戰國策。蘇代曰。兵困于林中。信陵君曰。自林鄉軍。以至於今。秦七攻魏是也。又有白鴈陂。

在長社東北。林鄉西南。晉太和四年。桓溫伐燕。前鋒鄧遐。朱序。敗燕兵於林渚。卽白鴈陂矣。宋志。許鄭間有白鴈溝。下流合於蔡河。

大隴山

今名具茨山。在縣西南四十里。溪水出焉。山海經。大隴之山。其陰多鐵。班志。河南密縣有大隴山。山蓋與密縣接界也。東魏主善見元象初。侯景攻廣州。聞魏救將至。別將盧勇請進觀形勢。以百騎敗魏軍於大隴山。廣州遂降。時州蓋治於襄城。○

大山在縣西二十五里。

一名自然山。黃水出焉。

陘山

在縣南三十里。左傳。隱十一年。周以陘田與鄭。僖四年。齊伐楚。次于陘。戰國策。蘇秦說韓曰。南有陘山。說楚曰。北有陘塞。又史記。魏襄王十六年。伐楚。敗之陘山。又秦攻陘。使人馳南陽之地。徐廣曰。陘山。絕之名。今自陘山而西南。達於襄鄆。皆羣山綿亘。

故昔以陘山爲南北之險塞。○兩陘在縣北十三里。左傳。三十三年。晉侯秦伯圍鄭。晉軍函陵。秦軍汜南。卽此函陵也。

溱水

在縣北。源出密縣境。一名澮水。東北流。至縣界與洧水合。詩。溱與洧。方渙渙兮。國語。主芣薺而食溱洧。芣薺卽大隴山也。

洧水

在縣南。源出登封縣陽城山。水經注。洧水出密縣西南馬嶺山。卽陽城山也。經密縣而東流。入縣境會溱水。爲雙泊河。又東經長葛。至西華縣入潁水。左傳。襄元年。晉帥諸侯之師伐鄭。入其郛。敗其徒兵于洧上。又十一年。諸侯圍鄭。觀兵於南門。西濟於

濟隧。或曰。濟隧卽洧隧之譌也。又襄二十六年。楚伐鄭。涉于樂氏。門於師之梁。樂氏亦洧津名。又有洧淵。昭十九年。鄭大水。龍闕於時門之外。洧淵是也。

溱水

出縣西南大隴山。南流經長葛縣西。又南至許州城北。又南至臨潁縣界。而合潁水。

黃水

在城東南二十里。源出大山。下流與洧水合。左傳。襄二十八年。如楚過鄭。鄭伯有廷勞於黃。嚴杜預曰。黃。嚴以黃水而名。水經注。黃水出大山之黃泉。東南流。經寧城西。

棘澤。在縣東南。漢二十四年。楚

伐鄭。門子東門。次于棘澤。

瑣侯亭。

在宛陵城西。亦曰瑣澤。左傳成十二年。公會晉侯。衛侯于瑣澤。又。漢十一年。諸侯伐鄭。會於北林。師於向。右還次於瑣。是也。向見尉氏縣。

韓王壘。

在縣西南。相傳戰國時舊址。晉惠興末。劉聰使劉暢攻滎陽。太守李矩於新鄭。屯韓王故壘。相去七里。矩襲擊之。暢敗。遁今壘。

水新驛。

在縣治西。又有新鄭遞運所。

附見

宣武衛。

在府城內。洪武六年置。轄左右中前後五千戶所。

陳州。

在府東南二百六十五里。東至江南亳州二百里。南至汝寧府二百里。西至許州二百一十里。

古庖犧氏所都。曰太昊之墟。周初封舜後媯滿於此。爲陳國。楚滅陳。頃襄王自郢徙此。秦屬潁川郡。

陳

於此自立。爲張楚。

漢置淮揚國。

治陳縣。更始初。封張卬爲淮陽王。

後漢章和二年。改爲陳國。晉屬梁國。劉宋置陳郡。後魏因之。東魏

又置北揚州。俱治項縣。北齊改爲信州。以百姓守信不附侯景故名。後周改曰陳州。隋廢陳郡。改縣曰宛邱。大業初。改州爲淮陽

郡。唐復爲陳州。亦曰淮陽郡。貞元中。忠武節度治此。五代晉開運二年。置鎮安軍。周因之。宋仍曰陳州。宣和初。陞爲

淮寧府。寰宇記。陳州城枕蔡水。周迴三十里。金復爲陳州。元因之。明初以附郭宛邱縣省入。編戶六十二里。領縣四。

州控蔡潁之郊。縮汴宋之道。淮泗有事。順流東指。此其經營之所也。漢賈誼欲以淮陽禁吳楚。魏司馬

懿以陳許圖東南。唐以淮西多故。特置重鎮於此。與汴洛相爲唇齒。中和。光啟之間。黃巢。秦宗權。亟攻

陳州。而卒不能陷也。又其地原隰沃衍。水流津通。汲黯守淮陽。益修陂塘。以溉民田。賈逵爲豫州刺史。

通運渠二百餘里。鄧艾又爲廣漕渠。屯田積穀於潁陳間。誠有意於富強。前軌詎不足問歟。詳見前大川潁水。

宛邱廢縣。今州治。漢置陳縣。爲淮陽國治。後漢爲陳國治。晉屬梁國。劉宋并入項縣。爲陳郡治。隋改置宛邱縣。爲陳州治。唐宋因之。明初省。今州城周七里。有奇。

長平城。州西六十里。秦始皇六年。蒙驁攻魏。拔長平。漢置縣。屬汝南郡。武帝封衛青爲侯。邑。後漢屬陳國。晉屬梁國。興寧初。燕慕容廆攻陳留太守袁披于長平。後魏仍屬陳郡。北齊省。今爲長平鄉。杜預曰。長平東南有辰亭。春秋宣十一年。楚子陳侯。鄭伯。

盟于辰陵。卽此。志云。長平城。在今西華縣東南十八里。

臨蔡城。州東北三十里。隋開皇初析宛邱縣置。大業初廢。又新平廢縣亦在州東北。唐初置。屬陳州。貞觀初廢。

華城。在州西北。王隱曰。華北有谷水。春秋僖元年公會齊宋鄭曹及邾人于櫟。杜預曰。陳縣西北有櫟城。櫟卽華也。谷水上承

潯。亦曰勞城。又有華城。在華城南。謂之東華城。水經注州城南郭內有一城。曰淮陽城。子產所置。高帝因以名侯國。

宛邱。在州城南三里。高二丈。爾雅。陳有宛邱。詩所稱宛邱之上。宛邱之下者也。又州城內東北隅有池。卽詩所謂東門之池者。○硯邱在州東南四十里。高五丈。相傳楚王滅陳。于此醢會。因名醢邱。訛爲硯邱。

杏岡。在州西北。元至元三年。亂民焚陳州屯於杏岡。卽此。

潁水。在州南五十里。源出登封縣陽乾山。流經禹州。臨潁。襄城。許州。及西華。商水。而達州界。下流至鳳陽府壽州西北入于淮。詳見大川。

黃河。志云。在州南三十里。西接汴水。東至項城。合潁。以至於淮。黃嘉靖中。黃河南決之道也。今涸。

百尺溝。在城東。本沙水也。水經注。沙水自鄆陵城西北。縉州東。而爲百尺溝。溝水東南流。谷水自陳城南注之。其水上承潯。潯在

陳城西北。百尺溝東南流。注潁。謂之交口。水次有大堰。卽古百尺堰。曹魏嘉平三年。王凌謀舉兵壽春。討司馬懿。懿發軍襲

凌。自水道掩至百尺堰。是矣。亦名八丈溝。宋會要。熙寧二年。遣大理丞陳世修經度陳潁州八丈溝。故述初。世修言。陳州項城縣界

蔡河東岸有八丈溝。或斷或續。迤邐東去。由潁及壽。綿亘三百五十餘里。乞因故道。濬治。與復大江。次河射虎。流龍百尺等陂塘。灌

溉數百里內。復爲稻田。王安石以蔡河今賴以通漕。不能如鄆艾時。并水東下。功未可就。乃詔先行相度。議遂阻。元祐四年。知陳州

胡宗愈言。本州地勢卑下。夏秋之間。許蔡汝鄆西京及開封諸處。大雨則諸河之水。並由陳州沙河。蔡水。間入潁河。不能容受。故境

內瀆爲陂澤。今沙河合入潁河處有古八丈溝。可以開濬。分決蔡河之水。自爲一支。由潁壽界直入於淮。則沙河之水。雖甚洶湧。不能壅遏矣。詔可。功既成。謂之新河。政和初。知陳州霍端友又言。陳地汗下。久雨則積潦害稼。比疏新河八百里。而去淮尙遠。水不時洩。請益開二百里。起西華。循宛邱。入項城。以達於淮。從之。今皆堙廢。

陳陀溝。在州北十里。世傳陳公子陀所開。上承安仁溝。流入州郭。又城西南十五里有五梁溝。水經注以爲鄧洧水。東流入谷水。溝有五橋。因名。其水會處有龍口之稱。今與賈侯渠。陳陀溝合爲城濠。

賈侯渠。在城西水經注。後漢賈逵爲豫州刺史所開運渠也。或謂之淮陽渠。又州南有廣漕渠。水經注以爲鄧艾所開。又翟王渠在州東。唐趙翊爲忠武節度使。按鄧艾故蹟。決翟王渠。溉稻以利農。是也。今皆堙廢。

厄臺。在州城南。本弩臺也。後漢書。陳敬王曾孫寵善弩射。黃巾賊起。出軍都亭。國人畏服不敢叛。此其弩臺。唐開元中。移孔子廟於臺上。俗謂之厄臺。以孔子在陳絕糧也。又州南二十里有貯糧臺。相傳漢高祖築。北臨蔡水。

故陽里。在州北。唐中和四年。黃巢攻陳州。李克用會諸道軍擊之。巢兵屢敗。退屯故陽里。陳州之圍始解。

岡陵聚。州西北四十三里。漢王追項羽于岡。韓信彭越之兵不會。卽此聚也。

思陵戍。在州西北二十里。劉宋元嘉三年。謝晦以荊州叛。魏遣將王慧龍援之。拔思陵戍。進圍項城。開晦敗乃退。

商水縣。在州西南九十里。西北至西華縣九十里。漢汝陽縣地。屬汝南郡。隋置潁水縣。屬陳州。唐建中二年。隸潁州。興元初。仍隸陳州。宋改商水縣。元末徙治南頓縣。今因之。編戶十四里。

澗水舊城

在縣西三十里。隋開皇十六年置縣。屬陳州。唐貞元十五年。詔夏州帥韓全義統諸道軍討淮西叛帥吳少誠。全義屢敗。退保澗水。少誠進兵迫之。遂走陳州。元和十二年。淮西兵寇澗水鎮。殺三將。焚芻粟而去。廣明初。黃巢掠淮南。迺過澗。

詔河南諸道發兵屯澗水以拒之。中和三年。黃巢攻陳州。悉衆屯澗水。既而感化帥時溥赴援。亦軍於澗水。皆此處。

南頓城

卽今縣治。春秋時頓子圖。或曰古頓城。在今縣北三十里。頓子迫于陳而奔楚。自頓南徙。故曰南頓。史記。楚昭王二十一年。滅頓。漢置縣。屬汝南郡。光武父欽令此曰南頓。君後漢亦曰南頓縣。建武十九年。幸南頓。曹魏正元二年。卞卨討司馬師。

舉兵壽春。渡淮。西據項。王基言於司馬師曰。南頓有大邸閣。計足軍人四十日糧。宜速進據之。保堅城。因積穀。先入有奪人之心。此平賊之要也。師猶豫。基曰。彼得亦利。我得亦利。者是爲爭地。南頓是也。遂進據之。卒敗。卨初仍屬汝南郡。惠帝時置南頓郡。永嘉五年。石勒攻殺新蔡王確於南頓。進拔許昌。劉宋及後魏亦曰南頓郡。梁大通二年。豫州刺史夏侯寬圍魏南頓。攻陳項。魏源子恭拒却之。大同初。元慶和攻東魏南頓。爲豫州刺史堯雄所破。北齊郡廢。改縣曰和城。屬信州。隋屬陳州。大業初。復爲南頓縣。唐初省入項城縣。證聖初。復析置光武縣。以縣有光武鄉也。景雲初。復曰南頓。仍屬陳州。後因之。元末改置商水縣。於此。○和城廢縣在縣西。晉南渡後置縣。屬南頓。卽劉宋後魏因之。北齊廢入南頓縣。而改南頓爲和城。

汝陽城

在縣西北。漢曰汝陽縣。屬汝南郡。後漢曰汝陽。曹魏正元二年。司馬師擊卞卨。卨子項城師屯汝陽。卽此。東晉置汝陽郡。後魏因之。後齊郡廢。隋并廢縣入澗水。

博陽城

縣東北四十里。漢縣。屬汝南郡。宣帝封丙吉爲侯邑。王莽更名樂嘉。東漢廢。魏正元中。兗州刺史鄧艾擊卞卨於項城。進至樂嘉。作浮橋于潁水上。以待司馬師。師遂自汝陽潛兵。就艾于樂嘉。是也。志云。今縣北有郟城。蓋鄧艾屯田時所築者。

扶蘇城

縣東南十二里。陳涉起兵。自稱公子扶蘇。從人望也。隋末。越王侗因於此置扶蘇縣。唐武德初廢。貞元末。刺史曲環夾河築月城。以備李希烈志。云。月城在縣東北二十里。與扶蘇城相對。互爲犄角。

廣利原

在故潑水縣南。唐貞元十六年。夏州帥韓全義爲招討使。將諸道兵與淮西叛帥吳少誠戰于此。軍潰。退保五樓。

潁水

在城北三十里。水經注。潁水過汝陽縣。北又東南過南頓縣。潁水注之。是也。

灑水

在縣北。亦曰大灑水。自許州鄆城縣流入境。至縣東二十里而合灑水。上有灑橋。卽邱儉軍項城。王基請司馬師速據南頓。累請乃聽。進據灑水。旣而師亦次于灑橋。灑卽潑也。○穀水志云。出縣西。自陸陶流經項城縣界。或謂之谷水。下流合于潁水。

北池湖

志云。在縣北十五里。匯上游諸水而成。方四十里。又東合於潁水。○驛馬溝。在縣西南十里。相傳孫叔敖所鑿。以溝水湍急而名。屈曲六十里。入於潁水。

時曲

在縣西南五十里。唐元和十年。李光顏敗淮西兵於時曲。胡三省曰。卽洄曲也。潑水于此洄曲。故名洄曲。今見鄆城縣。

凌雲柵

在故潑水縣西南。當鄆城之東。唐元和中。蔡人立柵于此。以凌雲爲名。其旁又有石越等柵。元和十一年。李光顏等屢破淮西兵于凌雲柵。尋拔之。又進拔石越二柵。

章華臺

在縣西北三里。楚襄王保陳時所築。又乾溪臺。亦在縣西北三里。相傳卽楚靈王所築。又有叢臺。在縣北二十里。陳州圖經。故楚時有嘉禾叢生。故名。

五樓

在故潑水縣西南。唐貞元十六年。韓全義爲淮西兵所敗。退保于此。旣而淮西復進攻之。全義敗。保潑水。

西華縣

州西北九十里。北至府二百里。南至汝寧府上蔡縣百十里。漢縣。屬汝南郡。光武封鄧晨爲長。國。光和末。臯南嵩破黃巾。賊彭脫于西華。督初省。後復置。屬潁川郡。元魏屬陳郡。隋初改爲鴻濟縣。大業初。復曰西華。屬淮陽郡。唐改箕城縣。貞觀初。省。長壽

初復置。改曰武城。神龍初。復曰箕城。景雲初。又改爲西華。仍屬陳州。宋因之。元廢。明初復置。屬陳州郡。今編戶二十六里。

鳩城

在縣西。女媧氏所都也。城側有陂。魏鄧艾營稻陂時。柳舒爲陂長。後人因目爲柳城。志云。今縣東北十五里有北柳城。縣東南三十里有南柳城。皆以柳舒而名。

閻倉城

在縣西南。左傳昭二十年。宋華向之亂。公子城。公孫忌。出奔鄭。其徒與華氏戰于鬼閻。杜預曰。長平西北有閻亭。曹魏築城置倉於此。因改今名。又夏亭城在縣境。蓋字訛。城去縣三十里。春秋時。陳大夫夏御叔之封邑。

潁水

在縣城北。東南流入商水界。洧水自扶溝縣東南流合焉。○鄆門陂在縣西。唐神龍中。縣令張餘慶因廢陂。復開引潁水溉田。蓋以鄆艾故址而名。

長社關

縣南六十里有巡簡司。又有涼馬臺。在縣西北十里。梅傳鄧艾所築。

項城縣

州南百二十里。東至江南太和縣百二十里。東北至歸德府鹿邑縣百三十里。古項子國。漢置項縣。屬汝南郡。晉屬陳國。後屬梁國。後魏屬陳郡。東魏置北揚州及秣陵縣。梁太清初。改置潁州。北齊爲信州治。後周爲陳州治。隋始改爲項城縣。屬陳州。唐初置沈州於此。貞觀初州廢。縣屬陳州。宋因之。元初省入商水縣。後復置。今編戶七里。

秣陵廢縣

春秋時爲項國。僖十七年滅項是也。後爲楚地。項氏世爲楚將。封于項。卽此。漢爲項縣治。曹魏因之。正元二年。毋邱儉等起兵討司馬師。西之項。甘露二年。司馬昭奉車駕擊諸葛誕于壽春。至項。晉咸寧五年伐吳。以賈充節度諸軍。荆州

平。命充自襄陽移屯項。尋爲豫州治。太元八年。苻秦大舉入寇。堅發長安至項城。義熙十二年。劉裕伐秦。前鋒檀道濟入秦境。秦徐州刺史姚弋仲以項城降。宋永初三年。魏將叔孫建自平原濟河。徇青兗。豫州刺史劉粹遣高道瓚據項城。景平元年。魏人來寇。劉粹

復遣將姚聿夫助守項城。元嘉二十七年，魏復南寇，拔項城。泰始三年，魏拓拔石自懸瓠攻汝陰，不克，退屯陳項。時陳郡治項城也。梁大同初，元慶和攻東魏城父，高歡遣高敖曹拒之于項。太清初，侯景以北揚州歸梁，改爲殷州，命羊思達爲刺史。明年，景爲東魏所敗，思達棄項城走還。隋志：項城縣，東魏置揚州，兼置丹陽郡及秣陵縣，開皇初郡廢，改秣陵爲項城縣。十六年，又分置沈州於此。大業初州廢，唐仍屬陳州。中和三年，陳州刺史趙彗襲擊黃巢將孟楷於項城，擒斬之，是也。

公路城。

在縣東，潁水側，袁術所築，故以術字名城。又縣北一里有互鄉城，志云：卽論語所謂互鄉難與言者。亦曰合鄉。唐中和四年，蔡州賊秦宗權攻朱全忠于宣武，天平帥朱瑄救之，敗宗權于合鄉，卽此。

潁水。

在縣東，自陳州流入，又東入沈邱縣界。

潑水。

在縣西七十里，接商水縣界，卽合潁之口也。唐元和十一年，置淮潁轉運使，揚子院米自淮陰泝淮入潁至項城，入潑輸于鄆城，以餽討淮西諸軍，卽此處也。

項關。

在縣西北五十里。晉永嘉五年，劉聰遣王彌、劉曜等陷洛陽，彌與曜有隙，自洛陽東屯項關，是也。今名南頓關，有巡司。

丁村集。

在縣東三十里，又東四十里有直溝，俗名前河，至鳳陽潁州水路二百二十里。正德中，賊劉六、劉七等嘗出沒於此。

光武臺。

在縣西北二十里，光武幸南頓時所築。志云：縣南四十七里有秦邱，苻堅南侵時嘗屯此，因名。

沈邱縣。

在州東南百十里，東至江南潁州百二十里，北至江南太和縣八十里。古沈子國，春秋定四年，蔡人滅沈，漢爲寢縣地。隋末置沈州于此。唐州廢，神龍初置沈邱縣，屬潁州。宋因之。元末察罕敗汝陰賊於此，明初縣廢，宏治十年復置，編戶六里。

養城。在縣東北。春秋時楚邑。昭三十年。吳二公子掩餘。燭庸奔楚。楚使居養。取城父。胡田以與之。蓋其地近今亳。穎二州界。又碑城在縣東北四十五里。魏鄧艾屯田置戍處也。今城北猶存。

武邱。在縣東六十里。本名邱頭。水經注。邱頭南枕潁水。魏嘉平三年。司馬懿擊王凌于壽春。至邱頭。凌面縛請降。因稱武邱。甘露二年。葛洪誕據壽春。討司馬昭。昭督諸軍進屯邱頭。胡氏云。是役也。昭改邱頭爲武邱。以旌武功云。又大和五年。桓溫攻叛將宣

璉于壽春。慕容燕遣兵救璉。溫遣竺瑤破燕兵于武邱。卽此。

沈邱。在縣南百步。或曰卽寢邱也。楚昭王封孫叔敖子于寢邱。秦始皇二十二年。蒙恬破楚軍于寢邱。皆此地云。

潁水。在縣城東北五里。流入江南潁州界。志云。縣西南十里有小汝河。自汝水分流。經縣北。入于潁水。○流鞍河在縣東北二十里。志云。自項城縣西接百尺溝。經縣境。至江南潁州西二十里。而入于潁河。

界首關。縣東五十里。今有巡司。又沈亭在縣東五里。舊臨潁水。亭南有阜陽城。今郵亭也。其旁又有青陽館。相傳漢光武嘗駐蹕于此。○乳香臺在縣東五十里。志云。潁水自項城縣趙家渡流入境。又東經乳香臺下。

附見

陳州衛。在府城內。洪武初置。轄左右中前。後五千戶。左右中前後五十戶所。

許州。在府西南二百二十里。西至河南府三百三十里。南至汝寧府二百六十里。北至鄭州二百八十里。

春秋時許國戰國為韓魏二國境秦屬潁川郡治陽翟縣漢初為韓國地尋屬潁川郡東漢末獻帝都許曹

魏曰許都晉為潁川郡治許昌其後移治長社後魏因之東魏天平初置潁州武定七年改曰鄭州移治潁陰後周曰許

州隋初廢潁川郡大業初復改許州為潁川郡唐復曰許州亦為潁川郡元和中為忠武軍治五代梁為匡國軍治

唐復曰忠武軍宋仍曰許州亦為忠武軍許昌郡元豐三年升為潁昌府金復為許州昌武軍元亦曰許州屬河南

路明初改今屬以州治長社縣省入編戶四十八里領縣四

州西控汝洛東引淮泗舟車輻集轉輸易通原野寬平耕屯有賴曹操挾天子於此北并幽冀南抗吳

蜀說者曰自天下而言河南為適中之地自河南而言許州又適中之地也北限大河曾無潰溢之患

西控虎牢不乏山谿之阻南通蔡鄧實包淮漢之防許亦形勝之區矣豈惟土田沃衍人民殷阜足稱

地利乎宋史志許州長社繞州郭有陸塘百八十里唐節度使高瑒立以溉田

長社廢縣今州治漢潁陰縣地屬潁川郡東魏武定七年移潁州及潁川郡治潁陰改曰鄭州復置長社縣為州郡治高齊以潁陰縣并入隋開皇初改縣曰潁川仍為許州治唐復曰長社自唐以後許州皆治此明初省縣入州今州城周九里有奇

許昌城

在州東三十里。秦許縣。屬潁川郡。陳勝將伍逢軍於此。章邯擊破之。漢仍曰許縣。後漢章帝封馬光為侯邑。建安元年。獻帝都此。曹丕黃初二年。改曰許昌。為五部之一。歲嘗臨幸。每伐吳。命司馬懿留鎮于此。明帝數太和六年。如許昌。治許昌宮。起

景福。承光等殿。後亦數臨。駐焉。晉為潁川郡治。永嘉末。麻為石勒所攻陷。既而荀組建行臺于此。大興初。勒遣兵逼許昌。組南走。大寧三年。許昌沒于石勒。永和七年。始歸于晉。明年。降將張遇復以許昌叛歸符秦。尋復克之。既又沒于燕。秦滅燕。屬于秦。太元九年。

復歸于晉。隆安中。陷于姚秦。義熙十二年。劉裕伐秦。前鋒檀道濟克秦許昌。獲潁川太守姚垣。是也。宋景平初。為魏所陷。潁川太守李元德復襲取之。既而魏將周幾復陷許昌。毀其城。以立封疆。而還秦。始四年。豫州刺史劉劭敗魏兵於許昌。東魏天平初。始分潁

川置許昌郡。北齊郡廢。隋屬許州。唐因之。五代唐諱

昌。改曰許田縣。宋熙寧四年。省入長社。為許田鎮。

灤疆城

在州西南。漢縣。屬汝南郡。光武封堅鐔為侯邑。晉省。隋開皇十六年。置陶城縣。大業初。復為灤疆縣。屬潁川郡。唐初屬許州。貞觀初廢。

洧倉城

在許昌故城東。即洧水之邱闕也。水經注。洧水過長社縣。分一支東流過許昌。又東入洧倉城內。俗以洧水為洧水。故亦曰洧倉。東漢建安中。棗祇建議屯田。募人屯許下。得穀百萬斛。此其倉城也。晉永嘉末。石勒敗東海王越將何倫于此。宗室四

十八王皆

沒於勒。

桐邱城

在州東北。左傳莊二十八年。楚侵鄭。諸侯救鄭。楚師夜遁。鄭人將奔桐邱。讓告曰。楚暮有烏。乃止。杜預曰。許昌縣東北有桐邱城。又晉城在州西南。左傳隱八年。鄭請以泰山之訪。易許田。而祀周公。後置邑于此。因曰魯城。其旁又有剛城。或曰秦封

蔡澤為剛

城君。即此。

潁水。

在州西四十里。郡國志潁水下流合洧水。亦兼洧之稱。水上有誠橋。晉永和八年謝尚等攻叛將張遇于許昌。苻健使苻雄等救之。尚與戰於潁水之誠橋。敗績。地記許昌有誠橋。

漢水。

在州北二里。自長葛縣流入。又南經臨潁縣而合於潁。一名魯固河。又名清流河。又州西七里。有石梁河。自禹州流入境。東南入臨潁縣界。亦合于潁水。

濁澤。

在州西。水經注。皇陂水出胡城西北。胡城。潁陰之狐人亭也。亦曰狐宗鄉。皇陂。古長社之濁澤。史記齊田和會諸侯于濁澤。求為諸侯。又齊威王敗魏于濁澤。圍魏。魏請獻觀以和。韓世家宣惠王十六年。秦敗我修魚。麇將鯨申差于濁澤。晉永康二年。趙

王倫篡位。王盛等聚衆于濁澤。謀討倫。為倫將管襲所敗。即此觀。今山東觀城縣。

東湖。

在州東二十五里。湖本二合為一。潁水經其中。多菱芡魚蝦之利。元時設提領官。主辦歲課。

岸亭。

在州東北二十八里。亦曰岸門。今名長武亭。括地志。戰國時秦人敗韓于岸門。即此處也。似悞。○石碣鎮州西北五十里。西通密縣諸山。商賈輳集處。又名許州驛。在州治西南。明初置。

臨潁縣。

在州南六十里。西南至襄城縣六十里。東南至鄆城縣六十里。漢縣屬潁川郡。以在潁水之上。故名。晉及後魏因之。隋屬許州。唐建中二年。屬潑州。貞元初。仍屬許州。今編戶二十四里。

臨潁故城。

在今縣西北十五里。孔穎達曰。鄭莊公遷其母于城潁。即臨潁也。漢縣亦治此。宋白曰。隋大業四年。移縣理臨潁。是陶阜也。即今治也。郡國志。臨潁。阜東南長五十里。名曰龍牌岡。嵩高記。嵩山東南三百里有龍牌沃壤。可居。今縣治據其上。

貞元十四年。淮西吳少誠遣兵略臨潁。陳許留後上官浣遣軍趣救。敗沒。少誠遂圍許州。元和十年。陳許帥李光顏敗淮西兵於臨潁。又敗之於南頓。

繁昌城。在縣西北三十里。舊曰繁陽亭。漢獻帝延康元年。曹丕南巡。至潁川潁陰縣。築壇于曲蟲之繁陽亭受禪。改亭爲繁昌縣。屬汝南郡。晉屬襄城郡。後魏因之。隋屬許州。唐貞觀初。省入臨潁。宋爲繁城鎮。述征記。繁昌在許南七十里。有臺高七丈。方五

十步。南有臺高二丈。方三十步。即魏受終壇。又有城阜亭。在舊繁昌縣界。左傳定四年。諸侯盟於皐鼬。杜預曰。繁昌縣東南城阜亭是也。

大陵城。在縣北三十里。縣東三十里。又有黃連城。相傳皆曹魏時築。○皐龍城。郡國志。在縣西四十里。水經注。潁水東過皐龍城。即古皐龍氏之邑。城西有拒陵岡。又城家記。縣東北有商城。商高宗巡狩時所築。

潁水。在縣城西。自襄城縣界流入。水經注。潁水至臨潁。小潁水注之。又東過西華縣北。又南過汝陽縣北。又東南過南頓縣北。大潁水從西來注之。○渠水。在縣北。自許州南流。至縣合于潁。宋時分流。自鄆陵扶溝合於潁水。

小潁水。在縣西南。以鄆城南有大潁水也。東流合於潁水。唐貞元十五年。諸道軍討淮西吳少誠。潰於小潁水。元和十年。李光顏等敗淮西兵于小潁水。又十二年。諸鎮討淮西。夾潁水而軍。無敢渡者。陳許將王沛先渡。據要地爲城。于是諸軍皆渡。敗賊于

鄆城。又中和四年。朱全忠擊秦宗權。敗之于潁水。即小潁水也。水經注。小潁水自潁分支。復入潁水。又潁水在縣西十里。或曰小潁水之支流也。唐元和十年。李光顏及吳元濟戰于臨潁。敗之于潁水上。

棗祗河。在縣北二十里。潁河之支流也。曹魏初。棗祗募民屯田許下。引流以溉。得穀數百萬斛。後人世以名河。或謂之棗村河。○泥河。在縣西南四十里。一名瑪瑙河。自襄城界流入。又有石梁河。在縣北三十里。自許州界流入。舊俱入潁。今澗流而東南注

於汝河。

灌溝。在縣西二十里。北接潁水。南接泥河。南北二口俱有陡門。亦曹魏時引水溉田處。

尚書臺

在縣東南四十里。漢馬融嘗讀書其上。因名唐高宗于此。開武更名講武臺。

小商橋

在縣南小澗水上。宋紹興十年岳飛大敗金人于鄆城。兀朮次于臨穎。飛將楊再興遇之於小商橋。驍與戰。敗之。○臨穎驛今在縣治西。明初置。

襄城縣

在州西南九十里。西至汝州之郟縣百十里。西南至潁州葉縣六十里。春秋鄭汜地。漢置縣。屬潁川郡。晉置襄城郡。後魏于此置南廣州及襄城郡。東魏曰廣州。後周亦置廣州於此。又改爲汝州。隋初州廢。大業初郡廢。唐初復置汝州。貞觀初州廢。以縣

屬許州。開元四年改屬僊州。尋復舊。天寶七載。又改屬汝州。宋因之。金屬許州。今編戶三十二里。

汜城

在今縣城南。春秋鄭汜地。謂之南汜。左傳僖二十四年。王適鄭。處汜。成七年。楚子重伐鄭。師于汜。又襄二十六年。楚伐鄭。涉於汜。而歸。杜預曰。於汜城下。涉汝水南歸也。又昭五年。楚子使令尹子蕩如晉。逆女過鄭。鄭伯勞諸汜。史記晉成公十五年。伐鄭

取汜。後屬魏。以周襄王避狄難出居此。故謂之襄城。魏昭王元年。秦拔我襄城。後屬楚。懷王二十九年。秦取楚襄城。秦爲襄城縣。屬潁川郡。二世二年。項梁使項羽別攻襄城。是也。漢亦置縣於此。晉爲襄城郡治。後魏置廣州。東魏天平十三年。入于西魏。尋復取之。明年。西魏將趙剛復拔廣州。旋棄不守。武定五年。侯景以河南州郡歸西魏。西魏荊州刺史王思政引兵屯襄城。欲以長社爲行臺。崔猷曰。襄城控帶京洛。實當今要地。如有勳靜。易相應接。潁川既臨寇境。又無山川之固。賊若潛來。徑至城下。莫若頓兵襄城。爲行臺之所。潁川置州。遣良將鎮守。則表裏膠固。人心易安。思政不從。卒致覆敗。唐建中四年。淮西叛帥李希烈作亂。進據許州。官軍進討。相持于襄城。尋以糧盡。引還。襄城陷。而賊勢益熾。蓋縣爲控扼要地也。

汾邱城

在縣東北。左傳襄十七年。楚伐鄭。治兵于汾。戰。國策。楚北有汾陘之塞。史記。秦昭王四十三年。攻韓汾陘。拔之。蓋與新鄭陘山俱爲南北隘道。楚嘗於此爲塞。以禦北方。

西不羹城。在縣東南。楚別都也。左傳昭十一年。楚大城陳。蔡不羹。不羹音郎。不羹有二。此其一也。又縣東北有義亭。漢光武徇蕩城。傳後以亭長出迎。拜爲校尉。卽此臺。○論城在縣東北。魏武行營也。中有論事臺。志曰。縣北四十里有關寨。卽古關鄉。舊傳

周襄王屯戍之所。又五里爲鄭莊公城。春秋楚伐鄭。莊公出師境上。與楚相拒處。

首山。

在縣南五里。史記。申公曰。天下名山八。三在夷狄。五在中國。皆黃帝所遊。首山其一也。或以爲卽此山。首山者。縣西諸山。迤邐。直接嵩華。而實起於此。故名。山上有聖泉。又紫雲山在縣西南二十里。上有廟塔。俗呼半截塔。乃襄郟二縣之界。

白草原。

在縣東二十五里。唐元和十二年。裴度督征淮西軍。行過白草原。淮西以輕騎要度。鎮將曹華擊却之。

潁水。

在縣東北。一名渚河。東入臨潁縣界。又瑪瑙河。在縣北二十里。東北流達臨潁縣而入潁水。

汝河。

在縣南。自南陽裕州之葉縣流入。有河堰在汝河之南。壘石爲岸。長五里。勢甚險峻。汲者若梯而達。又東達鄆城縣境。而入汝寧府上蔡縣界。○蛟龍池在縣北七十里。祝穆以爲鄭之涓淵也。

潁橋鎮。

在縣北十五里。唐建中四年。哥舒曜討李希烈。自襄城進兵至潁橋。遇大雨。還保義城。卽此。○義城驛在縣治西。義城遞運所亦卽置於此。

鄆城縣。

在州南百二十里。南至汝寧府西平縣六十里。古鄆子國。漢置鄆縣。屬潁川郡。晉因之。後魏置潁川郡于此。北齊改置臨潁郡。隋郡廢。尋置道州。改縣曰鄆城。後又廢道州。以縣屬許州。唐初復置道州。貞觀初州廢。以縣屬豫州。建中二年。於縣置潁州。尋

廢。以縣屬許州。今

編戶二十五里。

潞州城。今縣治。古鄆國。戰國屬魏。史記：楚昭陽伐魏，取鄆。漢爲鄆縣治。更始封尹尊爲鄆王。建武二年，賈復擊鄆，尊降。唐建中二年，置潞州治焉。兼領臨潁及陳州之潞水縣。舊唐書：鄆城本治潞水南，開元十一年，因大水移治潞水北。元和十二年，平淮蔡。

高承簡爲潞州刺史，開屯田，列防庸，溯潞綿地二百里，無復水患，皆爲腴田。長慶元年，州廢。○司州城在縣西北二十里。寰宇記：劉宋元嘉中，改汝南爲司州，蓋治於此。隋開皇十六年，置道州治焉。志云：今縣西南五里，又有道州城。

召陵城。縣東四十五里。春秋僖四年，齊楚盟於召陵。昭十四年，楚子使屈罷簡東國之兵於召陵。定四年，諸侯會於召陵，謀伐楚也。史記：秦惠王後十四年，伐楚，取召陵。漢置縣屬汝南郡。東漢光和末，黃巾賊敗汝南太守趙謙於召陵。晉屬潁川郡。劉宋永

初三年，魏人南侵，司州刺史毛德祖遣長社令王法政戍邵陵，是也。後魏仍屬潁川郡。隋大業初省，又有陘亭在其南。志云：卽齊伐楚，次於陘者。

鄧襄城。在縣東南三十五里。亦曰鄧城。春秋桓二年，蔡侯鄭伯會于鄧。又昭十三年，楚蔡公子干子皙盟于鄧。戰國時，楚懷王伐秦，敗于藍田，韓魏聞之，南襲楚，至鄧。又秦昭襄十六年，司馬錯取鄧，封公子悝于鄧。此鄧城也。

征羌城。在縣東南。後漢初置縣，屬汝南郡。來歙封征羌侯，邑於此。志云：光武以歙征羌有功，因築城以寵之。晉省，後魏復置，屬汝陽郡。高齊廢。

青陵城。縣西南三十里。唐時淮西叛帥所置。元和十二年，李光顏討吳元濟，度潞水，圍青陵，以絕鄆城歸路。鄆城遂降。○葛伯城在縣南，相傳古葛伯國也。唐元和十二年，宣武軍奏克蔡州古葛伯城，卽此。志云：縣西五十里有裴城，裴度伐蔡時所築。

大潞水。在城南，以臨潁有小潞水也。自潁州葉縣境流入，至陳州商水縣而入於潁。水經注：汝水支分爲大潞水。

洄曲。在縣東三十里。唐元和，中討吳元濟，降將李祐言於李愬曰：蔡之精兵皆在洄曲，是也。洄曲者，縣有蔡水，在城東南五里，卽汝水也。源自汝州魯山縣來，亦曰汝河。又有澧河，從潁州舞陽縣來，經縣南境，至縣東澧灣渡，北流合汝河。又東南流，其處謂之

泗曲也。吳元濟以重兵委董重質守泗曲，拒郟城之兵，卽此。

討虜渠

在縣東五十里。曹魏黃初六年，幸召陵，通討虜渠，謀伐吳也。

沱口鎮

在縣東南二十里。又南七里曰五溝，與泗曲接境，或譌爲鮑口。北魏永平初，懸瓠降于梁，魏主命邢巒擊之，巒兼行至鮑口，叛將白皁生離城二百里，逆戰，巒擊敗之，長驅至懸瓠，是也。唐元和十二年，裘度討淮西，屯郟城，觀築連城於沱口，賊將董重質率騎兵出五溝邀擊，李光顏等力戰却之。且扼其溝中歸路，賊衆大敗，連城一作赫連城。

賈店

在縣東南十餘里。唐元和十二年，李光顏等討吳元濟，與淮西兵戰於賈店，敗績。

長葛縣

在州北五十里。春秋鄭地。隱五年，宋人伐鄭，圍長葛，又曰繡葛，漢爲潁川郡長社縣地。隋開皇六年，置長葛縣，屬許州。今編戶三十五里。

長社故城

在縣西一里。應劭曰：宋之長葛也。其社中樹暴長，因更名長社。戰國時屬魏，秦昭襄三十三年，取魏長社。後漢建武八年，以潁川盜賊初定，留寇恂于長社，鎮撫吏民。光和末，皇甫嵩大破黃巾賊于長社。建安十三年，曹操使張遼屯長社，晉穎川郡初治許昌，後移治長社。宋元嘉二十七年，豫州部將梁坦出上蔡，向長社，魏荊州刺史魯爽棄城走，坦因進攻虎牢。二十九年，時魯爽降宋，宋遣爽等自汝南向許洛，爽取長社，進敗魏兵于大索。東魏天平初，爲潁州治。四年，潁州附魏，東魏將任祥等來攻，宇文泰遣宇文貴等赴救，至陽翟，東魏軍已去潁川三十里。貴等疾馳據潁川，大破東魏兵。九域志：陽翟在長社西北九十里。是也。武定五年，侯景以郡降西魏，魏將王思政鎮守，東魏攻圍，踰年始陷，以城多崩，頽因移郡治潁陰縣。

長箱城

即今城。十六國春秋。東魏武定五年。清河王岳率衆圍西魏將王思政于潁川。築此。初以車箱爲樓。因名長箱城。俗亦呼長平城。○東西兩城在縣東北五里。相去各一里。左傳隱十一年。鄭伯使許大夫百里奉許叔以居許東偏。又使鄭大夫公孫

獲處許西偏。或以爲卽此兩城也。又鳳凰城在縣之北。張保

真字記。漢黃霸治潁川。有鳳凰集。此因名城。周三里有奇。

洧水

在縣北三里。自新鄭縣流入境。西魏大統十五年。王思政守潁川。東魏人攻之。踰年不能陷。劉豐生建議填洧水灌城。城中泉湧。懸釜而炊。自長社以北。皆爲陂澤。城卒不下。高澄自將來攻。督衆作堰。旣而大風從西北起。吹水入城。城壞。今一名雙濟河。

○洧水在縣西。從新鄭縣

流入境。又南入許州境。

狼溝

在縣東。水經注。洧水又東南與龍澗水合。水出長社縣西北。有故溝。上承洧水。水盛則通注龍澗。澗水清潔澄深。寰宇記曰。卽狼溝也。左傳文九年。楚伐鄭。師于狼淵。杜預曰。潁陰縣西有狼陂。

禹州

在府西南三百二十里。西北至河南府二百八十六里。西至汝州二百二十里。東至許州九十里。東南至汝寧府三百七十里。

夏禹初封此

汲冢周書禹都陽城。後居陽翟。

春秋時鄭櫟邑也。戰國屬韓。自新鄭徙都此。秦置潁川郡。

戰國策游騰謂向壽公。何不以秦爲韓。求潁川

于楚。此韓之寄地也。潁川之名。蓋不始于秦。

漢初封韓王信於此。後仍爲潁川郡。晉屬河南郡。

徙潁川郡治許昌。

後魏因之。又嘗置潁州

於此

景明三年。魯陽蠻魯北。鷲等起兵潁州卽此。

東魏與和初。置陽翟郡。隋廢郡。仍屬伊州。大業初。屬襄城郡。唐初屬嵩州。後屬

許州宋屬潁昌府金置潁順州尋改爲鈞州

偽齊劉豫置潁順軍金大定二十二年改爲州二十四年又改鈞州以州有鈞臺也

明初因之以陽翟縣省

入萬曆三年避御諱改曰禹州

編戶七十六里

領縣一

州控汴洛之郊通汝潁之道

潁謂許州

山川盤紆形勢險固一旦有警此腹心之患也若其根柢淮河憑依

襄鄧縱橫北向鴻溝不能限成臯不足恃矣戰國時韓都陽翟以角羣雄漢初高祖封韓王信於此既而以信壯武潁川北近鞏洛南迫宛葉東有淮陽皆天下勁兵處也乃從封信於太原其後蒙古攻金人於河南先陷鈞州而汴遂不可守

陽翟城

今州治本春秋時鄭之櫟邑左傳桓十五年鄭伯突入于櫟自櫟侵鄭莊十年王室亂鄭伯以王歸處于櫟僖二十四年狄伐鄭取櫟宣十一年楚伐鄭及櫟又昭元年楚公子圍使公子黑肱城櫟蓋是時櫟已屬楚史記秦景公十五年救鄭敗晉

兵于櫟後改爲陽翟戰國初入于韓韓景侯自平陽徙都此鄭世家繻公二十三年圍韓之陽翟既而韓滅鄭都新鄭後復自新鄭徙都焉秦置陽翟縣爲潁川郡治二世三年沛公拔潁川令韓王成畱守陽翟後仍爲潁川郡治後漢光和七年皇甫嵩等破黃巾賊波才于陽翟建安十三年曹操使樂進屯陽翟晉屬河南郡大興三年郭誦保陽翟石勒將石生屢攻之不能克東魏置陽翟郡于此隋屬伊州唐初屬嵩州貞觀初改屬許州顯慶二年改屬洛州開元二十六年仍屬許州宋因之金爲鈞州治明初省今州城周九里有奇

潁陰城

州東南四十里。潁水北。漢縣。屬潁川郡。高祖封灌嬰爲侯邑。有灌臺。今日思故臺。元始二年。封宗佛爲潁陰王。建安十三年。曹操使于禁屯潁陰。曹魏典農都尉治焉。魏明帝封侍中辛毗爲侯邑。晉亦曰潁陰縣。仍屬潁川郡。永康二年。趙王倫篡逆。

齊王同起兵許昌。討倫。倫遣其黨張溢等拒同。進據潁陰。同軍潁陰。溢乘勝濟。穎攻同營。後魏仍爲潁陰縣。屬潁川郡。東魏武定七年。改潁州曰鄭州。移治潁陰。復置長社縣。潁陰并入焉。○黃臺城在州東北四里有黃臺岡。東魏興和元年。分潁陰置縣。屬潁陰郡。

隋大業

初廢

康城

在州西北三十里。水經注。潁水又東。歷康城南。夏少康故邑也。魏明帝封尙書衛臻爲康鄉侯。邑於此。晉大寧二年。石勒將石

生攻郭誦於陽翟。爲誦所敗。退保康城。後魏孝昌中。置康城縣。屬陽城郡。隋仁壽四年。廢入陽城縣。大業末。李密起兵于蔡陽。梁郡間。敗隋兵于密。西至康城。說下數城。是也。唐武德三年。復置康城縣。屬嵩州。貞觀三年省。今爲安康里。

上棘城

在州南。左傳。襄十八年。楚師伐鄭。城上棘。遂涉潁。是也。又州西南有高氏亭。左傳。成十七年。衛侵鄭。至高氏。○小韓城在州西北三十里。戰國韓哀侯所築。史記正義。景侯自新鄭徙居此。

三峯山

在州西南二十里。上有三峯。亦曰三封嶺。有泉。謂之鳴水。其西五里有黃榆店。宋紹定四年。蒙古兵自唐州趨汴。金將完顏合達等自鄧州赴援。至黃榆店。雨雪不能進。又前至三峯山。皆飢困。爲蒙古所敗。○禹山在州城北。潁水之南。又州東北有

官山。蒙古敗金兵于三峯山。追獲其將移剌蒲阿。殺之於此。

荆山

在州西北五十里。洛陽記。齊武帝於此採玉。又州西五十里有三磴山。其山上下俱有龍潭。又六盤山。在州北十五里。○七女岡在州東北三十里。下有七女泉。流至長葛入滎。又州西北潁水上有竹林。蒙古敗金人于三峯山。金將武德邁入竹林中。走

密縣

潁水

在州北二里。自河南府登封縣流入。經三峯山及嵩山之北。東入許州界。或謂之沙河。蒙古敗金人於沙河。卽州西之潁水矣。○馬跑泉在州東北四十里。世傳漢光武駐兵於此。乏水。馬跑泉湧。因名。

鈞臺

在今州城北門外。左傳昭四年。楚椒舉曰。夏啓有鈞臺之享。杜預曰。陽翟縣南有鈞臺。故魏收云。陽翟有鈞臺。故方十里。○清潁古驛在州城東。又城北一里有禹州遞運所。

密縣

在州西北百二十里。北至滎陽縣八十里。西至河南府登封縣八十五里。古密國。亦鄆國地。漢置密縣。屬河南郡。晉屬滎陽郡。後魏因之。後周屬滎州。隋屬鄭州。唐初于縣置密州。尋廢州。以縣屬鄭州。後屬河南府。宋屬鄭州。尋屬河南府。金屬鄭州。元改今屬編戶

二十
七里

密城

在縣東南三十里。卽春秋之新城。左傳僖六年。諸侯伐鄭。圍新密。以鄭城不時也。漢縣治此。晉永嘉五年。洛陽陷。司空荀藩等建行臺于密。既而秦王業自洛陽南奔密。藩等奉之南走許昌。隋大業間。始移治法橋堡。卽今治。○曲梁城在縣東北。後魏分

密縣地置曲梁縣。屬滎陽

郡。東魏屬廣武郡。北齊廢。

鄆城

在縣東北五十里。周鄆國也。詩有鄆風。國語。史伯曰。鄆。仲恃險。謂此。平王時。鄭武公滅鄆。而并其地。左傳僖三十三年。鄭葬其公子瑕于鄆城之下。杜預曰。城在密縣東北。

橫山

在縣西三十餘里。有二山。一大一小。東西對峙。橫而不斷。○雲壠山在縣北三十里。一名侵雲山。其西南又有承雲山。東南有石樓山。山皆高峻。

龍巖山。縣西北二十五里。起伏連延。其勢如龍。又香峪山在縣西北五十里。志云。縣西北又有龍巖山。與汜水接界。增拔千丈。

洧水。在縣南十五里。自河南府登封縣流入縣境。又澗水亦曰鄆水。出古鄆城西北。雞絡塢下。東南流。至新鄭縣而合洧水。○石梁河出縣西南山谷中。經禹州北境。達許州臨潁縣而合潁水。

眉山店。在縣東。宋紹定五年。蒙古逼梁京。金將武德。自宛鄆入援。至縣東眉山店。敗還。眉應作梅。

附見

禹州守禦千戶所。在州城內。洪武初置約州所。直隸都司。萬歷初改禹州所。

鄭州。在府城西一百四十里。南至陳州二百八十里。西至河南府二百六十里。北至懷慶府獲嘉縣界。黃河中九十六里。

州在上古。為高辛氏火正祝融之墟。周初封管叔於此。又為統鄆之地。鄭武公從平王東遷。滅兩國而

有其地。韓滅鄭。又徙都之。秦屬三川郡。漢屬河南郡。晉分置滎陽郡。後魏嘗為東恆農郡。尋復曰滎陽

郡。東魏因之。後周置滎州。尋改鄭州。舊志云。俱治管城縣。王世充復置管州。

移鄭州於汜水縣。九域志。王世充置滎州於此。移置管州於中牟縣。唐亦曰鄭州。武德四年。於武牢縣置。貞觀七年。移治管城。天寶初。曰滎陽郡。乾元初。復為鄭州。宋因之。

移鄭州於汜水縣。九域志。王世充

置滎州於此。移置管州於中牟縣。

貞觀七年。移治管城。

天寶初。曰滎陽郡。乾元初。復為鄭州。宋因之。

亦曰奉寧軍。熙寧五年。州廢。屬開封府。元豐八年復置。金元仍舊。明朝亦爲鄭州。以附郭管城縣省入。

編戶三

領縣四。

十六里。

州雄峙中樞。控禦險要。史伯謂鄭桓公子男之國。號鄆爲大。號叔恃勢。鄆仲恃險。若克二邑。鄆蔽。補丹。

依。啄。歷。莘。八邑名。

君之土也。若前莘後河。右洛左濟。主莽。魏讀浮而食。漚。洧。可以少固。范雎說秦昭王。王

下兵而攻滎陽。則鞏成臯之路不通。張儀曰。從鄭至梁。不過百里。魏公子無忌謂魏王。秦有鄭地。與大

梁鄰。王以爲安乎。漢十二年。詔陳平灌嬰將十萬衆屯滎陽。

故滎陽在今滎澤縣西南十七里。帝以天下新定。恐易世之際。人心動搖。故以信臣重兵屯南北之衝。

景帝三年。吳楚七國反。周亞夫曰。吾據滎陽。滎陽以東無足憂者。呂氏曰。滎陽成臯。自春秋以來。嘗爲

天下重鎮。由秦而上。晉楚於此爭霸。由秦而下。楚漢於此分雄。後之有事者。未嘗不睥睨此地而決成

敗焉。

管城廢縣。

卽州治管叔封於此。春秋時鄭地。左傳宣十二年。楚伐鄭。晉人救鄭。楚軍次于管以待之。後爲韓地。戰國策。秦攻韓之管。又韓非子。魏安釐王攻韓。拔管。使縮高守管。信陵君攻之不下。漢爲中牟縣地。晉因之。隆安二年。鄧啓方等將兵擊襄谷。

總於管城。敗還。隋開皇十六年。始析置管城縣。又置管州治焉。唐武德四年。亦置管州。貞觀元年。州廢。縣屬鄭州。七年。移鄭州治此。宋因之。明初省。今州城周九里有奇。

衍氏城。

在州北三十里。與原武縣故卷城相近。蘇秦謂魏北有卷。行史記魏世家。景湣王五年。秦拔我衍。又秦始皇九年。楊端和伐魏。取衍氏。曹參世家。柱天侯反於衍氏。參破取之。是也。○武疆城在州東三十一里。曹參擊項羽。破衍氏。還攻武疆城。即此。

故市城。

州北三十五里。漢縣。屬河南郡。高祖封功臣閻澤。亦爲侯。國建安五年。曹操將徐晃擊袁紹。燒其輜重處也。晉廢。

郊城。

在州東六里。左傳宣十二年。晉荀林父帥師與楚子重戰于郊。即此。○祭城在州東北十五里。周公第五子所封。後并于鄭。成四年。晉伐鄭。取汜。祭。汜在中牟南。祭即祭城。汜祭蓋二邑也。○莘城。郡國志在州東。國語史伯對鄭桓公所云。依陳。歷莘者。此

卽莘邑矣。

梅山。

在州西南三十五里。春秋襄十八年。楚薳子逢率師侵鄭。右迴梅山。侵鄭東北。即此。

鄭水。

在州東二十五里。源出梅山。京索二水自滎陽而東。合于鄭水。又東北至中牟縣。潁田千餘頃。其餘水下入于汴。亦名卽不家水。水經注。不家溝水流經管城西。俗謂之管水。

須水。

在州西。自滎陽廢京城流入。境合于索水。久滯。明朝正德八年。以河患。河臣趙瑄于州西鑿須水河。又于滎澤西鑿分水河。以分河流。俱導入孫家渡。決河以紓河患。尋淤。

大小回湖。

在州東三十里。二河相連。下達中牟縣。迤邐入黃河。又僕射陂在州東南四里。元魏文帝賜僕射李衡。因名。唐天寶六載。更名廣仁池。

萬歲亭。

在州東。後漢建安中曹操表封荀彧萬歲亭侯。卽此。○管城驛在州城西。南有鄭州遞運所。

滎陽縣。

在州西七十里。至府城二百里。古東魏國地。漢置滎陽縣。屬河南郡。晉置滎陽郡。北齊改郡曰成皋。隋初郡廢。縣屬鄭州。唐因之。武后天授二年。分置武泰縣。屬洛州。尋又并入滎陽。而改滎陽爲武泰。神龍初復故。宋仍屬鄭州。今編戶二十三里。

滎陽城。

在縣北。括地志。在今滎澤縣西南十七里。殷之放地也。亦曰隰。周曰北制。在放山之陽。戰國時。韓曰滎陽。史記。韓宣惠王二十二年。乘拔我成皋。滎陽秦二世元年。陳涉以胡廣爲假王。監諸將。西擊滎陽。李由爲三川守。滎陽弗能克。旣而章邯擊破涉。將李歸等於滎陽。下漢二年。漢王敗于彭城。收散卒。至滎陽。軍復振。敗楚軍于滎陽東。旣而項王圍滎陽。拔之。三年。漢軍圍鍾離。昧于滎陽。呂后八年。后崩。齊哀王起兵。誅諸呂。灌嬰軍滎陽。與諸侯連和。以待呂氏之變。文帝三年。幸太原。濟北王興居反。發兵欲襲滎陽。詔祁侯緡質爲將軍。屯滎陽。景帝三年。七國反。以竇嬰爲大將軍。屯滎陽。監齊趙兵。周亞夫將兵擊吳楚。會兵滎陽。後漢初平二年。曹操自酸棗引兵西。將據成皋。進至滎陽。汴水。晉永興二年。東海王越等共起兵。討河間王顯于關中。時范陽王楨鎮許昌。進兵滎陽。旣而楨爲豫州刺史。劉喬所敗。走河北。顯使其將李朗等屯滎陽。尋復敗散。永嘉末。石勒攻滎陽。太守李矩擊却之。大寧三年。沒于石勒。咸和三年。劉曜圍金墉。勒會軍滎陽。前救金墉。永和末。滎陽復歸于晉。隆和初。爲燕所陷。太和五年。秦王猛取洛陽。燕慕容臧自石門進屯滎陽。猛遣將梁成等擊走之。自後燕至姚秦。皆爲重地。義熙十三年。劉裕伐秦。取滎陽。其後沒于後魏。梁大通三年。陳慶之送元顥北還。魏遣楊堅鎮滎陽。慶之攻拔之。東魏天平四年。滎陽郡降西魏。尋復取之。隋大業九年。楊元感圍東都。分遣其將韓世謨圍滎陽。皆放滎陽城。也。隋末移治大案城。五代時始移于今治。

京城。

縣東南三十里。春秋時鄭邑。莊公封弟叔段于京。漢二年。與楚戰滎陽。南東京索間。劇通曰。楚人起彭城。轉鬪至滎陽。威震天下。然兵困于京索間。迫西山而不敢進。謂此也。尋置縣。屬河南郡。建武初。宗室劉茂聚衆京密間。自稱厭新將軍。遣將擊降之。晉

屬滎陽郡。後魏因之。後齊省入滎陽縣。○大索城在放京城西二十里。東北四里爲小索城。春秋昭五年。齊韓起如楚。遂女。鄒子皮勞諸索氏是也。宋元嘉二十九年。當爽被魏將拓跋儼闕于大索。進攻虎牢。水經注。東晉滎陽民張卓董邁等保此。名爲大槽塢。太平真君中。潁州刺史崔白自虎牢移州治此。後遷治滎陽。改州爲滎陽郡。城遂廢。京相璠曰。京縣有大索。小索。索亭。昔索氏兄弟居此。故有大小之稱。括地志。今滎陽縣卽大索城。小索故城在縣北四里。元和志亦云。

垂隴城。

在縣東。春秋文二年。晉士穀會諸侯盟于垂隴。又襄二十七年。鄭伯享趙孟於垂隴。京相璠曰。在滎陽東二十里。世謂之郡尉城。曹魏典農都尉治此。故名。又東二十里有盤城。春秋公會鄭伯於時來。卽盤也。亦曰鄆。

宅陽城。

縣東十七里。戰國魏惠王五年。與韓會於宅陽。史記。趙魏合攻秦。不利於宅陽。又魏冉走魏將芒。外入於北宅。卽宅陽也。竹書紀年。齊出公六年。齊鄭伐衛。荀瑶城宅陽。又惠王三十三年。王及鄭釐侯盟于巫沙。以釋宅陽之圍。水經注。滎陽澤際有

沙城卽

巫沙

平桃城。

在縣東北二十里。馬澗郡國志。縣有桃亭。俗謂之平桃城。魏孝文太和十九年。自滑臺舍石濟。西還洛陽。太子恂出迎於平桃城是也。桃亦作桃石濟。見衛輝府昨城縣。

須水城。

在縣東三十里。唐初置須水縣。屬管州。以須水自此入京水而名。貞觀初。并入鄭州管城縣。宋曰須水鎮。

嵩渚山。

在縣東南二十五里。一名小徑山。俗亦名周山。水經注。以爲黃堆山也。京東二水出焉。其西又有萬山。須水出焉。又有賈峪山。賈峪河出焉。二水下流皆入於京索。

靈源山。

在縣治西。山多靈秀。又西有檀山。山多檀木。水經注謂之檀山。聖趙世家。成侯二十年。魂獻滎陽。以謂檀臺也。

黃河。

在縣北二十五里。自汜水縣流入境。又東入河陰縣界。

京水。

源出嵩渚山。經鄴州西南十五里。東北入鄴水。五代唐天成二年。自滎陽至京水。遂入大梁。又蒙古圍汴。金主召鄴州守將完顏思烈入援。至京水。兵潰。水經注。黃水發源京縣之黃堆。東南流。俗名祝龍泉。世謂之京水也。○須水在縣東。或曰源亦出嵩

渚山。經故京城。

東南流入鄴州。

索水。

亦出嵩渚山。北流入京水。水經注。索水即旃然水。春秋襄十八年。楚伐鄭。右師涉旃。次於旃然。寰宇記。京水在縣東二十里。索水在縣南三十五里。後唐同光二年。詔蔡州刺史朱勛浚索水。通漕。宋人每浚京索二水。以爲金水河之源。

鴻溝。

通典。在縣南。楚漢分境處。史記。河渠書。於東方則通鴻溝。江淮之間。應劭曰。鴻溝在滎陽縣東南二十里。水經注。尉氏有鴻溝。鄉。鴻溝亭。睢陽東有鴻口亭。蕭縣西又有鴻溝。蘇秦所云。南有鴻溝者。非歟。然則楚漢所分。特就滎陽東西言之耳。方輿紀

勝。鴻溝在河陰縣東北。

接廣武山與滎澤連。

馮池。

在縣西。東北流。歷河陰縣。放山南。水經注。池水經滎陽縣北。斷山東北注于濟。世謂之礫石澗。亦謂之礫溪。司馬貞曰。戰國時。韓有宛馮之餽。豈宛人鑿餽于馮池而名。

金隄關。

在縣東北。韋懷太子賢曰。汴自滎陽首受河。所謂石門在滎陽山北一里。過汴而東。積石爲隄。謂之金隄。成帝陽嘉中所作也。按漢文十三年。河決酸棗。東隄金隄。金隄非始于成帝時矣。胡氏曰。河隄自汴口以東。緣河積石爲堰。通河古口。咸曰金

隄。金隄關蓋因隄以名。隋大業十二年。李密說翟讓取滎陽。於是破金隄關。攻滎陽諸縣。多下之。卽此。又縣東北四十里有大海寺。李密與隋將張須陁戰。伏兵于大海寺北林間。須陁戰死處也。金隄關蓋在金河陰縣東。

榮澤縣

在州北五十里。北至衝輝府新鄉縣百里。西北至江水縣四十五里。漢魏陽縣地。晉屬榮陽郡。隋開皇四年置廣武縣。仁壽初改爲榮澤縣。屬鄭州。唐因之。宋熙寧中省入管城。元祐中復舊。元屬汴梁路。明初改屬鄭州。今編戶十六里。

王宮城

在縣西北十五里。左傳傳二十八八年。晉文公敗楚于城濮。還至衡雍。作王宮于踐土。今故城內。東北隅有踐土臺。宋白曰。榮陽故城在今縣南十七里平原上。蒙水經其東。卽項羽圍漢王處。

黃河

在縣北三里。自河陰縣流入境。又東入原武縣界。又有孫家渡。在縣東南五十里。明朝正統十三年。大河決榮陽。尋自孫家渡決而南。全河遂南徙。久之始塞。宏治七年。河決封邱。河南撫臣徐恪議以孫家渡經朱備鎮。下至項城南。舊決河餘流猶未盡。

湮疏而決之。使由淮入泗。可以殺上流之勢。從之。自是屢開屢塞。萬歷十八年。復築隄以固塞口云。

榮澤

在縣治南。今縣本榮澤地。禹貢濟水入于河。溢爲榮。又曰。榮波既滂。春秋閔三年。衛侯及狄人戰于榮澤。杜氏曰。戰處當在河北。非此榮澤也。又宣十二年。楚潘黨逐晉魏錡。及榮澤。卽此矣。鄭元曰。自平帝以後。榮澤塞爲平地。榮陽人猶謂其地曰榮澤。

史記。波亦作播。京相璠曰。榮澤在榮陽東南。與濟隄合。春秋襄十一年。諸侯圍鄭。觀兵于南門。西濟于濟隄。卽此恐悞。蓋春秋時濟水或經鄭西城也。

河陰縣

在州西北五十里。西南至榮陽縣三十里。本汜水。榮澤二縣地。唐開元二十年。析置河陰縣。治此。屬河南府。會昌三年。改屬孟州。宋因之。金屬鄭州。今編戶十一里。

河陰舊城

在縣東。本榮陽汜水縣地。唐開元二十年。析置河陰縣。管河陽倉。二十三年。徙治輸場之東。渠口。以便漕運。元時徙治於廣武山之大峪口。明初又徙今治。

廣武山

縣東北十里。括地志。在榮陽縣西二十里。一名三皇山。亦曰三室山。又名敖歸山。史記。秦昭王四十三年。攻韓汾陰。拔之。因城河上。廣武。或以爲卽此地也。戴延之西征記。三皇山上有二城。東曰東廣武。西曰西廣武。各在一山頭。相去二百餘步。汴

水從廣武澗中東南流。今澗城各有三面。在赦倉西。郭綠生述征記。山上一澗。橫絕相對。皆立城壘。遂號東西廣武。漢四年。漢王黠河內。引兵渡河。復取成臯。軍廣武。就赦倉倉。又項王已定東海。西與俱臨廣武。而軍既而項王即漢王相與臨廣武。問而語。皆此處也。今東廣武亦曰楚王城。西廣武亦曰漢王城。唐武德四年。竇建德教王世充。軍于成臯。東原。此即東廣武。世民拒建德于虎牢。北濟河。南臨廣武。察敵形勢。此即西廣武也。志云。廣武山連亘五十里。其麓東跨滎澤。南跨汜水。傍有小山名金山。又武濟山。在縣北十餘里。即廣武山北之支隴。以地連孟津。相傳周武王從此濟河。故曰武濟。宋元豐以後。范子淵等議導洛通汴。屢請于武濟山麓修隄置壩處也。

赦山

在縣西二十里。皇甫謐曰。殷仲丁自亳徙。置即赦也。水經注。濟水又東經赦山北。山上有岐。即仲丁所遷。周宣王薄狩于赦。左傳宣十二年。晉師在赦郢之間。秦時立赦倉于此。二世二年。陳勝將由咸自滎陽西迎秦軍于赦倉。敗死。漢二年。漢王軍滎陽。築甬道屬之河。以取赦倉粟。酈生說漢高據赦倉之粟。是也。惠帝六年。修赦倉。武帝曰。洛陽有武庫。赦倉。天下衝阨。王莽地皇三年。以東方兵起。遣楊浚守赦倉。光武建武二年。遣蓋延南擊赦倉。安帝永初元年。調潁水縣穀輸赦倉。四年。虞詡爲朝歌長。謁河內太守馬稜曰。朝歌去赦倉百里。賊不知開倉招衆。規庫兵守成臯。此不足憂也。建安四年。曹操濟河。降射犬。還軍赦倉。括地志。赦倉在滎陽縣西北二十五里。石門之東北。臨汴水。南帶三皇山。射犬見懷慶府。

牛口峪

在縣西北二十五里。亦作牛口渚。竇建德與世民戰于虎牢。自板渚出牛口置陣。北拒大河。西薄汜水。南屬鷓山。亘二十里。及戰。大敗。建德置于牛口渚。爲唐所擒。

黃河

在縣北十三里。自滎陽縣流入界。又東入滎澤縣界。宋大觀三年。詔沈純臣開掠兔源河。河在廣武壩對岸。分減壩下漲水也。宣和二年。復浚治焉。後廢。

石門渠

縣西二十里。滎澤受河之處。即禹貢導滎水之道。亦曰滎口。蘇代曰。決滎口。魏無大梁。魏公子無忌所云。決滎澤而水大梁者也。或曰。即秦王貢引河濟灌魏都之處。司馬貞曰。滎澤口與汴河口通。水深可灌大梁。始皇二十六年。王賁斷故渠。引水

東南灌大梁。謂之梁溝。水經注。濟水又東合滎潰於此。亦兼郟之稱。左傳宣十三年。晉楚之戰。楚軍于郟。卽是水也。潰水受河有石門。謂之滎口石門。後漢永平中。河流入汴。兗豫皆被其害。明帝使王景修治。處也。又靈帝建寧四年。于敖城西北壘石爲門。以遏凌儀渠口。水門廣十餘丈。西去河三里。渠水盛。則通于河。水耗則輟流。魏黃初中。大水。是後河濟泛溢。鄧艾議開石門以通之。晉武帝時。復壞。傅祗爲滎陽太守。乃造沉萊堰。於是兗豫無水患。咸和三年。石勒擊劉聰于金墉。使石虎進據石門。永和八年。殷浩北伐。遣河南太守戴施據石門。升平二年。稽葛攸擊燕。入自石門。屯于河洛。太和四年。桓溫伐燕。使豫州刺史袁真攻譙郡。梁國。開石門以通水運。真克譙。而不能開石門。水運路塞。旣而慕容德等率騎屯石門。斷溫糧道。五年。苻秦王猛克燕洛陽。燕慕容威擊敗秦兵于石門。太元九年。後燕慕容垂稱王于滎陽。自石門濟河。長驪向鄆。太元十五年。朱序自洛陽引還襄陽。留別將朱蕪戍石門。義熙十二年。劉裕伐秦。遣沈林子劉遵考將水軍出石門。自汴入河。魏太和二十年。將如嵩高。至汴口而還。周齊之間。更名汴口堰。隋開皇七年。使梁濟增築漢古堰。過河入汴。自是更名梁公堰。大業初。又開通濟渠。自板渚引河。歷滎澤入汴。胡氏曰。大河自板城渚口東過滎陽縣。衰蕩渠出焉。是渠南出爲汴水。漢之滎陽石門。卽其地也。唐開元二年。河南尹李傑奏。河汴間有梁公埭。歲久埭破。南方漕不通。請自故渠漕之。從之。公私便利。十四年。洛陽人劉宗器請塞汜水舊汴河。於下流滎澤界開梁公堰。置斗門通淮汴。明年。新漕填塞。行舟不通。乃命將作大匠范安及檢行鄭州河口斗門。疏決舊河。旬日而畢。廣德二年。劉晏爲轉運租庸使。至河陰。鞏洛見宇文愷梁公堰。廝河爲通濟渠。視李傑新埭。盡得其利病。于是轉輸無阻。後周顯德五年。漕汴口導河流。達于淮。江淮舟楫始通。六年。復命王朴如河陰。按行河隄。立斗門于汴口。旣又命韓令坤導汴入蔡。以通陳穎之漕。胡三省曰。自漢築滎陽石門。而濟與河合流入海。不入滎潰矣。舊志。石門在滎陽山北一里。餘詳大川汴水。

清水。在縣東北。卽濟水舊流也。晉太安十二年。成都王顯自鄆舉兵內向。逆屯河南。阻清水爲壘。卽此。

八澗隄。

在縣西。水經注。河水又東。逕八澗隄。漢安帝永初元年。命謁者于岑於石門東。積石八所。皆如小山。以捍衝波。謂之八澗隄。

河口倉。

在石門西。亦曰武牢倉。唐時江淮州運。悉至東都含嘉倉。俄車陸運三百里至陝。開元二十年。用裴耀卿議。置倉于汴水達河之口。二十二年。又于河口置輪場。東置河陰倉。西置柏巖倉。江淮舟運。悉輸河陰倉。更用河舟轉運至東都。陝州倉大歷中。劉晏掌漕運。以為江汴河渭。水力不同。教漕卒以江船達揚州。汴船達河陰。河船達渭口。渭船達太倉。河陰倉即河口倉也。元和十年。淄青叛帥李思道。遣盜攻河陰。轉運院焚穀帛。以救淮西。蓋時以河口倉為轉輸中頓之處。柏巖見孟縣。

麻田。

在縣境。晉永和八年。姚襄率其衆自滎陽而西。與苻秦將李歷等戰。于麻田。為歷所敗。胡氏曰。滎洛間有豆田麻田。各因時所種而名之。

汜水縣。

州西百十里。西至河南府鞏縣六十里。汜讀曰凡。今俗呼曰似水。古東魏國鄭之制邑。亦曰彼。昭元年。諸侯之大夫會於彼。又名虎牢。秦屬三川郡。漢置成臯縣。屬河南郡。魏晉因之。劉宋於此置司州。北魏秦常中置豫州。後又置豫州於汝南。以虎牢為北豫州。太和十九年。改置東中府於此。以縣屬滎陽郡。東魏天平中。復置北豫州。兼置成臯郡治焉。後周置滎州。隋改鄭州。俱治於此。開皇十八年。改成臯曰汜水縣。大業初。屬滎陽郡。唐初。仍屬鄭州。顯慶中。改屬洛州。垂拱四年。改曰廣武。神龍初。復曰汜水。會昌三年。改屬孟州。宋初。屬洛州。元豐初。復屬孟州。今編戶十四里。

屬孟州。今編戶十四里。

成臯城。

在縣西北。劉昫曰。唐武德四年。分汜水置成臯縣。貞觀初省。顯慶二年。移汜水縣治武牢城。神龍初。復故開元二十九年。復移於武牢。縣北有故成臯城。

虎牢城。

在今城西。自古戍守處也。劉宋永初末。毛德祖守虎牢。魏奚斤等攻圍二百餘日。毀其外城。德祖于內更築三重城以拒之。魏又毀其二重。德祖惟保一城。晝夜相拒。久之。糧盡。魏乃陷。通典。城側有廣武城。東魏將陸子章增築虎牢城。其城築帶。

山阜北臨黃河。絕岸峻瀕。以爲險固。城西北隅有小城。周三里。北面臨河直上。升眺清遠。勢盡川陸。武德二年。將軍張季琨襲王世充。汜水城入其郭。卽武牢城也。賈至云。關上二城。一則張飛城。一則呂布城也。輿地廣紀。汜水縣有故虎牢城。有汜水關。東南有成。阜故關。西南有旋門故關。通釋。成阜關在汜水縣南二里。近志謂今城卽故關城之界也。今虎牢關故關。通釋。成阜關在汜水縣南二里餘。成阜。虎牢。最爲險要之地。自古嚴戍守也。

方山

在縣南四十里。山海經。浮戲之山。汜水出焉。是也。或謂之玉隴山。又有鷓山。在縣東南數里。又縣有三山。上有三峯。

九曲山

縣西二里。其山自下而上。有乾溝相間。上有呂布城。○紫金山。縣南五十里。西與白玉嶺相對。

罍子谷

在縣西。卽成阜之關口。唐天寶十四載。封常清拒安祿山于武牢。賊至敗走。收餘衆戰于葵園。又敗。後唐同光四年。李嗣源入汴。帝自汜水關西還。過罍子谷。道狹。每遇衛士皆慰撫之。旣而李嗣源入洛。自罍子谷而西。葵園在罍子谷南。

黃河

在縣城北一里。從河南府鞏縣而東。落水入焉。李世民與竇建德相持于武牢。建德欲俟唐軍牧馬河。北乃襲武牢。世民于是北濟河南臨。廣武。留馬千餘匹于河渚。以誘之。蓋河洛之交。多牧馬之渚云。

汜水

源出方山。水經注。汜者。水決復入之義。音凡。後訛爲巳。汜水北逕虎牢城東。又北注于河。左傳昭二十二年。子朝之亂。王師軍于汜。又項羽大司馬曹咎守成阜。渡汜水擊漢。士卒半渡。漢擊之。大破楚軍。隋大業十三年。虎牢鎮將裴仁基等自汜水西入。

與東都合兵攻李密等于洛口。東都兵先敗。仁基引還。唐武德四年。李世民擊竇建德。東涉汜水直薄其陣。顯慶二年。幸許州。敗于潁水。南至汜水曲。

板渚

津名也。在縣東四十里。水經注。河水過成阜而東合汜水。又東逕板城北。有津。謂之板城渚口。又東過滎陽縣。莫蕩渠。出焉。隋大業初。開通濟渠。自板渚引河。歷滎澤入汴。唐武德四年。竇建德救王世充軍于成阜。東原築宮板渚是也。

竹蘆渡

在縣東建炎二年岳飛敗金人于汜水關駐兵于此與敵相持選精銳三百伏前山下令縛芻爲交炬熱四端而舉之金人疑援兵至驚潰

古嶠關

即虎牢也在縣西二里志云一名車從關又玉門成臯西門也宋時西關門亦曰玉關戰國竈周武王有玉門之難漢三年漢王自滎陽收兵復保成臯項羽進兵圍之漢王跳獨與滕公出玉門渡河走修武楚遂拔成臯張晏曰玉門成臯北門候

也又有厄井在縣東南七十里漢高祖與項羽

戰敗于京索嘗通入此因名詳見重險虎牢

黃馬關

在縣西十五里水經注河水逕黃馬阪北又東而逕旋門阪晉咸和三年劉曜攻金墉關石勒濟河來救始議增滎陽戍杜黃馬關蓋關在黃馬阪因名

旋門關

在縣西南十里即旋門阪曹大家西征賦陟伊洛之交流看成臯之旋門是也漢靈帝時河南八關之一自旋門而東至板城渚口皆成臯關之道